

續修四庫全書

《續修四庫全書》編纂委員會編

續修四庫全書



上海古籍出版社

七一七・史部・地理類

周莊鎮志六卷首一卷

〔清〕陶煦纂

南潯鎮志四十卷首一卷

〔清〕汪日楨纂

杏花邨志十二卷首一卷末一卷

〔清〕郎遂纂

六一九

周莊鎮志

增康甲見開錄

光緒庚辰季冬開
雕壬午孟冬工竣

序

余宰元和歲久得與邑之賢士大夫游聞周莊陶君子春閉戶著書是不入城市蓋隱君子也歲辛巳余以事赴鄉時擬修新志而邑乘久缺苦無依據從陶君處得舊志

周莊鎮志序

君道化出未獲良晤心益嚮往今夏陶君以所作周莊鎮志見示屬為序言以弁簡端余受而讀之其紀載詳明搜羅富而有體例仍復謹嚴有合於古人志乘之義不獨彰典不忘可以備一方之掌故而擇言

尤雅庶幾佐使者之輜軒將未縣志之修即可藉是編以為考核其始選厚惠為至窮已至其筆墨之博綜其核簡潔明備讀者自能詳之固在俟余言之贅述也是為序

周莊鎮志序

光緒壬午六月

賜進士出身

誥授中議大夫三品銜補用府知元和縣事年愚弟陽學先頓首撰



周莊鎮志目錄

卷首

凡例

圖

卷一

界域

水道

勝蹟

物產

卷二

周莊鎮志目錄

公署

附善局

第宅

橋梁

卷三

祠廟

冢墓

附坊表

卷四

風俗

人物

卷五

列女

流寓

釋道

卷六

雜記

周莊鎮志目錄

十二

周莊鎮志卷首

凡例

一 周莊鎮在蘇州府城外東南六十里元和縣之一隅也西南毗連吳江縣界東接松江府之青浦縣界跨兩府三縣其風土人情物產有非府縣志所能詳者茲將本鎮及四圍附近六七里之鄉村采輯成編以備一方掌故第末學寡聞尚多望漏閱者諒之

一 吾鎮向有章騰龍貞豐擬乘成於乾隆癸酉至嘉慶戊辰始得陳總增輯付梓陶金梭撰周莊志亦止於乾隆甲申且未脫稿自戊辰至今已閱七十餘年其間人材輩出聞見日增

周莊鎮志卷首

凡例

十一

苟無紀載必致湮沒不彰是編戊辰以前悉本擬乘復采府縣各志戊辰以後廣搜故家譜牒碑誌及徵之父老傳聞詳慎纂錄

一 周莊巡檢司所轄八都一百三十七箇界域遼濶且俱在鎮北及西北隅而鎮西南與附鎮東南隅者皆非所轄茲就近鎮六七里內蒐錄不以巡司所轄為限惟都箇鄉里村鎮橋梁則全附焉以備稽核

一 此地湖蕩紛環港浜疊出茲以本鎮水道詳載於前復以近鎮大湖之著名者分列於後其鄉村支河概未之及
一 鎮小且僻勝景寥寥然近水遙山平林脩竹春秋佳日雅足

流連自前輩創為八景著之詠歌迄今不絕至古人遺蹟皆確有依據非裝點附會者比因並錄之而前人攬景記事之作或詩或文間附一二於後

一物產惟載近地所出者其有向係誤傳即為更正至製造之法間亦附及

一凡設官防遏者謂之鎮周莊自康熙元年設千總一員十三年改設把總外委各一員乾隆二十六年始設巡檢司同治十一年又設淞南營水師茲於公署後將巡檢司淞南營原奏章程悉為附錄而公所善局亦載焉

一第宅必係名人所居或為前輩社集之所著有詩文傳播當時始行采錄

周莊鎮志卷首 凡例

二

一鎮本水區橋梁頗多無論大小均為列入惟鄉村略約無名可紀故但存石橋之有名者

一祠廟本祠祀廟宇併作一部不另立寺院者做洪亮吉淳化縣志例也至各志多不載尼庵而吳地後記有尼寺院故並錄焉

一冢墓皆屬古人之彰彰在耳目前者或係墓碑近時出土而稽其人實有可傳之事即為采入其坊表亦附後

一鎮之界域元和為圭而風氣則於吳江為近即一縣內之俗尚亦或不同茲擇其合於鎮者載之

一人物據府縣志及擬乘所載復博采於他書而近世之人則廣稽輿論必確鑿可稱者乃為列入惟志書人物率皆分類今以人數無多故仍合而為一

一擬乘所載列女未旌者多陳氏增輯時轉有遺脫自同治間設局采訪遂使潛德幽光靡不闡發茲編於擬乘外悉本照所采報者間從各縣志及旌表姓氏錄增入其續有所得并未旌者別為補遺以附焉

一流寓必其人居此已久始為著錄若偶焉託足或無確據可考者概不濫列

一釋道因寺院屢經興廢俱無遺籍可稽茲就擬乘所載復采各志及近世者錄之

周莊鎮志卷首 凡例

三

一雜記府志分類為六而他志亦多有分類者茲因事蹟無幾恐類多則歧類少則有不類及無類可從之事故第以年代為次也至咸豐庚申以迄同治甲子粵賊鼠踞官軍攻勦照別有庚甲見聞錄二卷亦同付梓故記中不贅及

一是編部次原本擬乘而併其沿革地界為界域八景古蹟為勝蹟廟宇祠墓為祠廟而冢墓獨立一部冥果異聞俱入雜記詩文即附各部中做范成大吳郡志例也此外所增者惟公署第宅並卷首諸圖而已

照自甲戌歲承乏府志采訪之役凡屬元和者均躬歷其

地而於近鎮六七里內尤詳審搜羅欲因是以輯鎮志蓋
府志有定例人地事物必擇其尤著者載之而鎮志則凡
略有可稱者皆節取也初脫稿商諸楊明經引傳多所是
正而斟酌損益則從弟然為最力至始終校錄兒子惟增
惟抵任之經四易稿而後成卷首諸圖八景則弟燾所繪
鎮及村則兒子惟坡所繪適前年籌助豫賑鎮中舉行茶
捐繼復移動晉賑直賑賑事竣因請於錢太守卿鈺以此
欸為刊刻鎮志及他善舉之用俟敷用即議撤太守許之
遂於庚辰冬杪付梓孰意從弟已不及見矣

光緒八年歲在壬午夏四月里人陶煦子春氏謹識

周莊鎮志卷首

凡例


四



周莊鎮志 卷首

周莊鎮圖

周莊鎮志卷首

五





鯨魚鏗華鐘百八聲聞香衝破鶴林煙
耿々天光曉蕩水驚眠龍撼樹飛宿鳥
扶桑日初升空際白雲逸耳根證圓通
一悟萬緣了如何應邨郭塵夢猶擾々

右金福曉鐘



周莊鎮志卷首

十

指歸春望



佛閣何崔巍春深更眺望披襟風日和
縱日川原曠菜花終布金夢穩細搖浪
縹雲卷遠村紅雨漂新漲韶華能幾時
轉眼生惆悵彼岸示指歸恐人昧所向

右指歸春望



周莊鎮志卷首

十一

鉢亭夕照



規江漁唱



周莊鎮志卷首

三

洗鉢懷雪公築亭恣游眺軒窗面清池
一抹留斜照林間鴉影翻天末霞光耀
遠山開畫圖吟客添詩料誦經感優覺
當日拈花笑心水閱滄桑禪心悟空妙

右鉢亭夕照



南湖秋月

周莊鎮志卷首

三

規江打魚舟載網時出沒欸乃柔艣鳴
宛轉清歌發送響度前溪微風生蘋末
家依菰蒲鄉醉眠雲水窟只知天地寬
不愁波浪濶一曲入浦深呼起吳淞月

右規江漁唱



右遊南湖畔湖面如鏡平圓輝皎秋夕
水月涵空明纖翳不能蔽此境真復清
蚌珠與蛻彩相鬪誰精瑩光騰星斗掩
影射魚龍驚惜無海岸槎萬里乘風行

右南湖秋月



周莊鎮志卷首

丙



莊田落雁


翩、隨陽雁來自天一涯江南稻梁足
何處不可家在田少人迹四圍叢蘆葭
呼羣此棲託矰繳知無加半鉤遊新月
數點飛落霞琴瑟少欲寫按譜翻平沙

右莊田落雁



周莊鎮志卷首

圭



急水揚帆

急水匯衆流通道走百瀆連橋挂輕帆
 乘風勢更速排如雁聯行駛如馬逸足
 斜拖出岫雲倒掛垂崖瀑前程縱無阻
 款側駭旁騰回看釣魚船安穩江干宿

右急水揚帆



周莊鎮志卷首

東莊積雪

陶燾



散盡粟千倉積成雪萬頃荒蕪舊東莊
 何幻繁華景闕棗白銀高窗封雪母冷
 瑤臺十二層咫尺皆仙境寒鴉晚不啼
 老鶴杳還警尋梅東陌頭思陰散竹野

右東莊積雪

陶燾

周莊鎮志卷首

七

周莊鎮志卷一

里人陶煦重輯

界域

周莊鎮舊隸蘇州府長洲縣雍正三年縣分爲二遂隸元和鎮西偏兼隸吳江縣相傳爲宋迪功郎周君佚其名收穫設莊之所故名地屬元和之貞豐里鎮有貞豐橋故又名貞豐初係村落白金二十相公和隨宋高宗南渡僑居於此人煙漸密元季沈萬三秀之父祐由湖州南潯鎮徙居東坨始闢爲鎮前明遷肆於後港鎮西多墳墓鮮民居 本朝康熙間東西二柵俱成閘閘而後港寥落矣

鎮隸元和縣者十之八隸吳江縣者十之二隸元和者屬蘇臺

周莊鎮志卷一 界域

十一

鄉貞豐里南二十六都鎮東則一畝嚴字圩鎮中則二畝中江字圩鎮南則二畝南江字圩鎮北則三十六畝下江字圩隸吳江者屬久詠鄉二十八都鎮西則三十九畝北友字圩鎮西南則三十九畝化字兩圩東界大東坨港港東卽隸松江府青浦縣南界南湖並新開河南岸卽隸吳江縣西界投字港隸吳江縣北界急水港隸元和縣廣三里袤二里自鎮東至青浦之朱家角鎮三十六里至青浦縣城四十八里東南至青浦之金澤鎮二十里至章練塘鎮四十里南至吳江之莘塔鎮十二里至蘆墟鎮二十里西南至吳江之北庫鎮十八里至黎里鎮三十六里西至吳江之鹿村鎮十八里至

同里鎮二十七里至吳江縣城四十五里北至元和之陳墓

鎮十八里至六直鎮三十六里東北至崑山之楊滄涇鎮俗稱

洋湖 四十里西北至蘇州府城之葑門六十里至江甯省城

六百里至 京師二千七百八十里按元和縣志載京師陸路四千七百八十里江南省城陸路五百里水路五百四十里今遵內府輿地圖及府志核計

附近六七里內之鄉村在鎮北及西北隅者曰耘田港曰南沙

港元和縣志曰廟浜曰趙浜曰繆浜曰韓鎮曰祈莊曰三朱作南沙涇

浜曰東田肚曰雙廟曰西田肚曰北田肚曰張家港曰林家

浦曰楊家浜曰高田浜曰七家浜曰蔡家浜曰荷花池曰王

家浜曰許家港曰陳家浜曰仙鶴漚在東北隅者曰錢王浜

周莊鎮志卷一 界域

二

曰白家浜曰質洞曰東管村曰黃家浜曰冷家灣曰賴村曰秀王浜曰北錢王浜曰王家灣曰北朱家浜曰祝家田以上俱隸元和縣在鎮東及東南隅者曰朱家浜曰道堂浜曰田肚曰北聖浜曰匠人浜曰朱家河曰東張家浜曰王巷曰馬家浜曰官字圩曰龍字圩曰蘆青灣曰南許曰北許曰車六庫曰陸家灣曰四成址港元和青浦交界以上俱隸青浦縣在鎮西及西北西南隅者曰江澤曰西蒲塘曰東投氣曰西投氣曰黃泥浜曰陳許曰黃墩港曰雪巷曰北印曰蕭莊曰同字曰長渠曰角字曰大港曰陳家浜曰南莊曰孫家浜曰潯陽灣曰張家浜曰支潢浜曰任家灣曰吳家埭曰龍涇曰長浜曰

石佛浜曰三家村在鎮南及東南隅者曰許莊曰善灣曰西
岑曰吳家村曰蕭田曰寺巷上曰楓里橋曰二畝港曰東渚
以上俱隸吳江縣其嚴字圩東南隅之東垞箬涇東之東浜
永安橋東之銀子浜下江字圩西北隅之寺前北友字圩西
北隅之胡家圩雖附於鎮亦鄉村也至巡司所轄各地名從
縣志備錄於左

周莊巡檢司所轄都督鄉里村鎮橋梁共八都一百
三十七畝

一畝 華家浜 河泊所 二畝 金家橋東 小橋浜
干將涇 竊浜 葑門塘 五畝 西板橋東 馬王

周莊鎮志卷一 界域 三

浜 六畝黃天蕩
北灘 厓上 張家厓 九畝金涇滄南灘
獨墅湖北灘

花柳村 賽公橋 老鼠浜 十畝 桑家橋 匠門
塘 秋塘浜 溫曹村 十一畝 何家堰頭 翁家浜

蔣姆思橋 十三畝 仰家莊 申明亭基 十四畝
陳司涇橋東屬十
五畝 慶陵橋 富墓涇 十五畝 羅

家橋西 二十一畝金涇滄
北灘 東沿村 二十二畝 華

氏浜 北顧村 華宅前 蔣巷村 西莊 二十三畝
竹園浜 吳阡浜 圩田村 萬寧蕩 俞橋 陶家

浜 西過 二十五畝金涇滄
北灘 南莊 東浜 西奚巷
四安橋 雞陂港 官開涇 斜渡口 石家堰 葛

莊 二十九畝 陳家浜 周家角
二十四都副扇陳公鄉金樓里

三畝 太保浜 井亭橋浜 四畝 普福橋俗名小
黃石橋

桑橋浜 秋塘浜 居家村 東板橋 七畝黃天蕩
北灘
十里涇 石礮浜 灣塘裏 八畝金涇滄
南灘 葑溪二堰

橋俗名黃
石橋 韓家舍 徐巷村 遺庵橋 十二畝 匠
門塘 盈宿橋 劉安浜 仰家村 張家浜 十六畝

金涇滄
北灘 洋涇橋 黃泥浜 鴨腳涇 十七畝 蔣浜
彭港 朱施 尹家橋 木香港 十八畝 楊家村
何家浜 顧村橋 觀上 褚司涇 十九畝 夏母

周莊鎮志卷一 界域 四

浜 四馬涇 邵濱涇 二十畝金涇滄
北灘 渡船口 唐

家浜 北葉村 鳳皇涇 葉家浜 火刀浜 趙巷村
江涇 二十四畝金涇滄
北灘 南斜莊 北斜莊 官開

涇 庵浜 郭家莊 蠡塘口 二十六畝金涇滄
西灘 曹
家田 蔣巷港 張濱橋 二十七畝金涇滄
西灘 蔣巷

師姑田渚 朱巷涇 二十八畝金涇滄
北灘 璩巷村 陸

金壩 三十畝 華家橋 金家橋
中二十六都正扇蘇崑鄉貞豐里

六畝東至青
浦縣界 冷家灣 東管村 賢行港 八干渠
祝家田 顏村 八畝 湯灣 金家蕩 胡盧漫 田

雞浜	秀王浜	十畝	鴨頭灣	戴浜	祝家浜	張
家浜	十一畝	中塘港	符箕港	孫妃港	宅前	
二十畝	池家浜	孫家浜	清水港	三十九畝	陳湖	東灘
寢浦廟	長緯路	吳家灣	狹港	縣志	未載	
中二十六都副扇	蘇臺鄉貞豐里					
七畝	東至青浦縣界	下長汎	小圩	朱家浜	王家	
灣	九畝	浦家店前	南鶴田	錢王浜	十二畝	
西宅港	龍亭	羊家浜	十三畝	和尚田港	塔上	
官場涇	十四畝	蟠龍浦	龍亭			
南二十六都正扇	蘇臺鄉貞豐里					
周莊鎮志卷一 界域 五						
一畝	東及南俱至	周莊南柵	永安橋	世德橋	銀	
子浜	四成址港	東垞	十八畝	白蜆江	西田肚	
大營浦	楊家浜	二十二畝	搖城湖	北灘	水東浜	
季家田	搖城	三十八畝	陳湖	盛德	方家河	石
家浜	北一畝	陳湖	舍灣	東蔣塢	塹頭	北二畝
陳湖	南田澗	西蔣塢	塹頭村	塔上	梅家帶	
西灘	三畝	東至青	耘田港	質洞	三十六畝	西至吳
莊北柵					江縣界	周
南二十六都副扇	蘇臺鄉貞豐里					
二畝	西及南俱至	周莊西柵	貞豐橋	四畝	趙浜	

南沙涇	急水港	俞家浜	陳家浜	廟浜	十五	
畝	韓鎮	祈莊	下坵浜	十六畝	陳湖	南灘
繆浜	大營浦	黃泥坵	長樂里	十九畝	白蜆江	西
灘	張家港	林家浦	石頭坵	二十一畝	南至吳	江縣界
行涇	橫港	二十三畝	陳湖	盛德	梅樹灣	冰窖
浜	浪打川	水車浜	三十七畝	南至吳	東田肚	
許家港	雙廟	朱里浦	北沙圩	仙鶴澗	縣志	未載
二十七都正扇	蘇臺鄉貞豐里					
三畝	鏤潭村	西操	小龍港	北五畝	朱家浜	
大姚	寺河	吾家浜	譚家港	白渠洋	八畝	田
周莊鎮志卷一 界域 六						
肚浜	薛家浜	橫港橋	聖場	烏兒嘴	十畝	和
尚莊	西庫浜	長坵	盆浦	南五畝	白家浜	錢
王浜	織洞	厓上	錢家庫	十七畝	高田浜	馮
家橋	朱里浦	太婆浦	王家浜	二十四畝	西車	
坊	姚家浜	潭墩坵	洛陽橋	二十六畝	吳淞	東
車坊	錢家田	邊巷	二十七畝	上潭	李家圩	
王家潭	陳家浜					
二十七都副扇	蘇臺鄉貞豐里					
四畝	陳湖	大姚	陳夏浜	金釵浦	小龍港	六畝
長坵	石墩港	沽台涇	陸店橋	七畝	王墩浜	

墓港	師姑堤	古塘	塘二十三畝	西至吳江縣界	居家廟	
連家滙	新開河	塘二十四畝	西至吳江縣界	徐家浜		
龍翔灣	塘二十五畝	南至吳江縣界	祝家田	王家壩	夾	
浦橋	東境屬吳江縣	十三洛	塘四十一畝	西及南俱至吳江縣界	蕩	
油港	瓜涇港	東西兜				
中三十一都正扇	尹山鄉堵城里					
塘十一畝	姜莊	邵搭裏	九盛	蔡浜	邵浜	費
漚	塘十二畝	西至吳江縣界	下田	王家浜	蝦籠浜	馬
河橋	鮎魚堤	塘十三畝	朱塔浜	錢家村	金家	
村	油車堤	洋山蕩	黃泥堤	杭家浜	塘十四畝	
周莊鎮志卷一 界域 九						
迷圩田	尤家浜	王家浜	三家村	尹山橋	百	
花港	濟川橋	連射橋	南町港	桃花港	寶帶橋	
塘十五畝	莊後	長山港	馮墓涇	長船灣	無	
常墩	塘十六畝	尹山	尹山鎮	購師橋	廟橋	
錢家山	塘十七畝	烏盆港	北浜	柵東	孔家涇	
龍涇港	外白田	磨灣裏	螞蝗渚	茨姑灣	顧	
儲橋	張鳳浜	鵝鴨浜	鸚鵡浜	塘十八畝	絲網	
漚	尹山鎮	塘十九畝	桃花圩	九曲灣	郭家浜	
邵福漚	許家浜	棉花漚	王土涇	錦帆涇	雙	
壩	廣連橋	鵝樓浜	塘夫浜	塘三十九畝	尹山湖	

九曲	徐家浜	善浦橋	南深港	殷家浜		
中三十一都副扇	尹山鄉堵城里					
塘東十四畝	褚墩湖	韓家浜	武家浜	計家浜	楊	
家庫	塘三十二畝	六浦橋	橫港	南浜	水西村	
蘆墩	何浦漚	塘三十三畝	張家浜	吳家浜		
張家涇	白田港	馬巷港	義塚	塘三十四畝	月	
河漚	萬步頭	桑園浜	蕭家浜	塘三十五畝	吳淞	
蛟龍圩	葛朱浜	馬家斷	馬巷	簍子浜	塘三	
十六畝	九里湖	外田	太平橋	灣船漚	蔣家浜	瑤
草灣	何家港	運田漚	塘四十畝	褚墩湖	下北浜	
周莊鎮志卷一 界域 十						
永濟橋	俗名大橋	西官浦	王家浜	沈家灣	三元村	
確坊頭	袁家港	太平橋				
北三十一都正扇	尹山鄉堵城里					
塘一畝	浜北圩	青洋地	計家庫	陸家村	烏紗	
浜	採蓮涇	鹽倉基	銅錘浜	水綠涇	塘二畝	
燒香橋	張家角	燈草橋	通仙橋	塘三畝	西至吳江縣界	
藕梢浜	陳家庫	香花橋	邵瀆涇	馬形墩	道	
士橋	塘四畝	褚臺湖	道士圩	朱家村	季家岸	
新開漚	王家村	簍帽浜	蟹眼涇	道婆墩	猪頭	
蕩	破簏浜	豐樂橋	塘五畝	王家田	白腳港	

百腳橋	外概渚	夏圩	荊家浜	塘六畝	中潭港
西長浜	姜家港	斑魚渡	塘上八畝	河田裏	
王巷村	朱涇橋	塘十畝	郭巷	沈婆浜	於家浜
潘家浜					
北三十一	都副扇	尹山鄉塔城里			
塘七畝	和尚圩	九盛裏	查家浜	湯家浜	宋家
浜	塘下八畝	獨墅湖	王家田	獨墅村	燒人浜
塘九畝	郭巷	馬村	塘十二畝	油車埭	上西港
中西港	下西港	烏泥涇	南深港	陳王墓浜	
塘十五畝	尹山湖東灘	王老涇	塘兩村	浮曹	
周莊鎮志卷一 界域					
百文浦	寺莊	四百畝田上	塘十七畝	北高村	
橫港村	嚴家村	社倉港	黃沙浜	周婆浜	塘二
十五畝	楊家浜	直利涇	郭家浜	崔涇浜	塘三
十七畝	錢底潭	高墊	金園裏	湯家浜	太平橋
白龍潭	十里涇	布浦塘			

水道

鎮中水道南北直流在嚴字圩西江字圩東曰富安橋河南至報恩橋外曰南湖北至全功橋北曰急水港其過東支流進永安橋曰銀子浜至金鉤釣月灣中折而南曰簕涇直通南湖而跨水多架屋不能通舟楫其過西支流二一進梯雲橋曰中市河一進太平橋曰後港中市河過西至貞豐橋外曰西灣漾漾北支流二一進通秀橋直北曰油車漾再北迤西至寺前港出白蜆江一進瑞福庵西曰北友港再西北至胡家圩亦出白蜆江漾西出聚寶橋折南過東曰新開河通南湖中有過北一浜在南江字圩化字圩之間舊通西灣漾爲

周莊鎮志卷一 水道

元和吳江分界後經壩斷築屋其上故稱壩基又有南湖相近過北一口通大魚池係道光中年所開後港過西至福洪橋外即油車漾中有過南一浜曰楊家潭過北一浜進青龍橋曰小橋浜再北折東舊通洗鉢亭前之池今其浜亦漸淤矣雍正元年里人將合鎮河道濬治乾隆三十六年春又濬嘉慶二十四年秋褚天一募捐重濬同治十二年秋戴起曾又募濬其新開河係康熙五十年清遠庵僧曉一募開時於河中掘得石佛十餘座身高尺許跌坐蓮花至今清遠庵中猶有存者

鎮中諸河因漁者多方搜捕道光二十四年請於府作爲放生官河出示禁約示載余治得一錄

環鎮湖蕩紛如碁布其附近者西北曰白蜆江北曰急水港東

北曰和尚渠南曰南湖東有繞嚴字圩由急水港分流而南經東垞村至南湖者為小東垞港再東繞父字圩者為大東垞港西有繞化字圩由白蜆江分流而南者為投字港亦名東町港過東至聚賢橋者為十景塘折南再東至南湖者即新開河投字港之東有一浜舊稱海魚港今已壩斷其去鎮數里及十數里者西北曰陳湖北曰太史田東北曰長白蕩東曰澱山湖東南曰元蕩西南曰三白蕩西曰孫家蕩自白蜆江北通陳湖者為蕭田湖其東通太史田者為朱里浦俗稱朱靈在蕭田湖口亦通太史田者為大營浦自急水港北通太史田者為耘田港為廟潭港再北過王家港為天花蕩其

周莊鎮志卷一 水道

七

北灘即金家蕩村也自和尚渠東北通長白蕩者為下段港為紅廟港青浦縣志作執洞港與元和分界處再東為鰻鱧洲青浦縣志有莫萊洲疑即此迤南為王巷蕩為朱砂港出澱山湖自下急水港東南通澱山湖者為栲栳灣為沙田為石人廟青浦縣志作石神廟自南湖東南通元蕩者為翁家港為老鷹蕩為寺巷港為楓里橋港自南湖之南通莘塔鎮者為寶鹽港中折而東在善灣村前為宗家蕩再東為倪家路吳江縣志作義家路出元蕩又過西在長浜村前為葦菜蕩自南湖西南通三白蕩者為三家村港為龍涇蕩吳江縣志為江龍橋作江家湖為南莊蕩自十景塘西通孫作龍眼蕩為江澤港為棹棹湖吳江縣志作江澤蕩為楊家蕩其餘支河

汶港脈絡相聯未能悉數也

白蜆江 在鎮西北袤九里廣亦如之北連蕭田湖直通陳湖西南俱屬吳江縣有急水江自西北至東南橫互其中即古之東江也按史記正義蘇州東南三十里名三江口一江西南上七十里至太湖曰松江即古笠澤江一江東南上七十里至白蜆江曰上江亦曰東江一江東北下二百餘里入海曰下江亦曰婁江張國維水利全書云白蜆江為澱山湖發源之處由澱入海相傳此江波浪最險曾有異人來言江底有九泉某日某時見有紅蝦九浮於水面以鐵柱從蝦浮處釘下可以塞此泉里人如其言果驗得為安瀾然遇風逆輒

周莊鎮志卷一 水道

八

不能行 明姚廣孝風阻夜泊白蜆江口懷徐賁詩顛風渡江難停櫓依菱葑濤煙翳暝光灘月浸寒夢漁歸候火明覺眠忌蘆動遇險更思君陡覺離愁重 急水港 在鎮之北白蜆江西北行至沐莊湖名曰上急水港自白蜆江東南行至澱山湖名曰下急水港長二十餘里徑闊水深流亦較急為松江漕艘運道俗稱糧船路接太湖之洩龍山湖者其東北流之水俱入吳淞江其東流之水由九里湖沐莊湖入上急水港歷白蜆江復趨下急水港至石人廟出澱山湖其陳湖之水分流蕭田湖者亦由白蜆江入

下急水港此港爲白蜆江上承下注之所卽東江故道也
和尚渠 俗稱北白蕩在鎮東北袤三里廣二里西自大王廟
至東南栲栳灣俱屬急水港此爲港之廣闊瀦蓄處猶南之
沙田也其東北由下段港紅廟港分注長白蕩故水勢甚急
遇有風波幾至斷渡

南湖 本名張矢魚湖俗稱南白蕩在鎮之南袤三里廣亦如
之晉張季鷹翰唐陸魯望龜蒙嘗釣游於此劉夢得禹錫罷
郡後亦曾寓湖濱此湖水清而味冽以之釀酒勝他處相傳
湖底有酒缸羅列云惟風浪作時每易覆舟卽報恩橋下之
水亦多奔流急湍也

周莊鎮志卷一 水道

五

陳湖 距鎮西北十二里廣十八里周六十里相傳爲邑聚所
陷又名沉湖太平廣記載此爲陳縣有獅眼流紅之說事實
近誕然當水涸時其中街衢井甃歷歷可辨餘如上馬石墓
道田畝界石不勝枚舉且有拾得銅鑼鐵鏈及器皿什物者
又湖濱寢浦禪林明弘光元年所鑄鐘有天寶六年春地陷
成湖等字其爲沉也無疑矣按上馬石殆如周禮乘石所登
上車者歟故老傳說似亦有據
李實陳湖八景詩積砂曉鐘云積砂古刹廢何年留得鐘
聲詩裏傳野鶴獨吟清淺月松濤空響寂寥禪更無賈客
移船泊惟有殘僧閉戶眠草徑元師遺塔在蕭蕭黃葉感
前賢大姚夕照云姚村落照色蒼黃遙望羣山接大荒數

縷殘霞浮水面一彎新月破溪光丹楓更覺流輝麗紅寺
還疑射影長牛背笛聲歸去晚天邊竹樹漸微茫蓋濠酒
肆云前村茅店酒旗斜疑有相如住此家竹葉香聞春十
里杏花色醉路三叉漁翁把盞邀明月客子銜杯坐落霞
紅粉當壚轉愁絕鄉心一片付歸鴉席墟漁火云席墟村
畔泊漁舟點點疎螢映水流絲網半明浮白動蓬窗漸掩
小紅收妻兒笑語蒹葭夜鴻雁飛鳴蘆荻秋說向煙波名
利客不如高卧醉江頭寢浦歸帆云蒲帆片片掛斜暉客
思蒼涼寢浦歸風裏白雲兼岸動水邊黃葉隔江飛畫圖
杳藹移村寺蘆荻蕭疎過釣磯明月權歌鄉路近不知煙

周莊鎮志卷一 水道

六

霧溼人衣瀟田落雁云荻蘆蕭蕭雁初歸雲水無邊野稻
稀斜日片帆隨影度暮霞孤鷺入行飛陣迷午夜虛弓引
曲譜平沙妙手揮一幅瀟湘開畫本天涯兄弟兩依依搖
城秋月云波光月影接搖城一望長空分外明稍蟹出游
窺夜色草蟲閒坐作秋聲蘆花斷岸霜同白楊柳荒隄水
共清我欲題詩迎皓魄更闌人靜薄煙生張陵暮雪云東
西兩寺古陵寒六出霏微向暮看梅萼香含先傳粉楓林
凍徹尚餘丹印來鴻爪人初靜點到漁蓑夢未闌縹緲光
搖迷畫夜山中高卧有袁安

太史田 距鎮北三里袤五里廣三里相傳爲宋賈似道田莊

湮沒成湖當水淺時見有古井數口想亦人居稠密之所迨今僅六百年茫茫煙水彷彿陳湖令人深滄桑之感

長白蕩 距鎮東北六里袤十里廣三里北近陳墓鎮西通明

卿蕩直接陳湖東注鱖鱸洲經王巷蕩朱砂港出澱山湖其南有南上支流曰長連湮由沙田石人廟亦出澱山湖蕩之南屬青浦縣北屬元和縣

澱山湖 亦名群澱湖距鎮東十二里廣三十六里袤十八里

湖之西南屬吳江縣東南屬青浦縣北屬崑山縣青浦縣志載源自白蠟江急水江而來周圍幾二百里北由趙屯浦東由大盈浦瀉於松江東南由爛路港以入三泖按太湖之東

周莊鎮志卷一 水道

七

流者至此而瀦潮汐之西來者至此而平凡吐納眾水之處以此湖為雄長焉

元蕩 青浦縣志作龍蕩距鎮東南七里廣十二里袤六里東

屬青浦縣近金澤鎮西屬吳江縣近莘塔鎮其西南分三白蕩之流注於八門蕩以入澱山湖當風水相激巨浪連天為最險要處

三白蕩 距鎮西南十里三蕩相連自西北至東南廣十五里

袤四里分湖在其南唐湖在其西風波之險甚於他處故諺有之曰蘆墟三白蕩無風三尺浪

孫家蕩 俗稱孫家場距鎮西五里袤六里廣三里蕩之北即

同字村故稱同字蕩西承元鶴蕩分流由楊墳蕩而來東注楊家蕩及棹繚湖再東至南湖達元蕩此蕩雖非巨浸亦瀦水之區也

周莊鎮志卷一 水道

六

勝蹟

全福曉鐘 全福寺在白蜆江濱為鎮之古刹喬木陰森梵宮
隱現舊鐘相傳飛去繼經重鑄當龕燈斂光林鳥欲起蒲半
一吼幽夢全蘇真所謂欲覺聞晨鐘令人發深省者也是為
八景之一 寺舊有鐘康熙初有異僧來募此鐘寺眾笑許
之是夜大風雷雨鐘忽不見繼知在東鄉圓化寺離此二百
餘里雍正間東房僧衡玉訪至其處寺已圯而鐘故在欲請
歸禱於佛不許而止乾隆三十八年方丈僧德立募鑄新鐘
重三下餘觔懸於殿左聲聞數里後為孕婦所撞忽裂一縫
而聲頓殺矣

周莊鎮志卷一 勝蹟

九

徐稜詩蕭寺吼蒲牢煙林一杵送老僧多事忙打破千家
夢陶元照詩古寺發晨鐘華胥睡正濃迷關千疊鎖安得
喚重重陶甄詩不宿深山寺何來吼巨鯨龕燈猶隱現江
霧半昏明覺夢開雙樹迷津喚五更震聾拯孽海始信佛
多情

指歸春望 指歸閣在全福寺中高聳江干疏櫺四啟眼界空
明水天一碧際春光明媚之時遠山浮眉平疇如繡人家屋
宇翼出天桃柳間殊令人目不暇給是為八景之二

陳總詩傑閣崔嵬時水濱開來登眺好陽春桃腮杏靨迎
眸豔燕語鶯啼入耳新容我拈花參古佛笑他拾翠競遊

人分明指示西歸意銷盡芳華自出塵戴其相詩有閣聳
然峻極崔嵬憑欄眺遠容與徘徊春長春短乍去乍來佛
笑拈花高坐蓮臺指我迷途歸哉歸哉

鉢亭夕照 洗鉢亭在永慶庵文昌閣後背東面西前臨清池
旁有古柳一株垂絲拂水蓋百年物也每遇夕陽初下返照
入檐波影搖金霞光散綺登斯亭者恆日暮忘歸是為八景
之三 章騰龍貞豐擬乘載八景有雨花春曉小橋流水迨
陳總增斬因雨花庵雜處尼姑而小橋則已淤塞故以指歸
春望鉢亭夕照易之鉢亭者乾隆二十年里人陶金梭所建
道光二十三年文昌閣為大風所傾亭亦圯矣初建時金梭

周莊鎮志卷一 勝蹟

三

與同人作詩唱和而張寓翁達為之記文極古雅詩亦多有
可觀者今采錄如左

張寓洗鉢亭記宇內之境足以供人樂者何限世人役役
窮年日與俗緣相摩憂隔此真趣白香山之句曰人生貴
自適適外復何求胸中積塵萬斛無由洗滌安得蕭閒清
曠一見本真耶吾友陶子退思於周莊鎮北之永慶庵喜
其規模蹊徑有宏以敞者有幽以邃者獨惜無登臨之處
以縱遐觀乾隆壬申住持僧雪鴻度庵之西偏創文昌閣
萬象豁呈遠山黛色近江帆影莫不參差掩映於雲樹間
閣成之日退思偕同儕往登焉周覽俯睇疑有闕焉者笑

指謂僧曰登覽之趣備矣然臨池獨少一亭豈竟無取於水耶遂謀建亭於其下傾囊成之顏之曰洗鉢引以為貞豐八景之一憑欄四顧方池面西渟泓澄澈荇藻參差落霞倒映當花開月照魚泳鳥飛景備四時塵無一點真足暢幽情於晨夕消俗慮於胸懷奚啻可滌釋氏之鉢真堪洗吾儒之心矣宜乎一時騷人墨客游目騁懷相與賦詩流連以共鳴其適而不能自己也噫月榭風臺所在多有類皆湮沒不傳而晉之蘭亭特以四十二人雅集永和之什至今稱道弗衰是則勝地之於翰墨又曷可少哉俞達洗鉢亭記洗鉢亭者鎮北永慶庵之後亭也在余池上草

周莊鎮志卷一 勝蹟

三

堂之右偏背東面西上蔭古柳下俯清池可以送夕陽留落月延春芳挹秋爽鳥飛魚泳觸目天機波光雲影沐浴梁棟間地雖不逾十笏登斯亭者何童身遊八功德水耶先是庵久荒蕪殿閣傾圮乾隆壬申頤浩寺雪鴻和尚來此住持里人為之脩其殿宇新其樓閣雪鴻與其徒志堅翦其荆棘除其瓦礫亦既青蓮植而紫竹森矣欲構亭池上方未暇也陶子退思韻士也適遊於茲耳曰盥濯心脾澡雪喟然歎曰何不急亭於此乃謀諸同好且傾囊以落之踰年而亭成思所以顏之謂雪鴻曰此亭遠飲西山之翠近吸東江之流古人口吸西江吾師其口吸東江乎當

名之曰吸江雪鴻曰吾奚足以當之然秉教沙門以來衣鉢猶存吾其於此浣吾衣洗吾鉢乎退思遂顏之曰洗鉢余嘗借退思憇是亭而有私憾焉憶余少愛閒靜癖於山水而乏買山貲幸所居瀕東江屋後一椽曰池上草堂堂之前後皆池也朝夕吟咏於此或茶一甌或酒一瓢臨池而飲之醉則頰面濯足醒則洗盞更酌春花秋月夏雲冬雪四時之間未嘗或輟自謂此樂足以秘而私之餘人不得奪也今洗鉢亭成翼然時於堂右向之所謂佳勝悉為遊人分去余能無憾於懷耶退思笑曰君亦聞夫眾香鉢乎香積以鉢食眾一人食之不見其多千萬人食之不覺

周莊鎮志卷一 勝蹟

三

其少又何有景之能奪且更為君增一亭榭之觀而反以為憾耶余笑而應之系之以詩曰亭占草堂勝平分水一灣流觴看我醉洗鉢見僧閒鷓鴣借桐枝宿魚銜柳絮還開軒兩無礙期與客同攀陶金梭乙亥夏五同人登洗鉢亭詩傍水亭高築池光映帶幽柳深容鳥宿蘋密任魚游習靜偕玄度清談對貫休憑欄觀滌鉢煩暑散成秋鄭鶴姿和詩招提新結構洗鉢一亭幽出定僧閒憇逃禪客共游披襟天地濶接座利名休蘋末微風起形神爽似秋沈天和相和詩背寺新亭暢縈池古木幽鳥從波面度魚傍柳梢游載酒情何限烹茶語未休禪心如鉢淨相對證千秋俞

錫書和詩亭在水之曲乃得山之幽分彼運甓力膠此浮
杯游結構忘歲歎亭於癸酉經始適值年荒詠歌答時休家風尚有鉢
洗濯無春秋陸椿和詩禪房何處好池畔小亭幽自具清
涼界何妨汗漫游趣從閒裏別心到逸時休最愛牆邊柳
依依獨耐秋陶鑑和詩古院無塵地池亭一徑幽當窗青
嶂列繞樹白雲游月照禪心寂波淘俗慮休狂吟翰仲氏
寫盡碧天秋僧能綏和詩吾安禪室僻君愛水亭幽樹卽
千年古魚仍八德游身心同洗濯生死等浮休相約持香
鉢寧論春與秋

蜺江漁唱 白蜺江濱爲漁人晾網處得魚換酒不醉無歸興

周莊鎮志卷一 勝蹟

三

至扣舷此唱彼和遠水斜陽牧笛間作幾不知有塵世間事
是爲八景之四

徐汝璞詩蒹葭深處一聲歌江上清音屬和多莫訝行吟
來澤畔半船明月卧漁蓑俞達詩夕陽紅半江秋水碧千
頃可惜扣舷歌不曾逢獨醒朱霞燦詩蜺江江水十餘里
何來一片歌聲起漁舟三五唱晚天明月蘆花淺水邊江
鄉最美漁家樂烟波爲宅天爲幕銅斗一拍水調高併入
天籟風蕭蕭

南湖秋月 南湖在報恩橋外秋水澄清之候皓魄當空萬籟
息喧一珠高揭光彩四射不數巖社湖矣是爲八景之五

沈偉烈詩蟾宮倒影入龍宮穆穆金波下上同一片空明
雙激射遊人如在玉壺中戴其相詩秋宵氣清水波鄰鄰
偶來踏月南湖之濱皎然色相湛然精神是一是二非假
非真水耶月耶今日前身

莊田落雁 莊田在清遠庵南一獨圩也俗稱蒲田蘆荻叢生
環護隄岸鴻雁來時點點從空中下幸免罹羅於焉棲啄是
爲八景之六

俞達詩君從何處來吾鄉無矢石相期莫浪飛機械過彈
射陶元照詩迢迢江南路莊田景如故稻梁雖可謀無動
弋人慕戴其相詩有鳥有鳥辛苦隨陽豈好隨陽言謀稻

周莊鎮志卷一 勝蹟

四

梁農夫之慶千倉萬箱山南山北網羅高張莊田莊田何
如故鄉

急水揚帆 白蜺江之東南爲急水港直達澱山湖松江水漕
由此北上乃運道之總口舳舻銜尾帆影蔽空乘風破浪瞬
息百里登高遠望亦水鄉一奇景也是爲八景之七 自道
光末改行海運不復覩此景者三十年家弟然欲以淞南水
操易之余以爲國家漕政隨時變更安知將來不復行河運
耶姑仍其舊以俟後人

朱霞燦詩太湖東注水流急蘇松百瀆呼吸糧艘買航
會此鄉蒲帆百幅饗風疾三泖烟微舉日遙九峰雲黯回

頭失綵鷁飛來趁晚湖銅鳥鳴處銜朝日君不見人生得意亦乘船破浪長風利莫匹宦海波濤何日無眼前道路真如漆戴其相詩如雁排空如馬并轡如捲飛瀑如行平地水急舟輕不泊風利境有順逆勢有難易為語榜人莫鳴得意

東莊積雪 東莊地在桃花庵外本名東倉相傳為沈萬三積粟處每值同雲密布六出紛飛枯樹著花平疇種玉幽人詩思正不必在灞橋驢背上也是為八景之一

陶元照詩晴鵲莊前噪朝暎又上門凍雲流一片寒意護詩魂戴其章詩東莊一望荒煙踏凍渾忘地偏茅舍竟成

周莊鎮志卷一 勝蹟

三

玉宇青疇已作藍田尋詩客在驢背訪舊人來鶴船積粟倉中幾許空餘積雪年年

搖城 在鎮西北陳湖之濱本吳王子封地攷越絕書吳王封少子搖於蘇城東南三十里今南二十六都二十二畝之搖城旁有山曰搖山湖曰搖城湖其為故封無疑後係越搖君所居甫里志載越王搖於漢高祖時佐諸侯平秦封之以奉越祀俗稱姚盛者誤

尊菜蕩 在鎮西南長浜村之前東通賣鹽港周不及三里而中多暗墩舟行易滯相傳為張季鷹采尊處中有一巨魚青苔滿背人不敢捕又二畝港之東有尊鱸港亦以季鷹得名

質洞村 在鎮東北急水港濱宋韓蕘王管屯兵以禦金又分駐一旅於澱山湖西其地曰韓上村蓋亦以王得名王去後留副將石仔鎮守一遵韓王約束民賴以安因建石神廟俗為石廟供奉其像至今香火不衰康熙四十年質洞村人掘得古錢數甕想係當年犒軍所遺乾隆間南湖水涸撈得酒瓶甚多兩頭尖銳識者知為韓瓶即背危軍所負者插桃梅花枝於中能結實殆以久淪水底得地氣故歟

銀子浜 為沈萬三之園居湖石尚存浜盡處有水一泓下通

泉源紆迴曲折旱歲不枯上築小邱名曰金鈎釣月見楊循吉蘇談

水底有古墓堅實完固未知所葬何人其以銀子名浜者殆

周莊鎮志卷一 勝蹟

美

因萬三之多金歟或云是當年鼓鑄處

縱目亭 在鎮東南荷花池畔徐氏之別業也前對南湖只隔

一隄風帆沙鳥朝旭夕霞四時佳景一覽而盡乾隆間為馬

道士所居亭已圯矣

張冷縱目亭晚眺詩數畝方塘一鑑明隔隄巨浸更澄清

漁帆下上隨風轉霜葉翻飛點浪輕戲水鷗兒分浦宿歸

村樵牧望烟行頽然白髮亭前坐遙見蘆花拍岸平

全福寺古井 中房天香深處有井一口欄鐫義井二字相傳

有老媪積傭工資所鑿惜不能攷其姓氏今井久填塞而禪

房亦一抔荒草矣

全福寺古榆 藥欄房一名大樹房庭前有古榆一株干霄蔽

日鎮中稱喬木焉乾隆中為雷所擊遂枯

徐波亂後過周莊全福寺喜大樹無恙詩樹表湖濱寺高

秋風力強深根窮暗井黃葉被諸房坐鎮如山黑垂陰入

夏涼亂餘斯得免呵護歎靈長

全福寺詩碣 大殿右壁嵌一碣縱尺橫倍之鐫草書七律一

首作者為新安龍池散人程鑰過能禪師山堂時明萬曆庚

辰夏日也能禪師不知為誰程亦不知何人其下一印章

曰上應列宿殆耶官歟

程鑰夏日過能禪師山堂詩為愛西來法界空談禪避暑

周莊鎮志卷一

勝蹟

三

向瑤宮竹迴鐘閣聲兼雨花映香臺影著風三復換鷺看

倒薤幾番歸鳳聽焦桐殿庭秋色湖光入恍坐蓬萊絕島

中

物產

稻之屬 香秈稻 一種紅芒者最佳粒細早白稻 有芒無芒

晚白稻 亦名蘆花 熟時甚香 熟時甚香 熟時甚香

而性柔矮腳八哥 有早熟晚熟二種 熟時甚香

有兩翼近地自庚申 粒光潔細巧其名八哥者以此飛來鳳

亂後始得此種故名 金裹黃 問有白而早蘆和亦名飛來晚

蘆和 八月銀條和 客種粒香珠糯餅餌 鰻鮑稍 皮薄性軟

毛糯 亦名羊鬚糯 黃梗糯 亦名黃瓜 虎皮糯 亦名蟹殼

糯 亦名紫皮糯 有百曰糯 熟木樨球 八月矮腳糯 不宜馬

糯之屬 大麥 古謂之牟有白者名芋 鄉人以爲饋遺青嫩

周莊鎮志卷一

物產

三

時碾去其皮俗呼小麥 古謂之來磨細爲麵甚白或和煮熟

麥之屬 蠶豆 亦名蠶豆 細小初夏青粒較東鄉者 豌豆 亦名

菽之屬 蠶豆 亦名蠶豆 細小初夏青粒較東鄉者 豌豆 亦名

即菓菜江北人多取爲蔬食或入煎肉作品 豌豆 亦名

燕松或入肴饌有燕豆長豆 又名沿江十八粒俱鮮食或連

燕乾或入肴饌有燕豆長豆 又名沿江十八粒俱鮮食或連

籬豆 亦名籬豆 嫩時連莢作蔬食 雞豆 粟 亦名珍珠米

如珠剖取煮食性軟味甘勝於他處 雞豆 粟 亦名珍珠米

蔬之屬 芥菜 亦名芥菜 抽葉後分抽枝葉間小白花 莖菜

油菜 冬種春生 抽葉後分抽枝葉間小白花 莖菜 芥菜

種菜小葉柔而赤者曰馬齒莧 芥菜 食之辣故稱芥辣可醃

向次不令照其根也花似木權而大從根至向日葵出岸金
 頂之盤隨丈每幹頂上紫者多俗呼蜀心秋葵俗名側金
 形如淡黃如蜜心深紫朝芙蓉結角之池蕩益俱岸
 葵而色亦繁枝出有尖如龍爪然荷之鎮南魚池岸
 若指白極盛鳳仙花紅紫白翅尾俱紅點俗呼酒
 故亦稱荷池岸鳳仙花紅紫白翅尾俱紅點俗呼酒
 金微有裂故名急子名取花頂結苞老雞冠有長脚
 時微有裂故名急子名取花頂結苞老雞冠有長脚
 種其色紅紫綠久有性紅紫白翅尾俱紅點俗呼酒
 鴛鴦名玉色紅紫綠久有性紅紫白翅尾俱紅點俗呼酒
 亦名玉色紅紫綠久有性紅紫白翅尾俱紅點俗呼酒
 小名玉色紅紫綠久有性紅紫白翅尾俱紅點俗呼酒
 名種大玉色紅紫綠久有性紅紫白翅尾俱紅點俗呼酒
 石蒜亦可作藥合味六神生用之野菊甚如蔥管
 而無

周莊鎮志卷一 物產

圭

木之屬 楊柳 葉向者曰楊垂下者曰柳 柳村俱植 木
 開紫花至冬葉落 槐 庭者甚奇 僅存片皮仍生枝葉 一
 脫垂子繁 槐 庭者甚奇 僅存片皮仍生枝葉 一
 村戴宅兩多植之 鎮 桂 庭者甚奇 僅存片皮仍生枝葉 一
 西戴宅兩多植之 鎮 桂 庭者甚奇 僅存片皮仍生枝葉 一
 其枝葉及柏枝插飯米上 庭者甚奇 僅存片皮仍生枝葉 一
 并熱以送實仰女貞子柏道院一萬壽庵兩株最古澄虛
 推所 推所 推所 推所 推所 推所 推所 推所 推所 推所
 羽之屬 麻雀 於叢樹竹簷下羣鳴 十姊妹 亦名游香俗呼相思
 成雀飛 鴉 俗名老鴉 問大嘴烏也 結巢甚大 絕不
 鳴不飛 鴉 俗名老鴉 問大嘴烏也 結巢甚大 絕不
 乾則性惡 呼人皆問 其哥 剪其舌端也 鳴而語甚純黑
 噪則性惡 呼人皆問 其哥 剪其舌端也 鳴而語甚純黑
 雉俗名野雞 亦呼野雞 備五彩 俗名野雞 亦呼野雞 備五彩
 雄腹紅尾長 似鷓鴣 備五彩 俗名野雞 亦呼野雞 備五彩
 有之俱白 而似鷓鴣 備五彩 俗名野雞 亦呼野雞 備五彩

其母者不離故詩 魚虎 亦名翠鳥 即翡翠 小者善捕
 人取以雅 青 鴻 色 出 鵲 俗 音 之 似 鸚 鵡 而 大 似 水
 飾而也 青 鴻 色 出 鵲 俗 音 之 似 鸚 鵡 而 大 似 水
 鳩常在水 中 釣 善 人 至 脂 鴨 腳 連 尾 不 能 起 鵲 而 大 似 水
 行而曲如 中 釣 善 人 至 脂 鴨 腳 連 尾 不 能 起 鵲 而 大 似 水
 以線束其 頭 龍 運 村 人 多 以 此 為 業 駕 小 舟 載 十 數 魚
 放於湖中 得 鵲 則 鳴 亦 飛 不 俗 名 鵲 鳩 有 越 燕 往 破 性 拙
 之或生卵 以 雌 鴨 而 砂 者 為 最 鵲 鳩 有 越 燕 往 破 性 拙
 殊砂之異 以 雌 鴨 而 砂 者 為 最 鵲 鳩 有 越 燕 往 破 性 拙
 天將雨則 鳴 逐 月 而 啼 燕 亦 有 越 燕 往 破 性 拙
 則呼之則 鳴 逐 月 而 啼 燕 亦 有 越 燕 往 破 性 拙
 多在堂梁 上 胡 燕 亦 有 越 燕 往 破 性 拙
 而聲大作 喜 上 胡 燕 亦 有 越 燕 往 破 性 拙
 頭上蒼白 喜 上 胡 燕 亦 有 越 燕 往 破 性 拙
 毛身有白 喜 上 胡 燕 亦 有 越 燕 往 破 性 拙
 捕此鳥者 喜 上 胡 燕 亦 有 越 燕 往 破 性 拙

周莊鎮志卷一 物產

圭

毛之屬 豬 鄉間豕養母豬每產有二三十斤 屠肆所
 俱毛白而 幸 不 過 六 七 斤 肉 皮 薄 遠 勝 他 處 羊 所
 之羔至秋 可 宰 其 毛 亦 可 為 筆 犬 計 也 昔 有 鎮 人 貧 而 防 戶
 食牽其犬 縛 於 屠 肆 門 戶 未 嘗 離 見 之 以 青 犬 三 百 餘
 羣稱爲水 獺 亦 有 狗 形 似 犬 而 可 為 領 袖 犬 獺 似 犬 較 矮
 義居其全 福 寺 後 殿 下 居 食 魚 皮 可 為 領 袖 犬 獺 似 犬 較 矮
 甚多其皮 可 為 領 袖 犬 獺 似 犬 較 矮
 鱗之屬 鯉 魚 他處鱗多黑色 此地
 燈前夏必 用 菜 花 魚 亦 名 鱖 魚 僅 少 兩 腮 耳 項
 有寒新夏 必 用 菜 花 魚 亦 名 鱖 魚 僅 少 兩 腮 耳 項
 以新筍煮 之 稱 鱖 魚 亦 名 鱖 魚 僅 少 兩 腮 耳 項
 食之味最 鮮 俗 名 鱖 魚 亦 名 鱖 魚 僅 少 兩 腮 耳 項
 扁肉嫩 魚 俗 名 鱖 魚 亦 名 鱖 魚 僅 少 兩 腮 耳 項
 而味映 魚 俗 名 鱖 魚 亦 名 鱖 魚 僅 少 兩 腮 耳 項
 也映虎魚 善 食 蝦 俗 名 鱖 魚 亦 名 鱖 魚 僅 少 兩 腮 耳 項

周莊鎮志卷二

公署 附善局

里人陶煦重輯

鎮為澤國四面環水港汊紛歧湖河聯絡咫尺往來皆須舟楫苟無鄉導則波浪迷途菱蘆蔽岸一經深入莫辨東西是以粵賊踞蘇城且四年而吾鎮獨未被擾者蓋以天然險要守之較易故也然易守者亦宵小所易伏 國初湖寇出沒曾駐劄總兵一員在全福寺即楊公承祖 康熙元年設城守營千總一員駐防周莊管轄長洲崑山各汛十三年改設周莊汛把總一員經制外委一員時借居清遠庵東鄉約所內乾隆間移駐六直鎮帶兵八十名專防封門外水陸汛口十三處

周莊鎮志卷二 公署

咸豐三年分派把總駐防陳墓鎮經制外委駐防周莊鎮仍借居鄉約所光緒三年撥增汛口二處歸周莊汛管轄
周莊汛管轄封門外水陸汛口十三處撥增汛口二處
關廟汛陸汛 接渡橋汛以下水汛 寶帶橋汛 黃花橋汛
高墊汛 塘浦汛 大姚汛 周公北汛 周莊汛 陳墓汛 六直東口汛 六直西口汛 尚明澱汛 尹山橋汛以下接增 夾浦橋汛
巡檢司署 在鎮南清遠庵西本庵僧慧傳所遺禪房四進即先 樓乾隆二十六年江蘇巡撫陳文恭公宏謀疏請六直鎮巡檢司移駐周莊鎮二十七年八月初任吳巡司錦購此改建

為署道光三年大水漫淹巡司寓居封門外草野灣而署遂空閉二十九年復經水患圯毀無存同治二年六月里人稟請巡司蒞鎮即賃民房為公館至今因之

移駐周莊巡檢司部議

乾隆二十六年十月初九日吏部等部為彙請移駐官員分防彈壓以裨地方事文選司案呈吏部鈔出江蘇巡撫

陳宏謀題前事等因奉

旨該部議奏欽此會議得江蘇巡撫陳宏謀疏稱江蘇地廣事

煩州縣耳目難周常資佐雜分駐協理其間地方情形先後不一職守繁簡彼此懸殊理應因地制宜隨時酌定以

收地方之益查蘇州府元和縣之六直鎮界連崑山新陽

二縣支河汊港四通八達為宵小出沒之所地方緊要雖

有巡檢微員未足以資彈壓請將元和縣縣丞移駐六直

鎮崑山新陽二縣之附近村莊并令兼轄其原駐六直鎮

巡檢查有元和縣周莊一鎮地廣河多請將六直鎮巡檢

移駐周莊改為周莊巡檢司其攢典皂隸弓兵等役各仍

其舊至六直鎮巡檢衙署已於乾隆二十三年經部覆准

興建尚未領銀建造應即改建縣丞衙署毋庸另議其周

莊巡檢衙署應另行確查估計再元和縣縣丞既移駐六

直原管水利事務查有崑山縣主簿並無專司事件應請

周莊鎮志卷二 公署

直原管水利事務查有崑山縣主簿並無專司事件應請

改隸元和縣專司水利崑山主簿向有門子皂隸馬夫仍
合照額募充并請元和縣縣丞換給元和縣分防六直鎮
縣丞印記六直鎮巡檢換給元和縣周莊巡檢司印記其
崑山縣主簿向無鈐記今改為元和縣主簿專司水利並
非分防地方照舊毋庸請給以上各缺均屬緊要應請嗣
後俱定為要缺在外揀選崑山縣主簿今請改隸元和縣
所有該員廉俸及門子皂隸馬夫工食應即改編元和縣
於地丁耗羨項下照例支給其六直縣丞周莊巡檢廉俸
役食均照原編支給毋庸更改謹會同兩江總督臣尹繼
善合詞具題等因前來查該撫等疏稱江蘇地廣事煩州

周莊鎮志卷二

公署

三

縣耳目難周常資佐雜分駐協理應因地制宜隨時酌
定以收地方之益等語應如該撫等所稱蘇州府元和縣
六直鎮地方既係緊要巡檢不足以資彈壓准其將元和
縣縣丞移駐六直鎮崑山新二縣之附近各村莊准其兼轄
其原駐六直鎮巡檢准其移駐周莊改為周莊巡檢其攢
典皂隸弓兵等役亦各仍其舊所有該縣丞巡檢廉俸役
食准照原編支給毋庸更改六直鎮巡檢衙署該撫等既
稱已經准建尚未領銀建造應准其即改建縣丞衙署毋
庸另議其周莊巡檢衙署應令該撫速即確估造冊送部
查核其縣丞舊署應作何辦理之處一併查明報部元和

縣丞原管水利事務該撫等既稱查有崑山縣主簿並無
專司事件應准其改隸元和縣專司水利門子皂隸馬夫
等役仍合照額募充以上各缺准其定為要缺在外揀選
咨調其現任各員是否勝新移要缺之任應令該撫等
查明到日再議崑山縣主簿今改隸元和縣所有該員廉
俸及門子皂隸馬夫工食應改隸元和縣於地丁耗羨項
下支給報銷等因乾隆二十六年十二月初一日奉
旨依議欽此

乾隆二十七年七月接准 吏部咨開元和縣六直鎮移
駐周莊鎮巡檢准其將吳江縣分湖巡檢吳錦調補附入

周莊鎮志卷二

公署

四

月分彙題先行知照令其赴任辦事可也
八月撫憲飭知該員調赴新任辦事即委興建衙署
陞府李 行知元和縣周莊巡檢一員劃分管轄該縣周
莊鎮等處鄉汛八都一百三十七局凡係緝捕盜賊盤詰
姦偽等項事宜均聽該巡檢解縣究治餘俱仍循其舊
計開劃分管轄都畝 二十四都正副扇三十畝 中二
十六都正副扇十一畝 南二十六都正副扇十六畝
二十七都正副扇十七畝 二十九都正副扇十七畝
南三十一都正副扇十三畝 中三十一都正副扇十七
畝 北三十一都正副扇十六畝

二十八年十月藩憲飭領 禮部頒發乾字一萬二千六百五十八號元和縣周莊巡檢司印記一顆乾隆二十七年七月日禮部遵卽領到開用

歷任巡司無從稽考茲以最著名者附載於左

唐上基字載宏湖南瀘溪縣廩貢生官於鎮八年初係署事繼卽實授公正廉明恩威並著里人爲上鎮俗宜民頌額乾隆四十二年丁憂去任母櫬在署貧不能舉衆爲醵金以送之乃得歸

喻榮疆字朴堂江西南昌縣附監生嘉慶間在任六年除暴安良士民悅服好屬文頗簡淨陳繩增輯貞豐擬乘序

言是其手筆

周莊鎮志卷二 公署

五

袁鍾琳字亦齋浙江錢塘縣附貢生隨園之姪父知官山西雁平道年七十而生鍾琳早歲工舉業主試者奇其文擬爲元會疾作搗之入卧室而昏不知人乃易以他卷及愈榜已定遂見遺鍾琳因是棄去授例以巡檢分發江蘇候補繼入吉勇烈公爾杭阿幕補吳縣角頭司咸豐庚申七月賊陷西洞庭山鍾琳赴太湖殉難適遇救至上海李爵相鴻章委辦金澤釐捐先是吾鎮蔣巡司文斌於庚申六月丁母憂時值道梗卽以印信交太湖廳太湖廳轉交鍾琳權管及至上海藩司遂令其兼署同治癸亥經里人

稟請始涖鎮儒雅風流時與諸同志詩酒往還甚相得也甲子春招在鎮生童集其公館爲文會供備飲食一月兩舉親定甲乙前列者贈以書籍自是文風大振震澤莊人寶吳江陳麟於是歲冬及丁卯科先後領鄉薦乙丑秋院試入泮者九人羣頌鍾琳獎勵之功丙寅夏回任西山送行者衣冠塞道詩卷盈篋極盛焉

淞南營遊擊署 同治七年曾文正公國藩奏設裏河水師五營其一卽淞南營也十一年復奏續議章程擬建署於周莊鎮之西隅部議均報可卽於是歲九月到防營官遊擊一員初任葉哨官中軍守備一員千總三員把總七員外委六員公廣全

周莊鎮志卷二 公署

六

舢板礮船十八號以二號爲總巡餘分四哨左哨駐本鎮右哨駐青浦之河圖浜前哨駐九里湖後哨駐平望鎮光緒四年五月經署營官廖協鎮德旺暨工程局馮委員渭元和陽邑尊肇先勘購得鎮北下江字圩民田二十七畝有奇以作操場卽爲署基

改設淞南營水師奏議

大學士調任兩江總督臣曾國藩奏爲酌議江蘇水師事宜恭摺仰祈

聖鑒事竊臣擬酌改江南水師營制業於本年四月初七日附片陳奏大概在案伏思釐定新章必須參稽舊制查中樞

政考所載江南水師向分海內河兩支外海兵六千七百七十六名官一百一十八員內河兵八千零二十一名官一百三十三員其船數則無可稽考道光二十四年前督臣璧昌奏稱江南舊例營船二百七十五隻業已破廢不堪另造舳板船一百三十五號大舳船十二號等語約而計之其船不過裝載二千數百人額定之兵尚有萬餘人無船可載有水師之名無舟楫之實不能不大為變通講求實際竊謂水師之多少宜以船隻之多少為斷無船則兵無用武之地官為虛設之員欲定水兵之額數必先籌口糧之入款兼籌修船之經費即如外海船隻需用廣

周莊鎮志卷二 公署

七

艇紅單拖櫓之類每造一號動費數千金夾底者或萬餘金加以大小修整繩索損具子藥礮械所費更為不貲上而火輪兵船用款尤鉅下而舳板小艇需費亦繁竭江蘇之物力不過辦船百餘號裝兵三千餘人而止其不能不大裁舊制之兵酌減舊設之官者勢也至於養兵之餉舊制水師亦照綠營之例有馬糧戰糧守糧等名目平日或小質營生或手藝餬口尚不足以自存今既責令常住船上不得不稍從優厚故長江章程兵糧月支二兩七錢或三兩不等較戰糧已加一倍較守糧幾加二倍今議江蘇水師亦宜仿照長江之例外海則尚須畧增自軍興以來

綠營之兵無功各省之勇著績兵丁亦頗以平素餉薄為詞今欲一兵收一兵之用不能不酌增口糧者亦勢也惟既增出款即須籌入款長江之餉五省各留釐卡一處係出於常賦之外臣尚以太多為慮江蘇水師則經費出自司庫斷不能於正額之外添出無著之餉尤不可徂抽釐之說留一永遠之卡溯查乾隆四十七年增兵六萬有奇其時大學士阿桂上疏陳論以為國家經費驟加不覺其多歲支則難為繼臣國藩於咸豐元年在侍郎任內奏請裁兵即引伸其言歎為遠慮今日整理水師豈肯盡背其言江蘇水師嘉慶道光年間每歲用銀若干蘇省無案可

周莊鎮志卷二 公署

八

稽此時約畧計算總不使新章之銀浮於舊制之外如其不敷更須酌裁陸兵以補救之不獨江蘇為然也即沿海各省整頓水師均須核算餉項如使新餉果浮於原數即應兼裁陸兵以酌濟水餉蓋水師久無戰船非修造兩三年不能集事陸路縱缺額兵苟募勇兩三月即可成軍陸路則有事招勇無事裁撤水路則製器於多年取用於一旦權衡緩急海疆似以水營為重其他省之但有陸兵并無水師者縱不遠議裁撤趁此中原大定之際亦可將出缺之弁兵緩至二十年後再議募補將來重募之日儘可做浙江之例大減額兵酌加口糧此又因節省經費而兼

籌陸營之計也謹議江蘇水師事宜十四條營制十六條
繕具清摺恭呈

御覽伏乞

敕下各衙門詳細會議歸於至當凡畫臣奏事每畏部臣駁詰
亦古來之恆情獨至此等大政則不畏駁詰且惟恐其不
駁惟恐其少駁目前多一詰難日後少一愆尤不特求部
臣再三駁詰即江蘇前後各任如協辦大學士湖廣督臣
李鴻章在蘇省用兵最久洞悉水陸情形兩江督臣馬新
貽在浙江辦理減兵事件講求已熟江蘇撫臣丁日昌素
有捍禦外洋之志并請

周莊鎮志卷二 公署

九

敕下李鴻章馬新貽丁日昌各抒所見將江蘇水師船政妥為
核議務使外防與內盜并謀舊制與新章兼顧臣雖離兩
江倘有所見仍當續行陳議期於利多弊少不特江蘇為
然即長江水師亦乞

敕下沿江五省督撫隨時察看如有不妥之處三年以內儘可
奏明斟酌損益臣斷不因係初議之人稍存迴護之見臣
之微意不過欲使中國兵勇以舟楫為室家以海洋為坦
道庶幾事以屢試而漸精人以狎水而漸壯至於船式如
何而後善營制如何而後強自當博采羣言不敢畧執成
見也一俟江蘇水師定章後沿海閩粵各省均可參酌辦

理大局幸甚所有酌議江蘇水師事宜緣山謹會同兩江
督臣馬新貽江蘇撫臣丁日昌恭摺具奏伏乞

聖覽訓示謹奏

酌議江蘇水師事宜十四條 全錄一條
第一條分別內洋外海及裏河三支 原制水師內河外海
三大支曰內洋曰外海曰裏河 腹地之水以太湖為巨
浸太湖入海凡分三道北為劉河南為黃浦江中為吳淞
江此裏河也就裏河而論太湖久為盜藪而泖湖澱山陽
城昆城等河及福山江陰等口亦常有搶劫之案水師均
少不可

周莊鎮志卷二 公署

十

第三條裏河水師分立營數 江蘇裏河向有提標右營太
而另添添北營南營共為五營北營巡緝吳淞江以
北之支河湖蕩如尚湖昆城湖陽城湖金雞湖之類并查
劉河白湖支河福山江陰等出江之口湖南營巡緝吳淞
江以南支河蕩湖如澱山湖滄湖所屬湖地至三
舍蕩王江等處與浙江接界船出沒之所汛地至三
湖為止太湖左營巡緝東路蘇州府屬湖地至西
路常州府屬湖左營巡緝東路蘇州府屬湖地至西
提標右營巡緝自三湖起至吳淞口止專防黃浦江駛入
腹地之門戶凡裏河五營不復分隸各鎮專防黃浦江駛入
仍聽督撫節制惟從前舊制內河各營雖名水師實則並
管陸路各有汛地此五營所分地段太寬支流太多凡
近水面有事皆係水師之責近水口岸亦可兼顧若離岸
稍遠水師不能兼顧

第五條各營船制數目 擬造長江之式船板七十六號
十三號兼用八團船板各二號提標右營二十
號每號配兵十四名八團船板各二號提標右營二十
第七條設廠修造戰船 現定于金陵之燕子磯設立船廠
朝斌所部太湖水勇之船目前暫可無須另造然其中多
有咸豐八九年以後所修造者漸已朽壞勢亦不能久待

即當陸續抽換將來三年一小修十二年一更換均照長江之例排子丑寅卯年分舢板在金陵船廠輪流興工
第九條弁兵薪糧管船頭工等月支三兩六錢
二兩七錢定裏河五營將弁兵丁
書識等悉照長江水師章程給發

江蘇水師酌改舊制及擬裁官兵清單 共十六條 全錄一條

督標所屬之內河京口協右營 原制游擊一人守備一人
六人共官十五員配兵八百七十六名今擬改為淞南營
以游擊為營官用長江舢板船十五號共哨官十五員內
守備一員千總三員把總十員外委一員每號配兵十四
名共兵二百一十名 照舊制裁去外委五員其所添之
千總一員擬以吳淞營千總一員移調其所添之把總五
員擬以福山鎮中營把總一員川沙營把總四員移調

兵部為知照事武選司案呈本部會議調任兩江總督曾

奏酌議江蘇水師營制事宜分擬條款各件一摺於同

周莊鎮志卷二 公署

十一

治八年三月二十日具奏奉

旨依議欽此單三件奉

旨覽欽此相應刷印原奏摺單附入馬遞知照該督可也

原任大學士兩江總督臣曾國藩奏為續議江蘇水師事

宜恭摺仰祈

聖鑒事竊臣議改江蘇水師章程於同治七年十一月初四日

專摺具陳旋准兵部會議復奏請

旨敕下兩江總督等查照各條妥為辦理各等因於同治八年

三月間知會到蘇彼時臣已赴任直隸前兩江督臣馬新

貽逐條核辦與提臣李朝斌及蘇松狼山福山三鎮總兵

詳細斟酌畧有損益並諮訪熟於江蘇營伍之人參酌舊
制釐定新章二十五條馬新貽業已定稿過印擬於大閱
之時察看各處地勢再行具奏臣接任後查閱馬新貽所
定原稿大致畧備其中有數事與原奏稍異者如裏河五
營內之淞南淞北兩營地段太寬船隻太少提臣李朝斌
屢有改章之請馬新貽以奏定之案不欲率爾更張往返
籌議至再至三今年派員勘查裏河各地段一次始定仍
如前議畧添船隻而於汎地之中專以官塘幹河為重支
河汎港處分從寬俾責任較專而巡查易遍此馬新貽尚
未確定而近日議妥者也又如蘇松狼福等三鎮額兵臣

周莊鎮志卷二 公署

十一

初次議奏除水兵分船派定外每鎮各留陸兵一百名本
謂水師以船為家不必尚存陸兵名目嗣後馬新貽博采
眾議僉謂三鎮陸兵有必須承應之差有不可盡廢之勢
改為蘇松狼山兩鎮各留五百名福山鎮本有右營陸兵
計原額五百三十三名現祇存兵二百名擬再招二百名
合之原奏一百名亦成五百名之數其統帶之官弁互有
更換又如海門一營原奏擬歸狼山鎮統轄嗣經李朝斌
與馬新貽會商以海門營汎地離狼山鎮為遠而離蘇松
鎮為近擬改撥蘇松鎮管轄以期形勢聯絡此二條皆馬
新貽所改定臣復加察核無以易之者也其餘各條俱就

四參限滿專汛官加重降二級調用不准抵銷如汛內有
一將專汛官降二級調用本轄官降二級留任倘能於限
內獲犯過半兼獲盜首者均准免其參處失事之時營官
一面報明提鎮移知臬司州縣官一面稟明
本府臬司如本營屆期不參即由臬司揭參

第十一條酌定外委缺數 湖南營應裁千總一員把總三
員改設外委四員以符營制

第十三條營官建署地方 提標右營上海城內木竹營將
熟城外建署湖南營應於周莊鎮西隅建署太湖左營應
在東山重建新署太湖右營應在宜興之烏溪關建署以
重汛守其各船哨官自都司以至外委不立衙署不准登
岸居住違者官即革職兵即革糧再各營官建署後應各
給差兵十名以資照料均於提標

第十四條各營座船數目 副參游各給座船二號各營哨
官自都司以至外委各給座船一號副參游每座船各月
支銀十二兩惟太湖右營係以都司為營官應准給
各營未經募足之空額內撥給

周莊鎮志卷二

公署

五

座船二號
以示區別

第十六條核定書吏名數 副參游各用稿書二名書識四
名惟太湖右營都司係屬營官應用稿書二名書識三名
守備各用書識二名惟湖南營北太湖左狼山右福山左
五營並無都司專設守備一員事務較繁應各加稿書一
名其各船千把外委同係哨官亦有應辦之事各准用書
識一名

第十七條雨篷旗幟等項 查長江章程長龍戰船每年發
相等擬定每年亦發銀六十兩今八團船板與長龍
每年發銀四十兩交各該營哨官採辦修飾

第十九條各營船隻配用槍礮數目 查河五營八團船板
洋槍六桿船板八十八隻每船配礮二尊洋
槍四桿此外長矛刀杈噴筒亦須隨宜配用
第二十條各船火藥洋火子彈等項數目 擬在蘇州設局

製造洋藥洋火等項擬在上海陸續購
買內洋裏河十營就近在蘇局請領

第二十一條核計餉數 江蘇水師二十一營除未經裁減
九營額支舊餉二十四萬零三千四百有奇計原設水師十
海內洋裏河十六營除輪船外每歲約需銀二十三萬兩
有奇核之十九營額

兵部為行文事武選司案呈所有會議江蘇水師事宜一
摺於同治十一年七月初十日具奏奉
旨依議欽此相應拈連刷單附入馬遞行兩江總督可也須至
咨者

汛房 在鎮北永慶庵左即所稱營房場也共三間向為汛兵
所居起建未詳咸豐庚申後汛兵他徙房遂圯廢

周莊鎮志卷二 公署 其

鄉約所 在鎮南清遠庵東明嘉靖間巡撫陳公諭令鄉鎮設
立鄉約所擇廟宇中之寬敞者為之 本朝康熙甲子湯文
正公斌開府吳中首重鄉約郡博士趙名 舉徐沂為三屆
約正朔望宣講書有楹聯云上遵周孔訓旁鑒老莊言同治
間 詔令各州縣學官按期臨鎮督講 聖諭廣訓初仍在
舊所今移於澄虛道院

社倉 在鎮北篋竹埭乾隆五年巡撫徐公咨請各鄉鎮建置
社倉七年元和黃邑尊建中諭勸鎮中積穀為建倉屋五間
立社長二人 沈文淵任其事今倉屋已圯穀久無存矣
惜字局 在東莊地桃花庵內康熙間庵僧了能募緣創設親

惜字局 在東莊地桃花庵內康熙間庵僧了能募緣創設親

自收拾焚化後其徒了然繼之俞世琬歲助粟二石以為供
雍正十一年始捐置飯僧田嘉慶初為人竊賣道光二年里
人糾一文願重為整頓七年將局務併入澄虛道院文昌社
同治五年復起百文願增置局田即屬鄭長齡經理八年刻
有徵信錄

張冷桃花庵惜字緣啟契代結繩畫原配卦故六書始出
神鬼皆驚而四韻初諧陰陽悉協先成蝌蚪之文續有篆
籀之學漸變真楷復行章草帝王藉之以布政令聖賢資
之以撰詩書投檄而通四海傳譯以來八荒莫不尊崇罔
敢褻越是以篋底夜光聯珠璣而耀采箋中雲氣貫星斗

周莊鎮志卷二 公署

七

而揚輝或擲地而發金聲千秋寄賞或飛天而赴海國萬
里驚人此一字一縑不當蔑視且萬言萬寶何得輕污今
桃花庵僧了然願從梵課之餘拾棄字以投籃樂向街坊
之側覓廢紙以歸院單詞隻句俱棲龍藏之天亂楮殘編
悉入菩提之果有功於三教之書不致遭人蹂躪盡心為
十方之計白應授彼糧糈伏望同心交相集腋或捐升斗
或出釜庾用酬緇侶之勤靜俟文昌之報抒此蕪言普為
傳告徐鑰桃花庵惜字局飯僧田記儒與佛不相謀也而
相為功儒有禮佛用以接其徒眾儒有樂佛用以宣其聲
教儒治農工商賈佛資其力以安居而休養儒之為功於

佛不誠大哉而佛亦以其慈悲因果之說勸誘天下以助
儒教之所不及此不可謂非佛之為功於儒者也抑又有
不止此者今夫儒之為教莫重於六書自六書成而後有
易書詩禮之文而後有二帝三王周公孔子之道使終古
長此結繩之治而無書天下且不知有聖人又安有所謂
儒是其珍重宜何如而可聽其狼籍垢污而不知惜哉第
儒者藏修息游勢不能奔走道路歷街衢巷陌以收而惜
之佛者捨身利濟可以為儒之所不能為於是藉佛之人
崇儒之教用其餘閒收惜遺棄而六書遂無狼藉垢污之
患此其有功於儒也亦不小矣里之東桃花庵歲久傾圮

周莊鎮志卷二 公署

六

康熙五十二年癸巳之夏族叔祖晉功公勸募重修規模
一新住僧屢易至了然而整理完備會里中諸儒家舉惜
字社遂以其事付之俞君日襄歲出粟二石以為供後諸
同志議久遠之規欲置飯僧田若干畝俞君令嗣蒼培首
為錫金餘各隨力之多寡共襄厥事了然亦出鉢資以佐
成之今了然食其租司其事復得招延弟子以永其傳其
相為功甯有既哉夫惜字之舉行於鄉國郡邑者多矣招
提梵舍之飯僧田抑又久矣而因惜字而置飯僧田則自
吾里桃花庵始余亦儒家應惟一陶世兄教且心喜其事
之成而可久也於是乎記鄭祥徵文昌社惜字局合并記

國有四民士居其首功名之士類聚響趨於是有文昌社好修之士尊崇經籍於是有惜字局要皆源本於詩書一而二而一者也吾里惜字局起自 國朝康熙年間至雍正癸丑秋捐置飯僧田五畝三分徐允恭先生為碑文記其巔末其後竭力圩田二畝五分為人所竊賣僅存嚴字圩田生息既微局事漸廢道光壬午春諸同人重為整理於里中糾一文錢願積之四年贖歸原田又增置父字圩田二畝九分立司季四人掌租息供官稅司月二十四人專管字紙揀剔穢雜收拾焚化司事四人綜理局務蓋章程比前嚴且密矣而澄虛道院文昌社向有房租以供

周莊鎮志卷二 公署

充

社事丙戌夏其房為原主贖去社中積貲既少勢難延久諸同人復議以其錢歸入惜字局益以局存餘貲增置下江圩田一畝九分收息以供 帝君聖誕之用其或不足間以惜字義餘此文昌社惜字局所以合并也夫事固有相待而俱成亦有相資而並永者社與局之由來久矣惜字不可廢文社其可已乎今台兩事之人於一處且有田租以給費用則文社之俎豆可以因字局之資助而相繼不窮字局之經營可以因文社之人才而永興弗替一舉而兩善備焉不亦里之盛事哉爰記其合并之年月以泐於石時道光丁亥夏五月也

懷善局 借設在中市澄虛道院乾隆三十五年廷鑑創捐施棺設局永慶庵文昌閣下嘉慶十一年先祖諱秉信偕同志重整局務始移設道院增置義塚葬船按時掩埋道光以來先父諱邁宗及褚允玉沈人驥相繼承辦咸豐七年復添辦收殮路斃浮屍並於永慶庵側架屋三楹為公所同治三年奉府諭修舉善堂眾議屬煦任其事光緒元年刻有徵信錄序中備記是局始末

周莊鎮志卷二 公署

干

朱同仁懷善局施棺序蓋聞姬室與王曾埋無主之骨谷風棄婦亦救凡民之喪可見不忍之心聖愚皆有同類之恤今古一揆矣然而桓子治三年之榔季氏載六樹之槨又或郭鳳善占預謀諸市徐栩有馬不累於人此則雖悼生命之靡常已幸殘骸之有託若乃門衰祚薄並無強近之親運室時艱素有飢寒之患一旦宛其死矣愁吟蟋蟀之篇傷哉貧也痛乏蠅蟻之備借曰裹之以革茲非死綬之忠如云衣之以薪尤乖錫類之孝嗟乎白玉不降於天青蠅空弔於室見者慘目念之傷心爰有樸庵先生仁慈成性利濟為懷用集同人襄茲義舉八文之願可稱惠不費財二寸之杉足令膚無親土毋濫施以博名毋吝予而傷惠務使死者免於委壑生者不致泚頰庶幾甄舒仲無煩夢告冀不忝文苑之林若謂赤丁子可以名呼莫誤信

瀟湘之錄陶然重整懷善局記嗚呼大夢悠悠至就木而
同歸於盡孤魂渺渺必入土而始得所安然而白草荒涼
青楓寂寞生前石槨人人慕司馬三年死後桐棺往往欠
參軍一錫出北邙而直視景最傷心繼西伯之陰行恩誰
及骨所以除醜之職設自周官掩骼之條頒從月令制彌
善也功甚深也吾里貞豐離城僻遠江湖環其四面煙火
聚乎千家豈無桑下餓人倉黃暝日亦有蘆中窮士漂泊
捐軀黃金誰布地而施白玉不從天而降生難餽口沒且
暴骸雨雪飄零冰霜刻畫卽過客猶酸心而欲涕豈居人
忍袖手而旁觀先大父樸齋贈公深痛於衷屢高於目於

周莊鎮志卷二

公署

三

嘉慶間重設懷善局捐金錢而結社備櫬槨以施貧或保
鄉人或爲旅客或領從保甲或求自親丁苟託旃幪咸資
疎翳至郊外傾頽之厝與道旁朽腐之棺楮幘全灰吹秋
風而瑟瑟餘衣半露照夜月而淒淒亦復隨處收埋按時
掩覆薄杉三寸皆蒙後事之矜荒草一抔得免前和之見
自是而後相沿爲常道光初年局事就替先叔父東籬贈
公復贊成之迄今三十餘年矣捐貲之數漸虧董事之人
亦謝觀荒原之委棄露骨誰憐慨善舉之凌夷婆心孰繼
爰有好施之士同修將廢之規闢僧居而屋建三楹增義
塚而田捐數畝章旣率山乎舊例還添設乎新蓋昔惟有

主之骸或施以木而今并無依之殍亦殮以棺立意彌周
推恩較廣嗟嗟烏鳶蠅蟻達人之論雖高蠅蚋狐狸仁者
之懷苟忍惟合成城之志以宏覆篑之功里中無送死之
虞儘彼歌蒿而去泉下有更生之感知他結草而來
保嬰會 同治六年王承浩戴起曾倡糾同志二十人結會於
澄虛道院復設接嬰所於鄭長齡家有送嬰來者獎以錢每
得一嬰則制衣祿雇乳媪轉而送入郡城育嬰堂凡所需用
二十人均任之而專屬鄭長齡主其事葉錦孫司出納焉時
近地舉行保嬰者尚少其嬰且遠自莘塔蘆墟而來故統一
歲計不下一二十名今則各處皆設法留養而吾鎮遂稍殺
於初矣

周莊鎮志卷二

公署

三

鎮中曾於同治十年創設崇德堂鄭長齡董其事未幾與
清遠庵僧及汎官訟長齡卽以病稟於府請退焉是堂遂
歸莘塔鎮副貢生凌泗承辦故不贅

第宅

沈萬三宅 周莊以村落而闢為鎮實沈萬三父子之功當時鎮西半皆墓地人烟所萃惟嚴字一圩其東南隅曰東垞萬三住宅在焉西北半里許即東莊地及銀子浜倉庫園亭與住宅互相聯絡其巨富氣象猶可想見然亦僅中人家制耳楊循吉蘇談載萬三家在周莊破屋猶存不甚宏大可知萬三里居並無豪侈之蹟故明太祖雖忌之而無可加誅也按東垞在鎮之東偏過一水即青浦界距鎮西之屬吳江者尚三里許吳江縣志載萬三宅在縣之二十九都周莊蓋誤

周莊鎮志卷二 第宅

三

四留草堂 在魚池岸上明長庠生戴之佐所居茅茨不葺有隱士風崇禎間與楊廷樞朱隗葉襄魏風諸名流結文社於此有薰香齋者在草堂左近之佐族叔明國子監生汝義課其子順治辛卯舉人悅讀書處也汝義富而之佐貧嘗分財與之餘詳雜記

文郁堂 在澄虛道院之西明長庠生屠彥徵宅也嘗與陶唐諫鄭任方九臯沈自鳳徐汝璞管淵丁社僧廣明九人仿香山故事結耆英社極一時詩酒之樂今讀其自撰小引及諸老題詠尚想見杖履風流

屠彥徵耆英社集小引百歲流光萬物乃天地逆旅四時行樂吾輩皆風月主人身居白蜺之濱地隔紅塵之外儘

可傍花隨柳庶幾游目騁懷節序駸駸莫負芒屨竹杖杯盤草草何慚野寂山翁雖云一餉之清歡亦是千秋之作話敢期同志互作邀頭慨元祐之耆英衣冠渺矣集永和之少長觴詠依然後約斯留前盟勿替陶唐諫文郁堂耆英社集詩尋盟久矣屬騷人今日多君氣誼真社結香山詩一首觴流曲水酒千巡金莖露浥林誇壽寶劍光鞘漫說貧喚我鳥聲春正好莫教寂寞負花晨偕廣明詩百年一夢耳萬事如蕉鹿人生曾有歸何苦日奔逐吾里諸耆英悟斯能自淑結社追高風未許東林獨竊愧樗櫟材亦得隨芳躅小集選良辰俟彼六月伏薰風殿角來清陰貫

周莊鎮志卷二 第宅

香

喬木松徑響足音白駒繫空谷徐汝璞詩花月多情好結緣一觴一詠樂堯天吾儕也是神仙侶豈讓當時洛下賢屠彥徵和韻詩老作遨頭結綠風流端不讓登天春風三月鶯聲巧有酒何分聖與賢

怡順堂 在永安橋之南明長庠生徐汝璞宅也時與耆英社諸老宴集於此

屠彥徵怡順堂社集詩并序石翁抱疴兩月中秋前四日設酌招同人候月興致不淺知且夕可占勿藥也漫賦誌喜文壇月夕遍中秋風雅壺觴分外幽長使清樽饒白髮直教北海邇南州聯吟思出高雲迥縱飲身忘冷露流珍

重主人休戀客安心坐守藥鑪頭毛瑩詩草野誰開混沌
天陡然來此趁良緣餘糧擬飽松脂嫩高會將臨桂魄圓
鳩杖有心肩伯仲鶴觴何幸挹神仙因知勝事隨人取不
信風光此地偏管淵詩筵開從日午洗盞月初懸露湛光
如玉觴飛酒似泉分題愁險韻接座遙高年今夕知何夕
重逢洛下賢鄭任詩採藥歸來晚慚充第九仙席移花亂
落燈燼月高懸老子興不淺衆賓致亦然今宵拚一醉藉
枕石頭眠徐汝璞自述詩憐余久卧疴遠邇咸趨候時當
值月社開樽以爲壽肴核與香花錯雜陳俎豆草堂須款
留卜夜先卜晝斗酒詩百篇珠璣光座右歡聲動星辰朽

周莊鎮志卷二 第宅

三

骨邀天佑二豎不能容投諸有北又姮娥頗相憐半面窺
肥瘦送客白滿街一路如霜覆

蘭芷軒 在清遠庵後鄭任讀書處也嘗與屠彥徵毛瑩徐汝
璞宴集其中時曆年八十三毛年七十七鄭年七十一徐年
六十九四人適三百歲乃用白香山詩爲起句各賦二絕瑩
子錫年爲繪四老圖

張冷四老圖序惠人鄭子神遠徐子余少年交也因鄭子
而識其尊人約房翁因徐子而識其尊人我石翁又因兩
翁而識君聘屠翁既而慕遭鼎革飄零轉徙遂與鄭子徐
子潤疎四十餘年今來相遇俱已白首其兩翁與屠翁悉

已物化鄭子一日出四老圖示余余諦視之三翁嘗親炙
其風采獨湛光毛翁生平所欣慕而未見者今咸挹於圖
中丰神爭躍躍於毫素間也圖之作起於鄭翁蘭芷軒之
會是日也涼風爽然微旭澹然梧影翻階菊香浮堂剖松
江之鱸烹顧渚之茗幽懷畢吐逸興過飛其幅巾整衣而
上坐者屠翁也科頭顰鼻望之有軒昂之氣者毛翁也垂
翅紗巾紫衣而掩映於雙桐之間者徐翁也手拭如意微
吟而有所思者鄭翁也鄭子指圖而言曰當日四老談讌
於上我與毛翁之令子康叔趨承於下默數四老之年適
符三百遂舉白香山四箇老人三百歲之句以進賀各獻

周莊鎮志卷二 第宅

三

一觴四老亦掀髯撫掌就香山所倡之句各賦二絕康叔
素精繪事因命作圖以侈奇遇供佳話嗚呼世變滄桑之
際風煙沸擾衣冠流離有不幸而陷兵燹有不守而失堅
貞獨此四老人爲海上之輕鷗爲雲中之野鶴逍遙物外
時相過從賦詩飲酒陶情於水邊林下豈不足與香山四
老之會千古相輝映也乎況彼四老者俱圭組之龐眉此
四老者悉江湖之逸叟彼處其腴此處其清彼得其華此
得其介彼當退閒而有盤礴之致此當高尚而有瀟灑之
風先後相方庶幾無愧當日香山又有句云人間此會亦
應稀自唐長慶間歷世至此一千餘年然後又有四老而

當三百歲詎非極難遇而不可多得者耶余述其畧以誌吾黨之盛事若夫四老品行之概各有傳紀在茲不贅及屠彥徵蘭芷軒四老社集起用香山句詩四箇老人三百歲筵開先我一甌茶恩恩八十年前事旭日初臨今日斜四箇老人三百歲時來溪口眺青山主翁健步同相賞不費攜筇往與還毛瑩詩四箇老人三百歲一番中酒不嫌茶笑余蹇步偏移艇歸去何愁路狹斜四箇老人三百歲幽居無異住深山坐中儘有醫王在謂藥房底用延年借大還鄭任詩四箇老人三百歲清談為供趙州茶恰逢花發東籬下相對盤桓日影斜四箇老人三百歲風流堪繼白香山微醺曳杖溪橋暮盡識先生谷口還徐汝璞詩四箇老人三百歲秋來同啜早春茶數年十萬八千日笑指桑榆暮景斜四箇老人三百歲水鄉結伴勝居山閒時領畧煙波趣一葉輕舟任往還

問年堂 在南柵下塘老人郁敬雲所居敬雲於康熙二十三年恭逢 聖祖南巡時年七十五以老人接 駕於靈巖 聖祖見其蒼髯古貌問曰年幾何矣敬雲悚懼誤以八十對 玉音有毅了之諭及歸遂以問年名其堂吳冢宰一輩為之書匾後至八十歲果無疾而逝

磊園 在福洪橋東南歲貢生徐稜所居園多湖石因以為號

周莊鎮志卷二 第宅

毛

門外有大樹數株綠陰四覆今樹已無存而人猶稱大樹頭 徐家云

見南草堂 在後港太平橋西副貢生陶善圻讀書處也善圻 祖居城隍埭初遷楊家潭續又構此

池上草堂 在太平橋西北即今張氏之漾月樓也乾隆初為 詩人俞達住宅前後臨池波光四映煦管登樓俯仰想見當 日座上客常滿尊中酒不空之概

俞達白題池上草堂詩草堂池上似浮艘疎籬仍開四面 窗北望青螺當北牖東流白蜺即東江水花春泳魚千百 雪葉秋飛鳥一雙時復醉眠方竹榻翠濤枕畔任春撞俞

濂步韻詩地分南北不通艘恰好茅堂闢短窗文構奇思 邀遠岫詩吟高調落清江稻畦懶與耕鋤伍花徑常陪蠟 屐雙更喜東鄰禡榻近鐘聲隔水有僧撞

綠天書屋 愚兄弟所居樂山堂祖宅前臨中市後通楊家潭 咸豐己未煦於潭東構儀一堂蓋即章騰龍綠天書屋遺址 騰龍晚年旋里閉戶著書貞豐擬乘亦於此編輯今煦既居 其地復增輯其書前後一百二十餘年何蹤蹟之適相符合 也

小神仙館 在化字圩新開河北家伯父諱保宗所構宅後小 園也屋僅二十餘楹而前後有兩池前池環立湖石一小亭

周莊鎮志卷二 第宅

毛

翼臨水面魚梁渡馬後池則巖石為山山頂可坐五六人旁有洞下通池上小橋雜植花果間以竹樹風晨月夕雅足流連伯父於其中延師課元勳元照兩兄讀後然弟亦啟蒙焉惜在鎮之最低處道光己酉水過半扉畫檻雕欄已多摧折今則荒蕪日甚矣

棠巢吟館 在西市貞豐橋東煦之姊塔戴其章暨其弟其相讀書處也庭有鐵幹蓮花海棠一株高出檐表每歲花開極盛輒邀同人宴賞道光丙午春其章其相並其兄子肇晉與煦及家弟燾兄子甄奉韓先生來潮為領袖結詩社於花下名曰棠巢吟社自是七人迭為賓主互相倡和積數年得詩

六百餘首

周莊鎮志卷二 第宅

无

韓來潮棠巢吟館社集詩寒食連朝雨尋芳莫問津好花對名友式燕互嘉賓有色非空相無香不媚人高華西府舊常與德為鄰戴其相詩社聯鶯隱記前因族祖松野公詩社二百年來步後塵座識荆州聲價重客邀彭澤笑言親忘年會結添幽興名友花開報好春彷彿竹林傳韻事率真無主亦無賓陶甄詩文字初聯飲叨陪座末賓締交成七逸良會集三春室靜簾窺鳥風輕花笑人名言與醅酒一樣味津津

綠雪軒 在楊家潭西畔韓先生來潮所構宅也時與棠巢吟

社諸人宴集其中咸豐間先後延吳大根大澈課其諸孫讀書於此

周莊鎮志卷二 第宅

手

橋梁

貞豐橋 以里得名在中市河西口跨中江字圩南江字圩明

崇禎七年重修 本朝雍正四年里人重建

普慶橋 俗稱聖堂橋在貞豐橋東澄虛道院前雍正四年里人重建

梯雲橋 俗稱褚家橋在普慶橋東中市河東口石塊木面乾隆二十九年里人陶允成募修道光七年先伯父諱保宗重建

建

富安橋 在梯雲橋北坵之東跨中江字圩嚴字圩橋旁相傳有總管廟故原名總管橋元至正十五年里人楊鍾建明成

周莊鎮志卷二 橋梁

三

化十四年重修嘉靖元年又修 本朝咸豐五年里人重建

初係青石面平而無級因易黃石焉有韓來潮碑記

韓來潮重修富安橋記本里富安橋由來舊矣郡志未詳其始故老傳聞雖云建自前元而無可證道光己酉霪潦

為苗水勢漫溢橋座土鬆涉者病之經里中善姓募捐於咸豐乙卯七月迄九月釀緡錢千有餘貫庀材鳩工屏水

卸石橋獲藏碣有四得悉斯橋於至正十五年乙未八月里人楊鍾報答祖考現生獲福捐資創造其修葺也則於

前明成化十四年又於嘉靖元年撫今追昔逾五百載修理不過三度工堅石厚當日之不苟於任事如此故董是

役者景仰前軌交相勉勵人無惰容工無懈忽風雨勞怨所不辭而功告厥成因是知建橋之始由於求福則今之躋美前人篤慶永綏當無可量矣橋之西向有隙地一區近居侵佔貽患橋工今償價歸復勒石以正經畫誌不忘也

隆興橋 在富安橋南跨南江字圩嚴字圩平面三拱明成化

間建 本朝乾隆二十九年重修道光二十九年里人重建

報恩橋 俗稱南柵橋在隆興橋東南南湖之濱初係木橋時

修時圯康熙五十年錢王浜朱瑞如改建石橋乾隆五十三年里人重建因水流太直移橋址過東二丈許而橋亦增高

周莊鎮志卷二 橋梁

三

焉

世德橋 在富安橋北跨嚴字圩下江字圩明萬曆間里人徐松泉徐竹溪建 本朝乾隆三十年重修道光二十三年里人重建

永安橋 與世德橋東坵縱橫相接故俗稱鑰匙橋在嚴字圩

銀子浜口明萬曆間里人徐正吾建 本朝乾隆三十年重

修嘉慶五年又修道光二十三年里人重建

全功橋 俗稱北柵橋在世德橋北初係全姓所建故原名全公橋順治三年里人蔣從川沈從所募修乾隆三十六年里

人重建規模較前宏大

太平橋 在後港東口世德橋西堍之南跨中江字圩下江字圩明嘉靖間里人捐建王璧力助成焉 本朝乾隆三十六年重建

福洪橋 俗稱洪橋在後港西口太平橋西平面方欲康熙間里人重建乾隆四十九年重修

通秀橋 俗稱鹽店橋在西灣漾北油車漾南東堍屬元和之中江字圩西堍屬吳江之北友字圩初係木橋乾隆三十九年里人改建石橋

聚寶橋 西灣漾之西口濶而流急嘉慶間先伯父諱保宗創建木橋於此跨化字兩圩高與報恩橋等同治十三年里人

周莊鎮志卷二 橋梁

三

重建

中市木橋 在普慶梯雲橋之間屢圯屢修

青龍橋 俗稱小橋在下江字圩小橋浜口乾隆初年重修

平安橋 在下江字圩寺前村口嘉慶六年全福寺僧律蓮募修行徑因重建焉

泰安橋 在嚴字圩東垞之大濶口嘉慶二年村人重建光緒五年重修

小石橋 鎮中凡四嚴字圩有二一在雨花庵後向為八景之一今已淤塞一在箬涇跨河房屋之南水流甚急其二橋一

在南江字圩萬福庵東畔俗稱小楓橋一在下江字圩全福

寺東南

俞家橋 在鎮北俞家浜跨松田港南沙港兩村

四安橋 在鎮北廟浜村東口明隆慶五年建 本朝雍正間重修

興隆橋 在鎮東北白家浜嘉慶間重建

永壽橋 在鎮東北北錢王浜石堍木面康熙四十七年建乾隆五十年重修

永甯橋 在鎮東東張家浜雍正三年重建

福慶橋 在鎮東王巷村明成化元年重建 本朝康熙間重修 鄉村諸橋惟此環拱而亦高大

周莊鎮志卷二 橋梁

三

重建

流慶橋 在鎮西江澤村流慶庵東南雍正十三年庵僧友岑

太平橋 在鎮西西投氣村康熙元年建

登龍橋 在鎮西雪巷村福神庵東道光二十二年重建咸豐十年重修

旋新橋 在鎮西南角字村旋新庵東南石堍木面雍正間重修

仁壽橋 在鎮西南南莊村東嶽廟東康熙五十年重修

皆春橋 在鎮西南南莊村滌塵庵東南明嘉靖二十五年陳經重建 本朝康熙三十五年重修乾隆元年又建成豐六

年又修

聚安橋 在鎮南許莊村石塊木面光緒四年重修

陶公義渡 在鎮北急水港大王廟前水深港闊且係要津往來病涉康熙初里人陶唐諫設舟以渡行人復捐田三畝五分以食操舟者至今尚存

周莊鎮志卷二

橋梁

三

周莊鎮志卷二終

周莊鎮志卷三

祠廟

城隍廟附 賢聖堂瘟部司祠 在南柵報恩橋西門對南湖向

時府縣城隍同殿嘉慶四年里人王殿方等募捐增建正殿

祀府城隍西殿祀縣城隍東殿祀五方賢聖東廊為瘟部司

祠西廊為書吏科房頭門建戲臺左右置兩角門規模式廊

非復舊觀矣城隍神具詳府縣志茲不贅 五方賢聖未詳

何神相傳為春秋五大夫分主五方東方劉康公南方張老

西方趙文子北方史魚中央蓬伯玉明季南湖畔挺生大樹

一本五枝有塑匠見而異之謂枝按五方宜為神像里人從

周莊鎮志卷三

祠廟

一

其言乃建祠以祀頗著靈異順治乙酉各處舉兵拒 命有

周瑞張貴陳打生等藉借餉為名肆行擄掠將至鎮比及南

湖遙見兜鍪環甲者五人立於岸乃懼而退康熙丙子七月

大風傾垣破屋人見有冠袍五色神隱現於天際故迄今遇

時疫流行則居民各以其方迎神及瘟部司徧巡街巷以禳

之後西方神移供於萬福庵旁而祠中遂增祀真人府焉其

神或云是孫通 瘟部司像藍面赤鬚擬乘以神為唐寅亦

未知何據

土地祠 在北柵永慶庵山門之右同治四年里人重修按里

中土地神為李明大王圖經載王名明唐太宗第十四子封

里人陶煦重輯

曹王為蘇州刺史有惠政歿於任所萬民留葬立祠梁開平三年吳越王錢鏐奏封昭靈侯封神蓋自此始其墓在鎮西江澤村稱曹王墳地屬吳江故亦為吳江縣城隍明洪武中詔正城隍稱號 本朝康熙二十五年 敕封廣佑王同治六年 加封普庇二字

東嶽廟附 火神殿 在北柵全功橋東堍即周爺廟基也明正統間周文襄公忱開濬陳湖以東里人立廟祀之 本朝雍正初就其廢基改建祀東嶽神西偏一椽祀北陰酆都司俗稱楊爺殿乾隆七年增建山門及兩廡二十四年即於兩廡分塑十王像嘉慶十三年里人緒天一重修 火神向附東

周莊鎮志卷三 祠廟

二

嶽殿東極道光二十五年里人於廟後增建一殿移像供奉焉光緒元年淞南營修廟及殿

全福講寺附 文昌魁星閣 在鎮之西北半里許白蜆江濱初

名泉福宋元祐元年里人周迪功郎暨室章夫人捨宅為之

景定間臬古行僧闡教賜今額按縣志載元祐間建清社

承曹垂瑛指歸閣記之誤寺基為民佔愿朝例不起賦領庵

今從周莊志及增輯樓臺寺基為民佔愿朝例不起賦領庵

四一善住在高墊一觀妙無一永慶一永寧俱在元至正六

年火九年僧古鏡重建有寺僧師坦碑記明洪武中古鏡後嗣大佑重修宏治中又火僧江旻修之嘉靖初又火三十四年僧法雲募修里人王璧之力居多有願潤澤碑記萬曆六

年僧道隆重修有周光碑記十年毀於風四十四年住持慈

念徒良能募修里人徐道亨同子御律捐貲助成有繆希雍

碑記 本朝順治三年僧廣明尚朴重修大殿五年楊總戎

承祖捐俸增修康熙十二年僧問月創建指歸閣有曹垂瑛

碑記四十年里人陳恆章捐修雍正三年里人沈作霖費揆

一陶琳陳復初助寺僧咸載募千金增修合寺乾隆末僧律

蓮累募得五千金於嘉慶六年重修殿閣并裝金身道光二

十九年大水寺西各僧房俱圯咸豐九年里人捐修大殿同

治十年僧境勤募捐重修光緒元年復出己貲增建靜室禪

房齋堂二十餘楹煥然改觀以上諸碑惟願潤澤寺中主

周莊鎮志卷三 祠廟

三

佛法身三丈有餘本虎邱海湧峯雲巖寺世尊像順治五年

楊總戎承祖駐旌寺中嘗過白蜆江遇風賴神佑得免乃發

願修理並迎世尊大像於寺殿前舊有出世獨尊匾額即楊

手筆世尊屢著靈異雍正間錢王浜朱象賢遇盜見有大福

衫蔽其母盜不得前其家捐貲裝金併於兩旁塑十八阿羅

漢焉 寺中正殿為禪堂眾僧賴齋飯度日其大東小東中

西四房俱不忌葷酒平時享用過中人家富室子弟往往集

於其中賭博譙飲號呼諸浪四時不絕僧家戒行視若弁髦

乾隆中中房僧德琳往主杭州雲林寺席乃命德立為本寺

方丈以各房貲產歸入常住改為叢林開堂接眾設戒參禪

自是諸僧悉遵規矩陸起仙為撰碑記及德立歿眾僧爭訟復各立門戶惟飯僧田七十餘畝歸常住仍守禪誦而各房則縱恣如故至道光己酉大水後各房屋散惟禪堂獨存迄今常為清淨地矣 文昌即魁星也自俗歧而為二遂於文昌外另祀魁星相沿已久牢不可破里中澄虛道院玉皇閣西偏有文昌閣康熙三十年道士胡天羽募建城隍廟後有魁星閣面東瀕河僅半楹嘉慶四年重建永慶庵有寶光閣則兼塑文昌及魁星像道光二十三年閣為大風所傾獨神像無恙同治乙丑家弟然暨同志數人捐貲修葺指歸閣移文昌及魁星像奉祀於中

周莊鎮志卷三 祠廟

四

顧潤澤鄉進士南溪王君行義記王君諱璧字廷用長洲貞豐里人南溪其別號也世敦朴茂隱迹於農父達以耿介篤行著名於時沒後君偕其配袁碩人綜理家政威以恩濟眾樂為用故名愈振業愈光食指至千數焉而君願以專利為恥一遇歉歲即折券蠲租遠近數十里內飢者待食寒者待衣怨曠者待婚喪者待賻以至橋梁傾圯者待其完寺宇頽廢者待其新凡其所行義聲翕然茲如全福精藍為一方祝釐之所余昔講學周溪過而慨之者屢矣今復至則煥然改觀秋壑雲師具為余言經始甚艱賴君捐貲倡眾始獲告成已而飾金身布磚甃繕綺疏則又

倍任其費蓋寺之幾廢而得還舊觀君力居多余惟世之務財用者大率為自私計至有路人骨肉而莫拯其飢寒者君雖素封食無兼味衣無重采履素守約不改其初願能不恤所有而見義必為蓋其樂善好施根於天性故積而能散豈徒冀福田利益而然耶易所稱積善之家必有余慶今其二子稱克家而諸孫繞膝歧嶷可愛則天所以福之者固未艾也余外祖雲莊先生嘗館其家亦時時為余稱道之余故知師言非誣而輒記其概如此 三橋文曹 彭書

周莊鎮志卷三 祠廟

五

建於宋元祐至清祐而周迪功郎更新之景定間臬古法師剛揚大教敷賜今額為開山第一席明洪武壬戌詔徵十高僧以本寺遠庵為左善世至嘉靖初遭祝融鞭入天宮而住持法雲寄迹苦空垂心文獻能創始於其前慈念良能師徒繼成之於其後迄我 皇清順治戊子戒師懷濟尚朴謐朗值兵燹之餘偏能後先精進廣募檀施再創禪堂重修大殿適都督楊公駐旌於茲夢感神異捐俸奉迎海湧峰頭大像供養殿中今松陵問月大師童年入道純孝性成於癸丑年遵母命奉兩尊人主入寺蓋母夫人得法於靈巖老人西歸時書一偈付師端坐念佛而逝故

師特建指歸寶閣傍爲功德林奉二主於其中長生祠以
供諸檀施造山門建廊廡及築圍牆湖堤并募飯僧田爲
永久計寺臨白蜆江濱水光雲影之中樓閣虛明窗軒幽
豁晨鐘暮鼓與漁歌牧笛相爲應答客至則致趙州茶打
江西餅持瀉山拂子下南泉雙陸問廬陵米價登斯閣也
善念油然而生焉佛告阿難世間少得道者由穢念多故晝
夜有八億四千萬念輪迴無已今大師赤髭白足手持貝
葉十指皆香口吐青蓮纖塵不染豈非選佛場中心空及
第者乎壬子歲過海上余倒屣拜迎踴躍皈依始告余曰
士子二十登第壽至百齡亦不過八十年富貴耳余聞而

周莊鎮志卷三 祠廟

六

惕然惺惺然懼無異大愚三拳黃檗一掌未幾師還山余
每飯不忘也乙卯春偕天翼天季二弟猶子九和訪師於
九龍塢遂同舟至寺見斷梓運甓齋圖經始余與天季弟
樂助成之秋杪古林師來言閣工告成欲勒石紀績屬余
爲記不覺慨然曰南朝四百八十寺烟雨樓臺不知多少
由宋迄今屢興屢廢雖曰天意豈非人事哉我師眼爍天
下口吸西江一口振法鼓新華幢成歡喜園種無憂樹僧
祇共仰梵釋咸歸一言以蔽之曰孝而已聖人以孝治天
下佛亦以孝渡衆生豈有無父無母之人哉在家佛何不
供養能供養在家佛則諸佛菩薩有不護念者乎則大師

功德真所謂始於孝終於孝者已是舉也大師之高足悟
覺師相助爲理而鳩工庀材經營荒度則住持受華山戒
煥若師與古林老尊宿也本房戒陸起仙全福寺重整禪
林記世統於道道統於教教列爲三佛居其一空門以宗
風著代無殊俗姓以祖澤型家所可慮者前賢爲之垂其
範後嗣未克永其傳耳則繼起之有人所係豈淺鮮哉郡
城東南隅六十里而近有巨鎮曰周莊祝釐之所爲全福
講寺趙宋元祐時迪功郎周君捐建泉古法師闡教開堂
救賜今額遞及元明法筵相續代不乏人記載已詳無容
贅述 國朝初戒師懷濬謚朗尚朴緣歲儉難支權宜析

周莊鎮志卷三 祠廟

七

爨然自康熙丙子分房應教以來未嘗不以焚修爲務焉
仁山和尚懷濬之賢裔也維時謚朗之後有玉山和尚南
進浙省得受雲林寺巨濤和尚真印而仁山亦復隨參巨
濤和尚分承衣鉢現今玉山爲雲林方丈主則全福一席
非仁山而誰屬哉用是闔寺師徒願將田宅併作禪門復
整叢林以圖式廓遂於 今上御極之三十五年憑諸大
檀那及玉山和尚同推仁山和尚首登法席自後本寺師
徒合爲一支以長爲敘挨次接續方丈公議規條呈請周
莊分巡廳唐公上基鈐印執照并詳請元和縣正堂當公
養蒙立案給示冀垂永久從此開堂接衆設戒參禪代代

相傳一燈永耀則釋氏之繼往開來亦得與儒者之承先
啟後同遵常道於盛世矣是為記松陵包附徐稜重塑文
昌帝君金身引文昌為斗魁六星帝君在梓潼七曲上天
下地兩不相合然自古聖賢往往降自列宿幽則為神明
則為人猶晝夜循環之理則帝君之顯靈於梓潼也其降
自文昌可知矣帝君姓張諱亞子其先越嶺人因報母仇
徙居梓潼縣之七曲山仕晉戰沒人為立廟七曲山上唐
元宗西狩追封左丞僖宗入蜀封濟順王宋咸平中改封
英顯及元乃加尊號曰帝君是則文昌者天神也木主曰
文昌之神惟以掌文昌府事及人間祿籍故奉祀偏天下

周莊鎮志卷三 祠廟

而士子尤敬禮焉我鎮香火在澄虛道院其來雖久而議
者恆抱三歎地近巒市非斯文所聚一也閣附玉皇非神
靈所安二也且附閣獨低有沈埋抑遏之象三也去三歎
謀三利莫如北庵文昌斗魁建平旦主寅寅位東北而北
庵在鎮東北得其位也與菩薩不相統屬而遙與關夫子
相偶有左文右武之義歎厥靈也市梢閒地內有淨室歲
時奉祀冠履畢集可會文可題詠可登高眺遠可密坐談
心使厭人也愈曰俞哉遷祠善或曰百年香火一朝遷之
恐駭耳目曰然則重塑乃可禮不云乎祭於主祭於祊於
彼於此蓋兩求之也由是鳩金塑像之議決予不文撮取

眾議之梗概以為引布告同志共襄厥事又徐稜寶光閣
塑魁星像引永慶庵之供奉文昌也眾志踴躍計必有捐
助餘資議塑魁星於向南之寶光閣者夫魁星閣所在多
有而褻玩之者亦多似不與帝君並尊抑知魁星同屬文
昌宮也按天官書斗魁戴筐六星曰文昌宮六星維何上
將也次將也貴相也司命司中司祿也帝君即貴相乃六
星之一而魁星則綜其五而造形者乎今觀赤鬚獠牙桓
桓貔虎上將次將之威也右手執筆文光高閃司命司中
之判也左手持金若將下授司祿之權也胡裸其體星在
衣裳未制之先從其朔也胡青其身文昌建寅寅屬木從

周莊鎮志卷三 祠廟

其色也胡踢乎斗胡名為魁所以明其為斗魁也然則帝
君從文昌而分魁星乃文昌之合也奉帝君不當奉魁星
歟或曰魁星既與帝君並尊何可偏其位於北廂然而非
偏也在地形則東向為正在定位則南向為正各居一閣
各自為尊東向者挹震方之生氣南向者取離照之文明
似無不可或又曰閣乃眾姓所建而今一文昌一魁星跡
近於佔士輩鄰於專是又不然按箕疇五福魁星皆得其
權一曰富司祿主之二曰壽司命主之三曰康甯則上將
次將能祓除不祥驅蝗逐疫斯康甯矣四曰攸好德則司
中能調人性情使人為子孝為弟悌言忠行信斯攸好德

矣五曰考終命富壽康甯而攸好德則考終不待言矣故
凡求財祿者求長生者求消災者求賢子孫者皆宜崇祀
魁星勿徒見文筆之高揚而忘其金之黃斗之量也敬參
末議以俟詢謀之同

永慶庵附 四義士祠 在北柵俗稱觀音堂元至正八年僧智

修縣志作依里人沈萬三乞水西田數畝結茅於此自元及

明時有修葺崇禎元年僧本覺出貲置常住田五十餘畝又

購經論數千卷建閣以度之里人徐御徐韶律佐成焉有劉

錫玄碑記 本朝順治間僧衍微增置田畝改為十方禪院

府縣志俱稱有李模飯僧田碑記碑為李仙根後田畝漸盡

周莊鎮志卷三 祠廟

十

無力接衆仍稱永慶乾隆十七年僧能綬暨徒志堅募捐重

修並建文昌關帝兩閣五十八年僧明初又修道光十八年

後殿圯二十三年秋大風兩閣俱圯光緒初正殿亦圯今僅

存山門及北偏觀音殿耳 四義士不詳姓氏 國初有劇

盜四逸至鎮官軍責民縛送弗獲則屠岸鎮惶懼時浙中一

醫攜僕寓此與里人某謀以身代有新安客亦慷慨與焉飾

為盜就戮於軍門而眞盜轉匿他所荷池竟漏網此事章騰

龍載於擬乘並中以詩贈每讀之輒歎歎太息以為吾里二

百餘年之休養生息沐浴承平皆四義士之賜也雖百世馨

香未足以報願聽其湮沒而不彰乎同治十三年就庵北廢

基所構懷善局公所之東旁屋三楹葺為祠設四義士主以
祀之 庵中於雍正十一年春曾設施粥廠故殿左有李邑
尊世金所給俗厚風淳匾額左廊有陶剛惠施粥碑記附錄
於後

劉錫玄邑人賜進士出身亞中大夫山東布政司參政兼按察司僉事奉敕整飭霸州等處兵備永慶

庵佛閣法藏常住田記貞豐為茂苑東南歐洪波巨浸越

絕周遭石尤噴吹湏洞灸人行旅欲來布帆蘭槳如墮危

崖仄棧平沙曲流蒼烟灌木處處相似居人往他所前阻

浩渺箐遠林密如出深山中野棲谷飲苾蒞雲水雅相宜

也勝國至正中衲侶智修樂其風壤依里中富人沈萬三

周莊鎮志卷三 祠廟

十一

秀乞水西田數畝腰鎌辟荒抱茅翳影天地兵燹屢毀屢

興顯皇帝時武唐大德仁亮同徒智奉柱杖偶經徐居士

道亨與子徵築室護經授止分衛墻戶息光道價隆重其

徒本覺少以頭陀井日薪水辛苦忍垢不洽文義監院憫

其迅勵惻惻俾紹法嗣參訪深隱定慧開遠脫落利養細

素歸心四方之士輦錢穀祈禪誦者戶外趾相錯也意不

忍逆人善風雪滿溪赤足走鵝以故疲羸而病病久積薪

待盡餅笠所餘買田五十餘畝白縣官里長者捐守常住

悉捐儲錫市經律論若干卷將樹閣以覆之余友徐御與

律作求先世聚族經緯本覺言人大富則違慝不省大貧

則貧妄不免是田以贍後人足矣又云儒釋無二學有二境釋子不力田輸租荷戟扞圍而又蔑知見迪人助王室動神化是僂民也今吾儕日衆生民日匱苟無其人一振刷之吾道其替乎於戲學士大夫憂民勤國明學術以持世運者幾何人耳懷抱之未試或蒙禍以逝不如世外之人克遂其業也異哉若聞道者也病殆矣身之不恤皇焉田疇以及門人典實以廣津梁可謂忘我矣雖然聞之坡公有一念在卽爲塵勞上人買經舍是田已同於未舍通微辨才默然獨坐同於愚夫聞經而悟悟後何經同於未悟此爲上乘說也迦葉作務五十年鹿苑有會則聽阿難

周莊鎮志卷三 祠廟

三

之語詢非無聞也不勤勞也故蚩契南能確麥於黃梅傳業而去發之者有尊宿之神秀故可免鉛槧之習耳聖人師無文賢人師有聞欲見阿難神秀者則經傳中有二人在無徒耗其田粟也松陵翁名鯤書章騰龍弔四義士詩浙醫云將令如山岳在荷肯就擒回生憑隻手代死有丹心旅骨江南遠鄉魂浙水深只今垂白叟覓弔欲沾襟醫僕云賢主追隨久萍踪浪作家青囊遺澤國白刃冒天涯赴義名雙美成仁事並誇遊魂歸未得蠅水兩風斜里民云恐教焚玉石威令敢支持合里全生日微軀就義時非關妻子計甯爲利名馳俠氣流桑梓傷哉食報遲新安客云新安

多少客肝膽此君存片刻捐軀念千家活命恩蠅頭營道利盜藪憑孤魂大德應難報詩成滿泪痕附陶剛惠施粥記 皇帝御極之十年歲在壬子說者以爲干支偏屬恐有水災秋七月海若爲患風濤大作浙海之民爲魚吾地去海差遠僅免漂沒然田禾被淹民大苦飢自冬徂春餒饑殊甚於是里中好義之士醵貲施粥聞縣舉行設局於永慶禪院令同里附近四五里內貧乏戶先期詣局核實注簿給籌若票以爲左驗自三月一日始至四月十日止每日所賑率千有餘口午夜舉鑿清晨散糜挈鉢而來者魚貫而入舉欣欣然實其器以歸始事之日邑候李公爲

周莊鎮志卷三 祠廟

三

之給榜告諭泣局褒美事竣更製俗厚風淳匾額以嘉乃功同事諸人悉心盡力共濟時艱不求虛譽不容纖私咸食於家以襄厥事當值之夕不遑假寐由始迄終盡瘁不辭其爲粥也春掄必精簸揚必淨淘洗必潔炊煮必宜其分給也大口小口有差已發未發有記罔或誑詐冒靡有關遺誠盡善而無弊矣因念天行有定人事宜勤自先大父正吾公倡義施粥以來距今六十餘年今斯役也自非建議有人樂善有人協謀贊成有人豈能以美意運良法而使羸老飢黎得沾實惠乃爾乎是可爲後人勸用勒諸石以垂不朽

清遠庵 附 劉公祠 在南湖之上城隍廟西初名永甯俗稱三官堂唐時爲佛堂宋淳祐間僧古德始建殿宇明初兵燹僧玉琳復興之萬厯中又煥崇禎十四年僧照音重建 本朝康熙四十七年僧曉一募修雍正九年僧慧傳出貲重修並築圍牆有徐鑰碑記乾隆中僧蔭雲募修復增置常住田有陸起仙碑記五十六年里人捐修道光十五年里人葉春煦鄭維嗣募捐重修同治元年設局庵中留養難民繼乃以粥廠餘貲重修頽廢 擬乘及周莊志載清遠庵始僅一椽乃劉公禹錫寓室民懷其德去後奉爲佛堂此事於府縣志無攷然公之刺蘇也遺愛在人當其謝事優游而覽勝煙波來

周莊鎮志卷三 祠廟

十四

此信宿亦事之常耳夫甘棠猶弗忍剪而況所寓之室起居飲食於其中者乎民之護此一椽也宜也顧不以爲祠而以爲佛堂者何哉蓋建祠必請於朝其時公方爲執政所惡驟請建祠勢必不行民以爲公佛也祀佛卽所以祀公也何必祠雖然當時可不祠而今則不可以不祠同治初里人旣以粥廠餘貲修葺清遠庵照乃與同事諸君議於庵中設主以祀公云 庵中有明季檀護楊公西泉像楊公里人名及事實均無攷相傳人稱爲楊土地後港楊家潭亦以公居得名云其像初供於庵西先月樓 徐鑰碑記後鑄註云明季檀護楊公西泉之像俱奉西樓 乾隆壬午樓爲巡司署遂移供前殿今則供於劉公祠旁矣

徐鑰清遠庵常住記里之南有招提曰清遠庵面湖背市儵然出塵山門亦臨湖東嚮塑龍王像鎮焉進門南嚮前爲關帝殿中爲水府三官殿後爲大悲殿殿皆魏敞法象輝煌庭樹蒼翠參差前殿庭尤開廣週築牆垣大悲殿西爲先月樓上下軒豁樓前有精舍可以習靜梵修殿之東爲客堂爲臥室後廩前厨煥然俱新聞是庵雖始於有唐實興自趙宋高僧古德開其先元白涵徹兩禪師持其後氣象固已不同然規模尚覺狹隘再傳爲曉一師志欲恢宏時有未逮又傳爲慧傳師夙夜在心閱三十餘年經營構造始收前觀憶康熙庚午余是年初預鄉闈先期假西

周莊鎮志卷三 祠廟

十五

首樓肄業見庵中室宇卑陋後殿梁柱蠹腐前殿迫隘惟正殿稍完善時慧傳尚幼住持曉一師與余言常太息蓋欲大爲整理而工程浩大物力維艱用齋志以歿慧傳師繼之焦心瘁力食淡衣麻庵舊有田若干畝每歲贏積勤禮經懺又善針灸隨所得一入公藏不妄費雍正九年遷選日鳩工垂二年始竣事費浩繁矣而庵田先且以漸而增又葬曉一師於虎邱之東買田營建踞林巒之勝不惜重貲旋因 怡親王立祠於茲官償地價喪竟遷歸慧傳師心脚至痛兼積勞久染患不起於乾隆元年八月初十日告終越五年法嗣具彰始得地葬曉一慧傳兩師夫以

前人之創建如此其難具彰宜念慧傳師辛勤一生於禪門立德立功實非易務期恪遵師傳精嚴戒律無使人得以指摘瑕疵斯住僧之梵修既勤而檀護之維持自力否則福堂清淨難容不法之徒眾議昭彰深為可畏具彰勉乎哉世兄陳琬章陶惟一屬余作文鐫碑垂後余以衰廢辭不獲已特援筆而為之記里人沈陸起仙常住田記天相書夫易有之曰財以聚人義以正民謂非二者相需不容偏廢即在空門其所以承先啟後者亦莫能離乎是南湖之濱有庵曰清遠自古德興建於南宋不乏善繼僧徒間有不率教者必被屏斥故延及 熙朝如元白涵徹曉一諸

周莊鎮志卷三

祠廟

七

師皆能確守清規者也迨至戒師慧傳更將殿堂法像修造而鼎新之庵舊有飯僧田亦且以漸而倍增里人為之立石以垂不朽論者謂慧公銖積寸累迥殊非分之財是必有賢裔持其後者陰雲戒師慧公之裔孫也於 今上御極之二十三年始為住持常住遺田不逮十之三蔭師一以慧公為法頻年禪誦兼積經費於是整金容葺殿宇凡屬廢墜逐一修舉田復稍增彌自刻苦疲亂而病於示寂時遺命徒孫恆修以及麗乾將常住膳田并舊所遺其二十餘畝呈諸官長鈐印給示徧告里中護法將勒石垂後恆師備余記其事余謂師曰釋氏超四大離五蘊一瓶

一鉢到處生涯何以資產為師得毋託迹空門而猶未空一切耶恆師乃述蔭公之言曰有常住不能無徒侶有徒侶不能無衣食況乎廟宇之傾圯不能無修理金容之剝落不能無整飭與其募化十方而莫給孰若取資常住而可憑乎政恐後之人弗克誠心是守是不特空門之不肖抑亦當世所共嫉也欲使賢者知所守不肖者懼為非則保斯田於無失墜者勒石之為功大矣恆師述竟并涕淚以請余感其誠遂為之記庵在前明有高僧曰玉琳載邑乘康熙間有巨平和尚工詩著且留稿歿葬漁洋山慧公有徒曰道立習八法喜為詩曾以積贖助慧公惜早世是

周莊鎮志卷三

祠廟

七

皆前碑未及誌者并附於此里人沈偉烈書澄虛道院附文昌閣闕帝閣 在鎮中市俗稱聖堂宋元祐間建明嘉靖間里人王壁建儀門 本朝康熙二十五年道士胡天羽募建玉皇閣三十年又於閣西建文昌閣乾隆十六年道士蔣南紀於山門外建關帝閣臨普慶橋明時院西無人家橋有雀懸燈以照西灣之夜泊者 國初以來民居稠密西柵漸成列肆燈久不設矣道光二十三年閏七月玉皇閣前古柏一株為大風所拔殿角亦傾道士郭克修出費修葺相傳院有五井今其一在殿前一在院旁人家僅存此二者山門外一井已湮塞而石欄尚在鵠曰義井旁有宏

治己未年置六字餘二無攷矣 關帝之祀歷代崇奉至
本朝而 敕封為忠義神武靈佑仁勇威顯關聖大帝咸豐
三年復升人中祀禮節悉如帝王祀典之隆互古未有也里
中關帝閣有二一在水慶庵後道光癸卯為大風所傾一即
在院前咸豐庚申閣將圯乃移神像合祀於院內文昌閣
張冷重過澄虛道院有感詩太湖下瀉山三江三江分派
脈絡長縱橫貫注稱澤國濼洞至此環仙莊遺水重重作
外護菰蘆蒼蒼飛白鷺幽深福地似蓬萊燦爛雲霞投野
渡當時開真人宮金闕輝煌丹竈紅世人移入作仙鄰
桃源竟與塵凡通煙火生聚成邑里魚鹽貨貝來至止估

周莊鎮志卷三 祠廟

六

客帆橋集畫橋元都館外開成市昔者道士沈與王示我
玉笈琅函章我心遂慕羨門子三年寄迹鸞鶴旁別後桑
田變滄海 皇朝頌歷四十載此日重來歷舊遊殿宇摧
殘金碧改二公羽化歲月多思之不見悲如何空庭徙倚
未忍去清風明月還來過法侶何人繼其後胡君羽天獨處
守破漏瑤天徐聽步虛聲玉笛新翻降真咒出門森森江
湖邊憑君長往猶流連我亦欲為世外人相挈滄洲凌紫
煙

桃花庵 附 猛將堂 在東莊地庵僅數椽相傳牧童疊石而成
故又稱牛郎廟康熙五十一年里人徐渾募捐修葺乾隆間

里人重修道光初又修咸豐八年僧修葺募修庵後有普同
骨塔詳家 庵中向設惜字局至今因之詳公 東偏為猛將堂
會典載猛將軍係元指揮劉承忠元亡自沈於河神能驅
蝗世稱劉猛將軍雍正二年奉 旨廟祀咸豐七年 敕加
保康二字封號又姑蘇志及府志皆云神為劉銳宋將劉錡
之弟歿而為神驅蝗有功雍正十二年 詔有司歲冬至後
第三戌日及正月十三日致祭而王穉登修廟疏云是劉光
世之弟及觀怡園雜錄載宋理宗景定四年敕書則竟為劉
錡矣神為田家所崇奉里中祀之者非一處惟此最尊大香
火亦較盛庵之南近南湖濱有興隆廟鎮西瑞福庵旁有劉

周莊鎮志卷三 祠廟

五

王堂皆神祠也

景定四年三月八日敕書畧曰飛蝗犯境民不能驅吏不
能捕賴爾神力掃蕩無遺上感其恩下懷其惠爾故提舉
江州太平興國淮南江東浙西制置使劉錡今特敕封為
揚威侯天曹猛將軍之神爾其勿撫庶民血食一方

萬福庵 附 西方祠 在西柵壩基之東初名衍度俗稱新庵又
稱撥轉廟因其北向也康熙五十七年建嘉慶十四年重修
同治四年里人捐修五年廟岸又圯庵僧措貲修之其西偏
為西方神祠 西方祠亦康熙五十七年建移供西方神像
於中並祀勸善大師及都天府焉相傳大師為圓覺都天府

本中央神像竊為漁人迎去久之里中已重塑而漁人忽送歸因稱之曰都天府

雨花尼庵 在東莊地南本徐氏家庵里人徐汝珍同妻陳氏建供觀音大士像延尼萬安為住持並以甫里淨業庵修齡為徒皆勤於課誦康熙五十九年殿傾議修汝珍曾孫毅捐貲倡募延廷鏞廷鎰助成焉乾隆十九年尼永明募建斗姥閣道光間尼坤泉募修光緒元年鄰居火延及旁屋數椽尼蓉生出貲重建

萬壽尼庵 在北柵篾竹埭東康熙十九年里人吳茂芝同妻徐氏重建延尼普順為住持供白衣大士祈嗣者萃焉四十

周莊鎮志卷三 祠廟

三

年藥師閣圯尼靜修募建茂芝又助成之雍正初殿宇漸傾尼徹如募修有進壽碑記嘉慶十二年里人蔣甯氏朱陳氏捐修同治十年尼萬興出貲重修

進壽貞豐里九十重修萬壽庵記俗姓有子孫望其昌熾

佛家何獨不然貞豐之萬壽庵奉白衣大士凡祈嗣者萃

焉益斯麟趾集慶於種德之門而庵之奕葉相傳每出賢

子孫則佛之與俗不相侔也而實相似庵初建不詳矣順

治間廢康熙十九年里人吳茂芝同室徐氏重建延女僧

普順為住持康熙四十年藥師閣圯其徒靜修葺埋茂芝

亦資助之雍正初庵復傾頽徹如者靜修之徒也慨然以

恢宏祖業自任叩募善姓晨昏不懈至雍正七年凡前後殿山門廊廡一一告竣規模加廣於昔朱樞碧瓦煥然一新計捐助外罄所積不給於供權棄靜修所置常住田十畝足之費共六百七十餘金閱數年營葬其師於吳邑文殊寺左與錢二千屬寺中生息辦賦乾隆十年出經懺紡績貲仍置青邑田一十三畝有奇作常住供佛飯僧千年香火之計詳其事蹟是誠可謂賢子孫矣即求之在俗未易臻此夫佛之為教渺遠難稽乃大士以慈悲之願為善人綿似續感應之神既近且速而其佛弟子亦能紹述先志不僅以暮鼓晨鐘和南膜拜為事又豈尋常鹿苑所能

周莊鎮志卷三 祠廟

三

彷彿哉余故嘉其意而畧敘顛末如此里人鄭斌書

瑞福尼庵 在通秀橋西南俗稱娘娘廟供碧霞元君三尊珠

冠袍服泰山之神也康熙九年重修因近米市抽捐較易道

光咸豐間屢經修葺

劉郡王廟 在鎮之東庇廟僅一椽神像白面長髯翠輔冠服

而手執一鏡未詳其名字同治八年重修

保壽庵 在鎮之胡家圩白蜆江口供觀音大士香火極盛同

治十三年重修

大王廟 在鎮北急水港北灘陶公義渡口乾隆三十六年里

人重建咸豐十年圯會典載王姓謝名緒宋浙人行四讀書

金龍山宋亡死節明封金龍四大王 本朝累加顯佑通濟
昭靈効順廣利安民惠孚封號周莊志載王爲僧稽諸生以
戚晚故不仕元兵入臨安謂其門人曰他日黃河倒流是我
報讐之日也赴水死明興與元將蠻子海牙水戰於呂梁元
踞上游太祖見神將三操劍揮兵黃河遂逆流而上因乘勢
衝突元兵大潰太祖呼曰神將留名以便封爵夜夢神來告
曰我謝緒兄弟行居四葬金龍山下今日爲宋報讐非請封
也借來者南木二將軍太祖乃敕封爲金龍四大王於黃河
上立廟祀之光緒八年冬附近諸村捐貲重建

周莊鎮志卷三 祠廟

三

甯慶庵 在鎮北耘田港康熙初鎮人陶唐諫同妻閔氏建爲
晚年焚修之所茂林修竹蔚然深秀旁有隙地數畝可種菜
蔬守庵者資生焉今已零落欲傾矣
善慶庵 在鎮北廟浜村初名觀音堂明嘉靖三十三年重修
有碑記在庵前已剝蝕不可辨左偏東嶽廟係錢王浜村人
所建
彩雲庵 在鎮北韓鎮村乾隆間重建同治間重修庭前有銀
杏一株相傳明季所植也
報福庵 在鎮北祈莊村宋淳祐間府志作咸信村人陳法源棄家
爲僧創建此庵有寶幢敎院僧若源碑記 本朝道光初僧
方祥重建同治九年重修

若源平江府寶幢賢首敎院住持傳賢修宗敎觀遠山 基莊報福庵記原夫法不
孤起起必由境透境徹心存乎其人姑如闔閭城東長洲
管下去城五十里曰基莊有頭陀道者陳法源當里人也
本有家累素勤稼穡性稟狎善一日耒疲晝憇於家寐見
佛尊巍特相好金容環列人天各司典執如世尊官森嚴
侍衛而陳法源亦預其間謂如尋常趨承執事寤乃深思
何臻異夢莫非夙善所感爾乎卽於次日告及妻兒各求
自度吾誓標心奉佛不樂火宅共居徐有親識諫之不聽
令妻費氏改嫁遠鄉已逝女氏入室亦亡有子其時年將
冠歲聽從投禮嘉興之思賢依遠師得度爲僧法名善來

周莊鎮志卷三 祠廟

三

俗緣旣屏塵慮念亡子然無口參遊名利抵府城覺報禪
利禮拜訥堂辯長老化風甚振素與之昧一見契遇欣然
而留不日躬爲剪髮摩勵執師弟禮自名法源卽淳祐改
元矣至七年三月辭師回里訪故金四三道相言契濶全
論世諦慨一方陳湖之濱三十里烟水茫渺僧道往來正
爲宏道而無棲息可存心乎遂以隨身錫累置季氏奩田
一畝二角畧土築基處亦幽閤金氏從與其成助木共構
砌立小庵覆以苦草晨昏夕燈修心冥坐仍回覺報啟白
余師爲立報福庵名求援朝賢趙侍郎口諱希觀大書其
扁徐後道者王妙因棄累投禮法源爲師願求資助俞妙

勤而其次皆負囊相從其力耕穡清祐間添置季氏終字號田壘廣其址改砌庵宇後立佛亭東安厨淨中庭穿堂前後相貫規模漸序承府郭張員外捨錢粧塑觀音垂終招法源囑以埤田三角兌本庵片隙之地瘞予骨灰助租五石以供香油至寶祐間就買埤田鑿池栽藕便一方骨殖散颺建業廿二十年而道衆力勤耕耨以給庶患法源泯沒以強凌弱而不知奮拳克苦創始之艱余承乏寶幢經遊宿託而陳法源備述其艱苟不爲之記罔然以審前之作余喟然曰事非緣不立緣非事不彰立幢刹容方來續佛慧命乃非細事皆夙願力非特苟已而不利人也故

周莊鎮志卷三 祠廟

三

爲記畧述有部符府據昭示其來云爾中散大夫高不禱 不禱題蓋擬乘誤作高

永壽庵 亦在祈莊村俗稱聖堂光緒四年重修

興福庵 在鎮北三朱浜庭前有古柏一株

曇華庵 在鎮西北雙廟村庵在港東而港西又有土地堂故村因以得名同治十二年重修後庭大銀杏一株數百年物也

思敬庵 在鎮西北張家港一名師子禪林明天啟間僧闡虛善醫有鄒文萱者因疾得其療痊遂出貲助之復請大覺寺僧卓庵廣爲募捐創建此庵村人張柏泉實贊成焉 本朝

順治十四年吳端仁愉爲撰碑記而字多剝蝕康熙初村人張士隆於大殿東捐建關帝閣有馮檢討勗隸書楹聯道光元年閏圮重建二十一年重修大殿庵有福田碑一一立於康熙二十六年一立於雍正三年所鐫皆衆姓助田之數庭前銀杏一株大可五六抱枝葉甚茂

敬福庵 在鎮西北高田浜俗稱北觀音堂咸豐間重修

積善庵 在鎮西北王家浜俗稱南觀音堂同治間重修

晏公廟 在鎮西北王家浜南白蜆江濱道光九年重修同治

六年又修路史載晏公名戊仔江西人元初爲文錦堂局長登舟戶解立廟封都督大元帥明洪武初以其陰翊海運又

周莊鎮志卷三 祠廟

三

封平浪侯至樓怪之說趙翼詹曠雜記辨之又李漁比日魚曲則以十月初三日爲公誕辰云

詹曠雜記晏公廟昔人以爲江中棕繩許旌陽以法印擊之遂稱正神云按國憲家猷載豬婆龍事有老漁問其姓曰晏也明太祖曰昔救我於覆舟山云是晏公乃封爲神晉玉府晏公都督大元帥命有司祀之而不云棕怪

崇先庵 在鎮東北白家浜錢王浜之間宋咸清間僧壽崧創建 本朝嘉慶十四年村人朱掄元捐修泐石殿前道光四年重修同治十年又修

保福壽庵 在鎮東北質洞村康熙間重建光緒四年重修

卷之三 廟

崇遠庵 在鎮東北穎村宋咸淳元年僧朽庵自終南山來此

愛水木清幽創建是庵凡殿堂門廡鐘鼓樓閣畢備為遠近

鉅觀當壘基時所攜黃犬亦銜土助勞實有祥異故布金者

雲集焉元末毀於兵燹明洪武十七年僧信守誠一重建成

化間又比僧德淞智安募建增葺克復舊規兵部侍郎陸完

為之記今其碑無存矣 本朝乾隆間重修

積福庵 在鎮東北秀王浜光緒二年重修

總管廟 在鎮北天花蕩濱金家蕩村同治四年重修祀總管

金昌暨其祖和父細子元七從子應龍孫某某其墓在廟後

西北數武碑石雖存字已漫漶按府志載廟在蘇臺鄉貞豐

周莊鎮志卷三 祠廟

三

里又云嘉慶十五年蘇臺鄉總管廟入祀典惟列在長洲縣

意編祭銀亦歸長洲也

重興庵 在鎮東北王家灣舊名介福同治元年為粵賊所燬

光緒五年重建改今名

普化庵 在鎮東道堂浜左有東嶽廟同治間重修

真武廟 在鎮東朱家河乾隆初建光緒元年重修

雲隱庵 在鎮東王巷村宋咸淳間僧如隱建 本朝康熙十

八年僧樸如重修道光二十九年僧揚庵又修

北聖禪院 亦在王巷村俗稱北聖堂康熙三十三年重建嘉

慶四年重修又有南聖堂僅一椽在村南湖洲中

石神廟 在王巷村東南里許宋建祀韓蘄王部將石仔同治

元年粵賊營此廟燬九年重建而神像無存矣廟右為衍度

庵有明季福田碑

福壽庵 在鎮東南馬家浜道光十八年重修

勝因庵 在鎮西江澤村俗稱聖堂相傳為聖姑夫人廟基聖

姑者府志載晉王彪之之女也元至正間改建明季僧穎先

重修 本朝康熙四十年重建道光二十六年又修

流慶庵 亦在江澤村元至正間僧智福建 本朝康熙十七

年僧畏如法如重建庵右為曹王墓故相傳元以前庵即祠

宇也

周莊鎮志卷三 祠廟

三

四相公廟 在鎮西西蒲塘相傳神為朱姓救封英烈侯凡患

瘍者俱往禱祀故香火極盛

德慶庵 亦在西蒲塘明季建今幾頽廢

青蓮庵 在鎮西西投氣前殿乾隆四十六年建後殿已圯

全福庵 在鎮西北黃墩港道光三十年吾鎮全福寺中房僧

道宗住持此庵咸豐三年募建前殿並圍牆泐石壁間

福神庵 在鎮西北雪巷村舊名獨雲庵道光二十五年村人

沈楸慈感夢重建左偏增文昌閣右仍為劉王堂并架樓藏

其家刻書板有朱珩碑記

朱珩 涇縣人賜進士出身日講起居注官右春坊右贊善上書房行走前翰林院侍講 吳江修改

獨雲庵為福神庵并建樓藏書板記松陵吐納其區水溪
港千計惟白蜆江最著江在縣東南繞而北委紆瀟瀟旁
擴大圩為雪巷村今沈君翠嶺所居蓋明崇禎間遷自浙
之歸安近地先有獨雲庵莫詳創始歷二百餘年漸致頽
墮君擬鼎新焉忽夜夢苾芻入謁跌坐誦佛號詢知披袈
八垢福神庵聞君結善緣故來君諭以本境獨雲庵方立
程式難兼營領曰即此可惟祈速構頂禮去比寤念八垢
道界嘉禾固密邇遣人尋訪乃絕無是庵顧何以甫發願
而僧語適符彼云即此者又何邪天下有夢寐而通神明
者或謂荒誕不盡然高宗夢得傳說孔子夢見周公古帝

周莊鎮志卷三 祠廟 夫

古聖勿敢論若左傳一書言夢應者屢矣至後代夢丈六
金人則釋家亦有之君之夢積想成因似役不可緩乙巳
春遂飭工改造距前址稍西山門面陽門內殿虔奉關忠
義次殿供諸佛其左建文昌閣而右為劉王堂仍舊號但
未知劉王奚指疑即毗俗競崇之劉猛將軍如錢竹汀少
詹集載嘉定城外廟祀紀將軍信而稱紀王歟茲舉也高
貴獨輪圮口重煥遷易名福神留誌夢兆雖然君初心殆
非僅是也君素嗜刻書成帙甚夥棗梨鐫本充溢棧柄而
懲昭文張氏之學津討源板燬於火矍然求善壤以貽乘
庵之興急就乾闥別築樓三楹闕濶朗爽廓乎能容移羣

書板皆實其中擇謹慎緇徒常司守護庵曩存田六畝有
奇更增若干畝薰修者毋虞之匱從來浮屠之宮苟無厚
蓄奸蠹罕覬縱遇紛擾往往幸全且託處必閒曠虛靜專
踞一區遠離塵垢殊不類市廛櫛比連簇蜂窩倘弗戒鬱
攸啟禍動吁焦原故近時阮雲臺相國於西湖之靈隱焦
山之定慧皆置書藏正以錙遺編而防莽患也然則君仿
厥製誠慮遠而謀周而豈漫拘泥象教希庇佑者哉功既
竣屬余述事爰作記俾昭垂庶幾奕世下庵也樓也藉得
與白蜆江流並美 吳縣吳根書

清隱庵 在鎮西之北印村康熙初僧歸一自同川懺院至此

周莊鎮志卷三 祠廟 无

四十六年村人宋文元募建前殿越明年歸一與其徒道立
創建後殿及山門圍牆乾隆中僧覺空重修四十一年火覺
空復次第振興至四十六年還於舊觀鎮人陳晉為撰碑記
空翠禪院 在鎮西蕭莊黃泥浜之間本名辛庵康熙二十六
年僧慧生重建乾隆五十七年僧清元重修道光十七年僧
松亭積醫費復加修葺張承基為撰碑記同治九年又修
崇善庵 在鎮西南長渠村 國初建同治間僧素成積費置
常住田九畝有奇
泰甯庵 亦在長渠村光緒三年僧洪學募捐重修
旋新庵 在鎮西南角字村雍正十年重修道光六年又修

萬壽庵 在鎮西南大港村同治九年重修

法華庵 在鎮西南吳家埭乾隆五十七年重修道光二十一年又修

淨土庵 在鎮南許莊村宋建明天啟間村人楊守愚助僧大

量建觀音樓并施田畝崇禎間僧月滄智觀相繼募修有無

名氏碑記今樓已無存矣 村中於乾隆五十七年曾築隄

防水陳紹昌倡之吳江費振勳為之記其碑在庵左殿壁茲

亦附錄以備留心水利者攷焉

無名氏淨土庵記吾邑水之大都會也右濱五湖左接東

海浙水經其南江流達於北凡大川巨瀆包給於平原沃

周莊鎮志卷三

祠廟

三

野間者弗可勝記以故水脂浸潤土膏肥饒財賦之盛甲

東南都邑而二十九都則首推膏腴之區許莊又都中田

最著村中人貧者相足衣食富者亦節儉有禮暇日諸父

老環集庵內作佛事謂人生無事為福得念彌陀終年誠

如西方極樂世界庵名淨土建自宋朝數百年為一方香

火初僅有祖師祠無佛院塑莊嚴寶相令善男子皈依及

大量師居之欲廣里人作福地里人亦欣然從之楊居士

守愚領袖善眾所施架一樓立觀音像體裁甚潔且固

巍然時錦口繡壤中四望烟火萬家雞犬音相接竹樹桑

麻景色錯出於廬舍旁一覽而竟禾麥縱橫田間四時異

象禽鳥組織於其中煙雲繚繞於其上去年變幻早暮殊

觀出世人得以安棲向道人俱可樂敘矣楊居士心自喜

捨青邑烏字圩田六畝為衲子供養具二十餘載大量欲

立石傳其德銘其功疾故未及越數年延月滄師住持滄

師西逝法嗣智觀相繼募諸檀越殿宇復新奉香火梵音

不絕其重念楊居士善行大量師至情月滄師衣鉢遂欲

續承其事奈履衲蔬粟之需僅可禦寒免飢無他餘物邇

年天災流行苦益倍萬未克為此茲幸逢豐歲諸善信多

好扶助本懷正不容不自慰也鐫之石以垂永久使後人

知居士發願不惟積善於身且以成人之行必務全惟口

周莊鎮志卷三

祠廟

三

事化感眾庶庶可消受此福不然享居士之德負居士之

心亦烏能自安飲食乎哉雖紫竹之光風綠楊枝之甘露

難滌除眾業證入菩提滄師遺屬法裔法界索文於余余

遂樂為之記大明崇禎甲申歲次清和月附錄費振勳賜

士出身中憲大夫戶部四川主事 許溪築隄記周禮匠人

兼翰林院檢討廣西提督學政 為溝洫視地防稍溝必廣倍於善防水厥之濶最詳廣與

崇方其網三分為一大防外網俾隄厚水不能潰其制與

稻人稼下地且防止水相表裏江邑隸吳郡北距具區東

連淞湖古稱澤國霖雨成澇滋患實夥則所謂且防止水

者亟宜講也許溪在邑之東隅窪下田什之三四其地極

下輕兩圩田不下五百餘畝比年遭淹沒顆粒難幾壬子春宗文陳紹昌先生倡籌備澇之方日成嗣考松年老先生志先是松年數欲築隄禦水逡巡不果蓋齋志有年宗文因與各圩圩長暨里中長老議將築隄念田賦爲 天庾攸關是舉非一手足烈遂具詞請於邑侯書田呂公旋允其請並飭督築里人咸踴躍趨事諒日起工測廣厚量高下待畚揭庀材材次第以舉畧仿古匠氏遺意隄長可三里許廣可丈餘東南接曠築岸可半里南北濶門築壩可二十餘丈旱則灌注日溉其中澇則洩瀉以捍其外功成而壤盡膏腴畝可歲得一鍾是能上供 國賦毋虞逋

周莊鎮志卷三

祠廟

三

負且水患永弭業佃均賴其利則斯役誠意美濶良而古管下地日防之制於茲爲烈居是里者可日服疇食德斯然想始事者之善籌矣事既歲宗文復撮其始末郵遞至粵西官舍屬余爲之記余嘉其利之溥與其意之誠烏可

以不文辭於是乎書

瑞慶庵 在鎮南西岑村乾隆十四年重修咸豐十年又修

長生庵 在鎮東南吳家村庵瀕元蕩道光二十三年重修

關帝廟 在鎮東南蕭田村光緒二年重修

雲谷庵 在鎮東南寺巷村舊名關帝廟乾隆二十六年重修

咸豐五年又修殿壁有衆姓敬禮華嚴經小引碑乾隆十年

鎮人費張魁題盧安國書

三元庵 在鎮東南楓里橋道光二十五年村人郭用霖同子

耀重修

敬信禪院 在鎮東南二哥港本張季鷹祠宇院東卽其墓也

後改爲禪院而中仍供季鷹木主咸豐二年重修

永福庵 凡三一在鎮東南官字圩同治間重修一在鎮西同

字村乾隆二十七年王馬氏重建咸豐六年蔣徐氏重修一

在鎮西南三家村庵瀕南湖同治元年九月爲粵賊所燬五

年重建

東嶽廟 凡二一在鎮西南南莊村光緒四年重修一在龍涇

周莊鎮志卷三

祠廟

三

村光緒元年重修

土地堂 凡四一在鎮北繆浜村一在祈莊村一在鎮西北雙

廟村一在鎮西西投氣

觀音堂 凡六一在鎮北趙浜村一在鎮西北林家浦一在楊

家浜一在鎮東北錢王浜一在北朱家浜一在祝家田

三官堂 凡四一在鎮東北東管村咸豐四年謝恆山募修一

在鎮東匠人浜光緒四年重修一在鎮東南馬家浜庭前銀

杏一株大可六七抱枝虬葉茂參蔽天日遠近稱最一在鎮

南長浜村

財神堂 凡四一在鎮之胡家圩一在鎮西南張家浜一在三

家村一在長浜村

聖帝堂 凡二一在鎮西南長浜村一在鎮東南東清村

猛將堂 遠近各村無地無之甚有一村而分立數祀者祀神

之所亦不一或立小廟或附於庵院或供於家悉數難終不

復肩列惟鎮東北質洞村所建神廟塗以丹腹故廟左之港

遂以紅廟得名鎮東朱家浜之廟前後兩殿視他處為敞庭

前置一大鐵鼎道光三十年村人朱文道募鑄又他處多於

春秋首月備鹵簿迎神賽會巡行隴畝間獨鎮西西蒲塘之

神崇奉廟中不出此其最著云

寶蓮尼庵 在鎮西北北田肚乾隆五十年重修魏塘周鎬為

周莊鎮志卷三

祠廟

三

書庵額今零落欲傾尼亦無存矣

海會尼庵 在鎮西北陳家浜同治四年重修庭前紅牡丹一

叢歷年已久高及簷際花開纍纍數十百焉

斗姥尼庵 在鎮東南陸家灣本車六厘沈氏家庵咸豐間重

修

慧日尼庵 在鎮西北陳許村乾隆四十五年重修光緒三年

又修

興隆尼庵 在鎮西北黃墩港咸豐八年重修

金山尼庵 在鎮西南陳家浜道光六年重修

滌塵尼庵 在鎮西南南莊村乾隆二十九年重修光緒四年

又修

回福尼庵 在鎮西南張家浜乾隆五十二年重修道光二十

六年又修

周莊鎮志卷三

祠廟

三

冢墓 附坊表

東吳左丞相婁侯陸遜墓 在鎮北三朱浜言若字圩南瀕蕭田湖村中陸氏皆其後裔相傳墓有古柏自晉代遺留人不取犯其枝葉故俗稱為柏枝墳今樹已無存纍纍然惟一叢荒草矣按吳地記載華亭縣有陸遜墳在東南二十五里橫山又太湖備攷載順治間有某姓卜葬於洞庭山白沙塢得石槨旁卧一碑有東吳左丞相陸遜墓八字某急斂土填之而徙葬於下并諱其事又淮安府志載桃源縣有陸遜墓去治西五里又唯亭鎮志載延福寺後殿基址即陸遜墓然則陸遜墓究不知何在而問之村中父老皆以為先世傳聞如

周莊鎮志卷三

冢墓

墓

是且謂葬時有衣甲等物意者殆遜之遺衣甲子孫葬此者歟此與曹王墓皆擬乘所載姑仍其舊

晉大司馬東曹掾張翰墓 在鎮東南二畝港南役字圩墓右敬信庵即其祠字今庵中木主猶在按吳江縣志載此而沈志引吳地記及續圖經云張翰葬橫山東五里墳亡以駭之然嘉慶間曾有墓碑出土當時傳播藝林旋為墓田農夫沈於河同治三年震澤王之佐雇人負出已漫漶不可讀矣又張大純三吳采風類記載張墓亦與屈志同同治十年吳江黎邑尊庶昌重修立石

張大純過季鷹墓感賦詩垣節江干日已晡季鷹高致冠

東吳宦情落落空千載墓草青青傍五湖杯酒生前經將相秋風身後重尊鱸只今勢利滔滔是過此還應愧汗無黃茂調季鷹墓詩秋風乍起廓平蕪縱適飄然撤宦途壯志豈真消歲月鄉思原不為尊鱸折腰節肯輸彭澤宅人先作釣徒今日來尋歸隱迹一杯黃土映明湖當年此地列祠堂屋宇從今供法王墓旁敬信庵即祠堂舊址舊迹存乎碑剝落出土卧碑字多模糊高風渺矣水蒼茫隱居總勝官居穩宦味寧同鄉味長誰識遺徽千載後社旗招處草猶香沈偉烈和詩出土殘碑掩綠蕪步兵遺迹在荒途一杯寂寞誰澆酒千載流傳有膾鱸釋氏陰隨儒作護祠宇已圯今為敬信庵木主猶存焉先

周莊鎮志卷三

冢墓

墓

靈習與古為徒十世祖樂耕公墓即在庵西年年祭掃常趨謁聚水藏風並帶湖見幾曹掾去東堂莫待干戈擾八王仕宦抽身貪縱任隱淪埋骨入蒼茫名留死後情何已志適生前樂自長回望三高祠不遠春秋俎豆薦馨香進炎和詩蕭蕭古墓弔荒蕪猶憶秋風賦載途揮手官辭司馬掾關心名著步兵鱸人傳青史寧康歲像列丹祠范陸徒惟有尊菰依舊產清芬千古襲江湖朱春霽和詩名流蹤迹寄榛蕪想見高風脫宦途避世每求千日酒歸鄉寧為四腮鱸金章翠綬辭曹掾雨笠煙蓑狎釣徒埋玉深深誰祭掃殘碑水卧並江湖見幾無意立祠堂早識齊王似趙王心動秋

風聲瑟瑟魂依江水路茫茫一杯酒恨生前短千里尊傳
死後長漫向江村詢父老事留文苑姓名香唐際會和詩
來尋古迹歎荒蕪原有殘碑卧道途適志一朝辭印綬高
風千載憶尊壚無求死後稱名士惟願生前作酒徒鐵笛
草蓑常繫念廟廊原不逮江湖

唐曹王李明墓 在鎮西江澤村投字圩七十八坵公佔免科

俗稱曹王墳王為蘇州刺史卒諡曰恭萬民留葬於此詳祠廟

相傳舊有碑為買勇者挾棄於水墓左流慶庵即祠宇也

宋二十相公金和墓 在鎮北金家蕩村總管廟後子太尉細

孫總管昌曾孫元七應龍耐俗尊神曰老爺故稱此為老爺

周莊鎮志卷三

冢墓

美

墳旁存碑石已沒字矣

迪功郎金章墓 在鎮西北搖城村寶慶元年築名鄧山子孫

皆附

明徐民望墓 在鎮之嚴字圩東浜二子二孫附

沈莊墓 在鎮東北穎村羔景字圩崇遠庵右高大如阜擬乘

誤作沈萬四墓道光間墓碑出土始得其詳

盧充南昌人 故沈伯熙墓誌銘有序公諱莊字伯熙姓沈

氏蘇人也其先世以躬稼起家曾大父祐由南潯徙長洲

見其地沃衍宜耕因居焉大父富嗣業弗替嘗身帥其子

弟力穡事又能推恩以周急難鄉人以長者呼之父旺丰

姿麗厚有二子長曰至季即伯熙也伯熙為人持重和慈

衣冠步趨澹如也平居善事親喜接賓客閭閻禮容恂

恂不倚富以自矜雖愛憎一人亦罔形乎詞色內外威德

之尤克紀綱家事好蓄書史奇玩每清暇則出而陳之坐

若翁於堂上俾家人具酒饌伯熙與其兄獻壽稱觴怡怡

懌懌一門之內父子昆季藹如也洪武十九年春兄至以

戶役故縲紲赴秋官時伯熙亦獲戾京師適與兄同繫獄

入則抱其兄痛泣曰吾兄素羸不堪事今乃至於斯耶既

而伯熙先出遂得疾甚藥莫療竟以其年五月二十一日

卒於京春秋四十以是月二十七日權厝於上元縣之礪

周莊鎮志卷三

冢墓

美

石岡去年冬兄子德全昇輓歸未克葬今始營新邱於長

洲二十六都影邨羔景字園之原將卜以洪武二十一年

十二月二十一日窆焉伯熙凡兩娶唐氏俱無子先卒後

娶郭氏生男一人曰基甫六歲嗚呼伯熙之死人謂憂其

兄而殞其生也可悲也夫是宜銘銘曰繫乃祖兮昌厥施

嗟若人兮肅合儀方昆仲兮相諧嬉羗罪疾兮紛交馳念

手足兮人罔知心鬱陶兮形益疲胡一朝兮天奪斯命修

短兮理有之殯旅次兮魂曠依泣老親兮號孤嫠姪返轉

兮涕漣洏卜佳城兮葬以時枕高隴兮揖清谿土肉厚兮

松遲遲正邱首兮禮弗違安汝魄兮奚所悲續有嗣兮祭

不慳勒貞珉兮系銘詩

陸源墓 在鎮北龍亭村傷字圩南即墓基頗大光緒初有鄉

人於此葬其親故土得碑遂自立於墓前又相去數武更有

一碑緘石之鐵已見惜向在土中想亦陸氏誌銘也

陳洪謨鄉貢進士陸隱君墓誌銘隱君姓陸諱源字宗本蘇之

長洲人曾大父文伯豐財好義著聲於鄉邦大父允道父

以安世尚隱德家陳湖之東隱君始徙城中母周氏生子

四人隱君其次也事母十餘年竭力奉養及卒喪葬之禮

率由乎自盡此其事親以孝也遺子旻補邑庠生訓曰吾

事稼穡授汝詩書尚知禮義非徒祿養此其教子以義也

周莊鎮志卷三

冢墓

空

至於絕異端重儒學見緇黃頗僻之徒必峻拒之遇士林

搢紳之士必延論之家有文獻通考文集閒時觀覽手不

釋卷其所親厚或婚喪之不能舉者則周恤之無吝每厭

閭閻喧閤之聲勢利驍兢之習家植淇園萬竿日邀詩友

觴詠於其中徜徉自得足迹未嘗入公門亦未嘗識官吏

其視功名富貴等如浮雲及論時務事則是是非非確然

無所回互使其出而致用則其施設條理必有可觀惜乎

隱而未見壽五十有四而卒成化辛丑八月十一日也娶

唐氏子男二人長口次即旻女一適蘇衛百戶李淵孫女

二口以口之口年癸卯冬十二月初一日庚申葬於陳湖

隆亭祖塋之次先是衰絰踵門泣血請銘於予予以口口
從吾學且與隱君有契故序其概而系以銘銘曰隱君之
行眾善咸萃我銘幽堂永昭百世

義官承事郎浦杲妻龔孺人墓 在鎮北龍亭村浦為店前

村人亦屬貞豐里其墓碑同治間出土

杜啟郡人福建按察司僉事前文林郎南京山西道監察御史故義官承事郎浦君以

賜墓誌銘君姓浦諱杲以賜字也別號可齊君於成化十

八年輸粟若干石以救荒例得補七品散官承事郎時年

方二十歲志亦宏矣君世居陳湖稱鉅族曾祖諱景葉祖

諱彥忠號畊叟父諱溢母朱氏溢與朱氏於君髫髻時舉

周莊鎮志卷三

冢墓

空

棄世君鞠於畊叟以長既授室特以幼孤之故辜大父之

望是懼益思樹立以自見充拓家業日裕以碩然能時為

義舉鄉之橋梁不便於途傾者□之乏者創之陂塘不便

於隴淤者濬之渚者疏之司征萬石不賒於民公額亦足

有單寒為貸足之不使債息事如此類不但輸粟一節而

已君好客又好飲門之客過無虛日必使款洽盡醉已未

嘗辭勞客亦不能辭散然主賓歡然亦不至亂或謂之曰

君始可人意哉君亦不讓遂以可齊自號惜乎年止三十

有八較其父年已多十一年矣卒之日為宏治己未十月

十一生之日為天順壬午二月十九配龔氏先卒生二子

長曰恆娶盧氏次曰愉尚幼女一適翁恩繼龐氏孫男一女一俱幼卜以宏治十六年十二月初九日葬於湖傍之左隆亭新阡先事恆以崑山周應文狀介子表姪魏文寶來乞銘泣且拜曰先人存時欲求執事可齊記未果不幸已死托此以畢先志幸憐而賜之予曰諾乃按而序之系之銘曰少孤而存賴於祖壯奮而立紹厥武義施榮驅獲簪組仁惠存腔及貧簞客有過從醉為主歡歌擊節或起舞德以將之不踰度年未四旬身作古百歲何如稱頑魯有子傳家繼門戶可齊瞑目歸茲土

翰林院編修姚鼎學邑人沈蕙書

周莊鎮志卷三

冢墓

望

洲義官浦以陽妻龔孺人卒卜於是年蜡月十一日甲辰葬隆亭鄉之新塋佳兆也以賜子恆從余游故不庫余未顯輒持慈溪孫時益先生狀來托銘於余按狀孺人姓龔氏諱壽貞世為長洲席墟名閭也曾大父志學洪武初以人材顯於時大父孟德文伯敬援今例授義官母施氏生孺人為長女天性貞淑舉止必待母俱甚得親之鍾愛焉時年十九歸浦以陽浦為陳湖之鉅族外內聚食常越千指以陽身長鄉賦家政巨細一切皆孺人裁之無不得宜故以陽無內顧之憂孺人相蒸嘗之禮必潔相燕賓之禮必豐事上也必敬馭下也必濟以嚴慈所以家庭之間

雖雖如也肅肅如也繼悉罔有所遺此以賜雖少失怙恃而能修身齊家克振先業又得內助之賢如此惜乎孺人一疾不起而藥弗效靈噫距其生天順庚辰八月五日春秋三十有七子男二長恆聘盧氏次愉幼女二長允清許翁恩次允貞幼在室夫以孺人之賢德固宜克膺遐壽以享諸福然人之修短則稟於有生之初不可測其所以然者□□莫非命也順受其正是宜銘銘曰女德貞淑婦道雖肅宜膺遐壽以享諸福三十七年天奪之速垂訓後昆遺言諄復佳兆伊斯隆亭之陸誌銘可徵用告來躅

邑人章浩

周莊鎮志卷三

冢墓

望

鴻臚寺鄉飲賓戴昇墓 在鎮西北七家浜夙興字圩有郭盼

誌銘

郭盼

承務郎鴻臚寺丞致仕

明故鴻臚寺鄉飲賓東軒戴公暨配張孺人合葬墓識銘戴君朝用將葬其二親乃以行畧乞銘

於余余與公世姻也遂按其狀而書之公諱昇字景輝別號東軒曾祖仲明祖承甫父文顯俱以行誼聞世居於邑之貞豐里公樸懋勤敏甫冠即銳志儒業家頗登載之楣楔傑然為當世之望公性孝友每父母疾憂憤至廢寢食待昆季曲盡其禮白首無間言居常自御甚簡雅好詩禮博通經史為文理醅詞顯朝廷遵洪武例詔郡縣貢諸生

之秀者於國學而公得與焉繼任鴻臚寺出其高才偉器足稱當代作人之意時有詔許臣民言政事公亦以封事上言時事累數百言忤旨歸田里歲延師必擇文行之卓犖者而遇之有禮曰與其竭力以教子不猶愈於傾貲以嫁女者乎其知所重類如此平生好施予族有婚喪不能成禮者必助之且勉其勤於所業以為鄧仲華之家訓可法也歲饑捐粟以周貧慕義就食者公數賑之不忘晚薦以鄉飲賓聖天子尚年敬德之典公誠無忝云公之淑配張孺人孝敬稱於尊嫜和柔洽乎妯娌相夫子以順持厥躬以嚴家故饒財身親織紉綽乎有敬姜之風焉凡公之

周莊鎮志卷三 冢墓

聲聞於殿陛惠周於宗黨者亦孺人相成之也公享年六十有九距其生為正統七年壬戌六月十七日也子男三長廷珮即乞銘者娶馬氏次廷珪娶沈氏先卒三廷璋贅陳氏孫男四曜娶郭氏暉娶沈氏暉娶繆氏兩尚幼孫女三適王恩張麒徐宏曾孫男三女三俱幼珮以嘉靖二年癸未十月一日合葬於邑之夙興字圩新阡為之銘曰貞豐之陽春暖花香偕老於此軒冕情忘人倫無愧為世表章雙柑斗酒笑傲滄浪貞豐之陰上沃泉深同穴與居遐想遺音砥行利物如玉如金仁人有後千古同心
江西大庾縣縣丞署知縣徐時亨墓 在鎮之嚴字圩東浜其

六世祖民望墓之東子孫祠
勇士陳鏞墓 在鎮西江澤村之西浜切字圩
戴暉墓 在鎮之南江字圩魚池岸墓有榆樹兩株甚古其妻沈氏同邑官浦人即山東巡撫林之從女也
長庠生 本朝鄉飲賓徐汝璞墓 在鎮東北冷家灣克念字西圩松陵吳之紀為撰誌銘今無存弟國學生汝珍墓即在
其右汝珍孫府庠生梅祠
本朝鄉飲賓陶唐諫墓 在鎮西北白蜆江濱南塘灣深履字圩
徐梓墓 在鎮東王巷村帝字圩子吳庠生 欽旌孝子煥祠

周莊鎮志卷三 冢墓

長庠貢生徐沂墓 在鎮西北王家浜夙興字圩
潁州學正康熙乙酉科舉人沈作霖墓 在鎮東南吳家村中
江字圩從子吳庠生天相墓即在其右
府庠增生陶天民墓 在鎮西江澤村張字圩子盱眙縣教諭
吧思嘉善庠生剛惠祠
迓文煥墓 在鎮之嚴字圩東垞長子廷鏞附楊太史繩武為
撰誌銘今無存次子國學生廷鎰亦附焉
鄉飲賓先高祖諱兆葵墓 在鎮西長渠村北子珪字圩先曾
祖國學生諱繼潛祠
長庠武生章騰龍墓 在鎮北祈莊村誠令字圩

元庠歲貢生徐稜墓 在鎮西江澤村張字圩從子吳庠廩貢

生暹墓即在其右

考授一等州同充補 內廷教習乾隆戊午科副貢生陶善圻

墓 在鎮南善灣村車字圩

吳庠廩生俞達墓 在鎮西北陳家浜忠則字圩子元庠廩貢

生濂附墓屋數椽咸豐間圯

吳庠生陸起仙墓 在鎮之北友字圩西北

長庠武生章秀墓 在鎮西北許家港夙興字圩弟國學生瑩

附

元庠增貢生朱同仁墓 在鎮東田肚村大西元字圩子府庠

周莊鎮志卷三 冢墓

望

增生春寔附

元庠增生徐昌基墓 在鎮之嚴字圩銀子浜金鈎釣月處

嘉善庠武生沈文淵墓 在鎮西北白蜆江濱深履字圩子候

選州同國學生本仁墓即在其右門廡松楸今俱無存

覃恩贈承德郎先祖諱秉信墓 在鎮東南車六庫翔字圩

長庠生陳晉墓 在鎮之嚴字圩東浜弟勳子長庠廩貢生玠

附

贈贈儒林郎國學生先伯父諱保宗墓 在鎮東南翁家港島

字圩從兄 敕贈儒林郎議敘八品職員元照附墓屋經已

西大水而圯墓水猶有存者

贈贈奉政大夫先伯父諱興宗墓 在鎮東朱家浜大西元字

圩從兄 誥贈奉政大夫國學生琴泉附有莊慶椿墓表從

子候選同知國學生甄亦附焉

莊慶椿 震澤人 皇贈奉政大夫候選府同知國子監生勤

補陶君墓表歲癸亥予避兵周莊鎮落魄無歸先時兒子

人寶與長洲明經陶君然為昆弟交陶氏多高材生以是

遇余皆善絃歌酒席嘗數數見一日元和候選府同知君

甄奉其先大夫勤補贈君行狀屬為表幽之文荒督失學

主臣不敢當明經君復誣諉不已烏虜世儒夸毗諛墓中

人必有名爵者連護官銜數行以為榮布衣野老之儼無

周莊鎮志卷三 冢墓

望

足重輕明矣班固不受金蔡邕無媿色庶幾哉質言不僞

可也爰為銘以序之曰君諱元熙琴泉更名先籍興化居

揚州城來遷江南汝益處卿讀書不仕終明諸生秉義秉

信難兄難弟晦迹邱園祿廩米將熾而大弟生三子億

中貨殖業日騰起仲曰興宗號北溪翁是為君考往紹義

公若敖有祀融洩隧中灼荆卜昌燾後叻躬倚惟贈君失

恃羈卯棲淚在睫不貽親歎後母熏和娘生如鸞君亦忘

出扶扶博粲天鍾英稟髦逸駒驚筆竇墳典汎濫百川斬

奮功名他途林先靈椿遠彫蓼我輟篇脂韋瑣瑣玉雪子

子毀方而圓掉頭不屑賈也市徒無甯游俠來潮友韓樹

枚師葉相馬以與相士以居有真意齋左右圖書戰書其
中歌詩白娛不隘不恭筦此寸樞麗祿孫人財輕粟籜既
挺之流或相笑嗟厥配尤賢恣君珍藥不榮於心唯唯諾
諾允稱內助系出紫陽送往事居罔或不臧歸妹金沈庀
具巾箱坤為吝嗇母易慨慷如何鞠訓所天忽逝竟天襲
生卅崖加二生卒有徵丙寅丁未咸豐紀元母復謝世俱
不五十為善加憂有子有孫夫又何求大孝尊親 綸誥
下酬思存寵異令問川流政慢葬期龍集乙卯體魄永安
祖塋襲兆剖碑譔德松楸夾道石有時泐不朽阡表

覃恩敕贈承德郎先考諱邁宗墓 在鎮東王巷村北辰字圩

周莊鎮志卷三

冢墓

吳

有蔣敦復誌銘從弟拔貢生然墓亦在王巷村東南月字圩

蔣敦復 寶山人 覃恩敕贈承德郎按察司經歷加二級陶

君賢配徐太安人合葬墓誌銘桐城方苞氏之言曰銘者

諡誄之遺也古者貴而賢始有誄而諡則雖君父不敢有

私焉若於素不相識之人而與之銘設實背於所稱是謬

言也於吾為贅行矣方氏之以道自重如此余窮於世自

遭兵燹老病杜門壹意賣文自給蓋所謂言之贅行之贅

者多矣而又不能厚具金幣僅僅介其友以誠來告乞

為銘余閱其志之不忍死其親也必不忍誣其親以自陷

於不孝爰據狀為此文云按狀君姓陶氏諱邁宗字企阜

一字東籬江蘇元和人少佐其父賈顧賈名而士行兄弟

三人惟君以季子奉二親居先人敝廬父歿哀毀盡禮事

其母尤以孝聞生平胸次夷曠特嗜酒嘗曰淵明氏吾祖

也吾知之交友敦氣謹性好施予居於鄉而里中諸善舉

畢立晚年兩兄尚存招聚一室飲酒言笑怡怡如也及君

之歿其母哭曰嗟乎余季今安往耶哭數月亦歿惟君生

能得其親之懽心死益傷乃母心彼生死使其親漠然若

無所與者尚堪為人子否耶娶於徐能佐君綜家事鬢而

當門教其子以成立以次子燾官贈安人而君亦得贈承

德郎按察司經歷加二級其歿也前後相距十有八年爰

周莊鎮志卷三

冢墓

吳

合葬焉從六朝人例牒其世系年齒葬所如左而為之銘

曰惟庸行斯完人實可采名奚湮精爽逝體魄存銘幽宮

視吾文 世系 年齒 葬所

候選布政司經歷沈楹墓 在鎮西西蒲塘東南難充字圩

有畢華珍誌銘門廡高敞松楸鬱蔥又北印村有楹惠祖父

墓規模亦與此髣髴也

畢華珍 太倉人 清故候選布政使司經歷沈翠嶺君墓誌

銘吳江沈人燕葬其父翠嶺君後以行狀來乞銘余覽陸

生日愛舅氏哀辭既多君之行誼今又按狀得其詳合於

銘法遂不同辭君諱楹字虞揚翠嶺其號先世出湖州

竹墩七世祖彞溥明季避兵來吳家於吳江之雪巷村遂
隸籍焉君祖諱錫命 地贈奉直大夫父諱宗源 誥封
奉直大夫母諸氏陶氏 誥封宜人人家世躬耕不求聞達
成能以節儉自持又值輕徭薄賦之世家日益饒及君始
折節下帷性穎悟舉止凝重既就塾不喜逐常兒戲又容
齋翁以長子早天冀君早自立所延皆老師宿儒君從授
經解卽能了大義甫弱冠以父春秋高不復銳意舉業惟
讀書孝養佐理門戶纖悉必當由是翁心大慰翁歿益絕
意進取日惟課子授經親交有貧不能讀悉就君塾多所
成就遠近來游文會無虛日喜蓄書嘗與歙鮑徵士廷博

周莊鎮志卷三 冢墓

至

交有志罔羅散失前後刊刻張氏潮楊氏復古所輯 昭
代叢書凡四百種及王氏鳴盛蛾術編八十四卷吳氏翌
鳳 國朝文徵四十卷皆手自讐訂歷二十寒暑未嘗輟
也中間連年喪子惟幼子人杰存君曰是余積愆所致悲
慟無益乃益事廣德厚施力所能任不責償報尤盡心於
荒政先年大水收瘞溺棺至四千餘具饑饉之後繼以兵
興前後宰是邑者無不引君司事倚君如左右手儲粟賑
貸撫恤防堵諸事宜獨任其鉅出家財無算蓋勇於行其
天性然也君博聞強識多得朋友之益既而聞沈少司空
維鎬林文忠則徐緒論務爲有用之學續輯叢書一百餘

種能識其大二公皆 今代賢者讀書求是而以芟訂屬
君則君學老而益進可知最後乃一意敦本臨終無私屬
惟道得修譜二字其神明不亂如此君生於乾隆五十二
年四月十日卒於咸豐三年七月四日年六十又七娶張
宜人生子五人長宸鳳次澂照韻海俱前卒次韻藻幼殤
次卽人杰議敘縣丞女二人長塲次適浙江布政使司理
問震澤凌兆鸚孫三人孫女二人一殤一未字人杰以四
年十二月十八日葬君於二十八都西蒲塘之東南原欲
得銘詞以志幽宮禮也余聞自古風俗之美必觀於鄉書
云孝乎惟孝友於兄弟孔子以爲是亦爲政昔人恆躬耕
以代祿養躬耕非卽可稱高節惟其能養志錫類又以門
內之行達之於鄉斯爲賢矣東漢治最近古惟時孝弟力
田史不絕書而蒲輪旌廬之盛典則出之自上鄉里以爲
榮沈君有焉銘曰謂世德無微邪以衍以似謂天道冥冥
邪喪子有子非多聞之爲美而醇行之爲美於乎沈君澤
及鄉里伊可風也繼繼繩繩無終窮也

周莊鎮志卷三 冢墓

至

鄉飲賓 恩給八品壽員徐勳墓 在鎮東王巷村南吳字圩
長庠附監生戴其章暨其弟咸豐己未科副貢生其相墓 在
鎮西南三家村南振字圩
廣東布政使司布政使楊慶麟墓 在鎮東南寺巷村華字圩

光緒六年十月葬門廡松楸規模略具

骨塔 在桃花庵後康熙三十三年里人陶天民徐渾募建雍

止問天民子琳修并募築圍牆沈作霖撰引

沈作霖募建骨塔圍牆引嗟彼窮黎憫茲瘠魄生無華屋

歿鮮佳城春露秋霜能蝕道旁枯骨淒風苦雨每侵原上

遺骸凡所得之見聞不忍形諸言語仁人慘目長者傷心

此吾萬石陶夫子暨里中同志所為募建骨塔於東莊也

濟以慈航銘仁靡地登茲寶筏載德如天塔峙巍我擬承

百年香火碑荒剝落遺蹟廿載動劬宿德難忘幽魂飲恨

賴吾惟一世兄克繼前人之志獨承修塔之費德與工新

周莊鎮志卷三 冢墓

墓

善垂石固猶念弗加屏蔽廣漢公流渥將衰不峻牆垣冥

漠君憑依未安獨為君子疇無埋齒掩骼之仁共證菩提

應有死樂生安之願仍望並發仁心同成善果計工程料

量力捐金俾先夫子得頽首於九天而眾亡靈亦感心於

十地矣

義家 在鎮之嚴字圩一百九十六畝官田二畝八分九釐二

毫嘉慶十三年懷善局置同治八年又於其旁置一百九十

五畝官田二畝三分

鄉廡壇 在義家之旁光緒元年二月懷善局重築樹石每歲

清明日七月望十月朔祭鄉中無祀之鬼供城隍土地神於

壇上以監祭

節孝坊 鎮中凡四一在南江字圩城隍廟北雍正十三年為

沈應祥妻孫氏立一在下江字圩世德橋北乾隆五年為俞

世瑣妻陸氏立一在中江字圩楊家潭西乾隆六年為陸鶴

翔妻沈氏立一在下江字圩永慶庵南乾隆七年為徐鴻傳

妻沈氏立 附近村中凡六一在鎮北韓鎮村寒貞字圩雍

正三年為韓秉質妻王氏立木坊乾隆四十六年重修一在鎮北張家港

雍正十三年為楊茂林妻李氏立一在韓鎮村寒貞字圩乾

隆二年為韓祖培妻吳氏立一在鎮東南楓里橋北役字圩

乾隆六年為郭培妻陳氏立一在鎮西南長浜村北礮字圩

周莊鎮志卷三 冢墓

墓

乾隆八年為陶尚珍妻朱氏立一在楓里橋北役字圩嘉慶

十四年為郭濬川妻張氏立 建於墓者凡四一在鎮西北

印村東兄卯字圩乾隆四年為方瑞華妻湯氏立一在鎮東

南北許村西北乾隆十年為韓爾卿妻朱氏立一在鎮東王

巷村北北辰字圩乾隆三十七年為蔣鳳徵妻顧氏立一在

鎮東北秀王浜東南惡字東圩嘉慶十五年為國學生韓蓮

妻諸氏立

周莊鎮志卷三終

刑之即孟子所謂罔民也故歲以一縣計為賦受刑者無幾人為租受刑者奚翅數千百人至收禁處有不能容者三冬自古稱息民之時今乃盡驅貧者而就桎梏設於此有下車問其罪者則彼固終歲勤動之人也昔雍正三年怡親王奏免蘇松錢糧四十五萬當時戶部會議杭光祿亦請十分中減免佃戶三分照條折米一斗折銀一錢之例業戶得沾三十一萬五千兩之恩佃戶亦得沾十三萬五千石之恩矣詔依議速行誠使奏請減賦時亦有以杭光祿之說進者則伯相疏中固稱亂後田盡荆榛遺黎鵠面鳩形奄奄待斃之狀非鄭俠流民圖可比明明為農不專為田主也賦減三之一租亦減三之一若以實額計適如亭林禁限私租上田不得過八斗之說即以石五斗之虛額計則租亦祇一石而已更可異者賦有九則而租獨一例試以吳江之下田而論納一升五合有奇之賦而亦收一石有餘之租此尤事之不

自來四民之蠹惟賭博一事至變其局而為鬪蟋蟀鬪鷓鴣亦賭博之濫觴也然皆可以時行時止獨鴉片煙之流毒則不

周莊鎮志卷四 風俗

三

然損體耗財廢時失事即至饕餮不給衣履不完仍陷溺而不能返其犯此者大抵以酒色為媒翳間有以療病而成癮者吾鎮固幾成列肆近雖令甲示禁恐難塞此漏卮也今人以笄女為上頭實則上頭者乃男子加冠之義見齊書華寶傳惟女子之笄於將嫁前一日尚行之未變而冠禮已畧而不講向時童子祇戴小帽十六歲以上始戴大帽近有八九歲後即戴大帽者鎮西南屬吳江之地則於將婚前一日延親族之尊者命之冠猶遵古制古之婚禮令人幾不之知而遺意實存特先後次序不同耳初議婚媒氏乞女子生日曰討八字即古之問名也以女子生

日與男子生日推其星命曰占合古納吉之變也既許婚用笄及幣帛茶棗等物具禮帖曰纏紅取赤繩繫足之義亦曰行小盤女家答以冠履等物曰回盤古女家無回禮始見於夢梁錄今從之也或不小盤僅用笄及銀錠曰文定此二者即家禮所謂言定古之納采也將婚先數月用衣幣首飾等物並告婚期曰行聘亦曰納幣或并纏紅行聘為一而僅告婚期曰導日古之納徵請期也女家回禮曰報幣婚期前一日婿家送冠帔首飾曰肅妝亦曰催妝與東京夢華錄所載同也女家以衾帷茵褥器用張陳其婿之室曰行嫁與書儀同也及期女家笄女而醴之以待婿婿盛服父祭告祖先

周莊鎮志卷四 風俗

四

及神祇左傳所謂布几筵告廟者是也惟古告祖而不告神今異也既昏遂具儀從綵轎鼓樂隨之命子往迎曰發迎親朋衛之同行曰護親郡城鮮有親迎者而近地雖水行數十里無不親迎俗近古也古不用樂今從通禮也婿至具門儀上見帖主人乃使子弟一人為摺迎於門外揖讓升堂先與摺並拜相見摺導入別室款以茶果綵轎入女加幃蓋首父若兄掖女入轎摺導婿至轎前再拜奠雁俗稱曰拜轎轎乃行古入門後即奠雁女升輿婿先出今先後異也婿俟於堂謁妻父母曰請見妻父母辭摺揖讓送出古親迎不見妻父母而伊川定昏禮有中堂見女之尊者一節今請見而不見

執二者之中也婦至婿門膝導自西階升與婿並立於堂
及婿授綵巾於婿婦手牽之以見舅姑古入門不見舅姑今
從書儀也舅姑出北面先拜曰參祖然後南向受子婦拜曰
拜堂唐王建詩所謂我家新婦宜拜堂是也舅姑退婿與婦
交拜曰結親古無交拜今從家禮也設饌於堂列絳燭婿揖
婦入席南向並坐曰結花燭婿取盃實酒酌婿御取盃
實酒酌婦曰交杯古之合昏也擇親朋中子弟二人挽之執
燭前導曰迎花燭婿與婦隨燭入鼓樂從之曰送入房所入
處以米袋布地曰傳代輟耕錄所謂傳席也入房姑爲婦脫
幃曰挑方巾通禮脫幃姆爲之在交拜後合昏前今異也婿

周莊鎮志卷四

風俗

五

婦就牀坐婦女以綵果散擲曰撒帳見戊辰雜鈔所載蓋始
於漢武帝也是夕婿婦坐以待旦曰守花燭俗視花燭最重
故稱從一者爲花燭夫妻也厥明設祭於堂主婚者引婿婦
及合族夫婦謁先祖曰祭祖即古之廟見然古三月廟見家
禮改月爲日今異也婿引婦謁親族曰會親舅姑饗婦婦
娉小姑及諸女賓伯之曰花筵古禮婦之意也婦饋棗栗棗
飴等於舅姑曰送茶古盟饋之意也自祭禮以下或有越數併行於婚夕者
曰父若兄具禮來婿家曰望朝彌月婦歸婿婿同往見妻父
兄及妻黨曰回門公羊傳所謂雙雙而俱至者是也此婚禮
之大畧也惟習俗貪鄙娶婦問妝資厚薄嫁女問聘財多少

士大夫家往往亦若是伊川所謂夷虜之道君子不入其鄉
者也可不戒哉

喪禮重於婚禮世俗畧而不講今舉通行之無大謬者著之人
始死舉室男女各以所稱長聲號呼曰叫魂古復之遺也諸
子婦乃撫尸哭踊侍者奉湯入哭止婦人出女喪男遂去尸
衣濡巾徧拭其體曰揩身上古之浴也衣尸以裏衣遷於堂
中曰轉出來言自寢及堂轉輾奉尸而出即古之襲及俛堂
也喪主以下哭踊爲尸櫛沐薙髮女喪梳頭古沐與浴同時今異
也兩足繫履拘以斗令直至斂易以鞢古毀窳綴足之遺也
以銀屑糯米實尸口古之飯含也以白布爲帷曰孝堂古之

周莊鎮志卷四

風俗

六

帷堂也死者有長上則帷以青布子去冠被髮以幅布環首
垂餘及踵曰長白布以牡麻蒙履曰屨孝鞋婦女去笄冠履
如男子蓋變除之節以漸而加猶古人意也置靈座以尺帛
爲靈位書曰某官某公之位女喪書某封某氏供於帷前曰牌套即
古重之遺通禮所謂爲位者是也畫衣冠像懸之曰揭白古
無畫像故温公非之然萬充宗所謂傳神楮墨洋洋如在者
其亦可也以絳帛爲銘旌書曰某某之柩如靈位式即古之
明旌凡弔輓者用聯額或祭幛皆明旌之推行也親朋聞喪
至曰探喪或助以布帛曰送襄布或助以楮幣曰送襄楮古
襚之遺也楮幣即紙錢及金銀楮錠始於魏晉故通禮載之

也喪家遺以白布在五服內者遺以首絰要絰既成服遺以
白衣曰孝白款以蔬食豆腐爲之主曰喫豆腐古之親朋各
以其服弔今乃喪家給之通禮待客以茶今乃食客滿座是
卽張稷若所譏賓客之飲食衣服不敢不豐者也三日成斂
古小斂大斂各有衣衾今存其名實并爲一事也斂用禮服
冠帶古之死者不冠但用掩書儀改用幅巾今從通禮也成
服子括髮以麻曰麻辨線婦女榛笄髮以麻曰麻髻圈喪冠
曰麻孝兜衰服曰麻孝衫其屨要絰其餘所服以次而降古
大斂後成服今異也親朋至是入弔或以香燭牲醴庶羞或
以貨財曰送斂古之奠及賻也執事者以棺入棺內家禮用

周莊鎮志卷四 風俗 七

瀝青米灰加七星板今易以石灰無板也石灰之上鋪以紙
紙上藉茵褥或以帛或以布曰香花被褥古實以茅秀香草
故名今易以木棉也富者斂尸以衾貧者無之喪主子婦奉
尸首足入棺以紙卷石灰塞空處令充實平滿曰小葬通禮
卷衣爲之今亦易以石灰也喪主以下撫棺哭踊乃蓋棺曰
脂蓋加錠富者施以漆貧者以桐油殯於家或權厝於野曰
出殯殯後朝夕哭奠焚楮幣日中上食古之朝夕奠及上食
也每七日一祭共七七曰曰做七古無七七之說其名起於
僧家始見於魏書胡國珍傳也至二七前後視死之日定爲
回省之期白寢至堂至門皆設食婦女聚哭曰接骨骨即唐

博士李百才所謂煞其名起於道家惟魏志之避袁顏氏家
訓之避煞皆背其死者而避之而近地獨以接稱猶爲彼善
於此也五七日婿女具紙神室以供靈位曰上座亭古明器
之推衍也葬無定期或於五七古之踰月而葬也或於百日
書儀諸書之三月而葬也營葬地擇葬日先期發訃聞卽古
之赴也或發知單親朋及期會弔奠賻曰開喪或不赴不弔
曰偷喪言不使人知如偷竊然也柩無輦惟以杠縛之舉柩
役人或八或六或四喪主奉靈位以下皆哭從及墓下墮臨
穴哭盡哀遂窆曰封金門士大夫家具誌石是日作神主及
主櫛擇宗親善書者一人題主書儀諸書皆題於墓前今在

周莊鎮志卷四 風俗 八

葬前題於喪次也喪主奉靈位以下皆行哭歸曰回喪復靈
位於神室而木主供於前喪主以下聚哭古之反哭也明日
祭卽虞祭古埋重於此時今靈位亦宜如之乃與木主並供
是二主矣居喪初值清明親朋奠賻曰寒食盤七月望至戚
清晨臨奠曰敲門羹飯夏至焚紙牀曰張帳子冬至焚紙榻
曰翻綿被皆設饌哭奠謂之新時節芬而祭曰周年古之小
祥也再芬而祭曰二周年古之大祥也二十七月而禮焚靈
位及座亭曰除座親朋拜奠曰送座奉木主入家堂供於祖
主之下曰送人祠家禮大祥之祭如此更有埋遷主一節今
異也至是而喪禮畢矣若夫乘喪婚娶居喪飲醮律有明文

稍知禮者當不出此餘如信僧道祈懺度或亦人子不忍死其親之所爲無庸過責也已

宗祠爲近地所鮮故祭禮愈畧奉神主者惟有所謂家堂而已家堂雖亦如朱子之長龕堂而中無板隔自始祖以下之主皆在又高懸梁棟間祭時不能出主每歲於二至日清明節七月望十月朔除夕設案於廳事合始祖以下薦饗之杯箸鱗次至有一案而列數十者曰過時節非古也至清明日具酒饌詣墓拜掃曰上墳通禮有或霜降一語故郡城更於重陽節拜掃吾鎮不行也插紙幡於墓上曰飄白會典載官民不得用墳花墳花者以紙錢飾采繒爲之與紙幡異也此皆

周莊鎮志卷四 風俗

九

祭先也然於淫祠之祭則又務從豐潔如陳三姑娘及近所傳之莊家圩神詳雜記牲醴充溢男女駢闐士大夫家亦趨之若狂何耶

四時之俗此地與郡城間有不同今卽袁宏道歲時紀異損益之元旦爆竹啟戶潔衣冠拜神祇與鼃次及祖先像後拜尊長遞至親朋寺院進香食粉九年糕立春亦然日不敲火不汲井不掃地五祀五路神以祈財利自子至辰爆竹不絕聲元旦以後數日各鄉村社會徧詣鄰社留以茶酒曰上會場亦有至鎮中猛將堂者十五日上元節食油餛飩粉丸懸巧樣紙燈於街市或有龍燈馬燈之戲金鼓喧填不息日闌

元宵鄉人於田中立竿木用稻草夾爆竹縛其上舉火焚之曰燒田財卽照田蠶之意也二月二日食撐腰饅十九日觀音大士誕辰尼庵多作佛會六月十九日九月十九日亦然清明插柳掃墓食糉子踏青奉城隍土地神詣鄉屬壇致祭曰祭壇會七月望十月朔亦然三月三日澄虛道院聖帝會插齊花二十八日天齊王誕辰東嶽廟左演戲三日近鄉田作多停工來遊俗稱長工生日入春以來各鄉村次第演春臺戲幾無虛日所謂迎神賽會則樂趨醮錢演劇則不吝也立夏飲燒酒食櫻桃梅子麥仁海鯽試葛衣云可免疰夏以大秤權身輕重四月八日全福寺浴佛會十四日純陽誕辰

周莊鎮志卷四 風俗

十

翦千年藍葉散置門前食神仙饅端午貼印符懸鍾馗或天師像繫蒲艾於牀并作瓶供食糉子黃魚飲雄黃酒簪榴花繭虎赤小豆健人以辟邪焚蒼朮白芷以驅蚊蚋十三日澄虛道院關帝會九月十三日亦然十八日五方賢聖會各方次第奏樂供奉六月初四日十四日二十四日俱祀竈初六日食索麵餛飩滌器具曬書畫浴貓狗二十三日東嶽廟火神會二十四日澄虛道院雷祖會七夕設瓜果於庭乞巧穿鍼採鳳仙花染紅指甲十五日中元節永慶庵盂蘭盆會晦日地藏王誕辰全福寺焰口施食各家門前點地燈中秋以月餅相餽澄虛道院斗姥會至晚設宴賞月焚香斗於庭

遊人結隊走歷三橋云可免百病二十四日以新糯米為餠餅祀竈重陽日以糯米和赤豆作飯祀竈祀畢長幼環坐食之不啻茱萸會也或有至指歸閣登高者十月朔日下元節府縣城隍神開光演戲有廢浦廟城隍來會間歲一行故有大小年之稱冬至官長賀節臘月八日食臘八粥入臘後春一歲之糧藏之藁圃曰冬春米二十四日拂屋塵以大粉團錫餅祀竈祀畢糊竹燈作轆環以細木柴編插冬青柏枝焚而送之至除夕接竈或有於新正月初四日者二十五日相傳諸神下降察人善惡戒出糞穢除夕易門神與春帖宿火儲水前數日祀神曰過年磨米粉和饅餛為年饊親朋互相餽

周莊鎮志卷四 風俗 十一

遺曰年節禮是晚長幼團坐食年夜飯燃絳炬守歲終夜不寢此歲時之大畧也

鎮東北有村曰白家浜於七八月間有划燈船之勝然間十年乃一舉也划燈船者以五色紙雕鏤工細花樣作花籃燈高懸於船之左右每船五七十燈船首尾以紙燈作為龍獅等形前後樹八角大傘燈各一亦五色紙雕鏤成者傘之中為走馬之戲傘之上用紙作花果及鳳鶴兔鼠諸物以線索牽掣飛走如生中船架一亭作紙人長二三尺者數人中空作燈演成雜劇亦以線索牽掣如是七八船划行湖蕩中助以金鼓往來如梭織波光燈影上下激射必半月而罷附近諸

村及吾鎮中皆一至凡自遠方來觀者舟楫屢附水道為之闐咽焉

府志有方言一則元和吳江兩縣志俱摘錄之今亦即各志之合者載之而參以鎮中土語焉如謂人不慧曰猷子亦謂之獨頭謂人不利便曰笨一作亦謂之夯呼港謂人愚魯曰不知蕪董亦謂之呆徒謂人能幹曰奢遮奢式牙切亦謂之道地謂語事不明白曰含糊亦謂之搭橋謂嬉戲曰薄相薄音去亦謂之兜兜謂作事乖張曰夷莫音列謂胸次耿耿曰伯疑音注謂心有不安曰塵槽謂瘧疾曰愕子謂睡聲曰惛塗謂人妄語曰熱昏謂事出非常曰詫異謂事在兩難曰尷尬

周莊鎮志卷四 風俗 十二

謂事多舛誤曰纏夾古鴨切謂行為不順曰塞結謂無可如何曰直死洗音謂纏擾不已曰嫻女教切亦謂之格里糊塗謂膚癢曰發軒音技癢亦曰發少年好事曰發夾夾謂你曰那乃嘉切土謂我曰奴去聲謂此處曰間邊間古切謂彼處曰箇邊謂眾多曰多許多黑可切謂所在曰場許上同謂物微暖曰溫暖音謂物不齊曰參差參產平聲差錯去聲謂無罅隙曰胞縫音閱謂謀事可成曰連牽謂如此曰入俗謂物件曰半曹謂污穢曰邈邈音臘謂積塵穢曰垃圾音持問何人曰啗人音所問何事曰啗事音同打曰敲刺曰擲音扶曰當音去按曰揪浮曰余音上捧曰掇積物曰頓藏物曰囤康去聲挹水曰舀音上比長

短曰施音此皆所謂方言也

周莊鎮志卷四

風俗

圭

人物

晉張翰字季鷹世居鎮東南吳江縣二十九都之二高港父儼仕吳至大鴻臚翰自洛歸來營別業於楓里橋朝暮往還觴詠靡閒宅東帶水因稱為尊鱸港今兩村張姓仍聚族而居按晉書載翰有清才善屬文而縱任不拘時人號為江東步兵會稽賀循赴命入洛經吳門於船中彈琴翰初不相識乃就循言談大相欽悅問循知其入洛曰吾亦有事北京便同載即去不告家人齊王冏辟為大司馬東曹掾冏時執朝權翰謂同郡顧榮曰天下紛紛禍難未已夫有四海之名者求退良難吾本山人無望於時子善以明防前以智慮後榮

周莊鎮志卷四

人物

古

執其手愴然曰吾亦與子探南山蕨飲三江水耳翰因見秋風起乃思吳中菰菜蓴羹鱸魚膾曰人生貴適志何能羈宦數千里以要名爵乎遂命駕而歸著首邱賦俄而冏敗人皆謂之見幾翰任心自適不求當世或謂之曰卿乃可縱適一時獨不為身後名耶答曰使我有身後名不如即時一杯酒其曠達如此性至孝遭母憂哀毀過禮年五十七卒有文筆數十篇行於世

朱周迪功郎佚其名字吾鎮自迪功郎收穫設莊於此遂成大聚落故名周莊元祐元年迪功郎及妻章氏捨宅為全福寺其餘事實無攷矣

金和世稱二十相公本汴人隨宋高宗南渡僑居於此其子細官太尉歿皆為神理宗朝嘗著靈異封靈祐侯細之子昌封總管昌之子元七元和縣志作元士與昌之從子應龍元至正間陰翊海運皆封總管再進封昌為洪濟侯元七為利濟侯應龍為甯濟侯明封隨糧王其墓在金家蕩村旁有總管廟村亦因是得名也

明沈富字仲榮一名秀世稱萬三萬三者乃鉅富之名萬戶三秀耳故又稱萬三秀父祐元季由湖州南潯鎮徙居鎮之東垞以躬耕起家富亦嘗力穡事能推恩以周急難人皆以長者呼之至其富甲天下吳江青浦兩縣志謂得分湖陸氏家

周莊鎮志卷四 人物

五

財而挑燈集異有聚寶盆之說近峯間畧有善點化術之說或又謂通番致富異議紛岐然卒以富賈禍按明史馬后傳洪武時富民沈秀者助築都城三之一又請犒軍帝怒曰匹夫犒天子軍亂民也宜誅之后諫曰妾聞法者誅不法也非以誅不祥民富敵國民自不祥不祥之民天將誅之陛下何誅焉乃釋秀戍雲南又七修類藁云南都沈萬三秀者甚富今會同館是其故宅後湖中地是其花園原住蘇州周莊京城白洪武門至水西門乃其所築太祖嘗犒軍萬三欲代出犒銀上曰朕有百萬軍汝能徧濟之乎對曰每一軍犒金一兩上不許由此遂欲殺之太后苦諫得流雲南其壻余十舍亦流湖

州所載視明史為詳

沈貴字仲華人以萬三之弟故稱萬四初居東垞繼遷白蜆江濱之黃墩港屬吳江縣據高士奇天錄識餘載貴不事生產曾作詩諷其兄云錦衣玉食非為福檀板金樽可罷休底事子孫長久計瓦盆盛酒木棉裘後隱終南山不知所終

徐民望號南溪洪武初富人沈萬三因事被逮多所株連謂欲盡誅周莊居者人情惶懼民望奮然不避鈇鉞叩關哀請太祖嘉其志賜璽書五字云爾是好百姓合鎮得安羣感其德稱再生父母由是世為糧長

諸質字叔義世居鎮東北之穎村吳庠生永樂元年癸未舉人


周莊鎮志卷四 人物

六

壬午六月靖難兵起是年補試擢翰林院編修仍理監職以丁憂歸遂請老按姑蘇志載質為人誠信端直每事審義而行恂恂引退若懦夫至論事裁決侃然不撓陳敬宗為祭酒剛嚴少許可質以事請輒降顏談講質居錄常攝丞居丞常攝堂事同輩嫉之伺察終無疵可指人以厚德稱之

徐正字惟中府志作中世居鎮西吳江縣之江澤村據徐氏族譜載中山王弟

孟清之元孫正統六年辛酉舉人七年壬戌進士與韓襄毅公雍鄉榜同年甚相契合官至刑科給事中英宗北狩正主喪君有君之議與王文等謀立景帝迨上皇奪門復位與于忠肅



公謙等同下獄被害

戴昇字景輝號東軒由諸生貢入國學授鴻臚寺昇甫冠即銳志儒業博通經史其在鴻臚寺以應詔言政事激烈忤旨歸田性孝友好施予教子必擇文行兼優之士族有婚喪不能成禮者必力助之歲饑則出粟以賑貧乏垂老舉鄉飲賓卒年六十有九郭盼誌其墓孫暉號南園嘗即其家開陂池園亭與親朋共娛暇日無何倭警冠發竟遭一炬
王壁字廷用號南溪家素封宅心仁厚遇歉歲施惠已債遠近依之為生好修建橋廟如全福寺澄虛道院崇先庵等及鎮中太平橋皆高貲樂輸為眾人倡而自奉又頗儉約顧潤澤

周莊鎮志卷四 人物

七

為讓行義記僧法雲勒石於指歸閣下

陸湖字思周居恆開誠布公慷慨好義萬厯間為祖塋事與鄰豪訐訟赴南京察院歲杪未歸除夕薄暮見有官舫旗書蘇州府正堂私懇附載舟人詢姓名入稟報可既登舟戒勿言時昏黑無所見惟聞蕭瑟聲心竊異之潛以手探乃經樹杪上行未幾日至矣促之登岸則在閩門城外市火輝煌元巨詣郡廟拈香見神船上所遺雨傘尚在所食棗核亦在船舫因祀神於家并顏其居曰神濟堂白是鎮中三節祭鄉廡壇之飯俱陸氏供應至今遵之

陸紹奎字文星湖從子善測候精數學長子三山得罪魏閣私

入金紹叔幾致奇禍崇禎元年減罪遠戍由是紹奎杜絕授不與世務素好園藝遠近稱高手諳修養之術壽至九十

五歲

金允治字際昇江庠生自干步涇遷居江澤村嘗訟其叔冤為怨家所陷繫獄三年手不釋卷潘兵部有功救之得免攜入都崇禎三年順天試許錦衣衛子弟預文場額中三名蓋特典也允治遂冒錦衣衛籍得中同舉者高岱余世灝皆南人典試則姚文毅公希孟有給事中王猷相溫體仁黨也即疏糾希孟私庇鄉里并嗾諸勳衛同詞訐奏將中以危法得旨覆試御殿午朝後命題申刻撤卷高余皆以稿未竟遣戍允

周莊鎮志卷四 人物

六

治立成三藝辭藻斐然論旨稱賞名動京師文毅公亦藉以無恙後官晉江知縣

徐御字正吾為人敦倫睦族樂善好施凡橋梁廟宇有待於修造者靡不竭力從事永安橋乃其獨建崇禎元年佐本覺僧修造永慶庵勒石殿左所交多賢士大夫善行聞當道晚歲陳太守洪謐為書冠冕人倫額以旌之

徐時亨字龍池民望五世孫官江西南安府大庾縣縣丞大吏稱其能繼署大庾縣事清廉勤慎多惠政民咸誦之將推陞而時亨見世事日非遂以老病告歸崇禎十二年卒年七十有六



陳鏞字元聲性豪爽體魁梧力過人曾於全福寺左連拔巨竹七竿人稱為陳勇士崇禎晚年荒亂多盜鏞創團練以衛鄉里甲申聞變北向大慟遂晦迹以歿

戴之儁字務公號介心昇七世孫長庠增生入國子監 本朝

順治二年閏六月薙髮令下長洲諸生陸世鏞陳慕鎮人也

首起義兵於陳湖之儁係陸氏婿亦捐家貲募舟師一旅屯

鎮中以應之未幾松江提督吳勝兆魏源聖武記作兆勝統兵下湖世

鏞走湖州山中之儁遂降勝兆本降將雅重知名之士之儁

因入其幕為參謀又與裨將李魁等為石交晨夕說以大義

勝兆乃復為明臣監國魯王授之儁監軍御史七月兵敗為

周莊鎮志卷四 人物

九

洪督師承疇所殺家屬并及焉事載顧炎武聖安本紀

戴之傑字萬公號石房之儁弟長庠廩生才高學博弱冠為諸

生即名噪藝林恆與及門暨里中子弟會講五經攝衣升座

聲出金石雖老師宿儒皆為之執經問難其辨對多出人意

表志廉潔立品更端方拔俗人皆以遠到期之惜不永年字

法鍾王亦擅絕一時

戴鏞原名之仍字雲葉號侯庵之儁幼弟十五能文章十八入

長庠師事其兄之傑淵源家學時有大小戴之稱順治辛卯

浙閩擬元為忌才者所黜鏞為人倜儻好義歲己亥值海寇

之警松江提督馬進寶擬乘作推善擁兵至蘇與紳士顧子咸有

隙以語吏部顧贄將甘心焉擐甲以待時訛傳屠城居民皆

走匿鏞與贄弟贊入馬軍為排解進寶方食引卮酒命作軍

容詩曰酒盡詩不成當斬以狗鏞立撰五言四十韻進寶喜

問所從來因從容白子咸請罪狀進寶意解事遂寢城中亦

賴以安嘗至燕京名動公卿著有燕臺草其從弟悅字星歸

號素齋原名之儁榜姓吳順治辛卯科舉人考授司李負性

癡狂行多蕩檢因卒於獄事載雜記內

戴之佐字在公號留庵之儁從弟長庠生嘗與楊廷樞朱隗葉

襄魏風諸名人結文會極為徐宮詹汧吳祭酒偉業所推許

甲申後棄舉子業潛心經史託迹市廛如在山谷間所居四

周莊鎮志卷四 人物

十

留草堂茅茨不葺恆日晏無炊烟意澹如也教授生徒講論

未嘗有倦色詩古文詞得栗里輞川之致時其族兄笠結驚

隱詩社之佐與焉工二王法書求者無虛日先後居父母喪

哀毀骨立幾至滅性順治丁亥遭家難諸兄弟所遺老幼俱

妥為位置力勸族黨周恤使無失所生平重然諾尚名節型

仁講讓晚歲湯文正公斌舉為鄉約正卒年八十有二

屠彥徵字君聘號赤水長庠生早歲文名藉甚甲申後屢遭播

遷晚年與陶唐諫鄭任方九皋沈自鳳徐汝璞管淵丁社僧

廣明九人踵香山故事為耆英詩社彥徵執牛耳云

鄭任原名國任字約房自崑山遷居鎮中介庵五世孫也世習

女科醫工詩精音律善畫花鳥晚年嘗與屠彥徵毛瑩徐汝璞社集蘭芷軒時四人適三百歲乃取白香山四箇老人三百歲之句各賦詩二章瑩之子錫年繪四老圖以誌盛事張冷爲之序

徐國賢字嶽生號瓊沙正裔孫江庠生性剛直挫強扶弱不憚權勢與董宗伯其昌爲總角交故所藏詩札墨蹟尤多鼎革後隱居以終弟法亦江庠生孫玠字亦韓號息軒長庠生博學工書郡城徐夔稱之爲畏友課徒務經義晚年酷嗜古玩著有不息編玠弟珽字求章工詩文諳吏治楊文定公名時嘗疏薦之 聖祖召見以其不良於目遂放歸

周莊鎮志卷四 人物

三

徐上麟字長康正裔孫江庠生晚歲自江澤遷於鎮順治二年明兵部主事吳易起兵時江澤盜魁潘況依附剽掠大爲民害上麟直詣吳營陳盜狀吳立斬況以徇鄉里獲安康熙二十年舉鄉飲賓壽登大耋其孝友睦恤詳馮太史勛所撰傳子鈐字稚發府庠例貢生孝於親生事死葬各盡其誠吳江漕運收兌屬民間里長苦之鈐偕陶天民沈作霖上書巡撫請歸諸官一邑食其利也

徐汝璞字我石號雪漁晚號寒齋御姪長庠生 本朝舉鄉飲賓敦孝友嗜讀書寄情歌詠常與詩人衲子雨蓑煙艇出沒白蜺江濱見者疑陸天隨張志和也弟汝珍字次玉號席庵

御嗣子國學生好任俠應試留都嘗揮千金結四方名流因與貴池吳應箕常州陳貞慧善馬阮欲殺二人幾及汝珍汝璞乃匿其弟避迹吳山不入城府所著有寒齋集懷友詩集松陵詩選年七十二卒吳江高人吳之紀誌其墓見元和縣志

本朝四義士亡其姓名順治間有劇盜四逸去官軍追至鎮中責民縛送期越夕弗獲當屠大索不得居人惶恐時有浙醫主僕寓此與里人某謀以身代新安客聞之亦慷慨與焉飾爲盜就戮於軍門合鎮得安而盜潛伏池荷葉底竟漏網事載擬乘同治間里人立祠以報也

周莊鎮志卷四 人物

三

陶唐諫字正吾明末自潯陽灣遷居鎮中嗜善無厭壯歲遇鄉農葬其親於所佃田畔田主訟諸官令遷葬而無地唐諫割已田與之有地師寓吳寄白金百兩於唐諫歸後三十年其孫來吳詢之祖父俱歿邀至家出所寄還之封識宛然其孫不知也鎮北急水港爲往來要津向無渡船人常病涉崇禎四年唐諫設方舟以濟人并捐田以食操舟者至今稱陶公義渡晚歲爲善益力賑飢者衣寒者藥病者棺殮者歲無虛日初年四十二無子有相者曰君陰行善事當生令子矣越歲果生子康熙二十八年胡太守世威舉鄉飲賓爲贈載歌有斐額年九十一考終見四代兒孫邦人謂之備五福焉

張士隆字君茂號靜庵鎮西北張家港人好善不讓唐諫康熙丁巳大疫村人徧染無敢相問士隆按戶給藥全活甚衆庚申常州饑民至蘇傾倉濟之唐諫之設渡利涉也港在元和縣界舊屬長洲而吳江縣界之急水港均為要津士隆亦割田設渡并設沈舍港渡船遠近橋梁或修或建補唐諫所未及緣此兩姓屢通婚姻至今數為善者必推陶張云元和縣志與唐諫合傳

章永廉字允清順治初年擔米四金餓殍載道永廉時設米肆心竊哀之見襁褓貧人孤兒寡婦來糴者輒贏其所量之數或以錯告戒勿言人有失鬻女銀十兩號哭於路者永廉出

周莊鎮志卷四 人物

三

已銀以償之晚年坐卧一樓持齋奉佛後其家屢遭回祿此樓巋然獨存

徐梓字良哉民望七世孫隱居養志廉潔不苟極與徐枋文蘭善詩酒往還無虛日嘗宿湖上草堂枋出鹽煮葍子下酒劇談竟夕蹤跡尤密故家藏枋之書畫甚多配沈氏通書史善彈琴頗得倡隨之樂晚年好誦金經著筆記並錄格言以示後子煊字懋昭吳庠生文蘭婿也事親至孝母病忘寢食經月不懈會病篤醫藥無效聞古人有割股療親者乃潛割之煮湯以進病果愈親族皆莫悉其所以瘳也既而知之羣以為孝感所致康熙十九年卒年四十三時梓尚在鄉里為之

惋惜同治八年題 旌孝子女慕貞適郡城管正偁 欽旌節烈別有傳從弟懷恕字推之時亨孫任俠好義嘗遊學河南歸至崇明時崇明令某貪婪殘虐民不聊生懷恕慨然不辭艱險代民叩 關請命令坐罪廢土人感其德立生祠以奉焉然年未三十卒為強暴所害

徐沂字魯南汝珍子長庠貢生品學兼優見義敢為鎮為蘇松孔道督府遊兵往來如織拘民舟載官物復多所挾制居人苦之康熙己未冬沂擒其渠魁號稟督轅治以軍法泐示諭於石至今永賴湯文正公斌開府吳中以禮教化民尤重鄉約所舉講者皆名宿郡博士趙某舉沂為三屆約正朔望宣

周莊鎮志卷四 人物

五

講剴切解諭聽者為之動容

張冷字浣心鎮北之狹港村人博覽羣籍長於詩文隱居陳湖之濱不交時貴常泛舟煙波間筆牀茶竈釣具孤篷人以小張志和稱之著有鷗莊集蔡方炳為之序

徐楣字繡谷民望七世孫父廷璋字彥卿母周氏御史忠毅公宗建胞妹也楣有至性年十一父患背疽終夜侍立暑不揮蚊蠲天請命疽旋瘳逾年父歿哭至嘔血年十八娶婦錢氏為講說女孝經同心侍奉其母弟桃不才為之娶并給貿易資楣一日賈於泖湖遇盜盜刃之若有物格之者盜詫為異因得免人皆競稱其孝感孝廉沈作霖為之傳同治七年題

旌孝子

鄒士和字熙若事親曲盡其誠有兩兄分宅而居不事生產俱
早世二寡嫂三孤姪煢煢無依士和乃復與嫂姪同居以養
以教歷久不衰兩兄宿逋變已產為之償所遺田至三姪成
人而歸之不損毫末臨歿謂其子曰我生平無善行惟奉二
嫂守志撫三姪成立庶可對先人於地下矣

張理懷字一槐嘗於中夜聞有人自屋檐墜下燭之鄰人子也
乃貽以布二端錢千文勗其改行善言遣去不以告人即妻
孥亦無知者後理懷年八十餘而歿其人已成小康殮之日
特至靈前泣拜曰全名活命之恩沒世不忘孫見龍字次玉

周莊鎮志卷四

人物

美

吳庠生苦志勵學雖簞瓢屢空而一介不苟雍正乙巳全家
病疫見龍獨奉湯藥目不交睫者累月兄嫂同日歿經營樁
瘞一身肩之居恆日記有對勘簿動靜之間無不謹飭篤行
君子也

沈作霖字蒼時

府志作蒼如

吳江籍祖辨如庠生自楊墩頭村遷居

鎮中吳江田賦明萬歷間定為九則至是高下漸亂積弊叢
生辨如請於撫院重整舊例泐石縣署至今遵之父澄源古
道照人嘗與徐友賈徐歿無子為之養其寡妻終身不怠作
霖中康熙乙酉科舉人選授潁州學正勤於課士月試季考
嚴定甲乙朔望則集諸生為之講論誘掖備至捐俸修葺學

宮並興舉歐陽文忠公蘇文忠公諸遺迹俸滿將陞卒於官
樞歸士子相送盈道且有哭泣者作霖工駢體文哀然成集
歿後散佚殆盡矣

陶天民字萬石唐諫子府庠增生少從郡城吳端仁愉遊甚器
重令與其弟一蜚結為婚姻而同門如彭定求繆繼讓輩數
十人咸相推服每文會天民輒冠首既而諸人接踵登第而
天民雖膺薦終至屢蹶亦不措意也居家敦實行有從兄兩
世早歿天民謹事寡嫂撫姪婦及遺孤終身不怠與戚黨往
來尤周密人以緩急告必應之雖傾囊無吝色生平孝為
善凡以承父志又善排難解紛使鄉里無訟至其拯飢民建

周莊鎮志卷四

人物

美

骨塔尤擴前所未及著有四書鏡策論定業卒年八十邳
州學正曹鉉為之傳侍講習嚮作文以祭之篤之父乃天民
弟子也長子岷思字陟山長庠例貢生選授盱眙縣教諭時
學宮為大風所圮捐俸及贊儀以葺之嘗兩攝縣事賑卹災
民平反冤獄復以督建行宮得薦舉為知縣旋卒於官入
祀名宦祠次剛惠字洪克就學於嘉善孫氏有茶庵者為杭
州府教授即剛惠妻父也剛惠居孫氏久遂占籍為嘉善庠
生客授郡城及門多得高第監察御史馮欽元其尤著也雍
正壬子水災創義施粥勒石於永慶庵癸丑歲 詔舉孝廉
方正邑尊將以其名應剛惠堅辭之次琳字惟一府庠增生

次仙感字甫生吳庠增貢生琳與仙感受業於何義門焯其後各以所學教人及門者甚眾

徐梅字若霖號南洲沂子府庠生舉博學鴻詞未赴試敦友誼重然諾長於古文與張大受何焯吳士玉諸名人善嘗結詩文社交相砥礪後諸人皆顯達而梅獨以一衿終士論惜之晚年館東洞庭山愛莫釐諸峯之勝尤愛葑山荷花曰此藕花深處即余家也僑寓十年而歸著有古文辭六卷南洲詩集六卷同邑李文銳朱奕恂為之序長子毅字子位號澹園長庠生次敦復字廣良號研山吳庠生皆好學能文不遇於時

周莊鎮志卷四 人物

三

徐桂芳字幼張汝璞孫吳江庠生為郡城宋宏博實穎高弟誠謹樸素酷似其祖博涉理學所為詩亦高古著有晚香寓言二集馮太史勗為之序族弟煥字天章持家儉約而性獨好施濟康熙間遷居同里鎮歲時伏臘與宗黨仍無間同里市中有一水頗闊舊架徒杠易敗且餒於行人煥慨之出金一千六百以建石橋名曰泰來鎮人感其義為大書勒橋柱云貞豐徐天章獨建至今猶稱道弗衰

李培初性謹愿樸實無華家庭鄉里間恂恂相對未嘗有疾言遠色康熙三十五年秋大風海水頓溢橋傾舟覆不可勝數時培初亦在途中隨浪顛播舟不能維至黃昏入蘆葦叢而

止乃於風雨中匍匐登岸忽聞犬吠聲暗中影影隨一犬行里許至一家見門間有火光叩之遂延入宿焉明日得無恙歸人以為忠厚獲天相云

楊成懋字振卿鎮西北搖城村人年方孩幼母病危籲天願代母死旋剖股肉和藥進母病已治山搖城江以所入奉甘脆侍膳堂下色怡怡然務得親歡心親歿幾滅性既葬築室於墓風雨辰必往展視牧豎感之弗往牧事兄友愛撫孤姪如己子姊為母鍾愛夫亡迎姊暨三甥歸教養備至甥長以舅姓為姓志不忘也里中薰其德稱仁里年六十六卒事見元和縣志乾隆元年題 旌建孝子坊

周莊鎮志卷四 人物

三

諸國賢字公彥鎮東北穎村人孝友睦嫻慷慨好義有故人寄五十金無知者逾年故人歿無子國賢以原金還其家封識依然農之佃其田者收租必量其歲之所得與賦之所出俾農有餘而已無過取故視他人之額獨減有宿逋手焚其券人或喪葬不能舉則資助無吝色或以貧故鬻其女於人為贖而歸之尤善以息訟導里黨曰我以全人之身家骨肉也其所行類如此

朱文龍字雲奇鎮東北錢王浜人家頗登而能持之以勤儉生平務敦睦有兩兄嫂生養死葬皆一身任其責撫孤姪得成立出已田十數畝以為族中時祭及展墓費餘如施棺木修

橋梁其所爲善類無不悉心力而行之與諸國賢相伯仲一鄉之善士也

進文煥字仲雍其先本吳江舊族崇禎間自莘塔遷居至此文煥性孝友延師課其弟汪暎讀雖窘乏必竭蹶敬待以慰父母汪暎字霞石卒爲青庠生文煥之力也長子廷鏞字茂倫年十七而孤撫諸弟一如文煥奉祖父母尤加謹焉拮据十餘年躬創家業悉以均諸弟其妻徐氏若霖女亦甚賢淑及卒楊太史繩武爲誌其墓次廷鏞字茂功號樸庵國學生仁愛澤物凡遇善舉無不爲首倡鎮中懷善局亦其所建立也徐夢熊字應占汝珍曾孫祖德字嘉民康熙九年水災民飢偕

周莊鎮志卷四 人物

完

陶天民請賑於中丞馬公復募米鎮中以給之全活無算夢熊佐其舅氏麻城令勉齋吳公幕時有富戶爲巨盜所誣攀夢熊檢牘細勘力請雪之邑人頌吳公爲神明旣而富戶知其故餽古墨一兩夢熊已受之矣越日展玩見下皆赤金葉子卽召其人還之由是廉名大著事載李太史錦日錄弟忠亮字昭融號陶軒嘗至雲南初入慶制軍復幕府繼就銅廠曹司補昭通府同知以能員稱旋坐賠累流於咸陽子紹庭佚其名官直隸河間縣典史綽有父風

沈金聲字于野本姓方鎮西南吳江之龍涇村人早歲負文名康熙庚子江庠歲貢生選授安慶府潛山縣訓導嚴立課程

以別優劣朔望講 聖諭必重以敦品勵學相勗持年以病告歸

許寅字翼皇號西疇世居江澤村篤倫紀尚正直雍正三年考授州同吳江徐邑尊永祐爲贈銓曹高選額以旌之早歲受業於潘太史未與同邑李重華郡城裴桐交當 詔舉孝廉方正時適重華自主試四川歸覆 命日卽疏薦寅旋以寅丁父憂而罷子天祚字景運江庠生嘗與徐敦仁輯村中故實成江澤小識一書每勝蹟各題以詩

周莊鎮志卷四 人物

辛

鄒玉書學究也醇謹不欺以無虧曖昧之行是務嘗夜夢一人攝之至城隍廟謂其出行犯神蹕神盛氣坐堂上詰責之玉書曰幽明異路誤也非故也神命檢其籍註有不一色三字神色霽命去遂寤因自號不二子陳洪泉賈人也嘗泊舟虎阜山塘夜聞哭聲甚哀詢知其人負旗丁債不能償乃鬻妻於商人行將離別矣洪泉惻然以所攜貲本十數金代之償不足并衣被付之不告姓名而歸熙雍間鎮中有孝子如金仲和朱尚侯陳仲嘉兄弟戴桂輩至同治七年始題 旌金仲和孝事父母人無間言年逾六十猶作孺子慕有石慶親滌廁踰之風親喪哀至骨立家貧竭蹶營葬於急水港北每晨起必渡至墓前泣拜時或無船可渡則隔水遙拜而返朱尚侯業衣工事孀母盡孝寒夜無爐

以身煖被俟母寢操作竟夕藉以供甘旨數十年如一日陳仲嘉兄弟屠者也善事孀母冬月輸流溫被供養侍奉下氣怡聲先意承志古人色養不是過也戴桂字振宇鎬孫父渭臣母邱氏嘗割股療夫疾逾年夫仍歿氏乃織席營生撫桂成立其後邱氏病篤桂亦割股肉煮湯以進因得愈人謂非此母不生此子

蔡孔彰業星卜處已謙恭待人誠篤親族有匱乏輒減餐以濟之家貧恐食指多無以供日用乃為其弟娶妻而已則終身鰥居願留餘為先人之未葬者營曠也卒至資志以歿陶琳鄭載颺沈靈初諸人高其義為釀錢葬其九棺云

周莊鎮志卷四 人物

三

陳再字與常長庠生家本寒素先人所遺田產悉讓諸兄弟而已無所得專以課徒自給時復分束脩之餘周其寡嫂孤姪嘗遇一人持簿向之索舊債詢其家世與再素未嘗往來者其人語頓塞而有躊躇之狀再曰雖然汝必有急用故也乃以數百錢與之後知其人孀一女無以殮因為此耳其待人忠厚類如此子鴻字明書號秉木吳庠增生嫻習經學與人言是非曲直指陳不諱著有秉木筆記凡前輩之嘉言懿行採錄無遺

陶氏諱兆彝字鼎臣煦高祖也六世祖諱汝益字虞卿明末庠生自揚州避地至鎮五世祖諱麟祥字聖來以課徒脩脯

親先高祖幼承庭訓宗程朱之學設帳郡城所與遊者類皆善士中年後學益純粹為一鄉人倫表率乾隆乙丑元和張邑尊曰謨舉為鄉飲賓先高祖以齒未尊而德未修力辭之弟兆景字星臣年二十七妻歿以兄有子遂終身不再娶性耽山水必窮其勝詣修養之術恆閉門靜坐乾隆辛巳恭遇覃恩給九品冠帶卒年八十

章騰龍字觀韓號箬溪晚號綠天永廉從孫博涉多才藝數應試不獲雋時文人往往兼習武騰龍因是遂轉而入長庠為武生其甥吳江楊俊任廣西興業縣往佐之掌書記并遊粵東多得江山之助學益進凡地勢奇峻民俗詭異一皆筆之

周莊鎮志卷四 人物

三

於書成嶺南雜志粵遊紀程二集晚年採輯里中故實作貞豐擬乘其原本頗不俗多為後人改竄乃失其真餘所著如綠天書屋詩文集駒隙志清夢錄金闔婆子話稿存於家散佚過半工界劃畫兼善傳神從子秀恂瑩均永廉曾孫秀字措書少穎悟嘗從吳江費洪學周振業游攻制藝不售亦入武庠友于兄弟嫻陸宗親雍正癸丑歲饑與陶剛惠善圻父子創施粥於永慶庵元和李邑尊世金嘉獎焉乾隆戊辰辛未間又饑與其弟恂瑩等首倡平糶騰龍修族譜秀助之多所增益卒年八十一恂字凌湘嘉善武生以詩酒自娛著有蒔蘭軒存稿六卷瑩字幼瞻國學生早歲受業於陶琳兄弟

頗器賞之雍正甲辰法學使海歲試已得雋以覆試長題誤脫其一節遂與里人張見龍同被擯既老於宅後栽花疊石集名流觴詠其中卒年七十瑩子履泰字以興吳庠生勤學長於春秋左傳

徐鑰字允恭一字韞躬楣孫乾隆丙辰元庠恩貢生

府志載好本姓朱

爲表潛闡幽之文有馬朱氏居鎮西南之南莊村實有貞行鑰既上其事於學使得題額而爲作紀畧復以力不能乞旌典更爲文以廣募同學之助也尤擅駢體文今其稿僅獲錄存者數篇亦零亂不易辨客授四方從游者甚衆館郡城時李太史錦奇其才出所著文稿屬爲刪潤其見重士林如

周莊鎮志卷四 人物

此卒年七十七門人私諡端介先生

徐稜字殿方一字甸芳上麟曾孫乾隆庚午元庠歲貢生父濟字贊皇府庠生敦行勵學鄉試嘗首薦終見擯稜亦懷才不偶泊如也居鎮之後港疊石爲園多植佳果日吟詠於其中因以磊園自號焉

陶善圻字樹聲號判花天民孫剛惠子也構見南草堂於後港爲讀書處初入吳江學後推收補元和廩膳生乾隆戊午科中副榜入國子監肄業 欽取內廷教習充補正紅旗官學考授一等州同補宗人府正黃旗覺羅學督課頗嚴峻以面斥王世子觸親王怒遂去官閱數年禮部侍郎王安國憐其

才舉復正紅旗官學教習期滿引 見以教職用晚就四川學政葛峻起之聘校文成都卒焉年五十七善圻湛深經學著有春秋左傳合解四十卷詩序集解十二卷工詩壯歲著覆瓿草在都著南雍宗贊二集入蜀著由庚集素與沈宗伯德潛爲同年友甚相善及其子雲錦刊覆瓿等三集爲見南草堂集德潛爲之評選而由庚集則別行也

沈旭熙字元昇吳江按察司副使琬之元孫自鳳之曾孫也自鳳字君儀工詩嘗與耆英社爲鎮中陳氏贊堦遂家於此旭熙少孤家貧爲塾師不事制舉文而好讀書沈靜寡言惟與之講論經史則疊疊不倦無事恆獨坐月夜必立於門外俯

周莊鎮志卷四 人物

視清流徘徊不去人問之答曰我自樂其樂我不能言其樂也

俞達字萬通吳庠廩膳生曠達淡於榮利於學無所不窺嘗攷三江故道力主張守節之說謂白蜆江上承下注表延匹於松江其爲古東江無疑諸家以爲松江支流不足當三江之一者皆臆度非身歷也達所居池上草堂適面江前臨池亦與江水通遂自號曰東江工駢體文尤長於詩古風力追漢魏近體專宗晚唐吾鎮數百年上下品詩者當以達稱首著有池上草堂詩鈔子濂字冠三號信齋元庠廩貢生得其父之傳尤精訓詁之學於學庸註疏多所發明教授生徒循循

善誘中年後品益粹為後生表率初濂之入泮時有白鶴翔於庭至嘉慶戊寅重遊泮宮復得白鶴來翔之異余金熙朝新語稱為人瑞洵不誣也卒年八十五

陸起仙原名起龍字健純號潛廬湖元孫吳庠生專經博古卓然名家兼通易數之學占驗多奇中嘗晨起焚香及門一學徒入而香火有爆聲起仙默占之謂其人曰汝晨出久今速歸父暴疾殆矣歸而已易寶澄虛道院主將於門前建一樓起仙為之占曰賃於人獲厚利然不歷久終當為他人有也已而果然秋日晤一友與立談有人舉兩手招友曰來起仙曰此去大吉得飲酒持螯象招者驚曰仙人也其精如此而

周莊鎮志卷四 人物

五

於太乙壬遁等書尤習之熟手自刪訂錄存者數十種時從學甚眾起仙因其性之所近使各成一藝居恆日記時事投諸囊中積年成書為潛廬叢談若干卷工詩著有耕餘小草潛廬獨嘯諸集善書得草聖三昧寸紙尺幅人爭寶之子家寶字興山吳庠生克承家學課徒自給不營分外事筆瓢屢空晏如也從子椿字靈一號散木吳庠生博涉經史尤精選學手輯增廣事類賦四十卷其餘諸藝無一不繼武起仙沈天相字士奇作霖從子吳庠生為陶善圻入室弟子專攻經學絕意進取待人忠信恂恂似不能言客授四方爭相延致工書得歐顏筆意子諤字昂若號懋堂嗜吟詠精醫理諸內

養之功卒年九十著有行餘小草

鄭斌字德純號雪漁任曾孫乾隆壬辰長庠恩貢生真率曠達善書畫山水師董文敏尤善繪洛神晚年愛東洞庭山之勝卜生壟於其間遂徙居焉著有雪漁吟稿從子鶴姿字振玉號芝田元庠增生少與陳再章騰龍張見龍諸前輩遊故學問人品卓卓可稱工詩筆力豪放長於歌行著有芝田詩鈔朱同仁字惇五號可齋元庠增生敦倫紀崇信義人以緩急相求應之無德色而其自御衣食雖處華靡與寒素相若所居詒燕堂本雲南昭通府同知徐忠亮沒官之產同仁購得之旁屋數十椽仍讓徐氏兄弟輩居焉故徐敦復感其德為

周莊鎮志卷四 人物

美

賦讓宅行傳播當時遠近稱為長者好蓄書籍每一書有二本正本謹度藏副本供誦習也善鑒別書畫羅致甚夥黃孝子白鹽尋親真蹟其最著者所著有詩文集貞豐聞見錄仲子春霆原名鎰字受之號棣華府庠增生虛已下人橐筆遊遊所至輒與知名士交以故學問淵博羣奉為老斲輪手嘗館鎮中章氏章不戒於火同仁詩文集并燬焉春霆以不能保其父之書生平謂為至痛季子春霽原名鐘字蔚之號杏雲與春霆齊名春霆入府庠春霽又同入元庠故有雙丁之譽

沈佑民供其名敦孝友性更謙和善醫每臨診處方務盡其心

嘗曰醫以濟人仁術之最切近者必計利無仁心矣何以精所業暇則手一編不釋遇品學之士敬禮之恐後而於人之有過者又諄切規勸冀其改悔而後已年八十餘卒

徐文謨字觀揚玠從子事親曲盡孝道乾隆七年秋母病篤醫藥無效乃割臂肉煮湯以進病旋愈後其父病劇亦割臂療之年四十父母相繼歿文謨哀毀過節遂致疾而卒同治八年題 旌孝子

陶金梭原名雲錦字退思號劍峯善圻子年十五隨其父之都入太學為肄業生沈宗伯德潛以國士目之在京十年所交皆四方知名士繼侍其父至四川歷太行太華經棧道劍閣

周莊鎮志卷四 人物

三

步萬里橋謁昭烈武侯祠遊青羊宮訪少陵草堂及浣花溪錦城諸名勝悉載詩稿遊記中越一載而善圻客死成都金梭扶輿以歸嘗創建洗鉢亭於永慶庵後集名流舉詩酒之會倡和篇什哀然成集既而愛洞庭東山之勝僑寓白沙灣旋館西山李氏遂家焉晚歲因章騰龍貞豐擬乘復採近事為周莊志未脫稿而卒著有應酬摘要三字經註畧致遠軒詩文集重修族譜等藏於家

徐昌基字陶伯號小鶴敦復子元庠增生博學多才為沈宗伯德潛入室弟子文名藉甚詩亦獨具性靈著有愛日山房詩鈔家貧嘗寒夜無衣母方疾力作以衣之昌基因自繪授衣

圖以紀母恩遠近知名士題詠殆徧蔚為大觀弟泰階字來仲能詩生三子錫齡字鵬胎號厚卿嗣昌基後元和廣貢生候選訓導改就府經歷著有七嬉錫亭字會卿官河南洛陽縣尉錫疇字範韓官東河分司皆以賢吏稱

徐暹字升如號晉齋校從子吳庠廩貢生兄昶字秉乾號丙軒元庠生與暹並負才譽時郡城比之二陸長洲韓暢慕暹名命子來潮遊其門暹因以女妻來潮及暢官江西泰和縣復延暹幕下甚相得也所著詩文頗富惜身後多散佚僅有存者

周莊鎮志卷四 人物

三

徐敦仁字步雲號養拙玠孫國學生自江澤村遷居鎮中好讀書問事貨殖有餘即分潤諸親朋嘗與許景運輯江澤小識遇勝蹟加題詠焉著有聊存草

沈文淵字誠若嘉善武生自寺巷村遷居鎮中敦本務實勇於為善元和黃邑尊建中舉為社倉長經理積穀子本仁字體乾候選州同早歲喜狹斜遊所交皆匪類及父歿人有言其不出三年必傾家者本仁聞之乃置酒召諸匪類飲各贈以錢而告之曰我今當為支持門戶計不能再與諸君遊也由是閉門謝客經營家業於所居大業堂側拓創敬業堂宅廣厦百餘椽良田千餘畝遂為一鎮巨室孫偉烈字麟標號樗庭國學生苦志勵學無異寒素長於詩所著種花吟稿體物

工麗嗜飲好客時舉詩酒之會成同人唱和集繼照字鴻達
候選從九品性剛直遇事侃侃而談無所顧忌凡鎮中善舉
恆樂為之領袖

戴惟瑛字升于之偶族曾孫慷慨好義遇有孱弱暴寡者必悉
力扶助任嫌怨不避時有土棍俞七陳大馬阿壽蔣勝等結
黨橫行人無不側目數笞責荷校終不悛乾隆辛卯夏俞等
又為不法事惟瑛不平正言厲色以斥之是夜四人各執刀
斧斬門而進惟瑛與家人避去而家中器用盡毀焉乃控於
林邑尊宏德邑尊廉得其實流俞陳煙瘴地問馬蔣徒罪遂
除一方之害至若胥吏為暴於鄉則尤攻許無稍憚事親孝

周莊鎮志卷四 人物

完

嗣母薛氏年至九十九生父見龍年至八十一時惟瑛亦耆
年猶作老萊之慕

諸汝霖字仁膏號杏園府庠增生鎮東北潁村人下帷刻苦健
於為文嘗從郡城李章琦遊得其傳四薦秋闈不第所著時
藝有杏園遺稿子乙照字向煌號竹亭國學生遷居鎮中性
至孝父患癘疾醫禱無靈乃嚙左臂肉和藥以進病旋愈越
數年父母相繼歿盡哀盡禮世業儒督課甚嚴子那達字信
孚孫文煥字魯生並為邑庠生乙照晚歲以詩酒自娛年至
八十卒同治七年題 旌孝子

蔡永言字孝維號玉樵幼就塾即喜為繪畫之事及長術訪名

家臨摩舊本專精人物深得陸少微筆法兼工山水花鳥求
者無虛口尤擅大幅天官至今稱蔡天官云弟子沈玉蟾字
芝堂傳其術長於山水點綴雪景別有天趣閒作篆隸筆亦
蒼古

周錫璜字鍾溪號芥舟晚號葭湄居士初攻時藝一試不售輒
棄去以經學教授弟子嚴定課程性耿介不苟取與字法端
正尤好書手錄口誦不倦家藏三別裁集宋金元詩選及前
輩詩文集高盈尺皆其鈔本也工詩著有寄寄吟稿

謝日升字震揚經學得其舅氏陸起仙之傳從遊者常數十人
性友愛教養兩弟曲盡其道工詩著有草塘漫錄

周莊鎮志卷四 人物

早

陶氏諱秉信字儒珍號樸齋 覃恩賜贈承德郎贈祖也曾祖
諱繼潛字晉賢國學生嚴以律已儉以持家至於事親旨甘
必備工吟詠著有運甓齋詩稿先祖受業於舅氏陸起仙經
學而外旁及雜藝太乙壬遁諸書俱手錄副本性曠達好交
遊以家業中落故舍儒服賈然承辦善舉甚力鎮中懷善局
施棺助葬創自乾隆庚寅迨嘉慶初而日弛先祖集同志重
為整理置義塚備葬船以時掩骼理齒至今遵之先祖生伯
父及先父兄弟三人長保宗字鳴高號西樵國學生 賜贈
儒林郎嘗見鎮西南有地大雪不積因架屋為糧食牙行漸
拓其基建豐玉堂宅百餘椽宅邊築小神仙館疊石鑿池極

亭臺花木之盛道光壬辰癸巳間曾承顯平翰兩邑尊委辦
漕糧俱信任之時相過從焉次與宗字承謙號北溪嗣高叔
祖兆景後 池贈奉政大夫孝友成性明幹多材初於鎮西
北購椿壽堂宅亦設牙行交友誠馭下寬人有緩急推解無
吝色延品學兼優之士以課子孫晚年因先父歿時煦兄弟
幼孤見則恆垂淚未幾丁本生母憂遂鬱鬱不樂以歿幼即
煦之先父諱邁宗字企舉號東籬 覃恩敕贈承德郎少佐
父兄業賈而勵品行兩兄以宅隘分遷先父仍奉二親居故
廬先祖歿擗踊哭泣兩目久腫事先祖母尤以孝聞好施子
重然諾道光癸未大水倡舉平糶時浮屍充積林文忠公則
徐方任蘇臬司勸諭各善堂就近收埋先父乃獨任懷善局
事行詣詳載寶山蔣敦復墓誌

周莊鎮志卷四

人物

望

陳晉字輝士號曉莊鴻子長庠生恂恂儒雅而與人論文則口
若懸河工詩著有寤言草弟繩字佩蘭號墨莊潛心制藝終
不得一矜因刊其文為墨莊課藝工詩著有省頭草淞溪寄
迹吟二集晚歲取章騰龍貞豐擬乘增輯付梓雖刪節處多
不逮原本而此書實藉以存不可謂非其功也晉子玠字毓
琛號肥雲長庠廩貢生負才矜博矯矯不羣嘗遊幕維揚賢
士大夫爭與之交惜亦不得志著有肥雲詩草
朱青雲字鎮嶽號隱軒好披覽而不喜為帖括之學教授生徒

因材而篤字法歐顏求書者無虛日時與二三知己詩酒流
連雖瓶罄囊空不為輟著有隱軒吟稿

陳豫吉字明易自幼勵志儒業年五十始入元庠為諸生居恆
博帶我冠動必以規矩遊其門者類多謹飭之士

馮燮字調元本吳江籍世業小兒痧痘科燮自幼習之性復敏
悟比懸壺門已如市忽患目疾竟失明乃令弟子誦讀於前
已為之講解冥搜默會悉中窾曲如是十年而目復明凡痘
證之順逆生死定以時日不爽毫髮時有仙人之稱遠方聞
聲聘之往者踵相接方案洋洋數百言或干言徵引切實論
斷精詳人皆欽其博雅同時有胡倫宗佚其名亦業小兒科

周莊鎮志卷四

人物

望

惟不善案語然方藥無不奇效與燮相頡頏

鄭祥徵字繼善號少迂晚號念山斌子世習文科醫祥徵潛心
研究不泥古方時奏神效嘗採輯歷代名醫議論成靈蘭集
義若干卷鎮中舊有惜字放生諸會祥徵俱為推廣行之好
施予惟恐不及工詩著有念山草堂存稿子維嗣字孝仲維
業字又新均克承其先志人稱為積善之家云

朱文潮字學韓號省堂同仁從孫早歲小試獲雋時已歸為風
雨所阻不及應覆試僅補僧生自是棄去客授四方其中表
錢國瑞官蜀之廣安州延之偕往國瑞卒於任文潮為治其
喪舉柩以歸營館郡城張培敦家時馮宮允桂芬居鄰近尚

童穉文潮見而奇之羅致塾中授業焉工書筆力遒勁人爭購之

朱福謙字心齋業星卜堪輿尤精易數占休咎多奇驗為人相地必曰陰地好不如心地好且言不犯忌水即是佳城至於禍福之說感世之術耳以此士大夫家多延之晚歲搜集鎮中先輩詩篇繕寫兩冊臨歿屬其子曰慎勿毀棄後三十年當有求此者既而售於戴氏煦刻貞豐詩萃時假得此本適符三十年之數

唐際會字冠時號雲巖國學生嗣父耀字翔九號炳齋府庠生年未三十而歿嗣母吳氏以節 旌際會長身鶴立談論風

周莊鎮志卷四

人物

聖

生嘗與朱春靈陳玠韓來潮以詩文相質難著有雲巖臚稿工書得趙吳興筆意于鍾字祝三才敏學瞻小試數前列早世媳章氏亦以節 旌從孫兆淇字右泉元庠生為人謹厚古道可風課徒尤誠懇口講指畫不遺餘力及門多所成就卒年三十九

韓來潮原名兆慈字尺五號滄霞晚號念喬府庠附貢生世居郡城父暢字遂生號譜華以進士選授江西泰和縣知縣多善政調清江縣卒於任來潮為徐選賢壻因遷居鎮中屢應鄉舉不售棄而讀律始就兩淮劉都轉澧之聘嘉慶癸酉百文敏公齡防禦彭城延來潮入其幕客遊三十載乃歸嘗與

戴其章及煦兩家兄弟叔姪結棠巢吟社迭相唱和來潮年最尊羣奉為壇坫主庚申之變憂憤成疾而歿年八十有一著有綠雪軒詩存

鎮中以教授為業而能勤於訓誨不誤人子弟者乾隆以前已各有傳至嘉道間則有張尚信戴恕朱願費鐘周金群白諸人張尚信字吟泉青庠生刻苦勵學及門從學者以身教以言教不稍懈卒以此致疾猶力疾課讀云戴恕原名謙曾字受益號筠軒惟瑛從孫國學生課徒嚴而善誘功倍他師工隸書臨摹曹全碑得其神似朱願字景程號雪門春寓于專工字學合歐顏為一家臨池揮翰至忘寢食人比之張伯英

周莊鎮志卷四

人物

器

云費鐘字紹鳧號練江家本寒素訓蒙為業性廉潔不苟取與三十後得瘵疾而歿費氏累葉書香其先世嘗延康熙庚辰進士費洪學為師後徐鑰亦曾館於其家故遊庠食餼者代不乏人迨鐘歿而遺文臚稿散佚無存即名號亦無從考矣周金一名曰金字映庚號麗生屢應小試雖前列而終不售工唐隸筆致獨蒼古年未四十而歿白字慕蓮號子吟耿介絕俗工詩文頗自負中年境益嗇遂謂世無知己悉出所著焚之旋卒

以藝術著名者嘉道間醫則有許國器馬鳴鶴韓寶篋諸人畫則有潘春生朱觀禱諸人許國器字玉田號雲椒青庠

生自金澤遷居鎮中兩耳重聽好吟詠尤以醫擅名專精傷寒分經辨證深得仲景之旨故治疾幾臻十全馬鳴鶴字子和學醫吳江日與徐熾遊因習外科得其治法方藥於金鑑歌訣尤熟讀無遺其施治迥異他人韓寶篋字青士來潮子從九品銜始習文科旋理大方脈用藥輕而多效屢為當道所褒獎潘春生字芳林號香泉語言蹇蹇恆默坐無聲與人論事則達之於筆工傳神並精篆刻朱觀字惠吉號桂軒春霆子擅傳神兼涉山水花卉訓蒙甚嚴褚壽祺字敬齋工繪蝴蝶栩栩欲活與從兄元照同門時有陶牡丹褚蝴蝶之稱字法率更筆致挺秀

周莊鎮志卷四 人物

吳

費秀元字玉成候補都司 誥贈武顯將軍自吳江之計巷村遷居鎮中性任俠好結納每為人排難解紛咸豐丙辰水鄉多盜平太守翰檄令督捕巡緝未幾以檄緝盜魁沙哥不獲遂繫獄而沙哥已反正於嘉興徐莊愍公有壬知之且察秀元才可用乃出諸獄而檄募槍船助守各門然倉猝僅得七十八十船從郡紳韓都轉崇朝夕督巡至四月十三日粵賊陷蘇城力不及禦急與崇奪門出歸而益募槍船以圖恢復兼為保衛鄉里計六直車坊同里黎里諸鎮先後被賊秀元均往救分船守之賊踞蘇後怯於水鬪而近地如金澤盛澤北厘各有集眾募槍船者約一二千艘往往各不相下間尋干

艾然得秀元一言則立釋以此皆尊奉秀元已而 欽命督辦團練大臣龐閣部鍾璐檄令秀元依舊自行團練爰為約束以待大兵雲集隨同進剿僻中丞煥檄令秀元團集槍船保衛鄉里並偵探賊情隨時稟報秀元持此以示諸鎮之募槍船者皆用命十一年冬吳方伯煦檄令秀元整備船勇堵禦封叟門援賊同治元年春秀元疾病先是咯血闔鎮為之持齋祈禱至是復作卒附鎮數十里內以其有保衛鄉里功咸惋惜之

周莊鎮志卷四 人物

吳

徐勳字佑堂號月江懷恕六世孫年十四卽訓蒙藉館穀以養嗣母及本生母習小兒醫推擊方藥頗能中窾謹身節用性仁厚無疾言遠色亦不臧否人物有妄人加以非禮引避不與校不減婁師德唾面自乾風然能急人患難不辭勞怨方勳之壯也嘗櫻危疾恍惚有神鞠之勳以嗣母在堂父喪未葬告神檢册許加壽一紀勳有難色神曰無慮再好再加病遂痊故於祭先祭神之事尤極誠敬咸豐元年余邑尊龍光聞其名舉為鄉飲賓 旌以端品善行額卒年八十有六沈林惠字虞揚號翠嶺世居鎮西吳江之雪巷村國學生候選布政司經歷家有田萬餘畝而取租平為遠近最每歲四月耕林惠田者計畝貸米三斗至秋收還之不權子母凡農民貧者就家家貸米必計值加子錢至期還以錢曰生米貸時

米方貴還時新穀登必賤往往至倍稱以故農重困耕林惠
田者無食生米其子孫行之以為常租入必錫數倉雖高值
不售曰無蓄脫歉歲何以平糶又建慶善堂施棺掩骼獨力
舉之好藏書籍尤多刊刻遺書如張氏湖楊氏復吉所輯
昭代叢書進氏鶴壽所校王氏鳴盛蛾術編吳氏翌鳳 國
朝文徵朱氏珣古文彙鈔幾千卷卒年七十有七

周莊鎮志卷四 人物

墨

於善舉尤謹謹焉卒年七十有二

馮景澄字子儀世居鎮東南官字圩村青浦庠生道光癸卯舉
人早歲刻苦自奮從漂陽教諭倪皋受舉業得其淵源敦倫
紀廣交遊父喪致客舟楫閱迄今人猶稱道之從弟時昌
字霞川青庠生居鎮中積學早世時昌孫世誠字震伯然弟
之婿也受業於熊其英閉戶讀書外人罕見其面未弱冠為
諸生旋染瘍疾而卒士論惜之

陶琴泉原名元熙字贊堯號勤補國學生煦從兄也伯父諱興
宗止生兄一人故責望甚切延其外祖吳江副貢生王友浩
課之讀書年十五遭母喪恆閉戶飲泣恐傷伯父心繼事後

母惟謹未幾遭伯父之喪服甫闋又遭後母之喪遂絕意仕
進而肆力於詩從松陵詩人葉樹枚遊著有有真意齋吟稿
卒年四十二以子甄官 誥贈奉政大夫甄字在和號菜坪
國學生候選同知自幼受業於朱先生霞燦讀書聰慧字法
亦娟秀屢試不售乃寄情詩酒嘗入棠巢吟社晚年營別業
於宅左顏曰息廬因以自號繪圖徵題得詩頗富卒年五十
五著有息廬吟稿

周莊鎮志卷四 人物

哭

陶元照字容光號臨川煦從兄也伯父諱保宗生從兄弟四人
兄為仲議敘八品 敕贈儒林郎性沈靜好涉獵度數之學
以屢試不得一矜遂棄而習醫遊北幹山何其瑞之門於仲

景傷寒金匱外尤服膺東垣十書治疾多奇中工寫生最擅
設色牡丹鎮中有陶牡丹之稱其次即從弟然原名元烈字
藜青號芭孫穎悟過人博覽強識善詩詞尤長於賦學吳江
陳壽熊以經義名當時弟從之遊學益進弱冠為長洲庠生
咸豐辛酉登拔萃科弟自負奇特性又亢直好面責人過然
賢士大夫往往聞其名而樂與之交平生磊落慷慨不屑問
家計自 廷試報罷歸乃以筆耕自給攜妾賃廡於郡城孔
副使巷當道之徵詩文者不絕月課紫陽正誼兩書院無不
前列其構思必嘔心鏤血脫一稿士林多傳誦初嘗刻其所
作時文詩賦為味閒堂集繼復刻續集三集賦比工竣而坊

間翻板四起矣從學者甚衆每爲之指陳利弊多至數百千言晚得喘嗽之疾而學愈勤雖輾轉牀褥間猶手不釋卷出其餘爲經生家言識解亦卓絕暇輒招三五親故杯酒論文辯駁閱肆人無以難之煦輯鎮志得其悉心討論釐定部次多所損益卒年五十一所存駢體文詩詞數百篇皆手自繕錄者

戴其章原名鈞曾字子秉號雙柑惟瑛從孫長庠附監生父觀成字迎求號吟舟國學生沈靜寡言能草書擅圍碁壽七十有八其章幼慧能文小試輒前列遊庠後得咯血疾嘗膺鄉薦不售遂棄舉子業意養閒寄情吟詠著有雙柑詩草晚

周莊鎮志卷四 人物

男

歲益病杜門不出歷十年卒弟其相原名鉅曾字子式號笠農與其章孿生性剛直遇事敢爲尤健於爲文長洲王邑尊錫九奇其才特拔冠軍張文宗芾復以第一入泮己未借試浙闈中副車道光己酉水災大吏勸賑專責紳董不假胥吏手其相躬赴各鄉核其戶口給之毋濫毋遺庚申之變費都司秀元在鎮招集槍船其相亦與同志募丁防禦晝夜督巡閱三月烽煙日逼憂勞成疾而卒年四十有四工漢隸筆力遒勁詩學韓蘇硬句盤空著有棠巢詩錄
沈晉錫字侯康號縉生偉烈孫幼聰慧過目成誦年十三應小試有神童之稱而至老仍不得一衿遂以教授終所著詩有

秋吟小草子洪疇字益之服買蘆墟鎮咸豐辛酉十一月二十一日嘉善賊北擾金澤鎮及趙田村時晉錫方寓居趙田洪疇聞警急駕舟省父或勸阻之答曰父難不赴庸爲人乎行至東固蕩賊船紛集不及避被賊擠溺死年二十七同治七年題 旌孝子

費嘉穀鐘從孫父嶧材患咯血疾時嘉穀四歲見母徐氏垂淚必對泣不止明年春父歿母子痛哭見者爲之流涕七八歲時人與之食輒懷歸遺母母有疾侍奉至忘寢食同治乙丑母成痼疾七月嘉穀亦病在牀至十七日夜同室鄭氏睡夢中聞呼母聲出門去急起燭之母子俱不見蹤蹟至報恩橋

周莊鎮志卷四 人物

季

北見一尸人爲撈視乃徐母也卒不見嘉穀明日卽於母溺處得之兩手上抱猶作救援狀蓋由黑夜倉皇急欲救母遂奮身以殉年十有四同治七年題 旌孝子
陳永奎字少山童年值粵賊亂同里費君金綬練民團永奎從金綬之弟金組戲爲擊刺備禦之事迫金綬以民團隸撫標水師爲新後營永奎遂從軍隨攻平望黎里等鎮蘇州封門賊壘及吳江嘉興等城積功保舉守備銜儘先千總並 賞藍翎事平歸長江標借補金陵營左哨外委永奎幼孤志在顯揚其先人會同治十一年 覃恩遵例請封祖父爲武德騎尉五花 誥下居人稱榮焉彭宮保玉麟時巡閱長江所

至持正彈劾請營汎多聞風瑟縮而永奎數奉其檄奔走左右用是擢安慶營把總未赴任卒年三十六永奎之在金陵營也同寮謝蘭生愛之妻以女生二子及卒妻扶柩歸其喪於家

道光間有孝子二人曰陳世傑曰蔣惕三近始從其鄉人采得因附錄之陳世傑吳江之吳家埭村人幼入村塾讀書即略解孝經事親之道父晉惠早卒奉母任氏以孝問母有疾侍湯藥惟謹母嘗病劇氣絕世傑大聲哀號母恍惚若有驚之覺者遂得無恙人以爲誠心所感越三年母歿遇忌日祭奠必敬有餘慕也性又友愛兄世英有殘疾爲之成婚終身誓

周莊鎮志卷四 人物

至

不分巽道光二十四年卒年七十四至今鄉黨猶稱之蔣惕三元和之龍亭村人有孝行父患背疽幾殆惕三割左臂肉和藥療之而愈繼而母病復割右臂肉療之亦愈家貧賣梨膏糖以爲養兩臂以布裹人揭視之創痕宛然羣稱爲賣糖孝子

周莊鎮志卷四終

周莊鎮志卷五

里人陶煦重輯

列女

徐氏名慕貞梓女也年二十適郡城夏侯橋管正偁不苟言笑動必以禮正偁忘勸之以勤學正偁貧佐之以紡績賢明貞順靡德不備閏四年正偁以小試不利抑鬱成疾而歿氏哭之慟誓以身殉至終七日從容祭奠畢乃登樓焚香誦經遣婢淪茗遂自經死時康熙十七年臘月二日也郡守林公給獎曰成仁正氣一時名公鉅卿如尤侗汪琬蔣伊彭瓏諸人均以詩文輓之今其遺冊猶藏於煦家事載府志而未詳請旌之年

周莊鎮志卷五 列女

氏成婚甫一月歸里省親遇疾暴卒氏徒跣奔喪撫屍大慟欲從死翁姑給以及秋營葬後任自爲計氏領之已而自經於柩側以家人救得蘇後又欲自盡人勸止之旋因母病歸奉湯藥母愈遂不食五日而卒氏少失怙事母孝女工之暇課幼弟讀書至其節烈尤卓卓可傳云擬乘載見青浦學呈冊按縣志未載費氏庠生夏如妹吳江龐雲衢繼妻年二十四夫亡無子視含殮畢取厨刀自刎身立不仆移時面色如生康熙庚子三月十二日也邑令葉公嘉其志率屬吏親往拜之同邑計默爲作傳雍正五年題 旌建祠事載府志郁氏蔡日章妻年二十一而嫁閱五年夫亡生子僅月廟節

撫孤未幾遭回祿家業蕩然舅姑老病氏勤紡織以養生事
死葬儉能中禮守節三十餘年雍正十年題 旌事載元

徐氏陳佩玉妻年十八歸於陳四載而寡上事孀姑下撫嗣子

三十餘年如一日郡守獎以額曰孝慈完節雍正十一年題

旌按佩玉名樹琳而府志及元和縣志俱誤分爲二人

孫氏沈應祥妻雍正十三年以節孝題 旌建坊在城隍廟後

馬氏陶學詩妻年二十八而學詩歿紡織佐食撫子仁趾成立

爲娶媳千氏甫抱孫而仁趾亦歿千氏善承家法冰擘共守

二十年迨孫有室而千氏又歿馬氏乃操家事十餘年年七

十八卒境苦節堅人悲其遇二氏俱乾隆五年題 旌事載元和

周莊鎮志卷五 列女

縣志

湯氏方瑞華妻乾隆四年以節孝題 旌建坊在北印村東墓

前

陸氏俞世瑄妻金氏盱眙縣教諭陶岷思妻乾隆五年俱以節

孝題 旌陸氏建坊在世德橋北

凌氏陳素臣妻年十八嫁二十夫亡既而嗣子又天無可繼者

艱辛萬狀百折不回晚歲益貧困依其族姪卒於郡城守節

四十餘年乾隆六年題 旌

章氏顯聞女年十八適蘆墟周彩若時彩若已染瘵疾氏謹爲

調護閱一載而歿紡織以養舅姑舅姑歿遂居母家益自勤

苦寸累銖積並舉三喪又力請宗黨爲夫嗣子嗣子定恩勤

撫教迄於成立守節五十九年吳縣嚴師厚爲作傳乾隆六

年題 旌事載元和縣志同治七年吳江又請旌

吳氏陸鶴翔妻沈氏朱聖一妻徐氏迕君常妻乾隆六年俱以

節孝題 旌吳氏建坊在楊家潭西

徐氏陳天儀妻夫亡無子姑疾病暑不揮蚊侍立中夜及歿哀

毀盡禮撫嗣子成立時歸奉母氏亦以孝聞乾隆七年題

旌

沈氏徐鴻傳妻年二十二夫亡慟哭誓不欲生戚黨勸止逾年

姑歿毀瘠幾至滅性撫嗣子秉鉞未成立而天又撫其弟秉

周莊鎮志卷五 列女

鎰教養兼盡乾隆七年題 旌守節已閱五十年建坊在永

慶庵南

盧氏柳丕緒妻金氏費誠所繼妻乾隆七年俱以節孝題 旌

擬乘作費誠所妻無繼字今從府志改正

潘氏朱建侯妻乾隆八年以節孝題 旌

朱氏徐椽妻迕氏徐機妻姊如雙節俱乾隆九年題 旌擬乘椽作

筆與機作樂天陳繩增輯時并下許氏徐深公妻等五節婦俱遺脫

朱氏韓爾卿妻乾隆十年以節孝題 旌建坊在北許村西北

墓前

徐氏戴松年妻年未三十而夫亡所遺遺負親友憐其貧苦欲

捐之氏不許十指經營不辭勞瘁數年間盡償所負撫孤志
磨成立年六十餘卒誠女中丈夫也乾隆十一年題 旌

鄧氏金懋修妻早歲夫亡子又天依母氏長齋縉素二十餘年
如一日矢志葬夫未遂而卒乾隆十一年題 旌

許氏徐深公妻戴氏徐仙劉妻楊氏徐子明妻一門節孝俱乾
隆十三年題 旌

潘氏吳江海峯妹徐道廣聘妻乾隆十六年道廣歿於廣西藩
署六月赴至氏即投繯自盡夫家迎其柩合葬焉乾隆十六
年題 旌

顧氏名步字佩薇白號定閣女史徐舜庭妻父名青浦姚蘇村
府志載見長元節孝祠廣本
作光同治七年又請 旌

周莊鎮志卷五 列女

四

人氏早寡守節孤子孀殤未幾亦卒悲思菟結一發於詩著
有絮愁集道光十四年題 旌

邱氏戴潤臣妻潤臣係鎬子嗣長庠生之倣為後染危疾醫藥
罔效氏曰古人割臂療親夫猶天也逞惜寸膚聊遂割以進

病旋愈逾年仍歿氏年二十九織席營生撫孤子桂成立後
桂亦割股療母疾事載人物同治七年題 旌

施氏徐臨滄妻年三十夫亡子桂林生僅九月教養成名入泮
為長庠生氏事姑盡孝姑歿哭泣不已致兩目失明守節三

十五年康熙庚子解元施陞錦氏從父也為作傳王氏徐滄
妻年二十二夫亡氏欲投井家人力防得不死撫嗣子成立

守節四十二年氏與施氏為妯娌里中稱雙節焉同治七年
題 旌

楊氏陸穎思妻楊氏馮旭旦妻係同胞姊妹夫皆早世陸撫嗣
子馮撫遺腹子青年守志白首同貞俱同治七年題 旌

及下金氏馮氏亦為
陳總增輯所遺脫

金氏陶廣遠妻父在田家小康而廣遠則赤貧兼染瘵疾翁念
祖亦常在牀褥氏侍奉湯藥奩資既盡藉女工以供翁與夫

甘旨不少闕恆自忍飢絕無怨色年四十而卒其後翁每對
人稱婦孝輒泫泫淚下同治七年題 旌

周莊鎮志卷五 列女

五

俱得成立守節三十八年同治七年題 旌

朱氏鍾季妻居銀子浜幼為養媳事翁姑以孝聞姑盲性暴稍
不遂輒詬詈氏奉命惟謹有小姑贅壻在家氏執爨以供無

怠姑歿厝柩田間日往哭之里中稱為孝婦徐桂芳為作傳
同治七年題 旌

諸氏徐煥章妻年三十夫亡家在市中日常閉戶雖至戚叩之
必問其故而後啟藉女工撫育子女茹苦含辛無愁歎聲守

節五十四年同治七年題 旌

計氏陳天明妻年十九嫁天明本瞽者業星卜成婚一載而歿
氏長齋奉佛貧苦自持撫嗣子成立衣食粗足守節四十八

年同治七年題 旌

張氏女父志遠一日女獨在家鄰有惡少姚姓乘間往挑之女正色以拒不去遂大聲疾呼鄰里紛至乃遁父歸嗚之官官以姦未成枷責釋放姚揚言姦已成以汚女女聞羞忿交集投繯死雖爰書再定而獎卹未遑哀哉至同治七年始以貞烈題 旌

張氏金大觀妻晉岳女金係農夫成婚一載而歿翁姑欲嫁之得賞以娶次媳屢勸氏不從姑曰若不從將以妻叔矣氏卽於是夜自經死同治七年題 旌

廷氏女沈家蕩村沈某聘妻年十九而沈亡呼天搶地誓欲奔喪乃往持木主成禮三年不見齒終身不窺鏡上奉姑婢下撫嗣子人無間言卒年八十四守貞六十六年同治七年題 旌

周莊鎮志卷五 列女

六

廷氏吳省傳妻夫歿欲殉親族以姑在勸止之不十日而姑亦歿氏料理喪事畢卽自經死時道光十一年也同治七年題 旌

嚴氏陳嘉美妻年三十夫亡撫孤成立守節三十六年同治七年題 旌

朱氏恒才女蘆墟顧佩珩妻年二十八夫亡撫嗣子成立守節三十八年同治七年題 旌

馬氏姚大業妻 吳江縣續志 誤作馮氏 年二十五夫亡十指經營撫孤成立守節四十一年同治七年題 旌

沈氏沈開業妻年二十一夫亡守節四十六年同治七年題 旌

陳氏監生沈成熙繼妻年二十三夫亡守節四十三年陳氏之孫女沈氏維垣女適蘆墟監生陳應貞年二十九夫亡越七十九日葬畢服毒死時咸豐七年四月二十一日也俱同治七年題 旌

吳氏庠生唐燿妻年二十五夫亡守節五十一年吳氏之媳柳氏唐際泰妻年二十九夫亡事姑盡孝撫孤懋祿成立守節三十六年吳氏之孫媳章氏儒童唐鍾妻年二十七夫亡生子僅五十三日撫養成立侍奉翁姑喪葬盡禮守節三十一年柳氏之媳費氏唐懋祿妻年二十六夫亡現年四十六已守節二十一年俱同治七年題 旌

周莊鎮志卷五 列女

七

楊氏庠生諸邦達妻年二十九夫亡孝事翁姑撫孤宗城成立守節五十一年楊氏之媳唐氏諸半樵妻年三十夫亡現年六十二已守節三十三年楊氏之媳錢氏諸宗城妻年二十五夫亡現年五十九已守節三十五年俱同治七年題 旌

張氏秦啟祥妻成婚甫一年年十七夫亡事孀姑孝撫孤壽怡成立現年六十一已守節四十五年張氏之媳施氏秦壽怡

妻年二十四夫亡上奉祖姑及姑下撫孤子現年四十七已守節二十四年俱同治七年題 旌

沈氏監生凌雲妻年二十七夫亡現年六十七已守節四十一

年江氏李企堂妻年二十夫亡現年六十二已守節四十三

年葉氏沈在銘妻年二十九夫亡現年五十二已守節二十

四年謝氏徐邦學妻年二十二夫亡現年四十四已守節二

十三年四氏俱同治七年題 旌

嚴氏庠生徐汝斌妻年二十五夫亡撫嗣子楷成立守節四十

六年嚴氏之媳戴氏徐楷妻年二十四夫亡撫嗣子勳成立

守節三十八年俱同治八年題 旌

周莊鎮志卷五 列女

八

張氏庠生章履泰繼妻年二十四夫亡撫孤成立守節三十四

年于氏章南勤妻年二十八夫亡撫孤成立守節二十二

王氏章紫宿妻年二十三生子僅八月而夫亡藉紡織以撫

育迨娶婦生孫而子婦相繼又亡乃復撫兩孫艱苦萬狀遂

致失明守節四十七年一門三氏俱同治八年題 旌

謝氏金佩千妻年二十七夫亡撫嗣子殿傳成立而歿復以姪

永福兼祧為之婚娶守節四十五年謝氏之弟陳氏金保宗

繼妻年二十二成婚五月而夫亡撫孤永福成立未幾永福

歿復與寡媳進氏撫其孫芬將成立矣陳氏現年五十二已

守節三十一年俱同治八年題 旌

費氏謝士珍妻本崑山之葛畝人年二十五夫亡家貧傭工度日撫孤成立五十後目盲乃長齋奉佛踰年目復明現年六十已守節三十六年同治八年題 旌

徐氏淑姑楚翹女同治元年粵賊之難避居鎮西之西蒲塘九月七日南路賊猝至將被執遂赴水死時年二十二報入忠義局第八案彙奏奉 旨旌卹

陸氏青浦庠生馮時昌妻年二十九夫亡守節十一年陸氏之姊薛氏馮時若妻年二十三夫亡現年四十八已守節二十年俱同治九年題 旌

胡氏張佩蘭妻年二十九夫亡撫孤成立守節五十七年同治

周莊鎮志卷五 列女

九

十年題 旌

凌氏郁鴻文妻年二十三夫亡撫嗣子福成至十三歲忽病殤氏即仰藥死時同治二年五月二十八日也守節已閱十年光緒六年夏學使同善給獎曰烈行芳徽

蔡氏龐驥妻年十九夫亡守節四十六年同治七年題 旌

縣繆浜村人載擬乘陳總遺脫

王氏韓秉質妻年二十夫亡遺孤僅六十八日教養成立年四十一病歿曰吾可以下報夫君矣雍正三年以新例題 旌

建木坊在宅前 以下十一氏韓鎮村人

吳氏韓祖培妻年二十八夫亡所遺一子一女撫育訓誨倍極

劬勞守節三十三年乾隆二年題 旌建坊在宅前

蔣氏朱世英繼妻年二十七夫亡守節四十二年乾隆九年題

旌蔣氏之姊韓氏朱世顯妻年十九夫亡守節四十三年

同治七年題 旌二氏及下繆氏謝氏周氏五節婦載擷乘亦為陳繼遺脫

諸氏監生韓蓮妻嘉慶十五年以節孝題 旌建坊在秀王浜

東墓前

繆氏袁節妻節得廢疾足不能行身不離垢兩家俱願退婚氏

曰一女可二字耶乃歸袁既成婚即為洗滌遺穢敬供飲食

未及一載而夫亡縞素長齋撫嗣終老鄉里稱貞節者氏居

首焉同治七年題 旌

周莊鎮志卷五 列女

謝氏吳在明妻年二十八夫亡守節三十一年周氏繆允成妻

年二十六夫亡守節二十二年俱同治七年題 旌

韓氏張明宇妻年二十五夫亡貧苦自持撫孤成立守節四十

一年韓氏之嗣孫媳潘氏張銘昭妻年二十二夫亡無子家

益貧傭工度日守節三十四年俱同治七年題 旌

陸氏戴憲文妻年二十八夫亡撫二子成立守節二十九年同

治七年題 旌

周氏女郭香聘妻未嫁而夫亡氏欲往視殮曰得一見死者而

我願畢矣父不許潛以配人氏知之即自縊鄉愚不知貞烈

為何如事幾混焉無聞擬乘傷之至同治七年始題 旌以下

十氏所
莊村人

高氏郭萬象妻年二十四夫亡守節五十九年高氏之姊懷氏

郭萬幾妻年二十六夫亡守節五十年俱同治七年題 旌

二氏至下嚴氏五節婦擬乘載之亦為陳繼遺脫

高氏周伯華妻年二十八夫亡守節三十五年陸氏陳繼秀妻

年十九夫亡守節六十年俱同治七年題 旌

嚴氏姚繼福妻年二十七夫亡撫嗣子旋殤夫弟亦無子氏為

納妾以待育嗣守節二十六年同治七年題 旌

陸氏周岐山妻年三十夫亡有惡少以利誘之不從復欲強逼

岐山故業梓人氏持梓人斧逐之乃遁去撫三子成立守節

周莊鎮志卷五 列女

三十三年同治七年題 旌

鄭氏張壽妻年二十九夫亡身親稼穡未嘗與人言笑守節二

十三年同治七年題 旌

夏氏陳喻先妻幼為養媳姑虐日加鞭扑無怨言年二十八夫

亡子尚幼夫兄利其田產百計逼嫁氏堅守不移氏兄士誠

訟之官乃止守節二十五年同治七年題 旌

吳氏高瑞東妻年二十六夫亡生二女家貧紡織度日或以微

言動之氏曰吾與吾母同志耳何用多言氏母家韓鎮其母

即吳在明妻謝氏也守節十九年同治七年題 旌

朱氏呂惠妻年十七成婚僅六月而夫亡守節五十四年同治

七年題

旌 東田社村人載擬 乘亦為陳錫遺脫

李氏楊茂林妻雍正十三年以節孝題旌建坊在宅前 以下四 港村 張家

人

張氏女儒童朱涵光聘妻年及笄涵光死父母無子欲令女改

適女不從事親二十餘年立族弟長者為父後親歿經營喪

葬年六十餘而卒可謂貞孝兩全矣乾隆六年題 旌

沈氏張聖武妻王氏朱振玉妻乾隆六年俱以節孝題 旌

費氏女懷天慕聘妻將婚而夫亡女欲奔喪父不許欲自盡防

之密不果後聞父欲為之別配遂投繯死女母舅葉林甫為

送柩至天基家設祭饗之俾合葬焉邑尊獎以額同治七年

周莊鎮志卷五 列女

主

題 旌 以下二氏許 家港村人

朱氏費雲昇妻年二十八夫亡有鄰媪勸其嫁氏持媪臂痛毆

之白是人不敢復言守節二十四年同治七年題 旌

楊氏蔣爾翀妻年十九嫁二十夫亡撫孤成立孤歿復與寡媳

撫其嗣孫守節五十五年同治十年題 旌 龍亭 村人

顧氏朱確成妻與韓鎮蔣氏韓氏為從姊妹年二十五夫亡守

節三十九年同治七年題 旌 以下四氏西宅港 村人村南即龍亭

林氏陸子來妻年二十四夫亡無子翁聽繼姑言欲令改嫁氏

堅執不從而侍奉加謹翁姑歿力營喪葬守節六十年諸氏

陸益齡妻年二十五夫亡撫孤宏疇宏謨教養兼盡得以成

立守節二十五年孫氏陸啟周妻年三十夫亡守節二十八

年俱同治七年題 旌

黃氏蔣建勳繼妻年二十六夫亡辛苦持家撫嗣子成立現年

五十四已守節二十九年同治八年題 旌 東管 村人

顧氏諸本侯繼妻子歸時翁姑已歿以未及侍奉為憾事繼姑

孝年三十夫亡營葬翁姑及夫與夫前妻四柩撫養前妻二

子與已生二子無異晝夜操作澹泊自甘守節三十七年徐

氏諸玉書妻事嗣姑與本生翁姑皆以孝稱年二十七夫亡

遺二子長僅三齡次未及朞月家貧紡織度日喪殮時或不

繼備極艱苦守節三十八年俱乾隆六年題 旌 以下九氏 穎村人

周莊鎮志卷五 列女

主

韓氏諸兼三妻孝養翁姑事必躬親母病歸侍出簪珥以給醫

禱閱三月母歿水漿不入口者三日恐貽翁姑憂稍自節哀

因得肝疾夫為繼嗣事兄弟幾失和氏婉言勸諫族中均為

感悟府學浦教授起龍獎以額曰壺孝流徽同治七年題

旌

陸氏諸大本妻年二十九夫亡守節二十年周氏王齡九妻年

二十七夫亡守節三十六年俱同治七年題 旌 二氏載擬 乘亦為陳

總遺

沈氏諸明揚妻年二十三夫亡事翁姑撫二子備嘗荼葉益勵

冰霜邑尊獎以額曰節成慈孝守節三十一年陳氏諸慰祖

妻年三十夫亡翁武生虎姑沈氏以痛子故相繼歿氏侍疾
視殮盡誠盡禮撫子筠成立為之娶婦者三守節四十三年
金氏伯生諸瞻鏞妻年三十夫亡撫孤以升成立咸豐十年
五月粵賊竄擾吳江之同里鎮以升被執殉難氏聞耗冒險
前往載屍歸殮媳已先歿氏悲傷不已逾月亦歿守節三十
九年朱氏諸獻祥妻年二十五夫亡家貧無依父母欲嫁之
氏以之死靡他為誓藉女工以自給守節二十二年俱同治
七年題 旌

諸氏張鴻儒妻年二十四夫亡現年七十五已守節五十二年
同治七年題 旌 秀王浜
村人

周莊鎮志卷五 列女

西

諸氏湯聖行妻年二十八夫亡守節五十八年同治七年題

旌 湯灣村人載擬乘
亦為陳繩遺脫

馬氏吳文妻年二十嫁閏三月而夫亡守節五十二年朱氏徐

全忠妻聽松女年二十六夫亡守節四十二年陸氏徐天若

妻年二十七夫亡撫孤成立守節三十五年俱同治七年題

旌 以下六氏吳江
縣江澤村人

吳氏朱翔雲繼妻年二十九夫亡撫二子二女成立守節二十

八年張氏徐維翰妻年二十五夫亡撫孤成立守節二十五

年俱同治七年題 旌

顧氏徐梅妻氏母家錢王浜幼受徐聘年十八梅病篤其姑悍

而狡即為梅娶氏于歸三日而夫亡姑始欲奪而嫁之氏誓
死不從繼欲以已甥強配氏氏知之逃回母家後姑歿乃歸

視殮撫嗣子祥甫成立守節四十五年同治八年題 旌

楊氏沈受社妻年二十五夫亡上奉翁姑下撫子女不辭瘡瘁

子歿撫姪為嗣守節三十九年同治七年題 旌 以下二氏
雪巷村人

張氏陳雲喬妻年二十六夫亡守節二十六年同治七年題

旌

姚氏金洪才妻年二十五夫亡現年五十八已守節三十四年

同治七年題 旌 同字
村人

千氏柳某妻瞻淇媳也年二十夫亡守節同治七年題 旌 長
渠

周莊鎮志卷五 列女

五

人村

朱氏女馬河龍聘妻 縣志作易原
即河龍字也 河龍母即女之姑母女自幼

育於姑母故以配其子婚有日而河龍歿女時年二十一慟

幾絕殮之日衰麻腰經攀棺欲殉者數四服闋女自加笄簪

翁姑禁之不從女父母勸之亦不聽翁姑貧且年皆七十女

力勤女工易甘旨以供之翁姑歿女售田及所居宅以為喪

葬河龍亦從葬焉撫河龍弟之子為嗣為之娶婦康熙五十

年張學使元臣給獎曰彤史完人越九年卒守貞四十三年

徐鑰為作傳欲請 旌表不果至同治七年始題 旌 以下
南莊
村人

凌氏女字張氏子未婚婿歿女投繯死載吳江縣續志而未詳請旌之年

陳氏凌景春妻年二十六夫亡撫姪山壽為嗣姑以哭子喪明侍奉不怠守節三十七年同治七年題 旌

蔣氏朱盛德妻盛德得瘵疾氏典衣治湯藥年二十六盛德歿其弟貧未娶氏又典宅權子母資之娶婦生子為夫後力勤紡織積貲為嗣子成婚舊宅得復守節三十餘年同治七年

題 旌以下二氏支橫浜村人

沈氏張雲彩妻年二十一夫亡無子家貧紡織度日守節六十年同治七年題 旌

任氏陳品珍妻富成女年二十八夫亡哀毀闋三月嘔血卒時同治五年十二月二十五日也同治七年題 旌吳家埭村人

陳氏庠生葉瑩妻年二十九夫亡撫孤成立守節二十四年同治七年題 旌以下三氏龍涇村人

千氏李彩雲妻年二十四夫亡現年四十四已守節二十一年錢氏王錦章妻年二十二夫亡現年四十三已守節二十二年俱同治七年題 旌

朱氏陶尚珍妻乾隆八年以節孝題 旌建坊在宅前長浜村人

沈氏陳茂才妻分湖小識作陸茂才年二十六夫亡無子紡織度日守節三十二年朱氏從九品潘雲海妻蘇家港監生渠成女年二十九夫亡撫嗣子成立守節三十八年俱同治七年題 旌

周莊鎮志卷五 列女 七

以下三氏許莊村人

仲氏陳恩泉妻夫亡翼日服毒自盡年五十三時咸豐九年十二月二十日也同治七年題 旌

陳氏唐載乾妻蘆墟庠生元城女年二十九夫亡養姑育女撫嗣子紡織以為食積勞成咯血疾姑歿哀毀卒年四十一同治七年題 旌善灣村人

沈氏李聖如妻年二十七夫亡遺孤三歲撫育成人家貧養殮不繼無愁歎聲守節四十七年同治七年題 旌西岑村人

陳氏郭培妻年二十一嫁二十日而夫亡守節三十二年乾隆六年題 旌建坊在宅前以下三氏楓里橋村人

張氏郭量容妻嘉慶十四年以節孝題 旌建坊在宅前坊上鎬郭村人

張氏郭懷訓妻年二十八夫亡守節二十五年沈邑尊錫華獎以額曰松筠其操同治七年題 旌

郭氏陳敘高繼妻縣志作陳御舉楓里橋載德女也敘高賈於外氏奉姑金氏居家同治元年五月望日粵賊擾元蕩濱將及氏家適氏家曬麥於場姑以護麥故堅不欲他避婦力勸之行而

自任護麥賊至大掠以刀驅氏入賊舟氏罵不絕口身被數刀遂赴水死時年三十二東渚村人事載吳江縣續志而未詳請旌之年

徐氏朱興達妻年二十四夫亡勤儉持家撫嗣子成立守節四

周莊鎮志卷五 列女 七

十一年青浦縣朱家浜村人志載未旌

蔣氏徐汝珏妻珏縣志誤作鉅年二十四夫亡守節六十八年蔣氏之

嗣孫媳李氏徐福堂妻年三十夫亡現年五十六已守節二

十七年俱同治九年題 旌以下三氏匠人浜村人

沈氏女父惟良女性至孝求聘不許曰我有父母不事而事他

人乎及長髮蓬蓬然紡績養父母凡五十餘年事載青浦縣志而未詳請

旌之年

顧氏蔣鳳楨妻楨坊作徵年十九夫亡生子僅四月姑病風恆苦冷

麻氏抑搔之惟謹夜則以身熨貼之數月而愈中年再撫孤

孫文英守節六十二年乾隆三十七年題 旌建坊在本村

周莊鎮志卷五 列女

六

墓前王巷村人

列女補遺

或問余曰列女何以獨補遺也曰感時而作也曰今之人

嫂寡而偶夫弟姪鰥而妻叔母不悅於夫則迫辱其翁姑

而為離婚再嫁計人倫之變極矣 國法且不及窮僻之

壤區區紀載又奚益為余曰不然鄉俗至不知貞孝節烈

為何事則此之死靡佗者歸然巾幗中之魯靈光焉儻碩

果僅存又復漠焉任其剝盡恐事變愈不可問而謂表彰

不甚亟哉爰舉 題旌之例刊布遠近以博訪於里老鄉

先生續得若干氏並識其所以如此

朱氏王勝妻蘇家港儒家女父母早歿族人為嫁勝勝強暴人

周莊鎮志卷五 列女補遺一

也康熙六十年三月姦事敗鎮人羣起而毆斃之焚其屍事

詳雜記時氏適勝甫逾月哭盡哀未幾自縊死嗚呼烈矣以

勝故未經請 旌茲特表而錄之

王氏女父建中世居吳江小東門外許字同邑陳倩雲倚雲家

故貧賈於外歲久不歸時女年逾笄父母又相繼歿或有勸

之改適者輒以死誓欲歸陳而舅姑亦早歿遂依兄嫂藉紡

織自給粵寇陷江城女攜孤姪炳以出至鎮依其從弟祚新

為之佐治家事具有條理暇則操女工以贍其姪閱七年卒

年五十五祚新葬之於鎮東南隸青浦之烏字圩祖塋並立

石焉同治八年題 旌

徐氏費嶧材妻年三十夫亡遺孤 欽旌孝子嘉穀僅五齡氏撫育至十四歲終以哭夫故得癩疾赴水死嘉穀殉焉詳載人物氏守節已十年同治十年題 旌

沈氏徐萬昌妻年二十夫亡守節四十二年同治十年題 旌

金氏楊大章妻年二十七夫亡現年七十二已守節四十六年同治十年題 旌

沈氏史賜恩妻年三十夫亡撫孤其昌成立卒年五十一守節二十二年

許氏葉錦裳妻年三十夫亡事姑盡禮撫孤薰成立為長洲縣學生現年五十一歲未旌節婦生存之年俱以壬午歲為準

周莊鎮志卷五

列女補遺二

陸氏從九職員戴肇燦妻年二十九夫亡撫孤寶瑜成立現年四十八歲

朱氏楊茂芳繼妻年二十四夫亡撫前氏子秋山成立現年五十五歲元和縣東垞村人

繆氏繆受益妻年二十九夫亡上奉翁姑撫孤訓詳成立現年八十七歲繆氏之媳李氏繆訓詳妻年二十六夫亡孝事婦姑撫嗣子寶生成立卒年六十七守節四十二年以下四氏韓鎮村人

繆氏韓國藩妻年二十八夫亡撫嗣子世卿成立現年六十四歲

繆氏韓振揆妻年二十夫亡嫁甫一載孝事翁姑撫遺腹子奉

坤成立現年五十四歲

朱氏高新豐妻年二十二夫亡撫嗣子惠祥成立卒年七十四守節五十三年前莊村人

袁氏懷國祥妻年二十六夫亡撫嗣子近山成立卒年七十守節四十五年袁氏之婦姚氏懷珍祥妻年二十一夫亡撫遺腹子效山成立卒年六十八守節四十八年二氏許家港村人

陳氏張洪九繼妻年二十九夫亡事姑盡孝撫子揆明成立卒年七十三守節四十五年仙鶴渡村人

張氏俞慶保妻年十九夫亡現年五十一歲已守節三十三年同治十年題 旌以下八氏龍亭村人

周莊鎮志卷五

列女補遺三

陸氏蔣會芳妻年二十七夫亡撫孤來儀成立卒年七十守節四十四年

陳氏蔣世松妻年二十五夫亡撫嗣子乃晉成立現年六十一歲陳氏之姊王氏蔣世梧妻年二十七夫亡即嗣乃晉兼祧卒年五十四守節二十八年

周氏汝子楷妻年二十七夫亡撫孤仁麟成立現年六十歲

陸氏蔣如圭妻年二十夫亡事姑盡孝撫嗣子鳳韶成立現年五十二歲

陸氏蔣穎達妻年三十夫亡撫嗣子菊圃成立而歿現年七十二歲陸氏之嗣媳丁氏蔣菊圃妻年二十二夫亡孝事婦姑

現年五十歲

楊氏張宏傳繼妻年二十九夫亡上事繼姑下撫嗣子步坤成

立持家有法敦宗睦姻衣服樸素雖盛暑不去表衣數十年

如一日卒年七十三守節四十五年以下二氏蟠龍浦村人村東南即新莊

蔣氏張甸安妻年二十九夫亡撫孤彥生成立現年五十三歲

趙氏女小名善成父茂材自幼許配本村袁在明之子年十九

夫亡女欲奔喪父母不許遂於母家成服茹素誓不適人及

父母歿竟歸夫家撫姪鳳岡為嗣娶婦同居紡織度日光緒

七年八月卒年七十三終身守貞祝家浜村人村西南即龍亭

徐氏丁瑞田妻年二十五夫亡孝事翁姑撫孤邦達成立現年

周莊鎮志卷五 列女補遺四

六十四歲和尚田村人村東南即龍亭

陳氏朱越勤妻年二十夫亡撫嗣子錫麒成立現年五十三歲

錢王浜村人

周氏沈駿聲妻年十九夫亡上事翁姑下撫嗣子雲伯成立終

身縞素卒年六十守節四十二年北錢王浜村人

陳氏顧兆熊妻年二十六夫亡撫孤芑堂成立現年七十六歲

陳氏之姊千氏顧兆麟妻年二十四夫亡即嗣芑堂兼祧現

年六十七歲二氏吳江縣東投氣村人

閻氏許雲高妻年二十七夫亡事姑盡禮撫孤俊堂成立現年

六十一歲陳許村人

楊氏陳泰昌妻年二十夫亡翁姑在堂奉事惟謹越十五年而

翁歿姑以痛夫失明繼復蹉跌傷臂不能握箸每食必待氏

哺茹數十年如一日家貧藉紡織以供養撫嗣子錦芳成立

卒年六十六守節四十七年以下三氏吳家埭村人

謝氏吳維德妻年二十八夫亡撫嗣子盈泉成立卒年八十一

守節五十四年謝氏之姊朱氏吳維仁妻年三十夫亡撫孤

馨泉成立卒年七十二守節四十三年

柳氏陳花山妻年二十九夫亡先一載姑歿所遺小叔小姑各

二年俱幼氏一身撫養之嫂行母事以時嫁娶無失所卒年

四十八守節二十年以下四氏許莊村人

周莊鎮志卷五 列女補遺五

錢氏陳少琴繼妻年二十四嫁彌月夫出買逾月卒以喪歸氏

哭踊聲嘶見者多垂淚撫遺腹女紡織度日現年五十二歲

馬氏高啟賢妻年二十二夫亡撫一女至適人而又歿斃子無

依卒年六十五守節四十四年

章氏陳棣三繼妻年二十四夫亡藉紡織度日卒年七十四守

節五十一年

顧氏潘世欽妻年二十四夫亡孝事婦姑傭工度日現年六十

五歲以下二氏二高港村人

王氏潘亦祥妻年二十七夫亡上事翁姑下撫孤子元吉成立

現年七十七歲

流寓

唐陸龜蒙字魯望號天隨子又稱甫里先生江湖散人世居吳
侍御史賓虞子也少高放通六經大義舉進士不第隱居松
江甫里多所論撰尤工詩得書熟誦乃錄譬比朱黃不去手
借人書篇帙壞舛必為輯褫刊正有田百畝屋三十楹田汗
下雨潦則與江通故常苦飢身畚插株刺無休時或譏其勞
答曰堯舜微疖禹胼胝彼聖人也吾褐衣敢不勤乎嗜茶買
園顧渚山下歲收租茶自判品第初病酒再期乃已其後客
至挈壺置杯不復飲好舟游設篷席齋束書茶竈筆牀釣具
往來江湖自比涪翁漁父江上丈人築別業於震澤鎮自甫

周莊鎮志卷五

流寓

九

里至震澤道經吾鎮故常遊息焉後以高士召不起尋拜左
拾遺詔方下而卒光化中韋莊表龜蒙及孟郊等十人皆贈
右補闕著有吳興實錄松陵集笠澤叢書行世

劉禹錫字夢得彭城人貞元九年進士登博學宏詞科為監察
御史以王叔文黨貶朗州司馬歷補連州夔州刺史太和六
年又出刺蘇州以政最賜金紫服及謝事嘗至鎮寓居南湖
濱其遺榭即今之清遠庵也晚歲偃蹇寡合以文章自適於
詩尤精白居易推為詩豪會昌時檢校禮部尚書卒有集四
十卷

宋張觀字可觀嘉定人好遊覽嘗以輕舟載卷軸往還吳越遇

佳山水輒畫之甚至留二三月不去筆墨所成或千巖萬壑
或一角山或陂塘平遠俱入神詣雖宗夏珪馬遠及與盛懋
吳仲圭遊而自得處皆天趣也既老僑居鎮中修圃灌花更
得雅人深致遂終於此

元王行字止仲吳縣人沈萬三延為西賓設館銀子浜每一文
成沈酬白金一鎰行輒麾去曰使富而可守則燃臍之慘不
及矣行幼時隨其父依藥鋪徐翁家徐媪喜聽稗說行日往
書肆記數卷為媪誦之媪悅以語翁翁授以論語逾夕悉成
誦異之使盡讀家藏書遂淹貫經史百家言未弱冠謝去課
徒齊門與諸名士遊名譽日隆著有半軒集

周莊鎮志卷五

流寓

十

宋通字文傑沈萬三之贅壻也饒於貴好讀書慕古人奇節仕
元為萬戶侯壬辰兵起散家財以衛里黨張士誠據平江一
時文士多歸之通不屑往洪武初以賢良徵不就曰吾家世
有隱德不願富貴但願吾子孫得為善人永保詩書之澤足
矣乃卜居楓江與妻偕隱焉妻沈亦知有家難不受嫁其
高朗畧如通云後崇祀鄉賢祠復置專祠春秋編祭

明沈同和字志學吳江人美丰姿善詞賦獨不長於制藝萬歷
乙卯舉於鄉乃其親趙鳴陽之文丙辰會試僅成一藝餘亦
鳴陽代作同和中會元鳴陽第六京師譁然事遂上聞有救
者言其能詩即命殿前賦梅花詩一百首頃刻而成上意欲

赦之或曰國家以八股取士未嘗用詩仍令覆試以士惜茲多口命題竟日不能成篇遂與鳴陽同黜罪以流時有丙辰會錄斷么絕六之諺後遇赦歸隱居鎮中復營別業於鎮西之張家浜與溇陽灣陶唐諫善朝夕往來相隔一溪故有詩云昨夜燈前曾有約今朝移艇渡溪來妓穆素徽者四方名士爭欲得之同和匿之張家浜有不歡於同和者製為西樓記傳奇所稱池三公子即指同和也西樓遺址嘉慶初年尚存素徽即葬於此

李實字如石號鏡庵四川遂寧人崇禎癸未進士授長洲縣令當兵荒後民不聊生實性仁恕每遇徵比為泣下務以至誠

周莊鎮志卷五

流寓

三

勸諭不加敲撲而國課無闕所立挨差法棋盤比冊編審冊奸胥豪戶不能上下其手明亡後隱居葑門外上清港垂三十年恆出沒陳湖之濱水濶蘆深幅巾垂釣好扁舟獨遊清曠之地如六直陳蔡周莊等處置酒一壺豆一盂或魚蔬之類數日忘歸與酣作詩隨棄去講學課徒陶淑甚夥順治乙酉湖盜起假前明義兵為名劫實實拒不從及子仙根及第不與一見易簪時遺命不許設弔幕繪像書旌及樹墓碣楊廷樞字維斗吳縣人舉崇禎庚午鄉試第一自為諸生即以文章氣節負重望倡應社於吳中與太倉張溥張采諸名流分經立課四方學者奉為楷模因所居皋里稱皋里先生周

順昌被逮廷樞身左右之幾罹禍甲申間變北向慟哭福王立貽書執政所言十事皆天下大計奄黨阮大鍼怨廷樞將構大獄會南都被事得解時廷樞匿跡鎮中戴之偽家之偽其門人也未幾吳易起兵招之廷樞以因糧於民不往遂隱居鄧尉山不復入城市順治丁亥四月松江提督吳勝兆叛為之運籌者之偽也事敗株連廷樞被執乃於舟中賦絕命詞十首裂衣幅作血書自題其後曰吾自少讀書慕文信國之為人今日之事乃吾志也五月朔土巡撫國寶會鞠於蘆墟泗洲寺以好言勸諭雜髮廷樞曰頭可斷髮不可斷乃見殺年五十三門人進紹原斂其尸葬之私諡忠文先生著有

周莊鎮志卷五

流寓

三

古柏軒詩文集乾隆四十一年 賜諡忠節

許王家字君聘蘇州郡學生國變後隱居搖城有吏趣之出封利劍一示以期曰不出則死王家曰死分也吾固甘之或勸王家謂君明諸生未食天祿胡遽以身殉王家曰君臣之義豈論仕與不仕耶吾讀孔子書殺身成仁求生害仁已講之熟公等勿復言以父母屬妻顧曰爾善事堂上吾不能終養矣父母知志不可奪含涕謂曰汝行汝志勿念我二人王家肅衣冠再拜赴湖水死年三十有九

徐枋字昭法號俟齋忠節公汧子也崇禎壬午舉人南都失守汧將殉國枋日夜號泣欲從死汧曰吾不可不死若長為農

夫以沒世可也枋乃拮据營葬遊跡邵尉山中後隱靈巖之上沙上室數椽讀書其中終身不入城市家貧賣畫自給雖爨煙屢絕莫能強以一錢之餽時至鎮中徐梓家故梓家所藏墨迹甚夥著有居易堂集二十卷

徐波字元歎郡城人吳縣庠生工詩及古文竟陵鍾惺見而驚異以為古人復生遂與之交甚厚馬士英擅政將以清職羅致之波知士英必敗拂衣去歸隱天池山麓竹塢築落木庵以老初寓居全福寺禪房與徐汝璞往來唱和鼎革後重至鎮中賦全福寺大樹無恙詩著有諡簫堂集

文蘭字若芬郡城人庠生文肅公湛持從孫也為鎮中徐廷瑜

周莊鎮志卷五

流寓

五

贅婿福王時上書忤權貴幾至不測人目為狂生明亡遂閉戶隱居讀書不輟不事家人生產時苦飢寒善書得其家法子志師金壇人副使沈琬之外孫也時來副使之孫賓臣家慷慨好義鎮中有公事必請其主盟殿撰于振乃其孫也

艾丹生字山夫原名京字彤寶嘉善庠生 國初改今名嘗與朱鶴齡包振頌有孝遊工詩及古文鼎革時破家以賣卜遊四方恆飲酒悲歌以自遣及卒兩廣總督吳興祚寄金與其子以葬之著有貫齋遺集三十卷楊稠字牧工性慧巧技藝百家無一不能尤工篆刻二人並嘉興人嘗寓居鎮中與徐汝璞友善

管淵字公躍汾湖人好讀書放懷詩酒嘗居鎮中與屠彥徵諸老人結耆英社性疎財多義舉有土豪仗陵孤弱淵奮不顧身力為排擠卒至傾家既而歎曰人生尚氣亦虛耳遂絕意世務惟以岐黃術濟人

毛瑩初名培微字湛光又字休文晚號大休老人吳江庠生工詩辭及古文屏跡湖濱日事吟詠多方外交親友勸其應試不從晚年寄居鎮中嘗與屠彥徵鄭任徐汝璞社集蘭芷軒其子錫年為繪四老圖著有晚宜樓詩文集錫年字長孺號康叔讀書敦品工詩畫得其祖以燧祖母汝氏文淑之傳自稱畫隱喜作遠山枯木筆意瀟灑徐枋甚重之著有餘庵

周莊鎮志卷五

流寓

書

小草

顧有孝字茂倫晚號雪灘釣叟吳江人少遊華亭陳子龍之子龍殉國難有孝棄舉業歸隱好客以致破家耽吟詠選唐詩英華集甚稱於世初主徐汝璞家繼寓全福寺嘗與鄭寬徐藩毛錫年集詩社於白雲堂

本朝李仙根字子靜號南津父實以進士為長洲知縣而仙根留蜀養母會張獻忠破蜀所至屠戮仙根乃奉母奔吳時父已去官隱居吳淞之南仙根灌園操作旋於陳墓周莊課徒得館穀以養 世祖平蜀後乃歸省墓順治甲午舉於鄉辛丑成進士廷對第二人授編修遷司業嘗出使安南卒靖邊

費吳三桂叛命理餉駐荊州未幾召還改副都御史時逆藩甫定株連甚衆仙根力爲平反全活萬人尋陞戶部右侍郎歷三載以望誤罷歸晚歲入都留補光祿寺卿卒於任年七十仙根善詩文工書鎮中永慶庵飯僧田碑及全福寺之水中佛國額皆其手筆

汝周錄字其修黎里鎮人吳江廩生家貧力學博覽羣書性情澹不與外事惟好表揚人善嘗館鎮中徐氏子祖霖字不盈隨其父在鎮讀書爲人亦坦率無我善園基時推江南第一手

吳一蜚字翼生號恕庵郡城人康熙丁未進士授山西山陰知

周莊鎮志卷五

流寓

五

縣請緩征決疑獄人稱爲神丁憂服闋補洪雅知縣亦多政聲入爲工部主事擢御史糾儀失察降補行人司副浮沈十餘年歷任卿貳晉刑部尚書時有重案株連者衆一蜚苦心解釋人多陰受其庇轉吏部尚書在職廉慎卒於官一蜚與陶天民善天民子肥思又爲其壻以是常至鎮工楷書求者無虛日一蜚笑而應之無吝容

費洪學字巽來吳江人康熙庚辰進士授直隸博野知縣鋤強扶弱治多惠政歷三載卒於官未第時館鎮中費晚佩家有

周振業字右序吳江人雍正癸卯以歲貢生中副榜家貧力學

敦修六行從桐鄉朱彝遊專事宋五子之說以治四書其踐於性理元明以來僅有也嘗館鎮中沈氏晚歲往郡城遇故人子於途憐其寒解衣衣之忍寒而歸遂病卒時雍正九年七十一

周廷燮字贊宸郡城人雍正甲辰進士授庶吉士散館改都察院經歷陞刑部現審司員外郎繼陞禮部祠祭司郎中奏請蠲免米稅奉旨俞允出爲陝西延綏鄜道地當套口密邇邊城監收兵餉管理鹽茶素稱繁劇廷燮以鎮靜治之夷民和洽生平廉潔自守以病告歸蕭然襤被而已縉紳重其德爭延爲子弟師課徒十五年束脩所入與諸弟共之鎮中陶

周莊鎮志卷五

流寓

美

天民娶其姊故時主天民家

顧名字予賓號書牧青浦庠生姚斷村人爲鎮中徐氏贅壻嘗館於此性耿介端品勵學不爲應制文耽吟詠筆致峭拔刻意生新日於井臼機杼旁與子女唱和爲樂吳祭酒偉業亟稱之著有蘭樓詩詞草十六卷子問字七思幼隨其父同在鎮才高不求仕進精篆刻工詩著強裁詩草善詞曲有不及稱九連環等傳奇女步字佩薇亦工詩早寡守節詳列女沈丹楸字鳳岐吳江人廩膳生秉性誠篤弱冠娶妻生于甫期而妻及終身不復娶晚歲館鎮中沈氏嘗攜孤孫以自隨與陳麟徵皆以義夫稱陳麟徵字瀛少青浦人庠生爲徐梅家

贅婿年未三十而鰥居不再娶性落拓不羈輕財重義豪於酒座客常滿不醉無歸卒年六十

顧鳳喙字隱壺木瀆鎮人性耿介甘澹泊精於易理手錄奇書甚多嗜讀史漢恆以一壺自隨有蘇舜欽風平日杜門不出雖久居鎮中罕有識其面者

廷朗字蘊高號山川南傳村人初名百謙吳江庠生嘗館鎮中廷廷鑑家又嘗徙居鎮南之西岑村後寄籍宛平改今名入泮乾隆己酉中順天舉人久居京師北抵居庸南遊楚豫主講淮陰書院所至與賢士大夫交性豪爽善談論有幹濟才詩古文詞必自出機杼亦工駢體精繪事人物花草俱入神

周莊鎮志卷五

流寓

三

品補鳳陽府訓導未幾歸里年六十七卒著有郢堊集淮上紀聞粵遊筆談繪事瑣言繪事雕蟲

楊金生字青旻吳江人歲貢生幼聰穎讀書過目不忘及長文思勃發人皆以遠到期之父觀吉善推命謂金生必作江湖墨客因授以星命之書并天文歷數之學令其熟習金生有王夷甫風口不言錢僕人竊取亦不與深較家故中落遂客遊四方以推命賣文為業所改時文舉筆立就人爭購之初寓鎮中澄虛道院繼寓桃花庵從遊者甚眾

葉樹枚字條生號改吟吳江之池亭村人少攻舉業不售即舍去而專力於詩務標新穎不屑人云亦云遊吳越間以工詩

稱初寓鎮中永慶庵既而從兄琴泉從之學詩時主其家著有改吟齋詩鈔四卷燼餘什一二卷

朱霞燦字霽堂號素園吳江之蘇家港人晚遷泮水港早歲能文受知於莫學使晉以第一人入泮家貧客授自給中年遊幕皖城旋就壽州沈刺史南春之聘課其幼子功倍他師賓主甚相得歸裝稍贏有族母詭以困乏訴即解囊持贈後知其非貧一笑置之道光辛卯館於伯父諱興宗家煦亦從學焉所課經籍外間及吟詠暇則講論史鑑或小學語錄數則諄諄之誨不遺餘力嘗曰讀書明理徒事文辭無益也詩學香山工駢體文字法在歐虞間又善畫花鳥習星數及岐黃

周莊鎮志卷五

流寓

三

之術故遊其門者往往各精一藝在鎮十年壬寅秋卒年七十三著有虛白厂詩集八卷文集二卷

韓崇字元芝號履卿郡城人刑部尚書封弟也少穎悟博覽典籍耽吟詠長於金石之學官山東雒口批驗所大使旋保舉知縣而崇遂乞歸奉母居大儒巷仁孝里時至鎮中省其從兄來潮道光戊申江北水災與潘中翰曾沂等設局留養難民一萬五千餘口資送回籍己酉本地水災復董辦賑饑全活無算咸豐癸丑賊陷江甯蘇城設協濟局勸捐助餉欽派崇為董事尋以功加鹽運使銜並賞花翎庚申大營潰議募水師乃舉費都司秀元任其事及賊逼城崇已從夏孝子

廷錄言誓以身殉或止之曰徒死無益不如留身以圖後効
四月十三日城陷秀元乃挾崇以出至鎮憤鬱成疾遂往上海卒於海門年六十二生平清勤長厚不以富貴驕人著有寶鐵齋詩錄金石跋尾錄

沈棨森字幾卿號戟門吳江人道光丁酉舉人性和易諳修養之術工詩及書畫博覽典籍下至稗官小說無不精究庚申避地鎮中恆閉門靜坐粵賊平族人勸之歸棨森以鎮中風俗較厚願終老焉因以岐黃術濟人庚午暮春偶染微疾抱膝而逝年六十七所著詩文遭兵燹蕩然無存矣

莊慶椿字子壽震澤之十都村人性豪爽嗜飲酒讀書博覽強

周莊鎮志卷五

流寓

五

識肆力於詩古文辭尤擅駢體文出入洪北江彭甘亭諸家詩宗虞山鉛山操筆立就庚申之難方家居爲保守計賊猝至火槍鐵丸洞其腹竟無恙時其子人寶爲從弟然家課讀遂挈眷來鎮寓居焉早歲以客投交四方知名士至是凡詩酒之會無一不與所作詩甚富於親故殉難則有鵬碧集於知交零落則有感逝懷人二集五十五生辰賦述懷詩用杜陵秋興八首韻有和者輒用原韻酬之得四十餘處韻又有希雅堂詩文集爲賊所燬同治甲子人寶舉於鄉乃歸故里年六十二卒

楊慶麟字振甫吳江人道光庚戌進士授編修蘇城陷以居父

憂在家遂避地鎮西之長渠村時 朝命常熟龐閣部鍾璐爲江南團練大臣慶麟副之未幾合肥李伯相拔師至滬檄襄軍務生平喜獎拔人材同邑人提督孫金彪副將費金綬皆於早歲羅致門下賊平後歷任河南學政山東鄉試正考官旋以翰林院侍讀學士擢順天府尹光緒初爲廣東布政使所至勤慎守法在粵三載遭本生母之喪閱一月亦病歿藩署年五十有四歸葬於鎮東南之寺巷村

王炳華原名誦堯字伯瀛世居鎮東南青浦之吳巷村咸豐辛亥舉人幼穎悟讀書過目成誦甫冠卽發科然性淡泊一赴禮部試報罷不再往以詩酒自娛不問外事庚申之難避地

周莊鎮志卷五

流寓

三

來鎮時吾家舉詩社炳華數與焉所爲詩悲歌激烈不猶乎人極與從弟然爲莫逆卒年四十八遺詩稿數卷然弟爲之編定

熊其英字純叔青浦人廩貢生苦志勵學得其兄戶部主事其光之教以古文明家遠近推作手所爲應試制舉之文亦純用古文法詩專主性靈粵賊擾青浦避居於鎮西之西蒲塘村遂館鎮中馮氏生平遇不平事輒出身排解不少疑憚光緒戊寅春河南大饑乃毅然偕吳江舉人浚淦等募鉅萬金往賑雖烈日暑歎中必身歷各城鄉編戶按口以給之幾年所全活無算卒以此積勞病歿於衛輝賑所年四十有二

居民感其德為建祠祀之方其英之未往賑也青浦吳江兩縣令先後聘修縣志大綱細目獨闕蹊徑如寺觀僧道擯而附之於雜志中其有細目所不能括者多為表以著之青浦志總十四表前此未有也

周莊鎮志卷五

流寓

三

釋道

宋杲古本行脚僧掛錫全福寺景定間闡揚大教敕賜全福講寺額寺中奉為開山祖師

法源俗姓陳祈莊村人感夢異棄家為僧披薙於郡城覺報寺後乃歸創建報福庵於村中事載祠廟詳咸淳辛未僧若源碑記同時有朽庵者相傳為終南山僧卓錫穎村募建崇遠庵凡殿閣堂厨畢備為陳湖濱一叢林也

元古鏡全福寺僧戒行清苦至正六年寺燬於火九年募緣重建還於舊觀寺僧師坦為撰重修全福寺碑記

明大佑字啟宗號遠庵俗姓吳祝髮全福寺博涉內外典善天

周莊鎮志卷五

釋道

三

台賢首教義繼遷郡城北禪寺為僧錄司洪武十五年詔徵十高僧分侍諸王大佑與焉為左善世會內難棄歸駐錫於高墊金園裏之善住庵即全福寺下院也因養母於此改為奉親庵示寂庵中今其塔藏尚存著有淨土指歸淨土真如禮文彌陀金剛二經直解天台投受圖法華撮要圖淨土解行二門圖行世按府志載大佑年十二出家寄心庵擬乘云在全福寺或先在寄心而後歸全福歟

無為不知其名但稱曰能公江澤村流慶庵僧遊學得道蓮池語錄云吳江縣流慶庵無為能公齒先子德先子出家先子子蚤歲遊蘇湖間與同堂坐禪及子往雲棲公來受戒求列

名弟子于謝不允則固請曰昔普慧普賢二大菩薩向求入
匡廬蓮社我何人斯自絕佳會不得已如重羅石謁新建故
事許之以賢下愚有古人風筆之以勸後進其推重如此
廣明字懷濟全福寺僧真確修持不專事參學 本朝順治三
年重修大雄寶殿工詩嘗與屠彥徵徐汝璞唱和招入耆英
社中其徒常林亦耽吟詠

正志號蕪庵湖廣嘉魚人即熊開元也崇禎時歷任崇明吳江
知縣擢給事中以建言廷杖謫戍武林自少受天如和尚記
仕吳時曾入三峯藏室鼎革後披薙爲僧隱於匡廬南嶽間
宏儲招至靈巖繼住三峯 本朝順治丙戌至鎮訪徐汝璞

周莊鎮志卷五

釋道

愛鎮南之勝卓錫清遠庵後偕汝璞徧遊名山康熙初復居
鎮中有年卒於華山其徒天資具平並戒行精嚴天資住永
慶庵著有水月軒心經樞要十世歸真訟古行世具平住清
遠庵工詩善弈著有且留稿

本朝謚卽全福寺僧受戒於具德執侍中瓶有年歸寺後閱藏
三載貫通禪理恆掩關課誦不喜見人工詩筆致高古

建明全福寺僧廣明高弟也精通禪學工詩古文辭論者推法
門義虎昔有老人遊寺中云此間山門水秀應出文僧至是
果驗

問月全福寺僧俗姓陶人稱陶和尚康熙癸丑創建指歸閣及

山門廊廡圍牆并葺置飯僧田初爲油博士有客僧化齋主
人不與陶以所攜飯一盂與之僧臨去曰汝後有難我當來
救陶娶妻成婚之日夢神以大槌擊之懼而逃墜陷坑中前
僧援之出驚寤謂妻曰我與汝非夫婦所夢陷坑乃孽緣也
我將脫此去矣妻亦欣然願爲尼未幾遇前僧奉爲師隨之
雲遊數年歸爲寺僧素不識字至是醫卜地理無不精通尤
善符咒及拳棒遠近知其名搢紳家延請無虛日慕巡撫天
顏亦崇奉之然爲人怪誕好衣紅縐衫褲或戴貂帽作俗家
裝飲酒食肉不持戒行一日有松江大姓來招僕從甚豪華
陶取沙袋鐵梭置箱中對來人命侍者曰有銀兩在箱帶往

周莊鎮志卷五

釋道

市土宜登舟至泖湖乃盜也陶曰吾固知之所以攜銀來因
啟箱誦咒舉袋揚沙頃刻風雷大作盜迷不能視羅跪乞命
不許取鐵梭盡殺之投於湖曰爲民除害不得已而破殺戒
耳與侍者操盜舟歸其詭異類如此事母孝母厭聞烏鴉聲
陶毆之時數里內烏鴉絕迹母歿設位指歸閣下奉香火焉
背有深孔七隱毫毛間常令徒侶以豬鬃剔去其垢所遺地
理等書散失不傳

衍微永慶庵僧性樸誠務本修行好接待客僧因改庵名爲十
方禪院並增置田畝李模爲撰飯僧田碑記

執虛性月深雪南求昔康熙間全福寺僧也禪學之餘並肆力

於詩文奈遺稿無 未能悉其梗概相傳南求著有一葉吟
云時清遠庵元白涵徹二僧皆博涉釋典真賞修持亦緇流
之秀也

德峻字碧崖瓜涇徐氏子枋孫也自幼絕意功名年二十三出
家竹影庵明年往皈靈巖彙和尚傳授三壇大戒雍正乙巳
來主全福寺性孤介勤於課誦自奉儉嗇積貲則置田壬子
示寂尚有儲蓄

子德本虎阜雲巖寺僧延主全福寺方丈專精釋典博貫諸宗
乾隆丙辰在寺開設戒壇四方僧眾雲集間涉吟詠所交皆
知名士

周莊鎮志卷五

釋道

美

能綏字雪鴻本金澤頤浩寺僧移錫永慶庵苦行清修梵誦不
輟庵久傾頹乾隆壬申與其徒志堅募捐修葺並建文昌關
帝二閣乙亥復募陶金梭等構洗鉢亭於閣後池上春秋佳
日輒與名流觴詠其中

德琳字玉山自幼出家全福寺中房受戒具精通經律旁涉文
辭乾隆乙丑至杭州靈隱山雲林寺初為百一師繼接巨濤
和尚方丈 高宗乙酉南巡閏二月十二日在寺接 駕十
五日又在天竺法喜寺接 駕奏對稱旨賜衣緞藏香等物
庚寅冬歸全福寺命其師弟德立為寺中主席持齋念佛謹
守清規陸起仙為撰重整禪林碑記越三載示寂著有玉山

琳禪師語錄二卷行世德立字仁山廣明之裔嘗隨參巨濤
分承衣鉢遵守禪堂終身弗懈

律蓮字淨植本靈隱山雲林寺僧乾隆辛亥延主全福寺方丈
實心修行勤於梵誦嘉慶辛酉募捐葺殿宇裝金身並修寺
前往來之路至今稱便

達海字滄霖號別峯披薙於永慶庵精通釋典好學多聞工草
書善蘭竹繼為七子山主席嘗與名公卿往來酬唱由是求
書畫者無虛日

隨根字志道全福寺方丈僧茹蔬奉佛終日誦經不少懈嘗獨
居一室其膜拜處足有陷地迹出語恂恂望而知為真實修
持者也遠近齋僧之家爭欲得其一至為重其為人尊信如
此後付法於其徒遂參歷諸方光緒三年冬示寂於常州天
甯寺

周莊鎮志卷五

釋道

美

境勤字淨業號楚齋南通州人同治庚午雲遊至郡城遂來全
福寺為隨根之徒隨根自得境勤見其以振興寺宇為己任
越歲印退院境勤主方丈傾積貲並四出募金統前後殿閣
一新之復增建齋堂禪房數十椽煥然寺為之改觀焉工行
書善畫蘭竹求者接踵

廓澤字牧崖號東巖境勤付法徒初為行脚僧所至叢林悉交
其名長老工詩亦不多作存禪餘小草一卷主全福寺方丈

僅三閱月而歿

明沈道隆澄虛道院住持精究道術遇水旱祈禱多應嘗虔誦斗經有鶴降於庭樹人以此異之

本朝胡天羽沈道隆之後康熙丙寅辛未先後募建玉皇文昌

二閣繼之者有蔣南紀乾隆辛未募建關帝閣於門前皆有

功於澄虛道院者也南紀於雍正間得知事廳之職吏部及

真人府均頒以執照至今猶存

李良翰號眉山康熙間自盛澤來鎮居澄虛道院性高古不與

俗人交日惟靜坐愛圖書法物習趙凡夫草篆並善遊仙諸

術

周莊鎮志卷五

釋道

毛

郭克修號笑溪自幼出家澄虛道院及為住持刻苦修持積誦

經貨輒修葺殿宇裝塑神像故終其身院中煥然常新並制

常產以貽後人至今賴之

周莊鎮志卷五終

周莊鎮志卷六

里人陶煦重輯

雜記

沈萬三秀之富得之於吳賈人陸氏吳江縣志作分湖陸氏甫里志作陸德源陸富

甲江左秀出其門甚見信用一日歎曰老矣積而不散以釀

禍也盡以與秀棄為道士甫里志云築室陳湖之上曰開雲

觀居之竟以壽終吳江縣志載分湖陸氏宅在二十九都元

三家資盡散之親族夫婦出家雲遊而去人皆笑之後沈受

禍人始服其高見其後名行直者明洪武中為翰林典籍有

致仕還分湖問訊海棠詩斯時已為小家矣

洪武初詔萬三建南京廊廡一千六百五十四楹酒樓四座築

城甃階造鐵橋水關諸處所費不可勝計一日權倖莫禮過

訪萬三屏去金銀器皿以絳絲作鋪筵設紫定器十二桌每

桌置羊脂玉二枚長尺餘濶寸許中有溝道所以置筯行酒

用白瑪瑙盤盤有斑紋乃紫葡萄一木五猿採之名五猿爭

果蓋則赤瑪瑙有纏絲者二物光彩燦爛天然至寶明日其

費增顧學文設宣和定器十二桌每湯一套酒七行每行易

一寶杯萬三豪富至此不自韜晦宜其取禍也

萬三藏有瑪瑙酒壺其質透明類水晶中有葡萄一株如墨點

號月下葡萄籍沒後為吳江某甲所得以贈吏梅元衡元衡

死亞不知所在天順間邑人李銘教童子為業一夕於市中

見溝渠有光私識之詰旦往發獲此壺有劉姓者謂之曰若

持此獻鎮守張太監可得全嘉興一郡鹽鈔李遂與之資緣果獲所圖計利三千金劉取其三分之一李渡江舟覆鈔皆濕畏太守楊繼宗追捕前鈔李死獄中劉廢產與償事載湧幢小品

元末異人張三丰見萬三語之曰欲煉金丹必得大福人相助徧閱天下無如君者但須三百金為資三年後啟爐分贈萬三慨然與之逾年復至曰遇見難人以此金相濟矣若欲丹成可再付金如前數萬三復與之無吝色後為明太祖所籍沒戍於雲南康熙初三王叛滇逆優伶一時星散有貼旦者揚州人中途失侶於亂山中見一大宅乃款門借宿頃之一

周莊鎮志卷六 雜記

二

老人出幅巾深衣蒼髯古貌引入與語知優為江南人曰吾與汝為鄉親可知當年有沈萬三乎吾是也以服金丹故得不死因令其老妻出見相對極歡留一日飲食器用如王侯臨別贈以金屬令勿言優逢前侶蹤蹟其處不可復識矣雍正乙卯海鹽陳別駕鎔述其表親俞某曾遇此優親道其事時俞官河督為之撰傳

沈旺字文度萬三之子籍沒後其家漏貨尚富為人把持其短旺患之因蒲伏見倖臣紀綱進黃金百兩白金千兩龍文被一牀龍角一枝奇寶十具異錦四十匹再願備外府歲時供奉綱許之乃語旺曰吾後庭未充為吾徵求吳中好女不為

數旺因挾綱之勢而分民間之室無誰何者又吳江縣志載張士誠據吳時萬三曾遣二子茂旺密從海道運米至燕京洪武初以龍角來獻竹以白金二千錠黃金二百斤甲士十人甲馬十匹並建南京廊房酒樓築城登階造鐵橋水關費鉅萬萬計時方徵用人才以茂為廣積庫提舉旺為戶部員外郎

鎮人顧學文萬三之贅壻也聞同里鎮陳某為序班者一子駿甚其妻梁氏有國色知書善吟慕之因以稅長拏舟往來常泊其河下梁亦竊窺焉學文乃賂惡少誘其夫飲博而使媪持異飾挑之遂成私約序班之兄知其事使童子竊其私書

周莊鎮志卷六 雜記

三

封寄序班思有以中之及藍玉事發序班從旁誣奏學文與藍玉通謀詔捕獲嚴訊詞連妻父及其讐七十二家轉相援引并及處士張瑞侍郎莫禮員外郎張瑾主事李鼎崔齡徐衍等不可勝數黨禍大起至五六年始息梁亦為父所逼令縊死按吳江縣志載洪武三十一年二月學文坐胡監黨禍連萬三曾孫德全等六人并顧氏一門同日凌遲莫禮亦坐誅

鎮人金紹叔資緣為魏忠賢第八乾兒稱金八爺勢燄薰灼道路側目一日在都議事金高坐有倪進士後至金曰老倪來遲無坐位惟門檻可坐耳倪銜之會金歸里倪為蘇州府推

官遊任卽收金下獄時搢紳援救者空集倪遲疑問幕友以
人在人情在告意遂決是夜斃金於獄倪懼禍棄官去初金
無子叩於乩乩判云莫嫌身後無兒子自有人兒來送終至
是乃驗

順治乙酉夏五月初九日 大兵渡江而南宏光帝如靖南伯
黃得功營二十六日安撫黃家廟至蘇州索投順冊巡撫霍
達巡按周元泰知府陳師泰同知王文輔推官萬適長洲知
縣李實吳縣知縣吳夢白等俱遁六月初四日 大兵入閩
門閩六月十二日郡中下薙髮之令長洲諸生陸世鑰字兆
魚起兵於陳湖召募鄉勇赴者雲集以白布裹首號曰義師

周莊鎮志卷六

雜記

四

同時起兵者吳江職方主事吳易中書沈自炳吾鎮長洲諸
生戴之儒又有撫院坐營中軍總兵吳志葵駐兵白蠟江
初屯黃天蕩後與黃蜚
在太湖爲李成棟所擒句容令朱議澹駐兵南新湖而太湖
兵以水師總兵黃蜚爲主其他屯聚白保者不可勝紀十三
日郡城亦起兵焚北察院及巡撫公署侍郎李延齡巡撫土
國寶斂兵南園城中大姓各設酒食以犒義兵然兵皆未經
戰陳又無火器守備魯之璵蔣若來並聚眾湖中約期舉事
若來不應之璵獨率千餘人入城與 大兵戰於南園兵潰
不能支死於葑門廟側陳湖勇士韋志斌亦死焉有朱巨者
朱鷺之孫往太湖說黃蜚諸軍入城救援不聽復遺書促吳

志葵亦不應乃同西山徐雲龍等十六日薄胥門 大兵衝
突而前雲龍斷甲走其弟君達僧景賢皆戰死且亦死之城
中坐誅者幾及萬人先是吳易創城守之議請訓導潘承祚
權領吳江縣事二十二日郡城李侍郎遣兵討之吳江鄉兵
皆驚散易退入太湖承祚被殺居民多死七月易屯水師於
簡村移營梅家柵時浙東有建號者與 大兵相拒於錢塘
江近地如常熟崑山江陰嘉興皆城守不下人懷觀望 大
兵往來官塘易輒遣兵邀擊其零騎又擒殺盜魁數人孝廉
孫兆奎文學趙汝璧率數千艘進圍郡城兵皆烏合不能用
土巡撫登瑞光寺浮圖望之笑曰此易與耳麾騎出則皆走

周莊鎮志卷六

雜記

五

自炳移營於爛溪之南 大兵追及之赴水死蘇州提督吳
勝兆甫履任卽統兵下陳湖世鑰奔湖州山中之儒等皆降
八月二十一日土巡撫遣兵襲擊易營大破之殺溺死者千
餘人易走免全家殲焉獲兆奎送至督師洪承疇所不屈死
自兩營潰散後士民漸歸城居薙髮如令初鄉兵之起也惟
徵糧巨室不大爲民害嗣後則望屋而食往來盜鈔蜂屯蟻
聚蔓延數百里周瑞張貴陳打生其魁傑也三人有膂力善
用礮聚眾數千人雄據吳江青浦嘉善三邑界湖泊中巡撫
遣將汪某往剿之全軍覆沒黠者給瑞以閩中封賞勢益張
久之易被獲於嘉善之丁家墳稍不振之儒說勝兆復爲明

臣以應圖且召鄉兵為援未幾兵敗而死勝兆亦為麾下所縛巡撫使人誘瑞等降之尋斬於市其黨錢大等猶出沒為害數年方息吳人兵燹之禍至此而極焉

江澤村有周姓者兄弟行居四習宰夫業了無他能惟善作羹湯人以是稱之曰周湯四湯四亦遂自名也崇禎末水鄉多盜湯四集數十百人以守禦 國初吳易舉兵湯四入其軍後不知所終

順治丁亥三月有虎至鎮中全功橋北居民驚避守巡兵祁姓射殺之事載元和吳江兩縣志

順治間南湖有大蚌孕一明珠一日亭午龍下吸盡湖水蚌口

周莊鎮志卷六

雜記

六

割然而開珠即攫去時日光與珠光相照耀觀者迷目頃之湖水如故按五雜組載陳湖旁有巨潭中產老蚌其大如船一日張口灘畔有浣衣婦以為沈船也蹴之蚌閉口而沒婦為驚仆嘗有龍來取其珠蚌與鬪三晝夜風濤大作龍爪蚌於空中高數丈復墜竟無如之何景泰七年冬河冰盡合蚌自湖西南而出冰皆摧壅兩岸如積雪然後遂不知所之矣與此相類

戴星歸榜姓吳名悅原名之儼順治辛卯舉人父汝義從兄之儒之傑皆名士也星歸生而穎慧業師金人瑞館其家之薰香齋善扶乩汝義為質其功名乩判云此子以工部終身及

登賢書負性癡狂行多蕩檢大不利於鄉黨時人呼為戴癡既而受害者眾控之於祁工部鞠之得實加嚴刑斃於獄年三十有六所謂工部終身者蓋此也事見戒顯現果隨錄擬乘詳載之今以其荒誕故刪節焉

康熙庚戌吳中大水道壅相望鎮人徐德陶天民諸人請賑於巡撫馬公復在鎮中募米若干按口分給凡三閱月遠近賴之

鎮東徐生課徒小樓中樓幽僻多怪一日傍晚簷前垂一人足細小多毛垂至腰際忽大如牛學徒見之共為大聲疾呼而隱末幾徐生病歿康熙初年徐氏大廳中元旦有鮮血墜地

周莊鎮志卷六

雜記

七

自是家遂中落按墜血之異咸豐丁巳附近村鎮多有之皆在屋宇內或數點或一片其色微殷黏膩而腥金澤鎮最多一人露坐乘涼脫其鞋旁置一豆盆及穿鞋血滿其中盆內亦有之他處皆無陸氏牀褥間血點斑斑幾徧而帳頂如故其後金澤被賊竄擾焚燬殆盡又咸豐初上海城內豆腐店水溝中血湧如泉旋有小禁子踞城之變大抵皆不祥兆也澄虛道院奉真武神頗靈顯院鄰某姓侵僭院基道士不敢較康熙辛酉白日火焚有楊姓女見一神坐殿脊紅袍金冠手傾葫蘆中火頃刻鄰宅成燼道院僅一牆之隔不毀片瓦急水港石橋屢建不成所遺磐石泛入河心青苔尺餘久而為

怪每風雨輒起觸舟舟行至此或先致祭後相傳此石從澗
山湖出海云又全福寺浜口小橋塊有二石叩之聲如鐘磬
後爲人易去

東莊地西之官衙長二三十步康熙戊辰馬氏女忽見一婦人
身不盈尺衣皂色花衫手執緯車過街口女異而逐之婦人
卽入陰溝內窺之深而明房屋器用儼如富家婦人端坐其
中毫不措意鎮人羣往觀焉或見其在厨下紡紗旁一小兒
手弄泥孩觀者易一人輒變一境而婦人未嘗不在尋以水
注之內漸暗怪亦遂絕後百七八十年而有唐氏郁氏之事
唐氏居後港福洪橋東同治甲子春正月其家適婚期賓朋

周莊鎮志卷六

雜記

八

滿座忽旁室中坐一老人衣六品服白頂暖帽一小兒侍立
良久始滅明日又見一女子偕一小兒在焉又明日鏹其戶
家人竊從窗隙窺之見一老人坐其中諦視之又爲老僧後
竟不復見亦無他恙郁氏者與唐氏所居間一港辛未秋有
妖物附竈神爲異近地竈神皆以紅紙印畫神像折疊爲之
高不盈尺郁氏竈神一日自竈而躍於地自地而升於屋時
值大風竈神巍峙屋巔不爲動梯而取下之轉瞬又在屋巔
矣中本空竈以糯米赤豆等辟邪之物而其行動如故自是
以後或架香爐於燈檠上或懸釜鎗於梁棟間第拜禱之則
諸物皆還於舊所乃掃一室奉之日供飲食遂安然稍不恭

卽作祟故至今弗懈越數年延及鄰近陳氏油坊有一夕而
火警數見者追撲之僅稻草一束燃爲灰燼耳因亦供奉如
郁氏云

鎮西園園盛姓多財好勇康熙壬申謀佔鄰人房屋誣陷繫獄
賄通邑令揚言將置之死地鄰母懼遂縊死令來鎮檢驗盛
復資絲賄屬令欲枉法鎮人不平羣起喧譁爭擲以瓦礫令
遁去草草結案未幾令以貪墨去官客死郡城盛亦子孫蕭
索矣

馮三才字兼之號贊庵又稱識一道人自幼嗜學通周髀焦贛
之術兼精醫管於崑山紳士家療疾極爲雲間李士材所賞

周莊鎮志卷六

雜記

九

識又嘗以會計佐青浦縣幕因其罵世猖狂豪吟縱飲不合
於時所著有隸首別傳算法三卷詩文三昧一卷晚年境益
困遂病狂取四書朱註及楞嚴經刪改未幾并生平著作盡
焚之康熙壬午夏五月晨起題壁云五月初六先生自縛不
道一生魔結局兒女林啼哭遂自縊死

康熙丁亥十月四日午刻河水驟漲尺餘維舟之纜盡自斷少
頃卽退如故時池潭缸甕之中水皆同溢同退亦一異也咸
豐甲寅十一月五日水亦驟漲與茲無二

康熙戊戌十月有人於肆中購一鶩蛋破之其中復有一鴨蛋
再破之黃白如故同治壬戌三月蕭莊村陳姓畜一雞重約

二幼生蟹大如鷺蟹殼白色異而破之黃昨復有一紫殼雞
蛋連生五枚皆然時支潢浜人家哺雞一窠中有一小雞毛
倍黃而能啼皆物怪也

王勝竹力過人無賴棍徒也康熙辛丑三月二十日姦事敗露
鎮人羣起毆之斃於清遠庵前并焚其屍有好事者首告邑
令時令為咸甯蔣公不琮來鎮檢驗鎮人惶恐沈孝廉作霖
誦白其事蔣公廉勝惡迹詳憲結案鎮人德之設蔣公長生
位於清遠庵勝妻朱氏蘇家港儒家女父母早歿適勝逾月
卽遭此禍哭盡哀未幾自縊死又乾隆辛卯土棍俞七陳大
等為暴於鎮戴惟瑛控之邑令林公宏德林公治以流徒等

周莊鎮志卷六

雜記

十

罪鎮人亦設林公長生位於萬福庵至今奉之林公順天房
山縣人

世傳荆駝佚史一書乃叢抄明季及 國初諸名人記載遺事
自三朝野紀至平臺紀畧總五十種四十八冊序目稱陳湖
逸士編而姓氏無攷蓋近地人也然讀其序見此書之所由
得有足異者爰詳錄之序曰無夢園者明宮詹陳文莊公之
別墅也按公名仁錫大姚村人其址在封門東道橋之南中有荷池數
畝饒有園亭之趣竹石之佳柳暗花明之勝致足樂也是時
公嘗與周忠介文肅姚文毅日相唱和於其間園故為陳
氏世居家多藏書所刻書籍碑板多繫以無夢園者公故有

無夢園文集行於世聞諸故老傳云書板多藏於茲園之四
飛閣上迨入我 朝卉木廢湖石圯頽垣零落已成荒園矣
卽書籍碑板亦散失不復存壬癸之交予寓居於園之水閣
做廬數椽足蔽風雨晝耕夜誦人事都絕庭陰有枯松一株
雖枝幹蜿蜒而蕭然無復生意命人剷而去之不數尺下有
石板叩之鏗然有聲啟視之得銅櫃一枚不敢輕褻疑其中
有異物藏焉再拜稽手而開之無他乃殘書一束耳字迹潦
草復多漫漶讀書之暇挑燈細閱俱係故國遺聞約有數十
種不忍散棄爰錄而存之用昭勸懲以備正史所未逮可與
天寶遺事並垂不朽哀帙旣成名之曰荆駝逸史藏之巾箱

周莊鎮志卷六

雜記

十一

以俟世之鴻博君子採擇庶不負予之一片苦心爾是為序
又有 熙朝新語者題曰古歛余金德水輯而前輩傳聞謂
鎮人徐錫齡所作藏名爲余金其書十六卷嘉慶戊寅郡人
翁子敬付諸梓而序之以爲得之武昌市肆中且稱其多采
前人著述無一臆撰訛傳之語又旁蒐軼事發潛闡幽凡登
臨耳目所經巷議街談所及自 國初至今二百年來有關
於政事文章人心風俗者靡不具載云蓋當時文網綦嚴往
往有以著書獲戾者故不敢自書其名附記於此以備攷
康熙間鎮中市西張姓築室掘土見一古棺啟之屍似胡姬佩
寶劍一口面色如生張懼掩蓋之如故或云宋南渡時金人

過境歿而瘞此

雍正甲辰清明節朱姓醃臘店黃昏理錢得雍正錢一枚較他錢為大不能入貫檢出示人方觀玩間錢忽搖動如銅錫出爐之狀須臾碎破乃紙錢灰也

瑞福庵有老尼姓姚人稱姚師姑生平善誘人財物其俗家一姪沾其惠以致小康老尼死後見夢於其姪曰吾因孽報罰作白牛今在廟北之湯氏油坊勞苦異常若能贖吾養以終身彼此獲福晨起往觀果有白色牝牛呼之曰姚師姑昂首若應凡有呼之者無不皆然其姪吝於財不從其言未幾家亦衰微

周莊鎮志卷六 雜記

三

桃花庵僧了然杭州人自言十五六歲時每夜夢人引入山林中多異僧教之誦經覺後輒能記憶既而私一婦人遂不復夢家遭回祿妻女相繼歿復患目疾將盲乃出家為僧云了然勤於禮誦冬夏不輟自奉甚儉有沈姓者衣以絮袍翼日見乞人露體解而衣之陶天民欽其苦行為製棉衣鞋帽贈之晚年設關於通衢矢志叩募欲以重新殿宇竟齋志而歿雍正癸丑三月米價昂貴小民艱食鎮中徐鑰陶剛惠陳琬章費夏時陶琳章騰龍諸人募米施粥設局承慶庵先期具呈邑令李公世金翼日李公親臨粥局大加褒獎給俗厚風瀆額歷四十日而畢剛惠為撰碑文附載祠廟

陳與常名再秉性正直教授生徒多所成就乾隆己未九月卒

明年五月有東洞庭山人販賣果實泊舟後港問此間有長洲縣秀才陳再否適陶仙感在旁詢其故曰東山有土地神最靈顯神之到任去任必託夢於廟祝今陳公為之四月初已蒞任矣其後仙感有事至山問諸廟中人果信

鎮南善灣村唐氏有舊宅閉不居乾隆甲戌忽聞室中有聲窺之有巾服者有倩妝者啟戶視之無有也聞其言不解惟一妾能辨之曰我實狐也暫寄孳於此室不敢相擾幸勿驚疑唐氏故多藏書時告言乞假畢則送還無誤久之告以有事當出門廝役預飭戒矣然自後漸為患或奪小兒物或揭字

周莊鎮志卷六 雜記

三

畫懸簷間甚或拋擲瓦礫污穢以恐人唐憾焉及其歸也斥言之未幾告曰奴子作狡獪今已殺之視其庭血滿盎且曰前我所以出者奉城隍神檄辦人口冊今事畢我亦從此去矣後遂寂然明年大饑繼以大疫人多死所謂人口冊者或指此也

乾隆乙亥春霖雨傷麥夏六月大旱蝗蝻傷稼至秋苗尚有秀實者又為狂風所折致成大饑是歲冬杪至明年春初每夜四野有燈火光隱隱見巨艦什伯成羣帆船林立如兵旅潛行微聞人馬之聲居人驚以為盜殷實之家往往集勇壯備軍器以守禦或遷避城中南湖一帶火光尤盛日間則杳然

無迹故老云康熙初亦有之開印後便息乃陰祟也果如其言丙子春夏之交疫癘大作死者枕藉按吳中雜志載萬曆戊子四月見於王墓村朝天湖云是瘟部神放水燈後乃大疫與此同

乾隆丙子春米價騰貴民間乏食樹皮草根皆盡上方卽楞諸

山忽生嫩石色白而質軟狀似伏苓磨粉調服或作餅餌可以充飢遠近賴之名之曰觀音粉至秋成後此石遂堅不可食

乾隆乙巳夏大旱蘇松低區尚可屏水灌田常鎮諸郡卒皆無禾於是飢民絡繹而來大憲籌賑蘇城各門設局施粥人衆

周莊鎮志卷六 雜記

四

相擠以踐踏死者日數人或十餘人散在鄉鎮者亦什伯爲羣紛紛求食謂之喫白飯明年夏米價愈貴死亡者愈多矣乾隆甲寅四五月間鎮中大疫初起寒熱四五日後神魂失據染其氣者輒病或一人病而全家俱病親友幾不敢臨視日有死者多則七八人病者過旬日乃得痊是時龍關於空中風雨驟至晝晦洞庭山麓民房掀圯無算歷死多人

我吳自湯文正公毀除上方山五通神像淫祀遂絕乾嘉以來此風漸熾鄉里姦巫往往託爲妖言以惑衆有陳三姑娘者鎮南之鄉人因犯淫其父怒而沈諸宗家湯未耕年所狎十七人皆死同爲厲鬼人病詣卜輒云三姑爲祟三四十里間

謹事之且繪其像以鬻於市金澤張堰等處並有其廟每歲三四月廟中香火如繁星艤舟者至不能容人趾相錯於途而平時以牲帛酬神者尤無算金澤三姑廟旁又有楊爺廟與三姑相若亦爲世俗所崇奉同治壬申夏五月應方伯寶時命青浦令毀其像封其廟并及三姑然居民逐什一者因廟祀以爲利故未幾卽復振近一二十年間又有莊家圩神者在鎮西南三白蕩濱之莊家圩村瀕水立廟奉像其中神不知其爲何姓名而遠近爭傳其異謂夜嘗有火光入廟爲廟祝者不敢寢於廟中寢則比寤而身已在廟外臨卧水濱一轉側將溺矣因是求嗣者求利者求醫藥者甚有士人而

周莊鎮志卷六 雜記

五

往求科名者香火牲帛之盛無日無之得一效則酬神之家或迎神以歸侈陳鼓樂酒食而祀之盡日乃畢以爲敬初僅一神不足以給衆人之迎遂增塑其像故迄今鬚鬚者有六七神焉而廟中猶時有無神之日廟祝皆村中人輪流爲之爲其獲厚利也此皆淫祠之繼五通而滋萌者

嘉慶丙辰正月丙辰丁巳兩日大風雪寒甚百年來所未有也途人或至凍死草木傷敗冰堅厚旬日始解是歲無菽麥嘉慶甲子夏五月淫雨大水害稼積久不退與乾隆己丑同時米價驟貴人情洶湧爭向富家劫奪米穀城中及村鎮皆然憲諭嚴禁令各處平糶乃止前一歲冬有黑星隕於地自西

北至東南除夕毒霧漫天惡臭難聞皆不祥兆也

嘉慶丙寅七月十三日日正午天忽雷震鎮北大王廟側擊死一人一牛傷一人觀者爭集問傷者知爲張姓東投氣村人擊死者其弟也弟方在船食霹靂聲過已跪岸上死矣其人傷頗劇問其作何陰謀且曰不言傷將不支乃曰族中有小康者祇父子二人弟種其田并借其錢以買牛前日謀欲酖之則田租與錢可不償更當嗣入爲後余不之禁不意昨已購毒藥故遭此天譴也後光緒壬午二月二十三日鎮西張家浜村又有雷擊衣工夫婦事衣工潘松壽年四十許一老母與弟同居不相顧問婦素虐嘗詬詈姑謂其鍾愛少子是

周莊鎮志卷六

雜記

六

夜夫婦同震死於房中及明鄰人怪之始排闥入見潘卧地婦猶跪牀前潘右腦角一洞左足底亦一洞并靴燬焉胸前有朱紋一方縱橫若鳥篆印章婦則眉鼻及乳皆如剗去衣盡燬徧體炮烙洞其腎臟腑欲墮舉鎮往觀者甚衆見其白砒尚在不知其欲毒母與弟否也類附於此以示戒

嘉慶甲戌大旱自五月至七月不雨地生白毛或五色山麓高田苗盡槁近鎮數十里地卑下多水得成熟冬間米價貴鄉農穫其利乙亥春初陰雨連綿每夜有鬼火出沒湖蕩間俗謂之陰兵四鄉鳴鉦火槍聲不絕時江北飢民絡繹而來人心不安至麥秋乃定咸豐丙辰五六月間旱地亦生五色毛

褚天一字謙益身不及中人而語音洪亮充元和縣捕役善捕

盜髣髴唯亭之張小舍也有竊盜陳在賢者能在水底行伏數日尋捕獲訊以贖所在則指爲某處水中因以鐵索鎖之令入水久不起牽之其索移鎖於木椿人已遠遁於是案積重重莫能得其蹤蹟天一設法獲之名乃大著凡有巨案命天一捕之無不破者府縣官皆信重焉後臬憲令充經制差頭飭往安徽查案歸賞以袍褂黎里捕盜同知蒯嘉珍感其獲贓爲懸司職有方額天一嘗稟邑令曰盜賊聞緝捕急潛伏不出或竟遠颺若得酒市博場喧鬧之所此輩畢至察而捕之甚易也令領之乃於鎮中招集妓船演花鼓戲藉博直

周莊鎮志卷六

雜記

七

以作經費秋間關蟋蟀三月杪又演劇於東嶽廟旁架松毛爲棚榻以桁木上可蔽風日下可止擁擠觀者雲集不遠百里而來自嘉慶中葉至道光初年習以爲常

道光辛巳六七月間江浙大疫初起足麻屈不能伸名爲腳麻痧又名吊腳痧患此者或吐或瀉驟如霍亂甚至頃刻隕命鎮中死者日數人

道光癸未霖雨自三月至五月水大漲六月甲辰大雨雹積水漸退七月戊辰甲戌兩日風狂甚雨大如注水視四五五月更漲尺餘漂沒田廬屍棺無算百年來未有之災也江蘇被災者二十三州縣 聖恩先給極貧災黎一月口糧動碾常平

倉穀減價平糶復發 帑銀百萬分別賑卹自院司以下皆捐廉助賑迨甲申春大憲諭各鄉董勸捐分辦土賑人心乃定

近村一農薙草田間遇一毒蛇擊斷其尾旋逸去歸家夜寢聞門外大聲甚喧疑為竊盜急起出視其犬直入卧所力與蛇鬪良久燭之見斷尾蛇斃於牀下進士沈超然異其事作詩紀之

道光辛卯五月霖雨水漲遠近皆築岸以障田六月中寒涼異常九十月積水不退農人多踏冰刈稻收斂不及豐年之半淮揚數郡被災尤甚癸巳春秋多陰雨入冬無一日開霽木

周莊鎮志卷六 雜記

六

棉全荒田禾狼戾遂致歉收是歲各省皆荒甲午春人多乏食巡撫林文忠公率屬捐廉並多方勸捐發賑及麥熟乃止道光戊戌除夕雷電大雨八九十老人驚為未見傳聞鎮南有兄弟三人弟遊蕩兩兄欲置之死告其父父躊躇未決兩兄竟欲俟弟之睡而假手焉忽雷電環繞其室父大聲呵禁兩兄亦懼而伏罪俱得無恙

道光壬寅夏五月夷兵至上海江南提督陳忠愍公化成在吳淞口築礮臺防禦松江青浦避地來鎮者相繼時有兵船過鎮詢之知陳公於初八日殉難上海城空既而蘇人以破槩船堵塞上急水港鎮中惶恐各處盜賊充斥商旅多被劫矣

道光己酉閏四月霖雨三旬不止河水泛溢居民朝夕數遷其至以船為家鎮中街衢積水深者可以蕩舟視癸未之水加尺許時二麥甫收猝經淹漬因多朽腐秧田亦漂沒殆盡巡撫傅公飛章入 告請發帑賑卹又恐迫不及待乃集議勸捐先舉義賑悉由紳董辦理時蘇藩司所屬被災州縣三十有五長元和三縣設局郡城隍廟自八月至明年四月初十止總捐錢四十二萬餘串益以 帑銀十一萬九千兩周莊厥計放義賑 恩賑展賑等錢一萬七千餘串所賑者四十四箇五千七百五十一戶大口一萬四百有奇小口四千二百有奇而陳墓鎮之屬元和者附焉二鎮捐輸錢一千三百餘串

周莊鎮志卷六 雜記

九

咸豐癸丑正月陸制軍建瀛兵潰廣濟退保江寧於是九江安慶先後失守蘇城戒嚴避地來鎮者甚眾時有江北流民持該縣護照招集多人以逃荒為名到處索錢米稍不遂意肆行鬪毆鄉人無奈何輒如其所欲與之二月初七日有五六十人至鎮棲宿全福寺兩當鋪已許錢二十八千復至葉氏醬園索錢十千未應羣譟而前店夥避去遂直入內室洞牆垣毀什物勢甚洶湧鎮人鳴鑼集眾與之對敵其婦女兒童亦皆奮勇相持兩時許始遁回全福寺既而費都司秀元出為備船渡往他處未幾江寧城陷鎮中公請費都司設立巡

防局招募勇丁保衛鄉里

粵賊之陷江甯也蘇城人益聞風遷避吾鎮備居無隙宇幸向忠武公榮率師踵賊後駐孝陵衛以扼之人心乃稍定時在癸丑二月至八月而青浦有周立春之亂踞其城并及嘉定上海有小禁子之亂亦踞其城松郡避難者復紛紛至鎮是時吉勇烈公爾杭阿爲臬司卽帶兵克復青浦嘉定二城誅周立春甲寅秋 朝議以巡撫許公乃釗攻上海城久不克褫職 命吉公爲巡撫乙卯元旦復之遂以得勝之兵移營九華山規復鎮江丙辰四月擊江甯援賊於高資力不支向公遣張忠武公國樑馳救已不及吉公殉焉賊乃厲集撲大

周莊鎮志卷六

雜記

三

營而向公又病踰月大營潰張公突圍保向公出集潰卒守丹陽賊分途來犯張公勵衆擊卻之 詔以張公幫辦大營軍務七月向公卒於軍 命江南提督和春代其任由是警報數至且歲又大旱八月初飛蝗蔽天自北而來集處則田禾滌滌淮揚諸郡更野無青草民不聊生近地湖蕩中盜蜂起白晝肆劫無忌憚平郡尊翰乃檄費都司秀元督衆捕之盜稍止迨丁巳冬張公攻復鎮江城人方引領望安堵詎意庚申三月猝有大營兵潰張公殉難之變於是蘇常糜爛矣

周莊鎮志卷六終

南潯鎮志

〔清〕汪日楨纂

據清同治二年刻本
影印原書版框高一八
二毫米寬二七〇毫米

南潯鎮志

南潯鎮志序

南潯鎮在郡東七十二里吾友汪君謝城居於謝城於書無所不窺而尤精於史咸豐丙辰之秋會鎮有編纂志書之舉僉以屬之至戊午冬而書成舉以示余余觀其自序知所采摭自史籍方志襍說以暨家集譜牒流覽之書至二千五百餘冊矚矚搜羅之富也雖然博綜非難彙括為難夫史家所記尚有未可盡信者家乘出子孫之手恆多溢美至於襍家小說家者流尤非別而裁之不可謝城實事求是勿使貽誤於後人厥功偉矣其於開濬運河一則辨舊志所書之鵲突思深慮遠其諸仁人之言也乎或曰

序

此書之考覈精矣然開有異同並列無所折衷何也曰此公羊子所謂傳聞異辭也古之善著書者如太史公劉中壘皆然後之人沾沾一得輒以抵牾議之豈得為心知其意者乎抑又聞諸全謝山曰昔人圖經地志莫不扳援古人以為桑梓生色余嘗即其言核之遠如王伯厚至譌文種為鄞人近如毛西河至強西子為蕭山人以二公之碩學尚猶不免而謝城於附近之世家大族舉未嘗牽率書之觀於寓賢一門斤斤致辨凡偶爾託足於潯者概從削例其限斷又何嚴邪南潯自明季潘氏爾夔始創志藁至道光庚子范氏來庚刊有鎮志十卷張丈秋水嘗病潘志

體例之妄嘗其紀分野表科目幾同優孟衣冠虎賁言笑
范志亦多訛漏自序所云華路藍縷是也今是書出庶一
沈從前之陋也夫謝城近著廿四史月日考體大思精為
史學家所未有汗青何日余尤樂得而先睹之也已未五
月同邑周學濂卷

序

二

南潯鎮志目錄

卷首

圖

卷一

疆域沿革附

卷二

公署

卷三

河渠水利附

卷四

目錄

衢巷

卷五

橋梁

卷六

古蹟一

卷七

古蹟二

卷八

寺廟一

卷九

寺廟二
卷十
祠墓
卷十一
坊表
卷十二
人物一
卷十三
人物二
卷十四
寓賢
方外
卷十五
職官
卷十七
選舉
卷十八
節烈
卷十九

目錄



灾祥一
卷廿
灾祥二
卷廿一
農桑一
卷廿二
農桑二
卷廿三
風俗
卷廿四
物產
卷廿五
碑刻一
卷廿六
碑刻二
卷廿七
碑刻三
卷廿八
碑刻四
卷廿九

目錄



著述一

卷卅

著述二

卷卅一

集文

卷卅二

集詩

卷卅三

志餘一

卷卅四

目錄

志餘二

卷卅五

志餘三

卷卅六

志餘四

卷卅七

志餘五

卷卅八

志餘六

卷卅九

志餘七

卷四十

志餘八

參訂及采訪校閱名氏

許旦復海樵

吳汝雯半峯

紀磊石齋

紀南枝味琴

陸長春簫士

董開榮勤甫

目錄

張喜曾藕鄉

沈迎曦升甫

董五敦篠垠

張鍾醉蕉

陸壽五子延

孫履元少樵

桂榮琴甫

蔣維基厚軒

蔣豁季卿


纂述之始先事搜訪凡史籍方志雜說以至家集譜

五

牒流覽之書二千五百餘冊刺取彙編為潯輯四十
 大冊既乃隳括以成此志意在兼綜鉅細不遺以爲
 繁則後人可以刊削畧將不能復補蕪雜之譏固余
 所樂受也顧可攷者失之繁無可攷者仍失之畧或
 指摘遺漏以規余無辭矣始於咸豐丙辰之季秋
 至戊午仲冬書成里中師友助余不逮有功此志者
 並列其名氏汪曰楨識



目錄


六



按此圖本明人所繪有圖無字原本已佚范志傳摹頗有誤處今俱按地形改
 正并畧注方位地名以醒眉目

編眉汪寅繪圖





疆域 汪曰楨撰 南潯鎮志一

南潯鎮本名潯溪又名南林宋理宗淳祐末立為南潯鎮

迄今不改在京師偏東三度五十分北極高三十度

五十三分按此據康熙時內屬浙江布政使司湖州府烏程縣震澤下鄉四十三都唯西北一隅東柵為一

百七十一莊係十區西柵為一百六十三莊南柵為一百

六十四莊北柵為一百六十五莊並係十區鎮市東西三

里南北五里在府縣治東七十二里為湖州府通判南

潯司巡檢南潯汛千總駐所東柵外百步為江南蘇州

府震澤縣界按今修志限斷東至極樂庵前西至三里橋南至康王寺橋北至稽五漾

東沿運河至曹村震澤縣地三里自曹村由半路亭至震澤鎮

震澤縣震澤司巡檢駐所九里自震澤鎮由雙楊花光

亭梅堰至平望鎮震澤縣平望司巡檢駐所四十一里

凡五十三里

西泝運河至東遷村十二里自東遷由祐村三際橋舊館

晟舍昇山八里店至湖州府城六十里凡七十二里

南至丁家橋五里自丁家橋由穿珠灣半路塘址中塘橋

息塘廟至烏青鎮湖州府同知及桐鄉縣青鎮司巡檢

駐所二十五里凡三十里按此路遠烏鎮西柵若由陶墩划船漾沈張漾蘇城廟渡

沿橋至烏鎮北

沿橋三十里

沿橋三十里

北出太湖口十八里自太湖口至東洞庭山蘇州府太湖廳同知駐所三十六里凡五十四里

東南至陶墩村震澤縣地三里自陶墩由董家新墳巖墓市至

新塍鎮秀水縣新塍汛千總駐所五十里自新塍由九

里匯至嘉興府城二十七里凡八十里

東北由平望盛墩八斤白龍橋至吳江震澤二縣城一百

里自吳江由夾浦橋尹山橋至蘇州府城四十五里凡

一百四十五里按此係官塘若由梅堰桃花漾大龍蕩港菱草湖麴場港小路至吳江八十八里自吳江由七里

港菱草湖麴場港小路至蘇州三十四里凡一百二十二里

西南至輯里村七里自輯里至馬要鎮本縣馬要汛千總

志一 疆域

駐所十一里自馬要由舍山孟西橋至新市鎮德清縣

新市司巡檢駐所五十四里自新市由韶村漾荷葉浦

至塘棲鎮仁和縣塘棲司巡檢駐所五十四里自塘棲

由武林頭拱辰橋至杭州府城五十四里凡一百八十

里出南柵至雙林鎮歸安縣境市司巡檢駐所三十六里

西北至伍浦漚本縣大錢司巡檢及伍浦汛千總駐所三

十六里

至京師二千八百里按驛站自京師至東光驛六百七十一里入江南界又至姑蘇驛一千零八十四里并蘇州至南潯官塘一百四十五里得此數舊志作三千七百

七百

劉沂春烏程縣志南潯鎮南有潯溪其市各貨類聚甚繁

盛按據此則鎮北之潯溪河必非古潯溪明矣

潘爾夔潯溪文獻市塵雲屯櫛比周遭四訖自東柵至西

柵三里而遙水則運河陸則荻塘也距運河而南至柵

五里而遙自荻塘而北至柵二里而遙蓋鎮無界域以

民居為道里也此據今日目之所睹聞諸父老云正德

間居民尚鮮下塘多葦荻則後此盛衰正非可懸擬也

又南潯東至平望及吳江西至烏程縣治皆陸由荻塘水

由運河若捷出太湖走吳江蘇州較近至于順風揚帆

比運河更駛

志一 疆域

又南潯北負具區南控烏戍東遷拱其右曹溪震澤峙其

左姚田諸村輦後之藩籬陶墩十三都壯前之聲援闔

閩鱗次烟火萬家茗水流碧舟航輻輳雖吳興之東鄙

實江浙之雄鎮

張鴻駕南潯文獻志按南潯鎮向有宋元人所繪地圖其

東塘負緯而來直抵通津西過垂虹仍登岸以行中間

寥寥數家如晨舍驥村然其南一帶則儼然闐闐駢集

貨物充盈時廬舍疏密迥異於今數十年前明義庵中

尚存此圖惜已遺失祇得明季輿圖今 國家休養生

息戶口殷繁絲互已三里矣

晴南潯賈客舟中市西塞人家水上耕岸轉青山紅
樹近湖搖碧浪白鷗明櫂歌誰唱彎彎月彷彿吳儂
子夜聲

明文徵明夜泊南潯春寒漠漠擁重裘燈火南潯夜
泊舟風勢北來疑雨至波光南望接天流百年雲水
原無定一笑江湖本浪游賴是故人同旅宿清樽相
對散牢愁

明王穉登臘八日阻風南潯說偈戲似順師臘月八
日南潯曲雪花滿船浪如屋如來得道道在何師不
肯言唯喫粥

志一 疆域

木

明安國南潯道中春來蹤跡類浮萍歷徧長亭復短
亭數里石塘天未曉半篷殘月酒初醒湖光豁目開
銀鏡山勢迎船擁翠屏遙望浮圖雲際出舟人指點
是吳興

黃周星甲寅九日潯溪諸子招同湖州舊守吳君泛
舟卽事只將望遠作登高桂棹蘭槳豈告勞胸有千
峯空試杖時非八月亦觀濤龍蛇奔命愁斑管鷗鷺
忘機笑錦袍酒德如天難作頌劉郎爭敢更題糕
吳綺九日同明進士黃九烟南潯秋泛佳會相攜上
木蘭南林秋泛水雲寬由來此日莫輕負向後欲遊

應漸寒秫米登場家醞熟蓼花吹裊客衣單此身雖
健干戈滿救世須多七返丹

又南潯泛舟七月新涼暑漸微荷花深處釣船歸五
湖魚鳥猶相識爭傍蘭橈不忍飛

陸叢桂吳興別故人歲華行欲盡離亭靄將夕寸心
歧路間日落南潯客

鮑鈇南潯小泊水市千家聚商漁自結鄰長廊連部
屋斥堠據通津舟子催沽酒村姬偶避人平生湖海
客羞現宰官身

志一 疆域

七

又夜過南潯數里聞村犬昏烟小市寬風便須慮穩
天迴望舒寒夜舫停吹笛疎燈罷倚闌提壺臨水柵
一遣旅情歡

又南潯舟次贈吳縣李景山明府知君家近祝融峯
兩地湖山名目重謂湖庭鰕菜三秋連笠澤烟波百里
接花封朱絃疏越遺音在綠水芙蓉秀氣鍾謾謾松

風欣御李同舟人愧郭林宗

又南潯不醉南潯酒於今十五年行藏真率爾鬚鬢
欲蒼然戍卒秋傳柝漁郎夜扣舷浮萍無定跡卽此
感通川

又南潯舟次送徐天偉還吳江二首松陵江滿碧潭

潭鶯脰湖寬夕照酣此去吳楓猶未落垂虹秋色詠
東南○露濕寒塘烏夜啼酒醒殘月片帆飛怪來張
翰多歸思鰓口魚鮮稻蟹肥

嚴民法南潯曲白蘋亭外西風度吹儂今夜南潯去
別浦初殘金粟花歸舟却繫斜陽樹畱滯逢君最可
憐襖羅衣薄霜飛天青驄悔結同心侶紅鳳虛隨搗
手仙琵琶聲碎若秋雨燈前暗與愁人語江上風湍
足歎嗟春時花柳關情緒楚舞吳歌一夕分當筵醉
贈珍珠裙明宵置酒西樓望已隔南潯一片雲

志一 疆域

懶濤酣天欲沈豈嫌多野泛偶或一高吟偏是漁家
火飛來蘆荻深

錢載泊南潯太尉廢城雪沒先生孤杖帘招一笑百
年此夜清風明月雙橋

袁枚竹墩訪沈永之不值仙源難久住回艇板橋西
霜葉堆篷滿溪雲壓櫂低小畱愁日短重訪爲花迷
暮雨南潯宿聲聲凍雀啼

王鳴盛湖州道中一棹空濛杳靄間坐看雲樹獨忘
還白鹽赤米南潯市流水桃花西塞山焙繭香生蠶
舍火種菱人語碧溪灣千家城郭行將近猶有遙岑

露鬢鬟

汪尚仁南潯道中泛艇南潯去煙波盪夕陽漲痕添
鳴綠柳影漾鶯黃雨過汀花淨春深岸草香推篷一
凝望暮色正蒼蒼

吳錫麒南潯舟中同問渠叔作東西水柵市聲喧小
鎮千家抱水圓敗齒印沙沽酒屐檝頭抄路送租船
清風橋口三年夢庚辰冬曾泊此太尉城邊一笑緣點綴荒
寒賴烏柏小梅花壓幾梢偏

志一 疆域

董恂南潯十景詞疎影荻塘帆影橫塘百里趁布帆
乍上今日風利渡口潛遮波面平移渺渺送來橋底

九

江邊八字分飛處問夢醒白鷗驚未把夕陽隔住蓬
窗却喚榜人斜曳不斷蒲懸席挂看蘆灣荻汊旋露
還蔽桂楫棠舟東船西舫日日愁風愁水江湖縱得
人安穩已識慣天涯愁意到夜深寒月初高又把明
湖全翳○齊天樂禪院鐘聲墨溪南去春波綠蕭蕭
傍溪烟寺僧課喧餘唄音歇後一片疎鐘催起風前
響遞看梵塔霜高佛龕香細百八蒲牢數聲吹度白
雲裏清音催作去聲薄暮正天畱返照霞散餘綺寂坐
頻聞憑欄暗數遍屈纖纖葱指人喧晚市已拓盃多
歸點燈還未待到敲殘又禪扉靜閉○翠樓吟南樓

春曉柳上青歸梅邊白破東風已減寒峭畫樓高百尺聳天半韶華先到亭臺多少看樹樹芳生花花香繞風光好向陽門地得春偏早傾倒詩伯詞仙料翦紅浮白醉吟酣笑鸞閣還結伴也油壁香車侵曉鶯喧蝶鬧想盡捲蝦簾齊開了烏欄干外更看明月一峯煙罩樓在家紹聞園中園有明月峯高二丈餘○新雁過妝樓東閣臨流畫閣高寒凌煙聳中流砥柱同看綠波十里流過半邏亭邊樓上起樓虛四壁屋頭架屋疊三間倚層欄布帆葉葉飛渡清瀾何時登臨最好記月懸玉鏡茶布金田買糕重九還又捉醉偷閒呼童把窗洞啟

志一 疆域

十

便千里都教來眼前梅花曲聽倚來長笛聲徹瑤天○慶春宮通津霽雪柳絮吟成冰泉煮後北風正釀輕寒縹散同雲微烘澹日怕教玉地催殘臥虹高處蠟雙屐扶童去看踏來瓊苑過又瑤街徒倚橋欄凝眸一白漫漫萬樹梅花粉碎香癡雁齒層鋪魚鱗平疊有人歌徹梁山鄭家詩思定吟鼻今朝擁酸且教歸去氎帽茸衫驢背馱還○掃花游垂虹夕照架梁疊石看水面飛虹跨河橫臥曳筇客過愛衢臨四達路通一舸雁齒層層淨拂欄干小坐洗眸望正斜照盪空斜日初墮天際雲淡沱看返景金搖晚霞紅破

樹陰烟鎖已鴉陣歸巢漁舟吹火可惜風光付與塵區土銜且歸麼有聲聲麗譙催我○菱荷香曲江菱歌聽清歌正秋深石澗雪點晴波一繩低界綠雲平織織羅藕兄芙蓉道種菱勝似栽荷院啟處鏡面新磨紅嬌翠婉六幅裙拖更恨家臨九曲似阿儂腸繞曲曲愁多盪舟人到也教愁蹙雙蛾嬌喉宛轉濁水遊無奈伊何還怕薛若逢他低頭不顧馬上郎過○西子妝范莊蓮沼一舸偕搖五湖共隱韻事易添歡喜如何一曲小橫塘豔香名也稱西子鸞鸞玉臂鬧紅唱還將伊比見鴛鴦問浣紗纖手而今來未西風裏墜月沈烟又聽清歌起相思不識種花人想花邊白鷗應記秋都老矣莫重話雲情雨意倒金樽且醉花前綠螿○滿江紅西村漁火泛宅浮家算漁子只商魚計傍蘆嫩熟家枯蚌比星還細生活且謀春水外人家多住孤村裏趁黃昏明月未曾高船來矣搖微燄螢同曳馳幽火鷗先避共漁兒漁女一燈篷底此夜拋叉停古渡明朝換酒登墟里笑吳儂逸興等濠梁看偏喜○踏青遊古濠走馬拾翠尋芳東風又催遊騎記昔日孤城百雉問烟村沿曉郭重經荒址只剩有蕭蕭馬嘶芳草不斷夕陽流水縱目郊原垂

志一 疆域

十一

南潯鎮志 卷一

梁	宋	晉宋	吳	吳	後漢
齊揚州	揚州	揚州	揚州	揚州	揚州
吳興郡	吳興郡	吳興郡	吳興郡	吳郡	吳郡
東遷縣	東安縣	東遷縣	烏程縣	烏程縣	烏程縣
明元帝復	東安縣廢	康元平	孫休永安	孫休永安	孫休永安
東安為東	東安為東	東安為東	東安為東	東安為東	東安為東
鎮復為東	鎮復為東	鎮復為東	鎮復為東	鎮復為東	鎮復為東

隋	隋	隋	隋	梁	梁
唐	隋	隋	隋	陳揚州	震州
吳興郡	吳郡	吳州	湖州	吳興郡	吳興郡
烏程縣	烏程縣	烏程縣	烏程縣	東遷縣	東遷縣
吳興郡	吳郡	吳州	湖州	吳興郡	吳興郡
吳興郡	吳郡	吳州	湖州	吳興郡	吳興郡
吳興郡	吳郡	吳州	湖州	吳興郡	吳興郡
吳興郡	吳郡	吳州	湖州	吳興郡	吳興郡

<p>唐 鎮海軍節度 湖州 唐建中二年屬 烏程縣</p> <p>使唐德宗二年置 鎮海軍</p> <p>年合浙二道 東西二道</p>	<p>志一 疆域</p>	<p>唐 江南道 唐太宗貞觀元年分天下為十道</p> <p>唐 湖州 唐武德四年李通置 烏程縣 為湖</p> <p>唐 吳興郡 唐天寶元年改為 烏程縣 為吳</p>	<p>唐 江南東道 唐開元二年分 湖州 唐開元二年屬江南東道</p> <p>唐 烏程縣 唐開元二年屬江南東道</p> <p>唐 忠國軍節度 湖州 唐文德元年為 烏程縣</p>
<p>唐 浙江西道節度 湖州 唐乾元元年復 烏程縣 為湖</p> <p>使唐肅宗乾元元年置 以郡為州</p>		<p>唐 吳興郡 唐天寶元年改為 烏程縣 為吳</p> <p>唐 烏程縣 唐開元二年屬江南東道</p> <p>唐 烏程縣 唐開元二年屬江南東道</p> <p>唐 烏程縣 唐開元二年屬江南東道</p>	

<p>宋 兩浙路 宋太宗至道三年分天下為十路 宣德軍節度 湖州 烏程縣 震澤鄉 宋初</p> <p>轉運使 宣德軍節度 湖州 烏程縣 震澤鄉 宋初</p>	<p>志一 疆域</p>	<p>唐 浙江西道都 湖州 唐貞元三年復 烏程縣</p> <p>唐 忠國軍節度 湖州 唐文德元年為 烏程縣</p>	<p>唐 吳越鎮海軍節度 湖州 後梁開平元年 烏程縣</p> <p>唐 忠國軍節度 湖州 唐文德元年為 烏程縣</p>
<p>宋 宣德軍節度 湖州 烏程縣 震澤鄉 宋初</p> <p>宣德軍節度 湖州 烏程縣 震澤鄉 宋初</p>		<p>宋 宣德軍節度 湖州 烏程縣 震澤鄉 宋初</p> <p>宣德軍節度 湖州 烏程縣 震澤鄉 宋初</p>	

下于周注宣德于梁唐晉漢不注忠國是也○又按盧
 熊蘇州府志謂分溇溪以東屬吳江乃唐開元二
 年事蘇州府志謂分溇溪以東屬吳江乃唐開元二
 易焉溇溪文獻從其說然開元二十九年湖州刺史
 景道設震澤館在今之震澤鎮若已分屬吳江不應
 設館矣又湖州府城天甯寺石幢其一題云大唐
 西道拾錢五十五貫文造乾符六年四月二十五日
 文琛符時猶未屬吳江也據歸安縣志事在分置
 則乾符時猶未屬吳江也據歸安縣志事在分置
 歸安之後則當在宋太平興國中非開元時明矣
 按舊志沿革別為一門今以南溇自立表附於疆
 今無改所沿革別為一門今以南溇自立表附於疆
 之無改所沿革別為一門今以南溇自立表附於疆
 兩門於體例無當今削之

志一 疆域

廿

補遺

南溇鎮已見前

明虞堪溇南書事偶即溇南地川原路欲蕪老翁行

乞食稚子幼難一作扶未放開河卒猶差守戍夫為

農那可卜愁我老一作江湖按堪自元入明此詩係

句之

志一 疆域

廿

公署

汪曰楨撰 南潯鎮志二

監鎮衙 宋於諸鎮設監官其衙各設木鎮今無攷

鹽漕水利湖捕通判署 在東柵大街懼字一耳舊管糧

通判署在府治西乾隆八年移駐南潯以便控制巡哨

十一年即潘尚智官房改建衙署正堂燕堂內宅計三

進又東廂耳房三進宅門大門照牆披柵一切如制設

書識一名門子二名快手六名巡緝民壯十名鹽捕五

名阜隸八名軍健八名轎傘扇夫七名巡船二隻水手

十五名按金友理太湖備攷云太湖同知初制兼轄浙

省太湖乾隆八年湖州府通判移駐南潯太湖

地方分界管轄

巡撫常安請通判移駐南潯疏太湖潞水汪洋支港

紛雜實為盜賊淵藪臣查湖州府所屬南潯鎮與江

省接壤地處湖濱烟火萬家商賈雲集易藏奸匪向

設巡檢不足以資彈壓請將湖州府城駐劄之通判

移駐書役人等俱照本官原設除通判衙門事務循

舊管理外其太湖水面按照兩省地方與江南太湖

同知分界管轄各縣編烙船隻姓名造冊申送通判

以憑查對并令每歲督催清釐倘失事疎防應將通

判與專汛官一體叅處每月駕船遊巡并將會哨緣

由分報道府查考以杜規避所當衙署現有潘尚智

入官房屋應撥出正房三進東側房三進改為通判

衙署添建牆垣披柵木橋至入湖巡緝應添造號快

船二隻駕船水手十五名巡湖民壯十名查通判衙

門向有鹽快十五名快手八名阜隸十二名今各州

縣緝私有府縣鹽捕哨兵足敷差遣請於通判鹽快

內撥出十名充巡湖民壯又於快手內抽撥二名阜

隸內抽撥四名充補水手尚少九名有烏程長興二

縣從前撥協江省之民壯四名應行掣回畱充又從

前烏青鎮同知衙門原設巡鹽哨兵二十八名因缺

奉裁分派安吉等七州縣今應抽撥五名以足水手

之數所有工食按季解給毋庸添設至通判關防請

鑄給以昭信守庶平行分任呼應較靈用以弭盜安

民大有裨益乾隆九年三月三日奉 旨依議

巡檢司署 在南柵箋字一圩舊後潘司巡檢署在縣東

五十里後潘村元置吏一員弓兵十八名明洪武十四

年復置後圮移居南潯稅課局又圮僦居庵觀民舍視

事無常處 本朝乾隆四年奉文改為南潯司部頒印

信巡檢曹進創建衙署三進儀門一間大門三間照牆

一座嘉慶二十三年巡檢張鳳來重修道光十三年巡

檢胡次耕復修管轄南潯鎮及十七區至二十三區地

方東接江震西通郡城南達含山烏鎮北近太湖漚港
水陸叢雜彈壓巡緝設書識一名阜隸二名弓兵十五
名

胡次耕重建南潯巡政廳治記文見碑刻

分防南潯汛千把總署 在西柵營字四圩湖協右營千
把一員輪防外委千把一員馬步戰守兵丁五十八名
船六隻舊在嘉應廟側故今尚有嘉應汛之稱現在祇
園寺西設烽火墩瞭臺兼設防汛于東柵南柵界外今
制本汛千總或把總一員戰兵六名守兵十三名兼轄
東遷汛守兵五名三際橋汛守兵五名舊館汛守兵五

志二 公署

名晟舍汛外委一員守兵七名昇山汛守兵五名

稅務 烏青志云宋時稅務在眾安橋北鎮官兼領收租
德祐丙子後移安利橋南為酒醋稅務兼收兩鎮稅課
大德年間各歸所屬烏鎮屬湖州移在南潯青鎮屬嘉
興移在石門止管稅課酒課按今清風橋之西猶有務
前之稱而遺址湮沒

潯溪坊 宋時烏鎮稅務分設酒醋坊凡十六所一在潯
溪今南柵有醋坊橋北柵有酒坊橋蓋其遺址按談鑰
云監烏青墩鎮稅務兼煙火公事一員多差文臣京官
又云烏墩鎮稅務在木鎮每半月合發一千七百七貫
文經係本鎮團綱起發赴州庫潯溪坊係民戶買撲每半月納坊名課錢

稅課局 湖錄元官澤稅務在縣東七十二里明官澤稅

課局勞志云即元官澤稅務洪武二年改為南潯館驛
十年革十八年置為稅課局明會典云嘉靖四十五年

革按是年巡按御史龐題革其衙門員役工食俱入條

鞭徵解按舊志並云洪武十八年置二十年革正統十
縣南七十里地屬一都稅務有官澤
之名意初設在官澤後移南潯

南潯館驛 明洪武二年置十年革

范鐸潯溪紀事詩稅務廳前草色青太湖館外水盈

汀數殘津堠東西路不見春風古驛亭東遷館在縣
東四十里本
湖館

志二 公署

潯溪鋪 宋時東門塘路郵遞四鋪一在潯溪今無攷

三里鋪 在鎮西三里橋今廢按劉沂春崇禎烏程縣志
云三里鋪縣東四十二都
鋪兵三名高必騰康熙烏程縣志同此後府
縣志並不復載蓋若溪驛既裁故遞鋪亦廢

鎮學 元時鎮建儒學設教諭一員以主學事明初廢按
云報國寺
即其故址

社學 明嘉靖中知縣錢學建鄉都五所一在南潯後廢

鄉約所 明嘉靖中知縣錢學建鄉都五所一在南潯後

廢知府陳幼學恆到鎮舉鄉約每就廣惠宮蒞事云

義倉 明董份置義倉久廢 本朝乾隆十三年里人公

建社倉今亦無攷咸豐五年復設義倉採買米石分存

於各米行俟經費充備建造倉廩

潯溪建立社倉啓蓋聞虞廷咨牧食惟其時周禮建邦荒亦有政故足國必先足民重農因之重穀雖天時之登耗有數盛世不必常豐惟人事之補苴有權至誠乃能豫立潯鎮古號南林素稱仁里邇者鄰省饑饉薦臻隨至粟米騰貴 皇仁浩蕩就本省而雷漕憲德汪洋飭地方以平糶吳公署篆倡減糶而勸樂輸陳憲下車繼捐資而親督率遍葺屋之民所在安居逢荒歉之年有如樂歲但事由猝辦本非預圖所貴未雨綢繆先時預備惟得耕九以餘三始能倉

志二 公署

五

千而稍萬觀隋史而知義倉之說創自長孫讀宋紀而見社倉之名端由朱子不以發之官府者操諸上而以出之閭閻者貯于下既無難徧之殷憂又省長官之塵念略有成規請申其說募緣資于眾姓視田之多寡以自輸按畝或輸一升或輸二升以三年為期推社長于稠人量才之短長而分任在倉民以守之而不得那移發粟官以監之而不敢攘奪夏則授粟于民冬則加息以償朱子設法每石量收息米二斗或遇小歉即蠲其息之半大飢則盡蠲之行之久祇收耗米三升庶都鄙委積之謀惟古是師而閭黨流注之法于今為烈矣某等金難術點米謝巧炊雅慕賈誼積貯

之書常懷汲黯賑饑之志觀此法良意美敢不思患預防訂于十月某日集諸廣惠宮中呈請當途公舉社長孰勤奔走孰掌簿書各隨其分或賃倉廩或司筭鑰務得其人真兆姓之乂安實一方之利益即或旱乾水溢之不時亦無餓殍嗟來之在道休哉裁成輔相之為允矣長治久安之策敢告同志各署台銜仰祈踴躍以爭先幸勿徘徊而觀望乾隆十三年九月

設立義倉公呈南潯絲捐局董事金載錫朱養誠邵藩蔣堂張亦賢錢炳熙呈為仿設義倉力籌通變事

志二 公署

六

南潯鎮仿照郡城籌辦義倉大旨悉如城式唯城鎮情形有不同者尚須因地制宜以期有裨實濟公同酌議以積米四千石為斷計每年應提絲釐一成除三分留作恤養義塾善堂等用以七分買米若照上屆絲釐捐數以每年所提七分核計須舉辦三年方可足數所有一切章程開後呈請俯賜察核批准立案以便遵行○一郡城義倉仿照社倉積穀唯潯鎮各米行向無碾場只宜積米○一囤積宜建倉廩目前經費不敷郡城創議暫存各棧潯鎮無棧可存擇殷實可靠之米行先行經辦分存○一義倉遵照郡

城之例非遇水旱偏災一切公私不得挪借動用○
一潯鎮積米專備本鎮之需以外鄉村各自經理不
在此數雖未經舉行義倉之處遇有偏災亦不得移
撥○一現當立法之初每歲買米一次凡屆出新之
時米價平減卽由紳董赴局領錢就本鎮買進應得
確白脚力駁船租金一切在內開銷共得米若干石
每石若干錢現存某行一一登簿逐年呈明○一米
數進出設立印簿兩本逐細登載一存憲案一存經
管紳董處米行收票粘連紳董簿內○一存米各行
現擇方恆興錢恆泰吳隆興李衡興等行分存立有

志二 公署

七

收存票據爲憑以後積米既多尚應增添務擇殷實
可靠之行不致滋弊如有弊端公同呈請究辦○一
此係地方要舉各米行不得虧短每遇董事輪管之
時必須點交實數與印簿所載相符毋許含混○一
積米至下年值市價稍長之時相應呈請糶出一半
其半存留不動下年再糶糶畢實得錢數若干比進
本贏餘若干公議應存某董處一一呈明留俟秋成
買補○一如有需用積米之時必須紳董具呈奉官
批准方許動用其或私行出納卽許地方告發○一
遵照郡城辦法平歲推陳補新歛歲平糶大荒出賑

仍以地方捐賑補額以資久遠○一凡遇歉歲市價
過于昂貴之時卽照本價平糶但平糶原係加惠單
寒失業朝升暮合之人恐有市井牟利者趁此便宜
競相爭買則利源易竭實惠不及貧民應請糶平糶
米者人不得過三升官爲曉示違者究治○一應設
專管董事若干人每年二人輪流經理至出納時仍
舊通辦○一紳董平時經管均自備資斧不准開銷
辛工飯食等項至動用積米之時需添幫夥工人其
辛工飯食臨時酌議○一俟經費充裕卽行建立倉
廩以垂永久○一義倉司事非醇謹老成之人經管

志二 公署

八

不足以資久遠未敢擅舉伏候憲定○咸豐五年十
月奉府憲胡批所議各款均屬妥協具見各紳董情
關桑梓大費苦心至司事之人仍著各紳董公同選
舉稟候酌定仍將進出錢米各數隨時登簿送查義按
倉始事迄今已滿三年因米價連年昂貴採買尚未
足四千石之數俟後足數建廠當照郡城義倉之例
通詳院司各憲立案以期歷久不廢

留嬰堂 一在東柵極樂庵西偏康熙中設後廢一在東
柵船場浜內堂宇四進雍正十一年知縣羅愷捐俸并
勸合鎮士民建命生監紀月峰張元燦董陳亮張世傑
沈爾焯周纘等二十八人董其事今亦廢

董漢策極樂庵西偏留嬰堂碑記

文見碑刻

曹大斌留嬰所補救說天下無不可補之功而亦無不待補之闕天地生成矣而聖人以材成輔相補之唐虞夏商周之盛烈補于當時孔顏曾孟之微言補于奕世莫非補也我朝撫御萬方休養垂百禩龐眉之叟黃口之兒咸受怙冒而聖祖仁皇帝以堯舜猶病之心塵一夫不獲之慮恐戶口滋豐嬰孩繁衍厥父母艱于衣食而棄其天屬聞郡邑有設育嬰堂者深加獎勵蘇郡之堂賜額廣慈係赤世宗述之今上繩之係抱攜持悉生悉長南潯雖僅聚

志二 公署

九

落而烟火數萬家里中善士仿蘇郡創名留嬰所大懼力弱示暫留以送蘇而紀君月峰更憂留嬰之法或有未備復佐以補救豈與留嬰諸同人異轍哉凡皆委曲以全慈幼之道所謂仁術者非耶紀君屬予序其緣起謹書之其補救條例詳具紀君所自述故不贅時乾隆丁巳某月

按紀氏自述惜未見無從采錄

義塾

明董份置久廢

本朝嘉慶十三年杭人周性寓

潯始創義學於廣惠宮

按范志作十五年

後移於廣惠宮南董

氏傳桂堂二十一年廢道光中里人張宮桂錢炳熙復

設於廣惠宮未幾又廢咸豐六年絲捐局董事復設始

於南柵箋一圩巡檢司署東北建屋一進三間為南林義塾又分設一塾在西柵祇園寺中

按額題硯水精舍係局中公資修葺

師善堂在南柵青華觀內康熙六十年建為董理施櫬捨埋公所後漸廢弛嘉慶七年重建更立規條咸豐四年仿照府城廣仁堂之例遇無主水陸斃屍及鬪毆命案屍場驗費由堂捐給以免擾累

志二 公署

十

陸鴻達記師善堂體骨用篩南潯師善堂之設捐疏倡首為邵公樸存

如璋

而經理諸君則唯紀鐵山先生

為尤力嘉慶壬戌堂事初成收體敗棺尚無用篩之法次年值清明節先生手攜鐵鏟獨步鄉村凡

經堂中體過之處必子細檢掘恐骨有遺漏也忽於南柵外掘得膝蓋骨兩件袖之而歸至晚體骨工張

啓鳳弟啓麟來領工錢先生問之曰收體之舉原慮骸骨散失設不細心搜檢致骨喪中骨骼不完冥冥

中能無遺憾乎汝等果能免此弊否張曰無之曰設有之若何張曰有堂規在先生乃出二骨詰之張詭

曰是敗板節先生曰汝無庸說我我熟銅人圖凡人
身骨節無不識者此膝蓋骨也張無可置辨願受責
先生曰我若循堂規不過送官一責以了事耳他日
收體之事仍須經汝手苟蹈前轍可奈何汝試思之
假有良法可以久遠無弊者非唯不罰兼有賞張請
限三日先生曰果能之十日奚害越五日張兄弟齋
一節來告曰得之矣凡收體時所以有遺漏者並非
某之粗心因棺已久敗骨雜土中陷入既深致難辨
認今後俟收體畢於敗棺處方丈許掘泥深一尺以
實篩中泥去則骨自露雖爪甲之微指節之細必無

志二公署

主

遺漏矣先生大喜賞以錢二千迄今他處堂中俱無
篩唯南潯用之自此始也

師善堂公呈南潯師善堂董事俞燮王懋昭張淳張
孝曾邵柁錢慶琳陸壽五金載錫蔣堂呈為遵諭推
廣善舉事南潯師善堂收埋暴露施送棺木已屆五
十餘年惟是街市稠密港汊紛歧每有路斃浮屍無
人收殮以致腐爛漂流而差保藉端需索時多擾累
地方關毆命案一經報官該處地主鄰右被告人等
每因屍場驗費株連受害查郡城廣仁堂曾於道光
二十年間援照崇善堂成案遇無主水陸斃屍地保

到堂報知堂董督保查看有傷者填單報驗棺交地
保收管聽官詳緝與堂董無涉不傳地主地鄰訊供
取結滋累無傷者捐棺殮埋報縣出示召認屍場應
用什物差件飯食船隻等費由堂捐給呈奉通詳給
示遵行又於本年二月中遵諭捐給命案驗費酌定
數目詳議規條添報有屬水陸斃屍呈奉批示轉詳
並蒙分飭南潯等處善堂一體興辦董等願將廣仁
堂前後所辦水陸斃屍各善事關毆命案驗費一體
仿照辦理又郡堂遇有斃屍撥用作往驗潯鎮距
城甚遠只照成案堂董督保查看毋庸遠請件作為

志二公署

主

此抄錄廣仁堂成案規條並擬示式二道聯單式一
道呈請鑒核批示祇遵俟申詳廣仁堂捐給驗費時
一併附詳再此事屬創行恐有地保棍徒阻撓並求
札飭巡司遇查驗路斃浮屍之時就近撥令弓兵二
名彈壓由堂捐給飯食合併聲明咸豐四年四月署
烏程縣林據呈詳府由府轉詳各大憲奉批准行

水龍公所 東柵在聞濤閣西柵在豐年橋上南柵一在
通利橋東堍一在廣惠橋西堍之南北柵在唐家兜鎮
市間有失火齊集赴救並係典車及各市肆殷戶捐設

河渠

汪曰楨撰 南潯鎮志三

潯溪 宋談鑰吳興志云潯溪在烏程縣東七十二里有

水自德清嘉興來與震澤潯湖相接焉明一統志云潯

溪自運河東流與震澤潯湖相接今德清諸水自南

來運河自西來北入太湖東入潯湖然則運河及南

北市河皆古之潯溪也按沈登瀛備志云祇園寺莊田

日祇園然則潯溪即今之運河也文莫古於是當從之

若以管三中圩之帶水當之毋乃與茗雪諸溪不類乎

明吳國倫行經潯溪奉懷尚書學士董用均先生楚

客蒲帆震澤來南潯甲第錦雲開懸輿萬木尚書里

載筆千秋太史才臥穩客星成水石丹還紫氣結蓬

萊經過不淺追趨意病骨龍鍾倘見猜

明余津潯溪漁唱二首溶溶流水曲溪晴兩岸桃花

溪上生楊柳拂頭推不去黃鸝連叫兩三聲○蔡蕩

天孤碧四垂雨晴正好放鷓鴣沿河十里錦雲爛紅

藕花香拂面吹

明葛一龍潯溪對雨市斷溪聲遠橋迴野色荒吹來

數點雨相送一孤航漲綠平官渡烟黃拂女桑隔花

僧共語東去是錢塘

董志林曉發潯溪將至茗城蕭寺疎鐘霜外傳荻花

楓葉散平川雲連野色人迷渡風送秋聲獨放船樹

裏漁莊聞曉汲橋邊蟹舍見炊煙忽聞采采菱歌起

徐瑞山頭酒旆懸

董燧潯水秋漁曲南江秋來三尺深水經注南江支

通餘杭縣與浙江合了了游魚躍碧潯
頭船子浮湖去一髮

遙山欵乃音○潯南潯北楓欲稀杪秋遙夜來漁磯

澄潭列火挺又入月落烏嘍船始歸

又吳船曲南江東下曲于巴茗雪西來襟帶斜一樹

姊歸三月暮疾風吹雨漲桃花○春事愁中與病中

碧潯溜雨一村風宋元名利麻姑字咫尺輸他折屐

雄

范錯潯溪紀事詩佚志殘碑尚可稽當時沿革未全

迷菰城古邑三唐後誰識南林舊有溪○鎮戍監官

古制存萬家烟火聚雲屯太湖水利關民政安定齋

空孰講論○十里桑陰水市通家家門外白蘋風五

湖狂叟西村客愛作潯溪老寓公

運河 卽東西二柵市河每歲漕艘必由於此其源有二

一自峴山漾分流至定安門外繞城而東一自城內雪

溪分流至駱駝橋南過望州橋出迎春門俱達二里橋

合爲一河東流六十里至東遷村自東遷而東其南岸

支港爲白米塘挑水灣北岸支港爲十里橋九里橋六

支港爲白米塘挑水灣北岸支港爲十里橋九里橋六

里橋等港南北交綜分合不一又東至三里橋支流北出為三里橋港運河又東過西東二壩口入南潯鎮西

柵為西市河過營汛前祇園寺前支流南出為西倉港

北出為永安橋港又東經垂虹橋東南流過米廊下紀

家壩港西南來注之又東與南北市河交錯為十字港

又東為東市河經通津橋過董宗伯第前通判署前

船場皇御河南來注之南分倉潭又東經洪濟橋百間樓港

北來注之又東馬家港南來注之又東過東總管堂前

出東柵南分三楊畝兜又東過極樂庵前出分水墩為東塔灣

過撞塘壩口入震澤縣界又東曹村西港南來注之又

志三 河渠

東曹村中港南來注之南分市河東出支水東北流而仍道源流並據里人紀南枝自此而東至半路亭其間南

岸支港則有曹村東港盛家壩港外墩港北岸支港則

有駟馬橋港曹村北港亦南北交綜分合不一又東至

安慶橋支流南出經應天寺嚴墓市入嘉興府秀水縣

界運河又東至震澤鎮又東過雙楊梅堰至平望鎮入

鸞脰湖與嘉興南來運河會東柵外自分水墩至平望

凡塘南北諸漾蕩支河皆泄水歸東要道雖地屬江南

其通塞皆關湖州水利唐元和中荻塘河水滯淤通塞

不能負舟刺吏薛戎濬之百餘里董志范志並云運河時或旱涸鎮民開濬

按此自民間私事若漕艘擱淺開濬運河事固屬官不屬民也乃載入志中幾疑民濬為定例矣慮貽將來備特詳之

曹仁虎潯溪竹枝詞雁渚鷗沙足水痕陰陰桑柘接

曹村西來一夜蒼溪漲碧玉春流直到門

董蠡舟潯溪棹歌運河橫貫市中心中南北支流屈曲

通畫舫千家夾明鏡石梁三道臥晴虹

董恂潯溪棹歌于頓塘長遠岫青西天目水此由經

桃花三月春波暖綠過江南半邏亭

西倉港 運河南岸第一支港分西市河水南流入沐風

橋西分沐風兜又南經鳴鳳橋又南出壩橋入紀家壩港

志三 河渠

紀家壩港 運河南岸第二支港上承鰲里褚家埭談家

灣二港西來之水東流至補船村與平橋港南來之水

相會北流至小圩西南分為二直北而轉東者為小圩

後港轉東者為小圩前港東分南兜前港轉北與後港合支

流東出為石溪又北轉東為享亭灣過西莊村經鍾家

橋與石溪水合為紀家壩港又東西倉港北來注之支

流東出為城壕紀家壩港又東經楊家橋南分白迤北

經天到橋北分鳳池東北流出豐年橋入西市河

石溪 分小圩西南來水東流經化人橋至紀氏祖墳前

為仙液潭又東經秀水橋轉北入紀家壩港

皇御河 運河南岸第四支港按第三支港即一名御河

一作王御河本名黃泥河分薛家漾水北流東分蓮溪

經暖橋又北出醬園橋入東市河按俗說宋高宗至此

不載是說然仍入之古蹟未常也本傳黃泥為是或云

當為惶五河其東岸即惶五圩猶北柵外之拜五港五塘也說亦可通

范錯溇溪紀事詩鐘敲野寺留神馬春到梅林說異

蛇贏得居人長歎息御河愁照月痕斜勞鏡府志建

南渡至溇懼道者見匿嘉應神祠中月下俄見泥馬

忽動跨之而行遂入杭州帝舊封康王今衰能寺俗

呼康王寺以帝經過名也湧幢小品鎮西北可十五

里日梅林中有大梅樹一株可設三十筵宋高宗過

溇譙其下因稱日上林方到菴有一巨蛇衝水昂首

而至眾魚尾之日以為常若有意者高宗舉筆題其

首作小畫流下懷之而去至鎮南五里古寺宿焉今

有康王橋橋之西為康王寺廢已久矣一老儒每言

鎮之大橋下常有巨蛇橫互如木舟礙不得行又居

人數達于路兩眼如燈火見頂上有康王二字又或

蟠于市樓上第不傷人既數見亦不為異蓋其時

覺留連今聚且萬家人物且盛蛇亦非容身之所老

者死幼者不聚及間離人口角且五六十年天下大矣

何所不有姑記之亦溇鎮一異事也研北居瑣錄史

載高宗南渡建炎三年二月帝至鎮江宿于府治翌

日召從臣問去留是夕發鎮江越四日次平江又二

日次崇德遂如杭州攷此則過南溇之說謬矣勞志

墨溪 運河南岸第五支港今名馬家港上承薛家漾水

之及北經明德橋東分南過朱少師第前東分北又北
出馬家橋入東市河按墨溪之名明時已有之范志云
非也
張鑑溇溪棹歌蠓殼紅窗水閣邊墨溪初漲碧于煙
杏花衫子鶯翎扇倚檻閒呼茉莉船墨溪即馬家港
董斯張詩水樓處處凭紅
補吳下新來茉莉船是也
三里橋港 運河北岸第一支港按運河西來支港甚多
分運河水北流入三里橋又北過裴莊方氏祖墳前與
塘田圩港西來之水相會又北經眾安橋分流向北者
為方家港轉東者為福積港
志三 河渠 六
永安橋港 運河北岸第二支港分西市河水北流入西
弔橋又北經小弔橋西分妙境庵兜又北出永安橋與營三圩
西港接西分琵琶兜合流東出為西木行港入北市河
百間樓港 運河北岸第四支港按第三支港即分北市
河水自北十字港東流入蓮界橋又東迤南經長板橋
又南後河西來注之東分洗又南出東弔橋入東市河
北市河東出支水東南流而
仍注于運河者至此盡矣
方熊溇溪竹枝詞參差闌閣壓溪流長板橋連洗粉
兜夾岸珠簾風宕漾春波影泛百間樓
簡五塘港 卽南市河之上流一作甲午塘港上承馬要

塘西南來水東北流過池亭濠合神墩塘南來之水迤

北而東為七里塘迤北至大洪村經丁家橋轉東經康

王寺橋分流向東南者由四方蕩入沈張漾向北者為

簡五塘港紀南枝曰舊志皆謂烏鎮北息塘之水北流

至穿珠灣在大洪村東南北近故也實則簡五塘所

穿珠灣在大洪村東南北近故也實則簡五塘所

屬幹河之東北流至烏鎮之北流不獨不能由穿珠灣

西北流入大洪村抑且分七里塘之水由穿珠灣東

南流同入沈張漾水性惟順是適可日驗而知也

五塘港北流與蔡蕩自豐橋西來水會西分豆腐兜又

許家兜東分硬漲橋港通划船漾又

分閘塘兜一作閘堂兜又分華家兜

又北與南市河接

張鑑潯溪棹歌霜花曉撲漉魚籃白韭紅豈食譜譜

簡五寒塘秋水闊漁娃處處喚螺蚌簡五塘多

志三河渠

沈金渠甲午塘今是庚寅日來過甲午塘荒城尋太

尉野廟拜康王艇小瓜皮泛村深竹影藏陰晴天氣

半節候已梅黃

南市河 上承簡五塘港北流入南柵為南市河支流東

出為白鸞港市河又北蘇露港西來注之又北支流東

出為虹映港市河又北經南新橋支流東出為竹園港

市河又北經南安橋鷓鴣溪自蔣家橋西來注之支流

東出為鳳凰河市河又北經華家橋鷓鴣溪自新開河

西來注之又北經興福橋西分寸又北經張王廟橋支

流東出為定心港市河又北與城壕及司前港交錯為

南十字港又北經便民橋又北出泰安橋至十字港與

運河會

蘇露港 南市河西岸第一支港上承箋五圩南北二港

之水其南港上承鳳凰蕩南來之水北流轉東至唐家

匯與蔡蕩南來之水相會而北經麻涇橋西分又北為

邵家蕩轉東經洞賓橋轉北為善田灣又北與北港會

其北港上承簾里方家埭西南來水東流北分朱家

北水港經北水港橋北分曹迤南又東與南港會為蘇

露港北分羅東流出蘇露橋入南市河

鷓鴣溪 南市河西岸第二支港即蔣家橋港上承簾里

潘家埭西南來水東流經義塚橋北分談至八十畝圩

與朱家板橋南來水會又東北分平迤南經斜橋為鷓

鴣溪又東至豐草庵前折而南流支流東出為新開河

鷓鴣溪又南經萬古橋西分邵家兜轉東迤南西分南

又東出蔣家橋入南市河

姚石春日晚步至鷓鴣溪不耐市喧雜尋幽到竹林

橋低春水漲徑小麥苗深野鳥投烟樹漁罾曬柳陰

斜陽容小立溪口好閒吟

曹仁虎潯溪竹枝詞鷓鴣溪水碧漣漪暇日宜教小

艇移有約招提茶話去枯苔手剔宋元碑

志三河渠

志三河渠

志三河渠

志三河渠

志三河渠

志三河渠

張鎮鵠鳴溪春望不定經行路平橋帶斷磯野花臨水發江鳥破烟飛淨土間相訪遙山晚更微漁舟何處唱余亦詠而歸

又潯溪漁唱阿儂家住鷓鴣溪不見鷓鴣溪上嗁只有曉寒樓外月夜深還照夢華西

新開河 南市河西岸第三支港明董氏所開分鷓鴣溪水東流出鷓鴣橋入南市河

董恂潯溪棹歌新開河畔幾人家野徑栽桑復種麻豐草庵荒已無主爛堆黃葉似袈裟

城壕 南市河西岸第四支港即西交界壩港分紀家壩

南出之水東南流東分紀氏南園池迤東南分小兜北分徐家漾出西交

界壩橋至南十字港與南市河會南市西隅支水流注市河者至此盡矣

元代築城時南面偏西之壕也亦名城隍上按城四面皆有壕惟此處城壕之名至今尚存今以地勢攷之城壕轉北通西倉港西南面之壕也司前港自薛家漾通馬家港東南面之壕也百間樓港東北面之壕也西木行港轉南通永安橋港西北面之壕也因是推之東市橋西南洪濟橋為東水門西市橋東南垂虹橋為西水門北十字港南市橋橋為北水門南十字港北便民橋為南水門而中市十字港則為城心也城之遺跡約畧可知矣

董熄吳船曲不復嗁烏棲女牆長烟冪歷舊城隍斷橋流水春畦綠閒殺羅敷陌上桑

楊鳳苞城濠覽古廢隍尚見黑雲屯歎息三興破楚

門錢做錦衣空內獨對陀左薰漫稱尊白駒北夢舟中夜黃葉西風水外村當日羣雄總安在野鳥嗁上女牆昏

白鸞港 南市河東岸第一支港分南市河水東流入百老橋迤南又東過潘氏祖墳前迤南又東南分南喜兜分流向北者為渡船港向東者為尤家港

渡船港 白鸞港水北流為渡船港經渡船橋至袁孝子墳前東西分流西流者轉北西分紀家兜至積沙寺右按此處木

東為懼三圩南港通流近已隔斷東流者轉北與曲江水支流自北來者相合而東為懼三圩南港

尤家港 白鸞港水東流為尤家港南分泥司兜經尤家橋南分孟家又東懼三圩南港北來注之又東入栗樹港

懼三圩南港 渡船港與曲江水支流合而東流過尤氏祖墳前轉南入尤家港

栗樹港 烏程震澤東西分界一作力持港南接划船漾經莊思壩橋北流與尤家港西來水會又北經栗樹廟

橋又北與懼三圩東港水會為栗樹蕩一名東流入震澤界為橫港又東轉北為水斗注又北轉東為曹村中

港轉北出樹滋環橋入運河南市河東出支水止此

虹映港 南市河東岸第二支港分南市河水東流入虹

映橋又東為黃家蕩東分虹轉北出師古橋入竹園港

竹園港 南市河東岸第三支港分南市河水東流入醋

坊橋至張處士墳前與虹映港南來水會繞墳而北西

壽慶又北東分南林池至嘉應廟前為木瓜漾東分華

鳳凰河西來注之轉東經王家橋為石解屈曲而東名

曲江又東至朝真堂前支流北出為范莊灣港曲江水

又東支流南出至積沙寺後與渡船港南來水相會而

東為懼三圩南港曲江水又東經八卦橋南分又東經

秦庵橋又東轉北東分又北西分轉東為玉成灣

北分烏朋兜經朱氏祖墳前又東支流南出為懼三圩

東港北分曲江水又東入震澤界又東轉北

為曹村西港又北出木橋入運河

范莊灣港 分曲江水北流入曲江橋西分西北流過范

莊灣入墨溪

懼三圩東港 分玉成灣水南流轉東折而南流又轉東

入栗樹蕩烏程震澤東西分界

鳳凰河 南市河東岸第四支港分南市河水東流入鳳

凰橋迤北又東出毛家橋入木瓜漾

定心港 南市河東岸第五支港分南市河水東流入定

心橋至廣惠宮後南北分流南流經花園橋為勝義庵

兜北流入司前港

司前港 南市河東岸第六支港即東交界壩港分南市

河水自南十字港東流入東交界壩橋又東經會際橋

又東定心港南來注之又東為薛家漾分流向北者為

皇御河向南者至城隍廟後轉東南分出長生橋轉北

為墨溪並北入東市河

北市河 分運河水自十字港北流入清風橋為北市河

又北支流東出為後河市河又北經太平橋西分又

北經鹽店橋又北經柵橋與西水行港及百間樓港

交錯為北十字港又北過北姚家匯溇溪河西來注之

又北經北新橋東分至董氏祖墳前彩虹橋港西來注

之支流東出為下壩港市河又北出北柵與古漚港接

按北市河自北十字

古漚港 即北市河之下流一名鼓樓港北流出北分水

墩西有李家河自南車駕橋來會又有橫古塘水自北

並通湖經北迴橋東分入震澤界

又北達稽五漾或東或北支流歧出由各漚港入太湖

後河 北市河東岸第一支港一名藕湖分北市河水東

流入天帶橋又東南分經淨波橋又東迤南為栲

栲灣經官房橋轉東出開濤橋入百間樓港

志三河渠

上

志三河渠

上

下壩港 北市河東岸第三支港按第二支港即百間樓港已見前分北

市河水東流南分董墳兜又又東北分金家兜經梅家橋至

新庵前南分地心東兜折而北流轉東入震澤界支流歧出東

入潯溪北入稽五漾

福積港 上承三里橋港南來之水東流過小橋村北分馬家

兜又分東又東為白漾北分潘家兜又又東經福積橋

丁家港南分菜又東北分莫家灣過姚家灘南分戴家兜南北分流北流

為彩虹橋港南流為嘗三圩西港

嘗三圩西港 分福積港水南流支流東出為潯溪河嘗

三圩西港又南東分朱墳兜與永安橋港接合流東出為西

志三 河渠

十三

木行港

西木行港 北市河西岸第一支港永安橋港與嘗三圩

西港合而東流為西木行港又東至北十字港與北市

河會

潯溪河 北市河西岸第二支港分嘗三圩西港水東流

出潯溪橋入北市河溪小水曲下有泉穴水極清澈取

以釀酒最清冽潯酒因以得名按此河明時始開通而

也

姚景燾夜過潯溪河晚晴秋已暮積雨漲溪痕雲淨

江天遠烟凝草木昏暗蒼吟古墓寒月弔荒村四顧

無人跡淒淒欲斷魂

董懋昭早行溪上寒雲曉日尚蒙籠疎樹遙村淡似

空忽悟西風夜來緊枯萍盡聚板橋東

張樹培潯溪河潯溪溪畔徧桑麻溪上人家傍水涯

釀得黃柑霜後酒晚風輕颺一帘斜

彩虹橋港 北市河西岸第三支港亦稱北潯溪河分福

積港水北流入彩虹橋轉東至竹篠匯入北市河北分西

諸水流注市河

者至此盡矣

十字港 在中市通津橋西清風橋南明月橋北運河與

南北二市河交午相貫處

志三 河渠

十四

曹仁虎潯溪竹枝詞港汊縱橫盡水鄉菱歌隱隱起

迴塘清風明月何曾改依舊雙虹跨水長

董載昌潯溪竹枝詞市樓燈火映波紅十字中分處

處通一水盈盈不得語郎家明月妾清風

南十字港 在南柵便民橋北東西兩交界壩橋之間城

壕西來司前港東出與市河交午相貫處

北十字港 在北柵柵橋北蓮界橋西西木行港西來

百間樓港東出與市河交午相貫處

蓮溪 在東柵薛家漾東俗名荷花池頭

董懋昭蓮溪吟稿序錄溪方可二畝許中多蓮故以

蓮名之溪上大宅先王父芝筠先生故居也王父退老此溪之上憶自垂髫上學每晨隨諸兄後詣王父書室則咸屏息徐步雁行立拱揖而退不敢妄出一語昭冠偶墮地王父亦莞爾而笑不之責也迄今二十餘年來課諸弟妣于溪側則吾家已日就衰落不復昔時景象溪北故有槐二株今僅存其一兩岸垂柳成行今亦變爲桑畦菜圃矣

董友松蓮溪夜步蓮溪風月夜夜靜石堂清月照溪生影風迴蓮有聲香沈忘鶴夢蛩怨冷暹更烟霧青冥處蕭然碧玉京

志三 河渠

五

董熄過蓮溪有感示舍弟鑑平繡原五柳先生早決幾人亡剩有柳依依稚孫曾奉掀髯笑拈罷私懷退筆歸○衣得新荷牽伴侶籠他蟋蟀鬪輸贏溪邊長憶兒嬉事三十年來半死生

又過蓮溪追憶鑑平圓荷碧一池小樓踞其上昔君來授經安貧任疎放余亦時時過澄懷對新漲人靜魚不驚風清柳輕颺每指釣遊地兒嬉非一狀荏苒三十年爲師各顏抗吾衰早積唐而才與齒壯方當絕塵奔秋駕不可量何意偶西征存沒頓悲愴化鶴不復歸援琴怨孤唱行跡綠苔間獨尋何所向

董恂潯溪棹歌不村不郭占清幽水閣窗開面碧流吹得薰風纔幾日白荷花放滿池頭

瑤溪 在北柵外姚田

吳山秀瑤溪八詠環水茫無際渾疑一島孤祇憑雲作岸絕少路通衢辛苦營巢燕飄零逐浪鳧心安隨處好鹿豕盡吾徒○荒墟唯鳥集窮巷少人行隔岸雙橋跨虛舟一渡橫女編蘆代織農種水爲耕難得村醪熟常時醉不成○北尋雙塔寺南望兩河橋宿雨片帆重平波三里遙秋淤穿荻筍春漲沒菱苗蓑笠吾方辦不辭漁父邀○千帆來北渚一鏡苑西湖

志三 河渠

六

量水分菱茨開門放鴨雛盤餐魚市集烟雨米家圖合有元真隱棲遲興不孤○亭前誰載酒橋畔自提壺屋北雙峯翠牆東半畝蔬與花分主客聚石當生徒永日消書卷真成槁據梧○斷港孤村僻通波十里周蘆中人在水岸上屋牽舟霜月哀鴻雁沙汀狎鷺鷗雙扉終歲掩蹤跡絕羊求○叢祠簫鼓沸傀儡舞偏工南菴時讀本偶戲以酬神時聽迎神曲難回仗佛風陳牲集漁父散社醉村農利市邀三倍空嗟吾道窮○不成行列樹自落子開花草辨君臣藥藤延子母瓜瓦盆長貯酒蔬譜足傳家五日花豬肉臨溪喚小艇

石澗 在南柵以北岸有眠牛石得名一名曲港一名曲江一名九曲里

董蠡舟潯溪棹歌一棹延緣石澗過華園秋晚起菱歌遠偏廬圮生綃斷古木叢篁畫意多石澗菱歌為十景之一

董恂潯溪棹歌石澗灣灣九曲環村娃打槳采菱還清歌唱到斜陽暮秋老漁汀鷺激間南潯十景有曲江菱歌

划船漾 在南柵外三里簡五塘東烏程震澤東西交界稽五漾 在北柵外震澤縣界一作居吳漾一作軍吳漾

一作金魚漾一作雞魚漾荻塘以北諸漾稽五最大按以軍吳之名指為吳王屯兵處無據蓋在稽五圩之北故名漾地屬震澤而與烏程接界漾南之稽五圩屬烏

程又為潯鎮諸水下流故仍載入 志三 河渠 七

明董說軍吳漾秋漾荒荒白軍吳事杳茫詩緣隨窄艇風信委枯桑泥塔雙橋串驚濤破寺當因之話黃鶴樓勢等孤翔

釋正提泛軍吳漾一委孤村烟裏過數圈嫩綠插靈籤遠山雲迸離奇翠一幅瀟湘畫裏添。艣勢控開雙燕尾鴨頭撐出蓼花汀長天皎潔無渣滓秋水相連別樣青

紀官雪後舟行軍吳漾何須更築望山臺縹緲羣峯盡載來漾口幾枝無葉樹村梢一角欲開梅莊嚴野

寺俱瓔珞珍重寒爐撥冷灰放鴨船邊冰未解竹篙攔陣忽然回

紀端軍吳漾扁舟湖上憶鳴夷折戟苔槍遠莫追堪笑吳儂真短淺爭看畫舫載西施

董涓十七夜軍吳漾泛月寄文若中秋把酒書樓上今宵又泛軍吳漾一葉舟從鏡面行絕勝醉卧梅花

帳人生到處類飛鴻雪泥爪記常飄蕩漁燈閃閃遠岸明蘆花片片秋空颺恍如萬頃碧玻璃水色天光

兩清亮前途極目杳難窮自在中流頗蕭放扣舷揮槳歌滄浪聲散淒風隨野曠夜來露重浴蟾蜍天公

眸子無纖障此時安得謝元暉彎陸蓬底相酬唱董載昌潯溪竹枝詞居吳漾畔徧菰蘆蟹斲漁標不納租此去太湖無十里眾船聘得陸家姑

董蠡舟潯溪棹歌北匯秋深蘆絮殘星星蟹火照波寒居吳漾口移舟宿十輩尖團供晚餐

拜三漾 在北柵外三里古澗港東俗名湖基漾薛家漾 在東柵司前港西來皇御河北出東接蓮溪南

通墨溪十字交匯下有泉穴水極清深亦稱雪漾木瓜漾 在南柵嘉應廟前

徐家漾 在南柵白鷗兜南

志三 河渠 六

丹黃參日臣全書 2 反之句

蔡蕩 在南柵外二里簡五塘西一名草蕩漾按鎮東北有蔡家蕩

與此別

明董份夏日與諸君避暑蔡蕩漫擬當年河朔遊偶

攜佳客放扁舟天高月上夜如晝水闊風多暑欲秋

簫管拂雲來別墅酣歌達曙傍中流若知世外須臾

樂肯羨人間萬戶侯

明董嗣成紀子達子修昆仲夏夜相邀蔡岩玩月醉

後放歌青松軒下微雨收清風六月涼如秋明月斜

銜碧雲裏赤日半落西山頭主人不辭酒百斛清宵

擬作乘槎遊乘槎蕩槩出村口小溪夾道垂楊柳侍

志三 河渠

九

兒初返採蓮船玉腕纖纖進新藕擊楫行歌出畫橋

紫簫曲曲度蘭皋蒹葭風靜湖光白星文不動青天

高青天倒映湖光裏鮫人龍女聲嘈嘈散髮一呼數

斗盡河朔空復稱英豪千年劉阮已寂寞即今此樂

輸吾曹尊中已空不足恣酣暢又有輕舸送新釀中

流宛轉夜未央狂來大嘯踏高浪相逢總是高陽徒

此時不飲何為乎青春一去不相待富貴可得常在

無浮生碌碌竟何事雙鬢辭我先別枯飲君酒為君

壽惟願清風明月對金尊與我相隨同白首醉眠不

知天地復何處但見星辰歷亂在我手

董蠡舟溇溪棹歌老漁吹火水中坻西莊村邊晚飯

炊瑪瑙四垂天澹沱雨晴蔡蕩放鷓鴣明余津溇溪漁唱詩蔡蕩

天孤碧四垂雨晴正好放鷓鴣

黃家蕩 在南柵師古橋南

白果潭 在西柵朱家墳前

仙液潭 在西柵紀氏秀水墳前亦名半月池潭底有三

泉涌出如品字每歲十月朔鯉魚集此里人網取頗多

夢華潭 在南柵本名秤鍾潭亦作寸池潭明董說居此

改名按舊志皆作硯池云相傳梁昭明太子讀書處附會無據

明董說行藥夢華潭口吟立西南角潭秋雲亂生浦

志三 河渠

十

思前夜釣樹露別村晴記補竹籬缺私拈客句評醉

漁歌正好再轉後溪行

又夢華潭即事用非翁疎字韻白豆花陰藥杵疎閑

忙為曝舊藏書浮名徒益九重障草木曾參七不如

秋園縛帚難供埽石壁纏藤合受梳擬繫小溪通釣

艇從教野史補河渠

又夢華潭謠鴨鵝生貧而嗜書一日遇南宋舊本紙墨既繁還書長懶故託為書賈愁望之

聲夢華潭口石窗窗枯柳身欲拜秋水夢華潭泊鸞

書舟客望殘陽立柁樓立柁樓見書屋菊籬中人抱

書哭

方能潯溪竹枝詞一泓淨綠水拖藍牛飲荒汀百不堪莫借晴明誇硯沼祇今但曉秤鍾潭

董載昌潯溪竹枝詞陌上花開三月三相邀女伴寸

池潭踏青無數匆匆去明日清明欲養蠶

范錯潯溪紀事詩夢華潭口晚風吹一抹殘陽柳影

欲舊事嘉隆傳韻語恍聞閒話水天時夢華潭口聽

容話嘉隆間大內舊事詩十首

夢石樓潭 在補船村豐草庵翁董說管夢登石樓故名

捨身潭 在南柵嘉應廟前按今漸湮塞舊傳崔李二承事自沈此潭乃里俗謬說

倉潭 在東柵明董氏所開以泊租船

卷三 河渠

西林潭 在西柵西林古刹後

范莊池 在馬家港范莊水甚清大旱不涸湧幢小品云廣十畝按今池分爲二較小于前矣

池分爲二較小于前矣

曹仁虎潯溪竹枝詞范莊小沼碧粼粼卜宅當年種

翠筠可惜五湖輕泛去不曾同住浣紗人

董恂潯溪棹歌滿沼荷花映日紅范莊池上坐荷風

阿儂只愛池中藕多與西施臂樣同南潯十景有范莊蓮沼

鳳凰池 在西柵紀家壩港西北池盡處有二泉旁出

明華士嶠李振業移家南林鳳凰池春日過訪賦贈

小築菟裘隔市喧開雲擁戶日高眠短牆風折梅枝

瘦曲徑春深筍稚鮮濁酒儘拌詩似自空亭堪寄草成元修篁應自來棲鳳紫氣遙占豈惘然

放生池 一在極樂菴一在東藏寺南今並無攷一在長

生寺前亦名長生池亦名挂瓢池俗稱魚池涇荷花頗

盛一在報國寺前亦名南林池或云卽鎮學泮池也

董漢策放生社冊序錄節家倩沈子子兼集同志爲放

生社蓋欲與飛潛同保此生也

又放生弁言錄節此翁禪師與家江屏閩仙輩結放生

社潯水淪漣飛柁上下吹沫鼓翼極乎霄淵

明董斯張張泰氏於報國倡放生社欣然有賦入界

志三 河渠

三

曠求我迎照藹不殊元黃自相血靡哲而弗愚居士

平等慈齋心澄物初風澤無二觀心腎爲江湖文波

停畫梵鱗者還其居解斯蕩析懸至仁消响濡中林

懸日規萍藻相與舒飛沈在天地往來於一如浩焉

川上機樂我了非魚

董漢策極樂菴放生解網開籠今日鷺寒痕月路望

中微碧天極目升沈趣漠漠長烟鳥自飛。微波澹

澹行花新澤國初占魚樂春傳說江淮多草食唬號

還有路傍人

董耒塔院放生社詩爲此山和尚賦品物同天賦淒

然各性情莫將鮫室淚滴向藕花城蜃氣連雲黑蝦
瞳翳水明濛梁園舊社願借遠公名。澤國新波及
江天夜雨深冷他調鼎手閒殺羨魚心鱗尾離塗炭
修馨切梵音猶將枯肆泣彈入伯牙琴

〔丁蟾長生池觀白蓮〕數弓池匝梵宮寬玉蕊香浮露
未乾淨土一般朝涌出霓裳萬隊夜清寒花容倒暈
長空空水色澄心止觀觀小住渾忘炎暑逼閒鷗時
掠水晶盤

〔張鎮潯溪漁唱〕菴遺豐草夕陽斜一曲溪橋楊柳遮
若箇幽情忘未得挂瓢池畔看蓮花

志三 河渠

愛蓮池 在大宗伯第內西有小兜通後河

義井 在南柵嘉應廟大殿前明隆慶三年重開

眞武井 在北柵善菴內亦名七星井

〔張模潯北七星井記〕節錄余家潯之北其地舊名井臨
頭亦作井陵頭西北數武有廟數楹額曰北聖庭西
檐下有井一闌鐫八字曰坎水制火永息烽烟旁鐫
小字三行曰乾隆五十捌年吉旦信官溫雲臯重開
井泉住持南蓮建其背更鐫坎水八字較前差小訪
之故老曰此處舊有井七焉曰七星井皆不出數十
武外今多湮塞莫能指其處惟此井獨存而重浚時

曾植七星旗一桿於井上以存其遺復訪餘井處有
言廟牆外西去數武昔有一井約略可辨而余家後
屋曾聞跨井而建則又爲二井其餘四井數年來屢
求不得其處余因歎舊蹟之不彰紀載闕如年代莫
考而重開茲井者又未詳溯其顛末因謹記之

木瓜泉 在南柵木瓜漾西毛家橋北境岸址有泉旁出
一線泉 在西柵妙境庵兜底水涸時土窟中有泉流出
涓滴不絕水漲則隱一名竹雪泉

〔張鎮潯溪漁唱〕纔過詩橋妙境菴祇園鐵佛舊曾詣
泉飛竹雪清如許活火煎來活水甘

志三 河渠

董蠡舟潯溪棹歌 太傅祠堂枕碧川春波清淺僅通
船船屑炊火烹新茗耐得涓流一線泉

水利

談鑰吳興志 郡地最低性尤沮洳特宜水稻又田疇必築
塘防水乃有西成之望潯則以車出水旱則別入水今
郡境東南鄉分延袤百里田舊有圍塍岸歲修崇固悉
爲上腴畝直一金舊諺云諸郡早我有岸諸郡熟我無
穀今不然也。太湖舊有沿湖之隄多爲濃濃有斗門
制以巨木甚固門各有牖板旱則閉之以防溪水之走
泄有東北風亦閉之以防湖水之暴漲爲利浩溥後漸

堙廢頗為郡害

徐獻忠吳興掌故集湖州運河東達平望幾一百二十里

太湖之水半泄其間按此以運河為太湖下流誤自運河以南諸溪

港經泄之處為民間所占日漸狹小而上源諸漾積受

洪流之處漸至填塞為蘆埂圈築為藕蕩者又不知其

幾也是可不為厲禁以防閉之患哉。元周文英三

吳水利云蘇湖常秀之田高下不等大率低田十有其

七高田十有其三吳越錢氏之在東南專享此利蘇州

有營田軍四部共七八千人又有撩淺夫專為田事導

河築堤以減水患於是歲熟錢五十文糴米一石。元

志三 河渠

五

潘應武言浙西道自歸附官慮哨船入境擄掠鄉村將

河港釘斷亦有築為壩者所以水流不疾不能滌去淤

塞。忠按成化九年添設蘇松常嘉湖五府勸農通判

所屬縣縣丞各一員近復革去今世冗官理應裁省者

甚眾惟勸農官獨不可少所謂勸者專管水利以興農

功者也蘇松在震澤下流淤澱日甚吳淞江已為平陸

而稅額日重加派不息吳興居於上流其入太湖之水

既為吳江所遏壅則其南向之流所係亦甚重而圈為

菱藕之蕩塞為桑麻之區日益加多苟無專官治之其

誰已哉

董斯張吳興備志方道通判平江府嘗論太湖高于運河

當疏雪川浦漉之要者庶無仇歲後湖府得其說為之

果有功焉樓鑰攻魏集。嚴訥論水利圩圖今天下以墾田

當司農鉅供者蘇松為最蘇松介在湖海厥土塗泥利

害以水圩岸者所以堤水而田即周禮稻人匠人所掌

塗防者也田甚下濕岸則陡立如城河循其外而中田

焉不在田雖芑芑起矣而河流猶出其上舟行者蓋俯

而窺焉岸或咫尺莫禦而田且沛澤矣其田之最高阜

去水遠而水不及溉者則終古為鹵田在上下壤之間

土厚而水深則號膏腴以其得水蓄洩可為旱澇備而

志三 河渠

六

所為能蓄洩者以有圩岸耳歲苦旱則河之水續枯椽

而上以入于田河不龜坼田不乏溉歲苦潦則岸水出

于河而岸障之雖勞人力不盡待命于天自三江道湮

疏濬失宜恆雨注積而無從尾問也水襲于岸寸許而

膏腴田為巨浸不能與下濕者論良瘠矣且圩岸之有

無其利害彰彰也農民櫛沐蓑笠室竭力于田而婦

子懸命焉備束手于一朝之患號呼奔走其傍痛莫之

救而獨不為先事之備余怪而究其說矣每圩田畝姑

以千計田其中者姑以百計百家之中有十不協力而

九十家者修築之無益也農雖值有年僅給俯仰困于

澇而轉徙者眾矣宜未暇為圩岸計岸土取于田岸寬則田窄小民愚不察其損小而利大也續文獻通考按此無

預湖事然治水者以湖治湖不若以三吳治湖也此則

論圩田極詳張故備載之按水鄉多低田故其害澇甚于旱而其利亦泄于湖以

宣下流固圩岸為要務湖與蘇無異也董氏備載此論旨哉試以所聞所見者論之嘉慶九年之水大矣道光三年尤大而二十九年又大于三年

豈非河身日淺圩岸日低之明驗歟

朱國禎湧幢小品隄之功莫利于下鄉之田余家湖邊看

來洪荒時一派都是蘆葦之灘却天地氣機節宜有深

有淺有斷有續中間條理原自井井明農者因勢利道

大者隄小者塘界以埂分為陸久之皆成沃壤今吳江

志三 河渠

人往往用此法力耕以致富厚余目所經見二十里內

有起白手致萬金者兩家此水利築隄所以當講也

鄭元慶石柱記箋釋環湖之水悉注于太湖微太湖民其

魚乎所謂導水以疾趨太湖者水之道也決之而已矣

議者謂木簾魚簾皆儼之類皆能禦水亦一說也

其事固在蘇松張鐸府志○按三吳之水利在下流而吾湖

之水利在澇港自宋迄元代有治績永樂以後自監司

以及郡縣俱設有水利官專治農事每圩編立塘長即

其有田者充之歲以農隙官率塘長循行阡陌問督其

築修圩塍開治水道水旱之歲責其啟閉溝缺時其守

護而檢報災數焉迨至中葉農政不修水利官漸次裁

去所謂塘長者徒以勾攝公事起滅詞訟而已違問其

為水利哉近年沈樂存侍御上疏請開太湖下流并澇

港章下所司勘覆不行因作東南水利編大指以為湖

水為患要在疏橋口以出江濬江以達海而湖州所屬

各澇港築隄置閘以捍風濤亦與疏濬相表裏要言不

煩可當石畫也

張鴻鶴南潯文獻志潯鎮西來之水由湖州府城定安門

合迎春門沿東塘而至南來之水由烏鎮而下其源皆

發天目按縣志南條之水發源天目之陽西條之水發

志三 河渠

源天目之陰南自定安門而入曰雪西自清源門而入

曰茗合于江渚匯總名雪溪其巨流出臨湖門支流出

迎春門雪溪之水出迎春門按沈登瀛備志云郡中之

源門至於江渚匯自南來者曰前溪曰後溪曰北流

水三水會于峴山漾入定安門至于江渚匯然後謂之

雪溪今人誤以打柴灣為倒雪灣謂雪水自南來又誤

以開水橋為雪水橋謂雪水自西來至于茗溪發源廣

茗山在天目山之陰今人附會茗水自南來創為南茗

之名殊不知山海經浮王之山茗水出於其陰未嘗言

出於其其支流至塘北分注各澇港其巨流東過潯溪

入吳江之鶯脰湖東南入嘉興秀水桐鄉諸邑烏戍志

鎮水發源天目山之險潭歷茗雪二溪自涵山東流其

在西柵者一股由通湖橋而北達南潯總之潯鎮諸水

其來也西南皆以蒼為源其去也東以鶯脰湖為委北以太湖為壑按此畧本薛溪文獻又云昔自在湖雲也今攷涌山之水固與鶯無涉且烏鎮來水至穿珠灣即折而東流實不至為烏成志誠誤也後人誤會文獻之意并謂鶯水不至為烏運河中亦無鶯水乎大謬

胡承謀湖州府志湖之東塘往來要途河直而狹洪水驟

漲數至踰岸築之宜高然無波濤衝激故邊可石中可

泥閘亦丈許可也丁元薦湖塘遺議。據烏程縣詳稱太湖為

湖郡下流若鶯諸水俱以湖為匯歸其上流出水之濶

港不無壅塞一遇黃霽陰雨山水旁溢自應少為疏濬

若必開濬深廣恐遇旱則太洩而車戽無從遇澇又恐

志三 河渠

其

湖水泛漲而疆理可危誠不若略為疏通順自然以備

蓄洩倘入海入江之下流毫無阻滯則湖水不致泛漲

而湖郡無水患矣范承勳覆開太湖疏○按此論蓋不

深通為慮又諉諸下流天下流宜通而濬港則不可深

廣此何理厥如其所言是濬港之設有善而無利矣不

羅懋烏程縣志自東關外至平望官塘若鶯諸水皆歸于

塘北進濬濱而至太湖其塘橋內支河現在通行而淤

淺者十之五六向因兵燹盜賊築塞不通者十之三四

即宜早為疏濬毋使附近豪猾分踞網斷東塘之水港

不通即有濬瀆難洩童國泰水利條議

董世圖烏青鎮志昔吳越天寶八年置都水營田使以主

水事募卒為部號曰撩淺軍談水利于今茲撩淺誠為

急務但恐奉行不力有名無實則徒費錢刀耳蓋募夫

供役取辦于富戶部夫督役責成于有司二者皆非所

樂必致阻撓而後已張履祥云耕者各浚其田之際其

不耕者田主給其食佃戶出其力惟閒曠之所乃用眾

力在經濟經在支濬支有司警其頑惰自私梗令異議

者分界刻期以鳩羣作不及一二月在在皆通矣見張

集。置水柵所以備寇盜也鎮四隅設柵立法非不盡

善然承平日久怠玩相循所稱建柵局閉者不審地勢

志三 河渠

其

之要害僅于市梢橫一短木雖有鎖鏈都不堅緻歲久

聽其木朽腐而並不更易宵深而閉未且而啟猝爾有

警詎堪防禦況港汊既雜逐路可遁不必盡由柵也即

扼要之處有橫木以拒之而乘更闌守望之疎亦不難

毀而入耳昔者禾郡太僕李實君有言曰置柵當于離

鎮半里許查有小水接連大水緊切去處兩邊密釘椿

木四五層中作水門一通船出入鎖鏈務須堅鉅點附

近殷實之人編定工食從厚給與于柵之左右地面構

屋數椽令彼棲守仍于各柵口安置橫木以時啓閉此

後即有綠林竊發能斬柵而入乎縱使得入看守者力

不能敵亦可從陸路抄至第二層內柵邊呼集居民助其聲援則以眾禦寡兼之入而難出勢即成擒所謂重門之險也柵成于冬月水涸時逐一看驗損壞者輒行修補則民無探丸之恐官免捕緝之勞太僕雖為嘉郡言之而變通宜民實有規異勢而同形者仿而行之未始非守土之良謨也。盜賊往來利于捷莫捷于撻船蓋撻船用槳而不用櫓一船僅容兩櫓用槳則一葉之艇槳愈多則愈速且手持一槳便于回旋即可當器械以拒追捕之人其害不可勝言予承乏茲土洞悉其弊條議陳于監司一切撻船概從禁止船廠不得製造

志三 河渠

其現在者改短船身用槳者易而用櫓則已成之舟不致宿于無用而草竊奸宄之徒亦不能借乘流之便捷而恣行梟張爾

沈彤震澤縣志熙甯三年郝亶上言古人治低田之法或五里七里而為一縱浦又七里十里而為一橫塘因塘浦之上以為隄岸使塘浦闊深則水流通而不能為田之害隄岸高厚則田自固而水可必趨于江非專為闢其塘以決積水也。隆興六年李給獻治田三議曰敦本之法要在治田若但知決水而不知治田則所開浚之地不過積土於兩岸之側霖雨蕩滌復入蕩浦不五

七年填塞如舊前功盡棄矣。治中史鑑議築隄常於春初編集民夫每圩先築樣墩一為式高廣各若干尺然後築隄如之其取土皆於附近之田又必督民以杵堅築務令牢固隄既訖工令民甯泥填灌取土之田必使充滿復於隄之內外增廣其基名為抵水蓋隄既高峻無基以培之則歲久必頽矣

志三 河渠

金友理太湖備攷周永年水利書論水于江北則利在漕論水于江南則利在田欲求水之利先審水之害害在淤塞則利在疏通害在泛溢則利在停泓而泛溢之病又根於淤塞其要不出蓄洩二字故歲修之計無如深其浜濶高其岸塍如治田之法治水深者益深則流疾而不至上涌高者益高則防峻而不受潰入。震澤縣志水之為物惟下之趨惟隙之乘諸濶大通則水從諸濶入湖諸濶半通則半從諸濶入湖半從荻塘爛溪等處四散東注從汾湖三泖白蠟江而歸於黃浦按今日水勢如太湖之水略小耳未必諸濶淤而湖杭諸郡邑必遭沈溺然諸濶之淤不可不開也此不必責之官而責之民亦不在一時而在平時責之民則惟其所便田可溉而舟可行無餘事矣在平時則歲歲可修潦則置之旱則開之勃日則置之暇日則開之功無已時利無盡日

矣。自大錢以東諸澗港之上流皆從荻塘來荻塘之水初不直下澗港距澗港四五里或二三里又有橫河一道自西而東屈曲以貫澗港之端上承荻塘諸橋港北下之水分入諸澗港以下太湖。震澤縣諸港上流皆自烏程縣界來其在荻塘之北由湯澗等涇來者入境為泔溪為南渡船港為豆腐港東瀆為虞家漾白田漾西漾又為蔡家蕩其由荻塘九里六里等橋來者入境為夜字港雨字港北瀆為唐蒙漾東為蔣家漾斜尖漾其由南潯荻塘三里北涓二橋來者入境為古澗港瀆為稽五漾以上諸水散入薛埠諸港下太湖其東出

志三 河渠

一支為橫草路最深闊。凡湖州東境杭州北境之水之歸太湖者無不經荻塘而北下蓋眾水之樞紐湖口之綱領也荻塘以北之水為漾為蕩支派紛錯及歸於橫草路又合諸水而為一欲確指某水從某港下太湖條分而縷析之雖士著亦不能辨

王鳳生浙西水利備攷湖州百川叢錯而要以苕霅二溪為總貫全憑北面澗港歸太湖以為蓄洩又支分而東由南潯之東塘烏鎮之澗溪而出平望鴛脰湖故九霞山長云吳興之水不患其源之不通而患其流之不洩凡蘇松興利之處即吳興去害之由斯言可謂扼要矣

○烏程之水由東塘抵南潯出平望又自東塘支分而注于北塘由北塘屈曲而趨于各澗港歸太湖南潯西柵東柵出水則瀉于北雁橋陸家漾金魚漾自此盤旋而北或縱或橫分注各澗港以歸太湖。總核大勢烏程西南二方為七邑下流之數惟賴北有太湖以為蓄洩東由運河而注鴛脰湖東南由澗溪潯水分瀉于秀水震澤故童國泰水利條議云譬諸人身湖郡咽喉也太湖腸胃也入湖諸港壅阻既多如咽喉抑塞不通則腸胃四肢均受其害若水來西南沙阻東北勢將泛濫橫行旁溢四境為害可勝言哉

志三 河渠

范錯潯溪紀事詩注明世宗實錄嘉靖十八年九月丁巳添設浙江湖州府通判一員于烏鎮駐劄主緝捕盜賊兼管治農水利。鄭準開國集宋慶元間袁說友言浙中陂塘澗瀆悉為田疇水則無地可儲旱則無水可厚不嚴禁之無復稔歲然則淤水為田利少害多可見矣。○茅氏曰熙寧七年興修兩浙水利議者謂苕霅二水出于天目之山而溢于太湖書曰三江既入震澤底定今二江並廢獨一松江入海故太湖之水壅而吳興被患遂欲廢北關長安二埭上塘之渠與下塘相通又于餘杭之南湖引苕溪之水達于漕渠穿錢塘之市而入

于江以紆吳興之患時多以為然部使者檄餘杭主簿
葛書舉行視書舉以為吳興之水歸于太湖太湖廣袤
四萬八千餘頃旁占數郡其所灌輸非獨若書也書稱
三江震澤說者不同就如議者之言則尋常溝瀆之流
豈可以比二江之任祇益紛擾耳且錢塘二埭其來久
矣大役之興古人所重固執不可議者不能奪其事遂
寢故龍圖閣直學士李公常時守吳興聞書舉之說貽
書嘉歎部使者亦交薦之今吳之諺曰攤了長安塌沒
了吳江港見上港之必不可通下渠也萬曆戊申餘杭
南湖堰壞蘇湖俱成大浸撫軍移湖守陳幼學兼治之

志三 河渠

三

而定若非葛主簿則湖久為浸矣按此條可為妄言妄
作之鑒昔宋柳宜郊
僑父于言三吳水利極詳而沈氏震澤縣志舉其說而條辨之以為後鑒亦此意也萬言曰崇
禎元年蔡懋德疏言三吳水利之不興已數十年吳淞
江入海故道化為平陸矣白茅七浦鹽鐵等洩水大川
僅存一綫矣止劉家河尚通而泥沙漸淤亦非故迹所
以一遇淫霖太湖西來數郡山水奔注蘇松下流無從
宣洩數百萬頃良田悉成巨浸夫臣鄉雖居一區財賦
半天下況今邊警需餉仰給東南尤為至急至切及今
不治患日甚一日災祲易乘蠲賑難望小民皮毛俱盡
猝有他虞即國賦將安所從出耶

張丹山潯錄三吳澤國外鄰江海內迫太湖故吾鄉之旱
潦半視震澤之通塞以為準南潯北距太湖二十里而
近固宜究心水利已故湖州府通判衙門駐劄南潯亦
稱鹽漕水利然則運河之淺深漕港之蓄洩是其專責
嘗攷明周文襄忱守蘇時嘗講圍田築塘立閘旱潦啓
閉之法而談鑰吳興志已早言之余少時聞故老傳說
直北諸圩皆有夾塘今人皆怠惰廢弛不復修整一遇
旱潦倉皇厚救率皆不及此大病也愚意以為今夾塘
之有根腳者於春間或水淺時先令鄉人放蘆傍種楊
樹俟其長大繁茂漸灌以上年年和補久築實不數

志三 河渠

三

年而成隄矣按張氏為此說以築隄取土不易也每見
積處若即用以築隄
斯真兩得之計矣隄成之後視其圩岸之淺薄者匯
角之孤單者兩面增築水潦時固藉以堵塞而漸和漸
闊樹以桑枝其利亦溥按或疑隄多則容水之處少恐
不患其無所容也再圩之四圍得此藩籬於其進出之
口施以水柵設以閘板旱潦藉以無虞村落因之保守
最為吾鄉水利要務官斯土者每於冬末春初時出巡
行相其高低察其勤惰量為獎誘亦未始非古人勸農
遺意至于立閘之法大約高者大者仿長興孝豐之制
用石尤堅固耐久低者小者仿太湖漕港之例用木而

其立開之費則照旧起派資之田主一切放蘆種樹填泥帮岸之事責諸佃戶立有成規垂諸永久洵平官民並利惠澤無窮矣

施國祁志感攘熙曾記旦朝同晏市驚遲日過中寬

渡晨裝殊緩緩還家夜擔更匆匆太湖樓工久圯時不能行舟淺處且不通波諸樓航人泊舟濠口以待入市者每望晨負擔而出迂道至步下船遠或四五里是以爲市日晏歸棹率在昏夜又必轉見愁渡塞津搬什物燃炬尋路至家農民甚苦之

搬苦况忍齋荒水利空宋胡安定先生澹湖學時曾設水利齋得似肯

庵賢太守李公名堂重尋二十七常功案二十七渡名豐瑞慶福禧和裕阜通惠澤吉利泰興富足固益濟皆冠以常字見石柱記箋引湖漣記

沈堯七古一章用愈愚韻贈家柳橋雨多川溢水相觸防患誰先改突曲兩淮荆湖灾較重饑民形面皆

鳩鵲錦江杭稻足支移千里雲帆轉夔蜀吾鄉地下北濱湖南來茗水源天目運道所資有荻塘衝處菑

石捷以竹近日棚民墾山地泥鬆和雨下山腹填塞溝渠思非細人尤凶悍性不淑湖州以西一帶山近皆棚民墾種尤多植包穀一孝豐人云山多石體石上浮土甚淺包穀最耗地力根入土深使土不固上鬆遇雨則泥沙隨雨而下種包穀三年則石骨盡露山頭無復有土矣山地無土則不能蓄水泥隨而下溝渠皆滿水去泥留港底填高五月間梅雨大至山頭則一瀉靡遺卑下之鄉汎濫成灾爲患殊不細山頭則一瀉靡遺卑下温處流人初至時以重金啗土人賃墾山地賃之錢倍於買值以三年爲期土人不知其情往往貪其利

志三 河渠

三

三年期滿棚民又賃墾別山而故所墾處皆石田不毛矣流人之來益衆則棚益廣西接國北至江甯南且由徽州縣延至江西福建凡山徑險惡之處土人不能上下者皆棚民占居性因悍強墾人士或掉人婦女畜產土人不敢校官吏不敢詰

下流况又太湖淤菱蘆彌望包山足洞庭山東南湖面近皆成菱蕩舊時山離南岸

隘處纔四五里湖而淺狹水無所容害將不可勝言舊時言水利者皆以濬湖吳淞江爲要今則當以開菱蕩爲第一義蓋菱蕩山源不蓄湖復淺汎濫將如不聞吳淞雖濬無益也

令議修塘淫流奔放防溪谷斂錢富民事豈易司役

惟君見免俗君本儒者治見聞冥心水利搜曾獨勸

君努力重下帷膏澤他年霑草木

按水利之言繁不勝錄今即舊志并府縣志及鄰近諸志各摘數條不復引雖俱有關於一鎮而不能專屬一鎮故附河渠之後要之論水利于吾鄉可一言以蔽之曰以治田之法治水而已雖然昔人有言水利興而水害益烈是又後之論水利者所當深長思也

志三 河渠

三

補遺

周家漾 在北柵外後築為臥塔

蘆蕩 在釐里西南

長池 在東柵外分鄉墪側

志三 河渠

光

街巷

注曰楨撰

南潯鎮志四

東柵上塘 自清風橋頭向東為大街經大橋北墪又

東至董宗伯第前俗稱大門前又東至通判署前俗稱三府前又

東經官房街南口又東經新橋北墪又東經混堂街南

口又東踰東弔橋為百間樓口又東經沈家街南口至

晏公廟前又東至董宗伯祠前俗稱東祠堂前又東至總管堂

前又東沿塘路至極樂庵前

東柵下塘 自大橋南墪向東至看牆頭即宗伯第隔河照牆經看

牆街北口又東踰留嬰橋為船場浜口南通船場浜留嬰堂前又

東踰警園橋為皇御河口南沿皇御河踰警園橋通巡檢司前又東至董

進士祠前俗稱牌樓前又東踰三板橋為倉潭口南沿倉潭通荷花池

頭又東經新橋南墪又東至馬家匯迤南為馬家港口

又東踰馬家橋迤北又東至石鋪里又東踰三楊畝橋

為船廠頭四牌樓前又東至撞塘壩

西柵上塘 自清風橋西墪向西為壽星街又西為務前

經西莊家街南口又西經石家街南口又西經垂虹橋

北墪踰西弔橋又西經妙境小街南口又西經妙境大

街南口又西至祇園寺前又西至駐防署前俗稱營房前又

西沿塘路達三里橋

邢典潯西茗水西來白似雲市梢風景絕塵氛祇園

鐵冷唐時佛仁福碑殘宋代墳一片平曠宏稻麥幾

回散步看耕耘浮生擾擾緣何事弁嶺常青日易曠

西柵下塘 自泰安橋西堤迤北向西為姚家匯又西為

紀家壩口南通紀家壩西莊村及白鵬兜踰豐年橋又西為米廊下又

西經垂虹橋南堤南通倉橋及鳳凰池又西踰沐鳳橋為樹行埭

又西至三官堂前又西至大士庵前

南柵市河東岸 自大橋南堤迤西向南為大橋灣又南

經泰安橋東堤又南為絲行埭又南經便民橋東堤蛤

吧街西口又南踰東交界壩橋沿河向東為年家壩下橋連巡檢司前又南踰定心橋至張王廟前經張王廟橋東堤

志四 橋巷

二

又南經花園街西口又南經興福橋東堤又南經蓮界

街西口又南經餘祥街西口又南經華家橋東堤東華

家街西口又南踰鳳凰橋沿河向東通土地堂前又南經南安橋

東堤東南安街西口又南踰醋坊橋南堤沿河向東踰師古橋通渡船頭

北堤沿河向東通竹園匯及太君堂前 又南經南新橋東堤又南踰黃楊

橋東通黃楊兜為戲臺頭即總管堂隔河戲臺又南至百老橋

南柵市河西岸 自泰安橋西堤向南經陶家街東口又

南為南白場又南經便民橋西堤又南踰西交界壩橋

西通城隍上又南經張王廟橋西堤觀音街東口又南踰夢

華橋為秤錘潭口西通藤里及補船村又南經興福橋西堤又南

為新開河口西通新踰鷓鴣橋又南經華家橋西堤西

華家街東口又南踰蔣家橋又南經蔣家街東口又南

經南安橋西堤西南安街東口又南至南新橋西堤又

南至總管堂前踰蘇露橋又南接簡五塘

北柵市河東岸 自清風橋東堤向北為爆場街又北踰

天帶橋為後河口又北經太平橋東堤又北經鹽店橋

東堤又北至柵椿橋東堤迤東為百間樓口又北踰蓮

界橋至葫蘆白場南北通下塘迤西又北至姚家匯北新橋

東堤踰北新橋向北至竹籬匯向南至海溪橋

施國祁遊北郊詫友人塵腥鬧厭若徘徊訪舊郊原

志四 橋巷

三

月幾回車駕雙橋塘上路郊外西岸南北兩車駕橋東去兩下村約一里西去

上林村約十里南去康王寺約七里皆因宋高宗南渡附會之說 塔池七級水中隈

郊外北新橋北西岸水際有七池如臥塔形 劉公野廟尋碑去柵外東岸

俗名莽董氏花墳下馬來又董墳俗名老墳灘有梅

尚最好斜陽迤北望洞庭金碧畫圖開

北柵市河西岸 自清風橋西堤向北經南莊家街東口

又北經太平橋西堤北莊家街東口又北踰圓通橋為

唐家兜口又北經鹽店橋西堤又北至柵椿橋西堤西與

西木行接

百間樓東北岸 自蓮界橋北堤向東迤南經少年街口

又南經醬園街口又南經長板橋東堍又南為洗粉兜口踰朱家板橋又南至東弔橋東堍

董載昌潯溪竹枝詞垂楊踈地掩清秋長板橋頭水自流分付哀絲與豪竹夜深吹徧百間樓樂工多居此

百間樓西南岸 自蓮界橋南堍向東迤南經煤矢街口

又南經柴場街口又南經長板橋西堍又南為後河栲

栲灣口踰閘濤橋迤東又南接混堂街

馬家港西岸 自馬家橋西堍向南至東藏寺前又南經

明德橋西堍又南踰長生橋達城隍廟前

馬家港東岸 自馬家橋東堍向南經北小兜口踰木橋

志四 衢巷

四

又南經朱少師第前又南經南小兜口東通范莊踰木橋又

南至明德橋東堍又南迤東達孫家壩

後河北岸 自天帶橋北堍向東經藕湖橋北堍煤矢街

口又東經柴場街口又東轉南為栲栲灣經官房橋東

堍轉東至閘濤橋北堍

永安橋港東岸 自西弔橋東堍向北經小弔橋東堍又

北經牛棚長壽二街口又北至永安橋東堍踰永安橋向西通妙境庵

兜轉東即西木行

大街 即東柵上塘東至新橋閘濤閣前西至清風橋

壽星街 即西柵上塘東至清風橋西至務前

爆場街 即北市河東岸南至清風橋北至天帶橋

務前 即西柵上塘壽星街西元明設稅務處

董恂潯溪棹歌監鎮衙空驛館遷前朝遺制渺寒烟已無酒醋茶油課猶聽行人問務前

絲行埭 即南市河東岸南至東交界壩橋北至泰安橋

樹行埭 即西柵下塘東至沐鳳橋西盡西柵

西木行 東至北柵柵椿橋西至西柵永安橋

米廊下 即西柵下塘東至豐年橋西至垂虹橋俗呼米

棚下

張鎮潯溪漁唱纔聽三春布穀鳴又過八月穫香秈

志四 衢巷

五

年來杵臼村村鬧贏得冬春入米棚

董蠶舟潯溪棹歌雞缸壇盞樣能傳雨過天青傅彩

鮮欲共東皇鬪顏色賣花船泊米廊前米廊下買衣吳中賣花者至輒聚此○按乾隆以前此地米市最盛故得此名吳下花船泊百間樓及馬家港今則但有資器列肆米市移于西木行而賣花船多泊于此矣

官房街 南通大街北通官房橋

混堂街 南通新橋北通閘濤橋

沈家街 南通東柵北通洗粉兜

少年街 西南通百間樓東北通洗粉兜俗名燒銀街

醬園街 西南通百間樓

煤矢街 東北通百間樓南通後河頭街內有煤山

柴場街 東北通百間樓南通後河頭

看牆街 北通看牆頭東南通船場浜

倉潭街 北通倉潭南通蓮溪

莊家街 東口二並通北柵偏北為北莊家街偏南為南莊家街南口通西柵為西莊家街一作臧家街

石家街 本名石街巷南通西柵北通唐家兜按舊傳唐陸龜蒙家屬

牛棚街 西通永安橋東通唐家兜

長壽街 西通永安橋

妙境街 一名大街南通西柵東通妙境橋

妙境小街 南通西柵北通妙境木橋

金雞街 南通紀家壩北通鳳凰池或云此係向時紀氏私街舊金雞街實在南柵鳳凰橋南近年已塞斷今以紀汝霖藥覺集為據

蛤蜊街 西通南柵東通巡檢司署後溪上按地名溪上而實無溪或云向有吳氏自爛溪遷此人稱溪上吳家遂并地名亦僑立焉或云舊時薛家漾較大于此地濱溪故名

司前街 在巡檢司署右南通會際橋北通溪上

花園街 西通南柵東踰花園橋通城隍廟前以華氏小

桃源園得名

蓮界街 西通南柵東通寓園前

餘祥街 西通南柵東通土地堂前俗名皮匠街

東華家街 一名通利街西通南柵東通土地堂前

東南安街 西通南柵東通太君堂前

陶家街 東通南柵西通白鵬兜

觀音街 東通南柵西通補船村鰲里及城壕

西華家街 東通南柵西通萬古橋及長生寺前

蔣家街 東通南柵西通田野

西南安街 東通南柵西通田野

洗粉兜 西通百間樓東通大幹字圩一作西芬兜一作西分兜按舊志云西施洗妝于此附會無據增修十景有洗粉花香

邢典南林雜詠西分兜不見詩人久歌傳十二紅西

分兜水潔還與昔年同

華家兜 在南柵報國寺西南宋華文勝居此得名

唐家兜 東通北柵西通石家牛棚二街

妙境庵兜 南通西柵東通永安橋西為妙境白場

董恂重過妙境場一渠新水遠孤村疎竹圍環隱寺

門回首舊游無限意夕陽芳草黯銷魂

白鵬兜 東通陶家街西北通楊家橋南為徐家漾一作

白雁兜

白雁兜

志四 街巷 六

志四 街巷 七

董熄歸潯溪卽事家臨紅蓼白蘋間枕藉清流月一

灣風雨刺船緣底事勞生輸與白鷗閒屋後兜名白鷗

又白鷗兜都無三徑能延客但有清溪可漱流魚婢

蟹奴緣底事也來分我白鷗兜

董載昌潯溪竹枝詞一樹櫻欄兩板扉浣衣穩坐釣

魚磯妾家白雁兜前住空見年年白雁飛

董蠡舟潯溪棹歌已覺鷺塵遠市闌小橋通處水彎

環雪塘艤艇飼花鴨月夜開籠放白鷗冬日販鴨船悉泊于此

船場浜 北通東柵西通看牆街一作船長浜

范莊灣 在馬家港東南

志四 衛巷

八

大橋灣 在通津橋西十字港東南

東塔灣 在東柵外運河爲分水墩所阻分瀉兩旁得此

名一作東瀨灣一作三瀨灣

范錯潯溪紀事詩風信吹殘柳絮飄一聲離笛客魂

銷塔灣東去迢迢水直到松陵第幾橋

董蠡舟潯溪棹歌東瀨灣東鴨荷停際天烟水曉冥

冥棹歌聽唱江南好滿樹流鶯半邏亭半邏亭在鎮東六里震澤

縣界

栲栳灣 在北柵通東柵後河曲處居民多以製栲栳爲

業

董恂潯溪棹歌折得楊枝又柳枝生涯十指強支持

移家栲栳灣中好聽唱迴波舊日詞

竹篠匯 在北柵北新橋西北

北姚家匯 在北柵北新橋東南

南姚家匯 在泰安橋西十字港西南

馬家匯 在馬家港西洪濟橋東

竹園匯 在南柵醋坊橋東

梅花渡 在補船村有梅花數十株今廢

蜆子灘 在南柵蘇露橋西

張鎮潯溪漁唱環溪南畔半浮家蜆子灘頭一徑賒

志四 衛巷

九

日暮鼠船齊泊岸漁燈點點隔蘆花

姚家灘 在北柵彩虹橋西

老墳灘 在北十字港東北董氏墓前

范錯潯溪竹枝詞春風酒榼好追歡幾樹梅花破小

寒翁仲無言啼鳥寂夕陽流水老墳灘

俞家澗 在垂虹橋南紀家壩北

斗門 在鰲里沈家埭

撞塘壩 在東柵外運河南岸烏程震澤東西分界

東壩 在西柵外運河南岸

西壩 在西柵外運河南岸

紀家壩 西通西莊村東北通豐年橋

孫家壩 在范莊灣東南西通九曲里

羅漢壩 在南柵外簡五塘西

上壩 卽彩虹橋西通姚家灘東南通竹篠匯

下壩 一名穀豐村南通葫蘆白場北通箬帽橋

南壩 在北柵外古渡港西

北壩 在北柵外古渡港西

西莊村 東通紀家壩西北通大士庵前南通簾里亦稱

按湧錄謂西莊村卽西林村以西林古剎爲據非
西村也今攷西林村在鎮西南近蘄里烏青鎮志云西
林村屬烏程縣有報德庵與俞塔
新城等村並列實與西莊村無涉

志四 衛巷

十

明陳忱敬夫移居西村流離憐杜老還儻灑西居水

作孤村抱門開烟柳疏衰沙移藥草帶雨負殘書世

故雖多舛南薰且晏如○溪上雲林合茅茨落照邊

奇情負山水雜興託園田老去詩真誤貧來家屢遷

茗西清絕處棲逸在何年

紀端村中夏景可入畫只在此村看比屋豆棚喧笑

語小橋流水坐團欒

董世熙西村晚步日落村西步歸鴉噪晚風客喧松

徑外犬吠竹林中野艇溪灣宿村燈樹杪紅歸來庭

戶寂淡月瘦枯桐

邢典西村寂寞西村路前朝是水濱吾家荒隴在明成

化問典十七世祖
天池公葬于此墓道有鄰人

紀峻西村閒來呼渡壩橋西垂柳垂楊暗野隄茅屋

數家人不見出牆枝上竊紅啼

沈謙潯溪雜憶詩水鄉風味果如何到處魚椿蟹斝

多偶向西莊搖舫過十三因女唱吳歌

張鑑潯溪棹歌秋陰烏柏落西村打鴨歸來烟霧昏

一棹紅蘋深處去燕捎明月印蓑痕西村漁火爲
十景之一

補船村 在南柵亦名南村東通新開河西北通簾里

明董說南村卽景烏啄櫻桃壓樹垂種秧歸屋屢懸

志四 衛巷

十

籬水村補瓦迎梅雨野廟酬神唱豔詩斷渚客呼漁

艇渡落霞僧立石橋窺燈前細引兒童話寫作南潯

卽景詞

又村居述五岳聊游水墨屏江陵老去戶長扃松風

午觸茶烟逆蘋葉秋粘釣艇青耆舊集中看故國田

家識裏證殘經賣花人到話新事除卻看山總厭聽

又補船村青楓爲屋柳爲門細雨斜風總莫論祇爲

生涯慕船子斷帆秋掛補船村

又採菱詞休夏補船村水交流如雙玉環
溪有菱苗可烹穆然古風味松花食盡

飽依然隨意清溪翦碧鮮一筋冰絲載書畫華亭不

數舊時船。白鷺飛邊翠。鋪釣竿打破浪花。蘼柳烟如夢人。欹笠錯認元真釣雨圖

又補船溪口曉望黃鵠渺千里雷為稻梁謀哀雁但隨陽。淒鏘春復秋。溪口月初落。雞鳴烟四浮。波紋蹙魚鱗。碎碧菱苗稠。採菱汲溪水。療飢復何求。療飢雖云樂。青山棄良儔。曉立高柳中。洗硯賦遠游。

又祖弓至補船渡水不得立沙際久之隔水看同沙鳥停斷橋秋。澹樹冥冥呼將漁艇風初急。影落蘋絲袖半青。

又補船斧歌補船村頭補船斧斧聲當當惱人耳惱人倍惱補船僧補船僧無船可補江南葉脫水拍天九峯三泖巢神仙。蕩亭船子歌聲在。只少烟槳相追攀。裊裊歌聲浪花去。後人筆畫前人處。畫學生疎烘染澀。準備烏絲。募船疏釣竿。手枯松柏屑如椎。十指文章無不如。隨順聽船補野鴨子浮菱葉鋪。

紀官補船村歸語言過追回身。避處處新苗一寸青。畦徑縱橫自端好。詩人往復聽農經。溪橋望徧西村路。柳樹時遮東市腥。此意無多歸記取。窗前拂素坐

停停

又至補船因病閉門非裹足病差柳色在晴明人來

曠野雲間望船在深村樹下行

又野望在補船村鷺鳥巢中初學語空齋伴我冥然時東牆已破通溪柳一搭風光一句詩

釋蔭在補船閒眺一曲垂楊裏壞橋犢禪人去攬新苗蒼茫久立成詩渴更掬溪流手代瓢

范錯溇溪紀事詩鷓鴣橋上鷓鴣啼豐草庵前豐草萋唱罷月留禪樂府補船村夕陽西

董蠡舟溇溪棹歌寶雲人去暮雲昏豐草庵荒蔓草存小泊菰蒲聽秋雨一天涼綠補船村若雨先生有題有云舟聽雨綠綠則涼聽雨圖其自

療里在西莊村南東通南柵有談家灣計家兜譚家兜陳家兜方家埭沈家埭桂家埭薄家埭吳家埭章家埭華家埭潘家埭褚家埭

范錯溇溪竹枝詞一抹輕烟兩岸風歸來療里夕陽中漁家莫道無春色落盡桃花滿釣蓬

分鄉堦在東柵外極樂庵西為江浙分界處堦西屬烏

程懼字一圩堦東屬震澤大幹字圩舊有石樹荻塘表

界今無存按舊志堦作穧字書所無攷國語陸阜陵堦堦訓溝上道音義並合

橋梁

汪曰楨撰 南潯鎮志五

通津橋 環石在東柵中市跨運河俗名大橋宋建名潯

溪橋後改名 本朝嘉慶三年重建咸豐五年修七年

又修

時敏重建通津橋記

文見碑刻。按徵信錄載司事

三千二百千文除開支外餘錢一百五十千文存典生息以備本鎮公事公用是役也時公先約各司事書疏焚香設誓不得稍有侵蝕其郭用成司帳監工勞金洋錢五十兩雖已開支即轉施報國寺鑄鐘并起造百老橋及廣惠宮起造東嶽殿之用

曹仁虎潯溪竹枝詞紅蠶上簇四眠過金繭成來欲

化蛾聽道今年絲價好通津橋口販船多

志五 橋梁

邢典南林雜詠通津橋萬戶周遭見千艘日夜通至

今碑是口重建有時公重建通津橋余奉別駕時公命撰記今碑在分府頭門外

壁左

董蠡舟潯溪棹歌通津橋外駐蘭橈雁齒登趁雪

朝不憚新寒透羅襪香塵滿路印瓊瑤通津橋雪為十景之一

○里中耆舊見應稀當道靈蛇大十圍怪底夜窗驚

客夢屋山風雨應龍飛通津橋下有巨壑橫如木舟不得行居人或逢於路或

蟠於市樓第不傷人見湧幢小品相傳曾大父時有客宿于家金粟山房月夜問風雨聲出視見一蛇首垂簷際如三斗栲栳急掩戶屏息伺之俄有聲從西北去屋瓦皆振始即此蛇耶

洪濟橋 環石在東柵跨運河俗名新橋北境有聞濤閣

嘉慶十年重建并設四街橋埠按張志及府縣志洪濟橋新橋複載

東弔橋 石級架木在東柵運河北岸跨百間樓港南口

長發橋 石級架木三袂在東柵百間樓俗名長板橋道

光中重建

張鎮潯溪漁唱百間樓上倚嬋娟百間樓下水清漣

每到斜陽村色晚板橋東泊賣花船吳下花船多停于此

朱家板橋 石級架木在東柵百間樓東北岸跨洗粉兜

口按此與鯨里朱家板橋同名

如意橋 平石三袂在東柵洗粉兜內一作慈蔭橋舊名

洗粉橋今名虹橋道光十一年重建

志五 橋梁

洗粉木橋 架木三袂在洗粉兜內

聞濤橋 石級架木在東柵百間樓西南岸跨後河口俗

名混堂橋

祖師橋 環石在東柵運河南岸跨馬家港口俗名馬家

橋上建聖帝祖師廟

明德橋 平石三袂在東柵馬家港內賢聖殿前

北小兜橋 架木有屋在馬家港東岸

南小兜橋 架木有屋在馬家港東岸

廣福橋 環石在馬家港西岸青華觀後今名長生橋咸

豐八年重建

三板橋 石級架木在東柵運河南岸跨倉潭口嘉慶二年重建

御河橋 平石在東柵運河南岸跨皇御河口俗名蟹園橋上有隨糧王祠今燬

御河暖橋 架木有屋在東柵皇御河內

蓮溪橋 架木在皇御河東岸

留嬰橋 平石在東柵運河南岸跨船場浜口

三楊畝橋 石級架木在東柵外運河南岸跨三楊畝兜口一名船廠橋

栗樹廟橋 平石三拱在鎮東南栗樹港一作力持橋烏

程震澤東西分界

垂虹橋 環石在西柵跨運河俗名晨虹橋咸豐五年修

橋有五足象龍形今西南一足已被居民拆去相傳有火龍匿其下故橋之上跨上塘街建晏公廟以鎮之乾隆十七年火燬按或指為張志和垂釣處蓋因吳江之垂虹橋而附會也

明華士嶼中秋偕友人垂虹橋坐月秋思澄江遠蓬然病骨蘇閒情樽可寄有客月非孤不夜搖銀海垂虹坐玉壺何須幔亭綵身恍度仙都

丁源垂虹橋竹枝詞荻花塘上荻花秋來往風帆過客舟載得西家浣紗女扁舟直到五湖頭○西風落

志五 橋梁

三

日奈愁何傍水人家夾岸多夜半月明聞欸乃黃頭

齊唱舊山歌○家家結網半從漁鱸鱖槎頭笑不如最好趁風梅雨候柳條穿得白時魚○採菱渡口荻

花塘雙髻如了紅粉妝不及筠籃採桑女春來新織嫁衣裳○簇簇江村萬井烟門前多泊估人船麥奴

黃後稻孫綠十斛明珠值幾錢○儂家住近古虹橋郎若來時詩一瓢風月滿窗清似水紅花開到美人

蕉
董載昌潯溪雜詩百尺危橋落彩虹誰知勺水是龍宮他年噓氣成雲後吸取西江水一空

志五 橋梁

四

邪典南林雜詠垂虹橋夕陽見蒼弁積雪明洞庭不向垂虹望誰教眼倍青

董蠡舟潯溪棹歌輕寒料峭一村風聞道臙脂落日紅生怕明朝歸棹阻玉纖扶婢上垂虹垂虹落照亦十景之一

董恂秋日出游踏殘黃葉訪吟窩竹杖芒鞋得得過秋色滿天何處好垂虹橋口夕陽多

又潯溪棹歌虹影橫空臥一條小紅何處和吹簫閒看落照登臨去絕勝松陵十四橋

西弔橋 環石在西柵運河北岸跨永安橋港南口嘉慶十四年重建

石像橋 平石在西柵西弔橋北一名小弔橋嘉慶中建

孫燮溥西石像記節錄溥之西有橋橋側有巷地甚臭

穢市人于此旋焉居者弗堪也琢石為老人像置巷

口庶幾人有所避而旋者如故市有博者夜夢神謂

之曰祭我我助汝博且見石像如所夢禱焉果大獲

其鄰賣漿者以漿之不售也亦往禱漿果倍售于是

疾病者負販者稱貸者凡有求者皆禱備牲牢酒醴

而至者踵相接優伶演戲為賽會日夜不休里人以

神像露處不稱崇祀率錢構屋限于地則徹路盡入

于屋而別作小橋通往來方鳩工禱者漸稀屋成禱

志五 橋梁

五

者絕不至不數月人復旋于其側焉

永安橋 環石在西柵乾隆四十四年重建

董蠡舟溥溪棹歌深掩烏篷怯曉寒十年前事話更

闌冰鮮大編碇三板織里書船聚永安
三板永安皆橋名

永安木橋 架木在永安橋西

廟徑橋 平石在西柵妙境庵兜一作妙境橋一名詩橋

今名明月橋
按攷朱文肅集此橋並不與泰安橋同名蓋後人妄改俾與朱仁福墓碣相影附耳

廟徑木橋 架木在廟徑橋東

豐年橋 環石在西柵運河南岸跨紀家壩口乾隆壬寅

重修上有祖師廟

董蠡舟溥溪棹歌黃雲極望陌阡連十斛多收土戶

田上水擔篙抄路近豐年橋下討租船

天到橋 環石在西柵豐年橋內俗名棧房前康熙十五

年里人紀廣重建道光二年復建側有御書閣

紀峻重建天到橋記云予家數十武而近有橋曰天

到蓋所從來者遠矣 今上御極之元年里中父老

子弟慮斯橋之久而欲圯也謀所以更新之且謂維

居于橋側者于工料所需經理甚便一時若溫君曰

鑑邱君學海族弟觀德族姪珩諸人董其役不匝月

募有成數相與庇材鳩工經始于道光壬午之二月

志五 橋梁

六

閱三月歲事向之敬側者今成坦道鄉之人士過而

樂之紀子舉手而言曰物莫不有盛衰而惟利人者

恆壽方高宗南渡駐蹕明義庵斯橋適承幸之所經

固斯橋之幸事也然嘗聞宋元時自東抵西寥寥數

家庵在葭葦叢間斯橋亦不過掩映于溪流村落而

已今則人居稠密比屋雲連橋亦幾成孔道蓋我

國家休養生息涵濡已百數十年之深矣抑家譜載

峻先六世祖竑階公于康熙初重建斯橋及見公日

記知為丙辰歲共費白金五十兩有奇橋之中有碣

焉乃丙辰之三月夫自丙辰迄今不過百數十年而

其費且踰乎倍踰乎徒不知自公而前修者幾人費復幾何今峻也力有不逮不能步武前人心竊傷之然推我公澤行旅惠桑梓之心今得好善諸君子踴躍樂施不數月即觀厥成豈非里之中一快事哉鄉老聞之欣然而笑曰有是哉古今滄桑更易豈僅此區區者哉今子曷書其事使後斯者知我里之日增月盛斯橋亦日久而彌新子又何必以一家之盛衰為戚戚乎予因退而稽之計椿木值若干石料值若干工食費若干又雜費若干凡白金三百六十五兩有奇樂捐姓氏幾十幾家俟泐之貞珉以與斯橋並

志五 橋梁

七

壽云

楊家橋 平石在西柵紀家壩乾隆時重建咸豐七年加

石欄按范志云康熙丙辰里人紀廣建今放廣所建乃天到橋非此橋也

鍾嘉橋 平石在西莊村乾隆時重建咸豐七年加石欄

一作鍾家橋

沐鳳橋 環石在西柵運河南岸跨西倉港口一名鳳凰

橋乾隆十一年重建道光十二年復建側有鳳凰池按府

志縣志俱作鳳凰橋與南柵鳳凰橋同名

紀再思重建沐鳳橋記文見碑刻

鳴鳳橋 架木三拱在西柵沐鳳橋南亦稱倉橋按相傳朱佑明

家米倉在此因架木為橋名倉橋在鳴鳳橋之北後橋已拆去而倉橋之名遂移屬此橋矣

紀家壩橋 平石在西柵鳴鳳橋南俗只稱壩橋按或作瀟橋

化人橋 平石在西柵秀水墳前跨石溪按舊志作在南柵譚

秀水橋 架木在化人橋東俗稱小木橋

三里橋 環石在西柵外運河北岸荻塘上康熙初重建

董恂淳溪棹歌三里橋邊水染螺裘莊風景得秋多

阿奴生小丁家港慣唱丁孃十索歌

按橋西三里為六里橋又西三里為九里橋又西一里為十里橋並在荻塘上又西二里即東遷村

有東壽星橋西壽星橋並跨運河又西三里為十五里橋在荻塘上范志並載今附錄于此

眾安橋 環石在三里橋北

志五 橋梁

八

小橋 石級架木在鎮西北小橋村

福積橋 平石在鎮西北俗名黑漆橋咸豐五年重建

明月橋 環石在南柵近中市跨南柵市河口與清風橋

南北相對宋紹興初建後更名泰安橋乾隆間重建道光十一年復建

便民橋

環石在南柵跨市河俗稱奠民橋本係平石乾隆四年改建咸豐八年重建

廣惠橋

環石在南柵跨市河俗稱張玉廟橋

興福橋 平石三拱在南柵跨市河乾隆五十年重建

通利橋 平石在南柵跨市河宋嘉熙中江州參軍華文

勝建俗名華家橋康熙初重修乾隆四年重建五十年重修本係三拱咸豐八年改建一拱兩旁豎石

董漢策重修通利橋碑記文見碑刻

重建通利橋碑文見碑刻

董蠡舟潯溪棹歌新開河口路初分南下南安未久曠管解青絲度通利臨流醴酒醉參軍

南安橋 平石三拱在南柵跨市河咸豐五年重修

南新橋 石級架木五拱在南柵跨市河一作南星橋一名日新橋俗名木橋

東交界壩橋 平石在南柵市河東岸跨司前港口與西

志五 橋梁

九

交界壩橋隔河相對道光二十年重建

會際橋 平石在南柵巡檢司署前今更名毓秀橋向係木梁俗稱太平木橋道光十一年改建石梁

董蠡舟潯溪棹歌打槳歸從薛濠西月華雨後盡沾泥晚晴會際前裙去吏散官衙花覆隄

定心橋 平石在南柵市河東岸上建三元閣橋極低小與街道平或云此地當一鎮之中故名

花園橋 石級架木在南柵花園街後

鳳凰橋 平石在南柵市河東岸道光二十四年重建

土地廟橋 平石在南柵嘉應廟西南俗名毛家橋

廣勝橋 平石在南柵嘉應廟東南報國寺後俗名王家橋按范志廣勝橋王家橋復載

南林橋 環石在南柵報國寺前一名報國寺橋俗名畔

君橋按俗謂匿為畔相傳宋高宗嘗匿于此故名附會無據舊志南林橋報國寺橋復載

曲江橋 石級架木在南柵孫家壩一名朝真橋俗名孫家壩橋

八卦橋 環石在孫家壩一作八角橋

秦庵橋 石級架木在孫家壩內

醋坊橋 環石在南柵市河東岸跨竹園港口因宋時官醋坊故址得名今作楚芳橋

醋坊故址得名今作楚芳橋

大君橋 平石在南柵大君堂前

師古橋 平石在南柵醋坊橋東

虹映橋 平石在南柵市河東岸跨虹映兜口今名虹陽

志五 橋梁

十

橋俗名黃楊橋

西交界壩橋 平石在南柵市河西岸跨城壕口道光二十年重建

白鵬橋 石級架木在南柵白鵬兜內

夢華橋 架木在南柵市河西岸跨秤鍾潭口

鷓鴣橋 架木有屋在南柵市河西岸跨新開河口

蔣家橋 環石在南柵市河西岸跨鷓鴣溪口與鳳凰橋

蔣家橋 環石在南柵市河西岸跨鷓鴣溪口與鳳凰橋

蔣家橋 環石在南柵市河西岸跨鷓鴣溪口與鳳凰橋

蔣家橋 環石在南柵市河西岸跨鷓鴣溪口與鳳凰橋

蔣家橋 環石在南柵市河西岸跨鷓鴣溪口與鳳凰橋

隔河相對今名補船橋

萬古橋 平石在南柵西華家街後萬古庵前

斜橋 石級架木三拱在補船村通療里

姚石由豐草庵渡斜橋過長生寺訪友流水遶南村
村荒蔭枯木斜橋落古藤破寺圍修竹一徑入深松
之子在空谷徘徊不知還林鳥已棲宿

平橋 平石在療里咸豐元年重建

朱家板橋 石級架木三拱在療里

明董說板橋燕尾鳴濤急龍鱗駕壑時津梁復何恨
刀鋸不能辭枯槁溪樵狎艱危白石知微茫辨人跡

志五 橋梁

士

霜壓柳絲垂

又板橋得句碎雲著月裂秋穀老鯉嚼花吹斷霞櫓
聲伊軋雁飛處人影倒垂橋齒斜

又板橋舍南舍北筇筇汎春雨春烟鷓鴣飛殘黃閃
閃落未落皺綠溶溶歸不歸

談家橋 石級架木五拱在療里談家灣

石橋 平石在療里桂家埭西

義塚橋 石級架木五拱在療里義塚前

蘇露橋 平石三拱一作蘇魯橋舊名豐登橋在南柵市
河西岸總管堂南道光中重修

北水港橋 架木五拱在療里東南

洞賓橋 平石在南柵外獨樹灣一名塘濱橋

麻涇橋 石級架木鋪石在南柵外塘濱灣

道心橋 平石三拱在南柵外曹灣

百老橋 平石三拱在南柵市河東岸舊名白鸞橋嘉慶
四年重建

渡船橋 架木三拱在南柵外渡船港

尤家橋 架木三拱在南柵外尤家港

許家橋 平石三拱在南柵外簡五塘許家兜口

高基橋 平石三拱在簡五塘高基兜口

志五 橋梁

士

豆腐橋 平石在簡五塘豆腐兜口一作關富橋明釋祿

宏曾住此三年按南柵外有蓮池兜在康王寺橋南相
傳蓮池大師所居至今沈氏聚族于此
致殊宏本仁和諸生非壽人
蓋因曾住豆腐橋而附會也

豐橋 平石三拱在簡五塘草蕩漾口

仰止橋 石級架木三拱在南柵外俗名硬漲橋

康王寺橋 平石三拱在南柵外褒能寺前乾隆庚子東

石橋蔣永嘉藏穀橋王儀二人重建

袁士達康王橋晚泊偶占夕陽晚翳迴塘偶繫扁
舟古寺秀憶昔宸遊曾駐蹕溪橋猶自記康王

按自此西南有丁家橋又南有樂嘉橋東石橋七
里塘橋藏穀橋舊志唯載七里塘橋今附錄于此

清風橋 環石在北柵近中市跨北柵市河口宋紹興初建 本朝乾隆五十年重建咸豐五年修

姚景憲月夜夢坐清風橋得句醒而足成之吟魂驚破五更鐘耿耿寒燈挂碧空欲向枕邊尋斷夢半橋殘月落清風

太平橋 石級架木在北柵跨市河康熙初重建橋之東塊出入一狹衝行人深為不便嘉慶二十四年里中釀公資買橋下屋宇一間拆卸改為公路闊一丈一尺五寸兩旁立石界

金之俊募造二橋疏浮圖之說非儒者所尚也至募

志五 橋梁

三

緣僧尼沿門托鉢飾苦行以惑眾借佛面以刮金則尤佛法中可鄙者也雖然儒之闢釋不過以其崇尚虛無毫無利於民生物用與儒者之窮約而存心立達榮膺而顯用施濟不啻霄壤爾若夫水鄉之橋梁猶之陸地之車馬實王政中濟民利物一端也自潯水西至茗城係往來通衢運道攸關沿塘七十餘里為橋不下數十處凡以維斷通闕一處圯壞咫尺關河乃潯西之三里六里九里三橋一時並圯緯卒裹足行人怨嗟甚且霜凝雨滑慘墜數命余往來其間未見有存心立達顯用施濟者為之倡議整葺如拯

溺救焚然豈以往托與梁無關王政之一端乎嗣見向之寡信者信足而疾馳向之怨嗟者嘖嘖讚歎有歡喜色則三橋已煥若飛虹且若康莊矣余異而詢之里人誰其為此則曰有一比丘尼募造而成噫此固崇尚虛無之流也而反肯為此濟民利物之事乎且聞其募不强施費不沾手經費有節程材估料非并有畫旬月之間三橋成若役鬼驅神余不覺感歎久之一日比丘尼持一緣冊來索余言應門拒之尼曰我非假名募緣惑眾者比潯西三橋成之者即我也比入見則雖然一老婆羅而胸中頗明了矢願更

志五 橋梁

西

廣將復舉潯北之北迴橋太平橋一時並葺之此二橋為居民作息必經之要路求濟者殆有甚焉擬即日鳩工誓猶三橋之成余固目擊其有成效而許之一言以贊助之嗟乎彼服儒服冠儒冠而不以利物濟人存諸其心顯諸其用孜孜焉惟日不足者其視此尼為何如哉然余終不敢謂濟民利物者不出于公卿士人而反有遜于尼也則斯二橋之成也雖為費不貲亦可以刻日竣矣

聚福橋 石級架木在北柵跨市河舊名永濟橋俗名鹽

店橋 按范志永濟橋

柵橋 石級架木在北柵跨市河舊名馮公橋一名萬

善橋一名北關橋按范志馮公橋北關橋複載

北新橋 石級架木在北柵跨市河

董恂潯溪棹歌小市千家聚水濱輕舟日日往來頻

橋從柵口分南北南盡新北北新

天帶橋 石級架木在北柵市河東岸跨後河口今更名

天福橋乾隆五十年重建咸豐六年修

藕湖橋 架木三拱在北柵跨後河今名淨波橋

官房橋 石級架木在北柵考老灣跨後河一名西暖橋

前即官房衙按范志又有東暖橋係質庫中架木以通往來者故俗名當橋近年已撤去今不載

志五 橋梁

蓮界橋 石級架木在北柵北十字港東跨百間樓港口

舊名穀穀橋一作剪穀橋亦作聯界橋一作聯解橋俗

稱阮家橋明建本朝雍正三年重修乾隆十六年復

修嘉慶四年又修按范志蓮界橋穀穀橋複載

張文光重修聯界橋徵信錄小引茲橋建自明季以

迄于今其間或修或補光生也晚弗克記迨雍正三

年間坍塌難行里中集同志十家得二十金聊為修

補先君與焉今年六月初三日忽崩其南塊水陸阻

者兩日同里好善諸君子思為永遠計復集二十六

家仿前法各捐金二兩棄其舊而新是謀即于十二

日起工不費日而告竣嗟乎人心之不可解也久矣

凡遇遊戲宴佚賽會迎神往往不吝費甚且惑于因

果佈施僧道爭捐金數千而不惜至於補路修橋利

益萬人為眼前實際每赤面澀聲較量錙銖焉迺吾

里之建此橋也不謀而合匝月而成踴躍輸將若惟

恐他人之我先何吾里之多善人也光得強勉附驥

誠哉幸矣因列敘捐金姓氏并工費若干于後俾百

年後久而思新者得所仿焉茲橋雖細事芳名庶幾

其長畱歎乾隆十六年八月十九日張文光謹筆

張徵募重修聯界橋啟錄本圩聯界橋當南北之衝

志五 橋梁

為舟楫之會層基漸圯拾級堪虞昔雖屢葺其板梁

今擬更新其石甃嘉慶四年正月

圓通橋 平石在北柵市河西岸跨唐家兜口舊名風月

橋一名眾安橋向係石梁乾隆間圯重建改為木梁道

光中復改石梁

潯溪橋 架木三拱在北柵市河西岸跨潯溪河口

彩虹橋 平石在北柵姚家灘東一作彩五橋有華氏曉

山園遺址

南車駕橋 架木三拱在北柵外古漚港西岸

北車駕橋 平石三拱在北柵外古漚港西岸

下壩橋 架木三拱在北柵外下壩一名梅家橋

箬帽橋 架木三拱在下壩北

酒坊橋 架木三拱在北柵外斜河疑是宋時官設酒坊

處

樓下橋 平石在北柵外樓下亦稱新橋一作留下橋

北迴橋 環石三拱在北柵外三里跨古渡港一作北匯

橋亦作北涓橋亦作北會橋一名雲興橋明嘉靖中建

本朝乾隆九年重建

茅星來北迴橋碑記文見碑刻

志五 橋梁

七

補遺

小圩橋 平石在西柵小圩北

桂家橋 石級架木三拱在鰲里桂家埭

東長興港橋 架木三拱在鰲里之西

紅牆橋 架木三拱在北柵外

志五 橋梁

六

古蹟一

汪曰楨撰 南潯鎮志六

南潯城 元至正十六年張士誠所築按舊志及府縣志並作十三年與碑

記丙申不二十一年七月重修明洪武二年十月拆磚合誤也

石修築蘇州城基址尚存約週三里今東西二柵皆有

弔橋又有城隍上之稱猶可想像規制亦稱太尉城

元無名氏南潯重修城記文見碑刻○按據此碑城始築于元代無疑華氏傳

芳錄謂宋時卽有城舊志附著其說實無確證後人有宋時嘗設鄆縣之警說蓋基于此攷宋時鎮市皆在運河之南故祇園寺莊田記謂寺在潯北嘉應廟救牒謂廟在市趙子昂道出運河而南亭跋云至南潯北是元初猶然迨築城以扼運河孔道於是市井漸移而北遂以通津橋爲中市迄今四柵惟南市最長亦其明證而宋時有城之妄不攻自破矣

志六 古蹟一

曹仁虎潯溪竹枝詞張王城廢有空壕折戟沙中浪

暗淘惆悵夜烏啼不住女牆基畔月輪高

范錯潯溪紀事詩春明走馬向城壕可是三興土築

牢憑弔淮張遺故址夕陽曾映女牆高

董蠡舟潯溪棹歌監鎮無官驛舍傾女牆誰聽夜烏

聲詩人沽酒停舟問一笑來尋太尉城南潯城爲張士誠降元後

所築故人○三興輦土事相同想像金湯百雉雄好

片城壕調馬地阿誰玉埒走花驄南柵有地名城壕上亦曰城隍上古

塚走馬爲潯○百隊戈船沂急瀧當年王勝此生降

不畱折戟供憑弔衰柳殘蘆咽暮江王勝爲張士誠守南潯至正丙

午明兵至勝以城降見王文恪姑蘇志

按潯溪文獻沿革古蹟並首載南潯國引王嘉拾遺記南潯之國有洞穴陰源其下通地脈中有毛

龍毛魚時蛟骨於曠澤之中魚龍同穴而處其國

獸毛龍于上置豸龍之官至夏豸龍不絕因以命

族至禹導川乘此龍及四海會同乃放於洛汭并

引郡國志及山海經太湖包山禹藏素書及不死

方于此與洞庭君山石穴潛通以證陰源地脈又

引吳江縣志及史鑑龍墳志蠶澤湖爲大禹治水

斬黑龍處永樂間大獲龍骨以證毛龍之耳孫荒渺

附會張志沿革不載南潯國是矣而古蹟仍載之

董志復增入沿革范志始盡削不載最爲有識

荻塘 今名東塘自湖州府城東至震澤縣平望鎮凡袤

一百二十五里卽運河隄岸也爲西來諸水之障且通

往來晉太守殷康所開芻漑田千頃在城者謂之橫塘

城外謂之荻塘以地多蘆荻故名後太守沈嘉重開改

名吳興塘唐開元中烏程令嚴謀道重開荻塘按謀道一作謀

達 廣德中刺史盧幼平增修貞元時刺史于頔重築又

曰頔塘按震澤鎮志元和中刺史孫儲增修明萬曆戊

子己丑間知縣楊應聘修築三十六年知府陳幼學贊

以青石尤爲堅固今在鎮中者市廛叢簇夾岸駢闐

本朝順治十二年修築道光十二年重築運河石塘按

獻云吳江縣志云自平望鎮西行至烏程南潯鎮曰荻

塘一曰荻當作頔以塘築於于頔故名而俞陸詩曰當

年于頔刺湖州曾築長隄捍逆流兩岸曉風陽柳直王

孫得意騁驍駟按平望在唐當屬湖州頔作刺史時尚

未分隸吾吳也然則自潯西抵縣城馳道七十里皆爲

頔塘吳江志祇自敘其一邑故抵界止耳又按烏程縣

志縣南一里亦曰荻塘太守殷康開兩岸多荻草今自縣東門外絕澗水名曰東塘朱文肅公有記祇園寺碑亦曰雪城之東有塘曰荻的為明據攷文獻此條稱者吳必是潘志原文辨析精允蓋歸安縣南之橫塘為程縣東之東塘震澤縣西南之西塘皆古之荻塘分隸三縣在唐時並為程地也太平寰宇記荻塘在州南一里一百步吳興記云晉太守殷康所開旁澗田千頃楊備隋錄云烏程沈恆居荻塘家貧好學每燒荻自照因名塘西引澗溪東達平望官河北入松江其云在州南一里一百步指塘首而言去州治最近處也其云東達平望官河指塘尾而言去州治最遠處也其云澗田千頃則統塘之全勢計之也後人或專指震澤之西塘為荻塘或專指歸安之橫塘為荻塘其說皆偏而不備不若寰宇記數語最為詳晰又山謙之吳興記謂吳興塘即荻塘此與唐刺史崔元亮所開吳興塘在府城東二十三里屬今歸安界者名同實異蓋唐時仍名荻塘而吳興塘之名漸泯故元亮別開吳興塘不復以同名為嫌觀開元重開貞元再築皆祇稱荻塘可見

明朱國禎修東塘記水之利害界以塘登以石大復

志六 古蹟一

四

先生及余各有記然此特百一耳中間支派曲折至多最鉅者東塘自東門盡澗水凡七十里履畝而隄漕道出焉管一州六邑之口而外郡入者如汲故澗雖鎮一都會也自澗而上雖名塘實馳道也內護田護疑蘆千萬歲戊申大水襲數尺潰下如之風衝波激行旅踐踏篙櫓攢排存者無幾太守陳公痛之於是請所司修東塘要歸以興作兼賑濟仍紀錄以獎分任立石以垂永久費凡一千五百餘金先是公秩滿將遷夢有神告曰徐之活十數萬人乃去心異之既加銜視事兩作按兩疑歎曰嘻身當之矣涕泣焦

思錙銖積累必以情幽隱搜剔必麗法勸市勸積先勞無倦餘皇之粟旬日而帆上者千兩淮之稠為空五湖之原俱滿民不知災道無浮殍次年大豐斗米六算益公之節目極多而修塘其一也塘成父老列三德五制以頌曰備工曰保障曰利涉我知之矣曰測水加高內土帖岸暗溝淺水祇築防損移沙瀘淖我又知之矣乃若公之大造我湖在於土石筋力之外父老未之悉也夫國以禮為防防民之潰甚于防川湖俗梟悍其窺闕弄機浸淫蠹食則塘之蟻穴也犯上扞文六弁欲潰禮按六弁疑則塘之撞竿也豪

志六 古蹟一

四

私族據焰尾腥屠則塘之鱷淵也公閱斯勤斯忘寢與食要以正紀綱別善敗為急窒其穴折其竿闢其淵用固吾圉而施之德澤卽有時動發終不勝其空與折與闢之力夫然後田疇可殖子弟可教駸駸風移俗易而偕之大道竊笑我湖自莊襄公後及泉李公至而人始知官府自我公至而人始知朝廷與聖賢之學則其為防者峻而極之至於旱乾水溢之無恙也人第知七十里屹如互如以為公之大而不知特一節之驗又第知一舉兩利成百年之功活億萬人之命以為公之得天告成事而不知苦心竭力除

其銅疾飲以太和幾捐身以障東流而不忍妄用湖
之一錢一粒則固可對天地質鬼神也頑憊人也北
行時歲事正急認賑百石歸而自免重為諸父老羞
今又以不文之辭記人情往往私其果實獻其皮毛
為不信視朱生則忻然笑曰惟其有之是以似之公
諡幼學號筠塘錫山人按此文雖刻石而在府城東門外不在南潯故不入碑刻仍據劉沂春縣志錄全文于此縣志刊本多脫誤朱文肅公集此篇適在缺卷中借不得拓本一校之

唐盧綸奉同顏真卿送李侍御夢賦得荻塘路雲鱗
鱗滿河濱疊處淺旋處深撒波寒魚上復沈羣鷺鼓

志六 古蹟一

五

舞揚清音主人有客簪白筆玉壺貯此光如一持此
贈君君飲之聖主識君冰玉姿按舊志及府縣志並不載此詩次全唐詩

綸詩凡五卷亦無此詩且詩語與荻塘路題意不甚合徐獻忠吳興掌故集載之疑有外篇始錄以俟攷
唐釋清畫奉同顏使君真卿送李侍御夢賦得荻塘

路落日車遙遙客心在歸路細草暗回塘春泉縈古
渡遺蹤歎無沒遠道悲去住寂寞荻花空行人別無

數按范志載此詩誤為顏魯公作

又與李司直令從荻塘聯句一首畫舸悠悠荻塘路
真僧與我相隨去寒花似菊不知名霜葉如楓是何

樹令從倦客經秋夜共歸情多語盡明相顧遙城候騎

來仍少傍嶺哀緩發無數畫心圓清淨得禪寂興逸
縱橫問章句蟲聲切切草間悲螢影紛紛月前度令
撩亂雲峰好賦詩婢娟水月堪為喻與君出處本不
同從此還依舊山住畫

采沈與求舟過荻塘野航春入荻芽塘遠意相傳接
沙茫落日一篙桃葉浪薰風十里藕花香河迴遽失

青山曲菱老難容碧草芳村北村南歌自答懸知歲
事到金穰

宋孫銳荻塘柳影日出烟銷春晝遲柳條無力萬絲
垂韶光新染鷺黃色偏愛東風款款吹

志六 古蹟一

六

曹仁虎潯溪竹枝詞菰城東下鏡光遙迤邐長隄泊
畫橈水閣千家簾影接荻塘無復荻蕭蕭

分水墩 在東柵外運河中流為江浙分壤處故名一名
轉水墩相傳元人所創以來去水明董份建龍王廟後

改為文昌閣又北柵外古澗港中流有北分水墩
姜虬綠登分水墩偶題爽氣西來流向東壘飛鶴峙

轟空濛千尋碧發連溪綠一道晴波落照紅紺寺烟
浮通越嶠津亭帆峭指吳宮與誰沽酒憑高望快挹

雌雄面面風
方能題分水墩潯水中分江浙流凌虛縹緲轟飛樓

三吳雲物連波捲百里風烟空影留欄檻重開新面
目湖山仍照舊春秋年來小劫頻興廢眼底滄桑總
習愁

董駿泛月登溇東分水閣蓬萊何必去東瀛三瀨灣
前傑閣撐朱拱霏微流玉液遙聞天半步虛聲

紀汝霖次韻分水墩遠眺傑閣凌虛景物收數聲漁
笛足清幽兩眉遠隔具區澤一水中分蒼雪流俯仰
忽成今日感澄空真覺此身浮回頭極樂無多地彼
岸還憑一葉舟

范錯溇溪紀事詩清明時節正春酣六柱吳船蕩碧

志六 古蹟一

七

潭分水墩前試春望斷腸門外是江南研北居墳錄
自郡城東六
十里至南溇鎮鎮南北約五里支港多而得由東西
約三里餘舊水自西來至通津橋一大折東流直下
並無關鍵分水墩閣之建原以培風水也前明中葉
科第極盛有九里三閣老十里兩尚書之諺閣老謂
馬要沈氏七里溫氏溇之朱氏尚書乃董氏與馬要
沈氏也當蠶絲入市客商雲集四民各習其業形彬
然一大鎮會矣 國初以來顯達不多然余或謂月
街衙書聲與機杼往往夜分相續豈因風水之不培
植歟爾者云分水墩兩岸得建兩塔以鎮水口為妙
此非大有力者不能也○按風水之說本難深信然
即以風水論柵口建塔恐亦非宜昔董溇陽建東藏
塔不敢合尖以塔影太高瀉人去水也後來重建仍
止三層不敢加至五層亦以此故倘建諸柵口不更
甚于東藏之塔乎慮後人誤惑是說將糜財力于無
用之地故詳錄而辯之

董蠶舟溇溪棹歌飛樓縹緲麗朝暾兩界分流限此

墩遙指荻塘帆轉處疎林薄靄隱曹村分水墩舊有
龍王廟今為
文目閣十景中東閣臨流即此荻塘帆影
亦十景之一曹村在鎮東三里震澤縣境

陳家墩 在南柵積善庵隔岸

沈家墩 在南柵報國寺南

茅屋墩 在南柵外划船漾中明董份讀書處

更無橋板水中接指點烏寒飛過村放眼樓嫌三面
閉半枯松說六朝根經箱扇面題牆字春雨茫茫暗
墨痕庵有先翠榆先生詩并
白華樓前輩諸翁遺墨

張鑑茅屋墩古寺出中流烟雲一望收似聞深竹裏

志六 古蹟一

八

舊有讀書樓水鳥嘯高樹藤花安晚秋昔人不可見
招悵棹歸舟

煤山 在北柵煤灰所積高數丈溇地無山故強以山名

俗稱煤矢灘

方熊溇溪竹枝詞堆塚年年疊作巒登高步月共躋

攀可堪空阜稀雲樹六里南林只假山

張鑑溇溪棹歌涼露娟娟一半秋木犀花發月當樓

隔窗喚起吹簫侶會到煤山頂上頭增易南溇十景
有煤山望月

臥塔 一名水塔在北柵外北新橋北西岸水際自南至

北有七池縱廣各數丈迤北漸小約長里許形若浮圖

七級故名明董氏用形家言傍岸開築以塞水口者

按臥塔或稱眠塔在營三北圩直北三三圩之西
依湯則辦糧放各圩之名定于宋末兩圩之間必
有溝渠間隔而一圩之地必相連屬後世陵谷變
遷一嘗三釜一嘗一嘗各分爲三並應連而斷棟
四圩與懼一北圩則應斷而連嘗推究其故一由
元代築城環城濬濠一由明代宦家造墓構屋輒
拘形家言紛紛遷改如懼一北圩與中圩中隔百
間樓港營三中圩與南圩中隔西木行港箋一中
圩與北圩中隔河則以在董氏宗伯第後也箋一
南圩與中圩中隔定心港則以建定心橋三元閣
也嘗三北圩與中圩中隔濬溪河則以其南有吳
曹朱三家祖墓其北又有吳氏陸氏董氏諸墓也
棟四懼一分界溝渠亦必董氏造石人墳時塞之
也北柵外桂花墳之北隔水有小拜二圩與大拜
二圩中隔小港亦董氏所鑿又東柵之倉潭南柵
之新開河並以董氏住宅而開此與臥塔創于董
氏故老皆能言之若懼箋等圩分合之故則無復

志六 古蹟一

九

知之者今以形勢測之如此
而他圩之分合皆可類推矣

陶氏別業 在西柵箋二圩宋代所建久廢按紀氏秀水墳即其故址

曉山園 在北柵外彩虹橋元元統中宣義郎華振道建

構三院而陽軒堂水閣廂房規制相等地形方四周皆

碧滿石甃琴牀雜蒔芳卉望洞庭兩山青翠如削因名

明時已廢按濬溪紀事詩注作曉園脫山字董蠡舟濬溪棹歌注因之云曉園在鎮東之石解尤外

小桃源 在南柵石澗之北花園內元至正初承事郎

華宏綱建地多叢篁茂樹又多土阜就其高者爲隴亞

者爲阿壘石成山作茅屋草堂款制略與曉山園等而

幽秀過之明季爲莊允城所居允城子廷鉞建百尺樓

于園中及莊氏籍沒園爲董紹聞正傳所得稱董園有

石挺立如人高二丈餘中有孔月光照之穿影如璧名

曰明月峰後園廢石亦爲人購去按翁廣平書湖州莊氏史獄引湖濱雜記

云允城過南潯之夏家園見金銀氣甚盛遂購居之獲藏金無算乃華家園之誤

張丹山潯溪棹歌曉山深處似江都石澗回環舊迹

存一白泌園增築後無人重問小桃源按張鑑蠅鬚

氏泌園舊址在花園內有大湖石高丈餘後爲馬

要沈氏取去白皮松一木高過屋山幾倍亦爲有力

者所奪靜齋存草云先宗伯泌園不十年化而爲

園然則此石也松也是後人所添置抑即前人所經

志六 古蹟一

十

東墅 在東柵亦稱東園今無攷按今懼三圩田野時掘得太湖石疑卽其遺址

明董份張君東墅記潯地小人眾民稠居而櫛比無

閒曠之隙曠特在四野其東倚大道有廣原莓田益

東頗有林澤之饒歲時好事者每多東游而予家潯

東也曩予甚困時時行林澤問道誦其書能卽時與

客取飲醉臥歌呼與游者相應樂也已而感歎坐中

歛歎莫知其所爲者然好數往率以是爲常其後住

宦京師陸沈金馬間多默不自得每思潯林澤之可

游者積一數年乃得請告歸而居潯好事者益駕艇

設樓飾多從鼓鐘笙歌招邀載酒爲樂慷慨道故歷

歷曩時事而諸公雅游輒授簡為文辭賦詩雍容甚盛當是時張君在坐予私觀其有翩翩之思焉會予告滿復治... 東所歌游處也其悔之甚常與容言人強其性則怫而病滋辟之筍魚斂鳥雖日飾以芬餌饗以珍粒不如縱之湛淵任以林蔚也且既不可同日語矣乃者暫游淵而適蔚又復內之筍斂其情可勝道哉良久予病不已徐子者好方多奇素與予甚善乃從潯暑赤日中走數千里入都視予病病方差因從容曰楚

志六 古蹟一 十一

人有云人之思故在其病予越人也其聲之越久矣今潯東諸林澤處何如諸游者今無恙否徐子為備道其處因言張君者最喜客慕游數為樂潯之東其自稱東墅也予蹶而歎曰嗟乎夫潯予有終焉之志向者將樂而忘老顧不早自定驅馳於塵埃車馬之間使張君得藉而有之誠不能無少望也予聞張君厭織齋好閒雅曩之所見其翩翩者不誣也夫人既已委質于朝此于魚鳥之性宜不自遂已張君方年少不為祿官即極其所往比之濯波清冷而負風膠廓也則東墅且屬之張君明矣徐子曰予行急張君

則有言曰夫人所居不同其事亦異棲林託泉媚一邱壑以自榮者偏方之士也贊廟堂佐區宇攬四海以為度者達觀之情也今夫子上遇明天子下得任職他日得究其度使邱壑者有所庇而安焉不亦偉歟而顧爭勤于田墅之間左矣徐子因挾一卷請所以贈張君子既高徐子之義又美張君之言遂記其本末如此雖然予病不適用為我謝張君甚厚予當歸潯水之上與張君言于東墅矣

必園 在東柵明宗伯董份別業今改造或云董宗伯祠即其故址 按必園建後未幾即廢久無可攷董志明云改造自必有徵後人或指董紹聞園以當之

志六 古蹟一 十二

或謂煤山即必園舊址皆謬
明董份夏夜園亭即事二首避世人方笑行園客偶同窗搖楊柳月亭做菱荷風鳴鶴穿蘿徑游魚戲藻叢生涯唯有醉莫使酒杯空○宴坐當初伏開尊對小池夜深魚躍水月出鳥移枝菡萏隨風馥梧桐帶露垂何當歌吹歇時為理琴絲
又園中清溪迤邐曲通源野徑池深晝掩門一鶴天空時自唳百禽春到總能言柳因久植陰圍地花正繁開香滿園珍重園公好培護莫教風雨妒芳蓀
又園居即事五柳開門晝不開一園高臥日悠哉池

一第 717 冊 續修四庫全書 第 4 版 25

邊把酒聽禽語竹裏彈棋有鶴來白石爛時歌已倦
紫芝采罷曲新裁少微只媚山中色豈有祥光燭上
台

明董嗣成泌園芍藥盛開侍家大宗伯公讌集賦呈
二首平泉景物麗三陽曲檻雕欄百寶妝朶綻纖霞
嬌吐嫩枝承曉露暗疑香喜隨曳履星辰動共羨開
尊日月長好比謝家諸玉樹春風歲歲滿華堂○奇
葩曾占上林雄怯並花王富貴同金谷乍披香靄散
華清初沐瑞烟濃氤氳低壓銀鉤溼璀璨光分玉燭
紅賜得漢庭靈壽杖不妨扶醉月明中

志六 古蹟一

圭

明董斯張秋日舊園書事先宗伯初構別業命曰泌園不十年化而為圃子傷
之作是詩隔歲重相遇秋心滿一園高樓經晝閉往事老
人言徑直柔桑合池平野鵲喧坐看白日影勿使淚
空繁

曹仁虎潯溪竹枝詞瑞雲峯勢最玲瓏盤石曾傳出
水中夜半寶光何處去泌園無主草青蔥

范鎔潯溪紀事詩泌園水木賦幽居一朶雲峯畫不
如惆悵舊時雙紫燕銜泥重到已荒墟王同軌耳談董宗伯潯陽
公得某家山石高五丈運巨舟載歸至震澤舟沈墮
水中公不能釋募善泅者入水求之泅者探石盛在
一大石巖上巖可合五六抱公甚駭異令數百人夾
第皆起之而以石置巖孔毫末湊洽蓋卽當時以盛

石者而其家亦不知所始袁道鋪帆集園亭紀略
徐岡鄉園在開門外下塘堂側有土壘甚高多古木
董上太湖石一舊名瑞雲峯高三丈餘妍巧甲于江
南相傳爲朱勛所鑿纒移舟中石朶忽沈河底覓之
不得遂未果行後爲烏程董氏購去載至中流船覆
其善泅者取之須臾忽得共朶石亦泮水而出今遂
爲徐氏有范長白曾爲余言此石
每夜有光燭空石亦神物矣哉

華氏小園 在沈粉兜明華仁溥所築今廢

窺園 董漢策建今無攷或云煤山卽其故址

董漢策木蘭花令戲賦窺園小山酒澆五岳何方去
坐對忘言唯有汝嶙峋天外解飛來占斷松筠最深
處墨池影動天邊雨灑徧龍門和砥柱傍人休笑此
山孤猶有雲峯相伴住

志六 古蹟一

西

溫春生窺園潯南有君子高素如空秋經綸冥極外
靜與邱壑謀結廬非桃源乃窮泉石幽崑崙出戶牖
雲霞飛牀頭撫琴作龍吟惆悵蟪蛄愁有時發浩歌
空中驚濤流天地尚兵甲吾道將安休所貴蒙莊情
偃仰爲沈浮晨夕論今古曠然耳目周斯世未可忘
暫爾寄悠悠

姚氏園 在東柵洗粉兜姚景熹所築園中有石峭立如
筍高丈餘

重洵潯溪棹歌荒烟寒雨繞枯藤姚氏園林自昔稱
看竹不須重問主一峯如筍立崢嶸

半畝間 在南柵白鵝兜陳可升之祖所築久廢

陸賢英經半畝間故址鵲林啞啞鴉陣黑橋林霜凋

無一實外氏經營半畝間我來雙手披荆棘桑柘垂

垂蔭板門採桑之婦來前村入門相視不相識問我

誰氏之子孫俯首沈吟轉淒咽口不能言對以臆草

木平泉金谷園世家流落今何存舟移壑徙等閒事

一物易主安足論出門直去不復顧回頭日暮風吹

樹暮景桑榆記往年往年娛老此中住牡丹落手興

欲飛奕葉流連賞花句曾大父有詩 賞牡丹詩瞥眼辛勤不記

年落花滿地浮蒼烟一器失墜非子弟縱乃頭角高

志六 古蹟一

五

摩天乃知古人有深意一草一石都勤記歎息歸來

閉院門檢書兀兀心如醉

陳可升閱陸甥經半畝間詩為之雪涕和詩二首老

桑綠被白鵝濱半畝當年稱隱淪佳境荒唐成隔世

高情稠疊愧畸人幼弱慣從名宿醉衰頽空憶故園

春板橋巷口依然路來往花時淚滿巾○才費經營

老息肩廢來又見卅餘年牡丹不與孫行看奇石先

教友輩遷讀易破窗巢野雀觀魚舊榭散寒烟門牆

遺址尋無迹豆架瓜棚綠蔓延

且住園 在南柵陶家街南中有且住軒董氏所築今廢

董總且住軒記宅北有隙地半畝綠以周垣垣西架

屋三楹綺疏雅素皆東向前列梅桃雜以蜀葵薔薇

木香緣牆皆蓬麻餘畦則蔬菜瓜茄隨時掘時已而

剪其蒙蔽殺竹為籬籬環圍而護之外築石徑每風

日激霽時鳥變聲行於圃中陶然樂也始宗伯潯陽

先生之營是宅也宅後重樓高大更數傳而貧不能

守歸他姓先王父破產復之而撤其樓樓址遂為荒

土久之又更二姓自家君復完理之荒穢始去既又

僦於人數年今乃仍歸主人得以築斯數椽為游息

之所焉嗟乎容臺創業奕葉簪纓流風遺書猶在人

志六 古蹟一

七

口而樓居變為平地甲第屢易居人俯仰二百年之

間興衰禍福倚伏循環何可勝道則今者父子兄弟

樂且住之為佳而扶杖撰几於斯也能無感於中乎

且夫烟雲風雨咫尺萬變且住中之天地也坐春花

納夏涼聽秋聲曝冬日且住中之四時也或挾書而

長吟或倚石而賦詩布衣蔬食逍遙物外且住中之

日用也閉門掃軌座無惡賓營求其友攜柑以聽且

住中之友朋也然則感遺構之難保樂生機之日新

坐觀草樹之榮悴而徒倚於柵籬園豕之餘益未嘗

不歎蓋公傳舍之達而笑衛公平泉之陋也

董燮且住園僻性愛邱山愧無登頓日舍北結園亭
聊以求自適種竹千萬竿蕭然見清逸好鳥對我鳴
琴書日在室俯仰萬事宜何勞空戚戚人世多營謀
我獨守吾拙

范莊 在馬家港懼字二圩相傳范蠡種竹養魚處有水

一泓曰范莊池近朱文肅公宅後圩之南又有范莊灣

按鎮東南三里許曰陶墩以陶朱公名村也又數里曰

蠡澤而震澤西偏有橋曰思范豈鴟夷子皮往來此間

獨久耶按范蠡舊居當出明人附會故舊志亦作疑詞今姑從舊志錄之

孫瑛范莊畱題范公遺蹟舊池塘隔竹人家尚有牆

志六 古蹟一

七

清絕水邊梅一樹不教冷落此村莊

姚石遊范莊披榛入竹到溪莊深草芊芊鶴徑荒小

犬吠人依竹援歸冕帶水上漁梁香疎豆架花成莢

樹老秋園葉半黃終日徘徊幽意愜把茅何計得連

牆

邢典南林雜詠范莊少伯功成後飄然去海濱范莊

如黑子留與墨溪人

拜三莊 在北柵外明董份館李樂于此按莊西即董氏桂花墳

牒四莊 在南柵外董漢策館閔南仲于南港卽此

秋卿第 在西柵紀家壩明刑部員外郎紀濂所居

大宗伯第 在東柵大街明禮部尚書董份所居

少師第 在東柵馬家港明少師朱國禎所居

董載昌潯溪竹枝詞滿園桑柘十分青中有前朝閣

老廳一帶沙隄誰省識寒烟漠漠雨冥冥

范錯潯溪紀事詩揭議均田法最良至今父老話難

忘淒涼月落秋林外蔓草寒烟相國莊

水部第 在東柵洗粉兜明工部郎中華士嶸所居

京兆第 在南柵絲行埭府尹張鳴鈞所居

九老第 在東柵大街工部侍郎范璨致仕歸所居 欽

賜香山九老匾故名

志六 古蹟一

八

太史第 在西柵泰安橋西編修夏開衡所居按道光時燬於火

大夫第 在南柵知州徐德元所居

進士第 一在城壕上進士殷維藩所居一在南柵進士

陸士渭所居一在西柵進士陸嵩高所居一亦在西柵

進士溫鶴立所居一在馬家港進士溫文禾所居

紀白雲故居 在西柵鳳凰池上紀遠所居

紀遠古樹賦序余久寓蠶塵丁丑重陽前二日移居

垂虹之南有古樹在焉因倚樹結屋并爲賦之

紀官老樹子深叔新居市烟盡處屋三間老樹扶疎弓樣

彎恰蓋茅簷風颯颯偏留菜圃雨斑斑半庭清影供

佳客滿壁濃陰當好山始覺連林未為異平生特立似相關

邢典里居有感蠹簡悲香谷 國初明義庵僧有香谷集已軼 荒居

弔白雲 紀遠號白雲有遺稿一卷已刻先生故居在鳳凰池畔余幼時曾過之今為孫氏後園

眼前方百步流水自汙汙

姚亦山故居 在洪濟橋畔姚石所居

董扶搖宅 在百間樓醫園街內董浩所居

邢典南林雜詠雞腸術屈曲雞腸術相尋過板橋百間樓似昔日斷董扶搖

陳補亭故宅 陳可升所居今無攷

志六 古蹟一

九

陳可升返故宅言歸我素志喜是先人廬庭漸葺新卉樓仍舊書曉晴鶯喚近畫靜客來疎既得長閒

適蕭然實晏如 按半畝間為可升之祖所居此言先人廬當是其父所居可升祖為隱士父亦詩人惜名字並無攷

吳晚青故居 在北柵姚家匯乾隆初吳江山秀寓居

吳山秀戲作吾廬三絕以發觀者一笑品字窗穴牆

為窗迎朝曦長短畫一無參差我家窗式有異製中

銳旁豐形太奇如餅如甕可彷彿咸以方扁議其非

主人以為得之矣厥狀品字其庶幾然則奈何不名

晶晶類乎品長過之打頭矮屋艱久伸窗稱其屋方

相宜惜少一闌彫卍字并無六枳限羣雞主人日向窗前坐品泉品硯百不疲品題人物則不敢腹有春秋口不碑由窗而推以意凝象形成字成我資竹搖个字響浙瀝香燒心字烟霏微繁陳魯字一頭蠹書架丁字雙足支鴻送乙字目杳冥畫點介字樹離披倘招三人成眾字主人窗前無立錐僅堪此間置一枕羲皇上人是我師〇一綫天人家有天如井方我家有天如綫長其勢宜橫不宜縱累尺而長丑大強主人登樓向西笑奈何令我日面牆得非君公難入世不材宜以牆東藏可憐明月懸三五新秋那能照

志六 古蹟一

十

我牀差喜風多卷茅去有時仰屋窺清光堂堂間與無深淺宛如列肆平分張客來款語不踰晷時方卓午疑昏黃吁嗟萬古此圓蓋義娥出入遙相望豈于貧富殊小大而獨為我慳青蒼天分一綫令吾見吾樂吾天周四旁大哉居乎斯足矣高明鬼瞰非我祥不然且當林屋住隔凡要與人分疆〇雞腸術寓居不作十年計窮巷何妨得暫憩沿河小入折雞腸石多于土歎不砌紛列溷廁盈頰牆側行猶恐沾衣袂有風必勁如鼓濤不雨常暝少開霽北門之掌虛無人時通時塞無常例有時煩我收管鑰不惜屈身代

僕隸夜來頻驚怪澤呼千呼不應壽豈繼吾窮于此
占雞棲便老此中爲不做自知無力蝸角爭安得全
家鶴背繫伏雌早鑿能鳴災棄肋肯食餘戀滯雞腸
轉似魚腸寬劍鋸旋折曩時銳守約不同掉臂游貞
凶儼凜壯趾厲一橋疑有虎溪戒三徑止許羊求詣
腸中之人深山深柴扉白日長雙閉

梅館居

明寓賢孫淳所築別業今無攷按蠅鬚館詩話
據董說重閱梅
館居存草詩首句云可憐清嘯靠湖齋謂遺址當
問諸水濱然董詩或即指太湖言之未可泥也

范錯潯溪紀事詩渡青飛棹客填門復社當年韻事
存梅館居荒人不見一甌茶薦爲招魂

志六 古蹟一

廿

寒玉居

在南柵爲詩人閔南仲所居

董耒喜閔湘人移居潯上兼示近詠三年不撫湘靈
瑟細入江雲又幾層豈有窮途埋阮籍聽君鸞嘯過
孫登數椽借屋寒于水一棹移家澹似僧如此溪山
如此句餘生端合老災興

挂瓢居

在長生寺中

張鑑潯溪棹歌挂瓢禪宇夕陽斜鴨脚花開叫白鴉
認取魚池涇上路松毛棚底鬪春茶挂瓢居爲長生
寺精舍前有荷
花池俗名魚池涇盛夏
多作茶寮以俟游人

一天居

在薇林書屋北

乍浣居 在大宗伯第內董漢策幼時讀書處

愛蓮居 在大宗伯第內愛蓮池上

研北居 在南柵爲居士范穎通著書處

退庵 在北柵竹篠匯明高士姚某別墅今廢按舊志在
姚家匯

借庵 在高暉堂內

豐草庵 在南柵補船村董說屏跡著書處

明董說題豐草庵碧玉藤陰影小廬磁盆秋水鏡紅

魚牀頭一握崩霜劍銷作清鐘伴讀書

又豐草庵雜興藤陰翠落護花籬屋角雲歸度影遲

秦吉了誰聽鳥語磨兜堅又教兒癡占移楓式還名

志六 古蹟一

廿

射芽摘茶園正展旗禹篆學成人莫笑草堂待勒夢

鄉碑

又庵居雜事門掩溪南自種蔬十年不上看山輿漸

遮窗影離盆樹忽亂波紋散子魚架借異書籤代換

雨蒸舊畫軸頰舒日長睡起茶烟冷蝴蝶花開夢客

廬

紀官潘喜曾養疾庵中余勸持詩戒文章爲祟不足

患用心無已誠可愛此地閒冷散愁結觸眼好景慎

勿酬礙簷鳳尾翠光浮深深尺草風颭壁間屋漏

交青藤中懸黯黯古佛燈參差樹頂白鳥立屋背清

溪流正急焚硯癭筆永夜泣亦是書生常氣習庵中
一事欲語君執爨老人實姓問洪鐘雷鼓聲大別十
年耳聾渠不分

董漢策西平樂癸巳春叩豐草庵晤西庵師大隱高
心全身妙解閉門似病如愁舉世庖廚我為麋鹿長

林豐草優游何用投淵洗耳只此紅塵堆裏江山儘

自清幽相逢聽雨西樓便覺人間可憎從鷓鴣溪畔

判鴻溝聽雨樓鷓鴣溪皆庵中境○冰霜凜雪炎風盡浣更聽秋

聲我與為秋庵有秋聲庵靜裏石頑成夢影落寒流比擬

懸崖枯坐水月同觀醒夢無端總不留庵有夢石樓源黃葉

志六 古蹟一

葦

臺前殷勤授易黃葉臺在庵中央此樂如何別矣梅花吹送

餘香還應許我橫舟遠庵種梅數十本名梅花渡故云

劉桐過豐草庵弔董若雨先生絕點塵埃百尺樓行

人誤認傍山邱夕陽斜映疎林外怪鳥低飛古渡頭

吟到好詩初落葉參來小影宛停舟先生有舟居聽雨圖從教

迹跡空門去長使高風此地雷

張鑑過寶雲和尚豐草庵瓶盃無端付劫塵重來門

巷及蕭辰白衣自合稱開士青史何從傳逸民禪室

樹深仍度鳥鈞潭秋淨不生鱗西風吹墜昭陽夢誰

為招魂問後身

張鎮過豐草庵有懷董西庵先生挂衲逃名去徒存
揚子居空梁飛舊壘破壁想遺書樹老陰無人稀
草不除幾回池上立落日正踟躕

沈謙詩溪雜憶詩鈞罇潭邊水半渾丁丁斧櫛補船

村可憐豐草庵何在水市南頭試叩門

紀方虎豐草庵懷古脫却青衫去歸來兩鬢華此身

甯有累斯世竟無家吟瘦寒梅影歌殘落日斜西風

天地冷清淚溼袈裟

紀慶曾過豐草庵遺址冰雪殘冬萬木枯陽春纔到

氣潛蘇那知薄暮荒江上獨聽林中叫鷓鴣

志六 古蹟一

葦

秋聲庵 在豐草庵旁按南潛為僧之後有漏霜庵之名蓋即此庵所改

紀晴嵐故廬 在西柵紀家壩紀寅所居

紀寅敝廬漫說溪山等若耶平田片段接村沙石橋

挂網新魚市秋岸飄帘舊酒家掃室不開惟竹影遮

門迷路有秋花擬同五柳柴桑宅豈有塵蹤到水涯

遠偏廬 在南柵石澥張肩所居傍多栽竹

范錯滄溪紀事詩澥溪溪上水雲居舊有張肩此讀

書日暮天寒美人去蕭蕭風竹遠偏廬

我耕廬 在南柵明黃周星題額後為潘尚仁所居

古蹟二

汪曰楨撰 南潯鎮志七

琴堂 在南柵華氏小桃源園中其地是然有聲故名

致覺堂 在南柵廣惠橋西明張領所築

清美堂 在東柵馬家港卽朱國禎少師第廳事今圯

額爲董其昌書後朱佑明購去懸諸其家佑明居南柵陶家橋南西連白鵬兜正廳曰正明堂今爲董氏世德堂東廳曰爲樂堂今爲董氏壽俊堂西廳卽清美堂佑明籍沒後拆其屋移建杭州敷文書院而堂額亦毀

紀遠清美堂看梅寂歷蕭齋畫杜門探梅聊復此閒

行南宗句法推和靖舊相風流憶廣平昔日捲簾通

乳燕今朝掩卷聽流鶯春深無復閒題詠綠野堂前

感慨并

志七 古蹟二

高暉堂 在南柵新開河明董斯張董說父子所居

紀官集高暉堂何必停雲遠寄詞寓公萍集慰相思

無分主客揮毫健自有門庭覓句奇文出定然評繡

虎詩成不俟聽黃鸝飲同避暑人休訝取友親師却

在茲

董蠡舟潯溪棹歌高暉堂北漲拖藍興福橋西是借

庵不見苦吟瘦居士雙雙橋燕訴詭謫靜獻齋存草

詩燕

漆鏡堂 在高暉堂旁董斯張所築得唐時漆鏡因名

張鑑潯溪棹歌漆鏡堂前落葉稀夢華潭口夕陽微

漏霜樂府誰能續無賴芻尼接翅飛董若雨家築漆鏡堂屋上常有

靈鷲人以是異之

雁影堂 在豐草庵中

明董說八月離補船村題雁影堂西壁西風寄語碧

菰蒲休把忘情罪野夫秋水已題茅屋榜夕陽待補

板橋圖危樓此去看霜雁破艇重來熟浪鳧珍重溪

光自矜惜洞庭兩點一村孤

水堂 在報國寺中亦稱溪堂亦稱水軒今無攷

明董說秋夜水堂卽事履聲歷歷緩可數燈影蒼蒼

光一圍夜深人在竹窗語蟋蟀滿廊同補衣

志七 古蹟二

又此山禪師見訪報國水堂之作病未裁蒼展周氏

雙節圖慨然歎詠卽和前韻鷓鴣聽雨擬相尋病懶

依然槁木林丙戌易姓林有槁木林印錄到雪舟驚髮白本師堯

有雪舟集皆乙酉省親歸里時雜著秋寓報國初編餘錄九月望晨起新見白髮織成蒲履

又秋深雙松一卷孝兼節名畫聯珠吳與欽去賢氏

遊氏六幅況讀非齋老翁跋夜長銷得水堂吟

歲寒堂 在塔院中

楊鳳聲塔院歲寒堂題壁最喜僧扉闢幽尋且破顏

吳鞵穿市曲佛屋枕溪灣竹色兼秋淨禽聲入定閒

脩脩禪味逸已覺隔塵寰○尚有高人跡畱題騰榜

楮黃九煙嘗寓此歲千秋歸夢史一笑續湘纍魚服

生前困龍奪墮後悲回谿風月夜酌酒榜船遲

夏為堂 在東柵馬家港為寓賢黃周星隱居

渭雲堂 在東柵下塘董氏所築

樂志堂 在東柵皇御河工部侍郎范璨所築奉 御

賜松巖樂志匾故名

寶詒堂 在北柵外李家河孫氏所居

袁士達經溇溪過孫電賜村舍語舊茅屋曾無百里

賒為君雅愛滯歸槎身逢故國猶為客地較他鄉已

是家西隴稻香肥紫蟹東籬霜冷綻黃花杯深轉覺

志七古蹟二

三

心添緒分手溪橋月又斜

紀復亭至孫紹武家看牡丹一棹延緣就牡丹到來

濃豔悵凋殘轉思昨日顛風急知向高臺特地寒斜

曳纖裳愁故苑半欲叢佩倚危欄明年早辦看花眼

醉倒枝頭赤玉盤

夏耀曾內中春暮寶詒堂孫宅看牡丹一度尋春一

黯傷素衣愁對百花王驪戎兜率描摹別先大父詩

內渾無色兜率天麗日晴風韻格香先節母詩有紅

邊別有香之句迎麗日朝酣酒

笑倚晴風暖送香之句兩世新詩成古蹟廿年舊路認斜陽羨

他無恙梁間燕長伴名花話草堂

溪上草堂 明董份築今無攷或云即蓮

明董份草堂新成適子睿過偶作家住溇溪綠水隈

臨風新築讀書臺應門只有雙黃鶴惟許幽人日往

來

又溪上草堂碧溪深處絕塵喧自汲清流日灌園却

笑漁船長共到不知是否比桃源

蓮漪草堂 在東柵蓮溪上亦稱蓮溪草堂董漢策所居

後歸金氏更名蓮溪書屋

董良弼感懷序予有祖父所遺蓮溪草堂境頗幽靜

予兄弟同居門外古槐如繪前臨方池芙蓉擢秀每

志七古蹟二

四

于晚風曉月清香撲鼻樂何如之子於己西自京旋

里已售與他姓海燕來歸舊巢已失付之浩歎而已

○多年混迹類魚鹽回味何曾似蜜甜尋壘燕思歸

折棟奔巢鳩喜喚當簷桃花泛水從茲去柳絮隨風

著處黏三徑關心今已矣決疑奚用上靈籤○門牆

槐蔭似虬松回首何堪歎莫容試到習池終姓易難

歸趙璧本才庸兄酬弟勸豪情冷月下燈前絮語囁

昔景依然空涉想碧荷香散露華濃

金大鯤蓮溪書屋先大父讀書處也長夏小憩慨然

有作門外藕花香門內書聲起鄰媪為余言宵深猶

如此誰是繩武人而忘三味旨○吳江兩周公兩清華先生

生茗水一凌子備人先生於茲結文壇相與討詩史荏苒百年間雙桂猶存耳

西芬草堂 在東柵洗粉兜姚景嘉所居

趙氏溪樓 在西柵務前明趙金趙雋祖孫所居

〔明董份秋日過宴心山樓上〕幸有王孫宅甯無東郭

游融尊賴常滿陳轄判須投高閣景難暝疎林色易

秋小山饒桂樹自是得流雷

〔明王叔承赴蓮池宏上人講筵輒同宋宗獻僧行恣

過訪趙長文溪樓即事齋餘尋勝侶塵市即滄洲少

志七 古蹟二 五

喜千秋業貧嫌七貴游野航蓮社約村醕藥錢雷滿

眼驅田舍那堪百尺樓

和雲樓 明董份館李樂于此今無攷

太清樓 在大宗伯第四明董嗣昕讀書處

抱冬樓 在南柵廣惠橋西明張光治讀書處

曉寒樓 在豐草庵中董說夢至石樓有七字篆牌云七

十二峯生曉寒因名

聽雨樓 在豐草庵西

且住樓 在蓮溪上閔南仲廡居

董師植沁園春閔耐庵自豫章歸新僦小樓顏曰且

住賦歌索和倚韻荅之魯國苗裔膠西孫子在雁行

間但軒渠遐舉英風蔽月蕭閒自好落魄深山君且

幽居我能乘興掉臂遊行把釣竿晴簾外任江魚潛

躍舞鶴盤桓○無心斜倚東闌看幾點飛花且放顏

怪吟肩高聳神寒骨瘦霜巖徒步暮去朝還白晝攤

錢良宵釀飲風雨飄搖不捨關蓮溪上有綠荷紅芰

儘可言歡

霏青樓 在南柵廣惠橋東董思讀書處

倚鶴樓 在藤語軒南

影山樓 在白雪齋中董漢策所築樓前有影山徑

志七 古蹟二 六

董漢策影山徑此地無山而余性喜山甚以雲為山

山徑樓日玩其橫側峯嶺號為影山故徑曰影

影山樓 亦闕斜倚月牆角白雲虛磴幻通天窗風

清掃石居迴轅無俗客送橘有刻書澄目景何盡烟

巒得自如○又影山樓似有如無天半嶺非耶是耶

雲中人高懸帳裏夢鄉印輕移空中蜃樓春芙蓉仙

闕雨餘失麟鳳奇峯曉色新坐攬千山萬山趣歷遊

洲島且休論

夕佳樓 董漢策館張道岸于此今無攷

〔張道岸濤上夕佳樓奉酬秋江道兄〕序吾友楊子天

益菰中雋士也身兼三絕風度藹然置之晉人中當

與阮嵇稱伯仲一日晤肩仙席次請更字于余余曰
仰挹清範秋江其可乎問何義而曰君不見江自巫
峽來其流遠矣水至秋而澄其氣深矣深且遠非山
水之最勝乎況君以秋水為神涵虛澹宕舍此其安
所取耶爰賦短章以推雅尚云○楊子凌雲器超然
不可疎清風融物累真氣入黃初木落山容見波平
帆影徐坦懷歌爾汝靜對若憑虛○辛亥三月七十
二峯樵張道岸懸渡時年已四百二十甲子矣

九宜樓 在蓮漪草堂西董煥讀書處

董漢策九宜樓卽事萬言薄有縹囊恨一劍當空日

志七 古蹟二

七

影寒雨過殘燈供夜讀清宵常抱陣圖看○宜風宜
雪更宜秋酒送清歡月挂愁窗裏吟聲飛綠玉人間
卽此采真遊

董熄九宜樓雜詠舊插五株柳今栽百本桑尚堪供
嘯詠春草滿池塘○書積高連屋春深綠滿庭上階
鋪碧蘚昨夜雨冥冥○元龍樓百尺貞白閣三層臥
起浮雲盡南山見一棧○疎竹漏初日高松聚晚風
地偏無客擾抱膝故書中

董調元九宜樓晚眺環繞有洞溪層樓窈窕岸西槐陰
歸鳥倦暫寄一枝棲

董肇鎮九宜樓白皮松虬姿只合倚天根移種書堂
比德鄰舊物百年思手澤霜皮十丈見龍鱗陰迷義
魄長疑雨翠挹湖山不為春莫羨向榮凡草木知君
自抱歲寒真○又美人峯石石骨偏呈窈窕容巫山
頂上最奇峯天邊蜀道真難上夢裏襄王豈易逢花
影乍涵紅頰潤苔痕初長綠鬢濃藤蘿莫怪多蒙繞
只恐還飛雲雨蹤

青霞樓 在蓮漪草堂東董燿讀書處

謝洲青霞樓讀書歌為董經遠賦青霞之樓蓮溪側
董君讀書樓上頭朝朝不待晨曦出一編在手指雙

志七 古蹟二

八

昨夜夜聽盡更漏永孤燈黯淡吟不休時而千花錯
綺繡春光爛漫樓前浮時而奇峯四羅列夏雲萬疊
天邊稠時而皓月到牀前清輝如洗長天秋時而照
案雪三尺寒風凜冽歲已周四時日月任賓送惟有
牙籤萬軸勤鑽搜我因問董君讀書有得不古來四
庫浩烟海滋味只有遺經修務棄瑣碎置不道但使
義理心相謀不然手披目覽徒自苦到頭只作書中
囚董君領此意日向周孔求涵養久愈熟益益天機
流忽然長嘯萬籟寂突兀乾坤一小樓

橘香樓 在西芬草堂內姚景蕙董時植橘一株越數十

年而碩大繁衍味甚甘美人咸以為壽徵因顏其樓

百尺樓 一在洗粉兜姚氏園中一在花園街董紹聞園中又名南樓今並廢

董恂潯溪棹歌溪南舊日好樓臺百尺樓高近已頽

猶有奇峯西草莽夜深相送月光來家紹聞園中有百尺樓即南潯

十景之南樓春曉也又有明月峯

心遠樓 董煜所居今無攷

槍樓 在北柵柵橋畔有小樓獨高乃明季里紳董氏所築登樓施放鳥銃以禦湖盜赤脚張三者

張丹山潯溪棹歌禦災捍患借前籌文武才名第一

志七 古蹟二

流烟火萬家資保障柵橋畔有槍樓

御書閣 在明義庵中南宋初建藏宋徽宗畫鷹一幅高

宗御書清風明月四字元趙孟頫復題明義庵三字畫

滾馬圖畱此明嘉靖間袁表有御書閣下鷹還在明義

庵中馬尚存之句猶及見二物也康熙中修乾隆十四

年重修按舊志及府縣志並謂御書及畫鷹乃高宗南渡過此所畱不知高宗從未至潯也

曹大斌募修南潯御書閣小引節錄潯水之南曰南潯

烏程東鄙聚落也有古刹曰明義庵肇自宋英宗治

平間迨高宗南渡駐蹕臨安嘗經于此小憩庵中畱

道君御畫鷹自書清風明月四字而去庵僧建閣供

之因名御書閣庵以閣著而明義之名稍隱及元趙

承旨孟頫為題庵額畫滾馬圖由宋而元而明而迄

我 皇朝歷年踰六百其閣屢壞屢修久而不廢今

年春正月無塵上人詣予告曰閣欲敝日甚不修必

廢欲懇四方宰官善信合力而重葺之君其以言先

焉時乾隆十四年歲在己巳

張雋御書閣和恭叔武京洞冥遺跡委秋原取次鄰

塵逼檻軒何帝曾畱飛白字寺僧虛指畫鷹存因鐘

試石從來有借地栽花亦自繁祖謝響然遙集處即

今勝事屬梁園○市塵迴合暗郊原暫得登臨意欲

志七 古蹟二

軒逃矣不聞南渡事歸然猶見魯靈存誰家甲第經

新闢幾處征船數舊繁豐草記成曾見稿可無佳石

壯孤園

潘耒御書閣三首閣在南潯明義庵有宋高宗畫鷹及趙子昂滾馬圖今在南遷

草草宋思陵駐舫拈毫尚畫鷹何似鷹揚麾下將掣

鞞萬里縱飛騰○王孫懷古此逍遙滾馬畱圖紙價

高輸與開元老曹霸南薰殿上畫拳毛○墨妙銷沈

不可攀前賢遺跡尚班班甲第朱門幾遷改長存誰

得似禪關按詩以應為高宗所畫又與舊志說異

董煜御書閣懷古高樹下斜陽荒江接汪濊岌業御

書閣新晴宿殘靄康王奠南都恭儉人推戴兵迴山

口鎮蹕駐維揚埭相李七十日汪黃三尺喙才勝白

沙棋俄下天長壘同建業扼險塞失計乃避回去聲駕

言幸武林潯陽頓前隊回首京洛塵良岳紛鐔鏃蒼

茫書畫學兵發長慨繡褱與錦贖那可汗牛背故

簡識去聲太清流離增感槩蒼鷹不解揚風月何足愛

御筆竟零落江介鐵山碎中興倚諸將岳韓凡幾輩

奈何一偏聽不思敵所愾狡獪黃天逃憤懣朱仙逮

奕葉忘國仇甘心金幣載樞木侈結構全藻輝闔闔

但喜天亾金不料元強對玉匣冬青寒荒陵流水裁

志七古蹟二

去聲損齋書放失天章閣傾廢矧此宣和筆不隨泉亭

潰鵲啼一花落歌咽千珠琲登臨悵遐矚興亾感時

代士誠亦英雄城隍莽安在

董文白御書閣天章淪落角鷹揚古刹名傳宋未亾

梵唱聲中遷歲月爐烟影裏閱滄桑江山半壁歸泥

馬社稷中興跨鳳凰風月佳時禪榻畔居人猶自說

康王

紀復亨御書閣繡球花誰將月彩鏤玲瓏面面看來

花樣同記取廣場人簇立氣球爭蹴御街中○春盡

空庭綠蔭遮佛燈熱火鬪新茶文殊結夏獅閒戲滾

落禪房一樹花

曹仁虎潯溪竹枝詞霜鷹一幅道君摹更有王孫滾

馬圖玉躡金題零落盡御書閣閉長青蕪

范錯潯溪紀事詩南渡興亾那忍論天涯芳草去王

孫丹青一例多零落佛閣森寒晝閉門

秉經閣 在南柵外乍安兜善田張氏宗祠內明初張立

建

紀氏文昌閣 在西柵紀家壩久圯

明董嗣成驟雨夜集紀氏文昌閣時予即發若溪矣

高閣憑虛敞平臨四望遙日光含雨脚雲氣抱山腰

志七古蹟二

曲與龍吟度風隨笛韻飄夜深惆悵別孤枕自寒潮

万熊潯溪竹枝詞鳳皇池畔書莊圯白雁兜旁花墅

空惟有三層樓尚在幾經易主笑春風

雲興閣 在北柵外雲興寺旁董漢策建久圯

蓮閣 在大宗伯第內愛蓮池上董漢策所築後裔孫董

慶槐居之易名芳蓀閣

黃葉臺 在豐草庵中

君子軒 元時姚氏所居今無攷按管道昇畫竹立軸上

有跋云至大二年四月二日吾妹魏國夫人仲姬見訪

於南潯里第燕坐君子軒寫此幅姚管道昇識按軒疑在北柵

或謂即洗粉兜姚氏非也洗粉兜姚氏元季自安吉遷
吳江康熙初始遷潯蓋元時潯中自有姚氏今有南北
兩姚家匯而北柵外地名有姚田姚家兜姚家灘明時
尚有築退庵之高士姚某姚氏之盛可知其人爲趙子
昂僚婿而其妻亦工翰墨意必風雅好事者子昂有與
直夫姚丈札託其南潯購物未知卽其人否惜載籍無
徵名爵莫考并仲姬有姊知者亦尠矣又潯溪文獻引
書畫緣名媛元時陳自幼能書適南潯姚氏蓋姚氏之
婦世以書名亦韻事也

臨水軒 在圓通庵中明華士樽有題壁詩今無攷

醉漚軒 在蓮溪上董漢策所築久圯

董煥次韻鑑平溪上醉漚亭枕碧溪濱冒雨誰來共

墊巾收拾烟雲開倦眼平章花鳥趁閒身柳陰眠水

深遮月竹翠迎風遠笑人正及池塘春草發夢闌得

志七 古蹟二

幸

句不無神

來月軒 在青霞樓旁庭中牡丹一叢花開頗盛

董渭題全夫弟來月軒此身不受俗塵蒙曲檻虛窗

興未窮琴韻微聞綠拂榻茶烟忽亂爲通風日移新

竹搖簾綠蜂帶殘花落硯紅幽境唯吾頻往返高談

常見月如弓

嚴遂成來月軒雅集軒臨荷花池集者九人董誦夫
景純扶搖承餘對鸞皆昆弟也

異姓謝文若王翺如及余開軒月未來荷氣襲寒瀾賢哉東道主

又錢薦魚遠經于思髯將軍箕踞座之右文若尾以短

主簿僂僂循牆走承長身頰其面扶白哲濯春柳如

山心厭軒冕景純虎氣騰牛斗對賜年最少都講誦夫時爲

鬪分題唱一和者九嶰管雌雄鳴鐘筵大小叩譚紛

脣外焦聽勅耳內吼殷壁鄰里罵觸屏童僕詎日沈

未許歸歸輒挽其肘明日亦復然卯來去以酉歡獲

十乘珠愁掃千金帚賦別良獨難歸夢落虛牖夜寒

雁叫羣殘月照魚鬣

汪延澤來月軒牡丹一綫貓睛認舊圖天香裊露染

襟襦月痕正午花尤豔粉本翻新合再摹

巢軒 在東柵下塘董漢策讀書處

董漢策賀新郎癸未甲申兩載在水南巢軒讀書與

志七 古蹟二

幸

友人王元趾陳星隱顧龍隱畢澹鷗顧芷庵相聚甚

樂所著有巢軒詩稿計然子老子注等書淺架藤陰

屋幸窗外蘭松相向伴子幽獨助我論文花共酒晤

對人人如玉碧天新蘸雲爲靄深夜月明誰識我有

苦吟聲當橫吹曲賦垂成飛金粟○觀之不足梅和

竹較文心眾花無色瑤華新沐筆繪函關描畫得文

喜先生含蓄兼霸越強吳蠻觸到今朝書藏花谷鶯

鶯燕燕還能讀千重意芭蕉東

藤語軒 在白雪齋旁

別有軒 在雨蘭谷南

見月軒 在薇林書屋北

容安軒 在南柵且佳園南董燠讀書處

得閒軒 在明義庵中

紀遠題學海上人得閒軒二首為訪詩僧屢叩關竹

林風致似居山尋常不識西來意輸爾今朝一味閒

○何事焚香只閉關市塵不到即深山從今莫問安

心法不是無心那得閒

漏葉軒 在得閒軒旁

紀官和漏葉詩月老初尚初上靈巖禪室未整風落滿肩書漏葉二字學海有詩并刻字

名其脊梁豎起草禪堂笑倒庵名先漏霜不是漏霜

志七 古蹟二

五

還漏葉這回漏洩有春光○滿山木葉自隨風逗漏

茅蓬眼目空驚世文章遮不住丹黃收入墨痕中

愛日軒 在西柵西吊橋西北吳巖所居後歸沈氏道光

中沈登瀛重葺更名深柳讀書堂

思賢齋 在南柵外善田灣元張士諒所居

時習齋 明董庠所居今無攷

泉石齋 在西柵紀家壩明紀廷鉞所居

明袁表同文衡山過壽雷紀氏泉石齋賞菊秋後菊

逾芳花前席對張綴金紛間色錯錦列成行細蕊朝

承露繁枝夜避霜幸逢投轄主爛醉短籬旁

紀端泉石居所集名賢作長歌以紀其遺事泉石遺

廬二百年庭中列坐盡名賢今日清風白雲裏所聞

往事猶能雙一庵初結峴山社社散來談禪與仙白

華樓下鹿門子一觴一詠兼管絃文章行誼驚海內

吳中名士各駢肩絳衣緋色捲簷帽衡山醉倒竹窗

邊白楊老筆追米芾子傳傳粉薄黃筌二公文氏稱

高足攜來視席果翩翩風流勝會今已矣門外老樹

色蒼然詩畫遺存十之一餘皆零落等飛烟客來指

點舊風景斑斕半壁字嬋娟袁公會謫苕溪驛春風

一棹寫花前

志七 古蹟二

六

元覽齋 在大宗伯第內明董嗣成築董廷勛讀書處

白雪齋 在東柵下塘明董嗣成讀書處董漢策重築

明董嗣成小齋初成率爾紀興兼謝方文明李自父

諸文久厭朝市喧幽栖託蓬門心期仲蔚宅敢擬辟

疆園隙牖青霞入閒除碧樹翻將迎余欲絕枯坐已

忘言○孤蹤希獨往長揖謝人羣故北聊新構空齋

滿白雲山中攀桂樹谷口挹蘭芬復有瑤華在悠然

淨世氛○關地聊當隱誅茅暫屏蹤開軒數竿竹隱

几一孤松有客題凡鳥無人識臥龍遠公時共語清

夜坐聞鐘

董漢策白雪齋先光祿讀書處歷年傾圮稍葺之兼擴數椽仍舊名者不忌本也死

入有遺構遙傲雪堂名鏡月照皇古冰心入太清曲

終琴解和聽盡竹傳聲對此悅幽素臨軒棐几橫

澹月齋 在洗粉兜華士嶼水部第中

范錯潯溪紀事詩遺愛松溪善頌皆指陳利弊粟冰

懷歸田不少吟詩興秋掩梧桐澹月齋

靜歛齋 在高暉堂內明董斯張著書處

明董斯張靜歛齋雜詠畫葛蒲是宜廟御筆刻藤墻

微綠龍跡真軼羣至今九節香還帶空同雲○許君

贈子何首烏植之庭神枕誰相授丹砂餌詎能朝來

志七 古蹟二

欺素髮已種夜交藤○紙糊窗膩粉置窗側衣之高

麗繭短簷風任吹深夜月長展

張雋同王元趾集若雨齋執瑗言別聯句為贈蓋說

雲門家可移結巢長恨未能為孫文非今日三年藥

病是吾儕一字師雋半幅寒香心在畫殘更舊緒客

畱詩雋植梨橘柚雖多味無舌人看總不知雋○鳧

鶴從來不可移盡將好事讓人為雋世情老閱方尊

我農譜新翻便得師雋一笑幸圓懷友夢無端又作

送君詩雋此宵靜歛停杯意應有蘭亭花露知雋○

西吳一席又將移更有同聲恨爾為雋○陳章侯詩

吳姓氏不忘終我崇文章何苦作人師雋未橫雪

千枝杖非續松陵雜體詩雋落落此中難舉似半階

寒月或相知雋

范錯潯溪紀事詩文章佛事作同科靜歛齋頭善養

病憐悴當年瘦居士閉門長日著書多

密齋 在蓮漪草堂後董漢策習靜處

擁默齋 在薇林書屋西

餘素齋 在西柵紀家壩紀官所居

董熄過紀丈餘素齋時雙目以病而替望衡祇隔一溪清屣

步斜陽畧約橫樂府新聲屬張籍野亭舊史訪邱明

志七 古蹟二

樽腸尚有書堪味著眼都無事可驚獨向寶雲尋活

水安瀾不與世途爭

談昔齋 在南柵泰安橋東謝州所居紀遠館于此

紀遠紫薇賦序唐人作牡丹賦有朱槿灰心紫薇屈

膝之語余嘗以為不平戊寅之夏讀書於謝氏之談

昔齋適有紫薇一本當暑盛開乃邀次調同賞因而

賦之

又談昔庭前疊石為山詩以落之便有林泉興何須

更逼真想從雲際出應與畫家論已覺消煩暑還疑

遠市塵為山非是假託意在斯人

益齋 在大宗伯第內董友松讀書處

古香齋 在大宗伯第內董揚讀書處

青樓齋 在紀家壩紀汝霖所築

紀汝霖新構小齋即事小構初成意若何但能容膝

且高歌空憐帝子神鷹香難覓王孫駿馬過天上金

雞聲久寂池中彩鳳種無多莫言此處無魔障愛慕

牽縈即是魔齋東偏即御書閣後有金雞術鳳皇池俱古蹟

薇林書屋 在蓮漪草堂西九宜樓北董漢策所築後歸

汪氏嘉慶中汪延澤重葺更名五架三閣新草堂

董漢策薇林書屋落成有賦宅西別構數楹顏曰薇林書屋朝夕吟嘯其中

志七 古蹟二

九

長吟豈復歎知希耐久香林且下幃萬點花飛酣蝶

夢一庭雲臥挂荷衣隨人木偶看嘖笑伴我松圍共

瘠肥仰睇微垣發清慨誰從安樂得先幾

董蠡舟潯溪棹歌道漪風皺野塘均當日微君此結

茅想見薇林消夏地半池涼月浸花梢

董恂讓庭舅氏營別業于潯溪趙味辛司馬顏之曰

五架三閣新草堂作此誌賀五架三閣新草堂御河

東畔水雲鄉經營白地功非易上築青山願竟償曾

是薇林徵士宅旋成竹里石丞莊地為先徵君公剛薇林書屋故址

逢燕到吾同賀手寫洪麻作頌章○南簷北戶費籌

量五架三閣新草堂餘地儘栽多種竹好花更欲別

開莊欄前涼月凝晴雪巢外香風豔海棠堂之南曰晴雪山房

琴囊載小航落花時節辦輕裝一家八口舊仙眷五

架三閣新草堂位置東山花下席安排北海座中觴

畫圖倘要移居寫合倩荆關學硬黃○遶門一帶芝

荷塘何必桃花始姓汪前後門俱臨水夏時荷花甚盛居人稱曰荷花池頭小

立夕陽兒下學淺斟明月安焚香九條七錄古書庫

五架三閣新草堂更羨紅閨多韻事女相如亦擅文

章始氏趙子逸夫人有鴻月軒集○來去何煩一葦杭吾廬咫尺恰

相望也如乞壘頻談奔還為探奇屢泛觴同訪古城

志七 古蹟二

九

思太尉約尋遺碣話康王從今記取高吟處五架三

閣新草堂

南窗書屋 在九宜樓旁

董耀題竹隱兄南窗書屋世味年來薄潛身亦自宜

松風涼午夢梅雨戰新詩落拓雷違俗游閒正及時

興來誰會得長嘯對清池○門徑灣環入輪轅未許

通灌栽新事業耕讀舊家風竹韻侵牆角槐陰落座

中南窗堪靜寄掩戶樂何窮

伊蒿書屋 在西柵紀家壩紀復亨所居

伊蒿書屋 在西柵紀家壩紀復亨所居

紀復亭乙丑冬自秋卿第遷伊蒿書屋四首又向滯
川覓住新相隨家具亦勞薪卜居未要求詹尹近市
何妨作小人藥爲扶衰尋籠貯犬因得食到家馴依
然瓶盎無多子卻帶睢陽舊麴塵○蟪蛄曳網罟寒
蕪酒地臨時與僕俱燈檠折腰支壁立瓦鐺缺足倩
人扶兩歌半落牆頭粉日計旋謀爨下蘇蠶簡零星
勤捆載世情任喚是迂夫○只分巷後與溪千尺尺
還煩眾力攢姑婦扶攜衝雪至里鄰指點隔牆看酬
人語拙家僮笑取酒囊空賀客寒北里弟昆時見過
繩牀土鏗好盤桓○貧家况味久侵淫買宅何當五

志七 古蹟二

至

百金馬磨依棲欣促膝雞窗燈火勉同衾蘆簾紙閣
心奢望茗椀詩筒力易任少住那堪猶未得入春征
騎又駸駸

淡竹山房 在少師第中明朱國禎所築

是亦山房 在通津橋陸氏所居

凌樹屏重寓陸氏是亦山房有感苔衣繡檻綠初齊
曲曲閒尋路未迷清供居然鮭廿七故人依舊屋東
西襟懷聊復同沂水時課童子六七人箋注何妨到玉溪一
卷尚書全部論古來不少樹雞棲
又余作是亦山房感舊詩南谷先生見之有前識之

言輒依韻奉荅稱柴數米闌闌風千金累置誇豪雄
我輩磊落那須爾不稼往往坐頽宗臨邛移宅空四
壁長卿豈必眞愚蒙賣田買書古有是金填石典富
非窮列竹未看宮入鳳刻牆竟遣齋盤龍君家舊識
良可怪嗟余亦復制圓穹山人頭銜署已久驚視先
上此前櫳是亦山房額本黃九烟書嫁名歐餘山人方猷遂與余舊號適同古墨淋
漓黃九筆補唇那得落其中固知萬事有前定桑薪
豈敢怨熉烘小詩乘興覺昨非誤煩推論稱愁工塊
磊且澆破悶酒芥惹不挂吞雲胸婆娑玉樹消永書
日高尚寐花影重側聞漢王重經術董生勉乎善爲

志七 古蹟二

至

容蒲車翹待下西蜀士安立起風痺躬此時廣廈構
萬間沾溉寒士零雨濛蟲雞得失誠細事浮雲不合
礙高空

半屏山房 在北柵百間樓張升吉所居

池亭 在泌園中今無攷

明董份池上偶成故里存三徑臨池結數楹柳將波
並綠竹與石俱清香杳看鴻去嚶嚶聽鳥鳴援琴鼓
流水誰辯曲中聲
又亭上築圃通幽徑憑池架小亭簾虛凝水碧幕敞
映苔青望野雲垂蓋開窗樹列屏倦游非好隱漫擬

少微星

荷亭 在蓮溪西亦名池亭董漢策建後圯嘉慶十一年裔孫荃重建

董志林荷亭小飲同湘人荐茶風微間白蘋柳塘疎雨暗紅鱗門臨溪水窗橫樹且住樓中未是貧

可也亭 在東柵馬家港呂學所居臨池環柳樹花羅石頗饒佳趣今廢或云在北柵葫蘆白場南

雲柯館 在南柵興福橋東明董嗣昂讀書處

明董嗣成過從弟仲頰雲柯館此地疑元閣吾宗爾白眉窗芸循故業庭桂長新枝夜雨供難燭寒風好

志七 古蹟二

下帷願言崇令德不獨慰幽期

陶館 在薇林書屋左

元室 在容厂東

雨蘭谷 在容厂西董聞京讀書處

容厂 在藤語軒南

榴龕 在大宗伯第內按陳寅清著榴龕隨筆蓋嘗館于此

董漢策榴龕詩稿自序錄余所居非名山大川不足恣遊覽遂寄意於草木性復懶灌葑凡草木之弱苗枯苑率聽之天歲在己卯余生十有六年矣喜食榴則睡其實居無何則叢生如小葦不察也越半載稍

壯則植者倚者拳曲者相連比如小兒蹴踏走階下始知其為榴也稍雍其繁存修榦數本如是者一年則大者如男子初冠弁小者如髫髻當窗楹間未幾則虧蔽日影密蔭竹榻益可愛如是者又數年則朱實纍纍矣余方箕踞日哦其下因題所居曰榴龕然當其食榴睡實時豈知有今日乎天下功成于不意道成于偶然類多如此者則余也殆將把酒賦詩淺歌長嘯拍浮呼榴以為老友

按舊志有古蹟無園第范志古蹟園第分兩門今從府志例槩入古蹟

志七 古蹟二

詩

補遺

潘隱君草堂 元末潘公穎寓居今無攷

明虞堪寄南潯潘隱君草堂湖頭隱居好竹樹日蕭森對酒花當面焚香鶴在陰青山應似舊歧路只如今潘令思吾否高情足漫吟

又訪潘公穎南隱居去歲途逢歲欲徂今年歲晚訪潯隅頭顱未老心還

折世路多艱事屢殊知子淮南思桂樹愁予劍北問桑株閒情廿載渾依舊

卻笑虞翻走畏途按堪字克用一字勝伯自號玉屏山小樵家長洲洪武中雲南府學教授著鼓柶橐一卷一本作虞山人詩三卷鼓柶橐作潘公隱虞山人詩作潘公穎又有送潘公隱還越

志七

古蹟二

姜

上將葬乃父子素翁詩則二本皆作穎字其作公隱者蓋以隱君隱居等字音相近而致誤也攷潘子素名純淮南人見敦交集據此詩淮南劍北一聯蓋子素自淮南徙越公穎自越徙潯也堪先世本蜀人故有劍北之句

寺廟

東藏寺

汪曰楨撰

南潯鎮志八

本朝康熙二十七年董漢策修雍正甲辰乙巳間

里人起金剛會醮金施觀建地藏殿稱為賽九華每歲七月香火最盛壬子建大悲閣乾隆中閣燬于火重修

殿宇并建閣道光十年住持僧達曾募化改造山門重修殿宇十七年重建地藏殿二十六年增立關帝殿

明吳文企東藏禪寺碑記文見碑刻

董漢策重修東藏禪寺碑記文見碑刻金之俊題放生彙紀後錄放生彙紀者忘庵胡先生

志八

寺廟一

之所編也初放生池經始時一望荒邱並無片瓦寸椽徹機上人僅營一團瓢子然孤處于寒風苦霧中

會幾何時紺殿巍峩翼以東西兩禪堂並準提堂瑋麗悉稱是且緣放生推之憫死又于池東寂照寺偕

柴道人收埋骸骨行將莊嚴一地藏殿永度冥魂咸自忘庵先生一念大悲中涌出按東西兩禪堂當即準提堂故址今無攷又放生池當在寺前東西兩廂惟山門旁有石刻放生河三字或係當時所勒歟

夏光遠東藏寺建大悲閣序錄節東藏禪寺潯溪古刹也為接眾之所地介江浙歷來住持者率傳舍視之

紺宇琳宮日就頽圯如天上人來自邗江駐錫數載

百廢具舉首建地藏殿金碧莊嚴由是前後殿宇寮舍及毗盧閣次第鼎新茲因殿西有隙地一區矢願建造大悲閣吾願一切眾士同發大悲將見樂輸者白輻輳而至矣雍正壬子八月

重修東藏寺序節潯溪東有東藏寺其來舊矣昔董宗伯潯陽先生與雲棲禪師投契遂重建而更大之其後華亭董宗伯思白先生與朱相國平涵先生交最密宗伯來潯上數往寺中捐金更構堂宇庭前樹樹扶疎高聳猶思白先生手植也康熙三十年董徵君芝筠先生復捐貲合眾力修之且作記以刻于石

志八 寺廟一

二

今歲久傾圮無復舊觀前月樵上人有志恢復之而以病去今也閒上人來繼是席遂發願重修焉按寺於明萬曆中碑記其明文云舊有此寺董份重建者誘又張鑑秋水文業亦謂僧言寺有元人碑則非肇始於明然今搜訪寺中實無元碑也
釋悟詮東藏寺重修山門記文見碑刻
張鑑重修東藏禪寺記文見碑刻
又東藏寺重建地藏殿碑銘余既為東藏寺碑之八年達公智刃所游無適非可復以正殿西側舊有地藏殿一區歲久傾圮榱桷摧壞改而拓之前展石亭以延瞻禮仍先名而增後構法宇光嚴焚修彌潔隆

材厚礎式煥丹青凡用工費若干兩落成之日香花駢集會者友范錯白舫捨寫殿扁自漢陽馳書達公謂樂石之文當屬不佞往返敦切則進而叩之曰公具三空之解脫孳四忍之真修誠重勞輕曜茲佛日厥功偉矣不佞貞疾跼居元關莫敢事不知不可言羯磨眾不悅不可言陀那石墨云何達公曰否否纂修十稔雖勞動不辭而掩人之善則口業滋重此雖迦葉之棟梁實則人倫之龍象檀施其成子何力之有昔白雪吳太守碣有言佛家戒誑儒宗貴誠初無歧視茲眾善數沙即等於恆河而道本一宗法還

志八 寺廟一

三

不二蓋有人焉里中張君宗驥之母徐太君者宿習願力輸其家錢自琳宮紺宇之莊嚴暨寶相金姿之塗澤種種善端莫可殫紀獻歲發春壽開百稔躬見五代盍亦因像以悟真因名以悟實此而不書湮沒是懼余曰然則亦以吾道釋之夫洪範五福一曰壽而繼之以攸好德列子順民四事亦一曰壽而繼之以名蓋名所以載德佛之久視長生即儒之永錫難老太平之世多壽而世之求仁養志靡不願延齡長命觀達公之克辛劬者如彼而張母之能成就者又如此欲不被諸貞珉其可得歟達公既遠紹月樵也

開兩高行之際緒因基址有限卽於殿側表彰塔碣
善緣湊聚不忘前軌咸宜垂久其餘善信書諸別碣
友人溫曰鑑汪曰楨董升楨並與壽母子姓有涉者
篤信儒術學古不惑借過愆愆同載之石爰作銘曰
浮玉之陰有列者泉匯爲壘溪左右澄淵翼然崇構
跣結金僊法輪自轉樂樹長圓爰集禪侶參澄益虔
祥雲夕涌慧日晨懸魚鐘梵唄花燭經筵介我稷黍
穀我市廛亦有檀越妙性純全錫之遐祉報以永年
無涯之慶施及大千迦陵嚶嚶貝多娟娟旣光壽寓
彌厚福田對揚 王澤其證堯天

志八 寺廟一

四

入碑刻仍
載於此

明董嗣成秋日過禪堂卽事東林少塵事叢薄散深
秋水色到門淨鐘聲入院幽焚香蓮座下洗鉢竹溪
頭不識歸途近吾將問趙州

董浩軾兒讀書東藏禪院潯東汊而南水木最明瑟
東藏古禪院高閣蘊林樾碧波環寺門綠野列村墿
幽禽和梵唱漁榔鳴落日觸景得妙音會心助吟筆
我昔嘗愛之塵鞅苦內熱只今又病疴足軟類跛鼈
累虛贊公請難入維摩室今春喜招手一榻爲汝設
如師頗愛儒粥飯分僧鉢齋菜汝所慣淡泊發明哲

古來精進人參悟借老佛六時閱鐘磬寸心勤卷帙
○卷帙實淵海博洽豈汝能六經四子書義理深且
激躁心動塵鏡口誦心則晉記醜強搏撫飢餓愧殺
烝心中不了微筆下簡呼膺今爾寓招提諒無俗慮
陵春朝曜晴旭春晝俯新塍農事競東作佛子參西
乘矧伊聖人徒敢以嬉游承外寂得靜坐內專在服
膺身安而心馳愧彼面壁僧趁此三春功亟登最上
層晝夜永不息炯炯長明燈

志八 寺廟一

五

董炎東藏寺訪梅二首昔年曾上青芝岡萬山梅花
佐飛觴豈知三載不相見酒醒夢覺空徬徨場來探

梅到古寺兩株團雪舒幽光荒村如覩故人面婆娑
其下喜難量梅花見我亦有情微風爲作撲鼻香天
清無人花不語妙意自在空濛鄉詩人領略不能盡
坐待圓月明昏黃○梅花不畱世間熱獨倚僧齋寄
清絕老僧不作世間事獨向寒流洗空鉢梅花老僧
臭味同我來對之心神豁去年寄食村南頭今年家
食愁生活人生衣食苦奔馳借此清風解飢渴遶庭
百匝不忍歸生怕一別成永闊義和駕馭鞭更急白
日已挂扶桑末還當載酒續前遊與客同醉梅花月
紀復亨東藏寺楸樹是蓮池手植精藍得古木黛色

望中浮種說雲棲衲陰連海國秋震雷燒樹腹樹會經
哀瀨瀉僧樓快意來消暑攤經枕石頭

紀汝霖東藏寺卽事有感忙裏尋將閒處來百年心
事欲成灰故人冥漠荒烟合讀董六歐亭古閣淒涼

亂石堆謂焚大噩夢幾番先我覺法門不二俟誰開
最憐殿角誦誦者一卷金剛瞬不回

吳謙過東藏寺有懷蓮池大師信步向東林溪橋遠
塵閣院深樹亦幽手植蓮池在寺有樹樹大已數圍相傳爲蓮池手植

蓮池古法雲淨土彙語蓮池爲法雲地菩薩示身辨才了無礙力開淨
土門白業誰敢背上宗遠法師不離斯旨外眼前非

志八 寺廟一

六

匡廬苑與蓮社對

張鑑溇溪棹歌禪堂燈火向秋多十寺燒香女伴過

一申杪權珠百八大家深夜誦彌陀東藏禪堂植樹一本僧歲取

其子爲佛珠又俗于十月晦日夜禮佛達旦名曰坐夜佛

張丹山東藏寺菩提樹歌道場寶樹森輪囷四圍光

怪千由旬旃檀香與吉祥果莊嚴雜寶羅奇珍年來

夢想極樂境琪花瑤草經冬春今茲過從范莊道爲

訪粉榆事幽討東藏不丁殿西陲婆娑天矯菩提好

盛夏花發黃金塗紛披覆庇西南隅佛手下垂如接

引枝枝葉葉高低鋪登毗盧之傑閣眺夕照之浮圖

香飄飄兮芬郁實離離兮繁紆千根萬葉不可以悉
數但見頭陀佛子俯仰而清娛君不見南海垠六祖
老榦撐乾坤戒壇亭亭干霄立秦松漢柏皆弟昆又
不見英華殿慈聖手澤猶蔥蒨百年世故閱滄桑無
生無滅殊僧院我來此寺長咨嗟客無雌黃僧無譁
願將此樹昔人記爲君一一詳搜爬或云啓禎日華
亭掌邦秩上方豔說香光名嘉種分來畫禪室或云
萬曆時溇陽手栽之金仙長生承密記泌園荒圃空
爾爲或云勤拂拭蓮池親手植講筵現出菩提身如
見法雲地古德不須躋攀迴曜峯不須馳赴寶刀龍

志八 寺廟一

七

不須灌溉金液聖義功德水枝頭日日揚仁風況今

精廬憩范蠡便腹笥囊無底朝來相對枕椰庵清

談令我塵氛洗盤桓懷古發新吟清風習習開煩襟

佛祖有言菩提本非樹與君試聽微妙空中音

夏耀曾東藏寺看牡丹名葩自昔數天津曩時李家

盛屢經過訪孫翁誰向空王殿裏陳時地頓殊春不

改色香依舊景偏新看來老眼渾如霧認作天花倍

覺珍富貴若能長自在好憑小隱結芳鄰

董恂東藏寺我愛禪房寂清幽此地推能詩僧不俗

賣畫客頻來樹古陰猶密年深塔半頽茶烟還竹韻

相對絕塵埃

又潯溪棹歌南接神祠北梵宮遊人道與九華同莫

賡月落烏嘯曲百八蒲牢吼暮風南潯十景有禪院鐘聲

寂照庵 在東柵馬家港東藏寺南

方燾寂照庵寶枝山房遲溫雪舫不至境僻遠市喧

官然萬籟寂佛爐吐靜香幽戶生虛白落葉滿空庭

牆角攢秋色心閒詩趣生延佇聯吟客足音想楚然

暮靄凝空碧

賢聖殿 在東柵馬家港長生橋北明建 國初重修道

光中永福庵僧建中駐錫募化重修傍有礪山神及魯

志八 寺廟一

八

班張班祠

金之俊募修五方賢聖殿引錄茗鎮賢聖殿庇佑一

方不知幾閱歲矣日就傾圯有僧智遠謀更新之

董蠡舟潯溪棹歌明德橋橫綠水灣文禽兩兩宿波

間唾絨莫使當窗繡賢聖行香此往還明德橋西南有賢聖廟每歲五月與神出行于市以驅疫癘謂之行香

正宗居 在東柵馬家港久圯或云在南柵陳家墩

黃周星過正宗居晤不負禪師蓋因其父殉國難而

兄弟隱於空門者昨識南家路相逢似夙緣桃花堪

悟道柏子漫參禪忠孝三生事文章萬古天我師端

不負名號自今傳

周道昱宿正宗居寄允然師人間無路覓蓬瀛是處

陶情已足稱爐篆半簾迎素月梅花兩樹伴高僧夜

長夢去塵心斷靜極機來詩興增珍重良宵非易得

任他雞唱不須憑

董恂潯溪棹歌明德橋頭有故墟遊人不識正宗居

白蘋花傍秋溪放綠筇青蓑客釣魚鎮志正宗居

按范志有翠峯院在東柵馬家港東南今已廢志及府縣志皆不載又范志云先文正公題翠峯院

詩翠峯高與白雲開吾祖會居水石間千載家風應未墜子孫還解愛青山先文正公全集云即范

蠡舊宅南潯道中作按洞庭記云翠峯院有二一在太湖杜圻馬蹟山南方十里一在潯鎮東南方

志八 寺廟一

九

一里舊為少伯宅今皆為梵舍今攷范仲淹范文

正公集第七卷載此詩題下自注范蠡舊宅四字

並不云南潯道中作其前一首為諸暨道中作蓋

所詠乃諸暨之翠峯寺是也北宋未有南潯之名

暨長山側今為翠峯寺是也北宋未有南潯之名

且院名翠峯詩云青山而潯鎮無山亦不相合范

莊為范蠡故居已屬附會范志則因范莊而復加

附會也據太湖備攷東洞庭山有翠峯寺唐將軍

席溫捨宅建與范蠡無涉杜圻洲有范蠡宅而無

翠峯院洞庭記亦未知何書范志所云無一是處

乃改竄牽引言之鑿鑿今已削不載但恐後

人復為所惑轉疑新志缺略故詳辯於此

聖帝祖師廟 一在馬家橋上一在豐年橋上范志云今書閣按近年已復還橋上

開濤閣 在東柵洪濟橋北境祀文昌關帝董氏所建乾隆四十年八月中秋夕燬于火五十年通判范全忠倡

勸里人重建咸豐五年復燬七年重建

董蠡舟潯溪棹歌部名八線技殊工三匝雕梁繞未

終好是磨刀新雨過怒濤聲裏唱玲瓏樂工之演傀

作謂之人線班開濤閣

慈蔭庵 在洗粉兜俗名如意庵明董份建以供御賜佛

像康熙中重修咸豐初增塑文昌像

董漢策慈蔭庵疏節先宗伯公典司秩宗常直東觀

御賜佛道聖像甚多歸休林下闢地在潯東偏建數

楹供奉焉越數十載而家業中衰聖像多散失紺宇

漸圯 旌節先妣願孺人建別業于潯北遷供聖像

志八 寺廟一

十

之僅存者而潯東之香火遂輟居民樵蘇其中成廢

圃又三十年所矣有慧宗上人者來自禾中之雙磬

募塑大悲檀像誠敬備至里中信之十年而像成請

賃東偏之廢圃以奉檀像余還其券為指示從某至

某捨地聽其葺建繩先志也

張丹山潯溪棹歌齋殿青詞賜佛龕水雲村外結精

藍西分兜畔鐘聲靜樹冷燈昏一古庵

極樂庵 在東柵外震澤縣界明嘉靖甲子董份始建真

武殿左文昌右關帝萬曆丁卯續建東側禪堂未幾朱

國禎延雲棲法屬完石開講遷文昌於分水閣上移真

武像居左而中殿位三世佛像并題額為極樂庵後董

氏續捨田為後殿基至崇禎丁丑曹村金之俊延弁山

圓證寺印松上人為住持遂議飯僧置齋田辛巳後殿

始落成往來雲水用便息肩順治十年重修乾隆二十

四年重修嘉慶十四年僧覺青募緣建山門造後殿道

光七年里人鑄大鐘于殿按舊志云震澤縣與烏程縣

鄉墟東西列江浙庵實隸震澤地但在潯東數武勢相

聯屬鎮民賽廟皆于是焉譬之天文書南門不屬庫樓

壽星不屬井徭而勢 金之俊極樂庵飯眾募疏節余里居曹溪之西越數

武即潯水極樂庵蓋浙直之孔道也其間雲水縮流

志八 寺廟一

十

凡自平川西至自茗雲東來者瓶鉢絡繹必跋涉六

七十里方獲至止焉至此遇午一餐遇晚一宿庵之

接眾飯僧者歷有年所矣向雖經各檀那捨置飯僧

田若干畝而輸稅孔亟歲豐僅足完課歲歉則挪賃

賠償田無稍濟實有大累也邇者雲侶往來不減于

昔而齋廚索然甚至葶齋弗繼半菽不供或遇大暑

大寒烈日灼膚寒冰墮指求一餐一宿焉不可得茲

幸潯上董氏諸昆季及遠近善信等延請雲棲的齋

行解相應之聖先法師駐錫茲庵以先轉食輪者大

轉法輪謀久遠為眾之計勢必寮房之狹者廣之禪

堂之蕪者葺之以及庖馩園圃澡浴澣濯之所併夏日之趙州喫茶去冬日之大愚爲眾乞炭所需必備缺一不可至於一應執事僧人皆資單錢約略計之爲費不貲非廣募眾緣曷克有濟

又募建大悲閣疏節錄溥水印松禪師悲願深廣既乏

往來行脚應鉢之所爲之募齋僧田以津梁禪悅又

乏雲水賢聖停錫之地復思建大悲閣以啓禪關

董漢策極樂庵募修大殿疏代作係癸巳秋著○節錄庵名極樂

指喻苦種標舉樂境豈強名哉雖然庵有成壞苦樂

固相尋也當其盛也璀璨軒翥蟲鏤琢過客朝參

遊僧夜息嘻樂矣不數十載而紺殿半傾觀者感歎

於是住持印松上人作而曰苦矣往歲印上人創大

悲閣去年苦洪水復築隄開渠溉洩南畝百千計今

更謀重新此上人苦行也方且反樂入苦反苦入禪

吾願觀厥成焉

又募供華嚴僧序節錄華嚴爲萬界森羅十方清淨極

樂庵正上人創期持誦凡諸上善六度兼修吾將以

此爲都人士勸

又極樂庵飯僧序節錄今年夏秋江以南罹奇荒焉耕

且織者皆宵唳露處覓衣食不得彼三數衲子持鉢

志八 寺廟一

郊原抑復何望極樂禪院以接濟雲水爲事歲荒民飢飯僧將廢矣家魯瞻姪徧告同里敦請禪伯哀集薪水行將再續先宗伯暨金太傅之願甚盛舉也

溫秉睿南潯極樂禪院接四方僧侶館粥常數十百

人祥雲廣修兩上人每日向市廛村落次第得乞以

供大眾無有缺乏余在大悲殿啐持華嚴見之嘉其

道行以偈言贈溥東極樂古刹崇臺有兩上人乞食

市街去其慳吝令成信胎寒暑無間虛往實來回積

飯味大眾飽齋是則名曰荷擔如來

董衡過極樂禪院清夜聽梵音有感心事憑誰問形

骸孰可親憂驚新日夜老逐舊雲塵歲月消何事烟

波駐此身梵聲通遠榻長伴衲頭春

鮑鈺極樂庵時會吳縣李明府錄囚於此客興秋來澹清羸病尚

依扁舟操吏牘細雨舊僧扉佛法誰爲說跣徒誠不

稀片言堪折獄愧乏箭鋒機

董燿清明同友人步至極樂庵登分水閣又呼渡野

外散行抵家已薄暮矣春光吾亦愛相羊有客招邀

到野塘塋鼓催船雙槳健呼盧聚寺一時狂溪橋柳

暗誰家笛水閣風微何處香更上層樓舒遠眺青青

隴麥菜花黃○乘興還呼一葦東農家風景倍纖濃

志八 寺廟一

平隄春水鴨頭綠隔岸桃花人面紅僧舍煮茶同淡
語綠陰脫帽受輕風歸來欵乃漁舟晚笑指蓬門夕
照中

紀復亭過極樂庵廊檻陰森甚形雲覆佛龕鴉棲殘
積雪僧語落寒潭風俗時交九因緣笑欲三獨將枯
木偈閒與贊公參

董載昌潯溪竹枝詞蓮花細步徑三三禮佛頻過極
樂庵歸語檀郎休遠出塔灣東轉卽江南

金錫桂獨步至極樂庵首夏來尋古院游破窗風入
似涼秋三門臨水斷人跡一鳥刷翎棲佛頭欲掃利

志八 寺廟一

西

名歸淨域憑觀興替總浮漚記儂題壁曾饒舌試問
老僧今在不

東嶽廟 一在東柵極樂庵左一在南柵廣惠宮內

天后宮 在東柵極樂庵西道光十七年建咸豐二年修

龍王廟 在東柵分水墩明董份建神幄西向上爲閣作

圓頂尖蓋如浮圖康熙間燬後副使潘尚智重修乾隆
初年復燬于火龍王像移供報國寺中

按董說棟花磯隨筆云分水龍王墩龍王及儀衛像嘉靖朝名手塑如唐人畫後來修飾爲俗工浪益丹青遂不復見昔人意度可惜蓋廟始自嘉靖中至萬曆時移文昌像于此然猶稱龍王廟也自移置報國寺今人幾不知分水墩會爲龍王廟矣

曹仁虎潯溪竹枝詞分水墩頭紉字孤龍堂鐘動曉

雲鋪綠陰翠岸蘋風起直送微波到太湖

文昌閣 一在東柵分水墩本爲龍王廟明萬曆中移極

樂庵文昌像于此乾隆初燬至乾隆二十四年通判陳
名榮勸捐重建四角飛椽不爲舊時款樣上層魁星中

層文昌下層元壇神咸豐二年重修一在慈蔭庵一在
南柵報國寺一在北柵北聖堂一在西柵祇園寺並有

惜字庫一在東柵閭濤閣

陳名榮重建分水墩文昌閣記予分守茗郡駐潯鎮
鎮與江南震澤接壤其東兀立於水之中者爲分水
墩上有文昌閣焉創自明宗伯董公繼修于潘公而

志八 寺廟一

五

燬于戊午秋蓋二百餘年矣人皆謂潯水自茗而下
徑行六十里賴此以蓄其勢也非重建之不可閣之

重建也議始甲戌之春潯之士民咸賈勇樂就予以
物力稍艱爲循序漸進計至前冬而度材者致矣採

石者輸矣爰于去冬鳩工興作去其草萊復其基址
視舊額而環之以石且從而堅厚之至今春閱兩月

而工竣上築堂三楹廣三十尺深五十步累三層亦
視舊閣之額而變通焉又兩月而工竣一切牆垣門

牖階級未能猝辦次第至秋後而一一告備落成之
日士民環署而請曰微公泣吾土是閣幾不復蓋自

公減俸以倡士民鼓舞於後莫不感公德意今閣甫成而士子文風益振市中商賈絡繹至歲初患旱乾未幾而甘霖大沛謳歌載道路其較歐之豐樂蘇之喜雨名異而實同也其可無以記之予應之曰是閣之復固若之士民志合眾力以爲助予何敢以居功且爾亦知予建閣之心乎蓋樂民樂而利民利者居上事也 聖天子興利除弊無事不爲斯人念小臣敢不體斯念以治斯人予自分守後士子則勉其先行後文爲王國器民則欲其力恆產守恆心爲太平時善良商賈則秉心公正毋倖售侵欺爲市肆蠹所

志八 寺廟一

志

以爲樂利之道者固自有在區區一閣乎何有且夫土木之舉已成者弗毀非萬不得已者不興使閣之于溥無關乎若之形勢其廢興不足爲損益方且并其基而撤之而顧復建之哉乃因前人已然之效眾人不得已之心以鳩工興作然猶慮耗市財殫民力而歲月以俟今雖得遂眾志以無負予心尤願士民勿以爲宴樂觀而以爲勸勉法至予去後猶勤勤勿替而是閣亦傳之不朽斯則予之心也若夫登高四眺阡陌桑麻村墟烟火左弁嶺而右具區春和風而秋暎月則盛世象也亦若之勝也至酣歌燕舞藉是

以縱耳目逞心志而不修職業非予之所敢出而尤不願士民之蹈乎斯也遂應其請而爲之書乾隆二十四年歲次己卯孟秋月吉旦知湖州府通判事加四級粵東陳名榮撰書

按此文未勒石故不入碑刻

龐公照重修分水墩文昌閣記古之祭川者或源也或委也源取流通委取渟蓄先河後海之義也南潯鎮之東半里有分水墩踞若水之委若砥柱然墩上傑閣三重中層崇祀梓潼帝君人文也上祀魁星天象也下祀財神地產也一舉而三才備焉閣肇於明董宗伯乾隆初燬於火里人重新之通判陳公爲之

志八 寺廟一

志

記鐫於屏迨道光己酉三吳大水閣復圯里中諸君子相與謀曰自陳公迄今越九十載雖屢經脩葺今必并其基址而新之然後固而可久爲費甚鉅懼弗克成于是首事者釀金倡始復約同志廣爲勸捐里之人咸樂輸將爰庀材鳩工經始於咸豐壬子仲夏月工過半而秋閣捷音踵至鎮上獲雋者二人眾翕然頌斯閣之功余以爲未盡也蓋若水西來奔流灑瀚苟無以渟蓄之則秀靈之氣不凝而財易賈是閣實爲一鎮之關鍵且在江浙分界之所則又爲一邑之關鍵吾鎮帆檝雲屯百貨叢集登斯閣也萬家煙

樹歷歷在目推原家給人足之由斯閣不為無助非
僅主科名已也即以科名論往者歲丙申閣後產靈
芝而溫君捷南宮今茲芝復茁生備五色秀挺雙穗
嘉瑞之來宜必有應夫既以物華兆人文豈不能以
地靈萃天寶繼自今里之人守孝弟力田佩神訓也
歌早財解慍沐神庥也書康樂安平賴神佑也飲和
食德源委昭然則斯閣之有裨於吾鎮豈淺鮮哉是
歲十有二月工告竣規仍舊制藻飾有加焉余樂諸
君子之圖功鉅而襄事勤也爰為之記

董恂九日登文昌閣第三層勝侶相偕作勝游晴蛉

志八 寺廟一

六

艇子權深秋未霜楊柳猶青眼如雪蘆花半白頭卅
載尚畱初過地一層同上最高樓都教面面雲窗啓
容我憑欄豁遠眸

已上東柵僧寺

內西柵聖帝祖師廟南柵東嶽廟及西南北三柵文昌閣並附見

祇園寺 在西柵朱楊某建紹興二十一年里人朱道甯

重修明萬曆四十一年裔孫朱國禎重修并鑄鐵佛按

四十五年本朝康熙中建白衣觀音閣五十三年

僧東隱募修雍正後寺漸頽廢乾隆三十七年興造後

殿高樓供奉地藏王至嘉慶二十年後住持僧滄海募

化建造山門道光元年重新大殿

宋丁昌朝淳溪祇園寺莊田記

文見碑刻○按舊志及府縣志並以寺為

唐貞觀元年釋圓通建至道園重修捨田百畝據此
記則楊公係義之所推輪實創于南宋之初朱氏捨
田只二十畝并廣募士庶所施共成百畝耳相傳明
時大殿頽圯梁上有大唐貞觀元年尉遲敬德監造
字本俚俗無稽之說而舊志誤信之府縣志則又以
舊志為據所謂俗語不實流為丹青者也若果唐初
創建至紹興中為五百餘年之古刹記中不應無一
語及之且安得云楊公惟輪百廢未舉耶又俚俗謂
寺有鐵佛必造于唐不知此寺之鐵佛實鑄於明萬
曆中也又康熙時丁有源記言寺創于蕭梁尤妄
明宋國禎祇園寺裝大佛金容并各羅漢天王募疏
引佛何以金本色也金何以貴不壞也金何以像
耀光明也又何以募拉大眾同入清淨堅固中也寺
中鑄像既成雄偉端嚴真一方之冠一座星羅羣魔

志八 寺廟一

九

鼠伏直是佛臨何啻神相

金之俊祇園寺化募飯疏節淳西祇園禪寺一鎮名

刹也比年為魔眷所侵香火幾墜住僧海空發願于

大雪中徒步至磬山跪請松際和尚飛錫此中乃松

際以磬山之席不可久虛特畱高足轉上人啓建華

嚴祇場以三年圓滿

又祇園寺建白衣觀音閣疏節海空上人欲建

閣于祇園寺殿後以奉白衣觀音

丁有源重修祇園寺碑文見碑刻

刑典重修南溥祇園寺記吳興祇園寺二一在府城

南東林山南一在吾南潯西在南潯者自唐貞觀初
建宋紹興二十一年里民朱道雷重修明萬曆中裔
孫朱國禎重修歷年久遠朱宮碧瓦散作寒烟衰草
惟金剛殿及大雄殿柱礎尚存正殿釋迦牟尼像一
尊兩旁阿羅漢一十八尊山門彌勒佛一尊皆鐵鑄
舊碑記唐尉遲恭監修今不存而鐵像依舊惟羅漢
失去其一今補以木像風雨剝蝕莊嚴盡脫此象教
之堪悲也我朝乾隆三十四年大圓和尚自天台
山來苦行募修日誦法華經拜于潯市衣衲衣赤足
冬夏不改三年士商敬重相為發檀信真心設萬人

志八 寺廟一

寺

緣以仗助之大圓乃謀材鳩工修廢殿創寶閣五間
及僧寮三間次第莊嚴象設完好俱具使瓦礫之場
遂成靈境其功德有足感動人天者矣雖然寺之興
廢無常數百年後朱宮碧瓦仍散作寒烟衰草未可
知也後之人嗣而葺之是則大圓之所望者耳乾隆
四十三年二月壬子謹記按此文未勒石故不入碑
刻文中尉遲恭監修語亦
為俗說
所誤
明無名氏南潯祇園寺贈老僧清溪通笠澤地以水
為鄉竹青三日雨僧白一頭霜

明董斯張溫長卿禮佛祇園寺詩以東之誰為親也

壽歸命十方僧午鉢隨持呪宵龕自供燈寒谿通坐
碧飛雪到簾凝止酒遂旬日柴桑將未能

又曾君山客祇園寺卻寄鴛渚釣初歇精廬借僧住

采朮何處來危坐松窗暮新霽未出門梵唄聽成趣

嗟彼塵中子膠擾百憂屢翻來譏寂寞請君還自願

客去吟小詩殘紙作枯樹睡餘息深深醉象調已素

昨夜鬼神覷猶嫌藏未固君山曾
有異夢

陸唵登祇園寺樓送柴石泉歸桐鄉唐代遺蕭寺西

風此日過樓高秋水遠木落夕陽多古佛金全剝殘

僧鬢已皤登臨動惆悵一為發離歌

志八 寺廟一

寺

范鍇潯溪紀事詩祇園坐久道心微寂寂鐘聲滿落

暉依舊竹青三日雨白頭僧去掩禪扉

董恂祇園寺橋過垂虹去借來般若門歲荒僧亦散

寺古碣無存功德金身護莊嚴鐵佛尊暮鐘聲百八

歸路近黃昏

關帝廟 一在西柵祇園寺左舊名長春道院乾隆二十

四年後殿增建文昌閣一在東柵聞濤閣一在東藏寺

一在極樂庵右一在南柵虹映兜一在報國寺按范志
極樂庵

關帝像相傳明大將軍常
遇春建塑俚俗附會無據

董蠡舟潯溪棹歌追呼幸免賴無田載客輸租到務

前五丈還防符算例三郎廟下莫停船武聖宮在西柵縣吏徵稅于此

妙境庵 在西柵本名厚德庵宋淳祐三年進士朱柵及

弟釋法通建成淳五年增修明萬曆間僧敏之重修改

名妙境庵按舊志並作薦福庵今名妙境庵府縣志亦作薦福庵致厚德遺言當時實無薦福庵之名稱即偽造德祐勅牒亦但稱薦福祠非庵名薦福也張董二志厚德作德厚亦謬

宋朱柵厚德遺言南潯鎮據進士朱柵等狀稱不避

威嚴仰干穹聽柵曩偕兄弟輩奉先人治命立田營

墳建庵為子孫奉祀之地今幸遂付託欲使繼繼承

承靡替先志不可無所稽據用實簿籍條劃事件一

志八 寺廟一

樣四本其口口口墳庵其三分隸子位各將遵守將

口口口須憑印押庶後之人知立此簿以當勒碑子

子孫孫有能景慕羹牆見堯之心則披覩斯籍視聽

如生必為之增光潤色銘刻諸石其於此簿相為世

守柵等區區孝思莫能追報罔極欲乞仁慈俯垂矜

察憫其奉先之念篤亮其貽後之慮深特賜台判送

印司印給俾得永久存歿豈勝感恩茹德之至奉權

鎮知丞文林台判云嘗觀聖門以孝弟為本釋門亦

以孝義為先儒固有之僧未多見當職來鎮於此忽

有朱進士口口通長老手狀袖簿求為印押詳其因

口口思之念油然而生則知心無二心理則一理信

乎大人不失赤子之心者是也孟子曰孩提之童無

不知愛其親及其長也無不知敬其兄這箇天理乃

所固有惟是習與性殊人慾橫流血氣攻于內財物

役于外遇小小得失既骨肉為仇讎如秦越之肥瘠

藐不加省良可歎也況望其盡心盡力于父兄已死

之後乎今朱進士通長老乃能遵守遺言既營安宅

又立久遠成規昇之後人誠可嘉尚大凡為人之子

孫者悉能以祖宗父母之心為心則愛親敬長報本

反始俱可無憾矣送司印給事目具呈照印須至行

志八 寺廟一

遣右今給付季字位收執大宋咸淳五年二月日給

官戶按朱國禎記略云印凡十一自台判以下起嘗字至行遣及季字位三字俱朱書黑字俱蠅頭楷書大宋以下十字如粟

官字如季字字側而小 ○厚德庵砧基管字四圩本庵

建於淳祐癸卯增修於咸淳己巳夫庵之立不存定

規則不能傳久德之積不堅定力則不能如此德之

義此厚德之所以名庵歟其所以望于子孫世守者

甚不薄也先考生於乾道壬辰終於淳祐癸卯享年

七十有二先妣生於乾道癸巳終於紹定壬辰享年

六十嫡生四子長松次椿又次柵綜理家務法通最

後從釋奉祀祖墳餘慶三子析居之後先父得以安

養者數年畝田一十五畝治命同口口口枏等遵守
遺言壘土以圖窳窳結庵口口口像給糧食飯工匠
三子均之即于淳祐甲辰枏等忍死安厝以盡送終
越二紀餘敬事如存其間庵宇添剝靡憚勞費不幸
長兄早逝于景定庚申仲兄又逝於咸淳丁卯惟枏
與僧弟胡夕永懷增修一事每切于心今來增修就
緒將十日耐葬二兄于雙親之旁使不致于淪沒倘
後之人繼志述事共為孝子順孫之職由厚德以拜
邱隴甯不念祖宗創業之艱難而加之意云咸淳五
年三月吉旦枏同僧弟法通姪芾藻等謹誌內地五畝即係

志八 寺廟一

實基并庵宇基地內田十畝坐落墳西際

孫燮妙境庵祭鄉先輩記 潯鎮鄉先輩之祭始于戊
子之歲是時眉庵之亡逾年矣山甫哀之甚思所以
妥其靈者予謂北研書城兩先生亡已數歲數數見
之夢寐是宜並祀以致思慕之意于是山甫為祝文
柳橋辦祭物祭于妙境庵中實正月十日也祭畢就
柳橋家飲會者十人明年己丑正月十五日予方治
蘋蘩之薦邀同人以繼前事而秋水張先生適至遂
欣然與于會先生為吾潯耆宿與北研書城兩先生
同輩行而眉庵則其後輩也因思先生之友更有楊

先生秋室而先生主祭則鄉之先輩宜及乾隆以上
之人于是同人合議斷自 國初始孫先生孟樸以
下凡若干人咸設位虔祀會者十二人飲于予家是
日議定頃刻故祝版未備越明年庚寅眾謂公祭不
可取辦于一人釀錢付庵僧某使之主辦于是會者
十一人秋水先生為之文仍于正月十日設位祭焉
祭畢即飲于庵中極歡而散先是己丑之會予為長
排以紀事是日又作五律一首秋水先生亦和焉而
秋水先生善繪事為之圖粉墨瀟灑禪房花木中十
一人者呼之欲出圖存柳橋處庶幾什襲藏之為他

志八 寺廟一

日之鴻爪眾又謂庵僧主辦事不可繼遂定于明年
辛卯始推二吳于柳橋與予四人者為主輪年司祭
而諸友各釀錢以助設一冊諸先輩各為小傳而與
會者亦書字號年齒于其中凡飲酒毋毋戰毋喧譁
諸所禁忌咸著之冊以昭永久茲祭之始為亡友眉
庵也因友而及師遂祭北研書城兩先生復推而上
之至 國初以來諸先輩世不同而道同其神交冥
契無非師師而友友或曰取友之道由一鄉而一國
由一國而天下而後尚友古之人焉業尚友古之人
矣而仍限于一鄉何哉蓋求古人于百里一賢千里

一聖不如近在鄉里者其流風遺韻尤足以動人古之釋奠者必有合而有國故則否亦此意也嗚呼吾儕十餘人者其平日之所講論固鄉里之人所笑為迂而不欲與近者也而深相契合不得不求之數百年以上之人而數百年以上之先輩其當時之人亦必見以為迂而遠之而豈料世遠年湮乃有吾儕俎豆于僧廬之內是可知士苟同志曠世相感而古今且暮益信吾道之不孤矣戊子之會十人為許海嶠且復金山甫錫桂吳芋園鈞臺吳半峯汝雯紀半虔慶曾沈柳橋登瀛沈子敦孟紀石齋孟丁子香桂而

志八 寺廟一

某

子孫變愈愚也已丑得張秋水先生鑑而芋園遠出不至海嶠挾陸鷗波徐印泉至為十二人庚寅芋園來而陸徐不至為十一人溫花卿金夢預訂于明年入會足十二人之數云庚寅三月孫燮記

沈登瀛精廬小集圖跋精廬者何溥上之妙境庵也小集者何私祀鄉前輩也是集之舉發于金丈山甫成于孫君愈愚廣于紀君師泉始舉于戊子所祀者僅三人定于今歲共三十五人曰史徵士博龐修撰樸二公元人也曰貞愍先生張洪余山人津趙徵君金其孫詩人雋袁僉事裘紀員外濂李參議樂董光

祿嗣成其弟文學斯張斯張子釋隱說太傅朱文肅公國禎其子中書舍人紳其孫中書舍人鑑如正義先生王毓著張節士雋孫茂才淳節愍黃主事周星潘茂才爾夔凡十有八人皆明產也至於國朝人文蔚起則有周山人篆陳山人忱張山人肩紀秀才遠茅秀才星來端文先生董封翁燧其弟孝廉浩其子大令豐垣謝布衣洲文貞先生曹秀才大斌王大令起鵬楊秋室先生鳳苞施北研先生國祁邢書城先生典附以盛秀才朝勛合十有五人尤其選也先是兩祭愈愚有詩紀其事至往歲之春張文和之并

志八 寺廟一

某

繪是圖以永其傳而瀛竊有感焉嘗讀朱文肅所作趙徵君傳序曰溥名鎮也然三百年來無一人祀于學宮心甚恥之自文肅至今又二百年矣仍無一人其恥不愈甚乎然溥不以為恥者蓋有可祀之人雖不祀不為恥不當祀而祀則祀之愈增其恥鄉賢之設其初舉也至嚴至重故入之者以為榮後世徇私濫祀有志之士幾欲奉其祖父之主以出者是以得祀為恥矣夫以得祀為恥何如不祀之為愈乎茲之三十五人中節義文章名宦隱逸各行俱備半可列于鄉賢然吾程學宮未嘗不濫恐轉不若私祀之合

于公議耳是舉也烏可忽諸因付裝池而敬跋之藏
示後人未始非潯上掌故云

張鑑奉和愈愚庚寅正月同人妙境庵成祀先正小
集之作宿約招提踐風光動鞠塵簪裾集勝引俎豆
洽先民坐久羣花午酒行雙樹春餘年尋樂志詠饋
敢辭煩

孫燮已丑正月十五日同人集妙境庵祭潯上諸先
輩得長律二十韻薄雪俄開霽僧房暖日融衣冠朋
輩集俎豆昔賢同慕爾潯南地由來傑士叢故家多
碩彥流寓亦詞雄講道心能得耽文老更攻等身遺

志八 寺廟一

其

著述放眼闢鴻濛各有淵源自非徒結構工性情狂
異狷遇合達兼窮舊德獨何速遽廬過已空青箱亡
世業黃口有孫童每缺蘋蘩薦遠論禮數崇獺豺知
報本貓虎尚酬功備物雖無腆捫心實至公魂招樺
燭影人拜紙錢風如見先儒貌惟憑我輩衷禮原從
義起誠可與天通欲永千秋祀難謀一畝宮發端因
故友舊歲本擬祭亡友盛眉庵因及北研書主祭仗
詩翁秋水生事畢還畱飲談深欲啓蒙恐貽前哲恥相
約慎持躬

又庚寅正月十日同人重集妙境庵祭鄉先輩禪房

集勝侶又換一年新樹老知前代僧閒作主人溪毛
修禮薄盃酒話情親似挹醇儒貌和風滿座春

又甲午正月十二日同人祭鄉先輩于妙境庵卽事
成詠春風又到去年時重集禪房感鬢絲一瓣香因
先進視千秋業讓壯夫為客來不速清談暢鶯報初
晴書景遲百尺樹高殘雪在須教補入畫中詩

又妙境庵清磬一聲歇微風吹佛幢偶來初地靜頓
使此心降雲占石房半花開春樹雙何時借禪榻臥
聽雨鳴窗

薦福祠 在西柵妙境庵西祀宋從事郎朱仁福

志八 寺廟一

其

宋薦福祠敕牒文見碑刻。按董范二志並作朱土
敕牒乃後人偽撰攷朱柵厚德遺言建厚德庵本以
守其父百四公墓百四名庇厚德祠之會孫初無為
仁福立祠之說又厚德遺言冊中所列條規有至正
年號當是元時增入亦但稱厚德庵不稱薦福祠并
無一語涉及仁福朱國禎百一祖墓記云鎮西有廟
徑橋相傳為朱氏家廟處想亦進士公所創已夷闕
闕益族中不肖所質又有大古柏亦伐去前年族曾
祖表求于董祠部復之立進士公牌位其中然絕不
成廟貌也整之在異日又稍西有樓一間族某焚修
其中益因廟毀改立其言如此但云家廟則必非土
神明矣又立進士公牌位未嘗立從事公像也設果
有敕牒大書深刻且里民敬奉為一方之神元明時
人豈竟未
見未問耶

土穀祠 在西柵今無攷按嘉應廟卽土穀祠而潯西又

疑卽因 此附會 有此祠未詳其故朱土地之說

董漢策溇西土穀祠募緣序節溇之西偏有土穀祠馬里中人歲時以蒸梨剝棗豚蹏之禮獻甚或陳綵繪鑑帛敷衽贊祝不絕憶其生平必有功于民者也乃野史不記其事里人并忘其姓名廟貌雖存風雨蝕薄祠中頭陀謀所以新廟貌行且赫然改觀誌功不忘而食報彌厚

明義庵 在西柵紀家壩宋治平中建 本朝康熙中修

乾隆十四年重修庵中有御書閣詳古蹟又有古佛樓

今無攷按府縣志並云在南柵為溇溪文獻云即法華庵分建今攷法華庵相傳創于唐末說已荒渺且法華庵元代重建宋時方在榛莽中安能分建耶湧幢小品作名義庵誤明為名又云名義一日法華乃誤

志八 寺廟一

幸

併二庵為一後人因此造為分建之說張志董志皆無此語是也

明董說明義庵建古佛樓疏宋錄既南偏安自固讀書至此未嘗不流涕建炎初宗澤累表請帝還京其言回鑾汴京是人心之所欲妄議巡幸是人心之所惡忠臣之謀實于琬安帝意指南間言不用數年奔走終定都臨安錢塘霸圖豈堪垂拱哉當高宗南渡駐蹕南溇明義庵書清風明月四字復畱徽宗畫鷹一幅而去僧建閣藏之曰御書閣而元趙松雪為明義庵書額畫滾馬圖遂稱合璧今皆不知所在過而問者感慨係之宣和怠政京貫為妖訪求書畫以荒

萬幾注心丹青彷彿蟲鳥殆與花石良嶽神霄玉清同虧君德文敏宋室苗裔進退無度以翰墨役于元青山紅樹負議天下南北新疆當年舊主詩辭雖婉無補慚疾自矜畫馬當與龍眠並驅筆匠而已假使二圖具在接徽宗之翰藝展松雪之遺墨不過長歎昏德吁嗟辱身釋氏之寶寂靜無為法書名畫似非所急鷹馬存亡不足問也庵有四百年之古佛蓮眼珠眉金容炤耀某上人欲起小樓於庵東方以崇象教此其意良善較古建閣藏書宏願猶勝護持香阜敢告檀那乞余數言用當持鉢西方之書曰如來既

志八 寺廟一

世

化諸大弟子想慕不已遂刻木為佛晨夕瞻敬以形象示人謂之象教象教之前依性成佛依佛成象象教既立因象見佛因佛見性今天下之大患在形骸之見過重普天率土人各見性皆知四大假借不重形骸何勳業不可建何氣節不可立何朋黨不可銷何國難不可滅余嘗縱其狂言謂佛以空寂為宗然悟其淵致往往令人忠孝學佛十年可以報國象教之功高於泰山當今四方多故兵氣未銷上人獨思惟古佛經營禪觀意或與余言符契乎嚮者道峯雪航師演楞嚴報國寺余作南溇社學說其略曰報國

寺者今日南潯之社學也社學不存勢難驟復法師說經報國闡揚元義稍屈高論鼓鐘長夜社學廢詰令荒鄉人間黑業之戒如誦律書社學廢長幼情鄉人間精進之勸如對師保聽余言者或信或疑今以上人之請復爲象教之說歸于忠孝以世間語論出世間法可爲知者道也

邢典南林雜詠明義庵徽廟鷹何在王孫馬不畱鳳皇池上月獨自照千秋

法華庵 在西柵西莊村元至元二年建 本朝康熙中修乾隆四十一年復修

志八 寺廟一

世

巖其焜法華庵壽山題榜跋潯溪法華庵唐咸通五年試翁因講師所立五季兵燹趙宋間但寒烟衰草而已元至元二年土人某氏慨然重建延郡城復初和尚居之既又作斗室小窗玲瓏四壁虛白天台揚天顯有記明之中晚卓錫多賢若道巖若印松其選也搢紳先生善文章者往往而至簡畢具在 國朝初埽雲道人趙俊復大葺之念齋繆侍講題曰儼然一會試翁尙矣埽雲者可謂中興曾未百年四僧敗度販及花宮我佛如來束身無所可慨也夫今住持道明上人出家之雄也知興廢在人事當剝復之會

志氣益奮借其徒曰闡珍曰維慎曰挹青減衣縮食銖銖積累蓋十有五年而光復堂宇猗歟休哉塗丹錯壁奐輪離立絳雲成蓋寶相閑安然後千有餘年之青鴛蘭若乃不至名存而實亡矣署曰壽山賀之也丙申秋九月鸞坡嚴其焜書并跋按據此文唐末下逮至元重建中間空廢已閱三百餘年果卽唐時故址否耶蓋實始於元順帝時託諸唐末乃附會渺茫之說耳

明袁袞法華庵寄吳興諸友昔愛湖山野寺居今依潯水借精廬陰陰橘柚開虛館密密桑麻繞曲渠風土漸於鄉國近壺觴無奈故人疎年來更有文園病

志八 寺廟一

世

媿似虞卿強著書
明劉麟南潯法華庵訪袁永之不值畱題二首離索經秋百感侵交知如鶴遠投林法華庵裏袁安去蘋老清潯空復深○夕舟涼雨鬢絲侵宿鳥驚栖何處林兩過南潯尋未得客心秋水竟誰深○癸巳乞巧日訪袁子於郡城城中人曰去南潯矣中秋日訪於南潯潯上人曰去西湖矣重陽後一日再至南潯造所館法華庵庵中人曰去峴山矣鬱陶之思難言雖題二絕不喻區區九月十日南坦劉麟書○倘袁子再過僧可燃松此下卽日託一書於其薪水侶人曰

董賦者環廬弁山山下而會晤之難如此況天門萬里虎豹九關也如有會期千萬珍重麟記

明董份諸子夜坐法華竹林敘別輕雲開寶閣明漢湧銀波勝地衣冠集離筵意緒多月宜疎竹看人好

隔溪歌寂寂憐漁父盈盈蕩晚坡

董蠡舟潯溪棹歌愁絕精藍謫宦人謀生計拙困風塵思歸不待秋風起三月江鄉已采莼袁永之寓法華庵有今依潯水借精廬之句又有上居不遂作詩解嘲云已矣謀生真計拙東南西北任浮沈

五聖堂 在西莊村小圩道光十三年重修

張鑑系字五圩社廟記文見碑刻○按文稱莽將實即五聖也

志八 寺廟一

廿四

保命庵 在西柵下塘俗名三官堂

大士庵 一名西林古刹在西柵下塘嘉慶間重修

紀寅獨行大士庵渡河雲緩去未去蒸花日薄閒復閒人聲四靜鳥雙語一尺東簷水碧山

邢典憩西林古刹借施二國祁閒話踏青雙足倦小憩到禪關日色明窗瑣風聲動屋山客來村步外僧住市廛間暫假蒲團坐方知白晝閒

已上西柵僧寺內五聖堂近年無僧係附近居民住持又東南二柵關帝廟附見

寺廟二

汪曰楨撰 南潯鎮志九

嘉應廟 在南柵祀崔承事李承事宋宣和間方寇擾攘共率鄉丁捍禦獲全每值歉歲出廩賑給人皆德之卒

後於市中廟祀咸淳六年敕賜廟額按今稱土地廟蓋已為一方之神本鎮比戶戶祝曰崔李二大明王明嘉

靖萬懋間兩次重修 本朝康熙中重修雍正三年復修左右藥王殿右有五路祠又有水火二神及牛王祠

宋嘉應廟救牒文見碑刻○按舊志及府縣志並以後即為立祠當在南宋初下距咸淳賜額已閱百餘年矣又華氏傳芳錄謂廟為華元實捨地所建而元實為南宋末年人其妄不待辨

志九 寺廟二

明錢針嘉應廟置地碑記文見碑刻

董漢策重修嘉應廟募疏節錄南潯嘉應廟神崔李二

明王歛產也宋淳熙間客居潯上以善賈稱時遇奇荒二明王捐資賑飢全活無算潯民德焉歿後立廟

奏封為嘉應神祠建自咸淳六年歷著靈驗明萬曆間家從祖遐周公感夢兩王者來皆冕黻搢珽請新居址晨起有款門者以嘉應廟緣冊進款異重修今

又六十年所矣今年冬奉祀必芻將告同里再請吏

新焉按董志謂崔李二承事度宗時方寇擾潯率鄉丁捍禦豈方臘之反在南宋末耶又謂值歲飢二承事以湖南米商至盡散其粟以賑貧不能歸卒于潯此文則以為淳熙間飲人說既兩歧又並與救

牒不合要皆齊東野人之語耳據救牒係宜和時人故捍方臘之亂且云崔李二公居焉又云聲搖鄉郡又云二公率鄉丁捍禦則崔李皆本鎮人明矣救牒右刻其存而載筆者竟未一寓日何歟又范志云崔府君名煊又名重微清河人官于浙隱于潯卒于潯李府君名懋歛縣人宋淳熙間賈于潯遇奇荒罄資賑飢全活無數崔君重其義相與友善至今嘉應廟神座煖閣下有古墓存焉相傳玉身葬處其說既與捍禦方臘年代不符復與湖南米商自相矛盾且所謂古墓者崔墓耶李墓耶抑崔李共葬耶蓋出俚俗臆造尤為誕妄當以救牒為據

夏光遠重修嘉應廟碑記文見碑刻

曹仁虎潯溪竹枝詞月中泥馬事荒唐萬乘會傳避

亂忙贏得叢祠燈火盛春秋社鼓賽明王

邢典南林雜詠嘉應廟古木棲鴉冷荒祠落照寒客

志九 寺廟二

尋炎宋迹搜得廟碑看

董蠡舟潯溪棹歌浪傳嘉應又褒能泥馬荒唐豈足

憑賺得上臨村父老古梅林下說思陵勞鏡府志云建炎二年金

人陷揚州高宗南渡金人追之帝至潯懼迫者匿嘉應神祠中月夜俄見泥馬忽動跨之而行遂入杭州今褒能寺俗呼康王寺以帝經過名也按南渡錄云高宗為康王時質於金與金太子同射三矢俱中金人以為宗室之長於武藝者名為此遣還換正太子來高宗得逸奔竄疲困假寐于崔府君廟中夢神人曰金人追及速去之已備馬於門首驚覺馬已在側乘之南馳既渡河而馬不復動於下視之泥馬也此事在靖康元年高宗未即位以前崔府君廟在河北非江南也志以此事附會於吾鎮嘉應廟不知嘉應廟額敕賜于咸淳間此時安得有此稱果有此事則紹興中即當褒顯何俟度宗朝因里民其牒陳請而後賜額乎且建炎二年高宗尚在揚州揚州之陷乃在三年高宗幸杭亦在是年前此未嘗渡江也考

之宋史高宗由平江秀州至杭即今之驛道無迂途過潯之理村學究惑于傳聞虛造此說予謂南渡錄本不足信高宗之偕張邦昌使金營在靖康元年正月二月即還金幹萬不營于開遠門外在汴京郭內何待渡河南竄此後兩次使金皆未成行然則泥馬一事當在何時其妄不辨可知然其致誤之由亦有所自宋史王雲傳雲副康王使金至磁州王出謁嘉應侯神廟民遮道呼曰云云宋稗類鈔高宗至磁州宗忠簡假神道以止之曰此有崔府君廟甚靈可以十校有馬更顯應遂入燒香其馬御車輦等物塞去路遂止不行此與王雲傳所言本是一事嘉應侯即崔府君也宗忠簡設為神應以止王行馬御車輦安知非忠簡所為南渡錄因此而有泥馬之說後人又因嘉應之號崔承事之姓相同遂輾轉附會屬之吾鎮殊堪嗤噱不知嘉應侯乃封號非廟額額則誤以二承事為封嘉應侯其實未有封號僅賜廟額耳咸淳牒石刻具存可覆按也鎮北十五里有梅林村相傳村有古梅樹高宗南渡駐蹕其下宴賞賦詩更梅林日上林或日上所臨也日上臨見○百貨齊陳朱文肅湧幢小品其附會正與勞志同

志九 寺廟二

百戲張叢祠秋社賽明王夕陽凌亂行人影知是歸

從土地堂俗呼嘉應廟為土地堂三月一日九月五

手技雜戲畢集演劇報賽游人闖盜二旬始罷三月則無之增易南潯十景有嘉應香市

報國寺 在南柵宋開禧間釋宗偉草創嘉定中眉山楊

某助建初為接待懺院後名報國寺其鐘樓佛閣嘉熙

元年華文勝續建明洪武二十四年立為叢林萬曆十

六年燬于火四十六年朱國禎重建 本朝順治中重

修癸正六年復建有文昌宮關帝殿純陽閣龍王祠寺

前有曲水環以石橋或云卽元時鎮學遺址按府縣志

東柵並云寺在

宋接待儀院公據文見碑刻

宋報國寺告示文見碑刻

宋密公山主捨田園記文見碑刻

宋李心傳南林報國寺記文見碑刻。按舊志及府志建據此記云今敷文閣學士眉山楊公則非陳益明矣華氏傳芳錄作楊益今攷記云楊公時領祠部益捐金錢以為吾助益字亦非楊公之名也

宋檀越布施記文見碑刻

明董斯張題報國斷手僧募緣錄吾里之南有報國寺創始者誰曰宋偉公丹腹歸然殿閣麗勝國兵

蕩蕩為烟墟百年以來無議復者淨雲比丘容止端

志九 寺廟二

四

靜精持羯磨自隸斯寺夙夜思惟願還舊觀其徒沙彌是曰慧裔童齏不董齊茲願力今歲丙辰七月既望胡跪像前驟持霜刃解其左腕置寶几前而自誓言此寺不新永斷佛種爾時身血飛射數步其腕忽然躍出于檻大眾聞已各詣其所雲集讚歎俱發聲言南無佛陀或復悲泣恭敬頂禮前致問訊仁者為此無痛楚乎時彼沙彌結跏趺坐凝視不動從容而語諸善男子吾佛加護都無所苦寺若鼎新死亦何恪異哉此事第一希有能以支骸而作佛事是真堪忍豎精進幢諸見聞者願捨慳貪建寶王刹視我腐

財作彼手想是二人福正等無異按舊志萬曆戊子是燬于元末矣蓋元末兵火尚有遺餘至明神宗時復燬也且洪武中立為叢林必非湯為烟墟可知

明董說南潯社學記報國寺今日南潯之社學也余

按國朝學校本末自高皇帝洪武八年詔有司立社學延師儒以教民間子弟十六年詔民間立社學有司不得干預其新斷有過之人不許為師二十年令

民間子弟讀大誥律令英宗正統元年令各省提學官及司府州縣官嚴督不許廢弛社學憲宗成化元

年令民間子弟願入社學者聽貧乏者勿強孝宗宏

治十七年令各府州縣建立社學訪保明師民間幼

志九 寺廟二

五

童年十五以下者送入讀書祖宗寶訓為民間鄉黨計甚深遠今郡國學僅存而社學已廢考烏程舊志社學城中三所一在西市界儒學南相對學舍三間一在縣治東一在南門界知縣錢學建鄉都五所一在舊館一在後林一在馬要一在烏鎮一在南潯在城中者其二已無考其與儒學相對一所今已實居民閉門終年而已南潯社學今日不可復見古蹟荒頽大可悲歎假使有人儒衣冠白日呼號于市我欲復社學社學必不可復而人唾其面今報國寺斷手僧惻然以長夜為痛迎道場雪航師講楞嚴義潯之

戴白者勝冠者垂髻者富者貴者貧賤者皆接其踵于報國寺師又爲之闡揚至善稍屈高論以鼓鐘昏俗爲主聞講安仁入寺見性社學廢詰令荒鄉人間地獄之說如讀大明律社學廢長幼惰鄉人間果報之說如對嚴師保共勸仁義以勉凶殘余故曰報國寺今日南潯之社學也欲見南潯社學如隔秦漢欲復南潯社學如登雲霄惟宋端平間學士陳益所建報國教寺巋然在南潯之南社學明建而已廢報國宋建而猶存存而使人如讀律令如嚴師保社學之遺意亦賴並存謂佛無功于儒吾不解也又烏程縣

志九 寺廟二

六

志云鄉約所城中二所一在南門界一在西市界俱知縣錢學建俱廢今在鐵佛寺鄉都五所一在舊館一在後林一在馬要一在烏鎮一在南潯亦錢學建而俱廢今俱在各鄉寺觀以余觀今日之事雖謂社學在各鄉寺觀可也

董漢策題南林上人冊錄節古德創奇或以試眼示眾或以斷足召龍而吾鄉南林上人獨以臂願師自少年卽發願斷臂立報國古刹略四十載茲丁亥秋師復欲終前志建護法幢造龍華閣抑何勇哉

夏光遠重修報國教寺序予少習于儒不諳浮圖之

學時或角藝於浮屠之室者取其清淨閒曠迥異塵市之紛擾也我潯素稱巨鎮而名藍古蹟斷推報國第一憶予六世祖朝端公於嘉應廟捐資拓地勒諸碑石盛稱廟前數十武有古刹報國寺創自南宋端平廣袤數百丈棟宇崇煥僧寮闔壯爲潯鎮冠無何世遠代遷不特宋時規制日久更移卽我祖所稱述者閱二百年來傾圮變易不可復睹里人目擊心傷咸思道高行修者爲之住持而振興之近得吳門湘潭上人駐錫其中而回顧荒涼風雨不蔽其後殿已成灰燼創興有待卽大殿天王殿朽棟頽垣幾幾乎

志九 寺廟二

七

有土崩瓦解之勢由是劇心疾首度非捨身無以成功一日參禮大士前誓願鼎新毅然斷手以繼昔年南林願如所爲彼時善信力救死而復甦者再其立志誠堅制行良苦矣奈點石難以成金蒸沙詎能作飯爰告同心慨發慈悲廣種福田宏開善圃俾功成一掌之烈復見於今庶此寺得還已往之規模而我潯亦獲寔昌之景象矣雍正戊申重陽前一日樂清老人題

丁桂重修純陽閣精舍記錄節潯南報國寺有閣翼然臨于其右所以像奉呂祖純陽真人者也其旁舊有

屋數楹已就傾圮今道光戊戌里人釀財葺治築為精舍以為行禮後飲福之所

明董斯張過報國寺乘春幸多暇信步出溪南獨叩竹間寺來為世外談苦吟猶是幻佞佛亦成貪一片前朝碣禪機為爾參

明董說將至報國寺示靈壁要赴溪頭聽雨期鉢囊挂傍法華碑茗游他日編吟稟添得中秋報國詩

又報國秋霽孤村危閣立漏日斷碑明溪怒奔秋水雲枯報晚晴竹西新塚路松裏雜華聲隔渚憶曾到看楓繞寺行

志九 寺廟二

八

又登報國白衣閣受記餅旬小智齡江楓江柳幾回青摧頽日暮西風裏指點空梁說小名閣為先子借庵先生助建

又改報國舊籬路從烏柏樹根斷人踏豆花棚上行眼光枯盡客未赦還袖法書來乞評

又題報國寺西老樹憶在謝疑圖裏見駕壑若龍風雨戰不須大樹現全身只遣橫枝當一面

又贈南林師師年二十時斷一臂募興報國寺今六十四矣草履麻衣老碧潯寒崖勁柏氣蕭森三千界夜神光臂四十年操報國心天上麒麟題品徧茂陵

玉盃感懷深數年前師鑿井得宋瓶余詩作記繁花古墓鄰秋殿薤露風淒夜梵音

張雋報國寺石刻法華塔入寺穹碑在靈文結構曾向年詒墨本此地問遺僧橋臥慙枯塹牆欹恃古藤摩挲成獨慨風雨更憑陵

紀寅過報國寺寺古都無遺像在年深惟有斷碑存飯鐘敲出雲林外今昔滄桑孰共論

董炮報國禪寺鬱鬱招提表宋朝清流當路石橫橋暝鐘帶雨驚孤客森木干雲盤阜鵬枯葉挾將寒共至塵襟頓與雪俱消方輿不復書安吉記取南林舊

志九 寺廟二

九

事遙碑云安吉州南林報國禪寺

紀復亨報國寺南林存古蹟僧寺復凋殘頽水荒煙合香廚落木寒廢興尋斷碣往復撫危闌古衲空行迹蕭蕭賸竹竿

紀琴思偕同人遊報國寺用壁間韻支筇尋勝步芳洲欲識高僧結伴遊此日齋心成妙境當年斷手記真修眼前即景題偏韻象外求元語更適勺水相傳

古頽壁好畱墨瀟瀟照清流明季有寺僧斷手立誓得集善緣眾為之額頽以一掌功成

施國祁南林雜詩時讀書報國禪院古寺傳名舊荒碑歲月

多佛龕空想像經塔小摩挲磴老凝苔蘚廊深長薛
蘿憑誰話陳跡時覩野翁過○樓外宜修竹疎陰障
碧流僧歸黃葉渡鳥下白蘋洲隔水漁榔遠深林暮
雨收橫空明一片無限石橋秋○傑閣嗟桑海端平
事已非古錢沒秋草寒礎枕斜暉慨此青林晚何年
白馬歸老僧殊有意金碧待重輝寺後千佛閣之燬地中有崇甯錢或拾得
○寥落秋菰岸溪流石澗清山人今往矣賸有
嘯猿驚竹絹珍遺墨雲煙獨擅名遠偏林際是頽圯
兩三楹寺後溪名石澗國初里人張肩爾就居此工墨竹不輕于人園中有竹萌者尤貴所居名遠偏廬

志九 寺廟二



張鎮潯溪漁唱翠篠叢叢漾水清閒尋報國小橋橫
法華碑碣須珍重鐵畫銀鉤是李貞
楊鳳苞舍弟鳳擊道暑報國禪寺結夏綠陰層炎歎
不到僧妙香供讀畫疎磬悟傳燈選石修篁塢臨池
古剎藤夜堂圍柏影踟月興堪乘
范錯潯溪紀事詩溪南報國梵王宮花竹禪房曲徑
通記得打碑約吟侶扁舟客到夕陽中報國寺前有曲水石橋相傳偽周左丞潘原民築城時泮宮也嘉慶七年秋偕紀鐵珊秀才峻王雪浦上舍勇拓碑于報國寺及長生講院值少詹錢竹汀先生大昕同瞿木夫秀才中溶何夢華上舍元錫舟過潯上見訪草堂因集于劉氏眠琴山館席間出示榻木竹汀先生喜而攜歸將以備入阮雲臺中丞元所輯兩浙金石志也

紀峻偕萼園姪至報國寺聯袂尋幽興正濃梵宮閒
覓古人蹤宋元字剝苔中碣院宇聲清午後鐘曲水
到門翻碧浪開花滿徑繞蒼松南林勝迹娛心目孰
是清吟震蟄龍

孫燮偕瀛眉柳橋入報國寺欲覓斷碑去聞尋曲徑
行春風吹雨歇斜日照松明一鼎鑄民力時新鑄鼎成三
門開晚晴我來攜勝侶嘜茗又詩成

董恂報國寺南林畱舊寺遺迹識前朝香火緣偏寂
桑麻路不遙繞門環曲港疊石駕橫橋偏覓荒碑讀
多將古恨消

志九 寺廟二



又潯溪棹歌寺外環橋臥水涯殘碑歷久沒泥沙行
人不問南林事只看年年梓樹花南林之名見碑文中
元壇廟 一在報國寺西右有羅祖祠一在西柵大士庵
東道光二十五年建
積沙寺 在南柵渡船頭道光元年修十九年重修
勝義庵 在南柵今廢為寓園詳祠墓
張鴻憲過勝義庵訪協夫一徑窈然碧詩人何處樓
柳圍溪水曲竹放鳥聲幽門外一僧立窗前眾木稠
翛然塵慮遠乘興且勾畱
長生寺 在南柵宋建炎中建元延祐二年重建 本朝

乾隆中修院前松徑幾半里今松俱無存

元宇文公諒長生講院碑跋

文見碑刻

曹大斌募修長生講院大殿引長生講院者潯溪里古刹也按元延祐二年宇文公諒重修碑記云院肇于宋建炎間自肇迄修相距僅踰三甲子已稱遭罹兵燹靡有孑遺住持靜覺者爰募善緣丕復舊觀況延祐至今傳國三代易主幾三十朝歷年更七甲子重修者非一二意必有堅志苦行之僧伽信心樂施之檀越相與維持得勿廢墜而乃紀錄放失末由攷證予甚慨焉幻空禪師堅志苦行克配前良觀梵宇

志九 寺廟二

三

將頽奮思整頓請予書其梗槩以為糠粃之先子愧文不諧俗無能為役且韋衣諸生聲名氣力奚堪鼓唱時風眾勢疑沮擱筆者久之雖然樂施固由於信心檀越之心即僧伽之心僧伽之心即佛祖之心豈視區區者為輕重行見欲種福田者咸傾筐倒篋以襄勝事微師之精勤不足以動人之樂施微人之樂施不足以成師之巨費者應不異於純節先生所云也敢以鄙陋之作爲券

紀遠月下步長生松徑有懷此大師兩歌尋幽徑蕭閒興若何欵松猶挂月廢沼已無波寂寂寺前火亭

亭露下禾何當續遺社醉客更來過

包咸同天階訪袁公白先生於長生寺適遊湖濱不

遇覽吳中往哲遺像而歸余先人之隱窟隆時同至者為袁先生感憤寥落相

若也余為童子時立先人後恆識先生卒年數年存沒殊恨回首西山有淚空灑不相聞問者已久已亥

客于潯先生亦以事留蕭寺聞之趨訪焉不遇賦以志感風塵回首憶穹窿訪舊

禪林識寓公十載兵戈雙鬢老五湖烟月片帆通寺

依流水藏深竹路有斜陽綴落楓不盡前朝人已古

懷君薄暮望征篷

董耀游長生寺桃柳成行屋幾家溪烟斂盡日初斜

遊人寂寂春歸去古寺閒僧掃落花

志九 寺廟二

三

董繩炷游長生寺次韻寂寞荒村只幾家輕風蕩漾

柳枝斜數聲嗁鳥春歸去一路游人踏落花

紀復亭長生寺杜鵑花佛日清和殿影陰一窠躑躅

欲燒林法王火繖開金地天女霞裙試道心夜靜寶

燈明院落坐深紅雨濺衣襟花飛已得長生偈莫向

嗁殘怨魄尋

范登長生寺白雲掩溪曲戶外聞花香初訝入仙境

不知登佛堂松寮清磬出石磴古琴張敷坐落空翠

老僧歸夕陽

范錯潯溪紀事詩蕭然講院有餘清入暮龕燈照眼

明仙梵東西相應處此公當日說無生

長生講院前舊有松徑風

響濤聲與鐘梵相應傍有塔院

孫燮正月二十七日偕金山甫吳半峰沈柳橋入長

生寺用昌黎寒食日出遊韻憶昔春遊散頑病偕行

更有肩庵盛十年轉眼失斯人墓上蕭蕭白楊映擗

沙易散誰堅牢世事紛紜那足競今年春寒陰雨多

掩關日夕事吟詠沈君謂子業太專張而不弛禮非

正枝上梅花不待人春光一去何能更攜朋選勝素

所樂良友有言謹唯命我生久合住深山未辦長鏡

白木柄婚嫁雖完精力竭那得遠遊學禽慶南林地

志九 寺廟二

十四

僻稀遊觀惟有金仙俗所敬竭民脂膏事土木到處

精廬各幽篁名流往往伴僧閒違計竺乾理非聖長

生古刹連塔院兩寺直如一寺併市廛較遠境最幽

我來聊可悅情性庭隅老樹拔千尋氣凌華屋一何

橫樛枝四出如蛟龍春淺應知葉未逆吾聞心地靜

生明有如水形能鏡安得襍被長住此屏絕米鹽

謝家政坐久天邊落日昏歸遲橋畔朔風勁倘飛薄

雪點梅花吾亦能從白戰令

董恂長生寺勝地消兵燹殘碑掩薜蘿古松滋老蘚

野水長新荷小艇漁歌遞荒墳鬼唱多朽金兼鈍碧

載酒一相過

塔院 在南柵長生寺右順治五年董漢策建

董漢策長生塔院記

文見碑刻

又塔院捨券

文見碑刻

又長生塔院募準提懺齋疏今年孟冬余方結友禮

準提懺既三日子半夢臥地上佛母以黃裙圍我下

體旋以黃衣覆身云子將有難吾為子遮卻覺後語

諸子咸異之越一月游茗上道經屺溪泊焉復夢坐

牆角丹鳳飛來撫其雛乘鳳飛去未寤寤則聞矢石

聲如雨披衣欲令僮輩格鬪則綠林客已四面合圍

志九 寺廟二

十五

舟次約百人皆貫弓挾矢相向矣余蹴蒼頭持刀奮

呼余乘間踴焉賊或挾我臂則與手搏絕袂得脫從

箭林中出迷失道則遇童子示以路賊追不得遂廢

然息余與賊交臂若有天人障賊雙眸者豈非三寶

威神不可思議哉今此山禪師擇戊戌春王募齋修

懺寶鉢天衣將覆大地息災解難固可目余為左證

矣題諸頁首敢告同志時丁酉除夕

明董說敬夫過塔院訪此山禪師數年不向寺中行

石塔新開古院名一樹寒桐晴後綠幾回茶鼎竹間

烹高僧舊約嚴詩政落葉新詞定細評

時敬夫落應葉詩成

話西窗病居士滿牀書畫看雲生

明陳忱過長生塔院訪沈雪樵徐松之兼呈此山師
寺門松影動離離縱目西郊欲雪時故國樓遲遺老
在新亭慷慨幾人知愁深失計三年別亂極猶談一
日詩雖是支公超物外歲寒堂裏亦低眉

包咸長生塔院訪徐松之程百畹兼呈此山禪師訪
舊龍宮日欲西長松深竹護招提交游落落逢霜雪
吳越荒荒自鼓聲鳴磬半隨黃葉下雨花斜帶白雲
低遠公不問東林路送客無端過虎溪

志九 寺廟二

去

雪埋雙腳滿牀頗黎珠春風隨意落誰施袈裟地披
榛事畚鍤十載常杜門聚沙忽成刹螢燐作金碧蒿
萊化椶櫚麈尾謝廉貪玉鉢齊豐約紺殿與茅庵閒
雲兩無著夜雨塔鈴深裏麗共棲託○鑄像器界墮
重陰漆燈紛可數孤狸呈異態魍魎爭親語欽哉孝
子心普念世間父猛火鍊寒金范出幽冥主光回照
夜珠春發催花鼓莽莽鐵圍山傾頽化黃土遙瞻一
長歎為告諸有苦想得范金人清輝徧泉戶○營塔
至人委遺蛻凡夫留白骨若從同處觀微茫問毫髮
吳閭一開士潯水兩檀越慈情痛菴苑永念悲霜雪

冥冥鷓鴣鄉窈窕人天劫雙塔俯平闊凌空高截巢
疎鐘聽來斷光響夜夜發老鶴語秋烟哀援嗚凍月
○鑿池夙有江海心疏泉蓄空翠微雨颯然來清風
動環佩潯南烟水地鱗羽羅眾類藉此一掬波潯作
鳶魚會輕儵初出水弱燕時矜袂俯仰慰沈浮參差
辨莊惠晚荷故清越秋柳特淒媚獨坐看停瀾無端
發深喟

紀官過塔院村靜時聞喚買魚鷓鴣溪曲繞荒廬夾
池翠柳深還密只剩門前幾尺餘

董甸潯溪棹歌一徑蒼松蓋綠雲寒風鬼唱滿秋墳

志九 寺廟二

去

淒涼塔院遊人少白骨青燐暗夕曛

普雲庵 在南柵觀音衝後今圯

漏霜庵 在南柵補船村亦稱補船庵釋南潛住此今圯

明董說湖上秋遂來漏霜夜話枯樹婆娑乍飛動泪
遭歲寒潯水西忍來一載言尤旨坐盡孤燈氣未低
句到鏡歌愁讀破詩輕小序抹前題感懷不獨詞場
墜祇說詞場意已悽

明黃周星南潯漏霜庵贈月公天教詩骨帶烟霞門
第文章笑大家上士不妨擔柳栗奇人偏喜著袈裟
孤峰狼虎牀頭夢萬卷蠹魚筆底花末世紫芝吾幸

識祥威未許俗流誇

陸庵 在南柵孫家壩按范志云明殿撰范應期建舊志不載疑附會

朝真堂 在孫家壩本係尼庵今為僧舍咸豐六年重修

結草庵 在南柵泥司兜口明朱國禎建

梵音庵 俗名王庵在南柵外

永甯庵 俗名三官堂在南柵外

安谷庵 在南柵外

紀復亨秋日集安谷精舍贈得中上人分得幽字古

木危橋取徑幽崎嶇前渡認林邱半開桂蕊如人意

每對僧房似舊遊禪病多從狂後發密珠還向醉中

志九 寺廟二

留衲裴他日能相報更棹空江一葉舟

紀汝霖和劉風漢先生泛舟安谷庵即事塵事蠶縈

繭聊隨物外遊清寮幽似洞深院爽如秋酒盡紅浮

面雲來黑壓頭催成詩句好碧落挂銀鉤

永福庵 在南柵外庵中牡丹花最盛按董漢策有永福庵募建大悲堂偈

董蠡舟次謙甫弟永福庵看紫牡丹韻七寶闌圍一

片霞尋春來問梵王家詩多綺語難呈佛病減風情

易負花余未及已悟傾城空色相應從禪榻感年華

紫雲許把丹青乞便抵深宮繫臂紗向僧乞種許以畫易

種福庵 在南柵外

淨土庵 在南柵外南喜兜順治丁酉僧吼石因舊址建

康熙乙未僧鏡如重修

董燧淨土庵寓中作八尺風漪頗稱慵猶炊深甌避

無從幸聞高論冰壺靜亭午相過抵夕春時友有過談者

未能免俗相牽率久住茅庵悔亦遲深喜梵音來二

妙藕花香裏細論詩○小鳥弄聲娛俗耳雜花作意

媚秋睡先生一覺羲皇夢起看溪流雨後涼

褒能寺 俗名康王寺在南柵外三里佛座刻字云信士

唐綸同室陳氏敬助佛臺一座崇禎丙子孟春

范錯潯溪竹枝詞秋來極望水平石雪蕩珠灣泊釣

艘記得西風吹夢醒褒能寺裏夜鐘撞

董恂潯溪棹歌泥馬傳來事渺茫褒能寺古近城隍

扁舟昨過康王廟落日寒林甲午塘

靈觀音堂 在南柵鰲里

已上南柵僧寺內西柵壇廟附見

圓通庵 在北柵唐家兜

明華士嶸十六夜同孫魯生集圓通庵天街洗夜色

空翠襲人衣桂馥初飄細簫聲遙度禱半庭禪榻冷

千頃漾波微為愛明河粲三星墜未歸

又題圓通庵泉上人房寄適依名利幽齋隱市塵經

殘祇樹冷磬寂法幢偏有榻能消晝長貧不礙禪盆
魚窗草綠春半亦知年

王翰青題敏公禪房二首宛宛風幡坐日遲石欄秋

色養幽姿不知何處軒臨水水部當年也賦詩明華

官工部主事集有題○淨埽機心慵對弈斷無塵事

淡評茶近來朋舊凋疎甚更借孤清破幻花

又湘月圓通庵明學上人賞菊和華拙存霜林踏葉

繫秋光淨綠尚團初地高下香臺分寶座花也總耽

禪味黃現金身香浮銀界豔豔僧衣紫賦詩可否已

公茅屋今是○正好畫竹燒蘭評茶勸酒斜凭烏皮

志九 寺廟二

几翦翦西風塵不到不減東籬幽致埽石安琴窸簾

待月清絕人間世更飯繡佛小軒何處臨水臨水圓

通軒名

善寂庵 在北柵葫蘆白場西俗名北聖堂一作北勝堂

一作八勝堂有古井一口取北方真武制火之義嘉慶

初重建按董志善寂庵

雲興寺 在北柵外北迴橋東宋元祐中建元末燬明萬

曆十二年復建 本朝順治八年重修

董漢策重修雲興寺碑記文見

方燾北迴橋廟何年畱古寺寥寂少人過碣斷埋荒

蘇垣頽冑碧蘿棟簷蛇蛻在經帙鼠痕多欲識無生
旨須參四大魔

已上北柵僧寺

隨糧王廟 一在東柵口明通判張祐創建俗稱東總管

堂乾隆十一年重建道光中重修一在南柵口亦張祐

建俗稱南總管堂乾隆中修咸豐八年重修增建後殿

一在東柵御河橋上明建乾隆時火燬今神像移置船

場浜留嬰堂內

張鳴鈞募修南總管堂引節錄濶有東南兩總管廟據

舊間皆元時以護漕丕著靈應沿明至 本朝廟名

志九 寺廟二

無改而濶之捍災降福阜財裕民尤捷若桴鼓故香

火報賽極盛年來東柵之廟里人既鳩工增廓而南

尚有竣焉余居界濶市東南之間今年 恩命歸里

深願時和年豐與父老詠歌太平迓神庥以答 主

眷適里人咸願新南之廟如東制者乞余為引吾知

同里必有踴躍布金者夫豈等叢祠野廟之荒談也

哉此文作元時所創疑出傳會

華萬九重建隨糧王廟碑文見

晏公廟 一在東柵祀水神平浪侯按文獻張志董志俱

攻此地一在分鄉壘之西屬 一在西柵垂虹橋上跨街建

烏程懼一圩非震澤縣界

造乾隆十七年燬

廣惠宮 在南柵俗名張王廟宋治平間建元時鎮人錢

清甫重修明嘉靖四十年重修萬曆四十八年傾圮朱

董二氏重修天啓七年董倬儒增建玉皇閣崇禎十年

雷火燬 本朝順治十五年重建康熙中江蘇布政使

慕天顏與鎮人董漢策復建彌羅閣一名太微閣上奉

玉皇中供斗姥宮之南嘉慶初建東嶽殿其北為祠山

殿今改奉為湖州府城隍殿而供祠山大帝於雷震殿

西南有竈神行宮正中三清殿恭奉 萬歲龍牌為朔

望行香祝 釐祈禱之所 按廣惠宮本祠山神廟額董

志九 寺廟二

又載祠山大帝廟復出至流俗以張王之稱指為張士誠祠益誕妄無據

張初龍重建張王廟碑記 文見碑刻

談九乾廣惠宮碑記 文見碑刻

董友松廣惠宮即事翛然滌煩慮紺宇坐談元鶴舞

迎三素簫聲落九天惠風寒食後芳樹暮春前莫道

蓬山遠昌陽可引年

紀復亨廣惠宮白藤花醮壇月上禮元君鶴警瑤簪

次第分素笈曉披明寶字玉笙夜吹落晴雲人間紫

粉徒誇豔仙觀瓊花合作羣應是蕊珠宮裏種諸天

供養靜氣氤

范錯淳溪紀事詩珠宮紺宇奉三清道院修真羽化

輕試向玉皇高閣望恍聞雲外奏鸞笙 子友施北研

甫薛林先生云廣惠宮俗稱張王廟故老傳始於宋

時廟止一殿奉祠山神像為道流香火之所元人始

立外門臻王靈官像內向持鞭而立如釋氏伽藍法

至明時里人有見靈官怒色示夢曰廟門像設當外

向而坐可急改之否則焚之矣眾以妖夢置之未幾

殿門並燬啓禎間里紳董氏復建正殿易奉三清增

置後殿為玉皇閣移祠山神于正殿之右外門改臻

靈官像外向揚鞭而坐規制闕缺迄今如舊予思額

志九 寺廟二

錫號未經申請故流俗止稱張王也

董蓋舟孟冬二十一日晚入廣惠宮石壇旛影颯玉

座薛衣封畫贖開元跡碑迷薦福蹤 壁畫采藥仙人

於明季為燬頽陽明紺宇急景迫元冬安得桃千樹尋

雷火所燬

春策短筇

又潯溪棹歌七人八穀過匆匆約伴燒香廣惠宮勝

槩絕殊南渡日太微閣迴嶽祠雄 俗以正月九日為

車志載淳熙辛丑吳江陳布袋為冥史誤攝放還恍

惚至潯溪見嶽祠甚雄潯溪素無嶽祠心獨怪之云

蠶神祠 一在南柵廣惠宮北一在東柵青華觀內並道

光中建一在西柵妙境庵東咸豐七年建

三元閣 在南柵定心橋上

城隍廟 在南柵箋一圩乾隆時建

董兆元代募建城隍廟引 節潯南青華觀規模視諸

佛寺為隘有堂三楹中奉太一真人而烏程縣城隍神像在其左廡風雨剝蝕往來啤呢余顧而歎息方思所以妥吾神者適巡司裘君與紳士等謀于觀旁隙地別構殿宇奉神像其中相率來請于余爰捐俸以為之倡按此文代通川愛山作

丁桂重修城隍廟後軒記文見碑刻

青華觀 在南柵城隍廟東康熙六十年建道光十五年重建咸豐六年重修中有太乙殿蠶王殿觀傍田中有石形如眠牛相傳昔有欲取之者掘地丈餘不能動乃止漏澤園亦在其傍

志九 寺廟二

菑

范錯潯溪紀事詩道觀青詞奉紫垣步虛聲裏月臨軒何時一片眠牛石畱作人間漏澤園

董恂潯溪棹歌踏青鬪草事都非三月東風絮雪飛此日遊人謀野醉青華觀外菜花肥

火神廟 在南柵即積善庵故址咸豐七年建

已上道觀內西柵蠶神祠南柵隨糧王廟皆僧人住持雷嬰堂并無僧道

解脫庵 在東柵皇御河西廢為民房已久

草庵 在東柵外下塘今圯

董漢策潯東草庵募引梵行之盛利在增崇像法之衰利在澄汰蓋擇焉不精則反滋擾亂如獅子身中

蟲自食獅子肉曷若釐剔為善道也然而五濁泥深能出者少彼丈夫猶爾何況巾幗脫令捐諸所有獨踏大方卓犖自命于雲霧之表十方薄伽梵必盡稱歎豈易及哉潯東偏草庵女僧現比邱尼身力鬪五濁作象王嘖呻此殆欲增崇梵行者耶余謂今以後當究明性命嚴淨毗尼奉身如頭陀然後可以紹慧命扶像法萬勿優游縱恣勞心于利養名聞為護持真乘者所笑

朝運庵 又名潮音庵在東柵烏朋兜明朱國禎建

斗姥閣 一名太君庵在西柵垂虹橋南堍

志九 寺廟二

菑

長壽庵 在西柵長壽街按舊志在石街街南

普濟庵 在南柵巡司署對河乾隆壬午里人重修改名

吉祥庵俗稱小廟昔為僧舍今為尼庵

蓮界庵 在南柵蓮界街

望海庵 即望海觀音堂在南柵明董氏建

水月庵 在南柵

太君堂 在南柵

董恂潯溪棹歌昨夜熊羆入夢無笑即先寫弄璋圖

太君堂裏祈男去楊柳腰纖倩婢扶太君堂俗呼阿太堂前

壽慶庵 在南柵

萬古庵 在南柵

積善庵 在南柵報國寺之南康熙四十一年修乾隆中復修久圯今建為火神廟

積善庵刻石文見神刻

計士枚募修積善庵引節錄吾溇雖市鎮而水陸輻集

走利區也間者創留嬰堂以恤孤起金剛會以懺死

蒸然競興于善而官顯于朝士充于秀商阜于財農

豐于穀天亦若陰騭吾溇是可知所以衍其慶乎

溇之南有積善庵住尼皆力行清修日久將圯謀所

以新之籲于眾而恐其難索引于余余曰是不難師

但志九 寺廟二

其

以積善二字為勸溇之仕商方競于善庵名積善

必有樂施而布金者

秦庵 在孫家壩明朱國禎姪秦氏建

萬善庵 在北柵明天啓間建俗稱萬壽庵

董漢策萬善庵碑記文見碑刻

般若庵 在北柵外下壩俗名新庵董漢策母顧氏建

董漢策致女師一夔啓節錄般若禪院創自先慈既捨

宅為覺林復表闕于鹿苑飯僧施脫粟供眾置閒田

其來久矣住持義川禪師闡第一義于茲不意色身

多厄病輒經年心思退院伏望飛錫遙臨俯念同門

之雅俾川師得謝事優游敬申懇告想沐俯命

董涓遊般若庵魚鱗細水環村斜寒塘處處鋪銀沙

溪邊老樹葉初脫時露茅屋三兩家沿流直到般若

寺寺中閨寂無喧譁恍然此身入幽谷地偏已覺遠

塵俗峩峩高殿如翬飛四面朱闌圍曲曲寶幢十幅

颺松風雲廊一帶飄金粟憶昔先人到此間相隨賓

從何喧闐竹葉盈尊奏銀管落花滿地浮茶烟十五

年前同一夢堂堂歲月如梭穿追思往事空回首欲

洗愁腸無斗酒同行還幸有嘉賓高談令我開笑口

晚來攜手出庵門惟見殘陽挂疎柳

志九 志廟二

其

穀豐庵 一名猛將堂在北柵外下壩

董齋舟溇溪棹歌樂歲家家有益藏何為重利遠行

商禱風郎詣晏公廟祈穀農趨猛將堂俗祀劉猛將神乃朱劉銳

也主驅蝗蟪

已上尼庵

聚星塔 在東藏寺內明董份建浮圖功成大半格於形

家言不為合尖俗稱無頭塔亦稱半塔康熙中裔孫董

漢策改造為三層閣易名聚星閣一名聚奎閣道光十

九年重建改名聚星塔

沈登瀛重修聚星塔記文見碑刻

明董說南潯半塔終古只一半孤高傲五湖混茫連
積霧耿介截虛無天地留長恨雲霄限壯圖憑誰搖
賦筆收拾上吳都

曹仁虎潯溪竹枝祠禮佛禪堂趁早秋蓮花座畔炷
香留生憎殿角浮圖影一半亭亭不到頭

董載昌潯溪竹枝詞東藏禪寺古招提月上休嫌塔
影低何必浮圖高七級初枕得上亦雲梯

范錯潯溪紀事詩傑閣風鈴響碧簷晨鐘夕唄戒精
嚴菩提樹下人遊憩共悵浮圖不合尖

董恂潯溪棹歌櫂樹陰濃綠接天浮圖倒影墨溪邊

志九 寺廟二

其

阿儂願把恆河力塔級重添萬四千

按舊志依府縣志例祠祀寺觀分兩門今政府縣
志祠祀門內如山川社稷等廟關帝城隍等廟皆
每年官為致祭自應別立一門至鎮志則雖關帝
城隍亦係民間私祀並非祀典所應有實與寺觀
無異故併為寺廟一門不復分析其舊志祠祀所
載楊文公祠之類或地方公建或子孫世守非僧
道住持則與寺廟有別今
另入祠墓門與墓域併載

補遺

塔院已見前

董鉉和枯木吟序節錄憶丁亥秋漁庵和尚初至長生
時值重九攜筇登眺予讀書寺中因得接警欬快談
竟夕未幾復去吳門荏苒兩月歲聿云莫迺同此翁
復至長生不三日而西逝此翁于此遂慨然有結廬
之意焉慘澹經營歷數年間而建院鑄像營塔鑿池
諸事成一一告成此翁曰此先師之事也

顧靖和枯木吟序節錄今日之此山大禪師者即當年
之澹城周先生也童齡鍾秀壯歲逸羣讀父書而潛

志九 寺廟二

其

焉出涕甫九歲如成人侍母側而殫竭乃躬四十年
如一日住金閭絕頂風華之地毫不沾情富貴久空
夢幻遺復社狂瀾聲價之時從無把臂好仇別筵嚶
鳴與開士道人為伍喜殘山剩水作緣入世每同出
世累劫清修迺脫妻孥障海居方不敢遊方半生潛
託只緣母氏慈帷適高堂之霜露忽零大運之乾坤
亦改遂臻初志皈命梵林遵漁庵古德之箴以聲聞
為痛戒受浮石老人之付更蟄晦而深藏念本師之
隱願未完漁庵雜染武林長生庵後參學四方晚過
南海掛搭長生講寺喟然歎曰我始於長
生終於長生乎山中吾輩之報恩終缺一鉢走湖濱
體遵其意為赴海中

茫無錐立五衣同露宿那有巢居感天人之修供龍
女布金董母集吳越之因緣象王獻寶甫半載而梵
刹鼎新未幾何而能仁鼓鑄佐以宰堵穹含妥先靈
而恩敷海眾慈波浩淼消劫運而惠彈潛鱗諸凡德
果之孳生愈屬福根之廣植六時不敢解衣堅同脇
者二豎聽他熒惑病學維摩公到海喀血十年不用藥亦不倒睡俱喪病經

畫遂述枯木之吟聊示開山之路
釋正崑和枯木吟序枯木吟者此山大師承先漁庵老人命也老人存日以溥水介東西吳參徒紹繹苦少食宿且素與佛幻翁相契遺指後必同窆因有

志九 寺廟二

卅

以及股肱近事地則土廣市近致鮮虛靜長有建院
鑿池營塔三願以利道俗而善死生所惠甚嘉嗟乎
既老丁亂未果化去師為居士早絕婚宦進筆未供
母母歿即從漁庵以遂初志然烽火震鄰歲無虛日
師乃夷然一室斷扣檀門蓋煙銷雪擁至十踰稔浸
且雲水獲濟祖父用安水族樂生塵襟喜滌於是長
生古院非復舊觀矣特以罔極靡報加鑄地藏大士
并目健連尊者暨大辨長者各一區為世人子廣作
度親寶筏

釋淨孝枯木吟建院戊子花朝董惟儒居士施長生寺西一袈裟地清和即縛茅成

落有楊岐乍住屋壁疎老大覓住處寺傍插莖草殿
閣迴層開往來任幽討十年不出籬苟完亦粗好且

暮禮寒雲枯淡如山杳狂雪披兩肩初懷匹岐老何

期潛水南病緣終未了有杖逞風流相隨日潦倒○

鑄像已丑小春募鑄地藏瑞像天然一經磨琢色如金燦神奇屢現不可枚舉木翁和尚云此相甲

天造像之發端始自優填王仰慕不可得雕鏤旃檀

香我今治洪冶欲鑿天之荒遐想大雄身充滿菩提

場獨有幽冥主道範罕以裝誓現比邱形廣度寒林

亡歷從貞孝來行願殊非嘗予亦孤哀者寤寐永勿

忘一朝呼萬應感拜咸心降爐威燭遙天陶鑄儀端

志九 寺廟二

卅

莊相好儼天成靈動生吉祥秀質甲寰區時放金紫

光不以正眼觀焉知此地藏○營塔癸巳秋先建佛

效庵石屋故事丁酉冬惟儒居士夢諸鬼乞建普同

成或冬一路巍然其姪魯瞻居士亦捐貲領眾遂成

雙美海眾同居亦先師有遺訓欲與海眾俱生既投

分寡沒遂獲所娛憶昔佛幻翁立志何其迂誰知漁

庵叟繼述如真儒嗟予丁運艱獨力開荒途病血事

畚鍤壘疊忘殘軀十年守枯骨一旦與古符感夢布

仁慈能使神鬼孚溪煙澹林月窅堵藻苻扶事事慳

人意列目成畫圖鐘梵每相答靜夜庶不孤○鑿池

先師欲邀高賢修淨做遠公蓮漏而鑿得一池水貯

却萬里月消盡世間炎炤我一腔血端念遠公蓮香
開十丈雪瀟灑集羣賢東林恣怡悅吾師著此志擬
漏蓮花葉一朝入無生惜哉萎人哲慨然嗣真風道
遙散高潔誰是同流人能把心如鐵塵累固難遣憂
懷肯獨立層波泛清揚招引登淨域

志九 寺廟二

三

祠墓

注曰積換 南潯鎮志十

楊文公祠 在西柵外楊灣亭三圩祀宋工部侍郎浦城

楊億 按此地在此里橋下塘但府縣志並
云在南潯故舊志皆載今亦仍之

朱進士祠 在西柵妙境庵內明萬曆中立祀宋進士朱

柵後廢

褚公祠 在西柵外閔家兜褚家墳元元統元年立祀教

諭褚天祐久圯 按此地在九里橋下塘亦在限斷之外
然此祠石刻僅存絕無知者今幸訪得

若削而不載慮其終歸湮沒故依舊志載楊文公祠之
例破格載入至褚家墳未知褚氏何人所葬既附見于
此墳墓中
不更載矣

元褚錫瑜褚公祠 文見
碑刻

志十 祠墓

一

董宗伯祠 在東柵總管堂西祀明禮部尚書董份俗稱

東祠堂

方穀董潯陽宗伯祠飛簷題額字蕭森宗伯叢祠俯

水潯想見青詞歸講殿猶疑白髮動華簪木鐘曾許

醇儒望 宗伯為唐一庵高弟木
鐘臺集語錄屬為訂定荆石偏高國士心
荆

石相國為門下士
宗伯有國士之目剩有家聲垂博物百年耆舊說梅

林

朱文肅公祠 在妙境庵兜祀明大學士朱國禎今圯

董蠡舟謁朱文肅公祠堂寒泉手滌薦溪蘋欲借闈

言揭榜新五字榮逾華袞錫大書此老亦邪人

董進士祠 在東柵下塘祀明進士董嗣昭俗稱三祠堂

王太守祠 在東柵極樂庵西祀康熙中湖州府知府奉

天王以翼嘉慶十年地按范志作極樂庵東疑謬蓋即在庵西雷嬰堂中也

善田張氏宗祠 在南柵外乍安兜

華氏宗祠 在西柵妙境場祠前池中白荷花甚盛

張丹山潯溪棹歌苔青碣斷覆牆陰人去墳空地被

侵賴有賢孫力恢復祠門猶帶夕陽沈西柵華氏祠本係墓地日久無人經管其莊佃遂覆墓碑于牆下售地于異姓

乾隆時裔孫開泰按譜核實疑其地而未得確據禱于關帝得虎頭城裏喜相尋籤句因訪至白鵬兜有

虞姓老人年七十餘備述其源而開泰鳩族資贖焉然其墳已不可攷乃即其地建祠以為陸族祭先之所

志十 祠墓

董恂潯溪棹歌昨訪蓮漪舊草堂今來華氏古祠旁

刺船只向花間住荷葉如雲不斷香

又偕同人至妙境場觀白荷花殘月疎星破曉遲相

偕吟侶短筇支路抄曲巷來深塢花散幽香逸古祠

兩岍冷雲秋在水一襟涼露客尋詩白蓮社裏人都

去定許清游續舊時

朱氏宗祠 在孫家壩懼二圩

紀氏宗祠 在西柵米廊下咸豐七年遷於紀家壩金雞

街北

丁氏宗祠 在西柵外裘莊眾安橋西祭三圩

陸氏宗祠 在南柵餘祥街

莊氏宗祠 在南柵西交界壩橋南按范志作東交界壩橋南

范氏宗祠 在簾里方家埭

汪氏祠堂 在北柵外拜三圩姚家兜道光十七年汪延

澤建祀康熙時刑部郎中仁和籍鄉賢汪以澄

紹會館 在北柵外下壩嘉慶中建

新安會館 一名遵義堂在南柵寓園前道光十一年建

十六年又別置公所于醋坊橋東竹園頭

張鑑遵義堂徵信錄序錄新安六邑商人之在潯鎮其殞室向僅附築于青華館側歷年滋多漸覺冗偏

志十 祠墓

自道光六年經金君稼田星彩暨方夢吉汪梗南程

際煌吳炳文楊以和陳任賢許清臣胡集和十餘君

朝夕綜理至十一年冬始克買地二畝於溪南箋字

一圩既營公館即其旁鳩工開葺建廣廈六楹以為

遵義之堂棟宇完固地勢坦爽又慮陰陽凌雜別置

楚芳橋東女厝一區落成之日同人思垂久遠乃議

立規條十餘則纂成一編先以當事諸批答凡董司

之任捐施之名出入之號啟閉之期工役之資水火

之費善緣所集靡不畢載而無歸淹滯買山叢葬其

卒事也丙申三月

錢王墓 在西柵上塘後港姚家灘有榆樹兩株舊有墓

碣今已埋入土中 按此蓋吳越錢氏族人但此墓唯見范志別無他據頗疑妄造今姑存之

宋從事郎朱仁福墓 在西柵石街衙內仁福從征方臘

有功卒軍中賜葬于此今無攷 按淳溪文獻云石街巷今稱衙而墓不可攷或

云遷薦福橋北兜後訪諸故老云舊傳及第世家宅中正廳基下確有一壙係石街衙口朱墳是也但築室者

溫氏不知售主何人填平何日年遠事久難為攷究今攷溫氏之宅後售與丁氏正廳已燬土中之壙未知信

否即有壙亦難確指為仁福之葬也

宋朱仁福墓碣 文見碑刻。按此碣在妙境庵後朱家墳文獻所以有遷葬之說也然碣

實後人偽造鑄漏甚多碣稱宣和二年三月一日賜葬舊志並沿其誤不知方臘之反乃宣和二年十月

事也據朱國禎百一祖墓記及朱柵厚德遺言妙境庵後之墓乃仁福之孫俊及俊子庇理所葬初無仁

志十 祠墓

四

福遷葬之說又華氏傳芳錄載仁福賜葬在德祐元年華元升等陳牒請賜薦福祠額之後則又以為南

弊附會無稽未足深幸

張鑑淳溪棹歌石街巷口倚涼曛啄木聲聲樹杪聞

金鴈銀鳧漂落盡墓田何處弔將軍

范錯淳溪紀事詩楚歌為弔國殤來從事墳荒付劫

灰風雨石街深巷路冬青枝上杜鵑哀

又杜葦孃宋從事朱仁福墓在南淳鎮西妙境庵後

傍有墓碣去歲之秋偕施北硯王雪浦項甬江嘗手

拓其文攷其年月舛誤實多殆朱氏子孫補勒而未

深攷也時北硯賦杜葦孃一闕以紀其事屬余和之

余竊有疑久未報命茲江行阻風蓬窗無事摩研拓

本爰次北硯元韻繼聲填此書寄北硯雪浦甬江白

楊孤墓棲鴉亂噪秋風颯有數行碑字捫難讀記弔

古詩朋相拉聽椎聲細打墨痕乍灑溪藤潤滑添香

蠟數宣和舊事如許何堪手答。任寫搗星移物換

多將世系付訛雜看昔年燈火叢祠在問薦福誰來

行匝只石街古巷鐘敲妙境蕭蕭落葉老僧蹋贖蓬

窗夢斷驚浪寒吟夜榻。施國祁原作烟叢西墅寒

花墓下秋蕭颯問宣和從事碑存否怎忍令風霜摧

拉喜俊流逸興長箋拓去荒磷乍試新壇蠟聽椎聲

志十 祠墓

五

向夕陽裏丁丁響答。看薄榻模糊蟬翼重行泐墨

古香雜恍石街明月遺清影一水外淳溪回匝話南

朝舊事忠祠孝里榛蕪半付晚樵跼好裝池且與評

泊吟窗醉榻

趙王墳 在南柵醋坊橋東俗稱竹園頭相傳宋宗室某

所葬今無攷 按舊志俱作趙王陵然今俗只稱趙王墳

志云其壙破石墓門巍然尚存今攷墓門尚存者乃張處上墓相傳誤指為趙王墳耳實則此墳久無攷矣

董蠡舟淳溪棹歌朱從事墓沒榛芳吳相碑亾事莫

徵回首可憐天水碧行人猶說趙王陵

宋兵部尚書華初成墓 在西柵嘗四圩菜花兜南

張丹山潯溪棹歌忠孝傳家譜系存菜花深處溯前
聞可憐南宋尚書墓荒地爭傳太監墳菜花地有南
宋尚書華大
生墓雍正初年墳地尸見居民見其冠服殊異因訛
傳為華太監墳久且并尸而失之矣華氏系出錫山
晉孝子華
寶之裔

宋承事郎朱俊墓 在西柵妙境庵後俊子庇理亦附葬

焉俗稱朱家墳 按朱氏譜仁福第三子名宜宣生百一
公俊俊生百四公庇理庇理即進士柵

之父朱國禎百一祖墓記云百一公所葬當在嘗字四
圩朱柵厚德遺言云奉祀祖墳餘慶又云先父治命同
十宅兆並指此墓而言後人傳
會指為仁福遷葬于此大謬

宋江州參軍華文勝墓 在鎮西北嘗五圩

梁氏古墓 在西柵菜花兜 按舊稱梁宦墓時
代名爵並無攷

志十 祠墓

六

陳氏祖墳 在東柵薛家漾東北明名醫陳理先世所葬

俗稱陳家墳

明處士紀中墓 在西柵箋二圩俗稱秀水墳中為紀濂

之祖

范錯潯溪紀事詩飛夢金庭渡碧雲優游泉石亦超

羣秋卿第後門風著盡道鍾靈秀水墳 紀氏家譜六
世祖中字公

權號西巖逸叟善詩文不樂仕進卒葬箋字二圩法
華庵之東墳錄墓前臨半月池後抱西村水清繞匯
喬木森森其地形如荷葉
得水欣榮故俗名秀水墳

明處士金恭墓 在南柵嘉應廟後

明謝翰故處士金石墓 文見碑刻○按范志作墓
志為乾隆六十年出上

丁氏古塚 在北柵圓通庵內明時丁氏所葬

丁氏祖墳 在西柵外三里橋西北嗣一圩俗稱鴛鴦墳

方氏祖墳 在西柵外眾安橋東祀四圩

明謚貞愍教授張洪墓 在南柵外牒四圩獨樹灣洞賓

橋南俗稱老墳灣洪子昂即葬洞賓橋北箋五圩盧家

瑾俗稱張家桂花墳

明通判張祐墓 在南柵蘇露橋西 按范志以為宋
學士張定墓謬

吳曹朱三家祖墓 在北柵外嘗三中圩 按西弔橋東至
清風橋為嘗三
圩其北面隔水之小圩附之又北隔一小港俗曰
潯溪河之圩亦附焉故以北圩中圩南圩別之

明宋國禎百一祖墓及以仁公附葬吳墓記朱氏陝

志十 祠墓

七

西涇人宋宣和二年承事仁福從征方臘有功卒軍

中葬於湖之南潯鎮是為始祖第三子宜從行不能

歸因家焉宜有十三子傳遠而派繁散居金閭丹陽

安吉諸處潯為正宗自國禎以上多長子勤於耕買

鮮行業及宅墓可考之處蓋既求巴西黃宮允表南

阡矣宮允方在講筵無休沐暇獨為我操筆古質淋

漓是真不朽者夫朱氏潯之舊也由來止此已乎仁

福葬明月橋西石街巷巷自如墓不可考冊云祖墳

餘慶未知卽是石街與否百一公所葬當在嘗字四

圩今隔河祀字三圩有墳一區子穴巖巖守者猶是

吾宗足知兩圩俱是宋氏墓地今自穴而外皆成田
惟鎮西有廟徑橋相傳爲朱氏家廟處想亦進士公
所創已夷闔蓋族中不肖所質又有大古柏亦伐
去前年族曾祖表求於董祠部復之立進士公牌位
其中然絕不成廟貌也整之在異日又稍西有樓一
間族某焚修其中蓋因廟毀改立以仁公諱濟東郭
吳氏之甥配吳氏吳有二甥其一爲曹某曹先死吳
憐之許葬己墓蓋先輩高誼如此曹之子鏐宏治癸
丑進士館選得刑部主事善畫殘荷有清名壽最高
所謂桐邱先生者也以仁公歿用曹例不告而葬其

志十 祠墓

八

右吳訟之業已然又會有居間者得不發憶頑幼時
先府君乞婦於曹曹不許已曹氏行吳墓間得以仁
公穴歎曰是舊家且有連無不可者先府君亦不許
以仁公蓋貧約惻愾之士配吳氏生死日月譜俱失
之二子一女仲又絕穴丁向後有銀杏樹二如華蓋
對立插天幾作屋材矣賴吳氏有隱于醫者爭之獲
免此百千年物閱富貴多別有鬼神守之五雷所不
敢犯輒可睥睨耶伊人中止亦其福溥中舊姓自吾
宗外爲東北二吳紀陸張尹慎沈尤錢范華翁龔不
過十餘家都居與塏吳尹慎范僅文學北吳貢生吳

在川吾母其姪愛而女之頑三四歲時造廬與先大
父侃侃猶記其狀貌方面瞞腹每謂先府君曰學莫
先於治生深慮府君闕手不甚屑屑數至困乏云耳
入京抗貴人同筆硯者未得官歸家窮死豈所謂善
治生者非耶其長爲弟子員老而黜益貧外祖在溪
有二孫俱夭絕何吳之凋喪而幸吾母尚逐兒子居
京二年得疏食拜觀音大士前耶愾歎可知紀陸張
有鄉進士紀爲刑部員外郎陸一爲知縣在仕籍者
一通判其祖以貢亦知縣張亦通判最先發尚有坊
在南尤以恩貢亦通判頑少時嘗從受業沈以貢亦

志十 祠墓

九

知縣翁氏子能詩雅工草書與予善錢與龔俱無文
士范卽吾姑節婦之家劉宮允爲之碑與黃當稱兩
絕行且請旌然所重在彼不在此華登甲午者吾社
友也東吳南徙與吾家猶聯兒女親不替云張沈尹
慎式微夷於三卻之後矣董自梅林來稍後獨據其
勝大發所不歸一者陸氏稍遠爲紀亦十四姓子孫
自廢大樹之下無豐草非人之所能爲也而百年前
父老追隨于衍衍婚姻休戚之誼遂絕蓋所聞於
祖父如此頑以使節歸當請吳之老人告之故立碑
曰附葬吳墓以仁朱公之穴以示別祭必先吳不忘

本也敬敘大都并及溥之興廢以示子孫且俟數姓
之後之崛起者第十八代孫國禎薰沐謹記按溥幢
曹桐邱公鏞之祖原吳之自出有于曹故一姓曹祖
歿葬吳墓余高祖民畏公吳甥也貧甚歿亦葬吳墓
其地辛丙癸三水俱會云云此記則云以仁為吳氏
甥葬吳墓一人所記自相矛盾故民畏名震即仁
之子震墓不在溥北朱氏南阡表可證蓋震父
歿而震葬之于吳墓小品之文當有脫謬也

董氏祖墳 在北柵外悚四圩明尚書董份葬其曾祖處
士鐸及祖贈通議大夫庠於此墓前二翁仲猶存俗稱
石人墳墓西向稍南為庠子珮珂同葬俗稱獨樹墳亦
稱老墳灘按范志云在懼一圩蓋因懼四懼一兩圩連
屬致誤又庠墓誌係主事唐樞撰文今不錄
明處士張鳳墓 在南柵醋坊橋東鳳為董份之外祖

志十 祠墓

十

明董份明故棲筠處士張公配褚碩人墓誌銘史氏
董份曰子舅氏家難可勝言哉始予舅死于毒官方
按治而仇傾家財倚有勢者抵搆於其間外大父棲
筠翁及褚碩人相繼以憂歿最後舅子仲兄需亦下
世人之云凶家亦殄瘁痛哉于是伯兄震就祿遠方
自照磨稍遷棄其官不赴歎曰所為萬里仕者欲竊
升斗以葬先人畢大事耳今官既貧而業益窘即萬
一先霧露恨可贖哉蓋棲筠翁葬已久矣而未有銘
碩人歿已久而未葬震獨念曰夫葬而無銘與無葬
同歿而未葬與無子同子誠已死而孫不能舉與無

孫同震何面目以立世也乃與需之子四聰等來言
銘事會于方以太孺人喪未能就也居歲餘又泣而
言曰惟不得銘以不敢卜日月而溫氏兄應祿亦數
責予曰子傷母而獨不念母所自出乎且忍使二大
人歿遂卒無紀載比委于草莽者哉乃摧心裂腸
拭淚而序其事張氏者其先烏程溥溪人也翁曾祖
華甫以高行稱溥溪人言大姓有禮者必曰張氏祖
恕父敏皆有隱德居溥溪翁少有雅度自兒時為塢
村褚丈人所奇遂歸女為翁配因依褚治田宅盡讓
兄溥溪所居而徙為塢村人性簡重悛悛口不出辭

志十 祠墓

十一

未嘗折人以辨然論理道識要指犁然有當于時人
亦不能難也顧不喜仕不肯授章句業而塢村在溥
溪西有沃野膏田陂池之饒乃樂其地益規治蒔桑
麻藝林圃親率耕耨其間入其境叢陰茂雜流泉掩
護暖然隱居也大槩勤身儉節以起其家而不事貨
息不爭廢鬻以競贏利其古之所謂以正道自殖者
歟治家不得闢費自尺寸有經而問義所當不小拘
也人以是稱之教子孫有法繩束軌限毫毛不得違
度數延經生博士使子孫以次受學傳誦日夜趣問
所進稍稍究以師說為處其然否多中幻眇經生博

士捐凡而聽之無不許善其行已極慎進退步履皆有常處至遇人煦然無不得其歡心居常微行瑣節皆可述者予少侍先府君太孺人之側時時言翁而予早不解事久遠不能詳也要之誠謹篤厚表裏醇壹斯所謂善人長者足以貽後昆而敦薄俗者歟冀記予數歲姆攜戲翁膝下翁授以古歌詩能言其義數賜千錢甚喜而予好弄不羈獨溫氏兄卓然成人起立不苟而翁兩取之歎曰術者言我宅相當有甥貴而兩兒皆不凡倘在是矣丁酉之歲予幸與溫氏兄同舉于鄉人皆以翁之言有徵而惜夫翁與碩人

志十 祠墓

三

其皆逝也碩人即塢村丈人之女始歸于翁輒屏鉛棄珥自力作苦身紡績織紝工與婢最者校食與下者等人無媚指家無遺粒翁積治產業多碩人之助也然與翁孝養舅姑嫻睦宗戚事上惠和敬恭而閨門甚肅其遺範餘風凜如也人故益知其賢平生不踰閭闔獨以子死官驗屍與翁相持出哭屍下悲號甚慘官乃動曰是父母將并為子死囚可釋哉乃卒按仇罪然無何翁歿而碩人失明十數年亦歿嗚呼哀哉予見碩人失明後常處一木榻不下每飯不過數匙肉三四舉食蟹不過一節而壽九十餘而歿問

之碩人往故少食如此夫味薄則神清而氣堅碩人自少能以勤儉助翁而壽老固以神用也然則世專以極味窮嗜為養生者不已汰歟翁名鳳字某棲筠其別號也生正統庚申九月十日歿正德丙子八月十九日碩人生正統丙寅四月十六日歿嘉靖庚辰九月十四日按生卒干支必有謬字據上文碩人歿生卒之年反覆推較進退皆不相合子選即死于毒者也娶沈氏女三長嫁沈次即予母太孺人次即溫氏兄母也沈淵子父環溫氏兄父瀚也予父以貢士不肯就選贈翰林院編修溫氏兄父亦以例貢不選將待封云孫男二

志十 祠墓

三

長即震授鎮遠府照磨遷周府審理娶陳氏次即需早歿娶丁氏孫女二適蔡槐陳梓曾孫男四四維娶金氏四科娶談氏四聰娶黃氏四教聘陸氏四維四聰皆學生曾孫女三適閔隆慶陳汝登莊寅元孫男四嘉謨嘉猷嘉言嘉行嘉謨聘閔氏嘉言聘宗氏元孫女六長許嫁陶某餘俱幼翁以正德辛巳葬溥南之箋字圩今嘉靖辛亥舉碩人合葬焉銘曰痛者子繁則孫痛彼朝露其繁如雲雖以憂歿實慰乃魂古云作德祚及其昆諸孫彬彬實興于文將大其門維祚之存銘稽葬緩終歸茲墳史氏勒石以示後人此按

墓卽向時安指爲趙王墳者近年里人紀南枝始得爲張棲筠墓以此文證之信而有徵矣凡墓志埋於塋中未出土者例不入碑刻但究屬勒石故錄全文日此墓傳謬已久特詳著之俾後人有所攷焉

尤氏祖墳 在南柵尤家港北明尤應祥先世所葬

朱氏南阡 在南柵外今無攷明朱國禎之曾祖贈光祿

大夫震及祖贈光祿大夫經墓後遷葬懼二圩玉成灣

明朱國禎月溪公行實錄民畏公諱震生四子長月

溪公諱經字朝綱壯年厚一術士其遊鎮之南隅指

一地曰前岡似吉卽默識價極貴畝不及三而錯業

十餘家營歷三十年已得之惟正中可三丈餘抵而

不殊爲人所覺有刁氏奴七者其父故民畏公之僕

志十祠墓

尚在杖勢覬覦公以計引其人置券厚給其直買空

棺實土培其上明日獨身至揚言曰若來吾挾之與

赴水奴亦懼始不敢爭是舉也遲一夕卽負囑不可

邇前所得悉決裂然非公之氣槩亦不能逆懼至此

旣決策衆云公傾家之半與一生精力都在此真穴

宜自奉公泣曰謂吾父何卒謝不聽三弟尚在不煩

一粒一錢之助也左爲某奴之域僅隔一小渠丁位

原有徒杠其流來處屬彼所去易以石屈曲束口之

半說之萬端不聽無如之何卒亦無害而奴已奄忽

墟其地矣臨歿猶南墓爲惓惓云

明黃輝朱氏南阡表文見碑刻

明徵士趙公墓 今無攷按舊志云金年六十自爲壽藏卿陸師道撰其墓當在薄而皆不言在何處

明刑部員外郎紀濂墓 在南柵外簡二圩姚埠坑 本

朝諸生紀遠及太僕寺少卿紀復亨並耐葬墓側按濂係董份按文今不錄

明贈光祿大夫朱守愚墓 在南柵外顧五圩守愚卽朱

國禎之父按守愚墓誌係兵部侍郎許乎遠撰文今不錄

明贈光祿寺少卿董嗣成墓 在北柵外拜三圩初葬烏

鎮獲字圩順治四年遷葬于此俗稱桂花墳今桂已槁

按嗣成墓誌係大學士申時行撰文遷葬未嘗改撰今不錄

黃周星董墓看桂次題壁韻早香直作晚香開牽惹

游人幾度來天竺影疑花雨墮月宮曲記紫雲回蕊

珠叢裏採芳徑金粟堆前醉古苔彷彿淮南招隱地

可堪作賦小山才

汪廷澤桂花墳弔董光祿市義翻胎禍窮泉迴不晨

一杯遷瘞骨兩疏頰批鱗薄俗誰奇士衰朝此直臣

我來秋色裏太息桂爲薪

殷氏祖墳 在南柵箋二圩俗稱殷家墳按范志作在恐四圩隣

邢氏祖墳 在西柵西莊村後俗稱邢家墳

明戶部主事黃周星墓 今無攷或云在馬家港長生橋

北塊俗稱獨樹墳 按周星自撰墓誌今不錄舊志不詳

典云據先世傳聞墓上有白皮松一木塚則三和土所

築然亦未云在長生橋畔也丁源詩則謂墓前有冬青

樹又有南林寺向似當在報國寺左近矣道光中東藏

寺僧達曾始指長生橋北獨樹墳以當之而范錯賦詩

并載之尋溪紀事詩中近人遂為立墓碑殊失疑事母

墳之意今墓上樹非冬青亦非白皮松係輒斷非三和

土塚堆甚大似有三四穴夫周星卒後其子已奉母返

金陵矣即云後來奉母柩至濤合葬亦止二穴而已附

葬者又何人耶相傳十餘年前有上塚者居府城西門

外非黃氏子孫或云係朱氏族人無後者所葬又里人

紀南枝云嘗檢惶字五圩圩冊無黃姓戶貫諸說紛歧

迄無定論今姑采范志而附著所疑以待後人攷訂焉

邢典南林雜詠獨樹墳 黃九煙 寂寂荒墳在依依問

水濱一枝松與伴孤絕似斯人

志十 祠墓

丁源黃九煙先生墓 墓前有一樹土 浪迹江湖未有

家酒船詩軸共生涯夕陽終古南林寺猶照冬青獨

樹鴉 先生有句云高山流水詩千軸明月清風

范錯借竺峰上人尋黃九煙先生墓百年畱故跡咨

訪墨溪瀆芻狗齋無址銅駝夢散雲 先生著有夢史

亦久煨 小橋流水曲獨樹一抔墳 舊稱獨樹墳為

橋相與談文獻裴回倚夕曛○五遷茅屋隱遺世首

頻搔顛沛張儉淒涼老謝翺生存明進士死讀楚

離騷太息無碑碣何人薦野蒿

又潯溪紀事詩馬家港曲入溪南獨樹墳荒路未諳

更問桑麻宋相宅祇今世系少人談 按昔亾友施北

典紀鐵珊峻嘗云獨樹墳在馬家港為黃九煙先生

墓余以浪遊數十載久忘蹤跡乙未春歸省先塋暇

與竺峰上人達曾偕尋在青華觀後隔水之長生橋

畔有墳蓬壘一樹扶疏老幹蟠結其上達上人曰此

即俗稱獨樹墳也後人零替久絕祭

掃矣徘徊夕照慨無碑碣為賦二律

張丹山謁黃九煙先生獨樹墳潯溪迤東南波光淨

於練水木湛清華坡陀恣游行乘興訪石湖桑梓徵

紀傳忽云獨樹墳一抔昨曾見兼欲表章之豐碑屹

一片我聞意感發急思瞻月竈適墓生敬心愧乏芳

芼薦吁嗟傷心人才華洵邦彥弱冠擢京闈簪花聞

喜宴觀政攄懷抱戶曹承帝眷忽焉天地領世事滄

桑變肥遯隱江湖迢迢歷郡縣武水重遲回長城食

貧賤五遷始至潯孤蓬任飄轉晦跡鸚鵡洲勤耕鸛

鶴硯迄今市廛中尚爾流光綸天中額仙宮歲寒勝

僧院泣鬼與驚天快絕唐詩選桑海泣遺民憤鬱若

瞑眩瞬息年古稀歲月驚流電神州已陸沈悉數淚

如潑南都小朝廷君臣喪游醮紹武敗倉卒思文絕

鄰援螻蛄竭翁洲龍種獻緬甸長楊依延平海嶠猶

吾戰恨乏補天手精衛滄海填苦無魯陽戈夕照空

矜炫鍾山王氣銷解脫夫何戀絕命詞既吟生壙志

亦誤遺茲今節辰汨羅獨擅寂寂芻狗齋蒲觴聊

白饒妻孀痛訣別墨溪赴清從憶昔昔城師賦詩會

弔唁因之桑野間榛莽搜尋徧積岡二十年今此殊

歡怵賴有冬青枝歷久尚葱蒨鬼神常護持名流仰

狂狷惜哉土花殘剝落資修繕何時宿草除何日椒

漿奠鄙俚綴蕪詞大雅徵黃絹時范丈白勗相約賦詩紀之

沈氏祖墳 在南柵百老橋北

潘氏祖墳 在南柵百老橋東潘尚仁尚智先世所葬

孝子袁大周墓 在南柵恐四圩積沙寺前

按董志載宋宰相吳充墓在鎮東南三里今在陶墩村屬震澤縣界故改入志餘又載石秀墓在東柵雍正間地崩露其墓有碑

碣存焉即掩之今削不載

志十祠墓

道士墳 在南柵箋一圩巡司署對河廣惠宮道士聚葬

於此

六禪師骨塔 在東藏寺中按聚星塔旁又有四禪師骨塔附載于此

張丹山潯溪棹歌六祖功成庇一龕兒曹佛土好莊

嚴金仙亦有長生訣法界空花一笑拈東藏開山為

默然靜二妙湛源三無見和四承源五引之六祥永

傳傳初起地藏殿時六祖骨塔在焉初議移去而董

其事者張麗成李某也有漁船張網于張麗成湖埠

夜分見張麗成門大開六僧魚貫進疑有法事久之張

僧返戶旋聞次早李湯張備言夜夢六僧來懇骨塔

毋移不礙殿址與張夢適符大驚遂寢前議殿成適

在右壁因設位供奉

三禪師骨塔 在塔院中題云臨濟正宗第三十世佛幻

神珠海禪師第三十一世漁庵天倪聞禪師第三十二

世開山此翁孝禪師之骨塔

普同塔 在塔院中碣題同登上品優婆夷優婆塞之骨

塔又報國寺中亦曾建普同塔今無攷按同登上品簿錄同作普壽

董漢策募建普同塔引憶昔亥子歲交此山禪師自

吳門來潯為其本師倪公建塔余因以立普同塔廣

引孝思之說進此山禪師便首肯曰此先師之願也

居無幾何倪公之塔成別構數椽供地藏使冥趣知

所向往乃營地勢為四眾掩遺骸復及于遺骸之無

主者歲在庚寅將鳩工焉余謂鼎象封樹儒者之教

也貧無以葬則教有時而窮掩骼之法所以救鼎象

封樹之窮也茲逢兵燹之後骨肉滿溝壑矣為刀鋸

死為風雨死為猛虎死為赤鼠死甚則為蠶蟻刺射

死舉天下毋失其子夫喪其婦兄弟眷屬勢如土崩

欲訪遺體置荒塚中不可得而高原蔓草之側白骨

青火魂既難招神猶入夢問儒家有掩骼者乎則不

顧而唾嗟乎此時立普同塔又所以救儒者之教之

窮也今潯之人歷此大劫而安塔如故前所言五死

悉不犯于是用其餘生畢力于掩骼之事贊助普同

已稱極樂當不待予言之畢而有脫巾憤簪理以成

志十祠墓

五

南潯鎮志 卷一〇

一一五七

倪公之願者

金之俊普同塔引東坡之銘慕骨也曰是豈無主仁人君子斯則其主矣噫此真仁人君子之言也從來掩骼埋胔食報不淺而世人鮮留意於此者良以黃金能語曰骨無言與其施恩必報之地何如市德必償之人於是著慳貪想者徒飽自己膿血即生布施心者亦違顧誰氏枯顛不知羈魂旅魄飄泊堪憐暮雨晨風淒傷欲絕王忱之葬客舍書生陳元之瘞饑歲萬殍稽之往牒因果昭然世間容有負心之活口地下決無背德之灰骸為之主者繫惟仁人君子是

志十 祠墓

辛

賴余伯兄口然先得我心慨然首倡義舉欲建普同塔於溇鎮之際地而比邱某踴躍贊助誓共圓成若自作若教他作見作隨喜伯兄與比邱之謂也伯兄曰人之欲善誰不如我弟其為我廣之余因書此以徧告仁人君子

又溇水普同塔疏錄節曹溪西去數武為南溇鎮有報國寺南林上人曾斷一手以誓興復茲寺至今機緣未就然為法忘身一念何異斷臂之神光余素嘉其真心實行庶幾其無我相者乎一日持疏冊欲建普同塔於寺之彌陀閣後而丐余言為勸

寓園 在南溇蓮界後傳為勝義庵僧舍嘉慶年來僧僚散亾始盡師善堂董事紳士請於當道改作便民停柩之所名曰寓園三年之內貧地安葬庶使閭閻之中得免不虞之患矣

義塚 康熙十一年里紳董漢策創建義塚久廢無攷或云即今縣里義塚是也雍正二年紳士潘尚智夏光遠沈謙徐宏遠張輯玉溫堯臣潘尚仁張文翅莊敏之陸熊臣陳寶東陸心期陳甯周董洛如張麗成殷茲在丁覲揚華佩蘭莊祖庚宋穎傳丁次寅沈謙受羅會乾周大偉張維申潘彩雲顧序皇等復捐資公建在筭一圻

志十 祠墓

辛

焚無主之骸骨藏養叢葬男女各別積二阜嘉慶間復於府城西南三十里杼山捐置山地每年春秋二季凡師善堂無主之棺載往叢葬不復火化按義塚並志作漏澤園名異實同范志乃云漏澤園即寓園

曹大斌青華觀義葬版榜周禮大司徒以本俗六安萬民二曰族墳墓春官之屬墓大夫掌凡邦基之地域為之圖令國民族葬而掌其禁令正其位掌其度數使皆有私地域先王所以謀民之喪死無憾者恭詳矣而孟春又有掩骼埋胔之令豈不以四海之廣惟恐一夫不獲其所耶吾溇溪里烟火數萬家遠方

商旅輻輳其土著貧乏不能葬及流寓滯視之無歸者往往有焉仁者憫之嗚呼詩有云行有死人尚或瑾之又云凡民有喪制旬救之孔子所謂無服之喪內恕孔悲者也於是里之大夫士庶者老公擇地于嘉應廟東北隅若干步為義葬之阡厲從社後允合古法旁構青華觀命黃冠者居之薦其歲事庶幾仁者之用心而佐王政之十一者因立榜楹間余為書其梗概以誌將來善信芳名列左右道士沈道恆與有勞效例得附名按此文明題版榜舊志列于碑碣誤

志十 祠墓

董熈義塚記

古者家人墓大夫各有職掌自貴及賤未有不得耐葬族葬者其或死于道路又令蜡人埋而置榻至孟春掩骼埋胔并令掌其闕禁凡所以仁死喪者詳密如此斷無有貧不能瘞而殘骸暴露者也後世義塚之設不在官而在民蓋下體上之意出其私財聚枯骨築大阜以埋之故謂之義我 國家仁育萬物恩頒葬典使慎終事弗之有悔然貧而暴骨者時有康熙辛丑潯鎮沈君謙徐君宏遠張君元燦等惻然傷之始捐資創議勸里中之樂善者各出資財買幾字一圩稅地八畝有奇屋前後六間中供青華上帝顏曰青華觀無主之骨悉收之地東西八

十餘丈南北四十餘丈計川銀七百兩有奇深得置榻掩埋之義顧以力薄地隘不能不火化也蓋自桑門之教盛行于中土莫之匡正宋建隆中詔禁火葬今律從尊長遺言將屍燒棄杖百而宋賈同禁焚死王安石閱習二文尤痛切賈之言曰父母生而或毀傷之不仁死而復毀傷不仁甚矣况自執火而焚其屍乎王之言曰習之久也至于戕賊父母而無以為不可然則義塚所收其用心甚慈其為功甚大而猶未能禁人火化更能推而廣之措置寬閒之地得以安葬而無燒焚之慘則事係于官而士亦得為之特

志十 祠墓

書以俟有力者

乾隆十有一年六月附師善堂捐置埋棺山地畝數嘉慶七年捐置市山地四畝襄竹園山地三十畝嘉慶十四年捐置市山地八畝道光二年捐置市山地十四畝三年捐置市山地八畝道光三年捐置市山地十四畝四年捐置市山地八畝道光五年捐置市山地十四畝六年捐置市山地八畝道光七年捐置市山地十四畝八年捐置市山地八畝九年捐置市山地十四畝十年捐置市山地八畝十一年捐置市山地十四畝十二年捐置市山地八畝十三年捐置市山地十四畝十四年捐置市山地八畝十五年捐置市山地十四畝十六年捐置市山地八畝十七年捐置市山地十四畝十八年捐置市山地八畝十九年捐置市山地十四畝二十年捐置市山地八畝二十一年捐置市山地十四畝二十二年捐置市山地八畝二十三年捐置市山地十四畝二十四年捐置市山地八畝二十五年捐置市山地十四畝二十六年捐置市山地八畝二十七年捐置市山地十四畝二十八年捐置市山地八畝二十九年捐置市山地十四畝三十年捐置市山地八畝

補遺

先民祠 在祇園寺義塾硯冰精舍樓左咸豐九年里人

公設祀鄉前輩及寓賢自元至 國朝凡四十五人祠

額題先民在昔四字

清芬祠 在祇園寺義塾硯冰精舍樓右咸豐九年里人

公設祀里中節婦貞女烈婦烈女孝婦孝女自元至

國朝凡四百餘人祠額題清芬靡忒四字

志十 祠墓

丙

坊表

汪曰慎撰 南潯鎮志十一

狀元坊 在北柵太平橋畔為宋紹熙甲寅上舍釋褐狀

元張定立今圯

曹仁虎潯溪竹枝詞簪纓計里有輝光幾處朱門跡

漸荒南渡衣冠休再問苔痕久沒狀元坊

文魁坊 在南柵箋字一圩為明成化辛卯舉人張祐立

今遺址尚存

茗水遠來坊 在東柵懼字一圩為禮部尚書董份立今

遺址尚存

梅林獨步坊 在東柵晏公廟右為明嘉靖辛丑進士董

志十一 坊表

一

份萬（歷）庚辰進士董嗣成萬（歷）癸未進士董道醇萬（歷）

乙未進士董嗣昭立今廢

探花坊 為嘉靖癸丑一甲三名進士溫應祿立今無攷

凌烟十俊坊 在東柵晏公廟右為萬（歷）癸酉舉人董道

醇己卯舉人董嗣成戊子舉人宋國禎沈鼎臣崔祖錫

甲午舉人董嗣昭華士嶠莊日宣丁樹本吳時憲立今

燬

四世一品坊 在東柵為明贈少師建極殿大學士朱震

朱經朱守愚及建極殿大學士贈太傅朱國禎立今圯

節孝坊 一在東柵三板橋西董進士祠內為明進士董

嗣昭妻李氏建俗稱牌樓前 一在東柵下塘乾隆五十六

年為邱文元妻龐氏建即俗稱四牌樓之一 一在東柵下塘嘉

慶十三年為嚴楚臣繼妻朱氏建即俗稱四牌樓之一 一在東

柵下塘嘉慶十八年為沈堪繼妻徐氏建即俗稱四牌樓之一

一在西柵沐鳳橋西康熙六十年為江南舉人程嘉和

繼妻潘氏建今圯 一在西柵外裘莊為文學丁熊占

妻嚴氏建 一在裘莊丁氏宗祠內為監生丁櫻妻楊

氏建 一在南柵廣惠橋西堍為陳雪川妻孫氏建

一在南柵新開河為張全妻陳氏建 一在南柵孫

家壩朱氏宗祠內嘉慶四年為朱位南妻蔣氏建 一

志十一 坊表

在南柵外豆腐橋北乾隆五十三年為潘文炳妻陳氏

建 一在北柵外下壩般若庵前順治十三年為副貢

生董廷勛妻顧氏建 一在北柵外棟五圩乾隆五十

二年為董耀妻嚴氏建 一在北柵外南壩乾隆五十

年為陳文元妻周氏建

節母坊 在西柵外福積橋西為沈斗南妻陳氏建亦稱

壽母坊時年九十享壽九十四歲

貞女坊 在西柵務前為明金來聘聘妻紀氏建俗稱牌樓裏

明朱國禎節孝紀貞女碑記文見碑刻

一門雙節坊 一在東柵下塘乾隆五十二年為監生朱

光煥妻吳氏文學朱光炳妻程氏建即俗稱四牌樓之一 一在

西柵外裘莊道光二十一年為丁起堂妻沈氏丁源妻

沈氏建

孫變丁氏雙節坊記丁氏二節婦皆姓沈氏大沈氏

之父日中復母華氏艱于子所生惟節婦少時慕北

宮嬰兒子之風欲不嫁以養父母父母不許年二十

三適丁起堂起堂字蘭坡父麟乾隆甲戌進士官廣

西賓州知州生五子起堂為季賓州公居官廉罷官

卒于粵家無甑石儲先世遺田甚薄不足供餽粥節

婦入門時姑黃窳人亦先卒惟起堂生母陶氏存起

志十一 坊表

堂以貧故業賈吳門得疾不能歸節婦偕其父匍匐

往視之籲天請禱醫治百端竟不起節婦慟哭欲以

身殉父以養姑責之乃已節婦善女工晝夜操作罔

倦頻遇凶年已食糠覈而奉姑陶氏食必以粿又以

餘力養已之父母凡事姑十五年而姑卒喪葬如禮

又葬其夫貨皆出自節婦針黹之所積數畝之田卒

保如故立夫兄子預年為嗣夫祀得不乏皆節婦力

也小沈氏太學生鍾璜女母張氏年二十適丁源源

字肇崑幼敏悟年十六補學官弟子員文譽藉甚故

太學君以女歸焉源父文錦亦諸生久困場屋日夜

望源以科名顯源夜讀節婦紡績于旁一燈熒然常
達旦不寐源試不利父母督過之節婦婉言以解始
得霽顏嘉慶丙寅源父卒源痛科名未就不能慰父
之志長號連晝夜不止痛鬱于中遂成療疾病中多
恚怒節婦愉色婉容務在順適其意疾年餘竟卒子
桂纁六歲女四歲姑沈氏年及六旬瘠田二十畝先
世棄置之餘歲入僅足供租稅節婦以一身支撐門
戶養老撫孤桂少多病醫藥之費不貲姑年至七十
餘卒荒歉之餘勉以供大事又娶婦嫁女凡百所
需皆仰給于節婦十指或憫其貧勸令子桂學賈冀

志十一 坊表

四

得微利節婦曰丁氏之先雖無顯仕然世守儒業名
在學官今吾子廢學其若先人何故桂雖獨子節婦
督課之甚嚴及桂為弟子員節婦心稍慰桂好攻古
文辭或言非科舉所宜節婦曰丁氏先世皆攻時文
而科舉不得一當可知窮達有命非人力所能為也
子苟學古有得雖終身不遇亦有榮于所生况未必
不遇又何用屑屑揣摩時尙求速化之術為其達識
如此桂生五子節婦含飴弄孫稍娛晚景而忽遭鬱
攸之變家具蕩然桂竭力經營粗完屋宇然百需皆
缺節婦晚景益苦矣起堂所居曰丁家港丁氏聚族

于此源之先世山丁家港徙南潯源于起堂為族孫
丁氏有女許配戴璉未嫁夫死守貞不字鄉人稱丁
貞女者即節婦大沈氏女公也而節婦小沈氏祖母
徐以苦節旌妹嫁震澤吳榕夫死自經世稱吳烈婦
暨松勁相接葉連柯靈氣之鍾洵非偶也大沈氏二
十三歲喪夫今年五十八小沈氏二十七歲喪夫今
年五十九守節三十年例合旌表丁之宗老狀其事
以告有司有司達大吏請于 朝得 旨建坊如制
題曰雙節而桂請其里人孫變為之記

志十一 坊表

五

人物一

汪日楨撰

南潯鎮志十二

張茂宗

張準 張定 張翼

華文勝

華初成 華元實 華璵

史博

龐樸

徐愷

張士諒

董仁壽

華裕昆

華欽 華振道 華綱 華揚 華天民

張文顯

張立

志十二 人物一

陳理

陳謨 陳元器 夏廷秀 董倫

張洪

董環

董庠

趙金

陸岳 趙雋

董份

董道醇 董嗣昭 董嗣昕 董嗣暉

紀濂

紀廷猷 紀維萃 紀有林

陸充齡

陸以載

田萬年

張斗

朱守愚

董嗣成

許兆禎

朱國禎

朱絳 朱紳 朱錫如 朱鑑如 朱鎔如

華士嶠

華仁源 華仁溥 華允楨

莊日宣

莊思 丁樹木 吳中穎

董斯張

董說

董樵 董末

陳忱

董汝煌

董嗣昂 董震蚪

宋

志十二 人物一

張茂宗字克大橫渠張子之後劉沂春徽宗朝知潭州屬

宋詩南渡時自郿縣徙家潯溪孫準定直祕閣待制

辰進士何國祥 歸安縣志按府志作慶

胡承謀定字雲峯鄧元慶以字行紹熙甲寅上舍

釋褐狀元范志按張志董志作恩狀元湖錄作紹

興五年龍圖閣直學士湖齋孫翼字公輔號履素明永

樂甲申進士河南參政府志遷歸安義馬里歸安縣志

入流寓今依府志例凡子孫占籍于此者始遷之人即入人物後仿此

按董志人物首載晉王談自注據樵書以為潯人沈

遷則非潯人明矣未詳來集之樵書果何所據范志不載是也

華文勝字彬野祖天保自無錫徙南林父初成字大成師

事攷亭朱子淳熙中以經義薦歷官兵部尚書嘗劾蘇

師且有直聲華氏傳文勝以人才舉為江州幹辦公事

年應龍華景定四年海錄呂文德請開權場於樊城文勝

間之進策督府曰是資盜糧而以樊子敵也襄樊為東

南保障無襄樊則東南不可守矣請奏停權設備不聽

遂辭疾歸家素豐好施予臨安大祿文勝運粟千斛為

賑者倡嘗施財建報國寺鐘樓佛閣又架石梁于南市

本名通利居民德之因名華家橋竝所居之兜衙亦以

華名焉子二元實元升華參元實字端人賈似道奏買

志十二 人物一

公田于浙西浙中大擾破家者眾元實慨然以田之半

輸之官似道舉為著作郎辭不受自是局戶鎮官每造

廬求見不可得元實子璵字玉衡以薦舉為定遠主簿

時行經界推排法地尺寸皆有稅璵力請郡守凡山溪

澗沼沙積概寬推排卒于官華氏傳

史博字約之吳興備志引宋季南潯人范博極羣書尤邃

于易雲汀筆談元世祖平江南范志求南人欲用之遠近交辟

皆不就雲汀筆談

元

龐樸字夷簡其先單州人高祖謙孺官太常博士宋南渡

游寓湖州時邸戚競寓驛騷移居松陵樸少負才名湖

宋末補春秋弟子員賈似道聘為塾師不赴鋼不得試

元初詔行臺御史程鉅夫訪南士徵不起強至再出授

翰林修撰吳興備志引奉勅修宋遼金三史同官多北

人欲統金附宋樸曰昔曹魏不附蜀漢元魏不附齊梁

此綱目所以重大統也今元繼宋統近接漢唐遠追三

代若承金統近接遼矣遼以上無可繼者湖總裁不從

南潯備志○按舊志俱作總裁脫不從沈登瀛曰脫

脫為三史都總裁在順帝至正三年非世祖時疑總裁

當為耶律鑄未敢臆定然非脫脫則明甚同事門人貢師道復力辨之擬轉

志十二 人物一

外秩遂引疾歸居南潯趙孟頫陳孚咸與倡和自號五

湖狂叟吳興備志今其後人世居潯東彙

徐愷字士元隱居不仕志畫山水師李成幼從外氏姓稱

莫士元吳興備志

張士諒字君聲號思齋張志先世居泰州士諒仕元為提舉

官于浙西潯輯○按舊志俱云安吉路提舉攷元無安

舉皆在平江路儒學官醫提舉皆在行省財賦提舉則

安吉提舉故不復質言明興遂隱于潯南之善田張志

號八十九公研北居洪武六年徵召隱逸有司三舉不

應張志杜門著書以訓課其子孫錄今稱善田張氏者皆

其後裔也潯輯

董仁壽原名珏又名辰壽字子復董氏詩萃七世祖貞元宋政

和中自海州徙居烏程梅林里父正四縣學生梅林董氏宗譜

仁壽博學有賢行元末父子相戒不仕明興浙江行中

書省薦於朝三徵弗就繫石船以隱曰石船爛吾其仕

矣詩會和智覺禪師明本梅花詩百首吹景集。按詩萃作數十首

楊維禎亟稱之詩萃贅於潯溪沈氏遂遷自梅林里而世

居焉張志

明

華裕昆字容齋與元孫曾祖欽元初以博學薦授明州教

授又以經術精通薦為國子博士擢集慶路總管府判

志十二 人物一

五

官告歸與社學長集民之秀者講學無虛日學者稱南

陽先生祖振道字文河元宣義郎主常平坑冶農田水

利以父喪歸築別業於潯北彩虹橋曰曉山園父宏綱

字純一元承事郎更於石澗之陽築園名小桃源以二

園授二子長居南次居北稱南北房焉裕昆為宏綱次

子倜儻任俠元末張士誠割據三吳不戒於兵寇多嘯

聚於具區七十二峯間裕昆倡捐結社于潯北軍吳漾

并諭諸澗港俱召募鄉勇編聯保甲每甲出壯丁十人

演拳棒更番持械擊柝以防竊發村多漁舟亦以保甲

法十舟為隊約盜發鳴鉦羣駕篙勝巡綽盜乃不敢犯

潯人目華園為一方保障明太祖起兵攻士誠弟於長

興德清辟為團練使使作鄉導洪武二十六年卒子揚

字顯卿洪武初補弟子員至北平謁淮安侯華雲龍雲

龍以子弟遠來喜甚畀以贊畫軍務先是雲龍與徐達

常遇春擊士誠兵於湖州嘉興間而南潯東遷舊館及

阜林為屯兵交戰之所雲龍以此為族黨祖宗墳墓所

在每戒軍士毋殺掠毋焚民居故下城之日民皆安堵

至是鎮守北平揚從之為合郡生民謝并為條陳開塞

諸要略無何告歸永樂十一年卒揚子天民隱于耕朝

廷訪求賢哲隱逸之士有司以薦辭不就自號無庸處

士華氏傳芳錄

志十二 人物一

六

張文顯字明光士諒曾孫祖立字吾行善田張氏族譜洪武八年

徵召賢良任國子監學錄張志父良保縣學生文顯府學

生張氏譜成化十七年大水發粟賑饑范志巡按以尚義旌

張氏張氏譜詔授七品散官正德五年大水復捐粟賑饑巡撫

孫元貞旌曰齒德兼優范志有諸生某窶甚鬻其女為人

婢文顯為贖歸擇婿焉饑民鄭七聚黨數百人沿村

掠食相戒勿驚張善人家文顯聞之遂隻身往見反覆

開諭眾即解散里人德之卒年八十七張氏譜

陳理字用和號橋莊好善樂施得異人授女科醫術名冠

兩浙胡承謀天順間遷居南潯南潯志子諱字嘉言孫

元器字子重俱為太醫院官府志至今世其業婦女亦知

藥性人口為陳藥婆家董恂明時有夏廷秀滄溪號

怡開由諸生薦薦辟任太醫院院判謝事數載壽終於

家自是夏氏世以醫著又有董侑字遺安以醫名

於時隆慶中卒滄溪

張洪字柳莊張文顯子善田張未冠即為諸生范治朝

舉賢良授王府紀善改應天府教授又改甯波府教授

嘉靖丙午倭寇甯台時無行諸生及仕宦不得志者競

為鄉導入城焚掠洪及妻蕭氏妾陳氏同殉節于官署

志十二人物一

七

卹諡貞愍蔭子昂入太學張氏譜按張志董志並云

文皇登極釋奠先師登明倫堂曰此堂名明倫今日君

臣之義何在遂大哭觸柱死妻妾亦殉于官署未幾

卹典賜諡貞愍後次子昂陰入太學諸說

董環字良儀一字臣儀號翠榆董仁壽曾孫父庠字文序

且耕且讀足不入城府構一丈室吟嘯其間額曰時習

齋因以自號梅林董環府學廩生正德中歲貢入都家

宰某因學使者薦致幣聘堅辭不就後家宰敗人服其

遠識時苦重役當事者構其弟名挺然身任不以累弟

及役久廢業唯日事觴詠怡情衡泌董卒年六十四以

子份秩贈通議大夫董氏

趙金字淮獻號心山胡承謀自號若雲逸仙董嗣成

系出宋濟邸數傳居南潯羅榛博學強記工詩文善畫

尤精於醫府志劉麟願應祥張寰文徵明結峴山會遊之

入社不應諸君子結社峴山正德中詔徵奇能隱士

有司薦舉敦促再三終不應文獻晚年知府李頤重其

名五辟鄉賓亦不應家故貧夷然不以屑意所居當闔

閭中閉戶讀書入門者肅然宛如深壑行高潔非其義

介然不可奪亦不為矯亢之行當武廟末年詔徵天下

書畫士如楊循吉高簡未免呈身卒受辱歸金獨超然

志十二人物一

八

卒完其節六十即為壽藏自為生祭文朱國頌趙

自是不復出朱居詩話年八十九無疾端坐而逝是為

萬曆庚辰九月五日趙微祀鄉賢府志羅縣志鄉賢祠

皆無趙金吳興文補宋國禎趙微君傳序云海名鎮

也三百年來無一人祀於學宮其取之顧心山先生尚

且耕且讀足不入城府構一丈室吟嘯其間額曰時習

岳金所自擇傳以醫行亦博至趙微雋字廣業後以字

行更字長文號印渚力學攻詩頃刻千言不竭教授里

中人無知者董斯張方學為詩與訂交自是詩學大進

後因命其子說受業焉晚遊江西亦無所遇老於布衣

貧病 身崇禎壬午卒雋子業字去非貧愈甚嘗欲覓
三百錢包麥飯附航入會城赴試不能得其後人竟以
廢疾不娶而絕南潯備志

董份字用均一字體化胡承謀號潯陽山人環子董嘉

靖丁酉舉鄉薦辛丑成進士申時行潯陽董公墓志吏部觀政林

董氏 選庶吉士授翰林院編修與纂修會典轉右春坊

右中允管國子司業事世宗齊居西宮簡儒臣橐筆

侍直親擢翰林學士高必騰得乘騎出入禁中青詞多

出其手潯溪文獻尋加太常少卿賜一品服晉禮部右侍郎

賜飛魚服支從二品俸董氏轉吏部左侍郎兼翰林

志十二 人物一

九

學士掌詹事府事董氏會修承天大志為副總裁慕賜

蟒服時壬戌正月也先是甲辰癸丑兩充會試同考官

丙辰典武會試戊午主試北闈己未復充會試同考官

是總裁南宮董氏賜有東觀總裁之章張所錄士最稱

得人董加工部尚書仍管吏部左侍郎董以父嘗困於

諸生建議貢生就教職者並除近地鄭元慶為著令焉

陞禮部尚書兼翰林學士內直如故南潯備志時郊社廟祀

率遣官代奏言天神無兩格之理請罷一切祕禱需次

揆席忌者間之羅榛給事中歐陽一敬論劾潯溪紀奪

職為民湖歸里與唐樞蔣瑤為逸老堂之會時比宋之

耆英洛社焉張收卹族人創義田築義宅義塾又為義
倉羅榛而義掩於富晚年鄉民鼓譟不勝斂避以病卒
遺命毋書吾故官以白布三尺題曰耐辱主人足矣劉

春縣 時萬曆二十三年年八十六子道醇字子儒初名

元功字懋德號龍山癸未進士行人司行人晉南京工

科給事中董氏事後母曲盡孝養董先份卒年五十二

道醇子六嗣成嗣茂嗣昭嗣昕嗣暉斯張董氏嗣成斯

張自有傳南潯備志嗣昭字叔敬號中條以孝友稱董氏年

二十一舉乙未進士朱國禎中條董君墓志禮部觀政張僅五十

日歿於京邸董嗣昕字季爽附監生董氏善畫山水南

志十二 人物一

十

備得石門宋旭筆法董哭母嘔血病遂不起人以爲董

季子死孝董氏嗣暉字幼函附監生有孝行早卒董

紀濂字宗周號明齋董其先汴人董份明齋紀君墓志宋南渡居金

陵元時有紀秀者徙潯居焉父延鉞字威之號泉石高

行不仕董濂少篤友愛弟嘗被誣抵獄傾家往救得出

志嘉靖丙午舉於鄉潯溪文獻入都館嚴嵩家理義自閑嚴

敗不及高必騰謁選光州知州董州故爲貪墨者所魚

肉民不堪命乃下令罷供億平收發除罰錢禁賤市省

里甲諸賸民者悉去之民相慶得生州介淮黃汝漢之

間冠蓋絡繹取道既悉革諸費無以應士大夫或銜之

藩府中貴人爭益甚適有行州中見所布令察其實驚曰彼方自苦豈獨膏人至有引車郭外驅過曰毋苦紀君為也然事皆有宜無已甚虞傳滅而不乏徒役少而無道匹久之更稱便焉民好訟而多盜尺布斗米以上或愬監司下州株連坐罪不勝數濂閱獄大笑輒盡論釋報允遣出州仇氏者大盜也聚黨剽光黃間歷數守捕弗獲一日眾忽擁仇至愕問之則諸被釋者轉諭其黨同奮死縛以報効者也大喜勞釋者案仇而赦其黨民遂安堵轉工部營繕司員外郎改刑部河南司墓隆慶元年遷兵部車駕司郎中未任以疾卒 志張

志十二 人物一

士

族孫縱羣潯字眾甫號太傅泰昌庚申恩貢南直隸靈壁訓導遷靖江教諭陞太和知縣調廣東永安知縣紀仍不竣幾以縱盜獲譴幸當軸鑒其無他得引疾歸志溫體仁少時嘗與縱羣同學潯後柄國政屢遣人存問縱羣於寒暄外無一語及私潯瀛又有族子有林字子茂潯禮部儒士嘗割股療父病以孝稱族陸充齡字子久號抑齋潯先世自嘉興遷潯潯充齡幼孤事母至孝高必騰嘉靖壬子舉人江西高安知縣潯調繁永豐民懷吏畏鯁直忤時罷歸劉沂春年八十一

卒子以載字處厚潯號秀源初名德望潯隆慶庚午應天舉人潯福建福安知縣因俗而治案無留牘潯縣人立祠祀焉潯州境濱海水利使者屬以載治堰民不擾而功完固至今號陸公堰陞四川敘州府通判丁外艱歸遂不出潯壽至八十五潯田萬年字磨復素饒于貲好施予人有急求之無不應潯問歲設民飢蠲粟賑濟全活無筭詔旌尚義冠帶潯引吳興逸史

志十二 人物一

士

張斗原名光斗善田張字景北號文峯萬曆丁丑進士初授刑部主事有豪犯大辟託要人從大司寇居間斗竟置之法陞郎中知荊州府江陵獄起株連者眾斗以江陵輔少主十年明毅持法天下肅然朝廷之政出于一獨嫉異太過耳其刻廉務名職人不當分宜什二而株繫累累心竊憐之為設權宜規措多方陞福建副使調補雲南平養寨苗王華之變賜白金晉右參政乞歸卒于道胡承謀朱守愚字汝明號心齋潯其先陝西涇陽人宋從事郎仁福從征方臘有功卒葬于潯因家焉父經字朝綱潯且賈且耕困於賦役許守愚縣學生潯代父奔走又代之往役典庫藏先是典庫者為有司所

魚肉卒破家志至有雉經以殉者朱國補心齋符下相

嚮泣會御史龐尚鵬按浙首疏行條鞭法罷一切徭賦

應役有司不旬日而歸志相慶如更生行病弗任試投

牒自免髡工某素德於守愚有逐奴乘醉與鬪而工死

里豪直以攻守愚會知府李頤廉知狀推官蘇士潤又

秀贊之事得白雖處貧乏人有急難恆悉力赴之宗人

以踐更罔出已資代之乃解一牧豎病風甚厲歲大禱

或勸驅去曰此兒一出門即填溝壑矣為療治養之終

身志子國禎既成進士就養入都卒于天津南潯志以國

禎秩贈光祿大夫志

志十二人物一

三

董嗣成字伯念號青芝道醇子天姿穎敏工詩文精六書

尤善草聖星緯經脈之學丹青弧矢之藝莫不秀通董志

年二十舉萬曆己卯鄉試明年庚辰進士廷對二甲第

一董氏授禮部儀制司主事晉精膳司員外郎主客司

郎中詩文獻時神宗倦政皇長子未出閣鄭如寵有爭立

意張志十九年十二月會帝感疾遣官禘祭慨然上疏請

慎養皇躬豫效元儲大畧謂麴蘖為腐腸之藥柔曼為

伐性之斧調攝之功不可不留意震位不可以久虛宮

闈非所以養德冊立之命不可不亟行疏畱中明年正

月戶科給事中孟養浩疏爭降削科臣李獻可等有五

不可詩帝大怒廷杖百除其名是日風霾日暗朝士相

顧失色喧傳養浩杖斃同時諫官被斥者十一人董志

公家嗣成策馬歸邸適賓客滿座飲酒不盡厄起闔戶

草疏茅國縉董畧言諸臣所言並社稷至計詩黜降刑

罰非復諫之具畏法懼罪非忠義之夫敢諫者皆去則

所畱者必畏縮與詔佞者耳安得倣儻之士與陛下共

理者臣見陛下之孤立於朝廷也羅懋詰旦實封以進

始出副本示同舍郎讀其疏者莫不心怖股慄謂是且

危於孟公而嗣成意氣自如易服出舍待命左掖廡下

董伯方草疏之夕舍中兒抉戶入以母老子幼請家嗣

志十二人物一

南

成撒襟大言曰今日之事倡言首禍者我也誼不使孟

給諫獨死我獨生且我三世食天祿奈何愛七尺不為

明主一忠言決矣無可奪者於是舍中兒涕泣市良藥

或治木以待董伯帝覽疏怒抵之地已復取覽嘻曰若

不畏死耶坐以出位妄言罪削籍去家嗣成祖父仍世

貴顯豪富冠東南嗣成以氣節著士論多之明史李家

居讀史至馮諼以市義策田文輒三復歎曰安得如彈

鋏生白我王父乎一旦請之祖曰大人所設義倉意在

惠此一方耳盍亦推廣盛事諸所置田園廬舍剖其什

三以予民否則量其值而予之金庶幾積而能散祖善

其說湖即命處分刁民所欲不遂反肆鼓譟巡按彭

應參至湖控告紛紛久而方定人咸稱其義而歎民之

不古若也董憤懣構病疾頃之祖亡哀毀亦卒

年三十六光宗即位詔復原官湖天啓三年吏部續疏

開幽贈光祿寺少卿董志按此與明史

許兆禎字培元布衣精醫術著錄于秀水太醫院使贈少

保朱儒之門儒取其所撰診翼藥準方紀醫鏡四部合

名之曰醫家四書儒曾孫貴陽知府茂時鏤板行之方

書成時申時行李廷機朱國禎均為作序儒亦題其簡

端傳兆禎之名海內無不知之者朱奠尊醫家四書跋

志十二人物一

五

國朝

朱國禎字文雷號平涵胡承謀又號蚪庵居士守愚子志

萬歷己丑進士改翰林院庶吉士丁外艱起補檢討府

戊戌分考禮閣庚子典閩試朱經平涵得周起元等多

為名臣文獻辛丑告養母湖俗通賦紳衿免徭役富

民復事詭寄獨累貧丁府會編審創議均田均役劉沂

眾大譁國禎曰是難以口舌爭因先自計田占役與

編戶等眾始大服復移書巡撫極言貧富差貧之弊計

畝定役法少變貧民得蘇志其法便于民不便于宦

側目者爭起圖之尋被論于寅丁內艱甲辰起南國子

監祭酒丙午陞右春坊右諭德請告歸里文獻并條上救荒畧會知府

大水致書撫按力請蠲卹湖辛亥轉左春

陳幼學惻瘵民隱同心區畫災民賴之湖辛亥轉左春

坊左庶子實壬子陞北祭酒湖誓墓不起實天啓辛酉

起禮部右侍郎辭不獲壬戌入都行至中途請告回將

抵家而枚卜之命下癸亥正月拜禮部尚書兼東閣大

學士南與顧秉謙朱延禧魏廣微並命閣中已有葉

向高韓爌何宗彥朱國祚史繼偕又驟增四人直房幾

不容坐六月國禎還朝秉謙延禧以列名在後謙居其

次改文淵閣大學士累加少保兼太子太保明史甲

志十二人物一

六

子春晉戶部尚書武英殿大學士南知經筵日講制

誥總裁國史實錄湖尋加少傅兼太子太傅東南又水

疏請改折戶部以倉無現糧不肯覆國禎力言之乃改

折三分南魏忠賢竊柄國禎佐向高多所調護楊漣

劾忠賢廷臣多勸向高出疏至有詬者向高愠甚國禎

請容之及向高密奏忤忠賢決計去謂國禎曰我去蒲

州更非其敵公亦當早歸蒲州謂曠也向高罷曠為首

輔曠罷國禎為首輔曠微與忠賢表裏為奸視國禎蔑

如其冬為逆黨李蕃所劾三疏引疾忠賢謂其黨曰此

老亦邪人但不作惡可令善去明乃加少師兼太子太

師晉吏部尚書兼建極殿大學士南潯備志。沈登瀛

行畧及請卹典疏參以府縣志封贈表葉賜銀幣廕子

中書舍人遣行人送歸月廩與夫皆如制明崇禎元年

遣行人存問加太保五年卒年七十六南潯志贈太傅諡

文肅明子祭葬府志子四長縉初名紹燿次絳初名紹烜

次紹炫次紳初名紹炯絳字爾成號誠所朱氏譜。按

范志作爾繩董縣學生廕授五軍都督府都事行實。按

氏宗譜作爾誠紳字公申縣學生廕授中書科中書舍人南

備遺家難為知府某所持會大計某輦金入都門為邏

者所獲既而賄中貴寢其事紳抗疏發其狀事連大瑞

志十二 人物一

七

疏畱中再上得旨廷杖卒潯溪文獻絳子七錫如鑑如鎔如

鉉如鏡如鏘如鎮如錫如字宗黃號訥庵朱氏譜縣學生

廕授中書科中書舍人行實順治辛丑孔孟文訐錢纘曾

通海纘曾逃匿其家被執連染死潯輯。按朱氏譜錫

初一日與朱纘曾貞毅先生墓表纘曾死日相合費之

非文肅孫也鑑如字有子號戒庵朱氏譜廕授中書科

中書舍人行實。按舊志及朱氏甲申之變為闖賊所

執不屈死南潯志未邀卹典私諡忠愍先生潯錄鎔如字右

陶號壘庵朱氏譜廕授五軍都督府都事行實乙酉起兵南

潯帥其眾數千北拒 王師尋敗被執語不屈斷喉死

其友潛抱屍以楮封喉而殮之歸其家楊鳳苞南妻王

氏朱氏譜一慟而絕既蘇日痛哭腸斷死南潯志明末二

十年間烏程三輔臣先後擢用南潯志沈文定灌于天啟

辛酉進文淵閣溫文忠體仁于崇禎戊辰進武英殿歷

首揆柄政最久府志三人居相距不過十里南潯志一時傳

為盛事國禎當逆瑞肆虐門戶水火之際獨能不阿瑞

不樹黨潔身引退府志性真率剴怛曾脫海甯陳公子之

冤獄劉沂春休休有大臣風度而遇非其時不克盡用

位至輔相家業蕭然高必騰歸田後畱心典故成史槩

湧幢小品諸書府志子若孫恪守家訓不敢以貴胄驕鄉

志十二 人物一

六

里卒能為國捐軀國論鄉評咸推重焉南潯志

華士嶠字孺抑號傲新潯溪文獻天民來孫父尚能縣學生華

傳芳士嶠萬曆辛丑進士授福建松溪知縣潯溪縣志

崇山盜立堡屯儲如敵國為仿置鼓團營法一方有警

則聲聞百里俄頃就擒又視其出入轉運之途令兵民

合一置寨設埃縱火焚山逸出者即擒以聞屯守甫匝

月盜果窮俄來款梟渠魁數人四境帖然調建甯縣志

頑傲新華充丙午鄉試同考官縣吏侵蝕錢糧民好博

好訟並治以嚴法不少貸清查屯政盛暑履畝親核之

以卓異薦擢南兵部車駕司主事志歷工部都水司郎

中陳船政十弊鑄錢五利皆中竅要及管節慎庫則懲
奸吏嚴出納夙弊一清董志將外轉會病辭里居二年卒

行兩縣士民共立祠祀名宦劉沂春志子二仁源仁溥華

錄傳芳仁源字大生董志廩貢生入都依侍郎公鼎幕下溥

乃誤以鼎之字為姓名時遼事紛更當局了無成筭因

從容諷鼎曰遼事之壞不壞於兵餉之單寡而壞於糾

彈之苛刻凌義渠大生若熊經畧之築屯而敵少却可

謂難矣董志乃眾口鑠金查覈逮訊何為者當此戎馬生

郊之秋得一人甚難凡有心者皆當愛惜其才乃縛手

繫足俾難展布守非戰是過作推求又何為者鼎深契

志十二人物一

九

其言欲疏救會爰書已成莫可挽仁源浩歎而已就選

得南直隸桃源縣丞江淮大飢條陳荒政且禁游惰嚴

保甲行畧以鯁直忤時免官董志仁溥字仁仲號濟之縣學

生時逆瑞肆虐因縱酒高歌頽然自放丁元薦濟所親

有被劫者挺身訟之邂逅有落魄者解囊贈之董志病卒

無子立兄仁源季子允楨為嗣濟之華允楨原名用梅

字開先一作開山自號青城山人董志少為諸生以貢入

成均往南都聞莊烈帝殉社稷慟哭三日夜遂棄去曹

條畧躬冒險探出沒同里紀年以義旗誣逮獨挺身保

其無他當事疑有私並下獄董毅士青城既廉其冤皆

獲免青城山人墓志本生母朱氏遇賊赴水急躍入負母以不

善水瀕死者數四始得渡董志歲祲斗粟四百錢悉所貯

散之青城山人傳無何史事成獄目擊諸人遭禍遂與道衲

講無生之學逍遙物外焉研北居

莊日宣字懋昭號復我先世居吳江十三都父思始徙于

潯思字子容號九溪禮部儒士仁厚喜施里有子亾父

金者撻而投之水急救之育於家給衣食者累歲遇歲

歉輒蠲償存活甚眾而於族誼尤厚日宣萬曆甲午舉

人董志謁選江西廣昌知縣調繁崇仁潯溪並有政聲舉

志十二人物一

千

卓異董志除陝西鞏昌府同知屢以邊功題敘改廣西平

樂府同知潯溪擢潯州知府會寇亂嘯聚勦撫多方四

境帖然遷桂林兵巡道按察副使致政歸所在並祀名

宦立德政碑記董志卒年八十范志同里丁樹本字仁仲號

昆吾與日宣同舉于鄉山東知縣晉泰安知州解組時

民勒去思碑屢舉鄉飲辭卒年七十五潯溪又有吳中

穎字君脫號支磯董志壬子舉人南直隸太平知縣志按

董斯張原名嗣暉字然明號遐周又號借庵道醇第六子

廩貢生梅林董氏宗譜按清羸善病自號瘦居士於

生計最拙獨耽於書手錄不下百帙胡承謀泛覽百家

旁通二氏朱發生平契厚皆海內名士商榷著述結

社聯吟力扶詩教董留心吳興掌故一為藝文補一為

備志伏狀略血猶兀兀點筆年四十三府崇禎元年卒

董氏譜按吹景集靜齋齋跋云廣曙識東藏寺報

董說字若雨號西庵董自稱鳩鵲生梅林董幼

時謁開元寺聞谷大師廣印補船錫名智齡長語事母至

孝畢生孺慕不衰董年十四補弟子員旋食廩餼溫

若雨出太倉張溥門董工古文詞江左名士爭相傾

倒羅而姿稟孤特與俗寡諧董按詩萃云名著

復社姓氏錄陸世儀復社紀畧皆無說名且社盛於崇

更國變詩遂棄諸生董改姓林名蹇字遠游號南村

亦稱林鬻子又稱稿木林飯依靈巖繼起大師宏儲

名之曰元潛字侯庵豐屏迹豐草庵宗親莫覩

其面志精研五經尤邃於易方言地志星經律法釋老

之書靡不鉤纂董少未嘗作詩西戌以後始為詩以寫

其空坑崖海之恩樂府出入漢魏董丙申秋削髮靈

巖縣更名南潛字月涵詩一作月巖兩

錄號補樵寶一號楓巢棟又名本以南雲遊四方浮湘上衡岳至長沙見陶汝鼎傾蓋言歡晤

高公黃周星曰此古之傷心人也展桑海遺民錄黯然

而別已歸吳中胡承謀主古堯峯寶雲院時往來

於洞庭之西小湖及溇溪補船庵之間甲子母匹葬畢

歸山遂不復至嘗寓吳之夕香庵一當事屏與從訪之

聞聲避匿當事歎息而去董年六十七示寂夕香府

時康熙丙寅五月六日也子樵牧耒舫漁村董說戒

諸子棄舉業以韋布終其身兄弟六人確守家訓詩

早卒餘並有聲南而樵與耒學尤拔出詩亦澹蕩俊

偉各擅一場詩學者宗之幾成南溇詩派湖樵字裘夏

號蔗園耒字江屏號稼庵董說既為僧諸子皆稱弟

子各命以法名曰靈壁樵靈珏耒旨徑牧旨勝舫又有

旨然即村也唯漁名無攷詩說所著書甚夥樵等貧不

能齊刊門人紀官慮其久而散佚為刻遺文總目冀遇

好事者梓以傳焉董

陳忱字遐心號雁蕩山樵其先自長興遷溇閱數傳至忱

無不貫穿董好作詩文鄉薦紳咸推重之惜貧老以終

詩文雜著俱散佚不傳錄

董汝煌字幼文號胎簪董父嗣昂字仲頰號簡寓喜施子

家雖落猶好義不衰梅汝煌縣學生甲申後閉戶

志十二人物一

三

志十二人物一

三

著書董志嘗謂經學不明舉業家壞之也士欲明經不當以舉業為逢時之具初治詩已而學易研精數載與族弟說姪漢策晨夕討論時號上林三易漢策為小人所構訟幾蹈不測汝煌挺身為之辨雪溥上有恃才妄作者汝煌聞而歎曰古來史家非有人禍必有天殃况不知而作難乎免於今之世矣已而大獄起諸與名者皆伏法晚年患足痺自稱跛隱嚴允肇董胎年七十五卒子震蚪字鱗九府學生董氏戚友有急需傾囊無所吝死則經紀其喪恤其孤鼎革時崔苻竊發首畫防禦之策人有固志鎮賴以完嚴允肇鱗九先汝煌卒董氏

志十二 人物一



人物二 注曰槓撰 南溥鎮志十三

董錫 董道明

陸錫 陸士渭 陸嵩高

朱綸 董式 董衡 董純人 董毅士

董思 董式 董衡 董純人 董毅士

董漢策

吳明垣 姚梧

閔茂元 紀彩 方毅 邢鴻 董雍和 殷錦

張肩 裕介宗 尹錫 李偁

紀年 志十三 人物二

呂學 呂渭 郝坤

凌一鳳

夏鼎 夏煥

閔南仲

紀星

薛觀奇 薛景熹 王九牧 嚴雲衢 王大聲 紀用思 紀堯年 汪廷業 馮步青 董如璧 董揚培

董聞京

楊鳳岐

董志階 董崢 董嶸

王玉士

倪蘭 倪璠

紀遠 紀官 紀寅

董炳文 董浩 董嘉言

董允文

張鳴鈞

夏封泰 夏光遠 夏開衡

袁大周 袁沂 陳冠羣 汪隆

董熄 董師植 董豐垣 董肇鏗 董增齡

董炎

志十三 人物二

曹大斌 曹爾价

謝洲 姚石 姚景熹

王起鵬

董承勳 董友松

徐宏達 徐祖彬 沈子言 紀月峯 溫芝山

紀復亨

吳巖

溫源起 溫瑤琨

張升吉 張震亨 張徽 張丹山

楊鳳苞 楊鳳聲 楊縉

施國祁

邢典 馮鳴盛

劉桐 溫日鑑

溫一貞 王鑄 陸楷 項初

郭廷元

紀峻

張鑑 計發

范鏞 范穎通 范宗鏞 范登 范來庚

孫燮

沈登瀛 紀慶曾 盛朝勳 丁桂

志十三 人物三

沈垚

大清

董錫字晉侯號望仙 董祖道明字昭夫明崇禎初壽八十餘知縣馬思理給冠帶旌耆德舉鄉飲賓父嗣成一名

漢儒禮部儒士錫府學生 梅林董氏宗譜 勇於為義順治乙酉

冬太湖巨盜突至環薄五百餘艘賊眾五千餘人鎮民

駭走錫族姪漢策方率僮僕拒賊於北港賊陡從東入

錫執槊與二三壯僕當之以一矢斃其前鋒而賊又有

乘巨艦薄水道者或熱火炬焚之巨艦沈賊殲焉東北

稍定忽有踉蹌至者云賊從東南隅乘屋直達矣時拒

賊人少勢不可動錫乃潛去遇賊擊之以矛賊蹶仆於
是羣賊擁至巷戰良久賊乃與尸遁去頃之江南督鎮
猝至蓋偵賊來潯率大隊而尾剿者督帥詢狀大獎異
焉已酉里中有籍產奉檄承佃人苦偏累錫獨詣府縣
請計戶均輸人咸德之年八十卒董志

陸錫字禹疇以載曾孫順治戊子拔貢江南常熟知縣待
士以禮馭民以寬有古循吏風董志以呈誤去任潯溪後

陸氏以吏治著者又有士涓嵩高潯志士涓字熊臣號介
夫康熙庚辰進士江南建平知縣興利剔弊有治績辛
卯鄉試同考官所得皆宿儒致政歸嵩高字肩吾號敬

志十三 人物二

四

堂歸安籍乾隆丙戌進士安徽太平知縣董志戊子江南

鄉試同考官改雲南富民知縣署昭通府魯甸通判魯

甸多山獨城南平疇十餘里墾種菽麥山水偶發即湮
沒為開渠築隄遂成沃壤過牛瀾江見水勢洶激多覆

溺患築墩建橋往來利便至今橋與隄俱名陸公焉以
病歸杜門不出者垂三十年敬堂陸君行畧

朱綸字公荃董志號允言董志縣學生順治八年水災條議救

荒之策并捐資助賑知府張繼孔給惠治哀鴻四字知

縣劉璽給代天雨粟四字匾額族黨姻戚賴以濟者無

筭橋梁道路率先仗助年九十一卒董志

董思字湛思號兼山又號懸圃祖嗣茂萬歷甲午副貢父

式字印先明歲貢生不赴廷試甲申後絕意進取梅林董氏

宗屢舉鄉飲賓固辭高必騰縣志生十子思其長也舊名靈
預字潛蚪後喪母而思不已泣曰我當名思遂改焉董志

康熙壬子歲貢考授教諭以葬親亟歸藏書數萬卷無
不披覽縣志雖破產購之不卹也選明代古文歷十餘載
始定名曰文傳董志未問世遂卒董氏譜從父說為撰小傳

曰文章知名之士則唯謂湛思文人而一時蓄天官河
渠禮樂平準諸學者謂湛思長經濟然湛思獨敦內行
實得事親之微其稱之如此董志式次子衡字楚望號岱

志十三 人物二

五

南順治甲午舉人第六子純人原名成字存素監生考

授州同式長女適東遷舉人沈重熙董氏譜坐重案論死

里中猶以董與沈有姻構式第四子渠成時渠成以例
貢効用雲南純人挺身訴理遂得白行畧既刁民王式費

日渠成復借前案羅織吾湖諸大家波及式思渠成俱
困園屏衡力請代父就繫董紹宗存素府君行畧究之父不能免

而亦身與狴犴董氏譜思長子毅士號叩銀臺代祖陳冤
事獲少解踰年王式復構訟式及思又逮入都廷鞫純

人亦星馳北上幸事得雪行畧王式坐反誣流徙恭庵昆

弟奉父南歸慶生還焉行畧○按嗣茂號方白式號志
山濤錄此條凡式事俱稱方白

諺 穀士字書田號農山歸安學生董氏譜亦有文名董志

董漢策字惟儒號芝筠又號甦庵梅林董氏宗譜又號帶園董氏譜

竹坡詩話嗣成孫父廷助廕監生萬歷中兩次副榜董氏譜漢

策廩貢生董志少孤董氏譜好讀書敦品行董志意氣豪邁董志

孩提時聞有瑞禍輒握所弄木斧作恨恨聲董志林芝

事孀母以孝聞董志拳勇絕倫亦通翰畧而折節友生恂

恂善下傍及劍客酒人射奔醫卜之流靡不傾接居北

崇禎庚辰辛巳歲游饑身先捐賑遠近賴焉董氏譜順

治乙酉 大兵抵震澤淳民震恐漢策急詣軍前止勿

夜來潯卒無恙行時太湖土寇焚劫囚人勒餉潯文獻

固濱湖自五月以後晨夕窺伺行不惜重賞募勇士捍

禦潯文獻與同里嚴修保障陰折亂萌行盜不敢犯錄十

一月中旬馬要兵變誤傷善良於是潯人議銷五兵而

請益汎兵漢策曰此召寇之道也兵未至而賊先至矣

賊黨果聯數百艘掩至時值僕因弛備皆散去呼集僅

得六七十人拒賊於北港關方酣賊已從南路入室復潛

分三四輩撲賊於戶內賊大駭去己亥潯北屢有小警

潯汎兵游徼鄉民疑之有格鬪聞於郡副將督兵至幾

不解漢策謁都司唐某伸前說乃旋師行保全桑梓皆

其力也董氏譜湖中頗興大獄慮無以自保乃乞為部院

材官湖錄康熙初吳之榮首告莊氏迎書未發難先求貸

於漢策及里人朱佑明漢策厚貽之佑明不應卒被株

累而漢策僅免然告密之風未已董志迨癸卯而刁誣轉

劇星火動成燎原漢策深懷義憤毅然曰吾不難捨我

命救吾湖一方民間關陳奏事下西曹挺身對簿事雪

南旋行庚戌浙江大水范忠貞公承謨時撫浙博訪荒

政漢策以改折糴和緩徵平糶諸議進悉舉行又奉行

賑粥請易為賑米既復請移文江撫凡救荒諸善政悉

如浙大江南北民忘歉歲董志先是撫按薦辟至再皆以

養親力辭董氏譜壬子 詔舉賢良方正張志訪求山林隱

逸之士范志承謨重其才特薦於 朝董志癸丑春敦促就

道赴 闕引 見奉 旨以科道員缺試用董氏譜會柄

國者挾有私憾忌者乘間中之喉承謨所參革之後潘

司巡檢陳其忠訐告之隨被臺參下獄已而嚴鞫皆誣

董放歸田里董氏譜益肆力羣書丹黃評騭雖臥廁手不

釋癖嗜道家符籙自以為雷雨可召鬼魅可破湖錄兼精

青囊青烏易筮乙萆風角王遁等學並有奇驗好獎掖

善類施惠無望報心立義學設義田施幃絮捨藥餌葺

橋梁焚券已責之事難更僕數董志康熙三十一年卒年

七十董氏譜咸豐三年以孝子 題旌潯輯其著述有數十

志十三 人物二 六

志十三 人物二 七

種行世董志○按順治甲午漢策作紫光朝謝科儀序自稱芝筠道者董麟科蓋其道士之名也

吳明垣以醫名不用奇術人有以攻擊效夷然鄙之年八十矣步趨若閒齒更生人問其故曰僕非有異術也惟不敢自戕其生耳與老人姚梧善梧字澹庵少時蜚聲

庠序喜作詩家貧甚有助之粟及刀幣固辭不受其他

技好與明垣同董漢策海二老人傳

閔茂元字震湖陳尚古晉雲樓雜說住南柵外閔堂兜溇溪文獻素業耕

董父為老諸生吳晉閔孝子傳病亟醫藥不效聞醫書有生肝

可愈死疾之說遂以刀破腹割肝和湯飲進之父病遂

起茂元殞絕復甦董志不數日創竟合時康熙元年十一

月十七日也簪雲樓雜說咸豐三年以孝子 題旌溇同時

有紀彩原名志耀字繩武監生生未數歲父上猷棄家

遠出比長泣告於母將子身尋父母許之由是奔走崎

嶇間一歸省母已復出凡數十年卒無所遇紀氏族譜

張肩字爾就董志康熙初隱居溇南之石澗蠅鬚館詩話○按張庚續畫徵

錄以肩為平字人語築遠偏廬傍多栽竹瑣錄年三十始讀書

董不數歲書法詩詞俱極適美蠅鬚館詩話善畫竹董志一時

推重蠅鬚館詩話兼工山水人物又知天文推步之學晚館

西洞庭山秦氏十餘年南溇備志其後里中以書名者有褚

介宗方穀邢鴻介宗字可烈蠅鬚館詩話園縣學生穀字碩公

一字在公號學山歲貢生並兼善詩古文鴻字衛南號

虹橋老人縣學武生以畫名者有董雍和殷錦殷澍尹

錫李偲雍和字宮在號穆庵縣學生善畫蝶錦工山水

蘆鴈澍工人物錫字懷九號西村工山水尤善畫牛偲

號成蹊善寫生工士女董志

按范志有張御乘傳攷府志云隱若之清源門外故舊志不載非溇人也

紀年字來之號乾山濂曾孫紀氏族譜縣學生豪俠好義董志喜

周急瑣錄嘗寓蘇州里人孫旭得罪奔匿捕者踵至

即密具舟楫遣之出關捕者搜檢不可得皆踉蹌去一

日在溇歲暮嘆喏無措有客袒而顛于市者曰孰能拯

我人曰非紀年不可客來謁年視其在窮途氣兀傲書

片紙假十縑遣之董志後中蜚語瑣錄逮繫錢塘獄向客為

營護得免董志耿尚二逆聞其名以金幣聘察其有異謀

堅辭不往瑣錄年五十八卒董志

呂學字時敏號海山善寫照更精人物山水董志康熙間浙

江總督李之芳既平耿逆大僚製屏為贈或薦學為狀

出師攻守凱旋始末寸人豆馬山川草木躍躍欲活懸

諸吳市東西行者咸駭歎名由此大振曹大斌呂海山傳曾為

貝子某寫羣仙圖恭祝 萬壽貝子令人將薦為畫

院長固辭不就貝子賜筆歌墨舞四字扁額董志歸葺園

圃蓄侍妾數人教之歌舞賓朋賞醜頗具豪侈之奉園
有可也亭臨池環柳日夕觴詠其間求畫盈門揮素應
之少拂其意雖餉千金不願嘗赴蘇州知府之聘舟泊
城外擔夫肩行李逸去告諸知府圖其貌而緝之遣役
至泊舟處出圖示人咸相譁曰貌何酷似某也遂捕獲
之行李固在也其寫照之妙如此無子繼子渭字名世
沈文定公淮曾孫能傳其筆法名噪一時又有郝坤亦
沈氏子字自修善寫生及山水人物得學之傳頗稱神
似研北居

志十三 人物二

凌一鳳字子威本雙林人明名醫凌漢章之後為紀氏館
甥同父遷潯工書法嗜吟詠落落不偶寔困日甚適
朝廷設針灸科訪求漢章後人有司以一鳳名應 召
入都授太醫院判頗信用其術嘗出入 內廷或扈
蹕巡行 隆恩異數幾列于九卿六部間旋以屬吏不
戒得罪削籍坐杖畱京鬱鬱數年卒潯溪文獻
夏鼎字元夫號玉厓沈平露玉厓先生傳父煥字龍寰家貧業藥肆
遇窶人子不取值兼以醫名夢雲編少年貧窘時父客有
寄橐金千者久無耗詢其人返之樂巖夏公行述生平以濟人
為事董志閣閣緩急任不顧害玉厓先生傳蠡澤南村有李姓
者孫之屏敘玉厓先生遺事病輒延鼎治之無不投匕立效越數年

鼎卒李病且篤諸醫俱束手董志謂其子曰願安得仙丹
起我危疾乎適聞里中扶乩子虔叩於仙乩飛降曰玉
厓子來矣立書一方問仙為誰復走筆曰長日動薰風
調元鼎鼎功要知余姓氏只在四時中遂依方投藥閱
一日全瘳遐邇聞之驚傳其事敘玉厓先生遺事

志十三 人物二

閔南仲字子襄又字湘人號耐庵又號石漁南潯志宮保尚
書洪學孫凌忠介義渠之壻也研北居少英敏舉目數
行下博綜書史潯溪文獻務求貫穿性豪邁不事生產家中
落由晨舍遷潯賃屋而居范志至不聊生湖錄有踵門請業
者引文徵獻娓娓不倦瑣錄好音律工詞曲湖錄嗜吟詠操
管立就著述頗富沒後三十年同里潘尚仁得其集為
之刊行瑣錄按范志
紀星字含譽號青巖工繪山水董志幼育于董氏故書款每
稱董星紀瑣錄零縑短幅人爭得之顧家有升斗儲
輒不肯輕作人何其匱乏僵臥挾所有往瀆始披衣立
風雪中揮灑數紙并善手搏有女亦善畫及手搏適諸
生溫衣點董志
薛觀奇工醫術當時稱為神手研北居子景燧字瞻文范志
亦精醫江浙推重兼擅星命之學瑣錄里中以醫名者康
熙雍正間有三九牧嚴雲衢王大聲並善痘科乾隆初

有紀用思字我揚得九牧之傳後又有紀堯年字龍劍

號長春府學生韓汪廷業字立人號笠人舊籍歙縣後

為潯人兼工于詩南潯志馮步青字觀顏歸安學生西柵

港蔣人遷居潯南范志亦能詩潯志董如璧字觀南董揚堦

字升九號雨蘭並監生揚堦兼精劾魅驅邪之術董氏宗譜

董聞京字丹鳴號復園董志又號蘭樵復園文集漢策子廩貢生

河南布政司理問陞江西吉安府通判梅林董氏宗譜時甫經

兵後民據油田山險為盜聞京屏騶從單騎抵其寨鞭

會長釋其餘黨咸請執勅而為氓阮元兩浙輟軒錄正經界課

積逋安置難婦禁保正之科斂者為同僚媒藥削籍董氏

志十三人物二

卒於江西志

楊鳳岐居務前業負販貧無妻子母老好飲且喜古今事

鳳岐晝役于市晚歸沽一壺談笑以悅其親母以餘酒

餉之因且酌且唱高歌震鄰聲容俱備母亦罵亦喜日

以為常俗有呼李擔者亦居巷中一日忤母見者即以

其擔毆之李跪而泣曰我知改矣自是奉母甚謹不期

年而母亡夜聞鳳岐高唱娛親必大慟曰悔無及矣紀

楊孝子傳

董志階字升吉號素庵胡承謀府志伯父崢字雲襄歸安學生

父崢字魯瞻監生自吳江八都同遷于潯梅林董氏宗譜兄弟

並以友悌聞志董階康熙乙丑拔貢任建德訓導陞金

華敘諭早年樂善好施晚歲浮沈冷署家計日窘怡然

自適勤以課士開誠化導膠庠咸愛慕焉府志按范

諭金華府教投講

王玉士本旌德人業漆工居潯祖病革玉士聞閔孝子割

肝救父事遂懷刃疇漢壽亭侯像前剖腹出肝和藥烹

以啖祖祖病立效而玉士已什地殞絕一晝夜鄰媪夢

綠衣偉丈夫持膏藥傳其胸尋得甦創口果合胡承謀府志

副將羅琦給孝烈格神扁額咸豐三年 旌表順孫潯

倪蘭字晚公先世由錢塘遷潯祖璠字魯玉志附貢生任

志十三人物二

中書舍人遷工部虞衡司主事轉員外郎董志嘗注庾子

山集以博瞻稱父灝字次淳號東湖志蘭生有異徵年

十二作文即有奇氣母顧氏病篤蘭籲天求代語其兄

茶曰倘母有不測吾必不生顯親揚名是在兄矣越二

日母卒既視飯含即潛往密室自縊時康熙庚寅六月

廿二日也董志

按范志有孝子陸國榮傳今攷羅縹縣志國榮北河村人范志以為潯人謬

紀遠字無遠一字子深號白雲山人原名遊字亮工濂元

孫紀志博聞強識嗜酒工詩文善草書性不諧俗從

張雋董說遊盡得其讀書之法晚年始補縣學生研北居瑣

錫 萬謝氏談昔齋詩紀氏悲歌痛飲往往漏盡董志雖窮愁

老病而氣不少衰謝洲紀白康熙壬辰正月六日謝洲

雲先夜半就寢爐翻宗紀氏傷于火至十一日乃卒雲先

生年七十董志從子官原名永成字遙集一字大韶紀素

行畧號餘素詩紀氏事繼母以孝聞父歿訓誨幼弟以兄

兼父分財產取瘠推肥行誼為宗黨推重董浩餘素亦

從雋與說遊志康熙壬子武科舉人屢試兵部不遇紀氏

詩病瞽南江詩集以詩酒終紀氏官從弟寅字大為董志號晴

嵐康熙辛酉武科舉人江南徐州衛守備致仕歸篤好

吟詠尤潛心內典時與陸士渭潘尚仁夏封泰號歸田

四老紀氏詩錄

董炳文字耿光號霞山胡承謀衡子例貢生梅林董性慷

慨戚友緩急無弗應解紛息訟不避怨言中年家落有

告急者必委曲濟之羅榛繞屋種梅花嘯詠其下府志

詩餘董氏書八分畫花鳥俱臻妙品府志子浩字扶搖初

名南鵬字翰飛號南谷與族兄南江燧齊名時號二南

董氏康熙庚子舉于鄉名益著無故得奇疾臥牀第七

八年齋志而歿詩學宋人豪邁不拘頃刻可得千言養

疴掃軌剝扉而談詩者戶外屢常滿也詩炳文族子嘉

言字孔彰耒之孫也詩居豐草庵自少嗜學所寫古書

志十三 人物二

古

不下數千卷與歸安茅星來善星來精注疏之學有疑

義輒往叩之嘉言誦其辭琅琅如宿習覆按不遺一字

星來自以為弗若焉張鑑書處士

董允文字斯在監生董志少孤事母至孝妻溫氏亦淑慎胡

孤十齡為之教養婚娶溫脫簪珥以佐之康熙己丑歲

饑官議設粥廠允文率先典貸賑給二日由是施者接

踵府志咸豐三年 旌表孝子滬

張鳴鈞字雙南號笠濱其先吳江橋下人父輯玉徙滬董

鳴鈞幼善事繼母南滬備志康熙乙未進士由庶吉士授編

修出為山東巡按輕車簡從撤供帳鼓吹不染一塵歷

禮科給事中江南泰通道江甯驛鹽道河南按察使直

隸布政使內調通政使順天府尹俱有政績董志在河南

時課民植桑育蠶告歸後築稽五漾南灘石塘以衛圩

田迄今賴其利橋下張居于明月橋南其季子遷于郡

城西門遂扁舟往來茗雪間人忘其為鄉大夫也董志

夏封泰字冠東號心谷董志孫孫父光遠字永賓號樂巖一

號樂清董志康熙丙申安吉歲貢滬溪文獻按此與夢

任永嘉訓導董志歐俗武健好勝諸生有以訟牒來者必

告以情理遣士風為之不變邑之紳士即學旁創生

志十三 人物二

五

祠繪像焉溇嘗增輯溇溪文獻溇封泰歸安籍雍正甲

辰進士溇直隸任邛知縣溇修趙北口隄道免地丁

之苛派平旗民之訐訟嚴治捕役窩盜者緣事解任旋

開復補湖北麻城知縣讞命盜諸案以明允稱溇宋埠

民因獲拐聚謀爭毆送鶩籠司人船解縣察其非真溇

因憶康熙壬寅吾溇為指拐激成大案溇或即開釋

人疑易致激變謬諭眾曰拐有良藥俟其性過刑訊因

密屬典史散禁傍晚提審據稱黃岡平民來麻探賊船

則黃岡編號常來宋埠裝載因移回黃岡取結備案溇

據實詳釋溇乾隆甲子丁卯兩充鄉試同考官告病

志十三 人物二

七

歸溇究心經學老而不倦溇年八十五卒溇初稱妻

黃氏夢有五岳入門之祥光遠適舉五子因以五岳命

名長即封泰次開衡字弁南溇康熙戊戌進士點

清書庶吉士授編修預修一統志及 省方盛典溇雍

正二年甄別詞臣 褒錫品行端方學問淵邃充 三

朝國史纂修官卒于京溇次中嵩字望中溇縣學增

生次載華字指西號蓮峯例貢生四川安縣知縣次源

恆字冀北縣學生溇

袁大周初名昌齡南柵人溇以瘍醫自給溇廿七歲喪偶

不再娶撫幼弟教弱子皆有成父歿母孫氏年七十一

病危篤溇彷彿無措昏悶中若有告之者曰服龍

肝腸可瘳忽念已生年在辰辰龍屬也得非神命我刻

肝乎乃以刀割胸左偏深寸許以指剜取中熱如沸湯

不得入昏暈而僵旋似有趣之起者驚視創處肝已突

出遂割之作湯以進疾良已越數日近出過橋失足顛

于橋下創裂暈絕子宗耀亟往抱持歸解衣見胸次束

以帛血斑斑然漬其上猶新涕泣固請始言之子倉皇

延醫用善藥敷治莫效夜又若有告之者曰服藕汁可

愈如言而創始合知縣羅懷聞之親式其閭他日有訟

其子不孝者有司訊于市延大周並几坐指以示其子

志十三 人物二

七

曰此刳肝袁孝子也居同里而不知所效耶杖之大周

為憮然者累日越十二年而卒其母後一年乃終溇

袁孝子 曾孫沂字仰曾家貧業醫請餘姚盧文弢作文

紀其事溇咸豐三年 旌門溇道光中有陳冠羣字景

山居皇御河父病刳股以療而人眇知者又有汪隆一

名繼發本楊氏子隨母改適汪氏居馬家港鬻草器養

母以孝聞母年九十餘病歿泣血年餘竟以毀卒溇

董熄初名臣燧又名燧字謂瑄一字訥夫號南江漢策孫

父師植溇字聖衣號汾園廩貢生溇候選訓導溇

萃溇工詩文溇素行端懿縣學生嘗從儀封張清恪公

伯行得其指授志遊外祖曹溶之門倦圃所藏人間不

經見書燭獨窺之故學有原本兩浙輯文章撥華就實

歸於大醇詩自漢魏以下手定甲乙丹黃無虛日尤得

力於韓杜著述甚富董雍正中 詔舉博學鴻詞浙中

大吏以人文淵藪多不勝薦先集府縣所舉士試於杭

州錄取者始列薦章甲寅乙卯間府縣兩舉煜名固辭

不獲乃就試皆罷歸志晚年名益高而接引後進先器

識後文藝嘗為松陵書院山長有經師人師之日張乾

隆十二年卒董年六十八學者私謚端文先生董子

豐垣字壘之號菊町幸未進士南歷任安徽建德河

志十三 人物二

六

南扶溝知縣董博覽羣書得力於庭訓而貫穿六經

析疑辨誤闡及精微癸酉充江南鄉試同考官主試以

經術湛深重之卒于官董歲丙午有縣學生肇鏗字金

奏號梅圃增訂南潯鎮志煜之從孫也志董氏族人以

著述名者嘉慶時有增齡字慶千號壽羣歸安廩生善

治春秋嘗疏國語韋昭注兼善醫學道光時有蠡舟字

濟甫號鑄范監生貫穿經史尤精三禮著書甚多兼善

詩畫蠡舟從弟恂字謙甫號壺山府學生工詩詞能醫

亦通經學嘗疏夏小正并重修南潯鎮志清

董燧初名臣煥字蘇門號堅齋煜弟梅林董寄籍直隸滄

州雍正癸卯拔貢官學教習選湖南華容知縣即於是

年己酉中順天舉人因已得官赴楚涖任董華容頻遭

大水隄防傾圯下車即晝夜巡邏畚鍤之事必身先之

調新甯又補綏董地連苗獠時當進剿初平官軍

駐防星羅碁布遂分苗產苗基以撫卹之酌夫家之眾

寡給旅卒之糗糧苗民每過輒叩首曰非董公吾族無

遺種矣卒于官士民立祠祀之董

曹大斌字曾三號敦山縣學生父爾价字德宏號鶴汀歲

貢生篤學能文老困場屋常館于外大斌少從母董受

句讀閉戶讀書專肆力于八家之文心摹力追絕去聲

志十三 人物二

九

色專以閒澹真實為宗苟非折綜經理闡揚善行者不

肯妄為人下筆又精于音學撰音白黑二卷自一東以

起取字之最易辨及最難辨者一一粗為發凡分三十

六母每母為一篇專以平音一字為主上去入即魚貫

而下俾欲審音者昭然若別白黑而無誤家故貧屋無

定居常與謝洲寓市樓讀書喧呶擾攘若不聞者嘗一

至嘉定及鹽城為知縣程國棟修兩縣志於明季殉節

諸人極力表揚之晚年遷于鄉研北居友人董承勳為

武定知府延修府志甫脫稿而卒輯時乾隆十五年

六十三溫鶴立文貞門人私謚曰文貞先生攬房漫記

謝洲字文若父傑自餘姚遷淳董煥謝君居泰安橋東北

居項洲與兄潮字文來並從學于紀遠南澤備志託業買遷

多與名流往還張廷枚姚江詩存工詩古文洽聞周見遇有佳

書輒雇敏手寫置架上雖貧不輟尤好宋元明人詩文

嘗與董煥曹大斌評選其高下鈔錄成書可補宋文鑑

元文類明文授讀所未備雍正十一年卒年四十二南澤

備志姚石字亦山能詩與洲及王起鵬齊名早卒錄石從

子景熹字存之號蘭仙亦以詩名志

王起鵬字翹如一作蕙如南澤備志號溪堂澤少即儻不羣

詩文敏妙董雍正已酉歸安拔貢 廷試以知縣用分

志十三 人物二 辛

發陝西任清澗知縣南澤備志公餘之暇不廢吟詠研北居

巡撫碩色深如獎異遂薦舉博學鴻詞惜未獲雋南澤備志

尋卒于官董

董承勳字對揚號芭堂董又號白巖居士漢策孫父友松

董啓廷芭堂字高容號鏡園廩貢生恬靜孝友董遠近

稱為長者董承勳雍正已酉副貢董覺羅官學教習以

知縣揀發直隸署元城魏縣補良鄉縣陞遵化知州擢

山東兗州知府調武定府又改青州府陞分巡天津道

按察副使又陞長蘆鹽運使乾隆二十二年卒董在官

興水利省徭役治土棍劇盜所至以廉能稱守克時值

歲大祲詳請蠲賑七上不行復欲具詳或有以危言進

者承勳曰守以養民不養何以守為復上卒得請奸民

陳秀誘集飢民數千人匿於泗水縣之黃山寨石虎洞

晝則散行乞食夜則明火劫糧事叵測承勳輕騎夜掩

其巢擒秀等數人令飢民期以某日集城中開倉受穀

眾即立散知縣某執賑穀一千三百石之原議且以未

及期難之承勳曰如此磬罄何可拘於常格設有累余

身任之即日盡發倉穀七千餘石計口均給全活無筭

雖以是調簡不悔也南澤備志京城向無吳興會館春秋試

士每苦僦居捐資置屋於宣武街寔創始焉董

志十三 人物二 辛

徐宏達字雲階董一字行達南澤備志廩貢生董性嗜吟詠四字入

之文學候選教諭建義塚羅榛造橋梁董施藥助棺收

廢書之糊蠶箔者又以素紙易婦人夾線書焚之縣

隆己未知縣羅榛創建育嬰堂于清源門宏達及子貢

生祖彬捐田三十畝助之董榛標其名於旌善亭縣及

乙丑育嬰堂添置乳房祖彬復捐資焉輯同時有沈子

言居西柵董嗜佛好善東藏寺金剛會施觀實為領袖

董志。按范志加敬重讀書工吟詠七字亦入文學傳尤諺 紀月峯字山書號恂夫

歸安學生性樂為善見道棄嬰兒惻然憫之與諸同志

釀資設雷嬰堂又倡為放生惜字諸會羅榛以善人稱

之紀氏溫芝山字養冲號友琴邢典溫君友琴傳乾隆丙子歲

饑里人捐賑芝山獨任編審戶口事徒步往返鄉間者

兩月無脫漏亦無冒濫以勞瘁得疾遂卒溇

紀復亨字元稗號心齋董年曾孫紀氏河南商邱縣籍范

乾隆辛酉順天舉人壬申恩科進士翰林院庶吉士

散館授編修補陝西道監察御史紀氏改隸本籍紀氏

轉京畿道兼管左僉都御史事陞吏科給事中紀氏

師有閩王張四又號蛇張南溇藐法恣橫特參懲治貴

州苗民承值差務勞逸不均奏請免其偏累董充丙戌

會試同考官紀氏甄拔稱得人董歷鴻臚光祿二寺少

卿遷通政司參議紀氏尋陞太僕寺少卿因病乞歸寄

居蘇州之楓橋後卒于溇紀氏年七十四董復亨少即

工詩善書閒畫山水南溇皆超逸有致紀氏

吳巖字懷峯號桐村乾隆辛酉舉人張大挑選任仁和教

諭丁丑成進士授刑部奉天司主事張乙酉貴州

副主考歷任福建司員外郎山東司郎中范在西曹十

餘年審畫詳慎董戊子兼編修銜漫提督山西學政范

選先正文以示軌則刊三通敘以重根柢所拔多名士

呈請歸養里居數載嗣丁外艱戊戌服闋入都卒于湖

州會館年六十三漫吳氏先世育于曹自吳江八角亭

遷溇故有曹吳同姓之說里人至今稱曹懷峯云志

溫源起字彙滄號池客又號蕙窗先世自輯里遷溇南溇

曾祖士利饒于貲值歲饑罄其財以賑鄰里家遂落再

傳貧益甚源起棄舉業專力治生不數年復完舊業有

沈某質田于源起沈歿其婦貧不能自存將有去志源

起亟焚券歸其田婦得撫孤全節佃戶錢某迫于逋負

鬻其妻為人妾遺之金得贖還又有陳端龍者被人誣

扳入獄憐其冤力援之乃出親串中兄弟鬩牆構訟其

兄求為左袒切責之曰手足可自戕耶其人感悔訟旋

息自奉甚約每節縮衣食以濟正用晚年葬同族兄弟

七人之棺贈朱文昌之孤以田遺徐聖培以粟姚江謝

氏子不能婚則助之微客吳麟趾概不能返則歸之年

六十一卒楊謙溫君子瑤琨字右良號古愚究易理精

篆刻母范氏好施子瑤琨奉命惟謹又推其意修治橋

梁如溇西南之龍珠橋其一也嚴師言溫

張升吉原名乾元字易門號西塞一號奚疑幽華先世自

震澤遷溇升吉乾隆戊子舉人大挑知縣發福建充癸

卯鄉試同考官補將樂縣丙午調鳳山縣未履任適林

爽文倡變連陷彰化嘉義二縣鳳山亦為莊大田所陷

丁未三月升吉至臺灣大田日犯府城升吉分守小北

志十三 人物二

三

志十三 人物二

三

門招集鳳山餘民得二千人屢出城殺賊奉檄偕副將
 丁朝雄由海道取東港十一月得而守之三面皆賊一
 面瀕海且剿且守時賊屯水底寮所擄良家婦女三百
 人賊黨脅從約萬餘人陰遣武生鄭其仁入寮曉諭禍
 福戊申元旦有賊目十人叩營投順諭以送還婦女始
 許降詔且牛車數十兩盡送詣營各給口糧招親屬領
 回會將軍福康安統大兵救嘉義復彰化擒爽文還兵
 剿鳳山賊大田亦就獲鳳山故城荒圯因遷縣治于埤
 頭勤撫字賑饑民捕餘黨盡獲而貸脅從者無筭調署
 浦城得真西山心政二經中有催科法仿而行之民樂

志十三人物二

壽

輸恐後復補補德縣奔父喪張薰矣疑府君行述歸遂不復出嗜
 研易理兼善六壬數然不輕占休咎也嘉慶八年卒年
 六十五房漫記從弟震亨字驚百號小勇少工文有聲
 庠序書法趙吳興乾隆庚寅恩科舉人早卒吳汝雯種農筆
 記從子澂原名珂字佩珊號秋晚嘉慶戊午舉人官鄞
 縣教諭修學宮忠孝節孝二祠勤於督課率先身教士
 林稱之詩升吉孫丹山字儀曾號半屏改名夢沅又改
 亥昌虞貢生輯溥錄蒐獵故里遺逸之事張氏同居七
 世崇儉斥奢一庭雍穆恆隨子弟之材而教之或士或
 商莫不遵循矩訓家法之善為南溥冠云漫記

楊鳳苞字傳九號秋室又號莢泚亦稱小玲瓏山樵又稱
 西園老人歸安廩生南溥備志早以西湖秋柳詞有名於時
 於經學小學皆有根柢尤熟諳明末事嘗為南疆逸史
 跋十二篇許宗彥三文學合傳補溫睿臨之未備而訂其誤尤雷
 心鄉里掌故朱莊史禍為南溥一大案孫雙南溥傳鳳苞
 旁搜遺軼紀載甚詳棄烏程陳無軒焯向有湖州詩錄
 之輯知縣彭志傑欲付之梓以校補屬之為增錄數百
 家并攷其爵里南溥備志志傑旋罷去刊未成阮文達公元
 督學浙江拔入詁經精舍編經籍纂詁鳳苞與分纂焉
 志布政使謝啟昆聘之入幕以侍老母疾辭不就感逝吟

志十三人物二

壽

晚年館于郡城陳氏其書室為鄭菑哇元慶魚計亭人
 以為菑哇復生云房漫記卒年六十四南溥備志無子感逝吟
 按沈登瀛曰鳳苞配張氏嘗舉五子而不育四十餘兒
 喪偶不再娶許宗彥三文學合傳謂終身不娶者謬兒
 鳳聲字昆谷號虛舟弟錯初名鳳擊字錫朋號雪蓬華
 詩並有才名早世葉
 施國祁字非熊號北研縣學生好學不倦南溥備志工詩古文
 善填詞葉尤熟于金源事實嘗病金史蕪雜擬攷正之
 有所得輒為紀錄年逾四十遂棄舉子業專力以著書
 自任房漫記積二十餘年之久南溥備志書成名曰金史詳
 校繼以卷帙繁多乃列舉條目為金源劄記又以其餘

緒作元遺山集箋金源雜興詩漫記家極貧少嘗授經于

外中年忽樂市隱寓于潯北南潯志為人經理生業設吉

貝肆市中有一樓顏曰吉貝居孫燮南潯志所著書多成

于其中嘉慶己巳秋不戒于火著述盡付一炬今所存

者大半出于記憶補錄之餘耳卒年七十餘無子南潯志

邢典初名大典又名二典邢氏宗譜字綺封號書城縣學生南潯志

詩居垂虹橋下家赤貧讀書談道泊如也南潯志每論及

歷代象緯輿地兵農食貨諸志與國朝疆域典章悉

鑿鑿可證旁通壬遁醫卜星相諸術晚更樓心

內典大旨歸于明體達用不屑屑於章句訓詁南潯志與

志十三 人物二

楊鳳苞施國祁並稱南潯三先生志卒于道光四年年

七十一漫記馮鳴盛字上鳴號篋園嘉慶戊寅舉人幽華

授翰林院典簿銜沈登瀛篋園先生行畧少孤授徒以養母孫燮

周工制藝從遊者甚眾房漫記初同里三先生中南潯志鳳

苞國祁不喜為制藝曰焉用此庸濫之談典曰制藝文

之至精者也今之習于庸濫其末失也孫燮南潯志然典

所作淳古淡泊人未之好也至鳴盛論文則法古而仍

不戾于時要必以經史為根柢南潯志故及門無空疎躐等

之弊其尤高者遂能博通古今著書立說皆鳴盛有以

啟之也見義勇為弟子中貧乏者盡心訓誨而不責其

贊葬其外祖父母行又葬其祖母外家姚氏數棺馮篋

道光十八年卒年六十三行

劉桐字舜揮號疏雨例貢生兩浙輶軒錄補遺候選州同南潯志好交

游善談藝銳志聚書感逝積至十餘萬卷凡宋槧及精

寫本不惜兼金羅致插架之富自天一閣瓶花齋而外

莫之及也輶軒築眠琴山館為藏書所大江南北及浙

東西知名好古之士或扁舟過潯上靡不題襟延接感逝

吟出奇書以相欣賞南潯志嘉定少詹錢大昕許作藏

書記未就而桐卒年四十五子幼山館之書鼠竊鯨吞

不數月盡歸烏有感逝當是時里中如楊鳳苞施國祁

志十三 人物二

邢典張鑑范錯諸人各擅才識然皆苦貧無書大半藉

桐所藏始得攷訂撰述施及後進流風未艾桐之功為

不細云南潯志桐女婿溫曰鑑字壽華號鐵花監生從鳳

苞及典遊亦好蓄書并嗜金石文字精輿地之學於南

北朝疆宇分合郡縣僑置攷索尤詳南潯志

溫一貞字又賢號也癡縣學生其先由斬里遷潯馬要沈

芥舟宗篤一貞姑夫也以書畫雄于時從之遊由是工

六法好金石收藏甚夥族祖明推官璜殉節徽州葬道

場山麓歲久榛芳莫辨搜訪得之有圭田十餘畝為薯

廠侵占率同族鳴於官得還其舊往來具區之瀆見詩

人吳山秀之孫貧而蓄家有淺土十五棺遂捐資借山

秀門人施國祁會葬之因瀆村中老益勤學神明不衰

有求畫輒應之道光十年卒年八十二張鑑溫也癡先生家傳同

時王鑄原名勇字蘊成號雪浦監生亦嗜金石能詩工

篆隸陸楷字正之號梅圃亦宗騫弟子畫與莘開齊名

志項初字容初一字函江號葑房監生以善書名詩

郭廷元幼為宋凌高養子凌高娶後妻生子蘊斯時廷元

已稍長從凌高賈于貴州凌高先歸十餘載音問不通

紀廷元居積漸阜乃還鄉至則門庭非昔驚問鄰

里始知父卒母嫁居室已售他姓蘊斯鬻身法華山寺

為僧矣急訪其母則母之後夫已亡正無所依遂迎歸

桂榮記郭返其居室而居焉將訪其弟母止之曰今幸

母子完聚安用弟為廷元泣曰母誤矣弟為宋氏子廷

元郭氏子終不能為宋後也遂之法華時蘊斯剃髮多

年其師靳之逸寺鄰為之請以厚資贖歸即為蓄髮娶

妻孳至貴州同賈十餘年資益豐乃析為二兄弟各有

其一郭義後蘊斯歸奉母以終宋氏得延其祀廷元力

也廷元年近五十嘉慶初卒記郭義

紀峻原名汝瑚字鐵山號石溪後改治夫府學生父守謙

早卒峻纔六歲母潘氏撫之成立志家貧習形家言以

養母紀慶曾治夫母病劇或告以割股事峻曰虧父母

之遺體非禮也既而百計罔效潛然曰舍此別有何術

療我親耶乃割左股以進病遂愈紀南星治夫弟方虎

好學而多病撫視不倦房漫記妻屠氏事姑亦以孝聞

母喜酒以貧命勿進峻每私購數罌藉稱姻好所餽然

後飲鄰有擔夫江某嘗醉歸叱母具茗峻斥之而飲以

已茗江頓改焉請讀書能窮經義明漢儒爰辰飛

伏納甲諸術尤精樂律推步紀氏復善琴弈漫湖俗故

多火葬峻勸捐富室立師善堂設杼山義塚詩雖里人

好善而其議實峻創之詩道光三年水災墟墓率被淹

孫衍慶紀峻乘舟往省祖塋風雨幾覆者屢不顧泊墓

側兩月水退始返疴疾大劇歸五日而卒時八月十九

日也年五十六漫方是時淺厝者盡圯棺入太湖無筭

峻命其子乘筏以拯之凡三百五十餘具紀孝道光十

四年 旌表孝子詩

張鑑字春治一字苟鶴號秋水先世自喬漢遷潯鑑少從

詩人計發遊弱冠補諸生館劉氏眠琴山館徧讀所藏

書學益博自經史暨地理水利樂律步算六書音韻篆

隸金石莫不周悉發為文章引據典確儀徵阮文達公

元視浙學既而撫浙築詒經精舍于西湖拔兩浙知名

士講肄其中鑑及同里楊鳳苞施國祚皆與焉佐修鹽
法志經籍纂詁等書嘉慶辛酉拔貢甲子復中副榜文
達督師○波剿海寇挾鑑同行復以水災蠲賑皆資鑑
贊畫今所傳兩浙賑災記即當時所編詳贍足為後法
通奉 上諭預籌海運嗣因河流順軌其事遂寢鑑以
河運雖安而費鉅海運雖危而費省且得其人而行之
海道習熟亦未嘗不如河道之安於是著海運芻言凡
料淺占風之法定盤望星之規放洋泊舟之處靡不講
明切究侍郎英和見其書稱為可用迨道光甲申冬河
決高家堰漕艘路阻英和力主海運奏請 允行大畧

志十三 人物二

手

與鑑說合而稍加變通焉年近六旬膺風疾里居不出
自號貞疾居士求詩文及畫者踵相接丙午選授武義
教諭庚戌正月卒于官年八十三所著書凡三百餘卷
桂榮張秋水計發字發之號魚計縣學生幽華鏡志讀
先生行畧書尤刻苦作詩嘗館劉氏畫扇樓以古學誨其弟子愛
獎掖後進時溥上詩道日衰而里中人士復為興起皆
發提倡之益也攬藍山
范錯初名晉字聲山號白舫又號蒼溪漁隱例貢生詩其
先明祭酒應期居菁山歿後族黨散處各郡若溪漁隱
祖額通字希賢號棲園監生幽華攻軒岐術精脈理詩其

山房自塘棲遷溥著研北居瑣錄皆載故里文獻詩其
漫記父宗鏞字學周號檢齋監生輯溥著二卷范錯有偽才
工詩尤善詞熊士鵬漢中歲以後遠遊四方孫燮書溥
後 磊落好交吳文溥南寓意鹽筴往來楚蜀者三十年
李宗傳皆後 留心掌故陳文述幽作溥溪紀事詩七十
漁隱詩藁序 首徵引記載陳文述溥遺聞佚事靡不畢具張鑑溥
序 客蜀著蜀產吟倚寓漢上著漢口叢談皆不愧作家
陳文述蜀 晚歲寓居揚州孫燮華笑卒年八十餘溥
兄登字既庭號煙畦縣學生幽華亦有文行登子來庚
初名濂字小庭秀水縣學生嘗刊南潯鎮志溥

志十三 人物二

手

孫燮字呂揚號愈愚家世服賈至燮始補府學諸生旋食
餼少忠足弱苦眩瞶每入闈輒病一再試遂不復赴以
歲貢終既無意進取乃肆力於詩古文辭桂榮孫愈愚
一編入手則家事悉置不問張鑑愈愚敦友誼尤好接
引後進其弟子多以文學雄于時有族子某貧而悍屢
罵之不慚一日闖入燮室聲言將割刃其胸燮怡然讀
書不輟某技窮而退人以器度服之道光丙午次子斯
詠鄉試捷音至燮已病越數日卒年六十四先是里中
以詩文名者推董燧謝洲曹大斌迨燮出識者以為矣
過前人云小傳

沈登瀛字金坡號柳橋府學生歸安籍詩祖堪自震澤遷

壽父鍾璜監生丁桂舅氏沈柳橋先生行述以孤童起家驟致饒裕

孫變沈柳橋哀詞登瀛性醇厚外和內介雜筆道光三年大

水佐有司行賑規條井井胥吏不能上下其手初勸分

時鄉人擬循舊例出錢登瀛謂今之災實甚往年循舊

例奚濟於是各倍其數而登瀛則再倍之十一年歲復

祲築運河石塘以工代賑登瀛董其事勾稽督察不惜

勞苦兩次捐數凡五百餘緡述故人金錫桂館其家病

歿割屋以處其妻孥盛朝勲紀慶曾卒後卹其孤寡歲

有常餼雜筆急人之急述雖當匱乏必黽勉應之哀屢被

志十三 人物二

重

市儈所欺不暇顧卒以是耗其家貲述善讀書喜考史

傳異同尤留心于鄉邦文獻謂府志訛舛因歷引史籍

以識其誤復搜采南溇事實作南溇備志皆未卒業雜筆

道光二十二年卒年四十九述紀慶曾字思貽號師泉

又號半度兩華詩畧晚號密庵詩歸安學增生孫變紀半度哀詞篤

好程朱之學善名理兼攻古文辭柳橋先生行述卒年五十一

攢菴山房漫記盛朝勲字介眉一字壽朋志號眉庵縣學生華

詩畧少孤貧刻苦厲學性耿介不屑干人漫恥為文士務

求有用之學卒年三十三以暴疾不及還家殮于溫氏

之館孫變盛眉庵小傳登瀛姊子丁桂字景顏號子香歸安學

生六歲而孤長于登瀛家教養有成亦以古文名于時

卒年四十五兩華

沈堯字敦三號子敦道光甲午優貢志英姿卓犖議論常

出人意表經史子集罔不溯流探源孫變沈子敦哀詞而于三

禮最深兩華尤精輿地之學著新疆私議謂 國家開邊

萬里常思饋餉難繼省餉必須屯田屯田必講水利某

山出某水某水經某處澀澀數千言如指諸掌中書徐

松一見歎曰吾謫戍新疆凡諸水道皆所目擊然猶歷

十年之久始知曲折沈君閉戶家居獨從故紙中搜得

之非其絕大識力曷克有此為之延譽公卿問哀及貢

志十三 人物二

重

八成均屢試不售為編修徐寶善補修 大清一統志

新疆數冊又為侍郎姚元之修 國史地理志并撰道

光九域志松嘗攷元史西北地又欲注魏書地形志皆

引堯為助堯友誼最篤故人盛朝勲紀慶曾卒詩雖窮

困常從京師寄錢卹兩家之孤其風義實今人所罕有

在京師六年鬱悒遊疾哀夜感噩夢夢中獨享盛饌几

上祭文六朝體甚工麗臚舉其生平學行甚悉旦而知

非吉兆越十餘日遂卒沈維鑄與王亮生書年四十三哀

馮賢 汪曰楨撰 南潯鎮志十四

袁表

李樂

余津

周虞卿

沈選 龔元成

孫淳

黃周星

沈皇玉

潘爾夔

周篆

志十四 馮賢

茅星來

范璨

吳山秀

周性

金錫桂

明

袁表字永之號胥臺長洲人劉沂春縣志嘉靖丙戌進士選庶

吉士明詩綜授武選司主事觸時貴編成湖州徐象梅兩浙名賢錄

過潯上題詩于御書閣壁間游幢小品嘗寓法華庵瑣錄

會放歸以薦起補南京武選主事歷職方員外郎出為

廣西提學僉事謝病歸年僅四十六而卒石韞玉蘇州府志所

著皇明獻實四十卷吳中先賢傳十卷世緯二十篇論

世緯一卷世系八述修省集一卷歲時記一卷胥臺集

二十卷南潯備志

李樂字彥和號臨川桐鄉人寄籍烏程湖錄館董氏和雲樓

讀書拜三莊見聞雜記給事董道醇其高弟也董志中隆慶戊

辰進士知新淦縣簡約坦易民愛戴如父母擢禮科給

事中改吏科忤張居正出為福建僉事歷江西廣西參

議所至潔己愛民而懲墨吏不少貸告病歸累起尙寶

卿不赴所著見聞雜記於風土人心升降之際三致意

志十四 馮賢

焉湖錄按范志書目作李樂見聞雜記非紀訓也又著

金川紀事烏青志拳勺園小刻南潯備志年八十七卒祀鄉

賢湖錄按樂無子初議嗣姪建後改立姪道樂卒建

余津字濟之始自稱月山後乃稱華陽山人其先餘姚人

徙海鹽至津徙潯南董份余山墓志性穎敏一目輒成誦董志

不肯為舉子業專為歌詩嘗從人呼韻韻畢句成輒至

數十篇皆亮節逸響墓志不事生產家故貧然晏如也所

作潯溪漁唱膾炙人口潯溪紀事詩注後居吳江縱酒卒南潯備志

周虞卿一作奚卿潯溪文獻失其名潯溪紀事詩注燕京人寓居潯之西莊

村工書善弈一時薦紳皆愛重之董志以韋布相對夷然

也研北居 骛麟任俠好論天下事所料悉奇中時脫人

于險不令人知宋珥周廣 友人宋珥為刻其詩百餘篇

卒年七十餘溇溪紀 無子有九女其婿若沈選精于弈

龔元成工于書皆得其一體錄 選字仲升崇禎庚午舉

人石門縣教諭董自杭州遷溇范成諸生瑣

孫淳字長源號孟樸孫陽顧吳江吳淞人嘉興府學生溇

志沈彤震張溇楊廷樞張采朱隗諸人倡舉

應社淳為效奔走以襄厥事南溇造一舟顏曰渡青乘

之周遊江浙溇溪紀一時有孫鋪司之目陸世儀復稍

大之為廣應社至崇禎初年淳又與吳翮吳允夏沈應

志十四 寓賢



瑞等肇舉復社南溇於時雲間有幾社浙西有聞社江

北有南社江西有則社又有歷亭席社崑陽雲簪社而

吳門別有羽朋社匡社武林有讀書社山左有大社僉

會于吳統合于復社始于戊辰成于己巳其盟書曰學

不殖將落毋蹈匪彝毋讀非聖書毋違老成人毋矜厥

長毋以辯言亂政毋干進喪乃身嗣今以往犯者小用

諫大者擯僉曰諾是役也溇渡淮泗歷齊魯以達于京

師賢大夫士必審擇而定襟契然後進之于社故溇之

言曰忘其身唯取友是急義不辭難而千里必應三年

之間苦無孟樸則其道幾廢蓋先後大會者三復社之

名動朝野淳勞居多然而斂怨深矣十年正月蘇州民

陸文聲疏陳風俗之弊皆原于士子倡立復社以亂天

下蘇州推官周之夔復許奏溇等樹黨挾持靜志居至

徐懷丹之草檄并聲十罪以致討中有云或呼學究智

囊或號行舟太保傳檄則星馳電發宴會則酒池肉林

所謂行舟傳檄皆指淳言之迨社禍既解社集亦輟年

已老家又中落乃築梅館居于溇為別業常寓居焉以

詩自娛南溇順治三年卒蠅鬚館有蘅草及梅館居存

草初集二集湖上聯句集南溇賴溇溪董氏藏之得存

此亦交游之力也溇溪紀

志十四 寓賢



黃周星字九煙號圃庵上元籍廣東人幼撫于楚湘周氏

名星南溇繫楚籍入成均崇禎癸酉舉北畿賢書南還

泊金陵溇溪紀遇本生父母南溇庚辰成進士終周氏

父母喪經理弟妹婚嫁畢謁選戶部主事乃具疏復姓

歸宗紀事國變高隱不仕溇溪變名曰黃人字曰略似

汰沃主人又曰笑蒼道人布衣素冠寒暑不易靜志居

流寓長興五遷而至南溇之墨溪賣文自給南溇工篆

隸求者如市湖性耿介處交游問語言不少假借喜施

與雖簞瓢屢空遇當阨者必多方濟之家益貧落高必

騰縣

志 康熙庚申春年七十忽感愴傷心仰天歎曰嘻而今
不可以死乎為解脫吟十章自撰墓志與妻孥訣忼慨
命酒盡數斗大醉次日漫書謝疊山朱室忠臣止欠一
死吾今不死復何待家人時護持之五月五日賦絕命
詞數章湖錄遂投濤橋下南潯備志賴救以免繼又赴水越
數日傷病死清溪文獻葬于潯世所稱獨樹墳是已著有唐
詩快分驚天泣鬼移人三集凡三十卷自編圍庵詩文
芻狗齋集夏為堂集山曉閣詩集千家姓編慶詞竿箋
復姓紀事夏為堂別集詞餘唐宋八大家文備益蒙集
又有夢史佚不傳子楷字禹弓奉其母返金陵南潯備志○按

志十四 高賢

五

禹弓一作禹公今據夏為堂全集又
攷全集尚有弟育黃字寄中繼姓沈

沈皇玉字玉汝吳江之震澤鎮人南潯備志性孝友任俠嘗戮

巨盜以雪父恥沈眉壽震澤鎮志與人交伉直無所隱萬言沈玉汝七

奏壽 早歲補諸生與於復社震澤鎮志晚年寓潯之墨溪與

張雋閔聲張道岸稱石交南潯備志著金剛心經二解鱸鄉

詩文集潯溪彙震澤鎮志康熙丁未郵人萬言至潯上與定

交為作七十壽序臚舉生平學行甚詳南潯備志

潘爾夔字友龍吳江之北麻人諸生時遊曹村過潯上愛

其風土崇禎癸未遂寓居于潯習稔舊聞因成潯溪文

獻四卷南潯備志爾夔忼慨有風致能文工書莊允城慕之

列其名于明書簡端偶與允城有財帛交以致詬削其
名得不罹禍櫛龔隨筆鎮之有志自爾夔始是後夏光遠陳
可升莊學德張鴻賓方熊方薰董肇鏗屢次增訂彙為
一編爾夔原本遂不復可識別矣潯志又著涉江草范志

大清

周篆字籀書號草亭先世居青浦父澧字禹功號天頑避

亂來潯生篆年十七遷居松江華亭後復遷吳江之嚴

墓南潯備志穎敏好學能為詩古文弱冠後問道於顧炎武

炎武以務本語之遂博究經史所作多關治體徧遊九

州參文武幕府於所在河渠兵農錢穀之事益加諳練

志十四 高賢

六

發為詞章皆切中當時利弊而律度嚴密卓然成家年

六十五歸里卒著有蜀漢書杜詩集說草亭詩文集等

書沈彤震澤縣志

茅星來字豈宿號鈍叟又號具茨山人歸安之花林人明

河南按察副使坤之後年近三十為諸生屢絀於有司

乃專攻經史欲以著述自見以朱子近思錄舊注未詳

密遂為之集注行止坐臥皆不輟歷二十餘年書成所

著古文於國維民瘼反覆致意足為後世勸懲少時嘗

客授于潯南烏鎮徐氏潯北橋下張氏故常往來于潯

南潯備志後遂僑居潯之西交界壩橋許且復茅豈宿制藝跋與董氏

世有連晚年時相過從以暴疾卒于董氏豐草庵年七

十無子南壽備志

范璨字電文號約軒董晚號松巖榜姓姚范秀水人康熙

癸巳 恩科舉人雍正甲辰進士董入詞館范以人材

薦知大興縣縣故有隱糧一案璨關白府尹發之布政

使某不悅方以他事揭璨在 廷有白璨枉者 特擢

河南鄧州知州秀邑巨盜張連膂力絕人吏不敢捕璨

召瞽目退役某以計擒之再擢分巡廬鳳穎道廬鳳境

有飛蝗璨禱于神率吏民捕之忽有蟲似蝗而黑雜處

蝗中三日齧蝗為盡陞直隸布政使授湖北巡撫移安

志十四 寓賢

七

徽或挾千金追送江干不受且慮廉從為奸自坐鷓首

視其舟去遠乃已入為副都御史遷工部右侍郎奏弛

富戶囤積之禁石韞玉蘇州府志曰部議青黃不接之時米價

昂貴地方有司應諄切勸諭蓋藏充裕之家令其酌留

食用外陸續糶賣以濟民食請 敕下直省督撫轉飭

地方官先行出示曉諭務使恪遵禁令陸續糶賣以平

市價如有積米數多閉糶妨民者酌量勒令出糶臣思

儉歲歉收青黃不接市價騰湧待哺替替地方有司自

應勸諭富戶陸續糶賣以濟民食而平市價但大張告

示勒令出糶保無姦頑之輩聲言 朝廷之惠愛窮民

若此煽惑良善糾黨成眾或踵門凌辱或逞毆行凶或

本屬小康而妄稱巨戶或稍留食用而指有餘藏或勾

通地方總甲而私相勒索或朋比衙門胥吏而裝點捏

呈其尤甚者本其挾制之有因肆其搶奪之惡習是良

善貧民未受其利而富民已大被其毒臣以為宜用密

札令地方官密勸富戶敦睦鄉里如數百石之家令其

自家門首零星出糶親自經理倘盈千累萬之戶令其

附近村落分設糶局亦須零星出糶親自經理務使本

地買食窮民得沾實惠如有樂於行善情願減糶者州

縣官核其所糶若干所減若干酌其多寡量為嘉獎或

志十四 寓賢

八

賚花紅或給扁額行善者多或統作一碑誌以為鄉黨

勸則貧者既無挾制之緣而富者自多樂善之舉矣

上是其請部議准行之時乾隆九年十二月也沈彤震澤縣志

又奏酌命盜處分之條核下江收漕之制並有碑于時

政蘇州府志旋以葬親乞歸移家溇上志居東柵大街所傳

九老第是也研北居瑣錄復構樂志堂于皇御河西恭奉

御書松巖樂志扁額後以 南巡迎 駕志屢蒙 優

渥列于九老蘇州府志卒于丙戌 賜祭葬錄

著有樂志堂集露滑篇稿

吳山秀字人虬號晚青震澤歲貢生六都志居湖濱因瀆村

南潯晚以貧故授經于潯始遷北鄉之姚田攬菴山繼

徙北姚家匯潯其教人時藝之外兼攻詩古文辭旁及

六法繪事學者各得其所近施國祁邢典溫一貞皆其

高弟也南潯著小梅花庵文集十二卷詩集六卷幽華

編年分錄集名甚多漫又著頤神齋題畫詩幽華齋志

而卒有孫遊幕于外老而歸目已雙瞽數年亦卒竟無

後南潯備志

周性字贊天號蘭園錢塘人監生和易樂善嘉慶中寓居

潯南倡議約同人捐資創設義塾于廣惠宮訓寒微子

弟以二十四人為限每朔望攝衣冠至塾謁先師讀

志十四 寓賢

聖諭廣訓一章敷功課以示懲勸後值事諸人歷久漸

弛唯性始終不怠性仁愛雖昆蟲草木不忍傷家不甚

裕而人有求者無不應也後卒於家紀孫周

金錫桂字伯辛號一山又號山甫震澤縣學廩生曹村人

工四六及古文尤工詩潯敏才健筆千言輒就不煩繩

削亦不耐苦思也不善生計攬菴山授徒潯上十餘年

囊困日甚道光甲午春將為遠遊不果潯時沈登瀛於

屋後營精舍徒藏書于其中孫燮金山榜曰兌庵潯為

講誦之所手纂鄉先輩詩文授錫桂為助四月朔始來

踰月而病病七日竟卒年五十哀登瀛為營殯殮即割

兌庵居其妻子并謀及同人歲曝錢以給其衣食馬錫

桂所著明史雜詠四卷溪雲閣詩十二卷文三卷詩餘

一卷友人孫燮嘗選其詩百餘首范鏞與錫桂初未相

識讀而愛之為刊諸漢口潯

按范志流寓有宋何異舊志所無攷宋史本傳及府

縣志異並無寓潯事疑出附會今削又南潯備志有

張雋王毓著袁徵包咸徐松顧炎武凌樹屏張道岸

萬言徐鍾彥范志又有方堂其流寓著述有金梅茅

應奎今攷諸人皆偶爾託足未嘗久居于潯故並不

錄篇中如沈皇玉居潯終老潘爾夔始修潯志周篆

生于此茅星來卒于此雖舊志所無並依備志增入

至袁表李樂亦非久居則以舊志皆有不復削焉又

潘喜會郡城潘東暘之子來潯從董說遊最久與紀

官齊名然名既無攷又失其行事不能補傳附著于

此

志十四 寓賢



方外

汪日楨撰 南潯鎮志十五

法照

宗偉

淨戒

株宏

行恣

願如

大全

淨孝

靈璧

懸證

蔭在

秉融

崔和尚

周科耀

智緣

宋

法照字悟心崇德人

范紹興間興建祇園寺

按舊志有唐圓通貞觀初創建祇園寺後隱道場山
攷丁昌朝祇園寺莊田記寺為揚公保義之所推輪
法照禪師悟老來自車溪經之營之不及五載而落
成則寺實創于宋非唐建也道場開山為唐末伏虎

志十五 方外

十一

禪師如訥而圓通在如訥之前二百餘年何以府縣
諸志宋元紀載畧無一語及之疑舊志傳會無據

宗偉永嘉人開禧間學道尋師至南林愛其風土結草庵

居焉嘗血指書報身佛所說經口不絕誦李心傳報興
國寺碑記

建報國寺董志

明

淨戒俗姓王字定巖號幻居南柵人董志身居桑門心存孝

道宋濂贈定巖
上人入東序出家於種福院後遊諸方參禮名師天

竺虎跑靈谷諸寺皆有遺跡官至左覺義左講經受敕

為慧濟禪師無疾而寂茶毘時有五色雲如蓋又有四

鶴來飛弟子宗彝奉其不燼之齒牙數珠葬于道場山

志十五 方外

二十

之太師塢有語錄行于世勞鉞
府志

株宏字佛慧號蓮池釋廣潤雲棲
本師行畧仁和沈氏子初為博士

弟子棄而事佛從蜀師剃度受具遊方李衛西
湖志住吾潯

豆腐橋廢寺中苦行三年無知者由潯至雲棲卓錫吹
景

集住山三十餘年別眾示寂 國朝雍正十二年 敕

封淨妙真修禪師西湖
志

行恣字口擇號復元湖州人明詩
綜少出紫柏大師真可之

門而不相下居於南潯靜志居
詩話工詩朱國禎董斯張並

與結方外社稿志
稿斯張稱其口不談貴介筆不流几近靜
志

居詩為刻其詩以傳詩
錄

大清

願如或云名慧裔字南林報國寺沙彌稿志寺久廢斷一臂

誓還舊觀董斯張為作緣起後鬱成樓閣南林者寺古

名其為字所以誓也棟花磯隨筆順治中年六十餘尚健理

院事康熙初卒稿志雍正時有湘潭者失其名復斷一手

倡募重修報國寺稿志

大全字雲浪姓趙氏改姓薛年十四觀雲棲遺像決志出

家寓皋亭龍居苦心參究見松針墜地廓然有省初住

嘉興之碧雲後住湖州之東藏性落拓不事威儀見解

既高於世無染素直言或偶談人過不知者皆怪之順

志十五 方外

治己亥之冬為蜚語所中擠狴犴端坐微笑而逝年五

十八董漢策東藏雲和尚塔銘

淨孝字此山姓周氏名廖字澹城吳縣諸生溇輯○按張

日訪月函水堂詩自注姓廖號澹城攻雋作歲交詩序

此翁以孝動天子兩節母死生得喪場未幾天地崩圻

寄命文誕云云據蘇州府志吳縣周重仁妻王氏嗣子

士元妻陸氏姑節婦孝並於崇禎十四年旌別無廖姓

雙節事益傳誤以少孤事母以孝聞南溇備志鼎革時逃于

禪蠅鬚館為漁庵禪師明聞法嗣從董漢策募長生寺

旁地為明開造骨塔創建塔院黃周星為題歲寒堂額

南溇能詩善畫梅與南潛友善稿志著歲交詩自譜其流

連廢興之迹南溇備志又著枯木吟中有建院鑄像營塔鑿

池諸詩即記創院事也後有秉遠字覺先晚自號幻空

本吳江陸氏子住持長生寺所著詩亦名枯木吟溇輯

靈璧號竹愁吳江人石韞玉蘇州府志來溇寓圓通庵稿志善山水

花鳥多墨筆自率胸臆脫略恣肆兼長草書張庚朝畫徵錄

復善詩金之俊贈圓通庵僧竹愁序又有超一字參魯震澤鎮莊氏

子出家姚田庵後為堯峯主席詣力精純門庭嚴峻年

七十示期跌坐而化南溇備志

懸證初名元證故副使孫旭也陳焯國朝湖州詩錄其父自紹興

遷溇旭字子旦溇溪文獻少機警劉健庭閱錄歸安籍康熙丙午

武科舉人董志屢遊京邸不遇還而皈依南潛字之曰轉

志十五 方外

庵溇溪文獻耿精忠反總督姚啟聖募士入閩旭往應募貌

既修偉又有口才啓聖悅之旭請招某山寇寇受撫偕

旭至縣縣令以賓禮待之縣有捕役素恨旭白令曰旭

所招盜名在捕中有年矣按縣贖良然於是執旭及盜

鞠訊具服解赴浙省臬司獄時軍務旁午囚多淹禁旭

與解役私相結乃移旭還縣出北新關遂與解役逸凡

七日而至建昌府詣樂燦軍樂燦者耿逆之大帥也旭

改姓名為王懷明按溇溪文獻作懷名譌自言聚兵為義師不幸

而敗燦及參軍周發祥信之為具衣冠署偽職燦敗發

祥以殘卒千人歸吉安賊將韓大任大任求幕客發祥

以旭應一見相契遂用事權傾一軍 大兵圍城簡王安王皆招降大任猶豫時康王偕姚啓聖經畧閩事旭欲大任就啓聖諸招降者皆阻不允贛州折爾肯遣魏祥來招降祥字善伯(甯)都人負重名旭忌其才恐大任為所動則奪我閩約構祥於大任大任入其言怒曰二王招我我且未許折爾肯何人乃欲以藩臬為餌乎命旭收祥榜掠慘毒發祥爭之不能竟殺之旭日說大任入閩大任亦以諸招降前已皆不允非閩不可遂從旭言降于閩旭以招降功議敘庭間錄任貴州糧儲道按察副使董志練兵督餉上臺頗稱其能未幾滇黔削平凡投

志十五 方外

五

誠者槩不錄潯溪文獻歸里一門血屬死無子遺廬舍亦焚毀一空旭自傷遂祝髮為僧庭間錄於仁王山之寶華庵湖州詩錄自謂精于數學高談雄辨純用機法聳動搢紳當道雖山居蓬屋戶外屢常滿者四十年壽八十三卒潯溪文獻有侶雲詩集湖州詩錄按庭間錄旭為僧號誦暉及厲鸚雲林寺志誦暉名慧輅吳興金田沈氏子順治中已出家雍正三年卒年九十九乃別是一人庭間錄誤也

蔭在字香谷一字願桂號橙庵吳江皇甫氏子順治丁亥年十一為僧于葉港妙華庵丙申來潯住明義庵從張雋遊授以詩訣始以詩鳴參南潛于補船村遂師事焉

後之海(甯)旋歸胡濃雙林寺乙已隨南潛作楚遊以病目先歸復至雙林嘗主菁山常照寺以患瘕結歸刺舌血寫華嚴經未竟卒於妙華年三十八庵側民家未幾生子不如輩血長願出家于庵亦刺舌血續書之既竣旋示寂咸以為蔭在轉世云南潯備志弟子戒石字友山住雙林寺亦能詩時往來于潯稿志是時明義庵僧能詩者又有明鑒字無塵號埽葉行者潯稿

志十五 方外

六

垂三十年遠歿助其喪葬又刻遺詩將示寂諸法孫請畱一偈曰赤條條來赤條條去死了便燒復畱何偈遂跌坐而逝年四十八建塔弁山之麓曹大斌釋覺海傳潯上詩僧有學讓字月樵吳江人吳中積善寺僧後主潯東極樂庵道光中有達會字竺峯兼善鼓琴畫梅眸淳字墨緣善畫並住東藏寺又有達塵亦字月樵震澤馬氏子梅堰顯忠寺僧嘗授徒于潯居東藏寺妙境庵圓通庵者數年潯稿

崔和尚失其名一姓胡氏詩人胡珊之子種農筆記家在北柵幼為僧于川廣之間母老家貧依兄嫂以居一日母病

亟念少子不置僧忽歸攜金與兄供藥餌且曰母疾無妨尚須數年耳母果漸瘳僧乃辭母泣然而行謂兄曰吾不能復與母言矣五年後當再來襄兄大事也至期母又病僧復來則母已神昏不能言因出數十金經紀喪事營葬畢乃別兄曰此後當雲遊了生死大事兄亦不久歸山矣逾年兄歿遂不復來

張丹山潯溪棹歌注

已上僧

周科耀一名道昱字靜涵嘉興人范志初居武康昇元觀後

住潯南廣惠宮羅懋清志清靜自修羅懋清志習青符五雷祕法九

乾補問雍正癸丑夏大旱延科耀登壇禱雨立應知府

志十五 方外

七

唐紹祖褒以詩并序知縣羅懋清給為霖潤物扁額縣志

董志作雍正癸卯政府志紹祖雍正四年任懋清按正九年任若癸卯則為雍正元年事必誤無疑

昇元觀事自元人戴表元以後名士之記序題詠都為

一集董懋清著補間吟草四卷董志廣惠宮又有毛樸

庵失其名又有閔九陽並能詩潯

已上道士

智緣字常一嘉興荷花地蔡氏女也志稿按荷花地地

外或作荷年十七皈依明巖為師十九歲披薙研北居

住嘉興保壽院志稿焚修勤學瑣錄潯北萬善庵始于明季

有東明永遠兩比丘尼募隙地于董氏創建殿宇康熙

中延陽山松濟住持二載癸巳復延智緣主方丈規制悉依雲棲株宏之法志稿駐錫萬善數十年瑣錄

已上尼

志十五 方外

八

職官

湖州府鹽漕水利湖捕通判

汪曰楨撰

南潯鎮志十六

大清

乾隆

李思庚

湖北漢陽人監生九年任十一年三月移駐南潯十二年十月卸事

吳繼元

字季亭江蘇如皋人辛酉舉人十二年十月署十三年七月卸事

陳名榮

字木亭廣東澄海人貢生十三年七月任

周承芳

字紉蘭湖南平江人貢生二十五年二月任

左書

貢州人已酉舉人

愛山

滿洲鑲白旗人官學生四十五年任

范全忠

字補堂江蘇如皋人貢生

志十六 職官通判

時敏

滿洲正黃旗人五十八年任嘉慶三年升台州府同知

嘉慶 高大成

漢軍鑲黃旗人貢生三年十二月升補四年任

德甯

滿洲正紅旗人八年任

梁偉業

十一年署

石雲斗

字虛亭江西樂平人監生十一年七月選是年任二十五年三月出差押運十月

同任道光元年三月出差解餉八月回任四年七月告病門七月病痊回任六年三月出差解餉升廣西平樂府同知

王壽裕

字蔭之湖北蕪水人貢生署

陳昌宇

試用同知二十五年三月署九月卸事

趙瑞璧

試用同知二十五年九月署十月卸事

道光

陶定求

江蘇江甯人貢生運副改補通判元年三月署八月卸事

呂樹梅

安徽旌德人試用通判四年七月署閏七年二月復署十月卸事

顧偉烈

江蘇吳縣人監生布政司照磨六年三月署十二月卸事

唐古泰

滿洲正藍旗人監生六年九月選十二月署任七年四月出差押運十年正月回任四月卒于任

明楓

滿洲鑲白旗人監生試用運判七年四月署八年十二月卸事

馮鍾洛

江蘇通州人監生試用運判八年十二月署十年正月卸事

崔曾益

試用通判十年閏四月署十月卸事

項兆松

江西彭澤人辛巳舉人十年十月任十一年十二月丁憂十二年正月卸事

志十六 職官通判

祝普慶

試用同知十二年正月署六月卸事

明文

漢軍鑲黃旗人十二年六月任十三年三月出差解餉九月回任十四年四月卒于任

馬兆椿

坐補處州府同知十三年三月署九月卸事

楊春煦

試用布政司理問十四年五月署十月卸事

陳天瑞

字輯五漢軍正白旗人附監生十四年六月選十月署任十五年三月委署杭州理

事同知七月回任十六年二月出差解餉引十月回任十七年二月委署嘉興理事同知十八年十月回任十九年三月復署嘉興理事同知二十一年八月回任二十二年二月出差辦架木十二月回任二十三年十一月丁憂十二月卸事

蔣恩銘

試用運判十五年三月署七月卸事

郭培榮 議敘布政司理問十七年二月署十八年二月卸事

鄧承恩 試用運副十九年三月署十二月卸事

徐久道 試用同知二十年七月署二十一年三月卒于任

劉震 試用運副二十一年閏三月署八月卸事

黃宗貴 試用運判二十二年二月署十二月卸事

章兆濂 試用布政司理問二十三年十二月署二十四年三月卸事

許亦清 號問渠順天宛平人監生二十三年十一月選二十四年三月任十二月出差解

湯世勳 試用運副二十四年十二月署二十五年二月卸事

陳凍 試用布政司庫大使二十六年五月署十一月卸事

夏世堂 字无針福建建寧人優貢生二十六年五月選十一月任三十一年四月卒于任

傅化南 試用按察司經歷三十年五月署十二月卸事

江允康 號松圃安徽黟縣人監生三十年六月選十二月任咸豐七年五月捐升知府留浙候補

湯成烈 號果卿直隸清苑籍江蘇武進人辛卯舉人候補同知七年五月署十月卸事

劉奎卯 河南尉氏人附貢生七年十月任

後潘司巡檢 潘溪文獻曰潘之設官自趙宋始明初置稅課驛館旋設旋罷跡類雪鴻其後起而歷久者惟巡檢一員然名同于宋元而權不逮論官方者或忽之矣洪武中有諭各處巡檢救日朕設巡檢扼要道驗關津必士民之樂業致商旅之無難然古法之良未經點督今特差人詣所在論以巡防有道議察多方有能堅守是職鎮靖所司役滿來朝朕必嘉焉故茲敕諭噫何其責之者重以周也嘗聞一

志十六 職官通列

三

命之士苟存心于愛物於人必有所濟且朝廷豈漫樹此刺員聽尸素也哉夫重視官則居官者亦自重故巡司題名不可失也○按宋元設官惟咸淳五年有權鎮知丞文林見朱氏厚德遺言咸淳六年有承節郎監安吉州南溥鎮事陳榮見嘉應廟救牒碑至正二十年有萬戶徐某至正二十一年有前南溥鎮儒學教諭楊天顯並見修南溥城碑記又有副帥許某見通利橋碑記至正二十二年有偽吳守將王勝時已駐南溥元代名氏亦俱無徵後潘村巡檢元置明程縣巡檢有李舉沅陵人曾邦泰編清人冷應龍南昌人周思祖臨川人張守謙巢縣人賀應賓休甯人林大紀福建人蔡自明德化人余愷新淦人張萬成金壇人程繼昌歙縣人王有朝建平人葉盛徐州人林大夏莆田人李榛丹徒人周文彬武陵人凡十六人又有于先志順天人胡大順江西人萬應秋宣城人揚執中雲南人梅先春曲靖人周文聰懷甯人此六人府志在順治康熙間縣志並在明代并前計之僅止二十二人閱二百七十餘年之久缺略已多又後潘司與大錢司併載無從分析文獻成于順治初

志十六 職官巡檢

四

為時差近且云題名不可失而其書題名仍缺故明以前職官不復列表附載于此至駐防題名舊志並缺今以無從徵

順治 羅文選 江南青陽籍江西南昌人三年任七年任滿給由赴部

魏景星 陝西富平人十七年任

康熙 彭可久 湖廣巴陵人四年任

陳其忠 江南寶應人七年任九年因案去任

吳枋 江南歙縣人九年任

蔡國臣 陝西三原人吏員十六年任

李枝芳 順天良鄉人

葛金標 直隸景州人

周國興 順天大興人

傅國光 河南人

潘林加 江南江甯人

魯洪圖 順天大興人

李恩玉 山西陽城人

李仲 山西人

周國勳 順天宛平人○按范志作周國興謬

孫倫秩 本府司獄六十一年署○按一作秩倫

雍正 王國標 山西人○按范志作周國標謬

南潯司巡檢

志十六 職官巡檢

五

乾隆 何廷舉 順天大興人元年任四年詳請後潘司改南潯司○按一作直隸天津人

毛士義 山西人本縣大錢司巡檢四年署

曹進 山西人四年任是年起建衙署

楊篤恭 甘肅人七年任

趙連城 順天文安人八年任

錢以禮 安徽人十二年遷未蒞任

舒世纓 安徽旌德人十三年任

羅定朝 四川岳池人十七年九月任

陳基飛 安徽池州人二十五年任

練成平 廣東人

裴元謨 江西新建人

丁觀堯 順天宛平人

朱應豹 順天大興籍江蘇儀徵人

陳汝欽 四川金堂人

陳大龍 湖北漢陽人

嘉慶 田正開 湖南永定人監生二年任

吳敬燾 江西人

羅應垣 廣東新會人

張鳳來 字少良號巢閣陝西人十八年任二十五年六月卒于任

張謙洛 試用主簿二十五年六月署七月卸事

志十六 職官巡檢

六

馮光周 試用從九品二十五年七月署十一月卸事

汪疇 號竹香安徽休甯人監生二十五年九月調任十一月蒞任道光三年四月奉滿赴驗五月

徐鐸 本縣大錢司巡檢三年四月署五月卸事

張森 試用從九品三年十二月署四年八月卸事

唐允模 本縣主簿八年十月署十一月卸事

屠道澤 試用未入流十年十二月署十一年五月卸事

胡次耕 字服田四川宜賓人吏員十一年三月補任二月回任十八年九月出差解餉十九年二月回任三月因案去任

洪廷樞 試用未入流十四年正月署十五年二月卸事

劉玉麒 試用未入流十八年九月署十九年二月卸事

徐紹芬 本縣縣丞十九年三月署四月卸事

張炳鍾 試用從九品十九年四月署二十年四月卸事

盛朝卿 貴州石阡人附監生二十年三月補四月卸任二十三年閏七月調辦開差九月回任二十五年十一月卒于任

孟傳綸 本縣主簿二十三年閏七月署九月卸事

周貽綬 試用州吏目二十五年十一月署十二月卸事

劉春臺 試用未入流二十五年十二月署二十六年十二月卸事

唐厚載 江蘇吳縣人監生二十六年六月選十二月卸任二十八年十二月迴避卸事

高卿培 試用未入流二十八年十二月署三十年正月卸事

志十六 職官巡檢

張廷瑤 試用從九品三十年正月署八月卸事

姚紹煦 湖北江夏人吏員二十九年十月調三十年八月卸任咸豐二年八月調省差委

畢光昭 山東文登人試用未入流二年八月署三年二月卸事八月復署四年十二月卒于任

周信河 江蘇吳縣人吏員二年十月調三年二月卸任八月丁憂

包容 試用縣丞四年十二月署是月卸事

胡元勳 字立成湖南安鄉人監生四年五月補是年十二月卸任五年五月卸事八年六月卸任

程國光 江蘇金山人本縣縣丞五年五月署八月卸事

查炳文 江西義甯人本縣大錢司巡檢五年八月卸事

李嘉謨 江西金谿人王環廳王環司巡檢五年十月署七年五月卸事

林汝霖 福建侯官人試用從九品七年五月署八年五月卸事

曾傳保 湖北江夏人補用從九品八年五月署六月卒于任

志十六 職官巡檢

八

選舉

汪曰楨撰

南潯鎮志十七

進士

宋

慶元二年丙辰鄒

應龍榜

張準

人物附傳

淳祐七年丁未張

淵微榜

朱栲

字元幸四川茶馬司都大提舉

明

永樂二年甲申補

行會試曾榮榜

張翼

人物附傳

嘉靖二十年辛丑

沈坤榜

董份

人物有傳

萬曆五年丁丑沈

懋學榜

張斗

人物有傳

萬曆八年庚辰張

懋修榜

董嗣成

道醇子人物有傳

志十七 選舉進士

萬曆十一年癸未

朱國祚榜

董道醇

份子人物附傳

萬曆十七年己丑

焦茲榜

朱國禎

人物有傳

萬曆二十三年乙

未朱之蕃榜

董嗣昭

人物附傳

萬曆二十九年辛

丑張以誠榜

華士嶸

人物有傳

按范志有范應期嘉靖己丑狀元
今攷應期居菁山後居府城未嘗
居潯故不錄

大清

順治十八年辛丑

馬世俊榜

殷維藩

字价人四川峨嵋知縣

康熙三十九年庚

辰汪繹榜

陸士涓

人物附傳

康熙五十四年乙

未徐陶璋榜

張鳴鈞

人物有傳

康熙五十七年戊

戊汪應銓榜

夏開衡

封泰弟人物附傳

雍正二年甲辰陳

惠華榜

夏封泰

歸安籍人物有傳

乾隆十六年辛未

吳鴻榜

董豐垣

歸安籍人物附傳

乾隆十七年壬申

恩科秦大士榜

紀復亨

河南商邱籍人物有傳

乾隆十九年甲戌

莊培四榜

丁麟

字炳中號香海直隸蠡縣知縣廣西賓州知州

乾隆二十二年丁

丑蔡以臺榜

吳巖

人物有傳

乾隆三十一年丙

戌張書勳榜

陸嵩高

歸安籍人物附傳

乾隆四十五年庚

子

吳寬

字峯青

恩科汪如洋榜

志十七 選舉進士

溫鶴立

字榮飛號陂田湖北大冶黃岡知縣戊子鄉試同考官福建崇安知縣

道光十六年丙申

恩科林鴻年榜

溫文禾

歸安籍字允嘉號稼生工部虞衡司領外主事

道光二十七年丁

未張之萬榜

龐公照

歸安籍字襄雲號楚漁湖南候補知縣

按范志有范景康康熙庚辰范琛淮

正甲辰徐林春道光己丑今並不

載

上舍釋褐附

宋

欽賜進士附

紹熙五年甲寅

張定

上舍釋褐狀元人物附傳

大清

乾隆六十年乙卯 恩賜翰
溫大鶴 字雲泉 以年逾八十 恩賜翰
林院檢討

武進士 附

大清

雍正元年癸卯 恩科
許燮 字公調 御前侍衛

舉人

明

永樂元年癸未 補行鄉試
張翼 見進士

成化七年辛卯 張祐 字元吉 福建泉州府通判

治八年乙卯 張泉 字紫陽 湖廣石首知縣

治十七年甲子 沈淵 字文源 號澗溪 廣東乳源知縣

志十七

嘉靖十六年丁酉 董份 見進士

嘉靖二十五年丙午 紀濂 人物有傳

嘉靖三十一年壬子 陸充齡 人物有傳

隆慶四年庚午 陸德望 充齡子 應天中式 改名以載 人物附傳

萬曆元年癸酉 董道醇 份子 應天中式 見進士

萬曆四年丙子 張斗 見進士

萬曆七年己卯 董嗣成 道醇子 見進士

萬曆十年壬午 溫允治 字懋繩 號念衡 一號彥衡

按范志是科有申用嘉係吳縣申時行子董道醇之婿雖湖州籍非潯人

萬曆十三年乙酉 董永錫 字素存 號青霞 本姓崔 吳江七都人 出繼董氏

萬曆十六年戊子 朱國禎 見進士

沈鼎臣 一作鼎玉 字君實 號梅石 國子監道醇子 見進士

董嗣昭 道醇子 見進士

華士嶸 見進士

丁樹本 人物附傳

莊日宣 人物有傳

董中憲 歸安籍 順天中式 復姓吳 改名時憲 字公敏 江西南昌府同知 宗人府經歷 按府志 戊子有吳中憲 號蒼華 烏程籍 吳江人 順天中式 宗人府經歷 甲午又有吳時憲 歸安人 順天中式 誤以一人為兩人 今從劉高兩縣志

志十七

萬曆四十年壬子 吳中穎 人物附傳

天啓元年辛酉 陸樹本 字道生 號丹霞

天啓四年甲子 張光午 字劍水 一作見水 號吾若 一作五若 錢塘教諭 南直隸 盧江知縣 按文獻云 初名光斗 放光斗為張斗 初名非光午也

崇禎三年庚午 方晉明 字孟昭

屠宏傳 字禹若 號聖真 順天中式 金華教諭 自新 城遷潯 按舊志是科有沈選 係杭州人 後寓于潯 故張志及府縣志不載

順治十一年甲午 董衡 順天中式 人物附傳

大清

順治十一年甲午 董衡 順天中式 人物附傳

順治十四年丁酉 **張中慮** 字仲行蘭溪教諭

莊允堡 吳江籍字季堅一作孟堅號珂月以科場事發遣後赦歸

順治十七年庚子 **殷維藩** 見進士

按范志有康熙辛酉范景係秀水人

康熙二十九年庚午 **沈平露** 字天與一作天裕號連山廣西西林知縣自吳江暫遷

康熙三十五年丙子 **張發** 中慮子字丹宸號湖山內閣中書舍人

康熙三十八年己卯 **陸士涓** 以載孫見進士

陸士潮 以載孫字起瀾號逸庵

康熙五十年辛卯 **張鳴鈞** 見進士

康熙五十二年癸巳 恩科 **夏封泰** 歸安籍見進士

志十七 選舉舉人 五

康熙五十三年甲午 **夏開衡** 按范志是科有范瓌秀水籍攷是時聚未居滬今不載

周大年 本姓倪由徽州遷滬錢塘商籍順天中式號東壺

康熙五十九年庚子 **董浩** 歸安籍人物附傳

按志彙錄正元年癸卯有金澳字斐縣中書舍人今攷吳興科第表與歷金澳字斐縣中書舍人今攷吳興科第表與歷仕表及封贈表之金澳字斐與歷同以疎貢官鳳臺訓導者同族同名同時同地而實非一人據刊本金遠亦未嘗改名也沈德潛撰序云遠青夙工舉子業有名諸生間金階升撰序云己未春抄從兄桐庵自鳳臺請假歸里則非舉人亦非中書也震澤縣志科第表云金澳字斐贈曹村人

湖州籍中第二名中書科中書又例仕表云金澳字遠青疏孫曹村人例貢生鳳臺訓導分折兩人甚明蓋遠青籍吳江然已自曹村遷滬子孫世為滬人矣斐雖籍烏程實則仍居曹村與滬無涉不應闕入滬志也

按范志是科有范逢堯係石門人今不載

雍正四年丙午 **董利見** 順天中式改名良弼字繡原一字秀閣號守齋江南英山知縣

按范志是科有范逢堯係石門人今不載

雍正七年己酉 **董炎** 滄州籍順天中式人物有傳

字虞在號廣堂自吳江入都遷滬

雍正十年壬子 **董球** 字東甌號卜亭

字東甌號卜亭

雍正十三年乙卯 **計士枚** 見進士

河南商邱籍順天中式見進士

志十七 選舉舉人 六

乾隆九年甲子 **董豐垣** 歸安籍見進士

豐垣弟歸安籍字過之號眉峯改

乾隆十二年丁卯 **徐德元** 歸安籍字遠三號芷堂四川彭山知縣漢州知州後遷居東郭兜

歸安籍字充持號懸圃甲戌明通

乾隆十五年庚午 **紀士玉** 榜湖南攸縣知縣

字健飛號詞齋臨安教諭

乾隆二十四年己卯 **陸高** 歸安籍見進士

見進士

乾隆二十五年庚辰 恩科 **溫鶴立** 同知

歸安籍字右之號恕堂一號望山

乾隆二十七年壬午 **范君儼** 山東夏津陽信縣知縣登州府

乾隆三十三年 張乾元 改名升吉人物有傳

乾隆三十五年 張震亨 人物附傳

吳寬 見進士

乾隆三十六年 范養浩 本姓朱字樂芹

乾隆三十九年 董攀龍 王錫子改名載昌字諤風號蒼舟

沈升嶠 歸安籍字方李一字筋齋號辛齋

乾隆四十二年 董王錫 歸安籍字恭甫號謙山稟貢生任

董一經 字寶傳號韋莊一號韋齋味縣訓

乾隆五十七年 董惇史 王錫子攀龍弟歸安籍字書廉號

嘉慶三年戊午 張珂 改名激人物附傳

嘉慶六年辛酉 董應椿 一經子字冠英號雲帆

嘉慶十二年丁卯 董襲 一經子應椿弟宛平籍順天中式字

嘉慶二十三年 馮鳴盛 人物附傳

董榮青 王錫孫歸安籍字午莊號小崑山

道光二年壬午 董恪 東郭兜後居弁山太子灣未嘗居

道光十一年辛卯 董榮椿 歸安籍字貫時號靜崖江蘇太倉

溫文禾 歸安籍見進士

道光十二年壬辰 紀五辰 更名用康字撫于號星樞

道光十七年丁酉 徐霖鈞 歸安籍字雨三號子雨

道光二十年庚子 邵湘 歸安籍字楚雲號雨帆

道光二十三年 龐公照 歸安籍見進士

道光二十四年 邵棠 湘弟歸安籍字樹嘉號勿亭

道光二十六年 孫斯詠 字永之號秋士

咸豐二年壬子 徐延祺 字引之號芷綬官學教習

注日楨 字仲維號謝城

咸豐八年戊午 陸鴻達 字楚蓀號恂友

欽賜舉人 附

志十七 選舉舉人

大清 乾隆五十九年 溫大鶴 年八十三 恩賜舉人見進士

道光十七年丁酉 丁殿金 字康侯號柳溪歸安籍年逾九十

武舉人 附○文獻曰前代重文輕武鄉試有不由庠

我薄於武途寂寂無聞至 國朝文武一體

於是講翰畧習騎射者鎮中不乏其人矣

大清 康熙五年丙午 孫旭 歸安籍後為僧名懸證方外有傳

康熙十一年壬子 紀官 人物附傳

康熙二十年辛酉 紀寅 人物附傳

紀志昌 字俊成

南潯鎮志 卷一七

康熙四十四年 沈文煒 字貞賢

康熙五十年辛卯 潘浩 字搖光

康熙五十三年 陳昭 字周

康熙五十六年 許燮 見進士○按文獻作庚子謄

雍正元年癸卯 楊開運 字主維

雍正二年甲辰 朱成 本姓陳後復姓以朱成為名字寶東
補行正科 山東平山衛千總

雍正七年己酉 紀廷輝 字虞求號牧庵江南興武衛千總
加守備銜

乾隆九年甲子 邢廷金 字瑞文號南村湖廣荊州衛千總

乾隆十二年丁卯 陳飛龍 字建南 一作孟超

志十七 選舉舉人

貢生

明

洪武口年 朱祖 烏程歲貢字從先直隸丹徒教諭

正統口年 金富 烏程歲貢南直隸溧陽訓導○按舊志
府縣志並作涪州訓導今據金恭慕謁
按范志有范麟成化時歲貢係秀水人
遷烏程范村與溧無涉

成化十四年 張正 烏程歲貢原名鍾字廷瑞湖廣蕪水知
縣後遷烏鎮○按府志作字廷瑞蕭縣

治十七年 董瓊 烏程恩貢字良玉號約軒南直隸蕭縣
訓導○按府志作蕭山謫

正德口年 丁元 烏程歲貢字樂山廣東惠州府推官

正德口年 董環 府學歲貢人物有傳○按府縣志皆在
正德時無年分董志作正德壬午致正
德止于十六年辛巳無壬午

嘉靖元年壬午 陸元吉 烏程恩貢號槎川北直隸滿城知縣

嘉靖三十四年 董斯民 府學副榜字心夫號勉齋

嘉靖四十四年 董斯民 復中副榜

嘉靖口年 吳在川 烏程歲貢

隆慶二年戊辰 尤應祥 府學恩貢字鳳岡湖廣沅州通判○
按舊志及府縣志皆作蘇州謫

隆慶五年辛未 張鏞 府學歲貢字劍臺桐鄉訓導○按府縣
志並云萬曆中貢官教授

萬曆九年辛巳 紀鴻 府學歲貢字宗禹號紹泉嘉興府訓導
定海縣訓導

萬曆十二年 紀有章 烏程歲貢字子達號華山順天宛平
知縣○按子達一作子達

萬曆二十二年 董嗣茂 烏程副榜字仲培號方白

萬曆二十八 莊日益 府學副榜字懋謙號澄我○按范志
作甲午謫

萬曆三十三年 張光治 烏程恩貢字春冶金華縣訓導江西
會昌教諭南直隸淮安府教授○按
范志作乙未歲貢董志作會昌知縣並謫

萬曆三十五年 陳王猷 烏程歲貢字爾嘉象山開化訓導廣
東萬州學正

萬曆四十年 董廷勛 烏程副榜字巨能號元常○按廷勛
入南雍又中副榜未詳何年

張明起 烏程副榜字順之號元升鄞縣教諭

張明起 復中副榜

萬曆四十六 張明起 復中副榜

泰昌元年庚申 紀縱羣 烏程恩貢人物附傳
按鴻幢小品有沈汶早貢為博士當在
萬曆中府縣志並不載

天啓七年丁卯 張廷薦 府學恩貢字二溟號念真天台訓導
景甯教諭嚴州府教授准王府審理

崇禎元年戊辰 屠宏 烏程恩貢見舉人

崇禎十年丁
陸兆魯府學歲貢號嵩阿○按陸氏譜作丙
崇禎十七年
董式烏程歲貢人物附傳

按莊允城歲貢莊廷纘拔貢當在明末
蘇湖二府志並諱而不載不知確在何
年又夏允楨明季貢入成均疑是例貢
故不錄

大清

順治五年戊
陸錫烏程拔貢人物有傳○按或作丁亥恩

順治八年辛
陸律吳江拔貢字吹元號嶢公江西廣信府

順治十一年
莊允坤吳江歲貢字君備自吳江五都遷滬

順治十四年
張應綸府學歲貢字言如號繹庵龍泉訓導

丁酉
章兆聖烏程歲貢字鳳鳴

志十七 選舉貢生

康熙元年壬
閔平府學歲貢本姓朱字上本其先原長興

康熙十一年
董思府學歲貢人物有傳○按張董范三志

康熙十六年
齊治烏程歲貢字康成○按府縣志作丙辰

康熙十八年
潘士培烏程歲貢字培之○按文獻作歸安

康熙十九年
董奕相府學歲貢字梁禹號生洲義烏臨安

康熙二十年
方毅府學歲貢人物附傳

康熙二十四
董志階歸安拔貢人物有傳

康熙二十六
朱奎烏程副榜字文朗

康熙二十七
章彝烏程歲貢字周開

康熙三十六
吳士冕安吉拔貢字周服

康熙三十七
沈慎初安吉歲貢本姓莊字銘之桐鄉訓導

康熙三十八
莊蘊和府學歲貢字子恂○按因病不及試

康熙四十四
錢子生府學歲貢字開周

康熙四十五
曹爾价烏程歲貢人物附傳○沈登瀛曰按

康熙五十二
沈國正安吉歲貢字滄孺號元一臨海訓導

康熙五十五
夏光遠安吉歲貢人物附傳○按董志范志

康熙五十七
沈瓚功歸安歲貢字錫粵○按范志作瓚功字錫暢

康熙五十七
沈瓚功八都遷滬○按范志作瓚功字錫暢

雍正元年癸
陸寶持湖州府歲貢字位仁號雲虹松陽訓導

雍正元年癸
陸瑣桐鄉歲貢字西澗

雍正四年丙
陳亮仁和副榜本姓董後復姓以陳亮為名

雍正七年己
王起鵬歸安拔貢人物有傳又見薦舉

雍正七年己
董承勳烏程副榜人物有傳

張文白

涪州副榜本姓董後復姓字洛菲一

沈雄鳴

府學歲貢字律元○按縣志在乾隆

董彙吉

烏程副榜字泰茹號淳庵

計成

烏程恩貢字永思號南林居士

張宗洙

烏程副榜順天中式見廢龔

董金城

府學拔貢歸安籍字亢之號少客

王三鳳

府學歲貢歸安籍字武源

范君儼

府學副榜見舉人

董希輅

烏程歲貢字泉懷號蓮臺

楊素槐

烏程歲貢字立庭

志十七

選舉貢生

錢存忠

歸安副榜字青虬

沈豐岐

歸安歲貢字大宗號易齋

韓峯

府學歲貢字醇甫

陸賢英

歸安歲貢字翁啓號廉石

紀豹文

府學恩貢字幼廉號蔚巖又號務隱

董肇鎬

烏程歲貢字思贊號月橋

吳檢

烏程副榜字繩青一作應青號省齋

張宗灝

府學恩貢字幼梁

張鑑

按范志有沈駿發嘉慶戊午歸安歲貢

嘉慶六年辛酉

張鑑

由拔貢復中副榜

楊鳴琴

府學歲貢字南薰

溫琪

按范志有范怡曾嘉興府歲貢秀水人

殷鏘

烏程副榜字鳴球號石溪

夏其炳

府學副榜字楓宜

董桐儀

府學恩貢字輝威號丹岑

丁宸

歸安恩貢字邦佐號若木

溫文禾

歸安副榜見進士

吳汝雯

府學拔貢歸安籍字書裁號半峯又

志十七

號棟農

孫燮

府學歲貢人物有傳

紀奎光

烏程歲貢字樹門號研香

丁殿金

歸安籍年逾八十 欽賜副貢見舉

沈垚

按范志有沈樹楷歸安歲貢係輯里人

范建中

今不載

張一士

府學歲貢初名理將字福曾

張秉純

烏程歲貢字佑成號雨庵

陸長春

烏程副榜字向榮號舜香又號簡士

范允中

自詩南南將港遷海

道光十四年

道光十五年

道光十六年

道光二十一年

道光二十四

道光二十六年

道光二十六年

道光二十六年

道光二十六年

道光二十六年

道光二十六年

道光二十六年

道光二十六年

道光二十六年

道光二十六年

道光二十七年 溫文炳 烏程歲貢字邠如號澄生

咸豐四年甲寅 張燮章 烏程恩貢字煥綸號筱軒

咸豐五年乙卯 徐延城 歸安優貢字培之號管花

咸豐七年丁巳 陸鈞 烏程歲貢字蘊山號玉如

薦舉

宋

華初成 淳熙中以經義薦官至兵部尚書人物附傳

華文勝 寶祐中以人才舉為江州幹辦公事人物有傳

華元實 景定末舉著作郎不受人物附傳

朱材 以鄉貢薦為建康府通判後為僧號法通○按材即華文勝女婿華氏傳芳錄作朱林朱氏譜作材

華輿 德祐中以薦為定遠主簿人物附傳

元

史溥 世祖時徵辟不就人物有傳○按溥本宋遺民其徵辟則在元代故傳入宋表入元餘仿此

張禴 由徵辟任國子監學錄

龐樸 元初徵授翰林修撰人物有傳

華欽 元初以博學薦授明州教授又以經術精通薦為國子博士人物附傳

明

華裕昆 太祖起兵辟為副練使人物有傳

董仁壽 明初三徵不就人物有傳

張士諒 洪武六年徵召隱逸不應人物有傳

張立 洪武八年徵召賢良任國子監學錄人物附傳

丁時庸 字顯卿洪武時徵召授國子監學錄自吳江儒林里遷海西之裝莊

華天民 以隱逸薦不就人物附傳

陳謨 以醫學薦為太醫院官人物附傳

張洪 治中舉賢良授王府紀善人物有傳

趙金 正德中徵奇能隱士不起又徵書畫士亦不應人物有傳

陳元器 以醫學薦為太醫院官人物附傳

夏廷秀 由諸生薦醫學任太醫院院判人物附傳

大清

董漢策 康熙十一年由廩貢生薦舉賢良方正山林隱逸人物有傳

凌一鳳 以醫術薦授太醫院院判歸安籍籍人物有傳

王起鵬 雍正十二年由陝西清澗知縣薦舉博學鴻詞歸安籍籍人物有傳

按舊志有董煥郡縣兩舉鴻博今攷未列薦章故不載

歷仕 按已見前表者不復載

宋

張茂宗 徽宗時知漳州人物有傳

朱宣 任評事

張良嗣 御前提舉所使臣

元

褚天祐 字善甫號友竹官致諭

張士諒 官提舉人物有傳又見薦舉

明

朱英 官鹽提舉

陸元祥 監生南京北城兵馬司副指揮

丁寅 字士諒號晴隱監生廣東市舶提舉

紀滔 改名順卿字宗輔號荻塘府學生歸安籍充浙江都司吏北直隸保定衛知事元城縣丞以裁缺告歸○按歸安縣志史代表作紀順卿任斷事

董椿齡 字秀夫號近山吳江籍附貢生教諭國子監學錄宗人府經歷

董嗣忠 字與明號一吾廩監生鴻臚寺序班

張鏜 字東園廩貢生南京武學訓導

志十七 選舉歷仕

七

楊文度 監生內閣中書舍人

張白脩 原名思文字雲臺一字子翼附監生西城兵馬司副指揮南直隸崑山縣丞長洲主簿

華仁源 廩貢生南直隸桃源縣丞人物附傳

紀象台 字汝瞻號宜符廩監生廣西河池州同宜山荔波忻城隆安知縣○按縣志作池州同知諱

大清

董渠成 字綺莊號芭庵附貢生江南六安州同署府都司經歷

董開京 廩貢生江西吉安府通判人物有傳

孫爾琦 字錫疇監生陝西秦州州判

倪璠 錢塘籍附貢生工部虞衡司員外郎人物附傳

陸方山 字衡南號鶴亭吳江籍附貢生江南蒙城訓導雍正乙巳奉旨教官不得例貢授職改選雜職歸

董正誼 字義三廩貢生溫州府訓導乙巳改選歸

程時 字芳霖杭州籍附貢生壽昌訓導乙巳改選歸

潘尚智 字若愚監生河工效用河南儀封縣丞江南高郵州判淮安府同知淮徐河道雍正己酉以病帑卒山陽獄中

潘尚仁 字安之號似山監生河工效用河南懷慶河捕通判開封北河同知奉天錦州知府

沈樞 字方升號雪門例貢生福建南安縣長泰漳浦候官浦城知縣

金澳 字遂青號桐庵吳江籍廩貢生安徽鳳臺訓導自曹村遷居

范昭遠 字士宏監生河工效力江蘇桃源主簿

范昭遠 監生安徽盱眙縣丞

紀曾猷 字有南河工效力議敘署徐州郭汛千總

志十七 選舉歷仕

六

倪雲路 字黃山監生河南信陽州吏目江蘇溧水典史

紀睿思 字心融號隨安監生以州同南河効用管江蘇宿遷歸仁司巡檢山旰通判

褚振麟 吏員任巡檢○按此已補缺而地名無攷

莊學蘇 字似眉吏員雲南定遠典史

張起龍 字君錫監生雲南石屏州吏目福建興化府照磨

董鐘 字鼎聲號省齋例貢生河南布政司經歷

沈之浦 字又漳監生湖南湘鄉縣丞江蘇上元知縣廣東惠州府通判象州府同知

夏載華 字指西例貢生四川安縣知縣

董啓埏 字雲衢一字雲溪號秋樹例貢生雲南雲南府通判南城兵馬司正指揮福建邵武府同知臺灣府南路海防同知署諸羅知縣乾隆丙午與于銳並死林爽文之亂

董啓嘉 字翼之號樸齋例貢生廣東肇慶府通判四川成都府通判湖北漢陽府通判湖南辰州府通判

董王錫 見舉人

潘履恆 字奉時監生江蘇六合典史

溫翼 字端甫廩貢生衢州府訓導

金大鯤 字浸干號春濤附貢生湖北德安府同知

計澹 字澹之監生安徽霍邱典史

徐繩振 字寶之監生安徽鳳陽府稅課大使

徐繩玉 字芳廷號鐵夫監生 四庫館議敘縣丞福建壽寧知縣

歸鸞 字鎔金廩貢生署武義教諭

溫一純 字蒞玉號撲堂監生兵部車駕司額外主事

志十七 選舉歷仕

董宗海 字鯤飛號慶庭廩貢生署壽昌訓導遂安秀水教諭嚴州府教授

徐愷 改名炳廷字丹言附監生湖北江陵江夏縣丞竹溪黃陂知縣江西上饒知縣

紀咸熙 字開禧監生四川永川典史

溫邦達 字東園監生江西布政司理問隨將軍賽沖阿赴福建臺灣查辦滋事餘匪積勞成疾卒 賜葬銀廕子官主簿

徐垣 字管若監生江蘇候補從九品○按此會署任而地名無攷

符峻巖 字春泉試生改監生江西候補從九品署巡檢○按署任地名無攷

金辰 字文啓號菊如監生署湖北江夏縣丞

范章泗 字文波監生安徽巡檢署休甯縣丞山東候補縣丞

董炳謨 初名辰謨字定詩號春坪附監生署福建詔安南平典史邵武水口巡檢崇安五夫村巡檢

董淦 字農枚號可園供事廣東永安馴雉里巡檢

董金聲 字澤川號壽萱監生山東海陽行村案巡檢兗州府同知文登威海司巡檢

紀右堂 字錦章監生江西巡檢署新喻典史

程備 字遠三號康泉桐鄉籍監生奉天甯遠州中後所巡檢城巡檢管司獄事捐陞府經歷

張鉞 字映房號仙槎附監生湖北宣恩東鄉鎮巡檢

錢樹森 原名元楷字品陶號月琴附貢生麗水訓導

董端成 字子衡號硯香供事山東鉅野通濟開官濟甯天井同官

董慶元 字引之號味菘附貢生慈溪訓導

張泳 字鑾甫號一帆又號星六監生江蘇縣丞署高淳典史代理高淳知縣又署江甯府經歷

范炳中 字 號仰泉監生江蘇宿遷縣丞署溧陽知縣

志十七 選舉歷仕

蔣維鏞 初名維壻字崇如號竹平歸安籍監生雲南路南知州

蔣維壻 字次言號靜洲監生江蘇縣丞署太倉州同奉賢縣丞常州府知事捐升同知

錢炳熙 字允澗號穎蘭歸安籍廩貢生湖北武昌知縣

錢恩綬 字鸞伯號嘯蘇監生安徽建平梅渚巡檢

程孟熙 字 供事直隸肅甯典史

董徵微 初名照寰字孟垣號月卿監生山東泗水典史

朱瑞瑩 字士玉號蘭莢附貢生署桐廬訓導

封贈

宋

華天保 以子初成贈光祿大夫

張茂宗 以孫準贈祿閣待制以孫定贈龍圖閣直學士清河郡伯人物有傳○按祖既有贈則父亦當封贈而府縣志並不載茂宗之子何名

明

張仲文 以子翼贈奉政大夫廣西按察僉事

張濟 字振源以子祐贈承德郎福建泉州府通判

丁璋 字公瑜以子元贈承德郎惠州府推官

董庠 以孫份贈通議大夫吏部侍郎人物附傳

董環 以子份贈通議大夫吏部侍郎人物有傳

陸巖 號蘭谷以子元吉封文林郎滿城知縣

紀廷鉞 一名鉞以子濂贈奉直大夫光州知州人物附傳

志十七 選舉封贈

陸元吉 以子充贈文林郎高安知縣見貢生表

尤素 字養真以子應祥贈承德郎沅州通判

張星 字壽嚴以子錫馳贈修職郎桐鄉教諭

陸充齡 以子以載贈文林郎福安知縣人物有傳

朱震 字民畏以曾孫國禎贈光祿大夫少師建極殿大學士

朱經 字朝綱號月溪以孫國禎贈光祿大夫少師建極殿大學士

朱守愚 以子國禎贈光祿大夫少師建極殿大學士人物有傳

華尙能 字薛岡以子士尊贈文林郎建甯知縣

莊思 以子口宣贈中憲大夫廣西桂林兵巡道按察副使人物附傳

丁繼芳 字震陽以子樹本贈奉直大夫泰安知州

董道醇 天啓中以子嗣成追贈奉直大夫光祿寺少卿

張錫 字東郊縣學生以子光治贈文林郎淮王府教授

張鉅 字介石縣學生以子斗贈中憲大夫荊州知府○按府志作張柏謫

張鏢 字左橋縣學生以子光午贈文林郎廬江知縣

張光弼 字春池縣學生以子明起馳贈修職郎鄞縣教諭

張光洽 以子廷薦贈承德郎淮王府審理見貢生表

大清

董式 以子渠成贈承德郎雲南都司經歷人物附傳

張明佐 字方岳縣學生以子中慮馳贈修職郎蘭溪教諭

董漢策 以子聞京封承德郎吉交通判以孫承勳馳贈中憲大夫直隸分巡天津道按察副使人物有傳

志十七 選舉封贈

張廷燁 以孫鳴鈞贈通奉大夫直隸布政使

張輯玉 字來侯以子鳴鈞贈通奉大夫直隸布政使

潘文福 字用五號天成山人以子尚智贈奉政大夫淮安同知

紀錫 字扶嘉以子寅贈明威將軍徐州衛守備

張中慮 以子發贈文林郎內閣中書舍人見舉人表

陸廣 字涌萬縣學生以子士渭贈文林郎建平知縣

孫傑 一作孫冠字彥英以子爾琦贈徵仕郎秦州州判

夏光遠 以子開衡封文林郎翰林院編修人物附傳

沈毓秀 字奉橋以孫棟馳贈文林郎漳浦知縣

沈謙 字六階以子棟贈文林郎漳浦知縣

王佳峻

以子起鵬封文林郎清澗知縣

邢基

字聖開府學生以子廷金贈武信佐郎荆州衛千總

董師植

以子(送)封文林郎華容知縣人物附傳○按縣志作董斯宜謬

董友松

以子承勳贈中憲大夫直隸分巡天津道按察副使人物附傳

董志林

字媚存號萼園例貢生以子良弼贈文林郎英山知縣

張廷植

字紫垣縣學廩生以子應綸贈贈修職郎龍泉訓導

董熈

以子豐垣贈文林郎扶溝知縣人物有傳

紀年

以曾孫復亨贈中議大夫太僕寺少卿人物有傳

紀永命

字新周以孫復亨贈中議大夫太僕寺少卿

紀雲錦

字卿今以子復亨贈中議大夫太僕寺少卿

志十七 選舉封贈

董

吳士榛

字魯臣以子巖封中憲大夫刑部郎中

董景吉

以子王錫馳贈修職郎金華教諭見貢生表

陸允中

字受祥以孫嵩高贈文林郎太平知縣

陸駿

字逸几號樂山以子嵩高贈文林郎太平知縣

丁枝玉

字梅一以子麟贈文林郎蓋縣知縣

徐祖蔭

字越森號松亭例貢生以子德元封文林郎彭山知縣

董浩

以外孫石門吳震起贈朝議大夫刑部福建司員外郎人物附傳

范昭遠

以子君傑贈文林郎陽信知縣見歷仕表

金澳

以孫大鯤贈奉政大夫德安同知見歷仕表

金樸

字含章以子大鯤贈奉政大夫德安同知

按舊志有溫大鶴以子翼馳贈修職郎攷大鶴係恩賜檢討何以轉贈訓導必謬

張文光

字聲遠號剛峯縣學生以孫升吉贈文林郎鳳山知縣

張三槐

字佑庭號古愚歸安學生以子升吉贈文林郎鳳山知縣

沈受彤

以子升嶠馳封修職郎景園教諭

董鏞

字大聲號備堂例貢生以子一經馳贈修職郎嶧縣訓導

張豐亨

字慶來號歐亭府學生以子澈封修職郎鄞縣教諭

溫國標

字冠南以子一純封奉直大夫兵部主事

紀廷琬

以子咸熙馳贈登仕佐郎永川典史

董銓

字掌衡以子金聲馳贈登仕佐郎兗州府司獄

程亨南

以子備馳贈登仕佐郎(甯)遠州中後所巡檢

志十七 選舉封贈

董

董孔銘

字循甫以孫榮椿馳贈奉直大夫太倉州同

董英

字望周縣學生以子榮椿贈奉直大夫太倉州同

應襲

明

張昂

字秋田以父洪應監生禮部主事

董廷勛

以曾祖份廕監生見貢生表

朱絳

以父國禎廕五軍都督府都事一作內閣中書舍人人物附傳

朱紳

以父國禎廕中書科中書舍人人物附傳

朱錫如

以祖國禎廕中書科中書舍人人物附傳

朱鑑如

以祖國禎廕中書科中書舍人一作後軍都督府都事人物附傳

朱鎔如 以祖國禎廕五軍都督府都事人物附傳

大清

張宗洙 字魯巖副貢生以父鳴鈞廕陳州府通判又見貢

溫嗣昌 字應奎以嗣父邦達廕主簿

志十七 選舉廕巖

五

補遺

舉人

大清

咸豐九年己未 吳桂森 字魯山號友蘭 恩科

創設賓興公呈南海縣捐局董事金載錫朱養誠蔣堂邵湘邵藩張亦賢呈為創設賓興事南海鎮自成豐四年設局抽捐蒙前府憲王於抽捐項內以一分派作本鎮義舉四釐作局費七年五月又奉前府憲梁減改五釐義舉二釐局費董等曾將歷年遵提義舉採辦積米設立善堂郵發義塾及募勇保衛每年

志十七 選舉

某

四月終彙銷備核在案茲據舉人徐霖鈞等到局議及每屆鄉試之期因近年米珠薪桂士窘資斧就試未能竊謂眾善奉行而先務為急何不推廣憲恩於義舉項下酌提數千串創設賓興俾寒士歡顏咸遂觀光之志等情董等公同酌議將上年義舉項下提出制錢壹仟伍佰仟文分存生息以每年八釐起息核算三年可得叁佰陸拾仟文仿照各郡賓興章程只遇正科給發計向來鎮內應試人數約有六七十人議定每人各給錢伍仟文上屆戊午科不及提息已先於壹仟伍佰仟外另提分給嗣後自辛酉科起

凡遇正科提息接給永照此式咸豐九年二月奉府
憲馬批查絲捐扣提義舉本為地方善事而設而善
事之大誠莫過於嘉惠士林據稟提錢壹仟伍佰串
以生息作寶興之用甚為妥洽准予備案以垂久遠
可也

志十七

選舉

老

節烈

汪曰楨撰

南潯鎮志十八

元

張二孃

宋季南潯人嫁吳江十都陳熙載孝事舅姑和睦
宗族夫亡無子父母憐其少欲為改適張守志不
可奪久之乃立夫姪文煥為子教養如己出逮至成立
而張年已八十餘矣元貞初震澤巡檢王守讓震澤
鎮學教諭賈復為上其事大德二年始旌其門閭○按
潯女可攻者無幾舊志或載或否今一例載入不復分
析後仿此

明

蔣氏

董儒繼妻嘉靖時孀居苦節

朱氏

生員范某妻朱經女少師國禎之姑也歸范甫週嘉
靖癸亥年二十一夫卒慟絕乃集內外戚屬請後于
舅姑孤立中絕復遭舅姑之喪遷徙流離半畝之宮不
蔽風雨鄉人式其門曰斯非范節婦居耶何不幸如是

志十八

節烈

一

國禎初貴以父喪歸氏謂之日若將以貴重耶發聞布
衣之士賢于肉食者多矣子之父是也其毋忘父之所
欲為者國禎唯曰謹受教守節三十四年卒國禎誄
其行劉宗周為撰傳萬曆二十七年旌表祀府學節孝
祠

吳氏

沈之壘妻嘉靖丙寅之壘溺死氏年十九撫嗣子汝
者貸金十鬻妻以償氏聞亟還金贖之盜入室氏厲聲
曰我沈門老寡婦刀不去手犯即自刺盜駭愕散去人
服其膽識祀府學節孝祠

徐氏

生員紀有經妻萬曆癸酉年二十七夫亡無子唯撫
一女兒即紀貞女也守節十餘年卒

陳氏

董俊妻萬曆時旌貞節

蔣氏

生員莊日強妻年二十八夫亡遺孤甫三歲家貧父
值歲饑晨昏紡績僅餬其子而身甘窮餒迨日強弟
日宣貴欲請表其節氏不欲以節自顯力止之祀府學
節孝祠

龔氏 董仁妻夫故矢節縣給扁旌祀府學節孝祠

吳氏 紀有微妻萬國丙子年二十四夫亡子象衡甫生兩月撫育成立姑臥病數載調攝侍奉始終不怠守節二十四年

張氏 王某繼妻王贊國之高祖母也婚十八日夫亡撫前

李氏 進士董嗣昭妻嘉興王店李原中女萬國乙未年十

茅氏 附監生董嗣昭妻歸安花林茅國縉女萬國丙午年

吳氏 華梅巖妻吳江震澤鎮吳少堂女萬國戊申夫亡撫

沈氏 朱縉妻給事中沈之唸女少師國縉之子婦也夫有國頑亟稱之

志十八 節烈

費氏 華仁泳妻費兆元女年二十七夫亡撫孤守節十餘

已上前代節婦

紀氏 金來聘聘妻生員紀有經女未嫁夫亡聞計欲奔喪

蔣氏 蔣衡陽女許字未婚夫亡矢志甘貧苦節

已上前代貞女

蕭氏 表洪妻嘉靖丙午夫婦同殉節于波官署旌

陳氏 張洪妾與嫡妻蕭氏同殉節旌表祀府學節孝祠

王氏 廩生朱鎔如妻以哭夫斷腸死詳人物朱國禎傳祀

顧氏 明副榜董廷助繼妻歸安瑤莊顧爾祿女崇禎壬申

潘氏 紀懋才妻崇禎辛巳年二十九夫亡撫孤守節二十

倪氏 生員邢思妻夫亡守節康熙二十四年 題旌

志十八 節烈

費氏 董冠麟妻年二十八夫亡守節四十年康熙五十九

楊氏 監生丁樞妻夫亡守節康熙時 題旌

陳氏 張全妻妻年十九夫亡教遺腹子成立守節四十年

孫氏 陳雪川妻年二十二夫亡守節三十年雍正八年

嚴氏 董村妻驥村嚴爾斯女康熙庚戌年十九夫亡立姪

張氏 朱玠妻年二十四夫亡婦姑在堂上有祖翁兩世孝

雍正十一年 題旌

龔氏 監生董稚圭妻郡城龔堂女康熙二十六年夫亡守節五十二年乾隆五十二年題旌

陸氏 孤守節乾隆二年題旌

陳氏 夫亡守節四十年乾隆三年題旌

董氏 張種玉妻年二十四夫亡撫孤子鳴鑄娶婦後鳴鑄又天苦節四十六年乾隆三年題旌

金氏 張鳴鑄妻年二十五夫亡苦節二十七年乾隆四年題旌

施氏 徐宏進妻年二十二夫亡守節四十六年乾隆八年題旌

徐氏 生員華鳳繼妻年二十六夫亡守節四十三年乾隆八年題旌

董氏 張耀妻年二十四夫亡守節三十一年乾隆八年題旌

王氏 董信燧妻太倉王滋慶女康熙庚辰年二十一夫亡守節五十七年知縣羅係給雪磨玉節扁額乾隆九年題旌

志十八節烈

孔氏 監生夏祖勤妻名繼光字德隱自號范湖散人能詩年二十八夫亡撫孤守節三十六年學政李宗文給扁額乾隆三十一年題旌

陳氏 潘文炳妻夫亡守節乾隆四十六年題旌

胡氏 監生朱光煥妻年二十一夫亡撫孤守節五十七年與光煥從弟光炳妻程氏稱一門雙節乾隆四十八年題旌

程氏 朱光炳妻年二十七夫亡無子事翁姑生養死葬盡禮乾隆四十八年題旌

龐氏 邱文元妻夫亡守節乾隆四十九年題旌

秦氏 紀友松繼妻雍正戊申年二十五夫亡守節五十八年乾隆四十九年題旌

范氏 監生金熙載妻年二十七夫亡立姪為嗣守節五十年乾隆五十年題旌

周氏 陳文元妻夫亡守節乾隆五十年題旌

嚴氏 監生董耀妻驪村嚴祖倫女雍正乙巳年二十六夫亡守節五十二年乾隆五十二年題旌

陳氏 沈斗南妻年二十四夫亡孝事舅姑撫孤守節七十一年當八十歲時病劇夢父母授以餅桃二枚食之甘芳遂愈又十餘年無疾而終乾隆五十二年題旌

溫氏 監生潘祖德妻監生溫省方女年二十六夫亡撫五歲子晉鼎成立娶婦子又卒孤孫亦殤立姪孫為嗣助媳閔氏守節者又十餘載卒年六十六乾隆五十二年題旌

茅氏 監生金士楨妻士楨卒時氏年二十五守節六十六年乾隆五十三年題旌

宋氏 金璞妻璞卒守節撫孤世杰成立乾隆五十三年題旌

顧氏 沈甫民妻夫亡撫嗣子守節嘉慶二年題旌

志十八節烈

毛氏 王得懋妻夫亡撫孤守節嘉慶二年題旌

李氏 方家港戴永南妻夫亡撫孤守節嘉慶二年題旌

蔣氏 朱位南妻夫亡守節嘉慶三年題旌

朱氏 嚴楚臣繼妻夫亡撫孤守節嘉慶四年題旌

閔氏 監生蔣士鈞繼妻乾隆庚申年二十六夫亡撫嗣孫及曾孫成立守節六十二年嘉慶六年題旌

施氏 監生談漢妻乾隆辛卯年二十四夫亡事姑撫孤苦節五十八年嘉慶六年題旌

湯氏 監生劉璵繼妻夫亡撫孤守節嘉慶六年題旌

尤氏 吳彥章妻乾隆庚寅年二十八夫亡撫孤守節五十年嘉慶十年題旌

陸氏 潘志愈妻夫亡守節十八年嘉慶十五年 題旌

周氏 蔣懷忠妻夫亡撫孤守節嘉慶十六年 題旌

許氏 錢人璣妻夫亡撫嗣子守節嘉慶十七年 題旌

丁氏 閔天恆妻夫亡撫孤永錫成立娶婦後永錫又天與子婦周氏稱一門雙節嘉慶十七年 題旌

周氏 閔永錫妻夫亡撫孤守節嘉慶十七年 題旌

沈氏 董上墉妻年二十七上墉卒撫孤守節六十四年嘉慶十七年 題旌

莊氏 李漢峯妻夫亡撫孤守節嘉慶十七年 題旌

徐氏 沈堪繼妻夫亡撫孤守節嘉慶十八年 題旌

潘氏 倪應寬妻夫亡撫孤守節嘉慶十八年 題旌

姚氏 生員吳奎勳妻監生姚星炫女成婚次日夫病革卽卒立姪為嗣苦節四十餘年嘉慶十九年 題旌

沈氏 王鳳洲妻夫亡撫孤守節嘉慶二十年 題旌

陸氏 生員黃縉雲妻乾隆丁丑年二十九夫亡撫姪為嗣孝養翁姑守節六十年嘉慶二十一年 題旌

張氏 沈湖妻夫亡撫嗣子守節嘉慶二十一年 題旌

程氏 生員李世華妻臣廷揚女早寡孝事舅姑撫孤子能光成立能光娶蔣氏以殉夫投水死學政汪廷珍始貞婦烈扁額嘉慶二十二年 題旌

丁氏 董九如妻夫亡守節嘉慶二十二年 題旌

吳氏 監生王思芹妻夫亡撫孤子珍守節與思荃妻朱氏珍妻董氏稱三節嘉慶二十三年 題旌

朱氏 王思荃妻夫亡撫嗣子守節嘉慶二十三年 題旌

董氏 王珍妻夫亡撫孤守節嘉慶二十三年 題旌

黃氏 施元標妻年二十九夫亡撫孤守節四十七年嘉慶二十四年 題旌

陳氏 蔣起駿妻婚未三月夫亡撫嗣子守節嘉慶二十四年 題旌

蔣氏 生員施溶妻夫亡守節六十年嘉慶時 題旌

陸氏 監生沈耕南妻夫亡撫孤守節道光元年 題旌

楊氏 徐振芳妻夫亡守節道光元年 題旌

吳氏 監生董鈴妻年二十八夫亡撫孤守節三十五年道光元年 題旌

溫氏 朱兆傑妻夫亡守節道光元年 題旌

黃氏 沈師韓妻夫亡撫嗣子守節道光元年 題旌

金氏 增生董肇綺妻年二十五肇綺卒撫孤守節四十四年道光元年 題旌

沈氏 生員張入柱妻生員沈鵬飛女年二十四夫亡撫孤守節二十餘年學政王亦給節匾松筠扁額道光二年 題旌

莊氏 監生田自明妻夫亡守節五十年與嗣子聘三之婦朱氏稱一門雙節道光二年 題旌

朱氏 監生田聘三妻夫亡撫孤守節四十餘年道光二年 題旌

姚氏 董傳孫妻夫亡守節道光三年 題旌

費氏 夏萬清妻夫亡撫嗣子守節道光三年 題旌

皇甫氏 錢瑞明妻夫亡守節道光四年 題旌

吳氏 李爾梅妻夫亡守節撫孤汝連成立與子婦盛氏稱姑婦雙節道光六年 題旌

盛氏 李汝連妻夫亡撫孤守節道光六年 題旌

陸氏 貢生金維元妻嘉興進士陸昌祖女年二十二夫亡撫孤守節五十三年道光六年 題旌

虞氏 周觀天妻夫亡撫孤守節道光六年 題旌

志十八 節烈

六

志十八 節烈

七

董氏 張文潮妻董廷梧女年二十五夫亡守節撫姪為嗣
道光六年 題旌

董氏 吳絢洽妻董上壙女年二十八夫亡撫孤成立孤又
早亡與媳苦守三十三年道光六年 題旌

董氏 朱禧承妻夫亡撫孤守節道光六年 題旌

金氏 董虔鉞妻乾隆甲辰庚戌卒氏年二十五守節四十
四年道光七年 題旌

董氏 張天珍妻夫亡撫嗣子守節道光七年 題旌

蔣氏 王雲程繼妻夫亡守節道光八年 題旌

李氏 監生蔣問妻夫亡撫孤守節道光八年 題旌

徐氏 生員紀沂春妻知縣徐繩玉女嘉慶庚申年三十六
守節三十餘年道光九年 題旌

嚴氏 徐錫儀妻夫亡撫嗣子守節道光九年 題旌

陶氏 生員徐鸞妻夫亡撫嗣子守節道光九年 題旌

志十八 節烈

紀氏 生員董麟達繼妻教諭紀豹文女夫亡撫嗣子守節
道光九年 題旌

張氏 沈士龍妻夫亡撫孤守節道光九年 題旌

曹氏 監生紀再思妻乾隆戊辰再思亡氏年二十六撫孤
守節四十七年道光十年 題旌

徐氏 錢樹榮妻夫亡撫嗣子守節道光十年 題旌

周氏 諸均元妻夫亡撫孤守節道光十年 題旌

董氏 附監生董肇鑽女適歸安生員戴璠年二十五夫亡
撫姪餘為嗣守節四十五年道光十年 題旌孫變
換傳

董氏 徐德修妻夫亡撫孤守節道光十年 題旌

溫氏 監生歸令耕妻年二十二夫亡撫孤守節五十一年
道光十年 題旌

李氏 紀言妻武舉人李東白女康熙戊寅年二十二夫亡
立姪為嗣守節五十六年與言弟曾藩妻溫氏稱一

門雙節道光十一年 題旌

溫氏 紀曾藩妻溫庭柏女康熙己丑年二十二夫亡撫嗣
子苦節三十五年道光十一年 題旌。按范志兩
見複謬

王氏 楊師穎妻吳縣監生王棟女年二十六夫亡撫孤守
節二十三年道光十一年 題旌。按事實冊作楊
希穎今從采訪冊

吳氏 郁載興妻嘉慶甲子年二十夫亡無子以針黹所積
營葬舅姑及夫苦節五十三年道光十一年 題旌
。按事實冊作郁再興今從采訪冊

郁氏 崔誠愨妻夫亡撫孤守節道光十一年 題旌

沈氏 金冠三妻夫亡撫嗣子守節道光十一年 題旌

金氏 邱大萊妻年二十五夫亡撫孤守節二十六年道光
十二年 題旌

志十八 節烈

屠氏 監生王恕妻夫亡撫嗣子守節道光十三年 題旌

沈氏 朱學洪妻夫亡撫嗣子守節道光十三年 題旌

宋氏 歸安廩生溫晉妻生員朱青蓮女嘉慶己巳年三
十夫亡守節四十五年道光十四年 題旌

徐氏 名菴字湘生適歸安武生華開能詩善畫早寡守節
以畫自給壽至九十餘道光十五年 題旌

黃氏 陸輔周妻夫亡撫孤守節道光十五年 題旌

顧氏 梁潤元妻夫亡撫孤守節道光十五年 題旌

崔氏 薄慶曾妻崔繼光女乾隆辛亥年十八成婚未及半
載夫亡撫嗣子守節四十六年道光十六年 題旌
。按采訪冊作薄慶臻今從事實冊

汪氏 縣丞金辰妻主事汪尚仁女嘉慶乙丑年二十八夫
亡撫孤守節三十八年道光十六年 題旌

方氏 沈元星妻元星卒撫嗣子守節道光十六年 題旌

溫氏 監生張觀國繼妻知縣溫鶴立女夫亡撫孤守節四
十三年道光十七年 題旌
馬氏 監生張蒙亨妻震澤監生馬雲開女夫亡撫孤守節
三十五年道光十七年 題旌○按事實冊作張蒙
吉今從采訪冊

宋氏 談陸巖妻夫亡撫嗣子守節道光十七年 題旌
楊氏 吳聖壽妻夫亡守節道光十七年 題旌

陸氏 拜三圩潘文鶴妻夫亡守節道光十七年 題旌
紀氏 生員紀峻女適馬要張鳳池年二十二夫亡無子撫
姪為嗣氏欲殉夫自盡者再父以大義切責乃止孝
養孀姑喪葬盡禮外侮屢至氏每藏短刀於枕傍以自
衛數十年如一日現存年七十一道義切責乃止孝
題旌

蔣氏 董暢庵妾年二十八夫亡守節五十八
年與子可門婦汪氏稱雙節道光十九年 題旌
汪氏 董可門妻夫亡撫孤守節五十九年 題旌

吳氏 董虞廷妻吳廷玉女乾隆丁未年二十九夫亡守節
五十餘年道光十九年 題旌○按事實冊作董儀
廷今從董氏譜

周氏 林光宸妻監生周潤女成婚年餘嘉慶丁卯年十九
夫亡撫孤守節四十五年道光十九年 題旌
宋氏 程銓妻夫亡撫孤守節道光十九年 題旌

朱氏 沈萬奇妻夫亡撫孤守節道光十九年 題旌
莊氏 沈汝霖妻震澤莊廷標女乾隆己酉年二十九夫亡
守節三十九年道光二十年 題旌
進氏 紀廷榜妻夫亡守節道光二十年 題旌

陸氏 監生姚書鑑妻陸廷標女嘉慶癸亥年二十九夫亡
無孤守節三十八年道光二十年 題旌
謝氏 吳鼎鏞妻夫亡撫嗣子守節三十八年道光二十年
題旌

朱氏 蔣履豐妻朱晉庭女嘉慶戊辰年二十五夫亡撫孤
守節現存年七十五道光二十年 題旌

童氏 田敬恆妻郡城武生童立三女夫亡撫孤守節三十
餘年道光二十年 題旌
張氏 沈舫洲妾舫洲卒守節道光二十年 題旌

紀氏 監生吳諄妻夫亡撫孤守節道光二十年 題旌
張氏 溫錫圭妻震澤吳澧監生張呢瞻女嘉慶戊辰年二
十六夫亡撫姪為嗣現存年七十七道光二十年
題旌○按事實冊作溫錫桂今從采訪冊

沈氏 妻莊丁家港丁起堂妻馬家港沈中復女年二十九
夫亡立姪為嗣守節三十六年道光二十年與族孫
源妻沈氏並 題旌孫變庚雙節坊記

沈氏 生員丁源妻監生沈鍾璜長女年二十七夫亡撫孤
守節三十三年道光二十年 題旌
倪氏 生員邢大經妻夫亡撫孤守節與大綸妻許氏稱姪
陸堡妻年二十六年夫亡守節五十二年道光二十年
題旌

許氏 邢大綸妻夫亡撫孤守節道光二十年 題旌
朱氏 沈楷繼妻夫亡撫孤守節道光二十年 題旌

張氏 王連妻夫亡撫嗣子守節道光二十年 題旌
孫氏 施體元妻夫亡撫孤守節道光二十一年 題旌

韓氏 沈森木妻夫亡撫孤守節道光二十一年 題旌
閔氏 吳若星妻乾隆庚子年二十夫亡撫嗣子守節四十
五年道光二十一年 題旌
謝氏 沈大川妻夫亡撫孤守節道光二十一年 題旌

盧氏 紀順之妻年二十八夫亡撫孤守節三十五年道光
二十一年 題旌○按采訪冊作紀順今從事實冊
林氏 顧明廷妻夫亡撫孤守節與子宗禮婦姚氏稱姑婦
雙節道光二十一年 題旌

姚氏 顧宗禮妻夫亡撫嗣子守節道光二十一年 題旌

志十八節烈

十一

凌氏 陸奎妻婚未期年夫亡守節十二年卒與坤妻張氏稱妯娌雙節道光二十一年 題旌。按事實冊作陸西寰即奎之字

張氏 陸坤妻監生張宗驥女夫亡守節道光二十一年 題旌。按事實冊作陸西寰即奎之字

謝氏 沈貞吉妻謝聖祥女嘉慶壬申年二十八夫亡守節三十一年 題旌

毛氏 李世焘妻夫亡撫孤守節二十五年道光二十二年 題旌

陸氏 監生唐鳴謙妻夫亡撫孤守節道光二十三年 題旌

王氏 姚錦尚妻年二十三夫亡撫孤守節三十二年道光二十三年 題旌

褚氏 姚勝昌妻夫亡撫孤守節三十七年道光二十三年 題旌

尚氏 監生姚泰交妻本蘇州人泰交以無子納之嫡妻褚氏御之過嚴氏無怨色嘉慶壬戌年二十八夫亡守節三十一歲卒 題旌

羅氏 尹景元妻羅象峯女嘉慶庚申年二十八夫亡撫孤守節四十五年道光二十四年 題旌

周氏 蕭殿章妻乾隆丁巳年二十四夫亡撫孤守節四十五年道光二十四年 題旌

潘氏 表莊丁家港丁大奎妻樓下村農家女十歲為養媳及長成人紡績有勤改嫁者必痛斥之子稍長為人備問或為不復乞食以貧不能娶婦氏常以此為恨苦節四十一歲卒 題旌

董氏 從九品吳步韓妻董兆泰女年二十六夫亡撫孤守節四十九年道光二十五年 題旌

謝氏 吳春元妻謝其祥女年二十一夫亡撫孤守節四十二年道光二十五年 題旌

胡氏 監生桂鶴元妻胡士貴女年二十九夫亡撫孤守節五十二年道光二十七年 題旌

吳氏 沈健行繼妻增生吳鵬女嘉慶辛未年二十九夫亡撫孤守節三十八年道光二十九年 題旌。按范

志有吳鵬妻韓氏年二十六守節七年卒今以年例未符姑附載于此

陳氏 桂壽珊妻年二十九夫亡撫孤守節三十六年道光二十九年 題旌

徐氏 吳效曾妻嘉慶庚辰年二十七夫亡撫孤守節現存年六十五道光二十九年 題旌

吳氏 莊肇啓妻年二十七夫亡守節四十二年卒克瀛喪之如妯娌道光三十年 題旌

孫氏 王受五妻歸安菱湖孫樹馨女嘉慶己未年二十二夫亡守節現存年八十一道光三十年 題旌

陳氏 丁敏求妻夫病三年紡織以養年二十三夫亡撫孤守節五十年道光三十年 題旌

費氏 監生沈珮玉妻嘉慶戊辰年二十四夫亡守節現存年七十四道光三十年 題旌

朱氏 曹敬修妻年二十七夫亡守節四十七年道光三十年 題旌

董氏 麗青鶴妻監生董正治女夫亡守節道光三十年 題旌

溫氏 桂長泰妻夫亡守節道光三十年 題旌

宋氏 紀能仁妻夫亡守節道光三十年 題旌

金氏 張其昌妻嘉慶壬申年二十三夫亡撫孤守節現存年九十九道光三十年 題旌

溫氏 紀文鴻妻夫亡守節道光三十年 題旌

沈氏 溫文郁妻沈鳴珂女道光壬午年二十三夫亡撫孤守節現存年五十九道光三十年 題旌

閔氏 監生金鴻遠妻道光乙酉年二十六夫亡撫孤守節現存年五十九道光三十年 題旌

金氏 監生金福瀾女適郡城李重熙道光乙酉年二十五夫亡守節現存年五十九道光三十年 題旌

吳氏 杜萬青妻年二十一夫亡無子苦節二十九年道光

邱氏 徐璋妻道光庚寅年三十歲夫亡守節二十一年學

龐氏 陸鈞妻現存年六十一道光三十年題旌○按事

張氏 監生蔣宗衍妻夫亡撫嗣子守節咸豐元年 題旌

袁氏 沈申通妻袁沂女道光壬午年二十八夫亡撫嗣子

閔氏 嗣子守節現存年五十七咸豐二年 題旌

金氏 烏盆兜李調元妻監生金振揚女乾隆甲申年十九

嚴氏 監生吳光緯妻教諭嚴兆元女道光乙酉年二十一

吳氏 李吉堂妻吳電安女乾隆丙午年十七夫亡撫孤守

于氏 陸樹聲妻于文光女道光壬午年三十夫亡孝事

楊氏 陸樹德妻監生楊登瀛女道光乙酉年二十四夫亡

王氏 生員張藻錦繼妻王觀女道光辛卯年三十夫亡

陸氏 生員閔鑑妻訓導陸寶持女自辰合遷潯雍正已酉

錢氏 張景廉妻年二十七夫亡守節三十五年咸豐五年

屠氏 張景章繼妻年二十七成婚半載夫亡守節二十六

俞氏 監生張景蘇妻景蘇卒時年二十九守節十八年

門三節咸豐五年 題旌○按俞氏是妾非妻范志稱

姻婦三節

吳氏 裘莊丁家港丁若英繼妻年十八夫亡守節二十七

沈氏 裘莊丁禹文妻年二十八夫亡守節三十五年咸豐

張氏 裘莊監生丁漢妻年二十九夫亡守節十三年卒咸

任氏 裘莊丁飛豹妻年二十二夫亡守節十四年卒咸豐

張氏 居蔭嘉妻張聖來女嘉慶壬戌年二十八夫亡守節

金氏 沈鳳山妻金鳳芝女嘉慶庚午年十八夫亡守節現

孫氏 陸鑑妻孫寶珠女嘉慶丙子年二十一夫亡守節現

吳氏 裘莊丁蔚新繼妻道光癸未年二十七夫亡守節現

潘氏 裘莊丁蔭佳繼妻道光乙酉年二十六夫亡守節現

金氏 廩生紀運芳妻夫亡守節咸豐五年 題旌

已上 旌表節婦

沈氏 監生莊之琳繼妻給事中沈士茂女年二十二夫亡

蔣氏 生員丁夢嵩妻監生蔣儀仲女順治戊子夫亡遺孤

誰撫於是時以撫孤保家泣血自矢洪祖早卒復撫三孫

知府胡理給扁旌獎董漢策撰傳毛際可作旌揚節孝

錄序祀府學節孝祠○按董志范志及府縣志並載明

代謫今從張志

茅氏 紀曾詒妻康熙庚申年二十三夫亡守節二十五年

知縣吳崑給節茂松筠扁額夏開衡撰傳祀府學節

孝祠

紀氏 紀必達女適吳江沙澤陳元升年二十一夫亡養姑訓子守節三十一年雍正九年祀震澤縣節孝祠

胡氏 楊文焯妻年二十八夫亡守節六十一歲乾隆初縣給扁額祀府學節孝祠

湯氏 楊榮先妻年二十九夫亡守節三十年乾隆初縣給扁額祀府學節孝祠

褚氏 楊子相妻年二十八夫亡守節二十九歲乾隆初縣給扁額祀府學節孝祠

顧氏 楊士鉅妻年二十九夫亡守節二十四年乾隆初縣給扁額祀府學節孝祠

沈氏 李山學妻年二十九夫亡家酷貧撫孤守節二十五歲乾隆初縣給扁額祀府學節孝祠

王氏 董應梓妻年二十夫亡守節三十一年乾隆初縣給扁額祀府學節孝祠

姚氏 董某妻年十七夫亡守節六十餘年乾隆初卒祀府學節孝祠

吳氏 董某妻年十七夫亡守節六十餘年乾隆初卒祀府學節孝祠

志十八 節烈

末

費氏 丁志選妻年二十夫亡守節二十五年祀府學節孝祠

陳氏 姚石妻年二十二夫亡無子守節三十七年祀府學節孝祠

凌氏 金周孺妻年十九夫亡撫姪為嗣嗣子又亡復撫孤孫成立守節五十五年知縣劉錫給扁額按董志范志孺作儒今從張志

錢氏 吳鳳鳴妻年二十九夫亡撫孤守節三十餘年知縣劉錫給扁額

朱氏 方英表妻年二十夫亡守節五十年縣給勁節可風扁額

吳氏 張廷燮妻年二十一夫亡撫嗣子守節五十二年乾隆四十四年學政彭元瑞給扁額

唐氏 陸星槎妻年二十二夫亡無子守節四十餘年學政寶光給扁額

金氏 方若周妻年二十四夫亡立姪為嗣守節三十三年學政寶光給扁額純固清操扁額按潯溪紀事詩注作方若周

唐氏 王振倫妻年二十二夫亡撫三歲孤成立至五十九歲子媳俱亡又撫九歲孫成立年八十五卒乾隆四十七年學政王燕給松筠勁節扁額

鈕氏 吳大年妻年二十二夫亡撫姪為嗣守節四十九年教諭吳璠給松筠勁節扁額

蔡氏 監生潘世琦妻蔡培風女年二十九夫亡撫孤守節四十六年祀府學節孝祠

已上扁獎祠祀未經題旌節婦旌者曾否具題未見明文亦入此類

趙氏 生員董應科妻明萬應初夫亡苦節順治五年卒年九十九

曹氏 明工部郎中華士嶸妻年二十六士嶸卒臨終以其年少欲遣嫁氏憤然日從一而已居小樓矢節五十五年康熙五年卒

沈氏 夏煥妻早寡撫子鼎成立守節三十餘年夏煜撰傳

沈氏 生員張光政妻天啓辛酉光政卒氏年二十五苦節五十六年康熙十五年卒光政姪廷植為賦旌志詩

沈氏 生員華仁溥妻天啓乙丑仁溥卒氏年二十九守節四十四年康熙七年卒按范志委作妻

朱氏 華用霖妻年二十九夫亡撫遺腹子成立苦節五十四年康熙中卒

沈氏 華五申妻甲申盜起率鄉勇禦之矢而殞氏年二十五撫襁兒給養殆于十指苦節四十餘年

盛氏 華仁漢妻甲申乙酉間寇盜蜂起蹂躪鄉村氏匿亂草中以仁漢有膂力與寇格鬥遇害氏方三十歲撫孤守節四十餘年按范志作華士漢誤

孫氏 休歸臨溪程文煊妻休歸陽湖孫揚清女文煊字履輝號王子于順治乙酉遠遊閩粵兵燹道梗存亡莫問已丑春有族人自蜀歸云文煊以丙戌年授西川

經歷赴任途次遇賊殺矣時婦姑在堂孤子章基僅五齡仰事俯育備極艱苦及章基長賈于湖州遂迎養於湖康熙甲寅遷潯戊午秋感微疾預定期及期而卒

吳香滿室者三日年六十一章基扶柩還葬休歸與其父衣冠合窆黃周星為撰傳沈三曾撰墓志章基有述

志十八 節烈

七

哀詩八章翁疑為跋。按他處人寓滬者舊志或載或否今一例載入不復分析後仿此又文煌為殘明殉難之臣雖身未至滬而藉以附見故特詳其字號仕履寓關幽之意焉。

桂氏 紀上嶽妻順治丙戌年二十四夫亡守節三十一年

沈氏 董懋龍妻順治壬辰年十八夫亡苦節無子

紀氏 梅帙倫妻年二十四夫亡事姑至孝遇之嚴厲未嘗怨對苦節三十六年曹大斌為撰畫像記

吳氏 張啟蛟妻順治甲午年二十六夫亡無子苦志守節十一年卒

沈氏 紀衛生妻順治乙未衛生卒氏年二十四守節二十六年

莊氏 張應試妻震澤生員莊祖溪女順治丙申年二十三夫亡撫孤守節三十八年

沈氏 田家駒妻年二十九夫亡立姪自明為嗣苦節四十五年

紀氏 生員何炳泰繼妻婚僅數月夫亡撫前室子如已出苦節四十餘年

志十八 節烈

六

紀氏 生員何昂若繼妻年二十二夫亡家甚貧苦撫孤成立娶婦後子又病歿復無幼孫守節四十五年○按董志范志有昂若妻無炳泰妻文獻及紀事詩注有炳泰妻無昂若妻疑昂若即炳泰然無確據姑兩存之

沈氏 莊聖容妻年三十夫亡撫孤苦節四十一年

王氏 李乾春妻夫亡苦節三十餘年

葉氏 屠禮妻本居新城避盜遷淳年三十夫亡撫孤守節五十九年

王氏 沈百順妻本姚延著家婢廣西人名朝秀年二十九夫亡守節二十八

沈氏 董志進妻康熙乙卯年二十八夫亡無子苦節三十二年

嚴氏 金世球妻年二十一夫亡守節四十七年

吳氏 貝嵩英妻年十七甫成婚夫亡孝事舅姑撫姪為嗣守節三十三年

鈕氏 俞一夔妻年二十五夫亡立夫從弟一鳳之子為嗣守節三十七年與一鳳妻吳氏稱一門雙節

吳氏 俞一鳳妻年二十一夫亡與鈕氏共撫一孤甘貧紡織孝事孀姑力營喪葬守節三十一年

水氏 董允忠妻康熙丁巳年二十夫亡苦節無子

尤氏 錢中選妻年二十九夫亡教子成立守節四十八年

胡氏 董上驢妻德清胡廷最女康熙庚申年二十一婚未期年夫亡無子撫嗣子守節五十八年曹大斌撰傳

華氏 金應鍾妻年二十三夫亡守節五十四年

董氏 吳鯤妻夫亡守節

張氏 虞生紀志光妻康熙辛未志光亡氏年二十七志光妻溫氏年三十五張依正室茹苦勵志共撫嗣子言成立溫守節四十二年張守節五十二年

吳氏 王贊匡繼妻吳有雋女年二十二成婚生子高升甫逾年夫亡孝事翁姑撫孤成立守節二十五年曹大斌撰傳

志十八 節烈

九

尤氏 張啟信妻康熙癸酉年三十夫亡撫嗣子守節三十三年

丁氏 丁斗南女適吳江六都孫麗輝為繼妻合卺之夕夫忽遭異疾數日而卒氏撫嗣子矢志姑徐氏病刲股作藥療之苦節三十年

唐氏 張宏志妻康熙己卯年二十八夫亡撫孤守節二十年

俞氏 馬家港俞啟明女適吳江染店浜孫載周夫亡無子苦節五十餘年

楊氏 紀曾宏妻康熙辛巳年二十九夫亡撫孤子幼思成守節五十四年與幼思婦沈氏稱姑婦雙節

施氏 莊自紳妻年二十九夫亡立姪為嗣紡織自給苦節二十八年

錢氏 儒童張元植妻震澤舉人錢威女康熙丁丑年二十夫亡撫嗣子守節三十五年

汪氏 沈昌齡妻年二十五夫亡無子苦節三十八年

董氏 董份曾孫女適桐鄉青鎮監生唐廷楷年二十五夫亡撫嗣子守節三十二年○按見烏青鎮志董氏譜

不載

朱氏 沈一村妻夫亡守節三十餘年

孫氏 何春萬妻孫羣鸞女夫亡守節三十餘年

董氏 張掖妻董子常女康熙丁亥年十九夫亡事翁姑曲盡孝道撫孤守節三十九年。按舊志作張永思即掖之字

薛氏 薛漢升女適震澤橫嶽孫梁選年二十二夫亡無子翁諷之改嫁且盡取其資裝使不能自存乃歸母家以針黹自給苦節四十一年董燧撰傳

紀氏 陸登輝妻夫亡守節三十餘年

董氏 桂天聲繼妻年二十四夫亡撫孤守節二十年

孫氏 虞生董懋昭妻康熙戊戌懋昭亡氏年二十六懋昭妻陳氏有癩疾氏撫其子及已所生子無何兩子俱

天氏 茹茶矢志守節五十一年

志十八 節烈

廿

沈氏 華用毅繼妻夫亡無子日對其夫小像焚香涕泣守節四十餘年。按得錄作華周毅

吳氏 華懋傑妻年二十六夫亡茹苦撫孤復振家業矢志節五十年。按紀事詩注作華懋昭

曹氏 陸某妻夫亡守節。按張董董范三志並載范志云未詳其守節事

丁氏 紀樞妻雍正癸卯年二十九夫亡守節五十年

吳氏 紀又結妻雍正乙巳年二十七夫亡撫又結兄又純

沈氏 兩兄成立童氏雖中年守志其苦節亦不可泯沒也

沈氏 紀幼思妻雍正戊申年二十八夫亡撫孤守節四十年

潘氏 顧某妻夫亡撫孤守節葬三喪凌樹屏為節婦詩

沈氏 李湘遠妻年十九夫亡撫孤守節二十七年

張氏 方建侯繼妻年三十夫亡撫四子俱成立守節三十

沈氏 張道南妻監生沈我成女雍正庚戌年二十七夫亡撫孤守節六十

陳氏 魏士盤繼妻陳蒼球女雍正辛亥年二十七夫亡撫孤守節二十六年

孟氏 張德妻雍正癸丑年二十九夫亡撫孤守節四十年

嚴氏 生員紀士龍繼妻生員嚴受干女雍正甲寅年三十夫亡撫孤守節二十四年土龍族弟復亨為賦附志詩并序

章氏 張宗禮妻乾隆己未年二十九夫亡無子守節五十年

金氏 紀鉅妻乾隆庚申年二十八夫亡撫孤守節二十三年

沈氏 錢民則妻年二十三夫亡立姪為嗣孝養舅姑守節三十五年

莊氏 虞生董調元妻監生莊若城女乾隆癸亥年三十夫亡事舅姑先意承志撫遺孤讀書成立守節四十九

志十八 節烈

廿

徐氏 陸純熙妻夫亡無子苦節二十餘年

沈氏 生員紀嶽登妻乾隆壬申年二十八夫亡守節二十八年

陶氏 方允思妻年二十二夫亡無子勤紡織以養舅姑苦節三十餘年。按范志作方元思今從董志

陳氏 張鴻寶妻年二十七夫亡家貧事翁姑曲盡孝養撫孤成立苦節四十餘年

吳氏 生員張鴻憲妻吳江監生吳宗嶽女乾隆丙子氏年三十夫亡撫孤守節三十六年

許氏 李文卿妻年二十八夫亡無子苦節三十二年

孫氏 李晉卿妻年二十五夫亡撫孤成立娶婦後子又夭復撫幼孫成長守節四十七年

沈氏 屠明揚妻乾隆庚辰年二十六夫亡撫孤守節三十

李氏 吳漢明妻年二十夫亡教子成立事翁姑生養死葬盡禮守節三十八年

錢氏 華某妻華美成之母早寡家貧事姑至孝撫孤守節

閔氏 潘晉鼎妻閔兆魁女乾隆癸未年二十九夫亡子又殤立姪為嗣守節五十二年○按采訪冊作潘康侯即晉鼎之字

潘氏 孫光炯妻年二十九夫亡撫孤守節三十七年

龐氏 孫樸梯妻年二十一夫亡孝翁姑訓嗣子成立守節三十年○按世志樸作模焉

張氏 剛守節三十餘年

朱氏 毛丹林繼妻年二十二夫亡繼姪為嗣守節五十七年

陸氏 程某妻陸受祺女年十九婿以病篤議婚父母難之氏悲曰果若是則夫未死而先有死其夫之心矣何以事人父母避之倉猝成禮三日夫卒喪葬如禮願以貧依母而母家亦貧針繡自給為夫立嗣苦守至六十歲卒湖濱張峯之撰傳

志十八節烈

欽氏 監生沈方安妻吳縣生員欽義方女幼讀書嫻內則委欽時年十七越數載舉女二欽乃還吳將再買妾得同邑曹氏女遂聘以歸方安不肯留曰得子遊早得命何多置妾為欽自託有隱疾強而後可甫半載方安病卒曹有去志欽泣諭且言果肯守志借老願折節奉侍終身曹為感動乃止既而家漸落凡炊澣針綉之事欽皆身任其勞不以為煩曹也嘗有怨色嘗語人曰我但知為沈家人耳使後有承祧之孫家無再醮之婦幸矣非族姪之子為孫名曰承宗曾孫猶及見也曹病革欽年已老復遭鄰火移居于鄉益貧且患瘧然侍曹湯藥仍不少懈曹既歿欽曰彼節已全我心斯慰矣即亦繼逝相問僅晨昏耳○按此見吳仙槎太平閑話沈鎮山范錯得溪紀事○沈鎮山曾僑居他處太平閑話云方安字也或曰仙槎里中有人會僑居他處太平閑話云里中有報恩寺又云鎮山中有雨花庵所稱里中皆不指溇地而此條亦云沈鎮山者余同里執友也疑鎮山亦非溇人矣然錯係同時人見聞相接所采似不應有誤今仍從紀事詩注載入

今仍從紀事詩注載入

潘氏 生員潘潤之女適吳江平望王玉成乾隆戊子年十一夫亡遺孤甫降婦姑在堂玉成兄弟三人俱以貧故就食于外仲惑婦言不能孝母姑就養于氏仲又調氏他適氏號泣不食仲亦惻然而止貧甚葦席遮門又值大水拮据奉姑自食糠粃偷屑鄰有褚某重其行謀聘為繼室媒之不可乃重賂其父授以金珠一篋父往見氏而難于辭說出金珠示之氏覺其意碎篋痛哭父慚而退褚益重之復啖其弟詭稱母疾迎氏歸母與姑姊妹日夕說誘氏憤甚疾趨而歸弟急棹舟追送之行已十餘里矣自是不復返母家終養老姑撫孤成立凡苦節數十年

李氏 吳德輝妻年二十九夫亡撫孤守節三十年

費氏 陸大銘妻夫亡無子苦志守節

沈氏 張星槐妻生員沈昆紫女乾隆庚寅年二十三夫亡撫嗣子守節五十年

沈氏 吳維成妻年二十九夫亡撫孤守節三十八年

姚氏 生員屠元淳繼妻乾隆丁酉年三十夫亡守節三十一年

周氏 吳昌明妻周啟明女乾隆辛亥年二十四成婚匝月夫亡無子撫嗣子守節四十六年

姚氏 生員張鎮繼妻乾隆癸丑年十七成婚十月夫亡無子苦志守節五十年

尹氏 西莊村生員尹以銓妹適震澤吳漢生員馬若韓年二十七夫亡子又幼苦節二十餘年

方氏 吳廷桂妻嘉慶初廷桂卒氏年二十無子侍家室盡禮守節二十一年

金氏 歸安武生紀萬春繼妻震澤金明剛女嘉慶戊午年二十六夫亡撫孤守節四十四年

田氏 張邦疑妻田震南女嘉慶戊午年二十六夫亡撫孤守節四十五年

吳氏 張裕堃妻吳聲和女嘉慶己未年二十五夫亡撫孤守節三十七年

朱氏 陸在茲妻監生朱武安女嘉慶己未年三十夫亡守節三十四年

韓氏 張之麟妻韓振揚女嘉慶庚申年二十三夫亡撫孤守節三十四年

今仍從紀事詩注載入

劉氏 沈如松妻嘉慶庚申年二十六夫亡撫孤守節四十
倪氏 夫亡守節四十五年善畫花卉人物嗣子堃僅周時
撫育及成婚皆出鬻畫之資

邵氏 候選主事汪尚仁妻嘉慶庚申尚仁卒時年二十
九無子守節五十二年初居郡城後遷潯

紀氏 邵心葵妻紀澆辰女嘉慶癸亥年二十八夫亡無子
撫嫡姪守節三十六年

董氏 韓振球妻董掄元女嘉慶癸亥年二十二夫亡無
子事翁盡禮撫姪成立茹苦守節現存年七十七

潘氏 監生朱時雍妻潘辛才女嘉慶甲子年二十九夫亡
撫孤守節現存年八十三

沈氏 吳大坤妻沈聖南女嘉慶丁卯年二十五夫亡撫孤
守節三十年

李氏 南柵蔣承琪妻嘉慶戊辰年二十八夫亡撫孤守節
現存年七十八

姚氏 沈如槐妻嘉慶己巳年二十七夫亡無子以如槐兄
如松之子兼祧與如松妻劉氏兩孀共撫一孤成立

守節四十三年
志十八節烈

蔣氏 屠泰中妻蔣彥章女嘉慶己巳年二十六夫亡苦節
四十八年

王氏 副貢吳檢妻嘉慶己巳年二十五檢疾革以其無子
將更嫁之堅志不從及檢卒茹苦守節侍家室盡禮
現存年七十四

趙氏 監生張勝潮妻嘉慶庚午年三十勝潮卒撫孤守節
三十年

鍾氏 邢兆熊妻嘉慶庚午年二十八夫亡撫孤守節四十
二年

費氏 周夢川妻嘉慶丁丑年二十七夫亡家貧無子以幼
穉自給撫嗣子成立守節四十二年

丁氏 監生董學瀾妻丁世賢女嘉慶丁丑年二十五夫
亡撫前妻及己子成立守節三十六年

黃氏 生員陸鈞妻嘉慶戊寅年三十鈞卒撫孤苦節十餘
年嫡出女適成舍閔氏早亡氏為撫其幼子讀書成
立門希瀛撰傳

張氏 監生范雅巖繼妻夫亡守節四十餘年

董氏 范冠英妻夫亡撫遺腹子成立守節三十餘年

吳氏 宋方岳妻吳塔湖女嘉慶己卯年二十四夫亡撫嗣
子守節現存年六十三

朱氏 張成時妻朱雲瞻女嘉慶庚辰年二十八夫亡守節
現存年六十六

吳氏 謝錦璜繼妻年二十一成婚十月夫亡撫遺腹子成
立守節五十八年

吳氏 謝紹東妻年二十七夫亡苦節四十五年

沈氏 瞭里談士槐妻沈世珍女道光辛巳年二十九夫亡
撫孤守節現存年六十六

王氏 監生王巖女道光辛巳年二十三適震澤生員沈駿
成婚三月夫亡撫嗣子守節現存年六十

陸氏 錢鳴岐妻陸瑞祥女年二十五夫亡守節三十一年

姚氏 孟正有妻姚豐女道光壬午年三十歲夫亡守節現
存年六十六

守節四十六年
志十八節烈

張氏 舉人董襄妻道光癸未喪卒氏時年二十九無子撫
遺腹女成立苦節三十二年

陸氏 閔肇基妻道光甲申肇基卒氏時年二十六撫孤守
節十餘年

陸氏 金自莊妻道光甲申年二十六夫亡撫孤守節現存
年五十九

閔氏 周殿升妻閔肇基女道光丙戌年二十八夫亡守節
現存年六十

吳氏 姚懷昌妻吳佩金女道光丙戌年二十六夫亡守節
二十二年

董氏 褚建中妻董世安女道光戊子年二十七夫亡撫孤
守節現存年五十九

俞氏 紀魯儒妻俞耀廷女道光戊子年二十四夫亡撫孤
守節現存年五十四

楊氏 吳文魁妻楊鳳章女道光戊子年二十八夫亡無子
苦節三十年

葉氏 桂長瀛妻監生葉汝舟女道光庚寅年二十二夫亡
撫孤守節現存年五十四

紀氏 曹松森妻紀宗稷女道光辛卯年二十七夫亡守節
現存年五十四

李氏 姚松年妻李象榮女道光辛卯年二十四夫亡撫嗣命由天定佞佛何益生平不入寺廟現存年五十一

徐氏 朱兆佳妻徐瑩女道光辛卯年二十二夫亡守節現存年四十九

董氏 生員張藻錦妻道光辛卯年二十一藻錦卒借嫡妻王氏撫所生子守節現存年四十八

趙氏 秀水汪馨榛繼妻上海趙林女寓居于潯道光辛卯年十九夫亡撫嗣子守節咸豐戊午卒年四十六

張氏 生員邢傑妻監生張鎔金女道光壬辰年二十二夫亡守節現存年五十三

張氏 紀晉劍妻張蔭棠女道光癸巳年二十七夫亡撫孤守節現存年五十二

俞氏 監生張大樑繼妻俞仰之女道光癸巳年二十五夫亡撫孤守節現存年五十二

朱氏 徐秀章妻道光癸巳年三十夫亡守節現存年五十一

程氏 王元齡妻程秋畦女道光甲午年二十一夫亡撫孤守節現存年五十三

蔣氏 張書銓妻震澤蔣秉衡女道光乙未年二十九夫亡守節現存年五十二

尹氏 金振揚繼妻尹秉銓女道光乙未年二十六成婚僅八日夫亡事孀姑撫前妻守節現存年四十九

潘氏 杜萬安妻道光乙未年二十一夫亡無子守節現存年四十四

顧氏 倪延林妻顧會嘉女道光乙未年二十七夫亡現存年五十一

王氏 生員董邦楨妻道光丙申年二十七夫亡撫孤守節現存年四十九

張氏 監生嚴瑞昌妻張建中女道光丙申年二十九夫亡撫孤守節現存年五十一

邵氏 監生張其燧妻邵鴻如女道光丁酉年二十九夫亡撫孤守節現存年五十一

董氏 金林妻董全模女道光丁酉年三十歲夫亡撫孤守節現存年五十一

閔氏 溫錫祚妻閔肇基女道光戊戌年三十歲夫亡守節現存年五十一

尹氏 張達海妻道光戊戌年三十歲夫亡撫孤守節現存年五十一

志十八 節烈

某

州辦理浙江節孝總局以待 題旌

志十八 節烈

某

朱氏 紀士和妻朱福堂女道光戊戌年二十六夫亡守節現存年四十六

朱氏 張平甫妻朱君雅女道光辛丑年三十歲夫亡守節現存年四十七

鍾氏 金濱妻道光壬寅年二十七夫亡撫孤守節至咸豐壬子卒

嚴氏 生員馮我仁妻嚴重輝女道光壬寅年二十二夫亡守節現存年四十四我仁長兄鍾亦生員與次兄肇模並早卒唯肇模有二子長嗣為鍾子次為我仁兼祧子

李氏 鍾居金氏金伏生女年三十五夫亡現存年五十五肇模妻鍾居金氏金伏生女年三十二夫亡現存年四十七三

李氏 張共居撫孤食貧苦守節一門三節

李氏 張鍾姪妻李涵輝女道光癸卯年二十九夫亡守節現存年四十四

沈氏 張鸞繼妻沈金門女道光癸卯年二十九夫亡撫孤守節現存年四十四

已上采訪節婦 按凡節孝貞烈與旌例相符者並於咸豐八年開具冊結彙送杭

潘氏 程嘉和聘妻潘宏次女尚仁尚智之姑也嘉和世居徽州長女又卒復聘氏為繼妻未婚夫亡氏聞計即自經獲救乃縲歸程氏時年十九撫前妻子女極慈愛家人罕見其言笑守志六十餘年康熙五十九年題旌董總為撰行狀

董氏 沈文聘妻訓導董正誼女幼許字未婚隨父之任溫州年二十一文卒守志至吞金誓死父母許以歸沈守志始得救解時文有老母以哭子喪明族黨恐氏歸重傷其心乃素服毀妝守貞在室越五年姑氏自溫州奔喪立姪清震為嗣氏母嘗遭危疾醫禱罔效氏顯天割臂肉作羹以進母病得愈是夜清震在家感異夢有神告之曰汝母以孝傷臂當療以珠砂血竭凌晨齋藥至則割臂之事尚無一人知也藥敷創口應手而合至孝感神遠近歎異當伯叔析箸時割產以授則堅辭之日以是昇我殆以我為分產來耶一無所取守節四十年乾隆十五年題旌

丁氏 妻莊丁家港知州丁麟女許字歸安監生戴璉為繼
妻璉落魄出遊不返氏年逾三十未嫁既而璉客死
山東氏久而始聞其耗慟哭自經者再並以救免鬱鬱
成疾卒年三十五道光十年題旌孫雙撰傳○按事
實冊作聞計奔喪矢節七年今從丁氏家譜

嚴氏 蔣文瀾聘妻乾隆己亥年二十六未嫁夫亡歸蔣守
志家貧事姑無怠未立嗣子孤苦三十餘年卒年五
十九道光三十年題旌

方氏 金邦禮聘妻增生方郁女幼失恃育于繼母繼母病
聞計即不欲生父母力勸止之越三年將嫁而夫亡
撫姪為嗣卒年三十二道光三十年題旌孫雙撰傳

范氏 董挺聘妻道光戊戌年二十三未嫁夫亡誓不再字
哀毀成痼疾卒年三十二道光三十年題旌

已上 旌表貞女

蔣氏 蔣某女適震澤吳漢董僉義未婚夫亡誓不改嫁
經歸董若節六十餘年旌額曰貞心勁節

志十八節烈

董氏 薛冠五聘妻冠五以貧無行遠出久無音問父母欲
改字堅不從依祖母以居年六十餘卒祀府學節孝
祠○按縣志作年四十餘卒今從張董范三志

已上 扁獎祠祀未經 題旌貞女

吳氏 董志陸聘妻吳江吳之翰女康熙庚戌未婚夫卒氏
卽矢志縉綵奔喪撫嗣子成立

董氏 監生董光表女名昭度幼許字仁和塘棲卓氏子未
嫁夫卒縉綵歸卓守志立姪為嗣

孫氏 生員范超所聘繼妻未嫁夫亡縉綵歸范撫姪為嗣
守節三十餘年

溫氏 生員溫梅女幼字顧氏年三十未嫁夫亡遂守志不
更嫁現存年六十

陸氏 汪曰霖聘妻山陰人仁和籍知府陸葉女卽曰霖姑
女也道光丁亥年十八未婚夫卒聞計卽矢志求死
父母力為勸解遂縉綵素長齋誓不更字現存年四十九

范氏 溫坤聘妻監生范徵潔女名瑞珍未嫁夫亡父母視
不使知逾年始知的耗矢志欲歸溫室頻死獲救者

數次旋以哀毀抑鬱成疾卒時道光庚子年二十二溫
氏迎其柩與夫合窆董恂撰傳
潘氏 拜三圩姚家兜吳維安聘妻薄正元女道光丁酉年
四十三未嫁夫亡縉綵歸吳撫姪為嗣若節現存年
四十三

已上 采訪貞女

潘氏 莊明揚妻年二十六夫亡含殮後卽吞金不死復絕
粒如婢勤之幡然曰父母歿而無兄弟我死誰營寤
靈乃復飲食出簪珥衣服鬻之以卜葬其父母歸拜夫
正十二年題旌

沈氏 談志芳妻成婚二載餘夫死自縊救免越月餘夫既
溥錄作甫成婚夫亡謫今從張鴻憲談烈婦歌

沈氏 談履清妻早寡守志數年自經死學政給烈媿剪荆
扁額乾隆十八年題旌

志十八節烈

紀氏 紀晃辰女適鎮洋生員陳謙為繼妻孝於姑善撫前
室子女乾隆癸丑夫亡投縉墮樓並以救免母氏防
護甚力且以遺孕為言遂緩死及生女號憫曰今可死
矣產後二日潛赴池水死乾隆五十九年題旌莊斗
孫雙並為撰傳紀峻撰行狀○按董志范志作紀鏡青
卽晃辰之字陳謙或作陳濬

徐氏 謝悅若繼妻徐冠英女成婚三月夫亡投縉七次並
按或作謝立方卽恆若之字

沈氏 監生沈鍾璜次女適震澤吳榕夫亡無子氏欲殉家
人防之不得問後稍疎乃大書十八字置匾側曰婦
有夫弟奉晨昏夫無遺孤藉撫養不死何待遂闔戶自
經死距夫死五十三日年二十三嘉慶十一年題旌
章汝金刑典張海珊並為撰傳

吳氏 計元夢妻監生吳繼成女乾隆壬申成婚時夫疾已
篤其志遂於除服之次日伺隙自經死嘉慶十四年
題旌凌樹屏撰傳

蔣氏 箋四圩李龍光妻蔣心榮女夫病革氏割股啖之不效夫卒視合殮畢潛赴後園躍入池水死年二十二
嘉慶二十二年與姑節孝程氏並題旌

高氏 高士奎女適歸安雙林沈漢標夫病割股以進不效及夫卒誓以身殉屢縊屢救後防稍弛竟死距夫
作沈漢三今從事實冊

鄭氏 姚家灘從九品姚永貴妻震澤從九品鄭大純女成婚未期夫疾革屬纊時氏潛吞鹽滷及眾覺救已不及遂與夫同時死時成豐癸丑九月二十日年二十四咸豐四年題旌

陸氏 通判陸以載女嫁歸安前邱吳某順治乙酉寓居溇西六里橋同媳張氏避兵田間張為兵所獲陸急奮救俱厲罵遂遇害時年三十四其姪陸律記其事祀府學節孝祠

張氏 生員張大成女適前邱吳某與繼姑陸氏同被害時年二十一祀府學節孝祠○按大成或作六成

志十八 節烈

孫氏 吳江六都皇甫申之妻吳漢孫濟寰女順治乙酉挈家避居方理髮申之走告曰兵至矣氏從容曰死吾過淫掠氏方理髮申之走告曰兵至矣氏從容曰死吾分耳勿畏兵人欲汚之氏齧其肉兵怒糾三幸共逼之齧愈甚不得近兵乃引繩緝其指懸于梁呵之口不從則死氏嚙血罵曰速殺我毋多言遂殺之申之先傷于刃作地鄰里救之感其烈遂雉髮為僧氏死與方烈女同日里人稱為雙烈祀府學節孝祠○按震澤縣志云孫氏錢志作丁氏今據六都志正之其從兄孫某有傳湖錄以孫氏為烏程人誤也又府縣志有皇甫某妻孫氏居湖濱丙戌春兵掠之大罵刳腹屠腸而死疑即申之妻復誤

沈氏 張伯慶妻七里溫樸家僕沈吉女順治壬辰有姜汝成以索負為名值伯慶他出逼姦不從自縊死府學節孝祠

王氏 朱念紹繼妻仁和王羽妹念紹烏程廩生康熙癸卯間以史案牽連得嗣氏例當發遣即買一小剃刀佩腰引刀自斷其喉血流被體見者驚走越日幸過其門者

皆目為王烈婦家前妻之子峻舉負骨歸葬祖塋之例祀府學節孝祠○按念紹即朱佑明之長子此事已載府縣志

方氏 朱良琛妻裝莊方鼎甫女成婚三載夫亡越七日自縊時年二十三董漢策作傳董師植撰哀辭祀府學節孝祠

某氏 朱某妻朱居潯東娶婦時疾已篤未半月歿于上已越七日氏遂自經于寒食之夕董友松為賦朱烈婦詩祀府學節孝祠○按此與方氏同時疑即一人然成婚三年半月不同張董范三志皆兩載今仍之

姚氏 編修夏開衡妻吳江涿溪姚紳女年二十三歸開衡置妾攜幼女同至京而女又癆開衡亦疾作瀕死屢願氏啜咽氏泣曰果有靈輒何因扶柩而南過淮之日市白綾手縫命服復買命婦冠返故廬入拜舅誥曰氏夫公無子只有死耳舅命以叔子為嗣答曰誠善然長養成立在叔未亡人何能為舅令家人守之氏乘隙服冠

志十八 節烈

陳氏 帶自縊死知府唐紹祖知縣王懋訥給扁額沈近思金梅曹大斌並為傳謝洲作烈婦篇祀府學節孝祠

陳氏 朱瑒妻成婚年載夫病革氏慰之曰婦姑有叔在妾固自有處矣君無憂含殮之夕服縗經自經時年二十二雍正戊申七月二十四日也祀府學節孝祠

卜氏 王漢英妻年二十二夫亡無子即時自經以殉祀府學節孝祠○按漢英或作漢英

已上扁額祀未經題旌烈婦 按范來庚志載成婚四載年二十三與夫相繼而逝巡撫阮元給貞節符扁額字義亦不稱當屬虛造范志於范氏例未符扁額字義亦不稱當屬虛造范志於范氏事多誣此其一也附錄于此

顧氏 嫁為本里某氏婦有縣役某催科至其家見而斃之何其夫遠出突入內室以手撫其項氏大驚旋語小姑曰此頸忽為男子手所加豈可洗乎即縊死越兩月役偶乘舟過忽見屍于水遂發狂投水適遇來船縛于項不能解立時流血死舟人揚其語聞于小姑事始

白錢派記其事

沈氏 少器為本里溫氏婢母以父亡謀改適氏號泣諫不

其田通之他適氏曰我豈忘號泣諫母時哉況我有子

在將焉置此踰年子患痘劇求夫兄召醫不應遂死又

通之曰我豈以子故易初志哉夫兄乃棄其二畝田不

為耕氏苦不得食長號二十日餓死明年新穀升夫兄

方餐忽投箸呼曰汝何得食此二畝田遂自搯吭而死

張士元記其事張海珊撰傳

方氏 李其妻嘉慶中成婚數月夫亡姑迫嫁之投水死孫

變為賦烈婦詩

嚴氏 姚皆福妻嘉慶庚辰氏年三十夫亡投水死

某氏 李其妻居西柵石家街口翁曰李康源業銀匠夫早

已酉方大水其尸倚岸挺立急流之中不仆亦不移人

傳為異○按其家旋徙他處故夫名婦氏無從詳攷

曹氏 邵錦坤之子婦夫敗檢翁客死湖廣無以為生氏乃

母家及至則非母家也駭愕問故始知為夫所驚夫已

何隙即自縊死時咸豐元年氏年二十餘

皇甫氏 生員張模妻震澤人何鄉籍增生皇甫葵女咸豐

以不食死徐延城撰傳

已上 旌表烈女

方氏 裴莊方家港方章甫女時官兵追盜道出裴莊被掠

僅十三順治乙酉十一月二十九日也祀府學節孝祠

○按范志作方甫章誦

姚氏 吳有思聘妻雍正癸卯年二十一未婚夫亡間計自

貞女篇里人孫變為賦烈女詩祀府學節孝祠

湯氏 董在塔聘妻吳江盛澤湯允文女雍正壬子未婚夫

卒聞計吞金死乃以魂旛神主歸于董氏知府唐紹

祖給暇日為期扁額

溫氏 張振麟聘妻七里溫某女乾隆辛酉許字甫三月夫

年節孝事實冊有張振麟妻沈氏嘉慶時人住府西街

係節婦其夫姓名偶同別是一人

李氏 監生李在明女許字某氏子未婚而亡氏聞計投水

死縣給扁額

徐鳳姐 三歲父死隨母更適施姓後其母欲許字已所私

志據張鴻憲徐貞女詩首句云有客至潯上爰徵貞女

詩疑非其人削之不錄然張志即鴻憲兒鴻寓所修果

非潯人必不闖入蓋貞女居近鄉不在鎮市故張詩加

已上 采訪烈女

董氏 監生董朝鼎女少時嘗到臂療母疾長適仁和商籍

咸豐三年 題旌

已上 旌表孝婦 按孝子董允文妻溫氏孝子紀

人物傳又道先時有朱某妻張氏震澤吳樓張寶

成女夫喜狹邪又病狂易氏撫子女事夫無失禮

姑遇之甚暴見子不肖家業日落又惡人言其子

之短選怒於婦氏雖屢遭辱責無怨對孝養益謹

里黨稱為孝婦沈堯為記其事但與 旌例未符
附載于此

華氏

華景州女父病劇氏割臂以療父無子誓不適人父
母知其志因招金豫豐為婿不諱生理家益貧針
備以養父母歿竭力營葬親為負土道光三十年 題
旌○按采訪冊作父華餘豐夫金大忠今從事實冊

已上 旌表孝女

盛氏

監生王承霖妻震澤五界亭監生盛元鎔女父早卒
事母至孝母病割股和藥以進遂愈後又病復割股
竟不效咸豐甲寅年三十夫亡茹苦撫孤哀毀成疾越
三年卒

已上采訪孝女

徐氏

監生張乾初妻張宗驥之母壽至一百一歲視見五
代道光十八年 恩賜粟帛並給扁額

已上 恩錫壽婦

志十八 節烈

苗

補遺

大清

吳九儀妻乾隆戊寅年二十八夫亡守節五十年

李氏

吳九徵妻乾隆己酉九徵卒氏年二十八無子守節
四十六年

李氏

蔣永琪妻嘉慶己巳年二十九夫亡撫孤守節現存
年七十九

陸氏

監生歸令耕繼妻陸衡臣女道光戊子年三十夫亡
無子守節三十年

已上續訪節婦

志十八 節烈

葦

邵氏

吳玉峯女生母毛氏疾革女割股以進遂愈後女適
吳霆春早卒

已上續訪孝女

災祥一 汪日楨撰 南潯鎮志十九

宋太平興國六年大水

咸平元年旱二年旱三年大饑民疫死

景德二年饑

大中祥符五年旱七年饑

天禧元年蝗民饑三年饑

乾興元年二月水壞民田

天聖元年大水饑四年九月雨水壞民廬舍

寶元元年旱無禾二年饑

慶曆八年大水田滄幾盡

皇祐二年大水唐樞縣志作慶曆庚寅劉沂春高必騰縣志作慶曆九年並認四年水

嘉祐五年水災六年七月淫雨為災

熙寧三年旱四年水災五年水六年饑七年大旱八年連

大旱民多殍死按吳興掌故集作治平八年為十年春旱

元豐四年大水五年久雨太湖水溢六年正月大雨至六

月太湖泛溢田不布種廬舍漂蕩

元祐元年春旱三年秋旱四年夏旱饑疫大作五年水災

六年水災劉沂春縣志云龍川略志謂大旱誤

紹聖元年海風害民田九月地震三年地屢震四年旱

元符元年旱二年六月久雨

建中靖國元年自七月雨至十月水

崇寧元年旱饑二年蝗三年蝗四年水

大觀元年水災三年旱

政和五年水災

重和元年大水

宣和元年水災三年蝗六年水災

建炎二年春水三年五月零雨夏寒秋旱四年二月大疫

夏秋旱大饑胡承謀府志作霖雨害稼乃紹興四年事

紹興元年饑六月大疫二年春饑米斗千錢時餽饌繁急

民益艱食八月地震三年旱八月地震四年六月霖雨

害稼栗祁府志作建炎八年為五年五月旱三十餘日八月大雨太

湖溢六年地震七年旱十三年三月望大雪十四年大

水十七年大水十八年旱饑二十三年大水二十四年

旱二十八年大風水二十九年秋旱民饑吳興備志云掌故集宜和

諸州饑在紹興二十九年徐誤以紹興為宜和二十九

年為二十八年今正之今按宋史紹興二十八年水二

十九年旱掌故宜和二十八年乃紹興二十八年之誤

備志謂當作二十九年三十年秋旱十月螟螣胡承謀則以旱為水亦誤也

久雨劉沂春縣志作三十一年久雨傷蠶麥三十二年

六月大霖雨江東蝗飛入湖州境聲如風雨害稼民饑

斗米千錢

隆興元年八月大風水飛蝗蔽天螟害稼二年七月大水
操舟行市者累日人溺死甚眾越月積陰苦雨水患益
甚饑民疫者尤眾

乾道元年二月寒敗首種損蠶麥六月水壞圩田饑疫殍
徙者不可勝計二年正月淫雨至于四月夏寒損稼蠶

麥不登三年青蟲食穀穗八月水壞民田廬積潦至于
九月禾稼皆腐吳興掌故集四年七月久雨六年大水

秋螟為害冬饑栗祁府志作七年秋大旱
淳熙二年秋旱螟三年積雨損禾麥八月連雨水害稼六

年水壞圩田七年旱饑八年七月不雨至於十一月旱
九年春大無麥八月蝗饑十年蝗害稼十一年水劉沂

志作乾道十四年春疫七月旱至於九月乃雨高必勝
乾道十四年劉沂春縣志乾道十六年五月霖雨縣志作

紹熙四年霖雨壞圩田害蠶禾蔬稔五年自去冬不雨至
於夏秋大旱既又霖雨害稼冬無麥苗饑

慶元元年九月久雨米價翔踊大疫二年大水蟲災三年
疫春夏不雨禾稼不能入土四年秋荐饑多道殍五年

六月霖雨至於八月復大疫六年冬暖無冰雪
嘉泰元年大旱荐饑二年春旱至于夏大蝗四年五月不

雨至於七月旱

開禧元年夏不雨百餘日二年四月地生毛三年夏秋久
旱大蝗羣飛蔽天豆粟皆既于蝗震澤縣志震澤鎮

嘉定元年早大蝗疫二年夏四月旱至於七月乃雨又蝗
六年雹害稼六月雨至於七月吳興掌故集劉沂春縣

七年蝗夏秋大旱八年春旱首種不入至于八月乃雨
飛蝗蔽天饑吳興掌故集作開禧八年大旱嘉泰八

年四月至八月大雨水災十一年六月霖雨饑僅亡麥
苗十四年旱吳興掌故集作十五年七月霖雨為災十

六年五月霖雨水漂民廬害稼吳興備志云開禧十六
集作六年誤今攷掌故集明載嘉定十六年霖雨未嘗

誤也其開禧六年大水一條乃嘉定六年之誤耳開禧
止三年安得有十六年董氏之誤更甚于徐矣劉

寶慶三年七月大風拔木水溢大饑
紹定元年春大疫三年夏大雨四十餘日田禾蕩沒

嘉熙四年大旱蝗人相食
淳祐二年盛夏積雨大水七年旱十一年水

寶祐二年大水三年大水
開慶元年大水

景定二年霖雨水災三年二月水民多溺死八月蝗螟
咸淳三年大水六年閏十月水十年八月大霖雨胡承謀

景定十年八月安吉武
康縣水即此年事復為

德祐元年大水

元至元二十三年大水二十四年大水饑二十五年三月

大水壞田稼二十七年大水二十八年饑二十九年水

元貞元年大水二年大水饑

大德元年大水二年蝗五年七月積雨泛溢大傷民田六

年饑七年六月淫雨饑十年大水害稼大風太湖溢十

一年水民饑明姜南叩舷憑賦錄云元大德十一年杭

智者五六人即菩提寺作粥夜寘大甕中明旦饑民以

至先後列堂廡下或溢出門外道上相向坐虛其前以

行粥用兩人昇一人執杓以注器中食已以次去始六

月至八月凡七十日饑民無死者石塘胡先生長孺云

往歲湖州作糜食饑人糜脫釜猶沸甬器中人急得食

食已輒什死百步間長者夜作粥貯大甕中蓋慈湖州

志十九 災祥一

事也有意哉按此事與吾湖有

涉且足為後鑒故附載於此

至大元年水饑疫大作死者相枕藉四年水災

皇慶二年七月大風太湖溢

延祐三年雨田半滄五年雨田滄過半六年七年如之大

饑

至治二年大水

泰定三年水

天曆元年水沒民田二年旱饑冬大雪太湖冰厚數尺

至順元年大水饑疫二年恆陰水害稼太湖溢三年大水

元統三年大水

後至元二年自春至于八月不雨大饑三年水田半滄四

年至六年如之

至正元年大水田禾滄沒大風太湖逆湧而入民廬頃刻

倒蕩民大饑栗胡二府志震澤縣志烏青鎮志董志范

志俱作二年今攷元史順帝紀實在元年

六年水七年大水無秋八年大水十年大水十一年大

水十三年大水十五年大水十六年大水二十年饑

明洪武二年大水六年水荒七年大水八年大旱十二月

水九年大水十七年大水十八年二十年二十二年二

十七年如之三十二年水三十五年如之

永樂元年大旱蝗二年水饑三年大水四年饑七年大水

志十九 災祥一

九年霖雨沒田疫十年水十一年水疫十二年水災十

三年水傷田十四年水十六年大水二十年大水二十

一年如之

洪熙元年夏積雨傷稼

宣德元年春夏雨禾稼損傷五年大水九年旱饑

正統三年饑五年正月大雪二旬積丈餘夏大水秋亢旱

斗米千錢大疫饑殍載道六年春夏並旱饑七年大水

太湖溢七月大風無秋八年地生白毛八月大風潮田

禾悉漂沒九年大水隄防衝決湮沒禾稼十一年夏連

月大雨水災地震十二年大旱蝗饑十四年大水無秋

景泰元年正月大雪二旬間有黑花凝積丈許夏復淫潦
大饑四年十一月至五年春大雪數尺壓覆民居諸港
冰結舟楫不通人畜凍死夏大水民相食六年旱大饑
七年久雨沒田禾

天順元年四五月連雨苗爛三年旱四年四五月陰雨連
縣江湖泛溢麥禾俱傷五年大水八年大水饑

成化元年久雨無秋七年水災九年四月水災十二年大
水冬大雪大寒十三年春水無麥野蚘生九月桃花

盛開十四年大水十五年九月地震十七年春夏不雨
七月雨有颶風八月連大雨太湖水溢平地深數丈九

志十九 災祥一 七

月朔大風雨晝夜如注至冬無日不雨禾稼僅存者悉
漂沒明年大饑人相食二十年水大饑二十二年大水

治元年饑四年水旱迭作五年夏秋水饑七年大水八
年饑十六年旱饑每夜妖魔橫發歷人舉境以內驚駭

徹曉十八年地震生白毛

正德三年大旱四年大水民疫五年大水民疫地震生白
毛米價石二兩七年三月地震有聲八年四月連日大

風雨洪水泛溢十二月大雪丈許溪河凍冰厚尺餘九
年蝗不害稼十二年大雨殺麥禾大水十三年六月大

雨水滄田十四年秋大水突出平地數尺田禾盡滄

嘉靖元年水災二年大水歲三至三年大水四年大水八
年夏蝗秋螟十三年水災十五年水災十六年水災十

九年蝗飛蔽天傷稼大半二十三年大水朱國順救荒
略作久雨與

澗人食草根木皮大疫二十七年十二月雷電二十八
年大水三十二年旱三十三年地生毛十月倭賊入嘉

興載輜重百餘船北抵王江涇出南潯掠阜林烏鎮等
市三十四年正月倭復至海鹽轉掠雙林出南潯湖兵

熟于水戰邀擊頻勝賊棄輜重二十餘舟五月二十八
日辛酉倭寇三百餘自南潯至松江之葉謝總兵湯克

志十九 災祥一 八

寬同知都文奎逆擊于黃浦大勝之渡浦來援者皆溺
死是年忽晝暝每數日並出日光亦搖蕩不定十月天

雨赤豆三十五年倭警鎮民驚竄烏程知縣張冕督兵
千餘逐捕過鎮以軍法從事攝大戶斷溪東流三十六

年有妖人馬祖師者流寓烏鎮以白包巾幻術惑眾官
司以兵捕之馬妖樹青白二旗放火肆掠官兵追及於

南潯雙林間眾皆殲獨馬妖逸去徧蹤跡之不能得范
引瑣錄作萬曆三
十六年九月事焉三十七年水三十八年大旱三十九

年四月地震屋廬搖動如帆河水撞激魚皆躍起十二
月雷電四十年正月雪雷閏五月至十月霖雨不息禾

第一冊 續修四庫全書 史部 地理類

沈水底大饑四十一年大水四十二年十一月二次大雷四十四年六月地震四十五年馬道人為妖遠近大鬪各戶多懸籙籙籙四字以厭之三四月方息

隆慶元年訛言朝廷選宮女于三吳間旬日民間婚嫁殆盡二年元旦大風揚沙走石白晝晦冥大旱三年五月大風雨田禾淹沒秋亢旱大荒四年水災六年夏雷雹萬曆三年春旱五年六月連雨寒如冬六年螟害稼冬雨木冰大水七年大水滄禾冬至前一日大雷虹見

明董份與郡伯及泉李公書份昨因民間洶洶出而觀之見水皆滔天圩皆如沼而室家倒塌遠近呼號

志十九 災祥一

九

份望水則魂搖問號則心碎不知天之降災何至是極也今稍淫者已蕩沒矣惟高者尚在救護然其間不過十之一二耳而天倘不雨則人力猶有可施今雨勢不但不止且時復傾盆恐不沒不已也將如之何問公以惻隱之心懷焦勞之志日來為民祈禱無所不至矣今所恃者惟有公至誠回天若稍得雨止或可救此十之一二否則一望皆涇矣乞公身率各屬檄下各縣大行停禁咸極焦勞真有為民請罪于皇天之意庶幾天或稍回民可稍活則萬民仰戴而亦公憫民窮恤民隱之至情也昨嘉禾流民聚眾攘

動闔郡驚惶而我湖獨賴公撫綏有素坐鎮有方是以鄰壤如沸湯而湖中獨如安堵人實陰受其賜而不知其由也故份獨闔門感之逢人即誦非以為諂亦自謂獨知其所由耳然舊歲我湖雖未可為豐穰亦未盡為荒歉是以民不敢動法猶可行今田既皆滄人將無賴矣頃聞自平望至苕城百里之間沿途多搶行舟將絕恐攘奪之端一啟而變亂之漸將生機已動于目前非細故也今所恃者全仗我公夫此時非為處常實乃禦變夫禦變之道必先結之以恩而後重之以法所謂恩者公有焦勞祈禱竭誠之意

志十九 災祥一

十

民既知感矣而必當預為多方賑濟之圖民知將有賑濟則庶以少安其心民知急圖賑濟則尤以感動其心民之恃公真如赤子之恃乳母豈有赤子而忍恃乳母者乎如此則公之恩結矣而後以法制之昔在周禮治亂國則用重典而孔明以嚴治蜀實倣此意夫周家仁厚豈欲其用重典哉而三國當戰爭之時姑息不暇孔明豈欲其用嚴哉蓋亂國而待以仁厚則民無忌憚而其亂益滋戰爭之時而待以姑息則軍無統紀而戰爭必敗此聖王之法而賢者之妙用也今當此時雖未為亂而其機已萌矣其漸已見

矣若一人不治則百人效尤一處得利則百處染指此必須大為出榜重為禁戢而訪其甚者擇其渠魁轉申部使者示以嚴禁處以重辟彼見法令如此自不敢犯矣夫恩以結之而民有所依法以制之而民有所畏聖人所謂安民者計無出此伏惟高明察焉

萬曆八年大水饑 孝豐縣志云旱大饑蓋山鄉仍旱也 村墅間薄暮覺五里

外洶洶人聲如捕賊者稍冥益近而厲如數千人水戰

狀大呼擊撞火光四合燄在樹端震動天地夜半方熄

九年大水十年七月大風雨太湖泛溢十一年旱十二

年正月地震冬無雪十三年大水十四年大水十五年

志十九 災祥一

十一

元旦雨雪浹旬不止雨木冰秋大風雨拔木太湖溢平

地水深丈餘十月米價七錢一石次年貴至一兩七錢

饑疫死者棄尸滿道河水皆腥十六年蝗旱疫

蘇州府志作隆慶十六年 李樂見開雜記云吾鄉萬曆十六年荒甚

有一郡伯令窮民至富家食粥百十成羣幾致大亂又

下令頓米之家止許賣一兩一石米愈不出價日益高

畢竟到一兩六錢一石纔住又連川沈氏農書云湖州

水鄉每多水患而滄沒無收止萬曆十六年三

十六年崇禎十三年疑十六年為十五年之為 十七年

連歲大旱震澤為平陸大疫饑殍載道夏雪十八年旱

十九年大水二十一年冬不雨二十二年元旦雷雨二

十三年大雪平地丈許二十四年五月至七月不雨七

月十一日將夕河水忽涌起二尺餘少選復平如此者

三八月驟雨狂風數日夜不息大水冬大雪寒溪湖冰

凍舟楫不通二十五年正月雷電二月黑雨黃沙二十

六年冬雷二十七年五月怪風拔木二十八年九月地

震二十九年霖雨傷麥六月寒氣逼人至七月始熱八

九月仍熱如故里無不病之家家無不病之人江湖溢

秋禾不能栽種三十二年疫十月地震三十三年旱

鎮志作三十四年 三十六年夏霖雨湖水泛溢大饑

明朱國禎戊申年救荒略萬曆年來稱水荒者無過

十五年次年米貴至一兩七錢饑疫死者無慮數十

萬棄尸滿道河水皆腥其禍最慘今比十五年不止

志十九 災祥一

十一

水勢增高數尺而已大端最可駭最難救者有三十

五年水發在四月中旬圩田存沒約相半五月中旬

天晴水漸消已沒者亦重救三分之二買苗種田甚

至偷苗搶打告狀只是費力多用本重今者盡數滄

沒水至五月中尚未退田中無一顆新苗即欲下秧

再種何處可下且立秋已近下亦無用小民既無田

作豈肯束手待斃游棍煽動亂搶相殺其大不同者

一十五年只烏程歸安吳江水滄至多水發源高處

安吉武康易溢尤易消鄰近最高如嘉秀嘉善崇德

桐鄉原未嘗沒記得是年十月米價止七錢一石次

年外江米絡繹而下並無攔阻然猶其貴如此今最高者俱沒俱不可再種目下卽糶八九錢零星者一錢一斗人心皇惑市棍攔阻米船索詐搶奪其大不同者二水漲雨淋小民所恃惟在圩岸岸上復加浮土堵拒奈上雨盆注下水驟擁忽然奔潰立地平沈民房盡在水內所存之米斛斛顛倒猶卽搬移自數石以上皆結團安頓水圍國外頃刻便透見存者先損強半又村落人家有甚堅牢房子淋漓倒塌景象可知有船者船居無船者或于僻遠處俟小船經過推其人及行李于淺處駕船而去紛紛搬入城市無

志十九 災祥一

三

可搬者十室而九此其大不同者三十七日便舟看塘棲新基阻橋不得出遇熊壇石使君易小艇陪上西湖復換舟至塘棲則前舟已自橋左偏浮出取道崇德石門歸傳者謂平望水急不可上復至五林自德清郡城歸南潯三百五十里間不沒者止石門一圩昇山一圩及做鎮九里橋一圩止耳此廿二日事次日水漲七八寸九里橋一圩卽夕沒昇山繼之石門當亦可知以耳目經見高岸在水心水面只草尾一望連天驛路大橋彎如新月總之處處淫雨夾以山泉湖海俱溢擁以東風不能卽洩立秋甚近農望

絕矣某自信勸水最真無過不佞某農家子也水灾如此題請在撫按覆允在司農講求賑濟在良有司更在專遣主持匡正在政府意外攘亂在朝廷威德卽百姓盡數溝壑亦自家大運灾劫如此區區私憂焉能有無但今且未憂錢糧決無措辦未憂小民決然饑饉嘯聚餒死兵死姑以最小一事言之傳曰雖有饑饉必有豐年上之勤劬而救下之忍死待救謂來年再可播種也種田而舍穀種可乎湖州田三萬頃每畝穀種四升該穀十二萬石從何處來從何處出舊穀又不可用若非曠然將漕白糧盡折又大綱

志十九 災祥一

十四

大賑則官府鞭敲吏書漁獵奸民吞噬亂民挺突貧者貧富者亦貧餓者死不餓者亦死天下事未知所終也先儒曰仁人心也心如穀種願當道君子先護此穀種若曰田有高有低有山鄉有水鄉水有漲有消圩不必盡沒苗不必盡死民間蓋藏可支富戶可借米不可盡蠲申報者多虛恢譚論者太激切自古皆有荒年何獨今歲如此膜外有膜隔處生隔此則大人君子識見高卓明見萬里不張皇不搖動處某生也鄙止據耳目所及雪涕而書何足以知之予假品水史氏述

又荒政議上甘中丞錄與古稱澤國天目諸山之
 水衝激如射弩而具區為尾閭乘風橫溢時抱不測
 之憂嘉靖廿三年四十年以久雨萬曆十五年以湖
 嘯最號凶歲未有如今日之甚者也四月初十以後
 無日不雨麥已無秋及至芒種貧民貸本插秧而淫
 潦異常經旬不止山水驟漲東北風乘之捲浪翻空
 湖流內齧高田水深數尺低鄉幾至丈餘沈竈產蛙
 牆傾屋倒百姓扶老攜幼遷徙無家由安吉長興抵
 歸烏七邑盡成巨壑自端陽至小暑新苗浸久糜爛
 幸今水退業已無望況未退乎即使有秧尚難再蒔

志十九 災祥一

五

况絕根乎野無突煙道多聚哭誠二百年未有之灾
 也不佞目擊時變近懷粉榆之憂上切根本之慮仰
 賴大父母仁心為質情切痾瘵敢據一得稍佐末議
 倘不以葑菲見遺俯賜採擇地方幸甚○一議蠲賑
 救荒之法常恐後時良由踏勘稽緩文移往返遷延
 旬月有匿不得報即報不以實者亦有申請再三當
 道不遽以問度支不即曲處者謂太倉告匱邊餉急
 如燃眉何暇議蠲議賑又有謂聖意難回上請無益
 不知國家仰給東南嘉湖杭首稱外府民既無聊必
 至逃徙逃徙不已去而盜賊盜賊不已追捕計窮千

百成羣揭竿嘯呼淮北燕南連年荒歉極矣人心思
 亂紛紛剽劫若江南一動土崩之勢必成異日軍興
 調遣較目前補助難易多寡恆人能辨今日請蠲請
 賑本一念血誠破常調行之方能感格明主聳動羣
 公所謂求收與芻而不得必非從容談笑可以尋常
 塞責者也○一禁攘奪富家平時以子母十五之利
 橫索貧民叢怨既深一遇凶荒唯有封困邀厚價乘
 時射利難以休戚一體之義戶曉而地方奸棍假饑
 民為名闐然而起曩者借貸不允尋至攘奪今不待
 借貸矣飛舟執械放銃鳴鑼白晝橫行各村聚劫稍

志十九 災祥一

六

有積儲之家挈子女輕裝入城而村落墟矣夫大家
 者一方元氣也元氣日索單戶誰倚此大亂之漸必
 不可貸者也官府重念民饑稍為姑息紀綱一弛盜
 竊公行馴至干戈貽害更甚此孟子所謂罔民者耳
 善救荒者拊循饑民不為奸民所乘禁約奸民不為
 富民射利者所乘操縱寬猛間不容髮○一議設處
 近年倉廩空虛上下無措平糶則積而不出閉糶則
 過而不入不得已勸借無論怨囂易起變故橫生富
 民之粟亦有時而盡不若訪于豐熟去處擇富戶當
 鋪之老成有才識者加以禮貌給以院道明文每名

量給數百金不論米麥豆穀速令各處收糴仍知會
南京操院蘇松淮揚軍門移文各屬有米處毋得刁
勒留難彼此通融護送出境米戶既無關津之權且
有子母之利公糴外各有私齎規利者驚走聞風者
蟻附米聚而價自平矣至于錢糧難措非望之恩不
可幾倖或各處罰贖或各年積羨可以曲處或徒杖
以下罰米可以權宜或不急錢糧可以停征緩征或
南北白糧可以改折或應省解戶可以納米代役設
誠而行多方以求何患不濟○一興工作賑濟之苦
有四開報虞欺漏興發虞刁勒侵冒叢聚虞疫癘唯

志十九

災祥一

七

鳩工修築爲賑濟良法卽以長興言之邑東如白鳥
區邑西如官莊埭雁蕩東北如包洋湖畔石家埭最
低埂既卑薄水易平漫常年預行修葺臨患不至束
手今若加築圩岸便可分賑饑民如一圩中多至千
畝少數百畝就四圍塹濠取土量水淺深爲提高下
趾三倍以漸而高三殺之中每百畝復圍一小埂高
廣如外堤十四大小塹濠可蓄內水菱芡藕可藉完
糧堤畔樹桑計田量分可爲世業桑利汗泥歲增高
厚瘠產化作膏壤價亦倍踊量其增價幾何預捐十
七易米興工百畝以上爲田正每築土一方包價若

干課其勤情給發力不能出米者官爲處給計丈尺
論工發米委一公正里老互相糾舉良牧時親督察
不勸借而樂輸不聞報而趨赴諸弊盡革永利漸興
大戶肯廣收圩田出米修築或挑築桑地官量時價
給與印帖小民不得豐年取贖較之抵借息重產歸
大戶者利害徑庭若長吏任事于上富室隨力修創
興利默寓賑饑治田兼可弭盜其他殘疾衰老不妨
於各寺院煮粥分賑但得可託之人與尋常設局虛
應故事者不同○一議旌別非常之災必才誠兩合
之士竭力擔當苦心幹旋方濟萬一雖然文法不寬
豪傑多至掣肘名實不核巧壬多易亂眞鄧使君廉
吏也以停征至經歲罰俸長興饑民迄今流涕曰戊
己而後微鄧父我輩不生矣當事者弗善也偃蹇一
民部以老蓋仔肩與巧飾異軌獨行與脂韋殊調嫌
疑起于相軋謗忌生于任眞古之循良易今之循良
難世趨然也下至村叟稍欲自豎訾詬頓生瑣屑畧
有興除羣咻橫集上下以虛文相蒙中材以嫌怨畏
縮信賞罰于不測核名實于匹夫匹婦之口令任事
者畢志窮閭則良牧出荒政自舉矣

志十九

災祥一

七

萬曆三十七年冬無雪三十九年黃梅無雨仍有秋四十

年未蛰先雷四十一年三月大風冰雪四十二年旱四十四年十二月天鼓鳴四十六年正月黑虬十月雷電四十八年正月大雷二月連雨夏旱石米一兩五錢饑泰昌元年十月大雷電

天啟元年大雪三年十二月地大震生白毛四年正月黑雨四月雨傷蠶麥五月梅雨浹秧苗盡沒七月後大雨三日再插再澆一歲兩荒

明大學士朱國禎江南水患異常舊守荒政可紀疏節本月廿一日接得家報謂五月廿四日以前江南大雨連旬水勢驟湧比戊申年高且數尺驚而歎曰

志十九 災祥一

九

國家困匱極矣畿以南連及山東淮揚或水或旱皆見告矣僅賴江南有秋可資外庫今又極災將何以支因思戊申年臣方在家一望陸沈田禾盡沒為二百年未有之變幸今南京光祿寺少卿陳幼學為太守今戶部尚書李長庚為分守相與流涕奔走晉諸父老策之臣亦忝與末議其言曰以一人救則難合眾人則易以一府一縣救則偏合眾州縣則全以江南救則小合淮之南北晉而江楚則大就中又有緩急先其急者一禁搶奪以定民心定之不妨用重典也一停勸借以安巨室安之正以收實用也二令並

頽洶洶頓息於是議及緩者一通米之源田無顆粒矣何以通之則悉召富商大賈與宦宅民家稍有力者諭以戊子水荒次年米價至一兩八錢餓死百萬河水腥不可汲今且災更甚酷亦必甚汝輩宜販糴江淮多多益善既可救飢又可得利且數倍而先期言之撫按移書漕運江西湖廣三撫臣三按臣及郡邑長吏之衝要者告以恤鄰義之大閉糴惡之尤又言之操江都御史遊奕千里迎送商舟攔阻者即行捆打一時諸臣莫不響應而販者仍給路符往返再四聽其久用船入京口隨其所之民無不踴躍願

志十九 災祥一

九

從臣記得秋月泊舟平望米船連帆而至尾相接也飢民欣欣相告曰米多如此豈愁餓死至冬價僅一兩次年正月加僅一錢二月後漸減至八錢眼不見餓夫道不卧丐子農皆謳歌力業耕其故土此通米之說也一開銀之源人各自私何以開之悉召質庫不分主客告以大災不派汝銀亦不煩汝他費有事倍加照拂但米到即質質直以十之八九為率如米價百兩質八十五金復糴漸質漸減減不廢糴大約百金可得三百金之米在質者本利遞增聞風競起在糴者質之利算糴之利多計期取息百不失一臣

畧記蘇湖二府積米可三百餘萬石程氏一鋪至二十四萬石此開銀之說也其間節省伸縮二臣備極苦心又殿以勸借一策是時所糴既多獲利不少感上官體恤之恩發自己惻隱之念一檄纔張萬眾歡赴民命既全國課不損雖荒不荒此皆二臣與浙直撫按之力而臣得之目擊私相詫以爲自來救荒未有如此盡善盡美則其規模宏遠條理精密識之早而圖之豫也今災仍此災勢更劇地仍此地人更窮刁頑更甚豆麥蠶絲先皆兩敗又當長興毘陵變故之後驚魂未定不逞尤多雖舊法未可盡泥要妙用

志十九

災祥一

三

卽在前規神明曲豈是在地方諸臣一加之意不日撫按疏至破格蠲賑事在該部臣生其地值其時旣知確信先以入告非爲家鄉也爲江南也非爲江南也數百萬錢糧產此數千萬貨殖萃此爲國家根本計也伏乞敕下戶部覆議施行

又爲東南請命以弭禍亂疏臣拜疏求去蒙皇上懇留於先允放於後草疏陳謝方期少效靖獻以畢生平報主之槩隨于暇時閱浙江巡撫王洽應天巡撫周起元再請改折語意酸楚蓋二臣身在事中故言之真切至此夫倉庾空竭人皆知之誰非臣子不顧

朝廷之急顯爲小民性命計爲有司催徵計發此言哉蓋其荒爲異常之荒苟無以處之則其勢爲必亂之勢何則朝廷所徵者銀耳米耳銀猶可發藏轉貸以應公家之求米則一歲之收不足供一歲之用反取給於外江故荒政有折有蠲有賑大荒兼行中荒用二小荒只止於折今漕米之折不過用小荒之策且五錢舊額加至六錢或六錢五分而所折之數又減之爲三分之一夫百姓嗚嗚期望全折其貧者方引領盡蠲曰聖天子深念民窮咀盡且如萬曆十六年大發帑金以賑矣今賑不敢言蠲不可望而區區

志十九

災祥一

三

折之一字又靳而不與且許而復奪地方官何辭以見百姓而百姓哀號震動勢必就死其又何所不至哉且折之盈縮短長臣固已苦口言之矣近年漕運之遲皆繇船政之壞若得全折回空之船秋冬之交必已大備復冬月開兌之期銀折一半實止半年此事之確確可據而眾不謂然也在京各衙門冗支甚多悉行查革歲可省米十五六萬京營軍月糧十分折一歲可省米三十萬此亦事理確確可行而眾未見舉也其應支者或折半或全折歲可省米十餘萬惟徃江南富饒之說而曰敢不如額要有司何用誰

敢稱亂在國法不容其然豈其然乎臣去國之人與父老同死亦不足恤獨謂財賦根本之地事勢皇迫之秋因米而竟至失米因漕而返至虧漕則臣所不敢言亦不忍言者近者應天之疏已得嚴旨該部必與處分其浙江之疏臣方杜門未知作何發落據臣草莽之見莫若皇上自需德音再折五十萬石使浙直依額均分以慰百姓之望以寬地方諸臣之憂仍敕所司在京師曲議查折補此缺數則民情不至駭動國儲尚可支吾而臣歸家後區區愛國憂民之心亦得藉以少補其萬一也

天啟五年大旱

志十九 災祥一

五

董斯張乙丑秋熱苦旱作俳諧體廿五韻淫霖方昨嘆旱魃復今謠矯枉何其過含生忍再凋庭榴看葉卷池藻畏莖惟毒熱雄銷骨繁憂坐達宵僧嫌茶施盡僕苦浴薪饒炙手嗟無避層冰想竟遙枯椽聲漸燥益益泮如潮舊井皆逢漏浴林祇給樵鳩喉全塞兒蟻穴懶遷喬俗傳蟻遷穴則有雨出市霞無信諺云朝霞不出市變弓月可描語日月似彎弓少雨多風星非名士聚雨似大夫招淺港乾菱蔓蔬園卧豆苗稍泥龜兆坵桑陰火雲燒禱社驅巫覲迎神列鼓簫楊枝童子首里中禱雨諸童子以柳枝蟠首

二步角帶縣官腰開令公日素服禱雨禁殺偷懸秤開渠擬買銀未容愁蚌脯直慮起蝗妖城閉難呼鑰溪行不要橋曲占魚骨喜俗傳魚骨則有雨尖怕燭花搖俗傳燈花則天晴米價踊中踊民腴消更消斷炊鄰姬瘠過糴富兒驕枵腹誰能忍探丸恐或挑汗邪求半活靈霖望崇朝比者租庸急空思惠澤邀傳聞珠足採水潤甚數十里間多剽蚌者往往得吾欲緯江蕭

志十九 災祥一

五

天啟六年蝗災七月朔大風拔木淫雨如注屋廬俱壞雨晝夜方息七年正月震電雨雪五月晝夜淫雨四境平沈秧苗盡沒六月水平復種至七月雨復如初種者又沒一歲兩荒秋大風拔木太湖水溢崇禎元年水七月大風拔木二年四月地震閏四月又震十二月又震歲大禱四年大水五年自八月至十月七旬不雨饑六年二月雨雹六月龍風折屋拔木水饑七年三月地震四月大雨雹八年大水秋蝨九年大旱酷熱十年大饑訛傳太湖賊寇從北柵掩殺而至鎮民奔竄幾空十一年旱蝗十二年夏恆雨十三年五月大雨七晝夜水溢渰禾米價騰踊每石價一兩六錢十四年春大雪六月旱蝗霧繼之禾盡萎癘疫盛作米價石四兩十五年大水饑人相食盜賊蜂起大疫十六年大旱

饑人和食十七年春大疫民嘔血縷卽死地震生白毛
民間有地動白毛生老小一齊行之諺

志十九 災祥一

五

災祥二

汪曰楨撰

南潯鎮志廿

大清順治二年大水滄禾四年大饑米石價四兩五年大
疫六年二月雷雹五月大雨水溢麥無秋七年大水八
年正月地震春夏大水斗米四錢五分九年大水饑十
一年冬大雪旬餘大寒太湖冰厚二尺十二年二月地
震六月又震秋旱蝨十三年大水饑十四年七月民間
傳有妖人叫攝生魂白日呼人姓名卽隨妖人去賣與
邊地又翦紙爲貓虎形夜出壓人爪傷面目居民竟夜
鳴鑼鼓自衛逾月乃罷吳陳曠園雜志云康熙年間
嘉湖二郡有狐精至鄉市皆徹
夜鳴鉦不絕稍解卽被傷如爪痕後知爲道人妖術翦
紙爲狐以針爲爪畫則收之夜復呪而遣之假是以行
竊耳如是兩月餘後安疑卽此事誤以爲康熙時耳十五年地震大水冬雷十六
年大水十七年九月霜降不殺草十八年大旱米石一
兩七錢

志廿 災祥二

康熙二年五月雪大疫三年閏六月雪四年大水饑五年
秋大熟斛米二錢田之所出不足供賦稅菽粟盈倉委
之而逃百貨充斥無過問者民間號爲熟荒十二月地
震六年十二月雷七年六月地震生白毛八年夏大水
十月大燠雷雹九年正月大雪星隕聲如雷五月至六
月大雨太湖水溢禾滄九月雪十二月大雪丈餘

董漢策野老歎庚戌年作落葉空村鳴蟋蟀野老吞聲坐

寒日含悲三歎拙言辭歷訴窮愁淚如滴憶昔孩提
全盛時黃雲滿畝飛香秫何意陽侯鼓怒來响响禹
甸皆流澤雪華電發墜妖星寶曜沈埋洩雲出天吳
啼嘯乘陰風舞浪馮夷恣奔逸吁嗟乎誰召義和開
漆室手挽熒黎免漂泆陽微陰憤如珠稱益江湖溝
洫較若畫一望日觀兮甚遠馘商羊兮無術老妻弱
女餒且號麥隴嚴霜淨如拭夜呼萬一迫征徭窮老
將投虎狼窟吁嗟野老且勿悲鄭公發粟出淮徐汝
欲不死休惕怵溫公不遠汝但呼君實○又漁父行
洪波原隰平町畦漸迷徑荷鋤已無家遂發江湖興

志廿 災祥二

持竿往田間恩苦坐朝暝胥笱匠心成烹鮮迺懸甑
漁父曰魚行有道舉網獲鱗誰識要妙田父曰吾行
我法水流汨汨兩岸為畢羅探囊唯泳沫異哉今之
耕者不如漁體不霑塗民無稅租脫令一日田禾熟
竊恐虎冠相刺促○又寒江歎遊子尋春看未足潛
行秋水寒江曲楓冷唳烏秋欲醒隱隱悲聲出茅屋
昔年庾廩稱陳因今年禾稼輸波臣昨夜飛鳧下鄉
里縣帖微糧方取新嗚呼悲哉丁年如此生不如死
天不雨粟官逋日蹙甕頭無米益無春吏呼何怒君
其問水濱狼豕俄躑躅悲哉農夫膺貫索以頭搶地

胡然而帝巖城藜鼓催嚴霜官衙庭燎如熒煌古語
有之絲不如竹竹不如肉簷前兒女任嗚號堂上鼓

吹聲斷續按是年董漢策有救荒條議上巡撫范承

錄入志中也

康熙十年五月至七月旱蝗十一年春旱夏大水民竭力
屛救秋將成八月初旬忽大風雨降小蟲青黑色如蟻
蠓又如蟻有足有翅飛蝕禾稼立槁氣侵蠶種亦空民
大饑九月桃李花十二年除夕雷電十三年大水十五
年大水十一月地震十六年元日震雷大雪旱十七年
大水無禾十八年蟲災十九年大水二十一年春恆陰

志廿 災祥二

麥無秋大水二十二年春久雨麥無收麥石銀一兩八
錢米石八錢秋旱荒冬大寒忽暑熱雷電二十六年大
水秋螟食禾二十九年十二月河冰不解三十年大水
無禾三十二年二月大風霾五六月大旱九月大風雨
河溢滄稼米貴民饑三十三年旱大疫三十四年大水
三十五年七月大風雨次日水漲三尺餘三十六年大
水三十八年霍潦傷稼三十九年旱四十年大水四
十二年三月大雷雹四十三年大水四十四年三月大
雷雹六月三日龍風大雷雨晝暝四十六年夏大旱石
米一兩三四錢十月四日河水暴漲石米一兩八錢匹

十七年二月大風雷雹五六日恆雨滄禾石米二兩二錢民饑董志作四十六年大水四十四年四月雹大水饑夏斗米一百八十錢施粥於妙境菴中四十九年五月淫雨五十二年大旱五十四年四五月連雨六月七月大風湖五十五年五月暴雨水溢苗盡爛五十九年夏旱六十年夏秋大旱河底龜坼六十一年七月星實有疾聲大旱冬木冰

雍正元年夏旱二年正月大燠七月大風太湖溢四年八月至十月恆雨水浸陂塘村人駕船刈稻頭饑八年五月大水十一月地震十年正月天雨豆七月大風雨傷

志廿 災祥二

四

稼九月大風電十一年夏大旱十二年四月大雨雹損麥十三年七月地震有聲如雷

乾隆三年旱蝗九月大風雨雹十年夏旱十一年正月雨木冰十三年五月雨雹六月米騰貴斗米白金三錢通判吳繼元敦勸殷戶平糶七月陳名榮接任亦如之至八月終乃止十四年夏疫十六年夏大旱石米白金三兩勸捐平糶十七年四月初四日地震六月初六日昏時星實有聲八月大風拔木久雨大水十八年春夏久雨蟲災秋又久雨

方熊秋霖行長河黯淡秋氣蕭瑟雲霧歷秋霖霖曉

來起看阡陌淹阡陌之人聚相告弟語兄曰五月大雨新秧漂泊絲錢盈貫米一斛悍吏徵租狼虎酷父語子曰七月久雨洪波泛瀆通債赤手貨告難耘籽車厚徒枵腹我聞此語已頻感旋見淵藪水久蓄四野溝作渠百里陵為谷甌窶宅草萊沮洳葑藍或君不見去年八月大風雨白水壓岸風摧木旦晚號呼幾三旬濤奔浪涌人躑躅今年春與夏幾次苦沈陸際此更縣縣青苗偃芊盡况經蝗蝻害枯黃一畝能收幾斗穀老農老農拭眼對咨嗟稻花香遠空成熟妻孥救口何暇計冬糧難免遭鞭扑

志廿 災祥二

五

乾隆十九年水損稼二十年淫雨損麥石銀二兩五錢蝗蝻生大水傷禾石米三兩二錢十二月地震

方熊粟貴歎飢驅不待時難冀秋熟早仰屋徒呻吟奔馳心悄悄經營給半菽無計謀一飽三春雨雪飄二麥愁枯槁夏秋捲洪波蝨螟都消耗鴻雁鳴磬磬于野莫控告瀕冬米價昂不啻珠與寶所賴估舶來應接庚癸課側聞江南北亦復苦水潦淮徐咽吻地鳩形時載道沿海數州縣索食散飛鳥念此心茫茫所憂非藐小富家擁倉囤紅朽積山島高坐不肯賣猶嫌時價少交新猶如此來秋那可到吾儕本情民

麤糲亦云好計日數錢刀量腹度昏曉土突寒無烟
沙覆塵瓦沼牀頭一斗粟八口最易了憐視少陵女
嬌癡唬且酸哀哉陶公子何處覓黎棗傾囊笑郎罷
開篋無衫襖曷以支凶歲枵棘飢腸燒嗟彼襤褸夫
力作空茹蓼罄懸無需貯荒畝泣青草告貸諒所難
延望官庾糶

乾隆二十一年春大疫饑二月石米二千八百錢民食榆
皮草根甚有搶劫者四月石米三千四百有奇餓殍滿
道勸捐平糶五月旱十月地震二十三年夏秋大水二
十四年秋蟲傷禾石米二千四百錢二十六年大水二

志廿 災祥二

六

十七年雨損蠶收六月旱七月大風雨積水經月二十
八年五月地震二十九年正月地震五月又震三十年
正月地震大水三十三年大旱四月雨雹三十四年春
夏淫雨連旬損蠶麥大水田禾淹沒秋無收石米白金
三兩三錢

〔方蠶愁霖行〕歲在屠維赤奮若吳越之邦水橫溢白
頭老翁駭且驚歷遇水災今第一一春淫雨輒淡旬
陽和黯黯春無力立夏已過小滿來踰躔又復逢箕
畢十日曾無一日晴溜聲不絕天容墨菜畦汨沒子
抽芽麥隴漂流穗垂黑桑根浸水桑葉黃葉貴蠶飢

婦姑泣心頭剜肉瘡莫醫八口罄罄懸室村叱忍
餓救新秧枯榨歷碌翻龍骨喜聞溝水退潏潏拍手
相慶好栽植豈知五月交六月大雨連旬轉蒙密銀
河落地天瓢傾長如貫絛挂千匹電光閃爍兔目盲
雷車砰訇陽景匿陡然赤地湧鯨波洶洶漲十餘
尺黃昏悶閣竈鳴蛙平原處處通舟楫村南村北無
完居十家九壁愁歛仄我惟擁被向壁卧如蠶縮繭
鳥塌翼倥偬最苦襤褸氓面目盡形鳩鵠色時過小
暑田未蒔那有新穀糶五月東風沉復防圩沈築隄
規土爭匍匐深宵驚地人喧譁鳴鉦呼號似攻賊丁

志廿 災祥二

七

男欲救空彷彿老農相對惟歎息去年旱魃降奇稔
禾稼焦殺屯膏澤今更大水困災黎沈溺顛連至此
極忽聞米價昨驟昂貧家無復黔我突幸邀曠典免
官租終被苦雨奪民食五行舛錯天公癡屏翳之神
獨受職誰能手持陽石鞭一掃重霾見天日

〔夏耀曾田夫詞〕田夫耕作身家所倚賴也乃一遇水
潦輒向主人誅求無已焉感而作此

農家重三時雨水宜適可今茲何太多嗟嗟愁殺我
一解 田夫動成夥語語須青蚨好辦禦水具為主去救
二解 田夫一何愚衣食從何賴田夫原不愚水車照
三解 田派 斷釵并敝褐典錢付田夫趣辦禦水具爲我

去救圩四踏得田中乾大暑已過矣插得田中秧立
秋幾日耳五救得尚自可淹沒愁殺我側聞長興縣
萬戶斷烟火六

乾隆三十五年春饑三十六年十二月雷電四十五年鎮

大火東至大橋西至城家街北至鹽店橋沿燒數百家

堪輿一貫作辛丑則爲四十六年四十七年六月地震五十年大旱蝗

自五月至七月不雨溪港皆涸苗盡稿六月石米二千

八百錢十月石米三千八百錢九月十二夜大火上塘

東至董宗伯第門前西至清風橋下塘東至三板橋西

至絲行埭沿燒四百餘家是年水皆西流

志廿 災祥二

八

楊鳳苞催租行昨朝府帖下今朝吏捉人手持白木

版叫突東西村黃蒿空卷小家屋日晚轆釜煮榆粥

打門租吏搜糶粟老翁踰牆走老婦向隅哭鄰雞上

樹狗敲棘○又官倉行倉垣新築三丈高中有曲房

爲遊遨笙歌酣宴夜復朝倉前朱書一行字憫今秋

熯苦車水願納五折貸爾死下厥小吏貂襜褕怒罵

稅戶同叱奴責令額外俱交輸叩頭哀告寬鞭并歸

去賣兒并賣屋乞符鄰邑糶餘粟大旗閃閃雙門開

兩邊虎翼如雲排半醉縣官呵殿來

乾隆五十一年春大疫餓石米四千六百錢夏蟲傷禾

楊鳳苞負釜謠夫負釜妻抱兒飢驅出門何之道逢
人食人更誰知爾汝故鄉今難爰處適彼樂郊得我
所餓鴟嘯枯樹下有破垣乞食叩主門主人朝出採
榆暮歸徒手無夕飧請看冷飢生塵主與客兩相視
淚落不能止

乾隆五十四年大水五十五年大雪饑十二月雷電五十

六年大水五十七年五月地震冬無冰五十九年七月

大風拔木寒如冬

嘉慶元年正月大雪苦寒九年五月初至六月大雨田禾

滄沒者十之七斗米四百二十錢勸捐平糶

志廿 災祥二

九

董宗海甲子端午節後大雨至六月初晝夜不絕詩

以誌之今亦太平世胡不十日雨緣何滂沱時一夜

乃尺五天道有陰晴我民何太苦陽春始負耒霖霖

霑壤土但願黃梅肥桔棹移廢圃豈知入夏來天漏

更難補義輪黯無光雷師未停鼓日夜但傾盆不待

商羊舞藻萍泛井竈魚蛙生甌甌桑田變滄海茅簷

欲遠浦衢路教褰裳濤聲喧局戶老農豈無知罕聞

亦自古瀦蓄技亦窮疏濬力難勞民曰吾其魚 堯

廷非無禹安得排且滄令民甯其宇雍燒暑溽退陽

光乃煦煦秋到始插秧盡何所取晚歲有良田泪

湮難勝數但聽仰屋嗟安望曾孫庾菜色憂誰分挾
續溫誰撫幸賴 天子恩軫念開神府農官緩催科
小民得安堵豫為其始謀良策藉九扈牟麥岐雙秀
嘉禾穎合吐明年大有年行看人四輔

董襄大水謠蟻封牖鳩逐婦濕雲處處壓深柳三日
五日不放晴為霖為潦騎月久廉纖不斷疑漏天滂
沱勢急將溢畝天目之泉奔放不少留縱橫若雪難
容受轉眼禾稼場忽作魚鼈數長鯨水面作人立瘦
蛟騰波老龍吼南阡北陌水決隄夜半驚喊村人走
鳴鑼擊鼓聚眾鄰速教捍禦防塘口雨聲鑼聲聽不
志廿 災祥二

辨巨浸汪洋沒星斗野屋將齊處士肩低田漸及農
夫首翹首望溝塍青苗復何有或逐水漂流或為水
浸朽何堪銀索尚傾盆開晴直待三庚後邇來半月
勢不退野老呼天莫措手連肩入縣報水災官吏停
徵方飲酒

施國祁積雨積雨熟梅候水勢天目壯濤聲三百里
汨沒翻海藏茲鄉實下流川灌駭排浪田苗插未半
千夫走農餉枯槁轉日夜霖霖適過當冤呼遶村急
野火照灘旺真恐狂瀾倒隄齒不容障喻如瓠子決
竹少淇園仗一瞬化沮洳終斷秋成望蠶飢春收薄

口亟夏飽饑力竭此厄遭檢括到益益河復縱計日
支困已大創漫漫浙西水久並東海放常漉二十七
結葦阻沙漲垂虹七十二卷岸編艦舫尾間不以泄
乃作懷襄蕩恐絕水晶宮未免魚腹葬偉哉樂存編
石畫言言謹莫惜一勞勩溺援窮黎槍緬思李公蹟
奮發神先王

嘉慶十年春又大水麥無秋斗麥四百八十錢巡撫阮元
發銀施粥 按是年粥廠設于溇南之神墩一切條規精
審詳密並足為後法具詳張鑑所編兩浙賑
災記 十三年夏霪雨米價騰貴十九年正月初四夜訛
言太湖盜起民多驚走五月至七月不雨地生白毛禾
志廿 災祥二

半稿石米五千三百錢大吏招商給以印票行文福建
州縣倉儲有餘者照福建市價派撥令商繳價海運至
浙免其關稅價始平二十年二月初旬大燠既而雷電
大雪二十三年五月大雨雹二十四年夏旱

道光元年夏大疫二年正月大雪經旬夏旱三年霪雨自
三月至五月不止禾未插秧大半被淹六月初七日大
雨雹水勢漸退七月初二日大風驟雨水復頓漲數尺
圩田僅存者是夕皆沒太湖水溢至冬初始平官勸股
戶捐資施賑按冊散給大口每日米半升小口減半約
五十日米石價錢四千五百次年春夏復賑大口每日

錢十文小口五文凡七十五日

張鑑題水災紀事冊繇雨水沒頭雨沒尾盲風兼旬
吹不已苦竹叢深日鳩語逐婦聲高人轉哭老魚橫
飛上鄰屋○踏車上畱田水沒狗下溪山水漂日三
男五女踏水車犖犖蛻骨蛇把頭茵出鎌衣長
今年水脚過兩丈○築壩蠟穴漏金隄大小理則齊
屯皮木椿須應手鳴鑼集夫防決口白版雙扉復何
有○補種夏至未至鵝且叫勤者翻被惰者笑刺水
綠鍼日夜黃舴艋重買來山鄉補未完雨不止早秧
遲秧一例死○風暴五旬雨七月風黑雲如磐龍挂

志廿 災祥二

三

空石飛沙走作風暴老鼈入市瘦蛟導帝遣天吳為
海嘯○報荒駕鸞飛滿四野此災百年僅見者扶
老孱弱號縣門縣官何日行鄉村不是風潮小損稼
過鼓攀轅府帖下○流徙村村移家具爭權搬頭艇
何許可藏身梯空羨松頂盡產龜魚入門跳珠急雨
還翻盆○撈棺白楊樹根浪頭大破冢漆燈無一箇
兩和已齧題字稀撈來撈去滿釣磯陽侯虐過摸金
尉忍此萬千若敖之鬼無所歸○勘災濕旗吹船鳴
菰蒲魚頭小吏左右趨官來勘災行不紆里正諾諾
復啗啗青黃無期患煎迫茫茫殆徧魚鱗冊○天賑

枕鐘初動寺門啓 皇仁給帑復給米朝起望晨光

車輪歷碌摧肝腸道長腹餒走且僵蘆葦暮捲上北
邨蘆葦見南史劉歆傳○助賑常平倉空當勸分指困納粟沸
若雲春陵宰固美子敬心亦勤論升論合論錙黍魚
行蠟戴未滿宮剗肉補瘡不如稻○春熟一年無禾
猶可十年無蠶則那桑空閒斧柯絢絲不上鄰女梭
良苗懷新幸春熟交午漲痕在頽屋牆角枯桑長蒼
綠

志廿 災祥二

三

孫燮苦雨歎兩月淫霖不肯止薔薇花落鼠姑死簷
頭漏下如亂麻門外泥深愁沒履荒草滿階人不到
但有蛙聲怒聒耳幽人遣悶尋清課坐揭爛書日百
紙朝來窗隙漏晴曦眾鳥爭鳴如有喜忽然鉦鼓聞
集眾畚鍤來救圩岸圯桔槔連夜水益漲中隔一隄
僅尺咫更教數日雨翻盆眼看平隄入江水 國家
租賦仰三吳疲民力作供官裏豆麥已壞春事去惟
望秋成秬稻美皇天仁厚終愛民及此轉機禍可已
哦詩直欲叫閻闔又見西南陣雲起諺云西南陣帶過落三寸
又平糶行平糶不予市僧權計口大小但給錢大口
十日給錢百糶米祇救兩日活小口五十更可憐楊
腹應將草根掘侵晨古廟何纍纍鳩形鵠面行相隨

官頒竹籥當符節唱名對簿關防施或作晉鄙兵符
竊李代桃僵難究詰或如告身易一醉妻兒無糧但
聚泣東風吹雨行路溼易米歸來煮糜食中田又見
菜麥壞盼到秋成那可得吁嗟乎豐年錢多盛賽會
凶年錢賴富民貸富民錢盡賑不長茫茫來日憂方
大

金錫桂勘灾行羣胥切切夜深語明日下鄉勘灾去
斂民供官不敢行那得私囊覓錢處前旌泊野塘鳧
雁相回翔鬪饑如瓜破塚出隨波汨沒爭擊撞狂飈
連夜拔大木水面搖搖數間屋里正指點為官說卽

志廿 灾祥二

南

此已是天上福其餘積塌無幾存低者及樓高浸門
鳩鷓鼓翅坐屋角亭午不見炊烟痕室廬墳墓類如
此高田低田可想矣非無足穀翁亦有多金子不住
窮鄉住城市重門擊柝禦暴客怕聽人言糶平米灾
民望勘如望歲官去依然水不退嗷嗷待食無已時
九重高遠恐未知灾狀猶聞三等施

又平糶行和孫愈愚作去年溇人糶平米斷斷界盡
分彼此今年糶米震澤人兩月以來人不分同一平
糶勞逸殊溇人何智震何愚溇人語震客止須勤編
尺一籍事既易辦費可惜安得南溇混震澤震客告

溇人我鄉地廣皆貧人人人顧近不顧遠其勢獨苦
窮鄉民果如君言定戶口依舊流民滿街走爭奪相
殺無不有吏為攢眉官掣肘規畫井井各較然古寺
設廠何喧閭溇人大口給錢十日一百青銅錢震
澤小口米合半彼此大小總倍算溇人十日九日閒
一人到廠餘在田震澤發米無虛日紛紛婦子如螻
密始猶數千繼數萬困廩將空歎無術傳聞索米人
太多擁擠不畏官吏呵強者在前弱者倒赫然死人
橫當道吳船赤馬行如飛擊撞檣艣爭先歸長年失
手船則覆死人愈多網不漏嗚呼斯民不來固死來

志廿 灾祥二

五

亦死忍死來爭數合米不知發米日餘幾兩眼睜睜
望田裏溇人孫君作為平糶行其詞沈痛多楚聲豈
知震澤之人苦亦極求生不能死亦得遙望南溇尙
樂國

夏陰棠水灾行女媧煉石不可又沈沈難補蒼天漏
連絲三月雨不休水怪欺人唬白晝農夫枯槁夜繼
日急取塗泥填岸缺拋將板壁及門窗恨無萬丈橫
江鐵哀聲徧野妻孥號愁雲低幕天不高雨止能邀
晴幾日龍風又起聲滔滔水龍酣鬪橫空下倒捲波
濤向天瀉向天倒瀉勢如傾青山欲奔白石化不聞

知命避急流但見橫尸水面浮舊時打稻場寬敞而今變作魚龍洲吾聞爲政無定法灾小灾大宜分畫表其疾苦獻 朝廷輸民征稅酬民乏此外小惠皆沽名勸農補種言何輕縱然穀可種地理難變更處暑後插秧無乃非人情從來天下之溺由已溺 聖人知之有恩實野看朵朵慶雲飛捧出當頭一輪日董恂七月初二夜大風作歌十日五日雨不少一尺二尺水沒道蜚廉呀怒風姨從始猶飄塵繼偃草黃昏漸作刁刁聲三更四更勢尤撓退飛六鷁事可驚號怒萬竅聲空擾雨脚截住下不能飛龍倒捲空中

志廿 灾祥二

掉瓦片多同蝴蝶飛樹頭相併猢猻倒浪走高從人額過牆頰響壓雷聲小書生膽怯不禁嚇徹夜不眠坐待曉

道光四年春大饑米石錢五千六月十五日大雨水勢驟涌平地數尺次日始退

孫燮米價昂甚而酒肆羣飲如故詩以誌慨桂玉朝來已斷炊得錢沽酒且酣嬉屠門大嚼喧闐甚真箇凶年食肉糜

道光七年十二月大雪雷九年夏秋旱十年夏旱十一年夏霖雨秋復久雨水灾野鳥成羣食稻

董蠡舟秋雨歎五月六月雨不休大水漂溺連四州江甯南昌武昌嚴州西吳雖濼幸無害東作未後期有秋秋成其奈垂成敗十日曾無三日霽夜窗不忍背燈聽一宵萬戶農心碎○老農歎息中夜起只恐高原亦出水桑土被齧盡露根禾頭已沒難生耳舊穀食盡新未登青錢五十糴一升賣絲輸稅尙未足忍飢踏車能未能

又野鴛寒空排雁行落日翻鴉陣未若此野鴛作隊數逾萬蔽天蝗螭密動地風雨迅今秋水冒田禾頭存亦僅何堪果爾腹百畝無一瞬老農徒拊膺爾生于我浚慧非鴨能言信異雞司旦乃如金翅鳥龍子恣吞嚙鳴臬嚇腐鼠初不爲人患涎涎音燕啄矢知分安卑賤爾鴛獨不然饕餮忘禍難蒼鷹飽餘粒搏擊爾無憚一朝下霜隼毛血平原徧飢鳳九似翔回首爲三款

董恂報灾謠報灾人互相弔今年遇灾無可告報灾人轉相賀勸不成灾灾可作則箇切君不見山頭猛虎身負嶠過其下者無全軀又不見天際蒼鷹張羽翼當其前者爲所食報灾人淚如漬虎不得避餓鷹鷲俯無以育仰無事一灾不除一灾至報灾人且勿愁

志廿 灾祥二

君不見虎將變鼠鷹化鳩禽獸逃匿歲有秋

道光十二年饑築運河石塘以工代賑夏旱

董蠡舟乞食行澤國當秋苦炎煖有水可屏害猶淺

詎知一溉僅後枯儼若吠田耐風旱去年有 詔寬

賦租幾曾霹靂飛官符新絲不用輸并稅舊穀尚足

供朝餉早未成災聊藉口竊幸皇天不雨久叫呼乞

食橫索錢婦孺扶攜競奔走鱗萃蜂攢踵相接千百

成羣畢入邑恣行誰復敢譙訶以早怵人以眾脅凶

年原合食肉糜屠門一掠空無遺沸騰何啻吹唇眾

盜賊公然對面為議邸豪家恐禍迫半陌青蚨徒手

獲但肯朝朝蒙使行轉羸夜夜當窗織命儔嘯侶相

招要寅入辰退殊道遙益藏貯見金簾積陽雨翻愁

玉燭調旁觀蒿目為三歎豈可煥休長驕悍鄉閭誼

合瞻窮黎莫把貪狼當哀雁

道光十三年雨水害稼冬久雨

趙茶書感如環愁緒總無端儉歲持家事事難斗米

直須錢五百相逢不敢勸加餐

又老農歎今年三伏天不熟陰雨連縣少晴日低田

杭稻熟已遲那更飄飄半無實猶恃山田慶有秋黃

和定上倉箱收豈知秋分前十日嚴霜一夜飛山頭

老農朝來淚不止忍見嘉禾凍將死半年辛苦竟徒

勞功敗垂成有如此嗚呼上天禍聽在吾民蒼生疾

困誰當伸側聞召杜膺薦擢彼哉長吏何其仁

道光十四年正月初二日大雪秋雨傷稼冬復霖雨

董蠡舟秋雨歎闕逢敦辟建申月丁亥二十有四口

一月不雨兩夕曉起驚看百川溢低田水冒厚莫

由高田水深沒禾頭饑僅相承農乏食踏車其奈飢

無力嗚呼皇天匪不仁致災無乃由斯民何當反樸

息機械世有淳風無惡歲

道光十五年夏旱十六年正月初五日大雷電二月十二

日大風雨雷電十七年正月初二日風雪雷電夏

早秋久雨

孫燮秋雨絕句桔槔長夏老農嗟恨不移田近水涯

天意亦如人反覆秋來又踏大翻車

道光十八年除夕大雷電十九年正月雷大雨雪九月二

十三日地震大風淫雨禾頭生耳十一月雷

董蠡舟一雨三旬久不雨一雨一月逾潏潏徹昏曉

潢汗盈街衢今夏有小潦插秧向沮洳植根不牢固

離披若葭蘆土化糞力厚繁實尤腴禾頭日加重

歎側不可扶遭風皆偃仆一望千畝俱及茲盡淹漬

志廿 災祥二

九

志廿 災祥二

九

何啻沈江湖豈僅患生耳得無潰爛虞吳中近生螟
立見稟枯枯豐歲忽成災民氣何由蘇我雖乏負郭
三歎爲踟躕

道光二十年夏久雨二十一年春大水秋霖雨大星實于
西南有聲如雷十一月大雪爲災平地積數尺

孫燮雨中作自從哉生明至于月下弦中間二十日
簷溜何曾乾百草多爛死豈惟惜花殘湖鄉生計薄
所恃蠶與田平田在水底菜麥已蕩然矧茲蠶月冷
竊恐妨三眠衣食源並塞廉恥道欲捐側聞徵稅早
鄉氓咸詈官豈知急軍餉爲官良獨難腐儒志四海

志廿 災祥二

辛

活民手無權殷憂在局外作詩但籲天詩成天又雨
雷急如遊泉

董蠶舟仲冬二日雪至五日未止作大雪歎百歲老
人未見此大雪四晝夜不止深埋馬耳沒牛目飄瞥
朝來還未已同雲一罅開朝陽瘦日如月寒無光會
冰裁我泥滑滑出門咫尺皆太行今歲穫遲緣雨久
收餘什一猶棲畝及茲壓損委泥沙待得雪消復何
有君不見牆頽井塌屋半傾路有凍死尸縱橫元戎
帳下方歌舞誰念鐵衣屯戍兵

道光二十二年六月戊寅朔日食既陰雲不見晝晦久雨

二十三年七月旱螟食禾饑

孫燮秋懷頻年淫潦災水漬禾根爛今茲逢歲稔農
人待飽飯秋後螟忽生食心人不見漸漸苗葉黃偃
仆過一半眼看又災荒官糧何由辦緊予守硯田感
此輒三歎養性如養禾詩書爲溉灌邪說一以蠱志
識爲之變豈獨苗有螟人心螟食備○一日復一日
涼颼忽然至一年復一年故家有時替我生乾隆中
民物極昌熾此如盛夏暑中已含秋意禍始甲子災
先秋梧葉墜從此災相仍淫雨連歲歲其間最甚者
辛卯與癸未近復苦用兵征輸民愈匱閭里舊富家
十不存一二造物忌滿盈繁華有顛顛百年大春秋
俯仰盛衰異誰能戒履霜預爲卒歲計

志廿 災祥二

辛

道光二十四年冬久雨二十六年六月十二夜地震二十
九年淫雨大水田禾盡沒米石錢五千六百民屑榆皮
爲食有雜以沙糖者食之輒斃施賑大口每日給錢十
二文小口六文自七月至次年三月凡二百六十餘日
七月係散賑八月設局殷富典車及鋪戶捐賑九月至
十一月係大賑十二月至三月仍係捐資助賑共捐錢
五萬餘千散賑者不在此數 七月二十四日張王廟發賑人多填咽
忽金光眩目聲若雷霆自相踐踏死傷者八十餘人三
十年春饑米石錢六千

咸豐三年三月初七夜地大震冬雨木冰四年夏霖雨十一月
 月初五日申時河水忽漲起尺餘溝渠池沼皆然北
 柵尤甚少頃即平東至吳江西至長興並同此異十二
 月初三夜半大火自清風橋起西至壽星街東至通判
 署頭門北至天帶橋平明始息沿燒數百家五年火災
 頻起東柵尤甚六年大旱蠡五月十一日午刻大火自
 大橋灣起沿燒西北柵凡數百家十二日南柵又火十
 六日東柵又火是年水皆西流大饑米石錢五千七年
 春米石錢五千八百夏蠡復生悉入水自斃或化為蝦
 秋風雨損稼米價復昂如春八年三月初二日賭匪沈

志廿一 災祥二

三

榮吳士奇吳長林及錢榮莊在東柵械鬪放火傷人罷
 市數日夏薪米價俱騰湧

按 國朝以來凡遇災荒必有蠲緩但府縣冊籍
 無從檢攷民間記憶難真故悉不載

農桑一 汪日楨撰 南潯鎮志廿一
 農事總論 張文獻 稻性宜水不黏者謂之秈
 秈之小者為秈農人于正月畢歲事二月治圩岸三月
 選種浸穀立夏蒔秧四月刈麥訖遂墾田已而插青用
 桔槔灌田旱入潦出四月望至七月謂之忙月富農倩
 傭工或長工或短工佃農通力耦耕日伴工是後耘耔
 糞溉各以時無敢離畔處暑行根縱穗苦旱白露花苦
 風秋分稻秀苦雨九月刈禾是月築場藝麥豆子婦竭
 作亦謂之忙月十月治穀米往時穀既登富農供惟正
 外得高廩蓋藏以備凶荒佃農輸租大家稍貯以給春
 作近來佃農奸頑將田中稻穀先時囂春或趁新貴糶
 或投典賤質妄希貿易以博利甚且不安分以圖事又
 或于春夏時告貸富室獨租米遷延日月藉口歲歉收
 薄冬盡以礮頭糶穀約略半償官司催科甚急告追每
 置不問於是田主稱貸糶米上廩而田主病佃戶貸米
 以延須臾之死質糶以作不急之務其後貿易折閱息
 利倍加自此逋負益積而佃丁又病兩者交病在當事
 者立法以導之也○董世(甯)烏青鎮志 稻之名類不一
 秈之早熟者曰早稻其徧種者曰秈稻又曰晚稻糯種
 亦有早晚間有種者僅堪釀酒屑以食而非小民終歲

志廿一 農桑一

之需場功既竣遂于田中起棧藝麥小麥磨爲麪糶麥無芒色黃可作飯及餅餌蒸之成燒酒率雜種之明年并菜豆俱收總呼爲春花播菜豆麥訖勤者治田塍不惟便於擔泥壅稻亦以一切損苗之蟲生子每窟於其內故歲於農隙剗削草根另添新土誠殺蟲護苗之良法也老農云禾歷三時故稈三節三時氣足則穫自厚吾鄉種田例在夏至前後所歷二時而已計惟下秧極早可補事力之不逮穀雨浸種立夏前下穀稍備春氣至插青之日秧老而苗易長且耐風日古云秧好半年田非謂是歟嗣是而插青而耘盪訖於穫稻其間人事

志廿一 農桑一

節次歲以爲常○張履祥補農書凡農器不可不完好不可不多備以防忙時意外之需糞桶尤甚諸項繩索及蓑笠斧鋸竹木之類田家一闕廢工失時往往因小害大○沈彤震澤縣志無產者赴逐雇倩計歲而受直者曰長工計時而受直者曰短工又有佃人之田以耕而還其租者曰租戶少隙則又計日而受直爲人傭作曰忙工○朱國禎湧幢小品近年農夫日貴其直增四之一當由務農者少可慮可慮○董恂南潯志稟邇來農人多舍本業而營分外以恃強挾詐爲能春花懶於屨水久不復種田功亦鹵莽滅裂每入市則茶寮酒肆

雜坐喧闐此習於游惰之明驗要亦人心風俗之憂也

施國祁居之東鄉有老人年七十餘嘗過子閒談蓋隱於農者也然少不澤于詩書得自天性其論說頗中肯綮亦奇矣因爲五詩以述其意農子恆爲農才名天所忌生兒挂門戶姓字麤當記兒年已勝衣會就邨師肄三載省仿帖約略得筆記急呼兒勿往改裝穿犢鼻阿父今老大蔗蓑正不易荷鋤替耶耕田園將汝寄邨師訝見勸小子實偉器何不與卒業青紫非難事俯首謝先生敦勸誠古誼不見東家子少慧頗聰異晚爲儒冠誤素業竟淪棄西鄰賣菜翁吠

志廿一 農桑一

畔盡勞勩蠶桑利三倍多金買田地力田久無科司命豈余畀或聞秀才家未必知書義敢教兒負心貪天幸非莫○富貴不長保所願子孫賢力耕生計拙飽曠得天憐東頭膏腴產祖父假種田帑金論估值豪奪占利權當其全盛日北阡連南阡禾疇塞關右竹畝封渭川稅率巨量收坐入累萬千催租來悍僕中人見笞鞭貴家不旋踵籍沒爲贓園富家不轉瞬揮手當博錢華侈今安在飄忽如雲煙而我佃田者曝背日高眠瓦盆可酌酒敗絮聊遮肩祖父不長世及身方盛年顛倒十易主貿鬻多變遷桑海成小劫

咄咄豈關天多藏而速亡倚伏理自然○聞昔渠田
廢越人供稍入矧茲泥塗鄉水芸利卑濕嗟嗟水芸
苦夏畦病堪泣秧抽草復長茶蓼徧原隰非無迫地
鋪延蔓破艱澁非無燒蕪湯深根銅潛蟄推拉盡陳
亥惟賴厥指十挾剔糞壤中膝屈不得立炎日赫如
火遮頭一小笠新苗利若刀掩脛一破褶淤暑塞溝
塍斷續氣吁吸有時中毒虺血流和汗汁歸來頭搶
地面槁色於邑庶幸稻有秋輸租食餘粒我農二生
計命薄太危急漢廷水火詔此語未傳習陸氏耒耜
經此事或搜輯○馮煖能市義高風卓已邁居貧到

志廿一 農桑一

四

立錐大苦是逋債慨我農家流往往中機械劑券論
手實取攜意頗快錢多市魚肉侈味捐蔥薤牀頭一
揮盡始覺天地隘生涯太局促計窮鳥翮毀畏見催
租客低眉受睚眦富人心計精科掠算纖芥薄儲倍
稱息那足供鸞喉前年杼軸空今年兒女賣剝肉為
醫瘡吁嗟甚矣憊終老效梁傭無家可救敗莫謂尋
常有小毒等蜂蠆三邨出大戶十室久遭壞願言稱
貸者休忘前車戒○木棉古貝草繭實抽細繭烏涇
始移植海墘稱奧區詎意崖州種流傳徧三吳鳴蟲
乍驚懶責功問妻孥大婦頗能力拚彈操弦弧小婦

復習勤紡車轉轆機杼誰者工堂上煩阿姑晨妝
不暇理髮亂如蓬枯凍手不暇洗或生皸裂膚三冬
勤夜作同巷戒偷慵計日成丈匹抱質權青蚨去歲
實窘迫翦落償官租今年差可保鹽豉或所需餘布
尚尋丈為夫作新襦農家重蠶績業此從古無疇將
南邨攷補題松雪圖

揀種穀 許旦復農事幼聞嘉禾登場之後取穀之圓綻
飽滿者留為來歲之種穀有杭有糯有秈之中又有
赤稻白稻之分赤先熟白較後秈稻我湖山鄉為多下
鄉甚少其熟較早一月俗所稱黃秈也糯稻我鄉種不

志廿一 農桑一

五

甚佳未能粒粒通變惟金壇溧陽所出為最穀既揀淨
編稻草為畚懸之梁間取其風燥不霉壞也大抵田一
畝需穀種四升
墾冬田 農事幼聞耕田之具曰鐵搭有四齒長尺齒末
闊者以墾田齒末尖者以蒔地有作偃月形者以鋤草
冬月刈稻後即將田墾轉以深為貴至來春二三月重
加翻劇謂之鈔田總欲其土地細碎得水融和也有冬
不及墾直至插秧時爬轉者曰笊帚田以稻本尚畱也
雖已墾而未加鈔者曰鏝蓋田以土片大如鍋蓋也此
情農所為良農斷不出此

種春花

農事幼聞 油菜小麥謂之春花自吳郡以東地

高種麥爲多我鄉窪下種菜爲宜刈稻之後墾田爲高

稜旁界小溝或撒麥令自出或栽麥苗若菜則必取秧

培種種後俟其生發用包鐵木鏟再濬其溝卽以土壅

菜麥旁一取溝深雖乾不致大傷一取溝底泥肥也然

必春雨不多得以頻加厚糞結實始繁○烏青鎮志歲

既穫卽播菜麥春中則摘菜莖以爲蔬仲夏春菜子以

爲油刈菜其以爲薪磨麥穗以爲麪雜以蠶豆並名曰

春熟○邢典書城雜著麥種須揀成實者棉子油拌過

則無蟲而耐旱宜肥地土欲細溝欲深種欲勻喜糞春

間鋤一徧收子多若三春有雨入夏時有微風此大有

之年也初種忌戊日以灰糞拌種妙○補農書農叟有

言麥歷四時故耨四節種麥必使四時氣足則收成厚

吾鄉種麥多在立冬後至夏至而收所歷三時而已中

秋前下麥子於高地穫稻畢移秧於田使備秋氣雖遇

霖雨妨場功過小雪以種無傷也

收春花 農事幼聞菜麥之熟在四月底正蠶忙時每未

暇及此然梅雨將來稍遲恐不及刈矣諺云打稻奪麥

甚言以速爲貴也收菜卽就田中拔起以大桶擲取其

子若攜歸至家則殼燥子裂遺棄滿路矣麥則刈取後

志廿一 農桑一

六

就家中曬乾築取其粒或陰雨連旬麥未乾透則生小

黃蘗顆粒每至霉變○書城雜著麥熟時帶青割一半

合熟割一半蓋麥熟同時不比別田熟有先後若候齊

熟一遇風雨必致拋撒卽載歸曬乾恐生蛾密密苦蓋

以防雨不及載則坡下苦之乘晴明旋刈旋打揚籽粒

收起卽未淨俟所收打過將稽再打○補農書油菜防

盜取以牛糞入潭作爛澆之則菜臭而人不偷矣

浸種 書城雜著早稻清明節前浸晚稻穀雨前後浸用

稻草包裹一斗或二三斗投於池塘水內缸內亦可晝

浸夜收不用長流水難得生芽若未出用草會之浸三

四日微見白芽如鍼尖大取出陰乾密撒田內糯稻出

秧較遲浸八九日如前微見白芽方可種撒時必晴明

則苗易豎田須犁耙三四徧青草或糞穰灰土厚鋪于

內禽爛打平撒種肥而易旺

撒秧穀 農事幼聞秧田必自爲一區四圍護以高塍或

桑地梅雨驟溢可以厚乾無損若一浸入水中則田圩

縱能車救而秧種已無有矣始撒須微水將田犁平如

鏡穀種勻糝其上隨加稻灰頻灑以薄糞其初出細

如鍼所謂秧鍼也長及尺便可取種矣

董恂播穀樹頭催耕鳴東作又相促邠風詳農事其

志廿一 農桑一

七

始重播穀譬如吾儒行端在慎初服力不墮始基逮
秋乃成熟無使雜稗稗良莠恐同蹙不辭選擇勞佳
種辨種稔散置方罫間四布如星簇雨露十月滋短
鍼排一絲插需秧扇開霑體更塗足何待病夏畦卽
此已顛訶吾儕食於人飽食未知福請共操豚蹠滿
篝替渠祝

貸米 紀磊沈眉壽震澤鎮志耕時貸米於富戶至冬償
以米其息甚昂有一石償二石者謂之轉斗米

董蠡舟海溪權歌 販米商船邪許呼年豐價尚貴如
珠火船儲粟嗟餅罄貸得豪家轉斗無船尾炊爨處俗謂之火船

志廿一 農桑一

入

董恂海溪權歌 米憑轉斗接青黃加一錢多幸已償
二月新絲五月穀為誰辛苦為誰忙

插秧 農事幼聞 區種為插秧之候其率先者謂之開圩
早則上水澇則出水水以尺為度不令過滿將前時已
墾且鈔之田又用鐵鍬細細斫碎令全無塊壤然後下
秧必界以繩謂之秧界繩每一界為一埭埭約廣三尺
種秧六窠層層相次每層前後約空八寸謂之段下秧
之人須步步倒退腳踏段中空處不令插秧處有高低
淺深庶秧得均勻分布埭之多寡視田之廣狹分段布
秧太密不得亦太疏不得密則慮秋後熟傷疏則地有

遺利也○烏青文獻拔秧洗根去泥揀出稗草趁天陰
晴急忙蒔插稗行宜直以便耘揚淺插則易發稗與秧
宜辨葉上光滑色微黑者為稗葉有鋒芒色微黃者為
秧○漣川沈氏農書種田不在乎早本處土薄早種恐
生蟲其時有水則區種前後插蒔為上若早年車水便
到夏至也不妨只要倒平田底停當生活以候雨到雨
不到則車種須一日車水次日削平田底第三日插秧
使土中熱氣散盡後無出蛙之患而墊底尤為緊要墊
底多則雖遇水大而苗肯參長浮而不至滄沒遇早年
雖種遲易於發作平底之時有草須淨盡如削倘種時

志廿一 農桑一

九

先有宿草得肥驟與秧未活而草已滿拔甚費力若插
時拔草先淨則草少工省○又湖州水鄉每多水患嘗
見沒後復種秧俱大收穫比前倍好萬一遭此須設法
早車買苗速種立秋前可種若遇天氣老晴熱氣尚盛
便過立秋幾日尚可種植下只要無草不可多做生活
尤不可下壅下壅工多則苗貪肥長枝枝多穗晚有稻
無穀戒之

方薰插秧霉風吹平時霉雨時飄忽蠶桑幸已了插
種因時急努力早開畦丁男趨遠陌縛秧如束薪插
秧如拱揖俯首躬復偃退縮踵相接布置龜手披芊

縣雁行列疏密縱橫間一一從繩直豈不惜辛勤時
哉不可失伊始不竭蹶那望秋秀實有年良在茲也
勉勤栽植

撩草揚田 農事幼聞插秧後月餘草生苗旁以手撈取
其草即搓成團踏田間取其爛而滋益苗根也撩草之
度或一次或二三次總視草之多少為斷此後則揚田
矣揚吐浪切或用
盪字俗作挽非揚杷之制板長尺半首廣二寸末廣
三寸板下勻排鐵釘五層作微彎似鉤勢上裝竹竿抽
曳往來于苗之空段間令草根盡起不致復生

耘田 農事幼聞揚田就空段間抽曳之而每層六窠之

志廿一 農桑一

十

中間或生細草則揚所不及也故又加以耘之功耘者
膝跪行於苗間兩手匍匐而前細剔苗根之草慮苗葉
傷其勝編竹片為簾縛兩股間謂之耘田馬蓋揚則橫
推耘則直撒一縱一橫事交濟而功遞密也然揚立而
耘跪又當三伏烈日中農夫勞悴無過斯時○沈氏農
書今日拔草明日即要橫鋤當使草嘗無處著腳計小
暑後至立秋不過三十餘日鋤盪耘四番生活鋤一盪
二耘一
均勻排定立秋邊或盪乾或耘乾必要田乾縫裂則根
派深遠苗幹蒼老結秀成實水旱不能為患矣乾在立
秋前便多乾幾日不妨乾在立秋後纔裂縫便要車水

蓋處暑正做胎斷斷不可缺水水少即車直至斫稻方
止若值天氣驟寒霜早凡田中有水霜不損稻無水之
田稻即秕矣○書城雜著揚稻後將灰糞或麻豆餅屑
撒田內用水耘去草盪淨近秋放水將田泥塗光謂之
煇稻待土裂車水浸灌之謂之還水穀成熟方可去水
或遇天少雨急鋤一徧勿令開裂俟天興雲則澆肥糞
待雨勿致缺水則稻發不遏

紀端耘田歎所居在邨南田間去數武閒從讀書暇

溫詞叩田父田父前來言耕田耘最苦日曬背欲皺

蟲齧血成乳躄身苗葉中氣咽不得吐微風搖綠涼

志廿一 農桑一

七

其銛能割股苗草不兩立草勢強如弩一耘還再耘
尚嫌功莽鹵竹馬將壁懸培壅自此甫去年水旱時
六月無滴雨今年雨如澆水深魚可罟昨夜湘江船
餅價等于土余家亦世農舊有農桑譜不聞田父言
那悉苦難數胡為今之人還賤穀之五

下壅 農事幼聞草既淨後加以肥澤之功謂之下壅富
家多用豆餅椎碎成屑勻撒苗間貧家力不能致餅則
用豬羊欄中腐草當暑天臭穢不可近將桶貯之挂於
項下胸前兩手撈取分擲周行田間必勻必徧或有捲
取水草作爛成泥更有用蠶紬灰糞者他處山田水冷

則用石灰亦有用馬牛犬豕骨豬毛雞毛及頭髮者土性不同不必以之繩吾鄉也○徐獻忠吳興掌故集下糞不可太早太早而後力不接交秋多縮而不秀初種時必以河泥作底其力雖慢而長伏暑時稍下灰或菜餅其力亦慢而不迅疾立秋後交處暑始下大肥壅則其力倍而穗長矣○烏青鎮志下接力都在處暑後做胎及色正黃之時倘苗茂密度其力短俟抽穗之後每畝下餅三斗以接其力亦有未黃先下者每致有好苗而無好稻○震澤縣志在昔餅之直賤計其費率與糞相當今餅直視前日增糞之直不能與之相當故農人

志廿一 農桑一

益苦 按今稻草價亦日昂蓋由於此

張海珊說糞 溫也瘥以瘥糞圖屬題因作此

凡田有厚薄土有肥磽皆緣糞氣為美惡糞以柔之無疆藥糞以壅之無輕與薄使厚過使和糞之利益宏哉凡糞載於周禮雜見於諸家種植之書糞之類或以馬骨牛羊豬麋鹿或以禽獸毛羽或以腐葉以枯朽根莖或以糞蠅汁以溝瀆泥或以人洩及牛豕洩其類猥以隴凡人洩為大糞餘為雜糞苗糞為蠶豆為大麥草糞為翹羹陵茗為苜蓿為苔華江南水田冷宜火糞江淮迤北宜苗糞凡制糞多術有蹋糞法有窖糞法有

蒸法有釀法有煨有煮而煮尚矣凡置糞處或為池或為廁懼其露也為之屋懼其滲也為之甎檻凡用糞有時與法用之未種先曰墊底用之既種後曰接力不得其時與其法則枝葉茂而實不繁糞過多則峻熱而殺物凡糞具有畚有帚有杓有瓢杯載糞有划船有下澤車凡糞蟲有蠹有蝻

車水 農事幼聞水車之制絕大者用牛牽盤以運軸或三四人立而踏轉之更有用風帆以轉軸者其小者則一人坐而手搖之吾鄉並不經見吾鄉之車兩人坐而踏轉之最為適中車用方木長二丈餘下排短檔二十

志廿一 農桑一

四以連屬車牆 亦曰兩牆相去約廣尺深八寸中用鶴膝銜接為轉捩間以木片謂之車柿 柿之廣與長視

車牆車尾有小軸車前橫大軸軸有齒十二鶴膝貫於軸上隨軸轉動挈水若建瓴誠旱澇之利賴也旱年上水人各自為主澇年出水則合圩共舉謂之大棚車車之多少視圩之大小備車之人辦糧佔地曰車埠頭分眾戶田畝以屬之每舉工六日為一程喚所屬者到工遲誤則有罰當緊急之時軸頭置紡線以記轉數番數小軸上聯以繩以較彼此遲速彼繩屢為此絞斷則彼宜有罰罰以酒其有外圩人來者放重其車每以此侮

之亦一做俗也

孫變桔槔行工人製器何奇絕輪轉水中使水逆軟
浪千層欲上梯白光一道如翻雪中田土燥苗半槁
赤日行天午更熱農人雙腳踏轆轤絕勝溪濱一餅
挈有機事者有機心漢陰丈人誦其誦豈知利用本
前民不爾禾苗那可活俯仰全憑人力引勞苦何如
牛服輓只愁百畝地皮焦難顧千夫脛骨折收得盤
中米一粒農夫汗費幾升滴舉頭望雨雨不來夜半
猶聞聲軋軋

除蟲 農事幼聞三伏苗長之時有青翼蟲生其間形細

志廿一 農桑一

十四

如粟而頭尖謂之蠓蟲多則令苗悴除之之法菜油熬
過用小竹管吸油滴田間一人從後用竹板打油水上
苗蟲聞油氣則死秋熱過甚或兼毒霧連朝則生黃翼
小蠅遺子苗本上卽生蛙稈蟲能食苗使矮除之之法
用缸貯水置田塍夜炷火其中蠅望火光撲入卽滄死
庶杜其生子之患總之苗喜透風有風處蟲口較少道
光二十三年我鄉曾遭此患竟有通畝枯稈無升斗收
成者惟沿塘透風處得無恙若蝗蝻爲蝦子所化漫空
蔽野絕無備禦之策惟祝天連日霖雨則此蟲殼不得
脫濕漲而死矣。陳芳生捕蝗考飛蝗見樹木成行或

旌旗森列每翔而不下農家多用長竿挂紅白衣裙羣

逐之又畏金聲砲聲聞之遠舉用稈草灰石灰等分細
末篩羅禾上蝗卽不食蝗最難死初生如蟻之時用舊
皮糶底躡地摑搭應手而斃且狹小不損傷苗種蝗在
麥田禾稼深草中者每日侵晨盡聚草梢食露體重不
能飛躍宜用笕箕栲栳之屬左右抄掠傾入布袋蒸焙
炮煮隨便或掘坑焚火傾入其中若只瘞埋隔宿多能
穴地而出蝗有在光地者宜掘坑於前長闊爲佳兩傍
用板及門扇接連八字排列集眾發喊推門趕逐入坑
又於對坑用埽帚十數把見其跳躍而上者盡行埽入
覆以乾草發火焚之然其下終是不死須以土壓之過
宿方死陳龍正曰蝗可和野菜煮食見於范仲淹疏又
曝乾可代蝦米然西北人肯食東南人不肯食亦以水
區被蝗時少不習見聞故耳崇禎辛巳嘉湖旱蝗鄉民
捕蝗飼鴨極易肥大又山中人畜豬不能買食試以蝗
飼之其豬初重二十斤旬日肥大至五十餘斤。志彙
澇年穫稻過遲每爲野鴨所食千百成羣所下之處稻
頭一霎而盡亦以金聲砲聲驅之

刈稻 農事幼聞刈稻早或九月底遲亦不出十月蓋禾
稼之成資乎霜露霜太早則粒不能實霜未至則稈不

得枯故必俟霜降之後其所持以刈者曰稻鐸刈稻乾田為易濕田為難既刈後將稻橫卧於四柱木棧上以便紮縛成筒名曰達車既成筒分張於三肘竹架上名曰翹遮亦作橋杆風戾日炙乾後乃任負以歸東鄉田高無須竹架竟置禾田中亦能趨燥我鄉則非此不可

孫變刈稻行金風一夜吹郊墟旦日刈稻人爭趨祝融肆威奪民食努力斂此枯槁餘去年刈稻稻滿屋今年刈稻僅數斛卻喜官糧尚可供餘粒那能飽體粥簸之揚之如汰沙穀中莠稗何其多劣米上倉不中式卒逢吏怒當奈何朝廷郵災吏橐滿富民出錢

志廿一 農桑一

去

征可緩揀選好米輪官倉偏是貧家田耐旱

牽磨 農事幼聞打稻用木牀竹棧兩手舉而擲之穀自粟粟而下旋用風車扇去其芒芒謂之穩亦有巧者取和灰泥以塗牆則經久不裂穀既扇淨乃就龍磨以堅木為之上圈鑿直齒下畔鑿橫斜之齒令上下齒相齟齬磨上搭直檔曰大桁旁加橫檔曰小桁四五人扶其檔而牽曳之殼自脫而米不傷其殼謂之磨糠再用風車扇去磨糠間有碎粒曰糙糲亦扇去之然後入大篩以篩之初上直落篩後上巧篩總以米淨穀除為高手第一番所出之米謂之頭鋪米篩後重上磨者謂之

二鋪米並以自食及糶錢并以償轉斗米最後所出多零星碎雜青腰白臍之屬謂之結磨末鋪佃戶完租入率皆是物也

上圍 農事幼聞春米之器或用木曰或用窰曰而窰曰為勝其用石曰兩人舉石杵雙確者西鄉間有之我鄉無有也木為曰牀牀上有杵曰曰篋亦曰曰跳足踏以春米白則以小篩去其糠糲或一春即止謂之大一擊或篩後再春則米愈白淨謂之雙糙他處有三糙四糙者亦吾鄉所無也繼乃紮稻草為圈每圈高約二尺層疊增高名曰圍先用菜葉麩皮裹以稻草紮縛成圍高

志廿一 農桑一

七

數尺植立圍心曰發頭然後將米入圍旬日後發頭蒸熱濕氣上沖急用磨糠隔麻布腳袱以收之隨濕隨換務收盡其濕而後止則米黃白停勻不霉不蠹所謂冬春米也至山鄉和米則蒸穀而磨之蘇松等處則徑食白米並不用上圍與吾鄉不同。志橐有用石灰燒酒滾水入發頭內則一二日即蒸熟數日即開圍名曰發極冬春倘開圍稍遲米即黑爛市肆每用以攪入冬春鬻之。鄧元慶湖錄蒸炒米與冬春黃米皆取其脹耳嗚呼吾鄉人豈樂為此哉農夫終日勤動朝饔夕飧若用白粲須得二升猶不足以果其腹故不得已而為之

計冬春蒸炒日食升許足矣明知自欺以儉其口腹土瘠民貧吾鄉爲甚上而杭紹下而蘇松皆不然也

紀端春米謠茅舍雞鳴聲未絕踏凍呵冰行似蹙三竿日出主人眠鐵鎖重開寒氣冽朋儕絡繹步碓連雷電訇然半空徹汗雨翻成六月天毛孔濕盡淋漓血竹籃冷放午間糧黃莖鹹蘸焦飯咽長槍箭子不記名九轉筵勻浮白雪杵成憑取小紅籌南陌西阡各異轍晴月吳歌犬吠歸黃昏風雨煤燈滅入倉收蓋價當酬主人嗇客青蚨折寄語東家紈袴郎食時五觀涪翁揭

志廿一 農桑一

六

董恂春米謠鉤鎌已歇枷板鳴吹來耳畔多春聲穀皮簸蹂飛作蠱穀實潔白精華呈甕儲計穀一年食餘以釀酒來稱觥我雖無田不耕作一餐也費千香杭去年歲歉不得米今年盼得糠星明春歌自朝達夜半倉箱料得多桑盛記曾讀易攷厥制斲木掘地勞蒼氓今易以瓦較便利沈郎捉搦歌堪賡有言赤冀始作此或毀或糊當持平春揄之說出大雅春人亦列周官名春成曰糗否曰糲一般免我飢腸撐弟兄能容亦斗粟那須牌檠求其精我歌未終曲人有朝儒生道儂飽食太平飯只解款語歌嚶嚶君知春

志廿一 農桑一

九

者樂不識春者情一田所出米有幾其半輸卻官家征外此私債償敢冀畱餘贏嗽嗽俯仰間日暮無朝烹古人之樂以歲卒今人捩指多拘倖倘得歲云熟民物猶咸亨自逢洪水災呼癸還呼庚棉衣脫卻質庫去一身博得飢寒并宿逋未了又新券補瘡剜肉難兼營今年縱得春春罷還怛怛一朝催租來盆盎俱爲傾那有升斗儲可以言豐盈不然捉卻官裏去蒲鞭一一飛黃荆我聞斯語悲不覺心爲驚無米不飽有亦同嗷饑卻不關西成女貧苦爲他人嫁男貧亦爲他人耕可憐童子鴻賃廡愁回縈娛親已乏伯夷粟遺母復少君子羹硯田食破不得飽糝糠意氣空縱橫請停春者相聽我歌淒清不必垂紳侍享佩白珩亦不必鳴鐘列鼎開千甞但願家家十斛收自多喧春不斷聲鏗鏗稻堆已比屋更上糠積亦將山與爭君不見昔日越王春米處糠頭畱得勢峻呼完租 志彙江南完租並佃戶送至業主之家吾鄉無此例必業主乘舟至鄉量取至豐之年每畝不過一石左右稍歉卽減有僅三四斗者又或歉歲緩征官不開倉則租無顆粒然漕糧分三年帶征而租米不收永無帶征之事也○烏青鎮志賃田以耕之佃戶向時人尚謹

愿除實租外照田根立券者曰虛租有預議折實米數不論水旱者曰實租視豐歉為盈縮年來姦猾成風順成之歲且圖短少小涉旱澇動輒連圩結甲私議納數或演劇以齊眾心或立券以為信約倘有溢額者黠者遂羣噪其家責以抗眾不則陰中以禍是 國家以旱澇為憂而姦佃反因以為利也懲難此風則公私並受其福矣○吳興掌故集湖中收租斛視常有加至三升者其俗大率收租極大納稅名官斛糶冬米極小習俗已成不以為異夷堅志載湖州沈二八用大斗量租為陰司所錄其理或有之然則亦可警矣其間豈無公平識達之士變易其風者乎

志廿一 農桑一

五

趙蔡溫氏母訓跋節錄陸太夫人言買田收租是儒家捷徑良方不廢清修不染市道以今日論之則業主佃戶莫不以狙詐相尚實與市道無異而清修亦斷不能無損此誠陸太夫人所不及料而余則深有感於人心風俗之遷流矣

施國祁收租卽事日斜阻邨西勢面巖風酷投止南榮下寒氣誰囑嚀田父有好懷泥飲招近局甕頭杜茅柴味澁勝醴醪何以侑吾觴薑紅間齋綠充腹得芋魁滿盤堆紫玉情親失行次被肘膝屢促更呼舟子來分炙色亦欲飢走體不溫頓令嗟春旭人生奚

必爾一飽萬事足○破屋稀煙禦寒鄰少雞狗所遇非丁男惇惇倚孀婦緼履行百結懸鵝不覺醜見我入門來苦語何噓噓耳熟故夫言君家多積負糶米瓊之粒量入聚于斗惻然顧荒廚乏數升糶薄藏其餘幾拾橡不救口折券古非難虐取天所培錯莫一長吁揮袖出門走那得糜暖場為渠租數畝董恂邨田詞又為登高把一樽追呼聞已急前邨儂家只有租田在不怕如狼吏打門

志廿一 農桑一

五

蠶事總論 胡承謀湖州府志治蠶始於護種終於收繭繅絲而中間時寒煥燥濕節飢飽視慈母之護嬰兒殆有甚焉而其所賴者專在于桑其樹桑也自牆下檐隙以暨田之畔池之上雖惰農無棄地者其名桑也不曰桑而直曰葉其有餘則賣不足則買胥謂之稍葉稍有現有餘其不能者或典衣鬻釵釧以償之或稱貸而益之或其時蠶多葉少而無可稍者則不得已屑米粉糝葉以飼之採柘葉以充之然且飢飽之不節燥濕之不均寒煥之不時則蠶往往至於病而死而蛇鼠之耗蠅蚊之毒乘間抵隙每為人力所不及防蓋有功敗于垂成禍生于非望者又不可勝數矣○湧幢小品凡蠶之性喜溫和與惡寒熱大寒則悶而加火太熱疏而受

風蠶房宜卑卑則溫蠶簇宜高高則爽又其收種時須在清明後穀雨前大起須在立夏前過此不宜也至於桑葉尤宜乾而忌濕少則布泡之多則箔啼之能節其寒煥時其飢飽調其氣息常使先不踰時後不失期而舉得其宜故所收率倍常數○又湖之畜蠶者多自栽桑不則豫租別姓之桑俗曰秒葉凡蠶一斤用葉百六十斤秒者先期約用銀四錢既收而償者約用五錢再加雜費五分蠶佳者用二十日辛苦收絲可售銀一兩餘爲絲爲線矢可糞田皆資民家切用此農桑爲國根本民之命脈也本地葉不足又販於桐鄉洞庭價隨時

志廿一 農桑一

三

有不宣以乾鮮之葉難得也蠶食熟葉則繭浮鬆不可絲其害淺食溼葉則潰死食溼熱葉則僵死食霧露葉則痿死葉染風沙則不食葉宿則不食而仍飢其害深知戒人之失而不知備天之患未爲全策也○談鑰吳興志湖絲雖徧天下而湖民身無一縷可慨○董蠶舟南潯蠶桑樂府自序蠶事吾湖獨盛一郡之中尤以南潯爲甲然護養之方早晚之候與夫器具名物禁忌稱謂有與郡中不同者不特如秦少游所云竟地異於吳中而已也

志廿一 農桑一

三

高下倏忽懸絕諺云仙人難斷葉價故栽與秒最爲穩當不者謂之看空頭蠶有天幸者往往趣之○沈氏農書蠶房固宜邃密尤宜疏爽晴天北風切宜開窗牖以通風口以舒鬱氣下用地板者最佳否則用蘆席墊鋪使濕不上行四壁用草簣圍襯收潮溼大寒則重幃障之別用火缸取火氣以解寒唯暴熱則外通內蒸暑熱無所歸則蠶身受之或體換不時喂飼略後受病之源皆在於此○補農書蠶之生疾半在人半在天人之失恆於惰惰則失飼而蠶飢飢則首亮失替而蠶熱熱則體焦皆不稔之徵也天之患恆於風雨霧露卽烈日亦

官稅吳民蠶務多辛苦育蠶身殉悲難勝我聞為作
哀蠶行長歎一聲出隴望桑葉黃落鳩哀鳴

紀松蠶婦怨出門采柔桑入門飼蠶忙桃花已落盡
夏景日漸長家家試新火戶戶早凝妝有郎不同宿
有酒不能嘗中宵頻起看攬衣獨傍皇吁嗟乎辛苦
倍更長初眠蠶在房再眠蠶在堂三眠蠶欲老纍纍
繭盈筐雖則繭盈筐焉得遂成章五日繅為絲十日
織為錦杼機夜雨寒刀尺秋風緊雙眼花雙手胼干
辛萬苦一絲絲來朝剪取攔街賣賣向花街游冶兒
游冶兒嬌且癡子無袴妻無衣楊柳隄邊楓橋月換

志廿一 農桑一

五

得紅顏一解頤

施國祁雜興佛祠可有社錢供香火頑僧性最慵蠶
事莫嫌無用處三更來打及時鐘僧於蠶月入夜打鐘三次以警蠶婦
餉葉之候蠶畢率酬以絲

張鑑蠶詞種來女樹亞紅牆露葉煙條未滿筐知是
馬頭孃祭否應無打鼓酒桃漿○火速門攤徵大官
浴川風戾敢偷安祇將破袴憐夫婿難掩催租幾處
癩○父蛾母蛹暖房餘雪色吳王繭不如誰信輪蹄
日蕉萃郎騎秧馬妾纜車

栽桑

烏青文獻畜蠶之家先在栽桑其嚮之也於冬之

杪春之初遠近負而至大者株以二釐長八尺所謂大
種桑也密眼青亞之其栽也耨地而糞之截其枚謂之
嫁畱近本之條尺餘許深埋之出土也寸焉培而高之
以泄水墨其癩或覆以螺殼或塗以蠟而封之是防梅
雨之所浸糞其周圍使其根四達若直灌其本則蠶而
死矣不可灌水灌以和水之糞二年而盛又必月一鉏
焉其起翻也須尺許灌以純糞徧沃于桑之地使及于
根之引者禁損其枝之奮者桑之下厥草不畱遇午日
不可以鉏其摘也必潔淨遂剪焉必于交湊處空其幹
焉則來年條滋而葉厚其壘也以糞以蠶沙以稻草之

志廿一 農桑一

五

灰以溝池之泥以肥土初春修去其枝之枯者樹之低
小者其壓也春初以長枝攀下濕土則條爛燥土壓之
則根生其接也仲春擇桑大如臂者約去地二三尺以
刀剔起樹皮取柔枝大如筋長一尺者削如馬耳插入
皮中即以桑皮纏定糞土包縛令不泄氣即活為桑之
害也有桑牛尋其穴桐油抹之即死○烏青鎮志種桑
初種名桑秧其種也不外冬杪春中法貴稀縱橫各
七尺冬種者秧宜大清明前後種者宜細桑必接而後
大每以家桑枝接之不則為野桑條桑貴剪初種剪其
餘獨剩根而糞之令其發生如是三年而後畱其幹採

葉後又翦其長條否則葉不暢茂其不翦者曰高桑翦而禿者曰鼓椎桑其修也擇根下細條或丫襠陰枝以及渺小不堪蔭下繁密者悉去之翦桑又或有前因礙鋸而未及盡截及老枝不成器者再芟之設遇癩桑即墾去勿令纏染蓋桑癩無治法也歲於清明時糞其四圍謂之撮桑翦畢即灌之謂之謝桑其刮蠶也自冬訖春檢瞭凡三猶不能淨盡須六月捏頭蠶七月捏二蠶而頭蠶又宜細察留頭蠶一則二蠶百捉蛀亦須三次春分捉出屑蛀秋分捉條丫蛀翦桑後或九月又細捉之恐因捉損桑則用爆仗藥綫入蛀穴燒之蟲即死立

志廿一 農桑一

美

夏後采桑買葉名葉市蠶有頭蠶二蠶故曰葉曰頭葉二葉云二葉須老農善採者留其條為來歲生葉之地若頭葉則盡採乃已大約良地一畝可得葉千三四百斤○書城雜著壓桑初芽時擇指大枝條旺相肥澤者就馬蹏處劈下潤土內開溝尺許埋實自然生根布葉壓後遇旱於旁開溝灌之但取水氣到忌多著水修桑削其小枝則葉茂去其枯枝則不荒蠶事畢將枝髡去但髡時不可留鬚角及夏至開掘根下用糞或蠶沙培壅則生意鬱積來年嫩枝之葉更覺茂盛且皮可製紙枝可當柴兼有餘利

浴種滄種 董開榮育蠶要旨種有二一曰鹽種繭細而

堅中有細頸名曰腰繩一曰灰種繭大而鬆臘月十二日浴之鹽

用食鹽將種布置區內鹽滲布上沒子為度用濃茶一

碗候冷噴之令溼透放屋上及庭中經霜露七宿始收

下如遇雨雪刷去其鹽灰用石灰每方尺許用糶子大

一塊盛於瓷盆滾水泡化待溫浸入點線香一枝香盡

灑乾放區內令經嚴寒凝凍至醉司命日用蒸糶子湯

待溫將種浸入亦以線香為度輕輕灑乾曬燥收藏鹽

灰二種並同按是名滄種亦有用寒食日者

董蠶舟浴蠶臘月取布種露置庭中一宿煎茶候冷浸之糶鹽或石灰於其上日殺種至寒

志廿一 農桑一

老

食蒸粉資祀竈取蒸餘暖水采蠶蠶豆等花共投其中浴之浴後晾乾日滄種是日市門神貼之又以石灰畫地為弓弩形以祛祟鄭元慶湖錄謂清明食螺謂之挑青以殼撒屋上謂之起白虎亦以讓蠶祟無之吾鎮則隔歲招搖指星紀農事告登蠶事始盡搗布種置中庭一宵露置冰霜裏取潤還須茗汁淹灑以蜃灰糝以鹽田家一例鉏非種先事全將醜類穢轉眼已過百五日老婦瓶盆羅滿室粉資祀竈為祈蠶蒸來翠釜湯餘熱油蠶豆莢花叢叢摘取一握投湯中抱湯滄種令活泄更借茅檐薄日烘摒擋怒怒日過午何暇挑青禳白虎呼兒換卻舊門神還待布灰畫作弩

董恂滂種嘉平二七良日逢以水浴種當去冬今年又到清明夜俗呼寒食為清明夜浴蠶例與殘年同門神競向 白板貼以灰畫地如彎弓祈禱白虎辟蠶祟欲趨其吉先祛凶婦姑怙怙不得暇磨米作糲度且蒸蒸糲水香滂布上采摘花片攪其中一年蠶計此初事能慎厥始斯有終深閨努力促鍼指拮据怙月無餘功

護種育蠶要旨清明後穀雨前用舊絮包種六七日再將種放熱被內令得人氣漸漸溫暖其子變綠謂之戰色俟全綠即可收蠶倘桑葉萌芽未曾暢茂天忽驟熱宜將種放涼處使不戰色

志廿一 農桑一

表

董蠶舟護種浴後包種紙貼胸前得暖即活郡人以巾裏置熏籠上謂之打包亦吾鄉所無 深林曉聞布穀語屋角鳴鳩拂其羽微禽解報蠶候臨剛是今朝逢穀雨穀雨已過蟲難藏城中戶戶打包怙怙頭布種亟檢理護來趁此春宵長一層只隔香羅帕莫自切勝傍熏籠取餘熱明晨生意定全蘇溫磨氣借酥胸熨和服頻番掩復開嬌兒索乳數投懷枕邊低喚教郎醒今夜憑君抱護來

董恂護種東風吹破桑眼青穀雨已近天氣晴囑郎早詣日者室遴選吉日宜收成儂家蠶種已浴過須令溫煥滋初生只愁夫婿正年少心熱無乃多薰蒸

不如阿翁齒衰邁微和微暖纔相應老人深夜醒尤易那須少睡頻叮嚀况自阿翁護種後年年花稅多豐盈他時酬神酒先賁任翁一醉翁無憎

貨錢震澤鎮志蠶時貧者貸錢于富戶至蠶畢每千錢償息百錢謂之加一錢

董蠶舟貸錢農民養蠶乏賁貸于富家蠶畢買絲以賴以濟蠶事益中餘粟食已罄笥裏寒衣典無贖買

葉無錢餬口難何人肯乞去聲監河潤里中豪右富熏天千鏹萬貫流如泉鑽核障簾鄙且慳今年廣放加一錢貸錢一千息一百儘許阿儂徒手得傅別何須

志廿一 農桑一

完

合兩書責償毋許逾三月負歸兒女亦熙熙養蠶豈復愁無資只期今歲還宜早料得明年借不辭子母償清絲賣矣歸來依舊囊如洗青黃不接可奈何待喫豪家轉斗米四五月後春收已畢秋獲未至里語謂之青黃不接

董恂貸錢此一錢率以夏至為期過此必另起息名曰小利清明已過將梅夏邨農拆擋無休暇儲無儋石懸罄如安得餘錢計桑柘趁墟走訪足穀翁人未登門氣先下已慣寅年用卯年何妨潤向監河借他日甘心重利償薪炭今時免賒賁豈料年來足穀翁慳貪心計尤狙詐較量加一息尚輕竟使銅銖到葉價先期買取奇貨居乾

沒還將厚利射

糊篋

趙棻遺聞瑣記鄉間婦女糊蠶篋

音大或借用蓮字亦作篋字

率用舊書敗卷云可辟邪字紙多遭汗損毀棄宜切戒

○烏青鎮志蠶之初生川篩置之烏滿則用蓬蓬必以

紙糊其縫兩眼出雍盛之用筐或用篋器之大者可以

容蠶之多也

紀官蠶紙歎文字歷災厄秦火未為深六經已殘缺

復此汗穢侵吳興四月間蠶箔紙應禁嗟哉鄒魯書

竟為蠶矢淋顧此心戚然習俗痛日沈何以挽斯風

放筆徒長吟

志廿一 農桑一

幸

董蠶舟糊蓬

貯蠶之器見于湖錄者有篋篋篩蓬皆以竹為之蓬以紙糊其孔如婦又剪紅

紙為方勝黏其中且惑于二氏之說至乞其符錄貼之謂足以祛祟曲植蓬篋必先具

備豫由來是要務野人未熟攷工記善事詎知須利

器傳來矩矱自先民農家者流夙所遵蘆簾織就更

糊蓬買來側理銀光勻暖水手料和麥麪周圍方空

黏須徧糊成倚向夕陽烘一色光明如月容更憑摻

手剪方勝鏤盡一翻新喜紅紙名先貼中央後四角勝

裏香匳招百福要祈園客錫休祥免向羽流乞符錄

董恂糊蓬烏兒初收門未閉蠶具安排事非細先期

一一要檢點善事從來在利器已買桑籠更結蘆還

教糊蓬逢晴霽兒夫昨日趁墟回買得光明紙如網

更喜聰明小女娃剪紙成花作如意調就銀漿細意

糊但祝今年倍吉利去歲東鄰作道場僧家符錄多

真諦阿儂幸喜收藏來廿四分收定有冀

志廿一 農桑一

幸

農桑二

汪曰楨撰

南潯鎮志廿二

收蠶 育蠶要旨看布種戰色其子飽綻卽有蠶數十箇

名爲橫布三朝後當將種鋪開在向陽處如陰雨或在

牀上或在竈上以暖處爲佳待其脫殼採花葉少許

蓄薇葉俗名做絲花去梗刺燻燥研末其香無比用麻布篩篩在

種上蠶得此則候一箇時辰用食鍋抹乾金漆大盤將

鷺毛輕輕刷籠收於鍋內更用小圓竹器鋪薯糠灰一

層雜以石上襯以紙卽放蠶於器中上用切細嫩葉薄

糝收下後葉宜切細初眠後可糝二蠶卽能食凡收下

未曾食葉卽一二日不餉不致餓壞倘喫葉些些以後

志廿二 農桑二

稍饑卽斷絲腸矣放在暖處謂之冷看須六七周初眠

倘用火較速用火者蠶器擱架上藏牀中火爐燒炭整

一箇俗稱用灰蓋好置架下不得過熱蠶器亦須時時

移轉葉亦頻頻糝上謂之三日三夜趕頭眠然不若冷

看之安惟遇春寒用火可免畔亦作繅通作繅俗用

冷藏葉底不肖向上食葉謂之畔湧幢小品其既食也乃熾炭于筐

之下并其四周到桑葉如縷者而謹食之又上下抽番

晝夜巡視火不可烈葉不可缺然又不可太緩緩則有

漫漶不齊之患矣編經曰蠶薦用以圍火恐其氣之散

也束枯曰葉墩用以承刀惡其聲之著也是爲看火。

遺開瑣記初生之蠶俗名烏兒每重一錢十六兩可得

出火一斤大眠四斤兩秤爲中平之率○烏青鎮志

葉稀卽補之烏密處以細竹筍撥勻

董蠶舟收蠶諺云穀雨不藏蠶收蠶以此爲候焉擇

羽制於釜中或以篩或以盆視所便又取刺梅花之

葉縷切布其上蠶得葉香熱者盡出乃以蠶子權其

輕重始飼以葉目刺梅葉爲花葉者別於桑蠶房埽

畢窗已糊吳鹽裏去迎狸奴良辰急向歷頭檢城中

前日齊攤烏炙殘桃葉蠕蠕動毫芒細更輸鍼孔紛

紘紙上密成團四寸鴛翎慢撚籠刷下先將小楹承

細敷花葉一層層蠶孃早欲知多少敷罷還從戩上

志廿二 農桑二

稱從此育蠶多禁忌札闌豫防生客至三寸紅箋淡

墨書家家徧貼蠶天字

董恂收蠶下蠶最早推我湖昨日前日齊攤烏歷頭

日脚今又好收蠶莫把良辰孤鶯翎一雙早購置細

意更有垂髮姑囑姑開包出布種蠕蠕哉哉生意蘇

紙上拂拭置筐內攢如絲髮無細蠶更致持戩較輕

重胥言種最今年敷小筐糊潔且淨一層細葉青

平鋪揮刀束砧怙復怙何殊慈母將嬰雛

忌蠶 育蠶要旨忌蠶之說鄉人最信往往用蘆簾圍住

不使人出入稍有變端卽占卜禱祝或謂生客所衝或

謂陰氣所犯雖屬附會然在旁人知其忌蠶必須謹避
庶不致歸咎也有實係當忌者曰雨曰霧曰黃沙曰氣
水葉葉久貯氣熱蒸濕者曰煙氣曰油氣熱油尤忌曰酒氣曰穢濁
氣

采桑 育蠶要旨桑葉稱為鮮貨不可多采恐其乾而蠶
不欲食則暴殄矣又不可少采恐遇霧雨黃沙也有霧甚毒
雨亦不宜黃沙必洗倘逢大雨用繩經於檐前將桑葉挂上風乾
水漬或用扇揮之小蠶時只采葉片出火然後開剪如
蠶多則二眠即開剪

董熄采桑曲吳下重蠶桑采采朝復暮葦簾愛晴和

志廿二 農桑二

三

濕食忌雨霧婦姑辛勤不得眠筠籠壓背墮曼鬢地
狹人稠葉垂盡騰價撐過賣葉船借得幾貫青銅錢
購置飼養俱蜿蜒上山作繭厚復圓縲車伊軋火晝
然帶布不用一縑被一月樓羅半顛額絲多價賤何
處賣催租人去債主至

董正采桑行朝采桑采柔枝暮采桑采枯枝朝采暮
采不自飽廢置櫛盪愁蠶飢辛勤圖上簇絡繹看繰
絲去年東郡蟲食稻流民牽帥逃鞭笞邨邨乞食餓
且死桑籠雖在誰提攜今年西郡苦冰雹麥顛倒
桑離披幸茲獲生聚比戶天所私微陰障晴日小雨

濕茅茨葦簾土銚半涼燠敢憚操作謀荒嬉但願繭
雪白絲價良不訾上輸賦稅下艱食荷鉏其事東臬
苗

董蠶舟采桑一片碧雲籠四野戴鴛聲中見桑者儂
家有地十畝寬半在陌頭半牆下郎憐儂是新嫁孃
嬌羞尚怯遵微行顧語小姑汝子助同向南塍采葉
去宿葉未盡蠶未飢偷閒偶啟白板扉家家閉戶寂
如水拾甚畦邊譁稚子綠陰陰地間翦聲林中到處
桑梯倚須臾夫婿負部歸堆來滿地青玉肥只願吾
蠶食葉速遠采不辭勞僕僕默思地窄葉無多飼到

志廿二 農桑二

四

上山恐不足保得安全過大眠典卻金釵開葉船
董恂采桑種桑須種儂屋邊儂行采桑近更便提籠
朝朝又暮暮不須南陌還東阡日間飼蠶采猶易夜
行畏露零涓涓良人爲我購竹筓薄暮挑取盈窗
何待更深復外出愛儂情重儂亦憐所愁蠶多葉復
少不堪無葉偏無錢卻喜今朝蠶不食滿筐滿箔齊
三眠拔釵付郎去秒葉天明餉食難稽延
張樹培采桑曲房頭防夜有狸奴眠對燈檠照影孤
忽被子規驚夢醒起看稀處葉重鋪○桑陰如幄柳
垂街匝月辛勤繫妾懷侵早最愁春草滑侍郎先買

小蒲鞵○斜風細雨最魂銷陌上歸來路尚遙幾樹
低枝儂盡折待郎來取最高條

稍葉育蠶要旨如桑地少必須買葉大眠後開葉船買

葉當用十擔先買五擔恐蠶或不佳不至餘葉且恐價

有低昂也如太昂則屑米粉糝葉以飼之道光二十二年會有用及

此又停葉之法亦稱住葉葉來之時先向陰地上鋪蘆

廢或竹簾葉放其上不可鬆亦不可過緊須將每帖豎

起整齊平直清水灑之謂之封好一周宜灑三四次可停三日

或兩日臨飼蠶時將葉放鬆涼透停處必熱否則有氣水葉

蠶食即壞○胡承謀府志稍葉湧幢小其預立約以定

志廿二 農桑二

五

價而俟蠶畢買絲以償者曰賒稍有先時予直俟葉大

而採之或臨期以有易無胥謂之現稍○遺閒瑣記蠶

時往烏鎮做葉是南潯一敝俗名為貿易實同賭博究

之得利者少失利者多有葉賤而虧本者有刻意居奇

以致過時不及售者有受市僧之欺并本錢無從追問

者後人會不知鑒為之不已蓋市易叢集之地便于遊

蕩故樂之而不悔也

董蠶舟稍葉桑為湖屬恆產直名曰葉以人人所知

蠶曰小葉葉莫多於石門桐鄉其牙僧則集于烏鎮

三眠後買葉者以舟往謂之開葉船買賣皆曰稍吾

鎮之饒裕者亦稍以射利謂之作葉又曰頓葉凡葉百斤為一擔郡中則以二十斤為一箇家家

門外桑陰繞不患葉稀思地少及時惟恐值尤昂苦

語勸郎稍欲早我家稍時在冬月一擔不過錢五百

迨至新年數已懸蠶月頓增至一千未到三眠忽復

變一錢一斤價驟賤夫壻聞之咎阿儂而今欲悔已

無從儂笑謂郎莫爾爾吾家所失殊無幾不見街頭

作子賀葉人折閱已過大半矣此曹平日子母權計

利析到秋毫巔居來奇貨不肯鬻黃金不飽貪夫腹

去有腰纏返垂橐烏成歸來唯一哭

董恂秒葉樹桑牆下地不多蠶食不足如葉何鄰翁

明日向烏成顧語夫壻無蹉跎葉行早晚價不一秒

志廿二 農桑二

六

遲秒早宜待摩清明插柳妾曾卜今年平穩靡有他

但願初貴後時賤彼做葉者空婆婆當其貴時儂有

葉牆陰屋角枝猗儺待至蠶長葉已賤葉船兩兩門

前過百斤亦祇值錢百剪刀聲裏多歡歌

飼蠶育蠶要旨大約每蠶一斤廿四兩自收下至上山喫

葉一百八十斤十五兩此上上蠶也稍平者不到此數

溫日鑑飼蠶行桑扈初鳴麥花落家家閉戶事蠶箔

鄉邨四月斷往還陌上綠雲亞髻鬟日斜不見青絲

控紫甚綠枝醉禽弄蠶飢葉貴空執筐呼婦須鬻嫁

時瑞

董蠶舟飼蠶 東粘為墩曰葉墩又曰草墩用以承刀則連枝與之日夜謹飼不令稍飢飢則有斷絲腸之患出火前忌濕葉大眠餉後又惡太燥以潔水灑葉而飼若傷于寒則爛死鬱於熱則破囊俗所謂爛肚也風雨霧霏皆足致損在飼之得宜耳 終朝

劉斫費擗擋葉砧束作明月樣絲絲青葉如牛毛細意聳切何辭勞淡辰之間眠過二眠起便將完葉飼

盼到幾時纔出火連枝喂食無不可只愁霧雨氣鬱蒸檐前風戾懸長繩小蠶惡濕大宜潤手淪寒泉細

噴嘆調飢未怨朝食遲生怕蠶飢甯我飢蠶飢便恐絲腸斷未敢片時少稽緩一宵四起黎明與阿母年

邁猶能勝回眸一笑呼小妹鋪筐未了垂頭睡

志廿二 農桑二

七

董恂飼蠶蠶飢蠶飽不可過早起飼蠶何敢情只愁

飢後斷絲腸那顧女嗁與兒餓辛勤更是小時難葉濕宜指大宜劉盼到今朝捉大眠帶葉連枝滿筐簾

所恨連朝風霧深照料稍疏又囊破竟晝縣宵那得閒幸是兒夫肯儂佐葉乾葉濕要關心與少與多莫

相左夜間飼罷且偷閒和衣暫向牀頭卧

頭眠 育蠶要旨 蛻殼時不食不動名曰眠初眠雖係學

眠究欲其齊朝見眠頭而夕定繅夕見眠頭而朝定繅其蠶必佳 眠頭欲眠者數十箇也定繅無不眠也雖屬好蠶終不免有青條 俗謂頭眠

頭頂沙 頭戴蠶 二眠蠶挖蠶然猶不足憑唯看其蠶色

放白蠶身長大旺葉以後漸漸色黃收身褪葉嘴尖有

黑二殼此將眠之候也葉不可多采 每眠不眠者謂之

青條定繅後用礬糠灰糝於面上再用葉片剪開貼在

綉上其青自來謂之引青捉之自盡 不可過遲遲則有不齊

矣 又將蠶綉細細拆開再用散石灰同礬糠灰拌勻

糝于面上或日光中或火爐上稍稍溫暖令蠶綉乾燥

眠亦易起否則起孃食葉不齊也○烏青鎮志初眠仍

以竹筯細細分開去其殘葉不致傷于濕熱

董蠶舟捉眠 蠶食三四日而眠眠一二日而起是為初眠俗曰頭眠自初眠二眠至三眠約

半月三眠日出火出火後再眠曰大眠將眠則食不勤日紅攬絲又有青攬絲言吐絲也亦作孃思言孃

志廿二 農桑二

八

而思眠也他眠而此猶食日食孃亦稱青條眠起曰起孃眠則施置他器曰捉眠頭孃思欲眠

猶未眠青紅攬出絲纏縣貯餘筐篋勤拂拭一一移置當窗前或食或眠難畫一先後相差無半日適此

未徧彼已眠兩手拮据不遑息傾耳沙沙聲漸小知是筐中食孃少眠頭欲靜又怯寒捉罷更將帷帟繞

深夜捉眠多苦辛妾容無復桃李春三眠四眠蠶易

老鏡裏紅顏豈常好

董恂捉眠三眠四眠種各異欲眠不眠攬絲未小姑

纔向筐箔看道是今番不須飼紛紛多見紅孃思只

在黃昏眠可遲縱有食孃也不多緣枝求葉無三四

囑姑慎勿貪戲頑晚餐端整炊疏食大家飽飯腹不
飢捉眠好盡今宵事已眠未眠一分曲植蓬筐忙
位置手中碌碌猶不閒早見朝曦小窗至

餉食 育蠶要旨初眠以後約一周或半周量天時之寒暖看繅

上有白絲如絲謂之楊花縠然後可以餉食或看其嘴
上始白漸黃終至稍黑亦可餉食總以眠頭盡起為度
恐其早晚不齊也○遺閒瑣記凡眠起餉食如起孃不
甚齊不妨稍遲以俟其齊俗謂之熬按餉式亮切俗誤讀餉如向乃以餉食非也

董蠶舟餉蠶眠起始食日餉食倍于前衡之重亦逾倍者里語謂之餉得起反是日餉不起

志廿二 農桑二 九

食蠶日葉過因語忌而更也眠頭捉罷夜未央蓬蓬一覺投匡牀

筐中枕畔兩同夢良人呼起將三商飛蓬雙鬢久罷

櫛今朝偶到妝臺傍梳頭未半娣奴喚可是筐中有

起孃女兒兒新睡起雪色肌膚倍肥美此時飼之

勿太亟少緩須臾乃餉食俄頃葉過惟留莖到耳一

片風雨聲蠶身日長上聲蓬日分昔時一斤今五斤

董恂餉蠶吾鄉育蠶以斤攟不以城中筐數論一斤

出火至大眠稱得五斤已無恨今歲儂家喜氣多卻

於此數更有進蠶眠已過一晝夜餉食須教者時趁

大婦提筐采葉歸小姑提甕汲水潤密堆層疊筐蓬

中一色綠雲最嬌嫩到耳欣聞切切聲纔得須臾食
已罄傾籃倒籠從頭添敢令遲延致飢困

二眠 育蠶要旨看眠頭如頭眠法惟餉食不比頭眠及
出火不可過熬大眠餉食稍嫩亦不妨大凡天氣寒暖調勻收蠶

至上山一月為期初眠七周二眠四周出火四周大眠
四周上山七周其中有餉食數周故時候如此但隨天
時為轉移當七周五周亦可當四周三周亦可過月者
無是蠶也外三眠子無出火只有大眠其時較速更有
頭二蠶雖是四眠比尋常四眠稍早其子即可育二蠶

杭州山中并有三蠶四蠶五蠶然不似吾湖育蠶冷門闕境也

志廿二 農桑二 十

出火 育蠶要旨看眠頭如上法見眠半周後必即用葉

片引青倘天熱尤不可遲恐其有起孃也初二眠拆縶即當燥

縶出火則眠齊後徑將眠頭捉出其縶棄之乃用秤權

之近時廿四兩秤共捉若干將匾用礬糠灰鋪底置蠶于中每

匾或三斤四斤皆可用散石灰稍稍糝之鄉人謂之

供俟有起孃即用縶子預先曬乾拆開放在面上起孃

不至沸騰如天陰用稻柴剪斷亦可起齊後方可餉食

如蠶少買出火須擇其絲緒纏綿者為上○烏青鎮志

出火後不事竹筴用手一一取下秤定分攤筐中又有

復生小蠶者為長上聲孃○遺閒瑣記舊法小蠶用火至

三眠去之故名出火近多不用火而出火之名仍相沿不改蠶多則論斤鬻之少則買之俗曰撥出火蠶出火後始有長孃至上山時亦隨母作小繭○虞兆滌天香樓偶得俗以第三眠為出火不列諸眠之中因以末眠并頭二眠為三眠三起實則四眠四起也

大眠 育蠶要旨蠶至大眠好歹已定一半好者眠中齊集稍有青條蠶身均勻並無大小其色青白若一周外尚不眠青條無數布漆甚多其面必當棄之凡出火一斤得大眠四斤為四斤捉得五斤則為五斤捉看眠頭如前法惟餉食時候比出火可早食葉可灑水氣水葉終不可

志廿二 農桑二

十一

噢 ○遺問瑣記末眠為大眠即大起也此時尤須勤練練括 育蠶要旨蠶性喜溫而又惡濕熱故必練括練則剝去底下一層不使濕熱薰蒸括則取其面上一層而練中猶有蠶在內必當搜剔淨盡倘有爛白肚空頭等蠶棄之無遺故無論寒暖每日宜練括一回而出火及大眠時為尤要更有救逆之法如爛肚傷熱之故吐水白肚二種氣水葉空頭小時失葉布漆生種之故必須勤練方不傳染如殭蠶飢傷傷冷傷孳孳不上葉生種可噴燒酒或甘草水又法以馬毛鋪在蠶器內可免諸病倘大眠後放地蠶不必練括○湧幢小品大起則難難則分箔難早則足傷而絲不

光瑩難遲則氣蒸而蠶多濕疾

董蠶舟出籬葉過後枝莖雜蠶矢充積筐中蠶棲其上久則氣蒸於是置網於筐鋪桑於網蠶就食集於葉上乃舉網而出之地則桑倍肥大起已後食倍加須臾止臍枝槎枒枝間遺矢更狼藉積來箔底何紛拏洋穢叢殘待捐棄始可再將新葉飼更欲移蠶置別筐一一摺拾談何易惟將望麗筐上張網中層疊敷柔桑蠶從網下來就食一網舉之誠善策枯莖籬出芻狗陳明日晨炊可代薪豈徒爨下供所乏更得草人土化法亭亭如蓋桑陰遮得氣全賴壅蠶沙

志廿二 農桑二

十二

董恂出籬葉裁如縷蠶猶小葉細無餘籬亦少自從出火過三眠大葉籬枝似芻葉須臾葉過只留枝倘教檢取亦難了卻將絲網置筐中一網出之計誠好枝空畱作爨材供細沙肥沃宜桑稻鄉人勤苦棄物無能供所需便堪寶最憐竭蹶一月餘徒說山頭如雪皎待到絲成絲白時唯此區區可相保

鋪地 育蠶要旨大眠餉食一周可放地蠶但著地必鋪

石灰及草柴柴不可多方免寒濕及蛇蟲

董蠶舟鋪地育蠶多而盛蠶器具少者大眠後鋪籬於地置蠶其上謂之下地蠶郡中及他方盡然吾鄉則十家中無二出火五日大眠過吾三也唯濱太湖諸鄉與郡中同

家蠶具備未多區區筐曲盛不足籌量無計將如何打頭賴有三間屋几榻不妨盡度閣掃地平將蘆蓆鋪暫借坤靈作蠶簇僅餘臥室在東箱上羅箱篋下支牀此際已難居入口來歲小兒又娶婦只願蠶花收倍豐不愁明年無處容別築新居高百堵華堂卽是鋪蠶所

董恂鋪地今年大眠十倍捉蠶具翻嫌置未足具少蠶多可奈何幸得儂家富於屋房軒用當箔與筐埽除苦乏僮和僕深賴青紅兒女多一握稻柴如帚縛各自東西灑埽忙蘆蓆平鋪卽蠶箔只教有地可著

志廿二 農桑二

三

蠶違計此身偏踣促況是蠶多食亦多堆葉還須讓屋角臥牀亦撤挂梁間倘要安眠待蠶熟

搭山棚 育蠶要旨空屋一間要乾燥通風離地約四尺高中用數根木橫住上鋪蘆蓆簾上有帚頭立起蠶安其上卽爲上山○遺閒瑣記山棚宜寬蠶多棚小則同功繭必多

董蠶舟搭山棚 室中架竹木高五六尺布蘆蓆圍草家度室之廣狹削木如其長廣一尺餘厚五之一四足如杙子狀謂之山棚發用省架木之勞府志云去蘆蓆尺許以細竹結爲方孔用大眼餉食蠶多老料以架草謂之花格竹吾鄉所無

架木倚竹結構牢去地未及一仞高布以蘆蓆平似砥草薦三面圍周遭上蓋帚頭下擦火棚底痾僕往來可何須更列花格竹不致欹傾亦已足經營拚費一宵功切誠兒曹毋欲速鄰家家富貪安閒新製雙凳厚且堅因斯結縛遂草草棚倒覆火蠶被難我家力不能辦此無恃乃得常無患

董恂搭山棚蠶老須置山上頭搭山縛棚屋四周中央巨竹橫又縱上鋪蘆蓆如平疇高低結束事蠶了忽聽笑語談湖州不知花格竹何取工夫破費真無謀豈如儂家最省便一般作繭無他愁上安蠶帚下

志廿二 農桑二

南

灼火也如戶牖同綢繆只憐屋低立難直終朝棚底行偃僕但願今番得大熟明年起屋高於樓

架草 育蠶要旨帚頭之形與筦帚倒轉相似要灑得開立得穩不至眠山○湧幢小品作繭用柴帚以禾草爲之長尺有咫大可一握散布登蠶其上有至二三重者

董蠶舟架草 截禾稈長二尺許大可一握散其兩頭惡以作繭名曰帚頭冬春間東作未興或風雨長夜預取粘稈縛束到所謂之研蠶也柴有情者至以高價購諸鄰人云禾稈一握二尺高縛作帚狀繩束腰兩頭剉切平若砥蠶立豈復愁傾搖架構山棚已就緒左右前後排以序斜斜整整密於林犬牙出入相撐挂去

歲豐收饒稻。藍結來草堵如高崖。冬春白米已上囤。乘閒先斫蠶。忙柴不憚勞。到深夜閒時肯忙得暇。今朝用去尚有餘。賣向鄰邨博高價。

董恂架草。去年田熟多收。稻清白枝枝不枯槁。先畱今歲蠶。忙柴幸是藏多。不嫌少須教平截。一樣齊二尺許長。乃正好。每草一握中束之。散其兩頭計亦巧。不疏不密。置山頭不高不低。互相繞。簾上先教次第。排那容。欹側愁傾。倒日來寢食竟無閒。架草搭棚事難了。聞說鄰家繭已成。來歲收蠶也宜早。

上山 育蠶要旨將上山則有考孃考或作巧色黃收身不欲

志廿二 農桑二 五

食葉與欲眠同而沸騰不已。周身通明與欲眠異。倘通無絲腸又是空頭。由於小蠶時餓也。小或云蠶沙入水。蠶不可失葉。直至上山始見悔之已晚。

浮亦欲上山也。上號好蠶。上山後即做半周。即如白雪。謂之裹身。一周有聲。兩周無聲。在內細作人不可動。四周做好方可採取。如上山不做繭。必是爛死。殭蠶及白肚。見有兩周後尚不做者。即當輕輕拾去。不可使其壞。在帚上有礙好繭也。○湧幢小品。大起六七日為熟巧。為登簇。巧以葉蓋。日貼巧。驗其猶食者也。簇以藁覆。曰冒山。濟其不及者也。

董蠶舟上山 蠶將熟。脰節瑩微吐絲。繚繞謂之繚孃。於是撒置山棚上。曰上山。一二日間皆

作繭矣。郡中上山後。往往有白蠶之灾。所見之繚孃地。蠶繭一空。故擊鉦鼓以驅之。吾鄉則無是也。

不眠亦不食。脰節通明。無葉色。撒向帚頭。俾作繭。早晚不過一二日。盤盂一一各分。盛盡喚家人來。并力儼似迴風舞。六花飛空。齊向山頭擲。日未過。晡事已竣。久勞得逸。翻欠伸。棚邊席地。聊假寐。膏騰睡思濃。於雲何事。鄰人競奔走。伐鼓。擬金疑。逐寇婦女駭詫。兒童藏其說。弁山來自。蠶聞言。瞿然遽驚起。浸階明月涼如水。夢想顛倒。乃若是一笑。吾鄉本無此。

董恂上山縛棚。初就蠶都熟。已見繚孃滿。蠶箔合家飽。食趁朝。閒拊搗。今朝蠶上簇。小兒捉蠶。盛向盤大。

志廿二 農桑二 六

兒上蠶。據山角取蠶。散布蠶草間。疏疏密密。山頭蠶今年蠶好。勝往年。卻苦山棚限于屋上山。已罷暫休息。棚底相偕坐。瑟縮小姑作勞倦。不支看山。即向山旁宿。關心忽憶嫁衣裳。軋軋聲驚眠不足。

擦火 育蠶要旨山下著火一周用炭火甚旺。○遣閒瑣記。南潯去城七十里。耳城中曰養蠶。南潯曰看蠶。其名已異。而育蠶風氣不同之處甚多。即如山頭草。帚城中以稻草屈而扭之。兩頭向下。其形下大上小。南潯稻草不屈。束腰偏下。其形上大下小。又棚下擦火。城中必蓋以灰。不欲其過熱。南潯則必吹使極熾。蓋城中作肥絲。

南溥作細絲各有所宜也又有冷種不必用火○湧幢
小品湖郡每蠶忙時必有小鳥連叫曰澈山看火其聲
清澈可聽蠶畢則止蠶室暖育者倦極常有火患○烏
青鎮志熱炭山棚下曰擦火廣韻擦桑制使熱上升則
乘此紫絲作繭不停口而盡出腹中所有矣

董蠶舟擦火上山後遇輕陰薄寒即蒸炭於山棚下
之擦火亦曰灼山府志云先是有鳥鳴如日葉貴了
至是又鳴曰灼山看火意似相警者吾鄉亦有之

棚底輝輝燭火爛老瓦盆中熾薪炭更番守視不違
安自明至昏又達旦性愛溫和怯寒迥要得微陽相
嫗煦煥氣掀騰舉體熱乙乙抽毫絲不絕靜中似聽

志廿二 農桑二

七

唧唧聲山頭作繭半已成去歲連旬不開霽市中炭
值頓翔貴今年天氣猶暄和差喜所用猶無多祇恐
周防稍怠慢祝融回祿能為患東家峩峩好堂宇可
憐一炬成焦土樹杪禽言如警我請君灼山須看火
董恂擦火山前山後聞鳥聲灼山看火作意鳴蠶性
愛暖要火力紛紛薪炭盆中盛山頭繭密白似雪山
下火烈同光明繭聲唧唧響不絕祇覺暖氣周掀騰
全家聚坐共閒話門外忽爾喧囂生東家擦火失防
檢不幸飛燄延柴荆四鄰奔救咸歎息可憐一炬無
餘贏歸來舉室共相戒慎勿貪睡當兢兢

回山 育蠶要旨如用火三周回山不用火四周回山不
不易出蛾如少人做 每出火一斤收繭五斤為五分十
絲可進一周回也 斤為十分稱繭兩秤或八斤或七斤為一弔不可再少
薄無神兩弔可做絲一車必須安放匾內令其涼爽毛
繭易蒸恐其出蛾也○湧幢小品三日而開戶曰亮山
五日而去藉曰除托七日而採繭為落山○烏青鎮志
過三日撤火開戶去蔽令風燥透繭易于繰絲否則類
多難繰而虧折寡斤兩矣

董蠶舟回山上山七日後采繭曰回山縣志云大起
時稱得六斤為一筐每筐收繭一斤為
一分以十二分為中平過則得利不及則失利吾里
則以出火一斤得繭一斤為一分遞增至六七分為

志廿二 農桑二

太

中平十二分為上上矣諺云蠶西鄰傷冷蠶則疆東
花廿四分乃頌禱之夸詞也鄰過熱蠶破囊功敗垂成自古有奇變難防上山後
山前百徧行徘徊七宵魂夢常驚猜凌晨一眺喜過
望滿山雪壓光皚皚踴壁大聲呼起起吾家今日回
山矣繭多還恐器難盛檢點瓶罍及筐篚勻圓萬顆
明珠垂間以黃碧光陸離堆來高與山棚齊不須如
甕誇神奇持衡細把分數計何敢癡心望廿四卻噴
老媪太貪愚還祝明年勝今歲
董恂回山屈指上山已七日山頭璀璨堆如雪層層
密壓滿四圍蠶簇不分只一白明珠纍纍相貫聯不

須如賽誇園客今朝已屆回山期相呼并力全家集
男兒取高還取低婦女采疏復采密只愁繭多無處
盛草筵桑籃盡堆積去年記得十分收何幸今年一
倍得爭把權衡度重輕婦姑兒女齊歡悅

選繭 育蠶要旨剝去繭衣擇其圓白者其中有同功繭

一繭黃繭綠松繭棱角繭限於地而不能尿暈繭為他

兩蠶爛死繭即死薄繭力不香眼繭大眼後為麻蒼蠶

子自出而行此眼也蠶時蒼當一一選出然後其絲光

而且白鄉人往往貪重選之不淨以至其絲黑色其實
多而不精無益也況所選出各繭亦非無用同功繭上

志廿二 農桑二

九

者可做絲次可剝繭黃繭綠松繭可做經絲亦可做緯

黃絲染紅 稜角繭亦可剝絲尿暈繭可做蠶絲爛死

繭薄繭可做澥花香眼繭亦可剝絲外此者做絲所

剩滯頭及繭衣此二者當煮熟河中敲軟可打絲線沙

縠可作壅蛹可燻食亦可作壅蓋蠶之一身無一物無

用也

董蠶舟擇繭按府志繭之類不一有被汗而緒衰者

不能為絲者曰繭繭兩蠶共成一繭而緒亂者曰同

功又有黃繭碧繭黃者緒粗碧者質厚此類皆別擇

黃助擇者剝剔去之即為所得以代雇值云呼兒堂
前撤山棚命匠新造絲車成速招鄰媪助擇繭選來

瞭趁天晴明繭黃繭區以別良苦醇疵細抉擇今

年差幸少烏頭不乏同功與推出此類惟供煮作繭

其餘一色光瑩然繭衣蒙戎搓作團持贈鄰媪為備

錢畱取幾枚白勝雪去蛹藏儂鍼線帖他時攜往阿

母家倩人剪作鞦韆頭花婦女剪繭作花置鞦韆頭上繭

董恂選繭烏頭推出繭不一更有同功縲不得儂家

幸是好蠶花潔淨光明同一色東鄰西鄰繭更多碧

繭黃繭不勝擇倩儂相助遴選之卻緣瞭繭無暇日

偶遣嬌女暫分忙可笑童心猶似昔翻將白繭幾許

藏道是明朝逢午節鏤出新花待繡鞦韆成飛鶴堪

志廿二 農桑二

十

簪髻排車作電事紛紜坐向深閨不肯出

縲絲 育蠶要旨絲欲其細而白欲白必多換湯水欲細

不可惜工夫又絲窠必須用煙囪使煙直透絲上無煤

氣燒柴亦須揀擇最好是栗柴桑柴次之雜柴又次之

切不可煤香樟其氣能使絲紅色絲必欲其好做好做

則蠶蛹身上無衣絲多而工夫不費若好做而繭選得

白是為上號倘繭白不好做終是次號因繭在湯中多

滾去其顏光矣其故由於上山時潮溼悶熱則絲必不

好做上山之不可不講究如此○志彙近時多有往嘉

興一帶買繭歸縲絲售之者亦有載繭來鬻者縲時熾

炭於絲輪之下則絲速乾而有光謂之擦車頭火

董蠶舟纜絲 曝繭於烈日曝繭陰雨則火烘之使

蠶三四枚合成一緒者細至七八枚則粗又有三眼

兩眼之別其輕重以車計每十兩為一車宋雷西吳

肥光吾鎮唯有細絲肥絲多同功繭之不亂者

所繭俚語謂之唐公絲聲之謬也諺舍南舍北綠樹

日小滿勸三車謂油車水車絲車也

濃軋軋聲徹邨西東竈燎薪蒸傍熾炭轂回軸轉如

旋風蠟眼已過湯正沸赤手招來緒無既如衣挈領

網在綱眾纒皆從一頭曳一蠶為忽十忽絲繭數由

來多寡異三眼兩眼復不同繭成以此分粗細手拳

足踏珠汗淋阿姑憫儂勞不任令儂少息起相代追

涼閒步來深林林邊偶值鄰邨媪為語今年絲好作

去立談半晌急趨還如雪刺梅滿歸路入門相視一

笑譁滿頭插徧纜絲花

董恂纜絲 絲車有三眼兩眼之別三眼為細兩眼為

輕重以兩計或十兩為一車或十餘兩或二十

餘兩至不等也邨人故有大車頭小車頭之名

論車以兩計兩眼三眼別纜細手捺足踏爾許忙蒸

炭焚薪水百沸鄰家老翁身手好一樣作絲更光賦

他家蠶早絲已成聞說歇車已無繼當時儂早下聘

錢一車兩車肯儂替阿姑助理不勝勞換水添薪最

留意白繭通教纜合羅其餘只好肥光曳更抽黃繭

作絲團奉與阿姑姑所喜

剝蛹 胡承謀府志纜絲未盡之繭曰軟繭剝以作絲

之下者繭中蛹俗謂之蠶女

董蠶舟剝繭 繭質過厚且粗繅時浮沈水而不得盡

油煎食之串五合羅纜罷早蠶事今年已粗了農家

日燭蠶女

那得常優游薄筐滌淨俱藏收煮餘軟繭猶堆積緒

亂質粗纜不得少遲便恐蛹蒸腐棄置未免同雞肋

綻衣縱未純絲如撚絛作線原無殊剝來蠶女煎作

鮓堆盤還足充庖廚投筴令予三歎息藉爾謀生翻

爾食漠然未是負心人世上紛紛怨報德

董恂剝蛹纜絲煮繭事已竣良人厚水忙插田呼兒

洗刷潔蠶具阿儂今日多空閒鍋中贍繭軟且薄絲

頭已斷難相聯其中蠶女猶待剝莫教臭腐徒棄捐

趁此長日一事無相借去蛹臨窗前沸湯浮沈煮已

熟薄者薄絮厚者縣地藏王誕日已近燒香茹素年

復年他時抱向街頭賣施與和尚為香錢

作繭 百蠶要旨剝繭有環絲手繅之分手繅剝在手上

環繅則有竹環

董蠶舟作繅 絲有頭蠶二蠶之別以頭蠶為善繅亦

推出欠之蛾口又欠之鳥頭軟繭為下繭已出蛾者

為絲曰蛾口繅軟繭為繅曰軟繭繅用纖絲網其餘

志廿二 農桑二

三

志廿二 農桑二

三

槩曰絲而已作絲須晴日陰雨則絲不速乾而縷脆俗謂作絲曰剝絲剝清風冷然日卓

午煮繭香中間鑠釜老晴難遇熟梅天妯娌相將同

剝絲蛾口居後同功先竹架彎彎白月圓土銚烈烈

朱火然瓦缶漬以泉涓涓水中擘出架上懸當風高

挂蓬門前潔如素紙薄且堅笑謂小姑速相助先著

衫襦奉翁嫗仲冬二七是良期雙星已近銀河渡好

染新紅裝嫁衣與姑將向郎家去

董恂作絲同功推出不中纜用以作絲白且嬌更有

蛾口好種繭汲水同向鍋中燒陰雨怕近入梅候朝

來喜見晴光搖相借妯娌趁早起劬勤那惜身手勞

志廿二 農桑二

五

瓦盆漬水潔且淨輕剖重掣十指操疊成一絲繭八

九竹竿挂向風中飄卻憐盡供償通用溫暖只讓財

奴驕何曾作絮身上著嚴冬不免寒仍號

澣絮 澣開瑣記水絮一曰繭黃一曰澣花一曰澣頭並

須煮熟水中澣之又有絲拈頭不必煮澣皆以撚絲線

但視純絲為費功耳其中以繭黃為上

董蠶舟澣絮 軟繭之厚者以作絲其次則煮之承以

新絲賣卻償加一新絲準折還租畢僅餘軟繭是蠶

材區區猶是儂家物春花豆麥方登場夏至已過齊

插秧阿儂此際獨無事剝煮功多趁日長煮成要借

清流激小竿持至溪頭擊揀取一方涼最多柳陰濃

處來泝澣晚來邂逅東家姝為言夫婿耽擗蒲漂成

攜向博場去不足供渠一夕輸

董恂澣絮擇繭纜絲事已畢軟繭剝絲薄難疊亂頭

墜緒更紛紛倘教棄置甯無惜幸喜今朝事不忙繭

衣同向湖邊澣蓬底平鋪水面浮綠楊陰裏無炎日

一手持竿擊不停跳珠那顧霑衣濕卻有鄰孀作伴

來渡頭閒話消岑寂道是新絲賣不畱好絲又為私

逋質賴此粗庸不值錢至今尚是儂家物

生種藏種 育蠶要旨種為來歲之計最宜講究種蠶當

志廿二 農桑二

五

另行看開必頻頻飼之不令稍餓上山時不可用火採

繭後安放靜處十八周後如天熱不有蛾飴出其繭口

金門為上黃色銀門次之白色出蛾後總在五鼓飯後即對

對交媾也淺交不可如未對即將雌雄捉成對如雌多雄

復對解開時須約申刻解開將布一方挂在空中捉蛾

放上亦有厚紙者自能抱布須臾即生子矣出蛾當分三朝

初朝不過數十隻第二朝極盛三朝又少以後不可用

矣收藏布種之法生種後其色必戰紫戰色後可用石

灰篩在上面交夏時必須用絲薄包外面用紙裹好恐

有蠹魚傷子待浴種時再打開浴後仍必包裹來歲方

得無礙○烏青文獻沃以練絲之湯則子不落貫以桑

皮忌麻苧之線懸於涼處忌煙熏日炙大約畱種繭十

斤可得三眠之蠶四十斤擇繭之尖細堅厚者腰小者

董蠶舟生種大眠起擇蠶之健食者別置之倍與之

方引蛾布子其上謂之蠶布種蛾生子後棄水中府

志曰小兒引蛾置水盆旋轉而游祝曰阿蛾轉團團

來明年種蠶食葉一倍多作繭別畱生蛾輪因

密緻厚且白持比他繭難同科閉置筒中過旬日棚

棚齊看破口出龐軀粉翅兩眉彎雌雄相對排成列

赫蹏裁來一尺長將蛾引著紙上方少焉生子已布

滿如芥如粟紛難量烏盡良弓藏不用一時齊向東

流送羸得兒童喜欲顛祝伊去了來明年

董恂生種蠶蛹之化天暖旬餘即出然極遲亦無過

十八日者故俗有蛾頭長蛾頭短之語

種蠶食葉倍於衆種蠶作繭大如瓠莫辨蛾頭短與

長已見蠕蠕繭破縫須臾蛾口出紛然粉翅修眉堪

鄭重雌雄相配各成雙軀腹胙子已種引蛾紙上

密密生紛紜散布無缺空似此么麼細已甚衣被翻

爲世所用一年一度轉團功業何人能與共卻恨

蠶家太負心佳種生成水濱送

望蠶信 遣閒瑣記鄉人極重望蠶信有不至者以爲失

禮蓋非特蠶時禁忌久絕往來亦以蠶事爲生計所關

故重之也

董蠶舟望蠶信謝肇淛西吳枝乘日吳興以四月爲

蠶月家家閉戶里間往來慶弔俱罷

不行謂之蠶禁吾鄉里語謂之關蠶房門至蠶絲時

咸黨咸以豚蹄魚脯果實餅餌相饋遺謂之望蠶信

親申過從情密適昏姻不出一鄉裏課晴問雨每相

借只隔盈盈衣帶水一自蠶房深閉門從教彼此絕

音塵不知蠶信今何似消息傳來苦未眞算來前日

回山始料應今日纜絲起江魚白白枇杷黃去問諸

姑及伯姊沸耳伊軋搖車聲絲竈滿室縱復橫入門

一笑不須問黃上眉間喜氣盈

董恂望蠶信有蠶無奈忙蠶節親朋遂使音塵絕道

是蠶家禁忌多不教來往成疏闊邇來鄰右競回山

聞得收蠶同一日未識收花得幾分搖船親自探消

息門外相逢一笑迎紅燈昨夜花曾結入門無暇道

寒暄致語先教詰得失歡呼只有稚兒慧翻道客休

問盈歎試聽儂家軋聲絲車十部纜還急

賣絲 湖錄小滿之日必有新絲出市諺云小滿見新絲

沈樹本城南棹歌白絲纜就色鮮妍賣與南溇買客

船載去姑蘇染朱碧阿誰織作嫁衣穿

董蠶舟賣絲鎮南柵有地名絲行棗列肆購絲謂之

絲市行有京莊廣莊之分閭閻填噓馴會忙一勝大書絲

經去聲行就中分列京廣莊畢集南粵金陵商多竊
揣絲當貫亟向絲行球上賣一車值不盈三千牙郎
吹毛忒狡猶相逢南舍足穀翁亦為質絲來市中向
予搖手呼莫莫雷待明年高價鬻深感翁言良不誣
其奈霖霖飛縣符打門胥吏豺狼如不爾何以輸官
租况復私逋遞相促二者兼償猶不足典去布襦幾
時賸袴露兩尻跌雙足三旬勞勞睡不熟那得一絲
身上著

董恂賣絲 吾鎮絲市最盛向之頓葉者至此則轉而頓絲焉 初過小滿梅正

黃市頭絲肆咸開張臨衢高揭紙一幅大書京廣絲

志廿二 農桑二 老

經行區區潯地雖漏小客船大賈來行商鄉人賣絲
別粗細廣莊不合還京莊行家得絲轉售客蠶家得
錢不入囊急尋過付算私債所負加一錢須償償時
不難借亦易小民意計工周防那知贏餘卻有限年
年空為他人忙

酬神 遺明瑣記里俗所祀蠶神曰蠶王天子曰馬鳴王

菩薩又有蠶花五聖○青蠶要旨凡寅申巳亥年大姑

把蠶子午卯酉年二姑把蠶辰戌丑未年三姑把蠶

應京月令廣義作四孟年大姑四仲年二姑四季年三姑與今俗所傳者異

黃蠶舟賽神 府志曰俗呼蠶神曰蠶姑其占為一姑把蠶則葉賤二姑則葉貴三姑則候貴

候賤吾鄉俚俗亦有是說又叢祠間有婦人像而
乘馬者俗稱馬鳴王即搜神記所載馬頭娘也近日
始有立廟祠苑蠶者有蠶之家出火大眠時皆祀
神謂之拜蠶花利市其禮視蠶畢之祭為殺云 互

寒驟暖蠶無疴燥濕有患煩護呵蛇鼠不耗葉不貴

蠶姑降福亦已多貧家何以酬神惠牲醴潔蠲恭報

賽擊籃市物向街頭拚把新絲一車賣花冠雄雞大

彘首佳果肥魚舊醪酒兩行紅燭三炷香阿翁前拜

童孫後孫言昨返自前邨聞邨夫子談蠶神神為天

駟配嫫祖或祀苑窳寓氏主九宮仙嬪馬鳴王眾說

紛綸難悉數翁云何用知許事但願神歡乞神庇年

年收取十二分神福散來謀一醉開圩明日到處同

志廿二 農桑二 夫

插秧農父多怒怒又將疊鼓祈先農

董恂酬神育蠶有秋生計足蠶家有願向神祝今年

大好稱意收酬神拚費絲一握九宮仙嬪馬頭嬾稽

首焚香更燒燭甕中有酒新釀成割得雄雞配豬肉

願神覆庇自年年絲滿筐籠爾滿箔大兒祈禱拜不

休小兒索果爭唬哭迎神已罷還送神酌酒撤看事

忙碌晚來團坐聚堂前得意高談散神福

田家占驗 志彙正月元旦侵晨占風東南來則稔東及

東北次之西則歉一日為雞二日為狗三日為豬四日

為羊五日為牛六日為馬七日為人八日為穀九日為

...

蠶十日為麥晴則吉一日得辰為一龍治水至十二日
 得辰為十二龍治水少為雨多多為雨少一日得丑為
 一牛耕地至十二日得丑為十二牛耕地少為勞多為
 逸一日納音屬木為蠶食一葉至九日納音屬木為蠶
 食九葉少主貴多主賤入春暖則晴寒則雨諺云春寒多雨水
 雷則久雨諺云春雷十日陰若要晴水生冰元宵大風主油貴二十日
 雨為天穿主雨多二月八日為祠山神生日西南風主
 有秋前後必有風雨釀寒謂之請客風送客雨諺云祠山大帝喫凍
 狗肉諺云未整先熱人喫狗食三月三日晴雨俱主葉貴陰雲不雨
 有雷諺云未整先熱人喫狗食志廿二 農桑二 亥
 則蠶大熟諺云三月三日晴桑上挂銀瓶寒食宜雨清
 明宜晴清明斷雪穀雨斷霜亦諺春甲子宜晴諺云春甲子雨
 乘船四月十四日晴主歲稔二十日忌雨竟立夏小滿
 日宜雨五月有壬子破日主水七日八日十一日並宜
 晴諺云不怕端五端六只怕端七端八又云大早只怕端十一十三日為關帝生日
 有雨主無疫癘俗稱磨刀水芒種後逢丙入梅小暑後逢未
 出梅或以芒種後逢壬入梅入梅日雨主旱諺云高田只怕迎梅雨低田只怕
 田只怕送時需夏至宜雨忌西南風諺云夏至西南風小橋夏至後半
 為三時頭時三日中午時五日下午時七日止雷忌寒三時
 以後東南風連晝夜日船越風主久晴二十日為分龍

日忌雷雨主旱前此雨行必爾此後雨則或及或不及諺云夏雨隔牛背廿一日雨
 主稔諺云二十分龍廿一六月三日有雨則日日有之
 諺云六月初三一箇陣上晝耘田下晝困六日宜晴雨主水小暑日雷主水
 陣上晝耘田下晝困六日宜晴雨主水小暑日雷主水
 雷丁倒做黃霉三伏中日出時卯上有雲則有雨庚日
 有陣雨則連十日皆有陣盛夏宜熱諺云六月不結夏甲
 子宜晴諺云夏甲子雨赤地千里七月七夕雨主穀少立秋日忌雷
 諺云秋李鹿損萬斛丁卯日忌雨諺云雨打秋丁八月一日雨主
 早白露後忌風雨諺云處暑雨田裏米白露雨偷稻廿
 四日為稻草生日雨則稔腐諺云愛憂憂到九月九
 日宜雨主來年熟十三日晴則一冬少雨諺云九月十三日晴釘鞋掛
 志廿二 農桑二 辛
 斷秋甲子宜晴諺云秋甲子雨禾頭生耳十月內風頻作謂之五風
 信十一月十七日為彌勒佛生日東南風則米貴西北
 風則米賤冬至後九日有雨雪則每九皆然諺云除夏起時連冬
 九十二月上中二旬有雪來年梅水盛三日宜陰雨諺云臘月初三晴
 臘月初三晴陰濕到清明十二日為蠶生日宜晴冬甲子宜晴諺云
 子雨飛雪千里大寒後戊日為臘臘雪主年豐又諺語占豐歉
 有云有春好看蠶無春好種田謂立春節柴貴荒年到米貴
 熟年來蒼蠅不喫貴米飯若荒蚊咬熟蝦荒蟹亂占晴雨
 有云久旱逢庚落久雨逢庚晴丙不藏日六月無夜陣
 東嶺口頭西嶺雨俗呼虹朝霞不出門夜霞行千里攔

第一冊 續修四庫全書 第 26 版

朝雨好曬被明星照爛地有雨落弗泊早晴不是晴晚

晴曬殺人雨前蓬花不肯落雨後蓬花不肯晴細雨不濕塵者

俗稱蓬花雨貓乾狗濕貓飲水晴狗飲水雨占風有云春東風雨祖宗

北風兩頭兇南風腰裏硬西風不過西東風無休歇單

日雙風雙日單風占霧有云春霧雨夏霧熱秋霧涼風

冬霧雪霧露醒跳下井言天熱也三朝霧露發西風占寒暖

有云老健春寒秋後熱言不熱也未喫端午糉寒衣不可送

喫了端午糉還要凍三凍○湧幢小品春雪不宜過多

若多則百廿日必有大風雨俗謂之雪報最傷農○又

俗云夏至有風三伏熱重陽無雨一冬晴驗之殊不然

志廿二 農桑二

三

及閱感精符云夏至酉逢三伏熱重陽戌遇一冬晴乃

知俗說之訛也○又吳中五六月間梅雨既過必有大

風連數日土人謂之舶趨風云是舶商請於海神得之

凡舶過此風日行數千里雖猛而不為害○烏青文獻

夏至後九九氣候一九二九扇子不離手三九二十七

冰水甜如蜜四九三十六拭汗如出浴五九四十五頭

戴楸葉舞六九五十四乘涼不入寺七九六十三上牀

尋被單八九七十二思量蓋夾被九九八十一家家打

炭墜冬至後九九氣候一九二九相叫不出手三九二

十七籬頭吹簞築四九三十六夜眠如露宿一作籬宿

東得五九四十五太陽開門戶一作窮漢街頭舞六九

五十四貧兒爭意氣一作和尚不出寺七九六十三布

衲兩頭攤一作破衲足頭攤八九七十二貓狗尋陰地

一作口中九九八十一犁耙一齊出一作三句云窮漢

睡蚊蟲書城雜著占水旱蒹葭初生剝其小白花嘗

之味甘主水饑主旱梧桐花初生色赤主旱色白主水

冬青花關係水旱其花不落濕地諺云黃梅雨未過冬

青花未破冬青花已開黃梅便不來鳳仙花五月開主

水芒種前菟豆花開主水占豐歉桃李實多者來歲必

稔占雨水鵲巢近地其年大雨占晴雨鳩呼婦晴逐婦

志廿二 農桑二

三

雨鴉浴風鵲浴雨八哥浴斷風雨蜘蛛添絲晴弔水雨

蜻蜓亂飛主雨魚浮水面主雨水氣腥立時雨水面生

青靛天公又作變

風俗

汪日楨撰

南潯鎮志廿三

俗好儒術罕尚武藝胡承謀府志引吳興統記

志稱烏程為東南淳邑俗樸民恬今觀潯鎮良然舊有鐵

練市銅烏鎮豆腐南潯之謬此先聖所謂南方之強者

耶今雖稍不逮古然視他鎮猶霄壤矣齒亡舌存庸詎

非福哉士人多修雅自好文學悉悉甲于一邑云潯溪文獻

縣志稱民務本圖不事藻飾讀書類見東境此不獨為潯

言而於潯洵不誣也邇來風會日趨稍不如昔奢靡漸

啟冠婚喪祭並尚繁文頗有僭踰之風男女信卜筮崇

淫祀疾則先禱禳而後醫藥且喜演劇社賽其狙于習

志廿三 風俗

尚如此董志

湖俗重釋而潯尤甚每遇喪祭例作佛事僧家類用簫管

笙笛高聲梵誦俗謂細樂此為善俗之累在所宜禁同上

潯人每至新正婦女不分老幼俱豔妝入廟燒香念佛酬

愿皆由僧尼以輪迴因果之說蠱惑如是其東禪堂嘉

應廟二處香火尤盛每至七月九月士女雜還喧闐旬

餘同上

衣服向多野樸布衣之外細絹本白土產民間尋常穿著

亦不為異今則佻達少年喜為婦女紅紫之服新巧屢

更甚可怪焉同上

飲食薄素儉約無奢靡暴殄之習今則筵宴肴饌必極豐

腆謂非是則陋即貧窶之家或不惜典貸為之甚至凶

喪之中亦用葷饌珍錯爭奇鼓樂歌唱竟同讌飲者同

市鎮鄉村每多魁獍奸黠武斷鄉曲春間奮身釀金搭桌

演戲勾引博徒遊兵賭博之外近有旋設磨錢鬪牌棋

勢之類迷誘良民為惡不一相習成風窮民墮其術中

賣妻鬻子或流為盜賊高必騰縣志。按近年更有花鼓戲及字寶尤為風俗之害

儒家以禮義綱維紘誦之聲所在都有今則貧士多奔走

衣食有恆產者復受制佃戶日苦稅糧餽粥不給鳴琴

在室者幾人哉同上

志廿三 風俗

烏程上十區之民多貧下十三區之民稍富若十六至二

十三區處邑之最東與平江嘉禾接壤中有南潯烏鎮

馬要淤溪諸大鎮其俗男耕女織民頗稱殷自二十年

來下區之富亦蕭然矣同上

商賈惟湖濱及南潯烏鎮之人往楚豫間貿易同上

風俗往最近古而樸其士人雅稱率素闊達而峭直猶有

先民典型其里閭力本重穡終歲勤動唯斤斤以儉勤

長子孫無敢傲康以墮先業自樸一散而習於煩貌潤

言甘軟美少骨因是繁縟其節文綢繆其款接命曰周

委而俗始趨佻矣迨樸又散而習於夸鼎食綺衣競相

遭效空齊民之蓋藏以矜追遂自謂未能免俗而俗始趨汰矣迨樸又散而習於媮曠業情農游閒陸博幾市與野爭民徵貴者走死地如鶩轉噉昔人無知而俗始趨蕩矣迨樸又散而習於澆目詭眉語狙巧鬪捷正直為齷清修為拙謔浪槩於尊親機關騁於骨肉而世俗流失敗壞濫觴將何所底止語云已彫已琢還返於樸善返樸者當塞其翹然自張之溢情而獨尋穆然渾噩之初意端在坦夷用在儉嗇本在力農道在敦厚其轉移係洩斯土者而共砥風靡士大夫與有責焉胡承謀府志引

茅瑞徵澹樸齋集

志廿三 風俗

三

俗好淫祀最信五聖又有金元六總管七總管市井中目為財神建廟尸祝每月初二十六日用牲醴與五聖同饗名曰拜利市湖錄。按并有託為鬼神憑附人身言人禍福者愚夫婦翕然信之近年尤甚滄上古風最樸多有至老不見官長者遇儒士輒生敬畏即富有益慎持近則成童皆能肆口於公庭毫無懼色度恐健訟將成俗習也更或無因啟釁編捏謠言汙讒良善此雖一二慣筆易致染惹成風且讀書不見貴於人並宜酌之凡為士者不犯口過陰功最大俾邦人子弟有所懲勵焉范志李樂見聞雜記云官無大小皆稱曰老人無老幼皆稱曰

翁曾於題疏中見此四語今以老字復加於無官年少之夫謬舛甚矣趙吉士寄園寄所寄云禮冠而字之敬其名也同輩相稱以字近世諛佞成俗直稱表號以為簡慢遂僅呼一字而以翁老承之雖少年穉子無不蒙此稱者余讀莫氏八林有未四十稱翁者作詩譏之今更不爾可姍也按滄人頗有此風故特著其說志彙。按滄人多以字行非其東不稱名向時有別號者甚少雖有亦無稱者今則童子亦稱別號矣自婚嫁競尚華侈而溺女之風遂盛鄉間尤多近年頗有善士逢人勸喻者然不能止也又嫁殤冥婚相沿成習而劫婚之事鄉民亦時有之上

志廿三 風俗

四

董漢策普勸同里修德禳災說吾聞修德以禳災未聞佞神以求福也異哉吾滄既佞神且玩侮焉是請禍也豈召福耶自兵燹焚煇以來甲第為邱墟白骨徧原野所在皆是滄獨晏然豈天獨愛滄民而燠煦之夫亦惟是滄多善人食餘福焉何為今之人乃有食福不知反請禍者地祇號總管大率歷朝大帥洩茲土死於王事遂血食於茲所謂有功於民則祀之者累有胙蠶里中父老果欲奉祀請福則崇其廟貌修其香火可也父老不察競侈靡為賽會之舉斯亦過矣夫賽會之舉其害於民者四有可隱憂者三請

得而詳言之溥里凋蔽極矣歷年晏安競為華侈或家無餘石而美味鮮衣虛白文飾且錢貴穀賤農不交易貨權日輕富賈坐困風之以節儉猶恐未足今賽會費以三萬計比戶輸納如償官逋雜用繪綵鼓樂糜耗百出鎮民之姻好故舊聞聲相約競出游觀聚族奔馳來就所親三日蠶食無空囊洗其費更不可計此其害于民者一也未會前三日會首援旗數十杆鳴鉦叫號晝夜不絕巷不(甯)居冊籍所到稍反屑則羣詬諄之甚則摔擊莫敢誰何貧民懦士含怒不敢言其害于民者二也將會則昏愚無知之徒捨

志廿三 風俗

五

身聽役如吏書早快等皆居民充之中軍旗鼓點者哨長家丁皆好事者扮就無不宛肖執冊點傳後至則加以鞭撻按地重責無異憲司受責已復索杖錢此真咄咄怪事每革役歸來羞見下納費一二星或突起攫去或指稱衝節或指稱鎖擊問人也詞訟紛紛有告狀具呈者不一而點者佯為囑託息訟取資既具呈狀遂央情說合歸息可怪之至愚民所費無算其害於民者三也於是射利之徒巧作興販奇技淫巧競為炫惑物價踊貴而宴會所需不得不買民貧益甚實飽奸察其害于民者四也夫若輩所以輒為此者止以貧窘無聊性好興事思欲假

借鬼神分其餘潤會不知陰陽之權操自上帝赫濯神祇昭布森列倚託弄威是謂無天生殺獄訟則有司存彼小人者何得鞭撻決斷行賄招權是謂無法嗟乎貪心實甚遂至流害於民如此極哉所謂可隱憂者吾溥之人幸得偷安本無繆巧大率愿謹奉法僅免禍患今之懸旗糾族每保黃帥旗一面狐鼠衣冠榜諭四出殊票殊示各棚徧愿謹之風既隳弄兵之志斯作且同類相聚結黨縱橫脫有事變此必倡首可隱憂者一也方其羣聚之時動以千數類皆結束執兵編立行伍稍不如意則聲言神怒率眾環攻

志廿三 風俗

六

其家任其戕賊則心所難堪稍與格鬪則眾寡不敵縱能勝之倡燒倡搶之言囂然繁起如此則一二年間必成亂階可隱憂者二也眾既雲集游觀者多賭博圍飲星列棋布重關洞開不復備禦脫有賊來如入空谷更有隱伏之奸謂窩線之類困窮之子謂賭者外召賊徒內証釁亂則破亡立至可隱憂者三也可隱憂者既如此有害於民又如彼畱心當世者得不為深慮哉且眾父老亦知神果有靈否耶使神而無靈也則向之所謂胖蟹赫奕羣趨如鶩者皆出偽為不足信也使果有靈而假其名號網收眾資侵入已囊則

神必赫然震怒加禍於爾眾敗爾身家以彰天罰吾甚為眾父老懼矣夫福善禍淫者天地之大經也何不罷無益有害之事修召福消禍之法各安其業各守乃分行孝悌之道敦廉讓之風反侈糜為節儉易矯誣為恭謹則天必佑之神必助之人必敬且愛之

以是保身家歌詠太平豈不快哉否則亂心內潛亂端必伏召兵召盜召刑召灾召夭折皆在此矣吾甚為眾父老不取也比閭同方休戚相共故敢盡言惟望矜亮按近時已無此風然存此文足為後鑒也

志廿三 風俗

七

絃酒肆拋錢慣燈火茶坊徹夜叢放局人爭償博進渡航客喜鬪紅冲葉子面畫水滸人并購賞錢數戲較勝負名曰紅冲開民怕作游民去都付憑欄一慨中

冠笄 童子三四歲即戴帽至將婚前一日乃復行冠禮

女子則將嫁加笄俱延親族之尊者夫婦咸集按必取元配有子之命贊禮祝之謂之上頭是日蒸糕以餽親鄰謂之人

上頭糕震澤鎮志

婚嫁 男女議婚大率以門楣為重亦互擇人而兼決於命卜初聘用禮數事釵鐲綾綳等物。按或曰求吉俗謂之致意亦謂之纏紅亦謂之小定亦謂之擔小

盤震澤鎮志各視其禮之輕重以為名震澤鎮志女家曰允吉震澤鎮志將

婿先納幣請期謂之行聘亦謂之道日震澤鎮志亦謂之擔

大盤震澤鎮志女家答以禮物謂之回盤震澤鎮志亦謂之往日震澤鎮志

前期數日送珠冠袍帶以肅嫁謂之催妝震澤鎮志亦謂之

擔上頭盤仍用禮幣俗謂之七事衣震澤鎮志女家送奩具至

婿家謂之鋪房及期女家笄女而醴之謂之待嫁婿於

昏時親迎謂之發迎親朋從之謂之陪娶震澤鎮志亦謂之

陪迎震澤鎮志親迎以舟往日迎船先論財然後成禮貧富皆

然震澤鎮志婿至主人使親族子弟迎入升堂並拜謂之拜廳

主人以茶果款婿謂之坐茶既畢婿於綵輿前奠雁而

志廿三 風俗

八

拜謂之拜花轎還輿北向女父若兄弟親掖女入

之抱嫁女輿出門婿於堂前請參謁外舅姑謂之謁見

按外舅姑必辭無相見者迎婦至門飾童男女二人然燈向輿謂之

迎花轎震澤鎮志婦出輿婿與婦堂前參拜謂之拜天地亦

曰拜堂震澤鎮志然後牽綵交拜謂之結親引婦入室並坐牀

進兩心杯酒各舉飲之謂之合卷震澤鎮志司儀致語以果

四投曰撒帳震澤鎮志繼設饌於堂前列絳炬婿與婦並南向

坐謂之結花燭明日婿以婦拜見舅姑震澤鎮志獻酒雙爵

日劬勞壽酒震澤鎮志有贊日上見震澤鎮志並見秀尊或屬謂

之見禮舅姑以婦謁於先祖謂之參祠堂震澤鎮志總謂之

做三朝志越數日婦家備禮來婿家謂之望朝逾月婦

告歸謂之回門返夫家謂之大歸家各以盤盒糕果相

遺志問有婿就婚于女家者謂之入贅贅後歸婿家謂

之捲帳回門凡婚姻必有媒妁以四人為常少則二人

多或六人海

董蠡舟溇溪棹歌爆竹雷鳴開迎船沿流鼓吹夜喧

閩青蚨二萬前期約免向牽牛索聘錢

喪葬 人始死令道士以六輪經辨生肖所忌謂之批書

董裂白布遺弔客裹首謂之孝帛至戚往哭亦襚以布

帛若續謂之遺襄一作續亦有兼行奠禮者其他親族

志廿三 風俗

九

或弔或奠弔用香燭楮錠奠用牲醴庶羞其居相近者

先以吉服臨屍謂之探喪三日大斂成服凡來弔者謂

之送斂按俗以棺中上子蓋為小斂上大蓋為大斂又棺尾有子孫釘為他處所無據批書

所定日用道士招魂主人奉主以接至或以帛或以紙

兼焚死者遺衣謂之神回以有殺神亦謂之接殺震澤

亦謂之接膏至五七之期至或具小神室以安木主

并設奠謂之上座亭按上座亭必以女婿無女婿始後

凡時節往奠謂之上座震澤親知先期以單徧傳代計

日開喪甚有鼓樂歌唱客或酣呶醉飽而散董終七七

期止弔謂之閱靈主人墨衰拜于弔者之門謂之謝幸

二十七月撤几筵謂之除靈親族來弔謂之送座震澤

奉主於祠堂曰陞祠志將葬親族集送抵墓拜別而散

謂之送葬葬無定期震澤必用堪輿家起棺多用偷樞

法子夜驚然而起以故親友會葬者甚少海或有將

樞火焚拾骸骨貯甕埋之者或俟屍腐爛後檢其骨置

甕中謂之揭生骨鳥青鎮志云按律從祖父遺言而燒

者當引刑律發塚條內子孫於祖父遺言而燒化

墳墓熏狐狸燒及其屍者絞之律志有貪圖風

水歷久不葬者董更有阻葬惡習糾集奸匪橫索酒食

銀錢厥費倍徙於營葬此最為人心風俗之害惡少干

谿壑不飽或顛倒其棺或昇以投諸河或持耒耜斫斷

之并有事後百計侵損使人不敢望墓而祭不第塞流

斷港伐樹縱火之為也營葬家每以兆域所在隱忍以

嚴禁第一時不能盡蔽其辜再俟詳祭立石以

垂永久則於生者死者均有裨云鳥青鎮志

祭祀 士大夫家祭高曾祖禰為四親間有建祠合祭者

自忌辰外歲時之祭元旦懸先人造像或三日或五日

設糕果拜獻撤像日設饌享之清明夏至七月望十月

朔冬至除夕等節日祭品豐儉不同無有廢祀者明談

凍漫筆云今人於賓朋燕會必務豐潔乃祖宗

祭享多從苟簡是薄其所厚而厚其所薄也 僧家節

關錄亡者姓氏徧送施主士大夫家亦用之董祭必焚

冥鏹海祭墓則於清明十月朔舉行祭畢添土懸紙旛

樹上謂之飄白或曰藉以招魂云董又有竈及土地神

亦四時祭之震澤

明董說剪紙錢常莊露歌哀世 剪紙錢整紙山金作

响嘍銀華山願君金魂玉魄相隨世世萬年

雜儀 生日開讌受賀曰做壽生子三日邀親友喫三朝

麪逾月剃胎髮親友致餽遺曰做滿月周歲製餅作試

兒會曰拏周朋友訂盟稱昆弟曰換帖以兒女過房與

人俗云出姓好養然過房後仍返父母家自後兩家往

來與婚姻無異至鄉民并有過房與神廟中者如關帝

姓關總管姓金觀音姓妙之類則士大夫家所無志

正月 初一日為元旦家設糕果接天接竈懸先像亦設

志廿三 風俗

糕果家長率子姪輩禮畢男女各拜家長餘各以次遞

拜然後出拜親友董名曰拜年亦曰拜節門前多設紅

紙門簿客自列其名或投刺焉往往交錯各不相見志

數日內互相邀飲曰年節酒是日不炊除夕預為飯食

之謂之年飯禁掃除汲水董志○按元旦接天即望

非也爆竹自子夜達曙相傳以祛疫癘烏青鎮志斥為

為小年朝接天祀先糕果皆撤志 立春延客用春餅

兒童競放紙鳶諺云楊柳青放風 又有拋球踢毬諸戲

初五日五路財神生日五更時祀以牲醴曰接五

路上 初九日玉皇生日士女集廣惠宮燒香同 十

五日為上元天官賜福之辰人多持齋舉會是夕有茶

造龍馬諸燈游行街市者元宵前後鉦鼓聲不絕謂之

元宵鼓殺粉飾細丸如芡實大食之曰燈圓董志○按

十三日七燈十八日落燈然鎮上 二十日為天穿日

多為幼女穿耳冊

紀遠正月十五夜月明如晝可憐宵簫鼓兒童破寂

寥猶記金陵舊遊地萬燈迷眼欲魂銷

張鎮溥溪漁唱元宵風景儘堪誇畫鼓寥寥燈市譁

正字欄干珠箔捲爭看水面放蓮花俗于元宵有放

孫燮龍燈行人聲直作波聲沸天上游龍地上戲健

志廿三 風俗

兒矯捷好身手莫是參龍有苗裔龍頭昂藏舞向天

龍尾蜿蜒拖著地有時首尾相衝擊一躍人從龍背

墜電光四射列炬明水底紅霞風盪碎真龍畏縮不

敢下天上無此光景麗是時日落春空晴雲裏冰輪

吐復翳千家晚飯坐對月但說燈來未肯睡欲來不

來聞鉦聲兒童跳盪大爭吹側聞燈盛兆年豐民氣

和樂天賜瑞吾鄉澤國田土薄足食人民仰水利入

蜡貓虎皆象形燈作龍形其遺意願龍宛轉隨人心

雨暘時若溥美利百物豐盈人力暇更剪龍鱗翻巧

製轟雷掣電須臾聞喧聲漸遠市門閉腐儒搖筆坐

夜闌得句聊補歲時記

二月 初二日女士皆摘蓬萊簪於首云辟頭風淳溪文獻又

留年糕食之名瘠腰糕令人不腰痛董志 初三日文昌

帝君生日士民焚香拜祝葉志 十二日花朝以紅紬及

紅紙繫花樹上同 十九日觀音大士生日燒香者不

絕於道同

張丹山潯溪棹歌幾日濃陰二月天竹林驚破凍雷

先明朝已是春分節雙槳飛來筍櫓船

董蠡舟潯溪棹歌抽身早聽凍雷催準擬花豬頓頓

煨兩片帆輕雙槳疾今朝晚櫓筍船來筍出郡南諸山春分後以

志廿三 風俗

舟載而來驚日筍櫓船曉至者謂之早櫓夕至者謂之晚櫓晚櫓為勝以其早斷而暮至則味尤鮮也

三月 初三日為上巳男女皆戴薺菜花諺云三春戴薺花桃李羞繁華

是日眞武生日燒香董志 清明祀先塋墓插柳淳溪文獻 食

糗子名曰角黍取寒食之義董志 士女野步謂之踏青極

樂庵焚香最盛范志 姚田快船成隊到震澤嶽廟前取道

市中皆舞兵器及篙文獻 名曰哨船又結隊往天竺進香

葉志 廿八日東嶽生日士女集廣惠宮及極樂庵燒香

作會同 遇豐年則出燈會每在二三月間引線燈作

繡球涼傘等形爭新鬪豔為他處所無擊鉦鼓隨之游

行市上迎神出觀或為藏頭詩句任人商揣曰燈謎句

餘始罷遠近來觀者甚眾同

紀官清明桑芽雀口草芊芊久慣篙工嶽廟前左右

插花龍樣舞春衫拋去罽泥船。隊隊村船天竺行

夜深飛櫓喜兼程十年起早西湖過未認蘇隄柳色

榮

謝洲清明竹枝詞分水墩邊人擠肩風光盡出清明

天鉦聲不住鼓聲鬧嶽廟燒香雙艣船

曹仁虎潯溪竹枝詞清明時節快船飛繡戟弋次

第圍鬪罷風前身手健綠楊陰裏綵旗歸

孫燮三月下旬燈事甚盛感而有作寶馬香車絡繹

志廿三 風俗

迎笙歌如沸火如城人情欲補元宵缺天氣難逢穀

雨晴舉國若狂豪興在非時為樂後憂生依稀記得

當年警早閉閭門禁夜行

董蠡舟潯溪棹歌落梅風後浴蘭前引線春燈百態

妍花月良宵卽元夕笑他買夜費金錢

四月 立夏飲火酒噉櫻桃新梅蠶豆芽穀餅謂可解疰

夏之疾董志 男女皆以秤較輕重謂之稱人范志 初八日

釋迦佛生日僧尼作浴佛會董志 十四日呂祖師生日

剪萬年青葉置通衢令人踐之葉志

董蠡舟潯溪棹歌芽穀蒸成餅樣新饅春筵上看稱

人如儂何待持衡較戍削香桃掌上身

五月 初五日為天中節亦稱端五先期道家以天師符

僧家以黃紙符債檀越謂之送符女僧則以綵絨作花

謂之送老虎花親戚以菜豆糕銀魚灰蛋黃魚角黍相

遺家家以雄黃葛蒲泛酒志小兒女以綵線穿赤小豆

綴辨髻裂綳為囊貯雄黃佩之曰雄黃袋志剪繭作虎

形以艾為人形跨之謂之健人老虎志懸天師及鍾馗

像繫蒲艾於牀或采百草雜蒼朮白芷芸香等物焚之

震澤近午時以雄黃火酒洒四壁官府行慶賀禮民間

則否志黃梅時儲梅水湧極小品云霽後積水烹茶

志廿三 風俗

五

○迴別矣 十三日關帝生日士民焚香拜祝董夏至

後半月為三時禁淋灰浣衣同二十日為分龍日四

柵俱擇空地演水龍湧

董蠶舟潯溪棹歌辟兵戶彩符新越國亡來競渡

湮石首魚黃蒲酒綠馬家港上弔靈均午日無競渡

日自○迴帆佇聽鼓鼙深恐霖滯客蹤檢歷已

欣過小暑朝來雷雨正分龍

董恂潯溪棹歌節過天中未淡旬間濤閣裏又酬神

願求幾點磨刀雨洗淨人間十丈塵關壯繆生日得

○黃魚船到正黃梅無數冰鮮入市來剛喜好風

吹船越莫教小暑一聲雷

六月 初四日祀竈十四日廿四日亦如之諺云六月三

火醮○初六日食餛飩滌器具浴貓狗於河董日未

出時汲井水川磁罌盛之入黃瓜一條於中黃蠟封口

四十九日瓜已化盡水清如故可解熱毒湧三伏

造醬釀者卷麵湧十九日大士成道日人持齋禮誦

董廿四日雷祖生日廣惠宮燒香湧

七月 立秋日吞赤小豆七粒井水下云免瘧痢湧初

七日金元七總管生日演劇祭賽是夕食茄餅或揉麵

為花果鳥獸形油煤食之曰巧果閩中擣鳳仙花染指

志廿三 風俗

六

甲董十五日為中元地官赦罪之辰人多持齋舉會

祀先俱用素饌僧家啓孟蘭盆會夜則沿河放燈謂之

照冥有喪之家延僧呪誦名曰施飯是月市井醮資各

延僧設瑜伽談口街衢開每夜有之同三十日地藏

王生日士女往東藏寺燒香禮佛達旦日坐夜佛人家

門前設香燭或以木屑和油沿路焚之曰點地燈上

明董說染爪秋風來幾日安得擣衣砧為敲金鳳花

共立梧桐陰色憎唇朱淡影射晴霞深明朝寫眉角

紅日透青岑

又招魂曲中元夢魂夜逐青桐葉飛落秋園作蝴蝶

一星鬼火入江青法王院勝招魂帖靈旛剪紗錢剪
紙月黑松搖古鬚鬣高僧入座呪音寒精靈百萬嘯
秋怯嘯聲認得故人魂猶帶生前舊豪俠

又孟蘭招魂詞靈風飄幢塔鈴語小玉魂歸立秋渚
只言夜踏陽臺雲蒼茫乍隔青楓雨擁髻來看水燈
綠法王正奏無生曲

紀端巷燭行七月日已晦民俗異他鄉傳言有神降
列地炬成行類蛇攪斷岸復若干星亂兒童始甚謹
頃刻同戲玩君見切莫瞋青苗會欲陳巾紫長衫白
田祖陌頭巡

志廿三 風俗

七

董蠡舟溇溪棹歌但酬總管競笙歌孰問天孫夜渡
河郎莫穿針來乞巧世間正忠巧人多七夕無乞巧者○一

昨僧來送節關明朝施飯濯船還船篷底新妝面

抹麗花禮壓兩鬟中元節僧家送節關女子適人而

哭并延僧施飯他姻有父母之喪者於是日具酒饌往

戚亦間有行是禮者○地藏生朝值孟秋徧然地燭
百間樓踏燈看殺冶游子兩岸珠簾盡上鉤

董恂地燈曲年年七月三十日已墮斜陽無暝色徧
地輝煌樺燭紅不斷明燈替明月薰天火樹燄銀花
勝過元宵鬧蛾節燃來木屑和膏油熱能都梁撥艾
納旁人爲我說今宵大放光明地藏佛蠟炬高燒十

萬枝燈益光明佛尤悅肩摩殺擊佛殿擠膜拜虔誠
更難及家家月朔不茹葷欲仗清齋脫罪業佛號喃
喃老媪宜數珠一一村翁搵豔妝更有女如雲避人
坐愛僧房密施財不惜破慳心拚拔金釵庫中質清
曉來遊暮不歸道喫香厨飯難得白晝燒香夜點燈
要把來生善緣結願得天上大喜歡生事何違計偏
仄減爾今朝餬口資供他昨夜纏頭物欲祈佛佑在
皈僧何必浮圖四千級我聞此語信且疑菩薩低眉
恐未必禪門便說賴十方佛法曾云空一切釋迦何
肯作厲階盡使鄉愚盡邪說布施果足廣福田地獄

志廿三 風俗

六

翻爲廉士設何苦忙忙觸熱來男子拋耕女拋織爾
輩方期佛有靈我儕還恐天將抗卽看今年夏不雨
米價高翔已難活手輒足跼得幾何有用翻教耗無
益倘令我佛果有知也欲當頭加棒喝至道本無人
我和佞之未必爲功德試看何充孟顛徒成佛生天
目未擊糜費先增彼罪愆更誰替爾重消釋我今願
作懺悔文仗此良因各努力聰聽彝訓厥心臧勝向
蓮臺勤令十此歌未闋夜已深四顧燈光猶未滅願
斂南浦北燭資散作貧兒一年食

又溇溪棹歌涼月將茲照一庭雙蓮佳節意惺惺郎

醮總管錢神會妾愛牽牛織女星。喧傳佛誕是今朝。禮佛禪堂伴已邀。怙殺人。家小兒女戒香華燭滿庭燒。

八月 初一日嬰童稚女以筆管蘸曉露潤硃墨印圈於額及肩背手掌足踝曰天灸可治百病。溇溪文獻 初三日

竈神生日祀竈。志 十五日為中秋節以月餅相饋遺

謙集賞月或竟夕不眠以待月華。文獻 糊紙為斗實香屑

於其中名曰香斗至夜架桌庭中蒸之曰燒斗香亦曰

燒天香尼庵尤盛道家則禮斗懺設祭煉微曉官府行

慶賀禮民間則否。志

志廿三 風俗

九

曹仁虎溇溪竹枝詞秋露如珠蘸翠筍笑攜繡襖祝

兒童不須更學桃花醜嬌額新添一點紅

董恂天香斗香小院涼生開庭秋好又逢斗柄西指

翦紙為鑪碾檀作屑蒸向木樨花底搖光掩映願

瓣都成心字怕被清輝照見低拉袖羅斜倚。夜涼

真箇如水檢蒸籠葦衣初試竟體芳蘭融和滿庭香

氣更向星前細步看斂衽深深拜初起要趁團圓教

郎睡未

九月 初一日報國寺香火最盛。志 初五日崔李二大

明王生日家家煮糯米飯具酒果設祀謂之拜雙土地

嘉應廟燒香游覽士女闌溢百戲雜陳前後二旬始罷

登高者志 斗姥生日燒香。溇溪文獻 或食栗糕亦有攜壺

張鑑溇溪棹歌縱管巫簫賽穀神芙蓉漬粉鏡中勻

山門摩喉羅成肆多少人看看畫人

十月 初一日為十月朝祀先掃墓。志 十五日為下元

水官解厄之辰人多持齋舉會。溇溪文獻

十一月 冬至祀先。按俗以清明前一日為清明夜冬至

皆然。志。蒸粉糰曰冬節圓子。溇溪文獻 是日謂之亞歲官

府行慶賀禮民間則否。志

志廿三 風俗

十

十二月 初八日僧尼以白米和諸果作粥名曰臘八粥

以餉檀越。志 臘中多喪葬修築之事。以歲官交承凶

有可不可。釀秫作酒煮而藏之曰臘酒。同儲臘雪水

廿四日謂之交年是日掃屋塵送竈用錫糖祀之曰竈

糖蒸粉曰送竈圓子焚紙轎曰竈轎丐者攤於市曰

跳竈王。志 邇來送竈皆先一日沿舊者鮮矣。志 二十

五日玉帝及諸神下降之辰人皆持齋。志 食物不用油

或互相饋遺曰年節禮磨粉和餛飩為糕曰年糕。志 以

牲醴祀眾神曰拜年夜利市。俗以廿九日為小年夜三十

日為大年夜。志。

是夕家各祀先爆竹之聲聒耳換桃符門神家庭舉宴
長幼咸集日午夜飯徹夜不眠日守歲或有竈前致禱
請方向出門聽市人無意之言以卜來年休咎謂之聽
響董志○按潯鎮質庫向例每日辰開酉閉唯除夕
通宵徹曉近年以多警防盜請官給示雖除夕亦
不復夜

明董說掃塵詞吳俗十二月掃塵為歲除風景作掃塵詞
時豐草庵空竹拂垂自信世間塵不到平生隔庚元規

又祭竈詞祭竈燈寒祝語疎自將功過默乘除風流
罪業應難免偷寫人間幾葉書○竈王歸去海雲稠

志廿三 風俗

主

應記南村人正愁為上綠章封事奏青山乞與半生遊

董蠡舟歲闌雜詠八首序有吾鄉之俗臘月二十四日
為養以祀竈范石湖村田樂府云豆沙甘鬆粉餅圓
即是物也市有鬻錫者曰竈糖糊紙為輿曰竈輻祀
者皆用之謂之送竈送竈後糞除屋宇謂之掃塵屑
米合蒸謂之年糕擇吉日以牲醴祀百神謂之拜利
市除夕家家治具羣聚歡飲謂之年夜饭飯罷子婦
於尊長僕婢於家主前稱某如意謂之呼如意僕婢
人子也衣盡付之質庫券爭合夫鄰道貧家風味尤

不可無篇什以紀之爰賦五字共得八章名曰歲闌
雜詠云○送竈交年髻去官從此六參佐輿後眾察
洽紅妝細馬馱紛紛薦花餽聊當一錢大竈養原熟
官不似楊臨賀○掃塵吾廬本離垢聊復舊例沿不
辭事一室天下方晏安皎皎不緇操珍重保歲寒寄
語潤屋者先掃胸懷間○典衣續食與取酒此例古
有據較勝稱貸難賴有流泉務盡篋猶可搜卒歲豈
無具一篇七月詩怕誦無衣句○索債泥塗喧履齒
夜巷明燈光叩門色然訝無已唯空囊不甘呼負負
調語聊自強李沆行入相畱待君王償○蒸年糕合

志廿三 風俗

主

蒸復餅之義協周官注名年恰有合穀熟歲一度見說
文驚心節物更彈指華年暮暮境甘如渠一飽外何
慕○拜利市歲終合萬物大索鬼神祭事無乖禮經
名偶應易義福汝神應難奢望冀三倍杜史言足徵
熙攘盡為利○年夜饭一年餘一宵眷眷有餘戀別
歲笑蜀人敦迫早相餞何如勉加餐團樂啓家宴屠
蘇讓少年一飯吾叨先○呼如意吉語勝鏡聽彌令
我顏厚動輒與心違十事恆八九平生所大欲有書
兼有酒此願亦易償能如吾意否

又潯溪棹歌膠齒餽香粿食甘醉司命事妾深諳怪

他忽改東京舊送竈家家二十三○殘年雪虐更風
 養龜手何辭井臼操屑米合蒸陳例在隔離燈影夜
 炊糕磨粉和糖為年糕俗
 謂之裝糕亦曰炊糕

志廿三 風俗

三

物產

汪日楨撰

南潯鎮志廿四

穀之屬 秈稻 糯稻 秈稻地宜水稻早熟日早稻晚熟日晚稻名日甚多大約

糯少於秈秈又少於糯又有香秈香糯則種者愈少即雲仙雜記所謂吳興米炊之飯香者也地狹人稠本地所出之米納糧外不足供本地之食必賴客米接濟湧

幢小品云俗有占米之稱不曉所本問之亦無能言者蓋宋大中祥符間遣使至占城國取種三萬斛并樹藝法傳入中國自是始有占稻其名日冬占五占三占

十日占等數十種云按占米即早稻也今其名無復知者冬間鄉民出糶新米謂之米市喧闐亞於絲市潯錄

云本鎮所產糯稻有香梗糯杭州糯等名而造酒則以茄糯芝麻糯觀音糯為最

小麥 觀音粟 麥即穰麥按牟為大麥來為小麥尋地無牟即呼穰麥

龍菜吐青黃相間最為一年佳景二十年來冬春每苦水潦艱於車耳植春花者漸少矣

亦呼蘆粟 豇豆青紫二種長 豌豆俗名 菘豆一名

志廿四 物產

一

羊眼 赤豆大小 黑豆小者日 刀豆 蒙豆 黃豆

青者日 蠶豆蠶時熟故名按諸豆唯毛豆蠶豆為多其餘種者較少

孫變蠶豆百穀種難分唯豆尤多族茲豆以蠶名熟

時蠶在消短幹無莢生矮棚不須縛花披錦歲蕤茨

孕珠錯落微雨夜來過平疇濕如沐小摘滿筐宮荷

擔入市鬻蒙門婪尾譙酒食互徵逐嘗新配櫻桃色

取問朱絲或將和飯煮開甌香馥郁一餐聊可加經

月不思肉或揉入粉菜青瑤嵌白玉持以作餽糧絕

勝飯裹箸側聞野人語今年蠶倍熟家家看上山坐

待雪爾作想見茅簷底笑聲樂復樂煮豆當夜餐婦

子各鼓腹幾日南風吹槐花黃屋角豆老餘枯其新
絲已脫軸感物時易過記候名非錯誰補幽風圖寫
景上橫幅

蔬麻之屬 韭 春初韭 蔥 有胡蔥 蒜 大小 薑 薑油

菜子可榨油為春花 白菜 鹹齋菜宜醃藏禦冬

黃芽菜 小白菜 芥菜 有紫芥 雪裏蕻 亦芥

菠稜 香青菜 亦名香珠菜又有豬搖頭 莧菜

有白莧紫莧又有 薺菜 俗名 蒿菜 馬蘭 蔞葵

俗名 葵 今名錦葵又有蜀葵秋葵向日葵唯 菲 俗

諸葛菜按諸葛菜即蔓菁本名葑葑地無葑乃呼 菰

非為諸葛菜以其同類也野生雖多人亦不食 菰

筍 一名茭白出太湖旁 芋 紫梗白 薯蕷 即山藥其

近鎮漾灘亦間有之 辣茄 亦呼 冬瓜 南

瓜 即番瓜一名飯瓜又有皮 菜瓜 即生瓜亦 黃瓜

多癩瘰者俗名癩癩番瓜 苦瓜 即錦 葺 人畏其毒

絲瓜 香瓜 亦稱 苦瓜 支 葺 無採食者

按近年民習游惰植蔬蔬者漸少問有種 者每為鄰里所竊乃相率日趨於惰矣

果之屬 梅 鹽漬曬乾捶碎其核日趨於惰矣 橘 橙 金橘 香

桃 李 枇杷 林檎 俗名 橘 橙 金橘 香

椪 櫻桃 木瓜 銀杏 一名 石榴 棗 柿 有到

孟 柿 別有牛 檳 柿 即君 蓮 藕 菱 有 水 紅 菱 沙 角 菱 燒 角 菱

姑 勃 齊 粟 蓮 藕 菱 有 水 紅 菱 沙 角 菱 燒 角 菱

老 菱 次 雖有而 甚少

按近地栽桑之外若無隙處植果 甚少市井所需大抵販自他處

董載昌詩溪竹枝詞采蓮歌罷采菱歌兩槳綠流幾

度過夜半舟迷何處問一聲欵乃入斜河

溫日鑑種菱詞采菱渡石埋平蕪蒼雪遺俗輸菱租

畫波碧篠牽茅索彷彿溝塍紛繡錯浮根著泥如種

蓮翠婉紅嬌一色鮮秋來漸見冰花吐越女歌聲起

前浦

花之屬 梅 桃 李 木瓜 俗稱木 石榴 桂 有金

桂四季桂一名木樨或以桂蕊 鹽漬雜以橙皮蘇子點茶甚香 玉蘭 紫者日 紫薇

紫荊 海棠 有西府垂絲 山茶 蠟梅 荷 郁

李 梔子 瑞香 丁香 木芙蓉 木槿 杜鵑

朱藤 薔薇 木香 月季 又有十 繡球 又有八

棗棠 牡丹 名曰甚繁本地所有唯小 金絲桃 夾

竹桃 秋海棠 紅玉樓春二種為多 芍藥 蘭

蕙 菊 有洋種有細種名 藍菊 又有五月 萬壽

菊 苦蕒 俗名滿天 滴滴金 覆花 西番蓮 范錯漢

云花心同瓣弄之回環不窮 僧鞋菊 夜落金錢

取之不暇有類一百八數 夜來香 珠蘭 茉莉 紫茉莉 野薔薇

一名刺梅花 罌粟 道光中禁吸鴉片并禁植此花

俗名做絲花 罌粟 其種遂絕又有虞美人同類

迎春 金雀 長春即金 石竹即雅麥一 剪春羅

又有翦 萱 牽牛 忍冬即金 射干即胡 山丹

秋紗 玉簪即白鶴花亦 鳳仙 雞冠 女蘿 水

百合 千日紅亦有 水木樨又有鳳 雄黃杯 紅蒸

即美 雪蕉 白蘋 蓼 蘆荻

陳可升雪蕉臥山案頭盆有此種高僅三四 摩詰芭

蕉岡積雪時人笑不合時宜蕉花看到香如雪硯北

相依物更奇

草之屬 芋那典書城雜著云雁 藍 稗 莠即狗

頭草 茵陳 蒲 艾 荒蔚即益 蛇牀 藿

香 香薷 薄荷一名 紫蘇其子俗 夏枯草 大

青 小青一名淡 豨薟 甘蕉即芭 土三七 地

黃 土牛膝 麥門冬 蒼耳 酸漿一名燈 車前

即茶首俗名觀世音 鱧腸即早 扁蓄 地蜈蚣

蒲公英即黃花地丁又 土大黃或云即商陸 栝樓

一作瓜蒌根 何首烏即夜 木蓮即薛荔其子名鬼

即天花粉 葛蒲細葉者日 石斛

夏日采採以井水茄汁點之 葛蒲細葉者日 石斛

虎耳草俗名金 鷲不食草即石 酢漿俗名酸

地錦即醬 雁來紅一名老 白草狀如韭 翠雲草

萬年青 吉祥草即解 如意草 萍 苻 藻

蔣一名 苜 瓦松一名昨葉何 促織草俗呼螿

明董說蘭草古蘭也世 蘭花與蘭草種別不相如所

以端古學亦先分偽書話行采藥地香綴讀騷餘帶

屋水如鏡安名好借渠

又促織草有 有草焉青而歧其首鬪促織者撚草拂

其鼻問踊躍鳴鬪江南名促織草。促織鼓秋翅感

憤秋風前同聲亦何怨鬪首誓驅捐高鳴威勁敵露

銳擣餘堅勝負裂須臾涼雲流遠天江南有秋草綠

質歧其顛探入少年場穉綉絲少蠲昔昔散旌旄飄

若竿首懸臂一鼓作氣拂商聲填然相當決前陣戰

罷委青墮秋蟲枉死勇秋草用能偏相看蟲戰場悲

欣浪纏繇動植各矜長適性貴相全挑怒效微能勝

殘思古賢

木之屬 桑歷條分種謂之桑秧有地即栽無一曠土若

云按種樹書桑以構接則桑大故吾鄉所植之桑多接

過謂之家桑未接者謂之野桑家桑子少而大野桑子

多而小子名甚俗名桑果可啖 栢 松又有羅漢

飼蠶之家甚不樂乎其有子也 栢 松又有羅漢

柏 梓 梧桐子生葉 槐 榆 棟 椿嫩葉 檇

俗名 烏柏子可榨 冬青 石柟 榿一名楮湖錄

從禾則為 樟 樸 阜茨 柳 水楊 白楊 黃

扁真傳嗟久絕微蟲羣詔祕方靈

布帛之屬

由來久矣每當新絲告成商賈輻輳而蘇杭兩織造皆至此收焉按舊以七里絲為最佳今則處處皆佳而以北鄉絲為上又舊有合羅串五肥光荒絲等名今唯細者可織綢綾溱地以細絲為主肥絲絕少小滿後新絲市最盛列肆喧闐衢路擁塞其絲行行招接廣東商人及載往上海與夷商交易者日廣行亦日客行專買鄉絲者日鄉絲行買經造經者日經行別有日客行買之小領大行日割莊更有招鄉絲代為之售稍抽微利日小領頭俗呼白拉主人鎮人大半衣食於此近年士人艱于謀生亦多習絲業矣每年杭州委員來鎮採辦北帛絲官發價銀計西北二柵廣篷二百零五斤鄉篷九十五斤經篷一百二十斤東南二柵廣篷一百斤鄉篷一百四十斤經篷一百四十斤共八百斤高士奇金龜退食筆記云西十庫在西安門內向南兩字庫每歲歲浙江辦納木色絲縣合羅絲串五絲荒絲以備各項奏付

志廿四 物產

十

經讀去聲合二絲為一以經車紡之成經必塗以錫取其黏潤也自紡其絲售於經行日鄉經取絲於行代紡而受其 縣頭蠶同功繭繭為上蛾口繭繭次之直日料經 縣俗名繭與文獻云四五月間居民競相營治或從外方買繭為之或有將繭鬻於鎮者奸偽者盛用豆粉揉之又碎器屑石膏未撲入希重牟利謂之藥 繭黃 繭外毛衣 繭花 以薄繭及尿暈 滯頭 一名箕頭以軟繭為之即繭絲之後蠶蛹身上所雷薄衣也此上三種皆煮熟承之以箕浮水上楮擊之並可燃縣線總 絲拖頭 繭絲時所棄散亂無 苧線 為製名水絮 棉紗 緒華木棉講云棉花不曬不可碾若苧布者 苧布 遇陰雨烘之又云軋車以木為之形如三足几坐則高與胸齊上有兩耳卓立空耳之中置木軸一徑三寸有柄在車之左以右手運其機向外復置鐵軸一徑半寸有柄在車之右以左手運其機向內皆用木楔籠緊中留尺許地取花塞兩軸之隙而手足皆運則子內落無子之花自外出若雲霧然名花衣又云彈花弓刺木所為長五尺許上圓而銳下方而

闊弦粗如五股線置弓花衣中以槌擊弦作響則驚而騰起散若雪輕如煙名熟花衣於是約熟花衣作帶形削細竹一莖為心一手執其末一手執木板覆之一推條子又云手車有兩耳疊立矮木牀上夾一大竹輪於中其錠有木承之然後以粗線環錠末及輪心有軸穿耳端出人一手搖輪一手曳棉條而 縣線 銅又成一縷如繅繭絲繞錠而積是名棉紗 縣線 木柄左手擎之置錠於又上又有木錠貫銅錢十數文上貫蘆管其形如錘以右手旋轉然縣成線繞管而積日打縣線劉沂春縣志引湖婦吟云蛾口不作絲作縣還打線左手擎縣又右手蘆錘旋繞轉如妾心一日幾千遍是 布 棉紗以經牀經之乃穿筵上機織成闊者日大鄉所出南路為上俗稱南莊布西路次之經布時染草汁以記丈尺名日希俗作摸者為又有棋花布以青白縷相間織之更有用 縣綉 以縣線織之純縣者為佳者較少湖錄云縣綉高低不啻倍蓰佳者謂之杜機惡者謂之客綉客綉惟以漿勝雖鬆薄易于動日杜機有

志廿四 物產

十一

水縷不甚裝飾而價比 野蠶繭 野蠶成繭前史書以客綉為昂稱為勸著云 野蠶繭 為瑞而吾鄉年年有之雖每年或多或少然未嘗絕也五六月採一次八月又採一次嘗謂雙林鎮為織包頭紗之用此農家自然之利也 施國祁吉貝居暇唱白序 節去南溱之東百里而遙地沿海田之高仰者宜木棉其鄉民大半植此夏種秋收採積既多即捆載而易錢於西賈溱之西百里而近地多岡阜為茶栗竹木山場俗少女工時因其地之所出亦桐載而易布於東賈溱市居其中四鄉之人自農桑外女工尚焉推車蹋弓紡績織機率家有之村民入市買棉歸諸婦婦女日業於此且篝燈

相從夜作亦一月得四十五日工計日成匹旋以易
棉蚩蚩績來不已市之賈俟新棉出以錢買於東之
人委積肆中高下若霜雪卽有抱布者踵門較其中
幅以時估之棉與布交易而退隨有西之人齎錢來
計布值合則書劑與之去而錢存焉姻家盛氏業此
者久有別肆在北市收瀕湖漉港之饒事頗繁夥屬
余綜理之肆後有小室題曰吉貝居志本業也

孫燮木棉四詠碾花碾穀去其皮碾花去其核碾牀
三尺高旁有一槌設手足蹋且搖終日勞搢搢茹柔
吐其剛如食肉舍骨又如渣滓盡彌使文章潔其核

志廿四 物產

三

亦不棄換油燈可蒸嬌兒放學歸游戲弄白雪呼兒
戒勿近須防槌轉警○彈花楊花隔牆飛疑是三月
天深閨埽地淨有女彈木棉弓長木杵短彈之聲鏗
然一彈花始活再彈花愈鮮百匝彈不止花滿頭上
鈿攤地白如雪鋪牀軟勝甃青樓如花女生小弄管
絃卻笑寒女拙彈花過年年○紡紗挂壁一燈明車
聲伴鳴蛩寒女喜夜永紡紗作生活紡車竹作圈旋
如斗柄幹下承以鐵鋌棉紗抽乙乙細過東門麻白
比越女葛晝夜竭經營兩不到七八寒機尚少緯布
織何由脫努力到宵分無使阿婆話○織布數月理

棉紗纒得上機織筵比髮梳細梭如飛鳥亟天寒苦
暑短日織能幾尺成匹待何時籌燈勤永夕今年花
價昂買布反減直辛苦爲誰忙無乃空費力富家兒
女驕紈綺恣狼藉豈知寒女心日夜憂布匹

董蠡舟潯溪棹歌緬額吳綃摺幾重脚缸炭擊撥灰
壅棉紗紡到荒雞唱已聽禪堂動曉鐘范銅爲鑪貯火以暖足俗

若蘆鍾旋只願郎情綫樣長

董恂潯溪棹歌一絲絲向手中抽又上蘆鍾旋不休
裁作衷衣稱郎體競誇勤著杜機紬

志廿四 物產

三

飲食之屬 酒 文獻云三白爲上海花福橋甘菊五加皮
優劣以麴之粗細米之精糙爲差而酒之濁勝者以水
耳水出自北柵萬壽庵前爲真潯水可釀首梅酒大工
湖錄云烏程之潯溪其酒聲聞釀下曰潯酒其白酒有
八月白秋露白十月白過冬清數名燒酒以好酒糟燒
之取其上蒸之氣董志云酒有三百謂白米白麴白水
也俗稱之曰好酒釀自臘月者名冬酒較春酒尤能久
貯取潯溪河水釀之因得潯酒之名又有狀元紅香雪
東陽小春綠豆諸種其法俱於六七月以麥麴之精良
者雜白水作麴置陰處風中令燥蒸白糯米成飯以麴
和飯入酒甕內甕中候釀甕有聲以木把撥通其氣聲
息而止月餘釀以密緇蓋然分貯瓶罌而釀成矣袁枚
隨園食單云湖州潯酒味似紹興而清辣過之亦以過
三年者爲佳按東陽酒亦曰冬釀酒以白酒代水再如
造白酒法作之盎然色碧味甘爲他處所無白酒初成
未攪水者曰酒釀亦曰漿頭酒味甘好酒亦曰黃酒
必煎熟然後盛裝封泥故冬曰冬煎春曰春煎未煎者
曰生酒酒味鮮而不能久貯燒酒 冬春米 劉沂春縣
以糟燒爲上酒燒欠之麥燒最下 冬春米 志云湖米

多用冬春貯草園中至春夏熱透已黃方
 開用吳興澤國米之用固以水氣故也 油 志葉云
 志湖入常食多用油推齋素用豆油菜油用芝麻
 油而燈火止用豆油婦女抹髮則用菜油按菜油用油
 菜子所榨豆油則用黃豆二油價每相似雖菜子為本
 地土產而價與米等原非賤物不特齋素用之即平時
 常得食油者已為溫飽之家劉志云可想見當時民
 殷物阜也又棉花子所榨曰青油市肆每以攪入菜油
 油餅 行豆餅菜餅花餅並榨油後所存之渣滓也湖
 收棉花子打油其餅可作牛食出南潯按向在淮北見
 舟人以豆餅和赤和炊飯飽食且盛稱其滑美南人則
 唯因年偶取以濟 糖 胡承謀府志云有蔥管糖寸金
 餞平時無食之者 糖 芝麻糖線版糖又有澆成糖
 人及壽桃鶴鹿之類通名糖味按今有梨膏糖十景糖
 牛皮糖等名又有菱蒿糖桂花糖玫瑰糖烏梅糖松子
 糖並糖碎用刻花小范 經糖 即錫糖以糯米麥芽為
 印之成餅五種分五色 糖 之坊經必抹此糖故名
 入蜂蜜中售之又有青糖亦錫類而色黑味劣 薰豆

志廿四 物產

西

一名烘豆亦稱青豆鹽煮毛豆炭 豆腐乾 出務 楊
 火烘乾又有帶殼鹽煮曬乾者 糕 文獻云東柵楊宅糖餅料重按今糕肆甚 徐饅頭
 糕多形色名目不一而揚糕之名久無知者 芋頭餅 以芋頭和麥芽
 緊餅肉饒向有徐姓以此得 芋頭餅 搗粉為之豆沙
 名今業此者甚多美惡不一 和糖為餅一名芽穀餅亦名 鳥脂 湖錄云南潯菱湖
 立夏餅以其為立夏節物也 甚美取肥肉黍者為佳 薰蹄 董志引縣志云薰蹄
 佳潯溪文獻云刺毛應味 漆百里外皆慕之稱之曰潯蹄文獻云前蹄為上按或
 微醃煮熟薰之或用清醬料酒煨透薰之舊用木屑薰
 近用沙糖薰尤佳或薰後 巧肉 巧俗讀如考舊有李
 復煨爛謂之放酥薰蹄 醬羊肉 市肆以清醬烹羊紅若琥珀惟冬月有之遠
 冬為柘草 喜蛋 即鴨饅飽文獻云 羊始食之 喜蛋 喜蛋與嘉禾爭勝
 李良年吳興竹枝詞 日出潯南煙水黃小樓如畫酒

志廿四 物產

五

旗長玉瓶細汲春風起吹入糟牀滿店香
 曹仁虎潯溪竹枝詞 圓蹶珍味數花狔隨處芳筵佐
 一樽別有飢盤供軟嚼晶鹽初澆鴨餛飩○糟牀滴
 罷各分壤潯水清冷味久含酒旆家家誇釀法梅花
 香冽菊花甘
 汪延澤偶書俊味登盤琥珀凝百年瑣事舊堪徵淳
 于莫晒豚蹄祝市價於今倍荏增 偶閱余家舊時簿
 道經潯溪買潯蹄兩隻錢八十 八文僅當今日市價什之二三
 董蠡舟潯溪棹歌 春愁織管玉苗條獅虎蠻王潑豕
 澆又到韶光百五日東風深巷聽錫簫○八月嘗新
 秋露清登盤鳥腊味尤精風流肯便輸黃雀臘醬披
 縣太俊生○豚蹄金漆色如新醬和肥羊紅玉春荻
 港風菱洞庭橋筠籃饋歲徧交親
 趙蔡蘭陵王潯酒一溪碧環抱西吳釀國春波滑新
 泛綠醅化作真珠小槽滴鶯黃好顏色招得高陽醉
 客茅簷外青地杏帘明月清風兩橋側○壺觴感今
 昔記少小評量黍黍燕梳醉鄉日月頭將白恁滿引
 村酌麴生清味鳥花蠓蕊總不敵有名士標格○岑
 寂翠樽泣只日飲衰絲曾調歡伯詩仙俊賞難重覓
 奈土銜愁煮瓦盆狂吸風流公瑾醞藉處更孰識隨

又借庵中稻牀木架彎環竹作棧香杭收穫賴供應
欲描打稻聲中景一紙先聞覓句僧

方熊潯溪竹枝詞馬家港近御河西橋畔巴竿颺小
旂疇昔畫船名載酒而今都換作沙飛

董載昌潯溪竹枝詞樓船開敞作歌臺畫舫爭先占
水隈玉面怕同春漏洩珠簾深處小徘徊○剪裁素

紙兩三層幻出江南第一燈應是針神傳絕技薛靈
芸外更誰能引線燈精巧獨絕

曹仁虎潯溪竹枝詞歌場開處在蘭艘小部絲簧競
按腔一種眼波看不厭棗花簾子隔船窗○千絲巧

志廿四 物產

六

割碧筒疏皇御河邊列市居慣助香閨奩具好玉織
親剔鏤牙梳

戴宸題南潯引線燈吳人呼針為引線其製用沒骨
紙以繡針刺孔極細雷甘實地
作山水花鳥竹木人物之形間以題詠詩句草書小
楷皆仿名人畫本碑帖燭光內映宛如輕紗不讓白
描聖手也一幅鶩溪點綴新碧紗籠處細如塵誰知暗度

金針巧不藉吳娘刺繡勻○螺紋織絕認難真清畫
相於玩幾巡借得燭光羣妙現此中端合有針神

丁源剔帶鏡臺春日試妝新萬縷柔筠色似銀斜插
玉釵撥鬢影隔簾香落射臍塵

沈謙潯溪雜憶詩舵樓燈火市梢懸箇箇來論賃鋪

去錢此去蘇杭程二百不須望斷夜航船

汪延澤偶書梳篦項品劇玲瓏筠剪藤纏飾綵絨一

曲廣陵今已絕難憑方志考專工皇御河剔帶載於
府志余自嘉慶已
卯春始居此地時業此者僅存兩家未幾
一家他徙閱數年一家又遷在交界壩橋

董蠡舟潯溪棹歌圍柵欄檻照波鮮水國家家具畫

船只少吳娘好身手兩枝柔艣蕩涼煙○良工綴出
翠纖纖失喜香奩首飾添左右鬢眉垂匄葉一翹低

壓黛雙尖○玲瓏剔帶費雕鏤鬢髮生香蘸菜油如
鏡墨溪光照戶棗花簾底坐梳頭

董恂潯溪棹歌沙飛船住水中央船背高臺篔簹張

志廿四 物產

九

今日里中太平會耳邊烏鬢正登場市中以沙飛船
演劇酬神謂之
太平會也如刺繡倚針神引線燈明巧樣新趁得落
燈風未起元宵鼓鬧六街塵

薪蒸之屬 草柴潯人多以稻稈為薪亦曰稻柴
或用樹木曰硬柴樹枝曰槍柴有栗柴松柴雜柴又有茅
柴松毛柴皆來自西鄉山中惟桑梗柴為本地所出 桑柴

茶油柴油柴收子後
梗可為薪 藥糠以風箱扇
之火始熾 煤餅煤出
西鄉

山中此以 炭墜俗稱炭基炭亦出西鄉
山中此以炭屑為之

山中此以 炭墜俗稱炭基炭亦出西鄉
山中此以炭屑為之

碑刻一 汪曰楨撰 南潯鎮志廿五

宋

米芾書殘石 無年月行草書石藏南潯孫履元家上半斷去唯存下半準今戶部尺廣一尺七寸五分高七寸六分十五行行五字至七字不等字徑一寸左右文不錄

孫履元跋成豐壬子得此石于墨溪淺水中漫漶已甚唯首行得清歌發皓齒一句餘皆不成句讀後二行題款曰中岳外史米元章致爽軒書字獨完好按元章居潤州自稱海岳外史嘗乞監中岳廟又號中岳外史此蓋乞祠後書也

朱仁福墓碣 宣和二年石舊在西柵嘗四圩今佚據潯溪紀事詩注載文

志廿五 碑刻一

大宋宣和二年三月一日遣中書侍郎許將舍人劉珪賜葬從事官朱公仁福之墓長男柎號友山舉進士任四川茶馬都大提舉司次男林號□□係貢士任建康府通判時逆權貴退居潯西嘗字四圍圖墓石街巷明月橋建祠傍墓□□□佛號法通送司印押使朱氏子孫世世薦福奉祀太學生孫男□□同百拜謹立石

按此碣後人偽撰其謬不可勝言仁福葬嘗三圩石街巷仁福之孫俊曾孫庇理則葬嘗四圩妙境庵後碣乃在俊墓前不在石街巷謬一仁福從征方臘歿于軍中臘反在宣和二年十月而賜葬乃在三月謬

二碣稱中書侍郎許將舍人劉珪薦福祠勅牒則云

侍郎劉珪中書許將同出偽撰復相歧互謬三從事郎者階也乃稱從事官與偽勅牒同謬四朱氏譜仁福子宣宣子俊俊子庇理庇理子四曰松椿柎材是柎材並仁福元孫且上有兩兄今材誤為林稱長男次男勅牒又稱長孫男次孫男謬五逆權貴云云出于他人敘述則可乃自述其事大書深刻謬六據朱柎厚德遺言為庇理立田營墳建庵送司印押在咸淳五年初與仁福無涉乃於一百五十年前先已勒文于碣謬七末稱百拜明人始有之宋時所無謬八

志廿五 碑刻一

潯溪紀事詩注及范志已嘗致疑而說未詳盡故復綜括而辯之餘詳祠墓

祇園寺碑 紹興二十一年石舊在寺中今佚據吳興藝文補載文

潯溪祇園寺莊田記

左朝奉郎簽書江陰軍判官廳公事賜緋魚袋丁昌朝撰 右通直郎前福州懷安縣主管學事兼勸農公事練汝舟題額 此上二行藝文補不載今據吳興備志

釋氏之教本於清淨寂滅平居恬養得遂其性者以香積霑足故也苟無常產則香積不足以充晨昏而欲使之安於清淨寂滅難矣是宜奉釋者裒然為首以興莊田之利

也去詩注作薄之北有寺曰祇園楊公保義之所椎輪是時百廢未舉

及法照禪師悟老勉從其請來自車溪經之營之不及五

載而落成獨常住匱乏若懸罄然未足以容眾叢林詩注

此下有之杯渡而至有及門而不能留者有留而不能久

者往往飛錫而之他住持悟老長慮卻紀事詩願思買田

以資歲計志未得也有信士朱公道留者留心內典樂施

利益一日悟老以其誠告公曰無難吾當辦之居無何迺

命二子仁佑紀事詩仁寵捨田貳拾畝為之倡其仁寵將

仕又能從父之命廣募士庶量力而施以所得之貲增益

其數不踰歲月遂成一夫之田田紀事詩皆膏腴無

旱潦之患自茲以還歲儲贏餘晨夕所不給者今無有也

四方清眾雲集而憩息焉朝於斯夕於斯精修禪定恬養

天性一境之內薰炙而善長者不可勝計蓋公之惠有資

於釋紀事詩故也乃若佛殿之建通會紀事詩歲歉

公又出粟以助其役浴堂湫隘紀事詩其爽塏公又樂

施更以石為輪紀事詩藏凋弊閱時寢久公又命工

以繪紀事詩以續凡此皆利益之廣者則公之所惠豈止

一時將施後世無窮也而蒙福豈止一身將貽子孫不泯

也其與童子聚沙為佛以成勝因貧女奉錢入緣以為善

志廿五 碑刻一

三

志廿五 碑刻一

四

果相屬矣悟老與其徒感公之德無以報相與立祠繪公

夫婦像朝夕瞻仰又屬昌朝為之記昌朝應之曰公之仁

賢樂施人所講聞其來尚矣何事於此悟老曰口耳之傳

豈能久乎綿歷歲時將遂湮沒孰若形容盛美以刊諸石

庶幾有永昌朝應之曰悟老之言是也安敢愛斐陋之文

紀事詩注此下有紹興二十有一年五月望日謹記祇園

教寺法照禪師立石二十三字吳興備志但云紹興二十

一年立

沈登瀛南潯備志碑言寺在潯北可為潯溪即今運河

之證係義郎武階秩正九品見宋史職官志則楊公宋

人也據此文寺實創始宋代舊志謂建于唐貞觀初未

知孰是范白舫丈所刻潯溪紀事詩附載是碑末多二

十三字不知本何書又字句多誤如輪藏凋弊輪下多

貯字以繪以續繪作繼夫輪藏轉輪藏也以木為之外

加丹漆故曰凋弊日以繪今加貯字則以為貯藏矣貯

藏之所無庸繪畫不得不改為繼字且既加貯字則句

首輪字為贅應屬上句然浴堂更以石為之夫人而知

之石輪何為哉

接待懺院公據碑嘉定十一年給據十三年立石正書在

南柵報國寺山門西側高三尺六寸四分廣二尺文十行據拓本載文

口鳥程兩浙金石志口澤鄉南林口口僧宗偉狀

此二字泐

口鳥程兩浙金石志口澤鄉南林口口僧宗偉狀

此二字泐

竊見南林金石志此一境係平江嘉興諸州商旅所聚水

陸衝要之金石志此地乃衲金石志此一行字徑四五分下同

遊去金石志此諸檀越募緣創立屋宇數十金石志此建

置佛像今粗圓備專一行道為下空九格此

國焚修金石志此延金石志此今欲照金石志此本州東門

接待院及迎金石志此門外半塘接待院等處體例乞出

給公據并版榜印記付金石志此本院收金石志此

接待雲遊去金石志此乞金石志此送案照例出給

行安業熏修永報下空三格此掛施行庶得僧

志廿五 碑刻一

五

恩德奉此上第郡提金石志此舉台金石志此判行須至給據者

右今出給公據付烏程縣震澤鄉南林接待院金石志此

收執照證嘉定十一年四月湖州日給

儒林郎觀察支使李有押此第八行上承事郎

簽書節度判官金石志此廳公金石志此事趙押此

朝請郎通判軍州兼管內勸農事押此第九

朝請郎權知軍州兼

管內勸農事趙有押此第九行下截前十三字

嘉定十三年歲次庚辰九月十日持僧

宗偉立石金石志此本院金石志此弟金石志此

僧 妙通 妙達 烏鎮吳洪刊此上第十行

阮元兩浙金石志接待院大約如今時叢林之例故不

一其處據宗偉狀當時必有囂喧之擾故請照例出給

庶得僧行安業熏脩也

孫履元跋接待院不知其所自按癸辛雜識續集杭之

北門接待寺寺額乃吳構朋書勅賜妙行之院府志烏

鎮天台廣福院宋慶歷二年建致和中改為接待院元

志廿五 碑刻一

六

至正中改今額又接待寺在府城東迎春門外每歲郡

守迎春率僚屬宴集接待院大率為接待雲游衲子之

所既得賜額然後以所賜額名其寺此碑所謂接待院

院即報國寺是也報國寺為宋僧宗偉開山宗偉于開

禧間來南林始結草庵居焉繼得眉山楊公之助創立

屋宇建置佛像已粗圓備然斯時猶未得報國寺額故

第稱為接待院也東門半塘兩接待院公據已無可

攷賴此碑歸然獨存猶可見當時公據體式碑後題銜

儒林郎觀察支使李與承事郎簽書節度判官廳公事

趙其名字皆莫攷簽書節度判官廳公事者雲麓漫鈔

云諸道判官資歷未至第曰簽書某軍節度判官廳公
事是也朝請郎通判軍州兼管內勸農事單者府志州
縣表有德清縣單端士慶元七年任與此相距十七年
疑端士始知德清縣後復通判湖州如朱希顏亦于雷
宗時知歸安縣尋又通判湖州也朝請郎權知軍州兼
管內勸農事趙者郡守表有趙善湘字清臣濮安懿王
五世孫嘉定十年十月以朝請郎到任當即其人至十
一年四月丁憂去代之者為陳汝于五月到任公據給
于四月故猶題趙善湘銜

蔣豁跋右碑云欲照本州東門接待院及迎口門外半

志廿五 碑刻一

七

塘接待院等處體例乞出給公據談鑰吳興志城門舊
有九所今門為六東曰迎春西北曰迎禧俗呼清塘門據此
迎下當是禧字碑後署押者四人惟權知軍州趙善湘
宋史有傳其書通判軍州單姓從尖口字書所無高彥
休唐闕史載進士單長鳴辨字謂單从尖口音單从
方口音善此碑單字豈亦當讀丹音歟

接待懺院公據碑陰 端平元年正書分三層據拓本載文

密公山主捨田園記 額四行行二字字徑一寸七分八分

南林報國寺

本寺伏承烏程 缺 灣餘慶庵 缺 震 缺 置到 缺 承 缺 無口之

利遇 缺 祖考 缺 追嚴及 缺 界 缺 忌辰口刻 缺 成規嚴與修
口毋致更易 缺 關請時思庵法眷僧眾拈香口明口幾圓
滿願心不昧因果者

端平改元二月 日監寺僧廣宣立石

勤奮 淨月 淨明

頭首 廣口 口達

知事 行清 德暉

口山住持 宗偉 此上第一層十八行行首行南林報國寺五字末行

口山住持四字徑一寸左右

一缺 太安 缺 一會 缺 檀 缺 檀 缺 食 缺 文 缺 者 缺 一三月

志廿五 碑刻一

八

缺 考社口念一承事忌 缺 一缺 設位供養 缺 陳氏六口
娘子 缺 設位供養口口堂供飲食 缺 羹飯 缺 每僧 缺 行

右具如前

缺 日監寺僧 廣宣 缺 此上第二層行字不可計字徑五六分下同

缺 伍 缺 宅 缺 報國寺收 缺 口定五年七月 缺 貫式伯 缺

拾肆步潭壹伯式拾 缺 開具分 缺

缺 日監寺僧 缺 具 此上第三層

孫履元跋密公山主疑本鎮人而出家于餘慶庵者因

以田園捨本鎮報國寺而報國寺僧為其俗家修齋供

以資其祖考冥福也勞鉞府志餘慶庵在烏程縣東北四十里時思庵則在縣東瓜溪

端石碁枰刻字紹定四年石藏西柵紀南枝家高一尺九寸七分廣二尺二寸據拓本載文

有宋紹定辛卯六月既望刻石此行正書在背而字徑七八分

雲溪隱口氏小蓬萊碁局二行行五字正書字徑八分九分泐文似是楊字

明嘉靖癸亥紀泉石改制二行行五字篆書字徑寸許已四行在正面四圍花邊外

紀官重得石枰記稼庵董子之庭有石承簷溜久矣傷

忽露文曰紀泉石董子偶詣余語及余驚喜曰此余五

世祖也余祖泉石公生成因以後海內晏安士大夫敦

尚恬退或講學名山或園亭碁酒而我公得交一時之

志廿五 碑刻一

九

望至今出所藏筆墨想見古人董子曰必先世所假也

異哉當歸子矣既以事未果辛未春余晚自茗來此石

已置齋中燭而視其文石背為宋紹定四年而改製為

嘉靖癸亥也名曰小蓬萊碁局石質細潤刻畫亦工追

憶我公訓子餘閒構樓三楹蓄琴書北窺洞庭西見溪

塘帆葉庭下富卉木奇石諸名士觴詠自適錚然落子

處也余童子時尚觀遺址未幾而滄桑不可復問當時

同游諸公雲舒霞散而片石巋然獨存感而為之記

又江兄處小蓬萊碁局宋石刻改製余五世祖舊物也

慨然見贈詩以誌之名士當年喜共遊晉臺遺翰壁間

兩堂東壁有袁肯臺飲紫薇花下酒樽空後詩還在碁局存來陣已收石背殘文書紹定松陰落子到瀛洲後人莫作偷閒會相對須教第一籌

施國那小蓬萊石碁局說乙丑之秋過石溪紀君齋中

君云某去歲自他所得石碁局一刮垢磨光喜為遠祖

泉石公物嗣于架上又檢得從祖餘素公詩記與此石

合因綴小記以述兩世蓄石之由且製高几度而陳諸

座間遂并出以示屬余記之余觀石色黝紫理堅滑叩

之其聲琅然清越以長石體平方帶縱面線縱橫刻皆

二十得小方三六一其修廣闊刻制度並詳自記中惟

志廿五 碑刻一

十

君上世富二秀公于元大德間始自向容來居潯上在

無錫華氏後高郵張氏前久為吾里望族厥後子姓益

顯且繁其嘉靖癸亥改製此局構齋以藏者為泉石翁

君九世叔祖也越百餘年康熙辛未重得此局作詩以

記者為餘素翁君曾伯祖也又百餘年君復于今嘉慶

甲子三得此局殆古人所謂緣熟者摩挲拂拭顧而樂

之有時清簾疎簾與客對手子聲錚錚覺松風嚶然

絕塵世司空表聖花院石幢二語可為移贈若小蓬萊

之名見陶穀清異錄為選命侯園池又見楊誠齋江湖

集為伊族彥通所居吳文英有賦楊公小蓬萊尉遲杯

詞又見武林梵志周草窗過南屏有詩皆非也又鐵厓
記云雲水之上子城之中有道士宮曰元妙聞人師居

軒具在而以小蓬萊自命又有寄小蓬萊主者聞梅

圃詩見于東維子集又雙林鎮南約十里地名盛林山

有土阜高三丈許為盛溪莫公墓不知何人也墓東高

處有閣三間題曰小蓬萊皆近是特是紹定片石雲溪

裁為基局刻氏制名似無可疑無如隱下一字磨泐不

可攷且鐵厓記文莫君墓舍與君先世皆不甚關涉究

不知雲溪為何人小蓬萊為何地則梅圃軒與盛林山

又未敢執議然此局之轉徙淪落完璧無瑕每踰兩甲

志廿五 碑刻一

土

子終出而為君家二世寶藏試思坡翁之雪浪米老之

研山尤海內所震耀暴著者果能傳世如是否豈不大

奇且貴乎哉君嘗屈指言南宋辛卯至今垂五百餘載

更閱十數年得庚寅六月之望算周六百當為大設湯

餅筵徧致名士如白陽荷臺輩并效衡山賞菊故事訂

文角局把酒徵歌為此石壽以無忘兩祖之手澤計余

是時雖癯老庶幸觀此豪舉或能為君家三世作頌云

惟是人地名攷無可臆證他日當有博雅君子出必能

辨泐石而詳書之敢不推枰袖手以俟按紀峻自記今未見詳審蝕文

確是楊氏似
楊彥通近之

報國寺告示碑紹定六年給示端平元年立石正書在報國寺山門東側高三尺二寸廣一尺七寸
文二十四行據拓本載文

行在尚書禮部此第一行字徑一寸

據兩浙轉運司申契勘本司近據安吉州烏程縣烏鎮普

靜寺管事人陳椿狀本寺昨因徒眾避免常住執□□□

陳請得蒙給版榜坐簿付寺□定知庫次第□應因僧懷

信住南林私庵不□□□□□此上第一行本司□□僧人事

頻數紊擾□府牒□□官詳狀本司備牒安吉州主管官

詳狀具狀供申未到間□□尚書□□□□此上第一行安

志廿五 碑刻一

土

吉州烏程縣南林報國寺知事僧□暉狀訴烏鎮普靜寺

離僧靜覺等為見本□僧妙達等□披剃寄帳其寺□□

當知庫買倩頑徒陳椿經運司安作私庵□許□判□下

奔□□□囑□□□此上第一行牒本縣□□□奉□判證

陳符本州主管司如果隔越虛詞即與從公究治施行

□□□□□運司證□□□本此上第一行部除已即次

□□□□□承直點計出家子□□四方大畧如行雲汜

水□何定籍□可拘今報國寺僧□□□□□□此上

行雲遊之比然向之庵舍□□請此上第一行第五格

行雲遊之比然向之庵舍□□請此上第一行第五格

勅額為報國寺矣寺必□□亦輪沐充知□□豈
能又充普靜之役兼兩寺相去隔遠肆拾餘□普靜□□
□□^{此上第十行}少何苦必欲妙達一人歸□□□□□
□寺僧淨□□□糾舉其它庵舍已為□□之資妙達
之徒適有□□□□^{此上第十一行}者出而拒之不肯少從其
所□□□□□□已文郁老□白合歸休林下□□淨覺
□□□□謂□□□□□□^{此上第十二行}乞嚴判令
普靜每歲□□寺□中輪差知庫不得生事紊擾官府違
追管事人斷□□□□□□□□□□□□□□□□^{此上第十三行}
知郡寶章書判甲乙寺院□□□□□□僧承管幹
俱為把持計妙達雖係籍於普靜□□已隸於□國普靜
□有簿□□^{此上第十四行}亦各得其志可也文郁年老不知
死恃充住持妄有詞訴直經 省部必欲強妙達乞為知
庫遂□□漕臺□□□□^{此上第十五行}州追究其實不在糾
之使□□實在於騙乞之不從也况報國非私庵縱是庵
舍亦合聽其自便□□擅行不□伍□□□^{此上第十六行}正不
必拘泥於此若文郁猶有後詞則是此寺不可主持卻與
□作十方本州自□主盟一方香火□□振起妙達以□
□^{此上第十七行}不出官德暉以報國知事而來初亦无可究實
者兩名並放併案官牒□申 漕臺取指揮州司□□將

志廿五 碑刻一

圭

倘德暉□□□□^{此上第十八行}疎放外申乞照會本司判送簽
廳據本司簽廳欲備申部取指揮所□具申^{此上第十九行}
行 省部取目指揮施行申部乞指揮施行尋呈奉 判呈
除已具呈再奉^{下空二十格此}
台判符從行須至符下安吉州□□外須至指揮^{此上第二十一行}
行 右告示僧德暉等詳此知委^{此上第二十二行}
紹定六年十一月^{尚書禮部之印}日^{此上第二十三行}字徑一
端平元年九月 日監寺僧 德暉 住持僧
宗偉 立石^{此上第二十四行}字徑七、八分
沈登瀛南潯備志南宋雖都杭州止稱臨安尚書省亦
稱行在示不忘中原之意不稱省者省文也
孫履元跋兩浙轉運司據咸淳臨安志云太平興國三
年錢氏納土始置轉運使熙寧七年分浙東西為兩浙
路轉運使于杭州置司舊治在雙門之北為南北兩衙
今徙于湧金門南為轉運司其轉運司簽廳在本司內
卽此碑所云本司判送簽廳本司簽廳欲備申部取指
揮者也
報國寺碑^{端平元年撰記嘉熙元年立石正書在報國寺}
山門東側高連額四尺一寸廣二尺一寸文二
十三行據拓本載文
安吉州烏程縣南林報國寺記^{額六行行二字}
字徑三寸奇

志廿五 碑刻一

南

安吉州烏程縣南林報國寺此上第一行字

奉議郎吳興備志書省著作佐郎兼四川制置副

使司參議官李心傳誤此上第

朝散大夫起居郎兼侍講李性傳書此

朝奉郎試中書舍人兼權吏部侍郎兼同修國史

吳興備志史實錄院同修撰洪咨夔題

蓋吳興備志蓋額此上第四行

自張志董志佛法入中國而海內湖錄山水

詩董志名吳興備志勝率為浮屠氏有之逮

志廿五碑刻一

隋唐而尤盛湖錄今六張志百季矣湖俗好佛

故阿蘭若之在浙者滋益藝文補湖錄多為史官

此上第時有介僧宗偉來見者曰吾湖錄董志

脫吾字永嘉人開禧間尋師學道至湖烏程之南林

其風土結中菴屋焉昔未祝髮也南林一聚落耳而耕

行第六桑之富甲于浙右土潤而物豐民信而俗阜行商坐

賈之所萃而官未嘗譏征焉此宜為帝釋湖錄梵王之宮

而未金石志多有也吾嘗血指書此上第報身佛所說經

一七張志卷口不絕誦金石志絕誤湖錄

事誦誤鄉人胥信乃相與築祈年之地今敷

文閣學士眉山楊公時領金石志祠部益捐張志蓋捐

金錢以為吾助由是佛此上第法僧之所寓經鏡財之所

舍與其他所董志為叢林之制者次第藝文補

而舉又度吾之徒積十有六人俾傳香火之奉願獨未有

以名之也此上第迺請于禮部湖錄得報國舊額而扁

指南志諸湖錄張志董志金石志此字湖焉因求余文以措藝

居士湖錄之言久未之許已而余鹵歸得請藝文補

艦此上第于湖偉求不已余盥其書而董志此四字湖

南湖錄志董志歎藝文補曰國家立郡縣之學以

志廿五碑刻一

明人倫此儒者所當務也而庠序之設湖錄返藝文補

南湖錄志董志弗湖錄張志董志若僧廬之盛張志

此二字何哉為浮屠氏者心志專勤願力堅固故

以誅茅刈卉衣荷食檜之餘而金碧注誤翬飛土木勝

麗成於年歲之頃董志通都大邑或以百數而未

已也若郡縣此上第之學一耳而為政金石志者往往

為弃物曾不嘗省董志惟園亭館宇之為董志

是尚甚弗湖錄張志董志獲已始董志捐其藝

補湖錄南湖錄志董志家藝文補湖錄張志董志金

備志末以為支傾補壞之計其弗張志董志湖錄若一也

浮屠此上第氏之徒其用財也一髮不欺以為欺則有報

也故人亦信之而予之也易甚或空囊鉢之儲而無所斬

今之教者莫大於天金石志子之學此上第矣而養弟子

之貲或乃移之張志董志以供校官之雜費至於郡

縣之間則周親故資游謁入私用者無不有矣其弗湖錄

董志紀事若二也蠶羅藝文補湖錄錄錄紀之術非可上

第十用張志以理天下國家金石志者也金石志然其

徒之教人乃顛張志不顛董志以識心見性為事而學

校之所謂張志課試者特不過為聲病湖錄

字剽竊之文以償利祿溫飽之此上第願湖錄錄張志錄董志

志廿五 碑刻一

而已蓋皆浮屠氏之唾湖錄唾上所字董

者故藝文補湖錄南溥備志脫吐棄而不顧

弗湖錄錄張志若三也今偉之營是利也紀事詩注

一錢之施弗湖錄錄張志敢私有錄積寸象訖訖補補湖

錄張志董志傳錄紀事于此上第成就世俗之士當知所

愧而又奚議哉董志昔四師佛錄張志董志錄此

持備志作昔國一師金石志作昔師四格藝文補溥錄南

家是大丈夫事非將相之所能董志為李文公問

藥董志山戒定慧之說董志此上第十八行山云欲

湖錄脫保任此事須金石志高高山頂立深澗海張志董

詩注底行閨閣藝文補湖錄張志董志金石志中物捨不

得便為滲漏今之士大夫考其所為滲漏湖錄行多矣故

名雖湖錄行將相而寔不此上第能為董志紀事詩大丈

夫此浮屠氏湖錄行所以下視而高勝之也余歸伏董志

詩注田里方張志董志溥錄紀將營葺鄉校與門人朋

友講習其間金石志以淑一鄉之士蓋嘗感于欽張志錄董志

欲儼此上第之言而猶思其弗張志董志溥錄錄也故因

偉之請悉紀事書張志董志紀事余所感者遺之俾歸

刻之傳示金石志四方庶有倣也張志董志紀事端平元

年妖八月吉日董志紀事詩記此上第二

志廿五 碑刻一

口似是大字宋嘉熙元年歲次丁酉三月清明日開

山住持僧 宗偉 立石此上第二

勤舊德政 德暉 守中 頭首 廣宣 廣

聞 知事 淨明 淨月 浮玉王

震舉刊南溥備志誤刻此上第二十三行德

董斯張吳興備志李心傳字微之隆州人道傳性傳兄

也魏了翁等二十三人交薦寶慶二年以布衣詔為史

館校勘歷工部侍郎奉祠居湖州按宋史心傳居潮州

張攷道傳性傳俱寓吳興心傳宦蹟僅判成都府四川

制置司參議初未嘗涖湖陽也何故違其二弟獨萬里

乘桴冒蛟鱷之險耶今南林報國寺碑亦心傳撰性傳書宋史以湖為湖誤矣○閔元衢曰李舜臣子心傳道傳性傳心傳官太史游吳興悅山水之秀寓于郡城即今安定書院又相度弁峯建宅營墓名其灣曰太史灣歿後以道傳子獻可為嗣遂為吳興人後徙長興之東山張嘗據癸辛雜識及報國寺碑正宋史之誤近得康侯所示長興李氏譜白謂差有讀書眼耳

阮元兩浙金石志南潯古名南林惟見此碑舊志云端平中學士陳益建此云眉山楊公捐金錢以為助當從碑為正李心傳字微之號秀巖井研人弟道傳號東窗

志廿五 碑刻一

九

性傳號鳳山洪咨夔字舜俞於潛人嘉泰進士知龍州除祕書郎遷金部紹定六年為禮部郎官除監察御史進吏部侍郎同修國史又兼給事中陞侍讀以病旬閑拜端明殿學士領內祠卒諡忠文

沈登瀛南潯備志李心傳見宋史儒林傳性傳字成之號鳳山嘉定四年進士歷幹辦行在諸軍審計司遷武學博士累遷起居舍人兼侍講理宗朝遷起居郎兼國史編修實錄檢討淳熙五年拜端明殿學士簽書樞密院事兼權參知政事尋同知樞密院事未幾落職與郡寶祐二年以觀文殿學士致仕卒特贈少保周密癸辛

雜識云穆陵李鳳山參政本蜀人後居雪因創南園以為遊遨之地中有傑閣曰懷岷穆陵御書潯溪紀事詩注載此文本湖錄間有改竄今六百年矣句六改作九案自唐初至宋理宗時正合六百之數若上溯九百年則在東西晉之間與上文無著倘以佛法入中國計之則千二百年矣亦不合

孫履元跋碑已中斷董若雨先生報國寺秋霽詩云孤村危閣立漏日斷碑明則碑在當時已斷矣阮文達公撫浙時撰兩浙金石志時范白舫先生適拓碑報國寺而錢竹汀少詹舟過南潯因以拓本付竹汀竹汀攜

志廿五 碑刻一

十

寄文達於是報國寺記華七府幹布施記接待懺院公據及長生講院碑四種遂著于錄然仍有譌闕碑陰亦失載即此碑二十三行阮以為二十二行蓋末行失拓也碑記宗偉于開禧間至南林愛其風土始結草庵居之又云眉山楊公益捐金錢以為吾助所以為叢林之制者次第而舉迺請于禮部得報國舊額而匾焉按嘉定十一年接待懺院公據已稱創立屋宇數十口建置佛像是嘉定創院之時端藉楊公之助惜其人無攷接待院之改為報國寺始見于紹定六年禮部告示碑其得報國寺額當在嘉定十一年以後舊志既誤楊公為

陳益又以寺為端平中建蓋未嘗細讀碑文也

蔣經跋碑云今敷文閣學士眉山楊公時領祠部益捐

金錢以為吾助此追述宗偉初設叢林時語也攷宋史

端平以前無眉山楊氏為學士者惟楊簡傳嘉定元年

兼禮部郎官寶慶元年授敷文閣直學士其前後歷官

與此碑合但係慈谿人碑云眉山豈其舊望歟楊誠齋

子長孺敷文閣學士按誠齋吉水人系出漢太尉楊震

後與眉山無涉又蘇文忠贈文長老詩刻有眉山楊汝

明題識中與館閣續錄汝明嘉定十二年權禮部侍郎

檢四川總志通志並未嘗除學士雖眉山恐非其人

志廿五 碑刻一

三日甲寅清明

報國寺碑陰嘉熙元年正書分二層上層三十一行下層

檀越施田地名銜額平列七字字

南林報國寺此上層第一行

山門伏承此上層第二行

檀越張宅東位太安人吳氏生前置田壹拾畝入常

住收租供眾立位牌入祠堂供養往生此上層佛

界者此上層

檀越清河三四運屬生前捨地壹伯肆拾步圓就三

門基地立位牌入祠堂永遠供養此上層

運屬張公 孺人卜氏僧行朝夕熏修追悼二位

神儀往生淨土者此上層

檀越 作院昨用錢置到陸大名忠翼惶字參園產

地壹伯步捨入本寺圓就此上層

千佛寶閣基地所集功德追崇此上層

亡者生天保佑見存獲福切慮捨地之後知事更

易不常此上層

官員入寺修崇之時間有無知行僕以捨無息為

辭公然滅裂有失追嚴之禮今又承添此上層

淨財官會貳伯貫文入本寺長生庫營運依寺門

志廿五 碑刻二

躰例貳分伍厘抽息歲計息錢陸拾此上層

文其息錢作伍次關歸常住貼助修建功德貴得

縣遠不致誤事此上層

今立定規式劃一事例如后此上層

一七月二十四日 先考輅院張公慈忌常住齋僧

一堂僧眾誦佛說阿彌陀經各一卷此上層

呪食一中此上層

一三月初六日 先妣孺人盛氏遠忌之辰常住齋

僧一堂僧眾誦佛說阿彌陀經各一卷此上層

卷呪食一中此上層

一七月十八日 繼妣恭人耶律氏遠忌之辰常住

齋僧一堂僧□□誦阿彌陀經各一卷此上層第十八行

呪食一中此上層第十九行

一三月二十二日 亡生母太君周氏遠忌常住齋

僧一堂僧眾□□佛說阿彌陀經各一此上層第二

卷呪食一中此上層第二十一行

一二月初七日 婆婆周氏慶生之辰常住齋僧一

堂僧眾持誦□□吉祥陀羅尼神呪此上層第二十二行

經各一卷壽香壽燭回獻本命星君百年報滿之

後改日修崇此上層第二十三行

志廿五 碑刻一

一每遇忌辰就法堂設位供養果實飲饌香燭紙馬

務要如儀此上層第二十四行

一每遇忌辰先期一日關報請 官員入寺拈香證

明此上層第二十五行

右立合同文字二本內一本納本宅照應內一本付寺

內交割仍刻石存照煩當代主首知事此上層第二十六行

盟毋致更易者此上層第二十七行

嘉熙元年七月 初七此二字上鈐報國寺記方一寸五分 日合

同存照此上層第二十八行

勤舊 守中下有押凡人名字較小下同 廣閣有押

頭首 德暉有押 廣宣有押 知事 淨月

淨明有押此上層第二十九行

住持 宗偉有押 立石此上層第三十行

捨地檀越成忠耶新監鎮江府都作院張下有兩押

王震刊此上層第三十一行

於塔檀越蔣十四將仕名思聰同妻顧氏一娘備錢置田

壹拾畝入常住遞年收租修設供此下層第一行佛齋僧功德

保扶各人身宮康泰福壽增崇凡在時中吉祥如意者

此下層第二行

張十六公名尋捨田叁畝收租并新會貳拾阡入庫出息

志廿五 碑刻一

遇七月十九日生辰齋僧保安平善者此下層第三行

潯溪張乙郎名世富捨田叁畝收租置油供養大佛殿三

寶聖賢祈求平善者此下層第四行

當鎮檀越華百乙太君名沈氏一娘捨到堀墟村祀字

園田柒畝叁角并嗣字三園田三畝壹此下層第五行角共壹

拾壹畝本寺收租供眾每遇十一月初五日生辰看經

填僧上壽所華氏傳芳錄誤并冀此下層第六行見生福壽康備他報

二嚴尅備此下層第七行

孫履元跋石碑陰所稱長生庫本始于寺院司其事者

謂之庫子亦曰主庫逐年轉利以供所需故有庫子逐

月將簿書詣方丈知事簽押者見于臨海縣寶藏巖長
明燈碑蓋長生庫盛行于斯時也陸游老學庵筆記云
今僧寺輒作庫質錢取利謂之長生庫至為鄙惡子按
梁甄彬嘗以束苧就長沙寺庫質錢後復贖苧還于苧
中得金五兩送還之則此事亦已久矣庸僧所為古今
一揆可設法嚴絕之也

志廿五 碑刻一

妻

碑刻二

汪曰楨撰

南溇鎮志廿六

宋

報國寺布施記碑 嘉熙元年正書在報國寺山門西側高連額三尺七寸五分廣二尺零五分

兩層上層文二十二行下層無字據拓本載文

檀越華七府幹布施之記 額五行行二字字徑二寸左右

南林報國寺 此第一行字徑七分

本寺伏承 大檀越華李 華氏傳芳錄脫此字 七府幹名文勝自

叛業以來凡遇山門大小緣事無不施財 此第二行字徑五分

分下 發揚成就今劃一開具事目 傳芳錄脫此字 于后 此第三行

一施財貳佰貫文置造大錫花瓶并架子一對彫裝蓮

志廿六 碑刻二

花二瓶充大佛殿供養 此第四行

一施財貳佰貫文鑄造大鐵香爐貳座充大佛殿觀音

殿供養 此第五行

一施財伍佰貫文一力發砌法堂三門兩廡地面 此第六行

一施財叁佰貫文印置大般若經六百卷入寶藏 此第七行

一施財叁佰貫文布漆銀珠 傳芳錄誤殊 大佛殿桐 傳芳錄誤相

身柱肆口 此第八行

一施財捌拾 金石志誤伯 貫文置普賢黑光廚一口 一

施財壹佰貫文鞞造大法鼓一面 傳芳錄脫此四字此第九行

一施財壹佰貫文建造鐘樓及普賢殿 一施財壹

伯貫文建造三門此第十行金石志 誤移為第十二行

一施財參伯貫文建造釋迦寶殿 一施財壹

伯伍拾傳芳錄 脫此字貫文暨砌大佛殿地面此第十一行 金石志誤為

第十行

一施財壹伯貫文建造庫堂 一施財壹

伯傳芳錄 脫此二字朱拾貫文鑄造大鑊一口此第十二行 金石志誤為

第十行

一施財壹阡貫文建造千佛寶閣大柱捌口 一施財

壹伯貫文裝塑佛殿涌壁羅漢一龕此第十 三行

一施財捌伯伍拾貫文置到吳江縣界田貳拾畝遞年

志廿六 碑刻二

收租十月十七日伏值 先妻此第十 四行太君潘氏一

娘子愍忌之辰啟建 西資蓮社念佛勝會一永日

設位供養資悼下空一格 此 第十五行尊魂往生 淨土者

一施財壹伯傳芳錄 脫此五十字貫文鑄造

寶藏內壽山福海此第十 六行

右具如前謹刻堅珉請輪年知事僧循守成規嚴與修崇

毋致更易庶幾圓滿願心因果此第十 七行不昧祈求現生之

內福樂百年他報之中金石志 誤三嚴克備者此第十 八行

嘉熙元年二月 日監寺僧

淨月凡人名字畧小下同 金石志脫此二字

立石此第十 九行

勲舊 德政 守中 德暉 頭首

廣聞 廣宣此第二十行金石志唯 存頭首二字餘皆脫

知事 淨明此第二十 一行金石志脫

開山住持此四字徑 七八分宗偉此第二十 二行金石 志

脫 雪川王震刊五字在 邊關外

阮元兩浙金石志碑記當時建寺因緣及施財瑣細之

事皆府幹李文勝所施按額題華七府幹則 李字非姓也阮氏謬

原履元跋右碑文二十二行兩浙金石志以為十九行

蓋後三行失拓也所載文亦有譌闕錯亂處華氏傳芳

志廿六 碑刻二

錄文勝字彬野以人才舉為江州參軍以疾致仕華氏

在當時為南林望族今華家橋本名通利橋 亦文勝創建華家衙即

其居宅報國寺創始于嘉定中僧宗偉得眉山楊公之

助而大佛殿遂得落成其鐘樓佛閣及諸佛殿則皆彬

野續建今數其施財至四千餘貫之多可謂大有功于

茲寺者矣耆舊頭首諸名目始見鄞縣宋嘉定戊寅資

福寺銅鐘銘此碑耆舊作勲舊按徽宗政和三年六月

御筆天下道士不得稱宮主觀主並改作知宮觀事女

冠准此僧尼不得稱寺主院主庵主供養主之類並改

院主作管幹院事副作同供養主作知事庵主作住持

餘皆依此改定則所謂慈憐頭首者疑即他碑所稱主

殿主藏主庫之類亦必因政和禁令始別創此名目也

報國寺布施記碑陰嘉熙元年正書分兩層上層三十二行下層二十八行據拓本載文

檀越施財置田名銜上層額八字平列字徑一寸三四分

南林報國寺此上層第一行字徑七八分

本寺伏承當邑口 檀越蔣八宣義生前置田壹拾畝貳

角入常住遞年此上層第二行字徑五六分下同收租七月二十日值

先考八承事諱辰齋僧一堂附薦此上層第三行

先妣太君沈氏六娘子雙魂往生 淨土此上層第四行

潯溪檀越朱三五承事生前置田壹拾肆畝入常住遞年

志廿六 碑刻二 四

收租三月十八日值此上層第五行承事諱辰啟建西資念佛

勝會一永日又於九月十二日值此上層第六行

朱二承事諱辰齋僧一堂設位供養追悼 神儀往生

淨土此上層第七行

後盧檀越施三承事生前置田壹拾貳畝入常住每歲收

租三月二十五日值此上層第八行承事諱辰差設齋僧一

堂晨粥一堂沐浴一堂設位供養上薦此上層第九行神儀往

生 淨土此上層第十行

掘墟檀越許世三廸功生前置田伍畝入常住每歲收租

七月十五日值此上層第十一行先妻孺人徐氏二十娘子忌

辰於孟蘭盆會修設六道斛食壹器燃燈此上層第十二行壹座仍供養 致政迪功二位 神儀同生淨土此上層第十三行

潯溪檀越陳三五太君沈氏八娘子生前置平江府常熟

縣界田柒畝貳此上層第十四行拾貳步入常住遞年收租五

月二十二日值此上層第十五行

太君忌辰齋僧一堂資悼 懿魂往生淨土此上層第十六行

當邑檀越陳十七太君閔氏六娘置田叁畝叁角壹拾伍

步入常住遞年此上層第十七行收租九月九日遇 太君生

日齋僧一堂祝扶壽筭延長此上層第十八行

志廿六 碑刻二 五

船居檀越賀四五承事生前置平江府吳江縣界田柒畝

貳角入常住遞年此上層第十九行年收租供眾仍立祖先位牌

入祠堂供養用悼往生者此上層第二十行

當寺華氏傳芳錄三四傳芳錄道公施已財置

田壹拾畝叁角令壹傳芳錄令誤拾叁步入常住收租

每歲傳芳錄誤年此上三月初五日遇 華道公生辰

齋僧一堂百年報終之後移作忌日修崇植福無盡傳芳錄誤量此上層第二十二行

船居檀越徐四將仕名可用置田伍畝入常住遞年收租

六月二十三日值此上層第二十三行

先考三九承事忌辰齋僧一堂所集功德上薦 神儀

往生淨土者此上層第二十四行

於塔檀越蔣十四將仕名文慨置田伍畝入常住收租每

年十一月初一此上層第二十五行日遇妻吳氏十娘生辰就月

會誦蓮經保扶各人身位安康吉祥如意此上層第二十六行

右具如前謹刊堅珉請輪年知事僧蔡照此上層第二十七行

檀越生日忌辰嚴與修崇毋致更易庶幾圓滿願心因果

不昧者此上層第二十八行

嘉興元年二月傳芳錄月 日監寺僧 淨

月凡人名字 立石此上層第二十九行

志廿六 碑刻二

勤舊 守中 德暉 頭首 廣聞 廣

宣 德政此上層第三十行

知事

開山住持此四字徑 淨明此上層第三十一行 宗偉此上層第三十二行

檀越施財修崇名銜下層額八字平列

南林報國寺此下層第一行

山門伏承平江府吳江縣倚投此下層第二行字

檀越沈十五承事諱琇生前捨官會伍伯貫文入本寺

長生庫營運此下層第三行 證例貳分育息每歲六月十四日

值 承事諱辰仰庫司就長生庫此下層第四行 關給息錢壹

伯貳拾貫文官會修設此下層第五行

天地冥陽水陸一會用資冥福追悼 神儀往生淨土

此下層第六行

船居檀越東陽二十承事沈公生前捨錢壹伯貫文官會

入常住每年此下層第七行十二月初七日值 承事愍忌請

僧道共貳拾員看誦此下層第八行

妙法蓮華經一會又承 太君李氏三娘子生前捨錢

壹伯肆拾貫此下層第九行 文官會入常住每年三月初四日

值 太君愍忌之辰齋僧一堂設此下層第十行 位供養上薦

二位尊魂同生 佛界此下層第十一行

志廿六 碑刻二

當邑檀越張四十太君曹氏三九娘捨錢壹伯貫文官會

入常住每年此下層第十二行五月初十日伏值 亾公張四

六承事諱辰啟建西資念佛勝會此下層第十三行 永日附

薦 亾婆太君朱氏十七娘子 亾夫張四十將仕超

昇者此下層第十四行

船居檀越徐三九太君張氏六娘捨錢壹伯肆拾貫文官

會入本寺長此下層第十五行 生庫營運證例貳分育息每年

二月十一日遇 太君生辰仰庫司此下層第十六行 就長生

庫關給息錢叁拾貳貫陸伯文官會請僧道貳拾員看

誦此下層第十七行

妙法蓮華經一會百年報滿之後移作□辰蓋崇功德

利益無窮者此下層第十八行

當邑檀越張三乙將仕名顯祖捨錢壹佰伍拾貫文官會

入本寺長生此下層第十九行庫營運證例貳分育息每歲正

月十日日值此下層第二十行

先考三承事諱辰仰庫司就長生庫關給息錢叁拾陸

貫文官會啟建此下層第二十一行西資蓮社念佛勝會一永日

所鳩功德追薦 尊魂往生淨土者此下層第二十二行

石謹具如前請遞年知事僧嚴與修崇□無更易預請此下層第二十三行

層第二十三行

志廿六 碑刻二

八

檀越拈香證明庶幾因果綿綿無窮之利已鑄諸石不朽

者此下層第二十四行

嘉熙元年二月

日監寺僧

淨月

凡人名字畧小下同 立石此下層第二十五行

勤舊 守中 德暉 頭首 廣聞 廣

宣此下層第二十六行

知事

淨明此下層第二十七行

開山住持此下層第二十八行

宗偉此下層第二十九行

茗谿王震刊五字在邊關外

孫履元跋石碑陰下半截埋土中咸豐丁巳南潯方修

鎮志徧拓鎮碑而元任監拓因募工掘去地面甃磚欽

土深幾二尺乃得施推拓文頗完善惟下截缺數字耳

上截所記各檀越施財置田約計八十餘畝當嘉熙時

浙石未遭派買公田之禍依然稼穡維寶故檀越以施

田為重寺僧亦不以施田為輕嚴修齋供良有以也談

鑰吳興志烏程縣烏墩稅務所屬十五坊有前盧於塔

等名後盧當附近前盧今皆莫知其處矣

嘉應廟勅牒碑咸淳六年正書在南柵嘉應廟山門內西壁高連額四尺八寸八分廣二尺二寸二分文十四行據拓本載文

勅賜嘉應之廟額二行行三字字徑一寸八九分

尚書省牒此第一行字徑三寸書字下半及牒字形俱如三字吳興備志董志脫牒字 七巷社首□□六字在首行下字徑三分至五分不等

志廿六 碑刻二

九

禮部狀吳興備志董志脫狀字 準咸淳六年正月二十七日此上層第二行字徑二分至五分不等下同

勅節文中書門下省此五字吳興備志誤中書省門下侍郎七字 尚送禮部申

兩浙運司吳興備志董志誤使 奏本司據安吉州申據承節郎監安

吉州南潯鎮事陳榮狀申據 御前提舉所使臣張良嗣

并七巷父老華元贊紀事詩注誤吉 等列狀世居烏程縣吳興備志董志脫此

震澤鄉董志誤震澤下鄉 之南林故老吳興備志董志脫此

相傳此地有吳興備志董志脫此字 崔承事李承事二公居焉其

存心也根於仁其處事也勇於義宣和間方寇擾攘聲搖
鄉郡二公率鄉丁捍禦果獲全安董志誤或值凶年飢歲
爭出廩粟以賑給紀事詩注脫此三人皆德之二字紀事
生暨二公卒莫不銜恩思慕自以為報之罔極乃卜地于

市中設祠宇而並祭之衣冠服飾效鄉黨護境二神貌像
七社人煙傳芳錄詩歲時節朔以饗以祀雨暘必祈疾疫
必禱所求輒應驅蝗逐寇陰存息端十六字蓋因下文刪

去嘉定乙亥云云四百餘字吳興備志顯異莫能具述吳興備志
嘉定乙亥飛蝗蔽天鄉民羅拜于廟或泣吳興備志

或訴越翌日忽疾風起于庭下蝗之避吳興備志去
志廿六 碑刻二

者幾紀事詩半餘悉紀事詩自斃是歲乃亦有秋或紀
此字注竭力奉事廟貌一紀事詩新酬答神賦嘉熙庚子

早此荒飢孳枕藉于兩廡頗覺穢香火僧厭而禱
之是夜神告之曰窮民無歸居我廡宇以避紀事詩風雨

我若譴怒彼將時依於此注見其根心之仁愈無
窮已也淳祐壬寅待制趙伉夫道經南潯偶植雷吳興備

錄吳興備志有神曰崔李二王祈之無不驗遂默禱之俄
頃帖紀事詩然舟獲到岸而謁于祠下致謝畢見其廟未

有額慨然書之今猶存也寶祐甲此寅南潯備志狄

浦鹽寇紀事詩嘯聚村落多紀事詩被其害且垂涎南潯
以為市井繁阜商賈輻湊之所意在剽掠妄求懼禱所抽

十餘籤所擲十餘枚吳興備志皆不協吉羣盜相顧愕然
輒逞兇暴欲舉二像昇董志誤之於水似紀事詩覺拘
擊而掣其肘乃畏懼潛遁景定辛酉紀事詩水災比近

頑徒有鼓眾借糧者市戶焚香禱告忽一日羣兇駕舟圍
繞未幾隨紀事詩散或問之曰候來而倏去吳興備志

下紀事詩何也賊應紀事詩之曰昨夜南吳興備志
潯之南有二人若神人紀事詩身吳興備志

脫此長丈餘立于人間備志屋上諭我
志廿六 碑刻二

者喜懼相半不十日即就擒戮此二項益見神之顯異垂
庇每憐憫注於艱難危急之時殆二天也人之

還以答神休豈不能伸注喙耶自嘉定乙亥至此四

國朝董志愛民如子凡神之有惠於民者必載
於傳芳錄祀典蓋敬神吳興備志所以愛民

事吳興備志如德清之新市亦隸本州
管下其鎮傳芳錄土神嘗有恩封廟額獨南潯未嘗舉

行此人若神人八字傳芳錄傳芳錄嘗誤蒙此上第七行允為

缺典未創鎮以前特鄉村爾無階可陳今創鎮幾二十載

董志幾二十載二十前後鎮官董志紀事詩注誤守歲時祈禱屢驗

僧徒晨夕焚修愈勤此廟正係祝 聖祈禱去紀事詩注誤之

茲遇 聖天子初登大寶增崇祀典恩需方新良嗣等謹

述家傳人誦之實跡列狀乞備申施行本鎮保明詣實申

州乞施行州司所據承節郎監安吉州南潯鎮事陳吳興

備志董志傳芳錄簿錄紀事詩注南潯備志並作榮今泐申到土神靈跡因依本州保

明是實申本司乞施行此上第本司已吳興備志董志誤以照例差

官詢紀事詩注誤訊究覈實委有靈跡保明是實伏候 勅旨本

部照 條勘當具申 朝廷準批紀事詩注誤批準送下寺擬封

志廿六 碑刻二

圭

申除已運送太常寺擬封去後據本寺紀事詩注誤司回申安吉

州南潯鎮土神崔李二承事擬封二字廟額今欲擬嘉應

廟為額合行降 勅申乞施行本部備申 朝廷伏候

旨揮此字 吳興備志董志紀事詩注南潯備二十

五日奉自本司已照例至此一百九

聖旨依奉 勅如右吳興備志董志行文字到奉行前

批三月空日空時付禮部施行仍關合屬去處本部開具

前銜後擬下項伏乞 朝廷給降 勅牒施行伏候 旨

傳芳錄 揮此上第

誤指 吳興備志董志脫牒字此上第十一

勅此字徑五寸宜賜嘉應廟為額牒至準吳興備志董志

字徑二寸至二寸九分牒至二字形俱如押

勅故牒勅字徑五寸七分故牒二字各徑二寸五

成淳陸年拾貳月尚書日牒吳興備志董志紀事詩注南

日字徑六分印鈐日字上方一寸八分牒字徑一寸六分

同簽書樞密院事兼權叅知政事趙下有押上十三字共

五分至三寸不等 右丞相下有押右字徑二寸五

傅平章軍國重事魏國公 免押上十一字共徑一尺一

此上第十四行

志廿六 碑刻二

圭

沈登瀛南潯備志宋牒釋證兩浙運司按宋史職官志

使發運使自乾道六年冬廢後不復置此應

為湖州寶慶元承節郎職官志武階為小監鎮事按志

年改安吉州承節郎使臣秩從九品

當官掌茶鹽酒稅場務征輸及治鑄之御前提舉所使

事隨事置官文武皆可充差即其類也

臣張夏嗣宋制提舉官隨事置大小不一文武通差

朱自神宗始有入粟補官之法此有官而未補實者又

屬本鎮人故列于父老之前此余友董君鑄范說極允

承事九品承事即文階係京官秩正八品宣和間方寇擾攘聲

搖鄉郡職反命譚慎討之十二月方臘陷杭州知州趙

震通廉訪使者趙約誦賊死又忠義陳邁傳宣和二年

冬方臘亂詔以屬遊遊言職齊從已過萬又有蘇州石

生歸安陸行兒皆聚應之續綱目宣和三年二月方
臘寇秀州官軍敗之方是時吾鄉亦間警日急二神係
障之功嘉定乙亥飛蝗蔽天東西路旱蝗五志嘉熙
八年四月飛蝗入徽縣而嘉熙庚子旱荒理宗紀嘉熙四
建大旱蝗此二條侍制趙伋夫顯謨徽猷敷文煥章華
可補入府志詳異文諸閣皆有待制秩從四品宗室世系
文寶談高密郡王房魏王廷美八世孫也江西通志名
表伋夫高密郡王房魏王廷美八世孫也江西通志名
宦趙伋夫字道雲川人開禧乙丑知上高內映而外
癯政尚慈恕不忍以橫斂傷民懷愛之日為趙佛子
踰年政成事簡入為樞密院都承旨吳興備志引此同
又引上高志云官至浙東提刑再改職官志都承旨秩
從五品元祐初制以待制充紹興時或以加學士待制
修撰貼職然則伋夫是時當在為都承旨之際提刑之
前矣惜未載寶祐甲寅狄浦鹽寇嘯聚理宗紀寶祐二
所書何額西刑獄招捕狄浦鹽寇七月已獲狄浦海寇
恢提點浙西龍圖閣包恢傳除直顯文閣浙西提點刑
平包恢進直龍圖閣包恢傳除直顯文閣浙西提點刑

志廿六 碑刻二 古

獄是時海寇為亂恢單車就道調許徽浦分屯建若一
且集諸軍討平之收地理志平江府節制許浦軍九域
志激浦鎮海鹽則狄景定辛酉水災理宗紀景定二
浦亦必沿海去溥不遠景定辛酉水災理宗紀景定二
近畿水災安吉為甚亟講行荒政九月詔湖秀二郡水
災守令其賑勸分監司申嚴荒政府志賑祥異皆失
載此可德清之新市亦隸本州管下其鎮土神嘗有恩
補其缺吳興備志引勞志云永靈廟在新市鎮紹興五
封廟額年賜廟額李堂府志載宋陳籛承靈神號加封
記云紹興九年改封顯佑侯慶元二年增封顯佑通應
侯元配邵氏封協惠夫人神為西晉本郡人朱泗懷帝
時殉忠今創鎮幾二十載自咸淳一寶祐六廟之景定五
死敵今創鎮幾二十載自咸淳一寶祐六廟之景定五
溥立鎮應在淳祐之末故端平初報國寺碑止稱南林
且云石商坐賈之所萃而官未嘗徵征焉蓋未為鎮則
不設官雖端平與淳祐相距不過十餘年擬封二字廟
然地理之沿革制度之增減於斯可見矣擬封二字廟
額名禮志熙寧一應祠廟所稱靈驗而未嘗有爵號並以
額名禮志熙寧一應祠廟所稱靈驗而未嘗有爵號並以

志廿六 碑刻二 五

廟額已賜額者加封同簽書樞密院事兼權參知政事
爵初二字再加四字同簽書樞密院事兼權參知政事
趙順孫自吏部侍郎除端明殿學士同簽書樞密院事
度宗紀失書畢沅續通鑑綱目卷一百一十一陳致仕此
申陳宗禮趙順孫並兼權參知政事十一月陳致仕此
勅于十二月下右丞相以江萬里馬無驚為左右丞相
行故獨題趙右丞相以江萬里馬無驚為左右丞相
並兼樞密使六年正月丙寅江罷左相知福州太傅平
是年左丞相故獨題趙右丞相以江萬里馬無驚為左右丞相
章軍國重事魏國公臣傳似道于元年四月已加太師
而此職尚稱太傅似有不合及攷十年之表有云十二
月癸亥賈似道依舊起復太傅平章軍國重事魏國公
都督諸路軍馬然後可解其故蓋宋承唐制以三太為
三師位極隆重而太師尤為異數惟趙普以開國元勳
文彥博以累朝耆德方特拜焉其他如史彌遠三具奏
辭鄭清之五辭免朝廷或許或不許亦成故事竊意賈
固貪位又冒美名當時或偽辭不受故結銜仍稱太傅
史惡其偽削而不書耳不然師相之銜吏敢致誤必無

志廿六 碑刻二 五

是理也又據此悉宋故事雖小事兩省長官必押樞密
院官書姓中書省官不書姓至平章軍國重事位在丞
相之上不常置故免押但具銜而已雖案牘○案此文
之文事皆有合于史金石家所當寶貴之也○案此文
吳興備志鎮志皆全載入近又得潯溪紀事詩刻本然
輾轉傳鈔各有誤字恐碑石日泐字益就滅因疏其異
字而辨之庶後人有所折衷焉烏程縣震澤鄉備志鎮
志脫縣字又鎮志作震下鄉紀事作震澤下鄉皆誤攷
高必騰縣志云宋初為鄉三十一震澤在焉太平興國
中割十五鄉置歸安縣景德中并其三熙寧中又并其
二實管十一鄉又云後分震澤鄉為上下兩扇不詳何代
夫宋時凡兩朝并鄉則分鄉必非宋明矣報國寺禮部

牒及公據兩碑並稱震澤鄉與此碑合可知南宋之未分此等有關掌故不可妄易也

按談鑰吳興志已載分沈說微誤狄浦鹽寇紀事寇誤作盜據本紀當作寇欲

舉二像昇之于水備志鎮志昇誤作昇昇即舉也不幾

犯複耶獨南潯未嘗舉行誤作獨南潯之南有二人若

神人三書皆同蓋牒文字畫甚細凡百四十餘字一行

是句適在行末上行即昨夜南潯之南句南潯二字相

並囚以致訛非伏地細墓不能審也兼權參知政事趙

下有押右丞相下亦有押魏國公下有免押二字三書

皆脫但既不載其有押免押則當各間一字使閱者曉

志廿六 碑刻二

六

然知為三人今渾然直下上銜有趙姓尚屬易曉下銜

惟明于前代官制者知公孤不當在丞相下應為二人

餘則未有不以為一人者余故詳識之

孫履元跋碑云或值凶年飢歲爭出廩粟以賑給人皆

德之攷府志建炎四年及紹興四年霪雨害稼蘇湖二

州尤甚二承事之賑恤鄉里當即其時碑中兩勅字結

體險勁殆即老學庵筆記所謂蔡家勅歟

蔣豁跋右牒稱監安吉州南潯鎮事陳榮其人無攷趙

昇朝野類要親民理治百姓監鎮知寨亦然監鎮亦得

親民史所略也牒尾列銜者三人曰同簽書樞密院事

兼權參知政事趙者趙順孫也曰右丞相曰太傅平章

軍國重事魏國公皆不著姓蓋馬廷鸞賈似道也徐度

卻埭編舊制宰相官僕射以上勅尾不書姓蓋用唐故

事也咸淳遺事景定五年冬賈似道為山陵使累辭相

印勾祠降內批曰可依前太師鎮東節度使魏國公醴

泉觀使兼侍讀仍奉朝請似道又奉表辭太師上復不

允似道奉詔再辭乃從之入朝再拜右丞相降內批曰

可依前太師右丞相兼樞密使魏國公咸淳三年特授

太師平章軍國重事按宰輔表似道於景定二年自太

三年正月仍稱太傅二月復除太師平章軍國重事可證三年以前亦未嘗受太師似道上表力

志廿六 碑刻二

七

辭太師遂改太傅供職與此牒署銜合籍雲縣應廟

省勅碑似道署銜同似道位至太傅紀傳不載而其辭太師并表

亦不詳不可謂非史之疎漏也趙順孫字和仲浙東縉

雲人宋史無傳事蹟詳黃文獻集格庵先生阡表及明

縉雲鄭禧刻格庵奏葉宋丞相趙順孫傳論格庵卒於

德祐二年四月未嘗入元而倪燦補藝文志誤寘元人

之列錢辛楣少詹四書纂疏跋已力辨其誣矣余所見

宋三省勅牒宰臣皆署押此刻賈相列銜下特著免押

以非軍國重事故也

薦福祠勅牒碑德祐元年石舊在西樞薦福祠今佚據潯溪紀事詩注引朱氏家錄載文

禮部狀准德祐元年四月十六日勅命交中書門下省臣送禮部申兩浙運司安吉州據承節郎監安吉州南潯鎮事陳榮狀申御前提舉所使等張良嗣并烏程縣震澤鄉南林七巷社民華元升等稱樞密使童貫同從事朱仁福征收方臘有功捐軀殉難蒙聖恩遣侍郎劉珪追封南林侯中書許將卜地造塋于南潯鎮西嘗字四圍石街大巷明月橋北在于宣和二年三月一日據長孫男朱栴係淳祐進士次孫男朱林係鄉進士共同建祠于淳祐癸卯五年二月增修于咸淳己巳以傷二親之墓送司印押使子孫世守不啻朱氏永祀即江南七社人煙無不仰賴拯救之恩迄茲男婦到祠依時祭享今祠雖建尚未請額幸遇聖天子初登大寶追崇祀典恩沛方新今南潯鎮係本州管下良嗣等謹述朱從事官仁福出粟救民獲寇有功顯靈實蹟列狀乞備申施行本鎮係明是實申本司照例差官從公勘詢究覆實委有朱從事官仁福救民獲寇功蹟係明是實伏候勅旨奉部照例條勘當具申朝廷准批送下等擬封申除已連送太常寺擬封後據安吉州南潯鎮土神朱仁福擬封薦福祠三字給扁為額合行降勅申施行本部備申朝廷伏候旨擬六月二十六日奉聖旨依奉勅如牒到奉行前批三月空日空時付禮部施行仍

關合屬去處本部開具前銜後擬下項伏乞朝廷給降勅牒施行伏候旨揮大宋德祐元年十二月望日七巷社民華元升等同太學生朱芾守祠生朱藻鈔錄勒石于薦福祠前門左壁

按此牒亦出偽撰全依仿嘉應廟牒為之復加舛誤今條辨于後勅命交命交臣送禮部尚誤安吉州據安上脫奏本司據臣等張良嗣臣字連上不應元升等狀下脫列捐軀殉難卒于軍中侍郎劉珪墓碣書舍人追封南林侯宋無鄉侯之制且從事中書許將墓碣作中書侍郎許嘗字四圍石街巷在嘗明月

志廿六 碑刻二

六

志廿六 碑刻二

九

橋北當作清宣和二年三月一日時方臘未反長孫男乃是第次孫男乃是第朱林當作淳祐癸卯五年兼稱干支公咸淳己巳不稱五年而稱干以傷二親之墓此藥厚德遺言本指朱朱從事官與墓碣顯靈實蹟上文出粟獲寇皆仁福奉部照例本課奉送下等寺誤擬封後去字據安吉州據下脫本寺申施行行中下脫旨擬揮擬揮奉勅如右字三月空日嘉應廟奉聖旨何故三月付禮部此六伏候旨揮其文未畢嘉密為何人不能臆撰亦自露敗缺也餘辨詳寺廟

碑刻三 汪曰楨撰 南潯鎮志廿七

元

長生講院碑 延祐二年正書在南柵長生寺殿庭東側高三尺四寸廣一尺九寸分二層上層分三列上列二十行中列二十二行下列十七行末有年月一行下層十五行據拓本載文

建置檀越名銜 額六字平列字徑二寸六分至三寸

振太師 三字華氏傳芳錄脫 顧萬二節 金石志 幹 莫千一省元

施千三提幹 照山主 三字傳芳錄脫 沈千一省元 王 金石

志誤 九三將仕 陸百一監局 任千三大君 五字傳芳錄脫

任八一供檢 金石志 蔣百五省元 錢百二宣義 華

百十五宣義 許千十制幹 果山主 三字傳芳錄脫 吳氏三

志廿七 碑刻三

姪 四字傳芳錄脫 屠千四居士 文師幹 三字傳芳錄脫 陸百二府

幹 顧萬一節幹 此上上層上列字徑五六分下同

施七 傳芳錄 三將仕 施千二提轄 李三 傳芳錄 承事

顧九將仕 姚百三將仕 姚四十將仕 張十三承

仕 傳芳錄 錢百三將仕 沈百十 金石志 將仕 馮

宣二道 沈氏一娘 四字傳芳錄 周千二道 方二承事

徐百七將仕 陸四六將仕 張廿八將仕 杭 傳芳錄

百一節幹 萬山一將仕 張千五判司 許百十一將

仕 許六將仕 董千一省元 此上上層中列 費八二承事 茅八七省元 沈百二將仕 費百二省

元 錢五省元 方百七將仕 錢百一節幹 華十九

承事 顧百十三將 傳芳錄 顧百七節幹 五字傳芳錄

陳四朝奉 錢十二承事 吳四一將仕 五字傳芳錄 錢百

二承事 五字傳芳錄 錢十三將仕 沈十八居士 金石志

朱三承事 此上上層下 延祐二年八月吉日立石 此上層末行字徑一寸左右

長生講院肇於勝國建炎間殿宇宏敞 宏字添注于側此下層第一行字徑

一吋左 金碧熒煌鼓鐘振揚為一方之勝 此下層尋值兵

甕靡有孑遺住持靜覺 此下層禪師戒律專確有聞於時

嘗悼 此下層象 詩注誤眾 教之陵遲俱縉流之失所爰 此

志廿七 碑刻三

層第 募善緣不復舊觀用將 二字吳興藝文補府志縣志

五行 華氏傳芳 勒石道 此下層 側噫見千羽者想 張志董志

名 錄行銜字 河洛者 此下層 思禹功微師之精勤不

足以動人 此下層 之樂施微人之樂施 藝文補府志縣志

注脫此 又奚 縣志張志脫字董 足以成 此下層 師之巨

費者 傳芳錄 哉斯亦可尚 縣志張志 也已 此下層 師歿後

數稔其徒普仁謂余與 此下層 師有支許之好因乞一

言以傳 此下層 承久余故為識其後使後之 此下層

嗣師者慎無 縣志傳芳錄張志董 替師之志云 此下層

郡人字文公諒題跋 此下層

阮元兩浙金石志題名有提幹制幹郎幹按郎當作節阮氏誤師幹府幹節幹供檢判司監局提轄宣義將仕承事朝奉皆有職或募掾之屬居士山主當為邑子太君之稱始見此惟馮宣二道周千二道為不可解

沈登瀛南潯備志宇文公諒字子貞歸安縣人至順間登季齊榜進士歷同知婺源州事遷高郵府推官除國子監丞調應奉文字同知制誥兼國史院編修官終廣西廉訪僉事卒門人私謚曰純節先生

孫履元跋碑已中斷寺僧云道光己酉大水浸及殿內數尺壁倒碑斷橫臥水中者數月水退築壁乃扶起而

志廿七 碑刻三

三

復樹之子審碑石上截色白下截色黝竊疑上截本是碑之正面而下截乃是碑陰阮文達公兩浙金石志亦曰碑凡三列陰刻宇文公諒題跋豈亦退復樹時寺僧不暇細審遂上下互易其前後歟上截題名有提幹制幹節幹府幹當是提刑制置節度總管府之掾屬唯師幹未詳果山主照山主及振大師俱為釋子之稱文達以為邑子非也

趙孟頫臨顏真卿書常清靜經無年月正書石藏東橋溫文銓家長一尺四寸高六寸二分文不錄

孫履元跋前列太上老君畫像上端元宗皇帝御贊八

十四言旁有趙字小圓印下端題子昂款有大雅小長印後刻太上老君說常清靜經三十二行行二十字末題顏真卿書又題集賢直學士朝列大夫吳興趙孟頫臨鈐以趙氏子昂方印此書筆法頗類顏書小字麻姑仙壇記聞洞庭山亦有松雪所書常清靜經碑乃是大字不若此小楷之為罕物也其後別有當湖德藏方丈藏石八字八分書

趙孟頫臨顏真卿書金丹四百字即常清靜經碑陰無年月正書文不錄

孫履元跋前有紫陽真人畫像上端為許堅紫陽真人張平叔贊七行六十八言旁有松雪齋長印下端有趙

志廿七 碑刻三

四

氏子昂方印後刻金丹四百字凡二十七行此亦松雪所臨顏書而但有真卿款不題已款者以款已見于常清靜經後也後有明武功伯徐有貞題跋四行行書鈐以武功及天全翁印此當為武功歸吳家居後所跋跋中稱松雪此書為書法之金丹詢不誣也

褚天祐祠碣元統元年正書在西門外闕家與褚家墳高連額四尺四寸五分廣二尺二寸四分文二十五行行四十六字據拓本載文

褚公祠碣額二行行二字篆書字徑三寸左右

先考左二教諭褚公諱天祐字善甫號友竹叔祖五二宣教子也世居吳興之朱塢宋淳祐丙午年甫四歲奉□□

命立為先祖五一宣教後命立之

歲叔祖云次年丁未曾祖知承繼以傾逝景定辛酉洪

水汎濫田租無收是

田業派買公田後所存不多乃與先伯左一宣教均分之

時先考方當弱冠家務之重獨力支

母徐氏先祖宣教先祖妣沈氏先叔祖妣楊氏喪事尤謹

宋有隅官之役因捕賊不獲被官軍焚毀室廬僅

免宋淳祐年曾祖知丞置買張寶山九十六畝起築

墳塋聚養林木安厝曾祖知丞及叔祖五二宣教靈櫬于

上厥

志廿七 碑刻三

而閩府衰廢資文約以出售先考獲復舊業增置四十餘

畝不平之氣得以

蕩盡及大軍臨境領眾投拜就管地面繼而差役繁重遍

歷艱辛遷居桃溪又為盜所劫

城府以圖久遠安佚之計豈期城居差科尤多不惟應當

坊里正之重而又包辦酒課和雇和買夫役之

雖不能一日安居處之泰然未嘗形于辭色況能勤儉起

家日增田業墳塋庵宇無不葺治且招緇流晨夕焚修祭

所仍撥田山一頃五十畝贍養僧眾接待往來飢者食勞

者息又捨田一

水陸追薦宗族師友下及僕佃貧人又捨田入出塵寺遵

社院郡安寺各建祠堂每遇先

辰修崇追薦病而無醫者施藥以濟之死而無歸者給棺

以殯之初度之辰必設齋醮以報劬勞

捐貲買山以為義塚繪畫彌陀大士

崇奉力行好事歲以為常積善之譽流傳口碑節省

至矣繼買東溪姜氏故廬經營一新居止得所不幸於延

祐己未

志廿七 碑刻三

節用薄於自奉協力成家親族睦義無有怨惡謙和以處

里閭寬恕以御奴僕內助

子即世享年八十嗚呼痛哉為人子者不得奉甘旨以養

親罪莫大焉終天之痛無有窮極奈以

日益繁併酬應弗遑復歸故里以治田園痛念考妣一生

涉歷艱辛廣充基業貽我子孫其於報本追遠之

行七敢不盡心焉雖有奉先庵於墳所命僧道以焚修然在

百里之外不能親致晨香夕燈之敬於私為慊今創祠堂

在所

祠像朝暮得以瞻仰神儀裁膏腴之田三十畝命僧道主

持口誦經文用資冥此上第福蓋以報劬勞之恩伸思慕之志非直為觀美設也吾子若孫當體此意追念祖宗創業之艱常以今日建祠之心為心此上第毋廢香火毋墜家聲勤儉克家保守擴充使祖宗餘慶之澤垂于無窮我所願也祖宗之幸也詩曰永言孝思孝思維則此上第二十一行可不謹歟元統元年癸酉十月十五日孤哀子褚錫瑜謹識 忝承務郎松江府判官致仕趙由辰書且系之以

○曰此上第二十二行 派出河南 世居朱塢 克儉克勤 起家儒素 惟

友竹翁 繩其祖武 充衍田園 廣構堂宇 貽厥

志廿七 碑刻三 七

孫謀 備嘗艱苦此上第二十三行 餘慶之澤 俾爾昌裕

璧也克承 不墜先緒 罔極之恩 報本是務

念及先塋 道修且阻 迺建新祠 密邇居處此上第二十四行

行 听夕仰瞻 庶慰懷慕 至孝感神 薄俗警

悟 示訓後昆 諄諄斯語 敬之守之 毋忝爾祖

此上第二十五行 孫履元跋褚氏世居朱塢今閔家兜東尚有朱塢村屬

十五區非縣志四區之朱塢也公田之擾作備于賈似道褚氏蓋亦受其禍者所稱閔府應是閔貴妃家如父良臣嘗起香火功德院侵伐鄰寺之松又淳祐中理宗

嘗造新寺寺成以賜妃為功德院且賜山園田畝為數頗多建造之初分遣吏卒市木于郡縣傷緣為奸望青採斫雖勲臣舊輔之墓皆不得保或以詩諷之曰合抱長材臥壑深于今惟恨不空林誰知廣厦千斤斧斲盡人間孝子心當時閔氏之橫可知吳興去臨安不遠墓木墳地為所侵奪應所不免天祐乃卒復舊業亦褚氏克家之令子也趙由辰乃趙孟頫長子松雪之猶子也南潯城碑至正二十一年石舊在垂虹橋今佚據吳興備志載文

南潯重修城記 前徽州路儒學缺 謨 前南潯鎮儒學教諭楊天顯書

志廿七 碑刻三 八

湖州路安定書院奉祀胡理篆額

江浙等處行中書省分省注脫此二字 右丞潘公以至正

丙申張志 夏四月鎮吳興郡仁流張志 威暢保釐方面屹

若府志 董志潯錄 作於 磐石時則有缺 都事張缺 謀議而又有

缺 掾史袁君佐幕府相與誕脩湖錄 府志張志 董文

德丕闢武功至于今賴之政治閒暇防禦慎張志 密乃作

錄張志 南潯張志 城以脩湖缺 之缺 為慮亦遠矣城無故

基皆塞沮洳益汗邪不皆固密潯經春夏潦潰旱裂守吏

雖嘗修治杵聲未絕而繼之以圯甚無以缺 初慮患之意

自城無故基至此湖錄府志張志 庚子八月行中書省選

張志董志 潯錄紀事 詩注並脫

萬戶徐侯俾守茲土侯見士民道相君憂愛黎庶甚

苦故遣吏保護聞者以手加額曰賢哉相君乃能仁吾

侯張志董志詩錄紀事詩注並脫城圯狀其事以問相

君曰吾固知之但與師一萬日費千金此皆斂于民者而

況徵求未息其可重煩乎若官給則庶幾耳都事公

與文君皆贊其說自但與師至此湖錄府志縣志乃言

于太尉及得請遂命侯董其役凡木石工食之費一取于

官而任其責者則附近六鄉之里正蠲其雜役使湖錄

損益規制願投指使人服其精時方盛夏遇赤日流汗暑

志廿七 碑刻三

九

雨被體曾不憚勞或言胡不自安以專嚴卒此湖錄府

志縣志張志董志不敢懈怠民亦更相告戒趨事赴功

因湖錄府志縣志張志董志違令始于至正辛丑三月

丙寅迄于七月丙辰訖功湖錄府志縣志張志董志按城

周一作一千六十六丈有五尺崇三丈廣如崇得三之一

金城粉雉湖錄府志縣志張志董志石樞危巖

倚天深根入泉湖錄府志縣志張志董志雖曰脩治若經始

然觀者以為微中書省之選不能盡侯之才微侯豈能承

中書省命之重張志命字在此名此城相與傳諸張志董

紀事詩不朽矣湖錄府志縣志張志董志鄉人譜

其事于石昔城披披今城巍巍有不待記而人所共

知者愚高城深池堅甲利兵戰守之具也當四方未

之日誠不可一日廢以相君之剛明佐之以張公之善謀

袁君之於建功立業不翅風飛山鳴水涌沛然莫之

能禦而于是役也若不敢輕舉焉者蓋居公相之位負大

名握重權一言出而天下為之輕重一令約而天下為之

向背故其鑑清衡平之體必審其緩急而後發焉及其以

為不可已也則又酌平有諸時不失乎官民相與

之道古之權大事者往往若是此所以為名世之俊傑

也歟凡為政者皆所當知也故不辭而為之記

志廿七 碑刻三

十

至正二十一年歲在辛丑七月既望

鄭元慶湖錄烏程縣尹馮侯均賦役碑記至正二十三

年張世昌撰重修南潯城碑記至正二十一年撰人闕

馮侯均賦役萬戶徐侯修南潯城亦有丞潘公鎮湖之

善政也南潯城相傳洪武初修建姑蘇城移其土石而

去

沈登瀛南潯備志凡空缺處或數句或數字因不知字

數故上空一格非僅缺一字也○舊志引勞志云南潯

城在縣東七十二里周三里元至正十三年張士誠築

洪武二年十月拆其石修築蘇州城攷明史士誠傳士

誠于十四年方起事于泰州至十六年始得蘇湖安得有十三年築城事此記云分省右丞潘公以至正丙申四月鎮吳興與明史合其作南潯城雖不著歲月度不甚遠又攷宇文公諒吳興郡修城記至正十六年吳陵潘公自平江督師于是年夏四月十有九日入城清盪苗頑宣布德澤既撫按其民人即經構其城郭乃以是年冬十有一月有事版築云云夫郡城之修在是年冬則鎮城之築應在次年築之不固越三年而遂圯故二十一年重修之又攷潘名原明見明史都事張名瑛掾史袁名孟熙見宇文公諒修郡城記惜萬戶徐侯為吾

志廿七 碑刻三

十一

潯鎮將竟失其名焉○按震澤縣志有廢學云震澤鎮學在本鎮宋寶祐中邑士沈義甫建明教堂堂東有三賢祠元初陞為儒學設教諭一員以主學事生徒二十五名明初革初疑為三賢祠而設震澤鎮所獨有及閱此碑題銜乃各鎮皆設鎮學惜未知廢學在何處舊志亦無有及此者附識于此

明

金恭墓碣 正統十四年正書在南柵嘉應廟後額篆書明故處士金君墓碣四行行二字文二十四行行三十二字據拓本載文

故處士金君墓碣

奉議大夫南京吏部考功清吏司郎中臨川謝翰

文林郎提調學院江西道監察御史金國王琳

應天府溧陽縣儒學訓導四明郁復書丹

烏程處士金君士恭甫既卒將葬溧陽儒學教諭龔先生寬述其行實書以表其墓子與寬固同郡且自敘曰吾與處士之子金富有同寅之好按狀處士諱恭字士恭姓金氏清潯其別號也其先本河南人自五者宋末任湖州路長興縣典史遂家

志廿七 碑刻三

十一

焉厥後子孫蕃衍為邑之著姓至曾祖析居烏程之南潯鎮泰安橋西祖彥祥又析居橋之東父祖相承皆以孝友處于家以和好接姻循循樂易故人皆愛之克勤克儉以繼先業而家益饒裕尤好施予周之晚年喜老莊誦其書尚清淨怡然自適樂善不倦嘗訓其子富曰為貴士之貴者讀書明理通古今達時務出則推其所學濟人居則為士今汝居庠序當進德脩業矯輕警惰底夫成人既而富太學以麟經分教溧庠

生儀範豈非處士庭訓之所及歟配□□□□□
 溪胡氏俱有婦德子男□□長即富吳氏所生也次日
 貴日□□□□□□□□同里張文次適朱家塢朱圭幼
 在室孫男三人日鑿日壽日真孫女三人□□□□安日
 桂俱幼處士享年七十有三以疾終于家時正統己巳六
 月□□□□□□□□九月初七日瘞于南潯之原先塋之
 側從吉兆也嗚呼世之人循理□□□□□其報者其
 淺深厚薄亦視其所爲何如耳觀處士之所爲所言豈□
 □□□□□□□□今天之錫報不于其躬而于其後人蓋于
 其躬者□其身于其後□□□□□□□□士之子富以明
 經而居師儒之任他日□□□□□艾也然處士之□□□
 □□□□□詳教諭龔先生已具誌幽室予故□其大端以
 表諸墓云

大明正統十四年辰集己巳秋九月初七日□
 施國祁范白舫潯溪漁唱題詞自注明金處士恭墓在
 嘉應祠後石碣于乙卯二月出自土中臨川謝翰撰文
 金淵王琳篆額四明郁復書丹志文字畫俱不甚佳
 蔣經跋石碣書作竭惟見隋澧水石橋碑文卻瞻瀛竭
 錢辛楫少詹云以竭爲碣碑云分教溧庠溧字稍有剝
 蝕而右半粟字可辨按乾隆溧陽縣志金富郁復俱正

志廿七 碑刻三

三

統間訓導與碑合府縣志及南潯舊志並誤作涪州訓
 導蓋溧活形近不及見碑審正耳
 通利橋碑 成化日年石舊在南柵華家橋今佚文無攷
 嘉應廟置地碑 嘉靖十一年正書在嘉應廟午王殿額篆
 文二十四行行五十七字據拓本載文
 潯南嘉應之廟置地碑記
 烏程縣庠後學里人五槐錢針撰
 湖州府庠後學里人雲亭慎言篆額并書
 周恤保護者仁之施艱難捍衛者義之奮禮重酬報之典
 詩嚴奉祭之誠惟生無愧於秉彝則歿必著靈於斯土而
 招徠人心之有孚也此潯南崔承事李承事之神所以肇
 有宋迄

皇明永承而弗替者也維神在宋世居安吉州之南林市
 專務德施不殖厚利其宅心處事並可想而考也歲歉則
 賑施無靳寇擾則躬率以先市賴不易戶藉以全卓故陳
 江州之伏眾偉矣田北平之高風飲德之下圖報罔忽故
 于二公既歿之後而葺宇肖像以祀之嗟鼎湖之龍去矣
 方返念雷陽之竹枯者復榮夫神既奠位靈亦攸彰旱澇
 疾疫祈禱輒應鄉人益虔而謹也肆精誠之有感宜於鄉
 之如存嗣後歐蝗制暴庇疫卻寇一境以備皆神保衛之

志廿七 碑刻三

三

功也毋庸焚瘞絕勝捕使之煩長活凡羸不假惠民之局諒非睢陽之厲鬼殺賊要亦杜回之結草效靈且已被者德澤難泯者人心此七巷父老於咸淳六年正月撫其傳見類其事迹上之州鎮具實以聞制曰可賜顏嘉應以寵異之不闢神休陋鄭僑之立後維新天寵非陳口之要君閱歷元季迫入我

朝兵燹雖經廟貌如故數逃劫火之炖靈光歎羨地歷三朝之久金碗無虧又以見神澤深逾遠仁高益增三百餘年之間人心無一日不在於神者豈非以秉彜之德有所感耶望河思禹拯溺之功攸存瀕海仰韓制暴之恩尚在

志廿七 碑刻三

五

邇當嘉靖壬辰潯之宿德鄉耆有事於廟者僉謂視此若等傳舍歲久世易焉保神棲之如故哉觸目興嗟乏丞相緋衣之兆深思長慮解翰林犀帶之珍于是群而謀曰非食無以養生非土無以充養若資托鉢恐非常住迺各捐已有增置廟西百步許稅地一坵計若干畝以畀司廟者喜抽囊橐之儲給孤嫗美緣結津梁之具眾善同盟夫養有所需情無異適廟免傾圮之虞神享棲遲之境矣維經營者固弗罄其心則典守者不得辭其責斯舉也義舉也蓋神之德普久口於人而未泯而人之口德又合於神而無遺所謂曠百世而相感者良足徵矣由是香火不斲於

焚脩鐘鼓聾聲於旦暮洋洋儼若甘棠動後日之思奕奕具瞻禾黍息故宮之嘆豈曰小補之哉若創義諸君姓氏廟貌并地四至歲辦賦稅等項具列碑陰永為定式後之好義者擴而充之庶有考也於戲鑿井濬來源之脈造車溯往迹之機義問宣昭熙耿光於不昧高明陰隲介繁祉於無窮銘曰 於穆嘉應 崔李之祠 肇宋歷元 入

我 明時 閱歲三百 兵燹靡隳 維神之存 好子樂施 倡率禦寇 安堵樵炊 維神之歿 歐蝗係釐 不顯神武 狄寇潛馳 仁聲義問 日星炳麗 民飲厥

志廿七 碑刻三

五

德 立廟歡趨 旱澇疾疫 叩若著龜 饗祀安侑 罔敢后期 州轄上請 賜額盤螭 南林之陽 草木生口 爰及嘉靖 世遠風移 餘韻未艾 感集鄉耆 迺置斯土 恢廣葺規 衣廩典守 廟貌何虞 神既宅口 俗恬口熙 口口廟口 載樹穹碑 千秋萬禩 視此刻辭 大明嘉靖壬辰仲秋中浣之吉立石 姑蘇口思敬口 嘉應廟置地碑陰 嘉靖十一年正書文不錄 劉麟辭金記 嘉靖十九年楊上林撰文徵明正書并篆額 二十行行三十四字文不錄

〔孫履元跋〕記所稱大司空坦翁先生者劉麟也麟字元瑞本安仁人家于金陵〔宏〕治九年進士知紹興府罷歸寓湖州與龍寬陸崑孫一元吳琬稱苕溪五隱官至工部尚書卒贈太子少保諡清惠方麟之出知紹興也劉瑾銜麟不謁謝旋摭其細故罷斥為民士民冤之相與醵金以贖其行麟不受因為建小劉祠以配漢劉寵見明史本傳今觀此記始知麟歸隱後復有辭金事信乎清介之節老而益堅也按記者楊上林字子漸南直山陽人嘉靖十四年進士知長興縣任滿陞給事中去書者文徵明書此記時年蓋七十餘矣麟亦嘗至南潯訪

志廿七 碑刻三

十七

袁承之于法華庵不值留詩二首事在嘉靖癸巳

長興縣龍津前溪兩橋記無年月楊上林撰文徵明行書石藏溫文銓家額篆書兩橋記三字文十七行行二十九字文不錄

〔孫履元跋〕明史劉麟本傳麟罷居郊外南坦賦詩自娛守為築一臺令為構堂始有游息之所及觀此記始知臺名南坦讀書臺堂名賜隱堂也府志名宦傳楊上林嘉靖十五年知長興縣遷吏科給事中而此碑題銜云賜進士第戶科給事中前長興縣知縣然則上林由知縣陞戶給非吏給也此碑與前辭金記俱在黃龍洞吳維山莊今在吾潯馬家港溫氏

吳一鵬傳刻石嘉靖二十年方鵬撰文徵明正書石舊藏宮保白樓先生吳公傳九字八十八行行二十三字文不錄

嘉應廟義井題字隆慶三年正書在嘉應廟大殿外未拓據鈔本載文

義井 隆慶三年臘月重口

朱氏南阡表無年月石舊在南柵外朱經墓上後遷葬石佚據朱氏家錄載文

太史朱文〔甫〕氏狀其大父月溪公之為人暨登二千言文

〔甫〕善敘事又自紀其家世不啻八十一老人力起稱說疇昔微賤貧富更患難諸難狀皆常人所未歷又諱不肯道者唯其辛酸鹹苦積匯于胃臆恨不一吐以盡而口財若甌不能即快意出去因濫領懷齒逆瀆舌本津津然甘焉

志廿七 碑刻三

十六

抵掌向人欲賈餘味嗟乎不有是孫誰知是祖者頗怪其舍腐儒章句去從改革人游游至婁千金獨云有天幸息過當何哉蓋其具宜可十人又有能配曰葉孺人孺人與公偕避倭寄私藏于戚婦匿之盡遂發毒死公又困于役註于奴空于燬善田產日益颺去兩子儒不售逃責無所人謂朱老且死矣是何能啖漏米粥公臨燼笑曰佳佳一片乾淨地當是時公之自視也若善泅者之脫於舟也曰是安能死我其視回祿之洗故蓄也若畫師之遭不韻人漫繪壁畫也振袂而矧曰吾固在自是為生益壯貌加腴日延賓師以儒其諸孫或令與長者策古事文〔甫〕輒多則

大喜酌客為兼日飲蓋公自食儉甚家人嘗私作粉丸見之大怒以伺豕唯恐以一嚮減賓師奉也南阡者公所密營以葬其父民畏公震母錢沒則身耐於側地不三畝十餘家共之直踊甚圖之三十年乃得其四圍唯正中可三丈未雋而為人所覺父時故傭奴某倚某氏垂涎焉公以計券地主而倍之直其夜掩以空櫬明日獨身來大呼奴父子若來我與若赴水奴大驚悔已後之不敢復爭假令淹一夕阡不朱矣文(甯)既顯人皆曰南阡良南阡良其父老曰是有天焉是能周急焚券忍橫逆不報者事親孝生養死葬不忍勤三弟弟賈而室皆出於是是有天焉史輝

志廿七 碑刻三

九

氏曰近時言人家世即不儒必塗傅仁義使若儒者乃已嗟乎仁義者生民之家有也而豈其儒者物哉在儒則賢在賈則賢天視仁義之所在而已安見其儒乎賈也公故鄰有鬻革者諸孫或掩鼻公大罵曰乃祖初業此聲聞於天以有今日孺子何有哉吾以是知公之為人文(甯)言公嚴冷每當戶坐則子姓輩足影俱絕殆松柏乎其剛樸者也少時與董宗伯份同學每以對偶誦董董既貴猶兄之公亦竟老不少為屈云吾故表厥南阡以待世之能取於公者公名經字朝綱月溪其別號餘則有文(甯)狀在賜進士出身石春坊石中允兼翰林院編修巴西黃輝撰

節孝紀貞女碑記 萬曆二十七年石快據紀貞女事實載
萬曆己亥湖郡列中閨貞節若而人請之當路拜表以示風其一范秀才之妻朱氏於不佞為姑劉宮允曰

(甯)碑記紀貞女里中人也非不佞莫可任者貞女於隆慶辛未生父有經府學生三歲父死母徐氏年二十七無子而貧伯貢生有章哀而撫育為擇婿得烏程監生金栻仲子來聘栻有家教其子督之甚嚴來聘年十七應試不得志憤死貞女聞報即欲赴母曰徐之俟媪下見汝父告之故必天以汝賜金氏為鬼妻者乃可貞女業頓毀於是抑忍強奉母湯藥而泣下時時春雨暗坐或割然一聲聞者

志廿七 碑刻三

三

欲裂久之母聞且歎曰媪病日益無復倚賴聞有寡婦不聞有寡女金氏子眉目汝定識何如而強作耦情汝伯待我厚又讀書知大義亦以為不可若誠有意為生者計乎儒者之吉墳於戶外病母觀其盛體且霍然不然是汝實死我而金氏又不汝德也貞女益頓地不能起曰人誰無死必母以兒故死兒請先之於是母亦病死而貞女兩悲度無可奈何則一意盡命於金氏卒哭不擇日遂行是為戊子十二月八日憑棺踊絕舅姑亦掩耳不忍聞得密室以居見舅姑拜且泣曰兒不能代匹者定省使他人見其面亦不敢付身刀圭尺組以重貽大人憂有撫枕待盡而

已嗣姪基之子紹錄縞服茹蔬凡十年丁酉七月六日死
朱史氏亦流涕曰天乎何貞女之酷而使吾輩執管以從
也綱常倫紀人於天性然矣氣不足帥志於是臣背君子
畔父婦棄夫女也列於婦以徇為矯則夫草莽之士遺腹
之孤未食祿未入懷而曰非臣子可乎哉貞女一身亦作
者不忍遽下之筆矣即

天子以允綸相副而神有知乎無知乎抑在帝所得請而
然乎今夫

載錫之恩牽於文法動經歲年而學人上下千古叱嗟可
辦故華袞之辭與王者敵亦惡知不朽大計在彼不在此

志廿七 碑刻三

三

宮允氣烈人也操觚抗慨吾姑賴之以傳不佞文章遜劉
遠甚而氣次之甯有所自負且不足而取若人妄加描寫
為嗟乎貞女病不進藥其歿也畫工欲圖其貌竟不可得
夫身與遺像且不欲畱而況遺行表表使知世間有不可
奪之女子哉名蔽穹蒼世世血食金氏來聘藉之以永天
乎誦其生饒其死所為報貞女者厚矣足矣

賜進士第翰林院檢討徵仕郎同里朱國禎頓首拜撰

按記中言范節婦碑記劉宮允撰石既久佚文亦無
攷故不復列目

廣惠宮鐵爐銘 萬曆四十二年陽文正書在南欄廣惠宮
平列口歷歲次甲寅口口口立十一字

文十一行行五字惟第五行六字據拓本載文

惟甲寅丙子甲戌戊辰日迎斗杓月集龍宮歲德月恩左
右乎四相鼎建明器載燔寶鑑以薦春秋祀事孔明世世
萬子孫肇禋用有成 淮銘

張丹山潯溪棹歌注廣惠宮鐵爐係沈文定所銘太監
某監造後人磨去瑞名移置彌羅寶閣階下

祇園寺鐵羅漢題字 無年月正書在寺中為金裝所掩不
能拓文不錄

東藏寺碑 萬曆四十三年草書在東欄東藏寺地祇殿額
篆書東藏禪寺碑記六字文十一行每行字數
不等據拓本載文

東藏禪寺碑記

志廿七 碑刻三

三

余為郡無暇日而南潯僧淨 淨錄
誤靜脩以為有暇日也無因
至前一再乞東藏寺碑彼直以方便為因緣耳爾時與僧
約此種文字公案安得公事中了之解郡為期可乎僧諾
而起意非謬即誑耶歲乙卯八月太守秩滿遷江右去扁
舟野水 淨錄
誤外真成退院閉僧言在耳拈筆作記示無誑
焉按寺在烏程之南潯鎮布金為堂經始於黃潯陽先生
塔願 淨錄
誤願未就先生云匹其子若孫輩捐俸產飯眾僧以
成先志予惟我

世尊法中無誑語口業四誑居其一禮示童子無誑況於
僧乎剝除鬚髮合同嬰兒舜五十猶 淨錄
誤而慕無異稚子

子憶念所生養育恩僧憶念本師法乳恩非其言毋言非其事毋事破慳去執滅或淨照無誑之大者也無誑者誠也誠則形形則著著則明明則動動則變變則化在

我

孔子法中甯非義殊旨類者哉故曰大人者不失其赤子之心者也子二誤年之間作過萬千負民負

主誤其為誑不可勝言而且口實於無誑增之業耳故

藉東藏寺碑作懺口業文

萬曆乙卯後八月十有六日屋庵居士吳文企識 本寺

沙門智謙誤集 晉誤右將軍王羲之書 吳門

志廿七

碑刻三

三

杜國禎刻

沈登瀛南潯備志吳文企字幼如號白雪湖廣景陵人

萬曆二十六年進士四十一年任湖州知府四十三年

陞江西副使即乙卯歲也是歲閏八月府志名宦有傳

妙法蓮華經塔碑天啟二年李貞正書在報國寺殿庭東壁文不錄

張丹山潯溪棹歌注碑小楷精卓不減麻姑仙壇記舊

已埋土中後人復植之牆陰惜已殘缺

沈登瀛南潯備志末云明天啟壬戌歲次季夏吉旦佛

弟子吳興董廣曙捐資施刻法華經塔供養於南潯報

國寺中佛弟子古欵李貞燕沐拜書吳門杜國禎盟手

敬鐫蠅頭小楷秀行斜上精妙絕倫非特書法之工刻者亦名手也惜中斷不能全揭矣按廣曙即董斯張

藥師琉璃光如來本願功德經塔碑天啟七年智謙正書在東藏寺大殿後文不錄

沈登瀛南潯備志碑題明天啟七年歲在丁卯嘉平月

癸丑朔甲午吳興董副茂建前有弟子董廣曙跋後有

厂屋道人智謙樂談跋吳門杜國禎敬鐫亦法華經塔

之亞也

褒能寺佛座題名崇禎九年在南柵外康王寺中文已載寺廟

極樂庵長生田碑無年月正書在東柵極樂庵額篆書喜捨極樂庵長生田碑記五行行二字碑

志廿七

碑刻三

三

分十列首題捨田檀越芳名六字列姓名一百十五人 文不錄

補遺

董份妻顧淑人墓誌銘殘石無年月正書石在舊園街沈鏡澗家首尾俱缺存二十五行行二十字文不錄

按此誌董氏譜載其全文千餘字王錫爵撰沈桐篆額茅國縉書丹文云淑人卒于嘉靖甲寅卒二十年而始獲安其室當在萬曆初年矣淑人墓在吳縣光福青芝山此石蓋未納壙中而藏於家者今沈氏所居即董南谷浩故宅也

董嗣成臨樂毅論刻石萬曆二十年正書石無收拓本三行每行字數不等末題壬辰三月臨於濟南道中文不錄

志廿七

碑刻三

董

董嗣成臨東方朔畫讚刻石萬曆二十年正書石無收拓本并自跋共四十一行每行字數不等末題壬辰三月廿日在淮南道中寫文不錄

碑刻四

汪曰楨撰

南潯鎮志廿八

大清

長生塔院記

順治五年董漢策撰石舊在南柵塔院今佚據張志載文

余自丁亥歲始好為瞿曇家學夏五與同人習梵唄於烏戍之古山寺有曳杖而過余者為漁庵禪師芒鞋雪髮形似壽藤即席無遜讓輒論止觀兼談參學不半响曳杖去臨別顧謂董君云潯南有片席地在古長生寺傍為君家故物盍授老衲終老焉余唯唯師遂去不顧越兩載又有挾刺來晤者為此山禪師此山禪師者即吳門孝子周澹成寔漁庵之法嗣也時漁庵已歿為伸請寺傍地將瘞靈

志廿八

碑刻四

一

骨成先師之志余遂舉券授之此翁既為其師建塔遂誅茅左側朝夕禮誦用酬法乳亦如向年廬墓時呼天而醴泉發攀條而羣鳥哀也居有間余方鍵關薄溜夜夢羣鬼千億計環余書屋叫號悲嘯不少休或斲骸折肱或挈童戴白其強壯輒操戈鋌以來漸相逼余以所執玉如意擊之鬼即敗退伏地搏額云我等所以來皆兵火之後絕命喪軀者遺骸沈草莽無藏埋地願先生為熟計之余試舉近壤某所羣鬼輒不意為舉長生塔院則粲然願往余即呼令前去去至院中方與此翁坐話緣起廡以外嘈嘈如沸禁之不可有侍余側者緇袍角巾若世間吏狀操

簿書白事云若類眾多法令難過必分其州閭庶免轔轔矣余領之吏即草禁約懸廡下沸聲適息覺而異之平明余即走東此翁備言前夢遂捐貲倡始勸募鳩工焉凡建塔二區直漁庵師塔之左右繞以長垣蔭以封樹廣收遠近遺骸之無主者及居民之喪無葬地者分別藏兩塔中工財無侵幽明以和嗟乎叔季以後掩骼埋胔之風不可復見矣吳越固多火葬危橋廢址散漫憫懼抑且干戈相尋枉亡載道青燐夜起衰草悲風何族何名莫窮端緒黎邱之飛魄空啼凶厲之崇壇不祀於斯時也有一開士為擇吉壤覆藏而祝嘏之九原有知必共歡慶此疇昔之夜

志廿八 碑刻四

所以見夢於余也耶則是役也以公師仁以廣錫類皆此翁之志不可以不記余故備書本末刻石塔傍使後來者觀覽焉

塔院捨券 順治五年立石九年續刻正書舊在塔院中今佚據河錄載文

立捨券董帷儒向有本宅老貳房家人張安結欠本宅借本將鎮南長生寺券筵四圩地二畝七分五釐平屋四間抵銀四十三兩至順治戊子仲春臨濟天倪老和尚法嗣此山禪師懇施此地為天老和尚塔基并建普同塔本宅今將錢項地屋俱捨訖自他均利緇素咸安亦代為故僕作福也況此地故僕得之長生寺僧復歸空門元稱至便

立此捨券存照

東至長生大樹 西至張家田地 南至張田董田

北至河

順治五年二月 日立 董帷儒 押○名上有印 董帷儒二字

信士董雲襄今有筵四圩田七分坐落長生塔院前願捨為放生池自後任憑開墾此照

東至長生樹 西至董田 南至張田 北至塔院

順治九年十一月 日捨 董雲襄 押○見捨丁文在 章施

虎臣 押

三禪師骨塔題字 無年月正書在塔院中文已載祠墓

志廿八 碑刻四

普同塔碣 無年月正書在塔院中文已載祠墓

張丹山潯錄塔院捨券碑在山門左旁天井內塔在韋馱法像東偏牆內地藏殿天井兩旁有塔亭兩座

重修雲興寺碑記 順治八年董漢策撰在北橋外雲興寺文已全泐據筵翁內篇載文

潯水北奔入具區猶建瓴也其北者觸岸東折俛行數十里而後循軌順流以達五湖嘗試憑高睇之見其奔也如怒其伏也如阻其流也如兔脫檻而鋌走焉當其阻有古刹匯之寺影蔽溪流數里復見又試訪諸父兄曰此古雲興寺也宋元祐間創建至元末燬矣萬曆甲申宗伯公復捐資募眾信整飭舊規蓋六十餘年而後頽廢也夫寺自

宋至今方五百餘年耳幾經興廢其間風雨之所剝蝕兵火之所焚燬寒烟秋蟲之所棲宿不知凡幾而潯水北奔如昨昔故曰物之麗者輒有遷流大抵然也辛卯秋印翁叔復起而更新之不一月軒葺如刷倏已改觀往來稱歎謂此不止為宗伯公誌不朽且為元祐諸公誌不朽也于是寺僧明心者昌言曰寺有興廢率苦無恆產使有田足以給行腳則眾信所捐捨以葺堂院不難遂發願結千人緣立產為贖僧計請記于予予嘉其志謂元祐諸賢倘計及此則寺當至今存夫物之蠶者壞極有事則趣于太平又大抵然也自今日以往倘有樂山水而遊如張志和棄仕宦而遊如范少伯藉吏隱而遊如杜樊川者放舟具區渺然無際而憑眺之暇藉寺憩息南望潯水憶我潯中人石能重新此寺如今日則且與吳山越水同其春秋豈與廢所得限哉是為記

志廿八 碑刻四

四

重建張王廟碑記 順治十五年正書凡二石在南柵廣惠宮三清殿右壁據拓本載文

廣惠宮者起自北宋治平年在鎮則為鄉約所奉道則為

張王廟或曰 三清殿閣南渡至有明數百餘載其間

葺輯概不勝記惟萬曆四十八年傾圮垂斃道士朱太和

虔脩告飾中堂 平涵朱公感之樂輸與董氏醮錢遂爾

復興嗣後思宗十年迅雷暴雨烈火風捲一時殆盡誠異

事也而說者以為外立

王天君火官位尊內設 張大帝水神體卑故各施明通

雨火陡發然終屬無稽姑不具論特原思宗暨今二十餘

載莫能復興住持沈允修腸日九迴與其徒臨瑜擊榔拖

鍊誓必重建癸巳肇業丙申豎柱較之太和殆無以過于

是士大夫及商賈咸憫其誠而樂為助究以兵荒財盡戊

戌尚未獲雋乃銓部 蘊公沈公者以宏慈普濟之德錫

蒼生于丁選一時權畧之惠佐萬年之香火牆垣殿宇率

爾告就蒙其庇者雷止家祀戶頌已耶即

三清若有藉云詩曰靡不有初鮮克有終諺云行百里者

半于九十皆言末路之難也然則允修不遇銓部繕其後

雖如太和之值中堂創其始亦無益耳故廣惠之成當以

銓部為第一云

志廿八 碑刻四

五

武林流寓道人張初龍潛閣氏撰 此上第一石

護法 金之俊 董印科 沈焯 朱岫 唐順

唐彥暉 莊允城 朱錫如 張中慮 張初龍

董靈預 董麟科 董衡 錢威 董渠成

董崢 董嶸 莊允堡

本鎮油坊典舖鹽木各行與諸善信名雷梁木不及

細載

領願 紀振源 楊心海 龐仲卿 姚懷宇 紀仁甫

于培之 陸允源 金湛文 張德甫 王楚三

蔣白雲 李建宇 沈成章 鈕孟爽 徐念卿 丁季源

錢雲岐 閻楚雲 滕憶梅 顧孟甫 李慕橋

袁振寰 蔣文生 陸澄源 金仰山 潘仁樓

金諫卿 毛瑞甫 沈駕甫 曹思竹 崔順甫

勸緣 朱文明 陸君祝 蔣冲宇 沈友梅 呂秀竹

盛敬橋 毛悅樓 陸瀛洲 方振宇 朱舜章

陸含章 鈕又文 袁耀甫 沈稚卿 姚錫卿

沈清宇 計友溪 倪愛溪 陸君宇 張蘭石 潘敬湖

志廿八 碑刻四

六

張順溪 王奉吾 陸心宇 韓君茂

係副 貝仁宇 錢蘊先 金西溥 沈冲源 王周生

沈敬河 嚴體由 沈師啓 胡奉溪 張敬溪

張奉臺 鈕振山 李爾朴 李元貞 毛欽甫

朱思源 錢思山 凌采臣 沈仁甫

順治戊戌歲元月 吉旦本宮 首道 紀錫元等立

若隱道人屠士杰書

旌邑梓人湯 元甫 鎬 此上第 達甫 二石

按題名中朱响即朱佑明董麟科即董漢策

重修通利橋碑記 年月未詳董漢策撰正書在南橋通利橋東城華家街口額通利橋碑記五字

平列文已全泐據笠翁內篇載文

溥之南宋元時為安吉州路設縣曰鄆至今衢砌井登往往見于嘉應廟側有橋當其衝曰通利鄉人指為華家橋云自宋元迄今千有餘歲中更興廢而里中長老乃重葺之或請記于予予曰嗟乎立乎今世以指宋元溥水湯湯固如昨昔矣其間城郭樓櫓雲鶩梅盛如連霞散如晨霧不知幾何也抑毋論是即斯橋之左右古刹如南林長生者紺殿互十餘里縱廣約百畝澮梵相貝書宏鐘寶鐸麗若繪續今且聲兆杳鬱沈為荒原行行周道顧瞻太息賴二三耆宿拮据之餘僅存遺址而蟲蝕秦經苔侵蕭榻

志廿八 碑刻四

七

一俯一仰感懷繼之則斯橋尚存幸也雖然凡利物者壽自利者天當日溥以內外金馬畫舸傳呼火城中得勢則驕失勢則如惟私利是圖故兵燹威棱為之浣濯獨斯橋也于朝涉則鄭車于焚脩則葦渡于避地則桃葉于行遊則烟艇不自言利人咸利之故歷數代而至今猶存且更新如昨昔矣今溥中萬家烟火往來目為小都會乃至自燕秦而南者謂千里無與匹偶余願里中諸父兄學橋之鄭車為叩寒學橋之葦渡為指迷學其桃葉也烟艇也為知幾與高蹈則將以橋之壽壽諸父兄又管考之載記當時有華府君者能行仁義凡里中利物之為莫不為則斯

橋名屬華氏殆其人歟又不知府君曾仕歟否歟仕則介
宋元之間干戈方熾利物最難而不仕更難今去府君世
遠矣其指畫幹辦焦心勞思不可得見而橋至今存暨佐
助府君者贊歎肩勞瀦塗襪刷不可得見而橋至今存其
怨詈府君者擲揄嘲唾瞠笑罵不可得見而橋至今存
嗟乎斯橋尚存幸也予小子敢不以貞珉壽之使千百年
後頌諸父兄功與通利橋俱不朽

沈登瀛南潯備志據史志湖州南宋改安吉州元為湖
州路今日宋元時為安吉州路甚不分晰又自秦設縣
以來吾潯惟晉宋齊梁陳屬東遷前後皆屬烏程今日

志廿八 碑刻四

八

設縣曰鄆此野老之荒談也至云宋元迄今千有餘歲
則幾為桃花源人矣華府君名文勝為江州參軍故報
國寺布施記稱華七府幹則固嘗出仕矣咸淳六年嘉
應廟牒有父老華元實即文勝之子是時文勝已卒宋
猶未亾亦非介宋元間人也

禁革舉報倭長告示

康熙九年正書在西柵祇園寺文不
錄

萬善庵碑記

康熙二十八年董漢策撰石舊在北柵萬善
庵今佚據張志載文

潯北萬善庵始于明季啟禎年間有東明承遠兩比丘尼
皈依弁峰瑞白禪師已久篤信向上募潯北隙地于旌
節先慈願孺人遂建紺殿稍葺厨漏辛卯壬辰之交延陽

山崧濟師住持二載未底厥績歲在癸巳潯鎮善信咸稱
嘉禾保壽院常一大師道行高妙於是金表嬪嚴太夫人
同先慈暨皇甫母周孺人具質信請師住萬善方丈師係
普明二巖和尚法嗣寔臨濟宗二十九世幻也和尙之法
孫也當是時先慈與嚴太夫人係中表妯娌皆信乾竺稱
同志恆有事于靜修朝夕清齋若雁行焉以故善功無不
舉舉必有成如萬善延請高禪其一端也人謂大師禪宗
傑出必以拈頌棒喝為事而師殊不然專脩淨土其儀軌
略似雲棲而仍重參學以故遠近翕然歸之不數年堂宇
宏敞金像煥赫復闢庵右第圃於是香積寮廊咸備經今

志廿八 碑刻四

九

三十七年矣潯之人若不知有大師住萬善方丈者亦無
莫冊乞請在鄰近者師殆所謂禪淨雙脩堅持密行者歟
夫禪與淨固兩無礙且兩相益也今試拈一句稱名而直
窮落處則知識絕思維斷忽爾漆桶底脫得大休歇然後
水盡山窮坐看雲起彼落日金繩寶林珠閣風聲鳥語如
影響現則成就慧身不由他悟是為萬善具足較諸莽蕩
撥無者相去不啻淵哉以故出大師門下者遵守斯旨如
首座持真永齋等十餘人皆成令器今師年七十餘以書
抵余請為記余追維先慈捨地敦請之遺志今幸有成不
可不傳述也於是乎書

重修東藏禪寺碑記 康熙三十年正書在東藏寺毘羅殿庭左側據拓本載文

粵白碧曠飛錫江東肇起於赤烏珠字傳經維下宏基於

白馬辟支佛現綠玉成臺舍利城標絳雲覆院當承明宣

化之日正武肅射潮之秋由是於越仁祠鷲在山而若舞

勾吳精舍猿就洞以如歸寺所由來爰云舊矣潯水東偏

有東藏禪寺者地當江浙之交山集魚龍之座固茗水南

來第一名藍也有明神宗時先大宗伯金門納履為投老

之泉夔蓮社揮犀乃閒情之蘇白適遇雲棲大師靈雨沾

花比雁宕之智者慧雲燭日繼鑪峯之遠公始仁識夫鈴

音便聲聞之契合既一通乎玉札遂心地之皈依水乳交

志廿八 碑刻四

十

融鍼磁互入侍中別院盡付光明都講家珍悉歸崇化更

有華亭秩宗儒林祭酒方讀書於中秘已證真詮雖翔步

於木天心參密諦林間支許咸聆屑玉之清言方外雷陳

洵號斷金之元契大檀越現宰官身而護筏豈見僧疵善

知識依菩薩戒以建幢能調物性金闕獨揚宗教賜紫伽

黎璇宮請設師容演青蓮果紅樓鬱起俱盡地以布金紺

塔高凌復從空而砌玉手植庭前槐樹枝似青銅風來閣

上鯨鐘聲伴元鐵泊乎尚書折簡特叩微言大士飛牋親

宣與旨現三身而閱世侶乎世有去來設七處以徵心實

則心無生死遂使無知木石亦證虛靈甚而障法波旬皆

為外護香雷鶴王之舍功雖欠於合尖玲瓏鷲子之軒德

已幾乎配吳覽千年之海水方觀一清延百禩之真風已

更三葉心嘗薄乎吐鳳夢每愜乎懷蛟何人敢檄北山有

願棲真西土於戊辰清和之月際康熙廿七之年策敬踵

前徵聿開新範因考蓮祖於五世特延具空之法師爰諷

貝葉於三年實建大悲之懺法矢志霞衣塔護智慧重輝

齋心寶樹燈然沉迷立救主東林之繼席又觀花開必鉢

之枝新遠祖之華幢重開烏轉菴羅之樹將見三千蠅子

悉曉聽經五百魚兒咸能悅性則百句止觀爾為有漏之

因千夜槌空便結無生之果於是鉞諸紫篆勒彼青珉後

志廿八 碑刻四

十

貌蹲無量之碑使繡蟠於薊蕞最屬架頭陀之碣看織紉

於吳蠶

里人董漢策撰文

董毅士書丹

同里殷 阜題額

康熙三十年歲次辛未四月八日建此下有里人及沙門題名木寺田地畝數

檀越助資眾姓並不錄

放生河題字 無年月正書在東藏寺山門旁

極樂庵西偏留嬰堂碑記 年月未詳董漢策撰石在極樂庵文已全泐據董志載文

王道無私靡不覆載天喬蛸蠨尚涵煦之何況嬰孩之甫

離母懷亟須係抱哉昔

世祖章皇帝誕敷親仁既已恩浹四海嘗

諭侍臣申禁溺女於是京畿之樂善者建育嬰堂分命阿

保專以收養棄孩為務於中每月放生兼惜字紙月之八

日士大夫畢集觀斯勝舉者輒隨量喜捨福利日崇愚曾

躬與良會慨然思古之仁覆天下者幼孤長扶禁槎孽畜

鯢鱣太和在宇宙間上動飛鳥下亂沈登瀛按淵魚如是

其廣大也諸省直皆遵行已久吾潯彈丸地耳既不能附

省郡行大利益又不能獨狃寬廣屋舍以容乳嫗良足太

息幸里中善信十餘友與沈子匡夏捐資建三楹于極樂

庵之西偏以集同志做吳門現行條例廣收棄孩載送吳

門之育嬰堂費省而功宏其利溥矣愚於是願請益焉一

日廣募助凡建善功必集羣力若使先期募資儲以有待

則任事者無匱乏之虞為善必力矣一日廣勸修善政豈

止育嬰凡民之疾痛無告者婚喪莫辦者患難莫救者二

三同志月中會集茗接清談挑剔善事設勝沈登瀛按方

便次第行之則仁施洋溢庸詎知非王道之一助哉孔子

曰吾觀於鄉而知王道之易易也願與同人共勉焉是為

記按文中亂字勝字並不積善庵刻石康熙四十四年正書舊在積善庵今在磯沙

志廿八 碑刻四

三

江南徽州府休甯縣信士弟子黃祥喜助街沿一帶崇祈
早生長命之子諸謀遂意闔家迪吉福有攸歸

康熙四十一年孟冬月立

重修祇園寺碑康熙五十三年正書在祇園寺據拓本載

潯溪之祇園寺勅建于蕭梁關乎一鎮風水而潯亦漸成

一大聚會歷唐宋元明圯而復興凡當道入境蒞任者例

於斯接晉紳耆老訪土俗民風寺固必不可傾圯者也順

治初分兵于潯越五年而移寓祇園戎馬蹂躪僧眾散盡

荒穢不堪歷有歲年有東隱和尚過此矢願修葺賴寺隣

隋雲卿勸分三載而不得興工屢呼將伯于□□□□□

守又適地方有修塘建橋之役徘徊久之然東隱之誠不

可□□□一旃檀會得友二十人各先輸三金為首隨眾

勸募不踰年而堂殿告成榱桷改觀予固與會友悉心經

理是藉諸善信樂輸之力也工既竣恐善信姓氏湮沒爰

命工勒石以垂不朽并工料附焉夫東隱之始而不得興

工也眾咸以緇流與僧徒雜處無別或指舊務可安伍或

置附近□遷營□□□□□捨而卒無成功豈其間亦

有或使之或尼之者耶則夫遷徙營房為□闕第一善事

予固以暮年重聽有志未逮端有望于將來之大護法者

共收銀三百三十二兩三錢一分零共用過銀三百

志廿八 碑刻四

三

四十二兩四錢七分零開列如左此後有捐施善信價目並不錄
大清康熙五十三年歲次甲午八月 日里人丁有源捐
貨刻識

按碑以寺為蕭梁勅建較貞觀勅建之說尤妄

廣惠宮碑記康熙六十年行書在廣惠宮未拓據淳錄載

靜涵道師持法於潯南廣惠宮一日者錄其歷來碑志哀
次成帙屬子曰此先師墜言願有記也按宋治平間建靈
濟張王廟即祠山大帝行宮中為三清殿後為東嶽殿此
廣惠宮之緣起也由南渡以迄元明壞成不一萬曆四十

志廿八 碑刻四 西

八年起其廢于灌莽中蔚為寶坊者住持朱太和締構之
朱董兩巨家仗助之此廣惠宮之中興也崇禎十年暴風
迅雷一燬而盡附會其說者謂雷部與水部雨火激射亦
荒誕而不經遷延至

本朝順治十五年方得重建頓復舊觀謀始則住持之沈
允修落成則里紳沈銓部此廣惠宮之再興也殿東北隅
創為彌羅寶閣廣袤五丈有奇高三丈有四尺上奉昊天
至尊中供闡明斗姥尊繚迴帶寶相莊嚴縹緲飛霞彤髻
眩明則住持沈允修與靜涵師募不辭勞徵君董惟儒暨
諸善信樂輸廣勸厥功偉焉此廣惠宮之大成也予不禁

喟然歎曰凡事之興廢豈不以人哉彼王侯第宅千門萬
戶無幾何時而高臺傾曲池平矣方外羽流守此十笏地
卒能故者復新隘者漸廓發宏誓願積黍成邛人之所關
良非淺鮮昌黎有云莫為之前雖美勿彰莫為之後雖盛
勿傳其靜涵師徒之謂歟雖然有天意存焉不可謂非神
之靈也嘗攷碑史載祠山遺事云帝姓張名棟生而神奇
將引茗書二溪之水通至廣德身變豬龍掀泥掉石被家
人窺見遂不果後成祠山之神夫六十里之水路未通帝
之所遺憾也江鄉山谷香火繁盛潯溪一鎮祀事綿長何
莫非帝之所式憑也又況亦臨亦係斗閣崇隆天人感召

志廿八 碑刻四 五

之徵在呼吸間乎予故為述其源流而系以銘銘曰碧潯
深洄毓地靈街市合沓闔闔盈祠山廟貌垂千齡彌羅寶
閣新崢嶸琅函紫笈金光騰鳳幡月駕凌蒼溟赤玉龍書
呵百神周元初後傳雲初天樞掌奏廣惠尊宮名恰合如
師承元宗法派出青城紺琳永護人天驚翠巘有石潤且
貞磨確鉤畫鐫斯銘

康熙六十年歲次辛丑文選司郎中清溪談九乾撰知德
清縣事錫山徐珽書廣惠宮住持周道昱勒石
按石嵌府城隍殿左壁為侍從塑像所隔未能椎拓
禁除錮弊告示康熙六十年正書在祇園寺額題奉憲節

義塚碑 年月無攷在縣里義塚地文已全泐

一線泉題字 無年月正書在西柵柵園寺後

姚允修生墳志 無年月在南柵萬古橋西額正書太學姚允修先生生墳志五行行二字志文未刻

重修嘉應廟碑記 雍正三年夏光遠撰石舊在嘉應廟今佚據董志載文

考之祀典凡有功于民社者則祀之故村鎮之有土地猶

郡邑之有城隍也雖在窮鄉僻壤一隅之地方井之中必

奉一神焉以為福國佑民之主況于日中為市烟火萬家

較于郡則不足較于邑則有餘者乎崔李二神嘗捍禦巨

寇出金錢粟米以活潯人一時之飢饉者得以蘇困故其

歿也建祠以祀之錫其廟曰嘉應尊其號曰明王吾潯之

志廿八 碑刻四

共

民社于是乎寄所謂土地者寔昉于此自宋以後其廟之

圯而復葺者碑碣無存莫可深考前嘉靖壬辰予六世祖

朝端公捐貲闢地合鄉之紳士而力新之讀其所刻石猶

可想見其規模焉數百年來風雨剝落金粉零星雖香火

依然禱祀如故而廟貌之不堪已甚夫民社之所存而神

不得妥閭閻之責也祖宗之所舉而後不加修子孫之過

也余嘗履其地而歎歎者久之謂得有人焉起而任募建

之勞以冀重新之日斯亦幸矣歲癸丑僧人三默來主是

祠慨然以修祠為請予因手冊而與歎曰嗚呼其崔李二

神之靈之默有以相之也乃如是乎潯之人無不以二神

為庇當無不以二神為心者予因知斯役之有成也經營

伊始吾鄉之相勸樂輸者莫不歡欣鼓舞如給惟正之供

不二年間向之所謂風雨剝落者今則堅牢而固緻矣向

之所謂金粉零星者今則軒翺而華彩矣其峙于左者則

有藥王殿其輔于右者則有五路祠洵哉為一方之保障

乎落成之日將以紳士商民所捐助者勒其名于石垂諸

不朽因請予為記予不獲辭為敘其畧如是後有來者庶

知民社之功不可沒而予所志焉未逮者寔藉諸君子之

有以助我云雍正三年夏四月記

飭定牙稅統征分解告示 雍正十年正書在廣惠宮戲臺下文不錄

志廿八 碑刻四

七

周道昱贈言刻石 雍正十一年舊在廣惠宮今佚據張丹山潯溪棹歌注載文

禱雨贈言 江都唐紹祖

周子靜涵生本儒流去為羽客形骸成削寒流石上之松

狀貌清奇秋月池邊之鶴鬪揚眾妙宗五千道德之言驅

策羣神服十二靈飛之事惟是誓心以濟世故不晦跡以

沽名凡遇癘疫災荒厭禳祈禱如明鏡出匣展即形呈似

洪鐘在懸叩而響答而且出其餘緒著為篇章麗句清辭

坐曹唐于北面偷聲減字立張羽于下風此則翰苑爭推

文場交譽者矣茲者吳興之地亢旱為災職忝承流心懷

憂惕爰延絳節用告蒼穹登壇而玉女披衣奏籙而金烏

掩彩風聲入樹預聞管輅之占雨點隨車立應樂巴之喫可不謂盡脩真之能事得持斗之祕術也哉於其歸也句以贈之

仙根不信自蓬瀛請看形神比鶴清曾向崆峒傳道訣其知句曲有詞名魚龍白晝聞琴舞雷雨青天聽令行會見方瞳徵壽相何須人報東蒼生

本山人團瓢守拙歲癸丑六月湖屬苦旱郡侯唐公暨各當事為民禱雨召登壇實惟眾願之誠致沐甘霖之沛謬蒙獎賚愈切慚惶謹勒感恩以志不朽時

雍正癸丑九月廣惠宮道人周衍昱恭紀

志廿八 碑刻四

九

贈靜涵周鍊師 樵李王泓

汝南周子神仙客九天謫下靈秀窟家住潯川廣惠宮身通太乙陰符術狀貌清奇迥不凡秋水精神野鶴骨羽禱星冠嚴束裝琅函玉笈勤披閱有時驅神遣六丁妖魔魘魅潛逃匿從教口內喫成蜂還向雲端梯取月家法立初一脈傳况復顛仙狡獪極生平習靜大名垂鎮日補閒新句得儷青門白更填詞不數柳歐香艷豔往返清溪酬唱多流響遙分茗雪側茗雪今年患旱魃三伏炎蒸火旂赤山原高壠苗欲枯車戽良農力幾竭賴有同城賢使君蒿目焦思倍切切憑空高築斗罡壇延請仙真祈雨澤升壇

旋施靈錄祕風印羽符持斗訣羽步踟躕用告虔天曹次第勤供職須臾膚寸起層雲黯黯濃陰幕六合驚人阿香鼓數聲過眼金蛇光一抹便覺甘澍早沛然點滴飛揚到車轍感君緣章得奏功令我羽扇多生色今君辭歸洞府去長伴烟霞并泉石應知真素善韻藏更羨詩文足怡悅古人贈處恆以言我詩贈君兼惜別他時挂冠容訪君長生願乞丹砂粒

重建通利橋碑 乾隆四年正書在華家橋東塊未拓據鈔本載文

竊聞善事必勒碑以誌者示不忘也曷示乎不忘一以著前賢之能創一以鼓後哲之能興凡事且然而橋梁尤甚

志廿八 碑刻四

九

如吾里之通利橋考厥遺碑元副帥許公明成化間重脩名曰通利蓋取大易利有攸往之義迄于今已二百七十餘年歲久傾圮行者趑趄己未秋吉日起工八月吉日告竣皆同里中諸君好善捐資同心協力以故易而成成而速也非敢誇張竊效前人鐫名于石以示不忘云爾 此下善姓不錄

乾隆四年歲次己未九月 穀旦立

北迴橋碑記 乾隆九年石在雲興寺文已全泐據潯錄載文

距南潯鎮之北三里有橋曰北迴蓋以河流太激築此以束其勢使之迂迴而不迫故名其創自何人與始建歲月

俱無考或云蓋明嘉靖間董宗伯份實創建之乾隆二年冬橋圯圮五六年未克修步者不便而水奔衝直下舟行者怯焉蓋南潯之鎮市井闢開人民之富蕃百貨旁午號稱都會而北柵爲最於是其紳士吳君繼成張君文光元粲董君某等輒慨然各捐已貲以爲士民先又承士民之好義者俾各視力厚薄以爲之助橋成高二丈八尺長九丈六尺用銀七百兩有奇以乾隆八年之二月始作而以明年之八月告成由是人病涉水不病衝凡南北往來之人無遠近胥蒙其利焉蓋古者道路橋梁皆各置官以專司其事故九月除道十月成梁如春耕秋斂歲有定規

志廿八 碑刻四

三

至期則趨事赴功天下盡然是以道無不可行而川無不梁也其後先王之教既廢一切皆浸弛不治世之人安常習故取便目前又或以爲眾人公共之事而焉用一己之汲汲爲也噫彼浮屠廟院之興廢更復何與人事而崇奉其教者輒爲之經營措置雖重勞且費不惜焉如移彼之所以勞且費者而用之於此則人無不可濟物無不可利矣彼之空孰若此之實舍其實而求之空其亦不思也歟然則如數君者其識爲不可及矣先是徐君行達方謀修復未及興工以卒其子祖彬欲有以繼父志而未果屬張吳諸君捐資率先並悉力以爲之贊襄而其橋以成嗟乎

人患不爲耳爲之豈有不可成者彼挾其雄贊厚力坐觀成敗而漠然不一動於其中者是誠何心哉是誠何心哉於其成也書其爲之年月與其名氏以示後之人使得有考焉乾隆甲子茶月歸安具茨山人茅星來謹撰

按今雲興寺庭中橫臥二碑皆漫漶無一字其一當爲雲興寺碑其一當卽此記寺僧云尚有一碑已砌入佛座下不知何碑也

重建沐風橋碑記

乾隆十一年正書在西柵沐風橋未拓據鈔本載文

潯西沐風橋在垂虹橋之西南距鳳凰池不數武昔人以池名橋誌古蹟也與垂虹均創自漢代歷唐宋而至本

志廿八 碑刻四

三

朝建脩不一載在邑乘由來舊矣垂虹跨荻塘之正流沐風疏茗溪之支派人民絡繹負販驅馳寔百物之通衢爲四民之要道也橋內向因淤塞去春里中好義者捐資開濬舟楫稱便焉願橋圍石欹仄往來者咸有戒心僉議重建因鳩工伐石撤而新之址仍其舊工堅于初其規制亦較舊加宏壯工既竣復以餘資補葺垂虹尾塊兩橋圯然行旅相慶經始于乙丑年季冬落成于丙寅年仲夏凡茲工費均出善信樂施爰勒石以誌其姓氏而捐資濬河者亦得附載于後以並垂不朽云爾

此下捐資姓名不錄

此碑寄砌于周宅牆垣西面立碑工料併吃用一兩四

錢碑已刻就外加碑銀一兩酒資一錢鑄碑供繕五錢
所餘舊石數段補修鳴鳳橋東首官路訖造橋工料出
入里人紀宿華屠聲聞互相經手并同里眾公屈大士
庵省幻師叩柳月餘鹿門紀再思宿華甫書
乾隆十一年歲次丙寅五月

按碑謂垂虹沐風二橋創于漢代荒渺無據

重建隨糧王廟碑乾隆十一年正書在東橋總管堂據拓本載文

書云丹雘意取維新雅咏竹苞志存縣遠潯東

勅封隨糧王廟上既護國下復庇民辛酉歲眾慮年遠就

傾遂因募資重建未能壯麗聊異茅茹願目前雖免飄搖

志廿八 碑刻四

三

而他日當為久計殿後僅有薄田貳畝門旁祇餘店屋兩
間租息無幾正供難繼于焉共襄小會相與各捐一金生
息則慎擇輪流 神誕必應期恭祝凡我同志務期矢慎
矢公願彼後賢尤當有終有始計除實用謹錄存餘間有
工脩稍資補湊並非利其利不過公濟公庶神光永照慶
聖壽于無疆俊氣長瑩幸宮牆之鞏固同人姓字序勒
于茲此下題名不錄

龍飛乾隆十一年歲次丙寅桂月

穀旦立

立願經始董啟偉 勸成沈啟麟

華萬九坡 金載陽書 王西溱刊

署通判吳繼元去思碑乾隆十三年正書在通判署大堂庭側未拓據鈔本載文
署浙湖鹽漕水利南潯督捕總巡分府吳大老爺去思碑
公諱繼元字季亭江南通州如皋縣籍乾隆辛酉科舉人
於乾隆十二年十月到任於十三年七月初一日卸事在
任教民愛人治行卓然卸事之日衿民攀援莫逮追思公
德敬立此碑

大清乾隆十三年七月 日穀旦潯鎮紳衿士民 陸

可成 溫文煜 陳成 吳繼成 陸紹儒 張世杰

陳昭 金涓 張元燦 紀復亨 徐祖彬 馮學

深 邢廷金 紀廷輝 倪廷林 計士枚 莊學川

志廿八 碑刻四

三

董小坡 張維垣 董□ 金樸 陸濂 吳巖

凌錦 丁麟 蔣大潮 徐德元 敬立

沈宗霽書洛神賦刻石乾隆三十二年正書石藏東橋朱應垣家文不錄

東藏寺造像碑刻乾隆四十七年正書在東藏寺大悲殿右壁據拓本載文

本鎮護法張潤之敬裝 大士金相一尊并助 龍庭萬

年賣座方磚一堂

乾隆四十七年六月 敬立

真武井題字乾隆五十八年正書在善寂庵文已見河渠

重建通津橋記嘉慶三年正書在通判署頭門外左壁據拓本載文

中南潯而跨運河者有通津橋焉癸丑年余莅任茲土橋

漸圯行者苦之且運河轉漕者也余職司水利儻艘通津梁與有責焉初下車顧斯橋而有意新之憚輕舉今年春公庭事簡屬紳士者民而詢之皆曰可願為勸捐一時捐者恐後多寡有差不踰旬而數具乃召工而度之高二丈七尺六寸視舊增三尺廣四丈八尺環延八丈俱如故趾故有四橋復釐而正之估料二千兩估工六千工權造浮橋木價五十兩疊運山石舟價七十兩巡視工作食費一百六十兩限以程期三月而竣余始恐橋之艱於重建也賴紳士者民勇躍勸捐而好善樂施者又爭先恐後遂使艱者亦易凡橋之宜重建者視此焉可矣余何幸而得

志廿八 碑刻四

青

遂此志於溇之士民耶秋九月會余將入

觀爰舉紳耆姓氏暨好善樂施之人畧勒之於石余不敢讓善也余惟計工料程度而一一誌之俾後此與工作者有所攷核云

湖州府通判陞任台州府同知時啟撰并書

董事

毛鴻	吳作謀	丁鳴鈞	金大鯤
華行時	倪鶴鳴	郭楠	龐顯
陸大椿	韓峻	孫秉宗	邱文岳
歸士松	張應元	吳耀德	蔣大治
盛士松	張應元	溫宸	

嘉慶二年九月

日立

按碑題時啟撰并書實則里人邢典撰邢鴻書

再申例禁告示 嘉慶五年正書在通判署頭門外右壁額地碑記十七字文不錄

永禁私宰耕牛告示 嘉慶二十三年正書在祇園寺文不錄

錢溶壽詩刻石 無年月石藏南柵錢樹森家文不錄

按首題延年益壽四篆字潘奕雋書高對詩八分書

吳之劍詞王以銜閣偉詩並正書錢臻詩行書溶字

升九號怡齋監生五品職銜時在道光壬午年七十

汪尚仁墓誌銘 道光六年蔡之定撰趙柄正書并篆蓋凡四石在拜三坪汪氏祠堂文不錄

按先大父字惇夫號靜圃貢生候選主事居府城卒

于嘉慶庚申葬城西郎村蒲衣山至道光丙戌先大

志廿八 碑刻四

青

母合葬始撰誌銘為刻工遲誤未及納入壙中石置

墳莊後移置祠堂 范志碑碣附列墓誌大半墓不在溇其在溇者僅據譜牒及文集所載而石多無及今凡墓誌未出上者並不載惟此誌未入壙而石在溇仍載之又舊志有朱國禎修東塘

記碑不在溇曹大斌漏澤園記誤以

版榜為石刻今皆別載附辨于此

重修南溇鎮東藏禪寺記 道光十年正書凡二石在東藏寺據拓本載文

環鎮五六里竈烟數萬家其中香林梵刹不下四五十區

求其規模宏遠讚頌精嚴率以東藏禪寺為稱首寺不知

所叻在烏程縣東七十二里相傳明嘉靖間里大家董氏

為之綜覈賴以不替殿前樨珠一本猶蓮池手植自文字

散亾碑碣漸滅莫能是正也

國朝康熙中眾紳士敦善樂誠興作之餘兼行施懋則吾先伯祖悔脩先生實司厥舉至今佛座勒名可攷余年十五六時值薪公自遠卓錫暨徒禹公戮力支梧俾毘盧閣暨大殿觀音殿燬而更新尚憶歲首瞻禮薪公必設果餌雪頂龐糜儼然尊宿其後遞相遵守不增不減僅遺香鐙田五畝二分達公之師東公續置田四畝六分充淨供而已洎乎嘉慶改元今竹峰達公拂衣雙樹仔肩大法禹公僧臘既高西首之際嘗詔之曰薪禪師一生功德而貞珉不曜此未了之業爾其誌之則應曰唯既而達公此上第一石戒行苦嚴日益精進遠近向風慕道雲行水至舍粟布金

志廿八 碑刻四

美

委輸恐後由是改山門於舊址南數十步廡東新屋十餘楹徑術築立繚牆完固肇作於嘉慶某年月日落成於道光某年月日崇像設像法筵潔齋漏通井堰斷木塗金百廢具舉計用人若干工用費若干兩爾迺龍象琳宮化現涌出緇素之侶鑿其精誠既立方丈遂興道場每歲栖流挂單禮足者以萬計達公心懲往闕追念前塵介溫君稼生踵門乞言以書諸碣余以不文辭兩年於茲復申前請夫周禮道人廬有飲食路室候館準是以求則吾儒經濟淪在叢林豈可數典而忘其祖嘗諸泰西天算華嚴字母聖門六藝散於四裔苟緣達公之用心推而放諸蠻序將

烏程義學有五其一在潯者雖至今存可也然則昭往蹟以厲方來殊塗同歸不為無補允宜濡豪牽連舊事以傳久遠道光十年正月里人張鑑記吳江吳鳴鏘書此上第一石東藏寺重修山門記道光十一年正月書在東藏寺天王殿壁據拓本載文本寺住持於戊子秋捐益資改建山門募 諸大護法敬塑 彌勒尊佛 護世四王菩薩金相并萬年石座所有樂輸銀數肅泐 芳銜以垂不朽此下捐資姓名不錄道光十一年四月 東藏寺監院悟銓敬識按詮字誤刻銓字南潯重修東塘碑記道光十二年正月書在巡檢司署頭門外右壁額篆書南潯重修東塘碑記八字據拓本載文

志廿八 碑刻四

毛

里人張鑑撰文 仁和宋烜書丹 錢塘趙之琛篆額南潯接郡之東關為運河七十里名曰東塘斯堤之創於前明萬曆三十六年郡守陳公名幼學之始築也歷有年所歲久遂漸侵剝案志乘并舊碑紀其如是豈古人善政之所施精誠之所寄各有不同故其傳於後有顯晦久暫之分哉壬辰春邑侯楊公名紹寔奉 檄勸修圩岸爰及東塘迤西三十里郡城紳士任之迤東四十里工歸之潯鎮內潘楊橋一帶夾塘料實工堅估計籌畫侯皆盡力條理焉先是辛卯夏恆雨為災 當事具 奏蒙

聖恩蠲賑並行稍舒佃民積困維時天嚴寒我侯獨任其事稍暇時與鎮士夫飲酒賦詩得潯水聯吟若干篇所言皆勸分謀諸紳士耆老以工作賑侯力主其議凡三日捐集八千餘緡復委任參軍胡公培荃巡司胡公次畊汛守陳公遇春再勸而推廣之議脩東塘鎮人疑之以爲東塘之工應屬沿塘鄉庄非鎮人事侯謂勸分以救災也被災以圩岸之不脩也鎮既募義捐有成數矣乃視被災區以爲非吾圩岸也而聽之不脩浸假而災又至而勸吾捐者又來而負吾租者且益以肆士民受累伊于胡底是以救災不如禦災之爲愈也于是眾議息而程工定職事者咸

志廿八 碑刻四

天

勉力焉自鎮之西柵起至十里橋舊係土隄改築塊石塘計一千三百丈潘楊橋條石夾塘計一百七十五丈橋西添築六丈皆完固中間坍沒范村集木月影黃明等橋皆建復經始于三月甲子工成五月乙亥資費萬金附鎮另工不與焉是役也郡紳士鳩工在先暨而鎮人繼之通隄之工始竟陳公之故蹟始新從此通驛遞利漕運衛農田獲水利而皆得之荒政此我侯之德溥生民古之循吏何多讓哉勒於貞石以傳不朽辭曰

陳公出守 著蹟吳興 隄經水患 浸沒田塍
計年二百 計里七十 碑則未泯 堤且增置

是歲有儉 而民無飢 以工作賑 乃新斯隄
斯隄永固 此水常清 前陳後楊 周道砥平

大清道光十二年太歲在壬辰夏六月朔日

職事沈鳴珂 俞亦彬 溫思恩 吳謙 郁榮

之 張衡舟 張丙奎 朱立楷 陸樹玉

張永海 錢維鏞 梁鉉 張墀 姚錫

章 邱學海 孫鈺 沈登瀛 勒石 武林

陳續思刻

重建南潯巡政廳治記道光十三年正書在巡檢司署大堂左壁據拓本載文

巡司之有署也昉於前明洪武年間在後潘村建設迨

志廿八 碑刻四

天

國朝乾隆四年移駐南潯鎮析津何公廷舉詳請勅建衙署即改爲南潯司百有餘年未經葺理日就頽頽前儀徵朱公應豹曾借廉繕脩至嘉慶己卯富平張公鳳來脩建三堂花廳神廟頭門嗣以被水摧圮余於道光辛卯歲蒞茲土續增整葺並添建三堂二間需資壹百餘金惟大堂久閱星霜未加脩治不足以蔽風雨而壯觀瞻用是詳請捐廉鳩工庀材亟爲興築復增設川堂並二門左右兩廊於今癸巳年八月初七日經始至十月初六日落成計用銀肆百兩有奇雖規制如故而崇飾增新余於此亦殫志經營焉耳是爲記

道光十有三年歲次癸巳一陽月吉日

西蜀宜賓胡次咁謹立 平望周龍紀錄

烝字五圩社廟記道光十三年正書在西莊村小圩五聖堂據拓本載文

世傳莽將能驅蝗而居易錄直以為朱金壇劉宰漫堂者豈不以神之所格不可度不可射乎不知人之是不必較苟有所以禦災捍患則無不同也烝字五圩為烏程四十三都震澤下鄉圩有叢祠頗著靈爽禱無不應春秋報賽靡有虛日相傳神有封號非汝南鮑魚李核可比道光癸巳冬紳士周士堅等因耆老之請謁文於邑人張鑑將誌歲月於石乃為神弦之曲著其土風焉詞曰

志廿八 碑刻四

三

傳芭代舞兮神林幽篁災祲無害兮稼穡不痒神之來兮黍潔稟香神之歸兮塗車芻航神聽和平兮民用樂康

是年十一月 里人金大鯉 孫錕立石

始緣信士翼天福

按秋水文叢載此文因耆老之請句下有以布施金錢拓祠宇而新之十一字乃篇中要語書丹者妄刪之則下文誌歲月句上無所承矣此本五聖廟文乃託言莽將今攷惠棟九曜齋筆記云羅鶴應庵任隨意錄曰五顯事蹟無從覈實獨胡定庵謂五行主宰之神而盡廢習傳諸說天下祀之者甚多我太祖建

廟雞鳴山隸于太常故紀定庵之論以俟攷其說曰

本朝神祠見會要姓氏皆可攷惟此獨無姓氏何耶升曰莫之為而為者鬼神也周禮小宗伯兆五帝於四郊漢儀祠五祀朝明堂圖五方帝位于昊天側從之以五人帝五官神皆五行真氣也蓋五行為天地間至大之物必有主宰者故曰(元)囂曰祝融曰句芒曰蓐收曰后土皆指水火金木土而言若五神豈非默助五行之造化以福生民乎或者以五聖為五通非也蓋本朝政和元年正月詔毀五通及石將軍如妃淫祠至宣和五年適有通貺等侯之封前後十

志廿八 碑刻四

三

餘年黜彼之邪崇此之正昭然甚明尚可得而並論之乎亦緣鄉曲前輩偶傳會佛有六通弟子五通之說以啟後人之疑耳迪功郎國史實錄院編校文字胡升書按筆記鈔本多脫誤無從校正姑依原文又祝穆方輿勝覽曰五通廟在徽州婺源縣乃廂廟兄弟凡五人本姓蕭母歲四月八日來朝禮者四方雲集然則五聖尚在莽將之前亦非無攷也

重修城隍廟後軒記道光十六年正書在南柵城隍廟未拓據鈔本載文

吾溇之祠祀

城隍神也自 國初時始門殿寢廡規制畧備其後有軒

三楹臨水北向顏曰岸舫實爲朱翁典夔袁翁廢颺諸公所建事在乾隆戊申迄今已五十年矣岸石棹題漸就傾圮風雨不蔽勢及寢殿于是前此與事之家約其同志以期鼎新率由舊例各捐已資衰木石鳩徒眾闕則補之泐則易之漫漶黝昧則丹雘之凡閱若干月糜白金若干兩而軒之舊觀以復工既訖朱翁之孫瑞文承司事者之意屬予爲之記予惟是軒雖若無口於神明而兆春秋之祀事士女之瞻仰與夫蒼神貺者之奔走賽會僉以是爲休憩之所于以尊廟庭而肅觀瞻則今之所以踵前功而增脩之者其事不爲然也而豈惟是備遊觀已哉舊無

志廿八 碑刻四

重

碑記故司事捐資之人俱不詳姓氏今並與重脩者列之于左俾後之人有所考焉謹記此下有故友眾姓士及同業眾姓士立碑題名不錄

大清道光十六年歲次丙申冬小春月 里人眾姓敬立 丁桂揆 馮尚遠書

重修羅祖祠碑記道光十八年正書在報國寺西羅祖殿文不錄

重修聚星塔記道光十九年正書在東藏寺塔壁據拓本載文

南潯之爲鎮始南宋理宗淳祐之末前此猶未著焉古烏程邊境東至平望自太平興國三年割潯溪以東五十里之地隸平江軍吳江縣於是潯始爲湖州東出之門戶既爲要地商賈于此輻輳人物亦于此殷繁漸設稅務置官

守而南潯片土遂屹然成下鎮顧地勢稍平行既無邱陵以爲鎮壓又乏湖匯以爲瀦蓄運河貫其中一瀉無餘論者以爲洩氣太重此前明嘉靖時董大宗伯所以建浮圖于東藏寺前非特爲一鎮壯觀實爲一府水口計也第基址建而工中輟故俗以半塔目之迨國朝康熙中其孫芝筠徵君重修寺宇并爲塔合尖以其規制未備故名曰聚星閣迄今百五十餘年矣風雨之所剝蝕霜雪之所侵凌日損月壞直有傾圮之慮巡檢宜賓胡公次耕見之曰是入境者觀瞻所係此而不修焉用守土者爲是時虞部溫君文禾適以假歸里爰與寺僧達曾商之分請董事

志廿八 碑刻四

重

各展其力又得通判漢軍陳公天瑞把總錢塘陳公遇春先後勸捐相助爲理其事始集於是鳩工庀材經始於丁酉季春竣功於己亥孟夏費白金千五百有奇凡土木之工三分居其二丹漆塑像鐫字及架木石工十五分之二鐵冶之工十之一雜費亦如之其下層三丈則仍其舊其上層五十五尺皆易以新材雖未能上出層霄爲四方表識而亭亭卓立于埕之規制略具遂稱之爲聚星塔今而後東境偏隅得有關鎖爲吾鎮奠流卽爲合郡固門戶其有關風水豈淺鮮哉塔旣成寺僧請書其事于石以垂永久余謂是役也諸君之協力與寺僧之宣勞皆不可以

不書應與捐貲者姓名並刊諸石故不辭而為之記

道光十有九年歲次己亥四月里人沈登瀛撰溫文銓書

吳門陳錫祉鐫

司事姓名附書於後

生員紀榮炳 例贈奉直大夫工部虞衡司主事生員

溫梅辛酉拔貢甲子副榜候選復設教諭張鑑監生俞

彬候選縣丞張永海監生盛士松職員蔣坦戊寅舉人

授職翰林院典簿馮鳴盛 恩貢生候選復設教諭董

桐儀監生朱型監生吳兆激監生張墀文學朱潔候選

州同知張大年辛卯舉人揀選知縣董榮椿生員沈登

志廿八 碑刻四

瀛

住持達曾 悟詮 本善全立石 塔工姚玉輝

禁油車僱工把持索詐告示 咸豐七年正書在嘉應廟牛王殿文不錄

補遺

嚴禁阻葬告示 嘉慶七年正書在師善堂內額題奉憲嚴

禁阻葬火化告示 嘉慶九年正書在師善堂內額題奉憲

五聖堂善信助錢題名刻石 道光二十二年正書在小圩

志廿八 碑刻四

五

著述一 南潯鎮志廿九

宋

朱柟 見進士表 厚德遺言一卷 寫本存。柟及弟材同編。裔孫國禎重錄有跋。又有福唐葉向

高跋吳道南莊天合周如砥題辭

元

龐樸 見人物傳 五湖狂叟集 未見

張士諒 見人物傳 思賢齋詞 未見

董仁壽 見人物傳 梅花詩一卷 佚。吹景集云始祖仁壽公自

峯梅花詩百首 嘉靖中毀於火

按舊志首載董一麟五經韻聚變體玉文攷一麟為仁壽曾祖居上林村至仁壽始遷潯

志廿九 著述一

明

張翼 見人物傳 農田餘話 未見

趙金 見人物傳 醫學經畧十卷 伏 廣嗣全書 佚 浮休集一卷 未見

。南潯著述總錄 淮獻集三卷 佚 云杜偉徐師曾序

朱震 見封贈表 飛鴻集 佚

董環 見人物傳 翠榆集 佚

紀順卿 初名滄見 荻塘遺集 未見

董份 見人物傳 史記評鈔四十卷 未見 漢書評鈔四十卷 未見 後漢

書評鈔二十卷 未見 泌園集三十七卷 刊本存。見詩七

十卷申時行序 四庫全書集部別集類附存目

華揚 見人物傳 曉山園集 佚

紀瀛 見人物傳 戒子帖一篇 寫本

陸充 齡 見人物傳 逸溪山房集 佚 公車雜著 佚 歸田遺稿 佚

張金 字鍊之號北 養羽巢詩文集 佚

陸以載 見人物傳 萬綠堂集 佚

張斗 見人物傳 致覺堂集 未見

董道醇 見人物傳 董黃門稿一卷 刊本存。有朱國禎董黃

張韓文評鈔二十卷 未見

張光治 見貢生表 禮經注疏四卷 佚 善田詩集二卷 佚

朱守愚 見人物傳 周易箋釋 佚 道德經箋釋 佚 南華經箋釋 佚

志廿九 著述一

楞嚴經箋釋 佚

董嗣成 見人物傳 星槎紀事一卷 寫本存。道光

刊本存。謝肇淛草嘉禎序又有茅國縉撰 光祿遺編

董伯念 傳 四庫全書集部別集類附存目 後附請建元

四卷 未見。按今所見僅刊本尺牘一卷後附請建元

二游稿一卷 未見

張光朝 字青霞 青霞樓詩文集十二卷 未見。張氏譜

許兆禎 見人物傳 醫家四書 未見。朱彙尊跋云診翼藥準方

董嗣昂 見人物傳 狎鷗吟一卷 佚 西雨齋詩稿一卷 佚 雲柯

集一卷 佚

陳王猷 見表詩經說彙 佚

莊日益 見表東山草二卷 未見。董志云須之彥序

張明起 見表春秋質疑四卷 佚

朱國禎 見表明史槩一百四十二卷 明史有刊行者有密

纂未行者于安有所輯以未嘗奉旨不敢進呈題曰史

樂以別於全湖錄曰閱雪蓑云朱文肅史槩一書自入

史館費一生心血採拾成書後人僅刻其半其半復為

匪人盜取數十篇此書竟勿克全至其文集數十萬言

僅飽蠹魚之腹文章蓋有不幸焉按史槩目凡五

曰大政曰大訓曰大因曰大志曰大事列傳凡五日開

國二紀歷朝類外三傳有葉向高序今攷朱氏譜云史

槩已刊者五種曰大政記大事記大訓記開國臣傳二

冊已寫樣本未刊者二種曰大志記四冊歷朝臣傳二

卷天潢記二冊天淵記一卷天記一卷天源記一卷

志廿九 著述一

湖錄所云大因紀疑即天淵記 皇明紀傳三十卷 佚

之誤其類外二傳譜所不載 皇明紀傳三十卷 著述

總錄云當即大政記三十六卷 此大政記之底稿故卷

數多而名亦殊 湧幢小品三十二卷 刊本存

書史部編年類附存目 湧幢小品三十二卷 刊本存

居士自序又有己未自撰湧幢說後有壬戌自跋云是

編起已酉春至辛酉冬積可三十餘冊凡經釋海諸書

所載行世者多不致錄然卷而忘隨汰隨忘稿亦時有

散佚而存者尚多會赴召檢出節為三十二卷付梓

雜家類附存目 朱文肅遺集八冊 寫本存。本名清

凡九冊曾藏曹倦翁處流傳入吾家而缺其第二冊平

涵詩文鈔二冊 稿本存。按詩文鈔鈔皆繡應之作

按國朝所撰大事記明錄作詩一冊文一冊者誤

不載至大政記亦見禁書總目然已入四庫全書

附存目並

無違礙

華士嶠 見表澹月齋稿 佚。董志云有因非集燕遊集燕

下集蘭居集共八編 澹月齋續稿 佚。府志云澹月齋

朱國禎董斯張序 澹月齋續稿 稿續稿傳是樓書目

其二本著述總錄云家藏

傳是樓書目不載此書

董斯張 見表吳興備志三十二卷 寫本存。有自序末題

三日姪曾孫朝柱謹錄又有董燧跋二篇分帝胄徵宮

闈徵封爵徵官師徵人物徵梓梓徵寓公徵藝術徵象

緯徵建置徵嚴澤徵田賦徵水利徵選舉徵職守徵賑

恤徵祥孽徵徵經籍徵徵遺書徵金石徵湖錄曰備志止於

物徵瑣瑣徵徵徵國籍徵凡二十六類湖錄曰備志止於

元末明初初攷訂周核取材亦多然於唐之元和郡縣志

宋之太平寰宇記周之吳郡志等書都未寓目以云備志恐

咸淳臨安志范氏吳郡志等書都未寓目以云備志恐

未必然行笈日涉錄曰叔高祖遐周先生晚與同郡閔

康侯子京兄弟共纂吳興備志成於天啓中而先生即

世草稿粗具幾於失次族叔迎年先生為整齊而手錄

之可謂賢矣覆校原序知此書因徐獻忠掌故集多缺

遺而編搜史書及統記談志勞志以成是書凡徐氏已

載入唐志所有者不復再見亦互備也後人謂其書有

未備殊失攷矣著述總錄曰據自序備志之名乃防備

之備非完備之備湖錄以誤解也 四庫全書史部地

理類 弁山志輯一卷 未見。按明長興高連撰弁山志

著錄 廣博物志五十卷 刊本存。萬曆丁未自序又有鈍庵

職官人倫高逸方技閭壻形體藝苑武功聲樂居處珍

寶服飾器用食飲草木鳥獸蟲魚凡二十二門 四庫

全書子部類書類著 吹景集十四卷 刊本存。已已菰

敘西吳韓昌箕仲弓甫序卷一朝元閣雜語四十則靜

獻齋藝三十二則卷七克殷度邑二解補伏生書有自

序云世儒謂周書出汲冢乃克殷度邑二解補伏生書有自

為逸書非後儒竄入者太史公去伏生不遠其辭亦近

之余意以史載湯誥及二解補伏生今文書而以古文

別為一錄卷十三合疏董彥遠除正字謝啓與問元衢

同撰有自序餘十一卷 白法志一卷 佚。著述總錄曰

雜攷證一百七十餘條

釋老然吳與備志不列方外之
乘別為是書所以外二氏也
二卷 刊本存○崇禎己巳韓曾駒序並凡例四條凡重
牙稿客問稿未焚稿各一卷皆有自序留德稿二
卷寒竿草五卷有自序 靜齋遺文四卷 刊本
詩餘一卷倘頌一卷 靈齋一

卷 伏 古賦一卷 伏 文苑英華鈔四十卷 伏 增定唐詩品

彙三十卷 伏 選采真社集 伏 吳興藝文補七十卷 刊本

首題烏程董斯張遐周彙編閱元衡康侯參輯韓千秋
聖開附定有崇禎六年吳興郡守陳以誠序崇禎壬申
朱國積韓敬二序又有西吳韓昌箕仲弓甫紀事一篇
不肖孤董說刻吳興藝文補感言一篇凡文四十卷賦
一卷詩二十卷詩餘二卷附錄朱平涵文董遐周詩各
一卷補遺四卷行笈日涉錄日吳興藝文補六十三卷
遐周先生彙編自六十四卷以下韓聖開續成六十五
六卷即錄遐周先生文與詩之補遺始自漢獻帝詔至遐周
至七十卷閑康侯又為之補遺始自漢獻帝詔至遐周
先生詩餘終焉以誠序謂唐季以前遐周為政宋元以

志廿九 著述一

下閱與韓共之區別尤明 四

庫全書集部總集類附存目

趙雋 附見人物 乍醒草 伏○董志

華仁源 附見人物 燕遊草 伏 閩遊草 伏 起霞閣詩集 伏

吳中穎 附見人物 嗟拙吟 伏 奚適吟 伏

紀懋勳 字奉 家訓一卷 寫本存○凡三十四條子錦
紀度 字達階號漢 格言隨筆一卷 寫本存○凡一百五條
人問聲跋又有 家訓一卷 寫本

張廷薦 見貢 天台十景圖 伏 善田詩鈔 伏 古今名賢詩集

十二卷 伏

按董志有范允和寤言堂隨筆范志又增天台十景
詞放允和為祭酒應期之子初居善山後遷府城或

何寓溥亦係流寓不應入志范志因是遂牽連諸范
素未寓溥者如范萱范應期范麟范必才范必昌范
光耀范璧蘭范達堯范怡曾范能彥范景
凡十餘人無不闌入溥志矣今悉不載

董廷勛 見貢 覽齋詩集 伏 覽齋文集 伏

董說 見人 易發八卷 未見○按 四庫全書經部易類附

云以先天圖之未全而明出震以納甲圖之非古而表
卦律先天圖日月之全而環出震象南北之對峙此天地
之大義也陽律始黃鍾率六律而順行於陽爻陰律始
林鍾率六呂而逆布於陰位以出震卦律為學易之樞
機又進而攻微曜於三百六十技貞悔於七十二卦作
易發董志曰朱竹垞曰董氏易發發前人所未發非數
與理契未 易連 伏 周易十八爻未濟通輪表 未見 周易三

十爻參天兩地表 未見 出震三易合表 未見 洪範變 伏 古詩

緯 伏 詩發 伏 周禮緯一卷 刊本存○湖錄曰子樵述云

志廿九 著述一

妄補何異續臆六官分職原法周天始於 左傳提一卷

雲漢循序順行懸象著明非可飾說也

寫本 律呂發一卷 刊本存○一名律呂攻湖錄曰子樵

之管候氣有十二月之消長和聲有二有候氣之管有和聲

三鍾四清六書發 伏○湖錄曰子樵述云先君以天下

作律呂攻六書發 伏○湖錄曰子樵述云先君以天下

無用不知古之制字或一字兼數義或一音轉數音循

義而求功通無盡形可該聲事可括意假借無常轉注

易變作 史記脈 未見○棟花磯隨筆云史記評本有三

也 二代文獻 伏○一名七國攻十四卷 刊本存○分職

室國名羣禮音樂器服雜記喪制兵制刑法災異瑣微

凡十四類每類各分秦齊楚趙魏燕七國行笈日涉

錄曰曾從祖若兩先生著七國攻採擷該博兼有攷核

卷帙未分蓋書垂成而未編定也按 四庫全書史部

政書類著錄分為十四卷道光中金山錢氏刊入溥書

佚○自序云凡生于斯長于斯
 書于斯得四十四人而集其文
 運氣定論一卷刊本存○按四庫全書子部醫家類
 王冰諸人有說謬即以五運六
 氣相加其氣自應作運氣定論
 附存目類 天象編年 佚 歲差攷 佚 文音發一卷刊本存○按
 有自序 豐草庵雜著十二卷刊本存○首昭陽夢史
 序次非煙香法一卷有自序以錢代著筆法荒矣京房納
 河圖卦版一卷有自序云以錢代著筆法荒矣京房納
 甲子午辰戌三卷成夜封策闕矣作河圖版明體用矣
 次文字障一卷分發野發一卷次詩律表一卷湖錄日
 于樵述云先君以易失於闕詩失於序廢小序者乃
 上商氏受之於聖門三百篇之標準也小序廢而詩必
 矣又以三五五篇歌皆有三唐詩律猶存關雎一篇之中起
 失之關雎失譜古樂無傳今以音律攷之一篇之中起
 調畢曲各有定位中間則有轉聲如關雎如葛覃上以
 準起調下以準畢曲也商角徵羽清濁遞更準字發聲
 志廿九 著述一
 無不諧節作詩律表次漢鏡歌發三卷分測義測韻測
 音三門 四庫全書集部總集類附存目湖錄曰子樵
 述云樂府鏡歌之法可例以詩部位既分律呂可定按
 其高下以辨元聲如呼籥收中吾蕘羊飛凡有聲無
 義之字即篇中三轉聲之準也以喉舌自然之音應樂
 府鏗鏘之節作漢鏡歌發次樂緯一卷次埽葉錄一卷
 林鬻子野語四卷刊本存○首堯天表有小序次殘雪錄有小
 序並題南村林鬻遊序 甲申野語 佚 曉寒長語 佚 相字
 氏著前有虎邱退翁序 甲申野語 佚 曉寒長語 佚 相字
 略 佚 夢鄉語 佚 按或疑即夢鄉志攷兩道人家語問
 書 佚 桐葉十書 佚 草庵羣碎錄 佚 豐暇錄 佚 問道錄 佚
 承雨錄一卷未見 研雪錄一卷未見 蘭葉筆存一卷未見
 慎辭錄 四庫全書子部雜類 棟花磯隨筆一卷附雜文
 家類附存目云明釋本以撰 棟花磯隨筆一卷附雜文
 一卷 寫本存○庚子拂煙錄一卷未見 堯封語錄四卷 佚

寶雲語錄二卷 佚 靈巖首座寮語錄二卷 佚 樵堂說畧
 一卷未見 堯封別錄四卷 佚 寶雲別錄四卷 佚 靈巖餘錄
 佚 散隨錄四卷 佚 寶安錄 佚 樵堂法頂拈一卷未見 七法
 頂五篇未見 法華嶺太極圖說表 佚 臨濟兩宗世次表未見
 笈屋記一卷未見 化琉璃記 佚 寶雲雜著一卷 佚 宗門書
 法 佚 石楠堂石表一卷 佚 豐草庵前集三卷刊本存○
 國茗文三編庚辰至 豐草庵文集三卷刊本存○分七
 乙酉之文前有自序 豐草庵別集六卷刊本存○分雲漢易
 編丙戌至丙申 豐草庵詩集十一卷刊本存○首人間可
 初六編丙戌 豐草庵詩集十一卷刊本存○首人間可
 至癸巳所作 豐草庵詩集十一卷刊本存○首人間可
 葉編次西臺編次病孔雀編次紅蕉編次登峯編次臨
 蘭亭編次洞庭兩編一名歲寒吟次國韻牌編丙戌至
 丙申之詩 辛壬雜著 佚 甲申乙酉詩歌一卷 佚 乙酉雜
 前一自序 丙戌悲憤詩一卷 佚 寶雲詩集七卷刊本存
 文一卷 佚 丙戌悲憤詩一卷 佚 寶雲詩集七卷刊本存
 石編次西荒編次洗藥池編次積雨編次夕香編次挂
 瓢集次拂煙集或題寶雲南潛著或題漏霜南潛著前
 有康熙己巳禪樂府一卷刊本存○有小序今本惟臺
 猶子漢策序禪樂府一卷刊本存○有小序今本惟臺
 原本當不止此湖錄曰子樵述云乙未詣靈巖僧堂小
 參頓悟大法為靈巖幅巾弟子歸作禪樂府補船集皆
 出世後 補船長語八卷刊本存○首補船村次杞國轉
 詩也 補船長語八卷刊本存○首補船村次杞國轉
 次睡睡魚次披雲嘯次水聲編凡八編惟第五編題月
 酒潛禪師石火頌前靈巖退翁題潛子石火頌一為睡睡
 潛又石火頌前有靈巖退翁題潛子石火頌一為睡睡
 魚前詩類又有補 寶雲詩甲編二卷乙存三卷 佚 散隨
 船集實復出也 寶雲詩甲編二卷乙存三卷 佚 散隨
 續稿一卷 佚 樵堂題跋一卷 佚 西荒詩三卷未見 西荒別

存一卷 西荒別編一卷 小品一卷 癸亥雜文一卷

卷 乙酉集 秋雪堂稿一卷 二餘雜稿 後庚集

藥籬雜文一卷 乙丑雜文一卷 若雨逸稿一卷

南潛詩一冊 氏賦琴山館今惟逸稿有傳鈔本南

得見矣 風雅編年 古樂府發 文苑英華詩畧

嶺雲集 外之文見豐草庵詩集自注 曉寒合錄

按乾隆辛丑浙江頒行禁書總目說諸書皆不在目

中董志云若雨先生易發及諸撰述俱奉 四庫館

來又曾抽燬今所見刊本缺葉甚多蓋由于此現存

之詩並無嫌諱 又按說所著尚有通鑑翼災異編

年五六原高暉堂家語兒雅樵雅魚箋草木箋備

得紀官所刊遺文總目一詳攷之 又按楊鳳苞南

志廿九 著述一

董式 附傳 雁宕雜著 雁宕詩集二卷 古今人物畧考

陳忱 雁宕雜著 雁宕詩集二卷 純玉詩兼序略云

雁宕與予生平未嘗相識後始見其詩及

按范志忱又有讀史隨筆攷成化中湖州有一陳忱

字克誠號醉月嘗修縣志著瓦缶集覽勝紀遊集順

治中秀水又有一陳忱字用望甲午副貢著誠齋詩

集不出戶庭錄讀史隨筆同姓名錄諸書皆與雁宕

同姓名昔人紀載每多牽潤范志亦因以致誤 又

按楊鳳苞南潛逸史跋載有陳忱東隱紀年未知為

雁宕為 誠齋也 董汝煌 物傳 周易集解 孝經注 莊子釋 韓蘇文評

按范志有嚴定越百尺樓詩稿 今攷即莊廷鉞之寓名故不載

大清 張繼周 字儒長號草庭吳 醉石軒文集四卷 見未

陸律 見貢 恩親詠一卷 庚申朱射斗序 遺詩一卷 見未

董思 見人 兼山堂集 遇軒詩草 見耦耕詩草 見明文傳

董漢策 見人 周易大成一百二十卷 易原 春秋傳彙

十二卷 刊本存 順治乙未自序并畧例十二條 四書

全解四十卷 四書大成 六書原 歷朝孝紀傳贊三十

卷 資治通鑑評附宋元通鑑評二冊 寫本 榴龕年譜

志廿九 著述一

名如口注 聖門直指頌二卷 見未 功過錄 易外聖書 伏

魁庵家誠三卷 刊本存 董補計然子一卷 未見 四庫全

書子部雜家類附存 道德經注 伏 攝身 元 秘 伏 祭煉書

一卷 寫本存 雜文雜著一卷 見未 蘆窗信筆一卷 彙本存

蓮漪集一卷 稿本 笠翁內篇一卷 刊本 笠翁內篇二集

一卷 刊本 從好編一卷 未見 攬勝文集六卷 未見 帝園集 未

魁庵外錄 未見 已上 乍浣居詩草 未見 詠雲集 未見 董芝

筠詩集一卷 未見 詠史詩 伏 巢軒詩稿 伏 榴龕詩稿一卷

且吟 伏 窺園雜詠一卷 未見 和陳白沙詩 未見 渭雲堂詩

一卷 刊本存 長 四載詩存一卷 刊本 蓮閣詩草一卷

洲陳三島序

南溇鎮志 卷二九 四六七

刊本 自在吟一卷 存 夏五遊一卷 刊本存 ○ 畫煙艇
吟一卷 刊本存 ○ 順治 寓庵詩 未 怡顏集 未 醉瀝吟 未
行舸漫詠 未 安素軒詩一卷 附天目放歌 存 羨門軼
句一卷 未 吟諾一卷 未 薊水遊一卷 附夢遊春詩百韻
詩雲巖嘯詠 刊本存 ○ 康熙十九年蔡啟傅序 夢遊章
江集 未 攬勝詩集 未 九宜集二卷 附孤山感詠 未 鷗盟
集一卷 未 時適編一卷 未 見 ○ 已上二種俱詩集 藍珍詞一卷 刊
董詞一卷 存 董詞二集一卷 存 漱玉編 未 雪香
譜一卷 刊本存 ○ 已上 讀古定本十七卷 刊本存 ○ 康
一名歷朝 朝閣詩刻 未 見 ○ 按朝閣在光福董份
古文選 志廿九 著述一

錄閣中諸 采真詩選 佚
人題詠 潘文福 見 封 孝史十卷 佚
陳寅清 字 霽 檣龕隨筆 未 秋霞集 未
張麟生 字 繡舟 雪泥集二卷 未
姚淳楫 字 經雲 號 淳川 府學 水雲子文一卷 佚 水雲子詩
草一卷 佚 水雲子遺稿一卷 寫本存 ○ 姪曾
聞廷綸 字 如 龜經大全六卷 未
閔南仲 見 人 碎金集二卷 寒玉居集二卷 刊本並存 ○ 有
州後學沈默 康熙 王寅 吳興 潘尚仁 三 鸞坡存草一卷
序 四庫全書 集部 別集類 附存目 未 見 ○ 著述 總錄 云 陳可
未 見 ○ 董志 石漁續集一卷 升編有小序 詩百二十首
云 潘尚仁 刻

漱玉集 佚 梅花百詠 未 見 枳鷺山房稿 未 見 螺川漫錄 未
張應綽 字 君如 縣 三禮異同辨正八卷 未 見 ○ 張氏譜云
志 作 張廷 抱冬樓遺詩四卷 佚
董衡 見 人物 詩儂歸夢記一卷 佚 未學齋詩集十卷 未 見
志 云 陸圻 序 刻 著 述 總 錄 云 曾 見 殘 編 一 冊 年 分 一 集
丙 戌 為 焚 餘 丁 亥 為 苦 篇 戊 子 為 寂 圃 吟 己 丑 庚 寅 為
沙 壇 草 為 雪 臥 居 草 餘 皆 缺 總 序 亦 未 之 見 苦 篇 有 顧
宓 波 潛 初 序 沙 壇 草 有 溫 蒼 來 春 生 序 雪 臥 居 草 有 兄
序 漢 策 學 齋 詩 詞 佚

紀錫 字 武 京 號 亦 山 一 號 左氏佩 佚 讀書佩四卷 寫本存
嘉 孫 錫 行 錄 亦山詩集 未 見 ○ 董志 韓文近一卷 刊本
首 題 吳 人 孫 俠 商 聲 選 評 紀 錫 武 京 裁 定 前 有 漫 言 一
篇 順 治 己 亥 孫 俠 題 又 有 選 義 六 則 又 有 茗 雪 棘 人 紀
志 廿 九 著 述 一

蘇文近 未 見 ○ 董志 六家文近 未 見 ○ 董志
序 蘇文近 未 見 ○ 董志 古今忠孝事類 佚
董震軒 見 人物 古今忠孝事類 佚
董渠成 見 歷 芭庵詩草 佚
張肩 見 人 遠偏廬遺詩 未 見
張發 見 舉 湖山詩集 未 見
董樵 見 人 物 易象表 未 見 歸藏論 佚 山海卦緯 佚 周禮六夢
表 佚 史測 佚 蔗園詩集 未 見 蔗園雜文 佚
董聞京 見 人 物 易說 佚 文獻通考鈔 佚 六壬心書 佚 續命書
佚 喜聞錄 佚 偶諧篇 佚 復園文集六卷 刊本存 ○ 叔祖
自 序 四 庫 全 書 集 部 別 集 類 附 存 目 閔 岑 文 稿 未 見 琴 鶴 迂 鈔 未 見 復 園 詩
部 別 集 類 附 存 目

集未見。按文集有詩集自序又有與愁草西征草寓

言泛雪編翠微吟采山編擊壤嗣音等小引七首當

俞雋字人蒙聽雨樓集佚

董牧字放是齋存稿一卷佚

董耒見人物策卦十八變全圖佚香箋佚稼庵詩存一卷

未稼庵詞存一卷未見稼庵雜文佚南雅五卷附靈源詩

存一卷刊本存。選諸僧詩陰在新逸崗及範羽源鴻

并董樵董耒凡十六人乙卯七月漏霜比邱南潛序詩

紀遠見人物風雨吟草一卷刊本存。附古文七篇溪南潘

邢默字子容醫學指南四卷佚

志廿九 著述一

董神駿字西御碧瀾堂詩集一卷未見

董穀士見人物古今類傳四十卷刊本四卷存餘佚。按

首題董穀士農山董炳文霞山輯康熙壬申松陵潘未

序穀士自序并凡例七條卷面有朱印云是書分天地

人物四部茲集歲時乃天部中之一也又朱文長印云

董舫字閣洗硯刪存一卷未見墨渡齋詩草佚

按范志有王濟半硯齋集今成濟即莊廷鑑之子改

董穎佳字玉禾歸中江編年集六卷未見玉禾詩集佚

紀官見人物豐草庵遺文總目未見餘素齋詩文集三卷未見

存。漏霜老人評丙戌自跋丁亥沈昂跋乾隆四年董

編入文集中後

有族曾孫磊跋

倪璠見人物神州古史攷一卷未見。按原書一百五十

類附存目 方輿通俗文一卷未見。按四庫全書

庾子山集註十六卷刊本存。首題錢塘倪璠玉注

沈奕字夔爾爾草一卷寫本

董奕相見貢上諭十六條彙詮未見。董

方穀見人物杏花軒詩草未見。或作

董延枋字準生監生 葵園詩刻佚

志廿九 著述一

紀寅見人物晴嵐詩集未見。董志云石

董友松見人物鏡園詩草二卷刊本存。康熙辛酉鏡園

詩文集佚

董香齡字星池一字 大還山房詩集未見星池詩草佚

董志林見封好生錄佚慾海晨鐘佚萼園集八卷未見

未刻稿見淮遊草一卷未見

董師植見人物汾園集十五卷刊本九卷存餘未見。刊

董炳文見人物霞山詩詞未見晚香樂府未見百花詞一卷刊本

有年姪邵基序又有乾隆柔兆敦祥
孫增姚成烈敬題百花詞後一篇

張駿生 字御 善田草堂詩文集 佚

夏光遠 見人物 五經纂要 佚 圖書攷 佚 潯溪文獻 未見 卽增輯

志 南潯 東甌紀事 佚 左國八家文選 佚

殷赤珠 字茲在一字芝倚 織雲齋雜著一卷 未見 著述 總錄云凡散

行駢體文 織雲齋詩集 殷沈唱和集一卷 有密庵氏 跋又許旦復跋云赤珠與沈怡心

同居城濠上凡唱和詩一百四首

陳某 名字無攷 詩文集八卷 佚

沈國正 見貢 表論 論 文 一篇 其載用勉錄卷首 元一遺詩 佚

邢基 見封 脈經註釋六卷 未見 東垣十書批解 未見 西園居士

志廿九

詩存 未見 邢氏譜 云徐葆光序

董士驥 字鳴 遺集一卷 未見

董士驥 字翼 驛府 菊谿遺集 佚

曹爾价 見人物 不寐吟一卷 未見

俞棧園 名失 平鳴詩畧 佚

紀端 字南表 菊存詩草二卷 孫本存 壬辰族 孫嘉跋丁未又跋

董永烈 字府 聽雨軒詩草一卷 未見

董煥 字東有 號旭初 監生 膝語軒詩一卷 未見

董世熙 字維清 明軒詩集一卷 未見 名繪心編

董陳亮 榜姓陳名亮 性理集解 佚 臥雲樓琴譜 佚 益齋集

未見 臥雲樓詩集 未見

董學燾 字景仁 止齋詩集四卷 未見

董元煥 字辰綱 遺詩一卷 佚

張鳴鈞 見人物 蠶桑條約 未見 張氏譜云刊 于河南有王士俊序

張鳴謙 號紉 紉蘭詩草 未見 紉蘭別集 未見

計成 見貢 南林居士詩集 佚

夏封泰 見人物 周易直本中觀七卷 刊本存 上經二篇下 經二篇後附編類一篇

繫辭一篇 文 言 說 卦序并雜卦二篇 尚書宗要六卷 刊本 毛詩注疏學三

十一卷 存 春秋參壹 佚 夢鸞編一卷 刊本存 承 重孫耀曾跋

曹大斌 見人物 曹白黑二卷 寫本存 首題文貞先生曹大 斌敦山氏著後學張鴻窓少狎

志廿九

校錄有旃業 赤奮若自序 武定府志 未見 嘉定縣志 未見 鹽城縣志 未見 博

物廣志三十卷 藝文志三十卷 文貞先生敝帚編

八卷 寫本存 張鴻窓選錄 敝帚編四卷 刊本存 按 十餘篇此選刊六十七 篇首有自題五古一首

謝洲 見人物 散木集三卷 刊本存 凡詩二卷文一卷有分 干葉舒瑤序雍正甲寅桑調元序

雍正乙巳董煥序雍正丙午曹大斌序康熙壬寅嚴遂 成序又墓誌銘一篇南江董煥按後有乾隆戊子蘭仙

子姚景熹跋 散木庵詩彙一冊 寫本存 有茗川張 載 董王錫跋

月軒漁草 未見 宋元明詩文選 佚 與董煥 曹大斌同撰

王起鵬 見人物 翹如遺文 未見

董熄 見人物 四書纂要一冊 稿本 行笈口涉錄十五卷 稿本

董泗 初名渭 字西瞻 晚香詩草 未見

董駿 初名峻 字開 贊民詩稿 未見

紀琴思 字仲 隨號鶴亭 稟貢 學知堂詩集四卷 凡海陵稟

袁浦 稟倦游 稟應酬雜錄各一卷 子豹文編錄 有長梧朱星渚題辭 未附豹文撰述畧一篇

董耀 初名章 耀字經 青霞樓遺詩一卷 稟本

紀廷輝 見舉 清遠堂詩錄 牧庵遺詩一卷 寫本

夏載華 見歷 石泉遺草 佚

董繩烜 一名烜 字全夫 號曙齋 餘事集一卷 未見 卽來

吳倓 字 讀左錄 未嗜茶集 未渡江集 未見

董翼 見舉 訥齋遺詩一卷 寫本

沈國棟 字蘭 坡歸 袁江游草一卷 稟本 吳陵遊草一卷 稟本

董麟兆 字昂 霄 古今類輯 耐庵詩鈔 佚

莊學德 字 潯溪文獻 佚

董正 字右之 號明 遺詩一卷 佚

董彙吉 見貢 淳庵遺稿一卷 稟本 存 卽

董上塙 字乘之 可亭遺詩 佚

董承勳 見人 周禮通說 佚 地勢考 佚 畿輔水利考 佚 東魯

水利考 佚 洛潭小記 佚 荒政記畧 佚 捕蝗小記 佚 芭堂

詩集五卷 寫本

志廿九 著述一

志廿九 著述一

張明揚 字見廷 歸 拜山詩稿十卷 寫本

董金城 見貢 少客詩集二卷 未見

紀復亨 見人 祥夢記 未鼎湖小志一卷 未太僕遺文百一

編一卷 寫本 存 族孫汝瑚 輯乙卯豹文序 心齋集十卷 寫本 存

蘭夢軒 稟凡經進詩二卷 古今詩 心齋集補錄一卷 寫本

五卷 詠物詩一卷 序詞二卷 存 晉陽唱和編一卷 寫本 存 金館課偶存一卷 寫本

董三達 字備 尊 遺詩一卷 佚

紀日照 字麗 中 珠厓詩文集 佚 半鄉齋存稟 佚 珠厓遺詩

二卷 寫本 存 族孫編跋

志廿九 著述一

紀士玉 見舉 懸圃詩鈔 未見

董希輅 見貢 蓮臺所見書目 佚 蓮臺遺詩一卷 寫本

張鴻儒 字禮 源 南潯文獻志二冊 寫本 存 乾隆戊寅白

門內缺詳 異叢談二門 一名重增 南潯 志或作張鴻憲 著 講夢 卽董肇 鐘跋

俞從龍 字翰 飛 在竹居詩稿一卷 未見

陸金 字麗 江 堪輿一貫六卷 刊本 存 前集空龍鏡三卷 未 潯溪老 人自序

董庭堅 字襄 虞 府 毅庵今體詩集 佚 毅庵遺詩一卷 寫本

董豐垣 見人 物 禹貢纂註一卷 寫本 尚書大傳考纂三卷

刊本 存 吳江沈彤 序 乾隆三年 竹書紀年辨證二卷

董煨 序 後有附錄 補遺源委 備考

手

補遺辨證一卷寫本存。乾隆甲子長洲彭啟豐序。江都唐紹祖序。乾隆丙辰自序。又自跋。補遺辨證丙辰自跋。識小編二卷刊本存。乾隆癸未自跋。後有姪肇鏗跋。家類著錄菊町遊彙一卷彙本存。

董民傑字興豪。歸安廩生。凡夫僅存草一卷寫本存。

董鈞一名秉鈞。字廷附。監生。百尺樓詩一卷未見。

董調元字汝梅。號若川。廩貢生。藕花溪吟草一卷未見。

董鏞見封表。地理摘要二卷未見。

董起元字棟。青號紹亭。監生。九宜樓詩鈔佚。

姚德鉉字洽。公。吳興志纂未見。洽公集唐詩未見。

董進元字輔。唐歸安學生。恕庵詩鈔佚。

志廿九 著述一

圭

紀汝霖字潤。章號商巖。監生。嚶覺集五卷寫本存。

吳巖見人物傳。律表未見。龍泉使承祖梓行未見。灌園近稿佚。使游草未見。碧梧山館詩集未見。

丁蟾字月亭。號蓉齋。縣學增生。蓉齋詩彙十五卷佚。候蟲吟一卷寫本存。

道光戊子張鑑序。西泠草三卷寫本存。續候蟲草二卷寫本存。蛤巷草一卷寫本存。三續候蟲草一卷寫本存。

胡璘字遺之。縣學生。寶書樓詩草偶存未見。甌越游草未見。豫章游草未見。

徐景字口。夢草軒詩草未見。

王鼇字掌。絲歸安學生。辟塵軒吟草未見。

徐德元見舉人表。戎疆瑣記未見。香雨叢談未見。蜀中名勝記未見。名勝詩官箴詩未見。燕中草未見。蜀中草未見。秋海棠倡和詩未見。芷堂文集未見。

韓宗濂字叶溪。縣學生。梧影軒詩草未見。

潘其瀾字思澄。香泉殘稿一卷寫本存。有丁蟾題辭道。

董兆元字蓉采。號悟庵。縣學生。江峯筆記未見。江峯詩文集二卷寫本存。

庚戌甥男錢璋編錄璋有跋。嚴海珊明史雜詠集註四卷未見。海

元之舅氏驥村人。古今類詩六十卷寫本存。以天地人續董氏詩萃未見。

董景坡初名小坡。見舉人表。眉峯詩集二卷寫本存。

志廿九 著述一

圭

陸充垞字鳳輝。葑澗遺詩一卷彙本存。

董啟埏見歷仕表。秋樹詩草一卷寫本存。

董蒼霖字清。載號魯庵。吏員。候選主簿。餘事詩彙佚。

張鴻憲字少翀。號叔府。學生。書經理解質疑五卷佚。歷朝篆體四卷佚。印宗一卷佚。和叔遺文二卷佚。蛩吟詩集二卷佚。

卽少翀遺詩

陸嵩高見人物附傳。敬堂遺詩未見。鳳池集未見。滇遊草未見。

溫鶴立見進士表。陂田遺草未見。

著述二

汪曰楨撰 南潯鎮志卅

大清

方熊 字飛崖 縣學生 住 南潯文獻志 未見 乾隆 帶湖草

堂集 未見 飛崖詩刪八卷 寫本存 吟寒集 絮吳羹 選庚

園社 吟瀕湖草各一卷 編年始甲子迄癸未 首載茅應

奎絮吳羹小序又庚辛集自序自書湖山草後二篇後

范君俊 字昉之 縣學生 天平山雜著 佚 雲樓詩鈔四冊 存 聯珠

集 佚 閩游吟草一卷 寫本

范君俊 見舉 恕堂編年詩 見北游草 未見

董啟嘉 見恩 東游草一卷 寫本

志卅 著述二

尹世奇 初名錦 字蜀 西亭詩集 未見

董希載 初名載 復字幼 歐餘吟 佚 歐餘小草 佚

董王錫 見舉 愛蓮居詩彙 未見 卽

董存誠 字奇 梅號立堂 又 劍引軒偶存一卷 寫本

董肇釗 字繼 保釐遺草 佚

張德奎 字聚 東號 桐雷歌詠二卷 八詠樓吟草四卷 未見

擬 南巡詩賦二卷 佚

楊素培 初名成 仁字兼 越游集 未見

方燾 字簡 號澄洋 又號 重修南潯鎮志十二卷 寫本存

乙巳自序 按與董 山子詩鈔十一卷 寫本存 田園社

榮鐘志大同小異 吟待定草 澤西草

徐西倡和集 卷六 吟草者一卷 編年始戊寅迄丁巳

笥岳詩賸二卷 寫本存 戊子海

楊素墀 字應之 縣學生 荻漁詩 未見

施鳳藻 字虞 借 虹映村莊詩草 未見 十紅詞 未見

董肇鈴 字健 玉岑小草一卷 寫本

董興宗 字敬 號借軒 傳古逸錄一卷 寫本存 集其兄

紀豹文 見貢 山左遊草一卷 寫本存 嘉慶 鳴鐸偶存一

卷 寫本存 嘉慶六年自序 餘山平恕 務園張駿竹安

辭 懷經錢塘八逸 趙士霖 門人陸樹德 姪孫奎光 題

林下雜詠 未見 壽言榮贈編一卷 寫本存 尚齒會歷年

志卅 著述二

倡和編 未見 卽 備志

范穎通 見人物 南潯掌故 佚 天平山漫志 未見 研北居瑣錄

未見 茗溪草堂詩稿 未見

沈豐岐 字大宗 歸 國朝律賦偶箋四卷 刊本存 乾易

齋詩草一卷 未見

陸賢英 見貢 翁聲遺詩 未見

計發 見人物 魚計軒詩話一卷 寫本 魚計軒詩鈔一冊 寫本

存 閩文山 凌樹屏題辭

孫世楷 字維 遺詩 佚

胡珊 字渠 號問波 縣 間波詩草 未見 嶺南詩草 未見

孫藍玉 字師雍一字思潤庵詩鈔見未

褚介宗 附傳 遺詩一卷 寫本

董肇錦 字尚綱 淡村遺詩一卷 寫本

董肇鋒 字繼輝 懷村遺詩一卷 寫本

董肇鑽 字豐玉 號雲門 又 怡雲軒詩草一卷 寫本

張升吉 物傳 樾門嘯餘錄 未見 棠陰雜詠 未見 編鳳山士

董肇鏜 附傳 南潯鎮志十二卷 寫本 存 乾隆丙午白

卷首圖卷一 沿革分野疆域麻宇古蹟卷二 職官科第
明經卷三 仕宦封贈薦辟卷四 人物卷五 節烈藝術卷
六 篤賢釋老卷七 祠廟坊表陵墓河渠津梁卷八 風俗
物產祥異卷九 經籍碑銘卷十 藝文詩卷十一 藝文文

志卅 著述二

卷十 梅圃小草 未見 客窗偶存一卷 寫本 錄存編二冊

沈升嶠 見舉 辛齋遺詩 未見

董肇鏗 字慶揚 晚年改 秋槎小草一卷 寫本

董肇鎔 字治堉 歸 續谷小草一卷 寫本

張大樾 字星五 號 豐芭堂詩草 未見

汪廷業 附傳 醫門綱要四卷 未見 傷寒津要四卷 未見 保嬰

大成集四卷 未見 笠岑遺草 未見 集陶詩一卷 未見

歸光曙 字接三 古香遺韻 未見 曉齋詩草 未見

陳善 字明懷 號 吟 挑菜集 未見 蔗園吟草 未見

董肇鎬 見貢 月橋存草一卷 寫本

董一經 見表 韋莊詩鈔 未見

屠元淳 字心發 歸 訥庵遺詩 未見

夏耀曾 字藻亭 號 少 小山居偶存彙一卷 寫本 小山居附

存稿一卷 寫本 存 按秋水文叢有始穀堂合集序蓋

不言若干卷 并不言 何人所編 附識于此

范宗鎬 附傳 研北居滄著二卷 未見 菁山感詠 未見

張謙吉 字蘊山 縣 耦莊詩草 未見

張震亨 附傳 月襟吟館詩草 未見

張豐亨 字慶來 號 歐 不堪持贈錄 未見 怡雲山房吟彙 未見

志卅 著述二

紀松 字鶴 鈞青集五卷 寫本 存 首莞爾集 戊子自序 己

早懷序 次自怡草 甲午自序 壬辰辰溪凌雲學坡氏序

次率性草 甲午自序 次安懸草 自序 甲辰閩漳陳國治

平齋氏序 次梅花詩 辛丑 鈞青詩錄 未見 族孫

湖濱張彛之 午山氏序 鈞青詩錄 未見 族孫

汪靈川 字古學 摘要二冊 寫本

紀元音 字景鐘 號 響 題贈詩一卷 未見

董掄元 字步 晚香詩鈔 未見

董載昌 初名攀龍 贊洲詩草 未見

董肇鏗 字依 掬盈編一卷 未見 董志云

董錫寶 字保 保南小彙 未見 從伯兆元序刻

王翰青 字文虎 改字 鄂舟 號 鶴野遺詩 未見 東游草 一卷 刊

存、嘉慶丙辰自序 鶴野詞一卷 刊本存。亦題揚州未題揚州以增校 按范志作范 來庚刊謄

楊鳳聲 附傳 睦游草 見 虛舟遺草 見

陳紹登 號春 春麓詩鈔 見

董傳 初名傳 孫字定 瞻園雜詠一卷 寫本

陸樹德 字存耕 滋田詩草 見

紀思曾 初名經 字向 魯堂詩鈔一卷 寫本

紀榮炳 初名元 章字 秋瀾詩草 見

范登 附傳 貢舉備攷一卷 刊本 續葺文正公年譜 見 未後

樂居漫志 見 未 研北居詩集 見 未 研北居文集 見 未 寄庭遺稿 見 未

志卅 著述二

五

見 未

金世杰 字奇 若號靜齋 監生 宋安人節孝詩鈔 未見。備 志云其生 母宋氏 乾隆時請 旌 偏徵詩歌彙刻此編

歸鸞 見 歷 清茗漁隱詩稿一卷 寫本存 自跋

吳謙 字晴 谷 冷餘詩鈔一卷 寫本

金大鯤 見 歷 春濤詩草一卷 刊本存。乾隆戊戌孫梅序 又有兄澤農 德輝 序 嘉慶五 年王以 街跋

董惇史 見 舉 廉泉詩彙 見 未

楊鳳苞 見 人 十八家晉史纂 見 未 南疆逸史跋一卷 寫本存 凡十 二 秋室荷菴 見 未 采蘭窈窕詩集四卷 寫本 秋室詩錄一卷 寫本

楊鳳苞 見 人 十八家晉史纂 見 未 南疆逸史跋一卷 寫本存 凡十 二 秋室荷菴 見 未 采蘭窈窕詩集四卷 寫本 秋室詩錄一卷 寫本

楊鳳苞 見 人 十八家晉史纂 見 未 南疆逸史跋一卷 寫本存 凡十 二 秋室荷菴 見 未 采蘭窈窕詩集四卷 寫本 秋室詩錄一卷 寫本

楊鳳苞 見 人 十八家晉史纂 見 未 南疆逸史跋一卷 寫本存 凡十 二 秋室荷菴 見 未 采蘭窈窕詩集四卷 寫本 秋室詩錄一卷 寫本

刊本 西湖秋柳詞一卷 刊本存。弟 采蘭窈窕文集四卷 存 秋室文錄一卷 刊本 西圖老人文鈔 見 未 國朝湖 州詩錄三十四卷 刊本存。陳焯原編 本事詞 見 未

施國祁 見 人 周易攷異 金史詳校十卷 寫本存。汪 源劄記二卷 刊本存。金源又劄一卷 刊本 史論五答 一卷 刊本存。即 禮耕堂叢說一卷 寫本存。汪 山詩集箋注十四卷 刊本存。卷首為原序 例言 本傳 實十六卷 范 元遺山文集箋注 見 未 金源雜興詩八卷 寫 志云蔣炳刊 禮耕堂文集 見 未 禮耕堂外集一卷 寫本 禮耕堂文 復校 吉貝居暇唱一卷 刊本存 禮耕堂詩集三卷 寫本存 許旦 寫 禮耕堂文集 見 未 禮耕堂外集一卷 寫本 禮耕堂文

外集一卷 寫本 言情簫譜詞 見 未

邢典 見 人 大衍掛劫說一卷 佚 學易心數一卷 寫本存 醒 心錄一卷 寫本 有益語一卷 寫本 六壬占驗一卷 寫本 書城雜著三卷 寫本存。凡十七篇 課子編 未 雲水堂薈萃集一 冊 稿本存。戊子 書城詩鈔一卷 寫本存。吳謙序 長興朱紫貴序 書 城文鈔一冊 寫本 南林雜詠一卷 寫本 醜婦編一卷 寫 存。自引凡雜文 一百二十八首

劉桐 見 人 聽雨軒集 見 未 楚游草 見 未 楚游續草 見 未

溫一貞 見 人 也癡題跋 見 未 綺石居雜誌 見 未 書畫管見錄 見 未

歐癡樓詩鈔 見 未

歐癡樓詩鈔 見 未

歐癡樓詩鈔 見 未

志卅 著述二

六

董傳經字厚畚號香陵又號性存好道家闡易淵微一卷

寫本存。道光壬辰六草堂詩鈔二卷寫本存。嘉定錢大昕序嘉定辰天心道人自序

董應椿見舉人表愛餘閣遺集一卷寫本存。道光庚子孫燮序

董大辰字星樑附貢生銀橋遺詩見未

紀峻見人表小蓬萊詩錄一卷寫本存。子南枝跋小蓬萊文錄一卷

沈謙字吉甫一字潔夫號夢香監生淮陰游草一卷寫本存胸浦吟稿一卷

存寫本疎柳軒偶存一卷寫本存對影齋偶存一卷寫本存上偶存一卷寫本存琅玕館偶存一卷寫本存琅玕館憶存

一卷寫本存董應兆字更生縣學生更生詩鈔一卷寫本存

董宗海見歷仕表變庭小草二卷寫本存。上海覆瓿錄下卷海天吟嘉慶庚午自序庚辰

張鑑見人表采雲軒小草見未錄存續編一卷寫本存。其父肇鏗之書

詩攻逸見人表古文尚書脛說一冊寫本存詩本事一卷寫本存韓

自喪服古注輯存二卷寫本存。一名夏小正集說一

卷寫本存論語攻逸一冊寫本存孝經證墜簡一卷寫本存

五經叢說五十卷寫本存七緯補輯七卷刊本存。侯官趙在翰刊附所

輯七緯說文補注一卷寫本存六書寤言四卷寫本存假借

志卅 著述二

七

表通釋一卷寫本存西夏紀事本末三十六卷寫本存。首有年表

卷一東南半壁紀事三十卷寫本存隋朝行宮錄一卷寫本存

蕃釐觀志一卷寫本存洞書六卷寫本存。即西海運芻

言四卷寫本存。分稽古明試通論孔子徒人圖法一

卷寫本存嵇氏聖賢高士傳存真一卷寫本存兩浙賑災記

三卷附錄一卷刊本存。有錢寶甫費錫章阮元三序

瀛舟海內先賢行狀見未雷塘庵主弟子記二卷刊本存

徵阮文達公元年譜墨妙亭碑目攷三卷寫本存傅子廣輯三卷

宋畫院志四卷寫本存中西星歌合鈔三卷寫本存統歲

實消長表三卷寫本存天元借根得一二卷寫本存。一名天元一細

述立天元一捷法一冊寫本存釋菜一卷寫本存釋馬一卷

存寫本夢史一卷寫本存破蝨錄一卷寫本存冬青館隨筆一

卷寫本存破睡錄一卷寫本存忼激錄一冊寫本存楚詞釋文

十七卷寫本存上林子虛賦郭注輯存二卷寫本存蠅鬚館

詩話五十卷寫本存。內第二十八卷秋水文叢五十卷

寫本存。一名秋水文粹第一卷賦二卷至二十卷古

今詩分十七集日婦花山館日勞耕日湖樓一名搖碧

齋日桐溪拾橡日過江日望雲日冬青席日蕪城日臨

冬青席日北征日南游日寄阮日續桐館日淮南日臨

頓里日林屋洞日桑芋園日丁二卷至四十九卷

文分二十類日書日序日跋尾日攷日辨日論日條日例

日議日解日贊日銘日序日傳日書事日記日碑日墓表日

蔡志銘日行狀日誄日祭文第五十卷即海運芻言自

志卅 著述二

八

文叢再編一冊寫本存。一名文碑

文叢三編一冊寫本存。一名

文叢四編一冊稿本存

古宮詞三卷寫本

畫賸詩三卷案本存。即冬青館甲集六卷乙集八卷

賞雨茅屋詞二卷案本

范錯見人吳興藏書錄一卷刊本南潯劉氏眠琴山館藏

書目四卷案本存。首題烏程范錯白舫張鑑秋水計

漢口叢談六卷刊本存。東華笑頤雜筆六卷

道光二十溇溪紀事詩二卷刊本存。凡詩七十首并

湖錄紀事詩一卷刊本

感逝吟一卷刊本續漢上題

溇溪漁唱一卷未見茗溪源隱詩稿六卷

溇溪源隱詩稿六卷未見

幽華詩畧四卷刊本存。道光戊戌漢陽孫煦序

蜀游草四卷寫本存。西川小草浪游集

談道中字聖遺詩一卷未見

紀庚發字巽巖監生唐詩鈔讀本二卷刊本存

王鑄見人物雪浦遺詩未見

楊錯見人物蕢香席詩集未見

張鎮一名恆鎮字南華一字夢史一卷寫本存

草一卷寫本存。一溇溪漁唱一卷

張澂初名珂見秋晚駢體文未見秋晚詩草未見

丁源字肇崑號夢嘯月齋詩草二卷佚夢坡詩選一卷寫本

董襄見人茗華齋詩集十冊案本存。編年起嘉慶壬戌

紀方虎字炳歙谷遺詩一卷寫本存。從

董慶槐字春敷號晉樹又號種菘山房詩草二卷寫本

吟集一卷案本怡雲集一卷案本遺意集一卷案本

洋古詩選補遺四冊案本

馮鳴盛見人物篔園僅存草一卷未見

桂森字凌蔭號末門又號曉藕香書屋遺稿一卷寫本

存。族叔若木

存。族叔若木

志卅 著述二 九

志卅 著述二 十

紀沂春 字心雲 一字遺詩一卷 佚

吳林 初名復 曾字幼興 桐陰詩草 佚

徐方來 號墨 珠江吟 見 墨莊詩草 未

張琰 字舜欽 號醜 窺豹錄一百卷 寫本 自怡集 未 醜舫文集 未

集 未 嚴海珊明史雜詠增注四卷 寫本

張曼壽 原名泮 一名淵 字禮堂 號小秋 又 橋田窗課一卷 寫本 眉無小集一卷 寫本 汝畫齋詞一卷 寫本

董增齡 見人物 規杜釋義八卷 寫本 存 論語雅言二十卷 寫本

寫本 存 徐養原序已卯穀山蔡之定序 國語正義二十一卷 寫本 存 光二年高郵王引之序 金匱集解二十二卷 寫本 存 嘉慶十九

年自 江海明珠二卷 寫本 做 蔣文照 字容輝 號 毛詩諸經引文異同一卷 寫本 存 嘉 蓉村監生 大學古注一卷 刊本 存 地理百一二卷 寫本 存 地理管窺 一卷 寫本 存

志卅 著述二 卅

吳仙槎 字翰 號 太平閒話二卷 刊本 存 新安嘯 太平閒話 竹山人序 自跋

徐鏞 字以閣 號 惇敘居閒吟草 未 見 董辰謨 改名炳 謨 印雪吟一卷 寫本 存 汪 見 歷仕表 經文篆正二十卷 寫本 存 十三經釋 號小海 經文篆正二十卷 寫本 存 嘉慶 說文集 正三十六卷 寫本 存 古文纂一卷 寫本 存 嘉慶 證十四卷 寫本 存

張文洽 初名濤 字海門 經文篆正二十卷 寫本 存 十三經釋 號小海 經文篆正二十卷 寫本 存 嘉慶 說文集 正三十六卷 寫本 存 古文纂一卷 寫本 存 嘉慶 證十四卷 寫本 存

正三十六卷 寫本 存 古文纂一卷 寫本 存 嘉慶 證十四卷 寫本 存

證十四卷 寫本 存

香南倡和集一卷 寫本 存

叢鈔一卷 寫本 存 拾香草堂識餘一卷 寫本 存 一名 拾

香草堂集二卷 寫本 存 凡詩 勸書集吟卷一卷 寫本 存

香南倡和集一卷 寫本 存

紀奎光 見表 一斑集一卷 寫本 存 紀磊跋

紀慶曾 見人物 師泉經說 未 師泉史論 未 古滕日記一卷 寫本 存 壘翠居文集一卷 寫本 存 許 師泉遺詩一卷 寫本 存 存 許 旦 復編錄 許 基方 孫 之 文 復 未 濂 劉

董恩湛 字賦 號 春澤 又 悔生稿 未 見 盛朝助 見人物 唐述山房日錄二卷 寫本 存 沈 珪 編錄 卷 又有 許 旦 復 跋 吳 江 沈 沈 氏 雞肋偶存一卷 寫本 存 徐福 字養之 號 鶴田 府學 鶴田四六稿一卷 寫本 存 豹隱集 二卷 寫本 存 豹隱集續編一卷 寫本 存 鶴田詞一卷 寫本 存 董允升 字寅甫 歸 松門遺詩 未 見

孫燮 見人物 愈愚集六卷 刊本 存 凡詩 四卷 愈愚續集 四卷 刊本 存 愈愚後集四卷 刊本 存 愈愚賸 稟二卷 刊本 存 補讀書齋集二卷 刊本 存 愈 愚遺集二卷 寫本 存 詩 文 各 一 卷 宋 六 家 文 鈔 未 見 董時烜 初名作梅 字 嶽 嶽 聽 雨 樓 詩 鈔 一 卷 寫 本 存 溫日鑑 見人物 魏書地形志校異三卷 附錄一卷 刊本 存 辛卯長樂梁章鉅序 歷朝郡縣名編韻六冊 寫本 存 古壁 張鑑序 丙申丁亥跋 叢鈔一卷 寫本 存 一名 拾 叢鈔一卷 寫本 存 拾香草堂識餘一卷 寫本 存 一名 拾 香草堂集二卷 寫本 存 凡詩 勸書集吟卷一卷 寫本 存 香南倡和集一卷 寫本 存

香草堂集二卷 寫本 存 凡詩 勸書集吟卷一卷 寫本 存

香南倡和集一卷 寫本 存

叢鈔一卷 寫本 存 拾香草堂識餘一卷 寫本 存 一名 拾

香草堂集二卷 寫本 存 凡詩 勸書集吟卷一卷 寫本 存

香南倡和集一卷 寫本 存

叢鈔一卷 寫本 存 拾香草堂識餘一卷 寫本 存 一名 拾

香草堂集二卷 寫本 存 凡詩 勸書集吟卷一卷 寫本 存

香南倡和集一卷 寫本 存

叢鈔一卷 寫本 存 拾香草堂識餘一卷 寫本 存 一名 拾

香草堂集二卷 寫本 存 凡詩 勸書集吟卷一卷 寫本 存

香南倡和集一卷 寫本 存

叢鈔一卷 寫本 存 拾香草堂識餘一卷 寫本 存 一名 拾

香草堂集二卷 寫本 存 凡詩 勸書集吟卷一卷 寫本 存

香南倡和集一卷 寫本 存

叢鈔一卷 寫本 存 拾香草堂識餘一卷 寫本 存 一名 拾

香草堂集二卷 寫本 存 凡詩 勸書集吟卷一卷 寫本 存

香南倡和集一卷 寫本 存

汪延澤 字潤之號讓庭又號西山 耕煙詩鈔一卷 寫本存

張封

初名嘉 字一清 號又 藝圃雜記一卷 寒哇詩

鈔二卷 寫本

董蠡舟 見人物 周易鄭義一冊 釋祀五十五卷 寫本

計祭法十七卷 祭前事二卷 祭事四卷 儀節七卷 祭物十卷 祭器六卷 祭服九卷 三國志雜校

一卷 補五代史記纂誤一卷 十六國史攷逸

十八卷 寫本存 首附所采 龜巢隨筆一冊 寫本

巢集五卷 寫本存 自己已至 董節病夫詩錄十卷 寫本

存 凡葛葉集二卷 絮影盒集一卷 呻吟語二卷 南

淳齋桑樂府一卷 驚年集二卷 齋鼻吟一名 龜巢詩錄

二卷 編年自戊辰至 鑄范自訂彙一卷 寫本存 辛備

暇集一卷 寫本存 癸巳 德辨齋集一卷 寫本存 乙

序 垢囊賸稿一卷 寫本存 丁酉 遂非集一卷 寫本

庚子 至壬寅 多暇日盒集一卷 寫本存 癸卯 至 蘭情

竹抱室集一卷 寫本存 丙午 夢好樓詩草一卷 寫本

亦選錄 溇溪權歌一卷 刊本存 凡一百首 并自注 前

其後復加改定 仍一百首 九秋吟一卷 刊本存 居維

未刊已編入 聽集 中 赤奮若 自序 後

有弟 恂 懷人詩一卷 寫本存 夢好樓文集二卷 寫本

巢雜著一卷 寫本 楹聯存彙一卷 寫本 無絃琴趣一卷

馮步青 見人物 葑園詩存 見未

董辰箴 字鴻 懷好吟一卷 寫本

邵芝生 字仙根 仙根醫述八種 見未

諸常 字景眉 號慧 崇本堂駢體文二卷 寫本存 歸

詩鈔一卷 寫本存

溫文禾 見進 稼生遺彙 未

張丹山 見人物 溇錄十冊 寫本 學古日鈔一卷 寫本

樓詩鈔 見未 溇溪棹歌一卷 寫本存 凡一

沈登瀛 見人物 湖州府志記疑四冊 寫本 湖州歷朝地志彙

鈔二冊 寫本 重定府志郡守表一卷 寫本存 重定府志

州縣表一卷 寫本 長興邢志條辨一卷 寫本存 辨邢

譚自 南溇備志四冊 寫本 南溇著述總錄三卷 寫本存

元人 明人 卷二 國朝人 卷三 譜錄 流寓 閩秀 方外 南

溇詩文彙錄四冊 寫本存 一名 凝香書屋書目一冊

寫本存 每 南林鄉前輩私祀錄一卷 寫本存 深柳堂

書各有解題 深柳堂文集一卷 寫本存 丁桂編錄

雜著三冊 寫本 深柳堂文集一卷 寫本存 丁桂編錄

施綺舟 字口 挹江樓詩彙一卷 見未

陸鳳銓 字樞桐 勸戒戲子文一篇 寫本

歸模 字建中 號樸 禹貢注輯讀一卷 寫本

張藻錦 字蘭敷 瀛士賦草箋畧 見未 瀛士詩文稿 見未

夏霖 字汝康 號心舟 辦香館詩鈔一卷 寫本

紀運芳 字應辰 號雨江 詩鈔一卷 見

董恂 見人物 夏小正傳注集證四卷 寫本存。卷首舊序

卷尾逸文釋文附錄補遺實 南潯志稿二冊 存 古今

名醫傳十一卷 一名醫統 古今醫籍備攷六冊 稿本

文房雜錄二冊 存 宮閨聯名譜八卷 寫本存。分天

謂寶器動植三 婦女雙名錄一卷 寫本 巾幗鬚眉記一

卷 寫本 七字謠纂一卷 存 古今異名編一卷 寫本 脂

粉簿一冊 存 紫藤花館駢體文二卷 寫本 紫藤花館

詩集十二卷 稿本存。分初鶯釘鏡筆巧 兩宋宮閨

詞二卷 寫本存。凡二 淳溪棹歌一卷 寫本存。凡一

南潯蠶桑樂府一卷 寫本存 紫藤花館詞集九卷 寫本

凡古琴盒塵談二卷 夢香亭蝶拍一卷 集詞牌名小令

一卷 蠶墨樓繪聲譜一卷 評香盒有聲畫二卷 一名百

花詞附花間鈴語二 麗雪聯吟一卷 刊本存。詠白桃

卷首有陸長春序 十六首道光己丑 花凡十九人詩四

沈垚 見人物 元史西北地蠶測二卷 未 地道記十卷 寫本 西

游記金山以東釋一卷 刊本存。筠潭葉紹本跋金山

西游臺灣鄭氏始末注六卷 刊本存。係德清沈雲撰

記後傳經 新疆私議一卷 附蔥嶺南北河攷 寫本存。

堂叢書 漳北澹南諸水攷一卷 寫本 元和郡縣

志補圖五篇 存 西域小記一卷 寫本存。凡新疆統

路諸城表三 落帆樓雜著三卷 寫本存。汪 簡札摭存

三卷 寫本存。汪 落帆樓文集三卷 寫本 落帆樓後集

三卷 寫本存。汪 落帆樓外集一卷 寫本存。汪 落帆

樓別集一卷 寫本存。汪

董思 字容甫 號研齋 詩鈔一卷 未

夏蔭棠 字念慈 又字劍華 館詩鈔一卷 寫本存。

范來澧 號雲 慎修堂輯聞 未 雲巖小草 未

丁桂 見人物 歐餘山房文集一卷 寫本存。許

張藻鏞 字駿聲 譜笙詩鈔 未

汪辰 一名宗海 字仲猷 惜三草堂詩鈔一卷 寫本

紀南星 字壽門 號秋 痘科集腋三卷 存

董邦楨 字維周 號硯 硯洲詩賦一卷 寫本

范來庚 見人物 南潯鎮志十卷 刊本存。道光辛丑 樹城

序并凡 秋胎漁唱一卷 刊本 南潯文徵 未 南潯詩徵 未

邢傑 號柳漁 歸 綠雲山房詩編一卷 寫本存。綠雲山房

文編一卷 寫本存。

邢偉 號詩樵 痘疹治案二卷 存 芝蘭室吟草一卷 存

邢琛 字玉山 歸 玉山詩賦二卷 存

張宮桂 一名熙柱 字翊 藏雲閣詩鈔三卷 寫本存。

邵浚 字畫 傷寒心得 未見 雜症匯參 未見 畫人脈論 未見

汪胤 一名宗准 字子瀟 玉盃詩鈔 一卷 寫本 存 兄曰楨 序

張模 字樹基 歸槎仙未是草 一卷 寫本 存

按向時曾見重蒙須知一冊 不著編輯者名氏 乾隆中刊本 題南溟同善堂藏板 其書采綴幼儀及嘉言善行 纂述有法 圖畫精工 今求之

不可復得矣 特附識于 著述之末

又按溟人所撰制藝則有殷維藩 殷俊 人棄金 澳金 邃青時文 丁蟾松 承堂 課藝 紀雲 錦樂 此堂稿 董槐 訥夫制藝 馮鳴盛 篋園 塾課 孫變 修竹山館 制藝 舊

課偶存 錢亦昌 竹坪 文彙 試詩 則有紀復 亨 蘭 夢 軒 試帖 董恂 紫藤 花館 試帖 彈詞 則有陳忱 續廿一 史

彈詞 曲本 則有陳忱 癡世界 閱南 仲 瀟 陵 夜 獵 諸 常 傳 奇 三 種 董 恂 南 州 夢 演 義 則 有 董 說 西 游 補 陳 忱

後水 詩 此 類 董 恂 南 州 夢 演 義 則 有 董 說 西 游 補 陳 忱 有 譜 錄 今 亦 不 載 又 有 流 寓 一 門 今 惟 寓 賢 有 傳 者

著述 各 詳 本 傳 餘 並 不 載 又 舊 志 每 益 于 限 斷 之 外

志卅 著述二 七

或雜以 轄里馬 要及 濃 港 之 人 今 於 確 知 其 非 溟 人 者 削 之 餘 無 攷 者 未 能 盡 削 也 選 舉 諸 表 亦 同 此 例

閨媛

明

溫彬 縣學生 張金妻 幗 凝春閣遺詩 二卷 未見

大清

顧氏 副榜 董廷助 傳家序 一篇 刊本 存 子漢 妻 見 節 烈 表

金氏 監生 董紹宗 妻 吳 蘭玉軒 稟 一卷 未見 范志 江中書 金秉 樸 女

董氏 董臻 者 女 蘭賢齋集 未見

董琴 字嶧 蘊 副貢 生 董亮 靜吟集 三卷 未見 女 適 德 清 監 生 蔡 雲

金氏 監生 董三 鳳 妻 綠窗閒詠 未見 一名 吳縣 金 天 璋 女

徐氏 應運 使 董承 勳 妻 石門 監生 徐宜人 遺詩 未見

蘇始芳 字幼馨 號心石 又號筠綠 居士 知筠綠 贖 稟 三 卷 刊本 存 凡 詩 二 卷 詞 一 卷 乾 隆 四 年 趙 虹 序 雍 正 十

二年 錢 璣 許 徐 德 音 序 附 康 熙 癸 未 潘 尚 仁 蘇 姬 事 畧

吳端璵 姚景 燾 繼 妻 遺詩 一卷 未見

姚益敬 字元吉 知縣 董豐 垣 妻 歸 芬陀利 居小 稟 一卷 寫本 存 乾 隆 十 年 樊

周氏 附居 士 厲 鸞 序

沈琳仙 縣學生 吳元 宸 妻 歸 遺詩 一卷 寫本 存

熊毓慧 張鵬 程 妻 江 西 新 建 遺詩 一卷 寫本 存

孔繼光 字德隱 監生 夏 祖 勤 妻 見 范湖 散人 未定 稟 四 卷 節 烈 表 或 作 孔 繼 孟 謫

志卅 著述二 大

寫本 存 前 三 卷 為 碧 梧 軒 草 桂 窗 草 病 中 草 編 年 起 雍 正 已 酉 迄 乾 隆 癸 酉 第 四 卷 玉 樓 草 未 嫁 時 作 桐 鄉 馮 浩 評 選 子

吳年 字古 春 同 知 董 啓 埏 妻 歸 雪庭 遺稿 一卷 刊本 存 乾 隆 二 十 九 年 弟 蘭 庭 序

徐苴 字湘 生 號 古 蕪 又 號 南 林 內 史 古 薌 吟 稿 二 卷 附 詩 適 烏 程 武 生 莘 開 見 節 烈 表

徐氏 序 刊 本 存 道 光 己 亥 孫 燮 序 徐 成 戌 閏 廷 楷 貢 甫 跋

吳掌珠 字翠 珍 縣 生 張 萱 飲香 樓小 稟 一卷 刊本 存 道 光 己 丑 孫 燮 序 弟 弟 長 興 朱

汪懋芳 字蘭 晚 附 監 生 董 慶 槐 妻 壽花 軒詩 畧 一卷 刊本 存 烏 程 候 選 主 事 汪 尚 仁 女

道光癸巳弟婦

趙茶編刊并序

趙茶字儀姑一字子逸號次鴻晚號善約老人候選批驗

溫氏母訓附說一卷存遺開瑣記一卷寫本存瀟月

軒詩集二卷刊本存瀟月軒詩續集二卷刊本存瀟月

瀟月軒文集一卷刊本存瀟月軒詩餘一卷刊本存

董馨字桂山舉人董遺詩一卷佚

金素英監生金耀女適德遺詩一卷未見

汪日采字伯荀號于蔡汪延醉墨軒詩彙一卷寫本存

釋子

志卅著述二

九

明

淨戒外傳慧濟禪師語錄未見

袞宏外傳雲棲法彙六十一卷附錄二卷未見

薩戒義疏發隱五卷戒疏事義一卷戒疏問辨一卷淨土四

陀經疏鈔四卷疏鈔事義一卷疏鈔問辨一卷淨土四

十七種問答一卷淨土疑辨一卷遺教經節要一卷輯古

一卷尼戒錄要一卷禪關策進一卷僧訓日記一卷繡

門崇行錄一卷華嚴經感應記一卷勸修淨土三章皇明名

目總要圖一卷往來集三卷附勸修淨土三章皇明名

僧輯畧一卷西湖高僧事畧一卷續儀軌一卷自知錄二卷

水陸修齋儀軌六卷瑜珈施食壇儀軌一卷半月誦戒

儀式一卷放生儀一卷西方願文解釋一卷戒嚴放生文一

卷附諸經模範記一卷隨筆一卷戒嚴放生文一

卷附小雲棲放生文一卷隨筆一卷戒嚴放生文一

規約二卷附各規約雲棲紀事一卷孝義無礙庵錄一

篇雲棲志一卷未見蓮池大師七筆勾一卷刊本存禪宗十

牛圖一卷未見禪學一卷未見禪警一卷未見禪攷一卷未見

偈一卷未見

行恣外傳且止庵詩集未見溇錄云董

雪航名失攷報法苑題名記佚

大清

淨孝外傳歲交詩未見南溇備

白生名失攷東詩集未見

靈璧外傳竹愁詩集佚

懸證外傳侶雲詩集未見

蔭在外傳常照寺志未見香谷集六卷刊本存南溇備志

融校刊蘇州府志香茹集未見

明鑒外傳割泥集未見

幻峯名失攷極遺詩未見

秉融外傳得閒詩集二卷刊本存董志云智融詩集曹

秉遠外傳有白雲山人紀遠序又有雲林石

秉遠外傳有康熙辛丑曹大斌撰傳董志譌

戒石外傳笠雅集未見浮湘編未見

學讓外傳后谷詩集未見

志卅著述二

十

月舫名失 樂聖樓詩草未見

達會見方外 曼陀羅室詩鈔一卷未見

達塵見方外 一指窩詩錄一卷附詩餘一卷刊本存。道光二十四年

烏程孫燮序成豐

眸淳見方外 墨緣詩鈔一卷未見

道士

大清

周科耀一名道显 昇元觀集未見 補閒吟草四卷刊本存。清溪談九

乾未 算序 補閒詩餘一卷未見

毛樸庵見方外 未閒詩草未見

閔九陽見方外 鳳梧堂遺詩未見

沈煦字春暉居百 蘭陔詩草一卷未見

奴僕

大清

張樹培字遠峯海 侍講陳邦直家奴訓導 偶成集四卷

寫本存。成豐

丙辰汪日楨序

補遺

大清

張繼周已見 草亭筆記二卷稿本

陳寅清已見 江村集未見。袁景輅松陵詩徵云霽山世

四種今所存唯江

紀端已見 菊存文鈔一卷寫本

董煜已見 水經注校本四十卷未見

陳可升已見 閩遊草一卷寫本。庚申自跋

陸金已見 經疑一卷寫本 明齋詩集一卷寫本

董豐垣已見 洪範纂注一卷寫本

丁蟾已見 月亭四六遺稿一卷稿本

紀堯年已見 紀作梅詩稿一卷未見

丁鳴鈞字銘九 蓉秋詩文集三卷未見

紀元述字繩祖 閩幽錄一卷寫本。編集陳濂繼妻烈

邵文然字 廣救急良方一卷刊本。存。道光元年自跋

紀峻已見 詩經異義集說一卷稿本 推步小記一卷稿本

蔣炳字鴻儒號枕山 監生議 枕山偶吟草一卷寫本

陸岐字虞廷監生 讀易隨筆一卷未見

張鑑已見 甬遊日記一卷寫本

董恩湛已見 秋聲草一卷寫本 閩遊草一卷寫本 黔滇遊

草一卷寫本東歸錄一卷寫本

張均字以方栽花山館詩鈔二卷寫本

桂琴初名兆鰲字董範未

董樹藩字辰周號子雪鴻雷印稿未

釋子

淨孝已見前洞庭游一卷刊本存○首題古吳周慶澹城父

陳宗之序枯木吟一卷附和枯木吟三卷刊本存○首題萬

白序西廬僧願跋和者正當南潯張淨願閱聲董靈預

沈宏智明董鈞願字夢誓吳智明字雪普二人名字

皆經剗改蓋即張傳吳炎也

志卅 著述二

基

集文

汪曰楨撰

南潯鎮志卅一

上劉座師啓

董嗣成

門生行能無足比數遵奉渠誨惟潔己好修一念不敢少
渝此老師之所洞鑒也即大父家食以後亦違違德施是
務何敢開罪鄉閭其間一大家奴不諳世事間一有之然
豈有不赦之辟至于廷論耶老師治湖明於日月公於覆
載威於雷霆至今士民畏愛如一日脫有不法豈能逃於
明鏡懸衡之下而一旦忽然暴發不可復止此其故可知
已方難之初起門生以為毀家可以紓難散財可以得民
不難捐貲破產冀與解紛當此之時為有司者稍知時變
稍有定衡事可不煩指顧而奈之何其暗而怯也以膏救
火以羶驅螳亂之息也何時之有逮至冠裳夷於奴隸豺
狼徧於原野白刃交於街衢而徐徐焉思解散之已蔑濟
矣宇宙之間誠無此變亂誠無此紀法若夫聖天子震怒
下不測之威則滔滔若水不知化為何物矣門生自遭時
變惟束手悔過田產任其割據廬舍任其劫略未嘗敢一
與相抗蒙謗受辱吞恨飲泣京邸交遊亦未嘗敢出一言
以自剖雪范氏之事乃聖明之獨斷朝堂之公論亦天地
間物極必反之理而忌口仇家必欲嫁禍於默然靜坐待
命之人此某破甑何能再圖自完所可恨者堯舜清明盛

志卅一 集文

一

時而是非不辨寸心不白曠日之下颺颺公行則何能默
默而已耶門生知疎闊日久茲當申候問不宜輒訴私衷
然人窮呼天疾痛呼父母門生可謂窮且痛矣不鳴於父
師之側而誰鳴也家祖自秋冬憂憤成病至今未起不能
躬修候緘并此代申不腆薄將稍致遠意深媿菲褻伏惟
應頓不備

均田定役揭帖

朱國禎

揭為均田定役以救民命事東南財賦之鄉而杭嘉湖在
浙尤重嘉靖以前編審均徭如庫子民阜門廚之類悉僉
鄉民應役朝充夕破重以倭警官吏侵漁公私俱盡於是

志卅一 集文

二

龐御史尚鵬首行條鞭法計直徵銀而民力大紓載在名
宦尸祝至今可徵也又議革去糧長以里長收糧彼此互
管貧富通融十年一審大約中人之家應役有期力均時
暇不至破家破亦有救當道可謂苦心地方亦云大幸矣
然而法久弊生聖賢不免遲至今日道以人豈偶然哉
請先言弊又先言一縣目擊之弊禎烏程人也辛未之審
幼不及詳然創法未久當無甚害辛巳則羅知縣用敬在
事是時豪貴把持首進在圖還圖在甲還甲之說羅亦利
仍舊貫苟且了事民雖憤鬱惴于威刑愛惜身命且力未
甚窮只得隱忍遞至辛卯袁知縣光宇以至今辛丑祖述

其說而民遂大困不可支矣興衰各異偏重不均有一甲
全然無田者有一半畝產而充至數分者有戶絕丁存妄
報分數而親族代當者一僉解戶必至逃亡係籍則百劫
不免漏落則安坐自如凡勢家之佃戶叢僕疏屬遠親與
其蔓延之種田產悉據膏腴畝數不啻萬倍影射那移飛
詭變幻三十年來無一手一足應公家之役無一錢一粒
充應役之勞今番適當鼎新之會在上者皆大賢大良
望絕命復蘇朽骨再肉而牢不可破殆有甚焉不曰脫漏
何妨則曰斷然不動開口與杖爭辨授柳惟圖正積賄如
山賣免買免報德報讐公然無忌而一種奸猾又從中把
持或子女或田產器具乘機奪奪此誰之責誰之過哉亦
試度五十年來能保閭里間圖圖甲甲盡如其舊哉當此
勢窮理極之時大奮便民除害之斷力主均田為民造命
參酌優免以重儒紳均派餘田以恤編戶直下憲牌責以
如式弗以批發了事弗以異議動搖弗以已成憚改則恩
波與江海同深愛戴共乾坤無極豈不媿美龐公且超而
上哉除後項條款外為革弊均田以救民命事應否會稿
通行理合具揭須至揭帖者

志卅一 集文

三

又緒帖

朱國禎

再照編審之弊不能盡言病根積於在圖還圖在甲還甲

兩言重以漏丁不查報頂不允而民之生理盡矣夫甲止
數人若係貧難別無援救貧者日貧譬如索酒一盞之中
索肴一椀之內斷不終日其偏一也勢家大族實繁有徒
團作一處罔上害人富者日富殊無廢足甚至把持官府
搖惑視聽正論難伸伸亦旋過其偏二也有一二已故大
宦從公存恤未為不可而羣小用事形影欺瞞主或加充
僕盡幸免卽背畔驅逐之輩尚爾坐擁高資公然不動泰
如王侯睥睨自若不知何緣榮蒙顧庇其偏三也等則不
均威脅愈甚凡貧難下戶止有逃移自盡一路決不能控
陳告訴落水病兒一直到底下既無日無天上亦不聞不

志卅一 集文

四

見久成者卒難遽改後來者無可奈何其偏四也逃絕既
多勢必累及親鄰展轉扳扯展轉躲避以一害十以十害
百以百害千其偏五也凡此五偏猶其大畧至於瑣屑罄
竹難書故處今之勢別無善策惟均田一節直截簡易若
曰便於民不便於宦則一縣極富極多田之家不過數人
就中分派大段既定彼亦無辭儘有子弟奴僕寄莊取羨
非士大夫本心而士大夫於優免之內尚未足數者比比
可屈指數也今長興金知縣業行此法彼中士夫素稱強
直然已帖帖親認郡中頌金長興者萬口如一豈可行於
長興而不可行於各縣哉若各縣不行無論失此機會十

年內民無才遺而長興士夫且將援以爲辭異日又將變
而歸之民矣可不慮哉可不懼哉千載一時宜汲汲爲之
所矣惟仁人君子裁之察之遇其人而不得行則地方氣
運正厄小民命脈當斬非人之所能爲也

又駁宦戶貼銀一款

朱國禎

貼銀在小民對支其力相抗或可入手若以士夫論頑癡
人也只從自身上體帖最急官銀蒙縣主持帖來催亦遜
謝待明日矣東修最要緊無所怙然遇節令或散館數日
皺眉矣猶曰囊之缺也其以書帕至者每兩賞五分已至
微細有不九折八折者乎折矣有不用新傾水絲者乎此

志卅一 集文

五

雖世套亦人情之常若以貼役持券而至必孔夫子陶朱
公合爲一人又當暇閒喜權時自可立地發出三者少一
吾知其必不可得也再從身上體帖門戶非高深也僕從
非簇擁也然其人有敢突然至前者乎至矣家人有不索
謝者乎拒而不怒肯再通者乎通矣良朋勝賞雅歌投
壺有暇料理及此乎若夫湛思績文或愁冗疾病與畱得
一錢之時有不告之且去者乎去而復來來而復如故又
去又來其人或怨嗟或無狀有肯容而恕且與之如數者
乎委之家督督有賢于其主者乎進之必曰官收之官散
之官可盡法手脚愈多弊不滋甚乎法當稽其所弊有名

無質斷然不可天日在上我輩官法難加民隱難達妻子奴僕皆塗掩耳目之人圖史文章亦彫喪心術之具無可自致只是出力當差貢天子臣職也替小民鄉誼也消災積德大利也習事練手遠謀也故貼銀之說諸公謀之當道主之頑決不敢聞命在宦言宦狂瞽之見止此別有高論請問之高品高官者其可

淳書序

董說

騶衍曰中國於天下乃八十一分居其一分耳中國名曰赤縣神州赤縣神州內自有九州禹之序九州是也不得為州數中國外如赤縣神州者九乃所謂九州也夫九州

志卅一集文

木

之中有中國中國之中有雪雪之中有溥溥渺小哉鄉人董生年二十家甚貧不能裹千日糧徧足跡天下其性情憂愁又不能久鬱鬱因此土也於是謀所以重大溥者凡生於斯長於斯讀書於斯得四十四人而集其文謂之溥書或曰董生狂甚異時高皇帝版圖海內戶口六千餘萬其以文章名後世不過宋濂等三四人抵二千萬人一人也今以區區之溥一旦得四十四人積累之則縣可數百人又積累之則郡可數千人又積累之則中國可數十萬人伏羲以來未聞有數十萬人文章之士者也此董生之過也或曰愚甚當今謀一方曰禦盜曰賑饑董生既病

且憊勿能提千艾備儒將軍之數又貧未嘗推飯飯人解衣衣人飲食二十年矣無尺寸之功於溥獨時時馳騁談說高下百家為萬緩不一急之章句之事此董生之過也董生聞之曰狂董生者知董生者不知溥者也愚董生者不知董生者也古蓋有里社焉是役也不以古道重大溥而以文章此董生之過也

溥溪文獻序

潘爾夔

志者史之遺也天下郡國之有志也其原本于夏書之禹貢周禮之職方則志也而未始離乎經是故稽分野則馮相保章之掌故也攷山川則山經水注之所賅也紀科第

志卅一集文

七

仕宦而識人物之盛衰詳風俗食貨而驗政治之得失綱維名教節孝有書扶植頹風隱逸必錄芳詠藝苑如太史陳風之年泛列災祥如洪範五行之傳其為書也義類勃率淵海而壯風雲以視夫方言博物虞初洞冥諸編猥瑣夸誕大有逕庭矣溥溪茗東古鎮也自予盤桓曹溪過而喜之若習有溥者然泊歲在癸未一枝託足溥亦若習有予者遂稔其事蹟上下五百餘年間不難口數而手繪因復喟然曰溥于今日駸駸乎盛矣平曠往復人事何常自茲以往天地無終窮溥之為溥伊于何底夫滄海可以改觀而書記長垂不朽且予天涯人也孤雲野鶴安定去來

昔王右軍守吳興登歐餘山酒酣顧謂賓僚曰百年之後誰知逸少與諸君昇此山乎因名其山曰昇卽今距尋而西將五十里橫亘道旁層巒縈紆者是夫未免有情亦復誰能遺此因稍爲蒐輯不匝歲詮次成帙以其體例近乎志也遂以名之雖無當于制作之林後此而踵事增華可也其或千載之下陵谷變遷憑此以慰寤歎可也客有譏予者曰志白一統下訖郡縣止耳爲闕里志者以人重也志鎮不幾僭乎且彈丸耳烏乎志予曰唯唯否否夫僭不自予昉也遠不具論近若同川震澤各有志矣烏成青鎮合爲志矣如云其細已甚無當一叟則且與子哆騶衍之

志卅一 集文

八

談騶化人之目將蒼煙九點無異著面黑子極而至竺乾氏之說華嚴藏世界淨土香水海則雖四大洲猶不啻滄溟一漚也子又將何所志哉客啞然而笑脫稿竟并爲之序順治元年甲申仲冬長至日松陵潘爾夔友龍氏題

同里延生社緣起

董漢策

里有社社有期會自措紳先生下逮士庶皆得行之所以淡笑言篤恩好甚便也吾里有異乎他方者則以改飲食宴樂之常爲齋虔禮誦之事大抵習恭敬遠非僻惟以仁壽相期許名曰延生有義皇之思焉夫太古之世多壽循蜚肇紀人皆千歲降是世愈下年益減於是大齊不過百

年或復彫琢天真則短折時有此無異故古人敦龐淳固

而少嗜慾保和守真與道相應故往往永年晚近性溺澆

浮沈淪聲色毀抉倫常動拂彝度天奪靈爽忽瞻西崦理

固然也吾聞在昔謚母投道于淨明日斗中有孝悌王實

主綱紀曾以大道付謚母蓋上天首重孝悌選仙賜福以

孝悌爲上品今之人不務孝悌而欲祈天永命亦難矣哉

同里主此集者可以悟矣論孝悌以立本養天真以頤生

更能欽奉星辰遠紹謚母淨明之教則天必報之以大年

方且小視延康龍漢如一瞬息循蜚春秋又何足云若乃

藉此社集爲沈酣狎昵資將見褻越召罪何福之可求敦

志卅一 集文

九

倫安素以善始終余不能無望于同里焉

滋蘭會約序

董漢策

士生當世未能行道于天下則當羅俊英廣教學相與明道于天下此余與二三子所以有滋蘭之訂也夫蘭稱國香爲王者瑞士稱國器爲天下寶與斯盟者可不自愛重焉諸子勉之矣尊經以爲徑博學以爲晷日決所聞以爲春雨新所知以爲萌芽植性去邪以爲根枝禮以防躬以爲葉萼於是優而游之既灌溉之則怒生也勃焉昔人所云闕在芳谷登在清廟豈虛語耶諸子其勉之矣抑吾又聞之海隅有草焉曰蒼似蘭而非蘭使近蘭則蘭焦矣可

不懼乎諸子勉之為學去其亂正者而已矣樹蘭去其似蘭者而已矣

采真雅集題名記

董漢策

儒者得志於天下則聚天下之人才於有用之地其未得志也則養天下之人才於無用之地故一出一入皆足重乎天下夫今天下猶古也古之天下欲治水火有禹益欲飭邦政有旦奭欲修軍令有管樂欲縱遊說有儀秦軫緩欲理藝文有劉班欲選撫牧有韓范然而山林巖岷之間抱奇隱淪之士棲情山谷未盡見用者代有其人或鬱塞扁落浸淫入二氏則黃冠櫛衣高自標榜甚至學為癩殘

志卅一 集文

十

塊然放廢者不少惟天下人才多故未必盡用即用或不足盡其才其人復不肯小用以是坐堙抑以老未嘗棄世而世主棄之其下又無人教且養焉使學聖賢之道遂放言異服終不見用惜哉在古已然何況今日且士之稱為見用于世者不過乘堅策肥毳衣肉食秉權御威薰灼中外而已矣得則以誇於人不得則搖尾而乞憐此所謂倖遇也非所謂見用也所謂見用者器稱其任官衡其材道同則合不同則去故非其人則不能用我是其人我復能用世一屈一伸與時推遷龍蟄豹變莫知其端藏機無用大用出焉嗟乎吾未見其人也時值已午歲交吾鄉同人

有采真雅集之訂率皆一時者英凡半載一集每集擇勝地講道習禮或賦詩論文恣意所適與集者詳注半載以來心行課程面質當否時撫古今事辨得失既竣各雅歌投壺引觴酌月而散司集者題名其處閒居學道之暇各治一家如禮樂天官形勝之屬或習一藝如琴書射算之屬凡題名兼注所治及所習考進退也於斯時也流矚山水俯仰天地察飛潛之優游極風雲之變態方且膏沐孔孟塵土金張古今一息滄溟一粟豈復計世將用我我將用世哉然而懷苦節者必能建大功遺榮利者必能守道義豫教養者必能希聖賢今使朝焉夕焉幾數十年於茲

志卅一 集文

十

不少衰則道成而上藝成而下任藝文豈必不如劉班任撫牧豈必不如韓范若管樂儀秦軫緩儒者固不屑道矣使治水火飭邦政雖不敢望禹益旦奭豈盡出其下哉夫今人但知有用之用而不知無用之用又但見已用之用為可貴而不知未用之用不可量也然則斯集也正所謂養天下之人才於無用之地者也昔者文中子設教河汾一時魁奇之士如房杜李魏皆出其門宋胡文定公倡鄉學立治事齋游其門者歷官多治績之二子者善為天下養士於無用之地明人倫臻聖功能使國家陰食其報而人莫知韓愈曰孟子之功不在禹下愚以為二子之功亦

不在契下也當今既有可養之人才何患無善養人才之
二子與斯集者喜可知已學聖賢則可以用可以不用不
學聖賢則不可用并不可不用學聖賢則散在四方亦聚
不學聖賢則聚在朝廷亦散與斯集者又懼可知已是爲
記

別駕吳季亭先生壽序

曹大斌

生辰爲壽非古也或者以爲侈雖然敬愛其人而稱願其
壽若南山之詩樂只君子民之父母曷嘗不祝以壽况史
傳所云爲壽者尤不少則生辰爲壽亦古人未起之禮耳
何侈之有乃愚意有進焉敬愛其人而稱願其壽固已不

志卅一 集文

主

更有稱願其壽而望以不朽之業者乎南潯者烏程之東
鄙也僅一聚落而實扼蘇杭之吭夫湖州負太湖爲郡踞
湖上流常州居上流之偏蘇州承其下流在上流者所患
溪不入湖在下流者所患湖不入江江不入海其勢當合
不當分今制以湖州分府專司水利駐劄南潯殆有見于
此乎蓋太湖東南巨浸吳淞係歸海之路吳淞淤則湖必
泛溢下流上流均受其害攷嘉興松江地古僅蘇屬二縣
與杭屬鹽官之少半今且建爲二大郡分縣十四五此非
昔者澤藪之區耶吾恐下流多爲平陸如大小腸窒塞胃
必滿溢豈能無害于咽喉故五代錢氏時立秀州立吳江

而特設撩淺軍八千人治吳淞其慮蓋在此也苟徒喜田
畝之多賦稅之豐而忽于上流下流通塞之故烏乎可愚
謂必重司水利者之權而毋掣其肘將大有造于三吳也
署別駕吳公來蒞茲土以文學飾吏治人疑公爲屈愚謂
苟任公以水利而大布其猷則不朽之業正在乎此二月
二十九日爲公懸弧之辰大斌忝門牆之列不敢以世俗
頌言爲諛佞書此質于公幸進而教之豈僅僅桑梓之愛
哉

志館採訪啓

無名氏

南潯一鎮昔爲縣治今屬名區人物芳規自宋以來鬱然

志卅一 集文

主

相望至於我 朝教澤涵濡自衣冠文物以至閨媛沒著
英聲家傳苦節尤爲彪炳餘如古蹟邱墓憑弔徘徊猶堪
指數若不急勒一書垂之久遠恐世遠年遙漸至湮沒孝
子無所表章名流莫可稽核非所以昭文獻發潛德也且
比鄰烏鎮久有烏青文獻播厥芳徽豈可使潯溪大鎮紀
載蔑焉貽譏孤陋矧今官設別駕轉運鹽漕鬱然重鎮更
宜宣著表揚以覘風土某等是用各釀修金敦請宿儒名
彥擇於某月某日延處御書閣開館編纂凡名宦鄉賢科
第貢舉徵辟封贈隱逸名德文苑忠孝廉節貞烈義俠以
及緇黃方外有道能文者或係前代或在 本朝或屬流

萬或在閨閣悉載簡編以垂不朽至於古蹟橋梁水利墳墓寺觀祠宇殘碑斷碣詩古文詞俱蒐羅記載用資察識其界限東至極樂庵西至九里橋南至輯里北至北迴橋凡在四至之中有宜載入文獻者開明事實送至館中訪之輿論僉同即當登載其有嘉言懿訓家刻私抄以及詩文書籍有關溇鎮者或行暫借或為摘錄統祈寄送廣資參攷事關垂遠均望同心此啓乾隆十四年八月按文中昔為縣治句

南溇文獻志序

張鴻窩

國有史省郡邑有志溇地彈丸而有文獻亦志例也凡以

志卅一 集文

西

昭往示來俾稽古者一展卷而千百載之興廢汗隆瞭如指掌豈細故哉夫修史者必約而賅核而詳深而不晦質而有章嫉惡而不諱褒美而不浮此良史也而志之所貴亦如之夫志一方之事使襲訛而不察其非承舛而不易其弊或失之華或失之目皆非所以備攷鏡而垂鑒戒也南溇志自 國初潘君纂著夏君光遠陳君可升莊君學德相繼編輯分門別類體例略具顧其間遺漏尚多未臻美備嗚呼道狃築舍人莫不姍之余有志已有年矣而齷測管窺莛莛自慙雖生長于溇安能備悉溇事故敢望諸君子芻搜博採精校去畱踵其事而廣大之永為溇鎮之

信史與烏青志並傳則厚幸矣乾隆二十三年戊寅孟夏里人張鴻窩醴源氏撰

南溇文獻志序

方熊

距予家三里而近日溇溪少而遊焉長而足之所歷殆徧其風土習俗固熟悉已不特此也時而閒居晚望見東南煙縷縷起與雲霧相雜諦聽之則熙攘之聲盈耳竊私心養養然以為是不啻澧鎬鄂杜間也當大有可記者且嘗與里中父老絮談溇上往事指而目之曰自前明迄今冠蓋者若而人嘉遜者若而人操著述而擅風騷者若而人心又養養然欲舉而筆之于書為溇上佳話無如溇偏隅

志卅一 集文

五

也無典籍引稽其得之傳聞無證者什之七即散之稗官而未可信者什之三也於吳興最稱佳麗不幸而數百年文獻無徵良可一慨戊寅冬於漆園莊子案頭見吳江潘友龍先生南溇志稿本不禁發狂高叫實獲我心讀之頗得志家體例惜其中猶有不醇不備之憾爰取原本復採摭舊聞芻搜說部仍據門類增之削之更與同志細為商榷顧其間事跡紛翻記錄缺畧而金石碑碣率多漫漶文之雅馴者寥寥不可多得端居窮巷無能遠為蒐羅或失之挂漏或失之繁蕪祇從耳聞目見隨得隨錄存其所可信祛其所可疑漸積草創取精不多未足為潘本踵事增

華而志云乎哉抑又思之海上三神山非不縹緲幻駭
嘯動心但滄波眼底一瀉滋汨而雲煙倏崩屑大約蜃蛟
之氣蓬萊方壺結撰空中曷若曲溪卑阜蝸舍鹿籬桃花
在水犬吠山坳雖小景不多而閱歷所經皆爲實境卽遙
青一抹隱隱天邊矣固知東京夢華不若咸淳志臨安之
爲親切也則夫以里人志里事聊以備掌故可也語云不
賢者識其小者不其然哉不其然哉乾隆二十六年辛巳
中秋裘莊方熊飛崖氏題于帶湖草堂

重修南潯鎮志序

方燾

家孟飛崖偶得松陵潘友龍先生所著南潯志初定稿本

志卅一 集文

未

讀之病其未甚詳贍且抄錄多差誤欲校正而增廣之以
成一方之敦史顧寒家插架不多鮮所引證株守村塾叢
事無人一人耳目未能周及雖稍加刪潤自憾有漏略之
失思協同志漸次蒐羅務期於完美而止旋以病阻藥衰
關心未遑泚筆厥後病卒不起齋志以歿回憶兄病劇時
舉生平所積筆墨倒篋界予茲其一也雖殘息奄奄猶以
不克成此書爲恨屬子續成因承兄志不敢任又不敢諉
不揣謏劣勉詮次之而漏畧之失仍不免焉俟博雅君子
秀羅曲撫窾啓未逮繡諸梓以期垂久云乾隆五十年歲
在乙巳秋七月裘莊村農方燾識

南潯鎮志序

董肇鏗

邱文莊公云世有千載不刊之書而無百年不修之志此
言郡邑志也而一隅之志則當路不及纂修而山林筆記
往往嗤爲好事焉然生於斯長於斯則徵文考獻其蒐羅
較詳其採擇甚確所以前人修郡邑志者卽殘編斷簡亦
皆採擇何異野史之得參正史乎潯水左右不獨震澤同
川各輯一志矣他如前賢沈平之志烏青龐太元之志菱
湖凌桂萼之志雙林藝苑流傳非徒一鄉一里之幸也潯
志始自潘友龍先生疊經夏公樂清陳君補亭張君禮源
先後增訂頗覺踵事增華第書無定本未經校刻且迄今

志卅一 集文

未

垂三十年復多缺畧不揣謏陋每就所見所知者據實補
錄之然學殖卑鄙不敢出以示人乙巳夏方子淞洋過訪
索閱至冬復攜其昆季增訂之本出以示予繼誦之餘尤
覺詳贍爰參核舊筭遺者補之疑者闕之彙錄一編仍質
諸方子互相釐定庶備一鄉之掌故云爾乾隆五十一年
歲次丙午春三月董肇鏗梅圃氏謹識

書朱文肅自書行略後

張鑑

明季潯上諸鄉先生人品以平涵朱文肅公爲居首文肅
旣刻湧幢小品其序張差事云坐以風顛而止浙人皆以
爲別調矣同鄉御史李蕃因參論之遂引疾去此天啟四

年十一月事也魏瑞語人曰此老頭兒也是邪人然卻不作惡事故較諸去相恩禮獨優貴池吳次尾曾書其事於剝復錄中由是宵小害之其為盜柄東林夥云南司業朱某先之歸德江夏託足後著湧幢小品伏挺擊紅丸二案得大拜而東林同志錄首列政府六人亦附於葉向高劉一燦韓爌吳道南孫承宗五人末至點將錄則直指為地伏星金眼彪施恩伏之一字即用盜柄東林夥語亦可笑也其實文肅立朝不久今自序直閣僅九月建白固少其居心純白要不可與僉壬同日語視同時沈文定兄弟遠矣文定既結客光先以通奉聖弟初與兄忤乃翻刻三

志卅一 集文

六

朝要典復借兄以媚奄而得司寇為人發覺瑞亦惡之始罷然則與文肅相較其薰蕕奚待智者決哉庚寅九月

范白舫潯溪紀事詩序

張鑑

南潯一聚落耳名不載於地志自宋人小說昉之逮元戴表元乃著之於詩至正重修南潯城碑遂有鎮儒學之設而文獻闕焉不可謂非鄉土之羞也鑑自少病潘氏舊志體例之妄紀分野表科目幾同優孟衣冠虎賁言笑思與二三友朋改作之則吾白舫實有同志當是時里中故交劉疏雨方為聚書之舉余適臨於其家白舫朝夕從兩入者常左右焉披檢叢殘上下議論余率舉業一

編值有關潯事者輒怦怦為之心動白舫則直刺取其所得以歸已各奔走衣食眠琴山館藏書十餘萬卷旋亦煙沈星散泊余歸家已杳不可復問白舫橐其橐行萬里攬犍為山川之大且遠客十餘年比還漢陽乃先梓其成書寄余洋洋灑灑益見其腹笥之富明年東還復出此屬序讀之則昔人一言一行遺聞佚事靡不畢具不特潘書從此可廢即十餘萬卷不啻如在目前緬懷往昔人之度量相越有如此者昔竹垞在潞河憶故鄉土風成鴛湖棹歌百首人但驚其博洽不知其初亦欲撰禾錄而未果余猶及見其手校嘉興府志丹黃爛然以不復得張元成書為憾則讀白舫是詩當無以異也如比諸夢得竹枝鐵崖樂府抑末矣若夫體製之巨文辭之工淵明懷南村舊居子美弔西川古蹟有全集在子曰違山十里螻蛄之聲猶在於耳亦姑自其近者始之則此詩非余序而誰序之用不敢辭書以誌讀是卷者乙未閏六月

志卅一 集文

九

羨銀定價議

沈登瀛

為賦稅暗加仰祈定價以甦民困事竊考府志田賦烏程之田每畝徵地漕截折銀一錢四分七釐零非特比之歸安長興德清為多即蘇松漕糧甲天下而條銀猶不及烏程此先儒鄭元慶所以有重賦考之作也顧民之病不患

其數之多而患其數之無定遠時不論嘉慶二十年間每銀一錢合制錢百八十文左右今則二百八十有零矣曰銀價日增也然嘉慶時櫃價百八十市價百二十是羨餘六十爲加五費今櫃價二百八十市價百六十是羨餘百二十爲加七半費不過二十餘年之間正價增四之一費增以倍有增無減再幾十年不可復問矣夫國用不足而行加賦亦有定制今國無分毫之增而民受暗加之累豈非歸于州縣之私橐吏胥之蠹飽也哉古者聚斂之臣損下以益上猶不可有況剝下以肥己病民卽所以病國其害何可勝言然則非定價不可顧定價而市價有低昂價

志卅一 集文

手

低則病在民價昂則病在官惟額徵之銀仍隨市價羨餘之銀定以錢數永不加增約以嘉慶時六十文爲準每銀一錢外費六十今市價銀百六十文合爲二百二十文將來市價有增減則百六十者隨之增減而六十文仍舊也夫漕糧耗費較重不過加二半今有加四之費亦至矣極矣如此公私兩便民困稍甦否則價日增而欠日積亦何益哉今治下呈控者紛紛然皆不審上下之情而爲一偏之見將何折衷故敢私議之如此湖州府學附學生員沈登瀛謹議

按賦稅之法欲禁貪吏不得侵漁必先使廉吏不致虧

累倘立法之始專爲民計不爲官計則異日必藉口虧累矣有紛更且勢必變本加厲而民將益困非可久之道也沈氏此議可謂能審上下之情而斟酌得中矣然更有進者每畝漕白之額吳江震澤最多而烏程卽次之至條銀之額則烏程甲于天下蓋漕米之重以正額之外耗米屢增而條銀之重則以正額之外截銀未減也胡李二府志田賦門攷其源委甚詳意謂耗米不可更增截銀大可議減恐閱時旣久民不知其由不敢與胥吏校官亦不知其由不敢與旗丁校故特爲詳攷以示後人當時秉志筆者思深慮遠斯真仁人之言也歟

志卅一 集文

手

夫截銀一款原非正項錢糧有損民生無益國課故他慮多已減除獨烏程分毫未減豈非向隅縱不能盡數豁除亦當減其大半俾民無重困而畱其小半俾官無虧累則催科易舉民欠不致滋多此足民卽以足國之長策也沈氏謂正額用銀羨餘用錢銀隨市價錢有定數固屬不易之論至云民不患數之多則未免語病不過就事論事所謂卑之無甚高論今可行耳若後之賢士大夫志在裕民生以培邦本破除成見不爲苟且日前之計者更當取府志之言而熟籌之也

南林鄉前輩私祀錄序

沈登瀛

道光丁亥之冬，友盛君眉庵歿，期月矣。金丈山甫撫事感懷，謀于瀛等，欲公祭之。孫君愈愚曰：「匪直盛君可念也，猶有前輩在，且同人未集，不如俟之來春。」越明年正月，吉集於妙境庵，祭者北視施先生、書城邢先生及眉庵為三人。又明年己丑之春，邀張丈秋水為主祭，惟時紀君師泉謀所以廣之，且議每歲一舉。於是公舉九人曰：九煙黃先生、若雨董先生、草亭周先生、白雲紀先生、南江董先生、散木謝先生、敦山曹先生、菊町董先生、秋室楊先生、張丈畱心、掌故遺文、逸獻無不備。悉特舉二人曰：孟樸、孫先生。純叟茅先生皆溇上寓賢，眾所不知者也。共為十四人。然

志卅一 集文

主

是議出自倉猝，庸有未盡。且師泉必斷自明以來故所舉止此。瀛與紀君石齋頗不以為然。屆庚寅祭期，議增朱文肅公數人。張丈金丈以是舉宜闡幽達者，可舍焉。石齋曰：「非也。此雖私祀，實公祭也。當論品學，不必問窮達所祭諸公。未必有過於文肅、文肅之不祀鄉賢，已為缺典。況里中之祭，烏可舍諸議久不決於此，止增四人曰：友龍、潘先生、爾就、張先生。瀛所舉也。曰：翻如王先生、石齋所舉也。曰：南谷董先生。眾公舉也。合前祭凡十有八人。先是兩祭，愈愚有詩紀其事。至是張丈和之，并繪精廬小集圖，愈愚復為文記之。因謂瀛曰：「文肅諸人宜增也。」瀛請其說曰：「妙境庵

古薦福祠，亦曰厚德庵。文肅之家庵也。庵後舊有文肅祠，今雖廢，而我等祭于其庵，是於文肅為地主，烏有祭其地而忘其主乎？此不待議而當增者也。夫文肅最達者也，達者可增，則諸公亦以次可增矣。子其考諸傳志，將諸公行事彙為一錄，以備同人採擇焉。可也。瀛不獲辭，於是發所藏書，採摭各門其著者，徵諸史傳，次則郡邑志、鎮志，其隱僻者更徵之各人詩文集。忠義則有張柳莊、朱公申、有子諸先生、名宦則有紀明齋、董青芝、朱平涵諸先生。隱逸則有史約之、趙心山諸先生。文學則有余月山、董遐周、趙長文、陳雁宕諸先生。寓賢則有龐夷簡、袁胥臺、李臨川、王

志卅一 集文

主

趾、張西廬諸先生。於元得一人，明得十四人，國朝補一人，凡十七人。合前十八公，統為三十五人。各本原文，不敢妄加潤色。惟合纂接續處及無傳者，不揣固陋，略為補綴。極知棄取尚有未當，然不過鈔錄一通，備諸先生之增損，豈敢以徵文考獻自任哉。錄既畢，為之識其緣起如此。其同人所有詩文，亦附錄於後。道光十年歲在上章，攝提格，橘壯月，後學沈登瀛敬述。

南溇著述總錄序

沈登瀛

湖州府志著述本鄭菴哇先生湖錄分經史子集四部，以類相從，敘次秩然。縣志鎮志則以時代相次，蓋一郡之大

人物既多著述亦不少若一邑一鄉則不能備焉今亦仍其舊第其人著述多者原以四部爲次略者詳之闕者補之其寓賢之書舊志不載或載而混于土著之中瀛仿蘇州府志例補錄于後又譜錄一種雖有粉飾然世家望族一方瞻仰不可盡沒但撰者不一人續者不一時有難以時代分者因與流寓閩秀方外並爲一卷極知寡陋遺失良多所冀博洽君子勗其不逮云道光十有八年孟秋

南潯鎮志序

范來庚

南潯爲烏程縣之一鎮自秦始二十六年分天下爲三十六郡以烏程隸會稽郡後雖代有沿革而潯邑之屬烏程

志卅一 集文

三

未之有改其地無崇山列嶂而天目諸山眾流奔赴如百川之歸海者胥經於是帶縈環繞然後東注鴛湖北流笠澤而茗水所挾之支流皆安紆而有所匯矣形家言水之所聚卽爲地氣之所鍾宜其闔閭雲屯煙火數萬家非他邑所可彷彿人文蔚起代有作者顧自宋元以前潯邑之專志無聞唯明潘氏爾夔草創鎮志繼有夏氏光遠陳氏可升張氏鴻鶴方氏熊方氏燾董氏肇鏗校錄共約十餘類皆未付梓求其原藁已渺不可得原諸公之意大約精益求精不敢自是勵校正而未刻然自明迄今二百餘年之事蹟遂因以無傳則豈非矜慎之過歟來庚不揣固陋

白弱冠以來卽有志於此書以爲吾生既不能游覽四方求天下之名山大澤以自壯而桑梓之鄉先人釣游之地其風土人物茫焉莫辨不幾于飲水而昧其源數典而忘其祖乎用是旁搜載籍博訪通人雪鈔露纂蓋亦有年積成卷帙其體例畧仿永清縣志分爲十門曰方輿曰建置曰食貨曰官師曰典禮俱官斯土者所藉以興利而除弊也曰人物曰選舉又居斯土者所可以觀感而興起也曰祥異曰藝文曰雜著則又好古者之所資以考鏡也竊有鑒于前人志書之散佚不欲使其事之可法可傳與其共見共聞者自茲而淹沒故付之棗梨雖其間或有舛誤要可俟後之改正或有遺漏亦可俟後之增續縱我不能爲之重定而葺路藍縷之創後人猶可據依而潤色之也書旣成爲述其緣起如此且有望于大雅之匡其不逮云爾道光二十年庚子春日里人范來庚耿臣氏識于潯溪後樂居之南窗

志卅一 集文

三

集詩

汪日楨撰

南潯鎮志卅二

次龐夷簡禮部兼寄近況

歸安趙孟頫子昂

故山深處桂陰濃雲確無人水自春玉友一樽為老伴木
奴千樹當侯封宦途坎壈謀身拙病骨支離觸事慵早挂
一帆歸去好五湖煙景最情鍾

末云園丁遠報山圃久蕪水確空設不覺悵然興秋風
之感足下先隱湖潯愚達倍徒僕從之晏矣不勝祇服
檢得示韻奉酬言不盡意陝帖模糊內司本近值湧覓
昇元本報奉孟頫頓首

感懷呈龐夷簡修撰并束張幼度

附東

志卅二集詩

臨海陳孚剛中

夷簡太史足下昨得寄張應奉書識視禮部事柄鑿居
半及讀與趙承旨詩八章又夢落松陵茗水間矣烟水
漁村不換燕市惟盧彥威識得此意不意承旨亦處濃
慕澹也興言及此望雲之思惟僕最切第恐執政不諒
兩人耳外呈二詩見僕於禁直岑岑良苦夫復何言友
孚載頓首

濫直承明署身閒似地仙雖無官長罵未敢酒家眠瘦已
寬朝服貧須乞俸錢最愁親舍遠夢繞白雲邊
五湖煙浪闊短棹早歸休有母思臣密無人問客周關河

雙鬢晚風雨一鐙秋畱取金鑿夢寒汀對白鷗

徐士原畫

潯陽張羽來儀

營邱老仙百世師後來學者有郭熙寒林平遠世豈有往
往贗本傳其疑吳興徐卿好心手貌得郭熙定真否二三
隱人長松下茅屋正對青山口前者迴顧後者恭抱琴偃
僕隨孤童世間豈復有此輩定是栗里柴桑翁請君更試
虎頭筆為寫我像參其中

聞嗣成孫被放後往遊泰山喜而作此問之

董份

爾從被放過東蒙計日遙登泰岱峯吳觀試曾看白馬秦

志卅二集詩

二

松尚復繞蒼龍瓊碑十丈那無字玉檢千年自有封策馬
徧經探篋處射牛應可得遺蹤

茗雲逸仙歌

董嗣成

心山趙翁高隱先輩也自號為茗雲逸仙蓋庶幾黃孫
者倫歎余與先生為忘年交十載前曾為賦此稟已脫
未及錄也自計偕別先生歸而先生沒矣遺命尚索余
詩其嗣子石澗君持舊稟來致先生之命覽之泫然出
涕又怪舊詩不可讀遂為別撰一篇亦吳季子挂劍意
耶按青棠集無此序又詩中
刪去六句今從墨蹟卷子
吾聞天目山高三萬六千尺雙穴澄法天眼坼湯湯兩道

趨吳興青天蜃氣時騰擲匹練奔流直東注下會潯川一
曲蜿蜒凝寒碧綠樹蒼林互冬夏寺鐘漁鼓通晨夕中有
仙人廬其秀薜荔爲衣芙蓉裳曾向長桑乞得上池水視
人能見垣一方朝采五芝暮拾蕨煮來白石片片充飢腸
數椽茅屋閒吟嘯五湖煙月供徜徉胸中一一爛星斗淋
漓泉石筆下走鑿坏不迎結駟車有客常過問奇酒架中
多貯鄴侯書門前盡種先生柳年餘八十尚爾酤朱顏清
溪日日拄杖聽潺湲不是歲星隱金馬但見紫氣滿函關
函關青牛一去後華表千年白鶴何時還自我之出風塵
隔自君之往煙雲寂遺得詩篇不忍看爲君復裁新詩兮

志卅二 集詩

長歎息狂歌忽憶黃公塘月明愁聽山陽笛

旌志詩

董斯張

歲在丙午子第五兄幼而疾且殆吾嫂茅也割股爲食
斬生之嗟夫嘉耦曰妃倫維首屬世風波逐大義誰闡
夫其婉孌妙年出自高族而慨然含毒茹楚矢報所天
此其堅貞旌操奮志誓死豈第帷帟之情兒女子常態
耶天道茫昧云胡勿援人隨琴絕禍之已甚爰綜其終
始勉綴斯詞稍極哀怨之致焉

蒼林蔽陽景崇岡慘陰靈原野曠蕭條清蟬驚且嘶兩國
有靜女終朝閉深閨太息復自陳賤妾多苦懷昔年十四

五白謂碩且頎姱容粲明眸秀頸若鮮卑左體襲木難石
體被明璣習彼傅姆訓兢兢行露詩十六猶未笄十七爲
君妻緩步入君門中庭樹桂枝綺疏延清旭高樓下臨谿
錦衾間角枕華燈照層閣柔情婉以變獲奉君子儀君子
素開美跡弛稱妙才焜耀丹霞裳皎潔青雲衣腰間墨陽
劍前後流光輝女蘿亦有根高松亦有柯蒲葦締綢繆盤
石牢不移雖雙鳳凰兩兩鳴相諧夫君且安坐聽妾前
致詞懷安實敗名古人有良規維子邁多難家聲日成墮
努力讀父書中饋妾當治良人語我婦卿言信足師下里
越見聞吾將遠行嬉遙遙入京國我行卿可隨堂上有老

志卅二 集詩

四

姑短髮亂於絲值飽卿勿慮娣奴羅中帷別時再拜言一
歲還復來來爲老姑壽祝姑日康熙賤妾乘魚軒驄馬觀
郎騎和鸞叶玉鸞朱光曜金羈壯哉帝王闕崢嶸何崔嵬
崇臺倚蒼冥上樹九丈旗蘭宮達芝房杏梁接文樞千門
復萬戶列肆陳瓊奇軒蓋揚黃塵意氣逸路遠其君睇繁
華貞靜恒自惟生兒名阿麟吉夢維熊羆夫婦笑相向今
者樂何其輕刀泛故土澹澹隨風移萱草鬱青青誰娛良
不貴賓客闕廣筵賀子早還歸爲客烹肥豕肴核紛難齊
出君荆南酒蕩漾白玉卮吹笙復鼓簧填篴交參差晚晚
日云暮歡餘旋致悲洪濤激平陸禍至無端倪獻歲春正

月避疾俄在斯纏絲忽逾旬骨立神亦疲豎子居膏肓主人命將危臥尋經晨夕痛子枯形骸筮短龜何長皆言不可為枹鼓勤靈視藥餌疑羣醫此時心若然萬術窮何施賤妾聞遺語人肉能療羸百身如贖君糜軀奚足辭手攜金剪刀悲極莫能持揮刀剗素膚或恐旁人窺斷割豈不苦所嗟肝腸摧碧血染輕衫含辛持作糜進君君不御妾身將安依良人易簣頃嗚咽語復遲細君無我悲命也其何尤我有阿母存溫清幸弗虧弱息方在抱藉子終提攜孽涕為君言寸心矢靡猜與子同一體中路長乖睽請君勿顧妾君去妾且追躑躅呼皇天泣盡血繼之日月黯其

志卅二 集詩

五

光川為咽不波千秋一相訣執手從此離禍兮誰所胎疑召鬼伯催魂魄散四野招之茫無涯棄置室與家恍惚鄰妖魘九京官冥冥安得有曉時願攀迷穀樹使君重來茲阿麟隨婦行呱呱索父嗟撫棺一長號長號將自裁老姑前搥胸婦胡不再思子言猶在耳衰年迫崦嵫弱息才一週顧復當賴誰長臨起相謝義訓敢違請今毀故飾升樓去其梯繡襪羅衣裳一一捐塵泥朱扉刷白墜元帳易素幃理妾篋笥中七寶璫瑱斂感君舊相贈物在人已非俾惻歎獨影緘閉無復開夫君夢中見宛若平生妾丙夜起獨徬孤坐還成疑昔時鳴倉庚倏忽聞莎雞追尋歡笑

端慘慄增余哀上者奉衰姑下者鞠嬰兒妾心皎如日慰子長夜臺妙齡失所援同穴以為期倚桐高百尺乃生南山陲修幹拂霄孤根託層崖斷成瑟與琴朱絃黃金徽發為清商曲淒惻孰者知清涓流春冬與涇水借哀鴻西北來翔翔以徘徊行人不忍聽况余親宗支染翰作此歌未歌淚先垂

垂白行贈詹淑正 詹故為伯氏客工篆籀之學

董斯張

詹生垂白忽來訪使我低頭三歎息依稀十五年前事須髯戟張鬢猶黑雕蟲舊業今未衰驅馳東土不遑食懸河之口駭四坐是翁矍鑠尚多力破裘穿履墊角巾不念在

志卅二 集詩

六

家妻子貧王門曳裾寡心賞空懷劍術何處陳我有阿兄重意氣與君一見相情親死逾九秋猶無墳中路天折多苦幸螺杯流紅淚如霰我為其弟君其賓世事變幻若泡影榮華凋落安可論生前斗酒且同樂湖海會合原有神石今北向秣陵寺五更鐘鳴愁殺人

白鶴行贈周虞卿

董斯張

虞卿乙丑春七袞矣昨三千里謁里中相公遇殊厚比六歸猶甌塵余哀其老而窮愁為作白鶴行弔之昔人向蠅弔往今以白鶴弔生試令樵青作淚汝歌一闋何郎當一顧否

白鶴雲愁渡江面
燈前吹盡梅花霰
但見蟪蛄當戶織
紫錢滿庭沾不得
寸田尺宅春茫茫
七十老人歸自傷
往年眠雪幽州市
丞相款扉屏屏掾
史高軒卻自朝天
至醉魄如山搖未
起有府那學君卿
癡五侯何物絳雙
眉歸來解裝諸女
問老骨虞翻凍堪
忍囊攜河上一編
書塞衛馱還不
曾損楚萍泛雨命
若煙偷兒猶如王
家氈夢回劍折夷
門道俠客精魂道
邊草石頭鍊出穠
華天桂薪剛遣侏
儒飽漁蓑歷船當
敵廬只網珊瑚不
網魚鮫人瀉淚一
萬點化作金膠青
玉盃幅巾斜聽黃
鸝晚

聞非翁卜居潯上

董說

志卅二集詩

七

一事猜君野計疎
樵船疊架載圖書
應憐山水茗溪好
得見移家畫裏如
蟹舍朱顏楓葉醉
松窗綠髮雪晴梳
木蘭製幟絲編纜
相望柴門鑿小渠

非翁擬遷潯上詩以促之

董說

茗溪古寓公詩筆
例高秀先生冰雪
文翠與晴峰鬪杯
擎西塢茶花種秋
籬豆余將覓漁路
敲門問奇籬

黃九煙居士重過寶雲

董說

不朽文章感慨餘
未成吳越卜新居
北天簫鼓仙韶學
夢國河山太史書
自言將製北俱盧傳
奇又有夢史高一尺
岳記清裁空左馬
禹碑真訣授樵漁
並錄九
何年去挈東籬叟
謂湘中陶仲調
三笑重

將旅抱舒

送顧(翁)人之茗上

上元王黃元暉

良史才名未可刪
天心命爾試諸艱
休云六代較顏謝
直取三長駕馬班
燦燦春華榮槁木
煌煌夏鼎燭神姦
書成自指茗溪水
一片丹誠告蔣山
君僑寓蔣山沈登瀛按
顧先生應吾潯莊氏之聘
吳江潘鏐雙南

送黃九煙先生

對酒真傷萬古心
驪歌初動氣蕭森
月明天與人同醉
歲暮情將海共深
世路不須悲險阻
丈夫應自識升沈
潯南歸去還高臥
書滿牀頭雪滿林

鄴衣至潯與談近事有感

吳江包咸自根

志卅二集詩

八

別離秋欲晚南北尚鳴笳
雨闊三江水霜催九月花
青溪空落日白下走寒沙
逐鹿應難定相看惜鬢華
潯上董復園使君治螺川有善政詩以紀其事

閩南仲

嶺北湘東烽燧舉
妖童少婦城頭土
母求死子妻失夫
千村萬落無(甯)宇
已看豔玉委泥沙
更見嬌紅墮風雨
想魂尋夢春淒淒
死別不如生別苦
螺川通守天下稀
哀厚遺黎同子女
一聲威鳳鳴朝陽
孤鴻寡鵠皆成雙
右此離曲

油田山谿高峯聳
一夫當關萬夫卻
山岷嶮莽弄佳兵
錫簫土鼓充鐃鈎
秩宗後裔今王祥
安車徐度忘邱壑
春風

電轉鸞化鳩手握渠魁解其縛千井弓刀變素鈕兩年逋賦歸局鑰慮我則虎撫則人金雄好語懷郭文右油田謠

禾川荒畦多且久白日蒼茫照稂莠石田悉索供官糧稅米贏餘造私酒鴉飛欲墮蛇倒迴若箇官人能履畝董侯

學道有英標靈雨薰風隨馬首畫圖析壤民吏驚判別宮商分卯酉田清稅足無照瘕口碑鬱律山川壽右履畝謠

井梧著雨秋如穀螢火晶晶夜深綠東鄰桃李少年兒化作衝衣白蝙蝠籜冠小兆夕陽西倚風三弄神絃曲使君

恐誤百年人石作闌干護幽獨清於古鏡直於虹土花碧眩蟾蜍目青禽何處忽飛來井上雙雙夏寒玉右井榦辭

徐松之先生過訪 董樵

志卅二 集詩 九

淺水輕機刻曲船奚囊鶴髮意翛然挾持烟水詩人筆松老

方列百城烟水至濤接訪遺跡來際風霜落雁天懷抱每從遊屐屐編摩先藉梵宮傳辟疆老去吟壇冷品藻端歸杖屨前

閔孝子詠 歸安 吳晉介 茲

古來忠孝節義之事並起于一念之血誠至于成敗利鈍非所計也閔孝子當父垂死而毅然剖胸割肝以救

之此真足以動天地蓋古今矣而論者以父卒不起為憾此出于孝子引慝之誠則可若旁人以此苛求則必

其父不死則必孝子先其父以死則必其父每一病

至孝子一割肝而父之壽算無疆孝子之心肝有盡而空腹槁形以死非篤論也世界不墜賴此等人凡有心者可無詠歌以永其事乎按晉撰閔孝子傳云父病雀

墨胎叩馬諫不能挽頽商武侯出師表無裨漢淪亾事皆人力所難濟師心創獲奮若狂深悲極痛在一時千古藉

以維綱常世儒理道膠心腹周身矩度安且詳動云守身以觀變作事無令元氣傷一朝時艱及勢阻依違傳會多

徬徨坐令大地病頑懦盧扁無以起膏肓寒夜挑燈論今古如意敲碎愁茫茫嗟乎閔孝子目不見書史口只談

農桑披肝瀝膽奇絕事胡為乎不在通都大邑而挺生于寂寞之窮鄉嗟乎安得一掃天下學士大夫奄奄泉下

之習氣而徧灑以孝子熱血之一腔

志卅二 集詩 十

夏永賓尊翁降乩記事 紀官

昔有遠方客抱病溥之淵深夜汲溪水水際逢仙姿修髯飄長袖一丸忽贈胎服之即慶使長跪詢所來云我寓洞

庭王氏室相期似夢猶未釋依言往叩之堂懸呂祖像宛如與藥時又我五世祖假寐無所思夢入湖濱宅稠人乞賦詩相忘已匝月其人來致辭懷中出夢句撫掌共愕胎

二事非浪傳今有合璧奇聞述玉崖子沒後猶濟施憑乩降南村點筆病者羞感而請姓名五言聊自怡覽者知先

生絮酒奠庭階嗣君雖卻謝時祭虔不衰始知天壤間正氣為撐持

裴莊丁母蔣貞媛歌

董友松

吁嗟乎烈婦易兮節婦難榮枯閱盡冰霜寒鵲唳深夜不敢泣一身長作霄淵看茹荼飲血未亾人喻如爨石排驚湍慘澹經營生死間絕者使續危使安陰窺既埽白日淨拮据初就心枯乾豈念同生不同死但恐一死之後宗祧反手成波瀾吁嗟乎烈婦易兮節婦難裴莊貞母有文姬相夫未終影獨悲淹留薄命蒼天地寸絲欲繫懸崖摧吁嗟乎節婦之難難于生百罹孤鴻杳然去不返寒雲漠漠

志卅二集詩

七

風淒其熊丸味苦能療飢纖月聲哀能養軀負土辛勤學俞母蘋蘩勿替垂清規庭前林立盡了然蘭英桂粟標孫枝秉心幸無負夫子冰心豈肯求人知不有採風紀彤管芬芳委置空山陲吁嗟乎節婦之難難于死而彌耀投機斷髮稱來茲

朱烈婦

董友松

溥東朱氏子疾已篤矣取婦未半月歿于上巳日越七

日婦遂自經于寒食之夕

飛花如雲白日暗燕澀鶯酸春冷淡冰心一片月三更夢斷殘燈鬼猶瞰淡句不成連理枝風雨俄驚又一時吳絲

蜀桐彈不徹從苑黃泉作寒食

朱烈婦方氏哀辭

董師植

雲迷總帳月痕虛獨鶴含愁賦索居泉路從容尋舊夢香微燈淡影疎疎

明月篇

董師植

閔子耐庵名南仲宮保曾泉公之孫儀部園客公之子也少有逸才不事家人生產舊業蕭然僦居滯上十年所矣性落拓復喜嬉遊人鮮矜式余愛其才作短歌以贈焉

明月皎如珠我心潔如璧珠璧燦朝霞光輝耀王國明月

志卅二集詩

七

為君憐我亦為君悲伏櫪贈君明月珠月明照沙礫願君掃霧復犁雲手挽長河滌魂魄雙璧自連城璀璨同今昔邀我五湖遊浮家還汎宅弄月吟風吹鐵筴

誌異

紀端

馬遷合傳豈稱工溥水東南得二公不飯十年沈備老無眠終歲董江翁

挽萬里揚

釋秉融

萬里揚先生者(甯)國之高士也少習經史及長恬退酷嗜青囊好談(元)理氣宇溫和胸無圭角名山大川無不遊覽因寓於溥晨夕往來瀟茗清談瀟灑之風溢於眉

嗟我庵建塔於邳城山擇日定穴淡有賴焉不意今秋
溘焉長逝余適在維揚不得面訣感念曠昔詩以悼之
幸遇桐邱公之賢裔修益曹公親視其疾經理其喪旅
櫬得歸終全交誼求之于今罕有其人亦莫非有宿緣
在焉

一夜淒涼赴九泉小窗愁對月孤圓離魂徒設家中奠生
面從教畫裏傳到處為人封馬鬣問誰代汝卜牛眠故交
若上情難盡空向天涯焚紙錢

節烈篇為夏編修弁南妻姚孺人作 謝 洲

生亦誰不貪乃獨捐棄之哀哉上林鳥相背成孤飛憶昔

志卅二集詩

三

初入門蓬華相因依軋軋弄機杼琅琅誦文詞機聲與書
聲往往至鳴雞中間舉兩雛一女復一兒女能學鍼刺兒
能竹馬嬉團圍在家樂雖貧亦不辭及君被鄉薦襪被出
里屏求榮以養親豈怨生別離送之及中門不敢雙淚垂
是年君下第馬首復南歸慷慨益勵志僧房長下帷家務
戒勿聞省親乃一來計偕又北上從此相見稀天街縱闊
步羣仙接階梯編檢供史職敢作家室思永為燕雲客夢
或來茗溪妾時居深閨夫子豈不懷官清家益貧安得輿
馬資惟恃兩弱雛熒熒歷歲時奈何生不辰一子中道摧
椎胸更呼天血淚日夜滋久因得瘵疾長愁身亦羸幸賴

存此女視如瓊樹枝君時數寄書迫促詣京師妾念病未
痊可使君無嗣辛勤覓側室比行挾與偕遲遲至仲夏毒
暑蒸路歧我女最孱弱不耐車馬馳中途抱危疾幾不及
王畿見爺纔一面即日歸黃泥妾固痛欲絕君亦失聲啼
並無聚首歡但有生死悲妾乃復大病君為日護持參苓
頗艱難終日顰雙眉妾愈君疾作沈沈屢瀕危自夏復逾
秋呻吟臥重幃藥石總勿效一旦隔夜臺夫乃婦之天夫
死婦當隨世或有不然是糟糠妻斬然僅一身偷生欲
何為決意遂投繯君先妾來追忽為左右覺喚我孤魂回
又言扶櫬難非汝將付誰斯言亦有理強留固所宜遙遙

志卅二集詩

西

出國門歷歷踰青齊眼見來時路觸處增涕洟江南又在
望不日返舊居妾形雖故吾妾命已如絲又念是命婦亦
當知禮儀維揚買朝衣姑蘇買冠帔舟中密密縫朝夕自
提攜須臾抵故鄉上拜翁顏慈大事妾已了致命夫何疑
闔扉復自經決絕無徘徊謝子居比鄰聞之為歔歔憶與
太史交羨其志崔嵬將崇忽又圯不覺心悲哀今亦可已
矣有婦賢如斯表揚先草野因作輓歌詩誦之向當路庶
幾聞丹墀 旌命一朝下可以激衰頹莫言非中道偉節
不可譏

題高祖王父光祿公手書第二疏草後

董燧

故明神廟無適子恭妃所產宜君王何來鄭妃恣房宴有
子亢寵干乾綱大高殿中誓語密金書玉盒先襲藏時呼
都人忤慈聖每云待適欺廟堂皇后冷落恭妃遠廷臣憤
懣言難昌是時高祖職中儀特發大難排天閭世子齒學
古有禮豫教斯耀前星芒飛章丹地未省視復救廷杖詞
煥煥陛下孤立誠切直宰相顛倒彌激昂已分骸骨化碧
血偶蒙削籍南還鄉後來國本久乃定猶爭挺擊殘忠良
何況龍漦孽方熾隻手砥柱狂瀾狂國變事餘二百載史
臣誦畧頗不詳兩番諫草幸存一白簡字字凝青霜

志卅二集詩

五

談烈婦歌

張鴻恣

停我杯擊我缶慨當以慷兮歌我談烈婦烈婦只知死從
夫慰姑舅豈知清風勵俗揄揚學士文人口親白頭孤黃
髮百年教養宜磨折無子女有叔伯吞金斷頸不嫌形毀
而性滅送夫君安窀穸三尺紅羅接素帛徘徊北面端挂
靈幡側生則同衾死同穴婦從夫死後先未及四十日又
聞蓋棺時生氣猶奕奕內縞衣兮外衰經層層帶鈕數百
結噉痕淚漬斑斑血嗚呼烈婦得其死慰死慰生兩全耳
鬚眉不見立綱常大義奇行敦女子談烈婦千秋萬載此
姓氏水不能沒火不燬我歌不可長我歎不復已聊寫一

言代哀誄佈告 明廷彤管史

田烈女

董承勳

日色慘澹天晝曠瑟瑟帷風鬼瞰影杜鵑血淚染絲綸霜
花泣月芙蓉冷良人未識嬌鸞孤柔腸百鍊堅不磨珠襦
玉匣棄勿用從容一死隨泉途貞心炯炯乃如許竚看綽
楔 褒天語千載芳名重鼎呂董家婦田家女

松柏詞為貞烈田甥作

紀復亨

明月耿青松飛來孤鶴語宛轉有餘哀下有田氏女解一
歲誦詩書十歲織流黃十三佐中饋及笄許董郎解二董郎
不知處似說遊袁浦隱隱母歎息兄弟私堂廡解三堂上何

志卅二集詩

夫

區區耶死不復疑母弗防阿女女轉防母知解四含笑語阿
母東家數接取叶奈何阻嫺情與母整簪解五母去帷房
空女死始從容重重束縞素物物自緘封解六牀頭朱絲繩
畢命手所緒孤燈青熒熒芳魂向何處解七母歸枕尸哭舉
體梅檀香兩家請合葬松柏鬱相望解八

孝子詩

嘉善 沈 裘 燦 英

孝道本庸不尚奇奇處偏從真處為創格一空千載上區
區只有鬼神知吾聞汝南袁孝子清操往往聞鄉里早年
喪偶王維揚同居有弟姜肱被其他志節難具陳感天孝
行情彌真孝子少年有奇遇道人持贈醫家具金刀銀鍼

及仙方但云寄汝杳然去種就杏林家漸充自謂奉母免
尸饗豈知奇遇非偶爾曲成孝行荷天公阿母抱病病甚
篤呼天搶地噉然哭候傳夢語病可蘇不是龍肝命不續
孝子聞言且忖量徧訪醫書總未詳世上人間無此藥我
欲求之誰可告念我生庚原屬辰龍肝直欲取諸身況逢
仙授有金刀仙方鍛鍊有神膏取肝憑仗仙人力非此何
以報劬勞宵來歸向房中宿對天坦露皤然腹持藥持刀
默禱天剗然一割隨瞑目氣息奄奄一綫爭空中彷彿有
人聲爾欲取肝肝既有醒來呼嚶聞雞鳴俯視胸前血未
乾突出猩紅半片肝奇哉肝若從天與縫卻創痕勉強起

志卅二 集詩

七

嗚呼噫嘻哀孝子古來剗股能有幾况是剗肝不顧身母
子安全俱不苑豈忘髮膚在歸全當日專求母病痊療得
膏肓心願愜頓忘曾氏頌冰淵此事隱諱密且周強自支
吾舒母憂親戚兄弟都不聞從此增年到白頭竭來潛德
秘莫宣剗口淋漓未泯然一朝顛躓傷痕裂元神未復轉
纏綿醫來那得知其故再三叩詰稍吐露此時子弟皆在
傍耳聞不覺淚如注孝子還恐母心傷戒言慎勿語高堂
醫者大聲告親知非常之孝人難為一時傳誦到官府縣
令羅公深異之到門訊驗長太息急急表揚遂敢遲官司
旌額重紛紛大書特書志乘文要使維風且振俗絕裾之

子聞未聞孝子初心不及此祇求療母延暮齒母體差安
兒亦安外來旌揚何足喜孝子盡孝不愛身受身便不得
其真區區一心聊自盡為智為愚向誰陳

雜詩

施國祁

出門火伴慣經營賣假由來少賣誠石暈犀通妍易取蠟
言梔貌售偏成斷須不二名時價勿使相干變物情往記
南潯區辦好金釵札語最分明江村消夏錄趙文敏入札
第一與直夫姊丈札畧云
金釵一雙重二兩望姊丈親自看視那換打造發去其餘
有可于南潯辦者望用情區處南潯不必辦者已屬師舅
往平江
辦矣

漢傳文頭幕馬蹄字周原不禁河西齋輕錢貫無方孔估

志卅二 集詩

六

定銀流有額題案此錢俗稱洋錢亦云番餅出于和蘭佛
蘭西千絲腰俄羅斯諸國載至閩粵洋船
其文有馬劍雙燭花籃等名而以人面為恆貨卅餘年來
通買中國每船率七錢三分五釐沿邊皆有番書數目
厚約分許秤重曹碼七錢三分五釐沿邊皆有番書數目
字內地銀牙與各省銀貨及通寶合值流行較之銀貨無
水色高下分兩輕重之辨比之銅錢無盤數多少舟車
搬運之勞近來商賈無不以此錢權百貨皆私便之
貨居然權管權童眸率爾辨高低錢既通用即有偽造者
農人入市或得數枚隨
店覓年少者估之真偽無不立辨且計值通寶幾百
幾十文縱有市價低昂不過小小虧折農人尤便之萬千
若箇深藏穩紙裏桑皮得便攜

誌異

紀峻

仁人視弟兄素云肉與骨末俗視弟兄何殊吳與越不思
生生初氣義本一脉嗟哉我弱弟孝友性所發生前多自

奇死後更咄咄我遭二豎祟一病五閱月服藥病轉淡淹
淹息如髮三更不成寐孤燈明復滅我弟飄然來欲語先
嗚咽為言親年高不堪再顛蹶弟不自思兄何不自惜
勿藥當有喜此義見周易若再誤庸醫空作溝中瘠悽悽
聽斯言恍忽記一一尋思頗奇異強謝參與尤氣體竟以
舒轉轉心安適旋復半月餘身健如恆日感為治性酒再
拜臨其穴弟言猶在耳弟容不可即反不若病中庶可依
魂魄含淚誌數行弗使等虛擲南枝謹案乾隆庚戌先君
年矣季父至行不勝書而此事更奇異也季父諱
方虎字炳章喜繪事又善吟詠卒時年僅十八

水巡船

夏蔭棠

志卅二集詩

五

一聲呵喝來縣官捉船何為哉捉船言將赴水巡吏胥歡
喜船夫哀船夫船夫爾莫哀輸金乃免當官差口日輸金
苦不足供伊買笑倡樓宿不管估船夜獨行蘆荻蕭蕭風
蕭蕭

婦某氏憫其夫將鳩之夫覺食有異持鳴官官離棄

其婦原婦罪

金錫桂

長官新到禁浮薄半夜張燈捉賭博羣胥洗手謝陋規一
錢不入私囊橐有愚者氓娶美妻疑妝媿變空閨啼雄飛
繞樹求野匹雉鳴得牡憎家雞開筵召夫置精膳腐腸藥
物盃中兒夫驚持盃鳴諸官傾市願看包鐵面官不坐衙

西日斜市人漸散心咨嗟明朝但聞女已嫁故夫獨自歸
其家尹翁歸趙廣漢神明各噪扶風傳官縱別有鉤距法
奈何不下一筆判市人不識長官意影事訛傳竊竊議妻
毒夫死妻不治賭具何妨重準備

紀孝子宿墓圖詩

董蠡舟

嗚呼萍翳何不仁昭陽歲杲月淫雨將二旬田廬漂溺塚
破屍沈淪紀君之親墓高地非水衝浸淫已沒馬鬣封先
人體魄委之洪流中將毋暴骨中原同人子何地可自容
爰棹扁舟居墓側量水增減晨昏測朝量一寸增孤兒淚
一升墓量減一尺不啻百朋錫日日持竿測不已何時得

志卅二集詩

五

見墓出水墓出水修復完兒雖溘死心得安孟秋既臘日
加午雷電以風復大雨絕維折舵力莫施舟如一葉從掀
舞隨風播蕩數十里已分湛身蛟室底願緩須臾且無死
孤兒得見墓出水稽首籲天天有耳一語未終絙木止自
夏徂秋七十日若斧若堂看盡出墓出水修復完歸未浹
日天遽下玉棺孝子身死心已安英英諸耶君志行芳且
潔丹青圖寫揚先烈已見 旌門標綽楔孝子之名垂萬
春此詩此畫示後人人不忍死厥親嗚呼萍翳何其仁

捉船行

董恂

年年三月春水生漕艘打鼓飛帆行今年阻淺行不得篙

帥縮玉真無策縣吏今朝盡下鄉有例捉船云載糧捉船
載糧船數足捉船索錢難滿欲朝廷正供官長符那知徒
飽奸胥橐大船有錢可潛避小船無錢復誰替捉船計已
出權宜誰料捉船還有弊嗚呼載糧捉船尚如此催糧捉
人更何似

志卅二集詩

三

補遺

贈湖州二沈筆生并柬潘隱君

長洲虞堪克用

沈郎兄弟茗溪客藝絕一作出蒙恬入品流十載舊遊渾似

夢一番相見又逢秋扁舟夜雨來滄海滿目風塵易白頭

歸去定尋潘處士為言無事狎羣鷗

寄湖州潘公穎

虞堪

看花長想曲江春燕子東風聚散頻君向水晶宮裏住題

詩還近玉堂人

施架閣池上夜飲聯句

潘公穎明發將歸南潯

虞堪

槽頭醪醕倒不盡池上梅花開欲齊今夕好懷良足慰

志卅二集詩

三

百年哀樂若為題銀燈綉一作席珊瑚爛綵筆聯詩錦

繡迷細雨作花簷際落堪清歌如縷拍中低渾忘司馬青

衫溼穀似聽宮鶯綠樹啼公子金猊燒篤籥敏美人犀筋

勸駝蹏也知北海能豪傑堪況有東方善滑稽腰細舞低

翻弱柳穀手纖盃重壓柔荑先判五夜同傾倒敏未信三

邊尙鼓鼙倏忽年華梁旦暮堪風流人物晉東西江湖空

闊鴻偏到穀梧竹高低鳳獨棲乘興放船來笠澤敏散愁

投轄憶潯溪襟期久矣一作交如漆笑諠一作續然醉

似泥潮漲空灘移舫穀雨晴何處看鳧鷖會須發達攄

幽憤敏慎勿登臨動慘悽失喜今宵是何夕酒闌起舞忽

問雞堪○按呂敏字志學無錫人元末爲道士洪武初官
呂志學夜坐詩此敏卽呂敏也穀姓字無攻
又虞山人詩作穀鼓柁棄作谷亦未知孰是

志卅二 集詩

三

志餘 汪日楨撰 南潯鎮志卅三

李昉太平廣記 晉建武中剡縣馮法作買夕宿
荻塘見一女子著縷服白皙形狀短小求寄載明且船
欲發云暫上取行資既去法失絹一匹女抱二束芻實
船中如此十上失十絹法疑非人乃縛兩足女云君絹
在前草中化形作大白鷺烹食之內不甚美

鄭元慶湖錄 潘之藻云吳彩鸞所書唐韻真跡予曾見之
南潯董氏其時董生洲司鐸紹之上虞予訪之暇時出
以示予其裝潢甚精緻如今之手卷式展卷則逐頁兩
面皆正殆所謂旋風葉者是也自始至末如小冊頁合

志卅三 志餘一

而成卷裱法亦非凡手其所收韻較多他本頗有奇古
字書法酷似鍾繇骨肉勻稱筆筆欲仙墨跡如新真希
世奇寶也卷首尾有宋徽宗玉璽泥金書題句并各名
人題跋

董斯張吹景集余購得一鏡縱橫俱三寸餘色淳黑如漆
鈕亦不甚闊背作忘憂花葉四旁古錦文中有銘三十
二字銘曰煉形神冶瑩質良工如珠出匣似月停空當
肩寫翠對臉傳紅綺窗繡幌俱含影中形神兩字半爲
土蝕結字極奇古韞藉微帶八分對字臉字創體尤詭
語亦娟娟深秀的爲徐庾手筆非唐諸家所逮魏晉碑

板灰冷煙飛寒山片石空聞其語卽今六代風流不盡如王謝堂前燕者賴此一照子猶可想像百分一耳○此銘載蜀藝文志傳爲孟蜀時物恐未爾字畫絕不類唐以後習氣那可以耳爲眼耶弇州云似隋煬帝語此老故具眼然王先生猶未見字畫也考博古圖以爲唐瑩質鑑圖中載二器其一較余所藏銘多八字亦有小異末云光合音殿影照秦宮鐫書玉篆鏤影清銅晉殿清銅語殊可笑其一銘亦三十二字但末句云綺窗繡幄俱照秦宮視俱合影中語霄壤矣余所藏確爲六朝物宜和二器當是唐人依倣六朝爲之者

志卅三 志餘一

崖石臺鏡銘與此正合且云取鏡有風雨聲其神異抑寓言耶○閔子京曰張君房麗

情集蜀王宗衍幸鳳州天雄軍節度使王承休妻嚴氏有美色衍愛幸之賜以妝鏡其銘云云遐周所藏鏡銘亦爾豈嚴媛奩中物因蜀亡兵燹塵埋郭家崖幾八十年至景德中始呈皓影今遂歸董即玉臺耶芳魂在鏡當呵之爲董即拈砒

張鑑蜀石經毛詩殘本跋蜀石經毛詩殘本自鵲巢首章之子于歸百兩御之起至邶風二子乘舟章止癸亥冬余還湖州見於王雪浦處未及假閱既而雪浦寄吳門裝潢爲友人持去以影摹本還之雪浦乃以影摹本見

寄昔人謂蜀石經毛詩爲廣政七年將仕郎試祕書省校書郎張紹文書而蜀相毋昭裔取唐太和本是正者則其與今本多不同無足爲怪問錢唐趙氏小山堂舊有蜀石經毛詩自周南至衛風疑卽此冊而又佚其半如後漢書竇融傳注引谷風作不以我爲德反以我爲讎與此略同則其寶貴宜何如乎甲子立冬日

范錯攬葑山房漫記王雪浦曩從書賈購叢殘碑帖中有蜀石經召南邶風二卷召南闕敘文及鵲巢首章注尚存半邶風完好字法整勁墨色古潤爲希世物余按樊榭厲氏詩云孟蜀石經僅一卷張紹文筆嚴形模周南

志卅三 志餘一

疑誤辨朝字月令注釋亾哥奴似厲氏所見乃周南一卷今又不知流傳何許嗣雪浦家中落不得已歸之吳門黃氏茲道光六年石經精舍摹刊者卽是本也

陶鑄題華嚴經後右宋板華嚴經幾卷遐周居士得之以授沈彥老彥老又屬之某師旁求全經不可得神物未合而延津之劍已挂遐周墓上矣某師因單錫潯溪求吳文學書宗全部以竟遐周之志遐周已生兜率而某師僧臘七十受持此經以老于潯溪兩人在華藏中當云把臂香林並蒂蓮胎者乎

殷赤珠跋宋本華嚴經歲庚辰及門閔子右端讀書法華

庵中夏六月予以齋樓面西爲烈日所逼亦往避焉至則竹風荷露幽韻撩人鳥語蟬吟清音悅耳蓋不啻出洪爐而來淨土矣又嘗與範六音大師揮扇談禪一日者範公出其所藏宋本華嚴經示余蓋大中祥符五年五月流傳至今者也乃閱未數葉範公遽曰君其爲我綴數語于其後隨取最後一卷置余前展而玩之則皆里中名人跋語也而先大父亦與焉時年八旬有六迄今恰閱十載嗚呼遺文尚存音容何在展誦之餘曷勝愴惻謹謝大師不復能吐一語矣

朱國禎湧幢小品余鎮中有御書閣相傳爲宋高宗南渡

志卅三 志餘一

四

過此兩徽宗畫鷹一幅而去又趙松雪有滾馬圖一卷僧世守之袁胥臺戊我湖宿其處題曰御書閣下鷹還在名義菴中馬尚存名義一曰法華卽御書所創處也今菴閣如故而二物失之已久且胥臺見時是嘉靖初年事失去是六十年前事益小沙彌竊出歸董氏質庫中僅得銀二兩事覺僧往贖不可得誅于大宗伯潯陽公公厚贈留之然非所甚好爲蒼頭持去不知歸何處乃孫青芝祠部問于祖不應細訪求絕無踪跡蓋妙畫通靈必鬼神所寶化去久矣

范鐸華笑履雜筆南潯鎮舊有狀元坊鎮志坊在鎮北爲

宋紹熙甲寅覃恩狀元龍圖閣直學士張定建湖錄科日名表宋紹熙四年陳亮榜進士張定字雲峯烏程人龍圖閣直學士紹熙五年覃恩釋褐榜進士萬夢實歸安人沈柳橋云吳興備志選舉紹熙四年陳亮榜進士爲陳湘俞灝丁端祖劉泳之朱甲李岑陳至施一鳴陳璧九人並無張定攷趙翼陔餘叢攷云宋制太學有積分之法分上舍中舍下舍當云內舍外舍以遞爲升降亦多至數千人按宋史選舉志三舍之法始于徽宗崇寧三年罷于宣和三年惟太學仍而不改而成均試太學生并別有狀元之目癸辛雜誌解褐舍法下等上舍先免解後免省待三年後到殿中等上舍徑到

志卅三 志餘一

五

殿解謂鄉舉之試省謂禮部試殿謂廷對或特旨徑行解褐此言中等之兩優也若上等上舍無有不徑行解褐不待特旨矣其釋褐恩數優者謂之狀元謂恩例同進士第一人耳擇日子崇化堂鳴鼓集眾諸生兩廊序坐狀元欄襍立同舍班俟揖訖詣堂上香案前望闕謝恩是也然則由鄉舉貢舉者曰進士出身由學校而升上舍者曰上舍出身宋志各爲科目宋史列傳凡由進士者曰起家進士曰舉進士或曰中進士甲乙科其及第者則曰中進士第曰進士及第曰第進士由上舍而仍就禮部試者則曰以上舍中進士其免省試而徑廷對者此上舍自爲廷試不與進士同試曰以上舍中第其徑授官者曰

以上舍釋褐或曰以上舍兩優釋褐其他以諸科以祖
蔭以父任最為明晰蓋宋制得人進士最盛次則太學
諸科皆不及也吾鎮之張定備志不載誠以由上舍釋
褐之恩數最優者耳郡邑志皆列于進士表咸謬即萬
夢實與張定同于紹熙五年由上舍釋褐宋世殿試未
有不載帝紀者紹熙五年無之芷畦先生湖錄似未達
上舍釋褐恩優者亦有狀元之目故疑為上年之榜又
以萬夢實為進士均誤也吾願後之修志者于進士後
別立上舍一門或注明上舍釋褐于某人之下

郭象睽車志吳江檀邱村人陳布袋業匠氏其婦家在震

志卅三 志餘一

六

澤淳熙辛丑有故來謁其外姑將至路逢相識金大郎
者相揖而過陳先聞金死月餘矣私怪之欲至妻家謁
其信否入拜其外姑又拜其妻祖而伏不能起挾掖已
不省人昇卧榻上手足拘攣若被執縛狀閱兩時頃方
醒始言路逢金事方拜欲起時金忽自外入直控其頸
即覺昏憤若有人捧之東去海岸山巔執問曾見金某
日為某事否對以與金初無干涉皆不知之苟有人持
文書展視云誤矣即執陳投別一山上乃自尋路歸自
臨安由德清所過街衢人物不異常時至潯溪距震澤
十八里見獄祠甚雄面正向北門外路平闊七八丈入

者紛紛絕無出者凡其所識近匹沒者往往見之潯溪
素無獄廟心獨怪之既入門欄楯皆純鐵有人叱之出
曰汝未當留即由路東還過市橋後遇金露首有人驅
之甚速陳問何匆猝如此金且行且應曰被急取案追
攝對公事耳陳徐至家若過高阜甚峻有人自後推撲
遂醒

鈕琇臨野堂別集桃墩舊有宋大臣吳充墓充之後貧不
自存鬻其墓之土於里人顧姓者顧遣人平其封發石
椁充赭袍碧帶偉焉如生見風忽化兩夫人朱氏戴氏
金釵及纏臂之屬光燄猶新其墓誌則賈平章筆也按

志卅三 志餘一

七

賈與吳不同時蓋吳之後人乞賈為銘耳桃墩亦吾邑
地去吳興之南潯可四五里許按舊志並載陵墓今移
入志餘又沈彤震澤縣
志曰府志云順治十八年鄉人潘河得石碑一具墓誌
石一座半已滅沒惟碑額題吳樞密院使顯云名充
吳江錢志因之今按宋史本傳充為福建人元豐朝卒
于京師又吳氏家譜充賜葬于河南開封府開封縣新
里鄉大邊村神宗御題阡表在桃墩者乃充八世孫四
川重慶府巴縣知縣端朝墓墓朝次子逢龍誌其曠其
墓揭大官碑刻康熙四年水患鄉人
挑泥得之然則府志舛贗所云誤也
孔行素信齋類纂宋末叛臣范殿帥文虎行兵擅殺不可
言狀國初及宋末所得湖州南潯及慶元慈谿等處田
土皆以豪勢奪之者至正壬辰紅巾寇犯杭城其孫范
靜善為錢唐縣尹者從逆劫官庫克復後伏誅田地房

舍皆沒入官妻子以慶元喪日嚴所謀幸免其禍范之妻日嚴之異母姊也日嚴以同父之故痛其犯刑乃以重賂贖之其義亦可尚矣

趙孟頫蘭亭十三跋蘭亭帖自定武石刻既亡在人間者有數有日減無日增故博古之士以為至寶然極難辨又有未損五字者五字未損其本尤難得此蓋已損者獨孤長老送余北行攜以自隨至南潯北出以見示因從獨孤乞得攜入都他日來歸與獨孤結一重翰墨緣也至大三年九月五日孟頫跋于舟中獨孤名淳明天台人

志卅三 志餘一

八

李日華六研齋筆記嘉興天福寺僧慈力精華嚴教法其女兒陳自幼能書適南潯姚氏中年喪子女遂一意奉佛有手書觀世音普門品趙榮祿題其後今天福寺不知何在亦不見志乘獨賴魏公筆妙流傳耳誰謂翰墨非護法金湯耶

宋雷西吳里語吳興善畫者當以曹弗興為首稱趙孟頫亦入妙品其下則王蒙趙雍錢選唐棣張文樞胡欽亮徐士元孟玉澗莫廷錫諸人今鮮其倫矣

徐獻忠吳興掌故集王升字晉叔德清人其子名軫仕為崇信縣令升寄書云自舊年十一月初二日南潯別後

至今年凡四得書本家德清之役已辦兩圖黃冊里長及歸安甲首皆不擾而辦里長不赴京倉此甚良法也正擬安靖幾時十二月間本縣又定新市弓兵分管十二都但辦什物勾捉軍人至今不得安息所費亦不少也凡事清心潔己以廉自守治民以仁慈為心報國以忠勤為本處已當以謙敬學業更須勉力熟讀新律自然守法不惑飲酒不可縱恣此後倘有的便可買附子一二枚川椒一二斤起稅而來餘物非所覩也此書寄與御史臺勾管宇文桂被太祖皇帝搜出特詔獎賚之仍令有司除本戶雜役

志卅三 志餘一

九

又張羽字來儀潯陽人元季授安定書院山長因卜居吳興戴山東洪武初仕至太常寺丞兼直翰林院同掌文淵閣事卒葬九里岡郡志因其為潯陽人遂訛以為南潯土著甚謬

高士奇天祿識餘沈富字仲榮行三人因以萬三秀呼之元末富甲江南其弟貴以詩諷萬三云錦衣玉食非為福檀板金樽可罷休何似子孫長久計瓦盆盛酒木鐸裘萬三不聽貴遂隱於終南不知所終洪武初每縣分秀五等家給戶由一紙哥最下秀最上等每等中又各有等鉅富者謂之萬戶三秀如沈萬三秀乃秀之三秀毛奇齡勝朝彤史拾遺記太祖孝慈高皇后馬氏吳興民

沈秀貴富侔國會為上犒軍而築都城三之一上忌欲誅之后諫曰妾聞法也者所以誅不法也非所以誅不祥民富侔國民自不祥爾夫不祥之民天留之於國法何預焉乃釋秀戍雲南

董斯張吳興備志留青日札云沈萬三秀名富字仲榮其弟萬四名貴字仲華本湖州南潯人父沈祐始徙蘇之長洲東蔡村貴之子漢傑又徙于化周莊今南京會同館乃其故宅初居東蔡村時人以汙萊之地歸之祐躬率子弟服勞糞治有方瀦洩有法由是致富不貲後流雲南尋命選大戶家為京官六曹得漢傑之子曰玠者

志卅三 志餘一

十

擢員外郎受官辭祿上器重之至今傳二家子孫在流所者尚富或云善點化術。劉三吾撰沈漢傑墓誌沈之先為吳興人後徙長洲之東蔡村萬三諱富字仲榮與其弟萬四諱仲華率先兩浙輸其稅為石者萬又嘗獻白金為兩者千百以佐用度太祖却之不得乃俾造廊房者六百五十披甲馬者千以萬四曾孫玠為倉曹戶部員外郎玠之父曰漢傑卒葬南興隆蕩之北先外舅東樓公則云仲榮子茂旺國初獻白金千錠黃金百斤凡京城廳宇街道橋梁甲馬錢穀之類多取資於沈乃以茂為廣積庫提舉姪孫為戶部員外郎坐事當辟

以營建工未就但黥其額後為藍黨猶得乘馬出入工畢盡錄其家發遼陽戍籍其田數千頃每畝定賦九斗三升至今吳民糧額之重坐此近峯聞略

又農田餘話云古人無畫蒲萄者吳僧溫日觀夜于月下視蒲萄影有悟出新意以飛白書體為之酒酣興發以手潑墨然後揮筆迅于行草收拾散落頃刻而就如神甚奇特也既死其弟子沈仲華湖州人傳其法亦佳世多見之張按田子藝留青日札沈貴字仲華湖州南潯人豈即其人耶

紀氏族譜紀童官字彥恭號存石為紀氏三世祖有度量

志卅三 志餘一

十

喜結納為鄉里所推重一日假寐夢至太湖之洞庭山值有扶乩者遂搖筆書云我是南潯紀彥恭偶然飛夢洞庭東生平不負千金諾特與君家判吉凶隨其所叩一一應之及覺歷歷可記後其人來潯相訪曰公之精誠上躋仙儕矣又里人有之松江遭橫逆者被執詢知南潯人則曰識紀彥恭否眾詭曰識之遂釋一人歸曰若請彥恭至當盡釋之公為一往皆得歸
李樂見聞雜紀吾鄉邇遠人家子孫貴顯其祖父未有不始於篤樸儉約者董潯陽先生之祖不識湖州府偶及見問這大牆門是何人家父封翰林編修字良儀平生

款客未嘗設饅頭一日施西亭憲副訪之亦止設捲蒸
座客笑曰董良儀饅頭一生喫他不成矣蓋儉則殺生
少用度節爲天道所默祐故子孫並發云

朱彝尊明詩綜趙金字淮獻烏程人布衣正德中詔徵不
起○靜志居詩話徵士居南潯著書闌闌間入其門者
有如深壑恆坐小艇出入五湖陶然自酌南坦箬溪二
尚書結峴山會造廬請入社不應也年六十營繭室斂
平生齒牙爪髮之已脫者洗滌而囊盛之以爲殉葬之
具賦全歸詩三章又自爲生祭文輓詩自是不復出年
八十九而卒其詩不蹈時習取境故超

志卅三 志餘一

主

胡承謀府志引野人閒話南潯一人偶遇江西林春元善
相術相之曰公神色有變亟歸可得終于室其人歸與
婦計曰我死無恨但一事未了里某富厚聘某人女我
爲之媒今父死家凋落我死彼必賴婚矣遂以家積十
金爲彼通財禮令畢姻事且告之故女父感悟擇日成
之其夜如夢非夢見神告曰汝命已盡但有陰德上帝
已增汝壽果年八十餘而終

董恂志稿余山人月山善記問嘗從所親詣郡吏乞部使
者所下狀吏重有難色約以厚賂吏乃持牒手示之山
人方一舉目因躡所親曰第出而覆其辭所親復以核

吏不遺一字乃皆大驚人或口舉其歌詩至數十山人
覆之不遺有難以多者至十數人皆舉數十山人益覆
不遺當其舉時旁顧諸笑雜以酬答若不經意者人以
是稱服見泌園集山人墓誌

紀氏族譜紀中字公權號西巖逸叟善詩文不樂仕進嘉
靖十四年卒葬笈字二圩法華庵之東李給諫見聞野
史載公一生無疾暮年頸患痰疔七子孫請醫公曰吾
自謂終身可辭藥餌今垂老不免耶俄夢人撲其頸七
次覺而撫之則已瘥矣子廷鑾字鳴之號居易充府掾
選遷省祭好讀書性剛直爲郡掾吏架閣庫火直指使

志卅三 志餘一

主

者以事連府主親爲鞠訊強公任以脫卸之公忿然曰
向者乾清宮災亦是紀某放火耶竟不能屈

朱國禎月溪公行實母氏吳石松先生甥女也石松宿儒
甚奇公禮均諸子收塾中一年悉通大義董宗伯少二
歲亦同學其父翠榆與民畏公善每曰吾兒儒若兒不
儒骨似勝之宗伯雖貴盛不少詘宗伯亦終身兄事之
誨家人曰此老嘗吹短笛峒強且有孫可善待蓋共學
時塾師以短日二字令折七字公曰短笛悠悠吹落日

董赤喘徐之始曰短短書生動白日至是尚心折云
董漢策甦庵家誠先宗伯公未遇時在潯西法華寺同紀

氏諸先達讀書每三六九文期哺刻完三藝即浮木板載酒肴渡對岸綠楊下與諸公痛飲歸來題詩壁上作壁窠字至今滿壁猶淋漓有生氣也○偶閱廢簾見先

大宗伯公諱刺大不過指頂足見古人謙謹如此今官未七品便與尺幅爭寸許地矣此最可嗤

胡承謀府志引西山日記嘉靖辛丑會試稽駱二太史分考時潘仲驂董份皆有聲公車潘以父難急進取賄囑稽駱語駱曰君上衣冠寥寥潘董二生稱一時譽髦吾輩不妨加意一援手蓋借董為潘地也時法網尚寬舉子按籍可查二生獲雋潘後以報父仇毆按使者罷官

志卅三 志餘一

古

并發其科場事稽亦落職歸駱曰我二人同事場屋稽去吾可獨留乎遂請告終老

見聞雜紀吾湖先輩煞有眼力會看文字嘉靖戊戌會元袁公煒閔午塘先生所取也癸丑會元曹公大章董濬陽先生所取也乃丁未會元胡公正蒙則吳霽寰先生以正郎同考取之逮萬曆庚子則沈檢討淮朱檢討國禎二公不但同邑且同里密近而沈主湖廣鄉試朱主福建鄉試豈非一時文運之最盛者哉

又嘉靖壬戌會試上命大學士袁煒詹事府詹事董份主考錄既成余師唐先生謂余曰曾見會試錄否余應曰

未見先生曰適來閱序文二公之意已向徐存齋不屬嚴介溪矣未幾嚴以贓敗子世蕃正罪籍沒先生於文字中蓋有以識其微也

范錯潯溪紀事詩注明世宗實錄嘉靖四十四年六月戊寅褫禮部尚書董份為民以戶科給事中歐陽一敬論劾故也又神宗實錄萬曆十八年七月辛亥先是浙江撫按傅孟春等請存問禮部尚書董份以是御史萬國欽上言份衣冠已褫猶然罪人也于此典未協乞敕停止部覆以份被論削籍雖遇恩詔不在存問之例已之二十四年八月戊戌刑部覆浙江巡撫劉元霖題鄉官

志卅三 志餘一

古

董份縱僕招尤嚴遣章棖等嚴配王九齡等兩朝實錄備纂份善文章長于衡鑒壬戌主考會試所取士多蒸蒸向用位通顯者如鄒應龍李汶許孚遠蕭大亨孫鐘楊俊民陳有年同列八座卿寺幾四十餘人而申文定余文恪王文肅相繼首揆則本朝及第三人俱入內閣者自是科始

見聞雜紀吾湖自嘉靖初以前古風猶在不意萬曆庚辰不佞歸田至辛丑纔二十一年爾中間所見所聞唯湖乖張詭異者不一繼今以往萬一又生他數以費郡邑大夫區處有世道之慮者詎能高枕無憂耶一董氏之

續修四庫全書 史部 地理類 4

變尚書董公頗無大過其對不佞亦自認奴僕過多奴僕既多則爭趨賈利者不少田產廣大焉能價值盡平只宜出示聽愚民告之郡邑任其剖斷可也而伊孫祠部君不諳世故自出處分之語語一出愚民謂登其堂者即可袖金而還不旬日擁至大門者百千餘人主人閉門不納愚民羣聚罵詈喊隨之其後終以門客之言大約田畝十分之中退還原主二分喧嚷稍息代巡彭公臨湖准狀極百紙分批郡邑一旬之內官差官船不知凡幾而支持浮費不啻數千金愚民自此唯知有利不復知有八座之尊矣二范氏之變司成范公子執

志卅三 志餘一

十六

友也董氏亂方熾人有言范亦不免予入山諭其家人毋私相塞竇徒費錢財一一聽之官司事方有緒可處而司成快意日久不耐窘迫愚民羣聚狀大約如董而董公何如胸次哉司成計拙居於城寓子勸其還第不從昕夕不勝忿忿食不下咽彭院所准狀近六十紙當時處分將完未幾而長子自盡矣又未幾而司成以家難自經矣已而疏再上戍父母官罷王撫臺逮彭按院此三吳未有之亂所損吾湖非淺鮮也易有云君子以作事謀始董范所遭蓋謀始之未慎焉

又董潯陽先生份人但知其有過不知其却有過人處教

子課孫甚嚴整得前輩人體段待至親故友無所不用其厚可惜不免好勝之病

又烏程令袁公光宇常熟人在任五載屢值水旱災錢糧屢虧正額停俸方開復停公不介意終其官自不差一皂快下鄉烏程人陰受其大賜不知也操履廉潔無赫赫聲其初任也不佞謁之會袁病不相值已而半載許彼此不相識一日公以公事下鄉至南潯先作一書致殷勤想慕之意約次日下顧詰朝天方明予未及梳洗家人報公已入門矣公能輕身以先於沈淪之仕宦殆不拘時套者乎

志卅三 志餘一

十七

李樂續見聞雜紀嘉靖庚申余館潯上董宗伯公延舉人陸抑齋赴京訓其子而抑齋長子適初婚母氏不欲其割愛遠行也余亦對抑齋述親友之意思家或成疾姑遲其行何如抑齋曰若吾子果爾這等兒子要他何用莫說病死了我也不惜竟同去父為子綱抑齋得之子後登科官四川別駕

又余一日偶訪湖郡庠諸博士董宗伯潯陽先在諸博士送之大門外然董卻守少游郡庠禮不走其中道中門由東廊上出此目睹者聞張莊僖公永明潘尚書季馴諸老皆然

又余讀書董氏拜三莊唐先生下顧董宗伯亦趨莊來唐先生上坐宗伯與余在旁懋德侍立移時先生亦不命之坐禮固然也天地生人所以長久禮之為助居多

吳興備志弇山堂別集盛事迹中子先父登進士者萬曆

庚辰董禮部嗣成又三年癸未父道醇婦翁與婿同在

大位者嘉靖中吳太保鵬為吏部尚書而婿董公份為

學士無何亦遷工部尚書三代甲科同時俱在者禮部

尚書董份辛丑子南工科給事中道醇癸未孫禮部郎

中嗣成庚辰三代俱無恙又異典述中六部尚書非內

閣而帶學士者惟禮部有之董公份則以工部尚書帶

志卅三 志餘一

六

侍郎非本曹者董公復以工部尚書管吏部左侍郎事

翰林以光學士為重若講讀以下得超遷者誠為異典

董宗伯則以右中允遷

沈德符清權堂雜著嘉靖末吳太宰鵬以笄女繼董宗伯

份之室董時已為大司空管少宰事年亦相亞遂講敵

禮不復修半子之敬然吳嘉興人董湖州人固接壤也

又嘉靖辛丑科詞林二大宗伯一為烏程董潯陽份一為

華亭陸平泉樹聲吳越接壤相去不三舍董先貴世宗

朝寵眷隆赫以忤旨削籍歸又十八年而陸始正春卿

之席則今上龍飛江陵欲收陸以為重且示意即入揆

路將主甲戌會試陸知其為乃子登進地屢疏始允歸遂不出矣至戊子年八十撫按為請於朝得存問且加

太子少保董次年己丑亦登八十巡按御史蔡系周亦

為之請時申吳門當國王太倉為次揆俱董壬戌所舉

會試廷試第一人業已允行而御史萬國欽駁之備數

董立朝邪佞居鄉不法諸狀成命為寢是年董之子給

事道醇沒於家而陸之子彥章適登第拜行人使歸則

情境大不伴矣又七年乙未董之長孫禮部郎嗣成在

侍而次孫嗣昭成進士歿於京邸董宗伯不勝痛尋病

卒禮部君亦坐家難憤恚發疾死年亦未四十也又三

志卅三 志餘一

七

年戊戌陸登九十上遣中書柴大履存問於家時申王

兩公俱以首揆居里同執羔雁往賀修後進禮隅坐屏

息以待觀者榮之而董八十時兩公門生方在事且遭

萬抨章更無此盛舉也陸後再膺存問九十七而下世

飾終贈諡之典大備尤非董所敢望二公品行世所共

見不復置喙特紀其同登第同詞林大儼同高年林下

同在三吳一方而後先榮悴不同如此○萬二愚侍御

糾董宗伯疏首引先大父先君遭辱為言至云沈某父

子嘗從大夫之後偶因出游未遑趨避而衷甲之士奮

呼羣起幾不獲生焉此實傳聞之過先人奉使歸侍膝

下游吳之光福山正董塋墓地適給事道醇時爲行人亦以省墓至給事故先人鄉同年也偶舟人爭鬪彼與僚甚眾不無稍紛擾尋已講解罷去相忘久矣萬久在公車游學吳越間習見董氏諸奴之生事而惡之以故入臺卽首上疏偶知予家小相失一事遂引爲確證聞宗伯甚不樂意謂寒家與聞是時先君已早世子在保抱安知臺臣白簡所自來也給事少子斯張少年負雋才與子善

趙吉士寄園寄書董尚書溥陽公三世四進士庚辰科公之長孫青芝先父釋褐報至公攜杖往視子舍時隆

志卅三 志餘一

干

山夫人以夫不獲第方按几大慟公慰之曰汝子幸已貴何哭爲吾子不第是吾痛耳不覺涕淚交下次科隆山亦第笑史

又董溥陽與嚴嵩同朝每過嵩輒用赤金鑲姓名縫紅綾

作束嵩以爲尊敬之也閩人利其金每一傳報卽取金

去後嵩敗董獨免交通律嘯虹筆記○按此事蓋惡董孰不投刺安得便指爲交通耶倘金字偶有存留則交通之律轉難免矣智者似必不出此

又湖州董尚書溥陽公得姑蘇某家山石高五丈連巨舟

載歸至震澤舟沈墮水中公不能釋募善泅者入水求之泅者摸石盛在一大石盤上盤可合五人抱公甚異

駭命數百人次第皆起之而以石置盤孔毫末湊洽蓋卽當時以盛石者而某家亦不知所始珊瑚網

清權堂雜著吳中有瑞雲峯宋朱勛所進艮岳物也蓋搜剔洞庭西山最後得此以爲可匹敷慶神運石將持入獻適聞汴京受圍道君內禪遂棄不取屢有光怪凡得之者俱不利久置隙地後爲陳太史所收夜吐光燭天太史病劇因什之剗其一角光頓滅而太史歿矣久之吳興董宗伯買之載歸過太湖船覆石沈乃百計取出則一石盤非峯石也又竭力再取始得所沈石配之卽此石之座也大喜欲立之而乃子給諫病卒不果乃孫

志卅三 志餘一

壬

儀部力諫以爲不宜畜此妖石適吳中徐岡卿漁浦來屢目而屬意焉徐卽宗伯愛婿也轉以贈之徐復挈還吳方議豎此峯而徐亦病旋歿矣此石至今臥其園榛莽中乃子中翰君欲緒成前志終以懼禍未決也

金友理太湖備攷吳莊謝姑山詩聞說凌波大謝姑裝成艮岳一峰孤瑞雲飛入西園去誰寫溥陽載石圖自注云宋朱勛花石綱採大謝姑頂峰入汴置御苑艮岳明季董尚書份購歸南潯其婿徐某乞之移置閭門外之西園名曰瑞雲峯今園廢而石猶存四面皆踏布房石已嵌砌入牆

石韞玉蘇州府志引顧丹五筆記瑞雲峯玲瓏高聳未朱
勛鑿成由太湖運石船覆挽起失其座繼為郇陽董氏
所得閭門下塘徐氏尚寶司某按當作徐太僕泰時富堪敵國與
董聯姻董以此石贈嫁載至中湖船又覆眾力挽之座
隨石而起徐置之半邊街東園中百餘年來園廢為踞
坊乾隆四十四年遷於織造府西 行宮內石之遺際
亦奇矣哉

張丹山潯錄同聲社正德中邵康山為諸生時創此社以
文章道義相砥礪社共四十九人董份第二十有六逸
老社嘉靖中唐一菴所創社共十七人逸老續社四十

志卅三 志餘一

至

人董份居續社之第八

孫一奎赤水元珠醫案大宗伯董潯老年六十七有脾胃
疾翁以過啖瓜果而胸膈脹痛延子治翁門下蔣虹橋
沈樂閒多藝人也翁素親信二公詰子曰症脈何如予
曰症脈雖胸腹脹痛然易瘳也二公曰翁生平不能素
食食輒瀉今不茹葷者半月燕居好弈好看書好作詩
文即盛暑亦手一編不言倦日永亦不瞋今不親筆硯
者月餘不櫛沐者七日它一切無所事事倦極矣諸名
家如沈竹亭沈春宇金樗邱者劑備嘗之無益也而公
何言易子曰諸公不過用二陳平胃加山查麥芽等消

導劑耳與症何涉蓋公傷于瓜果非麝香肉桂不能消
此諸君所以不能愈翁疾也子以高良薑香附各一兩
為君肉桂五錢為臣麝香一錢為佐每服二錢酒調下
之藥入腹胸次便寬再而知餓三服而巾櫛交接賓客
如未病者又大宗伯即君董龍山公夫人為憲副茅鹿
門公女年三十五病使血日二三下腹不疼諸醫診治
三年不效子診之左脈沈澀右脈漏出關外診不應病
子竊謂血既久下且當益其氣而升提之以探其症迺
用補中益氣湯加地榆阿膠側柏葉服八劑血不下者
半月彼自喜病愈矣偶因勞而血復下因索前藥子語

志卅三 志餘一

至

龍山公曰夫人之病必有瘀血積於經隧法當下而除
其根也不可再澀公隨以語夫人夫人曰孫先生非誤
人者誠見往往出尋常宜惟命蓋夫人讀書能文聰明
謀斷不啻丈夫故言下便能了悟即用桃仁承氣湯加
丹參五靈脂荷葉蒂水煎夜服之五鼓下黑瘀血半桶
其日血竟不來復令人索下藥子曰姑以理脾藥養之
病根已動俟五日而再下未晚也至期復用下劑又下
黑瘀如前者半繼以補中益氣湯參苓白朮散調理全
愈又大宗伯董潯老門下有馬廚者七月初旬病病二
十餘日愈劇而勢甚厥時宗伯對余弈正酣而蔣虹橋

沈樂問報曰馬廚危在旦夕宗伯聞之推枰嘆息曰吾命吾命子叩其故語曰能廚者不下二十人獨此廚適吾意將恃之以娛晚節今病不可起奈何子詰何病將沈述其症大發寒熱寒至不憚入竈熱至不憚下井痢兼紅白日夜八十餘行腹痛惡心汗多神氣倦甚究其脈不吉下痢脈洪大者死細微者生今洪大逆也子曰痢固忌洪大寒熱亦非細微所宜其中必有故二公曰幸一往決之溥翁欣然握余手偕行至宅後橋余入門同居數十家皆執香拱立以伺子究病所由起渠謂過客眾廚間燥熱食瓜果菱藕過多晚又過飲御內而寢于樓簷之下次日即寒熱腹痛因而下痢雖得其病症尚未融通一治法因沈思之不覺行至橋而溥老猶立而埃子見子無婉容知病重遂置不問如前握余手而回蔣沈謂子可治否子曰邀老先生之寵靈偶有一得迺背水陣也人參白朮石膏滑石各五錢知母炮薑各三錢大附子炙甘草各二錢作一大劑煎之蔣沈將問子溥翁即命近侍煎於其側不欲蔣沈問也熟則付飲之飲訖即睡明日已刻二公鼓掌來言夜來痢減半汗吐全無脈亦斂矣再用人參石膏白芍藥滑石各三錢炮薑肉桂知母各二錢炙草附子各一錢服後瘧止痢

志卅三 志餘一

溥

又減半飲食漸進神氣漸轉改用白芍藥酒炒五錢人參白朮滑石各二錢甘草陳皮炮薑肉桂各一錢三劑而痢全止飲食加漸就安矣蔣沈問曰公寒熱均投劑何名也子笑曰此滑公所謂混沌湯也溥翁躍然喜曰先生能起垂斃之人而生之余詩冊中臨舊號國之譽非虛語矣

續見聞雜紀湖郡伯栗公祁山東夏津人 王戊進士絕塵之守清瑩可愛尤不可及者尚書董公係其大座師家人稍有不循禮懲治不少貸

志卅三 志餘一

溥

汪曰楨溥斬董志藝文載董份敝廬始成曹侍御過訪見贈次韻奉答詩云故里初營水石居擬將蕭散當園廬漸裁蘿薜思成幄愛種芭蕉爲學書卧向烟雲朝日過坐依河漢晚涼舒非君載酒追權宴誰慰談元寂寞餘今攷泌園集此詩首句故里作帝里蓋指都中邸第也乃改竄編入溥志謬矣范氏溥溪紀事詩注亦沿其誤陳尚古簪雲樓雜說吳門諸生陳正禮臨終屬其子曰昔曾與申相國友善然子性介自相國之顯也弗與通倘汝不能自存往必有濟及沒其子遠往謁公公瞿然曰某罪深矣遂延入食之以三十金爲贖無何烏程董尚書欲與婚公執不可董疑門弟子稱公曰非也特冰人

未工耳董請益堅公曰若不獲已微某不可但某名家子恐不能致奈何董祝公為介某已授公指有難色公曰某豈易辱哉非千金為禮終鞅鞅不愜人意董諾之而婚成故人子前後獲二千餘金竟豐於中人之產者且什伯矣

沈登瀛南溥備志章氏吳興舊聞補引聞門錄云尚書董尋陽孫青芝為禮部主事工於詩字往往以手書扇軸及詩稿贈人尚書曰以我家勢雖日以銀幣為歡猶恐未塞人望奈何效清客行徑乎將來破吾家者必此子也後果驗人服尚書先見余謂此條不必存所謂變亂

志卅三 志餘一

三

黑白者也讀謝在杭肇湖伯念詩集序可見按序云宗伯公方以

計然之策起家擢素封於江以南伯念弗善也獨折節讀書既成進士授禮部郎抗疏劾籍歸居無何董氏難作宗伯公不愛重貨以與黔首媾一二耽耽視者欲得而甘心焉數矣卒以伯念故止是時徵伯念事幾殆

紀氏族譜紀濂字宗周號明齋嘉靖丙午舉于鄉計偕入京分宜慕公名延為賓師公處之泊如講課外不干預毫末嘗有某總兵被誣失機罪當斬求救于公公憫其無罪死又不屑以事干相國中夜繞案行凡數十百匝僮僕以報相國急趨于世蕃致問公始為言之越日某總兵復職投刺謁謝再拜奉金幣公愕然力却之後謁選光州知州

見聞雜紀分宜柄國子世蕃熾惡延吾溥上紀明齋濂訓其子館賓二三載而紀亦未嘗不通賓客卻以禮義自閑嚴氏敗分毫無累無議可謂士之善守其身者乎

袁道錦帆集烏鎮沈若耶者鐵匠之子也方周歲即隨父來溥而祖居不廢時往來其間後于烏鎮從師讀書一日侵曉抵溥過東藏寺徘徊塔旁見側門半啓排闥而入見一僧危坐注目視沈曰與我有緣贈汝一丹服此可益智長年遂拜領而出行里許復還問如何服法而塔門已閉訪之寺僧曰此封鎖久矣從未嘗開也生奇之袖歸吞服後果文思頓進入歸安庠終身康強無

志卅三 志餘一

三

病壽九十餘

補遺

高 吳興職官補遺引日損齋續臺從仕郎陳君常之

晉陵人子二人長文照次文杰今為從仕郎池州路東

流縣尹女二人適鄭天錫鄒通德孫男二人在室孫女

一適湖州路南潯鎮巡檢夏某按元代巡檢姓名無一

史地理志及讀史方輿紀要後潘司巡檢移於南潯實在此未而此稱南潯鎮巡檢豈元時已然歟

志卅三 志餘一

天

志餘二

汪曰楨撰 南潯鎮志卅四

見聞雜紀余館潯中及見錢姓號石崖者家可二三千金

爾顧畫船歌童演戲出入聲聞邑侯至簽極繁解戶不

三十年子孫產業蕩盡至賃房棲故居水濱足為侈靡

不安分之鑒

又余嘉靖丙寅歲館于董宗伯時瑤泉申公以修撰丁憂

起復來訪宗伯宗伯邀予陪飲當送席申公具冠服止

一僕手持紗帽革帶置廳事前瓦上侍申公無兩僕也

余心服而識之既而訪于舟中即僱賃香船簡約多秀

才風味又十年一盛夏余訪宗伯偶友人授知縣回宗

志卅四 志餘二

伯迓而酌之僕從頗眾奉事踰禮即前宴申公處余為

心動亦以占此友不祥

又子館董氏和雲樓從者以事離左右即昏夜嘗有獨處

時未聞其有聲響變怪也入冬解館諸友方對子言樓

中曾有人自盡時露光怪大為余慶云

續見聞雜紀馬要沈封翁塾大寒下顧余生平慣夙興纔

興未及櫛髮而門者報封翁至矣余迓迎問先生何時

發舟曰雞初鳴余不勝嘆羨乃余婿南潯錢子人舟過

我非午則未必經宿明日行余憾其無家法嘗曰錢氏

必敗已而田產家業不下萬金果賣盡他徙次婿桐鄉

沈子為副憲邃庵公見其過余家半潯路而近晏起晏來較錢尤甚吾後不及覩其敗耳若沈封翁子孫貴顯縣長宜哉

又萬曆辛丑春三月翰林檢討朱公國祚拜南國子司業戒行不佞送之潯上因講師道立而善人多立之一字滋味甚是含蓄所關於世道甚大公此行與他尊官之出迥別不可不思所以立也若看得立字淺時難道許多尊官大吏一向只眠坐不成平涵深以為然時有杭嘉二郡生列坐聽余言而訝之想以為迂闊不近人情也

志卅四 志餘二

二

見聞雜紀里中一友人邀酌此友兄弟三四人余入門即語之曰令兄輩不妨同坐主人先實不邀其兄含糊應曰家兄不在俄而其兄自外至曰舍弟不請我我聞老先生在故來陪主人大不快此同胞也又一同宗兄弟余館潯中時辱其兄相邀有弟不之請弟剛而滑者揚揚揮扇自外來語意亦類前而狂主人大不快陪酒不及平生之半竟沈酣不省人事家人扶進嗟乎為惜半卓酒僕出醜至此凡今之人可以飲食細故而不慎哉續見聞雜紀里中一人恃兄貴凌人兄卒未久被讎擊至家呵之跪下以糞灌其口訟未畢而家隨破矣潯中又

一生恃叔貴起家數千金被讎扶至慈感寺戮辱備至亦以糞灌其口塗其身者弗論也其他仕宦明經為屬託被人毀冠裂衣用溝泥塗身於郡邑門者不可勝數哀哉財之誤人甚大而人卒弗悟已

湧幢小品嘉靖四十五年馬道人為妖遠近大闕各戶多縣籠籠籠四字以壓之三四月方息萬曆庚辰年余館於沈氏阡步之墅薄暮覺五里外洶洶人聲如捕賊者稍冥聲益近而厲如數千人水戰狀大呼擊撞主人懼以小舟遁去余步牆外火光四合焰在樹端與人聲震動天地漸漸近在隔河而墅之左右竟不能逼余心知妖術不為動夜半方熄次日歸家知潯中亦爾蓋廣表且百里矣此妖術所為捕兵遇一舟有人方剪紙人馬僅寸許擒送官治之後不復作

志卅四 志餘二

三

潯溪紀事詩注明南康府志唐一貫字孔啟以選貢除福建理問甲寅十月倭寇嘉興載輜重百餘艘北抵王江涇出南潯掠烏鎮明年正月又自海鹽轉掠雙林屯兵新市時一貫以浙東道梗寓白下聞猖獗赴軍門請兵討之自吳江募眾嘉湖猝遇賊大戰而歿兩院奏聞贈松江府同知湧幢小品余年十四五為隆慶庚午辛未間見清軍御史

至搜別操切民間騷然每圖甲有充軍一名里長解去給一帖爲據赴縣挂號御史至據號徵帖先考心齋府君藏其二先祖月溪府君忘之久矣諸甲長都忘失無存者比御史至莫不皇懼先府君以帖上乃得免先祖喜若更生其餘死捶楚者無算

又居梓石義英（雷）國人督學湖中持法嚴竿牘俱絕以乙丑年考我湖先君子與焉禎方九歲從入郡中考之先夕盜發署前正先君子寓所次日出題乃譬之小人二句先君因戰悸不能書書亦難辨屠閱草稿批曰此有學識而書法乃爾必警于盜者寘二等屠先生其殆聖

志卅四 志餘二

四

乎外嚴而中實婉轉能體人情

吹景集神廟初馬守愚來里中不知何許人工謝石之術多奇中有爲人作塞修者以吉帖二字問馬曰此姻事已諧以帖字中傍橫吉下喜象也然諸後且有憂吉下口置巾上宛然一吊字也後果然卜者沈某以金字問馬曰君其五行中安身立命乎恨與小人作緣三十年後以此敗亦以此獲後沈以後妻故有雀鼠之訟乃其婦頗健持門戶卒藉溫飽憶拆字時年恰三十一里父之子商于楚數稔不歸馬適在東藏寺里父拽杖之寺訪馬求卜適覲而以杖倚米箱揖之馬問云何具以對

馬曰汝子已抵家汝可速去米貫一木非來而何里父歸其子前候門矣有江（雷）生者各潯聞其異往看不告姓名值案頭積書指波濤二字曰君能爲一測否馬諦視久忽詫曰君佳士何落節到此夫水易爲坎範爲潤下陷不出下不返淫汗漂溺都從此生君無還年矣非噬非剝崩淪於澤是維女子媾男爲慝夫不祥其孰章氓之馮戎壽爲大期著田成疇著金成鑄著人成儔今也不然井田爲川鑄非其器無人儔之蕩蕩汨汨靡所止期循聲曰逃巫臣竊妻子意者其似之生傲然曰君亦知僕何姓乎馬曰象畫旣昭羣鬼夜竄吹律知姓萬

志卅四 志餘二

五

物同憂云焉水區壽誰其餘按象而談君非蔡仲之裔乎江（雷）生迺前謝曰神哉先生僕少失父兄好爲冶遊畢燼其宮攜歡而東我雲彼龍先生愍斯維曷塗之從馬曰夫疑慮者不可惑以貌知方者不可滑以陷（元）冥失馭后土其奠之急之坤鄉無與巽謀三壽作朋西南得之擇里而安安錢唐其遷乎其摘隱躡祕皆此類也某先生致事歸且浹歲呼馬詣第拈一休字訊焉馬取所書字承日影覆背疑睇忽曰異哉一轉便成兵字夏官乏員徵公其誰某笑曰吾長安塵土久無入夢生勿言居無何朝鮮事起某以邊材論薦趣攝少司馬篆云

聞長者言馬來吾里時恆寂居鄰寺匡坐窮日無妄
言笑所獲錢亦隨手散去乞者便與之類古稱隱行君
子哉竟來夫不自道鄉里卒無有傳其伎者遐周曰若
以六書求馬馬所測殊有乖外處然此自卜筮事不詹
詹執許慎徐鉉之學苛尋其短也令許徐輩測之豈能
奇中如馬耶道書云丹經萬卷不如一愚馬取義本此
董肇鐘鎮志陸以載字處厚為福安邑宰一日之野有鸚
鵡向前哀鳴忽墮地則赫然一死人矣就而視之已復
為鸚鵡呼老嫗問故家先殺人瘞尸鸚鵡籠下掘之如
生亟召其子孫昇以殺人者四境頌若神明

志卅四 志餘二

六

又申用嘉字美中號經峪吳縣人太師文定公諱時行仲
子為董給諫館甥寓居于犇由湖庠中浙闈萬歷壬午
舉人歷官廣西參政

范穎通研北居瑣錄董龍山與晟舍閔一范龍池暨長子
青芝於萬歷庚辰同試南宮逮撤棘青芝獲雋龍山笑
曰二龍猶在少頃得龍池捷音投袂起曰一龍已飛矣
旋下帷三年癸未成進士

見聞雜紀董懋德與余相處日久其所不能及處儘多
不親僮僕不罵詈僮僕不鞭撻僮僕不諛客不慢客大
者事繼母最孝於尊公行事必極力救正力不可為付

之慨嘆而已可惜家奴少馴謹一二事得罪士大夫爾
清權堂雜著董龍山道醇舉癸未進士其子儀部青芝嗣
成先舉庚辰進士不欲於癸未榜稱年姪為乃翁訶責
勉強書刺中晚字而禮數則殊不然此等皆窒礙難行
者

吹景集萬歷庚辰先君偕伯念兄上公車入都聞有精康
節數者先君適有他營命伯念先往詎之伯念抵其寓
其人問所卜云何伯念曰問場屋事耳人曰試隨手拈
一物來適几上陳象戲伯念取士字授之問伯念年幾
何曰庚申生其人曰足下今必策名名必在十一伯念

志卅四 志餘二

七

詰之其人曰君庚申生人也年正二十有一今徒步而
來其象為是二十一人著一疋字非進字乎手拈士字
非進士乎士十一也又基以木成足下生屬石榴木木
數三八錯綜之數十有一故曰名在十一先君後至亦
拈士字問之其人曰賢子拈餘已落第二二木未象也
公之發其癸未乎已而果然○張往入北雍聞官黃門
賜谷亦洞曉六壬偕長水楊若木費元朗謁之元朗館
黃門家具以告黃門曰課得連茹三君所云同功一體
也是秋三人者俱殿黜歸

湧幢小品余與董伯念分詠走馬燈董正雄盛余結句曰

炎炎誰稅駕蠟盡是歸程伯念捏紙聳然

清權堂雜著嘉靖以來名公如唐荆川中丞趙大洲閣老

趙浚谷中丞皆魏科大儒士林宗仰然俱究心武事今

上初年如馮仰芹子履子完樸達真二大參俱真正邊

才其次則沈少林狀元董伯念禮部並有聲藝苑亦好

談兵但阨於年齋志以沒

又董伯念爲給事長子先給事登第壬辰以疏論國本斥

爲編氓時宗伯貲產過厚怨滿一鄉伯念思稍散之以

結人心宗伯不謂然而伯念奮然行之舉故券以示小

民或止半價或許回贖各有條緒湖俗故隸悍至此不

志卅四 志餘二

八

以爲恩反共訐董氏直謂諸產俱屬白佔欲盡徒手得

之咻咻者日千百人伯念不能無中悔而御史彭魯軒

應參來按浙彭爲令負清勁名在西臺亦錚錚者巡方

入召諸仇董者爭先投牒填塞途巷并及故祭酒范屏

麓應期彭受兩家詞俱以屬郡邑追逮紛紜兩家紀綱

用事者盡入狴犴祭酒不能堪至雉經死范事得小解

而伯念日夜爲乃祖所恨詈乃謀之吳江一斥生周姓

者嗾祭酒夫人上疏鳴冤范於今上初元會備員講官

上見疏大怒給事孫鵬初羽侯等復合疏糾彭之橫御

史逮去并撫臺王洪陽汝訓亦罷歸董氏事漸以消弭

而伯念與宗伯以憂勞成疾相繼下世矣伯念有才名
其志業不凡不幸爲富貴所累以致短折惜哉

沈瓚近事叢殘萬歷壬辰癸巳間湖州董尚書份范祭酒

應期兩家事起其始也吳江刁民告產價不敷黃令君

似華喜鋤強多爲准理而尚書之孫儀部公嗣成又喜

收小民之譽以蓋前愆於是訟者聞風競起黃多批送

儀部公自爲處分儀部每優饒自損以寬假之訟者愈

不已時浙江按院彭公應參烏程令張公應望意皆主

于鋤強民相集如狂不可禁董之業耗破十四五而波

及于范范居菁山馭下巖急居鄉少恩豪富不及董而

志卅四 志餘二

九

斂怨過之又祭酒之子所爲多不法小民訟不休時又

值妻死不明外議謂爲被毒公子既爲小民所齟齬而

妻死之故又無以自白乃服毒死焉祭酒痛其子兼苦

訟無已時不堪其憤不年餘而自經死尚書延策士謀

自全計有吳江生員周光祖獻計曰令范夫人伏闕鳴

冤而後事可圖也乃愆恩范夫人入京具奏奏中多以

賊私事誣張令君而兼及彭按君京師貴人更有爲之

道地者於是彭張皆奉旨被逮各問遣二公雖處置失

宜稍長刁風然所坐過重人多冤之二公逮而董氏安

枕矣故時人爲之語曰周郎妙計高天下只用夫人不

用兵後周以此名竟惟憲訪非無辜也按崇禎烏程縣志知縣張應望

字汝遠高淳人萬曆壬辰進士次年任明年起地方董

沈德符敝齋餘談吳江令祝麟初名似華初到以風力

自命時南潯董氏有田數萬在吳江祝立意苦之未幾

以暮夜得解吳江人爲一詩曰吳江勁挺一莖竹纔逢

春雨使葉綠青枝一夜透千梢登時改節彎曲竹謂

祝姓董禮部號青芝用事沈醫生號春字葉六則心腹

書辦也又吳俗呼現錢爲梢故諺語云然此辛卯年事

志卅四 志餘二

十

張丹山潯溪棹歌注董氏失勢因巡方彭魯軒以田產計

奏事載沈德符雜著其後糧重民欠尤多遂至委單於

地無人拾者而潯地市戶田皆僱船取租無復有佃戶

送租者矣○鎮上舊猛將會極盛童時猶及見之嘉慶

丙辰以後民物殷阜遠非昔比年來凋瘵尤甚所謂市

戶田者官銀漕米船隻耗費而外租稅無幾矣可慨也

敝齋餘談周用齋汝礪吳之崑山人文名藉甚舉南畿

解元久未第館于湖州南潯董宗伯家賦性樸茂幼無

二色在塾稍久輒告歸主人知其不堪寂寞又不敢強

甯微及龍陽子都之說卽恚怒變色謂此禽獸盜丐所

爲蓋平生未解男色也主人素稔其慙乃令童子善淫

者乘醉闖之密問童子知出主人意乃大呼曰龍山真

聖人數十聲不絕明日其事傳布遠近怪笑龍山爲主

人別號白是遂溺于男寵後舉丁丑進士竟以暮年好

外贏憊而沒

湧幢小品董青芝祠部間倭倣集教師數十人講武事與

一少林僧角拳皆什僧曰此謂花拳入門錯了一生矣

祠部惘然亦不復譚

吹景集亡兄伯念孕時先宜人禱天竺大士夢天雨甘露

於庭手捧之得三十有六點色如乳兄弱冠籍金閩才

志卅四 志餘二

十

名橫江左晚嬰家難觴詠寄懷密修淨業嘗手書金剛

般若經得山陰楷法劉○于侍御跋其尾彌留之際戒

婦女勿前卽吾嫂亦隔窗相訊持金剛後四句偈三日

不絕聲質明呼童子曰吾不復留矣忽赤光如霞從額

上起冉冉出窗外僕輩都及見之就視已瞑得年三十

六異哉伯氏定再來果位人也

又亡嫂孫碩人少宰柏潭先生息也笄而歸家仲未三十

天歲丙午子夢入家仲室壁間懸一像諦視之則亡嫂

影子也像忽作語云六叔佳不好語二哥我在此中苦

甚幸寫一卷金剛經相薦子驚寤走告家仲仲溺鉛汞

家言漠不以爲懷後十年予始命楊生代書此經資碩人冥福

董志引野乘萬曆時當事好裁抑世家董君嗣昭應甲午鄉試故事填榜時京考必以五魁卷送直指使者各各稱許而尤屬意第四卷拆之則董嗣昭也不覺錯愕失色徐曰他家有事主考吳太史應之曰我輩陛辭而至可憑者以文章爲羔雁他何論焉竟命執筆吏填上直指亦無能爲之難至上春官其卷在雲間董思白太史房拆名而董袖其卷時洪陽相公知貢舉禮部范公暨少宰孫公皆詰其故不得董第曰江南世家吾姑以避

志卅四 志餘二

十一

嫌耳時同考官會稽陶太史從旁熟視之執董手而言曰若何阻他人之功名博一己之功名也我輩亦世受國恩果若今日則大江以南無世家矣洪陽相公毅然曰夫論文惟矢心能得士耳何嫌之避爲脫有諱忌余直身肩之董遂出其卷其兩捷而兩瀕于危如此

近事叢殘孫履際者吳江吳淩人少年亦曾讀書父業糶糶及壯與妻妻婚未幾月而妻生子爲鄉閭所笑因棄家出遊萬曆丁酉冬寓元墓塔院僧舍中亦能作詩畫梅往往題牆壁間僧養之四十餘日臨行不告而去且竊其衣服布匹馬少日已削髮披緇帶泗州巾有人于

胥口湖船中見之已亥春至南潯有人謂之曰子何酷似董三爺董三爺者南潯董尚書之第三孫嗣昭甲午乙未聯捷放榜後不兩月死于京師歸櫬且入山矣履際聞之創爲說曰我董三爺也向因擅入皇宮恐朝廷正法故伴病死而逃今歸矣與一尼姑善令傳語與董之乳媪焉其孺人悲喜惑之而其家老及族人知事者灼其妄冒使人召與言令自述顛末而一人從傍載筆書之事遂不能諱執送吳江縣問徒發配死配所其尼姑亦別置之死其至吳江未審時猶稱孫令君爲年兄蓋孫亦乙未科也其愚而狡如此意其撰名亦非本名

志卅四 志餘二

十一

似踵孫憲副從龍諸郎之列以便出入影射

又吳縣洞庭山翁生起暘號見滄者以貨豪于鄉而狂很無賴有族人某先年以房一所售之得價一千三百兩累欲與索貼未行也已酉間有馬醫山中住賣屋者之家賣屋者曰見滄家有馬吾薦往五錢可得也既往只送二錢賣屋者不樂遣人還其銀索元書翁收銀而還書略不爲意賣屋者大怒曰吾必以屋事告于官有一庠友在傍曰吾當爲證遂入城訟之縣縣令麻城陳公以聞先入山有所欲于翁不應銜之斷貼加三千兩翁執不肯服責之十四板出愧憤不返家而徑之南潯典

鋪中思有以報陳有訟棍金姓者曰是不難當為揭帖走南京各衙門送之官必壞矣翁喜許贈百金而先送其三四置酒餞贈其人往遞之會巡江察院李公雲鶴將復命遂不薦陳疑之使人往探知有蜚語而莫得所從起無何翁又遣人偽為湖州府朱諭德國禎帖投新巡江汪公懷德汪故歸安尹朱宜稱舊治而乃以侍生帖入疑其偽執訊得狀乃并捕獲撰揭始事人翁問絞金與遞書人皆問遣解各衙門及前後使費請求居間與吏書伍伯人等凡破七萬金而徑死于獄狂很之禍若此

志卅四 志餘二

古

陳可升潯溪文獻烏鎮興德橋西南隅有文昌閣為民居所沒而遺像寘高閣有李某者恐其褻也移而奉之潯溪別寺有年矣神廟時分署羅抑齋即祠故址建小學謂中堂不可無文昌像王生鳴時力任之方欲圖像塑夜夢神曰我真身現在即當時塑湖州府城隍時者所同塑也旦訪之民家知為李姓所移乃迎之潯溪而神復歸焉節錄願如愚記

紀氏族譜紀滄字宗源號涵泉廷鑾子鄉飲賓萬曆三十四年奉恩詔例准冠帶有司給清朝耆老匾額童稚時隨生母寄養兄處嫂以馬料豆雜飯中公私食其豆而

以飯奉母嘗共屠姓充里役簽解絲綿入京公憐屠老且貧遂獨任其役至則駁難壓折賠費至千金終無怨言同界朱某老而無子自營後事售桑地與公立券涕泣公惻然憫之曰是異於世之不肖棄先業供飲博而且揚揚自得者乃退地十之一令其夫婦居之終身人有侵其田址者公怡然曰彼與我皆王土也卒不與校董斯張菴菴先生傳先生吳江澤上人晚自命曰菴菴云先生稚節負奇長而善屬文喜汨羅龍門之言攻苦刻厲意氣感激莫有以自見於天下治經生言者靡靡而趨壹稟肆間文以為鵠羣長老以誨其子弟其子弟借

志卅四 志餘二

古

此道博一科目輒棄去手不親古書而先生非古書弗娛几案唯古書時為童子祭酒董其程者亦斤斤古書鄉之人憐先生誠先生毋古書先生顧娘罵若曹胸無古書安知古書不可令迺公讀乎日益治古書出為文精湛卓詭訓故而外恆豎新義督學御史陳公子貞心奇之然竟不第先生壹鬱奇抱不尺寸試發憤成疾醫誤以丹石投之經歲而毒作所居憑溪弗禦凌雨薄田一雙粥以求藥尊人歿三十年亡以葬長君生二十年亡以婦世所稱窮愁亡奇先生者而先生氣益上慨慷千古引聲抗歌有所製尋碎之或為好事者拾去得詩

及雜文數千言往先生館斯張家張也及猶子勛從之
學胡氏春秋嘗丙夜閱宋鄂忠武王傳命童子趣熱酒
來酒一行歎息數四曰好岳將軍好岳將軍酒數十行
皆如之忽張目起大噉賊檜何在當磔以飼狗耳攜三
四童子持燭求檜聲色轉厲燭盡然紙爲燈徧求不可
得乃已旁舍十餘家夜驚起問何狀語之故皆撫掌大
笑時張年十有二私謂助吾師非狂人萬曆癸丑六月
病亟爲文以自悼知者聞而悲之先生名元斐字附歐
所著有蓑菴纂若干冊

張睿卿茗紀嘉靖戊子秋南潯鎮有錢珂者其妻產一男

志卅四 志餘二

七

六七日而死以火焚之有骨一片不化因共觀之上有
宰相二字長半寸有餘字如圖書刻出陽文四圍復有
邊欄端楷整齊人人傳視

湧幢小品湖之畜蠶者多自栽桑不則豫租別姓之桑俗
曰秒葉本地葉不足又販于桐鄉洞庭價隨時高下倏
忽懸絕故栽與秒最爲穩當不者謂之看空頭蠶有天
幸者往往趣之余鄰家章姓者豫占桑價占賤卽畜至
百餘觔凡二十年無爽白手厚獲生計遂饒鼓樂賽謝
以爲常一日賽畢有婦人矮而肥白求齋卧于地不肯
去其家內外醉飽得意甚厭之叱曰亟去毋得聒擾則

應曰我與汝曾祖母有連歲爲汝應卜助生計不啻足
矣一齋何有而慳至此蒲旬將入門眾恚甚蹴之忽不
見且駭且疑其佛堂忽有聲曾祖母牌已裂爲二蓋祖
母故好善每見裸蟲必致煖處護其生俟生翼翔去乃
已沒已數十年矣矮婦之祥或在于此以後卜吉而畜
者其價每每相左初猶得失半後失者居多最後價騰
十倍棄其蠶於水家亦隨耗矣

又余鎮人遷一墓有蜂飛出螯其臂潰爲瘡大僅如豆中
有人聲若呼名而罵者竟死

又里中有某者父子濟惡道路以目卽宦族方盛無如之

志卅四 志餘二

七

何有謝氏子家可千金少孤而佚誘之賭博其祖尚在
老矣且懦甚屢往尋歸而復去蓋某別有誘之之術
落其度中心已蕩不可制也歷兩年其善田宅悉勒契
質于大家矣謝老大憤欲告于官某聞之笑曰此所謂
蜻蜓搖石柱者余叔父謝老之婿也來就謀畏之亦數
數勸止卽余亦以爲非敵時縣主爲楊楚璞應聘懷遠
人癸未進士有彊幹聲謝老奮曰楊公好官卽死且走
一遭狀入不省謝老大窘曰當死又何言眾揶揄尤不
可忍踰跟而歸次日某方緩步街市將尋謝老所在唾
之尾而譴者數百人忽捕者至眾失色猶傲然挈其子

以往既至楊不與語某微覘氣色回顧同類曰事敗矣
楊治宅文書畢喝與大杖三十其子求代并杖下獄而
召謝老樹諭令歸俟農畢待理蓋不啻家人父子云眾
聞之皆大驚呼楊青天蓋其人縱惡久楊已刺知待時
而發後竟伏辜里中清泰者可十餘年此後陳筠塘太
守尤快尤多

又有蔣姓者欺其寡嫂一日廣所居佔半焉方擇日安梁
嫂額手呼天忽大風龍挾雲霧入其門蔣親遇見仆地
龍爪柱掀出墜田中節節皆斷余方館溫氏聞而往視
咸奇駭以為有夫

志卅四 志餘二

六

又近地有沈姓者少聰慧年九歲應試知縣奇之命題作
破以為政第二八佾第三里仁第四公治長第五為題
應聲云政平于上猶有干政之人俗美于下不免負俗
之累大奇之以為神童後以驕惰無所成流為訟師有
淳姓者少亦負俊讀易以四日畢能七步成詩後亦無
成徵人有方姓者生時大雷雨龍挂屋脊比長方面大
耳垂手過膝咸謂貴徵終身食肉癡蠢而已天資既不
足恃而奇徵亦豈盡驗耶

又余家南潯東去舍數百步有舊窰土人馮姓者得之毀
其基中有蛇千餘俱縱之去大者數圍長十丈一角往

東行未幾馮一子暴死

又余四歲見一僧長可八尺方面大耳口喃喃不甚分明
自南柵栗樹橋過我門眾童子羣擁而北號曰癡和尚
冬月入水浴良久而出氣蒸如雲余曾坐其肩摩頂戲
加拳亦不怒也惟過一貴人門嫂罵初猶容忍久之不
堪令人捶之跌坐受挺都無所傷放歸再出再罵無如
之何拘于別室絕其食可半月暗窺之惟閉目運氣亦
有密餉棗與水者又旬日貴人大悔加禮許為造寺未
幾沒聞題二詩于壁時余尚幼不能錄記至今以為欠
事

志卅四 志餘二

六

朱國禎自誌行略十四歲在空室中取論策古文繙閱先
叔直齋府君有綱目一部全刻精好日閱一本能記憶
不三月而徧有老儒吳荃齋者與先祖為外弟獨精此
書時號吳時來飲飲中徵事有不知余即響應大駭曰
小子乃敢與老夫抗反覆駁問應之如響客不能屈
誘幢小品余初歸太倉相公省母給假歸入誦言余再候
不交片語一茶即別復有後言謂余豪富田連阡畝居
第千雲者余心知來歷然無以自明同鎮董宗伯先生
座主也宗伯坳先生來弔余迎之先生率其子縱山肩
輿來訪所見破瓦舊椽愕然曰還有廳事否余曰有之

敢不延坐止後有書舍三間耳先生厲聲曰此件那箇不有徐願緘山曰翰林先生庭戶不翦噴噴久之起去野次復艤舟召田父問狀田父指余舍對如余言且曰兄弟三人共之意遂大解余復登舟送別先生執手再四曰人言豈足信余曰先生何出此言復厲聲曰我眼是肥阜核去去不必言以後過先生必畱飯深譚越十餘年復問家計若何對曰如初無才故至此先生大笑曰辦此何必大才

又糧長之害李康惠疏之最詳曰家有千金之產當一年卽有乞丐者矣家有壯丁十餘當一年卽爲絕戶者矣

志卅四 志餘二

三

民避糧長之役過于謫戍官府無如之何有每歲一換之例有數十家朋當之條始也破一家數歲則沿鄉無不破家者矣讀其言直堪流涕糧長旣革里長受累均田所以救其窮也若有乘除而豈一人能與其力紛紛者可以思矣

又命坐磨蝎無事得謫余不幸坐此宮生平所被猜疑譏訕無影無形橫加者都出意外自知自忍自憐亦自笑今都忘之矣惟均田實自作之孽豈得盡歸咎磨蝎然此議發之已久余有所感揚之撫按誤探發下時編審已定眾當憤結時閔然並起適按臺馬起萃從聘自嘉

興將至眾往迎大刻均田便民四字粘于道傍處處皆徧因隨按臺舟自平望至郡城一百二十里布滿極目不見首尾愈近愈多號呼投水者往往而是旣至登與眾擁積不得行擒數人旋釋之抵署問狀兩縣主又失辭按臺怒卻立曰民情如此三日不靖于汝乎取之於是大議泮宮擠排幾至墮橋權在百姓不在縣主矣縣主亦怒據均字以一切法齊之而各大族之子弟互糾集直犯府主加惡聲府主震怒多潛遁去有二生獷甚自以名實之以示無懼遂逮捕不可解而初發時率其僕從可千人抵潯焚余居未至三里或云小民聚且格

志卅四 志餘二

三

鬪乃返余妻子皆懵不知又分布郡城各門欲執余余亦懵不知而守道謝某至欲請兵虞變好言慰諸子弟曰可速問之朱平涵凡洶洶者旬日乃小止旣議上矣撫按會題戶部駁下按臺怒勒所司毋動且行十年是時許敬菴師亦深爲余危之余曰事已然無可奈何第後有言入師耳者幸以理裁惟丁長孺公深主其說且屢爲解于許師儻亦所謂推波助瀾者非耶○初一冊爲辛丑年第二冊爲辛亥年合郡公議已定余懲往事不發一語且法原非一人所得主亦未有久而不變者我亦何成心之有最後縣主曾蘭若紹芳來問只駁臣

戶貼銀一款應之曾不知何故臨期仍主均田恨乃益深第三冊縣主曾有菴國禎暇時偶譚及余曰罪魁也何敢言惟我父母政成將內召矣再做一篇好文字終之造福在此不朽功業亦在此有菴默然遂精心求之以均之一字為主順人情從中略為參酌不一月竣事上下帖然未知余之罪得小解否痛減思痛毛髮尚自慄慄恐老死無能自明乃略敘始末總之所謂罪案云爾

又余既坐均田得罪後徐檢吾以撫臺一行于蘇松眾大開謂崇發自吳興徐元仗以鄉紳一議于嘉禾與賀伯

志卅四 志餘二

三

聞相駁甚苦今不知何如大約彷彿均之一字為主而賢有司臨期參酌故得相安近來田價日增不知時和年豐既庶且富使然抑田役均平民不甚苦樂趨為長久計也記得先慈嘗言戊午歲朝夢太守至家編役寤而余生而余甲申館于匯沮潘氏一夕三夢甚清初為烏程知縣夢中深思鄉黨如何相處比覺以為雜亂無當少選合眼陞湖州太守再合眼陞浙江布政起來失笑由今思之皆田土戶籍官也一生作業神先兆之想數有不可逃者亦何用懟且悔也

潯溪紀事詩注茅元儀曰賦役之法吾湖至萬曆中年弊

極矣先大夫與朱少師國禎倡均田之法蓋不以戶丁而以田然說者紛紛謂市戶等大便宜耳然此百之一二即存此百之一二以應國家不時之需亦何不可畢竟此法行民得休息而諸郡亦俱做行之近漸以醒按洪武間經營興作命中書省議設法恐役及貧民以田一頃出丁夫一人不及頃者以別田足之太祖參酌民宜必極中正然終以田為則故知以田為準雖有踰越不過百之一二藉口一二任意為之無所不至矣祖宗精密如此憲章之外無他道也

湧幢小品曹桐邱鏞長子禳生而癩不諳男女事故聘錢

志卅四 志餘二

三

皓女未敢娶以情辭錢不聽乃先以婢沈氏侍帷中嘗之終不諳復申之錢解盟別聘女私聞自經死未幾禳死沈氏亦守終身桐邱公為立後至萬曆三十五年疏聞並旌○桐邱公之祖原吳之自出育于曹故一姓曹祖歿葬吳墓余高祖民畏公吳甥也貧甚歿亦葬吳墓吳訟之官親友和息歸價數金而止蓋先民之忠厚乃爾其地辛丙巽三水俱會桐邱公先發庶吉士主事僉事歸年九十餘卒長子禳病錢沈雙烈華其後余家遲發余亦庶吉士檢討司業祭酒長子禳病亦如之媳沈氏儀即惺子公之女歸十年而禳歿沈猶處子也

賢孝能自立異日必繼前烈

又辛酉余有不寐之病徹夜宛轉心火焦灼諸醫束手不得已檢古方試之無一驗愈困自分必死命孫子信手抽架帙指八字定吉凶初得龍爲祥之來五字甚惡之又得川時文三字不可解館客邵生持王宇泰證治一書至悟曰得非醫家之時文耶檢不寐一款其方自丹溪遞至末有戴元禮二方平平無奇恍然曰時文在此矣服之就枕卽卧次日稍平漸漸調服而先一月隔病上下如分兩截中痛甚不能支余友繆仲醇至用蘇子五錢卽止蓋余危病自丁巳後此爲最甚去死幾希僅

志卅四 志餘二

五

存之年可不自愛乎

又丙午年余在南中有高明字者談多奇中謂余阨在後丙丁二年且曰過了巳秋或可免蓋剛六十之期也時去之尚遠不以爲異至丙辰冬長孫痘殤丁巳三季弟鳳岐暴卒哀慘日覺精神恍惚形神泮渙且有惡夢自忖岌岌決符高老之言乃發愿泛海禮普陀且曰死于牖無若死于海爲快且畱與諸貴人作話柄也時東風急駐者三日四月二十六晚風小止開舟浪猶顛盪行不五里停山灣遙見前舟已沈矣次日轉西風掛帆半日而至登殿作禮宿一僧舍終夜寢不能寐甚苦甚

疑之歸來忽忽徂夏入秋日展書只以不語不動遇拂意決不惱怒爲主至八月十一日飲藥酒忽有異香透出五臟五官又三日夢若有授者覺而釋然偷活至于今剛又三年矣

又皋亭山爲武林左託南濱錢江黃鶴峰最高可三千丈乙卯余登其顛忽一鶴飛過墮羽適當余左肩上知非佳兆凡二三年間患難疾病無所不經無所不劇因泛海上普陀山中故稀禽鳥復有飛鶴墮羽當右肩喟然歎曰此所謂鍛羽且再兆可知矣歸來復大病口占曰骨格原來定精神漸已非橫空雙鶴度海上有魚磯息

志卅四 志餘二

五

心待盡更覺快然自得而舍東有農莊因棄家棲其中魚鳥日夕相親卽其地改葬先祖月溪府君每晨起東望紅光盪漾庶幾二鶴來歸又口占曰渡海鶴飛還儻然只閉關幻軀元不著去住總閒閒雖病不服藥聽之而已

又家居以來惟平日父老相識者來扣始一見餘無至者至亦不見僧道亦如之然此輩浸淫日盛蹤跡詭祕只據所聞僧某來自江北領其徒二十餘人所致傾動自縉紳以下無不納交卽富翁素稱慳吝者亦迎至其家謂之供養資贈甚厚僧有閉關一二年者亦潛出謁見

凡見者勿論男女大小皆有所獻多者始得其解頤一言執筆作數字餘領之而已凡收數千金歸此僧妖也一道士來自江西同里某生母子俱病邀之再三始至博衣大帶亦領二十餘徒至門傳呼禹步而入入即危坐茶至舍而四嘆顧盼若有所見若有所指揮張筵甚盛次日延入令病人東首卧仗劍選數處下榻加釘議建醮四十九日索千金為謝其家疑懼而止此道妖也又余暇日行曠野不覺十餘里忽父執陸叻齋翁棹小舟至同入古廟中翁素謹嘿不輕發一語忽譚及地方妖異事慨曰司成公即隱尚善論事試問今為有司官者

志卅四 志餘二

其

當用何術可以致治潛消此變余舉數端皆笑不盡謂然翁曰大道為公四字今不可見亦不可行矣惟有小匡二字儘可做得余竦然問狀徐曰假如今各鎮市中必有魁猾領袖無賴子開賭博張騙局僧道念佛則揆入司香火社節出會則奮身釀金錢甚至販鹽窩鹽興訛造言無所不至黠者又結衣冠人為助把柄在手頭緒甚多流棍異說可疑之人因而附麗顯為民害暗藏亂端若有司官于此等人訪得的確指名捕至數其罪錮于獄從中時加縱操開以生路勿破其家勿牽累其妻子許以改過自新使之顛倒出入于吾掌股上而又

未即輕釋則彼既有生望又內顧重自然震懾不生他計其黨亦且潛伏驚散每處將一二人弄到一二年然後度其罪之輕重方與發遣根雖未除從自頓熄地方便帖然有數年安靜總計前後五六年間一任官平平過去再無意外之傲而良民享福亦如之非小匡而何余曰此言極簡當極新發抑自悟中得來乎從讀書中得來乎曰天下事那一件書中不有那一件不自書中悟得既讀矣有遇有不遇遇矣覺得另有一番作用一番精神平日所讀似都忘却悟于何有時翁方謂野次之語可以放膽乃又有于垣之耳謂囑余有所中傷翁

志卅四 志餘二

其

復對余一笑靜持之久乃得解要之一日小匡即一日太平一家小匡即一家太平一方小匡即一方太平推之天下皆然論大小耶

寄園寄所寄相國朱國禎萬曆戊戌主會閣得一卷甚佳以策犯國禎字棄去識者每嗤其刻野乘○按此事文非刻也

葉封宋牧仲筠廊偶筆跋以余所見記近事者有朱氏湧幢小品頗足佐正史所未及

錢大昕十駕齋養新錄朱國禎湧幢小品好談掌故品題人物不為刻深之論蓋明季說部之佳者至于援引古

書多有差誤

張鑑蠅鬚館詩話星名次第列銀光點將標題當飲章聖

主青年方好武卷頭先問李天王此明時天啓宮詞也

原注曰或有用水滸傳罡煞星名配東林諸人以供談

謔之資如托塔天王則李三才也及時雨則葉向高也

崔呈秀得之名曰點將錄佳紙細書與天鑒錄同志錄

同付逆賢逆賢乘間以達御覽上不解托塔天王為何

語逆賢詳述溪東西移塔事意欲使上知東林強暴有

如此徒所當翦也上傾聽噴噴若恨不同時者逆賢計

阻匿其書遂巡而退此詩共百首舊題虞山陳棕著今閱點將錄內有

志卅四 志餘二

吾潯朱相國平涵在錄按錄云地伏星金眼虎鑑按平

涵當日不第見於此錄卽東林籍貫浙江十一人朱國

禎居其首又盜柄東林夥東林盛楊時喬鼻祖吏部侍

郎朱國禎南司業先之歸德江夏託足後著湧幢小品

伏挺擊紅丸二案得大拜此非吾潯溪史冊之光哉

張丹山潯溪棹歌注采文肅係嘉靖戊午元日生見公自

著年譜董徵君芝筠天啓癸亥元日生見公行略

湧幢小品余初歸有一丐者自稱川商遇盜掠罄盡幾死

跪而乞食余視其貌猙甚疑之稍稍詰問語支吾色微

動遂巡欲退余直前揭其破帽則禿頂鬚蓬蓬皆假裝

挂于傍者方俯首叩頭忽直立馳去眾欲追之余亟止

尚回首目睜睜欲啖人可畏

又近日浙西丐子密爲羣散各處抱人幼女逸去剔其眼

令行乞于市日責錢若干夜則行淫積財甚富事發捕

治有一人利而居間眾大鬩丐者適械過市眾捶殺之

乃散

善田張氏族譜從父青霞先生諱光朝字君輔幼孤力學

事母至孝年十七補博士弟子員博綜經史與同里莊

懋謙日益溫念術九治相友善萬曆丁酉元旦夢與人

策馬游山將過峻嶺鞭策墜地旁有一老人驅車以從

志卅四 志餘二

謂先生曰君不以此處加鞭不如登此車從我去詰其

何往老人笑曰忘卻來路耶駭愕而醒每述此夢快快

不樂是歲秋闈先生習麟經莊先生復吾日宜見先生

文淹雅決其必售榜發被黜先生亦不以爲意迨落卷

領出始知先生之卷上可已擬元矣因對策有傷時語

竟置不錄先生始蹙然曰墜策之兆旣符登車之言將

驗予殆不久人世矣鬱鬱致疾于丁酉十二月十八日

卒年二十七從姪廷獻謹識

補遺

金以銘鞠逸吟廬雜鈔朱文肅未第時醇謹老成不屑以浮華博虛譽時董海陽宗伯家居素以文名里中習舉子業者咸切就正董亦樂於獎勸乃約浹旬為期與諸生集東藏禪院命題角課以月旦自任焉朱所居與禪院相去僅隔一溪依期赴約董奇其文每擊節不置一日董見諸生環侍執禮甚恭乃欣然曰滿園桃李皆春色問東君誰是先生諸生無以應朱輒離席對曰一天星斗煥文章唯北極堪為主宰董愕然由是益奇之後朱登第位出董右積薪居上殆亦有預識歟

志卅四 志餘二

卅

志餘三

汪曰楨撰

南潯鎮志卅五

明詩綜董斯張字遐周烏程人國子監生○靜志居詩話遐周初學詩於趙廣業及入閩心折曹能始歸與吳允兆王亦房酬和是時公安景陵派盛行浙西風氣不盡移易遐周洽聞周見與吾郡沈景倩略同詩亦相似嘗以所作投前守吳季騶季騶寓書韓求仲云在郡兩年不識有董生吳興守眼可抉也近得渠見贈詩如飛天仙人不著一烟火字其傾倒若是

蠅鬚館詩話董遐周先生斯張鑑會祖母之曾大父也所著有吹景集凌忠介公義渠為之序其書長於攷訂實

志卅五 志餘三

卅

在楊用修胡元瑞之上嘗記其癸丑春夢中得句云石鏡逢秦女山精照落花政使醒時為之未必奇險乃爾又曰癸亥長至第三日夢與孝若舅看月得句云便作一庭白虛堂分浩然甲子二月二日夢閱孫孟樸詩表有攜妓入山寺詩僅憶二語云纖裾禮精舍殘日射人黃亦俊語也夢中為詩幻矣夢間友人詩而成句則更幻矣先生所著有靜歎齋詩及廣博物志尤精深內典其靜歎齋記曰雲棲大師初參稅心叟叟問云汝何處人師曰浙江人叟曰卻為何事師曰特到這裏來求和尙開示叟曰你在三千里外遠遠來開示我教我將

甚麼來開示你師當下領悟師北歸住吾潯豆腐橋廢寺中苦行三年無知者由潯至雲棲卓錫可補塔銘之闕又曰聞谷印禪師神識湛朗具正知見昨過潯之祇園寺余往參禮茶次云如天命之謂性居士作麼生會余無對他客有拈紫陽語者師云不是良久云莫之爲而爲者天也莫之致而至者命也這便是現成注腳按此論開自祝京兆晚歲大有悟入今爲吳中王路菴伽藍袁石公有記刻石甚異也此皆吾潯鎮之掌故故具著之

又董裘夏先生爲其祖遐周先生言行略曰先生述董氏

志卅五 志餘三

家語近始潯川言始祖仁壽公自梅林遷潯上里中呼爲三老董公元末行中書省三碑之公歎曰龍不隱鱗達者深痛竟不應遂鑿石爲船以見志曰此船可爛吾其出矣遐周先生曰北宋徽宗朝吾梅林第一祖金紫光祿大夫貞元公與蔡京背馳者若中父老至今傳誦其詩有三槐九棘浮雲外一樹寒梅寄我心之句吾先世世有隱德吾欲草創石船志用昭示吾後人也然石船志卒未就又曰范長倩先生允臨書牘曰故人董遐周大宗伯之孫黃門之子儀部之弟鹿門茅先生之外孫而稱館甥于沈大司空泰垣先生然遐周自拔足雲

霄之表是能讀三墳五典八索九邱文心開闢巨靈摩山磊落有古節士風槩使天下不敢以富貴目梅林氏者吾遐周之力也又曰先生晚病足杜門著述體清羸自爲瘦居士傳行世輯吳興備志未竟崇禎戊辰八月廿四日卒前一日猶兀兀點筆也年僅四十有三

董斯張書紀宣符扇頭庚戌余與宣符讀書村北時駛雨乍停溪痕微長草透冷香花畱豔霧余兩人凭欄嘯詠孤神遠矚高譚往還慨焉興喟大約兩人平生相似者三相異者一孩而孤似也奴握家乘生事轉落似也此遇也曠懷千古歷落自命一切世法無足寘雙眼嗤

志卅五 志餘三

笑都所不顧此性也似也宣符異才天挺每當落筆奇情橫逸神光四照良是東箭南金定非我曹所望天故以此限董生耳因念宣符王父比部公尊人貢士公與亡祖父俱爲筆研交締好甚篤乃宣符復不我差池同此臭味耶問之長老言比部及先王父少讀書法華庵涼燠攻苦摩厲刻至非言人不法比其貴相視責善不少別都無形骸唯貢士公之於先君也亦復如是冀宣符規我不逮行我兩家世業以追賢達素交宣符曰然遂志之

沈登瀛南潯著述總錄遐周先生有選采真社集采真社

未知會于何地起于何時董復園集有采真詩選後序云丙申春家嚴修采真雅集丙申乃順治十三年復園父芝筠為遐周從孫故重修之耳則是社當在潯上惜當時應社復社等盛著諸小社皆為所掩也

董說棟花磯隨筆附錄先借菴先生每品題翰墨提着新安大賈四字作書苑儉父目而評人詩卷或云百穀體或批兩字頭皆指惡詩潯上王生者業醫從先生問草隸法教且看八分古帖月餘王生作八分體一紙呈先人先人笑曰吾不教汝寫八分字後王生小得草隸路頭有舊存餘清齋帖在珏書簾中七月持至補船中元

志卅五 志餘三

四

前三日珏復寄此冊感遺訓之未忘傷古學之欲墜南

潛謹記

潯軒恣公送行詩卷陳繼儒董其昌王惟儉張民表郭涓喬允方澤法鑑凡八人首有送復元上人遊二室五臺小引款書萬曆四十四年二月十八吉日啟行書此平涵居士朱國禎題卷藏墨溪朱氏云得自北柵外圓照庵庵中諸名人筆墨尚多且止庵詩集板亦在庵中惜已殘缺按庵地屬震澤恣公駐錫處也

朱國禎定空上人書事敘定空上人本名家子工醫有神效一日出遊登五臺最上一峯披剃徧行畿內函三梁

公築庵棲之稱為廉潔清淨禪余非能深于禪浮慕中亦自有契久與復元上人結伴此一奇也梁本大家宰鳴泉先生之嗣官環衛有名余與梁不相識而相慕因趙太宰交其羣從既歸田時與復公道本未慨夫南北參商夢寐屢及何所自來何所自底又一奇也尋復公得病甚劇眾醫罕效駐余齋七日遷隔河禪堂自便不三日告病愈駭而問之則知來一僧投藥二劑立起往候知為定空余有不寐之苦告之出三丸服之便熟睡眾驚以為大醫王復公因得梁公贈卷并起居甚詳此又大奇也上人以禮普陀至梁公諄諄屬以北還余固

志卅五 志餘三

五

留不可第云去可復來盍以一言為訂

蠅鬚館詩話潯上趙長文先生為董若雨先生之師所著有乍醒詩草今亦罕見嘗得句云斜陽射遠水故實雲洗藥池編有憶里中趙長文先生詩云鈔詩翻釘時文背作隸驚抽草草心憶著斜陽射遠水市樓句子有人吟蓋以此也豐草庵前集又有趙先生乍醒草序

張繼周草亭筆記凡奴僕不可信任而有才者尤當嚴絕子家舊僕李春初來時尚稱謹愿自與董氏僕結交弊端百出矣子鄰陸永之有隙地數畝與董氏屋相連天啓甲子夏董元常之僕孫忠者謀佔不就反誣陸佔董

產捏主人名控諸縣主人未之知也時宰吾邑者爲壬戌進士馬達生思理福建長樂人子從祖文峰公之外孫也稔知陸係子鄰致書于先君子問實在情形先君子囑李春代寫覆函爲陸申理李春受董僕賄反其詞以達縣其詞曰陸承之素不良于行此特橫逆之一端耳且陸氏父子數十年來出入董門近因董氏勢衰強佔董地波瀾翻覆洵可畏也既承下問何敢爲鄉黨諱幸此案事尚細微望小懲之而使大誠此陸氏之福而實出臺下之賜也是秋家劍水先生領鄉薦馬令來恭壽堂致賀予亦隨先君子在側談次論及董陸事馬曰

志卅五 志餘三

六

田地房產所憑者單契今董氏單契俱無理應斷歸陸氏所不卽成案者爲舅氏書耳先君子不知李春易書事因曰予書亦爲陸氏申理與成案有何窒礙馬袖中出陸氏總單及李春造寫之書先君子覽之離席長揖曰此予之失察覆函實囑僕輩代書初不知其易詞以誑也是日董元常得悉此事徧訊家人知是孫忠所爲以家法嚴治孫忠杖之垂斃李春是日日本在恭壽堂侍候懼罪及逃竄不知去向此事幸已俟清慎吾數家友誼親情不致被惡僕損壞餘外事之無對證者惡僕倚勢橫行爲主人取怨于鄉里諒不止一二事也

海輯明紀奉山

懋勳

家訓一卷有曰國課固宜早完尤宜

自納切忌包攬貪著小便宜卽受大喫欺銀有櫃米有倉等頭斛面比人多算一二討了印票一了一當豈不暫勞永逸又曰生辰爲母難之日何可重累親朋况近日傳單釀分紛然沓出盛者幾兩次者幾星卽有餘之家趁辦亦覺費事若不足者單至不得不與至期勉強措湊苦甚征徭延年益壽者自當惻然動心又曰元宵看燈大非美事此時賢愚混雜俱乘酒興比日間不同易起爭端每見年年此節必有是非况一家之主尚且嬉游室中必無警備盜賊火燭俱防竊發此夜只宜閉

志卅五 志餘三

七

門僮僕亦宜檢束又曰待佃戶自宜寬容我見上鄉人呼爲租親蓋田主佃戶相須爲功原無尊卑之分我待之以禮彼亦不忍欺我間有一二頑梗亦只徐爲改召無非我鄉曲伴侶何忍以升斗結怨也又曰僧道之所乃勢利之場一應放生同庚之會斷不必與余本無心及此一日極樂庵僧請余放生請之再三偶齋香一赴皆里中人一指之後彼自老庚兄老年翁啣啣嚙嚙我則獨行踽踽絕無膠黏處看寺僧之趨承弄人之脅媚反覺我冷寂之甚也隨齋而別又曰產業方圓之說斷不可惑天傾西北地陷東南人要滿願如何能殼每見

陰謀詭計及至方圓已屬他人者或方圓其身而子孫
即割裂者或方圓既成同室戈矛一家吳越者何苦自
壞心術枉費精神又曰嘗見蔚如叔云若要教訓兒子
讀書先要教訓阿媽蓋內有護短之母外鮮成器之子
也後有已巳陽月姪曾孫復亨跋又紀漢種度格言隨
筆一卷皆纂集前人格言閱雪蓑手寫本有云居家骨
肉未能免鬪牆乃欲以肝膽二字驕語朋儕偷兒獲廉
名也吾誰欺又云每見富貴人甯豐財厚祿別作奢華
何嘗肯隆禮師席以教子弟宜乎碩師去而庸師來年
復一年子弟之開導之益日昏一日及其長也塊然一

志卅五 志餘三

物而已為父兄者能無警乎又曰父兄之於子弟其專
事姑息而不知約束者固無論矣即有篤于教誨惟事
扑責不顧子弟之所安不諒子弟之所稟與其學問之
生熟惟欲速求成不知功夫有序精神有限何可一旦
助長故為父兄若師者須操功歷久毫不放空亦不逼
迫使優游自得順天真養靈覺慧性自然日開又云吳
俗坐定輒問新聞此游閒小人入門之漸而是非媒孽
交搆之端也地方無新聞可說此便是好風俗好世界
後題雪簑漁人閱書書并跋

董志溫員嶠致政家居借地師覓地至潯北柵過再莊村

舍間讀書聲因入其室見一老人坐草堂中讀史相國
與之論千古興亡得失瞭若觀火與之論人才高下學
殖醇駁俱有卓識與之談河圖歷律莫不洞悉源委相
國曰子具此全才何不出而仕乎曰十年後天下亂矣
大廈非一木所能支相國亦慨歎偶及當國時事知為
溫相國即欠仲作痛苦狀曰舊恙陡發不能復陪矣問
姓氏亦不答拂衣而退相國歸明日遣人蹤跡之不知
所之室已空矣按原注云見蘇軾沈登瀛曰今汝岳見聞
錄云烏程溫相公致政歸因尋地入山迷道昏黑遙見
隔林火光旬旬投之間讀書聲欲尋門叩問不得於牆
外呼之告以借宿宿回云此處虎狼甚多我家中人出反
局其戶以倒鉤藤繞門外我不得開以延客奈何從者

志卅五 志餘三

俱有兵器斬藤啓門而入蓋劍鉤藤虎狼所畏一觸其
刺則展轉鉤纏至斃而後已相公從者多山中人讀此
藤性不然難有兵仗不能去也登堂見一人於燈下讀
史相公與之論千古興亡得失瞭若觀火與之論人才
高下學術醇駁俱有卓識與之談河圖歷律莫不洞
洞悉源委相公曰子具此全才可以出而仕矣曰十
年後天下亂矣大廈非一木所能支也相公亦大慨歎
偶及當國時事知為烏程相公即欠仲作痛苦狀云舊
恙陡發遂不復言問姓氏亦不答夜半家人歸攜禽獸
之屬頗多蓋弋獵所得也明日相公回遣人蹤跡之不
聞異詞未可知也

許且復冬心廬雜鈔黃九烟先生詩云高山流水詩千軸
明月清風酒一船借問阿誰堪作伴美人才子與神仙
此詩先生鐫作圖章今存沈柳橋家又自鐫印文
曰性剛骨傲腸熱心慈

王士禛香祖筆記黃九烟性簡傲嘗遊嘉善遇一人負薪過市口作吟哦聲指入詢其名氏曰崔姓名金友出其詩五言云花落無人徑雲飛到處山七言云因風去住憐黃蝶與世浮沈笑白鷗又云吟思白墮傾家釀坐對青山讀異書自號樵隱黃驚異因與定交

尤侗良齋雜說黃九烟周屋前明進士也楚人流寓吳中家貧落拓不得意悲憤發狂投南潯河而死與鷺池生宋登春相類然鷺池依徐宗伯學謨居禮數有加一旦懊惱尋去呼舟亂流躍入錢塘湖死邢太僕紀之甚詳今九烟生無宗伯爲之食死無太僕爲之傳沒沒千古

志卅五 志餘三

十一

良足悲也其詩甚多有團庵集又作將就園記蓋空中樓閣也又改韻千字文和予秋波六義皆甚奇。子與九烟初不相識一旦貽詩十絕其首云雲龍時地每難同千古才人恨不窮踏徧吳門知幾度今朝始得見尤侗見者訝之予曰無異也唐人詩題皆名而不字卽如子美詩白也詩無敵太白詩飯顆山前逢杜甫可知今人少所見多所怪耳因答八首其末云遲我談心二十年衆人欲殺爾猶憐從今相樂還相泣慷慨悲歌黃九烟或問黃先生名君而君字黃先生何也予笑曰且讓前輩

寄園寄所寄百家姓但有字無文理黃九烟編之成文妙矣子友王后農有百姓鑑編更爲工巧

王士禛池北偶談近見江左黃九烟周屋作怎當他臨去秋波那一轉制義七篇亦極游戲之致

蠅鬚館詩話孫淳字孟樸吳江人爲嘉興府學生家於湖濱之田義村與吳淞月港相近有別業在南潯曰梅綰居著有梅綰居詩草其詩有自潯水入茗省求仲舅云貧將同到舅勸許其稱生園鳥呼春樹山光開曉城皆可誦又有哭張天如悲婁吟四首案應社之盛實孟樸一人之力當日有爲孟樸口號云案頭一部漢書袖中

志卅五 志餘三

十一

一封薦書逢人便說我哩天如天如其風趣可想矣又孟樸雖於潯爲寓公其實與土著無異晚年強半在梅綰居今去先生未及二百載而遺址已無人知者此可慨矣茲得梅綰居存草始知先生歿於丙戌之歲在宏光改元之後遺聞佚事有足以裨史冊者余獨怪青浦杜九高登春撰社事始末既略孟樸之事而不言並其姓氏亦闕豈不見復社姓氏前後冊及靜志居詩話耶又孫氏梅綰居以爲在我潯溪者旣不言其處同人求之數十年亦終莫可蹤蹟今讀若雨先生西臺編有重閱梅綰存草感賦一律云可憐清嘯靠湖齋屋任溪樵所

作柴杜甫亂來吟咏苦謝朝老後姓名理難忘淡墨傳
吟帖忍憶圍燈鬪畫牌十五國風曾踏徧平生幾兩破
芒鞋五六一聯注云孟樸翁尺牘多淡墨欲斜少年喜
為葉子之戲據詩首二語則梅紹居故址還當問諸水
濱

溇溪紀事詩注太倉陸世儀復社紀略曰當天如之哀集
國表湖州孫孟樸實司郵置扁舟千里往來傳送寒暑
無問凡天如介生游轍所及淳每為前導一時有孫鋪
司之目兩越貴族子弟與素封家兒因淳拜居張周門
下者無數諸人亦執贄後名流自負趾高氣揚目無先

志卅五 志餘三

三

達烏程溫育仁首輔體仁介弟也心醜之著綠牡丹傳
奇以謂之杭俗好異爭相搬演諸門生病之飛書兩張
先生求為洗刷西張親莅浙言之後之學臣黎元寬元
寬南張同籍聲氣主盟也因禁書肆毀版析楊書賈究
作傳主名執育仁家人下于獄育仁怒族人在介生門
下者為溫以介力求解于兩張先生不許獄竟而後歸
當是時越中皈命社局者爭頌兩夫子不畏強禦而婁
江烏程顯開大隙矣張秋水 書綠牡丹傳奇後曰此
吾鄉溫氏啓釁于復社之原近日讀而知其故者鮮矣
書中以管色為烏有仁是之詞其實柳五柳車尚公范

思訶也據復社紀略各有指斥其于越人疑亦王元趾
陳章侯一流而吳興沈重者以在朝則影黎魏菴倪三
蘭在野則影張天如楊子常周介生輩大致如風箏誤
燕子箋亦明季文字風氣所趨而語語譏切社長極嬉
笑怒罵之致宜媿菴當日按試械時相聞人究及書肆
賈友而毀版厲禁之但其詞藻有不能沒者蓋相國之
弟育仁暨二子儼伉儷人為之謝英顧粲直用自況惜
乎名氏湮沒世苟有鍾醜齋不又取以入錄鬼簿歟如
以為三百年國社所關則一莖草現丈六金身又烏得
以宋元襍爨少之按陸道威亦入復社其云孟樸于兩

志卅五 志餘三

三

越如此果爾則人將鄙而棄之又何能取信于友舉四
海各社羣彥宵來大會于吳郡耶竹垞太史云孟樸渡
淮泗歷齊魯以達于京師賢大夫士必審擇而定襟契
然後進之于社豈獨于故鄉兩越而改轍易操耶想當
聯社初交未克家登戶至自必以友及友或間有二三
貴族富兒廁于其間亦所不免乃斷曰無數且曰溫育
仁心醜之直據溫氏之謠而載之矣復社姓氏錄具在
斑斑可攷嘗聞溫相有子求入社而不可因作綠牡丹
以謂之是也惟時值流寇紛攘生靈塗炭士大夫既不
獲達而兼善天下亦合隱憂永抱獨善其身不應傾軋

朝野結社連盟俾小人藉口朋黨以陷害此諸君子之

過耳按綠牡丹與西園記畫中人像如黃情郵記為繁
花五種曲宜與吳石渠兩所作見黃宗義思舊錄

宋咸熙耐冷談明黃忠烈夫人手寫楷書孝經卷藏吳興

劉氏眠琴山館係絹本高一尺長一丈五尺二寸五分

首鈐玉音清操力學朱文長印款書右十八章三百三

十六句一千八百有四字明忠烈文明伯武英殿大學

士黃道周妻蔡氏玉卿書于山中後鈐蔡玉卿印潤石

二朱文方印

張丹山潯溪棹歌注漳浦女士蔡玉卿故相黃石齋道周

夫人也其手書孝經卷子錢竹汀少詹大昕題詩楊秋

志卅五 志餘三

古

室茂才鳳苞跋後精審可誦予愛不忍釋因先大父奚

疑公會購石齋經傳九種藏於家思得之以為配後友

人蔣枕山炳購去亟錄詩跋還之外祝京兆山海經行

楷墨蹟黃鶴山樵山水卷子同歸于蔣至今猶為戀戀

南潯備志王毓著字元趾會稽人為諸生跌宕不羈已受

業于蔽山劉先生之門同門生成非笑之不顧也杭州

失守蔽山絕粒未死元趾上書曰願先生早自裁毋為

王炎午所弔俄一友來視元趾曰子若何曰有陶淵明

故事在元趾曰不然吾輩皆聲色中人久則難持及今

早死為愈六月十有二日召故交歡飲伶人奏樂酒罷

攜燈出門投柳橋下先蔽山死蔽山聞之嘆曰吾二十

年講學僅得一元趾鄉人私諡曰正義先生乾隆四十

年奉 旨入忠義祠甲申之冬元趾來潯上訪董若雨

寓居豐草菴張西廬孫孟樸皆與之訂交臨別執琰聯

句以贈皆見三人集中距殉節之時不過數月耳

冬心廬雜鈔大士庵後有潭頗深廣相傳順治乙酉夏有

里人諸生朱某自沈潭中死惜名字無攷亦未見記載

不知信否

董說棟花磯隨筆余三十年前病汗出透衣不已而心搖

搖藥師多補心治不效後遇一時望者謂不用十全大

志卅五 志餘三

圭

補湯決死投一劑而氣欲斷幸急解疎散得蘇又歷一

秋葉盡脫時遇閔持訥曰誤矣此當用越鞠丸料應手

而愈十五年前在研山天山閣熱疾心歷落不甯不食

已幾十日沈朗中視之曰胃病也常服藥中只加一味

石斛遂起又十年前患鼻塞欲噎不可出時在茗溪歷

月至木瀆尋趙封初語以病封初曰待思之明日來轉

急詢之封初曰必再隔一日定案再隔一日得藥生地

白茯苓麥冬平常數味耳日未中飲煎未時初即噎此

三病三醫皆奇也

又天衣禪師云雁過長空影沈寒水雁無遺跡之意水無

留影之心秋萬報國水堂夜拈此語問人間有蒼者余皆笑而不言故有溪堂夜話述偈云雁過長空碧影高天衣烏陣祕龍韜錢唐八月銀濤壯幾箇秋風慣弄潮又辛巳冬烏程秋浦吳侯謬以文字下交而俗眼為之轉至癸未歲偶吳侯有所繩繩者富客有戴星叩余門語繹繹不可了似欲余為關說解之而白金為壽者余時面發赤罵絕之曰去吾學道未暇也此客出門徧告市人曰高暉生真是退財白虎後來人都以此見謔明年客前叩門作市道語者秋過桎梏而復語人曰白虎語有時可取

志卅五 志餘三

六

又癸歲多旱癸酉十四歲記亦無霖雨更夏秋癸未旱紙龍蟠于市市人戴雷神面具以為祝也癸巳余初芒鞋參先師于硯山夏亦少雨癸卯夏先師在金粟余往視丈室中焦熱思雨不得癸丑在梅谿石屏山山田寶澗落如玉液也

又癸未余刻印章曰夢史又方印曰夢鄉太史後十五年先師命充書狀時假寓溪村刻潛居漏霜四字印又刻鈍榜狀元一印或見之而戲舉松雪水晶宮道人對例言鈍榜狀元政合璧夢鄉太史耳今用蕭蕭林下風珀印是先師示寂前手賜而近復欲刻四字印曰月函船

師甚思船居也

簪雲樓雜說南溟董說字若雨嘗立非烟香法使百草木皆為異香噫奇矣

溫棊枕董若雨先生傳丙申秋作焚硯誓詞削髮從靈巖繼起儲禪師遊適三湘上衡岳遇陶仲調於長沙仲調曰吾久疑文周象象滑于傳注家言今讀子易發渙然冰釋矣先生曰十年注易千里浮湘得仲調一人知己何待後世子雲哉

志卅五 志餘三

七

棟花磯隨筆附錄題船子圖云石湖泛宅者寶雲自名其舟也辛酉夏五泛宅之始朔後十日漁路微雨寶雲生有舟居之癖其次之癖則聽雨也聽雨奈何聽非舟居凡近舟聽雨古聽非舟居猶動也舟聽雨靜非舟居雨色俗舟聽雨綠綠則涼涼則遠惟涼與綠通視聽其微平泛宅之始得雨而未快其後雨連日聽乃大快六月住船堯峰得茗上紀子餘素馳寄舟居聽雨圖而寫石湖之雨甚悉也計圖之成則在泛宅之前五閱月矣張鑑若雨先生畫象記此有明遺老若雨董先生聽雨小象鑑曾祖母出董姓為先生長子裴夏公女與吾張氏世有潘楊之睦憶童時值上元節至高暉堂即見先生此象未嘗不肅焉加敬今董氏出先生後者家勢日頽

而先世舊物益為灰燼是圖為海山呂學所作上有自跋為其弟子紀官馳寄舟居綠聽不勝浮沈身世之感圖今藏計氏秋琴館秋琴主人復於故紙堆中得餘素齋槩以示鑑蓋即紀官大韶所撰內有丙寅五月六日寶雲和尚示寂十三日往哭龕下詩鑑益喜其卒事之有攷也并屬秋琴錄其詩于後

蠅鬚館詩話孤游只共茗帚行得地不筭烟水程掃治一片受足地罷遣亂葉紛縱橫百無所能昔鑄印老充炙背蹲南榮寺廊供職職自補帚輕臂緩猶堪擊煩將過嬾訴主者乞假寸晷聽黃鶯此寶雲和尚掃地歌自題

志卅五 志餘三

漏霜茗帚圖詩也其圖為海山呂時敏學所寫一頭陀黝然而長頤雷面目蕉萃短髯禿髮手持一帚卻身而罄折余見之于紀氏殆舊藏高足弟子大韶家今復歸董氏海山畫名已見秀水張徵士庚畫徵錄曹敦山先生敝帚編有呂海山傳若呂君者蓋亦吾溇之方伎不可得而泯也按敦山于傳後自記云余十五歲時曾一識海山今幾五十年矣海山歿已久已已仲夏忽夢海山乞余作傳寤而奇之頃刻成此又棟花磯隨筆一冊乃漏霜和尚未刻稿余所見係亡友劉疎雨手鈔本其中不無參以禪門語錄於遺佚多有可取為正其謬字存之曰庚戌住梁溪寶安寺先師在

且喜閣一日隨先師至高彙旃書齋彙旃出黃石老畫卷同看有人見司馬溫公山水小幅行筆細潤絕異而石老畫筆亦前未聞但石老作老藤昏厓模糊遺墨耳又曰黃山葉菴兄昔同在研山日自敘崇禎朝廷杖時事實平時持觀音名及呪力杖一下即氣絕後都從冥漠中過畢杖經時而復蘇所以得不死也又自指生而膚如凝酪不受觸槩菴言吾柔膚不能抵粗苧而大杖生存真不自意耳又已未風雪中將行偶寫溇上舊事數則贈紀餘素以為別曰余四世祖時習齋先生三字為字亦特異性簡淡蔬水浩然與古人相酬接里人學

志卅五 志餘三

者叩其廬必曰謁時習齋先生問字乃啓扉潑茗又曰趙長文先生言朱文肅罷相舟至吳門長翁以故人往迓纔相見揖文肅首至地笑而躍曰吾幸已歸來矣此時聞禍方赫然耳又曰耆舊言先伯父伯念先生建言歸里一日家集水竹間先宗伯謂伯父汝從都門來自有一時名賢送行文字因出呈屠赤水文軸先宗伯閱之蹙眉曰文那無結聚伯父退語人曰此別一種論文眼又曰李九我館余家時或傳其朔日必對策又得朱提遇雨霽必出曬庭中此近傳致措大風致語未全耳而閔菴菴沈醉讀宋史登假山頂大罵秦會之忽促纖

躍出捕得之曰捕得老檜也又史鶴老坐讀書解樓舍
蔗霜而醮墨頃之會食於堂駭其黑齒各大笑此二老
爲借菴先生師友書齋中實事不同九我曬銀又曰雲
栖和尚曾寓南潯豆腐橋不知尚有遺事可尋否又曰
長文先生家務前門通水步翼臨流小房嘉靖年水房
有孤客病垂死夜自起汲飲遇羽人從東角來澹月分
形高冠雲衣隨童雙髻羽人震怒誰何病客自敘童子
云師父救伊命羽人倒壺得丸藥一曰卽合水嚙之嚙
之神明洞開可不死因就問稽首曰若某得再生何處
訪謝羽人笑語定要謝吾吾在洞庭山王太史家中堂

志卅五

志餘三

三

後來此病客如言訪之則見挂洞賓像飄飄如與藥人
又曰報國寺久廢僧南林斷一臂誓還舊觀先借菴先
生爲作緣起後鬱成樓閣南林者寺古名其爲字所以
誓也余六七歲時每新春及重九借菴先生必命徧禮
佛溪上諸院至報國則南公出具茗果其當年斷手則
腊而檀藏與余坐少頃語修復寺殿出腊手亦笑亦泣
其語態至今可畫送余出寺門余苦却之復回余詣寺
及門南公輒指謂人曰此郎最畏人門送余雜染後尚
健理院事沒數年爾又曰分水龍王墩龍王及儀衛像
嘉靖朝名手塑如唐人畫後來脩飾爲俗工浪益丹青

遂不復見昔人意度可惜又曰金孝章辛亥來研山晤
余涵空谷住四五日語聯綿孝章老後日抄異書見相
知必問有何可抄書作杜甫乞新絲態真奇骨也夜來
夢孝章立松下故作松錢詩未足一句便醒又曰八月
大盡觀金粟回嘉禾石佛路上撞棲巢底漁父曰端明
氏三十年來舊遊也西風白日執手長歎結矮屋楓樹
底夾路襍花花磊落幽詭不盡名鹿眼籬九疊籬盡得
石廊廊盡得樓容膝書畫襍陳香爐鏡奩徑寸小合大
盤盃皆刻匏也巢父手自製語古今事略語文史諦視
都無矜奇語匏合輒自喜明日別去贈匏種子四裏香

志卅五

志餘三

三

緣八珊瑚蕉三眼中少見如許人有二子長亦生戊寅
淵厚有古骨能讀古史有千百世想不惟長謝風塵都
不人間語白兆歸收齋米寫寄此段可兄弟長想見茲
人九月八日堯峰細雨中手字靈璧樵事都有可紀然
魯魚亥豕至不能句聊書以俟知者

鈕秀觚賡續編吳興董說字若雨華閱懿孫才情恬曠淑
配稱閨閣之賢佳兒獲芝蘭之秀中年以後一旦捐棄
獨皈淨域自號月涵所至之地縑素宗仰於是海內無
不推月涵爲禪門尊宿矣月涵于傳鉢開堂飛錫住山
之輩視若蔑如而身心融悟得之典籍每一出遊則有

書五十擔隨之雖僻谷之深洪濤之險不暫離也余幼時曾見其西遊補一書俱言孫悟空夢游事鑿天驅山出入老莊而未來世界麻日先晦後朔尤奇

臨野堂別集客有南州生者錢塘人少年出遊久不得意流館西吳其閨人鬱鬱以歿一日託形野鶴飛集生館生方沈醉對鶴訴其愁苦鶴忽墮淚生遂悶絕歆仆書牀既而嗚咽爲閨人語曰君不如歸去妾死矣然依戀不已魂魄渡江尋君至此言絕而蘇鶴亦飛去董若雨爲之賦怨鶴行

董兆元江峯筆記家高伯祖若雨和尚挂瓢靈巖山一日

志卅五 志餘三

三

家書至展閱忽發狂大笑一僧謂曰和尚往日得家書未嘗有喜色今有何快意事而若此公曰吾家僅有田七畝今樵璧書來知田盡質於人矣豈非大快事

鈕琇徐伯貞先生傳先生諱鍾彥字伯貞其先世爲浙中望族元末自海鹽風山遷居吳江先生就試烏程拔置弟子員崇禎庚辰歲大饑先生硯耕之蓄稍贏有無賴族子率羣不逞者持白梃噪於門先生立出穀賑之次冬歲稔又復然先生婉諭不能止乃理於官勢以小戢越三載里盜蠶起前族子爲其魁銜夙怨縱火焚廬將劫荻塘舊業先生倉皇奉母避地潯川乃免鼎革後遂

屏棄制舉業方袍幅巾終其身卒于荻塘故居年僅六十有一

南潯備志陳雁宕忱前明遺老韓純玉近詩兼逸集以身名俱隱稱之生平著述並佚唯後水滸一書乃游戲之作託宋遺民刊行

董說志園記癸未之歲余數有元怪夢遊感而作夢鄉志其明年湖上虞聖民氏館靜歎授諸子鄒魯聖賢遺文謂余曰我悲夫世之車奔馬馳也而貧且爲志園願子記之余曰諾志園奈何聖民曰我園也志而已故名志園依山結屋環竹樹臨清流因出其圖示余圖如其言

志卅五 志餘三

三

也余曰異哉此余所謂夢鄉者也子姑俟之余亦將爲夢樓頃余在苕溪道中夢踏雨穿亂篠俄兩山拔立如門余從門中行過松陰十里遂登一石樓樓中几榻窗扉皆石也其上有石榜碧篆七字字如飛鳳形其文曰七十二峰生曉寒今余每飯意未嘗不在曉寒也余夢樓成當并爲子記之明年乙酉聖民徵前約曰我近得桃花源圖名畫也我將以爲志園余曰諾僕采藥未暇也又二年丁亥聖民復手一紙告余曰我志園又更矣此吳憨僧巖居讀書圖也我將以爲志園願子記之

紀磊石齋筆記李世昌字誠謀號騰晦性簡默不苟言笑

遇里黨有疑事樂為辨析故閭里咸欽服焉康熙庚寅年八十邑侯李公應蛟以齒德尊優額為壽崇禎辛未生雍正戊申卒壽九十八歲

志卅五 志餘三

西

補遺

陸長春香飲樓賓談朱齧鼻不知何許人康熙時居南潯之石解授徒自給徒有戴纓帽者拒弗納有識之者曰朱為明之宗室鼎革後嘗舉義旗兵敗箭傷其鼻療治得不死而鼻遂齧與吳翁聲庵為莫逆交每至翁家遇酒則飲食則食無少讓或設席邀之則堅辭弗至也嘗自請作劇以竹箸數十縱橫几上呼鼠鼠即至投鼠箸中盤旋跳躍不能出啟一箸則鼠竄去謂翁曰此即武侯八陣圖也又嘗剪紅紙作金魚投水中游泳如生撈視之則仍紅紙翁每苦著夜多蚊朱為剪紙人黏壁上

志卅五 志餘三

蓋

蚊攢聚之又患多鼠命取空饅書符其上鼠羣集其中徹夜無所擾其他戲術多類此屢為翁選吉日逆料是日之晴雨無不神驗翁嘗餽以銀則預書一紙示翁曰某月某日某人餽銀若干毫忽不爽客至或兩人或三人朱親自煮茗茗碗或浮於客數必有客後至人服其先知里胥來索漕銀朱曰銀已繳胥請視官票朱入內久之持票出則墨痕猶濕人又知其有縮地術矣時或他適不局其屏有偷兒入室見千門萬戶終不得出朱至始釋之歿前數月自擇葬地棺衾皆預備謂翁曰吾某日當死以後事累君至期無疾而逝舉其棺甚輕翁

爲治葬事焉後數年翁有從子賈於閩中遇朱於途問翁安否并道繼繼從子歸述諸翁翁始悟朱之死蓋尸解云

志卅五 志餘三

美

志餘四

汪曰楨撰

南潯鎮志卅六

沈彤震澤縣志

國初吾邑之高蹈而能文者相率爲驚

隱詩社四方同志咸集今見於葉桓奏詩彙與其他可

攷者若上范風仁梅隱沈祖孝雪樵金某完城陳忱雁

岩禾中顏俊彥雪臞朱臨載揚鍾俞琴俠武陵戴笠曼

公玉峯歸莊(元)恭顧炎武(甯)人梁溪錢肅潤礎石吳門

陳濟生皇士程棣杓石施誼又王同邑吳珂匡廬宗潛

東籬宗漢南村宗泌西山炎赤溟周燦闇昭爾興機高

撫辰其疑安安節顧有孝茂倫樵樵水朱明德不遠戴

笠耘野鋤明儒晦復繁孫如王錫闡兆敏潘樞章力田

志卅六 志餘四

一

以上並見中秋對月寄懷同社詩又有吳棠北窗在瑜

厖庚南杓融(甯)金甌(甯)武葉世侗開期敷夏康哉李受

恆北山王初雲頑沈永馨建芳泌彥博嘉楠石城錢重

鐘銘顏邗子京金始垣公觀鍾欽立賓王金成耳詔及

繼武桓奏於時定亂已四五年跡其始起蓋在順治庚

寅諸君以故國遺民絕意仕進相與遜迹林泉優游文

酒角巾方袍時往來於五湖三泖之間而執法之吏不

相誰何 國家文網之寬諸君氣誼之篤兩得之矣其

後史案株連同社有罹法者社集遂輟

研北居瑣錄鼎革之際土寇擾攘遠近鄉鎮悉被蹂躪我

潯全賴董芝筠多方籌備得以無恙相傳有劇盜名赤脚張三者聚眾太湖嘯擁數百艘白晝東西焚掠芝筠傾裝出粟與里中紳士召募健兒日夕警防來則極力堵禦擊敗數次盜不敢犯嗣白撫軍范忠貞公承謨發兵數百名命芝筠參畫卒以計獲解轅誅之湖濱始靖

按蘇州府志云赤脚張三盤踞太湖以宜興為巢穴橫據三州出沒無時官軍不能制康熙元年巡撫韓世琦抵任廉知張三與轅下材官朱允恭者友善命遂張三宴會極歡預置長柏木桶置酒對飲倉猝間將桶覆張三半身伏兵齊出誅之又云朱允恭洞庭東山人字公懋富而材家有園亭聲伎之奉康熙初年長興劇盜赤脚張三入太湖掠橫山又掠木積廣富家子置山築勒千金取贖當道患之自順治二年揭竿肆擾未能弋獲湖路梗塞莫可如何時允恭效力于巡撫轅門中丞韓世琦詢以湖盜事宜欲發兵剿之允恭曰不可赤脚張

志卅六 志餘四

三夫結綉健絕倫舞雙刀能履水飛行人不敢近然好警色可領也請給假五日得便宜行事當縛致轅門許之允恭訪得其黨好言說之曰張君誠豪傑我欲與交歡今以千金為壽欲保我桑梓賊黨攜金致詞張大悅約日到山謝允恭乃盛設合樂以餉之越宿備陳女伎陰遣勇士雜優伶中酒酣即席擒之釘其手足馳解撫轅正法餘黨散湖中自此安謐允恭之功也此二條引顧丹五筆記而事迹互異又並與頭錄不同未是

又時值鼎革羣盜猖獗南則花林練市烏戍諸鎮北則姚田太湖各瀆焚廬劫舍囚人勒餉在在酷虐人不安枕而潯則眈眈虎視將闕而入也董芝筠先生不惜重資募勇士捍禦盜來誘入暗室撲死十餘人羣盜驚愕散去不敢向潯

溫睿臨西園別集太湖之軍起于吳易而孫兆奎等佐之其軍為特盛易字日生吳江人崇禎癸未進士不謁選而歸乙酉以水師千餘人屯長白蕩出沒五湖三泖間多所殺傷八月二十四日為 大兵所襲一軍盡覆易部將茹文略餘姚人字振先驍勇善戰少從軍長興為千夫長浙西既降文略獨攜壯士千餘人入太湖從徐雲龍破長興雲龍死乃歸易八月之敗文略手刃數十人身亦被十餘創血盡而仆兵猶疑其佯死又數刃之大兵去稍甦捧其頭而走至潯溪休于野廟廟祝見而識之曰子非茹某耶持之而泣傳以良藥百日始愈

志卅六 志餘四

間行至長興訪母妻子皆遇害矣丙戌正月又從軍于麻湖與 大兵力戰所殺過當援絕而亡

太湖備攷按 國初太湖中最稱不靖若白腰黨若毛一毛二若赤脚張三流毒累年多來自長興山峇周禹湖營條呈所以力請專備湖西厥後諸盜以次殄滅夾浦大錢諸要口又得湖營弁兵防守截山寇入湖之路湖中自此甯謐
費之堀恭庵日記東阡沈尚書演家資數百萬無嗣以姪丙子舉人沈黎號文五者承祧文五生四子長名始然號若士丁西北榜舉人因科場弊已流徙籍沒而次名

重熙城岸止者係辛卯舉人又以通海謀叛斬尸於金陵舉家皆流徙籍沒兩案交并而叛案尤重三名撫蒸四名建勲又名文然欲以出繼倖免因其家資巨富遂為刁民王式舉首連累無辜在 欽案者數十百人事經十餘年三次叩 闕兩告督撫并許都御史及議政親王者律以反誣流徙始得歸結然由 特旨故再難許告耳

楊鳳苞沈簡討傳簡討名榮字仁叔一字塵外本姓嚴歸安石家人廣信知府正邦之孫也正邦初官太常博士時烏程沈尚書演與兄淮讀書京邸因請業焉演既貴

志卅六 志餘四

四

感師恩簡討生未彌月乞為假子以云報也近詩兼逸集云簡討演之外孫韓蘆雖與簡討為友恐誤記俟再攷簡討長而才具揮霍志節矯然汲古好學頗以匡濟自負著義俠聲一時名士皆與之游注名復社不以演兄弟黨閹鄙之尚書富甲江左及卒兄子榮嗣而居簡討于上林崇禎之末國勢傾危思為勤王之舉散財結客劍俠奇才坐上常滿當是時四方豪傑之士無不知有上林沈石墩者簡討有別墅在化石墩人因以石墩呼之事垂集而北都之變聞不一年南都又破四方義師麻列皆其舊識往來黃蜚吳易軍中為之運籌而韓繹祖費按胡承幾復入郡城謀府志

生貴雲崇禎十七年三月京師陷明年路王在杭州諸生費雲舉奉劄為參軍副使募兵蘇湖勤王六月初旬大兵至省路王降湖州知府王士譽遁去推官馮汝綽城池而歸知府同知朱國藩加員外同城視事有總兵黃蜚兵潰其副將黃光志沈廣生等屯兵太湖無所屬遂舉人馮爾翼及防湖哨官黃承錫王元徵長興諸生金攻玉等起義皆縞素俗號白盤頭迎黃兵于太湖間六月初三日夜入據湖城暨旗招兵初六日降將祖人弼統兵數千來圍城城中共推馮汝綽為監軍督民兵固守擒殺知府馮汝綽及安吉知州包瀨時朱國藩以投城得免戰守旬日有北關外小民邱文伯收周文伯蔣理臣改周文叔詭言兄弟報信城外云教場一帶積尸穢氣無兵守 大兵因架梯入城時十八日味爽光志等皆死之遂分守羊角嶺亦死之金攻玉等退保長興文伯文叔以功為本府經歷照磨國藩仍為同知七月二十八日攻玉等復被湖州奉楚宗某為監國原任知府王士譽復出視事國藩仍為同知大兵復來城中火府治民居盡為灰燼士譽復遁去國藩出降仍為同知九月初總鎮張士元至金兵退簡討守長興次年死楚藩奔浙東時先後死義者甚多簡討

志卅六 志餘四

五

亦佐之魯王監國于東江傾家輸餉遂貧監國遙授翰林院簡討蔡之子重熙授御史銳欲上而 大兵已下越中魯藩遁跡海外居數年去監國號簡討雖竭力資之而鄧林之望熸矣無何李元旦御史之獄起李元旦侍郎之椿子也魯監國時官御史時入中土為問諜而之椿避亂遠遊寓家嘉興吳祖錫許因吳移寓湖州施鵬舉之烏山及仁叔之化石墩元旦常往來二家之間有謝庭蘭者變童也與元旦髮妾通李覺而毒殺其妾庭蘭跳身京師鬻于內府為銀工製杯竿之屬鑿刻極精得 召見乘機伏陳曰海中餘孽未平臣江南人習知海寇事皆內地人為之響應四處聯絡故猝未能下耳即臣所知者揚州有前禮部侍郎李之椿同子元旦出沒海上齋劄餉有某某等皆授偽職此其一也事下所司執之椿至江浦入見總督邱廷佐日身為前朝大臣國亡應死久矣兒子受國厚恩死亦恨晚若其所言不足信遂默不一語下獄七日不食死與元旦同戮

者四十八人皆庭蘭所舉發也祖錫遁入洪承疇幕中以免魯藩投鵬舉工部主事亦幸而得脫其僕之力也

辭連二沈執至江甯沈懋德對簿曰五世相韓之痛夙所

盟心事皆有之何必問重熙先斃獄中己亥三月簡討

死于西市臨刑口授絕命詞神色不變按重熙為南潯董氏之婿故王

式許告連及董氏事在康熙癸卯

金之俊書溥南沈姓事歲辛卯江浙大水夏五正插蒔水

勢益漫小民日夜事桔槔弗食弗息浙烏程潯鎮之南

有農家沈姓者生三子年俱壯為富家佃盡力車戽窘

不能支一日告其父曰我儕生不辰值此天災流行春

志卅六 志餘四

六

作既荒秋成何望惟有袖手待斃而已死于饑死于法

均之死也不如為盜況為盜未必死父怒曰盜可為乎

三子涕泗滂沱而請曰我儕亦知盜不可為也但見

今日為盜者不惟劫貨來家可以救死且官府爭護盜

必能免死若非盜無生理矣父益怒堅不之許三子仍

泣而固請曰吾父若不許我儕勢不復顧矣詞益慘激

父佯應之曰爾輩既堅決若此我不爾阻但父子天性

從此死生各不相保當具酒肉為別遂罄衣囊沽酒買

肉與三子痛飲作別離狀時止有一孫在旁年甫七八

歲方戀戀求一飽忽叱出再市酒來比孫市酒至則父

子四人俱中酖仆地矣蓋不欲子之為盜而死故以酒

酖之又不忍子之不得為盜而死故并以酒自酖更不

忍子死竟絕嗣故詐令其孫出外市酒不與俱酖以延

血祀一線也

陸圻真報錄平望黃景範生於崇禎辛未年今寓居南潯

於壬辰年二十二歲時六月十九頭覺漸眩至廿二日

清晨內室閒坐忽頭中大痛即時倒地昏暈中見一人

披髮流血手持大刀喊曰還我命來有數十小兒勸解

其人大呼口出黑氣如烟小兒俱被沖倒眼前皆暗忽

見白光沖開黑氣光中有老僧端坐右手執杖左手持

珠噀曰且住且住其人曰我受冤七十餘年今日相逢

如何住得僧舉手云阿彌陀佛饒人是福冤冤相報有

何了期其人曰是是奈我心放不下如今不傷他命罷

了遂以手取舌用刀割去僧曰罷罷還他罷其人曰還

便還且待我恨氣消遂持舌奔去僧將行顧景範曰你

還認得我麼我乃當初雲栖老人也你如今不必忙百

日內自有消息景範醒見眾人環立欲言所見不能出

聲以手撫口舌仍在也惟喉與胸略有空痛別無他苦

至夜獨臥恍惚見一女子窗外叫曰你好睡也手撒泥

沙覺徧身麻痛忽有武士持白傘來遮連夜如是至七

志卅六 志餘四

七

去但其傘甚小止可覆自身泥沙著傘上卽滾去有著其妻身上者隱隱如火光三夜如是其妻身發大熱景範心知之乃遷與伊外祖同臥武士又覆傘掩鼻而去其沙著伊外祖亦成火光二夜伊外祖亦發大熱自後獨臥武士復持傘來遮景範心想武士不知是誰武士忽曰我奉王命而來景範思不知何王武士又曰我王乃覺王手中所持悉怛哆般怛囉也又思六字是楞嚴呪心平日常誦今不知何故或者宜誦呪乎明日虔誠持呪夜見武士持傘倍大次日又持但見傘不見武士明日又持至夜不見傘併不見女子遂每日默持病雖

志卅六 志餘四

八

未愈亦無奈何因遣去憂慮一心清淨省察過愆禍福付之無心矣嘗憶老僧百日之言以自慰故終日無悶至七月望日延僧禮懺景範手書問僧云我初病時見一僧自稱雲栖老人不知何人也僧答云昔有蓮池和尚在雲栖設教因爲景範言蓮池故事景範心念之夜卽夢見一老僧身甚長大來云咄你想蓮池莫學他閉門喫飯覺來不會其故忽胸中隔塞粒食不進者三日方思食唯喫淡物乃覺安和鹽酸不能食矣時母憂景範病不愈問諸卜人云有神明作祟兼有心願未完景範思神明見咎當齋戒省過不宜殺生祈禱反造罪業

至于心願別無他事惟正月初曾夢一人云汝夏秋間有難若肯聽我書一蓮經可免此難會與伊外祖言之欲書未果既發心而不行亦一缺典遂擬八月初七書起至夜忽夢伊父向之流淚景範亦悲感而覺因想父被擄未知存亡景範方欲書經願歸功父仗佛神力存則還鄉亡則超昇發此願更擇十二辛亥日是伊父本命日書起限九月廿九日完乃于廿九日午後忽心痛大作嘔血升餘一時困倦獨臥牀中痛愈難忍更餘忽覺身墜牀下見一老人鬚眉皓白高冠大袖手持一杖同一僧至僧向景範笑曰什麼來由戀這苦本你如今

志卅六 志餘四

九

冤債已清可同我到主人處走走可靜心聽我誦經因誦金剛經余聞經聲心痛漸減一面聞其誦經隨其行路誦完而心痛忘矣僧止步見一大屋當前門邊有一對云諸惡淫爲首眾善孝爲先僧謂景範曰東君在內爾可進見我在外廂待又謂老人曰爾同彼進去彼已受輪迴不復自知你可求掌簿人爲他明說因緣遂入內庭庭中人曰今是朔日十王來見爾等且住俄有數人冠服執笏而進內中一人昂然挺首老人指曰此忠臣楊繼盛也已而十王皆出老人乃同景範跪階下見一人冕旒坐帳中身高丈餘面闊尺餘潔白如玉侍衛

甚眾老人通說來意有一戴大冠朱衣者執簿至階下謂景範曰汝欲知因果可聽我言叫左右喚劉之麟上來俄一人至卽割景範舌者朱衣人曰昔有劉大臣號公超家世北京生於嘉靖二年父祖皆富人大臣讀書納監爲人有口辯長大多力因祖父家業復自身有才與趙文華交厚引見嚴嵩亦莫逆遂爲一方赫赫時倭夷入侵南直朝廷命張經等往討命趙文華督師文華私邀大臣同往旣至江南大臣說文華曰倭兵甚寡若率本部兵先取之軍功可擅也文華從之大爲倭人所敗文華欲轉敗爲功乃催張經連夜進兵張經欲待兩

志卅六 志餘四

十

路兵到然後夾攻不可輕進文華銜之大臣因曰不如速入京傷之文華遂入京上疏言張經玩寇殃民旣而張經與兩路合兵大破倭人南方遂平乃入京奏捷朝廷以張經矯竊軍功斬之於獄大臣有三子長子之麟金氏所生嘉靖三十八年正月生將滿月而金氏死三月繼娶陶氏至十二月卽生之寶後生之茂及長父欲爲之麟聘柳青臣女青臣欲相壻而配大臣以之麟貌惡乃以之寶示之又爲之寶聘周氏女及二子皆成婚柳氏色美而才周氏醜惡而拙於是柳氏醜其夫之寶恨其妻陶氏性悍而智窺知隱情常與柳氏言之寶美

麗一日乘之麟出遂於房中設酒拉之寶與柳氏同飲繼乃贈遺往來二月間遂成醜行時大臣知而不問也周氏恆有不平之言柳氏聞之遣婢送酒周氏飲之遂成腹痛乃疑有毒往訴陶氏陶氏素不悅之恐其將家中隱事洩露乃以好言安慰留房中飲酒至夜半忽以刀刺其心埋之牀下明日乃伴尋周氏不見遂揚言隨人私奔去了周氏母家亦疑其女竟不之究之寶旣亡妻與柳氏日厚之麟微聞其風在房詰責婢女陶氏聞之乃私謂之麟曰我近日聞之寶在你房中走動你知否之麟言亦略聞陶氏曰此乃家法大賊人倫大惡這

志卅六 志餘四

十一

畜生雖我親生今如此不肖不如無有我必殺之之麟受計而去陶氏又召之寶曰爾盜嫂事敗身命不保了之寶曰奈何奈何陶氏曰作善須徹作惡亦須徹你可特匿我牀下自有好筭之寶從之陶氏乃謂之麟曰你今日佯爲出外彼知你出必聚一處晚間却私藏我房中至夜深我與你各執器械進房殺之之麟乃佯言出外至夜來到母房陶氏遣出婢女獨與之麟議擒之寶又將美酒固勸之麟徑醉陶氏忽扼其喉叫之寶曰下手下手之寶遂砍兄頭與陶氏潛開後門扛屍至二三里外棄在街上明日路人多來相報大臣收屍歸葬竟

不知其姦奴婢在房走動者之寶恐其洩漏或暗中擊殺或毒藥害之後陶氏說大臣使柳氏與之寶成婚既成婚後家中白日鬼行百般作祟禳禱無應將及三年之寶年二十五矣一日有僧手執鐵杖到門化緣柳氏素不禮僧道見此僧逐之僧即舉杖欲擊家人奔告大臣大臣出謂僧曰你何故在此僧曰我要取一顆寶要折一枝柳大臣不會僧曰我要見你兒子大臣乃命之寶出見之寶乃謂僧曰爾到此何幹僧曰我來化緣之寶曰爾有何能敢到此化緣僧曰能消一切冤鬼之寶以僧言奇異乃引入內問之曰我家多冤鬼師能治乎

志卅六 志餘四

三

僧曰治鬼甚易先當治心心為萬類之主心邪邪至心正邪滅乃問如何是正心之法僧曰當存天理將天理人心四字明白便是正心之法又問如何作為乃合天理僧曰但當平心已所不欲勿施於人之寶低頭半時僧曰我來化緣你若肯捨諸鬼齊休若不肯捨未有了期之寶曰欲化何物必當從命僧曰不化他物惟化柳氏之寶曰柳氏乃我妻子如何可捨僧以杖點之寶心曰天理人心你捨不得他人如何捨得之寶大驚僧遂趨出隨出尋之已不見矣之寶乃獨坐自思深自悔過乃曰人未得道心隨境轉今偶聞僧言發悔過心倘又

聞人惡言便遭沈溺矣不如到五臺訪此僧求自新法屢次欲往父母不許在家三月餘日鬼魅日盛坐臥不安之寶乃決曰今日如此境界尚不奮發一旦命盡被黑業牽入地獄豈不大悔今只宜成就正果救度二親若從一時之命苟且度日使同陷地獄是小順而大逆也遂決意欲行京西山有碧雲寺其寺二僧一曰碧巖一曰雲松二僧曾為之寶前母金氏拜斗念經亦與之寶相識乃到寺尋二僧時碧巖已死惟雲松在乃謂雲松曰我欲到五臺幸隨我去雲松曰爾方年少欲見明師我老矣雖死何恨遂同至五臺時有幻余禪師主化

志卅六 志餘四

三

徧觀僧眾不見前僧因留年餘聞雲栖有蓮池設教乃與雲松往遊蓮池問自何來之寶備述前事且求懺悔蓮池乃教之懺悔使行苦行三年披剃乃受大戒取名大惠雲松改名大慧大惠既出家終日念佛一日問師云念佛欲何為師云念佛則成佛又問云大惠念佛幾時成佛師曰時時可成又問云大惠如今何不成佛師云大惠如今何不成佛遂有契悟雲松死大惠獨住雲栖十餘年後至金粟密雲問曰何來曰雲栖又問平日作什麼曰念佛曰爾試念看曰已念曰只恐不是曰和尚自家不是曰尚須喫痛棒隨眾作務去後參乾屎橛

未悟往黎山結庵而住直至崇禎二年聞密雲在(元)墓乃往問曰不入驚人浪難逢稱意魚此語如何雲曰這里無水又無魚說什麼驚人稱意遂有醒悟回至黎山二年而死既死來見閻羅天子判官議曰少年雖造大惡終能悔悟出家未曾說法利人今去爲人有智慧而無厚福大惠言固不敢期厚福但一生出家未得大成願得長壽以成其志天子曰爾年止該五五今爾願修行其志可嘉增爲七七大惠又言我造罪累及父母害兄嫂與妻我願救此數人今不知皆歸何所願我託生得近于彼使得化導其心乃命判官告曰爾前母金氏

志卅六 志餘四

西

已託生沈氏碧巖雲松已爲其子爾父大臣以平生之孽墮爲女身因金氏一緣託生爲雲松之女汝今再當爲其子陶氏受餓鬼報畢今現爲驢身不可得見柳氏受餓鬼報畢託生爲豬又生爲羊又復爲豬方生三月因其食少乃讓與母食而自飢死土神奏聞天子以畜生能行孝道使復人身今已受女身與你尚有五年夫婦時判官言畢即遣託生今爾身便是劉之寶書兄之時萬(曆)八年六月廿二日也故爾今年有此難本當身死以前生願力得免前妻周氏萬(曆)七年六月初七日受害舊年曾來爲禍但其受害非爾之故無深恨也你

今妻戚氏前生以藥酒害他成腹痛其怨未消尚欲爲難爾兄之麟冤氣既消亦將託生以平生有孽墮爲女身數該爲爾妹之女明年癸酉日當生爾今宿冤既消但二十年來未曾精進今去當日自努力勿退初心莫爲名利所敗莫爲欲愛所縛莫爲意氣所礙莫爲晏安所毒言畢喚一童子取一金盒至開盒取一花瓣置景範口即能言拜謝畢遂問父親著落朱衣曰爾父死久矣景範乃言曾有二番書信朱衣曰二番書信一是你外祖所造醫生史完白知情一是爾同宗人所爲爾今回去當設靈供養休望他歸景範曰我父何罪

志卅六 志餘四

志

乃遭此難今其靈魂何在願得相見朱衣曰爾父遭難乃六世以前之孽今生立心正直死歸神道三月間陞淮安城隍矣爾但當存孝心修行正道日後得見今爾母即生前之父既墮女身當勸他回心向善他因前生之孽當三世墮落今始落幽主一生不暢快二世落賤主爲奴婢三世落橫主爲畜生畜生不修便有大苦不可救矣速乘今生挽回爾外祖乃生前同伴今又受恩亦急勸他回頭他在雲栖我曾教他金剛經千餘遍他往石門結願在東高橋終日誦經每至五更眾人夢覺之初心清淨時乃高聲擊柳念佛發人善念故今生受

福報得長生又其口信甚嚴故今出言有當爭訟得勝但所信不大善根亦淺年過六旬善不補惡今生受報已畢來生便落薄了又其積德不厚不能澤及後人除却一人舉家之人皆非貧即天爾回去教他速了自己正事無涉他人閒務他因前生信力故早年作事勝人今信根已壞為人謀幹不但無功又招仇怨爾妻以一念之孝頓消淫業得復人身但福力淺薄壽亦不永教他急速返本免來生重受畜生爾弟雖無大成亦守家之子大略如是言畢命童子引景範出外遊行奔走如飛見罪囚數人至牢獄數處種種苦難今略存之有一

志卅六 志餘四

六

人反縛兩手肩上插一小旗旗書犯人鈕德甫呼景範曰我與爾同鄉里幸救我景範謝不能又一姓某言我當爲豬以臨終盡心喫素一月得爲狗矣又一金某臥汗穢中言我以平生貪酒至此又一沈某自粘牆上喉中穿刀景範心發慈悲念佛數聲其刀自落又一室甚大牆中地下有刀箭飛出穿入人身壁書數人名童子指曰此陳九思在此今已出王某當入此周化機陽壽未盡未來景範曰陽人何以先書于此童子曰陰司考生人之罪當入何獄即定其名於何獄若又造重罪更移別所若有善功卽爲削罪皆于生時先定不待既死

乃復至殿前拜辭同老人出僧在門外相待景範卽拜僧曰承師引我至此請問出處僧曰我乃雲栖大慶當年與爾同事與大淨大善同爾四人往參大智景範曰來時聞師經聲心痛頓愈此乃甚奇僧曰爾不知麼經言心不可得何可得痛又曰此經爾外祖念成差誤又失一忍字爾何不言景範曰向不知今去當言之又曰今去當行孝道孝乃人之本心若無孝行他善雖多皆僞必不成德且神明忌淫又當除淫淫乃身心兼害若除淫則諸惡無根修德易成此二字乃升降大關頭修行起手處爾當行之然須求明師指點住深山養靜方

志卅六 志餘四

七

好若在家被塵緣汨沒便自誤了世間居塵不染的能有幾箇景範曰是是我謹受教正言間又人言大師到了景範仰首見雲中一老僧端坐持珠拜求教誨師曰南無佛旁一人曰承師開示何不拜謝景範乃拜之師伸手劈頭一下云記取景範忽驚醒乃天已明所病頓忘遂披衣起與家中人說所見隨以筆記之時壬辰年十月初一日也。景範自注云諸獄中人細訪之皆係朋友親戚恐有不便故但存其姓餘不敢妄一字又松陵錢德唯序略曰景範父瑞卿名古鑑邑庠生卽所稱陞淮安城隍者也瑞卿養於平望徐南川家故瑞卿爲

平望人乙酉秋瑞卿遇亂兵被執以南景範年十五矣號泣思父至嘔血不食南川恐其傷生偽作瑞卿書慰焉朱衣人所謂醫生史完白知情者也初瑞卿存亡景範未審而聞喪自朱衣人始南川則再來雲松是也予里人吳文可實娶景範妹即所云劉之麟為爾妹女明年癸酉日生今癸巳歲正月六日癸酉始立春文可果舉一女益足見其不爽云

震澤縣志順治十四年丁酉南北榜多關節中式科臣特疏指參江甯主考俱立決房考絞舉子被論者流甯古塔父母妻子兄弟皆連坐吳江中式者四人錢威吳兆

志卅六 志餘四

六

騫莊允堡吳蘭友皆在案發遣威實公取經元兆騫才士時甚惜之後兆騫允堡並以贖得復籍

費恭庵日記順治庚子七月差滿洲餉部邊蔡二人臨湖州查已赦錢糧程安二縣紳衿幾受大禍諸生中貧不能完者十之二三有同袍嚴蔚宗名書開者倡議助納各自通知親族及相好者俱驚懼大約欠銀分釐願出兩許而朱佑明助銀五百兩董惟儒助銀五百兩故得以大費成事嚴蔚宗代完又約五千余其餘衿袍總無有不費者

楊鳳苞紀孔孟文事孔孟文者字元章父為瘍醫名際海

不知何許人與湖州府城西門外郁大和者友善遂寓居焉襟海死孟文為僧于長興弁山之土穀祠往來諸山寨中游說於時魏雪竇為東門令史慶祥字贊堦聯絡山海想得一當與思溪錢纘曾允武為密友以故孟文得交于二人後孟文盜劫一僧舍事敗二人皆薄之孟文昵一沙彌貌姣好祠之鄰近有貢生潘龍基見而悅之會孟文犯淫戒遂發其事于官知長興縣事葉文鳳責逐出境外乃挂搭于龍華寺為堂頭元素位下知客改名雪林一日龍基至寺孟文哀之不聽復揭其短于元素以是不容于叢林遂徧于交游乞助資裝允武

志卅六 志餘四

九

雪竇以其屢敗檢也子之稍薄孟文銜焉遁至溫州得海中倡義者確耗并內地通海者出入徑路遂假稱是海中大帥某某皆出某麾下又偽造一冊云儲峙屯某島士卒營某嶼戰艦泊某島因與眾有隙脫身來投誠是時 章皇帝初晏駕 顧命四大臣秉政鎮江將軍劉某在鎮數年無寸功方奉 嚴旨戒飭思立一奇功以自結于四大臣孟文服僧服去襟袖作馬上衣狀投劉標下劉問狀孟文言海外之難平皆因內地之人運糧餉資軍裝為之接應耳內問去外寇可立破也劉喜即疏題驛召孟文至京師 陛見 賜弓刀裘馬寵遇

甚隆當初首告時尙圖訛詐故舛其名以錢允武爲錢雲五魏雪竇爲魏西斗潘龍基爲潘倫吉浙撫以無其人覆部時在順治十八年辛丑夏也而錢魏不知省未及行賄于孟文越半載遂易眞名注明地址行鎮浙將軍柯奎密拏矣是年十二月將軍發旗下披甲五百人掩至魏錢已先逸去僅執龍基赴杭允武跳身至晨舍閱氏畱一宿閱兄弟俱連坐瘐死于獄又至南潯朱少師文肅之孫某許遂被執朱亦坐絞雪竇遁之山陰祁氏爲邏者縛去三家俱籍沒妻子流徙次年壬寅康熙改元之二月錢魏潘三人皆被慘法死于杭祥宇坐絞

志卅六 志餘四

干

復株連允武之族人价人亦論死右據潘居貞菊旃日記及無名氏湖城大獄記二書述其大略如此。又題河涓間集後河涓間集選十卷歸安錢价人贖百撰慈溪魏耕白衣爲之序按贖百居歸安思溪兵部武選郎中鎮之曾孫巡撫山東僉都御史士完之孫吏部文選郎中元愨之子家世華靡少工文詞與同產弟三人並以詩名斤斤守唐法稱同調者族人續曾允武及白衣寓公也明季數試于布政司不遇 國初郡人立乎社推爲領袖與吳磐大雍爭雄長至訟之大府弟子著錄甚多歲我斯徐倬兩侍郎爲之冠歸安知縣吳之榮者

貪而很時比之國狗之瘼以職敗遇赦出獄豔贖百富厚誣以屢年賦稅已所代納而恫喝之錢亦訴之上官方相持不下而是時允武白衣通書于延平爲孔孟文首告之榮因搆于將軍柯奎謂其累世顯宦家富不貲連絡山海妄思噓熾贖百主謀而二人特爲之奔走耳贖百語多不屈遂坐慘法死于杭時康熙壬寅二月也籍其家例中分罪人貲產給首告人之榮得其家之半以去妻子徙邊弟虞仲方叔丹季皆長流甯古塔三人之戍所與張坦公姚琢之吳漢槎錢德維爲七子之會見秋笈集吳興詩話謂僉都官文選郎則以子之官移

志卅六 志餘四

世

之父謬矣又謂虞仲父驕縱爲莊氏史案株連吏部東林遺老鼎革後灌園石隱而卒未聞驕縱史案事發在壬寅之秋錢氏家門已滅抑更謬矣。再攷前人敘錢魏事紀年多誤全謝山雪竇山人贖版謂孟文自延平來以蠟書首告乃襲溫晒園南疆逸史之誤又謂事在癸卯則更謬甚又祁六公子墓碣銘則云壬寅首告而竹垞貞毅先生墓表云二人坐慘法死在壬寅六月朔亦皆非也蓋發難于辛丑夏結案于壬寅春耳 按朱文孫名錫如據朱氏譜錫如卒于康熙元年 年六月初一日則竹垞之說似不誤 沈登瀛南潯詩文集錄玉汝沈老先生七表壽序康熙六

年歲次丁未季春鄧山通家眷社小弟萬言拜書按玉汝先生名皇玉與瀛家同籍吳江之震澤鎮未分縣時而非一宗 國初寓居于潯之墨溪與張開鶴先生輩稱石交蓋亦明之遺老也余既得見開鶴所贈蘭石卷子于先生文孫退甫處復叩以先生事蹟退甫遂錄此文以示余余曰非特玉汝先生當補入吾潯寓賢傳若萬先生者又其一矣觀序文中日造余室句不日余寓可知不僅作數日留不知其何由而至潯留幾時而去也

丁氏支譜七世有五學錄諱時庸仕明國子學錄始自吳江儒林里遷裘莊十七世夢蘭字彌高年十九父卒即

志卅六 志餘四

三

點白糧解戶時當此役者嘗至破家不得已就試學憲補弟子員此役例應優免懇于府縣不允力懇學憲糧道轉詳總漕幸而得免家貲耗費已不少矣入泮後益研經史與潯鎮股份人吳恭簡董惟儒七里溫令威令嘉友善娶潯村慎氏治家整肅嘗攜子返母家其子偶于地板下得古錢一大篋慎氏曰此非吾家物勿妄取子亦凜然不取一文其清操如此次子人傑字俊公始遷西柵米廊下少時寄居北柵范梅屏家有婢相謔以非禮責之婢慚而退一日遇表姪宋某疑立道左問其故曰無以自存意欲投河乃委曲勸諭為之籌資生之

策其後宋亦小康云

計發魚計軒詩話閩湘人南仲居晟舍為家宰某公諸孫天姿超絕書一過終身不忘世變後家苦貧乏幾無以自存嘗詭他姓借其配自鬻于塘棲大姓所著有碎金集寒玉居集潘太守尚仁刻于淮陰詩特悽豔動人

南潯備志嚴鐵橋丈可均曰姚經雪名淳楫或作淨楫順治康熙間南潯詩老也五律如幽花隨地發野果隔垣垂澹藥螳避穴移樹鳥迷巢七律如窗虛正好看山坐榻靜偏宜聽雨眠絕句如水雲深處無人住我慣尋幽占得來草草結茅臨碧澗小扉剛好對山開皆清穩可誦

志卅六 志餘四

三

有水雲草不傳今人尠能舉其姓名矣

志餘五

汪日楨撰

南潯鎮志卅七

顧炎武書吳潘自撰之吳江有吳炎潘稹章二子皆高才當國變後年皆二十以上並棄其諸生以詩文自豪既而曰此不足傳也當成一代史書以繼遷固之後於是購得寶錄復旁搜人家所藏文集奏疏懷紙吮筆早夜矻矻其所手書盈牀滿篋而其才足以發之及數年而有聞子乃亟與之交又數年潘子刻國史考異三卷子服其精審會湖州莊氏難作莊名廷鑑目雙盲不甚通曉古今以史遷有左邱失明乃著國語之說奮欲著書其居鄰故閣輔朱公國禎家朱公嘗取國事及公

志卅七

志餘五

卿誌狀疏草命胥鈔錄凡數十帙未成書而卒廷鑑得之則招致賓客日夜編輯為明書書元雜不足道也廷鑑死無子家貲可萬金其父(允)城流涕曰吾三子皆已析產獨仲子死無後吾哀其志當先刻其書而後為之置嗣遂梓行之慕吳潘盛名引以為重列諸參閱姓名中書凡百餘帙頗有忌諱語本前人詆斥之辭未經刪削者莊氏既巨富浙人得其書往往持而恐嚇之得所欲以去歸安令吳之榮者以贓繫獄遇赦得出有吏教之買此書恐嚇莊氏莊氏欲應之或曰踵此而來盡子之財不足以給不如以一訟絕之遂謝之榮之榮告諸

大吏大吏右莊氏不直之榮之榮入京師摘忌諱語密

奏之四大臣大怒遣官至杭執莊生之父及其兄廷鉞及弟姪等并列名於書者十八人皆論死其刻書鬻書并知府推官之不發覺者亦坐之發廷鑑之墓焚其骨籍沒其家產所殺七十餘人而吳潘二子與其難當鞫訊時或有改辭以求脫者吳子獨慷慨大罵官不能堪至拳踢仆地潘子以有母故不罵亦不辨其平居孝友篤厚以古人自處則兩人同也方莊生作書時屬客廷子一至其家子薄其人不學竟去以是不列名獲免於難二子所著書若干卷未脫稟又假子所蓄書千餘卷

志卅七

志餘五

盡亾子不忍二子之好學篤行而不傳於後也故書之且其人實史才非莊生者流也

費恭庵日記順治十八年辛丑十二月湖城逆書案起烏程南潯相國朱文肅名國禎博學多著述有良史才作明書大事記大政記大訓記俱係天啓時所刻又有明書一部做史記廿一史例未刊然其論贊大抵俱稱朱史氏其未刻之明史亦然相國沒後其諸孫貧因以其稟出售於人潯中有貢生莊(允)城者字君維家富長子子襄名廷鑑有才而警欲以警史自居購得此書稟乃聘諸名士茅元銘吳炎吳楚吳之銘吳之鎔張傳唐元

樓嚴雲起韋全祐蔣麟徵潘樞章約十六七人羣為刪潤論斷又以史中未備者采鄉先達茅瑞徵五芝紀事及明末啟禎遺事名曰明史輯略求庚辰進士李令哲為之序刊成於庚子冬發賣而湖府學教授趙君宋溫州拔貢極生事害人者適杭州舉人查繼佐字伊璜貢生范驥字文白陸圻字麗京三人夙有文望莊欲借其名刊之參訂姓氏中三人以不相聞且未見書十二月遂具檢明呈於學道胡尚衡批湖州府學查報趙即刻買書一部係葉聖基店賣價銀六兩命本學廩生俞世禎即陳旦升係杭州人為之檢閱磨勘摘出數十條出榜列於學門

志卅七 志餘五

三

又為通詳莊遂告君宋於守道莊係大有力者向拜前守道現任通政司王元祚門下即將書三部呈送通政司禮部察院三衙門謂事可消弭矣乃本府知府陳永命係壬辰旂下進士由庶吉士升任其本房師李廷樞為江南吳江人丙戌進士翰林前任浙江糧道與歸安知縣吳之榮對揭俱問絞赦出聞趙君宋發莊事亦買書一部在袁祥甫店與掌店王起較買至陳府衙中謂奇貨可居也苞苴到與陳共烹之乃莊託府書周國泰餽陳數千金陳竟弔出書板勞毀置庫李竟無所獲遂將此書轉交吳之榮蓋先與吳訟俱議絞赦後復相好結姻也吳挾以

詐莊而莊不應遂搆鎮浙將軍柯奎莊託府諸生徐秩三名典者轉央松江提督梁化鳳致書餽禮於柯事竟解而之榮益憤竟親之莊家冀其稍餽以解慙而莊復告於守道張武烈謂罪令贓私既完相應離任何得踞任詐人無已守道亦恨之榮在湖州橫詐三年得贓約數十萬遂立押出境吳憤極復圖詐朱佑明董帷儒董應命朱見莊得勢且其子彥紹謂佑明云以罪令圖詐數千金即應之萬一現任撫督提營羣起效尤竟以家業讓之乎朱亦遂不應吳登朱莊之門兩家男人躲避令婦女數百人羣詈之而守道差官兵衙役數十朱

志卅七 志餘五

四

莊賄之立時逐押境外直過吳江始回吳之榮必欲雪恨隨進都竟搆旂下以造寫逆書為題而加朱史氏即朱佑明刊一條增入書內首於刑部康熙元年冬初差滿官羅多等至湖府庫中弔板新任知府譚希閔字九子丁亥進士方到任未及數月實不知情而刑廳李煥甯國人壬辰進士在任甚風力有才獨專任書吏施鯨伯當趙君宋通詳時莊託施鯨伯賄之因此批其文書云此書既經呈報通政司禮部都察院三衙門已非祕書等語本年冬盡莊允城到京瘐死於獄磔其尸而次年正月二十日滿官絕早到湖州閉城門吳戴兩滿官帶

旂下披甲數百并杭嚴道及部撫標兵又數百人令城中文武各官分頭密拏城中所親見者長橋李霜回家父子兄弟祖孫奴僕內外男女家口約數百十人俱就縛上冊內中尙有來拜年親戚及鄰舍來看者俱并擒縛其餘南潯朱莊各家又拏數百十人。先是吳之榮專恨莊與朱二人而其餘參訂姓氏俱與之無仇恨故將序文及參訂諸人數頁俱扯毀而僅將朱史氏卽朱佑明改刊一條呈首迨諸犯解到杭州俱在滿洲營內看守鎖禁適朱佑明與趙君宋同係一處營兵看守朱知趙爲首先舉發者遂告趙云趙老爺係有功之人必

志卅七 志餘五

五

受重賞若得救我一家情愿分以家貲之半趙貪其貲數十萬至審時遂云此書不全姓名亦不甚的確犯人有一部業經細查姓名一些不錯蓋以其書中朱史氏下無卽朱佑明四字也二滿官督撫卽令杭嚴驛傳二道帶兵丁衙役鎖押趙君宋至湖府學署內起書一部在壁厨內取出押解到案而參訂十八人及李霜回俱全家抄滅連及親戚交鄰不知幾千百人而趙君宋亦以藏書之家處斬矣蓋吳之榮向與李霜回相與故首時扯去序文因在京夾莊(允)城故招出李霜回做序文因而李有名指捉然未嘗實見序文莊已先死吳不

能折對李尚可游移也自趙書一出而無可救矣。朱佑明作孽深重天道難以挽回當時已尋頭路救解弄巧成拙時撫院朱昌祚亦係旂下其標下傳宣龔廷元名黃武進士金華人係湖州潘協鎮女夫佑明業已尋渠關通於撫院以數萬金僅一身流徙不累家口不致籍沒已議定押起矣乃佑明之子念紹爲杭州壬辰進士王羽之妹夫王尋南關圖賴託其路救竟致兩滿洲吳戴二人謂路又真價又省於朱撫院遂悔前議昌祚大恨立至戴吳處告云杭州人鬩傳朱佑明爲敵國之富今以百萬託南關圖賴來賄囑兩位老爺求免他這

志卅七 志餘五

六

原告吳之榮不是好人恐其首發我輩俱要死了這禍事不小特來報知言未終而圖至戴吳二人指天誓日不容圖開口而去隨帶朱佑明出審細問逆書情事始末幾時造寫起的朱誤以爲關節已到囚云此前朝朱相國所作故稱朱史氏其子孫窮了將這彙本賣與莊(允)城莊廷鑑莊廷鉞家因請了一夥有才學的共造成了刻的小的是不識字的如何曉得造又問云你既不在裏內造如何得知明白朱佑明云因同在南潯鎮住所以曉得又問你既知得明白如何不出首朱云不曉裏邊寫的字所以不首朱昌祚云明係知情同謀寫造

的因令吳之榮與朱佑明對質佑明復辨非朱史氏昆
力其卽朱佑明四字係吳改刻添上誣陷的吳之榮云
板上張張有清美堂三字今朱佑明南潯屋內現挂清
美堂在上何得狡辨因立差杭嚴驛傳二道帶領官兵
衙役同協鎮高鼎及烏程知縣鄭宗圭總捕顧五經等
同到南潯朱佑明家起扁到杭遂定獄矣蓋此時湖守
道張武烈湖州府譚希閔刑廳李煥俱鎖押在營故僅
差杭嚴等官耳○朱佑明原住石橋浦祖上世爲木匠
其父亦作木匠至其兄始爲商於楚中及景德鎮買碗
遂積貲至八千餘金明崇禎間其兄死將貲交與佑明

志卅七 志餘五

七

蓋兄弟同居共爨者也到明末佑明家有十餘萬矣將
國變其門下估客皆欲避亂恐貨不交出異日萬一失
所悉將碗貨及藥材各項桐油染料等項俱交與佑明
後各處亂離商貨不通頓高十餘倍由是而其家貲竟
有百萬矣張雪封以兄之子妻其次子彥紹甚趨奉雪
封雪封之弟南紀素豪橫以趨奉者降於雪封一等南
紀遂大恨時杭之督織造者爲太監盧九德當時取各
府富戶爲局內堂長掌買絲供役朱佑明以富充局內
堂長而石橋浦臨太湖盜賊出沒其間佑明以上供絲
斤恐有疎虞因招募武勇置買備盜軍器鎗刀炮銃之

類無不備具張南紀遂搆分守道史儒綱溧陽人在洪
督師標下效
勞升謂其私蓄軍器儒綱卽點兵役明早出城而標下
聽用潘戒如者連夜先洩其機於佑明佑明卽將所有
軍器悉投之太湖中儒綱至徧搜無獲而兵役見絲斤
貨物之類烏能無染佑明立報九德具疏參拏儒綱以
朝廷職員搶奪 御用袍絲下獄擬斬後遇赦減等改
絞罔圖五六年 恩赦免死由是而佑明勢燄彌天草
菅民命至罪惡貫盈天乃假手於吳之榮耳丙申年與
先號克燕者分家僅以五萬金與之釋先訟於
張知府謂家貲三百萬以上俱克燕口述者○朱佑
明以石橋浦臨太湖防盜戒心遂買南潯董氏大宅費

志卅七 志餘五

八

數萬金改造每門必內外開合兩重釘以石外加鐵皮
包裹真大盜而無畏者諸大家莫不與之婚姻在城若
張若姚若潘杭州則王曹溪則金時金太傅家居在籍
朱佑明南潯屋旣落成因邀金至潯看新屋張戲留飲
數日金宴畢歸諸子歧朱漢充迎問朱之新屋何如金
云在一大貨船中住數日耳諸子問故金云在浪船卽
有一扁矣朱聞貨船之說則大惡適其甥章甲曾買朱
相國家堂扁一張題名清美乃董思白的筆款書朱老
年親臺乃天然湊巧者章甥卽以送佑明挂堂中今各
官押吳之榮同至朱屋取其扁去對簿朱無可置辨遂

問朱凌遲三子及姪釋先俱斬妻女俱配旂家產籍沒
○吳之榮又質將軍柯奎聽梁化鳳情乃徐秩三領莊
允城拜梁門下受賄發書與柯奎奎聽情竟不理逆書
事因提梁至杭質對柯奎爲吳之榮折倒不能隱諱化
鳳係大功臣且重費因得對筆跡謂非梁手書係徐秩
三假捏者乃將徐秩三解京處斬柯奎以滿人不識漢
字免死革其將軍歸旂以上乃徐秩三之父徐戩生所
述徐名寶扶松江人湖諸生其
父號培元在湖
城行醫有名 ○李霜回名令哲天啓甲子舉人榜名
木實後改名本實字木生最後改今名中庚辰進士頗
有文名知江陰縣壬午分房取張星瑞戚藩史燧等皆

志卅七

志餘五

九

知名士也○光時升禮部主事順治甲午乙未後已病
警不能出門而莊君維之書成須一序文時廷鑑已死
其次子廷鉞字左黃與費夔一名爾莊者結徵書社有
名因欲費韞生撰序而君維以韞生無文名遂用李霜
回而李次子○宏士號初燾亦係左黃同社以四幣十二
金送李而宏士又減半呈父遂央甲子同年陶子固名
鑄者代作左黃又欲列夔一於參訂姓氏內適夔一至
潯中延款而夔一多言好喧席終夜號呶君維以其狂
易輕薄遂不列名霜回當壬寅秋聞吳之榮有舉首事
謀以千金令陳紫崧至都求吳救解約已定至次日而

出之吝也事敗其室中所藏竟爲姚子莊承佃而得人
皆云李之先世爲訟師故有此慘報也霜回二弟次名
雲木歸安學生三素有疾赤貧李之家人視之同豚犬
後竟同誅夷陳紫崧云其家中不孝不弟慘薄之甚原
屬不祥雲木有官銀飛出求救於霜回乃以舊圓領數
事令當迫籍沒則家貲亦數萬金其烏盆巷書屋名是
山者所藏悉爲姚子莊所有且平素有公事會議默無
一語公書公啓槩不與名其謹慎畏蕙無過之者而竟
掇大禍如此此皆潘孔選所言莊
左黃乃孔選之婿
○陳紫崧爲李氏嫡
親表弟待之素厚後籍沒時皆其經理李長孫書垂年

志卅七

志餘五

十

二十餘應斬紫崧與費恭菴商議費貲改名王綸又買
出一慙不畏死之金佩源假姓王認之爲姪因得免殺
而李之嫡長媳姚氏係吏科姚敬輿女姚恐禍及之遂
令伊女認爲繼子即書垂所生親母也部撫審經十餘
次佩源亦數受刑訊抵死不改口謂我王家兩代惟此
一子因與李有表親暫時過繼一番適到李家拜年故
并捉之在內的姚氏亦供自幼過繼者因得免死充軍
書垂爲塔下徐君房婿相聞討差回南已入贅生一子
今聞書垂已死於關外又○宏士一子方五六歲爲道場
山王大才妻所乳向定吳青雲女當捉時幸逃出流離

瑛尾今聞已畢姻。陳永命既受莊氏之賄，追板劈毀置庫，還李廷樞之原書。李遂轉構前縣吳之榮，之榮在湖先已詐人三年，此書入手而大禍遂起矣。之榮首莊允城朱佑明查伊璜等共造此書，至公庭質對亦釅定。查伊璜等主筆，查以遞檢明呈於學道胡尚衡，吳復質其不首於督撫而獨首於學道，明係借此得賊名實，兩遂之計。況此書實係查等主筆做成的，以故學道胡尚衡以其不即申督撫弔書查究，著鎖禁看守在營守道張武烈以趙君宋申詳不即查究轉報督撫，反准莊允城告吳之榮，詞俱著鎖禁看守在營，兩道俱重費乃得

志卅七 志餘五

上

辨明免死復任而知府譚希閔以逆書板在庫不行舉首譚云係前府陳永命事弔庫吏周國泰詰問則云已有陳知府交盤冊存莊允城家明書板一副，遂以知情不發絞死湖推官李煥以批趙君宋詳文有呈送通政司禮部察院三衙門字樣謂之故縱，亦絞蓋三衙門官重費故殺李以滅其口也。署烏程縣學歸安訓導王兆禎訓學不半月而事起發莊廷鉞到學取收管時莊允城已拏解京，壬寅十月也。學中無監舖令該路門斗鄧攸之看守莊族人及戈明甫等共六人寫一保狀保去而莊廷鉞以父允城隨滿官吳多等拏去放心不下即

連夜進都適歲暮莊允城瘐死已剝尸，廷鉞收其骨肉。至次年癸卯二月復到浙投到而浙省督撫及滿官已拏縱放教官王兆禎看守鎖禁在營，後兆禎絞死原保莊姓生員俱書中參訂有名五人皆凌遲，其保人戈明甫亦斬。當時查伊璜看守鎖禁在營無計可施，只得飛差人到廣中總兵吳六奇處求救得免於難。吳六奇者不知何許人，二十餘年前查伊璜在家值冬盡大雪查結社做會送客出門見門外一少年丐者僵臥雪中查訝問之，彼云貧甚衣食不給查命之進舍問其所能則云但能飲酒不醉耳。查酒量頗高遂留之與以敝衣

志卅七 志餘五

上

履快飲三日，至天霽贈以數金而去，亦不問其姓名住址。至順治末已越二十年，查有相好在廣中作縣，因游於廣在城中過適一大官過查立道旁，大官在轎中見查即命從人來問云此非浙江海甯查翁乎？查答云是也。遂以騎拉查進署，因跪拜查皇恐不知何故，彼云故人甯忘之乎？查云實健忘不識荆州矣。彼云在宅上快飲三日何遽忘之？查豪飲者無日不挾客以醉，因只想衣冠交游者茫然無以應，彼云我吳六奇也在平南王下為兩廣提督，當二十年前雪中僵臥曾留飲復相贈，久圖報今幸相遇殆天緣也。查方想及昔日之丐者矣。

被雷署中盤桓謂查云汝相好所贈有限我藩下浙省
有當舖估客即寫會票贈以千金而裘馬衣裝盤費又
及千金查夢想不及獲此大利然見其威勢赫奕亦不
敢細問其二十年來行事也自查為逆書事危急令人
飛騎到廣當時平南勢正盛吳即為營解故滿官督撫
上本俱依吳之榮口供謂係同謀造逆而定案時則以
查伊璜等三人雖不比吳之榮之發覺亦係首事之人
依律頒賞故吳之榮應官拜他給與朱莊各犯財產十
分之一查伊璜范文白陸麗京亦稍頒給什物器用余
親見船泊慈感寺前領朱莊廚桌家伙什物約十餘舟

志卅七 志餘五

五

載去轉禍為福真回天手段也至康熙戊申夏湖州府
吳綺豪華甚查與之有交帶女戲一班到湖寓金婆樓
沈敬所家余友倪東萊名滄者歸安學諸生特投晚生
刺面詢吳六奇事而查自述其情事如此按鈕秀舫臆
筆記蒲松齡聊齋志異汪价嘴旨記六奇事並與此大
同小異唯吳壽拜經樓詩話據查繼佐所作敬修堂同
學出處偶記云己亥余客長樂湖鎮吳葛如以厚幣邀
余至其軍又云世相傳余初有一飯之德葛如方布衣
野走懷之而思厚報其貧無是事也因謂出于傳聞之
過或以其既貴而為之諱皆未可定今攷秀水沈起記
丐夫陸晉事云武林畏吾寺山門之側有異人焉喜為
乞姓名不傳破袋竹筒每掛書一卷倚徙市門出書朗
誦見者笑之東山查伊璜先生曾敘其事云庚午余就
秋試寓寺中偶出見丐異之急前揖丐遂抗禮不下
日世無知我公等差可與言余固懇請釋丐而借吾游
為之飾後罷體解衣飾之問其姓氏家世不答因從同

乞者得其故係新安世族陸晉也余同人申董治升願
饒于贊乃迎養晉于治升家強之就童子試得高授及
再試偽赴而野脫主人供奉甚豐終不樂也乃謀于余
余曰君家多大紀綱勉集一鄉塾請晉為塾師出入民
間可自便晉欣然從之值寒食晉假館事過東山草堂
索余詩稿而去至重九余過治升家訪晉治升頓蹙曰
晉昨晨起不告我竟去不取束脯棄其衣履并東山詩
稿亦隨之夫矣是後西北多事傳聞不一或云自浙而
楚而豫而燕出關東遂為滿陽人竟不知所終及東山
累于潯案拘繫司寇相傳有于旗員之側百口先生冤
者以是對簿時筆帖式下階向先生問安先生漠不解
何意既雷北司火房復有人傳語云公幸無恙前所借
詩稿尚在也而晉卒不見東山吳越人皆傳吳湖 ○壬
寅秋朱撫院委刑廳李煥觀風而夔一以多奪桌檯與

志卅七 志餘五

五

趙君宋相鬧夔一云莊君維莊左黃為汝所詐我費夔
一不怕汝也君宋遂扭夔一稟煥煥云我知爾為公子
何得如此放肆眾友為之跪稟得釋至癸卯正月逆書
之獄起莊左黃李士輩俱與夔一至交而趙君宋又
與有隙惴惴不甯自二月至五月逃居沈秋湄家直至
五月廿六獄決諸人俱死始回來○戈明甫者烏程縣
民壯專差牛稅當稅牌莊君維南潯有油車當舖故戈
時至其家戈亦善事莊故莊待之加禮貌適南潯有釘
柵結甲事在祇園寺公議莊以齒長居首席其下則金
歧宋金漢充陸與口董惟儒等約十餘人在座時縣中
有差船十餘駐泊羣居小慧謂人能到寺中與諸人作
揖就座者眾當釀分設席雇奴陪酒陪宿戈云我能之

卽到寺見莊君維莊素與往來禮貌之起與之揖讓以賓禮而其餘以次照莊遜揖拱之上坐戈卽辭出眾差俱歡呼釀分未免聲張而金僕在船者與差船同駐聞其事卽縛戈過船俟歧宋兄弟回船發落眾差大窘隨令人密報君維君維卽告金云適有一戈姓與寒家有表親分尊在城中住弟挽之完錢糧實非衙役也適其鄰居有差船到鎮附舟到弟處有所言故來至此弟與之折承諸公皆禮貌之茲聞金老先生尊管縛之過船還求推弟薄面釋之金昆弟原未嘗知卽喝僕輩釋之戈得周旋體面銘感異常故壬寅冬烏程縣押莊左黃

志卅七 志餘五 五

取保已有莊氏生員五人必要無前程者一人徧求未得其人戈感恩卽時應命俄左黃卽逃至京而戈竟以縱放重犯殺身也○陳永命旗下人壬辰進士由庶吉士轉部屬升湖州知府居官甚嚴酷且貪其房師李廷樞以明書輯略構詐莊君維陳之庫吏周國泰受莊託賄永命數千金遂追書板劈毀將原書回還廷樞廷樞復轉構吳之榮起逆書大獄壬寅冬永命奪官去至山東臺兒莊聞吳之榮首逆書事懼罪自縊死店中後迫其尸柩到杭州磔尸爲三十六塊其弟江甯知縣陳永賴亦斬妻子俱配旗下爲奴○李廷樞江南震澤人

丙戌進士由庶吉士陞編修歷浙江糧道與歸安縣知縣吳之榮相惡時例浙有兩糧道一則押糧舟進京一則在省督次年運壬辰冬押糧之道旗下人在省者爲廷樞之榮以廷樞未當事餽禮甚菲廷樞怒責之之榮遂大詬詈廷樞因與歸安學諸生張放生名辰生者素相識遂託之尋之榮款送廷樞揭參之榮知其情乃脅放生尋廷樞款亦對揭之於督撫兩皆題參革職俱審實擬絞在獄五六年後遇 恩赦免死遂復與之榮聯姻因而起逆書之禍後審時以廷樞不自爲發覺乃轉託之榮責四十板將擬以罪之榮爲之苦懇謂非廷樞

志卅七 志餘五 去

以書託我首我何由首發彼因病不能到京耳乃免其罪而以書估王雲蛟處斬○吳之榮江西撫州人順治庚寅任歸安知縣有才而敢作敢爲糧道李廷樞揭參之庚子年遇赦出獄坐賊八萬時刑廳所任之書辦施鯨伯向係縣糧書爲之榮寵任者隨即以里民出名謂感吳恩德情愿樂輸乞令吳到湖賊可立還煥爲之具申督撫允詳之榮遂至湖州擇人而噬富民大家臥不貼席日日捏人拷詐多者數千少亦累百在湖三年所詐之贓約數十萬最後忌詐莊允城朱佑明等不遂而有首逆書之事流毒數十家殺人無算○李煥甯國人

壬辰進士初選江西某府推官分房取中張貞生後爲
戊戌科會元因丁艱起補湖州府推官順治庚子春任
居官甚風力言辭忼慨上官甚重之惜領聽衙役遂爲
書辨施鯨伯所誤莊允城明書爲趙君宋通詳到案刑
廳爲督撫耳目遂重賂之其詳文批出這書送呈通政
司禮部都察院三衙門後事發三衙門重費隱諱其事
因欲滅其口讞詞遂云李煥故批三衙門字樣擬絞而
死○譚希閔字九子揚州人丁亥進士任浙江推官甲
午分房取中吳光沈彫凌焜潘嗣德後升卿至康熙壬
寅夏末任湖州知府居官清慎仁慈不數月而逆書案

志卅七 志餘五

七

起都中差滿官到湖弔板譚尚未知此事審時謂汝爲
知府乃不知府內庫中事問庫吏周國泰則云交盤冊
上寫明蓋國泰卽前任陳永命之通賄者也因卽擬絞
於五月廿六日同李煥王兆禎俱死於杭州錢塘門外
○李繼白乙未進士爲蘇州濟墅關主事以買明書處
斬以藏書之家不行首發也其餘買書者亦皆盡斬以
未詳名氏不記○陸璘字湘遠南潯人出入莊君維之
門明史紀略璘爲總裁尋館於蘇州之徐氏主人富而
有勢璘淫其閨女主人恨甚重費以劣行告學道黜革
批府陳永命究擬此庚子夏事君維刊去其名而不意

刊去反以爲福也

陳寅清榴龕隨筆烏程朱文肅國禎致政家居畱心史事
所著有大事記其已付剞劂者謂之史概未刻者尚多
也祕藏于家後因寇盜有莊氏質朱氏之居其子子相
廷鑾偶見此書竊爲已有招集知名之士妄以己意增
損于其間而朱氏原本遂泯矣子相既死乃父君維
允城於鎮北園通庵召匠刻之凡五年而告成號曰明
書不知利害冒昧從事且自以爲不世之業誇張其事
一時趨附廟名于其間豈知遂召大禍也先君子每扼
腕太息曰可惜文肅公一生心血付之東流然取非其

志卅七 志餘五

六

有立名非真者定有奇禍天理昭昭可畏也○朱氏之
書至啟禎兩朝而止耳竊之者子相也續之者所聘諸
子也受其子臨死之屬而必欲刻之者君維也與其幼
子左黃廷鉞無與也左黃一紉袴少年耳當科試不得
意其妻爲買妾以娛之建百尺樓于後圃雜莖花木日
與文士豪飲于其中刻百尺樓詩草乃父聞之弗善也
後爲兵備使者所賞相見畱茶款語父乃大悅及父就
逮左黃隨護維謹及見司敗已噤不能言乃頭觸獄門
而死左黃頭棘無可爲計疾馳至通州而籍沒之令下
族屬無噍類兼及朱响响湖濱人家故微賤以入貴貢

凡商賈經營無不負其金冀三倍之息以此自雄其視令長蔑如也言利析秋毫而于文墨之事則無涉也亦以得罪歸安令指為逆書有名并其三子俱就逮家人烏獸散封椿庫廢盡入于官左黃知事不可為恐累及親鄰遂自呈身是時部撫司道郡縣守令僚佐俱在尋鎮以民居作公館者十有一所聞左黃歸蜂擁之去絕無他言惟有飯命投誠而已惟力辨與朱响父子無涉始終無異詞當事者莫不偉之至于朱响素行以貴傲睨一世父子駢戮妻孥皆徒極邊非不幸也○莊氏居尋未久因其饒于貲故世情不替初發難為歸安令令

志卅七 志餘五

九

吳姓故墨吏也不過為恐喝之詞以幸升斗耳而君維即挾書入長安草疏欲上陳輦下諸公曼詞慰遣之時子居西村君維歸以疏稿示余自以為無恙矣而墨令乃拮據其書中悖亂之語以達于部使者部使者不敢隱上之於 朝而獄不可解矣○聞之前人曰書中無志表帝紀世家止有列傳即王陽明一傳有上下卷共三百餘頁其冗長無體裁可知已所謂三長五難者在也○事在辛丑之春決獄在癸卯之秋潘吳諸子在獄日以賦詩為事時余寓梟溪而戴子芸野笠館于廟址之南相距里許時相過從得見諸子傳出音訊詩篇

及既投命芸野為潘吳立傳獨于左黃則言其少年游冶至于慷慨激烈力辨朱响之冤則未之悉也余為備述其故芸野始為改竄成篇是夜余夢已身在一荷亭之上左黃在水次搏頽謝余余急起掖之則已沈水中矣次日與芸野言其嗟異之○蔣西宿麟徵一字轅文為蔣儀仲之子姬載先生之猶子也詩文敏妙風儀秀穎莊氏招之初不願就為貧所累不得已而赴命之作文不容留稿恐其竊歸也并禁其出入苦不可言痛哭辭去後竟及難○張文通館于莊氏草稿皆作細楷時子相已死矣張以有明一代理學諸儒無人作傳故勉

志卅七 志餘五

三

應之亦不虞其至是也聞其膝上有淡墨痕成都楊慎四字○張非仲傳一名僧願一字文通為博士弟子員于經史百家無不得其旨趣所與游皆名彥樓居積書甚富手錄者千餘卷擁列左右已則坐臥其中後為莊氏所招作有明理學諸人傳其稿另錄出名曰與斯集禍未發時已知其非逃于僧舍年已七十餘丁母憂癸然縞素有詩云空樓獨夜雨牀牀卻把平生細較量災異口新憂患短悲歌不足寤思長曾無入巷哀王烈徒有拋娘學范滂好个與斯題目在輕謳緩板赴排場就逮時談笑自若與潘吳諸人同死所著有西廬詩草四

卷○董誦孫二酉少有神童之名學問淵博與周安節相善倡和勤詩箋書法亦精妙史事發時沒已三年矣發冢斫棺子濯萬與沂九歲有感懷五言古詩四章顧茂倫爲之跋亦英品也及禍至從容就縛士林惜之○潘力田程章居平望藏書千卷善著述有松陵文獻十卷今樂府二卷行世與吳赤溟炎有志作史而未有成書其就莊氏之請非所願也授命之際談笑自若真傑士云○韋元介全祖一字真長弟次申全祖進士青岑明傑之子也祖鏡臺先生精岐黃之術元介先卒次申被難○茅鼎叔元銘鹿門先生之孫也以明經爲學博

志卅七 志餘五

世

少有文名試每高等與章諤臣上奏陳閩仙騶吳大雍盤四子齊名僞書編纂僅數月耳已而之任逮於任所○南昌黎博庵元寬督學兩浙年高望重逆書有名督撫移檄兵圍其第全家抄沒○苕城李霜回令哲逆書有序被逮時適其家有慶祝之事親族七十餘人悉被擒至官以漸訊免○吳心一者溇上董氏之僕也少時竄身徐氏欲讀書遇周先生怒之必欲令入府供灑掃之役此子徒跣哭請于先祖遂受業門下得列青衿聞莊氏有史事心豔之得列名其中亦被慘戮曾有唐詩之選吳方輪系爲之序幸郡尊廖公昭雪得以無恙○

刻工湯達甫刷匠李祥甫亦爲飢所驅禍亦及之○齊康成治爲博士弟子好學能詩子相以脯脩招之其約已具二十四金矣後批曰果能專精勤敏則願加六金遣僕送至齊覽而訝之遂堅不赴以免于禍後以資爲學博○潘友龍爾夔慷慨有風致能文工書莊氏慕之列其名于簡端偶與君維有財帛交以致話君維怒削其名得不罹禍○所列纂錄諸子與余有交故略序其概其餘不相知者不及錄也按湯達甫旌德人見順治十五年重建張王廟碑

志卅七 志餘五

世

全祖望江浙兩大獄記 本朝江浙有兩大獄一爲莊廷鑑史禍一爲戴名世南山集之禍子備記其始末蓋爲妄作者戒也明相國烏程朱文恪公嘗著明史舉大經大法者筆之已刻行於世未刊者爲列朝諸臣傳國變後朱氏家中落以橐本質千金於莊廷鑑廷鑑家故富因竄名已作刻之補崇禎一朝事中多指斥 昭代語歲癸卯歸安知縣吳之榮罷官謀以告訐爲功籍此作起復地白其事於將軍松魁魁移巡撫朱昌祚朱牒督學胡尚衡廷鑑並納重賂以免乃稍易指斥語重刊之之榮計不行特購得初刊本上之法司事聞遣刑部侍郎出讞獄時廷鑑已死戮其尸誅弟廷鉞舊禮部侍郎李令哲曾作序亦伏法并及其四子令哲幼子年十六

法司令其減供一歲例得免死充軍對曰子見父兄死不忍獨生卒不易供而死序中稱舊史朱氏者指文恪也之榮素怨南潯富人朱佑明遂嫁禍且指其姓名以證并誅其五子松魁及幕客程維藩械赴京師魁以八議僅削官維藩戮於燕市昌祚尚衡賄獄者委過於初申覆之學官歸安烏程兩學官並坐斬而二人幸免湖州太守譚希閔泣官甫半月事發與推官李煥皆以隱匿罪至絞潯墅關推貨主事李尚白聞閭門書坊有是書遣役購之適書賈他出役坐其鄰一朱姓者少待及書賈返朱為判其價時主事已入京以購逆書立斬

志卅七 志餘五

書賈及役斬於杭鄰朱姓者因年踰七十免死借其妻發極邊歸安茅元錫方為朝邑令與吳之鏞之銘兄弟嘗預參校悉被戮時江楚諸名士列名書中者皆死刻工及鬻書者同日刑惟海_留查繼佐仁和陸圻當獄初起先首告謂廷鑑募其名列之參校中得脫罪是獄也死者七十餘人婦女並給邊蓋浙之大吏及讞獄之侍郎鑿於松魁且畏之榮復有言雖有冤者不敢奏雪也之榮卒以此起用并以所籍朱佑明之產給之後仕至右僉都

志餘六

汪曰楨撰

南潯鎮志卅八

董志莊廷鉞莊廷鑑其先震澤陸家港人俱明諸生素饒於貨避盜遷潯即開質庫於潯值明末寇亂一日鑑妻攜婢探視途遇寇掠婢去不從死鑑妻遁歸白其故旋自縊死鑑憤悼不娶謂古人憤而著書思作一史以傳于世會朱平涵公之孫贗乏持史槩續稿詣莊質庫典銀五兩鑑喜甚即浼其西賓嚴某集諸同人錄之為藍本延查伊璜董誦孫潘樾章吳炎吳敬夫張西廬諸名宿刪定纂削稿成付梓朱雲鴻字佑明佐其刻資署名清美堂藏板適歸安知縣吳某去任過潯叩朱告貸朱

志卅八 志餘六

遣子持白鏹百金往贖子忽其休官將銀自入私橐竟拒之吳至吳江於坊間得是書即往吳江縣呈首事發凡書中列名者皆伏誅而朱與莊俱遭大戮

翁廣平書湖州莊氏史獄此事諸家所記有異同余乃取其近理為正文餘附注焉盧仲山記多差謬本不足錄恐見者為其所誤因附注以辨○吳興之南潯鎮有莊氏九龍焉九龍者莊_允城與其弟_允坤_允琛及子廷鑑廷鉞_允琛子廷鑑廷鑿廷鏡廷銑俱以才名著故時比荀氏八龍世居吳江之陸家港至_允城始徙南潯_允城字君維明季歲貢生為復社遺老善望氣術偶過南潯之夏家園見金銀氣甚盛遂

購居之獲藏金無算見無名氏湖濱雜記宛塚名不時

里中有朱佑明一作民者父為木工與鄰寺老僧善父死

佑明給使寺中偽為馴謹僧信任之先是有湖廣商人

擁厚貲因寇氛路梗以銀置桐油篋中寄僧舍約曰俟

我五年不來而後售適市中桐油價倍僧命佑明售其

值以待佑明發篋得銀驟富誰僧以獲窖金閱七年商

人至就僧索桐油僧曰無憂佑明長者不我負也同造

佑明佑明歡迎曰賴客貴得厚其息請以原數歸僕取

其羨幸矣商大喜留飲竟醉同宿東軒夜半率健僕刺

殺商且及僧僧曰吾為德於爾殺之不祥佑明曰大恩

志卅八 志餘六

難報舍之不祥僧曰休矣二十年後與汝了此公案竟

殺之長洲顧燮儀瓠消暑開記朱送客居別莊宴飲無

虛日客樂之月餘燔其莊僧與客俱死當湖盧仲

山紀若中獄事佑明父為木匠曾得某客寄僧舍桐油

中銀驟富後客來索銀朱不諱盡還之客喜而去朱密

令家丁伺于百里外殺而奪之銀按顧說似合知其事者畏而不敢發也嗣後

佑明家益饒所為愈恣肆里中士夫羞與往還資緣曹

村金相國締姻相國送女至佑明別起華堂盛供張飲

饌極山海之珍相國顧語客曰美哉室惜題署無鉅公

長德佑明聞而恥之買得故相朱公國禎清美堂廳事

其額則華亭董宗伯書也乃去故相款署而加椽焉白

山房佑明以女妻莊廷鑑廷鑑字子美年十九中拔萃

選湖濱旋目盲盧氏紀事云莊氏之子曰因思史遷有

左邱失明厥有國語之說遂欲著書成一家言初故相

朱公嘗取國家大事及公卿章疏誌狀命胥鈔錄數十

帙顧亭林集鮑琦亭外編消暑開記其書曰史樂題曰

清美堂湖濱雜記購得處士朱不遠史樂未成稿吳

赤湖文僅曰廷鑑得之爰招致賓客日夜編輯為明書

書垂成而廷鑑卒無子其父宛城流涕曰我當先刻其

書而後為之置嗣亭林集參父佑明力任剞劂書刻清

美堂藏板欲附名以傳也盧氏紀事書印出者四十餘

蹟僅亡其二一在朱佑明家一在吳之雒家書凡百餘冊所附參訂姓氏二

志卅八 志餘六

十四人皆一時知名士實半竊其名而列入者先宛城

之京師客其舅氏吳尚書默即夜夢梁間白鳳飛來

求救明日吳閱大辟囚文案有盜曰梁飛鳳宛城以夢

告遂釋之宛城復給金帛并書薦於某總兵從征湖苗

有功仕至兩浙提督因感宛城恩約為兄弟時至宛城

所建百尺樓中辛丑歲有烏程令吳之榮者年二十餘

以賊繫獄遇赦得出嘗有求于佑明佑明不即見屬門

客延之入宿東軒見廷鑑所著書多忌諱語遂持以要

賂見鮑琦亭外編又盧氏紀事佑明恨吳如其父偶被

賂而過首于江廷鑑知此事告許者不獨之榮一人也

宛城欲許之梁飛鳳曰踵此而來盡子之產不足以給

也遂使部將驅之境外湖濱雜記盧氏紀事莊氏有通

莊氏訪利病莊以革職令吳之於是之榮白其事於將

軍松魁魁移巡撫朱昌祚朱傑督學胡尚衡允城並納

重賄以免是年廷鑑已死亭林曰諸乃稍易忌諱語重

刊之之榮計不得行特購初刊本全氏遂入京上之四

大臣大怒遣官至杭全氏外編道執廷鑑之父允城及

其兄廷鉞與弟姪等之列名於是書者十八人皆論死

湖濱雜記即逮允城至京令三法司訊之允城音已啞

蓋之榮陰使人藥之也壬寅冬允城死大理寺獄明年

春復遣官至允坤死於成書前不列名不坐而發廷鑑

墓焚其骨籍沒其家產并坐朱佑明家盧氏紀事謝問

吳之雄朱相公

者為誰之雄未知相國也因嘗有求于佑明參訂二十

而不得即以佑明當之且以清美堂為證也

四人中吳江董二酉死二歲剖棺到其屍張雋投水死

雞窗叢談胡某逃匿海濱為僧海甯查伊璜識拔吳六奇於

未遇時至是為兩廣提督遂奏免其罪海甯范文白亦

免或謂亦六奇救之也湖濱雜記參飢烏程閔毅夫聲

仁和陸麗京圻已繫獄而得釋閔本南雷文約其餘歸

安茅元錫方為朝邑令吳之鏞兄弟吳江吳炎潘

樾章等十餘人并刻書鬻書者同磔於杭之弼教坊時

癸卯五月五日也作序者禮部侍郎李令哲亦伏法并

及其四子令哲幼子年十六法司令其減供一歲例得

志卅八 志餘六

四

志卅八 志餘六

五

免死充軍對曰余見父兄死不忍獨生卒不易供而死

將軍松魁及幕客程維藩械赴京師魁以八議減罪僅

削官維藩戮於燕市朱昌祚胡尚衡賄謝者委過于初

申覆之學官故烏程歸安兩學官並斬而朱胡幸免湖

州太守譚希閔推官李煥皆以隱匿罪絞許墅關權貨

主事李尚白松陵文鈔作鄴人李繼聞閩門書肆中有

是書遣役購之肆鄰朱姓者為判其價時主事已入京

以購逆書立斬書估及役斬于杭朱姓者以年踰七十

免死借其妻發極邊其列名之同產昆弟子男年十五

以下者并妻子俱論成是獄也死者七十餘人造成者

百餘人全氏外編參亭林集又鳳臚作死者二百餘人

盧氏紀事江甯總督及湖州守烏程令皆坐斬死者共

數百人其流徙及入官者千餘人按人數當以願全二

書為正盧記甚謬且江甯總督吳之榮卒以此起用并

以所籍朱佑明之產給之後仕至右僉都石里紀事之

人面瘡蔓延偏體醫言割去初發之一則皆愈矣乃忍

痛割之而諸瘡咆哮如故復次第割之瘡肢體楚痛

哀號宛轉累日而後死盧氏紀事之雄以發奸加道街

起用見被殺者多亦痛哭追悔至武當山建壇懺罪為

神所擊伏不能起昇歸疽發于背洞見五臟而死當獄

獄時浙之大吏與刑部侍郎鑒于松魁且畏之榮復有

言故知有死者莊氏及參訂諸人在武林軍獄時雖受

桎梏之苦而滿洲佟將軍頗加防護飲食供奉無或缺

尚得以詩歌相倡和就刑時諸人有作絕命詞者佟將

軍搜其遺草摹刻之共六石今惟廷鑿一石存焉廷鑿字美三詞翰俱妙有豚犬縱難全覆卵精糠豈罪及然其一氣潮迴江上月全家淚灑武林春等句潘吳詩載觚賸中吳有贈美生詩即美三也廷鉞字佐璜才華最富七歲能詩著有百尺樓詩稿有檣杪有名終累楚鴟夷無後可留齊之句罹禍時年二十四茗上詩鈔選其詩作嚴三史虎邱志作嚴茂云當發難時其友朋親族奴僕之爲存孤計者有數人一爲馬要沈修若匿廷銑一子于家家人恐禍及修若曰急難相救正在此時若學他人畏避安賴此親戚爲蓋所匿者其外孫也一爲

志卅八 志餘六

六

吳濩馬价人素任俠與廷鑿善率拳勇數十人從檻車中奪廷鑿少子認爲己子邏卒并逮价人三受三木之刑無異辭遂率其少子以去莊君佩者允城從弟也獄急時君佩竭力營救并給衣食復盡收十八人骸骨歸葬於祖塋之側莊西雍允城族子在都知難發命善走者日馳五百里至家使區處後事越五日邏者始及門廷鑿長子濟字日鱗十歲補博士弟子以文名遭戍潘陽震澤沈謙至戍所設奇運策救之歸濟更姓王有半硯齋詩稿沈謙見縣志孝義傳其三僕及僕婦乳母五人皆廷鉞家人一日計阿翁廷鉞妻潘氏媵僕也阿翁

隨潘至戍所事主母備嘗荼苦主母死土人欲火葬阿翁以死爭得免乃收拾遺骸走萬里歸葬一日高僕婦高兄弟二人亦隨主母及小主人同戍二人觸瘴死其兄之妻在家守節半硯齋稿中有高僕婦一篇一日松江乳母朱姓或曰謝姓曾以珠籠匿廷鉞三歲子繩武遁跡松江與其夫紡織以爲食後莊氏求繩武歸及長思報乳母夫婦恩竟不可蹤跡湖濱雜紀余按莊氏史事亭林集貫齋集觚賸皆載之邑志亦及焉貫齋於莊氏兄弟不置褒貶仲山則以才稱之亭林則曰不甚通曉古今其書冗襍不足道也又曰余一至其家薄其人不學

志卅八 志餘六

七

竟去是以不列名獲免于難有忌諱語本前人詆斥之辭未經刪削者潘吳以才名素著列之參閱實未嘗受其聘也盧氏紀事吳江潘權吳炎等以莊爲守財奴未受其聘徒以名重援入參閱有周恭先者既受聘矣以他事爲莊所擯亦免于難盧氏紀事余攷前代以著作賈禍者多矣 國朝有莊史及桐城方孝標二獄孝標事僅見全謝山鮎埼亭集亦未能詳也莊史事記者頗多不無同異錯雜因總述其始終如此夫允城以救梁鳳飛之故其禍即發于飛鳳查伊璜以識拔吳六奇之故而六奇卽有以免其禍報施之不同有如是耶余聞之榮任烏程時類過佑明佑明一見卽咄

咄稱怪以其貌似寺僧也及史難作逆數殺僧之歲正二十餘年白鶴山房紀事又聞莊氏後人曰史難將發時南潯

市中忽有若風顛者走呼三日曰朱氏絕莊氏滅湖濱雜紀

是知易所云積不善之家必有餘殃與淮南子所云掘藏之家必有殃者洵非偶然矣管庭芬跋右翁海村徵

史獄記其中有可疑者四焉佑明之害湖商與僧僧曰

二十年後與汝了此公案然史難為吳之榮發于順治

辛丑相傳之榮後身即前之僧人其年數亦相符則害

僧當在崇禎十四五年間豈有一市僧殺人人皆側目

而無敢入告有司任其漏網則可疑者一商之寄銀七

年而後來取則寄銀當在崇禎七八年間時湖湘尚無

兵變不至道梗難行至辛巳壬午間流寇充斥反欲載

寶言旋此可疑者二余讀武林女士陸莘行麗京先生

雲遊始末記云廷鑑妻潘氏入泉獄聞其夫已受極刑

一慟而絕蓋莘行為麗京先生之女亦以史禍牽涉全

家入獄所日擊者此云沒于戍所拾骨歸葬可疑者三

許聖權關主事購一書至棄市并其吏役皆死將將軍

難憐才除讓然廷鑑等倡和詩歌公然勒石而不怖

及于茲可疑者四蓋君所著惟折衷潯溪故老傳聞

證以吳中先輩諸文集故其所敘不無低

悟惟錄此以備佚聞不足各其疏略也

志卅八 志餘六

八

志卅八 志餘六

九

楊鳳苞記莊廷鑑史案本末莊廷鑑字子襄先世吳江人

其祖始遷居烏程之南潯家巨富父允城字君維貢生

生三子廷鑑其長也少患瘋疾延良醫治之謂疾愈當

損目試之果然廷鑑遂妄以盲史自居其家與故相國

朱文肅公家鄰因購得文肅史槩未刻列傳槩本乃招

賓朋羣為增損修飾而論斷仍署朱史氏又續纂天啓

崇禎兩朝事其中多指斥之語名曰明書輯略書成而

廷鑑死允城痛傷之為乞故禮部主事李令哲撰序列

吳越名士十八人為參閱十八人者歸安茅元銘吳之

銘吳之鎔令哲子祜壽元銘子次萊烏程吳楚唐元樓

嚴雲起蔣麟徵韋全祐全祐子某吳江張雋董二西吳

炎潘樺章仁和陸圻海甯查繼佐范驥也始天啓中文

肅已彫史槩五種大政大訓大事三記開國遜國諸臣

二列傳版心皆彫清美堂莊氏史亦彫清美堂欲其版

式整齊耳順治十七年冬刊成頗行于世陸查范三人

未見書而聞其名在參閱中於是年十二月各檢呈於

學道胡尚衡胡飭湖州府學教授趙君宋溫州人檢舉

君宋買此書磨勘摘出毀謗語數十百條申覆學道按

宋命本學生俞世慎磨勘俞又列揭於學宮之門允城

本姓陳名且升原籍杭州上下行賄竄易書中忌諱處改刊數十葉仍然印行又

賄巡道張武烈持君宋私款君宋不敢校而難稍已先

是莊拜前道王允祚為門生已而王官通政使莊藉其

聲勢以改刊明書呈禮部都察院通政司三衙門檢察

而推官李煥國入順治九年進士申文遂有既經部院檢察便

非逆書之語謂事可銷弭矣未幾李廷樞字辰玉江人

進士翰林院檢討出為浙江督糧道或作吳江人誤吳之榮旗人又發其事初廷

樞任督糧道之榮任歸安知縣以對揭贓款各坐絞罪

繫獄遇赦得出二人流寓浙中越二年聞莊史事廷樞
買得初刻書會湖州知府陳永命旗下人順治九年進士庶吉士其分
房所取士也以書授之謂奇貨可居永命得賂令將明
書版貯庫檢原書還李而李毫無所獲復以書授之榮
蓋始相惡而繼相好又結婚姻也之榮挾以恐嚇莊氏
莊氏恃已呈部院不為理乃搆於鎮浙將軍柯奎將奏
其逆書充城懼屬府學生徐典字秩三原籍松江居間餽松江
提督梁化鳳千金梁為致書禮于奎而事得解之榮憤
親詣莊氏覬其稍餽以解慙莊復訟諸巡道責令歸旗
之榮益憤藉口辭行索贖于董漢策朱佑明及充城三

志卅八 志餘六

十一

家董贖以三千金莊朱皆不許之榮又踵莊朱之門兩
家男子走避令僕婦婢女羣出辱詈之而巡道遣佐貳
官率兵役立逐出境之榮憤甚誓雪讎恥入都籤標詆
斥語而補刻朱史氏即朱佑明一條添入書內奏記於
顧命四大臣 上問命滿侍郎羅多等馳驛至湖州
取府庫所貯明書版知府譚希閔順治四年進士蒞任甫半月
惜不知逆書云何羅多諷以賂希閔不應遂銜之械充
城至都時康熙元年冬十月也充城赴部刑訊不勝毒
楚煥死於獄磔其屍明年正月再命吳戴二滿侍郎至
杭讞其獄當之榮之首告也只恨莊朱二人與餘人無

仇又夙與令哲相善故其書毀去序文及參閱姓名數
葉迨執諸罪人至會城鎖禁於滿洲軍營佑明與君宋
同繫一處佑明哀之曰公為首先舉發者必受重賞若
得救我全家當以家資之半為報君宋貪而許之遂云
此書不全姓名亦不真我有初刻全本姓名無一參錯
則以書中無朱史氏即佑明一條故也自君宋之書出
而參閱之十四人時董已前死查范陸三家免罪撰序之李令哲皆凌
遲死充城在刑部雖已招令哲作序而未見其文尚可疑移趙書既呈無能置辯矣又株連姻
族友鄰繫繫滿獄而君宋亦坐藏弄逆書處斬矣佑明
實不豫史事然其家懸清美堂匾文肅之故物之榮嫁

志卅八 志餘六

十一

禍即以為據亦凌遲死案既定斷廷鑕棺灰其骸骨其
弟廷鉞及其弟子與諸罪人之昆弟子孫年十五以上
者均斬決妻女配藩京披甲為奴希閔絞死羅多陷之
也煥亦絞部院司堂官懼罪屬殺煥以滅口也煥亦受書吏施鯨伯所誤永命以元年冬大計罷官行至山東臺兒莊
聞事發畏罪縊於旅店及是迨柩至杭戮屍其弟江甯
知縣承賴亦斬妻子並沒入官歸安訓導王兆禎署烏
程教諭不數日而事起羅多發莊廷鉞在學拘禁兆禎
誤信諸生五人即列名參閱中者及縣役戈明甫暫釋
廷鉞之京視其父而充城斃獄中廷鉞收其餘齒至明

年二月南歸兆禎已坐縱放重囚罪絞戈明甫論斬之榮又質奎徇情匿奏奎不能抵諱出化鳳手書為徵化鳳方以平海寇功膺寵眷謂書乃典所偽造得脫罪而典械至京處決奎以滿人不識漢字免死歸旗尚衡武烈賂二侍郎及巡撫朱昌祚旗人始得免罪復任二侍郎坐廷樞不自首舉杖之將擬罪之榮力為辯雪乃賞其罪而斬賣書賈王起蛟君朱在黃沙路書坊買得莊氏所刊明書書坊乃李姓所開王起蛟其掌店也兩廣提督吳六奇感繼佐恩極力營救至請納己之官易查之罪六奇平南藩下人故請無不得部議謂查范陸三人雖不比吳之榮之發覺亦係首事之

志卅八 志餘六

志

人依例頒賞於是之榮得蔭襲拜他哈哈番給與莊朱各罪人財產之一查范陸亦給罪人之什物器用三人均委之不顧而去其餘見諸亭林謝山兩先生記事中者此不具○顧父全三家記莊史案事亭林謂廷鑑弟廷鉞兄則顛倒其伯仲貫齋謂廷鑑死其父復招賓客續成不知成書在廷鑑未死前此皆其誤之小者耳若謝山則大誤矣朱文肅作恪茅元銘作錫吳之鎔作鏞柯魁作松魁此名之譌也李令哲官主事而書侍郎府學教授及歸安訓導署烏程教諭是為兩學官而漏去府學分歸安烏程為二此官之譌也參校列名皆江浙

人而曰江楚諸名士此地之譌也其尤甚者云歲癸卯吳之榮罷官謀以告訐為功案吳李對揭罷官在癸巳繫獄六年赦免在己亥首告在壬寅至癸卯五月史案已結矣世或據三家以證余誤故附錄其文而辯之又記李令哲李令哲字霜回歸安人少有能文聲以長興籍中天啓四年舉人榜名木實字端木後改今名崇禎十三年成進士授江陰知縣以廉謹稱光時擢禮部儀制司主事史閣部開府揚州設禮賢館令哲與焉國亡歸里徙居郡城宅後鄰烏盆巷築園名是山以志不忘貽安也因號是山石嬾與潘天行居貞沈宋圻圻生

志卅八 志餘六

志

李夏器不器諸人詩篇酬和又分選同時郡人詩為同岑集仲子初齋字因士負才馳聲氣偕莊廷鉞左黃費爾莊夔一結徵書社而莊費尤為劓頸交莊氏將梓明書廷鉞欲廁爾莊名于參閱中又欲費父韞生作序充城惡爾莊輕洮薄韞生無文名皆不許而屬意令哲遂乞初齋轉為之請乃假手同年陶鑄代作焉初令哲營生壙於趙灣既成夜夢羽士示以絕句或謂發地得石刻云虎穴何須蓋陶公首上文茂宗勤行在或作莫談慎勿昧前因不解所謂自作蒼山生壙紀事詩眾謂祥徵不知預為陶代作序之識也獄急時人皆嗾其指陶令哲曰

無益於我徒損彼耳遂堅自認長孫王綸偽作王姓繼
來者免死充軍實中表陳初熹一子年五六歲乳母負
之逃去餘家口悉駢戮于市而費氏父子幸不列名書
中得免其難鑄字子固烏程人 國朝官平湖教諭有
坐秋軒文集

又記朱佑明朱佑明自其父以上世業木工其兄始商於
楚豫間居積頗厚兄死佑明又力經營至鼎革之際其
門下估客各思避亂委其貨以去 國初商賈不通物
價騰湧數十倍由是家益富一時搢紳皆與結婚郡城
張御史嘉以兄子妻其仲子彥紹佑明奉之甚厚嘉弟

志卅八 志餘六

十四

漢性險譎以奉之者降嘉一等憾之甚時佑明充浙江
織造局內堂長家居石橋浦臨太湖羣盜出沒其間乃
召募勇士置軍器弓刀槍礮無不具為禦盜備也漢以
此與分巡道史儒綱密謀將發為兵役所泄佑明立取
諸軍器沈於湖史至徧搜未獲而兵役船夫偶取其上
供錦段以去佑明訟諸織造太監盧九德厚賂之九德
疏劾儒綱以朝廷職官強劫 御用袍服罪斬遇赦減
等道戍於是佑明之名震遠適草菅人命為其破家者
不可勝計有二女一嫁潘尚書季馴諸孫一嫁姚掌科
延啓之子長子念紹娶仁和王兵曹羽之妹按王氏係
烈婦已載

節叔子克紹娶曹村金太傅之俊女佑明益恃無恐然
終以其居鄰盜窟時有戒心乃買南潯董氏廢第改造
費白金數萬壯麗甲于一郡落成時適之俊假歸迎之
過新宅張宴數日日以千金為供之俊歸諸子問朱之
新第何如之俊曰在大貨船中酣飲幾晨夕耳又問其
故曰若盪湖船即有名公書榻矣佑明聞而病之值其
甥買得朱公國禎家清美堂榻董文敏其昌書款書朱
老年親臺天然巧合遂送佑明懸之廳事禍所伏也及
逆書獄起已約以十萬金賂巡撫朱昌祚僅流徙一身
不累家口既而王羽又屬管理南關旗下人圖賴通吳

志卅八 志餘六

十五

戴二侍郎關節賂省而悔前議昌祚大恨告二侍郎曰
朱佑明家富耦國外間喧傳齋銀百萬賄求免死但之
榮巨猾恐被首發禍反及身矣言未既而圖賴至吳戴
立謝之迨對簿之榮復質其家見有清美堂榻更何辨
獄遂定佑明磔三子與姪釋先皆戮惟幼子得戍邊籍
其家珍寶無算眷屬悉隸關外妻徐氏吞金以殉是時
之俊子告家居亦不能庇其女云

又茅鼎叔記略茅元銘字鼎叔花林人副使坤之孫早慧
八歲通章句十四補諸生好讀史上下古今聲氣所暨
皆四方奇俊之流注名復社同邑章上奏謬臣舉砥行

社徐行道周舉澹成社元銘皆與焉順治末歲貢生年幾六十矣授朝邑知縣當莊氏招撰明書元銘與子次萊預編纂之役事發皆罹于禍次萊妻黃氏殉其夫又吳敬夫記略吳楚字敬夫西林村人烏程諸生耽吟詠好鍾譚派董說稱之嘗偕閔聲選唐詩嶺雲集吳江吳宗潛序之行於世及楚預史禍聲宗潛悉下獄時以史案係累者多文士諸人銀鐙狴犴慨賦詩互相酬答後各免歸聲合諸家詩鈔為圍扉鼓吹編云

臨野堂別集吳愧菴名炎潘力田名樞章才望相埒康熙癸卯二月同以史事株連逮繫虎林軍營吳有營中送

志卅八 志餘六

六

春詩云一半春光縲紲過唾壺敲缺待如何鶯聲啼老聽難到柳絮飛殘撲轉多晚晚斜陽連雉堞朦朧短夢繞巖阿不堪往事成回首總付錢塘東逝波潘漫成四首其一抱膝年來學避名無端世網忽相嬰望門不敢同張儉割席應知愧管仲兩世先疇悲欲絕一家累卵杳難明白憐腐草同湮沒漫說雕蟲誤此生其二吳關一路作羈縻棘木庭前聽五詞已分殘形輕似葉卻憐衛足不如葵下堂真愧先賢訓抱壁幾同楚客悲從使平反能苟活他年應廢蓼莪詩其三關土初經二月春薰風又到紫維身流螢夜度緜袍冷採蕨朝供麥飯新

敢望左驂歸越石還期長珮擬靈均多情最是他鄉侶閒譜龜茲慰苦辛其四閱歷風霜祇自疑難將身世問時宜窮愁只合吾儕事姓氏羞為獄吏知見說臧書刑鑄鼎不聞有夢召胥靡南山此去躬耕好未可重題酒後詩與美生對酌絕句云平生恨不學屠沽輸與高陽一酒徒此日尊前須盡醉黃泉還有賣漿無是歲五月吳與潘俱磔於杭之弼教坊同死者二百餘人先一日吳語其弟曰我輩必罹極刑血肉狼籍豈能辨識汝但視兩股上各有一火字者即我尸也聞者無不流涕

志彙鈕玉樵

臨野堂集黃圭庵詩文集序云吳愧庵先

志卅八 志餘六

七

生被難其妻子流離冀北老母年且七十餘髮垂垂白覆雙耳倚徙蓬葦間天涯目斷旅櫬浪泊而閨中婦殉義國門外幼孫被羈紲走遼海數千里道且夕之膳待命閭里嗚呼悲矣玉樵有感事詩云赭服南冠兩鬢華卻攜妻子繫天涯春風客淚河橋柳夜月鄉心驛路笳物哭茫滂猶有母飄零張儉已無家只今知己多豪俠空憶當時廣柳車又有弼教坊詩云絕命悲辭獄裏成銜鬚赴市氣崢嶸會無富貴娛楊惲偏有文章殺禍衡白骨幾人收遠瘞青編何日署空名只應日夜錢塘水怒作寒濤千載聲蓋皆為愧庵作也

蠅鬚館詩話莊氏史案之波及吳潘二子者實非應得之

罪百餘年來其著述遺聞半歸湮沒唯王曉菴先生詩

文集尚斷斷不置真可謂歷歲寒而不渝者也古詩

中齊化門一首注赤民夫人絕命處詩云白日荒荒仲

夏嚴霜蕙凋蘭萎不改其芳一江東之羽羅于薊北洵

河仰窺爭為德色二寄言洵河德色何為冥冥羽化樊

籠安施三謂金可開謂石可裂願為精衛海枯恨竭四

養氣既充刑于不爽如月之望與日代光五又廣甯城

一首注力田夫人絕命處詩云大凌河東日欲低廣甯

城中牛馬嘶道旁宛死誰者氏忠臣之女烈士妻憶昔

干戈擾京國紛紛肉食皆偷息中翰指力田婦翁沈

軀甘若飴江左江山為生色回首俄驚二十祀遺息伶

丁歷九死茹荼齧藥初長成喜嫁良人得良史不逮事

嫜逮事姑鳴哺還能均兩雛但知婦德足慈孝安知世

路多崎嶇崎嶇世路原缺十弱質何堪虓虎毒刀圭日

夕謹護持下報良人義不辭遺腹有兒轉自傷一綫千

鈞安置之忍死北至長安門嗟哉朱郭不復存迴輪浪

向遼東去愁腸百折心煩冤本為遺孤重跋涉遺孤已

亡安用妾千秋榮辱爭須與豈惜餘生輕似葉嘔血伏

車意獨苦葬身無復南朝土萬里貞魂歸不孤後有良

人前有父父兮夫兮同不朽先驅況有延陵婦指赤民

九京猶憶分酖時相逢各喜無相負氣作長虹精化字

更結愁雲蔽明月愁雲蔽月何嘗開廣甯城崩遼水竭

據二詩則吳妻先處極刑而潘婦以有遺腹遺戍遼左

迨遺孤既隕而沈氏亦遂殉節爾非曉菴之詩人又烏

能知二婦之貞與烈哉按槐庵弟稼堂末官翰林嘗

又顧甯人先生亭林集有汾州祭吳炎潘權章二節士詩

云露下空林百草殘臨風有慟奠椒蘭非溪二子居血化

幽泉碧蒿里魂歸白日寒一代文章亡左馬千秋仁義

在吳潘巫招虞殞俱零落欲訪遺書遠道難二子蓋因

吾鎮莊氏史事而死

盛百二袖堂筆談稼堂太史送其猶子至遼作度關曲蓋

身歷其情景不自知其悲楚激昂他人擬作決無此真

性靈發出也康熙初湖州莊氏史禍吳越名士因嫁名

罹其害者十七人子孫皆發遣而潘力田先生遂與其

難後雖逢赦然安其風土而不能歸矣十七人之外如

陸麗京范文白查伊璜賴有力者為之代白故得免麗

京被緇雲遊四方後雖暫歸究不知所之麗京之女名

莘行七歲即能詩著有雲遊始末以紀其事莘行後歸

蠅鬚館詩話西廬文鈔一冊文僅四十餘首所紀遺聞逸

志卅八 志餘六

六

志卅八 志餘六

九

事亦少今擇其稍明哲者著於篇歲交詩序曰予得交此翁因漁菴時漁菴居南城方卻黃藥嗣書閉關高枕人罕識其面而此翁孝章醒公諸君子獨晨夕焉此翁兩節母尚無恙每炷香淪茗先供二母次以及客指之曰吳中謂二石像此乃吾維衛迦葉也既此翁以孝動天子兩節母死生得褒揚至顯融矣漁菴忽忽棄南城去未幾天地崩坼寄命戈鋌以此翁之孝至不能躬其親之含殮而漁菴亦流離委瑣以歿舊日吟風弄月之地轉盼為灌莽斯何時哉而此翁乃以君親無窮之一舉而注之于漁菴十餘年間幻溇南沮洳之地為琪林

志卅八 志餘六

干

香谷凡漁菴之所欲為而不得為者靡不為之不知天之借此翁以成漁菴乎抑亦借漁菴以成此翁也抑漁菴之于此翁各自有在兩相成安知其不兩相落也今漁菴之穿堵巋然而兩節母之遺像在室每過其處高風謖然彷彿南城時又不知今之時為何時也歲交詩者此翁自譜其流離廢興之迹因日月之終始而為之永言寤歎者也首某年繼某年某年以暨于今志其初志其變而特未得其止也是義熙以後之甲子也醒公已矣孝章猶在尚可得而識其意也又刻證人譜跋曰證人譜者念臺劉先生之所以為教也先生未沒時刻

於越中後十三年朱子相氏復刻于溇上子相文肅公之孫從吾友沈尹同子游樂善不倦庶幾復先生之教以自證者憶甲申之歲抄子得晤先生之友元趾王先生生于溇上元趾盛稱此書其明年元趾遂與先生俱成千古竊謂元趾在溇宜有俎豆今是書之刻於溇倘亦元趾之意也夫刻成又三年歲在屠維閏月之朔後學張雋謹跋聊誌之以備溇之掌故

又豐草菴集張非翁為余買書志感感恩聊寄綠葵箋重結他生文字緣門外苦催賒藥券人間誰假買書錢空登西閣日相望同在南村竟各天萬卷子孫能永保只

志卅八 志餘六

廿

教世世頌高賢蓋張與遐周先生交好宜其惓惓如此故豐草菴文集又有書先君贈非翁長歌墨蹟後曰每欲搜羅舊文集先人遺事為高暉堂家語一書如東生能始諸先生集中贈和之作為詩文緣雲栖慈山兩大師法語為出世緣與閔康侯先生讎書討論諸文為著述緣先人集中前後遊覽名勝諸詩為山水緣先人手跋碑版舊文名賢墨蹟諸文為圖書緣清緣畢集子孫永寶甚善恨病未就也先大宗伯手評兩漢書真本落人間非仲先生力購歸先人先人手書長歌為謝非仲先生義甚高家語圖書緣此為冠矣昔康侯先生家富

藏書天性嗜學如劉伯倫之於酒謬謂余讀書無經生習氣辛壬以後或徵奇字或證異聞尺書日走潯上病甚猶強起寄書于余論同名錄二百餘字言微楷細也康侯于余家殆世有著述緣而數年來非仲先生授經南村憐余愁病則為余買書故病孔雀編載志感詩有萬卷子孫能永保只教世世頌高賢之句非翁于余家亦世有圖書緣矣非仲家居湖濱之吳淞故集中又有聞非翁卜居潯上之作其他如題張文通先生古今經傳序略云讀序略者聽之某世某年月日慎勿疾馳章句加深思始皇帝三十四年制可丞相斯非醫藥卜筮

志卅八 志餘六

三

種樹之書皆燒之皆燒之六經不絕如絲故漢有京房故吳有虞翻故熙甯己酉孟冬望日文同有黃氏易圖後題故淳熙四年丁酉冬十月戊子序詩集傳新安朱熹春秋善惡並書聖如天覆無是非翁作序略師仲尼異同森列人自知敬識時日寓所悲倡和甚多不能一一詳也

董燠董氏詩萃吳淞支誦孫公諱二酉郡試太湖賦得名已從張雋先生研味濂洛書館閣修書傳彙纂頗採其說并列其名於諸儒中史禍株連已前卒坐其家

潯輯張集言先生中倫為仲行先生中慮之兄嘗見其墨

蹟一條云揣骨相倪瞎子雙林人言富貴窮通多奇中順治丁酉來寓祇園寺子偕朱行翁及仲行弟往試焉仲行弟囑渠先相倪曰子生于何年對曰戊午倪曰四十歲矣子今科當中惜年不永不過以孝廉終耳次相朱行翁撫其背曰揣子之骨富可敵國然骨不依筋大是敗相惟行大善事或可保此首領次相子則曰子一身無得意事惟壽筭勝于他人是歲子弟果中康熙甲辰卽物故言以孝廉終驗已朱行翁因史案牽連于康熙初竟遭大戮子寒殯枯坐垂四十年今六十八矣何處來得意事壬戌仲夏靜庵老人識

志卅八 志餘六

三

楊式傳果報聞見錄康熙初年湖州府庠毛某學問頗優輒冀上第偶至于忠肅公廟祈夢公謂之曰汝大限到矣尚望中耶毛懼虔叩之公曰應大辟耳毛又懇曰可得免乎公曰前生劫數無可逃也憐汝哀切可免痛苦舉案上金剛經授之曰汝日誦之有驗毛遂日誦不輟後為莊廷鉞史案波及問斬臨刑之前夜病死戮其屍焉

徐逢吉清波小志萬松嶺之中為萬松書院志稱宋時有報恩寺久廢明治十一年浙江右參政周公因寺舊址創建書院名曰萬松後復圯毀至康熙十年巡撫范

公承謨以南潯朱氏籍沒之屋題准移構于此仍稱萬松書院康熙五十五年 賜額浙水敷文四大字自此改稱敷文書院

冬心廬雜鈔朱佑明舊居在白鵝兜今董氏世居之董始售於朱及朱籍沒官價贖回世德堂一宅計銀六百兩今尚有官給執照存焉按世德堂朱為正明堂乃居中正廳事額版仍朱氏舊物髹漆之內隱隱露正明二字痕其左壽俊堂朱為尊樂堂其右偏南小廳今王姓所居為清美堂蓋當時書舍為留賓宴會之所云 按清美毀移建杭州敷文書院王姓所居敬義堂乃後來所建特即其遺址耳

志卅八 志餘六

廿

熊懋蔣希圖聞門錄吳興莊某作明史以查伊璜列入校閱姓氏伊璜知即檢舉學道發查存案次年七月歸安知縣吳某者持書出首累及伊璜伊璜辨曰查繼佐係杭州舉人不幸薄有微名莊某遂將繼佐刊入校閱繼佐一聞即出檢舉蓋在庚子十月吳令尹為莊某本縣父母其出首在辛丑七月若以出首早為功則繼佐前而吳某後繼佐之功當在吳某之上若以檢舉遲為罪則繼佐早而吳某遲吳某之罪不應在繼佐之下今吳某以罪受賞而繼佐以功受戮則是非顛倒極矣諸法臺幸為參詳各衙門俱以查言為是到部對理竟得昭

雪遂與吳某同列賞格分莊龍籍產之半

蠅鬚館詩話潯溪莊氏史案自亭林文集載吳潘二君之外或言張非仲實與斯既然不見載紀今讀全謝山先生文集有陸麗京先生事略則講山先生其一也按事略陸圻字麗京杭之錢塘人也與其弟大行培並有盛名為登樓社世稱為西陵體乙酉之難大行里居自經死先生匿海濱尋至越中復至福州雍髮為僧母作書趣之歸先生尚崎嶇兵甲之間思得一當事去乃返雅善醫遂籍以養親所驗甚多會莊鑑史事發刑部當大逆詞連先生與查繼佐范驥三人於史固無豫莊氏以

志卅八 志餘六

廿

名高故列之卷首械繫按察司獄久之事白 詔釋之既得出歎曰余自分定死幸而得保首領宗族俱全奈何不以餘生學道耶貽書友人封還月旦不知所之蓋講山與潯董氏固有交豐草菴集有麗京賣藥謠并序秋日得陸麗京書餉余恭壽堂診籍詩云涼雨吹枯澤涸不能拔擢秋蘭稿麗京賣藥不能起豐草麗京賣藥三吳豐草抱疾蘋洲青松為籌落梅為點閉門偃蹇排河圖爾為醫恭壽者書言怪奇我且為卜不敢日垂簾于蜀可以療飢不相見十年十年相思千秋萬歲謂我二人何為乎

湖錄閱聲字毅夫號雪蓑烏程人少有才名善飲醉終日引滿不醉醉愈豪舉筆灑灑千言人以擬徐文長盧次梗之間明季乙酉將歲貢竟以逸民自置同郡吳楚選唐詩名嶺雲集聲爲之序先是南潯莊氏私纂明史禍至九裂奸人因而索賂別生事端以楚同事莊史遂累聲下獄一年日爲詩自娛時浙中以他案受文字之禍者纍纍滿獄羣起而和之曰圓扉鼓吹迨獄解年已七十矣性仁恕見義必爲家益落工書法雕篆晚年藉以餬口猶及見其子夢潮乙卯登科壽八十四無疾卒

震澤縣志吳江四子張雋年最長董二酉次之吳炎又次

志卅八 志餘六

其

之潘樞章最少皆博聞有才棄諸生以著述自娛南潯有瞽者莊鏡私輯明史未成前死其父復招賓客續成之有吳之榮者舊茗中令坐法罷官將去挾之以要賂於莊氏莊氏不從之榮慙而怒上書告其事事下所司窮治辭連雋炎樞章或勸之自爲計笑不應闔戶攝衣冠危坐以待捕者在獄賦詩相酬和遂論磔戮其同產昆弟子男年十五以上者妻屬徙邊二酉死二歲未葬剖棺到其尸妻子論如例母年九十餘死於途雋字文通一名僧願二酉字仲孫炎字赤溟樞章字聖木更字力田籍其家惟有書籍而樞章家爲最多云

見貫齋道集

又沈鍊字兼人少讀書隱居農圃處士王錫闡女弟許嫁某氏子未婚某氏子坐父累發遣女日夜涕泣求死誓不更字人鍊王氏戚也聞而悲之遂子身走數千里抵塞外踐冰雪設奇運策卒歸其夫而合配焉某氏得有後以延其宗祀皆鍊力也檢討潘耒高其義比之吳保

安云 本潘耒遂初堂集

紀磊沈眉壽震澤鎮志王濟字日鱗本姓莊陸溪人年十三爲諸生聘王錫闡女弟錫蕙未婚以家禍戍潘陽及歸隱洞庭翠峰寺後贅錫闡家遂從其姓旋徙爛溪潛心正學於身心性命頗有所得卒年五十二著半硯齋

志卅八 志餘六

其

詩文集錫蕙字樹百性淑敏得兄錫闡指授通應算勾股法莊氏禍作屢求死母吳護之得免後歸於濟有唱隨集五卷

臨野堂別集吳南邨先生明末食餼歸安名馳三吳兩浙間鼎革後改名宗漢與兄東籬弟西山偕隱終其身絕迹城府吳興莊氏聘修明史堅拒之卒免於難

姚汝鼐勉園雜著先輩有識見過人處莊氏修明史紀略吾友紀達階 度 陸彬甫 璘 亦受莊聘其業師張繹庵 應綸 懼其罹禍也日至莊氏門與達階彬甫揚厲鋪張講項宮詹制藝人以時文鬼笑之則曰吾恐殺身故但

講時文耳莊心厭之而無法以遣因辭紀陸二人故紀陸不與禍皆張先生之力也

紀氏族譜紀鎬字武京號亦山縣學生識見明卓受業湖濱張西廬時同里有構造逆史者徵集文士公以大義責之杜門謝客事覺西廬被逮公獨不與其禍及張受戮往取其屍哭而殯之

華氏傳芳錄繼山先生之傳云時得多大獄好事者冒事風生大姓俱岌岌不自保會里中沈姓病卒漁人倪四偶與沈口角而棍徒三四輩乘釁修隙陷倪以殺命詞連先生輩先生憤然不平命子球詣公庭訟冤得雪

志卅八 志餘六

廿

先生為人有膽智當其壯也方士魘魅之術盛行而先生雇工朱三特假其威以濟其牆茨之穢事洩而風生者竟誣以邪道波及先生揮去千金家幾破又癸卯間莊某以逆史事發治大獄先生以周親著搜逆犯不獲先生父子俱被逮嗣獲其孫得釋

志稿家胎箬先生汝煌夢有人持篋來致書幣啓視則滿篋皆人頭傍有呼者曰汝亦在此數內也駭愕而醒明日莊氏聘使適到一如夢中所見遂力辭之不與于禍此事或云西庵公或云芝筠公未知其審又有某者已受聘忽中悔不欲往而無可為辭謀諸婦婦曰子第攜

烟具往無傷也及至莊氏屢索火吸烟莊厭之遂為所屏竟得免禍

善田張氏族譜張漢翼述云余家豐芭堂住宅本思齋公別墅也先大父君如公復于宅後置田二十餘畝並桑地一畝八分桑地南傍徐家濠小兜北傍白鵬兜白鵬兜東即朱佑明家與余家一牆相隔佑明惑于風鑑家言欲將兩小兜鑿通因謀買所置桑地公不肯售及崇禎庚辰春家大人諱麟生字聖游途遇佑明佑明強邀至家有王某者與朱素親暱預為代寫賣契注明價銀二十兩并以銀強納家大人懷中逼令用押家大人不可擲銀

志卅八 志餘六

廿

于地而出佑明喝悍僕數人持械追毆家大人驚走失足墮白鵬兜水中幸鄰里急救得免漢翼等因約族人執朱家悍僕赴縣控訴官置不理家大人憤恨歸家大病幾殆迨康熙初佑明因逆書一案全家伏誅產業入官朱屋西南角隙地三分平屋兩間與余家書樓相連家大人於己酉年奉憲承佃改造樓房賜曰雷雲并跋於後蓋以雲不可久雷欲子孫體此意以相儆勉也家大人臨終誡漢翼等曰天道惡盈一切損人利己之念斷不可有試思三十年前余受朱氏凌侮幾不得死于枕席一轉瞬間人所謀我者不為人佔我所不謀者反

為我有可慨也亦可懼也汝曹宜謹識之

尋韜倉橋邢氏藏有康熙四十年里人公呈底稿三紙大

同小異今撮其略于此呈為逆黨違 旨欺憲舞弊殃

民公籲矜鑒誅惡蘇困事康熙二年間逆犯朱佑明等

一十八案造寫逆書生者凌遲死者戮屍房產籍沒家

口流徙佑明盤剝億兆號稱百萬所有民間房屋田地

逋債抵戮當即報官造冊隨後墳園簿欠對驗不爽差

官估勘奉 旨變價其承佃租戶鱗派各項珍珠路費

細軟路費家口路費逃入路費 皇租部費倍於正價

奉比督追尋蒙 特旨召佃 欽房俱係同郡紳衿士

志卅八 志餘六

辛

民地方塘保舉報並無告佃之人納價則櫃吏苛勒火

耗加二彙解則有收頭催頭解司項下使用加三官搜

參罰民權血比上累父母下鬻兒孫所費不貲難以枚

舉歷有案據 一呈云估價召佃各憲府廳縣屢受違限

承認自康熙二年起至十三年止一切耗費雜用倍於

正價十年追比慘累難名又一呈云佃戶之死於敲扑

斃於拖累者不一而足 自承佃以來三十餘年 又一呈云佃帖給

餘開事隔三十八載 展轉授受或攤毀成墟或頽傾改造無從核

對前朱逆之孫朱駿肇越次潛回兩次陸信源陸美中

等即欲造謀詐害民間奉部追緝回莊今朱大成 一呈

佑明之會 朝廷有捐納馬駝贖罪之例 恩准回

籍 一呈云上年九月間奉文回籍 不思悔艾乃反親齋部文到轅投遞

假捏安插清業四字 一呈云部咨外開有安插清業四字 混呈在案冀翻

朝廷成案贖變價之 欽房蒙批烏程縣查報 一呈

構陸信源等捏稱佃中遂將入官房產編造一冊漏送

在縣必欲給價回贖口稱有官幕仇形雲從中鼎持招

搖恐 據稱回贖有例不知此例何來 一呈云奉 旨承

朱大成有何授受而稱回贖即所開安插清業一語原

無清贖房產字樣伏讀現行律文入官變價之產並無

回贖 又云身生關外父沒北方廣造之冊籍明係陸信

源陸美中唆誘扛帮美中更名兆嘉稱係譯字官生鑽

志卅八 志餘六

至

營護身招搖打合總甲履戶挨查 又一呈云於今十一

月手執一冊逐戶查 典激切上呈

情燭奸剔弊將本犯朱大成暨黨棍陸信源等立寘重

又莊廷鑑病歿即葬於吳江六都北洪字圩 按今地分屬震澤 墓

門上有才高班馬四字浙江學政谷霖蒼題及剖棺戮

屍墓門亦毀今虛塚遺址猶存孫陽顧六都志作莊左

黃墳者誤也

補遺

姚世錫前徽錄先伯祖子明公都諫公之長子順治甲午
舉人辛丑會副識見高超禍福利害瞭如指掌錫聞故
老言朱佑民逆書一案賴公一言舉族免禍謹述其願
末於左○都諫公婿李某乃翁為明末部曹鼎革後隱
於家其故第即錫祖父相傳之甯遠堂也都諫公既解
組李姑丈時時過問翁婿極相得先伯祖一夜忽夢有
餽問及門趨視之但見人頭數顆驚悸而醒次早至書
齋都諫公方與李姑丈劇談公正欲述宵來噩夢聞人
進言南潯朱家差人候安有書札禮物都諫公令持入

志卅八

志餘六

廿

則紵絲銀爵光采耀目書一部札一通求作序文一篇
而已公以夢故在旁力阻日語言文字召禍極易倘書
中或有忌諱他日何以置辯望大人拒絕之都諫公首
肯李姑丈忽啞然笑曰大舅何太拘泥倘畢竟不許曷
不授意來使令求老父為之耶於是佑民舍姚而就李
滅門之禍起于欲羨潤筆之一念竟至老幼駢誅家產
籍沒其居第先祖承買迄今百年矣禍福機關判於片
語我宗無恙豈不由先伯祖一人之力哉

明名浩敏世錫之祖名浩格字
子莊李某即李令哲之子初燕

按給諫名延
啟字季迪子

志餘七

汪曰楨撰

南潯鎮志卅九

蠅鬚館詩話張爾就先生肩康熙初隱居溪南之石澗工
墨竹一時推重鑑近在包山見其墨蹟頗多蓋爾就晚
館於山之秦氏十餘年而秀水張氏庚作畫徵錄以為
吳江人者誤也董芝筠有采菊詩為張爾就賦云誰傳
義熙意千載託孤雲寂寂邛中琴音希世無聞張生抱
幽興植杖南山耘根株發泉香和風扇秋芬四時樂澹
懷庶幾達者羣據詩意蓋亦遺世者歟

又石澗張肩人但知其畫竹不知山水人物亦妙今按西
廬集有題赤壁圖云滿目江山已可憐更憑絲筆著秋
妍故人明月應相笑夜夜臙臙單客船原注曰爾就為
敬夫作嘗歎畫赤壁無佳絕者以不知夜色故也嗟乎
洞簫絕響孤鶴不來我輩過從渺如長夜知予心者試
屬和焉又用韻贈張肩爾就云髀蓋絲來共密疏妒君
容易讀難書必逢疑義輕車似每慨交知落葉如已信
習忘同從宅新傳卻老是多梳無思要自深思得莫道
迢迢但覓渠觀詩起句似爾就又知天學者賢者固不
可測耶

志卅九

志餘七

一

張丹山潯溪棹歌注曹秋岳浴曾寄書張爾就肩極論畫
竹遠近多寡之勢兼及史記僮約頭責文章煩簡之法

甚暢書載卷圃尺牘

紀氏族譜紀象春字汝生娶烏鎮顧氏生一子承午舊傳

公有次子繼外卽帷幄董漢策也緣孺人與董母係胞

姊妹董不宜男私訂抱送帷幄甫生卽匿蒸籠中裝作

餛飩送去臨盆坐守旋報生男雖董氏族眾環聚不覺

也既而漸洩其事因爭呼帷幄爲紀餛飩云按此必傳

事實也觀董中條身後爭繼至于訐訟紛紜久而後定

構造百端終未有言帷幄出于異姓者且其事既洩影

灼如是董氏族人又安肯默默乎庭庵家誠旌節先妣苦節一生實爲董氏再造癸巳春月

先妣傳家有序一通備述艱苦今錄于左序曰從來說

志卅九 志餘七

道創業難守成亦不易要曉得守成的人便是創業的

人不是兩種但偶然遇著時節因緣便有創業守成不

同的名色總皆苦心經營自己立身不犯諸惡然後做

成事業非同草草卽如我年未二十歸於董氏時方多

難尚書老爺棄世已久三代科甲盡皆捐館此時只有

先衿母徐太太在堂汝父又多病只好靜坐不理家計

太太暮年好靜不能十分照察倉廩所遺田產大半消

耗典中剩本不過二千金中間掛空號的又大約有小

半房租零落不堪朝夕喪殮不繼又有三種大弊其一

太老爺規矩已失家裏人盡是放肆的不肯遵守約束

況且主母老家主病全然不看在眼上呼之不應畧一

整頓便一齊反噬此一大弊也其二如太老爺勢力大

了各處小百姓未必歡喜且家裏丁少相公叔叔不過

兩三人支撐不來外侮頻起委實難當此二大弊也其

三向來人情世法不能減省却是屋裏空空的無錢無

米竈下日用又多每日燒柴也費百十斤此是虛空架

子手下人偷去也用度如此太多日日無錢分文不進

如何度日此三大弊也我到董家來恰好頂這箇苦頭

拋又拋不得做又做不來難煞難煞我只得勉強支吾

將從來三弊漸漸消除家裏人要他守法外邊人來欺

志卅九 志餘七

侮的可忍則忍不可忍便情願棄性命破錢財與他作

個對頭其餘柴米費用之類務要覈實不必用的多省

了如此做去方纔脚根站在實地上却又不幸汝父因

屢科不第鬱鬱病癩日夜長眠飲食不進我因董氏式

微汝父之病關係非淺早起卽侍坐湯藥之類焦心勞

思不曾一刻得空晚間同眾等圍坐看守服藥無效便

去求天拜地鬼神禱祀之事無一件不做了以後幸天

憐董氏病漸平安繼嗣復生多是天助絕而再續我復

苦心朝夕侍養汝父卽有病患自家也不及愛惜又要

料理家事指揮童僕風吹日炙我多不顧豈不苦耶其

中又有福未享而禍重生之苦天啟三年幸生一子冬間便遭大故衿母徐太太背去內無主張外無倚託兒幼無知只得寄養在先姊二房太太處喪事粗畢賊黨又生徐柳奸人搆通偷盜忽然拋磚爲號殺入臥室網了汝父又燒又搶我只得攜汝避了室中所有一旦罄盡且外無救援盜黨公然出入天乎天乎何苦我至此耶無救也罷還有從中生事的說道盜在家裏將以不好名色加在我身上我只得呼天求救務要擒賊雪冤此時虧得汝外公及長白太公聞鄉雪因兩舅一力擔任捉了賊併捉出徐柳線頭見官見府問成罪案方得

志卅九 志餘七

四

表明了自己苦心小小報了仇也不意寇網汝父驚駭病深從前痼症至此復發更覺不好我也只是丟性命被錢財求醫求佛要救汝父遷延不愈竟不見好吾此時另立箇主意說道父病子在便是根基大約病者不可復起我只看得兒子長成便是好結果了即將一片用心費力求天拜地的肚腸安放在教子一節上去也兒自襁褓中多病我惟恐不濟事積些陰德務求長大成立光揚祖宗做箇頂天立地的漢子汝父病深渾不省事古玩打盡書畫焚盡玉器金飾之類全不照管託人管了盡皆偷賣或將假的換了又兼屢次失盜家傳

精華大抵盡失我也總不關心豈是不值錢他只爲有了兒子萬般皆在譬如我自己布施了也如此自己譬喻過日可憐可憐汝既出世我便思一頭好親事做箇外助其時惟有吳門申宅是我家舊親文定相公又是先太老爺的門生遂憑媒妁定婚申宅幸而青翁二老叔頗肯照顧也完了我一點念頭向來兒漸長讀書就傳我惟恐讀書不出又恐獨子驕養先生不嚴空過時日又恐體弱過勞讀書成病喜得三件俱不礙十歲後勉力借債思量爲汝行禮納采只是自己力量不及耳歲在壬申夏間三房旌節李太太見我向善苦修婦道

志卅九 志餘七

五

兒又聰明決非凡品遂有立嫡耐食將家產授我之意一言已出爭者四起同宗骨肉爲這幾分銀子便同仇讎一般你也來奪我也來奪奪得落得此是如何景象我想起來三房家產我又不是貪圖他的分明是太太好意以繼嗣爲重立嫡立賢也無差處我如何忍得却又思量這般氣色一箇女流如何抵敵得住況且凡人以情義爲重錢財爲輕我不妨退讓一分使大家一團和氣豈不快樂爲此只是靜守憑太太分付眾位尊長均分便了不幸命薄太太又仙逝去矣孤身無倚全沒幫助汝只曉得讀幾句書全然不解我的心事虧得有

至親閔唐李沈諸位老爺從公分派漸覺內外大小俱無間言是年冬間忽遭汝父長往之慘痛切肝腸我不能身代幸得喪事苟完家業亦定便勉力揭債借了王店盛宅千金爲汝行了聘後汝亦入學卽勉力爲汝畢姻亦補了廩在士林中有些浮名我只望汝中了便完了我心念也數年以來偶值荒亂成名一事至今未遂我只朝夜以望今世界亂離我只有一子若汝出仕我何所依縱然富貴我也提心弔膽不得安甯故功名二字我也斷不以此責成於汝幸喜天助善人孫兒繞膝雖然目下靜守前來正未可料可喜也可喜也但是甲

志卅九 志餘七

六

申以來國家多事南潯小小地方寇盜日夜暗算我是女流豈料命運不好在這箇劫裏只得母子相依外邊的事汝能撐架裏邊的事我自補湊乙酉年秋間生死只在頃刻幸汝努力不至破家冬間遭了大盜劫掠南邊三房太太所遺當本盡失內房舊存物件也被劫去丙戌一年流離遷徙刻刻在刀鎗裏過今雖粗安我只體不貼席也從中力量我道是全憑上天福庇我因此發心持齋奉佛此是我身親經歷的豈不自省我做人到這般田地受了千辛萬苦雖是只得這幾畝田產幾間房屋却是我一生苦節做成的卽此皆是我一生

心血也較前初到董家的時節僮僕也將就守法外侮也將就安息弊耗也將就改正我也算得不負董氏的人了況兼汝又長成行年三十汝父雖得汝能繼守書香外邊的人多頌我不失苦節又贊汝能養老親施恩佈德才畧優長學問充足雖未好許汝果然全備或者能不失一二也未可知爲是我却放心了兼之我老且病因前日伏侍汝父時喫了風霜把持家政時受了煩惱體中日漸狼狽飲食減少風痰常發雖賴汝醫藥不到得衰憊却也覺得費力我若只管擔這重任我也忒苦了我今只要皈依三寶念佛養靜做箇在家出家的

志卅九 志餘七

七

樣了擇吉已春將所有家業交付與汝汝可靜守哲訓體我苦心不必固辭此卽養母第一事因我老年欲圖安靜況從來做事英雄皆從磨鍊世故裏面打磨出來卽此管家理事多是英雄學問也我自聽堂前田畝以供朝夕禪定奉佛閒居自好是我之願汝有孝心正不必在飲食孝養上見卽能一朝擔任撐持得門牆或者運至時來有箇出頭進步日子便是真孝也汝聰明個儻不是等閒人能識時觀變見人春風和氣自然無人怪汝只是每事疎懶不肯細密恐有小差失處我常憂念然青年有志只未曾精鍊所以是這樣若一加用心

自然是不忝所生的人但願積善降祥以後子孫茂盛家業興隆讀書的功名早就操家的精神強固不為世運所消不受他人欺誑教子成名書香絲遠榮親顯祖奕代賢仁便不負我一生苦心董氏昌盛有期矣

又世間固有不可解之事自非身親鮮不目為誕妄者如我一生所經歷癸未閏羅之夢甲辰元天之夢無不歷歷奇驗諸如此類奇兆甚多即兩次在蒼禾祈雨尅期霑足皆無心得之雖事出偶然亦一奇也倘載入稗官後人必指為妄矣○余在童齡見諸大家宴客所用瓷器大不過三徑寸久之漸移今且大如缸矣食器愈大

志卅九 志餘七

八

而家愈貧於此可以見風俗之日漓也今諸大家雖極貧而奢靡如昨我不知所底止○我嘗欲構別業于居吳漾畔奈未得善地耳不必多構但仿孫真人退老記便已足此地北望洞庭兩山門外一泓好水漁釣最樂○屋租盛衰亦有氣運前此壬辰癸巳之交屋租頓增我同支加租至三倍我念薄德即此賃房人與我比鄰而居我不能施惠何忍加租耶所以自壬辰至今悉照原數不改先大宗伯一定之額也至於續置房屋租額畧重則又遞減七八折甚至五折不等汝等無論盛衰但守故吾睦鄰恤佃是亦一善行歟○宴客用優人登

場賜坐或尚在通融呼之同坐角飲則褻甚矣今人敬優兒如師友殊令人訝即不與之坐不過曰不在行而已天下事被在行二字誤卻多少

江峯筆記先從父怡庭公舊藏先徵君小像數十幅每幅後有徵君親筆題識一展閱間徵君生平德業風流宛然如見惜題識大半脫落不可一一攷究余恐年遠并所存者或不免散失因敬錄數條俱照徵君手蹟不敢妄易一字其殘蠹者缺焉○秋七月苦旱余方靜息評史記守道李公遣人從禾中齋書來請祈雨余勉赴之李公欲建臺如世俗法余不可時禾中有羽士燭定華

志卅九 志餘七

九

夙負聲譽余請以折簡招之登臺行持余惟行靜功於城隍廟之玉閉沈子商節昆季吳子寅工皆在座首日微雨三日雷雨作余即辭去時七月十九日也禾中諸老畱宴余力辭之乘風揚帆歸沈子序夏輩岸上追躡招余暫畱余荅之曰再停七日則川滄皆盈吾不必畱也序夏為之悵快而返至二十四日果連日大雨慶霑足○余於二十年前曾囑潘逸老徧拾遺骸埋藏普同塔矣歲久遺骸更多遂呼莊奴船役給以錢米走荒郊殆遍悉歸義塚焉時壬子春正月也○自雲棲還會城即遊大滌山山故有洞霄宮宋時最盛殿宇宏麗傷分

七十二齋皆羽流居之歷代仙去者如郭吳葛許諸真人皆潛修於此山勢環抱原名九鎖最近一關馬不能方行相傳宋孝宗略加疏鑿以通輦道于是真氣洩矣殿尋燬諸齋盡頽廢不可問口有孫善長鍊師寓此志在興復而資力未辦僅葺無塵殿并方丈數楹而已余過此慨然念之其地有青檀山天桂宮伏虎巖來賢巖撫掌泉白鹿山房金口口虛皇壇九曲齋翠館齋黃茅山藏書巖大滌洞諸勝余爲賦詩紀之大滌洞中有石如雲扣之如鼓亦一奇也歸返蓮溪休息不越月遂結友溫子叔口張子懸渡巖子兼山皇甫子大立及二三

志卅九 志餘七

十

羽流湖口航茗溪重至洞霄宮修真武懺法七晝夜時枋兒隨侍亦與焉懺期中二虎守門靈幡自結圓期有月華之瑞感夢元天遣二神護行且似有愀然不樂之色殊不可解越一載北行遭難始知奇應也○向聞水月老人名云年已百五十歲所云皆奇驗余初未敢信壬子之秋謁范大中丞詢及老人本末范公曰數十年前曾相晤於關外言無不驗壽踰百五十非妄也余始信其真是年仲冬七日偶以督葺萬松書院舫於聖湖與潘子受公沈子聲紫鷺坐話潘云昨見水月老人問起居再三盃往晤言耶余遂以次早乘肩輿至石岫門

但見茆舍三楹在桑林曲水間遲許久老人乃至啟戶入室如漆次第開牖天光始來奉佛一龕繩床無枕被以麻鞞爲枕褥懸梁上已塵封矣老人與余分賓主坐顏甚恭惟言天下將亂蠻王如某某皆將揭竿起又言范公將入閩不可不畱余見其言語參錯似無倫次者意頗訝之老人忽曰潯中蟲災余答云幸不至甚老人曰子莫欺我潯自某至某縱橫可六十餘里有人保奏頗有收子何諱也我雖伏處環堵常至天上誰能給我者余爲驚服蓋九月望後曾命羽流修懺保蟲災老人所述自某至某數言則余青詞中緘閉語無人知者吁

志卅九 志餘七

十一

可怪也老人曰子將來有人邀同入都此不可不去余遂具陳有薦贖我方固辭不欲去也老人啟戶送我又撫余背曰勉哉不可不往余遂別去還至湖湄晤曹秋岳親翁云有沈逢吉欲至潯可同載否余唯唯肩輿先至水次少頃逢吉至薄暮小飲逢吉忽言水月所言之奇中余詢之逢吉備述吳梅村先生周子儼窗兄二事余不覺吐舌天壤間固有奇人如是哉逢吉云余于十九歲時見水月其時已年九十三今我年六十餘屈指計之水月老人當是百四十五歲也○三吳固稱澤國民尤苦澇歲在庚戌夏五中旬風雨傾注不三日而田

禾盡淹阡陌俱失一望巨浸農夫號泣閭閻駭懼於是州邑申請蠲救撫軍范公由杭禾越平望將至潯余曰此當今溫鄭也不可不往顛遂駕輕舸至梅堰登公舟而扣請焉公曰真奇荒矣有何法可採余曰田不得種米從何來請蠲漕米庶有瘳乎公曰朝廷定例祇蠲條銀十三漕米係官府必需豈可請蠲耶請更思其次余曰莫若改折米不可得銀猶可典質求也但昔歲改折每石幾及一金如此則民益困奈何公曰舊額平米一石內有耗米三斗有奇今既改折則耗米無所用之祇折正米民或可生乎余不禁手額曰如此則湖民幸

志卅九 志餘七

三

甚但刻下民無粒粟可炊則死在旦暮老弱填溝壑少壯爲盜賊深可慮也公曰爲之奈何余曰有明季萬曆年間朱文肅公救荒條議可採用也公曰今安得此書時余已預覓一卷遂出諸袖中公大喜曰是勝于百朋之錫矣方展閱頃余曰朱文肅公所言平糶法可行也權那藩庫并勸當道義助若得數萬金則遣幹員往楚豫糶米不過四十日米至矣減價平糶往返數次客米多則本處之價日減民必慶重生矣且計楚豫之價必賤今至浙縱價量減猶足還庫官亦無損也公曰善請再言其次余曰本地之米不可得請行糶籴充漕又須

從民自便不得限定用糶恐至冬糶貴民之求糶更難是兩困也故曰莫若從民便公曰善余曰再請開撥納事例富家勸助則難強也許其撥納則米自出夫既糶楚豫之米又開納粟之令則米有盈餘然後議賑散米設粥皆易行也公曰吾今日聞讜言當力行之矣時舟已行抵潯東關余方起辭公曰今晚至若願明午來召會眾紳衿公議也余唯唯即辭歸次早疾馳入郡諸先達俱集天雷言人人殊余復晉謁時公定議改折平糶糶籴諸法已定集眾不數言萬姓歡騰焉是夜余宿於沈氏盟鷗別墅有中表吳修之窗友溫全思在座甚言

志卅九 志餘七

三

吳江之苦江城宛在太湖中水溢沒縣署街衢行舟而催科未息江民有不遠數百里來號呼於浙撫者余爲惻然次早再謁因具白其狀公曰江民呼號吾亦念之其如疆界何余曰地界雖有江浙之分然百姓孰非朝廷赤子今潯之東偏卽江邑也相隔一勝浙民何其欣幸江民何其慘戚惟公熟籌之請將現行事例咨江撫可也公曰善會公將還省余送至碧浪湖有江民數十人具呈呼籲公即收呈去時七月初三日也越四日余隨諸先達至省謝始知疏已入 告且移咨江撫由是江省改折福被數郡矣○辛亥春正憲行設粥廠賑

飢百日余謂若欲賑飢須先覈飢民戶冊遂囑昆季子姪同里中耆民至各圩查訪果有塘長圩甲得錢妄開之弊極貧無錢者反不得與于是召集鄰佑口自委悉刪去冒濫增補極貧開寫真正飢民冊每人發竹籌一根為憑遠近無不悅服矣縣所發米祇賑十七區僅有一百五十石廣為勸募併自助又二百餘石猶恐不敷余即具呈於守道李公請將烏戍原佃唐氏房屋抵司那領所糴楚豫之米五百石每石柴錢算該紋銀三百五十兩道詳院允行于是米數充足然後集昆季子姪耆民設廠于潯西祇園寺擔柴運水皆吾家僮僕也先

志卅九 志餘七

西

期竟夜煮粥質明殆盈十餘缸飢民既集照籌發粥日哺而盡散凡五晝夜執事者皆目不交睫余曰噫憊矣再更數日諸君殆將既耶是法難久行盍少變諸况飢民得粥祇可充一人飢腸彼盡室蒼蒼將何以存活余請改賑粥為給米每五日一發掬米而去一家皆飽民其甦乎遂草條議暫停施粥命子延枋星馳至省謁撫軍進條議范公溫顏相接極贊其當且曰非尊公無此卓見且非尊公之無私亦不能行此法也批允行縣給示枋兒歸縣帖已至廠矣于是改為賑米飢民十人為一班東進西出驗籌發米有重來者子姪輩即察出咸

驚以為神不知照數有籌照籌有冊縱極狡詭亦無能為也十七區施賑已周尚有餘米縣帖行給十六區又有餘縣帖行給二十區于是載米舟行至于烏戍事畢余謂飢民已賑彼二三貧儒何以自給遂同眾友公開姓氏人給五斗守道李公允詳速行士民均悅是役也告竣結算共發一千八百餘石云越一載司催那借之銀三百五十兩家人甚困于徵比歲底始得解此五百石皆余家捐助也○賑米甫畢至郡報竣寓於沈園之敞閒堂草條議十數條時與李子雪塢溫一令思同寓每書一條余摘紙尾朗誦李子溫子咸擊節稱善議上

志卅九 志餘七

圭

范公採行十之六七開吳淞濬吳江長橋等事皆條議所陳也○撫軍范公莅浙一載餘頗以激揚為事適奉恩詔求賢將以賤姓名玷薦牘余具呈於藩臺袁公固辭藩詳撫得免余喜甚為賦詩曰豈余輕組紱薄好在湖山拂劍星臨檻聽泉琴滿關千峯當戶出一鶴破雲還獨坐無餘恨浮鷗對我閒時已酉冬子月也余于壬子九月具呈辭薦袁藩臺不肯轉詳即呈院力辭又不批行十一月既望叩轅請見具述謫才應聘有五不可少壯猶不如人今老矣筋力既衰何以經營庶務一也學問淺陋無以備咨訪少所記誦今盡忘之應 制

據詞空疎貽誚二也南人不能使馬虜質豈勝馳驅三也賦性疎傲不曉諂曲諧世無術必招怨尤四也家事衰落薄產祇充餽粥耳空囊無以應酬五也所以再三固辭實有斷不能應命者非敢飾說也中丞公大不悅謂以人事君人臣之道前歲薦葛世振辭不赴今公又辭是使我無以對一君上也聲色俱厲于是余不敢再陳退而與同寓李子雪塢王子震生言之咸為惆悵于是泛舟東歸發篋重輯諸家易解曰知進退存亡而不失其正其惟易乎吾且註易終老焉其可矣○余既堅辭不允癸丑春日齋咨以行道經金閭與皇甫大立

志卅九 志餘七

去

胡子柯星家書田姪夜飲於寓樓諸子或言此行將盡抒抱負矣余曰否否余於秋間必歸與諸子重歡燕於此耳遂賦詩一章中有縑帛羅英賢宏綱布春暉朝野固異趣達人觀其微行且返初服貞心託漁磯綸鈞有秋水衡門無是非與君共酌月抗言說先幾諸子咸異之既至都門再賦兼懷大滌山居其詩曰未必胥靡慰夢思卻來京雒望旌麾銅龍日照螭頭轉朱鳳雲連豹尾移心在清江煙艇遠書藏元墓石床迷拂衣歸訪茗源水一笠庵中鍊五芝蓋前歲至大滌于方丈東偏有數椽余擬棲息于此顏曰一笠庵故云四月二十五日

到部卽具呈力辭當事不肯收呈至五月朔旦引見四鼓起未黎明進五鳳樓過太和殿東同眾官候靜鞭進至乾清門吏部大僚以次啟奏凡引見各官唱名跪中道但聞傳旨云一二不用看可令回去候旨遂隨眾官出金碧齋皇日麗五色仰而俯俯而思曰是夢境也退而賦應制詩十二韻曰龍簪天彩曜金支旭日初浮五色時雲影遙隨旌影動鐘聲還與珮聲遲形埤靜對開青鎖紫閣傳呼啟絳恩風度寶輪聞帝語星分御仗展皇儀楓屏姓字求賢切秘檢敷陳報國奇案有黃封瞻政肅廷無白簡

志卅九 志餘七

七

識君慈徘徊闕下同鷓鴣晏喜寰中息鼓聲繁縟禮口堂不遠遐荒俗異聖能知坤乾已見清雷候放怠曾師虎豹姿諏訪崆峒唯論道勿搜宛委更摛思霞明宮殿韶光轉花歷周廬瑞靄移朝罷從容歸左掖幾回理筆集瑤池越七日奉旨以科道員缺試用同人或稱贊曰此豈夢境耶余曰凡境皆幻不旬境又將變矣○五月十一日繕本至通政司投進固辭不口懇收投云須懇吏部代題次日至吏部又不收呈月之十七日方操本重至通政而蜚語與臺參交至矣初發吏部圈審犯又奉旨落職發刑部身羈犴城處

之晏如賦秋士微吟四章以見意研審再四身嬰三木再駁再審終無他辭幸荷 皇恩昭雪于七月二十五日出獄至寓同旅中諸子小酌賦詩曰今夕知何夕春回第一宵酒螺含沆瀣蛩嘆奏雲韶安國仙源遠更生封事遙 恩波難測量渤海望秋潮此後餘生孰非帝德耶○自淮揚至清水潭觀其塞決河數百金置一埽丁夫架空斷絕埽入波漂如輕羽間有人與埽偕墮者口湧沈洪流丁夫金錢俱盡焉少進至淮乘野航渡余曰不過月餘淮河將如溝下流江渚間民其魚乎齊子曰何故余曰河為濁流淮為清流淮力勝則清濁相

志卅九 志餘七

六

當併入海今清水潭決則淮水之清流不能敵河水之濁流反是內地夫河水一斗中帶八升泥水帶泥來填闕淮河日增月長故淮河將如溝下流江渚水勢漫散吠畝陸沈自然之勢也齊子稱善余為賦金陵行以紀之○徵君學貫天人生平以諸葛武侯李鄴侯范文正公自期待救荒諸策略見一斑惜出山旋返不得展其經濟耳然始之辭薦與後之辭官固有不樂仕之隱衷非常情所能窺測也晚年尤好道時俗所傳神異余不敢盡信其可徵者有小像一幅徵君道裝與二三羽流共立石壇上昂首望雲霄間有白鶴數十二翔舞不下

相傳徵君能召鶴洵不虛矣惜題識脫落未詳在何地也辛未仲秋二十七日曾孫兆元謹識○又一幅奇峯突起壁立萬仞上插霄漢下俯洪流峭壁上有洞五洞內一兔一船一杵白一几几上有爐一橋橋上有人其數三似皆石鑿又旁一峯峭壁上結屋數椽皆非人力之所得施也水中有石矗起上有小石塔徵君駕輕舸獨立船頭恍欲仙去恨題識亦失無從考其境地也戴璐吳興詩話董徵君 漢策 字帷儒號芝筠尚書份(元孫博)宏覽范忠貞撫浙時特薦以科道用旋被臺參放歸忠貞殉耿逆難浙人懷德建祠孤山之筠往謁詩云

志卅九 志餘七

九

淚灑西臺夢欲迷怒濤風急拍長隄天涯渺渺無知己埋劍金庭伴鶴棲握機密啓意躊躇篋有陰符返五湖却悔囊錐猶未試女牆望見夜啼烏按忠貞撫浙多善贊畫故知之感最深不惟薦舉一端也孤山之祠紳士公建實徵君之力為多董氏詩萃載徵君孤山第六祠即事次公舊詩韻凡十首此其第五第六兩首第六首自注云癸丑八月將赴閩督時在京寓曾密陳數事謂可安入閩因某遠歸不及隨行贊助為恨又第八首自注云庚戌壬子因救荒嘗陳末議公無不聽感深知己思之嗚咽又第三首自注云曾向閩負骸骨不可得後有侍衛送至京師攻忠貞殉難後泰高騎兵許鼎即乘夜負其燼骨藏之故徵君遺人求之不得也曹倦圃有蒼徵君書云閩疆初定疾苦未除從前種種殘骸萬姓均罹湯火其最傷心慘目者無如范觀老勒死拋骸一事弟七番嚴訊始得真情恨未即拜疏尚虛恩恤耳有自敘一冊附寄台覽商之郵道付梓何如遠走尋併已申意督憲咨陳撫軍一札久付遞中老親臺重

貞堅不殊存沒當使海內傳頌不獨范氏一門也自歐云往歲因范撫軍之變遺力負骸此秋翁答簡覽之雪涕此書墨跡今在唐家兜蔣氏亦可與詩注互相參證也

董漢策訪菊篇小引二十年前張潛庵寓潯水之北余嘗過其齋居玩菊後遷戍上潯川之菊荒矣丁卯九月訪潛庵於太樸山房欲觀黃花一寄諧焉適逢七袞遂賦贈之

紀遠震雷記有聲自西南來隱隱欲欲若將大雨者已而雲解風動林影調刁斜照滿地余時寓博陵之別館偶晚飯後乘輿步歸比至家大雨如注霹靂終夜不絕聲及明至館而屋已傾矣長垣連十數丈俱仆若匹練無

志卅九 志餘七

廿

零亂者觀者咸歎為異且賀余之幸免於厄也余曰天下事何者非幸人特以己之幸笑人之不幸而欣欣若有得焉而彼不幸者又若戚戚焉病人之笑而不以自釋也觀此可以悟矣時丁卯五月廿一日也

南潯備志金梅字次調震澤曹村人嘗館于董氏南江先生其高第弟子也與紀白雲先生交尤深集中唱和最多著有夢草集丙子詩草擊轅集各一卷董氏門人鳩而刻之紀先生為之敘

莊斗草壯子金遂青曹村人有道術一日至吳江時大旱兩縣請崇正觀道士召兩道士啟曰曹村金相公適至

此可延致主壇渠符呪甚靈縣尊大喜即親訪其舟邀至署中意甚殷遂青啟曰水旱天意非人力可為今兩縣父母果能屋漏不愧清心寡慾齋戒上陳為民請命庶幾精誠所格可以感召天和若僅小雨乃符呪所為耳縣公因請小雨遂青曰此易事即用黃紙畫符向燭上燒之紙灰盤旋繞出簷去漸高漸大遂變成黑雲一朵頃刻大雨淋漓注階下水驟深半尺雨止辭去問之城外則雨無一點云或鄰里有暴病毒瘡癰疽遂青往往以符救之立愈鄰有一女被產厄死遂青按其胸微熱急命取水至以箸攪水念呪畢命飲之初滴入口即活

志卅九 志餘七

辛

動再滴之病人面唇青黑立退再飲之則張目開言曰好滋味是冰蜜耶飲盡則病全退矣從伯楚望言遂青遊京師二十年遇異人授以術遂能役鬼神召風雨後相傳時時以術為戲發狂病死按遂青名澳居潯

紀端先君子餘素府君行畧先君原諱永成字遙集一日大詔平日所師事者二人一為吳淞西廬張先生一為鷓鴣溪寶雲董先生西廬先生踵王宋之後以理學為已任先王父亦山府君暨先君子成受業焉年十七喪王母嚴幾于滅性事後王母張以孝聞二十歲後習弓矢之業然性非所嗜在菴中嘗以詩請益於呂半隱先

生潛歸家與湖濱僧香谷雲舟刻意唱和古文則正於孫商聲先生歲壬子范大中丞承謨主浙闈試獲售晉謁時范大中丞曰子之文洵爲通場第一但年來 聖天子加意武功子名稍後中式第十一名榜名官○寶雲先生居潯西之補船村遂師事之字餘素與裴夏江屏兩先生善○若上潘東陽先生篤行君子也戚屬中於王父獨有金蘭之契先君子弱冠時師之嗣君喜曾先生余師也游寶雲之門亦師事焉○寶雲在補船喜曾先生治春秋先君子治易寶雲書河圖存三字以贈注云紀子學易沈苦將返吳中雨中書此以爲券○壩

志卅九 志餘七

橋至鷓鴣溪里許耳由城壕而南柳影桑陰路頗幽坦稼庵先生常常而來而於春秋時尤密至則縱橫辨論上下古今雖稗野之書亦必究其所以然若夫林鳥欲歸夕陽滿野斯兩人分手時已○先君子至京師者六旋去旋返以王父春秋高不忍離也嘗者北行記南還記備言山川風土之致而旅邸之思風霜之感亦復三致意焉寶雲以爲似盛因之荆州記東陽以爲似攬轡驂鸞二錄○寶雲至吳中寓靈巖華山及洞庭西山諸勝至後居紫石山庵曰夕香先君子因得與詩僧雷耕振麓青迴諸公交侶雲轉庵最稱老友若所畏服者香

谷一人而已○寶雲夙稱書數而手評者亦不少居夕香時其所評本先君子時時手錄不下數十種如左傳提史記脈二本抄凡三次至寶雲歿後懼其遺文散佚窮四十四日夜書之兩目眇昏手腕幾脫矣衰年目疾寶由于此○寶雲居夕香先君子率不孝端往謁時已病篤口不能言惟以席草剔齒輒棄去地上積至數千莖而雙瞳翦翦燭人至今猶可想見次日告別侍者霜樵出曰師翁以史記評本相贈喜極奉而歸○若城潘仲臧年伯善詩嘗從其岳翁韓遠廬游得其指授故詩律精整時時與先君子唱和嘗曰吾悔不遊寶雲之門其

志卅九 志餘七

清明日懷沅州翼甥詩芳草徑連寒食雨落花門掩夕陽天嘗雜誦之○先君子曰往與裴夏江屏書田喜曾限韻倡爲夏日田園雜興和者甚眾張丹宸有楊柳灘頭釣笠焦之句本師極賞乙亥夏家祠落成沈天與一聯云茲值櫻筍薦新適會松楸落構一時共賞其清新張晚歲甚貧然頗具風骨○又曰余游京師寓某紳天與適來就選來往甚密某紳嗣以其老也輕之堂中有菊因贈句曰茗溪主人人似菊庭前列菊菊如賓我來見菊不見主菊亦賓中作主人夫昔人不肯爲五斗米折腰豈欺我哉因決意歸○董存素先生與先君子總

角交試必同寓晚年往來尤篤家素饒適某房姪因伊
或媒孽其間幾至爭訟先君子力為排釋而止閩湘人
有句云碧梧陰下收棊局紅藕花中滌酒甌先君子謂
不孝端曰此汝翁晚年實錄也○先君子與溫恂孺
先生善淤溪書齋有古松一株百年外物也先君子有
特立先槐棘之句恂翁擊節蓋與相國中庭僅一垣之
隔耳○先君子曰西廬師著與斯錄自子思以來下及
有明王宋諸儒分為宗儒本行命世傳經翼教高蹈大
節藝學八科妮妮數萬餘言其於理學一門亦嘗側聞
其論列矣迨事實雲自竺氏而外漢唐以下百家諸子

志卅九 志餘七

甚

學問之純駁識見之淺深盱衡今古時時有會於心今
二先生沒吾將安仰安放哉所謂雖不能至心竊向往
者其唯茗上潘東暘師乎○曹漢章德○兩先生父執
也從村南茂林中過石橋而來衣冠甚古軀幹偉然至
余家言不妄發終席間無一時俗之語既去先君子擬
之沈恆吉貞吉兩先生云○西廬先生歿於壬寅按當
作癸
卯之五月二十六日寶雲先生沒於丙寅之五月初六
日兩日必齋戒齋中懸像而拜之而於二十六日尤低
眉黯淡○先君子自中州歸後詩亦散落唯茗中耆舊
之詩尚存數十種潘稼堂先生到潯上嘗借抄之○新

安某翁居潯上伊子治喪凡遠近紳士皆預封其儀以
為贈聞者畢至三日後筭篋已空而先君子勿往一封
獨存聞者以為迂○先君子云往歲外父施心庵先生
官東魯因得至曲阜瞻拜聖陵及子貢廬墓處又喜曾
從事中州余往候之得歷良岳并繁吹兩臺之勝真快
遊也○先君子目疾十餘年於王母前朔望之禮不廢
王母居後樓由前廳至後樓路頗迂折風雨之日衙堂
中上漏下溼溢為行潦家中人架板而行而先君子勿
輟也若王母與叔父有恙必朝夕往候時海濱查難老
館於余家嘗目擊之以為久而無間吾黨之所難○夏

志卅九 志餘七

甚

永賓先生孝友謙和與余家所謂紀羣之交也先君子
曰吾病廢後親戚交遊過而問者恆少獨永賓始終不
渝藹然之意可掬斯真君子哉○晁先叔祖長先君子
七八歲雖大小阮猶雁行然以故寒暑相勞有若司馬
溫公昆仲又同里有殷翼宗先生與叔祖年相若兩人
讀書閉戶詩史自娛每春光妍暖時輒為郊外遊適返
先君子嘗詠昌黎詩云吾見孟夫子古貌又古心所謂
古心人於二先生見之矣○泉石居余七世祖泉石府
君所構也木榻竹几間列古器中庭雜蒔花木以故名
人吟詠甚多即如壁間袁胥臺之詠菊董潯陽之詠牡

丹至今琅琅可誦先君子嘗指以示子孫今已矣麴蘖之塵與磨礱之聲相繼數百年來前輩風流蕩焉漸盡九京不作將來更有何人道及之也哉○先君子生於順治丙戌十一月二十六日午時卒於康熙辛丑三月初十日巳時享年七十有六

孫履元談鱸廣惠宮三清殿西向其南粉壁一版繪一仙人高可尋丈狀貌秀偉左執楊枝右持一珠俗傳仙人楊珠自繪其影也余攷楊芝錢塘人善畫仙佛鬼判特長于尋丈大體愈大愈妙西湖天竺寺壁觀自在像是其筆名芝不名珠亦未嘗傳其為仙也唯殿壁屢壞屢

志卅九 志餘七

共

修此一版乃巋然經久不壞亦可異也其北壁一版向為尹西村錫畫劉海蟾與之相對筆亦飄逸今已壞矣或訛以為楊朱像遂并指北壁為墨翟像尤謬

胡承謀府志錢武舟字濟亭歸安人孝友樂善不事表暴康熙四十二年南潯姚某負客債陷縲纆將鬻妻以償武舟傾囊助之且轉貸以足其數後其人訪求率妻子踵謝則揮手弗顧其全人骨肉完人名節多類此

蠅鬚館詩話潯上陸氏有士潮士涓者棣萼連科可稱嘉話然文采不章遺篇無述近閱凌進士保釐瓠息齋集有病鳳謠小序曰為建平公舅祖作也公氏陸名士涓

庚辰進士以建平縣知縣罷歸余少頽放不為親族知識獨公獎借過當於其病廢謠此以唁之能識才士於未遇之先可謂差強人意

董志沈國正字滄孺號元一康熙癸巳歲貢任臨海訓導課諸生甚勤與石門吳孟舉善館黃葉村莊參訂宋詩鈔著有論文一則為陸松陽所賞載困勉錄卷首

南潯備志城壕上股价人先生維藩官四川敘岷知縣赴任時道經一僧寺小憩偶抽架上書閱之乃制藝彙本凡先生生平試卷鄉會墨並在其中駭問寺僧云其亡師遺稿也先生慨然自悟僧即已之前生自此忽忽若

志卅九 志餘七

共

有所失抵任月餘即病卒

志餘八

汪曰楨撰

南潯鎮志四十

潯錄康熙之季潯多拐案偽作乞食狀汎艇往來善騙術置藥菓餌給幼兒女食之昏迷不能言攜之遠颺莫可蹤跡或首之官不為嚴理以是人皆恨入骨髓雲楚聞一作者廣德州右族也妹將遣嫁赴蘇置買箠物購勝婢三名返則紆權南潯泊西柵與舟子錢芳林入市酤酒西有祇園寺是日為五月十三日里人曹寶臣等作武聖會醉于酒出見客船幼女嘯哭疑之詰問而船戶沈畢觀於睡中模糊酬答曹因訶為拐船沈聞乃詫曰拐船奈何適有馬四尹曙三周三等至眾口誼譁乃以

志四十 志餘八

訊婢婢小無知遂訴船中冒斥之狀值雲偕舟子回婢指為拐尹遂持錢曹亦持雲而沈畢觀猶囁強不已市中湯允文尹二陸三范相臣丁禹谷等即時大訂叢集數百人先執沈畢觀痛捶而雲力辯非是復有陳國凡曹彩章者道以素未謀面倘得鎮人證以熟識自可解圍雲言昔曾到鎮糶廣和米於楊開泰家楊素識也眾乃擁雲錢沈三人至開泰米店而店主入楊昌世以人眾事大不敢認店僕蘇二見三人曉辨不已驟將錢步林毆打楊又呵令網縛送營詎知把總劉錦文聞其畏縮推不管理丁禹谷遂令總甲沈元報巡政廳是時後

潘巡司周國勛去任府司獄孫秩倫一作秩倫署事在潯又誘不肯收遂致眾益洶洶聲言人船竝燒而汎卒曹鳳林馬文顯蘇二馬四等率人齊毆三人沈先殞命雲折臂傷腎錢受捶楚垂斃眾舉伊船盪至祇園寺空地架柴火焚船中財物各汎卒假稱存庫俱各攜去當燄正熾時投三屍于火少許忽聞爆聲甚厲則一顛腦漿迸出有業瘍醫陸某者從烈燄中奉一元首去事後轉有憐其骨殖為收拾罈中埋於寺殿後地此康熙後壬寅五月間事也嗣雲楚聞兄載德居家訝其弟久不歸來蘇探之知其已回復至潯訪問得實于六月中臚述各

志四十 志餘八

情首訟楊昌世等烏程令為陳敏庵獻德批准檢驗嚴獲案內人證竝究汎地把總劉自以送營不理而分贓作俑大半皆汎卒遂自經死楊昌世賄傾家貲得歸罪于僕蘇二其餘一切悉置不問訊鞠年餘僅以蘇二為首問抵通詳時知湖州府事吳簡民微有所聞駁飭復訊而陸某身已遠颺貨緣津要希圖免脫楊又私賂府吏終如前詳結案值吳守以艱去而載德憤赴撫臬署呈訴因奉護理撫篆布政司傅公澤淵咨參承審遲延處州守蘇公稷署湖府事遂揭送遲延職名并詳請咨革楊昌世監生楊復賄屬院吏以是巡撫李公稷恐以

株連無辜批駁遂以蘇二抵死具題雲載德不勝悲忿
走控于部刑部准狀著另審定擬而陳令以此解任新
令王公懸訥重為承審時尹晴三瘐死獄中其毆斃沈
畢觀起意焚燒之人盡坐已死之尹晴三而以舉火擡
放坐之朱二于文煥問抵立決馬四尹二陸三蘇二周
三擬監候絞楊昌世丁禹谷范相臣曹寶臣及汛卒陳
萬先王其三以偷取銀綢竝枷杖此案原屬眾人僨事
其實大半汛卒貪財滋鬧乃當事以把總自縊諱言病
亾而遂周旋不令抵罪雲亦心恨楊姓不為之分說也
其餘汛卒曹鳳林狄芳鄭德勝馬文顯王公維總甲沈

志四十 志餘八

三

元民人曹彩章陳國凡湯允文等俱以杖責結案陸某
竟以遁匿終不到案先之營謀固不遺餘力而後之醫
藥乃大有所獲甚可怪也吁設當日把總巡司羈三人
于官遣問楊開泰眾怒亦得消弭否則詳解邑署緩為
究辦郡城中當更有熟識之人決不至孟浪慘毒若此
也吳門好事者以此事編傳奇付之梨園乾隆癸亥里中夏心谷明府封
宰麻城時亦有類是案者麻之宋埠民因獲拐聚噪
爭毆送鵝籠司人船解縣沿途觀者蜂集迫到堂察其
非真因憶康熙壬寅吾溇事或即開釋人疑易致激變
謬論眾曰拐有良藥俟其性過刑訊因密屬典史散禁

傍晚提審據稱黃岡平民來麻探賊船則岡邑編號常
來宋埠裝載貨物者也因移回黃岡取結備案事見明
府所著夢嚙編由斯觀之則小民無知輕率躁妄全在
當事者有以靜鎮而調劑之也按孫履元曰嘗詢楊氏子孫云昌世係捐職州同非監生嘗至京師與雲氏之為京官者訂為異姓兄弟是不僅因糶米相識也

蠅鬚館詩話鑑曾祖姑有適歸安縣之花林茅氏名健思
之長子佑昆者不知於明鹿門先生何屬也茅湘客謨
絮吳羹多采茅氏之詩言元銘字鼎叔著名復社以貢
宰朝邑為史禍株累死者數人子弟多遠引有兄之子
名兆汾字巨瀾號遜邱實鹿門先生曾孫也曾仕至參

志四十 志餘八

四

將因棄為僧名今漸居匡廬晚始改服歸里又言鹿門
先生長支六世孫有名吳耿者隸籍吳中曾應江南乙
卯鄉試已得首選時三逆方煽動拆卷駭棄亦異事也
吳耿子名星來字豈宿號遜叟舉業外兼長古文辭入
都謁方靈皋少宗伯一見賞識累薦衡文名遂大噪幾
致千金竟老死膺下尤足惜云鑑按遜叟先生與高暉
堂董氏有中表之戚晚年多寓豐草庵與先伯祖悔修
府君亦締縈紉之歡

冬心廬雜鈔蔣大潮字蒼圃康熙間人國學生得祕錄吳
書五雷正法善瘍科活人甚眾兼以道術決病人生死

無不驗遠近神之年六十八乾隆初卒

紀氏族譜紀養浩字毓昌攻時藝不屑趨時故試輒不利然矢志彌堅髮已種種猶逐隊童子而無倦意郡城葉方伯佩蓀方卯角時公應試常寓其家見方伯攜書就塾邀與講解無不了了因以神童目之決其必成大器既而方伯贈君以家貧欲令改業商之于公公力阻而勸之學逮後方伯成名感念玉成之德曾執弟子禮登門道謝

阮元兩浙輶軒錄王標字匯東號立齋歸安人仁和諸生

○絮吳義詩選范少司空約齋先生與予少同學為貧

志四十 志餘八 五

交嗣後雲泥闊絕者二十餘年迨返初服卜居潯溪造謁仍如平生歡因得晤其快婿龍湖王君君英年績學揮塵霏屑知其腹有詩書先生乃屬出吟藁相質雅健雄深殊不類少作因亟錄之

潯錄少時讀董若雨棟花居隨筆見孤客遇呂仙事每豔稱之比長謁朱心裁先生則曰若知鎮上有鄭某遇跛仙事乎試為子述之其言曰乾隆初鎮人鄭姓忘其名於中市開布舖每於夏初往蘇之木瀆鎮買秋莊二門發販計潯至木瀆水程約百四十里有奇輒蚤起步行至瀆投行置貨借宿次蚤便船發貨身又步歸十數年

以為常是年四月鄭囑所親守店自懷元銀十錠東行一路花香鳥語比戶蠶符頗稱幽適响午道遇跛丐軟語同行疑之詰其所往以木瀆對心念孤客懷金深慮比匪因急行丐亦急隨故為緩步丐亦躑躅不前益怪之丐亦先知舉杖示曰木瀆即在前矣視之果然急趨就輒隱現不常而日薄西山鄭漸窘丐復笑曰金鳥西去會見玉兔東升何害未幾天暝鄭惶恐丐慰藉旋見皎月騰空急望東竄又數十里足繭神疲少憩丐出數棗相餉食之甘美不饑因詢曰往日傍晚輒到茲行何遑絕也則又指曰夫獨非木瀆耶諦視不爽乃復行數

志四十 志餘八 六

十里月已西斜忽見木瀆近在隔岸因思嚮時到瀆從未隔河喚渡何忽有此則見對河有廟廟後來六七人招跛丐丐因勸其越澗鄭駭甚不聽則激之曰爾不超越吾乃從此逝矣勿後悔鄭堅執不可丐乃一縱過河同對岸諸人招手呼鄭鄭復不從乃見數人俱向廟後去不復見急回顧則石壁森立高與天齊再視對岸人廟俱失而水則江天浩淼一望無際不得已步回山徑崎嶇非復向時平坦又數里山空壁豎虎嘯猿號鄭益心悸見道旁有一青石大可數圍疲極而憩趺坐待旦比曉尋路山徑羊腸幾十數里始見人問之語音啁晰

不可辨隨之而出又數里見一茆屋乞筆視問地名則四川峩峩山也鄭爲之舌橋不下者久之徐訪至城市以銀易錢急問歸程行至湖南金盡路遙行乞而歸方屆揚州經一閉閤有人倚門而望詢之曰君非南潯鄭某耶待子久矣鄭以素昧平生方疑訝問僕從延之沐浴更衣出則盛筵相款詢其故曰寒家素奉卮壇今呂祖降臨示詩未悟同人叩問乩書君名云與君有舊令某延訪鄭曰久瀾風塵未嫻吟咏奈何出詩視之茫然也而羣致疑者以驚了二字鄭曰此西吳鄉音卽蟬也伏天清音聒耳交秋漸濕諸人點首稱悟飲畢爲買舟

志四十 志餘八

七

送歸贈以二十金至家則旅費所餘僅懷十金而秋露桂零寒蟬聲咽矣鄭自後心慕元化不知所終心裁先生余內子之大父也係徽國文公長子塾後裔好古工篆隸余見時年六十餘劇談移晷厭飫舊聞惜其時方攻舉業不暇致詢也

蠅鬚館詩話晨舍凌保釐先生樹屏作孝廉時嘗居南潯故其疥壁集小引云余生遊歷不出數百里外丁巳春偕計吏北上始睹江淮天塹之險燕趙虎都之雄書鞭作賦畫塲成吟郵亭舍館淋漓殆徧然頗爲逆旅主人所厭惡身未去而壘漫者往往而是明年棲跡潯南復

不自戒圍屏坐幄之間殊多粘綴亦安所得碧紗籠乎因并其兩年所作署曰疥壁以志余媿

潯錄夏冠東明府少嘗夢登一大家樓看屈突通傳後蒼于徐氏登其樓似曾遊者抽架上冊適得唐書屈突通傳見明府自著夢藝編

蠅鬚館詩話潯之詩人舊有謝散木洲姚蘭仙景熹兩先

生其後人均與吾張氏有嫺嫺之好謝本籍餘姚來潯才及五世詩五言特蕭散真造宋元諸名家堂奧蓋散木先生爲紀白雲高足弟子其爲白雲先生傳曰若書之間有白雲紀先生者諱遠字子深又字白雲世稱白

志四十 志餘八

八

雲先生姚江謝州年四歲時卽識先生三年從之授唐詩五年先生教授他方後三年復從之遊又五年乃止而先生亦隨沒先生幼奇慧見賞於西廬張先生雋豐草董先生說後從西廬遊盡得其讀書之法年稍長煜煜有文名屢試郡縣輒冠其羣一日試于有司而先生已醉矣凭几熟睡傍晚猶未覺友人急呼之乃操管疾書文不加點及發案遂爲第一人由是奇之後連不得志于主文者南走闔北走金陵數十年始補縣諸生而年已老矣散木又有姚亦山漫吟詩鈔跋曰余與兄文少居潯上時有詩友二人焉一曰王蕙如一曰姚亦山

蕙如富才情廣交遊對客揮毫一時傳誦亦山猶介曰
持閉門覓句不肯輕示人惟予兄弟及蕙如得盡讀之
亦山居新橋予居明月橋相去百步許每日相過從坐
綠陰下啜茗論文見日西亭亭便有憂色抵暮送至橋
下悵然而返後予兄弟歸姚江蕙如亦讀書吳門亦山
熒然獨處孤燈風雨四壁蟲聲唧唧寥落之況可念也
頃予復來潯上亦山詩益平淡由武功長江而漸進于
右丞蘇州予于是讀之而敬其人也已而將歸因盡錄
之附以蕙如倡和諸作以為海上吟詠資并以示吾兄
文少也亦山即蘭仙之叔其詩集予未之見

志四十 志餘八

九

南潯備志王蕙如先生起鵬官陝西清澗知縣偶出門輿
夫顛蹶墜輿先生怒歸呼輿夫杖之輿夫怨曰山路雨
滑非我之過今杖我不亦冤乎我甘殺不甘杖也即出
小刀自剗其腹死先生驚駭即刻遂病抵暮而卒

潯溪文獻董翁連城家私巨萬人稱長者有明經紀翁方
出仕時以膏腴十畝囑中傳於董議價百金時同里富
翁沈豔羨此產則曰若售於我倍價可得董曰若果肯
絕我何難加倍因欲便贖就董百金紀久宦歸來田疇
日闕忘其故業忽一日省起而中已故語其子曰曩時
尊人介紹于董許我我價百金爾盡為我取諸間者愕

然默計事經二十餘年時價已淨如何致詞然不敢違
命竟造董門直陳前說董始而沈吟既慨然曰我與紀
俱望九之年難得兩人具在豈可食言竟兌百金不必
書契遂持奉紀翁紀翁曰我固知連城不爽約也人稱
直諒忠信兩翁有焉

又吾鎮西莊邨吳氏世為諸生傳家嚴毅於里黨間正色
直言少年佻薄之士每懼憚之吳子本初喪偶纔三旬
餘耳父正平詰之曰爾思續絃否答曰一聽父命因語
之曰我家貧士俱館穀于外若新娶一妻必需一二童
婢便增食指且爾有男有女不娶為是本初唯唯而退

志四十 志餘八

十

特時方強壯陽氣正盛真火上攻偏體瘡潰頭內作唧
唧聲蚤起梳髮每一梳下宛如數百螢火墜地舉煤點
著此真奇事而其家孝友承順可知已

紀氏族譜紀用思字我揚為王九牧館甥九牧精痘科有
起死回生之效遠近奉若神明以無子業傳于塔公得
其祕授亦屢著神驗然當日如嚴雲衢為潯上世醫九
牧有姪大聲其馳名尤遠過乃叔公出而與之鼎峙究
以醫非世業不免三舍之避逮雲衢大聲相繼早逝始
翹然獨出舍我其誰一時口碑遂有嚴王去了紀當頭
之諺

董王錫張母倪太孺人傳孺人姓倪氏張鴻案妻事舅姑以孝稱家貧藉紡織供甘旨鴻案遠遊不返仰事俯育備極艱辛晨起操作晚猶篝燈課子女晝夜勤苦數十年如一日迨年七十餘家已小康猶必躬親瑣事自奉儉約非寶祭不特殺未嘗入廟燒香嘗曰我非不敬佛

第一日拜佛則廢一日正事且積數日之操勞供一日之耗費恐神佛反見責也其達識如此按善田張氏族善丹青兼精術數乾隆庚申服賈遠出不還子星椿星樞四處尋訪杳無蹤跡星椿嘗祈夢於于忠肅祠夢見大紅繖一柄歸述所夢孺人泣曰繖者散也恐不能與汝父復聚矣鴻案竟不復返

志四十 志餘八

十一

序嘗作西吳竹枝詞云薛家鏡子最精良生練曳來半面光拾得龍盤書小字可知前有十三郎自注袁宏道詩薛家鏡子開生練案薛杭人也而業于湖予購一鏡開之止半面光如上弦月背鑄兩行曰湖州石十三郎自照青銅鏡子

張丹山潯溪棹歌注故淮徐道若愚潘氏於大街營建居第時因在任所俱令其僕經營而僕復以其餘貲於藕河坊另建住宅內有柏木花廳楠木樓未幾潘敗俱入官後來承佃者寶善堂徐氏轉售者尊德堂張氏俱以富豪稱不數十年皆衰替零落拆毀殆半

南潯備志蘇始芳潘似山太守妾著筠綠賸稿有瀕危口占與夫子訣別八首末云指上玉環如可驗他生重得侍章公趙虹作賸稿序謂越十六年似山娶得沈大家詢其誕彌日時卽蘇姬卒之日時言貌舉止亦與前身酷肖癡情偶結竟獲再生詩言遂成讖語乃知齊諧志怪不盡無稽也

范錯幽華詩畧姚景景字存之號蘭仙烏程人○漫記姚丈性恬澹好吟詠亦山之猶子也與先王父棲園公先考檢齋府君爲紀羣交時相過從府君嘗言其室人吳氏名端瑛才慧早世有暮春云布穀鳥曉三月暮牡丹

志四十 志餘八

十二

花放十分春寒夜云雁逐寒來應有恨月從秋去久無情又殘花落盡春無影又花落空庭不見春諸句爲人傳誦

志彙紀廷輝字虞求號牧庵少讀書能詩好拳勇善騎射膽識絕人能爲人所不能爲雍正己酉武科舉人江南興武衛千總加守備銜嘗請帑以濟丁力幾獲重譴不顧卒得請而止後居鄉親族有不平事輒爲匡救不避怨尤乾隆辛巳夏潯有殷大梁者稚而魯齋簪珥質錢與質庫爭質庫訟之通判周承芳誣大梁拐竊煨煉成獄兩日用三夾棍大梁垂斃廷輝聞之面質承芳抗辨

不屈承芳怒以毆辱官長具詳廷輝上控巡撫檄府提
究事得雪自是始有分防衙門永不許用夾棍之例

吳興詩話姚益敬字元吉玉裁女幼時誦木蘭詩問父曰

朔氣傳金柝寒光照鐵衣著色實為大雅若鋪排過多

恐近小說父大奇之適辛未進士扶溝知縣董豐垣早

歿贈孺人著芬陀利居稿屬焚榭序以歐陽公目謝希

孟有古幽閒淑女之風為比

簿輯吳興會館在都中宣武門外戴蕝塘先生璠記畧云

吾郡會館創自乾隆戊寅先是少司馬吳眉庵先生有

捨東井書屋為館之議其後人以宅售于他姓鄉人欲

志四十 志餘八

三

贖而未能也維時官允孫約亭先生都諫嚴桐峯前輩

同心規畫賴有長蘆董芑堂運使慨捐三百金迄以少

司馬故宅尚隘別購一宅於北半截胡同時中丞閣時

庭先生方伯葉辛麓先生方官郎署共落成焉余於己

卯入都鳩工甫竣館在街西東嚮大門及門左右屋七

間其中為堂為南北廂堂後為室有廂如堂凡屋二十

有三間館之南有隙地若干步丙戌少僕紀心齋前輩

比部吳桐村先生倡議募貲增築屋十有七間南嚮於

是館益開拓而規制未備余於庚寅司事始立鄉會題

名壬子不戒於火南廂被焚他屋亦為救火者踐踏殘

毀余亟致書中外為修館之計而許春巖方伯首捐二

百金屬同鄉同宦粵東者王君諤胡君鈺陸君來范君

桂孫君登禾蔡君羣捐俸寄京遂於春闈前刻期蒞事

且為移改大門清理庖湏增設牀榻夫然後賓有如歸

之樂按記中所云董芑堂紀心齋吳桐村皆潯人也攷

朱文肅公集有會館條約序畧云會館古郡邸之遺也

明興二百四十年各郡森列我湖缺然宦者應舉者薄

遊者挾貲而商者徭踐更者初至茫無著足有之自今

萬歷戊戌始任事釀金為泰垣沈膳部協贊為伯南春

渠陸沈二春元奔走效力為幕庵嚴君而先十年創議

志四十 志餘八

西

立簿則二岑茅侍御與膳部均有草昧之功云會今春

在京者最多而湖人素集玉河橋橋之東有休甯故館

彼謀舍舊而我圖新價亦中等一媿遂成既成諸君立

約刊書以示後是則明時本有會館不知廢于何時也

吳興詩話吳學使嚴字懷峯號桐村烏程南潯人辛酉舉

人仁和教諭以巡撫匿災白諸學使雷翠庭師據以入

告撫軍落職丁丑成進士官刑部久不得遷賦落葉詩

八首沈東田及余均和未幾晉郎中主試貴州視學山

西所拔多名士善飲工繪自題山水詩多清絕終養來

京卒于會館將太史若生輓句星節雲司懷老宿詩壇

畫本弔神僊公于添建會館落成賦環宇韻倡和盈壁
在西曹修律表龍泉使承祖梓行

兩浙軒錄徐德元字達三號芷堂烏程人乾隆丁卯舉
人官漢州知州○陳焯曰按行畧德元先以秋海棠詩
名噪都下及官蜀中值金川跳梁於冷磧督臺站遇巡
撫見而問曰能詩彭山令卽汝乎遂調隨營辦事奏名
以同知陞補署留遠府任漢州傷足告歸

吳興詩話徐州牧德元字達三號芷堂在京偶詠秋海棠
不期而和者數百家彙訂成帙競以徐海棠稱之

志豪嘉興錢籜石先生載嘗舟經潯溪小步市上遇雨避

志四十志餘八

五

入新橋臨水一肆中肆主見其戴紅風兜怪之又以其
久坐不去頗形厭侮先生不校也及雨霽先生出肆歸
舟去其風兜而冠上紅頂見肆主駭愧亟詣舟謝過先
生酬以餅餌笑遣之蓋當時鄉風淳樸初不知紅風兜
爲貴官服也

耐冷談昔年權學景留與烏程紀蔚巖豹文同官蔚巖人

極方古子病百計扶持至夜不解衣時將七旬腰脚甚
健登山猶不用杖也爲詩不假思索出入誠齋放翁之
間

蠅鬚館詩話吾師計魚計先生發向倡落花詩八首一時

和者甚眾惜不可收拾唯帆下錄曾刻其原作數首今
仲子秋琴慨其散佚復繪爲圖以徵一時題詠而錄其
原倡於前和者只崔問波先生珊一家問波與魚計師
爲中表昆弟以諸生遊幕嶺南幾二十載歸時年纔五
十餘余館劉疎雨畫扇樓中口相過從暇則仗鈔書而
送日手鈔書數千卷居家僅十稔以中壽沒遺書零落
可慨也

冬心廬雜鈔孫世楷字維翰南潯人生於蘇州父潮有九
子皆早慧以次死維翰居長獨存居封溪之紅板橋父
以豆腐爲業而維翰好讀書善吟詠顏其室曰半巢事

志四十志餘八

五

親孝與人交油然可親授徒里中有賢聲人稱豆腐才
子乾隆四十四年三月咯血死月餘父亦死其母載兩
喪歸葬于南潯之野其家遂絕嘗爲秋螢詩云臨風怯
上露臺流雨積苔垣燄未收多半著人因不熱故教零
落到清秋人謂是天亡之兆云

張丹山潯溪棹歌注乾隆時有邱癡者寓廣惠宮測字晨
出暮入嗜酒無日不陶然也信口侈談常多奇中有問
病者得杳字答曰杳杳冥冥象入幽陰十八丑刻方知
字靈果然又有二人自鄉間來問病而邱已歸寓因往
叩之適有犬隨入因述其故嘻曰死矣更何占詢之則

曰兩口而加一犬哭字已形速歸辦喪事吾將飲勿涸乃公為也未出門又有人來言人已歿矣乃驚服餘不勝載

談鯖吾潯紀氏藏一巨甕其底可以旋轉而注水未嘗滲漏每有吉凶事將至甕輒吼某年忽大吼而秋卿第災甕亦為人攘去鬻諸溫氏溫歸張氏後紀與張為婚姻始以舊物送歸未幾羣兒戲于室誤碎甕口其後遂不復吼矣

又廣惠宮毛道人嘗有數友邀與作吳趨行辭不往迨諸人至吳門則道人已先在因偕游虎阜支硎諸勝留連

志十四 志餘八

七

數日諸人先歸歸告其徒以道人留吳之故徒曰師固未嘗出也因相與叩其臥室則道人笑而出迎矣蓋道人固有道者

幽華詩略董璧鑽字豐玉號霜岳烏程人諸生著怡雲軒詩草○漫記沈柳橋云董肇鎰字依堂著菊盈編霜岳之族兄也先霜岳卒詩已選入湖州詩錄逮鄭柳門封翁選刻續錄列霜岳詩不載其字與號及詩草之名似有疑為前後一人者所幸鑽字未誤猶可攷異柳橋留心南潯文獻信而有徵故附及之以俟後之攷證者

范錯感逝吟小序方蒸砂老人初名堂字升矣休甯人少

游桑敦甫先生調元之門以副貢例選直隸曾署玉田

縣事丁艱歸遂不復出縱游江浙山水間晚寓南屏之

淨居僧舍改名塘字問渠號蒸砂老人余于乾隆丙午

晤于湖上玉立長身修髯飄白娓娓譚詩興猶不淺越

歲扁舟在過南潯余館之于長生古剎留月餘而返後

聞其家迎歸新安無復音問矣

楊鳳苞秋室遺文余里有沈氏某宦閩之侯官愛小胥范

貴攜以偕歸某子服未練夜開宴召優伶給事貴臥牀

不應流涕曰貴死矣主人之喪在堂而燕樂乎又聞人

王大槐者與范同隸于沈以哭母嘔血數升死

志四十 志餘八

六

感逝吟小序王鶴野詞客名翰青字文虎嘗謁王蘭泉方

伯于江右風阻泊舟荒野詢之土人地名鶯塘遂登岸

散步忽入一僧寺殿廊廚井恍如素歷者憩坐驚訝以

為夙世所居處也歸作鶯塘行脚圖徧屬同人題詩

錢大昕竹汀日記過南潯鎮晤劉疎雨觀所藏書有宋槧

本張九成孟子解廿九卷後缺盡心一篇其滕文公篇

許子必織布然後衣乎有小民之事與光堯御書本正

同金陵新志前有至正三年南臺御史索元岱序張鉉

字用鼎關中學古書院山長前載文移稱浮光張鉉則

光州人也劉一止茗溪集五十五卷無序跋係抄本又

聖宋名賢五百家播芳大全文粹一百卷衢山精舍葉
茶子實編富學堂魏齊賢仲賢校正每卷或析為上下
或上中下據前所列目實不止五百人舉其成數耳○
觀劉疎雨所藏徐天麟兩漢會要岳珂魏鄰錄皆宋槧
甚精胡安國春秋傳亦宋槧傳文比經低一格卷末有
至正三年後丁丑秋八月七日陳留邊子昂手整于姑
蘇鄧明仲家塾墨跡如新又元槧周禮義疏十二卷每
卷首題吳興後學陳友仁君復編其第十二卷則俞廷
椿周禮復古編也據友仁序本不知姓名者所作乃以
己名置卷端蓋俗儒好名之弊也又中興禦侮錄無撰

志四十 志餘八

九

人襄陽守城錄趙萬年撰皆抄本

張封藝圃雜記吾師沈辛齋先生

升嶠

嘉慶九年患疔夢

一青衣者引至一處見長髯老人如世所塑判官象延
之入分賓主禮坐回顧青衣者曰誤矣此歸安沈某非
德清沈某也然既至此且少憩而去談次論及不如輩
血是法門戒律儒者不信宜也然逢大士齋期及父母
忌日本身生日儒者亦宜持齋並宜誦心經大悲呪往
生呪婦女亦能如是遠勝於入廟燒香也師問尚有陽
壽幾何老人不對惟曰子無大過惟好作綺語亦戕福
之斧也師病痊後每以勿作綺語戒吾同門

阮元定香亭筆談歸安楊鳳苞子初見其西湖秋柳詩以
為才士也繼至吳興鳳苞以經解入試于先儒之說剖
析原委甚為精核尤深于音韻之學

談鮑廣惠官隔岸某氏空屋素多鬼怪白晝窗戶每自開
自閉故其家曠弗敢居後有張姓賃居之見竈前有石
版甚闊疑其下有異發而視之則鐵索懸一朱漆棺其
中更無他物急掩之迄不知何代何人之墓也

陸鴻逵秋林書屋雜錄紀鐵珊先生名峻以孝行 旌門
事蹟詳紀茂才慶曾家傳孫明經燮宿墓圖記茲記其
病中見弟獻谷及僧學豐二事獻谷名方虎好讀書與

志四十 志餘八

十

先生友愛甚篤年十八夭折先生與親友談偶及其弟
輒淚下先生年二十三忽染時疾閱五月而疾愈劇氣
不絕如懸絲醫者以先生體素清羸且久病非人參莫
治時參價昂先生家又貧妻屠孺人脫簪珥購之煎成
將服母潘太孺人憂懼無計於獻谷靈座前拍案呼方
虎名而慟哭先生恍惚見獻谷立牀下嗚咽向先生曰
兄病熱邪設進人參死不救母年高何可再罹此慘慎
毋為庸醫所誤先生正欲與言值潘太孺人喚先生服
藥豁如夢醒告母以故傾藥弗服時延名醫趙環中適
至詢前所服藥以方示之趙曰大誤大誤此病實邪非

虛症也苟服此殆矣然數日前已先用膩補之味亟用
萊菔汁解去藥性然後書方踰半月而痊先生有誌異
五古一篇又先生病中身熱熾甚時或昏蒙輒見一僧
來與之談長身瘦骨華髮霜髯問其名曰學豐問其來
意曰我與于前世為同門俱某師佚其名弟子頃念子切
故遠來相訪耳里俗家有病人率用飯半盞肉一瓣酒
一杯楮鏹少許焚送于門外名曰送羹飯用猪首雞魚
各一具道士一人鳴金伐鼓以祀五方神煞名曰拜菩
薩先生家亦沿俗例學豐見之輒笑曰此都無庸我在
鬼自不敢為厲也先生精神疲甚常自慮不測僧曰子

志四十 志餘八

三

何至是子壽五十六享令名以終何一病即偃蹇若是
哉先生累世單傳因以子嗣問僧曰有三子言次有正
元者為先生從父來問疾先生指以問僧僧曰五十年
後無人矣時正元有三子且有孫家小康先生以其言
不倫叩其故僧曰子不聞理不可推數不可測乎先生
與學豐縱橫馳論家人以為譎語先生亦不盡省記也
後先生年逾三十果連舉三男道光癸未先生卒年正
五十六時距先生病三十餘稔正元家尚不至零落不
二十年相繼死亡迄今唯正元之曾孫婦存無子其夫
遠出無蹤噫何言之奇驗耶

施祖望風月閒談余弱冠時讀書潯北費氏費有族姪某
偶至溪邊瞥見半尺許小人隨波蕩漾肉色勝理如鮮
蝦而膩軟因撈置岸側審視之兩目若瞑左手掩臍臍
下具男子形僵臥不動似死似生一市聚觀莫測何物
時初夏溪流驟漲羣疑為水怪仍投溪中順流北去或
謂此婦人所產怪胎棄諸水者說似近理然方書謂胎
必三月成形五月分支今軀幹未及五月之胎而五官
四體眉髮畢具又何說歟

又里人邢在東偶經通判署前見裏物在路拾視則珠璣
滿襍默數其齒坐階石以待之至薄暮有老嫗踉蹌來

志四十 志餘八

三

垂涕尋覓詢其故嫗以失珠對計其數與所拾相符即
還之嫗展拜問姓氏不顧而去是夜在東睡至三鼓忽
若有人推醒張目而視則竈前失火延及寢室烈燄方
熾急起撲之應手即滅若有神助人咸謂積善之報
又菜花兜郭某在粉養肆中傭磨為生家有婦母一妻一
子一女一恒終日不舉火而融融洩洩家室和平郭每
丙夜歸家作食進母必徧引近日新聞以資談助為母
解頤近鄰有夜深未睡者皆聞郭母每飯必大歡樂也
郭之妻里閨罕見其面偶或邂逅衣裳楚楚容止端莊
見者咸肅然起敬傳云培塿無松柏吾斯之未能信

藝圃雜記輪迴之說未必盡屬影響嘉慶戊寅夏董春澤

忍港 諸景眉 避暑報國寺偶夜往山門外觀楊姓者

捕魚忽見一士人同三女子由東南角過橋而來至山門外士人向山門長指三女子亦隨行禮女中一最少者向士人曰樂極悲生昔日癡意柔情今其可復得耶言畢皆歎有泣者時楊姓者酒已半酣大言曰年少婦人夤夜過此必是淫奔者欲往何處耶因踵跡而去少頃楊姓者狂奔而來向春澤曰可笑可笑詰之始知四人者由廟而北過廣勝橋從嘉應廟前東轉至城隍廟每至廟門行禮如前言語隱約不可辨走至東藏寺忽

志四十 志餘八

重

然不見楊見廟門關閉不解何自而入潛聽內有狗吠聲又有火光從門隙出楊乘醉叩門而入問僧曰四人者何在僧曰四人者誰楊曰三女子一男子僧笑曰柴房內黑狗產得三牝一牡連汝共五耳楊至柴房果見小狗四隻嗷嗷然胎毛尚溼楊因述所遇共相嗟訝而返

張丹山潯溪棹歌注吾鎮無山惟藕河坊後有煤山原係油車堆煤之所年久雨漬積成培塿高出重簷數百年於茲矣嘉慶末年鎮人桂某宅北坐煤山復租蔣宏號醬坊其後門東通煤山欲於兩後門作一徑道因將煤

山西南隅開墾見有數十骨瓶半已掘毀而中有大者數枚屬長生會中帶至妙喜村山義塚埋葬訖越數載桂病延羽士沈春暉祈禱因至山前祝送未幾沈亦病病中被陰司攝去詢知桂被元末張士誠將霍師古告發以其毀棄骸骨援沈作證值鄞都事冗未訊而蘇後十數日復被攝審竭力營謀師古已可消釋而其弟骨瓶敲破拋棄執定不允沈甦而桂遂死于是小徑亦不復開俗傳山下多元末盜骨於此徵之猶信

梁恭辰勸戒三錄顧小韓方伯 學潮 言楊乘時 溥 無錫諸

生年過五十閨中但有五女因娶妾焉娶之日賓客譙

志四十 志餘八

重

賀者未散主人入房見新姬嗚咽鏡斂次慰之不止詰其由乃曰憶兒家阿父為南潯通判時嘗置多妾後為阿母不容鞭箠極楚逐出後甚有流為娼者阿父聞而不忍使蒼頭持金嫁為廝養婦或送空門今不幸父兄俱戍黔疆母妹早年喪失子身異路遭媒僧居奇侍巾櫛于君子撫今追昔不覺悲從中來楊為之泣然曰毋泣我之祧嗣有命存焉何忍以宦家女為媵妾爾其為我女當為擇一佳婿女再拜遂命與諸女寢隸姊妹行出謂客曰君輩且留不意今夜復得一女請再作湯餅會具述前事眾客頌盛德明年夫人舉一子臨摹時公

坐堂上慕見二隸導一官進方欲迎迓官遽趨內室與二隸俱不見覘其面貌女謂酷似其父也公年九十餘終子為名孝廉諸壻俱顯貴義女壻後亦得官貶贈公為中憲大夫焉

藝圃雜記趙開成無賴子也有斷袖之癖有唐二者亦為所誘趙因開一布店囑唐經理焉唐少孤頗善事母自與趙結交後日事賭博母至衣食不給亦弗顧一日唐病歸家趙往問焉市至唐門趙忽仆地大言曰趙開成你來得恰好予止此一子被汝引入下流今日要你命矣一時觀者甚眾與趙熟識者扶趙歸狂號數聲而死

志四十 志餘八

五

次日唐亦亾

王引之國語正義序歸安董文學增齡博雅士也所著國語正義援據該備自先儒傳注及近世通人之說無弗徵引又於發明華注之中時加是正可謂語之詳而擇之精矣歸余為經義述聞一書謹志家公之說附以鄙見其中亦有攷證國語者他日寫定當以就正於董君俞鴻漸印雪軒隨筆南潯鄉間有一小兒摸蚌溪中忽得一瓦其色黝黑叩之有聲以為銅也攜之歸閱數日以布拭之微露黃色異而告其父其父攜至質庫中求人識別之質庫中人一見驚曰此金瓦也何為乎來哉鄉

人告以故乃欣欣然懷之去權之得八十兩有奇

于克襄鐵槎山房見聞錄道光癸卯閏七月有焦姓在吳梅梁侍郎宅內設帳夜間夢至一處屋甚寬廠見王定九相國居中而坐焦詢之旁人云現在京城隍也頃有書吏入報某處出一土地缺定九相國云可命溫文禾補此缺隨喚溫告之溫自言母老家貧求老師寬限相國命判官查其算據云十八年方可到任焦豁然寤尚不識溫為何許人後始知係工部主事乃相國門生也有人向溫述其夢溫言十八年後死為土地亦復何恨閱十八日而溫殞蓋焦於夢中誤記耳

志四十 志餘八

五

鄭光祖一斑錄雜述三年前聞有江湖男婦數十人假逃荒名來游各鄉鎮婦女當前直入人家內室搜零殘食物及茗盃餘瀝入口雖銀錢箱櫃封鎖並能攝取伊等夜來聚居寺廟空屋覘其賭博甚豪大酒肥肉以為食豈因荒流徙之民哉上年癸卯又聞嘉湖兩屬亦受此擾南潯為巨鎮店口居民遭攝取者已多有舖戶某不信力為辨証然人言籍籍姑回自檢則帳臺十六番無有矣

太湖備攷菱草出東山南湖自菱田以西遶至長圻彌望皆是夏秋刈之南潯震澤諸油坊買以飼牛舟載不絕

海輯古濠走馬垂虹落照一作垂虹夕照范莊蓮沼西村漁火一作

西莊通津霽雪荻塘帆影石澗菱歌一作曲江菱歌

院鐘聲一作古鐘聲此俗傳南潯八景不知始于何時後增

東閣臨流南樓春曉為十景潯溪文獻載沈大聲詠十

景七言絕句及沈國正各十首乃康熙時人董志

載茅映奎方熊詩各十首茲次大聲韻乃乾隆中人其

後復刪去通津霽雪東閣臨流南樓春曉三景易以洗

粉花香煤山望月嘉應香市仍為十景則當出嘉慶間

人所為也范志云明余山人津著有南林八詠詩葉董

潯陽份始增二景董遐周斯張復易三景沈大聲詠七

志四十 志餘八

毛

絕十首朱國禎和韻今攷余山人但有潯溪漁唱二首

竝無南林八詠漁唱中亦無八景之目董潯陽必園集

中無八景十景詩且南樓即董紹聞園中之百尺樓乃

順治中莊氏所建明時未有此樓安得預設為一景哉

董遐周靜齋詩文及生平著述未有一字涉及十景

者范氏附會臆說殊不足信又誤以沈國正為朱國禎

則是康熙時人作詩而明人和之也不益可笑乎

補遺

香飲樓資談蔡三南潯人飲博無賴貧不聊生與比鄰朱

廷煥善朱亦浮蕩共謀竊近寺銅佛鎔鑄小錢獲利甚

厚忽兩人有隙分財各營生理蔡以銀貸於人取倍稱

息家日以裕而朱日事游賭所蓄蕩然時挾前事告貸

於蔡誅求無厭蔡慮其終為己害欲殺之而未有間會

除夕風雪遇朱於青華觀前復牽衣求助蔡忿起抽佩

刀刺殺之委屍道旁而去朱既無親屬鄰保鳴於官官

來驗視命盛殮而已初里中有譚小貓者貌姣好蔡以

變童蓄之比長命司會計是日蔡歸譚見其衣有血漬

志四十 志餘八

天

驚問其故蔡以實告且戒勿言當為爾娶婦遂以血衣

命之湔洗譚諾之久之責償前約蔡不得已出數十金

為娶婦婦甚美蔡自納為妾而許譚以別娶譚怒揚言

欲發其殺人事蔡患之伺其睡手刃之顧自念殺譚必

獲罪因寵妾而憎其妻遂誣妻與譚私并殺妻自首於

官官不之罪妻兄弟廉得其情控縣及府蔡俱以賄免

乃訴諸撫院中丞某公前夕夢一婦人被髮浴血跪於

庭似訴冤狀詰且閱其詞忽憶前夢檄縣捕蔡至省訊

以刑盡吐其實兩案並發乃雪婦之冤而置蔡於理

後序

咸豐甲寅南潯始設絲捐局抽釐以佐軍餉鎮人金坦齋

載錫朱硯泉 養誠蔣海珊 堂邵雨帆 湘邵价人 藩張魯卿

亦賢實董其事每年充餉之餘畱其百分之五為本地善

舉公用於是丙辰秋有修鎮志之議屬余編纂三年而後

成既成付刊始於己未之夏至庚申春刊未及半適粵匪

陷廣德郡城戒嚴而潯地晏然剗之功未嘗暫輟也四

月中垂成矣而蘇常亦陷六月賊遂至潯潯人倉皇遷避

因取已刊之板移置湖濱之葉港至冬而賊逼湖濱復移

板至上海辛酉夏上海又警復移至崇明之陳家鎮皆海

後序

珊之弟厚軒 維基以一人任其責暇日檢點板片稍有殘

缺但原槩已失意謂終於殘缺矣既而晤魯卿出其所藏

底本則缺處宛然具存不覺為之愉快乃次第修補并補

刊地圖及補遺諸條鎮人避亂徙寓上海者數十家皆欣

然釀資以備刷印蓋至是而修志之事始迄於成矣回首

鄉園久為賊窟廬舍焚蕩百無一存戚友離散死生莫知

凡志之所錄盡成夢境徒供後人想望之資欲求旋定安

集復還舊觀未知何日獨此志缺而復完仍為全帙蓋非

厚軒則板必不存非魯卿則板雖存而必不完非諸君釀

資刷印則度置高閣板雖完與不完等然則此志之得以

流傳而不至湮滅者雖曰天幸豈非人力哉故記其顛末
綴諸末簡以告後之人若夫鄉人士女能奮身殺賊及遇
賊不屈而死者不乏其人俟異日戡定歸於鄉里當詳為
採訪編附志後此時則未暇及也

同治二年歲次癸亥六月朔日汪日楨識於上海寓舍

後序

杏花邨志序

周官外史掌四方之志小史掌邦國之志古志以史領之故志與史一也今天下郡縣皆有志而名勝之地專有者十不得二三焉是亦一缺也池陽自杜牧之爲守春日出游題詠於杏花邨清明一絕至今膾炙人口余友郎子趙客自始祖以來家於此邨乃

輯有關涉於邨事者臚爲十卷有二目之中又有目焉余過池陽因出以相眎使余敘之余惟龍門史記擅千古之長其次爲班固西漢又次爲范曄東漢陳壽三國自晉以後紛紜雜糅愈趨愈下矣究厥由來出一人之手者用志不分出衆人之爲者意見參互此在今日則具體而微或

難創始或難繼述皆以不專
之故趙客苦心搜輯不遺餘
力凡夫縉紳韋布無不咨詢
巷議街談無不茹納朝考夕
思以成此志可謂良工苦心

彭序三

其美當如是矣蒙莊有言去
國數日見其所知而喜去國
旬日見所嘗見於國中者而
喜朞年見似人而喜舊國舊
都山川艸木望之暢然况乎

累世所居之地能無繫戀之
情哉趙客不忘先世之澤志
成將傳之後禩遺之子孫萬
億年其無窮焉魏文帝身爲
帝王尚美文章爲不朽之盛

彭序四

事誠可以顯親之美名成已
之大業趙客令祖仲久隱君
在布衣之位立談於左寧南
百萬軍中以救垂亡之城其
功甚偉其德甚大然非聞孫

如趙客恐亦湮沒而不彰矣
因敘其志而淡有勸於爲人
之子孫者

華亭彭師援嗣淵氏撰
於蓉城署齋

彭序五



杏花邨志序

杏花邨曷為有志也聞之
名區勝槩慮其久而湮沒
於是志以傳之若杏花邨
自唐刺史杜牧之留題而

周序下

後雖三尺童穉孰有不知
者曷為而須乎志也雖然
古今無不敝之蹟而有不
敝之名至於蹟既泯而徒
名之曰杏花邨也無以傳

也此郎子趙客杏花邨志之所為作也趙客為池陽舊族居是村者累葉矣博學能文克紹先人遺緒而復憲其所居之邨久而莫

周序二

識所傳也爰即村之前後左右以及其中之勝情異蹟為之志其景志其人志其事業文章淫苛廢興出處變異之事舉凡邨中景

物無不假史公之筆寫道子之生積腋有年而志以成于時乙丑秋仲請政于余，見其好古深思闡發前人能以千秋勝事曠然置諸耳目之前與九子齋山諸記載蓋相揖讓焉今而後知杏花村得牧之而始著牧之賴趙客而益傳矣

周序三

康熙歲次乙丑季秋月

西湖周疆競菴氏題

於秋浦公署



周序四

陵陽曹有為書



杏花邨志序

志者史之一事也自孟堅
易子長之書為志而十志
稱焉而亦有專以志名者
則茂先之博物志是也然
非孟堅良史之才則不能
佐非茂先淹雅之學則不
敢作志可易言哉今天下
輿邑之志所在都有總而
會之則為一統志臚而列

王序一

之則一山一水一邨一會
亦莫不有志志之大小不
一而其不可無良史之才
淹雅之學則一也吾池西
門外里許有杏花邨唐刺
王序二

鐫梅根父子有齊山圖畫
一書九華自楊少惠作外
史至吳釀王有九華續志
一書獨杏花邨志缺如是
固不能無待於其人也吾
王序三

及郎子趙容生於斯長於
斯聚族於斯沉酣六籍發
為詩文元元本本蓋由山
賓先生之師傳呂上接嶧
桐樓山之派者乃奮然呂

邨志為已任廣搜博採閱
十年而成書又其輯聞甚
藉四方名人過訪者屢滿
戶外投贈日富採擇愈多
可謂洋洋乎大觀矣今觀

王序四

其所輯山川古蹟人物藝
文自唐迄今瞭如指掌天
下都會做此立名者辨無
遺力則淹雅之學也一人
之始終必詳一事之本末

必核紀循吏以勸廉紀名
儒以勸學紀宗族以教孝
善不虛美字無虛設則良
史之才也又何徒羨九華
齊山之勝而復嗟杏邨之

王序五

湮沒也哉且非獨如此而
已邨志之餘兼輯齊華拾
遺池州詩史兩書則又補
前人所不逮也方今

聖天子崇尚博學羅致史才

使有有力者薦而達之吾
知趙客出其三長以成蘭
臺石室之書班張之才之
學必不能專美於漢晉矣
然則斯志也其著作之先
聲而未足盡武庫之藏也
夫

王序六

蘭水王爾綱紹李氏

謬於砌玉軒



蓉山存存氏孫之康
書於渠成居



王序六

序

訓

到池浹月郎子趙客出杏花
邨志屬序于余余讀之卒業
乃掩卷嘆曰此一志而三善
備焉矣凡名勝之區多有所

宗序一

紀如吳興掌故洛陽風土記
要皆史氏之源以文傳事而
行遠昭信則視乎作者之學
焉今志于見聞有據則載之
其失實者弗錄也一事而一

書再書又再書恐前人之蹟

湮歿于混淆而力不克以遽
正特寓意于將來此微而彰
之體也且此邨為郎之聚族
以居屢世矣志與氏族又史

宗序二

之必記然歐陽氏蘓氏云譜
徵則宗法亡勢將一本之親
源為塗人而莫識余獨慨近
世之稱宗者大約塗人而一
本者也其于木本水源之思

又何謂與識者于此一倣李
獻吉蔡用卿之例紀之庶有
當乎趙客自其身追而上之
以至于小宗絕不有所附會
得兩家之慎而旁採人物藝

宗序三

文以錯綜其間則書較博焉
若史稱杜牧之上書陳事慷
慨有為終以疎直囚合於時
齋志而歿距此邇千百餘年
孰有知者僅留一詩垂後即

子鋪揚張大之所謂以人傳
人則傳無窮即子有焉夫屬
詞比事史遺直也叙世次不
忘本也誦法名賢敦緇衣也
予故曰一志而三善備也至

宗序四

若酒家若牧童亦詩人托興
則然今之人必取而實之與
泥而求之是可以不必矣

廣陵宗觀崔問篋并書



杏花魁誌序



趙客杏花魁誌成問序于余曰誌者志也志之所至事無不至焉者也趙客其誠有志乎哉且誌者史也上之禮樂官嗣職官之屬下之郡邑山川柳里之屬而皆關乎朝廷通乎古今

吳序一

盛衰所自端從此見有心者固未嘗忽焉然多感慨系之矣杏花柳之於池州亦相為盛衰者也有池州斯有此柳有此柳斯以杏花名或曰柳以杜詩傳耳余固謂杜守之以柳傳其詩也不然杜佳詩甚多非不傳而獨

此則無人不識即兒童亦皆誦之矣非以此柳乎當此柳之零落于荒烟野艸中杏花而指為柳之居者自立池州來不知幾消沒於烽燧矣移徙於兵戰見杏花而柳箸不見杏花而柳名程空箸有杜詩而柳箸使無

吳序二

杜詩而柳名仍空箸杜亦幸而詩於前耳故後者讓之於後者又何必其讓之也或曰居于柳者詎惟邵氏族趙客之誌得無專以據乎余固謂非專據也余所聞者明初革除之後張氏居焉金多焦之裔也他若董氏皆

居之他居者又詎惟張董由此推之
卽氏之聚族以邨名豈私有此邨哉
公之耳公以成其為趙客之誌耳譬
之黃澗匡廬歛之傍而居者稱黃澗
也宣之傍而居者又未嘗不稱黃澗
也九江之傍而居者稱匡廬也南康
之傍而居者又未嘗不稱匡廬也黃
澗匡廬之大可舉以見邨之小也顧
邨之小亦卽可以見大地有地曰秋
浦曰菊江曰樓山曰梅根曰師山曰
離岸曰碧岩曰桃波曰江祖名不一
而名之穿之者要未嘗不言地矣則

吳序三

生于池者出於池而不始忘于池與
居于邨者離乎邨而不始忘乎邨猶
然矣趙客亦豈有私之者哉或曰誌
于詩文未為可傳不當擇而取之乎
余因謂無所庸擇也譬之於大地為
園焉地之大其何所不有以為園名
亦佳未列而潔治之然亦不無蕪蔓
蒼不如是不成其為園不成其為大
地也是趙客邨誌之志也即小將以
見大也趙客其誠有志乎哉勉之矣
古牛耕者吳冰書於半坐之

吳序四

審安小窗



杏萼蠅志題辭

杏萼蠅三金陵脊二

頁一在鳳凰臺枕江

夾后紛覆千家一在

城鹵南芙蓉山畔碧

題辭一

艸芊縣搖紅十里爭

為名勝與池陽杏萼

蠅為三牧之詩所云

俗問遙指處也己未

穉仲一至其地杏平

萼 = 平蠅也明季昏

正月再至杏夾未萼

萼夾平蠅也顧平湖

剡岫古塚最林雲月

一車煙霜一棹鳥往

題辭二

平萼蠅者平意笑平

廣矣即予趙客訪平

於魏之蓮池書屋謂

平處杏蠅又得曰廣

平之平廣也趙客家

杏學東里主賓無間
 風流駘宕文章妙天
 戶發為詩歌高懷遠
 韻骨遷集古人之氣
 字曰杏輗堂曰還朴

題辭三

集諸同人讀書飲酒
 其中作杏輗志：杏
 輗也志曰詩曰文曰
 詞賦傳記志其山水
 志其人文行業經術

及古名賢鉅公幽貞
 節烈之奇冰雪風霆
 漂搖變刃之跡無不
 志也趙客曰夾猶之
 志杏輗焉爾也嘗壑

題辭四

秣溪學晨月夕一嘯
 一吟一舞一履從趙
 客遊者惟所借：之
 所遇：之所獲：之
 志焉爾而尤樂與之

系朴也曷朴爾豔思
綺語義隱於榮華於
志不淡讀元亮田疇
飲酒以言韋君丞平
能味之於唐蘓端明
不能味之于宋何也
文采恣恣而朴必平
足已達于詠也趙客
之為朴則所謂高懷
遠韻遷集古人與為

題辭五

翱翔踞其清勝者也
志云乎哉予未能朴
學已求全其朴而詩
之而序記之其于趙
客竟何如也煙外一
枝曉風吹破當春嬌
狀燭笑招予遊而為
三者遙指酒家近在
阿處
秦淮鄭濂蓮水氏

題辭六

謨于陵易署空



皆季八十胥卯獅

類持坐芝書



杏花邨志卷首

邨人 郎遂 編輯

凡例

齊山當池城之南四五里許杏花邨則在城之西郭外齊山以巖石勝杏花邨以平原勝皆有江與湖爲之助齊山舊有志而杏花邨志闕焉遂邨人也乃紀所聞以志之

邨名自杜刺史著始此乎前此矣前此故杜以入詩邨不杜名也非猶夫長林之杜邨以荀鶴名也杜鵑則相傳

杏花邨志

卷首 凡例

以杜刺史游歷著或曰刺史遺履子荀鶴別業也

凡邨內景物之可名者無論題詠所及與所未及特書列之

凡古蹟之廢以久者雖遺址必特書不敢沒也

金陵皖水諸地皆有杏花邨然非古也間有題咏悉考証不錄

凡詩文之有涉於邨作者不盡皆身歷也采其言以備稽考

詩關於邨境內名勝故實而無名題者一仍原題以存其

詩如牧之清明彥之溪舛秋思是也

凡古今詩文取其可分注者即附載二三卷以便覽觀其餘仍收入藝文以待採風

凡郡邑人物志各從其科今邨志中統各人物似為包舉凡生於斯宦於斯以及游於斯者只論人有足傳各立小傳生平出處約略可知惟近代詞人僅於題詠姓氏下略著爵里味其詩想見其人一吟一咏庶幾旦暮遇之

詩體首五言古詠七言絕句志詩自唐杜刺史始為七言

絕句故首七絕從所始也他如例

郡邑皆有志事之大者書之如災祥氣候之類是也邨志

從其畧遇有軼事隨聞即錄不以時代為次統曰雜記詩題中姓字繫已往者間一注明俾後之人考焉

志中凡達官碩彥直書姓名臨文不諱例也間於題跋中則別之遇逐家諱為友人王子紹李蘇子克岐悉填焉

詩文所採於郡乘碑刻及歷代名人遺集為多餘則或按取所徵致也懷餅以詢故老子時有之

康熙甲寅春月起稿距今乙丑仲夏授梓成書



徵杏花邨詩文啓


吾池杏花邨自昔開荒於唐始著推邨名之所繇立想樹實之甫以繁影爭茂於靈山陽春流麗英比隆於魏邨物產多珍無須擅美含章遂爾盛稱原塾讀書可坐招儒者乘輿閒即是仙人賢刺史好游特長吟歌雨中所見以紀事有行人取道看遙指向邨裏求酷于懸帘因杜老之詩名以成古蹟入牧童於風韻亦至今傳時屬偶然動稱佳話思追寒食節屆清明矧四時之烟光幻飄湖上即三台之山頂俯眺江干行春乎行秋乎賞心結伴望南耶望北

杏花邨志

卷首 徵啓

三

耶極目何思若以境內之景幽艱文選樓址道梁昭明故棲神於西廟乃其空中之施結構冶金像軀在宋紹興傳鐵佛於高岡瞻玩人談徘徊自得問黃公於前古尚尋酒味於井壚慨顧守于近今久圯亭臺於瓦礫杏當更種六出為名彩待成林三玄為號雖曰有興有廢而廢以重興每於為往為還而還仍復往游觀未厭觸感而歌為風人之致辭廣其繡句斯勝地之不朽藉此片言集以全編錄應備誌西樵子郎遂謹啓



考據書目

唐書

南唐書



宋史

元史

綱目

通鑑

一統志

名勝志

廣輿記

輿鏡

文獻通考

地理纂要

池州府舊志

正德戊寅嘉靖乙巳
萬曆壬子纂修諸種

池州府新志

康熙
癸丑 貴池縣舊志 正德
庚辰

李七郎志

宋書

書目

四

貴池縣新志

順治
丁酉

貴池掌故

饒州府志

徽州府志

揚州府志

安慶府志

齊雲志

九華志

齊山志

九華雜錄

廬山志

廬江志

唐詩紀事

癸辛雜識

李杜池州詩注

樊川集

唐風集

杜翰林詩集

姚子莊
刻本

萬姓統譜

翰墨大成

重刻昭明文選

元本

龍文鞭影

陸放翁入蜀記

墨莊漫錄

朱文公集

洛水集

宛陵集

雲巢集

陶安文集

從亡列傳

西館劉氏族譜

趙邨張氏族譜

秀荅袁氏族譜

丁氏家乘

海陽遺稿

秋浦集

楚人李
學沆著

李七郎志

宋書

書目

五

明文百家萃

人子須知

丁太史文遠集

瞻竹堂集

萼綠齋集

李行季遺詩

樓山堂集

嚶桐集

率瀕社錄

浮齋百韻

翠微集

余翹
著

碧生山房集

王良
相著

懷謝軒詩

時鶴齋集

周體
觀著

姚簡齋文字禪

杜鵑集

何堪集

音云集

鶯鳴集

梅根集

問霞軒集

補石谷詩選 顧咸 泰著

紀楚行

秋水集 陳天 采著

秋浦吟 明李 盤著

眠雲集

嘯園遺稿

虎子我詩

且園草

砌玉軒集

古雪堂詩

慎墨堂稿

會山樓集

鶴樵詩刻

濤園集

五燈會元

杏花邨志

參首 書目

六

建初諸子詩選

讀書種子錄

龍眠風雅

清風閣集

還朴堂誤著書目 附

池州歷朝文選

池州詩史

廿一史目錄異同

齊華拾遺

碧溪詩話

清風詩話

谷潭漁人筆

中山掌記

煥園詩略

過庭續鈔

雪浪餘聞

薤露集



參訂姓氏

許承欽 漢陽 尤侗 長洲 張芳 菊人

倪燦 錢唐 黃虞稷 溫陵 陸德元 儼庭

鄧漢儀 孝威 吳綺 江都 李念慈 吧瞻

宗觀 廣陵 彭師援 華亭 戴移孝 務旃

錢宗聖 景之 王朱玉 崑山 陳希昌 秉文

蔣生芝 芝田 陳元鍾 連江 張愆 江寧

王毅 椒仰 胡其毅 致果 汪敷敏 楚宜

龔賢 野遺 湯燕生 岩夫 周南 鶴田

華黃 中涓 鄧紹煥 其章 莫大受 吉人

杜凱 蒼略 錢錦城 臨泉 王揖 汾仲

包斌 研山 章峻 天門 蔣瑤芝 懷寧

汪穎 純子 秦汝泌 鄞仙 楊弘器 亦震

錢塢 吳門 邵晃 萊夫 汪斯謀 宛平

沈宜銓 隨卷 楊森 嘉樹 李必先 恪民

周蓼邱 貞萋 王槩 安節 陳啓孟 孔皆

章世德 楓菴 葛寬中 栗夫 侯翰 受公

周蔚 君豹 吳鉉 周音 范俊 克章

周蔚 桐城 吳鉉 關東 范俊 寧波

柯仲實	琴泉 峽川	陳正偲	又思 連江	咎茹芝	元彥 安慶
江一經	式繩 蘭水	吳非	山賓 高田	郎毓生	晉人 上元
金王佐	賓王 吳門	甯士玠	介夫 青陽	胡受祉	匡隱 西谿
宗元豫	子發 揚州	王著	必艸 繡水	施劭生	仲鄒 婺源
陳錦宁	景侯 豐泉	范叔	西漢 望江	陳開宗	廢先 青陽
柯玉章	象山 棠溪	蘇應秋	在渭 陵陽	黃甲先	陶江 東流
錢又選	聖巢 青浦	馮鼎延	聖調 烏程	任奕鰲	戴仁 懷寧
胡光朝	翼公 建德	章永祚	錫九 貴池	畢維惠	繡公 銅陵
鍾允備	子夔 宣城	鄧劭榮	若雍 泰州	賀鼎弼	相玉 丹陽
杏花邨志		卷首 姓氏		八	
林長發	其祥 武進	黃猷楨	宣臣 菊江	陳泉	孝淵 石埭
陳陞	允吉 陵陽	孫印	月江 舊京	章習	步如 青湖
方傑	育旃 安慶	釋定嵩	開極 匡廬	郎應徵	子四
王爾綱	紹李 建德	悟一	雪教 金陵	垣	峻掖
蘇應璩	克岐 石埭	祖燦	四照 武昌	大紹	而念
吳孟堅	子班 貴池	興斧	山尼 吉州	士昌	元臣
劉漢系	王孫 貴池	智煒	六目 舒州	士著	允若
桂翔	天際 長林	趙榕	再魁 潭州	李元音	一諧 正字
吳國靖	獻侯 九華	法遷	掌嵩 浮渡	長男	魯亭 峻梓

杏花邨志目錄	聚星樓刊行
卷首	
序文	
題辭	
凡例	
徵啓	
書目	
姓氏	
卷之一	
杏花邨志	卷首 目錄
圖序	
總圖	杏花邨景圖 杜牧行春圖
分圖	平天春漲 白浦荷風 西湘烟雨 茶田麥浪 三台夕照 栖霞松月 黃公酒壚 鐵佛禪林 昭明書院 杜鵑漁歌 桑柘丹楓 梅洲曉雪
卷之二	
邨中	日名勝日建置日古蹟 日丘墓俱采著各卷
邨南	
邨北	
卷之三	

邨東	邨西	卷之四	人物	閨淑	仙釋	卷之五	題詠	卷之六	杏花邨志	卷首 目錄	題詠	卷之七	題詠	卷之八	題詠	詞賦	卷之九	宸翰	文章
							七言絕句詩				五言古詩 七言古詩		五言律詩 七言律詩		五言律詩 七言律詩			制勅	碑記 記

卷之十	文章	卷十一	戶牒	族系	傳奇	卷十二	雜記	卷末	杏花邨志	卷首 目錄	書後	後序	跋	從編	從繡	從維	子	從純	婿李元音
	序引 上梁文			附錄詩文												席名	錄稿	原名	

杏花邨志卷之一

邨人 郎遂 編輯

池州杏花邨在魏治之西立名不知助於何代自唐刺史杜牧行春後名始著清明一絕凡樵夫牧豎無不取而歌咏之或曰邨以杜牧之詩傳實杜牧之詩以邨傳也相傳盛時老杏萬餘株連邨十里炫爛迷觀誠勝景也至今輩井大塘諸地皆以杏花名邨其邨境不只限在今之一區一隅也粵唐迄明興廢不一嘉靖間一興於魏丞蒲州張公邦教天崇間再興於魏守歸安顧公元鏡若建亭構石

杏花邨志 卷之一 圖序

為杜老標靈有邑宰江陵李公一鳳成都張公燦垣咸文采風流韻頡樊川者嗣後杏花零落酒社烟荒蘭亭金谷同一蒼涼矣至我 本朝三韓鎬公光美鳴琴之暇留意山水奉魏伯金州喻公檄捐俸種杏爰擬重開亭榭修復舊觀尋以行取入都竟成缺典猶憶從來蒞茲土者多當代名賢鉅公倘杜牧重逢山川景物當後先輝耀余因新立邨志以俟來者會雲間錢子墨巢結廬秋浦以繪事妙天下最愛杏花邨川原幽異於是細加品題廣哀繪素列諸簡端令世之靈運少文輩各手一編以志快舉云爾

杏花邨圖

古牛吳味象



杏花邨志 卷之一 圖

杏花邨志 卷一 圖四



杏花邨志 卷之一 圖四

牧童遙指孤村老舊題詠
紅杏添新色黃壚憶昔
遠坐層巒好鳥解吹簫
偷得餘閒杜官錢換酒


顧元鏡句 吳非畫



小杜行
春圖




杏花邨志 卷之一 圖四
四
宛陵編
光信刊



石鏡
卷之十一 圖四
五





石鏡





香奩
卷之十一 圖四
六



香奩






三台石

春花郡志 卷之一 圖四 九



石鐘

春花郡志 卷之一 圖四 十



杏花邨志
卷之一 圖四
十三

秀於
青琅玕




董公西鐘



杏花邨志
卷之一 圖四
十三

貝葉



鐘佛禪林



杏花邨志

卷之一 圖四

五

玉壺冰





杏花邨志


卷之一 圖四

四

竹冊







杏花邨志卷之二

邨中

邨人

郎

編輯

名勝

湖山 在杏花邨登頂俯眺大江如縈帶焉飛帆上下宛似
 鳧鴈頂上平曠昔建有亭臺今廢 宋朱熹九日登
 湖山用杜牧登高韻得歸字詩曰去歲瀟湘重九時滿
 城寒雨客思歸故山此日還佳節黃菊清樽更晚暉短
 髮無多休落帽長風不斷且吹衣相看下視人寰小祇
 合從今老翠微按晦菴本集詩題謂九日登天湖人固
 指為平天湖作但於登字非宜况九日必是登高非泛
 湖也今正之 明孝廉余翹湖山詩曰乘高何處望眸
 開載酒湖山藉艸萊烟裏夕陽無限景歸帆落鴈蔽江
 來 休寧程梧九日湖山詩曰令節逢重九黃花雨後

杏花邨志

卷之二 邨中

繁晴光浮島嶼秋色迥乾坤詞賦徵高會茱萸泛綠尊
 登臨興不劇新月照前邨 貴池吳應箕登湖山頂詩
 日出部偏宜曉盤旋得幾羣雨峰相澹遠天地始氤氳
 積暑朝能散平湖水欲分因高閒指點江影劍為紋
 清侯官陳肇會九日湖山登高歷游西郊諸勝詩曰極
 目遙看樹樹秋萬家烟火望中收厨分香積尋僧話杯
 倒玄醪散客愁別島嶼浮遠岫大江浩渺接長流臨
 風醉後頻歌咏豈讓龍山昔日游又曰山色波光入畫
 圖平疇千畝不徵租黃雲極塞連燕薊白日橫江斷楚
 吳遠浦愁看生薜荔故園遙憶插茱萸猶存古井供泉
 醴知是黃公舊酒壚又曰颯颯楓風起白蘋勝游攜慄
 遠招賓共敲詩句酬良讌細聽經音絕幻塵法界三千
 瞻鐵像王城丈六現全身當年會落參軍冑此日誰款
 爛醉巾又曰開襟勝引倒芳樽密坐高談日易昏似為
 黃花邀旅客寧愁綠艸滯王孫嶙峋迴眺峰爭列洶湧
 驚看浪欲奔但問酒家隨處有何須偏指杏花邨武
 進林博雲湖山積雪詩曰高眺湖山雪瀾漫玉作堆溪
 光酒霽月曠質映寒梅石谷述青藹松林帶白皚小溪

渾凍合。整衲隱三臺。江都宗觀湖山詩曰。秀山門北。勝帶卽湖山。夕照濛濛亂。秋空葉葉斑。鳥歸寒浦外。僧出斷崖間。從此驅羸馬。相期數往還。 杭州危峽。湖山和宗廣文詩曰。路指平橋轉。招尋湖上山。幾家成聚落。萬木染霜斑。登眺無多地。川原盡此間。 柳巷林林出。僧帶白雲還。 邑人吳非湖山詩曰。每欲登高頂。踈蹤乃至今。俯嗟城是舊。斜指樹重陰。 金細湖山詩曰。湖光見淺深。一亭如可立。風雨臥巖岑。 情登眺處。高絕是湖山。每到三春候。來樓十畝間。 蔣瑤過湖山吊卽仲久處士詩曰。孝友人居古杏邨。滄桑變後暗銷魂。至今烟樹城西路。每吊湖山夜雨昏。 又曰。息影園林處。士風夜深三尺有孤桐。知君去後傳高。 下孤城。談諧忽中。通侯意寸舌能回百萬兵。又曰。拜辭開府謝登壇。排難功成不受官。最是射書人既老。淒涼天寶話辛酸。自注通侯謂寧南侯左良玉開府指程公世昌

杏花邨志 卷之二 邨中

虎山 與湖山並峙山巔淺艸如茵湖光山色城郭烟火交相映帶游人歷此心曠神怡山列中台 明青陽王良相虎山晚眺詩曰。極目望烟迷樹色。倦飛山鳥宿高枝。招提清磬流燈火。返嶺從人到竹籬。 邨叟即深虎山看楓葉詩曰。杏花邨畔虎山斜。菴結山阿樹樹遮。每歲經秋霜染後。滿林紅葉燦雲霞。 清連江陳元鍾同友人登虎山絕頂詩曰。湖山台並虎山台。俯視平原一繡堆。 遐邇清風高士墓。超超古木讀書臺。 江峰隱見桐廬影。天界空濛鷓鴣來。 作賦有君雙妙手。杏花新種待鴻裁。 蓉城江表望虎山楓葉詩曰。莫道秋光老。秋光散彩霞。 四邊山滴翠。一望葉如花。 映日紅深淺。經風帶整斜。 落交流水際。誤認引漁槎。 即遂登虎山訪竺厓上人便過族祖國賓公墓隴詩曰。偶乘春日雨。出部典偏狂。 依徑尋僧去。穿林弔墓傍。 有懷葺小圃。還擬鑿方塘。 安得樊川出。重來問酒場。

鉢頂山 在演武場後亦名笠山以上三疊峰起總名三台山 閩連江陳元鍾和趙客登鉢頂山詩曰。山前

山後水居邨。柳邨花處處。門祇見烟霞歸海嶠。雲樹問江源。六朝陳跡碑堪讀。萬里同人心共論。 超宗家有鳳。間從登嘯一窺園。 郎遂攜兒登鉢頂山詩曰。登巔遙指古花邨。望子新縣幾處門。 柳若浮家何地覓桃源。開游逢衲資談笑。往事尋碑細討論。 芙蓉嶺 在三臺山之間 東汝布衣楊森喜杏邨友人招芙蓉嶺遊江祖石以平橋阻舟還集三臺共用船字詩曰。萬羅蒼翠遠參天。望裏虛回載酒船。木杪有臺供選勝。峰頭無路與游仙。 青看隔水羣山抱。碧蔭當空茂樹偏。 只是醉餘憫悵處。大隄芳艸石橋邊。 天臺飯牛奴甯淇。 裴前題詩曰。清溪十里艸芊芊。我友招游五月天。 水若風牽真似帶。石梁潮淺不通船。 開樽且傍山腰寺。放眼仍看洞口烟。 乘醉獨留宿杏邨。裏聽啼鶯。 古牛耕者吳非前題詩曰。芙蓉塘畔泛湖船。江祖遙招一石橋。 橋似樵橫飛莫渡。指于亭際坐成旋。 載回酒具人皆醉。合拍歌聲客自傳。 四面山光高列嶂。日斜雲影畫圖烟。

杏花邨志 卷之二 邨中

西湘 在聖母橋下有溪水流入湖 明新安吳耕西湘踏韻致伸酒因古魄醅。蹟向獻徵掄。代謝難湮事。千春尚可鄰。 郎遂寄懷王葛源詩有十載好子柄。杏鴨西湘常到子猷船之句

茶田嶺 亦名棲雲嶺近西湘昔人品杏花邨十景茶田麥浪烟。巨浸空涵四埜田。看去波濤原縹緲。聽來湧浪不潺湲。 漁入誤訝添春水。蕩子終難繫畫船。 附上柳條相俯仰。遙疑錦觀望中牽。

清涼境 在西湘茶田之間 漢陽詩人李必先游清涼境見僧影。松風六月寒。花雨三春冷。未足登臨情。翠蘿窮絕頂。 離岸余心傳清涼境詩曰。菴結當山徑。亭空古路傍。 艸青彌望望。松韻入風長。 飲酒同人醉。煎茶借佛香。 相從呼我輩。携手兩三行。

建置

杏花邨坊 在演武場前左右各一明郡守顧元鏡鼎建後

熙已酉郡守郭世純重修里人請還舊名甲子冬喻郡

杏花亭 在演武場前嘉靖中郡丞張邦教立崇禎初郡守

亭額書悠然見南山句又曰有花有酒亭聯則馬嘶芳

之盛 蘭水孔與晉杏花亭望詩曰西岡迢遞一長

青家飛杏浮新醪處處垂楊伴野萍此是開亭無限

陸舫 在杏花亭前明貴池令成都張燦垣立今廢

杏花邨志 卷之二 邨中 四

君對名花揮彩筆 我將浪跡逐飄萍 何時問酒樊川鴨

湖山別業 在湖山之麓恭川李氏肄業處也今廢

成園 山色湖光接翠微 收得無窮春意在 祇愁林鳥喚

雞 乘雲齋 在湖山南麓名花古樹皆伐為薪惟絳一株

竿環于水際今亦俱亡矣 孫登孫訪乘雲齋主人不

值詩曰 乘閒出郭訪張華 一徑山邨半落花 春水半湖

芳艸沒晴郊 夾道綠楊斜 雙扉燕雀高人宅 四壁圖書

深處戶常關 乘興來游與盡還 官路馬蹄侵埜色 長林

鳥語破愁顏 窗空莫問邨中酒 日暮休貪郭外山 祇此

且剛佳節去 遲遲重與約躋攀 歸廷羨喜甯崗過 乘

州高士榻 可無太乙聚星書 談因久劇頻聞雁 卷亦常

開偶見魚 相對共拚今夜醉 莫令風雨獨愁予

湖山堂 即乘雲齋故址 杞林方以正拓而新之落成之日

此 吳非同趙客過湖山堂為方廷御留題詩曰大地

皆為客 行行亦偶來 湖山時自勝 艸木待誰開 構耳書

高屋堂空月近臺 前邨應問杏 隨意足徘徊 郎遂題

湖山堂詩曰 杏花邨最勝 登眺有名巖 愛為開亭樹 開

會問井幹 風高松殿颺 雨驟水湍湍 願作湖山主 烟霞

分我餐

淨林 在虎山之阿明學博歙州胡虞支題額萬曆間高僧

妙光行脚來池郎子棋嘗飯之與之談禪甚得因以

學圃地建菴迎居之 明郎才過虎山淨林聽子規詩

日 余生性慳水雲居 為探新音步履徐 春老桃花紅粉

窺園

在昭德坊明董模築有園有序有詩詳見藝文
安潘之恒窺園記曰日窺園者何居歙州學博董子
修先生模讀書處也其地在杏邨湖山間昔漢儒董仲
舒學不窺園先生則而效之曰吾以吾之窺學吾祖之
不窺也蓋池郡近郭有兩山而齊山最著以唐刺史
杜牧之詩游轍至今填谷冠蓋雲集視若郵舍殊減兩
委人呼為小九華謂其近且似也先生語余城西湖山
下臨白浦鏡波倒影空碧玲瓏古刹隱居稻畦林薄點
綴如黃公鑪泉可用汲覽眺鐵佛寺吊古文選臺而杏
花邨有清醕可沽皆以勝麗吾園而坐收之躋險渡深
則有杖可扶有艇可刺有藥可刷有奇可搜吾以日博
而窺其奧故命曰窺園也先生之仲子無為氏好古博
洽能世其經屬余及呂樂師為之記其勝遂逾齊山而
上之今游池陽者知有湖山問主於窺園則與盡觀此
不必更有所詣矣夫九華齊山非不奇詭霧異而以人
鑿其天湖山曠遠清虛境若隔凡吾願子修先生之秘
之也他日經華齊兩山無從避賢吾必以湖山為吾
矣君家祖傳惟不窺園乃能窺天人之際先生窺之以

杏花邨志

卷之二 邨中

六

完湖山之真而後徵杜牧之以詩累齊山也子修尚終
秘湖山請削三記母為游客所窺而聚焉可爾時萬
曆戊申夏五郎遂跋窺園圖記卷曰余輯杏花邨志
於園林亭榭凡遺址必特書重先賢也董敬菴先生模
築窺園於湖山之麓與先郡丞文韶公煥園相密邇先
生課令子讀書其中嘗與名流觴詠一時酬唱不減南
皮鄴下厥後滄桑變更斯園幾易其主今先生文孫商
侯謹守此卷余偶一披閱不勝欷歔因採園之記若詩
錄入邨志以傳一揀一石終不忘為董氏有矣雖歸他
姓亦僅同守薪之吏灌園之丁為護往蹟而已壬戌秋
跋於虎山淨林即遂吊窺園詩曰十載下帷曾此地
何嫌業就一窺園遺文收入名山注易代蕭條跡尚存
懷杜軒在鹵郊外面湖文學郎士昌授徒處也士昌甫弱
源家學蓋有自也姪孫遂題元臣叔祖懷杜軒用擬購
別業原韻詩曰杏落邨空慨廢墟惟君世守舊茅廬尚
存詩畫留餘筆頻向園林荷有鋤花艷閒情宜放鶴湖
波新漲好觀魚不須避世求深谷即此幽居亦自如

煥園

在杏花亭左宋奉議大夫郎文韶入元隱居于此于
族屬皆文韶公裔也煥園遺址大半荒蕪擬重構數
俾用承先志預以詩聞同人倡和別彙成集茲錄數首
以傳舊跡 郎遂原倡曰先人遺得舊邨墟三徑依稀
好結廬燕待我呼將杏補角同誰叩帶經鋤客談憶古
黃墟酒觴俯隨時白浦魚貧士家風徒此志無田負郭
也何如 閩中陳元鍾次韻詩曰選勝荒林曠古城杏
邨原有隱賢廬會栽松菊三開徑為愛藤蘿一倚鋤山
木豈無真主客風雲未肯渾龍魚於今更作南陽野飽
膝長吟且自如 宣城施開章次韻詩曰多少名山成
古墟披荆誰是讀書廬西郊勝地隨堪築南畝荒烟尚
可鋤種杏却因邨有酒隣湖莫謂食無魚他時招我衡
門下共賦棲遲如不如 廣陵宗觀次韻詩曰小園擬
築帶平墟梧竹濃陰貯酒廬讀史定知供辨難避人還
復理畔鋤山坡花暖飛黃雀湖蕩船開到鯪魚自分白
頭秋浦客團瓢相傍問真如 桐城方亨咸次韻詩曰
小築君家舊有墟杏花深處可為廬循簷好種吟風竹
傍隴堪揮待月鋤剝啄無驚常放鶴泳游何事但觀魚

杏花邨志

卷之二 邨中

七

尋常醉卧黃墟酒名利長安總不如 吳門金佐次韻
詩曰小杜行春到古城存亡幾度嘆衡廬牧童歌咏還
吹逐田父紛紛尚荷鋤坐嘯林中驚宿鳥泛湖上釣
游魚從君寄傲賦幽興把酒微吟亦自如 婺源施劬
生次韻詩曰幾度塵氛幾作墟看來還剩半山廬離離
樹古邨遺杏莽莽丘荒月荷鋤刺史行春何處酒高人
食客有時魚寺鐘響徹同人雅鐵佛開吟可自如 樞
菴章世德次韻詩曰荒烟零落古邨墟招隱何人復舊
廬園非却因狂雨剪田禾可傍惠風鋤當年刺史會尋
酒此地昭明最愛魚堂構不忘成繼述賦詩言志竟何
如 昆陵林博雲次韻詩曰杏邨何必嘆丘墟羨有蘭
森護舊廬上苑早占輝夜乘平湖遙對狎春鋤酒傾此
海棄相如 宣城鍾允齋次韻詩曰城西深處古烟城
中有先賢舊艸廬百戰風流遺世澤幾番興廢荷耘鋤
輪君廣咏復何如 金陵孫印次韻詩曰高隱傳來古
廢墟羨君重理舊茅廬杏花細雨春多種芳艸輕烟曉

自劍香散長林深酒盞波瀾片月引溪魚當年小杜今
 猶在敢效微吟亦不如 錦漢系次韻詩曰偶念邨荒
 宋代墟擬添花柳軟成廬一枝復舊君推引三徑重新
 我荷劍自有湖山籠玉案將期奕葉袋金魚却憐杜老
 題詩處遙指從今邈不如 門原注與國舊有聯云世守
 菊江黃甲高和韻詩曰此地手傳杜子墟祇今誰復結
 高廬可知山色原無恙賴有邨花尚自如卜築南開三
 徑草開蟬風雨一牀書君家出處應遺俗何必桃園美
 老漁 蓉城江表和韻詩曰荒廢何年舊草廬重開將
 復理艾劍感時風景千秋恨閱世升沉一卷書躡展看
 山誰畫筆結麟沽酒是樵漁花邨領畧能為主志在應
 知用有餘 赤濱檀車詩曰數椽高築敵湖天贏得名
 園勝輞川酒積黃墟千萬斛書增文選六朝篇郊原月
 色盈秋水梵刹鐘聲落暮烟好待結廬還補杏杖藜常
 此醉花前 豐泉陳之蔭步韻詩曰城外層樓望遠天
 雲山環抱水平川何人作賦工梁苑有客題詩續杜篇
 月鎖花邨千樹老雨連芳艸半湖烟石渠擬構傳經處
 閒聽漁歌夕照前 宛陵邵岑中訪煥園詩曰三載馳

杏花邨志

卷之二 邨中

八

聖到杏邨綠陰森樹靜衡門頰來語燕偏留客忽聽歌
 鶯數喚鐸詩賦爭傳千古事址墟猶見斷碑痕同人握
 手多興感日落卿山烟霧昏 石城金緒過煥園廢址
 詩曰環城何處不堪居欲傍荒郊結草廬紅杏已非思
 杜牧青州誰復憶相如依稀雲樹愁無限寂寞園林憾
 有餘為問辟疆成別業邨時開闢擁奇書 蘭水江一
 經過煥園有懷即仲久徵君詩曰名園洛水亦丘墟秋
 浦還傳處士廬許友不忘吳季劍揮金堪並管寧佩杏
 花風釀時招客蓮社輕桡獨釣魚憶昔立談彈悍帥解
 紛聊矢可相如 石埭蘇曙贈煥園主人詩曰郭外邨
 莊西復西花開二月轉黃鸝酒帘依舊當墟挂牧豎猶
 能指路迷 日下紅翻疑苑近雨中錦簇覺墻低主人夙
 有就幽癖小杜風流應與齊 杜鵬釋通祭訪煥園舊
 址次韻詩曰各園何處訪幽徑隔城斜臺已埋荒艸邨
 猶說杏花林深藏梵宇烟晚散人家過此懷疇昔風聲
 亂暮鴉 陵陽周常有過煥園舊址有感寄郎趙客詩
 日來往城西路逢人問講堂平湖客眼放遠岫入雲嶽
 邨著原于杜籍屈信有郎花餘雖落落可復舊時芳

演武場 在鉢頂山麓相傳舊在小路口之南後移建今址
 明萬曆間兵備副使馮叔吉拓而新之前建上游
 節制坊中建教機亭傍建將臺左右建府衛康熙癸丑
 年游擊楊勝捐俸重修今廢 蓉城江表杏花邨同友
 人較射詩曰射鵬曾得幾人同愛把鷹膠燕魚兒臂影
 一彎爭畫月星流百尺欲批風人家多在春林外客興
 偏餘晚照中且向青帘沽一醉杏花還憶舊時紅

關帝廟 在鉢頂山其左有神廟右有馬王廟俱康熙癸
 丑年池陽營游擊楊勝重修明費池方儀鳳甫學
 為儒家言至三十六欲去文學武從涪溪山中投宿杏
 花邨關帝廟求夢兆是夜神果見夢越二十年至萬曆
 丙辰科乃登第一人官至南路副總兵掛冠歸壽八十
 生平所歷皆于夢不爽或曰儀鳳少讀書僧舍每嫌經
 聲聒耳屢止之不可因戲題一詞有齋公寡婦之語蓋
 僧舍為寡婦所建也一夜夢神示之曰子當大魁天下
 今以此語損福矣然子功名未艾從業可耳儀鳳因求
 夢于關帝後棄文習武舉殿試第一然則一言之戲遂

杏花邨志

卷之二 邨中

九

令功名分途因附識於此

乾明寺 在小路口西北名原於唐宋紹興五年重建唐有
 黃流芳欲徙於湖心相公墩未果蓋郡脉自西來不宜
 重壓故也宋亦稱光孝寺今額乾明一曰鐵佛禪院其
 興廢始末詳明相國丁紹載募疏康熙間住持僧清言
 重為修復開堂接眾邑人即大徵倡首募建前殿以祀
 關壯繆里人唐正清相繼募建白漢靜室庚戌間擬重
 建山門未果見石埭令羅浮姚子莊募建山門引宋楊
 振有乾明寺前古松詩見藝文 明晉熙阮裕游乾明
 寺題壁詩曰雨色空濛仲夏過同尋勝蹟興婆娑萬松
 飛翠巢烟鳥千竹搖青憂玉珂 遍問黃鐘無舊酒頻敲
 清磬當新歌杏花仍有邨名在鐵佛於今體未磨 清
 桐城周南乾明寺訪白汗鄉師詩曰古寺背西郭爭傳
 鍊佛名規模仍潤大戒律自分明老衲留鄉語遊人見
 道情錫飛齊羽鶴夜半有鐘聲又曰茶瓜黍半席坐破
 幾蒲團靜向此中息禪從何處安鬚眉應是假冰雪未

為寒回首白雲寺長江一線看會稽陶濠乾明寺詩
曰白公禪寂處古刹倚林丘紅杏邨邊發清泉澗外流
飛花落靜院幽馨度山樓似得匡廬意仍來作快游
郎垣和陶拜王參軍乾明寺詩曰晴光搖翠壁散步問
丹丘林密乘雲合花飛逐水流傳燈開寶筏煮火燦星
樓已悟無生契寧同汗漫游又曰何人開梵域紺殿倚
雲丘麥浪紋偏反松風響欲流雨花鋪作褥貝葉疊成
樓不盡留連意遠期結勝游豐泉陳錦宸乾明寺雅
集和昌箕詩曰知已相逢賦采蘋溪山為主集賢賓簡
探丹井尋仙躡靜叩禪關遠市塵天外波濤難繫足簡
中詩酒即容身風流謾侈參軍帽試看斜欹白接巾
廣陵宗觀壬戌嘉平月邀趙客開步杏花邨小集乾明
寺限花邨二韻詩曰竹裏青帘帶淺沙樊川與廢堊人
家杏花零落邨名在不在江山玉樹花又曰老僧送客
出關門慷慨能將往事言一自寧南兵掠過至今烟火
不成邨宗季智侍家大人限韻詩曰步屨平林問酒
家黃公鐘畔散啼鴉南偏風景江城異霜葉餘紅傲杏
花又曰日皎風恬冬氣暄詩人往事幾經存于今更有

杏花邨志 卷之二 邨中

郎君胃何事郎邨屬杜邨郎送同鶴問師乾明寺即
席限韻詩曰曠楚晴光映紫霞小山歷落有人家一從
杜牧題詩後贏得邨名說杏花又曰鐵蓬聲傳堊寺
深林曲院欲開樽沽來鱸畔何須問牧豎無言過別邨
棲雲菴倚筇看身世無根聚散間久向虛空渾汗漫不成
霖雨也須還泰州鄧漢儀棲雲菴詩曰一坡層累上
絕頂見茅菴崖竹頻搖翠門松盡染嵐招雲來屋裏說
虎在江南欲去尋秋浦樵人路定諸銅陵郎應微雨
雲菴即事詩曰偶向清涼憩雲如繞屋遮綠茶勝碧澗
香飯儼胡麻心定渾忘暑譚高欲雨花老僧留別去林
際夕陽斜高田吳非詩曰此去通秋浦昔年祖道傍
荒亭來往便蘭若有無將留客權為主呼茶更飲綠時
如初夏盛松下果清涼青陽江表詩曰小立松林下
風清散午涼奚奴迎夾道埜納禮深房竹影當窓綠茶
烟入坐香樽疊且莫勸畱以醉斜陽張緝詩曰一菴
棲嶺上直欲接飛雲竹翠千竿合峰青四埜分山僧能
黃茗游客且呼羣頗覺清涼好開樽醉夕曛

杏花邨志 卷二

古蹟

黃公酒壚 杜牧清明詩所云牧童遙指處也相傳泉香似
其地即所存井闌有舊篆今已泐矣游覽名人嘗過而
憑弔之明大尹李岐陽題杜刺史行春處六字勸碑在
井闌邊今尚存寶山姜烈訪黃公酒壚詩曰空餘
徑得名嘉何處園林有杏花谿畔短橋漁艇繫山隈
屋酒帘斜雲開大道催疲馬烟擁高桑住倦鴉客
來尋故址萋萋芳艸是黃家羅溪李賜客中有懷黃
公酒壚詩曰十年萍跡徧天涯問酒尋山到處家每憶
邨醪神輒往若逢寒食與尤賒黃公久冷壚邊酒紅杏
頻開窈窕花勝事喜今傳麗句高歌猶醉赤城霞
偏是冬深不見花想像詞人吟麗藻徘徊禁客憶仙葩
竹籬淡艷遲春日茅店輕紅散曉霞杜牧酒家何處是
風流往蹟費咨嗟清溪朱之梅詩曰山城西望艸艸
萋弔古邨原意自迷十里風光茅店裏一湖春色小橋

杏花邨志 卷之二 邨中

低詩憐太守花應泣春憶游人鳥獨啼為問黃壚何處
是邨農遙指在前溪蓉城江元嵩詩曰短橋並屋柳
陰低搖蕩青帘一樣齊館似爭春堪宴賞坊疑碎錦愛
招携尊前紅樹留鶯語簾外香風落燕泥當日樊川遙
指處年年人醉夕陽西湖州馮鼎延詩曰水接城門
鳴鶯多幾家屋角倚山坡垂楊帘影踈搖雨遠寺鐘聲
半隔河杜牧詩畱邨尚在黃公碑斷字全磨有人細述
當年事花滿平原盡綺羅九華吳世閱詩曰城部人
民幾度終杏花猶放昔年紅遙思鐵笛吹名利因憶樊
川賦牧童酒索黃壚香未散書傳文選氣猶雄平湖不
管人間恨一色長空夕照中

昭德坊

在西邨今不存見宋人墓志

鄧西禪院

在今乾明寺左遺址尚存南唐伍喬宋潘閣梅堯臣俱有詩見藝文

光孝寺

今乾明寺址見宋陸游入蜀記

西峰鍊笛 在光孝寺

西峰銘石刻 在光孝寺按鍊笛與銘石雖久不存以西峰

鐵佛 在乾明寺宋紹興辛未年鑄 元檢討貢奎明宮詹

寺鐵佛記曰出西門所觸目皆非其故矣左兵之後

以磔址以艸也而古杏花邨坊表尚存今年秋主池州

者重理之更署書曰牧童遙指處行者惕者或曰去牧

童字可也或曰不若仍古杏花邨四字則以唐判史杜

牧之絕句故也絕句選入千家詩本凡邨童子誦習者

無弗知因嘆息而過入乾明寺鐵佛像垂邨中地於

菴於頂高計二十尺曩者同劉徵君游但知其為萬曆

辛丑癸卯間修補空殘及宋紹興年月姓名大略而已

願求所鑄之始不得也佛背塵積寸管之有字可辨稱

都幹緣永平內院僧某教幹緣賜紫沙門某以紹興辛

未二十一年十一月日鑄佛訖湖之建炎四年實高宗

南渡二十五年陸務觀生高孝光寧諸朝其游池州光

杏花邨志 卷之二 邨中

孝寺云光孝即乾明也西峰聖者當唐末吳武王楊行

密時寓池之乾明寺速去留鐵笛付主僧笛色似鐵而

非沈獻達所作西峰銘石刻兩者猶及焉獨未一語連

鐵佛其文人稽古尚遠不尚近耶池陽集又以鐵笛為

景德報恩寺事務觀見而云然當不謬矣冶金為九周

秦已有之而高大范合者工為難宋世子鑄丈六尺銅

八日。日歷適又與歲次同。吳非謁鐵佛詩曰。空偏多

色相。冶鐵範猶堅。佛說吾何有。曾知誰與傳。紀年身可

鍊。近事眼常懸。壁外招如我。牛鳴亦偶然。武陵給事

胡永順題鐵佛詩曰。我聞佛法只虛無。範鐵形非則

思。一切已云皆夢幻。半毫何處可儀圖。堅稱射利終非

相。悟到真空乃是吾。試向如來叅密諦。大千止共此洪

爐。和州戴本孝鐵佛詩曰。檀婆遠引岫。鐵佛坐窺

城。古剎開蘭若。施年鑄紹興。當時忘國恤。此地忌僧

丈。六身難動。空傳舊相名。自注檀婆山名當寺之前

銅。陵余心傳詩曰。入寺因懷古。傳來未到今。水田衣是

鐵。軀體度成金。論佛原無骨。諸僧各問心。禪堂高自閉

却。客莫相尋。蓉城江表詩曰。是即人間佛。皈依何必

言。範金多寶色。冶鐵世尊痕。梵韻林梢月。鐘聲花路

此。中僧入定。客亦不敲門。汪漢同陳昌箕游鐵佛寺

次韻詩曰。徑轉乾明面。綠蘋遠公遙。候叩禪。談經戒

觸。當時事。執塵宜塵入。世塵色相幾會空。法像江山白

是。寄閒身。勝游已足。追千古。何必龍山笑。脫巾

秋浦亭 今清涼境是其遺址以路通秋浦故名宋狀元陳

金本高率汪義民修葺

杏花邨志 卷之二 邨中

聖母橋 在西湘按聖母係明太祖勅封鎮泗州水道之神

曆甲寅年司李秦懋義命西祠神首新之詳見碑記橋

上有鱗魚石藏荆棘中橋下有遺愛祠祀田明郡守何

紹正置祀孝肅包公後郡人即以何公並祀祠在毓秀

門內 處士吳非西湘橋詩曰。小水源如此。橫梁渡

何。元時碑已舊。池乘志移多。况接西郊境。曾懷樂十歌

春陰晴復穩。來往幾婆娑

聖母橋元碑 在西湘亭內按是碑篆額者稱通議大夫池

堰事吉祥書丹者稱從事郎池州路總管府經歷劉

勒農事知渠堰事刺馬丹曰勒農曰渠堰則皆民事矣

新安戴蘇碑記見藝文

丘墓

唐觀察使張悅愚墓

在鉢頂山蓮塘張御史廷瑞祖塋也

評事劉仲昭繼妻杜氏墓

在杏花邨今失其處杜氏為杜芑鶴曾孫女見西館家乘

宋奉議大夫郎文韶墓

在杏花邨見族譜

明御史劉永墓

在乾明寺前按永製錦里人洪武三十年歲薦由沅州郡丞陞授

監察御史許潛墓

在湖山下南陂有坊表今廢按潛在城人由天順壬午舉人登成化戊戌進士

贈承德郎郎銓墓贈迪功郎郎鈞墓

俱在演武場左虎山之麓

律師翠崖墓

在大鑄堂後墓碣尚存

別駕房宿墓

在杏花邨坊西南今族裔多以文學顯

杏花邨志

卷之二 邨中

四

明茂才郎汝文墓

在演武場左田隴間汝文名子述在平少尹郎淪之子也少有慧才年十一補

諸生十三食廩于庠十六赴玉樓時人惜之業師丁日為理學名儒親表其墓弔之者有日傳經原父訓表墓勒師名又有日文章推父子道義重師生可以窺見一斑矣

孝友郎國賓墓

在虎山之陽國賓字光宇有才名少與同里丁文格紹祚柯咸虛之來讀書齊山得

得樓以科第相期許惜齋志以歿萬曆壬子太守李思恭嘉其文學孝友為之立傳登府志傳略曰國賓貴池人補邑學弟子員小試名藉甚為青陽令丁公懋建所賞識迎之邑署毫無關說事繼母孝待兩繼弟友所得廩餼絕不入私性耿介人有過輒以正言規之咸為所服惜無嗣以終父題其墓

清四明山人梁魯菴墓

在清涼境魯菴名甸餘姚人早歲諸生逃于禪同吳游戎之官池陽

因寄寓樓雲菴以終方外友存真卜壤瘞之京衛吳捷撰志銘

邨南

邨之南兩湖繞於前邨之北三台負於後故建設等項無多非略之也

名勝

白浦圩

邨前湖名廣植蘆葦每當夏秋水漲可駕輕舟垂釣昔人品西郊十景白浦荷風其一也邑人曹

維城白浦望蓼花詩曰平湖紅十里繁蕙蓼花叢歷亂烟邨外妻清望渡中夜搖沙浦月曉帶柳隄風一眺遙無際輕帆樣碧空

平天湖

在白浦圩外唐李白秋浦歌曰水如一匹練此史黃尊素平天湖望蓼花詩曰江城四月蓼花開怪底

秋光人坐來艷奪紅榴應見妬冷欺碧葉尚含胎長同候雁孤汀宿忽與啼鵲茂苑隈秋浦還知秋得早烟波容與為柳杯銅陵太學郎奎正泛平天湖追憶廣虞小阮詩曰年年秋色滿平湖爛醉持竿共釣徒今日來游人去杏不堪回首問黃鸝清郡守喻成龍湖上詩

杏花邨志

卷之二 邨南

五

日沙棠蘭葉遠水平錦纜徐牽繞岸行一盞兩盞月初上東湖西湖風正清溪邊塔影和烟立渡口鐘聲隔樹鳴涼露溼衣渾不覺夜淡始悟荷香生雲間錢又選湖上酒社詩曰布帘一幅故飄颺引得游人入醉鄉臨水風牽青荇帶捕魚鳥歇綠蓮房山雲片片秋能巧節屋層層壁最涼忽得醒來向西望小橋楊柳掛斜陽連江陳肇復平天湖詩曰平天湖上鷺閒閒為愛秋容出秀山竺菊有英堪對酒游人何時杏開顏郎遂平天湖泛舟分三五七言體詩曰湖山高湖水遙放舟輕似葉酌酒飲惟蕉醉眼望迷新黛色枯腸為理舊風騷

建置

萃月菴

在小路口西南俗名俞家菴

古蹟

廣潤泉斷石

在杏花邨南瀕湖嘉靖間邨農得之田內邵丞張邦教訪置演武場前建亭榭以表之有

聯云勝地已無沽酒肆荒郊忽有惜花人按莆田曹能始廷尉所著輿地名勝志曰池州秀山門外里許湖岸嘴有古井闌上刻黃公廣潤玉泉六大字蓋古黃公酒壚也明九華詩人吳少友所輯樊川池州詩注亦述廣潤泉云云所得石刻處至今父老猶能言之明李左兵之亂好事者以斷石收移于秋浦樓乙酉以後劉梅根州丞曾訪之而未得也郡邑志皆稱尚存者亦謂此以待後人搜求耳蓉城姜寅訪廣潤泉斷石詩有勝地春寒花繡谷荒郊人散石遮田之句

丘墓

明太子中允李賢墓

在小路口按賢貴池人由洪武十七年貢授蘄州學正陞都督府斷事坐事編伍營州左屯衛未幾以賢能保除兵部郎中陞陝西左參政又坐事編伍與州左屯衛尋以賢能保除監察御史陞中允雲南僉事屢進屢退喜怒不形直道不變九華徐俟發輓詩有黜陟初終直賢能喜怒忘之句

杏花邨志

卷之二 邨南

六

名賢方時來洎妻貞節陶氏合墓

在小路口東南有墓碣按理學丁旦東方文學時來書曰展誦來札熟念高情千里之外應之矣吾德其不孤乎昔賢云出家如初成佛有餘佛之成其難而謂其有餘者深見初心之易急也受翁居家一方英後之輩過門不同盼者盲也金丹云如此分明如此而截當面放過真是無緣張橫渠兩程始夫輩也勇撤泉比之意居然以未聞道自處試看古人真志實行豈尋常形跡所可拘泥吾契忍泛泛在甥列而虛推此老為母舅也哉世上有多少富貴之家同歸腐艸而瓢食簞飲纓絕肘見者至今與帝王卿相齊驅並駕是故志士不志在溝壑也樂天知命學者豈但已乎即送過杏花邨拜方南極先生墓詩曰相從瞻拜到荒丘表墓當為片石留節近清明追祀事遺書重讀淚難收自注先生抱白道之恨先大父其子婿也嘗有書言身後事又七相國園亭廢址連墓猶相近舊同研升沉隔世俱荒艸姓字文章畫不傳自注相國謂丁文恪公萬曆壬子會同修郡志

邨北

名勝

馬鞍山

在湖山側以形肖故名舊有湖山亭今廢明貢元沈昌題馬鞍山詩有雕鞍解在碧嵯峨之句

建置

華嚴菴

在湖山東北之阿和州鷹阿子戴本孝築額今不存明九華吳光錫重陽前一日全王無技鮑晉公元禮許季清李學醇登高小憩華嚴菴詩曰近部幾能到登高故早來望涵波激灑秀聳塔崔嵬曲抱千家市平凌十畝臺背岡修竹鳴大室轉悠哉又曰下坡阿小憩岐徑失前門茶到清如許僧貧不可論松蔭秋更遠菱唱晚愈繁明日攜壺出仍過杜牧邨蓉城王良相前題詩曰登高無限興先日眺湖山雙塔浮溪外千家出樹間將峰青遠近與水綠週環竹密僧房寂蕭蕭畫掩關又曰却尋方丈室僧亦解供茶冷淡禪家禮參

杏花邨志

卷之二 邨北

七

差楚徑花

吼驚松作浪影亂竹迎鴉何必龍山安行歌昌已錄銅陵余心傳華嚴菴詩曰日歸猶未暮更欲盡郊游菴小山環立門斜竹影修客來休亦暫佛在坐何愁羣鳥如栖宿相呼自唱酬寶池吳非華嚴菴詩曰展無何齒去上下足曾安不至行趨滑能藏見曲蟠迷禪稱佛號法喜導人歡暫得閒僧話明如起利竿青陽甯洪斐華嚴菴詩曰一菴藏小壑真是老僧家隔陽人烟靜到門樹影斜圃荒堆積艸客去散鳴鴉莫道無供給清談勝雨花

西隱菴

即華嚴菴地順治間池郡紳士迎講師舍融居之陳中吉展侯游西隱菴因贈舍融和尚詩曰頻年懷妙賞此日得同游臺榭依山靜藤蘿挂壁秋洞深人響松天迥楚雲流况有談禪侶居然鹿苑幽鑄堦空內隱菴詩曰開已稱西隱華嚴字未磨孤僧閒倚樹草鳥亂離窠小坐聊休倦清談亦解醜浮烟連百雉歸趁夕陽歌

三台菴

在三台山之西北為女僧所居菴有秋桂數株花時多游女盤旋其下

也罷了菴

原名臥菴與三台菴相近四明有老僧行脚在池居數載示寂後潘川半禪道人寓此易名也題咏俱逸順治間廢遺址尚存故云道人陳常題也罷了菴詩曰人無退後想着染將來魔識得當前境偏宜自在多

旗纛廟

在鉢頂山北嘉靖間郡守田賦建祀軍牙六纛之神今廢

古跡

桑柘門

在虎山東北唐時土城門路通古鱸口建德明經王自省杏花邨懷古詩曰山程行發從蘭水花縣行吟過杏邨常似秋來唐以後因懷古往宋當論廢興時慨歸荒州深淺湖波指渴痕不識酒壚依井立何人為說土城門

杏花邨志

卷之二

邨北

六

丘墓

明太學張璉墓

在邨之西北桂花園按璉嗣子太春即靖靖時從亡侍郎金焦裔也今族人嘗言之

州刺陳俊墓

在邨之西北下南沖按俊登永樂乙酉科附葬有陳橋墓兵備副使熊倬謨志銘

覺源和尚墓

在湖山北按覺源嶺南人萬曆間行脚至池州居城內祝聖寺坐一龕常十餘日不食飲水而已一日徧辭寺僧曰某以十三日行衆僧意其往及至期沐浴則跌坐示寂于龕中寺僧瘞之於湖山

禪師丹霞墓

在華巖菴山門前有塑像祀菴內

杏花邨志卷之三

邨人

郎遂

編輯

名勝

邨東邨之東雉堞參差高宜登眺邨之西湖光縹緲暇可垂竿凡名賢題咏特採列之

芙蓉塘

在甲橋下每當夏秋水漲荷香遍墊嘗有採菱舟往來不絕處士吳非詩有芙蓉塘畔泛湖船之句

建置

秋浦樓

舊在治東按曹學佺名勝志曰李白詩秋浦長似秋蕭條使人愁客愁不可度行上東大樓即此宋紹定戊子郡守趙范移建治西以路通秋浦也石刻東坡詞山谷字於壁端平郡守王伯大易名秀山明正德丁丑郡守何紹正增築磚城仍因之宋丞相趙葵有秋浦樓詩見藝文清康熙癸亥總河靳公輔以秋浦樓

杏花邨志

卷之三

邨東

一

景似瀟湘賦試池州七學諸生建德王爾綱賦比維池陽之勝地亦江左之奧區俯齊山而秀特望九子如芙蓉臨清溪而弄水俯鱸口而羨魚自西南而迤邐近百里而盤紆云浦流之所在當秋景而尤舒於是浦以秋傳州因浦置實創始於隋朝已咏歌於唐世及乎郡邑既遷號稱互異考古蹟而流連慕佳名而寄意傳趙守之曠懷亦宋時之韻事燦乎東坡之詞偉矣山谷之字此則秋浦樓之所自也請賦其景可乎其為浦也注洗澄淡洞潏淵泓光清軒鏡聲瀟瀟琴岸花繡錦山樹陰森菰蒲蘆荻蒼蒼青青荇牽紋而風淺影映碧而雲深炫錦駝之希鳥潛沉香之珍鱗其為秋也叢桂吟風葭綴露潭水收涼烟光霽暮同雁陣以回旋共魚歌而晚渡望紫岫以淹留奉木蘭而暫駐月映浦則輝媚而益皎湖遠樓則汪洋而衆注其為樓也丹分綺閣翠奪層岡騶山川兮清曠倚城郭兮昂藏挹遠瀨兮浩蕩吞巨壑兮渺茫望長堤之綿渺兮觀行人之絡繹雙塔之搖空兮盼飛鳥之翱翔光怪萬狀烟嵐四張日不沉賞口莫罄揚托諸比類似此瀟湘吾聞夫瀟之為狀也

源高而勢激流長而氣清出九疑而掩映合沅水而... 澆颯颯兮寒花之發空谷蕭蕭兮木葉之下洞庭若夫... 湘之為狀也岸若朝霞沙如夜雪本陽海而滌洞入衡... 山而委折雖十丈之深沉猶五色之具別可以數江上... 之青峰尤宜對山間之明月由是一入永郡二水會流... 以襟帶乎全楚集佳麗於一樓覽圖經之所紀實顯敞... 而寡儔何有乎三江之險與七澤之浮不謂秋浦近在... 吳州風日似長沙曾聞李白之句溪山好圖畫夜來杜... 牧之舟固足以助騷人之逸興動志士之搜求而豈徒... 覽景物以自適擊空明以邀遊也哉 郎遂賦有序曰... 秋浦去貴池今治西南七十里許隋以不城而名縣... 於水乎有取焉相傳樓故在今治所為宋太守趙公范... 增築而表之石刻東坡之詞山谷之字已失之久矣惟... 丞相趙葵一詩尚存名勝志中而四時之景色如滿湖... 則至今如故也今某公試士以此命題余產茲土者因... 摘毫而綴辭賦日繁浦水之所自潮流湊於源山惟... 高而澤沁接神閭而與隣谿曲曲而匯聚雖細流其同... 奔過石城而旋繞時濼洞以長清六朝來以梅浦隋治

杏花邨志

卷之三 邨東

二

縣而更名何氣移於冬夏風似秋而迄今迺情繫於太... 白歌登登而修傳既如刻之嘆復長沙以解連指清... 溪以併及久盤桓而未厭後析宜而置罷轄從附於湖... 瀕若登高而遠眺亦巨浸其無垠樓閣巍於閣道飛橋... 牙而崇甍凭闌縱以萬目水四周而云云或入宮而小... 霍圍南北之重山列圖屏如繡壁變風雨而晴明艸木... 蕃而搖影霧幻散而慶雲招游涉之過客多欣美於高... 賢每假借以品第實無分於主賓採瀟湘之二水派各... 導而朝宗交著稱而廣泛瀟入附而伏潛樹礎礎於涯... 際據勝聚於零陵雖異地而比擬景維水之幽艱曾兩... 不以相讓誠池陽之大觀稽南唐之宰相素讀書於湖... 墩駕扁舟之一葉肆所之而浮鐔排九鼎於崇石聯州... 嶺於陽春浮青嵐於遠黛想大樓之栖仙欲相邀而莫... 致欲遽進而莫前開秀山之祖道拾杏餘其花邨眺杜... 鳩而若近郊迤透其自西溪分清於來去中極目於... 天挹秀色於九子劍出匣於青冥挂風帆而上下忽... 瞬之塵定挽瀟湘而會合統長江而脈渾亂日天地... 化秋何陳兮流而不息浦長新兮浩浩蕩蕩是殆足以

移情兮而何別於古與今 宜興陳天策陽月西樓遠... 眺詩曰爽氣西澄無盡頭自來銷受有風流樊川邨畔... 花餘杏供奉詩中浦入秋嚶鳥寒聲思破寂篆虫殘字... 引尋幽繡春如畫供凭眺何日携筇一縱游 晉江陳... 寶鑰登秋浦樓詩有小序曰江以池名所謂漢水為池... 者耶曰貴池曰池口曰池陽究竟以浦名夫江共之也... 浦池所獨也夫浦古所謂步也秋浦者秋則浦也非秋... 則沼爾故魚步龜步以物名也南浦露妃浦以人名也... 秋浦云者以其地蕭爽四時皆秋乎建樓者誰宋趙范... 也詩曰池陽半水國有水咸宜秋天洗一溢月夜沉雙... 玉鈞鴈峰吹荻起漁火溼烟浮百里涵虛氣暮朝浦上... 鷗又口雖無霧雀港而有貴魚池蘭珮向誰解玉蕭漫... 自吹千螺傳黛粉一鏡貯蛾眉昨夜添容色莫愁暗度... 時又日月與湖雙美詞兼字共妍舌回鸚鵡夢筆起龍... 蛇眠長嘯人千古凌波鴈一天不知與建者安肯遜前... 賢又曰全括江山勝天然貯一樓黃池吞日落碧漢抱... 城浮清風帝子闕花雨法王丘寫獎秋頻清支持四百... 州 秦州鄧漢儀秋浦樓詩曰一路埜花陰城頭花更

杏花邨志

卷之三 邨東

三

深亂沙黃蝶舞廢址白羊侵負郭全耕鑿連山自古今... 池陽風景地戰後急登臨 宗觀喜吳園次至集秋浦... 樓詩曰每念離羣久翻嫌客到遲剪葵呼濁酒倒篋出... 新詩岩壑身還健風塵路各歧西窗今雨夜秋故語鄉... 思 去發三洲棹來同五日鴈晚花明小院新月斜... 陽粗櫛留賓少湖山托興長君才原杜牧題詠豈能忘... 弔橋 在秀山門外弔亦作釣舊以木為之後易以石明正... 嘉間邑人方伯文檀龍祥相繼修造據形家云此橋... 湮塞則居民受病今日益塞矣所宜亟疏之俟佛寺悟... 明釣橋晚眺詩曰昔年橋上坐題詩近作將軍飲馬池... 三里隙城荒艸遍萬家春樹落花嬌菱湖客渡風波... 蓮社僧歸劫火時極目旌旗遮白日濯纓何處是龍... 社稷壇 在弔橋頭舊在貢院東明弘治間郡守祠司員... 今址嘉靖二十年郡守曾仲魁修順治癸巳郡守... 梁應元重修有邑紳陳以運碑記周緣以垣四正為門... 各一其中為壇其左為齋室其右為廚為庫久廢今康... 熙巳未邑令劉公光美復新其門垣祭期春秋二仲月... 戊日

永懷堂

在坡上街南偏文學李莊別業也同邑丁相國紹

質卿永懷堂記曰池陽李君以臨有別業在秀山門之
外負郭而近萬曆甲辰春之十日余過秋浦李君為置
酌邀余過草堂而憩焉余乘小肩輿從二三友至其地
甫入則見堂之所據者負山面湖其山不高不卑環顧
而拱向疎樹陰茂翠竹交加其湖渟渟洋洋木菴而不
洩漁舟小艇出入於烟藹中而乍近乍遠湖之外環而
為山山之峰隱隱內顧如侍者之有行列而繞繞弗敢
亂也堂之前平布而舒衍皆原田畝藪藪交錯農夫
樵子所朝夕而謳歌者也余曰樂哉此堂乎是可以假
息而薄遊矣已而視其所扁曰永懷堂僕亦有說乎李
君曰此余先大人讀書處也先大人王臺公好學為志
少而遊於泮壯而出於庠已而宦遊於四方歸來纒四
十且讀書於此堂至老不倦蓋自吾大父古源公洞達
性宗深明理道朝乾夕惕側身修己其在朝夕自日錄
在古今人物有論在知行分辨有論為四方學者所宗
吾先大人日侍古源公之側耳熟而心經焉以是宜其

杏花邨志

卷之三 邨東

四

無隋行而昭昭有成立故構斯堂而讀書其中每道述
古源公行履以示吾兒輩未嘗不流涕也茲者雲樹空
存德音不再莫堪若見九原莫追一登斯堂輒慨然而
悲肅然而恐又凄然而歎也所悲者家學淵源顯承相
望憫余小子僅承其世業而不能發揮其心源夫安得
而不悲所恐者前天人資高明志氣遠大然猶日資問
學兢惕不忘余小子昏昧不齒於前修怠荒不加於後
進茫茫宇宙未決底止又安得而不恐所凄然而歎者
風氣日靡流俗日敝吾前人在潭村時猶然身自樹立
余小子日在風靡波蕩中曾無所執持古人云吾不幸
生於衰世所至幸者有元紫芝嗚呼彼紫芝公猶異姓
人也而遐慕之吾有家學有遺言逸行之可考而吾不
能遵行而接續焉又安得不凄然而歎乎故題曰永懷
堂以志吾思也余聞李君言乃謂二三同志者曰世道
之所以不至於泯墜者以恃有此心之相續也在前人
封之植之始足以貽後人之思在後人尋之繹之始足
以續前人之命家之有孝子國之有良臣此其培殖也
今之士人乃兩失之鹵莽其心既乏可懷之蹟效尤其

行益重墜緒之悲若李君者可以風矣於是遂命僕人
酌酒孺子申歌既登高而遠望復臨流而徜徉浩笑行
吟不覺夕陽之在山矣歸來秉燭次其言以為記附

太倉學博李元胤序李寄川雜集曰余曾祖印山公與
寄川祖玉臺公為莫逆交世講之誼自逾骨肉其父端
如先生魁梧磊落不少俛仰於世余自髫齡即心儀之
時接杯酒聆快論意氣甚豪殆所稱非常人也及端如
捐館寄川方在襁褓中與弟仲素笑哭孤苦賴諸父提
携成立攻舉子業發憤下帷視取青紫如拾芥亡如數
奇徒負厥志不克就既目擊多故輒歎嗟慷慨不求聞
達彷彿伯倫元亮風味以詩酒自娛栖遲一室抗懷千
古任盡態極妍真不啻浮雲之過太清也先是余燕南
先生以名孝廉屢蹶春闈慨然有遺世特立之志因齊
山秋浦清麗絕勝時駕輕舸遊遊上下天才橫溢落筆
呈文尤喜為傳奇其家童皆工於音律每至風晨月夕
歌喉宛轉雜以簫管聲徹兩岸顧而樂之飄飄乎欲仙
也斯名浮齋多所著述行世寄川於先生乃毋氏所自
出嘗佩服風規奉為家法至是亦以其名躬者名其居

杏花邨志

卷之三 邨東

五

室志不忘也因是而思天地之間小大畢浮往來直寄
愚者不察謬以為真乘堅策肥戀不忍割方自謂天下
之至適也而亡也忽焉竟同草木腐朽則何益哉余遭
逢不偶絕意仕進甘貧好道惟手一編今觀寄川愈有
以教我矣寄川先世有古源先生者文章德行士林山
斗與甘泉陽明倡道東南為理學名賢之最至今丑豆
不衰寄川蓋學有淵源窺於性命之旨者故能蟬脫污
泥清虛高澗別有天地難為俗子道也時癸巳季秋月
丁相國園林 即拓永懷堂故址浚池築山極園林之勝俗
有與蘭亭梓澤同其歡獻者萬曆己未六月二十八日
丁文恪公紹猷因遼事抗疏尋以疾告歸日憇西郊小
園今歷數十年父老嘗言之集中園居諸什多感時語
當在此時此地作矣茲備錄之 題小園詩曰昔題友
人園有年今看小景却依然池開綠注青溪水石系青
分九子烟又曰不食學士佩金魚且坐蒲團看歲除讀
餘路珠山堪眺賦就芭蕉葉可書 秋日園居詩曰門
前垂柳集啼鴉籬下黃花間白花未有使君來送酒且

呼童子去烹茶 園居偶感詩曰近市元稱晏子居將
生新徑此何如明時避世非無事莫擬移文到
吳應箕題丁太史林亭詩曰高居迥絕紫霄開別
亭離市闌城上翠微通遠色湖頭練影自成嵐
石誰兼器碧樹青蘿好雙閣亦解避喧喧非避世
隱是東山飲丁介之園中次韻詩曰虛堂爽氣入
秋溼滿尊前翠欲浮已辦乾坤開醉眼却憐風雨
頭佳時若為宜人住高會應能散客愁潦倒不知
盡籬花山色任悠悠 恭川李達丁家別業詩曰雲
開三徑風亭隱一椽市喧宜覆掌岩削得如拳
朝爽龍鐘集瑞烟看君襟欲遠典在落花先又曰
春開座裁蕉客待題迎軒連繡谷鑿石影娥池
朝變風梢鳥夕移圖書生事就相過幾人知又曰
開蘭室尋常啓辟疆苗長石自老花小屑為香
新影開籠待夕陽招游輪意氣取醉得疎狂吳非
丁相國園林詩曰堊荒空嚮廢園蹤誰復亭開
抗疏歸談前相國權關休憶小司農青惟芳艸心
翠有浮嵐目可容簿錄未留殘石占幾忘姓氏主
何從

杏花邨志

卷之三 邨東

六

廢址殘垣楚徑幽文杏亭中無利紙各園墨蹟向誰
息園在弔橋西北鄉先達陳以運課子讀書處陳錦
雷需淡烟籠曉暈遲遲嫩日長園蔬閉門靜欲塵氣
縱步閒惟宿艸架上牙籤橫萬軸優游寧肯負居諸
自西艸堂汪漢拓息園遺址易名今亦廢黃岡社界有詩
人方名義勝豈無因蓋茅也可通流去綿葛何如表
賦金石聲聲誰讀新澤而臨場谷帝時春從茲屋下
艸堂詩曰滄桑意緒已蕭然拈據依稀憶昔年三徑
開人似玉一編重理坐無塵溪山別久驚新識花鳥
親續舊絲環堵暫棲期共祇圖南知在自西前
半畝園即自西艸堂舊址青陽羅山人隱於醫嘗種
如剡亭在弔橋西南今廢

古蹟

宋貢院 今社稷壇是其遺址宋南渡池州固有貢院試士
宋紹興初本州設科試于景德寺宣德寺宣德寺宣德寺
正初建貢院于市心街東植入桂題曰八桂書院尚書
陳太昌為記嘉定癸卯知郡李駿移建秀山門外時貢
額三歲大比應舉之士餘二千入春官者六經六人
詞賦二人宋季罷試 沈昌題貢院詩曰傳聞南渡急
需才八桂湖山次第開從此青錢中萬選雲霄有路刊
三台 附試門記畧曰宋高宗建炎初駐蹕揚州念上
人不能至行在詔諸道提刑轉運司選官即置司州軍
引試池州科試當自此始此謂類試亦曰漕試即發解
舉人以備省試者也然每疑池州近行都何不共試建
康且二千人而取其入不亦少乎又嘉泰間臨安紹興
溫台福發慶元處池袁潮興化及四川諸州府共增解
額一百七十名淳祐間淮南諸州郡歲有兵過命淮東
州郡附鎮江秘試淮西州郡附建康試斷黃光三州安

杏花邨志

卷之三 邨東

七

慶附江州試然後知州郡各行科舉而得八人已多此
與今提學類考何異觀紹興初元以呂頤浩為安撫使
時而治池州時而治建康以劉光世為宣撫使時而治
建康時而治池州則池州轉運使或亦司無定治然轉
運主財賦而刺史蠹民瘼以之典解額又與今布按提
調無異咸淳初建康重建貢院於清溪南以為大事則
池移貢院豈細故哉陳太昌記惜不著於篇夫畫地論
才僻壤之儒得以甄錄固中興良法也自政和後舉人
不習詩賦紹興始復高宗以古今治亂多載於史經義
登科者類不通史將罷經義專用詞賦以呂頤浩之言
而止噫通史者果有益於治亂乎為詞賦者果盡探史
氏之餘文乎神宗朝二程以道學倡於洛四方師之中
興後盛於東南科舉之文稍用頤說諫官陳公輔上疏
詆頤學乞加禁絕秦檜入相指頤為專門侍御史汪勃
請成飭使司凡專門曲學必加黜落中丞曹筠亦請汰
用程說者並從之當時伊川子孫盡家池州而京畿京
東西北陝西淮南士人轉徙東南者詔令於富戶州
郡附試其後又試之國子監不知程氏子孫嘗應池州

試否紹興十九年詔自今鄉貢前一歲州軍屬縣長吏籍定合應舉人以次年春縣上之州州下之學覈實引保赴鄉飲酒然後送試院及期投狀謝保者勿受夫先鄉飲酒而後科舉預優老尊賢之典於角札呈村之先豈遂得人而其法宋末猶行殆可笑也池州志建炎後舉進士者所傳不過五十餘人舉於鄉者所傳不十餘人不知盡自池州舉否抑多免解而試者否三歲間舉八人豈落落如是則文獻散溷可知然率多碌碌無奇節所稱赴鄉飲酒諸公僅若是云爾景德寺迺明已改府學八桂書院父老未聞獨市中心街到今不易志稱陳大昌必程大昌無疑嘉定有癸酉癸未而無癸卯此志誤也附宋程秘會新進士修書下竊觀池陽之為郡九華之秀秋浦之綠皆東南清淑之所鍾也其秀者為奇偉涵其綠者為精深必嘉泰甲子奉校士是飛多得其雋然尺書往來至今不絕者惟青陽葉君焉今足下不忘舊好惠然肯顧且復以長書贖之若望必以有言者甚矣足下此意之厚而現之荒疎不足以當之也雖然竊聞之學者之於道莫先乎務實也以實而求

杏花邨志

卷之三 邨東

八

道則必有所入以資而行道則必有所至鉅驕剪虛最為先務古人云德盛而詞謙道高而色下信乎聲色之足以害道也道與德可尊也言與貌則不可盛也由漢以前人皆務實雖專門之學世以為病然要之人懷實心專於一經白首窮年各有所得晉唐以來習氣漸虛至於近代則又有專事口說無復一毫躬行體察之功者視唐又遠矣此習不除凡讀書為文應人接物臨政滋事無非驕虛安得事事當其宜物物中其理耶足下氣淳而質茂蓋涵秋浦之精深者其進於道何疑焉勉之而已直率之罪不知所逃也

湖山樓

當在貢院中今失其處見程秘洛水集記按秘嘉泰甲子嘗校士池州作湖山樓記公署因以文傳

興賢坊

舊志云在製錦里宋在秀山門外以有貢院也今廢按坊遺址當在今社稷壇前

秀山驛

在坡上街元置沈昌詩曰斜日垂楊古道傍西風吹角致郵忙紅塵一騎催星火過此聲悲驛路長

馬站坡

即秀山驛故地郎璽詩曰坡上高歌是酒家併時夕陽斜漁樵爭渡栖雲嶺半入城西半水涯

丘墓

元理問郎禮卿墓

在鴨兒嘴見郡志按人子須知丁水主長壽旺人吳公云兌逢丁水壽同彭子所見池州府西門外杏花邨郎氏祖地係兌龍丁水明景泰成化出郎鑑郎鉉同胞兄弟及姊妹皆百餘歲云云此即吾鼻祖禮卿公墓也相傳為司馬頭陀所卜吳仰寬安葬處士吳非有郎禮卿戶牒歌及洪武四年給杏花邨郎禮卿安字二佰二號戶牒俱載藝文

明處士郎觀璟墓

在鴨兒嘴觀璟宜德時人曾孫文學子相附葬墓側

王相鄭恕墓

在釣橋西南同邑明經王大爵嘉靖六年志墓

登仕郎郎思舜墓

在弔橋南塢見嘴有小篆墓碣郎遂曰甲領兵再下江南沿江棺多被發時家君病臥其篤心竊慮曾王父曾王母兩匱厝江許間必不能免悲號徹晝夜是時先大父同中丞程公世昌屬羈湖州伯大父自甲申夏五誓隱山中弗獲與聞諸父畏之却步家君孑然一身扶病絕城而下從百牙山扶兩履合葬於杏花邨是為夏五月二十六日也棺尚未入壙中忽北兵森集從池口至弔橋眾俱驚散家君一身撫棺號泣北兵見之問曰今為何日家君隨舍為今夏五月某日守兵相謂曰此孝子慈孫也徐給寬慰之語家君撫棺嘆二日兵入城少定甫募人深葬焉一時知者咸謂至孝足以感異類也此固邨中事當附錄之

杏花邨志

卷之三 邨東

九

邨西

名勝

耀龍山

在杜塢亦名杜鵑山 明侍郎孫仁杜鵑山夕照 詩曰水繞山環石磴斜 夕陽明處景偏嘉 翎光刷 雪投林鷺背影浮金入樹鴉 日去遠鐘來梵寺風吹寒 笛出樵家一從小杜行 驂後艸木長舍幾倍華 淮南 徵士李盤杜鵑山懷杜牧之詩曰杜公千載後花馬曉 風清遠韻留山水游人憶姓名 邑人緇緇杜鵑山與 孔仲石人初眺別詩曰相慰身存淚各含池清兩代興 偏賦茅茨漸密安龍犬符節紛紜擁劇駟 三輔多年非 漢版兩公前代謝朝簪 豐春所至鋪芳艸 滌石誰同帶 霧探按仲石翰簡泰華之子人初閣學玉橫之子蘭木 人皆高尚不仕著書以終

杜鵑

在邨西四里名勝志曰貴池杜鵑以刺史杜牧嘗游 故名或曰杜牧遺腹子荀鶴別業在焉 杜荀鶴山

杏花邨志

卷之三 邨西

十一

居寄同志詩曰茅齋深僻絕輪蹄 門徑綠莎細接瀨 垂 釣石臺依竹墨 待賓茶竈就岩泥 風生谷口猿相叫 月 照松頭鶴並棲 不是無端過時日 擬從窗下躡雲梯 按山居當在杜鵑別業但詩中每用仙桂雲梯沾沾仕 進不置似有愧于林泉也 明鑄岐杜鵑詩曰未過樊 川曲今來杜鵑中 州平崖泛碧花暖水浮紅 乳燕橋開 尾生魚小半籠河 山風不異舟楫恨難通 梅山沈昌 杜鵑詩曰古塢何年未著名 欣從杜姓共呼嚶 漫言五 杜鵑詩曰古塢何年未著名 欣從杜姓共呼嚶 漫言五 馬恣游豫 類出郊原為首挑 桐城周蔚杜鵑懷古詩 曰別業誅茅竹作門 幽人風韻自為邨 碎聲重影時花 鳥曾到山家壓酒樽 清武進林博雲杜鵑詩曰刺史 遺支遠漁人寄興豪歌開花岫曲 飲縱月山高 樂業惟 閒網浮家即小舫 風光常此領 不減武陵桃 雲間錢 又選杜鵑詩曰散步郊原早 尋僧漫曳雙禽鳴 雪樹 孤寺響烟鐘 路轉溪聲斷 山圍嵐氣重 梅花落未盡 春 色挽行踪 無錫華黃杜鵑懷古詩曰城西五里杏花 邨 邨外青山竹木勻 烟火數家皆網戶 猿陰一徑到僧 門 酒壚時挽游人駭 風月還隨刺史轅 祇樹清涼幾帶

揚州好夢不重溫 濟源李時杜鵑訪詩僧赤霞詩 曰滿塢烟光疊彩霞 江天雲樹影交加 自然雅尚尊 黨定擬風流續杜家 水竹香浮三徑艸 屠蘇杯泛一林 花 禪心詩思無蔬筍 更欲重尋吃趙茶 連江陳元鐘 杜鵑偶成詩曰梅里如浮水溪淺 山遙隔霧沉 寒江 千晒網人何在醉臥垂楊尚未醒 又曰秋水淵澄清似 玉晚山黯淡態如癡 上流開有桃源路 試問漁人總未 知 按山山在江北杜鵑可望 石埠曹有為杜鵑懷 古詩曰小杜風流勝 栖遲烟水邨 杏園移酒肆 梅浦望 柴門鷗侶應相狎 魚腥可當食 卜居余有志 茅屋一編 樊 郎送杜鵑訪荀鶴別業詩曰極目滄桑感幾多 為 尋別業到山阿 相逢盡是漁樵侶 烟雨從容挂綠蓑 又杜鵑訪赤霞上人詩曰為訪詩僧到水涯 風高日落 望烟霞 漁翁釣罷閒相問 猶識當年有杜家

杜湖

即杜鵑河湖河而入可通秋浦近人指齊山湖及清 湖 漢為秋浦誤矣 大名令顧咸泰雨後望杜湖懷友 詩曰與君分袂冬經夏 歷盡山川韻未窮 白練一條青 湖裏蒼烟萬點碧 湖中正從雨後看朝翠 更喜河干趁

杏花邨志

卷之三 邨西

十二

曉風日日江濱懷楚城 何時共醉月池東 瀟溪令陳 其勳杜湖詩曰上下烟雲聚 湖光翠欲流 波海梅嶺脚 浪激小磯頭 皓月穿松牖 和風送客舟 遙知當日裏 賴 有杜公遊 自注梅嶺小磯皆地名 雲間錢又選杜湖 舟中詩曰出城臨杜鵑 兩歇放孤舟 一水通秋浦 千邨 隔楚洲 萍踪隨意去 鄉客有心愁 相望人烟外 斜陽下 戌樓 建德王爾綱池口阻風換船入杜湖即事詩曰 為阻江間浪 重牽河上風 山連平野綠 水浸遠天紅 月 隱疎林內 旗翻落槳中 遙憐同伴者 此夜與誰同 邑 人吳非杜湖舟中詩曰出岸風高送客歸 一船輕上釣 魚磯 菰蒲水泛江通漲 石谷構流賽薄圍 沈墨怪看天 瘴黑溼濛濛 霽後月明餘 蒿梢不必喧 相逐兩岸聲 夜 已希 郎垣杜湖贈釣者詩曰扁舟隨浪逐長河 清受 春風秋雨多 釣得一竿將黃酒 蘆花深處好高歌 即 送杜湖泛舟詩曰意亦思逃暑 因之學泛舟 停橈看絕 壁 繫棹賦中流 莖浪疑飛雪 清風似到秋 飄飄忘所寄 何事問沉浮

杜塢渡

在杜塢河每年夏秋間有夜行舟金陵詩人張
杜公塢徒為汗漫游昨宵經旅泊明月滿孤舟
處士吳非杜塢夜行船詩曰怒放客舟去相持橫索錢
所居爭各岸及夜渺無天湖瀾風通直滂多帆亂飛不
愁來往說水路議長年又杜湖携兒姪輩舟行抵淮
奇趙客十四韻詩曰最喜風帆快安能如此行移山青
就日欲浪白號聲打鼓催邪許浮鷗請定盟湖瀾漁
洞木屋牧為耕在宋通網運于唐以浦名繫江今已
昔縣昔會更陸陸隨曲灘灘逆轉平古牛朝日見
馬夕陽迎長往來者遲遲別感生藕香消萍盡茶
缺瓶傾紙筆兒偏懶竹林姪莫廢遺無心問問伐又
丁丁憶爾離方驛吟誰合共鳴一船輕到岸勞復計途
程貴池進士章世德同曹集孔夜舟達杜塢詩曰
左才名是勝流何緣邂逅附仙舟一圓山月灘聲急兩
岸霜楓樹影稠漁火夜間爭落網人烟水際却通溝
來小枕容身地菲店雞啼杜塢頭

杏苑邨志

卷之三 邨西

三

梅林洲

在杜塢隔岸亦作梅裏洲相傳宋元以來梅花極
盛因以名之或曰洲與治東相公墩皆地肺也閩
詩人陳元鍾游此擬築寄廬於洲上後寓霍丘有懷舊
詩曰曾擬梅林作隱丘賦詩論史共浮游侍聞歸計个
方切未識山霧許我不郎遂約孝受慕室梅林詩比
倦游處只廢垣存故國烽烟不可論此日梅林堪共隱
何須極目望家園自注倦游廬在連江孝受祖一齋公
著書處也附雪浪餘聞紀籬梅一則陳孝受隨父官
游池上一夜夢同鄉孝廉林初文過訪因同步梅花樹
下時花盛開及別去林留詩為贈曰常疑人是兩却看
箇中人携手梅花下梅花君後身陳憶少時亦夢梅花
盛開有女子絕美倚梅樹手持花枝與陳極相親離
別陳謂文曰卿言此花夢耶醒耶女笑謂陳曰君從此
身人耶鬼耶因指梅索詩為贈陳于夢中有枝橫雲上
下影共月徘徊之句餘不能記猶足成之曰夢為梅事
發梅向夢中開皎潔分明是芳芬仔細猜枝橫雲上下
影共月徘徊欲折離頭寄妻涼隔夜臺蓋補綴夢中語
也元鍾字孝受原字孕采福建連江人以文獻世其家

建置

梁昭明廟 在邨西三里即郡治西也土人亦稱西廟唐不
今所未賜額曰文孝累封英濟忠顯靈佑王明仍稱昭
明有坊有重門有殿有寢室有迴廊有鐘鼓樓規模壯
麗儼若宮闕自元迄明歷修皆有碑記可考廟後有梁
武帝殿廟左偏為僧居廟祝周氏亦附居其側世掌祠
事池人以八月十五日為昭明誕辰先期十二日知府
率寮屬迎神像入祝聖寺十五日躬致祭十八日送還
廟所蓋貴池里社無不祀昭明為十神者或朱覺飛棟
或數椽棲神或片石築壇水旱必禱霧響異常誠福上
也唐羅隱宋翰良能汪遠猷曾極黃庭堅俱有詩元鍾
世美有碑記詳見藝文 明臨海侯緘重修昭明廟記
曰嘉靖辛卯夏四月緘守茲土適奉部院案詢仰承聖
天子德諭凡境內神祠載在祀典廟宇傾頹弗稱祀事
者咸許動支官錢修理余簡閱會典始知西祠在祀典
也庫吏告縮未克相度事既而夏六月不雨余禱于

杏苑邨志

卷之三 邨西

三

城隍父老請故事兼禱西祠至則重簷峻宇頌頌過十
余竊嘆昔時之壯麗而傷後之弗繼且念神在梁為天
下儲君而廟宇不蔽風雨神如有知寧不降厲我池民
也耶乃默禱于神曰神能降甘澍以教我上女余亦能
新神宇以安神棲越三日甘雨果沛稿苗回綠父老咸
歸德于神余因作而嘆曰神真有功德于民則祀之者
與遂捐俸為諸僚屬倡士民歡傳咸樂趨事或拾木石
或助錢米鳩工集材易舊以新不數月而廟宇落成凡
為正殿三間梁武殿三間鐘鼓樓二牌樓二迴廊川堂
山門寢室罔不一新丹青金碧獎耀掩映余又作而嘆
曰池民其食德知報可以義感者與神如有知寧不久
福我池民也耶諸父老羣請部請余樹石記其事時余
方治裝入覲未果癸巳夏回守任君復以父老之請為
懇緘因贊為之言曰我聖天子御極圖維化理既嚴守
令之選以收我民又推西郊餘意以新海內祀典神宇
者祈福民也世或堵此浚民膏脂濫崇淫祠以為游玩
之所輸其贏餘歸諸齋素此則慢神虐民真不容誅于
堯舜之世者也余茲舉也上承聖天子明命下順百姓

歡心不動支官庫一錢不數月光復百餘年墜典實神
威靈默相也遂從其請爰敘修廟顛末以紀歲月云
明郡丞鄧縣施應麟昭明廟詩曰太子生平愛貴池仰
瞻廟貌動遐思法華教闡人知重文選書行世所師四
境昭靈災患息三農藉庇雨暘時功崇報享由來遠歲
歲中秋值誕期武陵給事胡承順昭明廟詩曰沉沉
一廟雜蓬蒿尸祝昭明萬古蒙藻采掖來千鳳羽心思
拈出萬牛毛南朝旗鼓登壇舊東府圖書擁價高勝蹟
從今應莫朽雕蟲能不媿吾曹建德王命策題昭明
廟詩曰風物依然古斯人未遠亡觀于池上樂宛在水
中央秋浦饒幽色春宮發異香因知今古事不朽是文
章貴池徵士劉城昭明廟詩曰朱堯圖敗垣高齋猶
自敞伏臘人所矜幽魂有玄賞溪清魚正肥山秀色相
兼携我七代書心目相游想濠濮未逍遙華林猶履屨
夜梵時有無又愜禪供養展謁陳此蹤冥靈一掛毫
臨城吳夢虎昭明廟詩曰才高天阻位龍隱鍾鼎出六
字王封龍九郎民庇庶美魚池益貴秀水浦增秋無愧
德施字儲君第一流清錫山華黃西廟懷古詩曰梁

杏花邨志

卷之三 邨西

西

武英雄氣不加桑門蒲塞滿王家獨留太子扶天監力
為儒林護五車又曰文選樓高星漢賦新亭風景舊河
山石城秋水年年碧洗盡南朝金粉班崑山王朱上
昭明廟詩曰蕭梁事業已無遺剩有高臺江水流風俗
至今秋八月雲旗畫鼓動人思和州戴本孝游昭明
廟詩曰秀山門五里梁殿寄千秋空有臺城寺何如文
選樓閣霧傳古祀嘉饗尚時修更許殘僧守荒碑記客
遊銅陵余心傳詩曰統系原相屬千秋位自勝遂當
爭立日何以不延年屬意惟秋水棲神近望烟現身會
驗夢爪髮可安全邑人吳非詩曰到來幽徑異展拜
壽昭明知愛溪山勝傳聞父老更高文稱遠體肖像想
平生天定重興後王孫有至情
寓思亭 在西廟右為郡守祁司員建今廢明弘治中學博
袁孟堪有記見藝文祁公嘗重修昭明廟有碑記
秦公祠 在西廟後右偏今廢肖像尚存秦公諱懋美字喻
廟及西湘聖母橋池人因祀之今城南翠微院亦稱秦
公隄以志遺愛云

杜翰林祠 擬建米果杜鴻迴瀾菴僧通榮請建唐翰林杜
月憲駕停旌湖上訪杜翰林別業遺蹟一詩郵農會自
失對僧適行脚蘭溪不獲上呈鄙見有負表彰盛心惶
懼無量竊按名勝錄泊郡乘郵志稱治西五里許有荷
鶴別業歲久碑碣不存傳聞多或近考順治間有行僧
於潛修菴右開地種蔬掘得舊磚十餘方上有字痕駁
蝕難辨其彷彿可認者為或通二字或通唐諡宗年號
也今以年譜証之荷鶴正慈宗時人至昭宗大順元年
及第嘗讀唐風集有日竹門茅屋帶郵居又曰杜詩
釣是生涯則別業故址其在杜鴻何疑且此地臨水背
山疎花莖篠不蒔自生或芳艸連阡或平湖噴浪或秋
潦而雁宿沙汀或春至而漁爭古渡或山峰晴日波來
飄渺雙蛾或梅里和風點入湖天一色地留高士遺跡
景屬詩人本象倘得選勝為亭署之木上如匡廬之祠
白傅九子之祠青蓮為釋為儒千秋掩映荷鶴之靈爽
實式憑焉

杏花邨志

卷之三 邨西

西

杜鴻莊 在杜湖之畔今廢丁昂歸隱處也相國丁紹軾修
祠所親承其聲效者也公始從先別駕習儒業仰曉暢
雋業而氣呼稜嶒不受人羈縻小試不利即去習武未
半年旋取武科第四中隆慶甲子丁卯兩解元甲戌會
試第三時范狀元屏麓公主試拔公卷第一極其誇賞
因病劇副考填榜置第三范後大噴遂以中上缺優之
得守備汝寧云公抵汝寧考武生故事太守為政公以
嫻文藝出題閱卷了無選意遂失太守權與文官奕不
肯少讓曰此戰局也余武臣何得有敗局不可敗則不
可讓人咸目攝之不二年罷歸先是公去汝寧先君贈
之六字謙慎為首又語以尊黃石禮蓋公公不能用也
歸而棲遲杜鴻莊上則取魚為生其取魚即老於漁者
弗能及閱三十餘年無徒業家用饒給有諷之起官者
不應人以為智比陶朱云至所好多黃老道家之言時
輿方外人持螯爛醉或譚棋長嘯或大叫狂言兀坐則
擁姬三五共奕共觴足稱自樂者矣每憶公軀頹然其
長貌魁梧後傳聲音洪亮辨博更從橫斐聲使公披甲

臨戎當一而可稱桓桓寶臣使出使異域不難叱咤風雲片言而奪之氣而世棄公公亦棄世竟以漁終悲哉陶朱六畜在既遇之後子牙把釣在未遇之先公遇而不遇竟老於漁恐非公志也往賦每侍生輒虛仕實歸聆公之論直令厝大眼孔頓開窮酸習氣一洗今安得起我公九原而再見也公妻白首諸姬肅肅今沒十數年矣而少者及無出者皆與嫡共守育子及婚可觀公家政矣公開吾邑二百年武科之始繼之者紀君元憲今為征西掛印大將軍則吾家甥也論武於邑羨吾家甥舅焉

杜鵑艸堂

漁人孫昌宅也昌死妻携遺孤適人所著杜鵑集皆散失並絕命詞亦不傳艸堂今已成墟昔

孫昌畬友人過訪艸堂不值詩曰樓連柳日放棹近湖五坐听垂楊柳秋潮沒蓼花舟橫羅雀戶簾挂網魚家忽枉諸君駕于方上釣槎又曰紅蓼湖師寂高軒過水涯釣魚舟隔浦題鳳筆生花四壁相如舍雙屏納子家聞君惆悵返空自海乘槎喜西樵見過草堂詩曰性癖烟霞懶近人竹籬茅屋傍漁津到來任客論交情

杏花邨志

卷之三 邨西

六

把讀高吟命意新菊未經霜秋正好身因多病視生塵相畱共坐斜陽下江柳邨醪不計貧郎光禮過杜鵑艸堂贈孫黃喬詩曰風月江天一主人壚頭酒熟每邀賓交情常帶三分俠文字從無半點塵買得琴書供作伴種成松竹好為隣相逢喜接蘇門嘯踏破蒼苔苔履頻江表訪孫黃喬不值詩曰杜鵑幽人宅茅簷近水涯邨烟渡湖曲漁網曬籬花不見孫登嘯空尋惠遠家應知垂釣者隨意泛仙槎郎送引杜鵑漁人有字比杜鵑漁人孫黃喬之別號也黃喬原名昌又名登孫字嘯嘯貧而能詩把釣高吟亦忘乎貧矣自交吾黨因從事舉子業連不得志鬱鬱而死子過湖上弔之詩曰年年秋老泛漁槎網挂舟橫意已遐忽似渡河長不返無從烟雨辨鱗鱗題漁人湖上讀書處詩曰重臨湖畔問茅廬人往風微與亦疎絕命詞成披筆去孤兒矮婦拾遺書遂注其妻尚未他適故云吳源出輓杜鵑係黃喬有序曰悲夫孫子黃喬何其不壽而早逝也豈天之困斯人故如是耶余素未與孫子交常於杏邨郎子知其生平大概其為人也好讀書有出塵之姿每應

子試不錄心無稍懈稱誦之暇輒垂綸以自適其韻吟甚富易贊時付之詩僧亦霞者不下數百首惜乎其志未遂終抱憾而死也悲夫詩曰垂綸豈必向人同牛馬憑呼爾固窮已負生平空此志時非獨問菊花黃又曰此中樂事竟何如著述湖濱與世疎猶憶閒吟常自適歡迎佳客摘園蔬

迴瀾菴

在杜鵑瀕湖按郡邑志皆稱潘修菴詩僧通榮嘗居之杜鵑釣徒孫昌晚秋同友人過訪迴瀾菴詩曰何處黃花好晴郊開未會相尋携勝友乘興訪詩僧

荃寺多編竹方塘罷採菱一杯貪角勝歸路暮烟凝春日過迴瀾菴晤陶質也詩曰桃花開遍柳依依燕子乘風社後飛荃艸似烟迷水岬山光如黛對柴扉逃禪處士休辭醉招隱詩僧尚未歸相對雲房典不淺高吟長嘯足忘機西溪胡桂過迴瀾菴贈赤霞上人詩曰春深鶯老路無花同訪招提到水涯解脫有僧如惠遠博綜無客不張華詩成座上工難和酒泛湖頭興更嘉一笑虎溪歸路晚不須畱意學餐霞鐫筵筵游迴瀾菴卽事詩曰此地名傳是杜家斷烟荒艸舊桑麻因穿

杏花邨志

卷之三 邨西

七

竹徑尋僧侶但聽鐘聲感物華坐久共沉元亮酒談深還覓趙州茶不妨典盡歸來晚一路江天看落霞釋通榮畬友人過湖上菴詩曰茅菴臨水竹籬深剝啄無聲絕市譁却有高人來問渡不妨呼酒坐移花風團柳絮堆殘雪門接江湖帶落霞醉後百篇驚滿座解醒頻喚煮山茶郎送同友人宿迴瀾菴卽事詩曰秋水浮歸棹遊人羈上方高談因借箸共醉許連牀月到庭梧靜風敲檻竹涼不堪登四壁相對惜韶光又迴瀾菴訪詩僧赤霞不值詩曰踏遍春郊上釣船為尋竹院共畱連折蘆知爾乘雲渡掃榻惟予識寺年靜對谿山仍擁戶寂無松鶴與棲禪興來索墨應題壁回首城西起暮烟

水神廟

在迴瀾菴前祀楚三閭大夫今廢

河泊所

賢池有三一在杜鵑河濱嘉靖間裁葺置亦廢鳥落洲之楊家塗諸地皆隸此所明初楊仲賢諸氏漁戶之首也誠意伯劉基有送姚伯淵之池陽河泊所詩

古蹟

文選閣

在西廟正寢殿右今遺址尚存順治己亥司李錢黠擬重建貯文選版因海兵犯池未果此古蹟之最著者亟宜修復之唐羅隱宋李廌俱有詩見藝文類兼衆體詩書而後典章備焉不獨修詞之家奉爲軌則然擇之良有弗精是以蘇子瞻類論其失而儒者詆爲綺靡過矣漢魏以來諸制作可繁謂之繁縟耶詞人訝其不錄蘭亭序篇謬矣過江佳麗刪拾幾何述作之旨可盡臆斷耶是書之傳本昭明采官所撰次茂齡早彫是正者寡選之不足盡斯文也固宜揚州志稱引大業拾遺記曰梁昭明文選樓隋煬帝嘗登眺焉相傳今城內太平橋北旗忠寺乃其址舊名文選巷是也楊用修病榻手吹記集文選人名云昭明太子統聚文士劉孝威庾肩吾徐防江伯操孔敬通惠子悅徐陵王固孔燦鮑至十人謂之高齋十學士共集文選今襄陽有文選樓池州有文選臺未知何地爲的但十人姓名人多

杏花邨志

卷之三

邨西

六

不知故特著之楊但致疑於襄陽池州固絕不及揚州矣今吾池郭西五里昭明廟額存焉文選臺惟祀石在古老曰梁以隆祠墓在秀山唐永泰中始建斯廟及入明朝洪武正統天順弘治嘉靖凡六七修門寢壯麗比諸闕宮貌以沉水香肖之自梁武帝貴嬪簡文帝蔡妃豫章枝江諸王及諸侍從官僚釋寶誌博道士各肖一像別從其寢不同室而受藻蘋不共牢而享饗禮朝廷沿累代故事歲遣內臣秋仲展廟惟虔其神靈雲霧崇必應又嘗陰召米船救池饑饉以昭明嗜食貴池魚故內臣成祀而回者舟載香鮑貢於上以爲額內臣好事者自肖飾其形耐侍廟東西側黠者則擾於有司有司久而患之池州縉紳請於上罷遣內臣歲命有司遵故事秋仲祭調如禮其後八月十二日郡人多戴面具推肱刺械引頸貫刀幡幢羽葆窮極綺靡號爲七聖二郎其餘城社及一二百里外鄉曲叢祀土木偶莫不與至稽首昭明廟以迎神是日有司禱祝畢導昭明像鳳蓋華旗輦御郡景德寺若法駕然十五日是其誕辰景德寺故其外家地也至十八日有司以下送神如前儀惟

罷祀以後香鮑不生廟門達寢殿三里詩画棟雕楹飛鳧傑宇列衛長廊深遠重廡齋祀有庖具湯有室月履赫然輩張鱗次文選閣貯文選鏤版遠近薦馨無虛日不啻武當九子補陀宋世謂之九郎廟九郎昭明也相傳昭明作文選於茲廟後小丘其花園地唐石甌一城一宋較封一无隋書一廟祝周姓世居祠外其來已久元守鍾世美碑一碑陰元同知張奉政載祀田甚詳祝去其籍猶有漫滅可稽者嘉靖後江西巨商私致禱忽竊神元首以去僧雖補其缺畧然非沉水香廟貌亦自是類不復振半歸蕪菴間不持一文選閣宋物藏周祀帷幕上天啓七年燬焉古老之言如此元以來諸碑碣皆據梁書南史爲文以昭明未嘗蒞池而池有昭明諸跡如釣臺如香鮑蕩如隱山寺手書額如花園累果顯著或即梁武未受禪所爲誤以相屬或諸王子勃營等之國所經追先飲痛立此遺跡以寓招魂此所謂求其說而不得者然諸碑碣之言皆如此緜按昭明引納才學之士聚書東宮史無專指大抵如韋淑任昉徐勉許懋賀瑒徐摘其人若本傳所述劉孝綽徐勉周捨陸襄

杏花邨志

卷之三

邨西

七

者持就議禮而言徐勉傳所述蕭宏沈約張充王瑩張稷柳橙王暕者特就講孝經而言劉孝綽傳所述殷芸陸倕王筠到洽者特就樂賢堂管記而言惟南史庾肩吾傳肩吾初爲晉安王國常侍府在雍州被命與劉孝威江伯操孔敬通申子悅徐昉徐摘王固孔燦鮑至等十人鈔撰衆籍號高齋學士王爲皇太子肩吾兼東宮通事舍人晉安王簡文也雍州襄陽也用修著書每取腹笥將母以晉安王後爲皇太子訛而稱昭明太子乎昭明最敬者無如何胤最愛者無如劉孝綽所寶禮者諸傳連類而外尚有明山賓度仲容劉孝儀劉孝陵張續殷鈞劉勰諸人文選之成未必不相參定然以昭明之學之筆恒自討論篇籍則撰輯是書亦其餘工昭明生於襄陽自孩提入石頭未嘗復幸襄陽襄陽必無文選樓有之是晉安王事也昭明由襄陽江州至秣陵年三歲立爲太子其後居永福省臨決庶事出宮二十餘年游幸不一而足池州時稱石城邑屬宣城城宣城實武帝初封梁國國內郡史或止以畿甸視之如鍾山講解之類略而不別書且王筠哀册有晉游漳滏宿從無

之句劉孝綽集序有晏游西園祖道清洛之句豈區區
困學玄圃足盡今華玄圃之輪哉池州去京邑四百里
非襄陽比池州文選臺庸詎無之但後人以之貯錢版
則易臺而名閣也亦宜嘉魚入饌不必臨池而餐恐其
先石城魚亦有貢貢而被賞遂資貴池各封不可知昭
明以齊中興元年九月生謂八月望誕者既非丁貴嬪
祖居襄陽沔北五里邨劉惠明庶下父道遷初為歷
陽太守後位宣城太守謂其外家在景德寺者亦恍惚
之辭而七聖二郎在南宋杭州已見無亦里中秋社適
逢其會而牽合之耶九郎之號甚俚陸務觀入蜀來游
斯廟已著是稱而不解其故彼彼元碑疑為泰山神次者
何誕且迂耶石瓶今已習為籤筒瑩微可愛當云本有
二而後失之鑪甚巨琢而黜其質之為陶為石不能辯
唐物奚疑榜碣則姓名燦列祝周姓食祠田而不供春
秋之典虛若無人初族姓縣今食指不數屈偶讀宋張
邦基墨莊漫錄曰池陽郭西英濟王祠祀昭明太子也
其祝周氏自唐開成年掌祠事至今其子孫分入家悉
為祝也然後知周祝系始於唐豈非神之餘其詳使歷

杏花邨志 卷之三 邨西

代不易居耶陸務觀所記言僧而不言祝爾時祝已不
相聞如今日耶昭明自有不磨之性在書傳在丹青在
山川民社之聞亦奚以封教為耶昭明既來游滬則釣
臺有徵陸務觀據僧語云秀山產鯉金鱗朱尾若然鯉
也香鱗蕩何稱焉訊之父老土人皆云香鱗也然則記
游一時之筆誠有不足徵信者耶隱山手書云吳師道
有記廟後花園郡志相沿豈盡誣且吳師以爲梁武相
國事傳之昭明理當有之若諸王子兵戈拾掇骨肉多
殘萬萬不暇為昭明立遺跡夫文選未必不成於池然
安知昭明之不嘗至池耶昭明同母弟簡文著太子別
傳二卷記起居必詳宋如池州趙彥博亦著太子事實
二卷記廟食于池靈響必應吾聞太子所至似通德之
門顛華陰之市當羣賢醵咏記貴池景物必詳借若伏
不傳繼近得里人吳彥文選本乃大德九年池州同知
張伯顏所刊余連序曰梁昭明享池祀豈偶然哉如有
所為者知其有文選也又曰伯都司憲新文選之梓于
盛越十有三載梓陷災轍張正卿復斯集云然則元以
前池州梓文選貯文選蓋與昭明之祀同沿於梁久矣

無惑乎其文選臺也易臺而名閣不知何年吾因之
福清林古度文選樓詩曰秋浦樓過文選樓隋梁勝跡
在池州細看萬事皆虛往不及昭明姓字留 桐城周
蔚文選樓詩曰熟君文選薄輕衣百尺高樓世所依若
把華林家法用宏詞博學與時違 劉廷鑾九日訪文
選樓故址詩曰梁家帝子到林丘此地猶傳文選樓石
鏤斷殘學士姓銅屏僅見老僧游衣冠故塚山中在廟
食無魚池上秋向道登高能作賦講堂前席選難倚
晉江陳寶鑰文選閣詩有序曰兩漢不得六朝也猶
六朝不得不入大家也氣運使然質者豈為功文者烏
足罪耶雖然綺麗傷意流連傷情繁蕪並陳瑜瑕不掩
而大雅于是乎闕矣登斯閣者得無嘆濫觴之首乎抑
有說焉士必窮愁而後著書若富貴場中人聞愁嘆聲
則曰彼咄咄者何為乎昭明生帝王家習見華靡宜其
厭淳而喜紛也嗚乎不有昭明易見昌黎功越大禹而
任等孟軻也詩曰都從字句巧爭奇六代芳華此一
錦卽成裘需碎後金當躍冷執陶之風翻軒蚪明窗入
夜喚蟬魚古壁知摘去樓梯深歲月心精未許旁人知

杏花邨志 卷之三 邨西

又曰名山藏實豈藏虛虛美市都成忠孝餘偽晉未刪令
伯語劇泰多錄子雲書乾坤一鏡懸孤榻今古雙珠照
石渠此日濫觴都散盡總緣繁蕪光丘墟 宛平汪元
綬文選閣詩曰青宮弘睿藻開閣對名山萬古文章地
諸峰錦繡環簪纓隨風雨失丹顏重建楹檠煥輝
聯星斗間 餘杭嚴會樂憶池陽文選樓送宗鶴問官
其地詩曰高樓迥與白雲連名自蕭梁太子傳六代繁
華長已矣千秋風雅尚依然幾餘陳跡空江上忽爾懷
人落髮邊知向池陽官舍近著書安肯讓前賢 江都
吳綺前題詩曰西風吹雁度江濱送客還疑遠望真地
藉文章傳勝蹟天留臺榭與才人池魚入饌羨香山
鶴聞琴舞態新到日樓頭應有憶不須鄉夢往來頻
秦中王賓前題詩曰文選樓空鎖暮烟郊西明月尚依
然大江忽憶池陽好舊跡還因帝子傳數百里中雲影
接一千年後墨光連少文此去攀佳勝如在邨關古寺
邊 石埭曹有為文選樓懷古詩曰樓高瞻帝子想見
總烟鬟宮闕非梁代衣冠冷秀山魚嘉宜易號文選閣
重刑地勝仍如昔英風定往還

麗景樓

當與文選閣相近見檢討方漢碑記今不存

花園

在文孝廟後相傳為梁昭明游觀之處今廢 銅陵 武進士郎應徵訪文選臺花園諸遺址詩曰臺荒園 廢已多時各自梁傳址尚遺池乘相沿成古蹟我來指 授老僧知

獨柱坊

在文孝廟神道前按壁間石刻謂唐永泰三年仙 人所建至明隆慶六年信官章彬募眾重修云云 今池父老相傳為公輸班化身來建近牌樓已圯惟兩 石柱及橫木尚存藤蘿旋繞雲間聽秋子取而圖之

雙眼井

在文孝廟前左偏相傳初建廟時湧出大木數株 至今父老嘗述其事

宋封康盧二將軍勅碑

在文孝廟左偏藏荆棘中文刻蝕 難讀有可辨者碑額康盧將軍勅 封六大大字楷書中間大書尚書省省下一字莫辨為行 州書下方序次加封條法合當從建炎三年併淳熙十 四年云云文孝廟供神康太保合崇封二字將軍今擬 靈翊將軍盧太尉今擬靈濟將軍為小楷左方又大書

杏花邨志

卷之三 邨西

奉敕賜靈翊靈濟斷文為行州

紫石碑

在文孝廟前右偏碑勒昭明麻庇池事甚悉日久 毀宇頽廢碑露風雨中石光瑩潔紫彩奪目誠異 觀也游覽詞人多咏之 明貴池布衣陳常題紫石碑 詩曰西廟流鐫石一方欲垂不朽祀蕭梁繡成晶嶺嶼 紋赤織就鵝溪繡絹黃藤古花香堪戀蝶春淡艸茁怪 芻羊縱教風雨頻催折愈有函關紫氣翔 邵文學郎 光禪過西廟覽紫石碑詩曰紫霞一片色蒼蒼崖口茂 成繭絹黃風雨漸磨蝕篆蝕薜蘿猶帶墨痕香道傍墮 淚非關峴石上留題且說梁當日亭臺今盡廢荒烟桂 外共淒涼遂按石樓遺稿此詩未載

宋崇寧褒封敕

宣和二年建德尉張昇摹本刻于西廟前 熙中郡守袁說友又取真蹟龕置神殿側 見元吳師道隱山寺碑記

丘墓

明中憲大夫陳鈇墓

在上杜鵑耀龍山有坊表今廢按鈇 昭之孫為吾族祖贈參軍銓公之快婿也歷官主政至 袁州郡守以養親歸里邑志有傳列之賢哲

周金和尚墓

在西廟前金自少林來居九華東岩值王陽 明再登九華金謁之陽明贈之偈云不向少 林面壁却來九子看山錫杖打翻龍虎隻履踏倒巉岩 這個潑皮和尚如何畱在世間呵呵會得時與你一棒 會不得時且放在黑漆桶裏偷閒嘉靖戊子金自九華 還羅漢寺一日告眾僧曰于望本不差彌陀是釋迦問 我還鄉路日午坐牛車語畢跣跌而逝

桐城汪守川夫婦合墓

在鮑兒嶺于孫家于江北而墓在 江南崇禎間宮詹方拱乾表之 清詩人孫嘯嘯墓 在杜鵑吳非有墓銘曰漁邪詩邪長嘯 而呼誰邪人乎天乎吾為之銘名以存

杏花邨志

卷之三 邨西

三

杏花邨志卷之四

邨人 郎遂 編輯

人物

唐

杜牧字牧之估之孫也第進士復舉賢良方正沈傳師表為江西團練府巡官又為牛僧孺淮南節度府掌書記擢監察御史移疾分司東都以弟顓病棄官復為宣州團練判官拜殿中侍御史內供奉是時劉從諫守澤潞何進滔據魏博頗驕蹇不循法度牧追咎長慶以來朝

杏花邨志 卷之四 人物

廷措置亡術復失山東鉅封劇鎮所以繫天下輕重不得承襲輕授皆國家大事嫌不當位而言實有罪故作罪言又傷府兵廢壞作原十六衛論累遷左補闕史館修撰改膳部員外郎宰相李德裕素奇其才會昌中黜憂斯破回鶻回鶻種落潰入漠南牧說德裕不如遂取之德裕善之會劉稹拒命詔諸鎮兵討之牧復移書于德裕若以忠武寧兩軍益青州精甲五千宣潤弩手二千道絳而入不數月必覆賊巢俄而澤潞平略如牧策歷黃池睦三州刺史入為司勳員外郎常兼史職改史

部復乞為湖州刺史踰年以考功郎中知制誥遷中書舍人牧剛直有奇節不為齷齪小謹敢論列大事指陳利病尤切至少與李甘李中敏宋祁善其通古今善處成敗甘等不及也牧亦以疏直時無右援者從兄悰更歷將相而牧困躓不自振頗快快不平卒年五十牧于詩情致豪邁人號為小杜以別杜甫云

按牧本傳不詳刺池事而樊川集中池州詩最多當其刺池時喜登眺齊山清溪諸勝又嘗游歷金碧洞杏花邨皆見諸題咏明九華吳光錫刻杜樊川池州詩集行世蓋池州山水實以牧重也唐詩紀事曰杜牧之守秋浦與處士張祐游酷吟其宮詞亦知樂天有非之之論乃為詩曰曉在眼

杏花邨志 卷之四 人物

前人不見道超身外更何求誰人得似張公子千古詩輕萬戶侯按枯產池之青陽家南陽鄉性喜林石清幽之致且與牧之唱酬豈有不厭味于杏邨杜鵑問乎今遺篇莫考是知風雅之缺失多矣杜荀鶴字彥之杜牧遺腹子也性豪放志經史嘗築別業於杜鵑與同里顧雲殷文圭康駢輩為好友登昭宗大順元年榜及第第一人授翰林學士主客員外郎知制誥詩律自成一家稱晚唐格所著有唐風集郡人劉廷鑾池上詩人集為人十有九荀鶴其一也羅浮姚子莊重刻杜翰林詩集行世版藏池州石埭李昭象字化文父方玄嘗刺池州裁減蠹民者十餘事又

樹九華樓築翠微隄鑿齊山北面得岩洞怪石不可名狀後遷去老穉攀轅留家池州懿宗末年昭象以文謁相國路巖問其年日十有七矣巖年尚少尤器重之薦于朝將召試會巖貶遂還秋浦與張喬許棠輩為友記紀中楊行密賁宣州以書招之不就按集中有喜杜荀鶴及第詩曰淡巖貧復病榜到見君名貧病渾如失山川頓覺清一春新酒典四海舊詩聲日使能吟者西來步步輕荀鶴築別業于杜鵑昭象富有題咏今逸不傳羅隱字昭諫號江東生餘姚人乾符間父羅則為鹽鐵小

杏花邨志 卷之四 人物

三

吏遷秋浦尉值黃巢亂遂同隱虬鄴三子隱于梅根浦郡守竇滔作別墅居之遂籍本州有文選閣文孝廟諸詩隱以錢鏐辟為從事節度判官副使所著有三羅詩三卷江東集十卷甲乙集十卷吳越掌記十卷皆自為序又有讒書湘南集淮南寓言等書

伍喬貴池人貧約自甘訪道廬山國學方夜誦牕外忽一巨掌入中書讀易二字喬遂取易治之探索精微淡與其旨有僧夢一大星墜人曰伍喬星也及訪得因資休之南唐保大十三年春試畫八卦賦舉進士第一為歛

州通判尋召為考功郎詔令刑八卦賦于國學門以式四方國除耻仕易姓遂歸隱有游西禪院詩即今乾明寺也

南唐書曰伍喬廬江人也性嗜學以淮人無出已右者遂渡江入廬山國學皆節白勵一夕見人掌自牖隙入中有讀易二字條爾而却喬默審其辭取易讀之探索精微迨數年山下有僧夜夢人指大星曰此伍喬星也僧與喬初不相知迨且入國學訪問得喬喜甚勉之進取喬以匱乏告僧僧慨然蒙子之喬出與郡計明年春試畫八卦賦寒後堂鍾山詩是歲同試數百人初中有司之選者必延之陞堂而加慰飲焉先是宋貞觀登坐張洎續至主司覽程文遂揖貞觀南坐而引洎西首酒數行喬始上卷主司讀之驚嘆乃以貞觀處席北辟洎居南登喬為賓首覆考榜出喬果第一洎第二貞

杏花邨志 卷之四 人物

四

觀第三時稱主司精于衡鑒元宗命勒喬程文于石以為永式署宣州幕府考滿遷考功郎卒于官按喬本秋浦人而學于廬山者其先或系廬江耳馬令南唐書列在儒者傳內而謂之廬江猶之乎謂湯悅為陳州人也大明一統志廬江池州人物並載伍喬則亦未之深考也或曰伍喬產于秋浦葬于廬江其墓隴在馬廐岡居民耕出碑驗

劉仲昭字仁鑒原籍河南洛陽人與兄孟昭並著才名孟昭以討黃巢功授山東節度副使轉判池州卒于官仲昭登唐乾寧進士授大理寺評事補貴池令長子文昂贅杏花邨陳潤女遂家焉後由杏花邨遷大嶺其支系分籍于青陽明泰昌間光祿丞劉光復其裔也

宋

潘閻自號逍遙子為詩有唐人風其苦吟詩云髮任草莖

白詩須字字工因坐盧多遜黨得罪避舒州潛山寺為

行者石埭志列李白賈島李商隱寇豹潘朗魏堃稱長

林寓賢疑朗即閻也有杏花邨西禪院詩

喻良能字叔奇義烏人累官至太常寺丞嘗進忠義傳二

十卷孝宗深嘆賞即命頒行以開縣男致仕所著有諸

經講義香山集淳熙中過池州有拜昭明廟詩二首

沈遼字叡達錢塘人與曾鞏蘇軾黃庭堅以詩相倡和築

杏花邨志

卷之四 人物

五

室秋浦名雲巢所著有雲巢集作西峰銘石刻在光孝

寺久不存郡志流寓有傳

梅堯臣字聖俞宣城人歷官員外郎家貧好飲與歐陽修

為友其序宛陵集曰世謂詩少達而多窮蓋非詩能窮

人殆窮者而後工也嘗有人得西南夷布其織文乃堯

臣詩慶曆中令建德有咏西禪院竹詩

陳舜俞字令舉嘉興人嘗寓居湖州博學強記慶曆中舉

進士又舉制科第一僉書壽州判官熙寧初以屯田員

外郎知山陰縣青苗法行舜俞不奉令上疏爭之謫監

南康酒稅舜俞池州題咏有數章不僅邨西秋浦亭也

黃庭堅字魯直號山谷分寧人以紹聖元年九月辛丑過

池陽與兄黃士臨弟叔獻叔達率子孫題名蕉筆岩併

有昭明廟紀事詩

曾極字景建臨川人志氣豪放聲名四起朱晦菴得其書

及詩大異之嘗以詩語涉謗訕得罪謫道州卒於其所

後有言曾極久斥可念孝宗曰非為江湖集耶因奉旨

歸葬所著有春陵小雅金陵百詠有文孝廟詩

朱熹字元晦婺源人父松究心河洛宗旨成大儒為尤溪

杏花邨志

卷之四 人物

六

尉卒熹年十四奉遺命依劉子羽寓居崇安晚徙建陽

集諸儒之大成發宣聖之秘要諡曰文封徽國公會游

池州有九日登湖山和杜韻詩

李廌字方叔華州人幼孤能奮立常以文謁蘇軾於黃州

軾謂其筆墨瀾翻有飛沙走石之勢嘗閱其所著曰張

耒秦觀之流也鄉舉試禮部軾典貢失之賦詩以自責

按廌文選閣詩頗得晉魏之遺

趙葵字南仲蒲州人徽猷閣學士趙方之子也寶慶間與

兄范齊名嘗入對帝廷帝稱其父子兄弟殫力王家葵

頓首謝曰臣世受國恩當捐軀以報陛下帝為動容後拜右丞相有秋浦樓詩

周必大子充一字洪道廬陵人嘉泰元年御史施康年劾必大首唱偽徒與趙汝愚留正皆為罪首四年薨年七十有九贈文忠寧宗題篆其墓碑曰忠文耆德之碑

自號平園老叟著書八十一種有平園集二百卷

按周益公泛舟山浙一錄所至必游所遊必核嘗兩過池州有天遣江山助牧之句

程秘字懷古休寧籍先世洛州人與楊誠齋真西山同時

以理學自任歷官端明殿學士初以建康教授於嘉泰

杏花邨志

卷之四

人物

七

甲子校士於池州湖山貢院詳見洛水集

陸游字務觀號放翁會稽人年十二能詩蔭補登仕郎領

廳薦選第一秦檜孫埴適居其次檜怒至罪主司明年

試禮部主事復置游前列檜顯黜之由是為所嫉檜死

始赴福州寧德簿嘉泰二年修孝宗光宗實錄成陞寶

章閣待制致仕游才氣超逸尤長於詩卒年八十五按

放翁游池州時乾明寺尚名光孝也詳見鐵佛記

張邦基淮海人所著墨莊漫錄有昭明廟祝周氏雜記

汪遠猷有謁昭明廟詩楊振有乾明寺古松詩俱宋人

元

貢奎字仲章號雲林宣城人甫十歲輒能屬文既壯通經史以文學發身大德五年授池州路齊山書院長有游鏡佛寺詩凡秋浦古蹟名勝皆有題咏官至檢討謚文靖當代鉅儒王文献吳艸廬書其事甚備

按文靖之子名師奉歷官國子司業父子俱擅詞藻既從游秋浦當亦歌咏杏邨今詩佚不傳徒令人追慕于千載之下矣

張正卿至大間任池州同知嘗捐五十金刻文選於池州

貯板昭明廟

杏花邨志

卷之四

人物

八

余璉以大德九祀官池州累官肅政廉訪使後于至大間

卽池故地歸老撰重刻文選序

張奉政泰定間同知州事鼎建文孝祠見鍾世美所撰碑

記按世美亦官於池者郡志官師失載

戴蘇新安人管雲甫池之西廂人方懋卿未詳里居其姓

氏皆見于元至正間重修西湘橋碑記中或撰文或捐

金或勸緣咸有功斯橋者因歷年既遠特書列之

郎賽和賽懋生元至正間兄弟同居稱義門今室廬丘隴

俱在杏花邨

明

陶安字主敬當塗人銳志濂溪關閩之學元至正間授明道書院長洪武初以迎車駕授左司員外郎陞翰林學士賜對曰國朝謀略無雙翰苑文章第一池州境內題詠最多西郊有詩

董希仲洪武己卯科舉人親老不忍宦游棲隱林石供菽水以終今西郊有所居遺址

金焦貴池人建文元年為御史燕兵起尹昌隆上疏請讓位焦劾昌隆無人臣禮尋陞刑部右侍郎又論李景隆

杏花邨志

卷之四 人物

九

懷貳不可任壬午六月之變焦亦與聞出亡甲申重九同諸亡臣會建文君于天台戊子冬視君于雲南白龍山茆舍明春從君于蜀因留蜀後與王資往河南死于祥符

見表忠記從亡列傳

按吾池城南十里蔡家店有金公井即金焦故里也靖難時族人易姓為張居湖山之麓

方謨字昌言歸安人正統舉孝廉官貴池教諭陳恭愍提學南畿舉以自代陞翰林院檢討所謨昭明廟紫石碑文為蘭水柯薰書丹柯礪鐫石至今人爭捐之

張邦教蒲州人由進士官池郡丞威明交著每遇賢士虛

心延訪以咨所宜行官至陝西按察使治郡時留意山水嘗表杜樊川遺跡因自號曰惜花人

沈昌號楚航鸞鄉人弘治間以歲薦廷試第一不樂仕進歸隱梅山下其自題詩曰我是梅山舊主人寒香惟我得平分年年分得知多少欲獻君王羞自云所著有池陽懷古詩合前後兩集共二百首杏花邨名勝俱有題咏長林楊暹得之邨壘余錄而傳之

侯緘號台楚臨海人知池州愛民真切禁奸除竊士庶俱無間言後陞副使池人請祀名宦有重修昭明廟碑記

杏花邨志

卷之四

人物

十

郎子機號懷山銘之孫銘由歲薦任永寧主簿不屈於太守遂棄官歸隱杏花邨機嫻武畧所造火攻器具破敵百不失一選為池陽營材官萬曆間會勦英霍二山賊時機家敬祀關壯繆忽見夢云汝父子當同陣戰必勝機以神言父子逐隊行臨陣惟見諸赤面者勢莫敵即機父子也擒諸賊獻俘兵備道馮叔吉敘功題授守備固辭終老杏花邨子十二人皆能武名字各以次序配山川號故有大池雙溪五湖九華巫峰諸稱顧太守建杏花邨亭址即機宅邊園圃地也

方元美字旋吉居浯溪山中與同郡王良相陳上祥吳光裕輩相倡和所著有萼綠齋詩及種琴園雅似全諸集太守顧元鏡嘗讀其詩輒讚賞不置因搜生平著述付剞劂適以遷秩去弗果今後人猶珍藏於家特採邨境內諸詩錄之以傳

余翹字聿雲銅陵人吏部驗封司敬中子生四歲穎異絕倫稍長讀書目數行下善屬文萬曆辛卯中應天鄉試屢上春官不第歸治一画舫曰浮齋往來湖上杏花邨名勝多有題詠

杏花邨志

卷之四 人物

二

董模字子修七松里人少時購書屋於湖山下帷攻苦年三十即應選貢司訓歙邑陞綿竹令歷官象州武宣獲寇有功卒於粵今杏花邨有園林廢址

方時來字南極貴池人萬曆間與兄時鳴以積學著文丁相國紹軾曾預修郡志時鳴僅以明經終時來應應天鄉試溺於江上生平著述皆散佚杏花邨讀書閣亭頗稱佳麗今易主矣

胡永順號天岳楚人由進士司李太平數過池州有謁鐵佛昭明詩歷官兵科給事以攻擊魏璫發遣忠直著聞

黃尊素字真長餘姚人萬曆丙辰進士官至御史以直節死於魏璫之難絕命詩有錢塘有浪奪門淚惟取忠魂泣屬鏤之句司李寧國時有西郊諸詩崇禎間子宗義游秋浦輯黃氏續鈔所著有懷謝軒詩虞山宗伯錢謙益志墓

顧元鏡字韻發歸安人天啓末守池州文采風流以杜牧歐陽修自比登山臨水有康樂風建杏花亭於邨中建閬亭於齊山湖同僚屬飲酒賦詩時江南熙皞政事畫一畧無更張吏民便之崇禎末復為池太道聲譽悉如

杏花邨志

卷之四 人物

三

治郡時又十餘歲留仕粵西以終

李學沆字靖孩生瀟湘雲夢間少負才節汪洋浩瀚萬曆時侍父一鳳來令貴池日與池縉紳文學登眺檀娑大樓萬羅諸名勝把酒問天以寄其蕭疎曠遠之致天啓末復貳政茲邑才人不得展其抱牢騷憤激之感時時發之歌咏所著秋浦集中有杏花邨諸詩

程梧字來鳳號蒲溪別號六六山人休寧人家于秋浦督耕完賦而外與族屬昆弟輩游歷山水間皆見諸倡和所刻率瀕社錄有湖山諸什

潘之恒字景升歙縣人性豪邁爲太學生自髫齡輒以古
文詞受知於汪道昆王世貞年四十不得志溯江而上
歷潯陽陟匡廬登玄嶽經武昌齊安郢中諸名勝徘徊
想望意趣灑然已復放舟東下從青陽躋九華蓋典盡
而返之時也自題其遊艸曰涉江集所誤有湖山窺園
記

王命策字簡子葛源人少補博士弟子員同時應制者白

首矻矻以詩爲畏途策以餘力工詩賦古文詞自成一

家鄉先達閣學孔貞運家宰鄭三俊皆敬禮之生平著

杏花邨志

卷之四

人物

三

述不自珍惜多爲人攘去今族裔王爾綱搜輯遺編得

鴻濛外紀集中有昭明廟詩

李明睿字太虛南昌人官至中允辛未分闈吳偉業出其

門及歸林講學四方從游者甚衆嘗作短垣淺榭引水

爲池與交遊操画艇盤旋其中行吟自如甲申起禮部

侍郎時服式未定持議留衣冠回籍所著有問苑山人

四部稿行世過池上有懷昭明文選詩

郎國本小字大池機長子也家杏花邨崇禎末從史閣部

可法死於國事祀安慶府陣亡祠祠今廢

林古度字卍子一字茂之晚號乳山福清人數齡卽能詩
登臨嘯咏至老不倦嘗于役過杏花邨見諸題詠

六合袁漢推懷林徵君詩曰竟陵推重久名日與
年高步美遠行健心構汲引勞娛生書未賣憤世
首頓搔頑果今搖落乳山空自牢魏兩峰謂此詩
是茂之行狀彼長篇累牘讚歎不盡者反覺多事
信然又黃俞邵徵君有次茂之八十自紀詩曰八
十才名遍九州七朝遺老至今留聽談舊事開元
載登識先人萬曆秋藜杖尋詩荒徑外松風坐客
小樓頭乳山咫尺能招隱我欲從公一過遊斯篇
亦爲卍子寫獎因併存之

張燦垣字紫城成都人天崇間官邑令嘗捐俸建亭杏花

邨題曰陸舫每當杏開湖漲時集文士騷人賦詩飲酒

杏花邨志

卷之四

人物

四

其中其於吏治游及有餘尋陞司馬郎未竟用而歸歸

數年益肆力于詩有卷園集蜀人以詩名者有張肖甫

肖甫生李王時多爲所引重今論詩者稱蜀有二張云

吳讎字衆香徽州人生而長齋茹素不葷不娶與其弟典

共被也以文章孝友著卜築雞籠山凡登涉名勝捫蘿

距石榻銘碣賦咏自適晚應鄂陵鄭二陽聘人院慕以

致身事主相勗鄭後解官爲言者所中赴京師對簿讎

匍匐往艱難共之遂卒於京邸崇禎庚辰渡江來池試

門問蕭樓商當世務有西湘踏青詩

鮑仲熊字虎子廬江人或釋衲飄飄或儒冠笑傲或爛醉敲句或長嘯投林其髮或束或斷其飲或辛或豆或生前自祭或舉杯祭人真具有異才異骨嘗寓桐城方宮詹坦菴姚樞部戊生極賞識之所著有未可語詩行世敬禎間來池州久居湖山瓢菴詠吟甚富惜杏花邨諸詩不傳或曰虎子死遺命火其屍

方叔邵字虎玉號雪山桐城人豪放不羈詩酒自適書法嫵美艸聖識者寶之今乾明寺壁間題咏乃叔邵真跡也崇禎壬午夏忽病齒遂自整衣冠凭棺賦永訣詩而逝

杏花邨志

卷之四

人物一

五

吳光裕字寬生九華人善詩賦精六書工大篆小楷八分文翰並妍不以才名自矜異晚應崇禎貢年已六十有一或稱破萬齋主人或稱天谷先生所著有離騷副墨申椒園集飲和社艸諸書其歿也施徵君達作傳劉徵君城志墓所題杏花邨窺園詩卷墨跡猶藏董氏後人吳光錫字少友早嗜學為諸生與兄光裕齊名頗能飲醉酒自號釀王最工篆刻游羅浮游茗雲以藻采聞于時晚年又號花舫先生有杏花邨湖山諸題詠

胡虞支字嗣玄歙縣人崇禎中乘驛秋浦真率示人便便經筵每當炎夏納涼虎山僧舍手題淨林二字墨蹟尚存後陞令長卒鄒城任當虞支之與諸生過從也不導不與只一僕張蓋耳至諸生家杯酒論文或果餌卵與疏侑之足矣往復來來復往則猶有古師弟之樂也哉

附劉城喜胡廣文有秋浦諸詞賦見貽因贈以詩日蓄薇浣手十巡映鈞錫愚溪未足過丘壑置身情性共文章持世諷規多湖州安定原風雅而渡康侯斥講和我欲青鞋相傍去獨攜詩卷入剡羅任之燥字發伯懷寧人嘗攜諸子就試池陽默禱於昭明廟以祈貴顯後長子竣次子塾皆聯翩成進士登仕籍

杏花邨志

卷之四

人物

六

若壩若垣若堡俱相繼入費宮神若預告之且默相之竣每渡江謁昭明倡首輸金重新廟貌見所誤募引譚巖字維石青陽人遭亂棄諸生隱居納竹莊時與田父楚老酣飲貴人招之不至性耽山水好詩歌每游杏花邨輒有題詠

附黟縣王樞懷譚隱士詩曰名山大隱自留名三載會親泉石盟溪竹亂雲開小徑清溪疎雨掩雙荆常從東郭看磨鏡共約西郊待聽鶯今向江湖憶舊好夢魂應不畏層城 桐城周對輓譚隱士詩曰黃炎天監舊遺民高士名留傳寫真甲子紀年纔閣筆拜鵝啼血便抽身西生蘭氣憑新塚哭奇松枝別故人好友未亡梅可托借他魂照墓門春按維石尹吳空之詩有梅花堪作未亡人之句

郎大徵字仲久秋浦人生平慷慨多奇雄豪自喜當崇禎
 癸未春寧南侯左良玉假勤王名拔營東下水陸行駐
 池州凡敗兵叛將俱附左營攻剽南都大震池郡以彈
 丸之區勢危累卵時觀察臺使程世昌幣聘大徵詣左
 營行說大徵遂單騎毅然往立談於百萬軍中旁若無
 人卒折寧南銳氣以保垂亡之城使萬姓免於荼戮其
 功偉矣及左師擬還營以暫次東流為辭因諷之曰大
 將軍一生事業豈可附之東流譚笑片語遂以開解明
 日卽長發還武昌世昌尋陞開府題敘大徵游戎亡何

杏花邨志

卷之四 人物

七

甲申變作遂同遜跡高渚石臼湖與錫徵君城戴司李
 重為逃世友久之各別去世昌還光山大徵歸杏花邨
 誓隱不出其卒也江上名人輓之有薤露集江南通志

池州府志別有傳

華亭外史
 彭師援誤

附吳非與纂修明史倪開公陳其年兩翰簡書畧
 曰明靖難之際貴池三忠一黃公觀一陳公敬宗
 一金公焦黃已久著且以易名大典論之文貞而
 陳金或隱而不彰特鈔其傳畧合成一冊搜山見
 死事關繫一代想當列一坐位待之御邑志宋不
 足盡書夫余闕早旌於明初文山附傳於宋本或
 有忌諱主筆者不無斟酌其間也劉存宗徵君賦
 著作大家與明相終誓隱峽川節義中不得少此
 一人吳劉生平在當世諸君子耳目前又兩太史
 共悉其本末或可不須其行實耳處士郎人徵亦

敝邑人與樓山存宗皆有交以布衣而俠持巡撫
 程公世昌書行說回左寧南十萬之師池州已下
 諸城得不破無異于鄭遺燭之武之于泰孔明之
 遣馬良之于吳也古人一節已足傳而况其薦于
 倫常者府志傳畧錄上李孺人節烈卽樓山適配
 小傳附往併拙著書目數紙開志藝文惟備採擇

江杏字三立建德人少時逢道者以天文書數卷期三晝
 夜成誦乃秘授之如期一一對會故得受其學崇禎末
 應歲貢早知天下事莫可回而未敢顯言越甲申應天
 巡撫程世昌聘入幕府叅畫軍務尋辭歸友人郎大徵
 留寓杏花邨每夜坐甕間取水一盆觀天象人咸異之

附江杏子益燦感舊編曰環池山石何嶙峋歷歷
 奇踪見偉人才雄可靖中原孽世亂難榮物外身

杏花邨志

卷之四 人物

八

憶昔寇賊曾蓬起朝廷象卒如驕子上流方倚作
 長城畏敵如狼旗迴指滕艘千里漫江灣孤城半
 大可躡板百計惟求三寸舌一人誰作萬夫關郎
 公額畧胸中列單身匹馬探虎穴點帥張孤頓脫
 孤一宵戰艦如風截大君有命錫師中建旄分關
 表英風開府傾心酬大畧參軍絕意謝成功運時
 先子正憂時著書戎政名先知幕府殷勤來借箸
 徵本屢速到鳩茲夙慕郎公未促膝陶山一晤如
 膠漆連林風雨共躑躅代疏披鱗雷不出大腹傾
 難一木支携手同虞歸去辭天山洞口桃千樹秋
 浦杏邨酒一卮須臾桑祿變滄海彈指于今三十
 載慚余碌碌墜家聲郎公玉樹繁蔭昔昔忠孝由來
 竹帛傳郎公氣節薄雲天採風應有翰軒使卿進
 歌行待史編 郎遂懷江三立徵君詩曰風炮入
 人絕世才如何不偶老江隈前籌暗借中丞箸致
 聘堅辭壯志灰草榻曾留高士卧郵船頻醉杏邨
 杯自從歸隱天山洞惟許康成策杖來自注郊
 岳太宰為徵君好友

國朝

顏敏號澹叟宛平人順治間由進士出守池州寧靜不擾持大體左右不能進一詞其遇士也有禮政暇喜留意山水嘗捐俸修杏花邨坊後歷陞巡撫至今池人士有去後之思

甯峒號嶺山九華詩人性下急不能阿所好動輒目張眉豎義形于色晚年與石埭令姚子莊交最善常以疾聲厲色相加而姚不計時語人曰聆甯山人語如噉大柈薑桂肉食之氣頓疏也其見重如此生平為詩率筆立

杏花邨志 卷之四 人物

十九

就風格似晚唐邨中題咏甚多所著詩文貧不能傳傳者只建初集中詩耳

附郎遂輓甯嶺山詩曰交訂忘年重故鄉魯明江上憶連林布衣還葬先朝土書帶猶題舊艸堂展獲有妻能作誄鄧攸無子更堪傷遺文邨得侯巴授居近名山尚可藏

宗觀字鶴問江都人負才積學多著述由庚子貢元可訓貴池自號杏花邨客課士之暇徒步登臨凡池名勝無不畱題世傳宗名世初以進士授紹興教職行至夢筆橋夜泊夢江淹以綵筆三授之曰俾爾三世享文名今觀其孫也

王之明字伯求建德人郡增生入南雍國變遂不仕孝事繼母程程及哀毀如所生孤姪爾縮喪父時纔兩歲撫之成立三十年如一日每歲登記出入未必畧云一粟一絲有私者如誓其學以誠身為本由孝友而姻邨而汎愛各有次第博涉諸藝尤精于琴嘗應試寓杏花邨月下理琴族叔命策有聽琴詩見本集

郎必光字孟昭號亮菴嘗自署堂名曰還樸因別號還樸居士云崇禎癸未春左師薄池城父大徵應觀察程世昌聘單騎往說必光危之欲同往時有父忠子孝之語

杏花邨志 卷之四 人物

二十

越乙酉左師再下江南沿江棺多被發必光扶病絕垣以下經營塋其祖父母忽遇清師未與害人謂孝感生平多遠遊順治戊巳間客江右遇兵掠閩寧化陸氏子鬻于市為贖焉訪其族人歸之不得因携之還池教育婚娶無不備至久之有兄來池拜泣于庭必光憐之即日遣去并其二子皆歸之其好仁尚義類此晚年以先世卜居杏花邨因命子著杏花邨志書成把閱每稱四方名人酬贈詩文最富名曰愛日編歲乙丑年六十有六衣冠端坐而逝里人私謚為仁孝先生

會稽范鑄撰

錢又選字幼青青浦人性潔好奇工画山水人物禽鳥花
卉諸種画成多自題跋生平有花癖或浮居或旅舍到
處必購小軒遲留久之種花為娛遇佳山水輒登臨嘯
咏而不忍去雖生于吳而秦晉楚蜀燕齊豫越之區足
跡殆遍康熙間僑寓秋浦郡守喻公成龍延為上客與
里人郎遂交最善常同游湖山杜鵑之間為作杏花邨
名勝諸圖繡之梓所著有游子吟雲間彭師援龍眠李
雅序之行世

劉廷審字叔皮徵君城庶出子也生九歲長兄繼試以州

杏花邨志 卷之四 人物

艸論援筆立就又作自悼賦敘幼孤狀人咸異其才及
長家日貧嘗授徒杏花邨與二三同志結友善會于湖
山年三十有二見知督學解公補弟子員未幾以病歿
無嗣遺稿有西郊諸詩

江士銓青陽人少多技能工画山水最愛杏花邨景嘗形
之詩歌圖画年甫弱冠以嘔血卒余有詩輓之曰廿年
交好共嚴君愛爾才思已絕羣類水方將新賦頌玉樓
偏又促修文少髮抱烈幾瀕死遺艸誰傳盡欲焚惟寫
杏花圖半幅置子花下醉烟雲按士銓画即絕筆于此

閩淑

唐

劉文昂妻陳氏杏花邨陳潤女也生唐僖宗中和二年配

昂生二子昂早卒矢節三十餘年有司請坊表旌其閭

歿葬于羊城里

見西館鐘
氏家乘

明

陶冶妻郎氏杏花邨郎淳長女冶為諸生有聲甫二十餘

卒郎勉撫幼孤闔戶淡藏履穿衣結一日病篤子延醫

藥郎曰我未亡人待死分也豈能復見異姓男子以求

杏花邨志

卷之四 閩淑

三

生乎不藥而卒糾衿合薦于當道督學耿公定向馳扁

以旌其閭詳見萬曆壬子丁文恪所修郡志

今郡邑
志皆畧

貢士孫池龍女杏花邨郎大受妻也幼聰慧明大義甫于

歸三日即割股肉和藥以進舅氏疾遂瘳時人以孝婦

稱之後孫氏有女適同里趙標標卒苦節終身益亦有

得於母教與

房氏杏花邨董俊妻也俊赤貧氏職女工佐夫朝夕俾得

功苦為舉子業氏事繼姑最孝侍湯藥無倦心姑死助

夫喪事如禮竟以勞瘁卒

仙釋

明

尹從龍華陰人一手一杖披羽衣鶴髮人以蓬頭稱之囊有宋理宗度牒明弘治正德間嘗數千里分身赴齋一日來乾明寺郡御史張廷瑞延而居之偶因拂意而去至金陵舉動多怪異應天府尹懼其惑眾押令歸華州鐵鶴觀騎鐵鶴飛昇

按吾池郡邑志作尹蓬頭傳皆云不知何許人亦未考其本傳也

唐

杏花邨志

卷之四

仙釋

三

智堅禪師馬祖法嗣也普願住南泉時堅亦掛錫杉山擇蕨次願拈起一莖曰這個大好供養堅曰非但這個百味珍饈他亦不顧願曰雖然如是個個須是嘗過始得僧問如何是本來堅曰舉世無相似

按智堅禪師即所謂西峰聖者是也當唐末吳武王楊行密時嘗寓杏花邨乾明寺逮去留鐵篋付主僧笛色似鐵而非今不存

明

真圓號照虛本山東大賈初不識文字棄妻子出家至京師聽楞嚴講義萬曆末來棲乾明寺游補陀復還秋浦

天啓中因其弟子如真止齊山如真貴池賤役備給乾明開圓餘論若有解悟者即薙髮歷諸招提至齊山如願修寺奉圓居龕西圓年八十二持誦不少暇一日化去時崇禎丙子迄戊寅如真亦棄人間年七十五又四年徒衆啓二師塋皆兀坐如生

無我西蜀高僧也崇禎丁丑來池州卓錫杏花邨蘭水孔閣學貞運題西來真印四字贈之皖江劉狀元若宰贈詩曰定匪蒲團上行忘烟雨中覺機開杜宇門祖關蘇叢清削蜀山兀深濼巴曲通劈空一棒喝力勝五丁雄

杏花邨志

卷之四

仙釋

四

後無我擬歸蜀未果居邨中數載即棄世定宇號函融宣州人崇禎間來池州學博曾世良建石林靜室于齊山迎師居之未幾以兵毀乃入峽川三十六山越七八年池紳士復迎之居湖山西隱菴後棄世徒眾塋之齊山之陽

國朝

悟明號白汗順治間來居乾明寺禪定之餘兼事詩文所著有大鑄堂語錄乾明寺十景詩康熙丁巳示寂弟子清言塋之本寺前

正儼字无思在建德廣陽山好學工詩同邑胡魚山孔茶
塢鄭甲先每造訪山中更倡疊和嘗游九華昌雨過杏
花邨訪杜刺史遺蹟詩曰別路九華遠長春風雨繁訪
游秋浦勝因過秀山門竹葉人間酒杏花郭外邨古來
賢刺史佳話至今論所著有博陽艸王紹李評曰從來
了大事者未有不具勝情神仙無不識字佛祖何嘗廢
書无公寄情山水畱覽古今如往如復如繚如曲此爲
真勝情也靈一齊已宗風于今未墜

杏花邨志

卷之四

仙釋

杏花邨志卷之五

邨人

郎遂

編輯

題詠

絕句

七言

杜牧

牧之萬年人會昌末池州刺史有傳

清明

清明時節雨紛紛路上行人欲斷魂借問酒家何處有牧
童遙指杏花邨

杏園

杏花邨志

卷之五

題詠

夜來微雨洗芳塵公子驂騑步步勻莫怪杏園憔悴去滿
城多少插花人

按九華吳光錫所輯杜樊川池州詩注以此詩採
入故因之

杜荀鶴

彥之石埭人翰林學士有傳

溪岸秋思

桑柘窮頭三四家挂簪垂釣是生涯秋風忽起溪頭白零

落岬邊蘆荻花

按郡西唐立土城門名桑柘詩曰桑柘窮頭即杜
鳴地也且挂簪垂釣至今如故是其別業景物矣
洪道廬陵人淳熙朝拜相封右益公

周必大

過池陽賦詩

千古風流杜牧之詩材猶及杜筠兒向來稍喜唐風集今

悟樊川是父師

一作天遣江山助牧之

此詩載癸辛雜識而詩專及杜牧故採之按杜筠兒卽指杜荀鶴也牧之自齊安移守秋浦妾淫氏有娠見妬於嫡出嫁長林鄉正杜筠兒之小阿宜詩曰一子奴奴誇相門宣乎須記若而人長林管領開風月曾有佳兒屬杜筠長林卽今石埭縣唐風集卽荀鶴所著詩也景福元年顧雲序之行世會極 景建臨川人滂之子孝宗時人有傳

文孝廟

德隱前星民已和山隈水曲廟何多皇孫不得承天統猶

杏花邨志

卷之五 題詠

二

使而翁恨蠟鵝

皇孫不得承天統亦第就梁武當日致慨耳武帝身後孫登爲昭明太子子何嘗不承統追尊父爲皇帝此吳牛岡先生所以有三梁系譜之作也

貢

仲章宣城人元大德間授池州路書院長有傳

鐵佛寺

鐵佛鑄成因人計崖碑讀盡一空名茫茫大夢誰先覺跌

坐無言聽竹聲

陶

安 主敬當塗人明初學士有傳

秋浦西郊

天風招我游池陽飛步郭西十仞岡笑把九華顏色好怪來衣似綠荷香

沈

昌 荃航貴池人弘治中貢元

杏花邨

杏花枝上着春風十里烟邨一色紅欲問當年沽酒處竹

籬西去小橋東

鐵佛寺

堂堂天竺古金僊兀坐山頭了舊禪入定不知忘出定任

教寒暑自年年

杏花邨志

卷之五 題詠

三

郎

漢 天章家杏花邨官江西都司經歷封承德郎

歸田口占題邨舍

自注時嘉靖丁酉余年七十有二有修譜之役

浪跡多年悔總非攤書仍下昔時幃倦來高枕羨皇寢竹

裏終朝靜掩扉

先參軍少負才名爲丁無拘先生塔門墻高弟以明經發跡歷仕有能聲所著有西昌逸韻今皆散失偶從遺帙中得此作亟錄傳之並有喜李古源先生徵辟一章採入碧溪詩話茲不具載

林古度

茂之福清人與曹廷尉學佷友善所著有乳山藏雲館諸集

杏花邨

絕樓高出秀山門古跡今時不可論杜牧當年有名句獨

留城外杏花邨

李盤 小有興化人句容籍由徵辟官懷集令

尋杏花邨

花邨舊圃隔殘霞攜取青蚨問酒家豈有香泉能醉客空餘落日照蒹葭

方元美

旋吉潯縣人與弟仲醇併著才名

湖山望九華寄吳寬生

光裕

春山歷落百花然絕勝城南湖上船九九芙蓉非遠道何如若個共安禪

杏花邨志

卷之五

題詠

四

吳應箕

次尾貴池人私諡文烈先生石灰沖殉義時有半世文章百世人之句所著有兩朝制復錄

與李原常孝廉小飲杏花邨

遂注孝廉名憲邑人崇禎間與天啓事實一書

昔年杜牧為州日遙指邨名是杏花湖畔偶然尋酒處布

帘高挂兩三家

許承欽

欽哉漢陽人崇禎丁丑進士歷官七政

杏花邨

輕烟澹日養花天邨裏瓊枝盡欲然寶馬香車凝望處垂楊影內出鞦韆

川原忽放海東霞重看當年上苑花金谷謾誇蜀錦障石

家邨得似郎家

李昭睿

太虛新建人官至中允有傳

過池州憶梁太子舊跡

昭明文選古今奇魚美何緣羨貴池才子風流多逸事帝

王儲副讀書時

劉始苜

昌石杞縣人崇禎甲戌狀元劉理順之孫

杏花邨懷杜牧之

阿房賦就已爭奇猶憶武陵搢笏時省得青樓薄倖意傷

心豈但杏花枝

杏花邨志

卷之五

題詠

五

昭明廟

廢典轉眼歎蕭梁剩有遺踪江水傍文選樓空孤子淚捨

身何事出君王

阮大鍼

集之號圓海安慶人乙酉起兵部尚書

西蜀無我禪師來池杏花邨將還成都賦此贈別

劍南飄下一墨雲淡點飛披杏雨芬倏爾浮杯穿峽去茶

鑄松韻與誰聞

江杏

三玄建德人徵辟不出乙酉以後隱居天山洞

宿杏花邨隱者家

白注時余應巡撫程公世昌聘寓此畱題

古鴨經過晚渡津前邨小杜舊行春款留雞黍亭上荷
蓀家風似丈人

陳寶鑰 綠厓晉江人貴州觀察

杏花邨次杜韻五首

凍壓烟迷雪正紛漁家渴酒欲消魂覓眠不穩提壺去行
遇牧童錯認邨

未散寒烟柳色紛杏花伴汝結春魂黃梅釀熟家家酒遑

問杏邨共柳邨

有花無酒意徒紛有酒無花也斷魂寒食若無花與酒空

杏花邨志 卷之五 題詠

留牧豎怎成邨

杏花易老落紛紛收拾殘花慰古魂但得清明長日在不

愁無酒與無邨

我泊池頭畏雪紛杏花未孕半藏魂錯疑童子不知酒剛

自提壺過別邨 時有同鄉官池若不相孚者故云

釋祖燦 四照鄂渚詩僧所著有拖泥艸

杏花邨

驛路蕭蕭堊水平酒罇空負杏花名當年車馬猶虛跡惟
有清風牧笛聲

鄧漢儀 孝威泰州籍吳縣人由博學弘詞科授中翰

春游杏花邨

雨晴正值看花時邨裏曾無花一枝日暮秀山門外望牧
童猶唱杜家詩

石徑清泉自輾轆當年佳釀客爭沽而今芳艸斜陽裏不

見黃公舊酒壚

老樹雙鳩絕可聽菜花遮斷杏花亭難堪細雨荒山路

個殘僧誦梵經

小杜詩名播酒家至今寒食關繁華武昌百萬旌旗下誰

杏花邨志 卷之五 題詠

向東風護杏花 自注杏花為左師芟刈

吳非 大非號山賓隱居古牛岡

題杏花邨郎鑑所遺鈔紙

舊傳猶自篆分明洪武通將寶鈔行郎鑑留遺珍故紙當
年百歲尚聞名

此子先人於故邨所遺也亦可備邨中故實鑑公號鳳山青年一百有三弟蔚臺公青年一百有五

舟夜抵杜塢

小谿淺港聚漁舫欸乃聲聲入水應雁叫寒湖荒艸夜幾
家傍听出殘燈

尤侗 展誠號梅菴長洲人翰林院檢討

題杏花邨志

小杜尋春載酒時清明細雨杏花枝揚州夢覺人何處祇聽斜陽牧笛吹

舊日湖山春幾迴荒邨不見一花開東君有意裁紅錦爲待河陽潘岳來

從來未有花邨志好事今推郎士元我欲移家武陵住也編仙史紀桃源

太史初由鄉貢選承平司理後緣事去官世祖章皇帝覽其所著西堂雜組稱爲才子將欲大用

杏花邨志 卷之五 題詠

會以升遐不果天下惜之至康熙己未保來博學宏詞科選翰林院檢討纂修明史今告假南還于乙丑冬過秋浦山川名勝細加品題有杏花邨紀事詩文另梓別集茲錄三章蓋全鼎一鱗也

李時 男峨濬源人

賦得牧童遙指杏花邨 郡丞周公試士題偶憶先姑丈樓山先生與先孝廉小飲杏花邨詩因次其韻

五馬芳郊樂事餘 前詩首句無韻 徧携春色醉名花黃公鱸上齒

題字猶見當年舊酒家

邨原此日散晴霞處處香醪樹樹花策杖不須頻借問平

天湖畔醉爲家

陳肇會 昌其號石侯官人以勁冠登科僅官外郎終老江湖所著有濯纓堂詩

秋浦襟紀之二

城西同出秀山門極浦遙看水抱邨昔日題詩人已遠却教不見典型存 自注九日登湖山有懷亡友吳次尾

高樓百尺想崔嵬雨後無端步紫苔京口長江衣帶水鶴林曾上讀書臺 自注文選樓去杏花邨二里許在西廟未至爲悵雨雪阻之

田雯 綸霞濟南人江南學使

題杜牧尋春圖爲吳興太守

春花零落古邨邊說到尋春癡可憐太守風流今老矣不

杏花邨志 卷之五 題詠

堪重画杜樊川

蘇汝霖 鶴洲石埭人粵西學使卒于王事奉 上自優卹祀鄉賢

杏花邨

乘閒出郭問花邨酒肆青帘依舊存遙指牧童今不見寒

烟兀自暗黃昏

沈瑄 格菴餘姚人家西湖

夜入杏花邨

籃輿夜入杏花邨細柳含烟映部門不識酒家何處是獨

留明月冷黃昏

碧水蒼山春復秋池陽驛路落花浮松林策蹇題詩過不見當年人倚樓

宗 觀 鶴問江都人司訓貴池自號杏花邨客所著有秋浦集

杏花邨酒家

錦駝鳥隔小橋鳴橋上青驄傍水行遙認杏花邨外路夕

陽霞襯不分明 李白秋浦歌曰秋浦錦駝鳥人間天上稀山雞羞綠水不敢照毛衣

紅雨輕陰濺客衣黃公墟畔是耶非江邨蛺蝶如相識蕩

樣青帘竹上飛

不見題詩杜牧之春風來去幾多時杖頭錢盡應賒酒莫

杏花邨志 卷之五 題詠

待花飛聽子規

杏熟梢頭風雨頻年光虛度可憐春笛聲吹醒青山夢落

柘江南有幾人

題杏花邨圖贈郎趙客

可是君家半日邨 唐人郎君曾有別業號半日邨 杏花淡處掩柴門茶香

墨靜題詩坐壓倒當時郎士元

文章雞肋笑何如世路羊腸未易居自是君家好眉宇小

園避俗讀奇書

王朱玉 元式崑山人由教授陞國子監博士

杏花邨

游人偏問杏花邨冷竈寒烟欲斷魂我去恰逢芳艸歇來春留與覓王孫

孔尚大 五若建德人所著有道之園集

杏花邨

杜老行春問酒家顧公緣舊更栽花風流不敢官評重也有聲名向後賒

汪元綬 雲裏宛平人由內閣中書出為郡司馬祀名宦

如月有懷杜樊川

杏花邨志 卷之五 題詠

江城中鎮屬池州杜牧曾因山水留為憶杏花邨夜月南

湖可是昔風流

張 芳 蜀人句容人壬辰進士官常寧令

寄題杏花邨為郎趙客

風光觸處似飄萍占斷山川是性靈為憶詩人千載上杏

花邨裏酒帘青

今古錢郎又杜郎他年文藻合騰驤玉山亦自傳名跡 注

江右玉山亦 傳遂指處 過雁寒塘一唳長

牛圖今有老詩家問字何當酒滿車若使他年傳馬郎 注

城遙望是丹霞

曹有為 亦若石埭人

讀張鹿牀明府杏花邨三截句次韻寄之

莫道花飛逐泛萍遙從江上見山靈阿誰管領諸名勝惹
得詩人眼倍青

邨前明月酌桑郎不見高人馬首驥記得樊川賢太守玉
山何處欲爭長

壚指黃公賣酒家漫勞平子賦騰車詩成不問花開否錦
字香生一片霞

杏花邨志 卷之五 題詠

宗元豫 子發廣陵人家京口

過杏花邨看紅葉

聞說前邨有酒家紫薇遺跡漫相誇春葩伐盡名空在聊
借丹楓代杏花

楊之柱 玉擊常州人

樓雲菴

境接清涼別有天老僧無事件雲眠名心頓與寒林澹觀
我須參一字禪

張愬 僧持江寧人所著有南邨白詩詩

杏花邨弔郎仲久隱君

杏花邨裏有邨人百萬軍中解戰塵不藉郎家先輩在化
開何處問遺民

過杏花邨因讀郎趙客邨志得四絕併以寄之

清明憶昔杏花邨杜牧當年跡尚存怪我經過當歲暮祇
憑樽酒弔花魂

曉踏霜郊破凍痕坊名驚署杏花邨若非刺史留題處蔓
艸荒烟誰復論

曠塋晴光冬不雨赤城霞起將天補金陵亦有杏花邨恨

杏花邨志 卷之五 題詠

少詩傳似秋浦

一編詩話溯淵源往事風流賴爾存上苑鶯啼千萬樹誰
能及此杏花邨

戴本孝 務旃號鷹阿子和州人與弟解峰子移孝並著
才名

送張南邨之秋浦兼懷郎子趙客聞其輯杏花邨志

先生詩賦動江關池上烟光老客顏覓遍新題蒼玉峽驚

殘舊夢紫金山

杜樊川蹟賴誰存說有風流郎士元霜樹柴門遲客棹江

東詩派老南邨

郎應徵

子四號且圖郡人封宣武將軍以歸田十韻者名

登鉢頂山遠眺

鉢頂峰高望眼寬樵歌牧唱足人歡行春曾有樊川輩為

問唐時舊井闌

川南寄姪孫趙客

年來空憶故鄉鱸萬里籌邊未遂初聞爾開山成別業焚

香盡讀逸樓書

陳啓孟

孔皆懷寧人

贈杏花邨主人

杏花邨志

卷之五 題詠

三

杏盡泉枯易代邨惟君世守舊衡門前岡有客扶筇至沾

酒連吟坐樹根

戴旦

和州人

題杏花邨別業

從來空谷有奇人却笑漁郎認不真聞道杏花邨裏事一

聲雞犬是先秦

王爾綱

紹李建德人評選海內名詩日時賢詩存卽梓問世

杏花邨

名株會此結芳根為問郊原幾樹存留得使君佳句在至

今猶說杏花邨

杜鵑弔孫黃裔

有序

黃裔名昌家杜塢世為漁人卽黃裔常身之矣姿記敏妙下筆千言立就郡人士皆樂與之交詩以杜塢名集予嘗索其稿錄五十餘首多有唐人風味負性疎放酒酣高唱旁若無人病中尚長吟不輟將死以遺稿付詩僧赤霞友人郎趙客為茂陵之求不得也而予當日所錄猶為存其百一亦奇矣哉黃裔屢應小試不售易名登孫字嘯嘯然卒

寄蹟漁舟一葉輕搜奇懷古氣縱橫至今杜鵑湖邊浪猶

帶蘇門長嘯聲

為文會博士林譽病裏狂吟尚自如誰識琴隨人響絕當

杏花邨志

卷之五 題詠

古

年偶集是遺書

湯肇文

補葺金壇人

冬日題杏花邨

高齋惜別懷春景惆悵尋梅江上冷纔逢空憶昔年邨何日相隨同訪杏

春來隔鴨映紅霞茅屋林邊隱幾家日暖芳郊爭載酒可

能還見舊時花

鮮妍數里是平原遙憶溪灣小竹門為問牧之何處是但

聽短蘆蘆前邨

胡觀 儂角貴池人

杏花邨竹枝詞

楊柳雙隄尺五躬柳條穿鯉貫邨醪醉來穩藉蓑衣卧直
待天明又放篙 漁家

桑柘門前人幾家竹籬低亞菜生花桔槔不斷原泉路秋

種蕪菁夏種瓜 圃家

一肩乘輿出春叢雨後生柴爨不工少婦殘耕粧未了擔

頭爭檢映山紅 樵家

情閒無礙意惺惺佛火綠多晝不停飯罷木魚聲漸起隔

杏花邨志 卷之五 題詠

墻人道是看經 僧家

誰家高額篆新豐知是黃墟舊酒翁從此千錢常有約二

三扶醉月明中 酒家

錦駝啾啾帶春烟似勸春深早種田不道年年收穫好隔

年曾貸飯牛錢 田家

入春花事竟茫然京兆風流去不還儂欲臨花頻授簡不

堪重憶太和年 詩家
竹以唐太和同登第

陌上柔桑初放葉家家採葉飼蠶忙小姑守箔夜不寐為

怕蠶眠葉漸黃 蠶家

鮫綃為幅錦為城風雨名山老弟兄掃却言詮真意在一

篝燈火對乾明 讀書家

杏花亭外吳山道時見銅鞮藉芳艸猿臂何人慣射雕

弓落處湖天曉 騎射家

孫之奭 評書青陽人

杏花邨

烟晴日暖步城隅地以花傳杏有無多少游人吟不盡

天春色落平湖

馮宣 扶九菊江人弟獻吉有文名時肄業池陽書院

杏花邨志 卷之五 題詠

宁弟寓郡當游杏花邨賦此寄之

池陽春色近如何賦就長揚典已多探得杏花須盡醉東

風可許載香過

吳源出 生生高州人

月夜杜鵑舟中卽事

湖濱楚色滿平沙盪蕩更深月影斜杜鵑晨光將縱日枕

流容我起漁槎

錦色朦朧隱半山羣峰清夜亦相關憑湖野屋零星聚尚

有寒林葉帶殷

杏花邨志卷之六

邨人 郎 編輯

題詠

古詩 五言

梅堯臣

聖俞宣城人景佑間知建德縣

西禪院竹

卽今乾明寺

古寺帶修岡青蔥萬竿玉春梢長舊林夏雨濕新綠幽禽嘯呼襟晚照陰晴續解帶欲忘歸壺觴歡自足

李 鷹

方叔華州人有傳

杏花邨志

卷之六 題詠

文選閣

申猿應楚聘鄒枚適梁苑藩侯嘉賓客賢賢易鷹犬黃綺游漢廷羽翼繪繖遠泰府十八公攀附名益顯昭明衆才子文圃俾蒐選高齋切浮雲雉堞俯晴巘尚應愧兩閒筆削非大典

黃庭堅

魯直分寧人紹聖元年過池陽

貴池

自注池人祀昭明爲郡西九郎時新覆大舟人以爲神之威也

橫雲初抹漆爛熳南紀黑不見九華峰如與親友隔憶當秋景明九老對几席何曾閉蓬窗卧聽寒雨滴不食貴池

魚喜尋昭明宅筆硯鼠行塵芝茵生銅鬲思成佳句夢遺我錦數尺屬者浪吞舟風電更附益老翁哭婦兒相將難再得存亡如日月薄蝕行道失流俗暗本原謂神吐其食神理尚有私丘禱久矣默

按詩及詩題自注以游昭明廟作而紀事也故錄之

李得春

首川貴池人祀鄉賢 以後俱明人

劉觀明前輩招飲杏花邨

居平無玩好而素樂山溪爲赴師門約追隨卽以西氣候正明澈和風飄我袿非如前日雨舉足戒塗泥步趨依杖

杏花邨志

卷之六 題詠

履旋折任天倪大要年老後間緩以相攜亭殿開邨曲紅樹傍檐擠林莖曠人意湖平艸色齊顧瞻存靜理豈復遠攀躋傳觴無吳敖微言古與稽小杜風流在神情想未駸

劉 城

伯宗貴池人崇禎乙亥保舉授知州未仕歸隱 映川莆田余懷有私謚文節議祀鄉賢

寒食出西郊取徑昭明廟歷乾明寺歸

今年春色早信步得芳菲尋幽意所便時與侶伴違青蒼在山曲鐘磬相因依螭碑跌燕麥蚪篆蝕苔衣當時選文者臺空人未歸懷古意不盡逐景暝光微返叩法王像認我塵情非

周 蔚 雪顛院江人賦詩千首歲于家並有自壽自祭文此山林達士也

杏花邨懷顧韻發使君

古人不可見我來長嘆嗟文采與風流春風吹落花五馬去不留黃壚委泥沙只有遠山画相看未有涯

方 文

翁山桐城人壬子生以與靖節少陵香山同好事者作四壬子圖画按何堪集有靖節生年辭

西廟留題

昭明梁太子嗜學稱文人如何千載後赫赫為神明相傳至秋浦食魚美而珍遂以貴名池惠愛及斯民斯民感其義立廟湖之濱廟貌甚弘敞四山多松筠水旱必祈禱其

杏花邨志

卷之六 題詠

三

餘亦咨詢里社號土主祭祀永不湮我夙慕遐軌今始出城圍取道乾明寺曲澗通江津所愧羈旅中蘊藻難具陳仰首若舊識臭味遙相親當年注文選佐佑有六臣胡不列其旁配享垂千春

甯 尚

山同臨城人乙酉以後不復備冠自裂皂布為昌响死東汝揚森作布昌山人傳

杏花邨訪友留宿得瓜字

少時同老友到此看春花埜店沽清酒弔古論無涯祇今三十載重游不勝嗟教場餘戰壘坡上無人家隔林有仲蔚幽栖蔽蓬麻扣戶一相訪風物絕紛譁弟兄稱孝友意

氣味豪華把臂解冠佩留連坐吸茶談劇迥忘返驚顧日將斜慙慙具菜飯新酒薦秋瓜

陳元鍾 孝受福建連江人生鄭所南之鄉高尚著書猶有遺風

九日杏花邨吟

獨坐不得意出門隨所遇言至杏花邨不見杏花樹千年事已非風日愜幽趣川原曠烟水草木秋山暮忽憶淵明詩兼諷牧之句杏花與菊花寂豔豈同路陶杜不可作感時因並慕

田 庶

叔殷北直大興人官池別駕器識人才為多及歸休合郡立去思碑于東門外

杏花邨志

卷之六 題詠

四

郎子趙客家杏花邨博雅有逸興因樊川詩輯杏花邨志蓋猶愈於古之志如藍者賦此以正

至止西郊畔茂林松栢多云是杏花邨春色盈烟莎卉木植則發所處在斧柯悠悠杜子咏行人猶載過瞻言春登臺飲醉當嘯歌苞萼總長條惠風如之何

宗元豫

子發廣陵人

九日集西郊拜石堂

令節喜晴明寒山展游眺遂造幽人廬清言雜吟嘯繼絕不能忘林端來反照

胡其毅 致果一名激字靜夫江寧人中翰日從先生子

題杏花邨寄郎趙客

昔聞楚漁父懼入桃花源靈境不再遘大地歸囂喧孰知
秋浦側留此古杏邨樊川偶遺詠春雨還郊原草色作寒
食林光搖旅魂牧兒自三五簑笠牛背蹲酒家隔前隴掩
映青帘翻至今號樂園淳朴風猶存中有高士宅絃歌風
所敦太守繼攬勝朱轡會到門不羨曲江宴惟設老瓦盆
何時艤舟過問道傾芳尊

吳非

杏花邨志

卷之六 題詠

五

步出城西門 一日西門行古詞惟飲醇酒炙肥牛作樂府

步出城西門胡為逃宴會禮法如受拘我豈欲自外醉飽
取醇肥古歌別有味任情四山間遠嵐枯亦翠幾家居就
荒牆壁蘆補敗壇壇填丹門棹換新塗字粉飾規前人遺
風復何在空有杏花邨遙指酒焉賞苔蘚堊殿班額尚乾
明寺不知光孝名何年遂失記鏡佛像巍然高約二丈計
范合如衲衣木田片相砌幹緣從紹興訖功以辛未要其
施財人姓氏兼外內或稱武翼郎都統亦官制或稱淮陽
軍寧武亦地誌彷彿猶可稽饑餉莫辨識當時棧桷頽咸

淳更修備相傳火烈焚金身獨不壞歷年四百餘萬歷鑄
全配我感此像存古礎餘一二箇可役蛟龍徒思絕響吹
西峰聖者留銘詞誰手製至今皆無遺事遠惟嘆哨僧頑
雖拒人寧與求所自

王著 定州浙江補水人

題杏花邨

金陵杏花邨居人亦不知游客問遺蹟老樹無子遺池陽
有古邨春花無繁枝地以邨為名風景堪追思詩傳唐刺
史曰誰社牧之今有賢主人風雅相總持據遺編邨誌選

杏花邨志

卷之六 題詠

六

勝徵新詩引人入深致如見花開時

錢之選 文青九華人

游杏花邨兼呈友人

走傍石城西經過石橋路楊柳隔溪垂人家連屋住半里
入花邨寒燭窳荒園緬想全盛時夾道栽杏樹酒旗插當
壚驛客頻來顧不見杜使君時節驚風雨弔古倍生情遊
游得真趣只今花枝殘好景不多遇回角起譙聲平湖飛
白鷺遺跡未全荒谿山自環五幽人擬結廬良辰思快聚
尋花載酒來得意狂題句

范鑄歐冶號躍齋會稽人州丞所著有燭谿刺言吳門尤侗鍾山紀映鍾序之行世

秋日過杏花邨

夙昔嗜丘壑耻為都市游風塵淄鷄冠面目懷驛羞秋浦
秋色佳客轍為勾留出郭過杏邨風景何悠悠酒帘搖故
墟錦樹疊丹丘湖光雙匹練山色四遭周只此名勝地無
花亦解憂疎楓絳霜葉疑與杏相侔行行欲問酒沉醉凌
滄洲逝將乘霧濁上與古人謀杜牧偶經過風流傳不休
人物重山川勝情自可求千古賁茲邨地境還清幽

錢塲价臣長洲人學博

杏花邨志

卷之六 題詠

七

杏花邨

朝出秀山門晴雲映深陽橋下水潺湲菜花香滿路不見
杏過墻空吟牧之句石徑接荒原酒家在何處廢井轆轤
閒半畝濃陰聚傳是黃公墟多恐游人誤山空少牧童飛
僧聊共語昔有武昌師旌旗蔽楚住芟刈盡園林花枝何
足數寒食與東風春愁亦誰護邨中好事稀烏聲自朝暮
客聞起太息彈指古今度時清郊甸寧事與賞心遇此為
觴咏鄉高賢曾屢過况是士元家風流饒餘趣何當二月
時遍種千枝樹

余有成玉生更名思復將樂人高士

留別陳會山兼懷杏花邨

昔聞秋浦佳茫昧不識路今作秋浦游知音忽相遇若翁
古遺直恬淡心迹素高目對蒼生豈論逢時具行邁觸霜
風高嚴見清暑多君能古處尊酒歡相聚李白千古詩
篇寫真趣風流各一時今古遞欣慕惆悵杏花邨沈吟烟
柳樹佳會自有期無為歎遲暮

宗揆藻林宗揚州人

杏花邨同包一水諸子小集

杏花邨志

卷之六 題詠

八

飲中有真樂但問何所宜胸懷遇曠達天地自清思風聲
寒廢葉日色冷空枝蕭蕭古寺影相對遠山持登高始縱
目心領神已移况得一邨外江光千里奇樊川舊遊處還
堪沽酒厄烹魚謀田舍携尊多素知傳觴失行次不勸亦
不辭一飲無不醉誰知歸已遲更愛平橋上新月如蛾眉

吳襄七雲九華人

湖山

兀坐湖山巔醉向湖山語當年沽酒人杯杓今何所芳艸
城一響落花鐘數杵山水悄無言日盪江中嶼

范 鑄 歐治號躍齋會稽人州丞所著有燭谿刺言吳門尤似鍾山紀映鍾序之行世

秋日過杏花邨

風昔嗜丘壑耻為都市游風塵淄鴨冠而日懷駢羞秋浦秋色佳客轍為勾留出郭過杏邨風景何悠悠酒帘搖故墟錦樹疊丹丘湖光雙匹練山色四遭周只此名勝地無花亦解憂疎楓結霜葉疑與杏相侔行行欲問酒沉醉凌滄洲逝將乘霧濁上與古人謀杜牧偶經過風流傳不休人物重山川勝情自可求千古責茲邨地境還清幽

錢 塢 价臣長洲大學博

杏花邨志

卷之六 題詠

九

杏花邨

朝出秀山門晴雲映深陽橋下水潺湲菜花香滿路不見杏過墻空吟牧之句石徑接荒原酒家在何處廢井韃韃閒半畝濃陰聚傳是黃公壚多恐游人誤山空少牧童殘僧聊共語昔有武昌師旌旗蔽埜住芟刈盡園林花枝何足敷寒食與東風春愁亦誰護邨中好事稀烏聲自朝暮客聞起太息彈指古今度時清郊甸寧事與賞心遇此為鴈咏鄉高賢曾屢過况是士元家風流饒餘趣何當二月時遍種千枝樹

秋日集杏花邨登益頂山以僧舍題額清涼別境四字

分韻限五言古 盜音林

吳 非 得清字

重九維三日佳氣風以清吾宗招出部登高同勝情江流遙界白湖神將通黃九華掃天外六峰浮嵐光談言欣俯酒斟酌醉何狂如忘歸路徑夕陽催欲暝

吳德奎 得涼字

西郊爽氣涼排空雁陣長千林欲改色艷擬杏花芳隨意尋幽徑擣樽過寒塘懷古多憑吊披襟興激昂高譚驚四

杏花邨志

卷之六 題詠

十

座雅韻雜松篁躊躇行且止微風送殘陽

吳德昭 得別字

性癖愛尋山况值秋光潔獨步亦成歡何幸同賢哲共躋益頂山螺染千峰列地盡長江環樹高橫雲截風景當不殊阮嵇情自別何以舒曠懷杯中餘醜藥

郎 遂 得境字

秋浦長似秋此語意以永湖光况秋清四山開幽境好友欣相從挈榼步移影指顧為扶筇躋攀登絕頂游情載詠歌楓林紅似杏

古詩 七言

楊振 宋人

乾明寺前古松

北山斷處唐朝寺路隨山轉江城裏獨有門前偃蓋松百尺陰森倚天翠傍無凡木可等齊曉色浮空照關市烟雲會合疑有靈勢若蟠龍欲飛起十月大莖百物凋霜外精神何最最水風拂拂入高枝壯比秋濤動天地夜無神鬼溪月明寒影扶疎過鄰里瀟灑不稱兒女情爛熳春光醉桃李行人弗顧頗孤高月月栽培應有意造化能生歲寒

杏花邨志 卷之六 題詠

姿寂寞豈同花艸死固知人物各有施未必無時皆棄置大厦如求棟梁材願作明堂報天子

趙葵 南仲蒲州人寶慶間拜相

秋浦樓

按樓原在城東宋紹定戊子郡守趙范移建城西以路通秋浦也端平王伯大易名秀山

麗譙岩堯壯城闕萬里關河歸目曉雨餘漁釣玉奩開州外芙蓉翠屏列吳頭楚尾二十秋滿耳絃歌聲未絕不才濫綴鴛鴦行夜夢時還許歸謁蕭晨振策來翠微母憐吾兒倍怡悅昔借汝父君是邦舊事辛苦為兒說星星鶴髮簪霞冠笑看朱衣擁金節一門和氣皆君恩恩與天同酌

未得生平區區忠孝心歲晚願為松與栢可堪清賞屬登

臨風景不殊人事別徘徊徙倚十二闌角聲吹上梅梢月

吳光裕 寬生青陽人明貢士有傳

窺園行贈董無為 同方旋吉作

石城西偏湖山南何人結園飛翠嵐棟宇盤雲抱城郭野花襟樹爭萋萋園中主人無為氏日日窺園卧花底笑殺當年不下帷腐儒局促蠹蟬似君今作達駕前脩讀書種竹隨所謀胸吞秋浦千年澤筆埽清溪萬峽流抱鄰高歌閱今古匡時豈必廢尋技精靈磅礴意態遠時時招客譚

杏花邨志 卷之六 題詠

瀛洲杏花邨近酒香撲我來每飲自擊筑門靜寒飈山脚雲簾開晴浴湖頭鷺手把長鏡斲月根天外飛鴻送暎日

目中景色誰最强風雲執擁氣高張董生乘之劃雄劍罔

兩走匿天低昂叢桂青青玉芝紫窺園真勝趨道傍

丁紹軾 默存貴池人相喜宗譜文恪

永懷堂歌 有引

李古源先生倡明理學扶盲起懦士習翕然先別

駕淵源率由此厥胤玉臺宛肖古源因以永懷表

先志罔敢墮墜今其孫邑博士諸賢羹檮雲樹乾

兢家學之繩為顏質卿紀述無溢詞矣然到岍得地見月知天伏而追先別駕曷禁拊膺其交相勸勉宜何如也三復說詞爰歌弔古

堂開西郭曙瓏璁十洲眼底合鴻濛展岫襟湖湛碧空
人永懷卜築崇厥考一代號儒宗評騰古今廢羣蒙吾家
先子侍文翁江有岷陽嶽有嵩末世剝啄爭異同詩禮庭
中匪素風亢宗接武玉臺公宦業文情匹孔融鑄就龍孫
自磨礪騰英藝苑貫長虹蔚起箕裘紹冶弓拳駟夜白產
青驄在昔三槐手植工今見僊李盤根隆何須金穴山為

杏花邨志

卷之六 題詠

五

銅挹秀喬門妬桂叢

劉城

杏花邨

小杜刺州後風流不再來清淺平湖三尺水橫側習衣十丈萊黃公酒壚不可識稍添紅樹傍亭臺人說杏花村裏去演武場門相對開

邵晃

泰夫寧國人尊甫鏡之孝廉由崇禎丙子麟經通籍連徵不起年登耄耋孝事泉石以終

杏花邨歌呈武兵先生

桃葉渡左武庫游聞終古無朝暮此日風虧十二門簫鼓

連天紛狐兔梅根清稱孤喚賈舶漁舟下上語蘆中人斷日蕭蕭蘆花吹折傷心處不如行吟杏花邨憶昔從君秀山門帶雨穿雲香綉繡路比麴車有餘吞更有黃公酒上壚頽斜似半醉泥塗雙雙飛出青林鳥口中猶唱十千沽十千沽胡為乎稽阮云亡河山遯世間誰識有故吾

吳彥

味長高田人所著有竹莊詩溫陵黃虞稷選入建初集中

杏花邨有感

池州城西玉臺起玉臺山畔平湖水四望烟波天欲低參差茅屋杏花裏杏花名邨傳至今觴咏騷稱杜刺史刺史

杏花邨志

卷之六 題詠

六

千秋去不還山川未改將何俟雲樹依稀游者悲况復征馬嘶不已風雨四時亦蕭蕭文選閣空曾無有以茲慘淡幾行吟徒憶當年舊酒市酒香花放杜可來杜即復來何如矣振興大雅君其始

吳綺

園次江都人 世祖章皇帝 詔詣楊柳山填詞晉兵部郎出守湖州所著有粵游鴻雪集

題杏花邨圖贈郎趙客

小杜曾經刺此州佳名應自為賢侯但今芳樹知多少尚使行人欲往游君家本向花間住年少才高能作賦欲將勝事繼樊川直須更種花千樹種就繁花樹樹春此邨還

合號郎邨我來只就君家飲莫問當年牧豎存

沈

賦相如錢塘人所著有湖上草易簣時付之燕臺侯岳巷

杏花邨懷古 有序

郎子趙客秋浦才人也余神交者數載于茲矣去年夏胡子芙蓉為郎仲久隱君乞言于余已屬管城紀其略以報趙客秋九月胡子復手趙客徵詩啓索余杏花邨題詠嗟呼杏花邨為杜牧軼事余何人也敢爾繼響于是不復搦管今年春偶過池陽欲訪酒壚舊蹟桑柘遺踪且得與趙客傾倒以慨素心奈鞍馬徑德不獲如願僅一望杏花邨路惟有長隄烟艸短徑荆扉而已怡然往昔感生十憶遂成小咏就正良朋並藉此以代謀而爰托胡子付之郵筒時乙卯天中節後二日

神游幾度杏花邨今日看山到華門陌上盈盈芳艸色春

杏花邨志

卷之六 題詠

五

風過處馬蹄輕遙憶當年邨外路續紛紅雨應無數只今空對夕陽留烟光漠漠知何處太守流風繼者誰牧童猶是杏花西才名徒結千年想我來未敢再題詩秋浦樓前信宿返斜陽道上春風晚今之視昔已如斯後之視今當更遠

宗元豫 子發興化人

讀杏花邨志有題

少誦紫薇句遙愛花邨名老作秋浦客頻來花邨行花邨風景已非昔千樹名葩不存一轉眼繁華變劫灰迷陽滿

路冒行踪郎子奕世家邨中當年猶見千林紅搜輯詩文遍今古牛腰大卷壓奚僮我謂詩文徒空名何如種杏復成邨老夫乘輿如相訪與君花下聽啼鶯

沈

瑄 格菴浙江餘杭人

杏花邨懷古

昔聞杜太守沽酒杏花邨今過池陽道西郊名尚存空山舞燕巢高柳玉堂人去春來久蘭亭紫澤成丘墟誰向前邨沽美酒持酒尋花憶落紅昔年此地宴羣公于今艸色斜陽上春鳥啼殘舊苑中

杏花邨志

卷之六 題詠

六

鄭

濂 蓮水上元人石埭司訓

杏花邨懷古

杏花月小天猶霜枝頭綴露垂珠光硯玉生波曉簾畔寫券買花春字香刺史行春敞幽步城西雨濕行人路細水遙通遠浦烟青帘低遠前邨渡醉裏看花氣槩還寶刀映面黃金銀相思偶憶相逢處繫馬高樓楊柳邊君不見鐵笛吹寒江上湖芙蓉紅淺冷山樵新歌舊管聲嘈嘈又不見薛碣空林古道傍銀鏡蘆葉響漁梁鶯鶯燕燕何其忙交湖千頃明如滌老樹長峰矗霄立為怪風流不解愁天

涯芳艸連根碧

王著

必草繡水人與兄槩以詩画名于時

題画杏花邨圖呈還樸隱君

韓康高隱真仙境
端不種桃專種杏
逃名早避市人知
花掩柴門守幽靜
天台武陵焉足誇
引人多事笑桃花
安得烏衣如燕子
春風歲歲到君家

陳元鍾

孝受連江人

郎魯亭從其尊甫遊西郊見佳松欲移種家園余聞

作歌貽之

時魯亭方十歲

杏花邨志

卷之六

題詠

七

莫種松莫種松
松枝松幹待至老
纔能偃蹇作虬龍
不如種梅為得手
開花占在百花首
他時肯折花下枝
猶可天涯寄良友
主人聞言殊否否
為愛柯葉青共守
世間萬木俱蕭森
此公獨有歲寒心
漢武栢梁寧足道
周宣柱殿徒為矜
公輔唐堯成至治
松階松牖冠古今天
上擎雲等閒事
凌霜傲雪直千尋
夜畔波濤來枕畔
推窗月皎松間看
斯時天地寂無聲
松影花陰兩堪玩
靜極生悟古至今
萬項文章煥河漢
領君佳論自爽然
歸去栽松書館前
開時箕踞長松下
為君銓釋天人篇

錢又選

墨巢雲間人

遊杏花邨長歌

春曉出江城城西轉
山麓隔林春鳥鳴
花外多山竹三月
杏花盡開竹籬扉
屋起山臺山臺幾處
面湖水時見遊人
花下來乘輿徘徊
日漸長春風猶帶
杏花香西家買酒
東家醉花下春風
拂鬢涼嘆我半生
短鬢白故鄉却是
無家客花應笑我
白頭翁我只對花
常痛惜花謝花開
憶昔時昔時名勝
復何知憐花只欲
當花哭惆悵風流
杜牧之牧之臺榭
變荒丘惟有春渠
堊水流堊水生時
見春艸使

杏花邨志

卷之六

題詠

六

人憔悴不勝愁我今故來訪主人
主人郎子交情真兩人復入杏花裏
相對論心如飲醇說我十年客秋滿
羞添貧病成老腐可憐潦倒不堪言
大拙只今無巧補今日對花結好友
錢郎二子共詩酒何時重過杏花邨
平天湖上盟邨叟我欲置林泉試問
君可否指我卜居人君當笑携手天下
士應如此花飛猶自怨青春回首斜
陽情不已君不見九十春光欲盡時
春光一去疾如矢我輩意氣滾一醉
眠花底還訂年年約莫教春恨矣

楊之柱

玉擊武進人

書杏花邨別業圖後 有序

子客貴池學博署中未及一旬即遷重九日與諸
文學縱步三台山間俯仰風土以廣足跡之所未
經約行半里許第見山原清曠石徑逶迤同人告
子曰此即古詩所謂杏花邨也相傳唐刺史杜牧
之行春問酒舊處歷千百年來滄桑代變景物備
移惟香泉井尚在耳予低徊不忍去者久之歸而
提筆志感有欲尋刺史留題處惘惘西風落照邊
之句居無幾得交郎子趙客相見恨晚道及前此
勝游知杏花邨即祖居故里自宋司馬文詒公至
今所從來遠矣因出手持扇頭墨畫示予予初不
解最後閱其題白迺檀子為趙客所寫杏花邨別業
圖予又不覺啞然失笑思曩時游覽風景宛然
在目而於林疎樹之間有室焉此中異人可想而
知也披覽之餘聊賦短歌以識于後

寒風落日賓鴻飛我飄零書劍將奚為十年奔走露塵

杏花邨志

卷之六 題詠

元

裏旅寄池陽得幾時岐途暫假甚寥寂忽逢郎子鬚眉錫
傾蓋相知如故交酒後酣歌唾壺擊此中投契欲何如明
月松雲把卷餘可嘆人生多不遇我倦遊兮君幽居美君
才俊年尤少文章標格特高妙杏邨舊宅比輞川卜築於
斯供覽眺何處尋來顧虎頭獨開生面為君留胸中別自
有丘壑醉墨淋漓寫照幽君乎君乎棲別業令予可望不
可即西蜀南陽是也非其間有個真人杰山之曲水之隈
任憑唵嘯驚風雷我欲携茲尺幅回遍質諸石城秋浦之
高才

蔣瑤芝 素書懷寧人所著有夜光集

趙客集同人小飲杏花邨

君家世居杏邨裏三十年來存舊址尋幽結伴出西門緬
想風流古刺史寥落猶存杏幾株欲問青帘何處是乾明
冷寺佛莊嚴古鐵丈六生神理栖雲萬竹流鶯聲消遣大
風來客子齊山新翠浮石色映帶百尺浮圖起壚頭小飲
發嘯歌西郊快游從此始高談往事忽悲壯將軍游俠兼
名士 談左寧南東下趙客令祖仲久隱君以數語退師及南渡崇黨既諸君子 老蒼白髮古牛
翁筆底澄徹無纖滓讀書種子斯人存嶧桐樓山已往矣

杏花邨志

卷之六 題詠

三

遙指杜鵑古清溪重來一棹待秋水酒酣拂袖倚樓邊斜
陽萬疊暮山紫

吳非

杏花邨小集和蔣犀影韻

近歲未頻過邨裏偶往偶來觸廢址為嘆從前盛與衰載
事闕然失古史唐詩名有郎士元遙傳風遺趙客是作志
紀邨邨自來按求分帙粗就理招客携錢掛杖頭由北而
南推蔣子相從四望步透迤山影江干斷以起植婆太婆
峙東西片石齊山誰索始當時楚友號南公 謂杜荅器 孰卷游

談天下士焉得我輩之文章如此湖光無塵滓無塵滓為
三字評蔣子賞心何如矣狂言交借酒杯銷遣興驚濤風
湧水已忘日暮射城闌行行把手霞映紫

以杏花邨圖香筒貽趙客詩為之賸

有友蜀人漢室後貽我香筒佩已久攻竹之工失姓名雕
鏤精巧推高手週迴一幅杏邨圖出沒重疊曲以迂楊柳
依依垂雨際牧童牛背指誰酷分明所取杜詩意画題併
見力筆製刻畫玲瓏氣中通氤氳交密烟雲醉爾是邨中
人邨今以爾名譬諸草木吾臭味一薰十年有餘芬願因

杏花邨志

卷之六 題詠

三

劉愛遙爾贈聊作短歌以為賸

蘇應綫

肩麓石埭人文名與兄應秋埭為學憲鶴洲先生子時號三蘇

杏花邨

池陽二月春氣淡清江水溢春波新波影搖紅上春樹枝
頭春色開遙岑遙岑曲曲青帘下湘簾半捲花低亞寶馬
嘶回錦犢車千金不換春風價誰家鏡笛暗飛聲芳艸天
涯無限情古鴨藤垂鶯語路明湖翠冷遠山亭醉來欲傍
黃公住不記當年放歌處笑指高樓楊柳邊又向前邨踏
花去

許承家

師六江都籍歙縣人乙丑會魁選翰林院庶吉士

池陽賽會歌

遂注吾池賽會始于西席凡名賢歌咏因採入之以志里巷之俗云

池陽風景堪驚怖樸遯繁華如代戍我初走馬虎林城人
物蕭條向誰語非無七貴五侯家堂上棲烏啼日斜亦有
千金遊俠子鶉衣芒屨直相誇下馬高歌悲復喜黃黃之
遺無乃是五陵豪客滿江南安得風光淡如水一朝羅拜
文選樓蕭梁太子歷巡遊衆香繚繞高會合綺綺續紛眩
人眸燕綺吳縞何足美飛綾拖玉連雲起非烟非霧赤霜
袍踏雪凌霄丹鳳履無端瑱碎紛逃離山海之藏少人知

杏花邨志

卷之六 題詠

三

昔時不識金銀氣此日還擲珊瑚枝珍奇布列滿城部光
燄層層動魂魄豈知簫鼓騰高空又向雲邊數臺閣臺閣
創制非古先巧思人妙偃師傳重檐飛栴千絲力霄岬蒼
琅十指懸上有童子凡三五亭亭直立空中舞如何騰步
少絲連但見雲烟暮秋浦道路蹀躞喧江門驚心駭魄不
能言羈客幾人腸欲斷相視大笑鬢髯掀回首廣陵歌舞
地廿年良會今誰記可知空負紛華聲弔古何人解顛顛
君不見池陽珍錯天際來入門榛莽餘長嶽

吳孟堅

小山邑人北直大名籍

杏花邨歌

我生秋浦萬山裏志在四方懸孤矢廿年浪跡遍天涯江
國湖山收筆底回首從前事已非麒麟成塚狐狸肥名園
勝地莽荆棘多少亭臺烏夜棲東南西北何堪說約略出
處心愴惻何處東山舊主人即今粟里遺碑石桑田滄海
真可憐千秋萬世幾人傳丈夫自命須不朽日無今古悲
前賢前賢往矣不復作地以人名寧寂寞杏花邨立自有
年杜牧反藉邨詩傳君不見郎子構別業毅然續前人我
願郎子立萬仞對我古牛岡之岑更願郎子渺四海出口

杏花邨志

卷之六 題詠

三

當流千載聲

郎 遂

三台山搏虎

別見雜記

花邨負郭非山谷茅菴小結中台曲赤日當天鳴午鐘忽
然猛虎當門伏邨叟驚言昨夜來曾渡橋西人人屋下
虎不匿深山何怪人情明肆毒嗟爾竊毛文號班生來性
暴盍自淑有時勢失尾長搖持刃前驅誰敢逐人人惡爾
虐何多欲寢爾皮嚼爾肉我今悲爾可知藏片然得意下

山麓

杏花邨志卷之七

邨人 郎遂

編輯

題詠

律詩 五言

陳舜俞

今舉嘉興人慶曆中舉制科第一按景蕭樓詩序有同官持杯落成之句似嘗官于池者

秋浦亭

即今清涼境址

牢落真秋浦江山滯客舟身同雁南去心似水東流鷗鳥
荒烟裏漁人古渡頭只因山色好來上九華樓

潘 闓

道遙子宋人

杏花邨志

卷之七 題詠

一

夏日宿西禪院

即今乾明寺址

此地絕炎蒸深疑到不能夜涼如有雨院靜若無僧枕潤

連雲石窗明照佛燈浮生多賤骨時日恐難勝

喻良能

叔奇義烏人淳熙中過池州

展敬文孝廟

二首存一

才昔高南國名今播八紘英姿留此地餘澤及編氓仙去
江山在恩來日月明經從千載後欵謁薦徽誠

沈

通德亭貴池人景泰三年歲薦官榮陽今邑志列之賢哲

題友人西郊書屋

卜築城闈外居臨杏鴨西桑麻深繞屋桃李開成蹊種竹
開新徑移花帶舊泥小園閒坐處幽鳥一聲啼

徐紳 五臺建德人嘉靖辛丑進士官至都御史

謁昭明祠

郡城西郭外蕭帝有遺踪圖史分東觀應劉儼侍從維城
連楚越作鎮控誰戎尚想崇文日兼收七代雄

張思曾 青陽人登嘉靖己酉賢書官魯山令

罷官歸里經杏花邨故居

鹽肥方返棹悵望此邨幽故里翻成客名園作廢丘難逢

杏花邨志 卷之七 題詠

小杜輩喜共老僧遊紅杏曾餘幾重來問酒樓

余翹 津雲銅陵人孝廉

夜過杜鵑 自注秋浦有石中鵑形甚薄而味甚美土人呼為壓魚

盡日帆穿樹連宵月在船犬聲寒吠棹漁火遠燒天甘汲

雲崖溜鮮烹石穴編此中美風物鼓柁督長年

劉光謨 觀明邑人廣西養利州刺史

乾明寺僧房次余燕南孝廉韻

乾明池上寺乘暇特來攀石古蒼痕滿亭虛翠陰環泉聲

清梵譯雲氣淨禪關七碗風生腋還心寄海山

為愛林間寺尋幽儘日攀磬鐘喧亦寂香霽斷仍環白社
忻相過紅塵澹不關話深歸去晚新月遠御山

孫象壯 子襲青陽人崇禎乙卯貢舉郡志文苑有傳

秋浦亭

卜築城西敞停驂廣見聞醉吟秋浦月清嘯秀山雲鴈字
參差亂漁歌唱和羣隔江亭子上簪筆屬誰文

顧元鏡 韻發歸安人天啓末出守池州崇禎間復為觀察使文章政事至今猶傳頌之詳見傳

杏花邨

牧童遙指處杜老舊題詩紅杏添新色黃墟憶昔時遠山

杏花邨志 卷之七 題詠

層作画好鳥解吹篴偷得餘閒在官錢換酒卮

李學沆 靖孩湖廣江陵人少尹有傳

春日飲杏花邨邨在池州西郭外家君作令時始以

一碣為杜老標靈嗣太守顧韻發先生綠置亭榭

迄今遊觀不啻牧童遙指時也

流寓三年滯携琴幾度來花經兩世艷酒則萬為杯不擅

詞垣賦翻因碎錦催窗虛得月早徙倚醉忘回

千載誰標杜行人復見邨風流思守令芳艸集王孫杏汁

同知味酒帝尚半屯我魂亦欲斷愁向此花言

周廷鑑 泉州人宮詹

鐵佛寺作示我如上人

鐵佛何年寺遙傳宋紹興神工勞大冶心印問南能巧鑄
終成錯就空未了僧杏邨無酒肆隨處現金繩

吳光錫 少友九華人

九日湖山登高因徧游諸菴

樊川仍缺事問酒失湖山九日翠微上十秋悲弔問何如
西一帶水樹盡縈環近頗游人盛子儕實始攀

步引樹蒼蒼西林徧佛場茶供秋露白籬想菊花黃落日

杏花邨志 卷之七 題詠 四

孤帆迥荒烟倦鳥翔匏樽應未倒歸盡紫萸觴

劉城

西郊四首

晴好出西門杏花空有邨廢畦畱菜甲古佛閱苔痕樹隱

遠山宅人傾近市尊不堪談昨歲戰馬度高原

覽時來物感妮古亦心還寺始梁天監碑存元魯花葉苗

隨意苗麥穗待風華俯仰多興慨西春日易斜

關心最幽勝古廟祀昭明帝子文章伯巫人耕牧生書成

傳選體魚美錫嘉名此地堪長誌林深着霧輕

紺園頽亦古豐碣蝕猶佳僧鉢遭兵燹神龕綴壁蝸分經

小果法賽社衆人俳宴坐驚幽響啼鳥過水涯

譚巖 維石青陽人隱士

杏花邨訪友留題

遠樹荒邨外清沽埜店中湖山曾有約懷抱頗能同書水

鳥啼寂風乾雨勢空上方鐘磬起惜別意何窮

郎才 文玉邑人所著有浙游艸藏于家

過杏花邨祖居廢址 見郡志

不似當年勝依稀風景餘青帘招酒客綠樹繞邨居愛此

杏花邨志 卷之七 題詠 五

成幽境仍堪結艸廬行行復止悵望欲何如

釋悟明 白开乾明寺禪

杏花邨

為羨茶經品牽來入醉鄉洞仙丹裏意童子指頭嘗花沒

春長在泉枯井尚香誰從三斗後玄淡問羲黃

甯峒

上巳游杏花邨

快有尋芳侶花飛正暮春感時多古事偶客一閒身陌上

采蘭女林間鬪艸人帘搖茅屋下沽酒共逡巡

陳其勳

公坊鸞鄉人順治乙酉舉人官瀘溪令

杏花邨

次友人咏池陽八景之一

郊外尋芳艸坡前境轉通喬松浮水綠古杏映苔紅笑傲

餘閒裏乾坤一醉中興來談往事誰是牧牛童

徐哲

山甫與化人由學官陞令長以文藻著

杏花邨

小杜風流遠芳林勝事存春寒深二月東菴澹孤邨想像

枝頭爛歌呼樹底樽待歸庭杏放一倍醉花魂

邵晃

秦夫宛陵人詩友有湯燕生江左齊名

杏花邨志

卷之二 題詠

六

寄杏花邨主人

杏邨啼鳥過花雨幾舍情佳麗時猶醉弁沉感亦生夕陽

浮月夜空翠看嘒燐莫待秋風至吁嗟憶鱸羹

鄧漢儀

孝威泰州籍吳縣人

乾明寺

尋花無意緒撥草有攀躋松栝穿雲立江山抱寺低佛纒

支劫火僧久厭征鼙鐵笛竟何在黃鸝春自啼

劉始葛

昌石河南杞縣人

登湖山思家

江城搖落早蕭索又涼天聚首知何日離家忽半年雁從雲外杳愁向夢中牽幾到湖山上吟成意悵然

方膏茂

敦四桐城人孝廉

鐵佛寺

老僧憐我良髮展闢禪關笋煮花前水茶烹屋裏山語深

兼世內心靜出人問已識浮生誤聊偷半日閒

宗觀

鶴問廣陵人

壬戌春游杏花邨

步履杏花邨平田帶郭門晴嵐浮遠界深樹出朝暎春到

杏花邨志

卷之二 題詠

七

蕭樓改

文選樓時移建秀山

山空杜鵑存江南真異候烟柳勢先眩

秋日游杏花邨

邨小平林近幽尋不遠城無花嬌白髮細雨誤清明霜逼

湖痕降蘆衝雁陣生酒帘應笑客搖蕩比心旌

劉廷鑾

與父號梅根 嶧桐徵君長公

西郊和韻四首

人來笑閉門步履欲邨邨柳發今年浪楸移去歲痕雲橫

長負石日薄始開樽古色雖相戀驚魂尚在原

古道沿坡上春江路不遐犢依垣外草騎擾澗邊花風上

生民朴雲山為我華交謹游子屐取醉一行斜

廟榭頽瓦震寺碣剝苔明幾衲擔鋤老羣鳥近殿生祝傳

周氏姓西廟佛鑄宋人名光孝寺吾欲依棲久孤霞入暮輕

春暖僧寮敞烹泉味故佳亭桓全宅鳥梵貝半巢蝸祀事

悲今儉祠官笑昔俳西湘流不斷過此問生涯

吳非

西郊和鑑徵君韻四首

秋浦舊西門行觀隴上邨壇遺存廢址堰寒漾新痕禁蓋

藤梢屋人希竹葉樽相看嗟去歲兵燹實燎原

杏花邨志

卷之七 題詠

八

閉戶心嘗靜看山意更遐烟迷昨夜柳雨發早春花下澤

苗方透陽坡草亦華平沙入望遠飛鷺幾行斜

昔人傳鐵笛光孝即乾明澗淺穿沙去林叢襍木生秀山

原僻隱貴口舊知名為探西祠勝乘風體亦輕

神道藏深艸山門古意佳井華無舊鮒楔墮有粘蝸荒殿

僧今朴幽林鳥尚俳起看雲氣溼膜色半天涯

甯澳公招游杏花邨

澳公名洪斐今僑寓粵東

市中嘗閉戶期我出邨行花憶當時勝人無此日情杜詩

賢太守黃酒古先生步履徐徐去追懷幾歎聲

何其偉 梧子連江人侍御

送陳孝受池陽省親因憶杏花邨文選臺

出門望江樹馬首向吳春行作名山重詩非近代人無衣

萊彩異邨酒杏花醇臺有讀書處看君日幾巡

顧咸泰 思菴蘄州人大名令

杜湖

秋浦似湘庭迢遙烟水青舒谿睇菊所華極憶昭亭岸盡

搖朝徑湖堤冷夜螢何時郊馬息携酒向徽寧

蘇汝霖 鶴洲石埭人粵西學使

杏花邨志

卷之七 題詠

九

郭昆冶太守招飲鐵佛寺同宣允公郡丞姚六康明

府李宜荃孝廉

刺史風流甚招尋集眾賢為攜陶令酒一問遠公蓮黃菊

侵禪榻丹楓點客筵殷勤卜永夜傾倒佛燈前

裴國熙 寧野奉天海城人皖江郡丞

杏花邨 見製錦編

雲壓半峰低絲絲柳帶迷花飛移小徑燕掠送殘泥牧子

猶橫笛游人只傍谿湖山非昔况常聽竹聲西

沈廷璐 元珮宛陵人耕巖徵君之孫

寄題杏花邨郎氏別業

黃公墟外地新築與偏賒靜著名山業閒栽上苑花窗應
通澗壑逕想入烟霞此日遊人過何須問酒家

楊森 嘉樹江西東鄉人布衣

杏花邨

千載詩人地無花亦此邨茂林還酒店芳艸自柴門飲有
提壺勸耕聞布穀喧亭臺如可復不異牧之存

陳肇復 問義福州人所著有刪訂宋史一書

過杏花邨役指道旁井云古之香泉也試嘗之戲成

杏花邨志 卷之七 題詠

此詩 自注水自石罅中出者曰瓊漿玉髓

清識深中味誰言泉更香不堪滋口腹也可滌肝腸海到

三山澹河流九曲長回思舊隱處朝暮飲瓊漿

夜至鐵佛寺馬上口號 用正韻

覺有邨烟近秋風漸不平深林開犬吠古寺聽鐘鳴世路
忙為客吾心淡若僧誰知歸宿處猶隔一重城

按陳公之官池贊府也由幸蜀大昌守須所補不
應最不書因貶池州經歷署齊清靜與子元鍾考
論今古名聞當世久之署棠城築萬民乳金書始
名公製衣一襲志不忘又署霍丘築民成德之以
引年致仕池士大夫賦詩祖餞如楊司業故事歸
裝僅著書盈篋而已

附郎遂送別陳參軍致仕旋聞詩曰乞得乘快放
棹回拂衣長嘯好懷開風高播自肩山曲澤偏流
通浦水隈歸去千秋重訂史折來一柳進離杯問
南有雁飛江左莫吝雲箋為我裁

鄧世樾 乾符虹縣人寧河王後裔

和趙客杏花邨元韻肅此誌別 時休致還里

莫漫嘆丘墟花間好結廬君能橫槩賸我欲帶經鋤開卷

曾窺豹垂竿不羨魚却憐歸路杳別思復何如

余思復 不遠將樂人黃冠道服游歷三吳間

池上晚晴寄陳孕采兼訂遊杏花邨

返照出重陰垂陽樹樹金殘紅明屋角嫩綠漲湖心坐見

齊山好遙憐秋浦深杏邨春未老從爾更幽尋

林博雲 龔鯤武進人歷任貴池含山教諭

杏花邨

尋春古杏里出自秀山門問酒猶餘井無花幸有邨喧聲

聞紫燕緩步伴青猿小杜風流在還期整舊垣

葉爾亨 子謙江寧籍桐城人宗伯葉燦之孫

過杏花邨

古蹟西郊外停車獨倚闌苔深浸篆綠楓老落花丹酒市

荒邨少霜天牧豎難不知秋已去猶作暮春看

一第 丹 黃參日車全書第 6 版文內

華黃 中涓無錫人已未進士

雨後過杏花邨

晚眺出西郭山山新雨痕樹深藏竹塢石淨洗雲根鐘磬

初禪地笙歌舊市門杜公會問酒今古杏花邨

曹繼參 鄒升石埭人明經

西郊

頻年兵燹地景物幸猶存寺古鐵為佛花明杏是邨可游

皆舊跡借問有芳樽更愛年年綠平鋪到郭門

錢又遜 墨巢雲間人

杏花邨志

卷之七 題詠

圭

杏花邨

捉杖出城去橋西一徑通亂烟堆樹白疎杏遠溪紅蝶舞

埜花氣鶯歌春柳風已來遙指處沽酒問邨童

危映壁 東原貴池人戊午舉人

杏花邨次宗廣文韻

城西舊有邨籬落接蓬門林黯成秋色山明逗曉瞰酒帘

行處是杏樹幾株存那得游人醉風高景亦暄

王之珂 玉鳴蘭水人所著有聽竹軒集

寄友人重開杏花邨

自愛名邨勝非關憶昔賢山閒雲亦秀湖滿月尤娟老樹
參差出時花次第妍古原由我作高咏已盈篇

吳綺 園次一字聽翁江都人

游杏花邨以雨不果同趙客分韻蓋邨為其世居也

亦有樊川興尋春老漸疎偶同聽雨燭竟阻看花輿山水

逢佳士烟霞憶舊廬莫吟魂斷句霽色晚來舒

錢觀 日天浙江龍游人鍾山趙慶先門人

前題

杏花邨裏路杜牧昔尋春地勝人猶在名高跡未陳山川

杏花邨志

卷之七 題詠

圭

堪覓句風雨竟迷津客思無聊甚何如一飲醇

吳壽潛 形本聽翁仲子太學生

前題

欲訪樊川跡泥途躡展難天心如有待風雨竟無端小飲

亦成趣勝游仍未闌新晴應更好繫棹入烟巒

郎遂

吳聽翁諸君游杏花邨以雨不果分韻得五微

小杜名邨在游人阻雨歸未尋紅霧醉空望綠陰肥嘯詠

留山水烹茶剪蕨薇自經離亂後蕭瑟冷荆扉

喜宗遺山先生秉鐸秋浦因號杏花邨客賦此贈之

吏隱先生志湖山托興長登臺懷趙宋遺還平蕭梁池州有宋

仁宗勅賜牡丹臺並梁昭明太子文選閣詩酒才人喬琴書處上鄉先生為方

同里有玉築夫李艾山陸玄圃諸隱君子繁華何足羨名世有文章

自吟山響集人沐少文光才並咸園子官居博士堂談經

風入坐落紙墨生香別號花邨客重題碎錦坊

曹晟集孔邑人所著有馨閣詩次

西郊

邨家離別少世代錦雲中芳艸一湖綠春郊十里紅雨收

杏花邨志 卷之七 題詠 五

烟笛在郭靜酒樽空坐惜風人遠閒吟懷杜公

吳鉉周音遼東人正紅旗

雲松署齋坐雪與友人訂遊杏花邨

作客三年裏諸峰靜曉衙其于蓮嶂雪因念杏邨花策馬

風將度看山日欲斜有懷誰會得君曹許偏賒

孫之緯梁樹青陽人

杏花邨

正值花時節尋花又到邨林開詩伴屐艸掩酒家門艇影

春潮亂鐘聲古寺存主人能著迷風景記桃源

律詩 七言

杜荀鶴彥之石埭人築別業于杜鵑晚唐

閒居書事

竹門茅屋帶邨居數畝生涯自有餘鬢白祇因秋練句眼

昏多為夜抄書雁驚風浦漁燈動猿叫霜林橡實疎待得

功成卽西去時清不問命何如

按彥之閒居當卽在杜鵑別業或疑在九華香林間與詩中清景不合

贈湖上漁家湖上卽今杜湖

見君生計羨君閒求食求衣有底難養一箔蠶供釣線種

杏花邨志 卷之七 題詠 五

千莖竹作漁竿胡盧杓注春釀酒舴艑舟流夜漲灘却笑

儂家最辛苦聽蟬鞭馬入長安

按末句聽蟬鞭馬四字此時彥之必登第以後歸別業贈漁家也雖云得意不無辛苦之嘆僕僕風塵何若悠悠泉石也

羅隱昭諫餘姚人流寓秋浦築別業于梅根有傳

文選閣

間生元子出蕭梁作選為書化萬邦三代已來成冠絕六

朝餘外更無雙今朝集是羣英仰昨日談非眾駐降輔國

安民新試問滕王空有閣臨江按梁字在唐為出韻然唐人多有之

伍 喬貴池人南唐保大十三年舉進士第一官考功郎有傳

游郭西西禪院

遠岫當軒列翠光高僧一衲萬緣忘碧松影裏地長潤白藕花中水亦香雲自雨前生淨石鶴于鐘後宿塵廊游人戀此吟終日盛暑樓臺早有涼

汪遠猷宋人

昭明廟

生為明哲沒為神一點英靈看處新秋浦溪山最留意法華禪定是前身九州托庇陰功大六字加封罷渥頻更有

杏花邨志 卷之二 題詠

六

使君書事實幽沉從此愈昭仰

方元美見前 以後俱明人

雨中經杏花邨問黃公故跡

酒泉太守醉鄉侯紅杏邨前覓故丘實計青山帶粉黛虛傳黃鶴換春秋抱琴今古誰知己荷鍾西東笑浪游大道清明人事舊祇今風雨欲誰求

陳 姓二生廣東人

遊古杏花邨兼過鐵佛寺

石橋剛轉信幽奇滿徑寒雲兩袖披茅屋淡香薰酒氣

牆紅影露花枝帘隨烟捲分邨路鳥帶山飛人客屐遙坊松陰藏古寺忙歸及雨未來時

丁紹軾文遠貴池人大學士

劉廷尉同齊山人過小園投詩贈會

園堂初敞傍城隈邂逅欣逢二妙來好隱直追陶令節依劉又見仲宣才陰成白雪愁花鳥酬此青山只酒杯却訝臨邛能致客五湖烟艇莫相催

李學沆靖江江陵人施州衛籍

西席家君令茲邑曾見唐宋來諸語勅今甲戌則火於守者矣

杏花邨志 卷之七 題詠

七

高齋何幸得躋攀意味千秋尚雅嫻楚色只堪雲去住空庭時見月來還若延梁祚安存祀賴有僑居永護山唐宋寶符悲劫火登臨不禁淚潏潏

方拱乾坦菴桐城人官詹所著有何陋居集

无我上人來自西川久栖杏花邨將歸成都賦贈

大開關去小天涯池蜀迴旋路未賒和月和烟隨袖捲好山好水盡僧家晤談不拾三乘唾投味只真一鼎茶信步行來循戒律何須板板着袈裟

方叔邵虎玉桐城人有傳

同汪孝廉游西郊留題鐵佛寺

春王便覺杏宜寒出郭連蹊雨未闌北道清平從賊擾南
天戎狄向碎看身同佛子參頑鐵選速蕭儲儼帝冠石滑
酒酣頰踏去獨嘲鶉結走江干

戴 易 南枝山陰人

杏花邨

何年令節記中和十里東風艷綺羅行盡小山春樹好歸
遲爽氣夕陽多杏花無夢鶯聲老茅屋多情燕子過忽憶
舊游詩句在我來懷古正如何

杏花邨志

卷之七 題詠

六

何其偉

梧子福建連江人官至侍御所著有清園集續
遺民錄諸書

弔杏花邨郎仲久隱君

少微星暗冷雲平烏杖衣冠開一塋義重揮金管處士功

高飛矢魯先生杏邨雨暮殘紅泣秋浦天空咽水鳴無數

白楊扶藁表千秋獨有布衣名

吳自任

乃尹銅陵人貢士咏吟甚富晚年悉焚之

杏花邨懷古

一帶烟邨古路幽名山遺跡羨風流漫看柳浪述漁艇猶
愛花開傍酒樓雨裏留吟唐刺史雪中高卧宋賢侯牧童

不是尋常指紅杏春深須醉遊

宋實頴

旣庭吳縣人登順治辛卯賢書海內推為文章
師表所著有玉蓉山房詩

寄題杏花邨為郎趙客

旗亭微暖杏花天蝶攘蜂喧欲禁烟落魄行人常問酒風
流太守漫題箋壚頭片石承紅雨山外孤邨鎖碧鮮聞有
郎生尋舊蹟聞書名勝已成編

周體觀

伯衡遵化人由翰林院歷官兵備道

杏花邨

池州城外杏花邨細路平林對郭門為許牆帘招杜守獨

杏花邨志

卷之七 題詠

九

留隴笛憶王孫江融彭蠡春帆影山疊清明夜雨痕累代

蕭條聊駐馬依然風物動高原

王 毅

叔卻江都人陝西岐山令

杏花邨集句

詩風又起浣花邨排比花枝滿杏園幸有香茶留釋子不

堪芳艸思王孫高山遺老猶存社魯國諸生半在門相約

杏花壇上去為君惆悵又黃昏

章孝標

趙 毅

李嘉祐

韋 莊

故國春風歸去盡今朝始見杏花春青莎滿地無三徑綠

樹重陰蓋四隣詩酒尚堪驅使在風光一任物華新知君

苦思綠詩瘦閒向江邊采白蘋

陳陶

張籍

李紳

王維

杜甫

胡曾

杜甫

王鵠

趙千里

昂若臨淮人明忠烈武畧將軍九世孫菊江司訓

杏花邨

杏花邨裏美幽棲憶自唐傳杜牧題花罩酒旗春自馥邨

分詩韻日堪携須知勝地名常著言念風流徑未迷欲向

此中時着屐青編展處有青藜

甯峒

杏花邨志

卷之七 題詠

三

與家澳公携魚重過杏花邨訪友留宿得魚字

蔡思勝友獨閒居雨霽重尋到草廬篋底感時多作賦林

中結伴靜攤書牧童邨晚歸耕犢鐵佛聲寒送木魚為美

此間羸雅集秋宵詩酒樂何如

陳希昌

秉文和門人明經癸亥聘修江南通志

題杏花邨并寄郎趙客

最愛池陽饒勝蹟城西爭羨杏花邨黃公美酒鑪安在杜

守高風詩尚存我昔停車一問俗君今愛客屢開尊勞人

何日重來此鴈詠篇章次第論

沈宜銓 隨菴錢塘人中翰

寄懷杏花邨友人

應是前身杜牧之聞聲曠地足相思豈知折柳時偏促欲

共評花事已遲廿一自宜增舊史十千無復貫新卮他年

嘉樹還如錦可許鷓鴣再寄枝

華

維嶽濟山人

過池陽杏花邨有感

牧童指點古清明羸得于今邨有名牛樹已無難問酒孤

墟猶在尚含情漫言事往空懷舊好教詩成再寫生山水

杏花邨志

卷之七 題詠

三

式靈招客至栽成十里踏花行

吾鄉也有杏花邨不是唐時賣酒樽樹近石塘春似錦名

高秋浦址空存芳菲已盡留丰韻綽約徒思寫墨痕董奉

術高堪紹學欲從此地闢香魂

錢錦城

臨皋常熟人牧齋先生嗣孫所著有卧竹集

懷杏花邨郎趙客

水抱山環結此邨詩傳杜牧至今存絕無俗韻依秋浦別

有佳名號煥園人自誅茅常閉戶客來看杏便開樽綠子

好友頻相憶迢遞江雲繞夢魂

周蔚 君豹號雪顛桐城人

寄懷杏花邨友人

星聚三旬抵十年分方又賦隔江天眠雲我占青山色

築眠雲居于青山之麓望杏君游紅霧邊有約共酣桑落酒無緣同

上木蘭船幽光肯發憐才甚慚愧支離費紙錢

乾明寺

郭外香臺舊種幽宗風吹散雨花稠已無顧凱滄洲興

敬太守種杏建亭頗稱極盛尚有方干醉墨流 吾鄉方雲山有詩題寺壁松子落分

簾外靜 宋楊振有味寺中古松詩笛聲寒挂鹿門秋 唐西峰聖者留鐵笛於此三生

杏花邨志 卷之七 題詠

共話因緣晚不止瞿塘烟櫂游

方邕 堯民涪溪人遺稿多散佚

同姜斐園陳秀巖小飲杏花邨因懷誰江邵南宮

踏青因雨數旬淹勝日同人問酒帘剝笋浮鴈傾白墮飛

花點席亂紅鹽側身千古懷黃始轉眼三春付黑甜老竹

應知隨歲禿空輪年少鬪新尖

清明同柯子將諸友游西郊時子有同修郡志之役

簪校分明異索居郊西攬勝值公餘邨逢花酒情無盡客

有邨枚愧不如太子衣冠留堊寺前朝碑碣薄丹書歸來

痛飲成高會箇盃看錢邨用蘇

江一經 式繩建德人蒲圻令遷涪德參軍屢建績履

登湖山頂

郊西聯袂共尋秋綠橋丹楓倚杖收粟里人閒宜選勝漢

陰機息已忘愁徑迷古道紆猶陟水落空江靜不流長嘯

峰頭雙眼濶作歌應與記來遊

茗飲華巖菴後經黃公井

良辰景物總堪圖此日欣無吏詬租茶椀留人參半偈風

帆入望下三吳湘潭放逐惟餐菊秋浦登臨好佩黃徒倚

杏花邨志 卷之七 題詠

井欄帘影寂汲泉猶憶舊當爐

置酒鐵佛寺

漱澗湖光漾綠蘋過從鹿苑接支賓尊尋淨土黃金菊塵

屑芳筵白玉塵元亮不嫌充遠社廣成端可問前身聊簡

載得烏程滿揀醉同欵錦里巾

晚歸自杏花邨

茶泛花蕘酒泛樽藏鈎射覆送黃昏交情古處歸前輩即

事新詩擬外孫鐵佛洪爐誰補鑄石牛孤渡那追六憑將

空色商儀狄一指天龍在杏邨

陳錦宁 辰侯貴池人明經

前題次韻

環城山色爽高秋宿霧偏從杖底收適趣鳥如能解語無
名草亦足療愁蓮開九子浮晴熾練靜千帆穩碧流回眺
星辰手可摘翺翔疑與謫仙遊

相携三笑倩誰圖 謂山僧 隱谷 興發從教吏索租邨鴨逢人還

識杜尊鱸對客漫思吳 謂昌箕 式繩 濤生楚籟連天竹香散空

花匝地更共飽伊蒲忘力倦釀泉何用舊時鑪

霜老芙蓉映水蘋遙天壓雁雁來賓鐘疎古寺重聞梵葉

杏花邨志 卷之二 題詠

落寒山自遠塵探韻雅成詞客座談經驚見宰官身 昌箕 着僧

昌時作禪 語相參 莫嫌白社頻呼酒元亮曾從漉葛巾

天集良朋醉綠樽黃花採罷夕陽昏但令落帽人如孟不

問相嘲座有孫幾樹倦鴉乘暮噪半肩行脚望烟奔勝遊

更覺歸途好隱隱漁燈傍水邨

張 愨 僧持江寧人

過杏花邨寄懷王紹李

池上詞壇郎士元每稱摩詰為余言詩傳秋浦風騷見人

在輞川丘壑存問我曾經桃葉渡懷君常寄杏花邨蘭溪

訂訪知何日無限相思難盡論

周 南 汝為桐城人順治辛丑以草莽臣伏闕上疏

晚游杏花邨

散步荒原踏晚霞烽烟靜處有人家小山歷落飄紅葉野
水澄明點白沙古寺尚能容鐵漢老僧何用付袈裟天高
風急飛塵土九月重來問杏花

過杏花邨懷郎仲久隱居

杏花邨畔老漁樵猶向行人說兩朝才子竟同荀令史將

軍不數霍嫖姚還山採藥狗丹竈出世逃禪度石橋三十

杏花邨志 卷之七 題詠

餘年追往蹟一時回首望雲杓

宣紹中 允公息縣人長沙太守

展拜昭明太子廟

為愛溪山一問津遙樓爭望後車塵生憎喪亂遊茲土沒

定精靈眷我民乙夜雲旗來帝子千秋香火奉才人即个

夜月瑤璃碧裘帶分明得似真

汪 穎 鈍子漢陽人

杏花邨

風流小杜擅詞場好句吟來字亦香映月籠烟開兩譜披

雲帶雨入詩囊高懷自是探花使
楚興行看碎錦坊不是
武陵舊津渡恐尋春色誤漁郎

章世德 楓菴貴池人壬戌進士

杏花邨

鳳流太守舊題詩錦里春光想見之
紅杏久凋前代樹黃

壚空剩昔人碑牧童牛背吹殘笛
漁子湖頭理釣絲有客

閉門就著述 謂郎子趙客
欲携邨酒一探奇

彭師援 嗣湖華亭人燕又孝廉小阮所著有省廬詩集司成吳梅邨序之行世

遊杏花邨有感呈喻武公郡伯

杏花邨志

卷之七 題詠

五

杏花邨外滿雲烟有客相携游覽前
演武樓臺橫白日依

山栝栢映諸天繁華半盡兵戈裏
廬舍多消戰伐年回憶

題詩沽酒日風流端藉繼先賢

洪度注 二黃蘭水人少尹所著有訥菴詩

杏花邨懷古

太守風流憶昔年兩行紅樹到雲邊
牧牛童指黃鵠酒把

釣翁迴杜鳴船古瓦千門鋪繡額
斷碑數字篆苔錢還思

種杏人何處二月尊前獨惘然

吳非

杏花邨懷古

刺史行春記古邨誰開帘市復當門
壚皆敗冷經牛父徑

盡傾肥讓竹孫風景移時山着色
湖光變態水生痕牧童

重理頻年話亂後猶看觸在原

吳綺 苗次江都人湖州太守

游湖山飲淨林菴樹下同諸子分韻

主人愛客為抒愁挈榼聊為近
節游亂蜨背香樵徑暖一

雞啼竹酒壚幽江光隱映山光見
樹色參差月色浮歸向

西窗重續醉滿檐涼影燭初收

杏花邨志

卷之七 題詠

五

宗巨源 次清興化人

前題

平巖沙石夾城西山接湖隄水繞
谿喜遇樵人尋舊徑偶

隨酒客過招提泉聲互聽鐘聲應
松影交加竹影迷紅袖

碧紗都不計暫將名對遠公題

郎遂

前題

風塵何處足留觀步履城西上小
巒幽鳥送聲藏隔嶺輕

舟垂釣下前灘尊開別院看蓮白
客座疎林映日丹梁許

花邨仍策杖貧家菜菔也將歡

姜

展 號石林農者居清湖躬自耕種暇則放歌原禁高懷曠致有陳白雲之風惜少鍾林華物色耳

擬游杏花邨

杏花邨落郡城西曾挂青帘近小隄浦水遙連流鏡靜江

烟斜綴過帆迷芳名不逐時人換秀句還存杜老題與客

何須傷往事携壺且醉夕陽低

馮鼎延

聖調烏程人少尹

杏花邨

出郭閒尋古杏邨漁舟春水到城根地經兵火花無跡碑

杏花邨志

卷之七 題詠

天

護烟雲字尚存堊寺但餘新草樹好山空憶舊王孫祇今

莫問前朝事月落平湖夜有痕

朱之梅

素公清溪人

杏花邨

相傳杜牧刺池州邨酒邨花兩共幽人去却能稱地主我

來休更問田疇

邨中子昔有山莊今廢

荒烟近鎖孤城暗古樹遙涵

堊寺秋千載芳踪空記憶湖山遠眺大江流

王青選

青公葛源人州丞

杏花邨懷古

郭外丘園迥出奇斷魂從此頁香卮浦光含練偏添色山

翠籠烟更着姿樹冷雲封亭寂寂花零春散草離離游人

不敢輕裁句舊有名題是牧之

李時

男蟻濬源人研農先生子

西郊覽勝歸途值雨集澄觀堂分籠字

春城如繡錦雲籠步入幽溪画意同文選亭荒遺史乘碑

摹古字嘆穹窿班荆人醉花邨酒陌柳羣飄麥浪風好雨

也應知夙約催詩隨到艸堂中

張茂

元子江寧人

杏花邨志

卷之七 題詠

天

寄懷友人杏花邨

憶昔交歡笑語溫題詩珍重款柴門六年面別離情遠一

卷書成閉戶尊我自空憐桃葉渡君今合占杏花邨未知

編輯經多少願坐春風得其論

孫之綽

梁樹青陽人

杏花邨酒家

癸亥春總河新公試池屬七學諸生題

出郭尋幽路欲疑柳搖深處嘯黃鸝山橋堊店連花鴨細

雨春風颺酒旗游紀杜翁曾有愛事緣牧豎更留詩平篇

芳徑年年在烟景依稀是舊時

吳繼澄 景州東流人

杏花邨

刺史風流幸未遐名園春雨一停車
枝頭香重頻欺酒座上顏醜欲妬花
一片湖光招醉月千重山色映明霞
杖頭錢盡貂還解莫管江城動晚笳

吳映藜 校文建德人

寄友人重開杏花邨

見然青園州

曾知文杏映遙天續整風流作世傳
十里香疑丹桂迥一邨紅是彩雲鮮
湖光依舊連江濶帘影從新帶雨懸
路上

杏花邨志

卷之七 題詠

三

不勞相借問酒家餘味勝當年

劉廷焯 借三試門人

清明游杏花邨兼訪友人舊宅

歲歲清明在客中今年重覽故鄉風
紙標歷亂山頭白林酒歡呼人面紅
廢圃幾時纔種杏晴江又見度歸鴻
兒童浪信春光好爭曳輕裾避柳叢

故人仲蔚住邨西為叩幽居過楚畦
門掩蓬蒿留犬吠籬編楊柳待鶯啼
可因佳節謀沽酒定愛春田學把犁
且語小童通姓字江天日落萬山低

朱翼垣 蒼雨崑山人

過池陽懷古題杏花邨舍

次澗溪韻

浮圖雄峙俯雙溪疊嶂雲深九子迷
蘆荻渡旁漁網集杏花邨外酒帘低
侍中片石江分楚太守層臺山是齊
問訊此中詞賦客嘯歌應在選樓西

鄭祖第 甲先蘭水人工詩画

杏花邨

石城西去景堪尋刺史詩題說到今
株老春來猶幾簇邨荒亂後已無林
墟香尚憶黃公酒笛響還聞牧豎音
却羨

杏花邨志

卷之七 題詠

三

主人能好客名流滿坐快分吟

黃猷植 宜臣菊江人

杏花邨

漫道滄桑負舊遊依然點綴續風流
板橋紅影分花徑林浦香烟過酒樓
孤興每從塵外得高懷直欲醉中收
行來疑是桃源路何必桃源似此不

吳國鐸 振斯九華人

杏花邨卽事

滿錯香塍處處通平湖如鑑浸遙空
逍遙漁艇來還去眼

曉黃鶯西復東修竹盡依僧梵綠杏花都放酒家紅忽聞
牛背前岡遂恍接唐時舊牧童

張思齊

省堂號遜翁奉天人廬州郡丞

過池陽讀郎子趙客杏花邨志因訂泛湖之約

塵泥罄折幾消魂喜說茲來近杏邨杜守尋酣牧豎引黃
公知味井爐存繁花不及當風醉名勝先從好句論白浦
平湖無限意待將鼓柁覓根源

宗觀

霍問江都人

文選閣

杏花邨志

卷之七 題詠

三

維摩閣下客停車出郭風光画不如兩漢以來無選本六

臣之後有傳書蕭梁代遠空啼鳥原廟神遊記食魚隔得

揚州烟樹外好春辜負到吾廬

廣陵亦有文選樓

按杏花邨西三里許有梁昭明廟俗所稱西廟也舊有閣貯文選板今閣址移構秀山廟從僧請請稱昭明冕服陵在焉居人考古者曰失古蹟矣

杜鳴

渡口經過臺館荒汀洲葦扶隱漁莊山崖有姓還呼杜人
代多迷不記唐紫蠟黃魚邨裏市白沙翠竹屋邊桑樊川
觴詠遺踪在欲買茅茨作漫郎

元次山自號漫郎

杏花邨志卷之八

邨人

郎遂

編輯

題詠

排律

五言

黃尊素

真長餘姚人御史有傳

周玉汝年兄招游西郊及梁昭明府六韻

積雨纔生霽郊前士女稀相將斗酒去往看綠陰肥廡古
猶呈像僧閒自采薇冠纓且暫解棋酒動相依遠鳥啼春
晚孤枝映夕暉久濡人事裏邨識歲華飛

杏花邨志

卷之八 題詠

一

方元美

過杏花邨謁鐵佛聽諸比丘談經

在俗能無染空居傍郭門大千諸法界丈六一身尊東度
惟高足西來直剖藩傳宗殊異寶盡性自同源竺偈多唐
譯胡僧識漢言遺經慙半解落日平原返照疑心幻忘
言恠舌存逃禪能不醉路出杏花邨

陳常

時夏貴池人布衣遺稿有鶯鳴集

杏花邨傳于呂純陽及杜牧之清明詩至明蹂躪殆
盡名存而跡廢太守顧公元鏡重修植桃杏數百

株臺榭峻厥未幾而又廢矣因賦二十六韻志感
 地靈生九子天曜應三台白浦漁舟小清涼古刹頽堤虹
 雙掛線松結壘層臺相幻佛可鐵丹還木不醅提戈過此
 日有鳥不堪憑井砌蛙鳴水爐泥蚓伏苔二千石更俠三
 醉仙又來酒擅黃公醞花因杜牧裁暖風春已仲爽氣日
 初駭桃浪三千湧香花十里開馬蹄紅踐粉獸鼎亦燒煤
 一色霞天錦雙紅女倩腮珊瑚鈿寶琥珀袂垂瑰紫鼠
 翻如綵朱橋細似縷遠山多列回狂興越成恢布招遊
 客鳶筐碎哭孩頰言南北壘盡醉巽觴酶世瑞人眠甕牛

杏花邨志

卷之八

題詠

二

陳寶鑰

綠厓晉江人康熙初官貴州觀察

西廂恭謁昭明太子遺像

衣冠儼然鬚眉猶昨種而藹而尚見當年容與之
 色血食一方非偶然也秋八月誕期千騎成隊百
 戲咸陳飾君子之車盡是屢樓虹閣隨天人之駕
 不少玉女金剛賽會之盛東南罕觀惜不躬逢其
 際望遺像一樞斗而已

驅馬西門出高山景所崇權容金在冶青骨玉堪磨恒說
 聖賢貌貴於耳目聰聲聞三耳締字下十行空博記天聰
 遠洞觀夙悟通俊民環座右古典披樓中鑄瓦于闐鐵開
 編南越藜麟角班爲管螺髻醉欲形樓登萬卷履架貯五
 車胸既解參商別復翻亥豕蒙片嚮堪成味全裘亦就終
 掃開聖賢域鑿入性情裏不步三班後獨收六代功濟顏
 無古軌陸謝不全風口作雕龍假力爲画虎窮乾坤不可
 改江海已流東十嘒褒其美九章表厥隆因今而返古罪
 始亦功同袂襖修春盛鼓鐘報騰雍難從追踏後僅托傳

杏花邨志

卷之八

題詠

三

聞中可見文章樂始知道德洪持論無太刻恕古亦虛公
 庶以拒衣下而無笑我恫

吳非

西郊卽事得梁字十韻

近郭山光媚單衣拂帶長坡平松篠翠地仄菜花黃獨犬
 穿蘆壁流鶯囀柳塘懸帘卽可市閱武陣空場古佛金兼
 鏡新尊飯共觴元時橋甚促蕭帝席全荒文孝封沿宋昭
 明謚自梁讀書遺爪髮傳史有文章往牒僧能說殘碑我
 欲裝幽思消不盡鼓吹遠前岡

陳元鍾 孝受福建人

憶春日游杏花邨賦詩未就今讀趙客詩因補成之

官署多暇日登臨興欲詩偶然傳好句忽自憶當時杏補

前朝錦香留刺史祠湖山樵雨暗杜鵑釣烟垂粉蝶新花

戀嬌鶯暖樹遲采藍婦喚伴偷果鼠携兒日落歸人急風

高去雁悲恨無劉阮輩全引酒壚卮

董三彝 商侯湖山窺園主人

杏花邨卽事次韻

錦里風烟舊才人愛賦詩幸生明盛代不諱詠歌時朝弄

杏花邨志 卷之人 題詠

城頭木暮吟帝子祠滿邨紅杏發徧徑綠楊垂湖逐風行

縵山隨日影遲長松多傲意聚藻帶幽姿月下逢僧話花

前對客嬉捫碑今古隔長嘯酒三卮

吳參 魯也銅陵人

杏花邨卽事次韻

湖山烟雨後對景愛吟詩入寺僧歸晚登亭雲起時邨傳

自小杜石碣擬今祠依路藥堪採臨溪釣欲垂園荒花未

放徑曲鳥飛遲鳴水疑琴韻深松養鶴姿煮茶期客至關

州信童嬉鏡笛飄明月酒酣幾百卮

章習 步如東流人家青湖

杏花邨卽事次韻

每飲花邨酒高歌刺史詩古今傳勝事人物憶當時湖上

杜公鵑林間蕭帝祠聞風神共往懷古淚潛垂乘輿偏情

劇尋幽覺步遲雲橫山有色烟掛柳生姿快論真堪駭敲

吟恰似嬉杖頭須盡解滿坐酌盈卮

陳竑 宏立豐泉人

杏花邨卽事次韻

勝事重尋杏閒游更續詩邨當花媚日春入艷淡時幡影

杏花邨志 卷之人 題詠

禪僧院鐘聲帝子祠碑殘疑薛蝕梅老任藤垂霧捲平湖

森雲歸遠岫遲漁竿牽翠帶堊堊逞芳姿渺渺風鳶樂悠

悠竹馬嬉小園如補葺好共酌卮 湖山南麓先邵武公有書屋今廢

郎遂

杏花邨卽事

西郊堪縱目招友共題詩古寺遺名蹟殘碑憶舊時補栽

百株杏請立二賢祠 唐杜刺史明領太守十里香風遠平湖翠柳垂

曉壇烟漠漠幽徑日遲遲柏下瞻高塚峰遙聳秀姿山僧

留客話楚叟撫兒嬉坐對棲雲嶺黃墟酒一卮

排律 七言

杜荀鶴 彦之石球人晚唐

和友人見題山居水閣八韻

池閣初成眼豁開眼前霽景屬微才試攀檐果猿先見纔
把漁竿鶴即來修竹已多猶可種豔花雖少不勞栽南昌
一榻延徐孺楚國千鍾逼老萊未稱執鞭奔紫陌惟宜拄
杖步蒼苔籠禽豈是摩霄翼潤屋元非澗下村嗟已每將
天作鏡陶情常以海為杯和君詩句吟聲大蟲豸聞之謂
是雷

杏花邨志

卷之八 題詠

六

順治間杜鵑掘地者嘗得古磚上有唐朝年號此
山居水閣即杜鵑別業何疑按詩中第三四聯必
是彦之登第後事親家居適奉命赴京有故人過
訪留宿有贈而和之也

吳自任 乃尹銅陵人明經

遊杏花邨次韻寄友人

策杖城西曲徑斜風光為愛此邨嘉聽來田水臨谿舫
處茅簷問酒家我欲放懷松亦韻君常把卷月流華鐘聲
遙應前山寺烟色空含古杏花枯樹烏啼高士塚漢逸民高敬公
墓隔在城北荒林僧指掌郵衙牧童犢背猶橫筵戰馬郊
屯吹暮笳話舊不嫌分杼榻賡酬可許入詩牋春明有約

看隄柳一醉高亭興更賒

釋興斧 山是吉州人住浮山為无可大師法嗣

郎居士重葺先人杏邨別業次韻寄之

緋衣不受晚風斜剔隱搜奇效永嘉收拾山川歸樂府磨
礱天地人詩家綠搖硯北排三島青擁城南列九華並屋
仍留邨補杏旗亭重喜筆生花鴉羣醉月爭棲樹蜂隊迎
春漸放衙鐵佛既能存鐵笛清泉莫漫奏清笳才高洛下
應趨闕名滿江東且泛舸繩武居然傳勝槩千秋吟賞興
猶賒

杏花邨志

卷之八 題詠

七

董三彝

杏花邨次韻

秀山西眺日初斜一帶林泉景物嘉點染漫誇新樣色風
流還屬舊人家文章洵有江山助裁剪全憑日月華寶嶺
共知龍有種謫仙人美筆生花峰高浪擁雲為爛湖洪霞
明柳作衙雀噪深簷疑喚友風號古木似吹笳春和古寺
觀僧定夜靜清鐘到客艤我欲扶筇乘興往三三兩兩酒
甚賒

曹繼參 鄧升石球人清貢士

秋日杏花邨十韻

熟識西門一徑通每從邨裏歎秋風無多茅屋傍山麓小
有漁船住水中露艸懷人偏白白霜楓隔寺亂紅紅菱荷
殘向深秋及砧杵寒催返路空賸得詩篇傳社老憐將花
艸泣吳宮營屯細柳誰兒戲閣選長楊擬賤工帝子有碑
摹紫石牧童指酒憶黃公月明江近時聽鶴雲冷沙晴晚
落鴻池口直經桑柘北湖山遙望女墻東那看回首當年
事尚記繁華說老翁

郎遂

杏花邨志

卷之八

題詠

八

杏花邨懷古

水自滌泗山自斜泉香杏放雨尤嘉摩碑橋畔存元跡入

鳴林空憶杜家鐵篋昔曾吹古刹

西峰聖者留錢玉瓶今
遂于光孝寺

尚潤生華

瓶在文孝廟
唐內臣賈至

從亡侍御遺忠胤

遜國時金焦後
人窟枯湖山

把鈞將軍是探花

丁昂罷官
漁隱杜湖

桑柘直通樵子徑

唐立土城
名桑柘門

郵傳不問驛官衙

宋有秀
山驛

三千志士抒良策

宋南渡池州
有貢院試士

嘉定間移建
湖山之麓

十萬征人冷戍笳

英王臨池初
屯營于西郊

荒隴何年封

馬鬣

邨內多子
族宋元墓

平湖每夜集漁艇往來秋浦亭中客掃壁

題詩旅興餘

絕句 五言

蕭 統 德施梁武帝長子謚昭明

上林一首

千金腰裏騎萬斤流水車爭游上林裏高蓋逗春華

按吳次尾先生輯秋浦雜咏書上林詩後曰梁太子愛秋浦風土寓游最久與高齋十學士選文于此今城西西廂其築臺故址也又嘗食魚而美錫嘉名曰貴池今縣號仍此也太子薨附神于民曰吾久就此地上帝已賜我矣可祀我民因請建請衣冠墓秀山故今邑人祀昭明最盛其所若在秋浦者為多茲錄一章以備故實

羅 隱 昭諫餘姚人晚唐

杏花邨志

卷之八

題詠

九

文孝廟

秋浦昭明廟乾坤一白眉神通高學識天下鬼神師

失 名

鐵佛寺

昔題寺壁

慈雲披鐵佛慧日照乾明融融秋浦月千古見禪心

李 盤

小有淮南人原名長科明文定公會孫

平天湖

平湖供遠望練影欲浮天風日宜舟事清謳與翠蓮

吳應箕

風之一字次尾邑人

杜湖

客歸偏有興鼓楫獨扁舟遠浦空寥廓深江自此流

邵煥元 凌玉北直大名入湖廣學使

清溪阻雨憶杏花邨

昨夜星垂屋今朝雨滿溪杏花邨無處問隔在秀山西

章 竣 天門江寧人由順治戊子孝廉官學博乙卯科應聘浙闈所得皆知名士

遊杏花邨喜晤郎趙客

夏木殷稠日邨名古杏花詩人千載去游子但各嗟

湖山環夕照荷葉亦風流曲曲香波起三生可解愁

杏花邨志 卷之八 題詠

勝地原爭重池州屬杜公江山時變幻此景不西東

聞有名流在艸堂自著書相逢同一笑還待杏花舒

劉廷鑾

曉謁昭明府

蔓艸積空階僧孤睡正熟山空樹不鳴安得絲與竹

吳映芝 六文建德人所著有漱石居集

杏花邨晚步

徐步出城郭荒邨晚欲妍霽霞明入眼妝點杏花天

來少古行人歸多今牧豎暮烟柳外橫猶似清明雨

楊弘器 亦震山西蒲州人

杏花邨

風霜來古道繫馬杏花邨借問牧童子酒家可猶存

張 愬 僧持江寧人

題圖杏花邨圖為喻武公太守

遙映齊山邊杏花邨尚在風流杜牧之雅詠傳當代

吳 非

五日弔孫漁人 孫登孫杜陽之漁而詩者墓已宿艸矣乃復為弔之

到今重五日為一弔山人嘯法傳多失漁歌尚有因

杏花邨志 卷之八 題詠

王時舉 友奚貴池人

杏花邨酒家 集唐

門掩杏花叢牧童望邨去有酒復盈樽此境可常住

李 賀 王 維

憑軒一留醉在城如在邨邨邊杏花白何必問桃源

陳子昂 曹 鄴

張 紳 王 維 戴叔倫

西郊小集

緩步即西郊林阿秋色好開尊臨晚涼日落深山早

江 鑊 梁貢庠名士銓青陽人

秋日杏花邨訪友人不遇

雙樹參天綠柴扉白晝閑幽人不知處一犬吠林間

葉落霜林靜人來墊徑幽欲歸頻悵望返照挂城頭

柯日乾 柯亭峽川人

黃公酒壚

何處覓黃公青帘遠近同門前烏柏樹猶作杏花風

杜鵑漁歌

斷岬倚長天漁燈來晚照長歌復短歌不似蘇門嘯 予孫黃齋

杏花邨志 卷之八 題詠

西湘麥浪

偶過橋西路踏歌橋上頭禽聲初變夏麥氣漸成秋

昭明書院

迤邐古行宮不見讀書者古瓦鐫蕭梁斯文知未謝

原缺

詞

孔尚大 五若建德人

題杏花邨 永遇樂

秋浦城西傳稱前代牧之題處湖遠山圍予猶及見顧守
時栽樹紅英紫萼參差掩映中有檐楹微露傲雕闌頻臨
快飲熙皞不改如故 兵戈一起人非物換空自凄凉來
去三十餘年暗中思索總是華胥寤仰看齊燠雨亭新創
又逐烟荒艸仆更何期戰馬羣馳牧童難遇

宗 觀 鶴問廣陵人

杏花邨志

卷之八 詞

十四

春日游杏花邨 臨江仙

變柳薰梅酒市近韶光與客多情玉驄斜控杏花邨雲粘
芳艸碧帘挂小樓青 鳳管鶯笙濃霧裏揚州一覺曾經

湖山天付與詞人插花尋杜牧和曲奏羅橫

吳壽潛 形本江都人

題趙客杏邨獨吟小影 減字木蘭花

名高大曆此日清才慚共識屋繞烟霞留得樊川萬樹花
坊傳碎錦別墅春風堪大隱翰墨生香艷句還期寫曲

江

錢 觀 目天龍游人

前題

杏花開處一片朱霞籠絳樹當日樊川此日猶將勝事傳
留連詩酒我欲同君傾百斗句詠峰青還媿錢郎並得

名 大曆中錢起郎上元齊名時稱錢郎

江 表 權舞青陽人

湖山乘雲齋看繡毬 憶秦娥

花霏屑團團縷作同心結同心結水晶高掛素肌如雪

與梅清韻真雙絕宜人最是珊珊節珊珊節玲瓏映月莫

杏花邨志

卷之八 詞

十五

叙風折

或曰繡毬卽聚八仙也李東陽觀揚州察院八
仙花詩卽以繡毬當之見揚州物產志

賀天銓 御六丹陽人

杏花邨 滿湘逢故人慢

西邨香軟見杏展紅腮柳回青眼燕羽新裁剪看水繞邨

幽山圍徑轉彷彿當年沽酒處黛濃霞淺記牧童遙指道

踪花外小帘遮掩 樹周遭波瀲灩迥軫翼星分縹兩邨

簡更風流思曼濯露月清輝彩毫瑤卷竟日尋芳好共聽

黃鸝現皖携手地草色如烟天際修眉初染

賦

吳德昭 惟鄰貴池籍徽州人

九日登湖山賦

伊白帝之司晨兮風急而蛩鳴維景物之蕭瑟兮氣肅而山清爰挈伴以來游兮尋秋色於西城於時黃菊匝地白鴈書天節序至三秋而益澹風光因九日而增妍或携樽於石壁或策杖於山巔登戲馬之臺景無今昔落孟嘉之帽醉擬神仙惟是地號湖山景稱名勝第見諸山帶環唯

杏花邨志

卷之八

賦一

六

目之人竊縱登高之興爰是俯看山麓古杏名邨樹外掛青帘唯見寒烟迷楚店欄前餘舊井徒留片石坐行人帳繁華之已杳喜風景之猶存亭宿雲而山山欲雨霜染葉而樹樹生春山近三台翠壁蒼崖送眼松鳴古寺鐘聲梵語同清第見大江在東長流夾岸孤墩吐白應籠蘆荻之花雙槍穿雲巖樹河山之幹望日下之片帆徐來驚天外之飛霞忽斷少焉北顧邈矣無涯一區城郭萬戶樓臺視棟宇之交錯似鳥革之爭開彤侷三輔中有九街實襟帶平吳越賴保障乎江淮憑高舒輿山面南湖瀾浪排湖萬

項爭流今古恨寒濤飛雪千秋常掛水雲圖美平天之一帶與秋浦而無殊目灤杜塢實在山西川原繚繞烟霧迷

離楚艇橫於遠渚漁網曝於高枝別業空傳山水雷杜公之韻釣臺何處風流屬帝子之遺縱觀諸勝逸興爭飛至於客既倦遊人思偃息或拂袖而依松或披襟而坐石借山翠以為屏與凡塵而遠隔因知歌嘯遙傳足令湖山生色迨夫分題覓句對景停車寫胸中之丘壑餐世外之烟霞引新蕉而吸露傍疎竹而聽茶擬藍田之共會佩茱萸無暇肘不可平易得心何必乎長嗟既而烏影將沉秋

杏花邨志

卷之八

賦一

七

欲寄寄平鳥兮爭 覩山雲兮亂吐聞清磬於疎林聽漁歌於前渡乘興而往不慮窮途興盡而歸重尋舊路念好會之無虛因抽毫而作賦亂曰脫葉兮秋山落英兮可餐垂珮兮組彼秋蘭綠石兮棄彼雕鞍水之溜兮山之巔誰將拒我之盤桓而今而後兮方知天地之寬

杏花邨志卷之九



郎遂 編輯

宸翰

制

宋孝宗封文孝廟制

朕惟至治之世愛民而致力於神有道之君豐祀而不求其福凡以羣生之請禱迺推厚禮以褒崇池州文孝廟英濟忠顯廣利王受命於天有功于國聰明正直而壹者惟德是依水旱風雨則禱之何求不應盛百年之嚴奉極一

杏花邨志

卷之九 宸翰

品之徽稱尚承寵休永綏廟食可特封英濟忠顯廣利靈佑王乾道九年正月初七日

宋寧宗進封文孝廟制

朕咸雲漢之詩軫念禱祈為蘇焦熯思顯號已窮於王靈願追封靡徇于輿情姑還文孝之稱庸表幽潛之實無遠弗屆諒深鑒於余衷永孚於休尚弗忘於民聽可特封文孝英濟忠顯靈佑王嘉泰元年二月初七日

昭明梁太子誥也在若子晉自立梁時追尊皇考為昭明皇帝高宗先是若孫棟為景景所立會追尊祖昭明太子為昭明皇帝若孫意太子必有所不受名雖孫棟而實就逆矣景景未嘗改謚

勅

明神宗勅河南汝寧府守備丁昂

勅署指揮僉事丁昂特命爾以都指揮體統行事守備汝寧信陽等處地方專在汝寧駐劄操練軍馬修理城池撫治流民防禦賊寇護衛府第遇有賊寇就便量調官軍有

杏花邨志

卷之九 宸翰

可民快火夫設法撲捕毋令滋蔓仍聽巡撫等官節制其布按二司守巡官員照舊帶管巡視不許推托誤事如有合問人犯就便會問發落其所屬有司事務除捕盜之外不許干預爾受茲委任須持廉秉公盡心所事如或假公營私危害軍民及縱容下人作弊因而貽害地方罪不輕貸其慎水之故勅萬曆二年閏十二月初八日

丁守備階慶中武探花也丁文恪為公作傳以經猷未展大為惋惜然無庸惋惜也吾郡故多高士公以守備掛冠漁隱杜湖高蹈之風真不可及不雖然雖桓桓武臣與杜鳴何有哉今守備之裔僅一人披離居杜陽蘭若猶奉此綸翰為家珍余嘗謂其宜歸族承宗此種功德佛亦生歡喜心為識之

文章

碑記

鍾世美

元人

郭西昭明廟碑記

元初元年夏六月初吉賢池之人無貴賤少長相與謀曰
方今國家承平 聖在上惠澤四海天覆地載可謂仁矣
而我幸生斯時 不識兵革之事耳不聞烽鼓之警以農
桑漁樵自遂于田里其子弟之秀者又服習乎詩書之訓
以為世用安閒佚樂不知老之至可謂泰矣一方之民壤

杏花邨志

卷之九

文章

三

接千里山無狼虎莖無盜賊年穀屢登民無疫癘疾病痛
呼祝曰禱祠則不旋頃而應左江右淮波濤萬頃舟航上
下回檣一矚則一流無虞此非特上治之仁郭西之神力
居多也然則自 至今此方之人與四方之行李適於此
者依神之靈不為不久而廟貌不莊齋祠不修牛羊鳥鼠
穿踈於庭除荆棘艸莽狼穢不治無以報稱神靈之既於
是集力經營不日而合一潔新之尊其像貌正其冠裳居
有前宮寢有後室門闕重廡列衛兩廊齋祠有庖謁款有
房飛甍雕楹丹堊朱漆輪奐之美絕於一時所以盡欽崇

嚴奉之禮而極池人之志也經始於元年七月成於某年

某月是時世美筦庫於此而邦人屬以記之因觀舊志以

問諸水濱皆謂梁之昭明昔在秋浦食魚之美號其地曰

貴池然愛秀山之勝屹然數峰矯於雲表清溪環合為一

洞天土地饒沃人愿而質常徘徊久之異時昭明既殞梁

亦旋亡其神附 秀山之民曰吾昔愛此今帝錫此於我

矣爾民既祀我 其福之於是民相與築祠於秀山之阿

秋冬享祀有事必禱有禱必應民翕慕之唐永泰元年置

郡於大江之根貴池之民又相與為祠于郡郭之西而祠

杏花邨志

卷之九

文章

四

遍于江東然以梁史考之則昭明未嘗至池舊志與諸水
濱之言如此豈非史之逸遺者與昭明武帝長子也世以
九郎為稱蓋不 其何故而泰山神亦以紀之豈非功德
及民登侯於 所謂九郎者其泰山以郎序諸神之號
耶昭明諱統字德施母丁貴嬪也生而聰敏天姿仁孝寬
博喜怒不形于色美姿容善舉止自為兒時已喜讀書數
行並下過目悉記講解辨說該通大義敏於文辭游宴詩
賦落筆數十韻日與羣公學士講論商確著述以為樂成
書至八十卷東宮聚書幾三萬卷文學之盛晉宋以來曾

未有尤喜佛學博極羣經招延閣士於慧義殿中著三諦法義普通之元甘露降于庭然居東宮不忍違顏而忽忽不樂朝必留侍出必宴居坐必西向卧必面臺遇召危坐達旦常參則漏未五鼓待明于門其侍丁貴嬪疾衣不解帶貴嬪薨扶喪還宮至殯水漿不入於口每哭輒慟絕廢食帝數強飯之冬喪日餉一盞不及菜果之味時風俗衰微日入於侈每二恭儉以率之衣以澣濯食不兼肉服御朴素無所繪麗惟嗜山水之勝穿築池亭於園囿之中暇日與賓從游燕香馬侯軌問曰可奏女樂昭明良久詠左

杏花邨志

卷之九

文章

五

思招隱云何必絲與竹山水有清音帆甚慚之他時勅賜大樂昭明雖拜脫而弗用出宮二十餘年無聲色之玩幼於內省嘗遇廷臣奏讞重獄因而書之易罪以杖帝聞之喜時有所赦必仁之訊免自加元服卽省萬幾文書奏報旁午於前或不以實必昭其姦然恕其咎而無一人之辜時兵興役繁日嘗愀然不安米價騰踊則必減食非衣天寒久雨則訪貧窶之人道路之饑以賑給之死亡無以斂者爲之棺槨以瘞之然皆密施時莫知之而天下幸歸仁焉其治誣人謗口之獄駁之再三而不爲之議停災與丁

役之請凜凜乎忠厚之文有足觀者因游得疾比劇猶手勤奮詔左右欲聞自傷貽帝之念噫嗚流涕薨三十一帝哭之錫以袞冕謚曰昭明建康之人奔走于宮號泣滿路四方遠近莫不痛悼嗟乎以昭明之才德而不及續成大業丕冒天下使元元蒙澤更生於兵戈喪亂之餘豈非天歟其仁心仁聞有足以淪浹民心感格天地去之幾數百年而血食一方及江東明靈陰德及於庶民靡然猶當時之慕豈非造理特深體天地生物之機相爲不息以推仁民愛物之意歟是可頌也謹拜手以獻之辭曰泰初之

杏花邨志

卷之九

文章

六

一自天先兮彌滿太極炳眇綿兮誰其得之昭明賢兮不顯其靈莫測淵兮大江之東包山川兮秀峰環合綠水漣兮我昔瞻此今安焉兮天祚仁孝歲以千兮來相池民福祿延兮精義感格靡不旋兮雲行雨施職所專兮自江以南闡神通兮惟此池民祀之虔兮翼翼祈廟輸與闔兮重堂靚深藻繪燭兮袞衣龍章冕朱紕兮願顯君王存儼然兮四時享祀靡有怠兮特性尊爵肆前進兮祥風景騷來雲耕兮幸神嘉娛賜矜憐兮惟時醴澤雨公田兮珍藹驅疫室無愆兮降福穰穰各安寧兮上方懷仁格乾坤兮諸

神受紀景脫填兮芝檢五書行昭宣兮進神顯嗣慰元元
兮福被羣生弘無邊兮勒石頌功垂無窮兮

方 謨

昌言歸安人正統舉孝廉歷官翰林檢討

重建昭明太子殿碑記

池郡之西祠祀梁昭明太子之神神蕭姓諱統梁武帝長
子舊傳昭明至秋浦食魚美因名貴池後遂以名邑嘗愛
秀山之勝既薨神附山之民曰吾昔愛此今帝錫我矣爾
民能祀我我其福之遂建祠於山之阿具迎其衣冠塋焉
唐永泰初復置池郡又自秀山迎祀于此故秀山則以祖

杏花邨志

卷之九

文章

七

殿稱此則曰郭西行祠是也民既恭祀于神神亦敷祐於
池蓋民飲食必祭水旱疾疫必禱禱則招應如響紹興初
米價騰涌時有商載米數千斛將越他境阻風江上神自
稱蕭九郎家池之郭西語商曰若之池州非特獲善價當
以便風相濟商謬諾之神遂揮所執扇須臾風便舟行若
飛神忽不見商至米既鬻詣郭西遍訪不獲忽視廟貌儼
然江心所見者自是人蓋神之正統壬戌民方合謀欲新
神廟忽巨筏順江而下乘夜入池口泝杜塢河若有人牽
挽之者蓋神有康盧二使素翊靈本廟茲豈二使之靈使

然大祇神之昭應類此其神封號在宋初榜曰昭明從舊
謚也後加文孝崇寧大觀中封顯靈侯加昭德公南渡後
又封英濟王加忠顯加廣利又加靈祐誥勅猶存俱弗稱
國朝洪武二年正天下祀典仍封梁昭明太子每歲八月
望爲神之誕有司具牲幣致祭蓋崇其正也若廟治典廢
歷代雖未能悉考邑載有麗景樓文選閣廟之殿廡堂堂
多至百餘間至人遺基泐礎隱然荆蔓中自昔香火亦彌
盛矣元季悉燬於兵迨洪武己巳歲郡守高侯始命屬吏
王仕良廟祝周良誠募緣於舊香亭之址建前殿崇奉焉

杏花邨志

卷之九

文章

八

永樂戊子邑人重建三間正統間郡守葉恩以神所致木
悉建府治慮無以答神意命知縣阮仕進及都綱僧法歸
福琪募白金八十餘兩市良木千餘方卜日營建適侯以
事去郡守盧耀來任遂令邑人郎勝許鐸董其事建正殿
五間天順癸未郡守鄧義視前殿傾圮首捐白金五兩爲
倡命齊人孔佛名持疏告境內士庶各出貨財鳩工市木
建前殿并中廊各入楹經始於是年十二月落成於明年
十月高廣如制輪奐翼然是皆佛名勞心焦思克相其成
又慮無以昭神之靈且恐方來莫知興造之由伏謁今郡

守李侯請文書石而侯事神尤謹既甃正殿之石飾神之容特寢殿未建合祀神位未正候豐年悉力成之故於佛名之請弗拒遂授子簡俾考述惟當謀因不敢以蕪陋辭謹按梁史及鍾世美所撰廟碑載聰明仁孝既詳無容置喙竊惟天生賢聖之才得乎清明純粹之氣弗為於前必彰於後猶日之旦月之夜雖不勉於晦蝕而光景常新韓子云勁氣沮金石歐陽子云不與草木同一漸盡信足徵已以神之聰明仁孝俾蚤居天位必能不員元元脫干戈而安衽席梁庶幾三代之治矣然神之不得位與年皆天

杏花邨志

卷之九

文章

九

也距神之堯梁普通乙巳至今大明成化庚寅歷五千六百七十六甲子通九百四十六年而池民賴于神者如一日雖曰盛德者必百歲祀此則清明純粹之氣與道者存與天者游天地之道恒久不已神之敷錫於池亦恒久不已就非天之所為哉天與神一氣流通神與人一誠交感是皆可書也遂拜手而書之凡其出財力者則列之碑陰并作薦饗送神之詩俾歌以祀神日池陽山水秀且清九華東引江西橫中有窟宅同蓬瀛神昔愛此來雲轡食魚而美故因名少陽之星流光晶鍾奇毓秀神挺生聰明仁

孝信史稱啓誦逸駕堪爭衡剡忽騎箕遊帝廷梁民不殺哀惻惻本溪實大施未宏帝令來池福吾氓隋唐宋元世代興巍峩廟貌皆赫靈封號一正萬古徵歲當中秋月正盈潔牲奠幣椒漿馨官民闔恭拜且迎撾鐘考鼓轟雷霆翩翩鶴駕電為旌神風颯然儼來歆百福駢錫如罔陵疵瘡不作和氣蒸雨暘時若年穀登池民鼓腹歌太平新廟翼翼金碧呈露光景福同崢嶸後代儒臣弘頌聲勒之琬琰同堅貞神化直與元化并千秋萬載翊皇明

按昭明廟中誌載舊藏於祝周氏當方太史作記時猶存也迨其後周氏居不戒於火無有矣則記

杏花邨志

卷之九

文章

十

所云崇寧大觀中封顯靈侯加昭德公南渡後又封英濟王加忠顯加廣利又加靈祐詳哉其及之於文孝之稱亦第云宋加之而已不詳所始矣吳氏耳涇涇集所為據馬貴與文獻通考而書于宋封兩制後也郡守葉公頤以神所致本自建府署而乃更莫以事此者何哉記中詳勝者即余十世祖朴齋公也公生平急公好義即邑每有興建舉公任之尤工文藻精楷書受知于民部周尚書尚書嘗奉命監造冊紙于池州雲芝嶺與公往還甚密後出征經池口維舟聘公同往公以養親固辭尚書益敬禮之及凱旋官軍俱賞賚有加獨惟公不與焉此明初事也偶讀方公記因表而識之

戴 蘇 元人

西泅聖母橋碑記

秋浦西泅澗流澗尋許際西祠而當驛道舊有橋曰聖母
水流漂蕩甃甃頹缺歲久不治過者病之邑民管氏雲父
思欲更新之歸而謀諸婦游氏捐已帑命州人揣高深計
尋丈悉更以石橋未及成而游氏即世雲父不易初志期
畢乃事龕琢甃鑿攻巧備具越二年克成又思所以壽之
者告於監邑德方公而樹之石上列泗州佛號傍識歲月
所冀者濟車途之往來壯遠邇之觀瞻亦用祈作往來者
杏花邨志 卷之九 文章 七

之津梁也以是告予予應之曰昔人濟蟻尚積陰功雲父
成橋其功積在人必將厚其報也乃為之頌曰池之泅一
葦可杭管之志用濟以梁經營構度是尋是尺不厲不揭
永矢無斁時至正十有一年歲在辛卯孟春上浣

田有麟 虞楚貴池人大名通判

重修西泅聖母橋碑記

夫橋以聖母名者豈無見而然哉昔娘娘顯異是地以濟
衆生揆厥所由始元至正十一年信士游氏者捐貲重造
歷今三百餘載其為古蹟也明矣第世遠代久不無頽圯

而往來行李實難利涉感我司李秦公喻菴重修西祠道
經是橋見其崩欹而諭之曰有此古蹟爾等神首曷不修
之亦以壯神靈亦以廣津梁乎儕等唯唯而聽於是各競
捐貲更於樂助者募之共成此果斯則聖有感靈之感里
無病涉之虞因其事關衆姓相與廓大其庭而勒石以垂
不朽云明萬曆甲寅仲冬月

袁孟懋 弘治中學博與李鼎並祀邑學名宦祠

寓思亭碑記

亭以寓思名志不忘也將惡乎不忘蓋必仰其德澤之不
杏花邨志 卷之九 文章 七

冒功業之炳燁觸物感懷若觀甘棠以思召伯惜別去以
思何武見碑墮淚以思羊祜然者池郡郡侯諱司員字宗
規世居浙之山陰登成化戊戌進士出宰唐山蔚有聲蹟
徵為廣西道監察御史雷動風行祇承簡命擢守於徽而
補於池一以愛民為本其御下也公以恕蒞政也慎以勤
省刑薄歛旌善庫惡故訟日益理政日益成名日益底于
治暇迺建郡邑學勸養濟院徙三壇遷二祠增豐濟舍構
迎春亭築翠微堤甃濟川橋行臺府治書院卸驛巡司夫
廠以至興賢育才狀元諸坊或取之贖辜助之已俸百廢

畢舉一鼓就緒丹碧輝耀光彩荷麗財不知出役不告勞
侯功蹟之顯著者類如是未幾殞於官池及鄰郡無問老
穉聞善政則思其愛民遊學校則思其養賢過院則思其
恤孤經壇祠則思其祀神觀倉廩步橋道則思其廣儲蓄
便行旅於是爭出已貲謀諸義官某市財僦工建亭于文
孝祠之右請于郡丞中山張公錚別駕德興李公珊以名
其亭胥議而扁之曰寓思亭斬余為記余惟侯之豐功茂
蹟赫赫照耀人耳目者不可縷數他日登斯亭者安知其
無指甘棠以頌德惜別去以致思望峴山碑以墮淚者乎

杏花邨志

卷之九

文章

三

夫以古視今亦猶今之視昔豈古今人不相及歟則侯之
功德直乎其足徵矣不識以余言為然乎否耶衆趨而謝
曰唯唯達于張公張公慨而歌曰侯之功如齊山之崇侯
之德如秋浦之碧百廢具興駕凌青雲常觸目而興思撫
光景之維新胡為乎使我邈然而不可親既而李公乃賡
載歌曰侯守大邦震盪八禩建功業之巍峨與太行而并
峙泐此幽亭覆石于地歌勒驥尾引而勿替冀吾侯之功
德將永垂于萬世石兮石兮庶幾無愧歌已遂併書于石
以俟後之觀風者採歸之太史云

記

呂燮雅 樂師徽州人

湖山窺園記

表池陽之西戶則曰湖山其勝與齊山相伯仲齊山之勝
在泉石亭臺游踪賞藻而湖山則湛然秋浦滄蕩霏微古
刹名邨修原蔚薄酒帘書閣掩映其間如繡錯二三里許
兩山余皆未及游游齊以志游湖以主人言之主人者何
學博董子修先生也先生嘗卜園於茲為窺園仰看山俯
酌湖傍睨竹樹雲石開砌結楹程蔬討果良朋之上下佳

杏花邨志

卷之九

文章

十四

見之左右高吟而淡讀放興而學嘯由是信履探幽騁目
望遠泉汲黃公寺游鐵佛殿閱昭明清味取諸水悅性取
諸禪博洽取諸古之聞士而猶振衣躡頂長江一碧千里
飛來翔鷺征帆羣相點綴已而霞色在林烟光極浦漁歌
牧笛乍杳乍親沽酒乎杏花之邨買鮮於杜鵑之網即不
必更誦昔人佳句而自喻適志亦足陶然徑醉矣蓋山勝
屬浦浦勝屬邨邨勝屬園是園也不窮奇葩艷卉故無廣
城崇臺不資珍禽文魚故無樊籠池沼不治歌舞不縱庖
觴故無樓榭不畜異玩不攻博技故無復藏蕭然泊然隨

時花木經世圖書茶竈香爐筆牀琴石而已則雖日涉斯園也何窺之與有而後所以爲先生者益可知也先生且曰吾祖以仙姿植學爲漢代儒宗然止江都傳耳則道德文章與名位何與焉吾誠緣薄祿長一膠欲以所受授之於多士奚當名位無論得無負吾園乎一行作吏便不由已竹籬木榻有付之佳山麗水中矣蓋先生方歌首荷關干時齒尚壯矣眸爛顏澤似三十中人則四方之足初騁進用未艾也何松竹之是顧固其道降志澹類如此先生之次子無爲君時政與余分燈而讀於其暇也爲余言之

杏花邨志

卷之九

文章

五

最詳云峇萬曆丁未春月筆記

吳非

西郊游記

先是甯子澳公期楊子嘉樹與爲西郊游未卜日也苦連雨阻不果已霽定期明日矣復雨阻楊子和詩於甯子曰何時郊晴霽踏到杏邨回意未忘於此游也杏花邨在西郊已又新霽兩日定以明日游是爲巳酉四月之十有七日甯子速余同楊子及江子雲上陸子小韓余生之延併僧兒隨同南門而西劉子左車歸爲代速其兄叔皮自西

門出及門與甯子諸人先行待於張子翰青舍余同楊子傍過自西草堂歷杏花邨後至爲嘆夫名之存而實之亡也叔皮卒不果來左車已先余至翰青兄涵一同出迎客小坐西入乾明寺禮鐵佛鐵佛始宋紹興辛未寺亦稱光孝詳余甲子游記寺東偏故有羅漢堂堂徙去久矣某方卽其址新築禪室寺復以興西至清涼境境有亭當路路可入秋浦傍樓雲菴聊以居佛已爾止而茶以楊子戒肉食不葷懸酒以待還飲西過聖母橋亦稱西湘西望牆垣丹堊兩石柱屹立橫一木藤蘿蒙密于風雨中者梁昭明

杏花邨志

卷之九

文章

六

神道坊也舊椽題額頽頽盡而柱石卒不搖相傳爲公輸班神助云西及廣唐所以祀昭明也昭明故太子謚亦稱文孝皇帝帝爲其孫晉追尊文孝宋哲宗元祐間賜號後且去已復還之叢樹茂密荒冷靜深若欲移人性情者一閱覽石刻近僧從土中得之記楊楷堯砌殿階木木文不雅馴紹興癸亥則猶在鐵佛訖功前余鈔焉爲池故實細碎如文選樓詳劉梅根記中秋迎神賽會詳余記還樓雲小飲登湖山僧見甫十齡未見江指示之曰此卽禹貢所謂江漢合流而發源于嶧冢岷山者南條水也下華

嚴菴菴亦稱西隱與主僧懸鑑坐片刻數語而行轉西門
翰青兄弟別歸甯子曰今日游事頗樂是不可以無詩因
併屬余非為之記

池州迎昭明會記 遂注記於賽會迎神事甚詳而實始於西廡故入之今成廢舉矣

池故事以八月十五日為梁昭明千秋其朔遣耆老一人
執一仗騎而告廡謂之列馬郡縣有司則以前三日躬迎
神貌于郭西廡入郭內祝聖寺而禮之是日諸家扮會迎
神者所扮為關壯繆為城隍為七聖二郎為玄壇其扮也
則各騎乘奉面具或于東門之橋或于南門之獅子口盛

杏花邨志

卷之九

文章

七

妝飾儀從惟七聖則用機械引刀穿頸貫腹而各以旗旄
鼓吹導之步梁昭明輦于西門外杏花邨之馬站坡而騎
乘以還游於通市或及郡縣之公堂薄莫而畢脫面具以
交于明年之扮者無扮者則歸之廡其妝飾儀從多自為
新製儼而舊者偶一見之其未扮也以是月朔啓面具于
家鼓吹喧日夕諸知交時過從為助喧至出會日而罷有
至十八日之晡而罷者如雨不克會則待為改期而迎昭
明期不改諸扮關壯繆者必長夫之屬扮城隍者必馬戶
之屬扮七聖二郎玄壇者則郡縣胥役豪猾有力之徒不

則亦市獍屠門也諸所扮之人有自四五歲以至四五十
餘者諸所扮之神有複之至再至三者宋郭西有神曰九
郎九郎即昭明見陸游入蜀記黃庭堅亦云池人祀昭明
為郭西九郎或曰二郎七聖合之正為九或又曰七聖為
兄弟而二郎以兩神收制之或直據西游記為考皆不可
知諸一人所扮之費有幾二百金者有少至二十餘金者
要所從來相沿已久始在池口二郎廡前掘地得面具池
口所扮以十二日集于郡以十五日游於池口是日舉市
欲狂余嘗寓於郡邸覽觀之其後當事裁夫馬而關壯繆

杏花邨志

卷之九

文章

七

城隍之會廢不興非有司稟禮奉法禁之也今年有友人
來要余曰是不必覽觀亦不必不覽觀也乃記之戊戌八
月十三日

曹有為

壬戌紀游

池陽山之大小著名者莫九華若其次秀山梁昭明太子
衣冠陵在焉秋浦繞其下隋縣以名今治濱大江西距秋
浦秀山七十里即以秀山名西門示所重也稱之以九華
名東門也西郊有杏花邨又猶南郊之有齊山也山與邨

並有唐刺史杜牧詩而清明一絕則兒童販豎罔不知此
邨者第兵燹之餘邨花寥落已久其酒盞遺蹟鉢頂屑繒
猶可指而游焉歲壬戌郡別駕田公牧園先生以治漕餘
暇率諸令嗣暨有爲鼓柁泛秋浦雨登秀山後一日爲清
明因預吟借問酒家之句越旬登齊山尋巖壑幽巽風駕
之九華陟天台諸峰池陽衆山皆一望盡矣登眺間有爲
論及友人郎子趙客杏花邨志公願得一覽全帙且期作
杏花邨游之日卽池俗造青精飯日也公曰古人學不廢
游吾人當游不廢學諸子業制義嫻詠歌何可一日忘耶

杏花邨志

卷之九

文章

元

命題授簡設几席於演武場之護國禪菴文罷飲酒賦詩
公顧樂甚令諸從善騎射者拓弓作霹靂聲登後山絕頂
雖無齊山岩壑之勝然近挹三台斜依百雉遙望九子芙
蓉青青可愛卽昔者登眺處也湖指平天水幾漲矣人謂
秋浦有瀟湘洞庭之勝此非卽秋浦之勝乎西望琳宮簷
牙獨遠者西廡也昭明靈爽實式憑之日前金燈崑崙文
選樓頭衣帶烟雲坐臨風雨以視今日興致又覺不同薄
莫言歸公命紀之紀杏花邨遊且以紀九華秀山齊山諸遊
也是亦郎子志邨之志云

郎遂

西郊雅集記

歲庚申春子擬約諸同人爲西郊游嘗因雨阻或諸友各
以事牽不暇合并也亡何春將度而夏已近矣決於四月
朔之三日壬戌了此夙懷先期致簡諸友是日子速許君
石甫錢君墨巢過舜井道羅漢山出西門長見封已先速
楊子亦震出南門候於古黃公酒壚址余屬至楊子甫與
許錢兩君面交通姓字小立予指演武場前廢跡曰此天
崇間顧太守建杏花亭處也瓦礫泥沉名幾湮沒爲歎歎

杏花邨志

卷之九

文章

三

久之錢君曰余當請郡守喻公大書杏花邨鐫之石俾以
垂將來也語罷余三四人登鉢頂山謁關壯繆廟隨登山
巔望平天湖湖波方漲望白浦圩細艸初肥與笠納山樵
話田間作苦遂從釣橋來者金子朝翰方子廷御也二子
出鍾英門過下湖駝止於教機亭同與會楊子前曰西湘
從未經游今日當勇往焉因取徑清涼境入棲雲菴主僧
存真及法弟子從古出迎烹茶小坐子起導西湘路觀茶
田麥浪步聖母橋讀元達魯花赤碑記而返復過棲雲菴
便招從古同游虎山子曰何必三笑何必虎谿卽可作虎

山笑圖也沿路看堊花辨鳥音墨巢曰此金縷也此蕨明也此山查也此佈穀也此子規也此黃鸝也徑過乾明寺故不入恐值俗客敗興耳子呼小童設酒於湖山絕頂上覆松蔭下藉艸茵觥籌交錯坐中惟石甫亦震談秦晉中古跡不倦墨巢與予或論詩或論畫或論書及交游朝翰廷御則以酒令相角勝而從古與子兒子指點遠山曰此九芙蓉峰也此檀婆山頂松也此齊山翠微亭也已而日之夕矣從古辭歸諸友亦起下湖山西麓過自西艸堂子曰旋興旋廢何速也歎歎慨嘆如立杏花亭廢跡時復過

杏花邨志

卷之九

文章

三

杏花邨志卷之十

邨人 郎遂 編輯

文章

序

余 璉 元人

重刻文選序

梁昭明享池祀夫豈徒哉如有所為者知其有文選也必人永其傳則人壽其享矣惟大德九祀予以貳御是承以墜典是詢父老具曰伯都司憲新文選之梓於燼告厥成

因相與樂之越十有三載予時備遣皇華謏詠炎服還有以梓蹈災轍而告厥廢者乃相與嘆之再明年即池故處吾歸老焉聿感逮茲徒念罔濟吾既不果憲斯道又不復政斯郡末如之何矣幾將來者豈不有我心之同然者乎未幾同知府事張正卿來思惠而為政將桓復斯集俾邑學吳梓校補遺謬遂命金五十以自率屬靡不從化心之身之度之成之播之揚之誦之詠之四方則之多士德之伊誰為之何日忘之宜有以識之奉議大夫前海北海南道肅政廉訪使余某序

奉政大夫同知池州路總管府事張伯顏助率重刻

杏花邨志

卷之十

文章

一

丁紹軾 文遠號東鶴貴池人大學士

新建鐵佛寺後殿募序

先是萬曆丙午有耆民好言民情者陳于巡按御史曰鐵佛寺當拆爲郡龍從西來嫌重壓也曰相公墩當興爲水從東去宜闕塞也郡公慨然信其言會祝聖寺僧某者與此寺僧構訟遂命拆去後殿亡何並欲移前殿前殿舊有大鐵佛長二丈餘難移則令碎三段移之余時上公車念此大佛者來數千年今不碎不可動碎之三段如來何罪于心何忍且碎之而不可更完則佛廢矣苦求留之幸黃

杏花邨志

卷之十

文章

二

郡公首肯而先所拆之後殿則余勸移之于相公墩曰除害于此興利于彼一舉兩得之術也郡公聞言大嘉賞余謬謂有善全之方爾時相公墩無寺而有寺大佛欲碎而不碎將遷而不遷實余之力云不意有修怨于寺隣人者則倡言拆寺皆余爲之而所以拆寺者皆寺隣人某使之其訛言蜚語鼓譟一棍之孝廉文學茲不忍更述而令咸人人明之無庸喙矣雖然人但明拆寺者之非余非隣而未嘗明此寺之當拆與不當拆也如曰重壓來龍龍懼壓乎此寺之後更有三台諸山皆來龍也如嫌其壓則必割

去此數山而後可乎或又以過峽轉身處破之是或然矣

而正殿旣不廢後構者必不能與正殿爭高是或無妨礙乎而余又竊聞寺之隣近有塋墓者惡之故舂爲有礙來龍之議嗟乎存一忤害之心則非拆寺而誣以拆寺主以各私其墳墓之念則不礙風水而謬云礙風水人情大抵然矣今僧人某者先索余疏裝大佛金身其徒某更欲復留後殿余樂從之且助之然不令其爲殿姑令其爲平屋僅丈四尺高蓋風水之說或未可信而鄰家墳墓或有礙是亦余心所不安也卽令曩被害鄰人典史張某及鄰典

杏花邨志

卷之十

文章

三

史廖某者董之且令今日興寺之人還爲前日受謗之人而被害之隣人今猶爲督工之鄰人也孰謂世無神明無天道哉噫嘻使人知有神明有天道則十方善信聞風布施不俟多言矣

鑄廷鑾

送湖山涵融大師序

自唐以來化人之鉗椎貴池開堂說偈者有南泉普願有魯祖寶雲有和龍守訥有景德懷義有甘贊行者而卓錫偶至者不與焉神僧邀會者不與焉池之邀靈於古德者

盛矣哉嘗見宋已前諸家有郭西禪院詩所謂西禪者當在秋浦樓以外杜塢以內私意山川有幸天必惠既化人鳴板於其地今涵融大師果策杖至矣大師出世間世於宣州來池宣教者十餘載泰和曾房仲先生設屠蘇齊山供之地日石林未幾以灰劫罷迺入三十六山之菴塢植茗導泉為樂者六七載絕口不道宗門語言文字矣池郡士大夫復迎之湖山跌坐苦龕亦又數臘今諸公醜金卜壤別創精藍瞻事大師而大師不之拒也我等凡夫可不各輸絲粟之助而慶瞻其誠乎卽以是為西禪法可矣

杏花邨志

卷之十 文章

四

引
柴望 雲岩仁和人山丁亥進士官池守歷陝西按察副使
重修西廂募引

子治池池上有梁昭明文孝皇帝廟僻西郊隅樹木叢深徑幽邃古礎藉荒艸宋元明所立碑露風雨中苔錢蘇斑剝蝕字欲滅崇禎末左兵之後惟寢殿僅存棲神而已明池守祁司員所新兩廊鐘鼓樓烏有矣子自公之暇一稽志乘貴池以昭明食魚之美而立名是池州之名池因於貴池池之貴因於昭明錫封也世所行昭明文選相傳此

杏花邨志

卷之十 文章

五

本選於池故寢殿前舊有文選閣貯其版大德九年同知池州張伯顏重刊此本以行有由也池志失載名閣亦久不存矣顧又聞梁大同時昭明常降神於秀山之民故秀山始請立廟與冕服陵近又嘗陰召米船救池饑一以刺客見夢於明四川巡撫孫仁孫警備得免於患一以秀山陵地被侵三見夢於明孝廉韓理韓白之貴池令史鳴臯斷還侵地孫池人韓池之銅陵論則昭明之神靈於池祀於池豈徒然哉池故事歲以八月十五日為昭明誕辰十二日迎神既奉祀於祝聖寺知府事者率僚屬躬請駕今

予主其職行朝請禮禮畢一二生前揖而陳曰累朝贈封
絹勅珍藏幾五百年至崇禎末乃燬鬱攸矣明沿累代每
歲遣內臣不無擾於郡縣郡縣患之池縉紳請罷內臣遣
歲命府主祭謁如禮今池入大清版輿而故事相仿是亦
所以代朝廷也一二生因指寢殿之頽墜爲子言曰是治
也者事矣是治也者事矣願與寮屬共襄之併以告諸鄉
先生洎文學父老焉

姚子莊 六康歸善人宰石埭十餘載江東人士爭附門
牆卒後隣邑受業章兆荃請衣冠葬于太朴山
鐵佛寺重建山門募引

杏花邨志

卷之十

文章

六

池郡鐵佛寺者創自唐朝額名光孝乾禪師開山卓錫哦
松之翰墨如新墜儒士暇日來游題壁之珠璣尚在宋紹
興之代鑄佛二丈餘尺發願於武人明嘉靖之年費鐵八
千餘斤補鎔於善士嗣後黃堂捐俸白屋施財象踞龍蹲
莊嚴莫尚琳宮寶殿漸次增華函香載塗鏗鐘徹旦誠羣
生倚爲福庇一郡借以壯觀迄於明終聿當世變黃巾寇
起緇室災延鎊馬金戈聲振武安之瓦朱甍繡棟塵埋賢
劫之灰菩薩故自低眉金剛徒爾努目幸未盡成初地猶
可再煥前猷皇清戊戌有白漢和尚者戒珠素潔忍鎗堅

維狗善信敦請之誠謀恢復喬皇之計入寺而免葵燕麥
徒管領乎春風登塔而斷礎殘垣空飄零於夜雨乃克勤
募巧僅略具規模柰禪堂法侶寥寥幾個經翻對月卽香
積烟沉寂寂誰言鳥下空庭詢之形家翳惟山門之故否
之輿論僉曰改建攸宜但工藉布金乃成力匪量沙可就
綴裘集翠聚米爲山若非廣告檀那詎能遠崇締構或傾
白鏹或捐紅朽或出豫章之材或捨河濱之器庶幾成之
不日入門無復舊經營苟能捐助如雲廢刹盡還新氣象
嗚呼滄桑屢改嗟廣積以何爲日月如流悲浮生之若夢

杏花邨志

卷之十

文章

七

無虛善果早值良因將見寶額輝煌山門前重題鐵佛之
字宏功彪炳他年後復呈金粟之身矣

啓

郎遂

請許漱雪農部游杏花邨啓

水漲波平艸映池中盡綠春回風煖花開邨裏齊紅好景
無虛應宜策杖良辰堪紀所在留題恭惟某才高三楚澤
沛八閩出處眷戀南邦衣冠告辭北闕高山之仰原非一
且浦水之游期在今時典型願奉先生步趨愧稱小友茲
屈文軒而夙駕特開選閣以登臨牧唱前岡踐杜樊川之
遺蹟蓬吹古寺和貢文靖之高吟登湖山而眺長江彷彿
詞源倒映攀鉢頂以瞻齊巘依稀文陣奇峰雙溪魚躍鳶
飛益增活潑之致九子嵐光翠色悉在指顧之間中古洲
前每憶圓沙應讖汲泉壚畔空留易代興嗟郊原博一日
之游踪邨史傳千秋之雅話願聆首倡用效齊巘非惟地
主歡騰抑亦山靈幸甚

杏花邨志

卷之十

文章

八

農部漢陽人幼讀書即成誦一日啓書詩句忽放異
香或紅光射粉壁種種瑞事崇禎庚午舉于鄉丁
丑成進士初宰溧陽會權貴以私憾交怨庚辰上
計謫晉藩幕再遷開化法曹壬午分閩文武兩
頭皆出其門尋陞戶部主事甲申御史薦舉大理
評事不就遂解組築遊園于海陵所撰文集爲貴
石齋陳卧子李映碧曹秋岳許天玉諸君評閱行
世今來游秋浦年登大耋與遂訂忘年交云

檄

劉光謨

觀明試門人州牧

續春遊檄

崇禎辛未誤

人世期歷年於百歲從來百歲希逢春宵酬一刻以千金
過後千金難買現今老成在望自昔曠達知名胡當逾稀
逾耄之暮齡頓乏樂水樂山之逸興道上樽罍絕跡若風
雨助我呻吟郊外車馬無聞令禽鳥笑人寂寞酒酒皆是
鬱鬱謂何豈修途未盡坦夷抑恒情自多拘繫力疲憊遠
猶怪取笑坊隅性懶厭煩且不隨人簡便權娛每際違於

杏花邨志

卷之十

文章

九

此日牢落竟惆悵以終身思前同社風流已成陳迹念茲
下春日短更待何時忙趁九十韶光力破萬千俗障志追
淡泊習炫紛華會號八仙月凡再舉六品戒殺兩席同餐
飲處僅携二榼相從倦時另備一茶爲餉送爲烟霞賓客
不速自來互作風月主人如期過往盤桓務盡一日之長
游觀不越數里之外傍花隨柳會心即便與借遠勝尋芳
覲面莫容錯過東西南北任其所之動植飛潛視皆吾侶
且行且止聊與人同奚必方前人之駕一觴一咏惟求自
適何須擅作者之場行厨率意毋庸費杖頭之十千彈塵

清談但各罄胸中之一二酒酣罷去覺宇宙之無窮與盡
歸來識盈虛之有數履底可領畧一方目前足馳驅千古
會誠良矣樂莫大焉况屬舊交原非難事風光過耳易度
景色樸面堪憐願隨君漫爾徜徉勿謂我徒然潦倒

按游檄雖非專為杏花邨作聞公解組歸其游覽
不越湖山杜鵑之間故此檄亦當採入以志高風

箋

陳錦宸 秋潭豐泉人明經

約友人游西郊小箋

時維季春景物暢茂經丘尋壑逸士之曠懷拾翠採芳雅

杏花邨志

卷之十 文章

十

人之佳事爰諷良日敬迂高軒齊山古洞悉蔓沒以難登
西郭晴郊頗曠遠而可樂杏花邨裏荆火之遺蹟猶存文
選樓頭太子之芳型未遠艸盈平坂映日鋪茵麥秀前疇
迎風舞浪莖花鬪艷交呈爛熳之輝好鳥爭鳴互奏笙簧
之韻若乃湖山縹緲俯雉堞而盼長江鐵佛莊嚴叩乾明
而降寶相三台屹其鼎峙九子矗其插天窳堵望而竚立
精籃結而珠聯則尤吾郡之巨觀而游覽之勝樂也况有
優伶彈絲雲鬢度曲觥籌迭陳履舄交錯揚風屹雅雖難
希乎曲水之遊作墜流觴亦庶幾乎蘭亭之祓

疏

劉光謨

西廟募華蓋疏

威靈顯應功德永垂池民共切瞻依西廟特嚴報祀每逢
八月初旬更迎神而賽會近賴十方衆姓均施力以壯觀
乘輿載飭儀駕聿新加以冠蓋之陸離蓋稱士民之仰望
惟御蓋尚缺供奉致人情猶抱躊躇緣議論之既同矢貴
財之是助惟祈出之慨然庶幾功成遠矣頌巍巍之聖德
擬罄揄揚闕惓惓之羣生尚彰覆庇

杏花邨志

卷之十 文章

十一

讚

吳非

杏邨獨吟像讚

倚石爲几伸千百尺之紙吮毫而欲泚方將吐詞點墨而
未已杏邨者其故居里也想拈題當有取諸此吾以觀之
郎子考古今而志所終始頗勤勤其勿怠

叶以

教

周 疆 競菴仁和人郡丞有秋浦唱酬集

募杏花邨種杏樹教

照得杏花邨自杜公留句而後遂成千古名區聞其風者
多溪卧游之思官其地者恒切春行之想但歲年既遠剪
伐時侵世俗不文栽培絕少廉纖暮雨止潤桃花搖曳東
風徒翻柳葉寥寥邨墅無枝留燕燕之飛寂寂江城何樹
聽鶯鶯之語竹籬幾處誰停黃犢之車茅屋數間空颺青
帝之影茲者時際雍熙人安康阜言瞻古陌綠遍桑麻一

杏花邨志

卷之十

文章

三

望新疇翠彌菽麥擬舫韻事點綴太平廣募士民董率種
植或一戶而獨栽數本或數人而共樹一株其有闔屬紳
袍願襄斯舉者名園購得九稱天上瓊葩別業移來不數
人間朱艸務期旬日之間齊列千章之盛庶幾長隄十里
爛若紅霞平楚三春粉如絳霧玉壺人醉都太吟詩金勒
馬嘶爭來問酒

上梁文

姜可久 又久號斐園貴池人

擬重建文選閣上梁文

文心相參大放才人之手筆選體合一聽操觚者之丹黃
事初始于昭明蕭梁獨稱太子勞分裁于學士劉庾等有
十人寄游蹟于貴池垂將八代藏著書于魏閣藉以千秋
在唐制盛行家誦五臣集注况元人傳本州來貳郡重鐫
伯顏率屬捐金余璉抽毫為序既滄海桑田之屢改遂層
樓貯版之無存特購遺書復基故址為命匠而鳩工規仍

杏花邨志

卷之十

文章

三

舊制雖竹頭與木屑費勿煩民爰卜吉辰落成興頌

拋梁東 朝暉日起照玲瓏天運有時為草昧遺編尚可

啓鴻濛

拋梁西 斜陽入艸復朝隲莫道時光難再得老人秘閣

杖高藜

拋梁南 擁書萬卷性沈酣何假百城當一面眼通天地

並成三

拋梁北 得意忘言心已默文章大運不終窮自古迄今

傳筆墨

拋梁上 朱薨碧瓦矗千丈立身高際問青天搔首踟躕

空四向

拋梁下 樓前素練長江瀉抹將一筆画成圖烟水光浮

無晝夜

伏願上梁之後羣賢畢集先哲重光觀人文以化成攸關
治術披典籍而稽索大益詞場棟宇巋然殊高士夫之間
望雨風時暘其樂父老之登臨

順治間嘉善錢公黼由進士司李池郡以此題試
邑學諸生擬建文選閣于西廡併重鐫文選版行
世因海氛犯池未果然此題僅有此文可備故實
以啓來者

杏花邨志

卷之十 文章

三

墓誌銘

成 梁 二鴻無錫人崇禎癸酉孝廉自稱東林遺老司
鐸舒州

明郎隱君墓誌銘

猗與先生孝友性植經濟學成其以隻身匹馬從容談笑
退十萬師而保孤城有豪傑士之才及塵跡一官卷懷明
哲歷三十載而娛山水抗隱君子之節如先生其合魯仲
連赤松子而為一人者與秋浦之陽杏花之邨地淑人靈
子子孫孫千年萬世實此貞珉

隱君夫婦原塋西一保水冲徐太史
有墓表今杏花邨復為衣冠塚云

祭文

法若真 黃石山東膠州人五經中式江南方伯

西廂祭梁昭明太子文

康熙八載秋八月十二日余小子來自金陵至於池池人
咸社祀昭明太子謂十五其皇揆也因渡皖江不克潔羊
豕乃率爾為文以祭之文章同心千古為昭揚厲無思懼
弗神聽嗚呼天地處升沉而或變文章歷治亂而莫易豈
天地之道不勝於文章豈文章之理足勝乎天地天地者
氣為之也文章者主乎氣而勝於氣者之所為也發天地

杏花邨志

卷之十 文章

四

而先見乎文章故龜馬肩足蒙象于兩儀之始分天地而
後有文章故六爻八卦分錯而麗星辰華嶽之終伏羲神
農所不足者堯舜繼之堯舜所不足者禹湯文武周召繼
之禹湯文武周召所不足者孔子孟柯繼之孔子孟柯所
不足者一變于荀楊再變于韓歐諸儒其中晉魏梁宋之
間天地之道不可見而文章之理迄於終窮數百年剝復
之幾天不得不生太子以羽翼文章之道人又不得不窮
太子以帝王之位而故處太子於文章之士以挽天地之
終以開文章之始此前有荀楊後有韓歐諸家所植于太

子之發明以不墜一綫于茲者亦岌岌乎其危之也嗟乎
余少不喜晉魏以後之辭初學楊雄不能挾其幽而去之
讀蘇子不能獲其縱橫而去之讀司馬不能晰其條理而
去之讀柳子不能破其堅僻而去之讀韓愈不能沁其神
理而反覆於諸子百家上下於六經之典則而復惘然終
無所益丙戌秋侍中祕乃讀太子文選樂其華矣亦疑其
所發也游其美矣亦恍乎其著也挹其洋洋矣亦容與
乎其泛泛也而猶未有所從也徵之以先王之陳說與
諸君子賢者之發蒙從容乎風雅之域而翱翔乎山川艸

杏花邨志

卷之十 文章

五

木君臣父子兄弟正變之類出入乎詩書而潤澤乎春秋
易象之繁以及變風小雅之哀樂而猶綴之升歌管象而
播之金石使五倫不載胥于喪亂禮樂不盡壞于流亡余
乃撫卷而嘆曰太子之功其恢恢天地哉所可異者文章
或見于一日而其人不可得于聖君賢相之遭逢其人不
可見于一日而其文章又傳天下後世之聖君賢相而讀
之而復思見其人即有其人矣而用違其才弗克行其所
志以或逆乎川岳降生之靈嗟乎此長沙之痛哭而離騷
所以繼小雅之悲憤而作也向使太子承大統南面稱孤

一時南北諸儒盡致高位執法術孰錢穀孰六卿孰外執
事遠佛教之邪說遵文章之大經以治天下亦未必無上
理然太子雖有治世之才而諸儒不盡撥亂反正之士凡
一太子之賢而處家國難反之勢恐大之不能及兩漢之
風小之拯南北之危疑歸之于綱紀太子亦必熟察之俯
仰古今揣度國運內求之堯舜有為之姿與外觀之諸臣
輔佐之所學而知梁家天下不過一片石頭僅告悔過于
祖宗而故翻然與游談著作采之春華秋露之文朝摘美
蓉暮抵白沙食池魚而嘆美攀名山而徜徉使天下文章

杏花邨志

卷之十 文章

六

之道大集于文選一書亦使天下後世讀其書者思見堯
舜禹湯文武孔孟之道庶幾其未墜也太子固于辭帝王
之日而知天地之道可留于匹夫太子固于登樓著書之
日而知文章之理不毀于俎豆嗟乎道勝于氣而氣盡於
理天地之所以不窮文章之所以不大變也今日者小子
承乏茲土以從事秋審之典過池水之陽邂逅太子之初
度而登降乎俎豆之光大夫踰躄士女穰穰鐘鼓煌煌羽
毛揚揚亦不知太子為誰家之君王而亦不知梁太子之
文章其何以至今日而終未淪亡嗟乎文章其可忽乎哉

書事

張邦基 宋人

書廟祝一則

東京城北有祆廟祆神本出西域蓋胡神也與大秦穆護同入中國俗以火神祠之京師人畏其威靈甚重之其廟祝姓史名世爽自云家世為祝累代矣藏先世補受之牒凡三有曰懷恩者其牒唐咸通三年宣武節度使令狐給令狐者丞相綯也有曰溫者周顯德三年端明殿學士權知開封府王所給王乃朴也有曰遺者其牒亦周顯德五

杏花邨志

卷之十 文章

七

年樞密使權知開封府王所給亦朴也自唐以來祆神已祀于汴矣而其祝乃能世繼其職踰二百年斯亦異矣今池州郭西英濟王祠乃祀梁昭明太子也其祝周氏亦自唐開成年掌祠事至今其子孫分為八家悉為祝也噫世祿之家能箕裘其業奕世而相繼者蓋亦甚鮮曾二祝之不若也

時藝

黃一鶴 山樵吳縣人

牧童遙指杏花邨

邨以杏著即遙指而心醉矣夫杏花之有邨行人非不見也惟邨有酒非牧童則不知也一為遙指醉鄉不在望乎且入當風雨蕭蕭之際徘徊道左荷蓑何往牧豎歸來酒債尋常青帝難見甚無聊矣一啓口而或者示我周行心焉數之非即此小橋流水間乎如行人之借問酒家斯因清明時節也香車寶馬並馳陌上之風光此獨何為適際

杏花邨志

卷之十 文章

八

一時之春雨即駕言出遊其不期然而然者有如斯矣抑肴核樽罍各記芳時之勝事彼何不幸更逢曠坐之蕭條即于焉征邁其不期致而致者又有然矣爰有牧童若不忍其欲適之無從也為之指以明岐路之無妨抑甚憫其投足之無地也且為遙指循幸前途之可即於是道中相遇事不盡傳從此同行景猶堪憶芳枝倚旒偷出墻東此杏花也非烟非霧掩映紅妝雨中之杏花也白雲羊舍牧兩兩以歸來犬吠柴荆客行行而且至即牧童遙指之地也夫楚外之邨不一此何以杏獨傳倘所謂前陵美酒巖

金香者卽此杏花邨曠乎倚彼當爐欣然索醉且與花而
 酬酢焉縱墊藪山肴漁樵雜坐所不論矣且邨中之酒家
 亦不一又何以杏共名倘所謂小槽滴酒珍珠紅者均此
 杏花邨店乎取彼杖頭願言旣旨且慰花之寂寞焉卽狂
 歌屢舞杯盤狼籍所必至矣由是牧童復過而相慰曰向
 者行道遲遲載渴載饑得無興致之稍減乎余爲指焉猶
 慮道之云遠不意君子果至止也杏花無語爲之招矣可
 卽以杯酒勞之由是邨中之牧童羣過而相告曰日將夕
 矣牛羊下來或者歸途之尚遠乎從茲逝焉不妨故轍是
 杏花邨志 卷之十 文章 尤

尋竊恐君子之戀杯筆也杏花欲泣賦將別矣可卽倩所
 遇之牧童謝之嗚呼且看欲盡花經眼莫厭傷多酒入唇
 牧童真解事矣花徑不曾綠客掃蓬門今始爲君開杏邨
 寧無主乎爲之歌曰昔我來思花兩弄弄今我日歸花首
 滿衣回首杏花亦不覺神情撩亂矣

杏花邨志卷十一

邨人 郎遂 編輯

戶牒

戶部洪武三年十一月二十六日欽奉聖旨說與戶部官
 知道如今天下太平了也止是戶口不明白俚致中書省
 置下天下戶口的勘合文簿戶牒你戶部官家出樣式那
 有司官將他所管的應有百姓都教入官附名字一一寫
 着他家人口多少寫得真着與那百姓一箇戶牒上用半
 印勘合都取勘來了我這大軍如今不出征了都教去各

杏花邨志

卷十一 戶牒

州縣裏下着遠地里共點戶比勘合比着的便是好百姓
 比不着的便拿來做軍比到其間有司官吏隱蔽了的將
 那有司官吏處斬百姓每自趨避了的依律置罪便拏來
 做軍領此除欽遵外今給半印勘合戶牒付本戶收執者
 一戶郎禮卿池州府貴池縣杏花邨居住

男子四口

成丁二口

本名年五十四歲 男貴和年二十八歲

不成丁二口

吳非

戶牒歌

天下太平不出征當使百姓歸農耕大哉王言救
下部司徒戶口欲分明家為給牒與收執貴池畿
內遵先行安字二百有二號半印全押篆文清與
者誰姓名杏邨郎禮卿事產只基屋男婦六口兩
成丁洪武初來三百載其後謹藏傳至今我為覽
訖三太息不如一紙猶得垂雲仍嗚呼不如一紙
猶得垂雲仍

杏花邨志

卷十一 附錄

四

陳元鍾

書杏邨世系圖後

郎氏世多賢煥煥照千古或以耆耄傳微言箴臺
府或以勳畧著荷戈稱禦侮尚有俠烈者單騎造
猛虎談笑退雄兵辭榮歸田圃今閱世系圖忽焉
為起舞簪在山陰行得與日月觀舉世盡斯人天
不煉石補

甯士玠

介夫青陽人與兄士瑜俱以積學者

過杏花邨郎仲久隱君故里

郎子趙客負才名余兒子霖自皖歸手其
詩篇見胎秀氣盈眸才鋒肆出始杜紫微
後身耶今過其先世故里並獲讀先大夫
傳誄高行隱德無愧古人蓋淵源有自矣
因感賦二
十韻寄之

秋浦鬢髮似瀟湘杏花邨裏處士莊水碧山丹鍾
瓊異中有璧人吟縹緗吟成錦機七襄織紫鳳翩
翩舒彩翮聲名藉藉江淮間誰其知者由祖德惟
君之祖蘊至性雞鳴盥櫛勤溫清浣滌裙屨老不
懈孝謹還過萬石慶質行雖非游俠侶每逢緩急
亦輕與遨遊偶托鳩茲邑流離曾拯難中女貧來

杏花邨志

卷十一 附錄

五

不肯拾遺金惡其棄地待其人待之不至不為已
買絲繡佛且飯僧無端左帥忽翻然百萬貔貅塞
江邊劫畧居民甚豺虎城頭日夜愁烽烟備兵程
公行募客何人能作魯仲連惟公應募單騎去談
笑一發迴戈船後來程公晉中丞蕪關開府建節
新念功題公不受賞拂衣長嘯終隱淪嗚呼孰謂
醴無源孰謂芝無根如公節行宜昌後不在其子
在其孫他年名成膺顯秩大書先德光碑碣古今
雪夜發浩歌古道猶疑照顏色

江表 釋舞九華人

湖山歌吊郎仁孝先生

諱必光號亮菴私諡仁孝先生

我登湖山山上頭極目但見江雲流江雲浩浩蕩

胸臆大地烟霞一望收中山先世曾居此背枕湖

山面湖水杏花邨裏雜漁樵漁歌牧笛聲盈耳祇

今遷徙改風光花發猶聞邨酒香何人月向湖山

過醉臥花茵送夕陽仁孝先生愛花墅山莊別有

梅之渚時時載酒杏花前寄懷常愜漁樵侶信步

還登湖上山觀空塵世舒襟顏何當化鶴乘雲去

杏花邨志

卷十一 附錄

六

不共湖山相往還

華黃 中涓無錫人池州教授

過杏花邨懷郎亮菴處士

重過杏花邨心傷舊郭門主人已長謝花事向誰

論烟月谿山老風霜竹木翻得借天下士令子暨

文孫

傳奇

王爾綱 紹李建德人

杏邨醉雨

生扮杜牧之冠服帶二從人上每逢佳景便欣然詩酒

相酬興欲仙最喜政間官舍靜齊山游罷又湖天下官

杜牧表字牧之本貫萬年人也曾作阿房賦遂得解頭

頗參澤潞謀見知名相重舉賢良方正之科累遷史館

修撰之職日今出刺池州號為紫微太守且喜政簡刑

清自公之暇得以留覽山水嘗攜茶游金碧洞有袖帶

杏花邨志

卷十一 傳奇

七

霜林之句提壺登齊山有江涵秋影之句此亦不過偶

然乘興觸為此語有何佳處聞四方傳誦大抵詩因名

重耳笑介這也罷了昨偶扁舟平天湖上風物絕佳又

聞西郊最多古蹟欲往一游只是人知為太守亦落俗

氣我如今不免換了巾服仍同舟子前去大家散淡一

回豈非生平快事左右可喚舟子過來舟聞得招舟了

忙來聽指揮舟子叩頭生我今欲往西郊只你同去毋

作尋常遊客路上只以相公稱我便是舟曉得生換巾

服云正是山水羞沾紗帽氣陶然一醉有餘歡生舟上

岸左右先下生你看條風布煖。霏霧開晴。泥燕紛飛。流鶯百轉。又是一番景色也呵。

新水令生東風靜。細柳舒眉。乍流鶯。歌聲如吹。纔離了湖水地。又早到。画橋西。芳草迷離。又恰正是清明天氣。下

步步嬌丑扮牧童上終朝陌上閒遊戲。短笛橫牛背。自家牧童是也。不免帶了牛。往西郊走一走來。青鞋不惹泥。

踏破深紅。穿殘綠翠。乘興縱鞭馳。何須寶馬拖金轡。下

折桂令生同舟子上行樂處。油壁輕肥。慣游的。揆盒搗壺。帶幕張帷。呀。雨來也。又只見鴉亂驚啼。蝶愁倒墜。燕阻斜

杏花邨志

卷十一 傳奇

八

飛不免在小亭歇息片時。行人走科你看行人路上。好恹

惶也。一陣陣帶雲來。沾衣欲濕。一點點借風至。吹而難

支。此時須得一酒家痛飲方好。欲暢我游思。須尋個酒旗。

你與俺忙問那舊日黃鸝。又何妨效古人。便解金龜。對前

面有一牧童來也。待我問一聲。

江兒水丑上寒煖輕。相遞陰晴。變霎時。等閒間。隱却了春

光媚。舟牧童丑甚麼牧童。面上有牧童兩字麼。舟你不是

牧童是誰。丑如今的牧童大了。本府太爺也叫做牧童之

舟。就叫你牧童哥。借問一聲。酒家却在何處。丑驚笑云

原來是問酒麼。我只不說。你若酒。須邀我吃一杯。方

可教你舟待我與相公說知。向生說介生有何不可。就

叫他同去。舟向丑說介丑待我繫了牛來。等閒間。復見

了春光媚。問旗亭。却藏在溪林內。到前邨。便買得青帘醉

相公酒量好麼。舟何消說。丑你是個海量無疑。舟你却

插不上。丑也須要倩牧童作對。生就此同行。一路古蹟。

你可曉得。丑畧知一二。生細細說來。丑那是虎山。

雁兒落帶得勝。令生俺只見虎山峰。聳秀姿。丑這是雲嶺。

生俺只見樓雲嶺。橫天際。丑這是土城。生俺是見土城

杏花邨志

卷十一 傳奇

九

邊桑柘垂。丑那是古塢。生俺只見古塢中。泉香沸。丑這是

文孝祠。生俺只見玉瓶兒。現貯在文孝祠。丑那是西禪

寺。生俺只見西禪寺。有鐵筵吹。丑那是杏花邨了。生俺

只見滿邨坊。霞成綺。俺只見出墻頭。錦作圍。似這等雨洗

後胭脂膩。更勝那日照來。文繡披。堪題俺待要蘸霜毫。詩

言志。休喚。拚一個倒金尊。酒沁脾。

僥僥令丑桃紅何足美。梨白未為希。文杏千株。誠堪異。生

是何年種的。丑也不記是何年種得的。是何年種得的。

收江南生呀。早知道這般樣。絕盛呵。又何必上林枝。近人

傳杏花邨有二。都在金陵。一在鳳凰臺下。一在芙蓉山
畔。未有如此之盛者。休誇那鳳凰臺下碧參差。芙蓉山
畔綠依稀。這花邨最奇。這花邨最奇。真不愧名流相賞共
題詩。丑來此已是酒家。相公請進酒。保拿酒來。保難道你
也同吃酒。丑這位相公。特邀我來。薦到你家。爲何反輕
薄我。快拿酒來。

園林好丑正對着珊瑚滿枝。須斟取真珠滿杯。擺列鮮餚
美味。任解下杖頭費。又保酒到。生你兩人都坐下。丑須行

二令纔好。生甚麼令丑各人將本事吟詩一首。生你就

杏花邨志

卷十一 傳奇

十

吟來。丑吟詩云。草鋪橫楚六七里。笛弄晚風三四聲。歸

來飽飯黃昏後。不脫蓑衣臥月明。生這是古詩。丑如今

多少人抄寫舊詩。豈但牧童。生休得取笑。丑相公請吟。

生我就將今日即事咏一首。吟詩云。清明時節雨紛紛。

路上行人欲斷魂。借問酒家何處有。牧童遙指杏花邨。

丑妙之極矣。舟你曉得甚麼妙。丑多少人看詩。一味叫

好。又豈但牧童舟一發胡談。丑老兄請吟舟我不曉得

做詩。丑明日倩人補一首來。生休得取笑。且自飲酒。

沽美酒。生論人生須及時。恣樂情。莫待遲。雜坐開懷一餉

爲晴和雨。難預期。漁與牧。盡忘機。看當前。花開如織。一霎
時。花容盡濕。趁今番。花香共惜。待來朝。花梢淚滴。因此上
情狂興怡。怕零亂。心慵意痴。丑酒來。保酒到。生俺呵。願朝
朝典衣。但日日。脚卮。呀。這纔是小杜君。勝游情事。天色已
晚。舟子將杖頭錢解與他。就此回舟去也。保錢太多了。
生拿去。保謝相公。丑承攬了。我也收拾牛去。生你不清
等我。我緩緩兒行。牧辭先下。

清江引。生風流太守無人識。帶雨同花醉。遊遍杏花邨。已
盡西郊致。願留贈後來人。還復爾。並下。

杏花邨志

卷十一 傳奇

十一

十一

杏花邨志卷十二

邨人 郎遂 編輯

雜記

或疑杜牧所游杏花邨在金陵詩人張南邨寓池因詢之
張曰予金陵杏花邨在江寧縣治西逼近城隅第好事
者訪古種杏因以名之耳故張游池州杏花邨詩云金
陵亦有杏花邨恨少詩傳似秋浦
漳湖范又蠡龍山看杏花賦有云歷秋浦之名邨蓋池州
之杏花邨盛於昔而皖江石塘邨之杏盛於今也

杏花邨志

卷十二 雜記

張鹿牀明府云江右玉山縣亦傳遙指處余按廣輿記泊
名勝諸書皆未載吾郡實以牧之刺池得名故他處不
得爭耳

按廣輿記載池州古蹟曰杏花邨在府城秀山門外杜牧
詩遙指杏花邨卽此文選樓在府城西昭明太子建
按鹿田主人所輯輿鏡載貴池古蹟列虎林城秋浦樓文
選樓杏花邨昭明釣臺

按大明一統志載聖母橋在城西四里文選閣在城西五
里昭明祠在焉俱以古蹟故不遺也

三台之中台名虎山見舊鐘磬鑄字俗人指爲吳虎林城

地似誤按虎林城當在今李陽河不必附會于此

湖山之麓邨農掘地嘗拾古硯相傳爲宋貢院試士所遺

者

湖山或曰當作胡山昔有胡將軍屯兵於此故名

龍眠揚臣諍所刊龍文鞭影有渡傳桃葉邨名杏花之句

自注略云唐杜牧鎮秋浦清明日游杏花邨地在池郡

秀山門外併載明太守顧元鏡五言律詩一首

按秀峇袁氏家乘載袁雲鳳由唐武德進士歷仕池陽遂

杏花邨志

卷十二 雜記

家焉郡北舜井街是其故址雲鳳卒卜葬杏花邨其後

遷華西之陽明溪萬曆甲午袁德顯登賢書

池諺傳杏花邨有井泉可作酒沽自呂純陽投飲邨店中

索酒不至因題井水當酒賣之句自是泉無酒味按徽

州府亦傳此跡

先郡丞文韶公仕宋季入元築煥園隱居杏花邨里人汪

民祇嘗謂遂曰昔見邨童拾古圖章上鑄煥園二字邨

人張翰青又謂遂曰昔邨農耘田得錢器形似雲版上

鑄有宋年號及郎字餘莫辨

青陽趙邨張氏稱望族洪武初遷自杏花邨有祖墓在貴池城內關壯繆廟傍見族譜後人張思曾由孝廉官曾山大尹致仕歸里有過先世故宅詩

友人來自營平搦泰陵公署碑記見貽其序事略曰予家世居杏花邨嘗欲僦樊川杜公經游處築環堵室誅琴蒔蔬琴書自娛矣不意於冷宦時能作如是觀也云云此亦吾鄉宦蹟故存其略以備考

杏花邨陳潤唐時人與杜荀鶴為姻婭今閱揚州府志有陳潤登栖靈塔詩曰塔出招提登臨碧海西不知人

杏花邨志

卷十二 雜記

意遠漸覺鳥飛低稍與雲霞近如將日月齊遷喬未得意徒欲躡雲梯惜未詳里居錄之存疑

桐城周曰赤弔黃侍中詩結句曰谿畔祠堂何處是翠微峰外杏花邨今文貞公特祠在東門外距清溪五里杏花邨在郡治之西余擬請建遜國三忠祠于湖山之麓祀侍中黃公觀給諫陳公敬宗侍郎金公焦以三公未嘗合祀亦闕典也

明陳中翰士祥工書法嘗自署杏花社陳某見諸詩幅題楔間士祥貴池人所著有成仁錄燕游艸八傳贊詩稿

顧太守飲杏花亭乘醉獨步清涼境偶遇女子因問何故畫行女誦豈不夙夜畏行多露之句命之顧公因戲題浥露亭於壁間

青陽扇海內爭寶之嘗乳金画池陽諸景圖而杏花邨酒圖居其一鷹阿戴本孝有青陽扇詩九華漢製占難求此日青陽隔歲收濃染楮皮山柿液縷分竹肋水蔥頭映將殘照顏如醉惜與芳蘭氣未投更有方圓還五色一般金碧細來勾

余笥中藏有香筒周圍雕杏花邨圖鏤刻精妙誠為高手

杏花邨志

卷十二 雜記

四

惜不得姓名以傳吳璽齋先生有詠杏花邨圖香筒詩見藝文

劉坦心慕樓居無力購之文徵明寫層樓見貽嘗縣置草間名曰神樓楊慎賦有神樓曲今此画人爭以十萬錢構之是真樓勿若矣廣陵孫鼎擬構一閣不就彷彿明神樓圖作想園圖沒後子繼登追慕先志更命為想想園祭酒吳偉業觀察宋琬並為文記之余喜邨居江上名人嘗作杏邨別業圖置余讀書其中古今事亦略同也

蕉窗詩話曰以賢刺史如杜牧之携茶游洞問酒花邨自是千秋佳話但清明一絕第三句借問酒家蓋從路上行人言也四句一氣如李白詩橫江館前津吏迎向子東指海雲生郎今欲渡緣何事如此風波不可行皆一氣轉執此以謂刺史自問則泥矣

李侍御題史岩詩曰重來游宦地歡舞動成羣鳥避新驄馬花迎舊使君翠微晴帶雨蒼玉暖生雲猶記東風夜尋詩過杏邨味詩意侍御曾游杏花邨賦詩而後登齊山也惜其名與杏花邨詩俱不傳或疑侍御為李雲貴

杏花邨志 卷十二 雜記 五

溪人弘治間由進士司李池郡擢監察御史重過舊地賦此詩也

唐一沂曰萬曆時池州有謝癱子臂常就地以手襯足而行人恒憐而與之食丙寅冬偶拾遺金二十兩越宿見有一倉皇呼額而至者問曰君為遺金人乎固存無患耳客不勝欣慰忙作揖申謝癱子竟忘已之廢疾起而奮禮迫揖起而其下體忽伸自移足試之竟能潤步矣嗣是以風鑑擅名言人休咎悉驗人疑為神授云或曰謝為杏花邨人錄之存疑

杜荀鶴舍前椿樹生芝艸明年及第以彩飾之貯於盤中列於几上號曰科名艸杜嘗築別業於杜鵑此其逸事故錄之

唐人謂杜荀鶴詩三百首妙在風煖鳥聲碎日高花影重一聯近有人作杏花邨詩全鈔一聯余不敢採入按典籍志載宋胡兆謨秋浦志八卷宋王伯大載秋浦新志十六卷其記邨中故實必詳惜其本不傳宋尤袤藏書有池陽集秋浦紀曹緯又著有秋浦集今只存其名吾池文獻多不可考亦不僅邨中事也

杏花邨志 卷十二 雜記 六

平禪道人題鏡佛寺聯云有人相說是鐵有我相說是佛無人我二相即佛是鐵即鐵是佛執慧空見是佛洗塵空見是鐵渾慧塵一空何鐵非佛何佛非鐵又題山居聯云睡到三光天不昏丟開八字鬼難尋所著有我詩行世集中警句有日歸猿攀碎林閒月去鳥飛閒石上雲人盛傳之桐城潘江輯龍眠風雅為作寓公傳宣城湯霍林太史晚年林居嘗游池陽寓丁文恪西郊園林有題鐵佛寺聯云佛自西域來大冶洪爐是鐵皆堪鑄僧從十方至孤雲埜鶴何天不可飛

宜興陳銘以振鐸貴池佳山水無不畱詠如題文孝祠聯
云成性時自然仁敬孝慈聖賢中一太子結胎裏純是
文章禮樂帝王家真大儒乾明寺聯云偶從空色留金
相羣在慈悲見鐵心虎山淨林聯云靜鎖山門雙寶塔
遙開佛供九蓮華此吉光片羽俱屬可傳因備錄之
湖山窺園圖画卷秣陵王彬真蹟筆法似五峰任氏父子
今藏于七松里董商侯家有九華吳光裕浯溪方元美
諸人題跋

窺園中系石爲山具有丘壑之勝癸亥夏廢之移置邑署

杏花邨志

卷十二 雜記

七

按輿地名勝志謂秋浦樓卽宋秋浦亭似誤秋浦亭在今
清涼境秋浦樓卽今秀山門城樓不可以不辨

文選閣遺址原在西廡後庚申歲秀山僧請于郡守移建
昭明冕服陵側梁時故址無有過而問者

問蕭樓在宋試門以池州之有文選閣因以名之今廢按
詩顛寄吳筏絕句日經年遠出是孱翁卽得宵分共酒

筒聞說問蕭樓作市紗帷何處督諸童卽指此
景蕭樓宋狀元陳舜俞建于池州久廢明李春達築環石

園掘得景蕭樓斷碑按景蕭亦志慕昭明也

按昭明廢記謂神元首爲江西巨商竊去今考饒州府志
載嘉靖間有商于池者請神元首歸祀之因建祠于東
門外名郭西猶不忘其所自也

西廡神道坊兩石柱相傳從水中浮來

貴池四境分保三十有六有數保遇歲旱相率來西廟井
中取水僮水者各持柳枝衛之以防他保阻奪至則登
壇祈禱時雨立降咸拜昭明之賜若郡城取水必至杉
山山絕頂有溪潭謂有龍潛其間旱極率以鱉鱉之屬
投之亦輒應

杏花邨志

卷十二 雜記

八

杜鵑詩集兩種一爲貢士鏞鏞樓著今藏於家一爲湖上

孫黃齋著今散失不傳其遺稿數十首藏潛修菴僧赤
霞處余與王紹李擬釀金梓之

孫侍郎仁有請罷杜湖漁戶進沉香鯽疏今逸

吳園次太守金陵蕭瑟詞有杏花邨一調初疑杜牧問酒

處在白下及癸亥游池州考據郡乘訪尋舊跡因賦詩

正之有曰小杜曾經刺此州佳名應自爲賢侯

鄧舍人贈池陽太守詩有闍臥九華雲氣入行春五馬杏

花多之句可稱雅當

左兵臨池近邨居者皆遠道有留題酒家壁云不問主人
沽一醉無錢掛杖且相賒

楚人何朝宗天崇間官池罷丞與太守顧元鏡登眺開亭
及湖山唱酬每至達旦朝宗有詩曰遊到夜分身帶露
却疑山翠濕行衣蓋實錄也惜杏花邨題咏佚不傳

崇禎十一年戊寅春杜鵑山掘白土如麪居民以之充食
俗呼觀音粉

崇禎己卯春學臺使檄臨池試期迫時王公家桂兼貴池
青陽兩縣篆卽合兩縣儒童試於演武塲坤壇人張蓋

杏花邨志

卷十二 雜記

九

於几貴池吳蒼竹以作兩縣題文共四藝取首

史閣部可法崇禎中以兵備道駐池州時當流寇日熾公
朝夕訓練士卒于西郊演武塲池人士多所拔識後移
鎮維揚殉乙酉之難

崇禎末有老僧居三台菴自稱四明人號青蓮能通慧一
日見小兒啼剃髮老僧曰數年後白頭翁皆如是也初
不解其故及鼎革信如其言其將圓寂也入城遍辭諸
檀信而別後卽捨之瓢菴廢址側

順治二年夏五月 本朝英王駕駐池州新製一坐椅及

班師賞至西廂今存梁太子龕內

順治間杜鵑梅雨忽漲有蛟隨水去湖干居屋崩陷

順治間池太道吳公允謙奉命受浮梁陳九思降於池郭
西演武塲開宴禮待吳問陳曰公十數年來常在何方
陳答曰天地之大無所不可

康熙間乾明寺延高僧數十衆長期三載頂禮千佛懺頗
稱法會之盛

康熙十三年甲寅楚豫告警池州有滿洲蒙古防守營中
有拖沙喇哈番品級章京漢銜稱步西郊題詩縷圖於

杏花邨志

卷十二 雜記

栖霞菴竹林中頗有騷人墨士之意

康熙十八年己未正月二十三日午時虎伏虎山三台菴
數人搏之先數日有虎至弔橋陳氏屋內

沈敦仲爲施下之門人來自九華池人欲築室于杏花邨
講學未果有題淨林聯云邨酒指牛童壇花愛昔曾名
杏天經敲魚子厓竹瞻今却是蓮所著有朝聞論行世
無錫華中涓師以名進士司教池郡嘗有名流過訪一日
因惠泉酒缺輒以邨釀代之同人分韻賦詩鄧孝威有
便是杏花邨酒足故鄉泉釀阻風波之句

杏花邨志書後

池陽杏花邨在郡治西久經兵燹杏多殘相傳唐刺史杜牧之詩所云牧童遙指者是也已未夏先大夫來佐斯郡自喜官閒署靜且山川秀美思得二三知己相與問酒尋魚訪梁唐之故蹟一詠一歌差可云快於分內職掌不相妨也乃竟以他事疲於奔走席常不煖雖池陽諸名勝苟非因公務不獲一至其處而坐嘯題詠於其間惟杏花邨去城里許道每經由想慕其風流遙憶其遺踪行爲歌什若其他多無暇及矣辛酉春鄉先達郎君子四鼎先大夫

杏花邨志

卷末 書後

語及池陽古蹟近則西郊爲最幽曰余家世居杏花邨歷有季所姪孫趙客氏讀書好古著有杏花邨志敢求弁首以傳且爲遺蹟增重焉先大夫曰趙客之人品之文章予知之久但未見其所爲志也其志若何先生曰志凡十有二卷於古來景物名賢藝文無不備載稽考頗詳密無遺先大夫聞之嘆曰趙客年甚富而能閉戶著書如此使異日出而膺民社必能以其風流文采照耀江左也內而司史局必能以蘭臺之筆擅無雙者也其傳有自來學有所本洵不虛矣序何辭旋以王事勤勞不果筆今壬戌秋

趙客顧我於千柳隄畔問先大夫清風閣遺棠有西郊題詠否將採以入集也坐少間徐言曰先師曾許爲序杏花邨志至今思之言猶在耳不可得其筆矣則更請序之以繼先志予泣而對曰嗟乎予不幸於去夏遭先大夫之變今一年來又有先兄之慟驚魂未定形神俱憊生且不能有尚何言文顧以予獲叨世好文字往來歷且有年或志登剞劂惠我全帙使予得上下古今留連往蹟博覽其文章遙接其人物如太史公之歷遊名山大川而文有奇氣者亦將於此志得之序志則願以異日乃趙客復寓書予曰

杏花邨志

卷末 書後

文與可輯龍山志以不得孟嘉孫盛兩文而止今某必不使此志有遺憾也余不得已不敢以先大夫責而追書其語次以應之

宛平汪敷敏提宣氏拜識于文貞祠



杏花村志後序

志以為言志也志即史也自司馬氏紀傳世家年表後班孟堅翔為十志諸如天官河渠禮樂刑罰之類體雖不同甘為史一也蓋取吾古子志在春秋

杏花村志

章序

之義云此外如張茂先之博物則又專以書得名與史義無涉若地輿一統以及各府州縣則以紀疆野疆域人物土產古蹟藝文而總名曰志體各不同後之作史者資以採擇則亦猶

之乎史也村之有志曷昉乎吾宋之前聞矣曰有之自即子趙客始趙客之志杏花村也志村也乎哉夫吾池之前有杏花村也以物之詩傳而物之詩之傳於杏花村也又安知後不以趙客之

杏花村志

章序

志傳按徐州曹縣朱陳村種杏一百二十里花開絢爛無比此何以不傳以無如救之者之詩故以杏花村論在金陵者有二一在鳳凰臺一在芙蓉山鳳凰臺有李白鳳凰臺上

鳳凰遊、句傳風非傳吉也。芙蓉山則六付之秋江冷落而已。寃之此兩村皆不傳而獨池、吉花村因故、以紫淵、即出刺、池風流蘊藉照耀千古清明。一純曲農方老嫗可解至今里。

塾童子每樂誦而稱道之。而池吉花村之名遂較、他所為甚著使不得趙客起而志之則千百載後不幾令吉花寂寞矣。人哉趙客祖居吉花邨自幼負異才讀書多識奇字。

如揚子雲數年前曾以擬撰吉村別業請屬余。和今甲子夏仲漢以村志見示余受而卒讀未嘗不嘆趙客之用力勤而取材博也。訪如山川人物藝文雜記遠稽近取不遺。

餘力昔張平子賦兩都精思博會閱十載乃成。左太冲作三都賦亦殫思十餘年。門庭藩溷間皆著紙筆擬之。郎子遲速或殊甘為用心則一也。今

天子稽古右文屢下詔求宇內
博學宏詞山林隱逸之士且近
有

編音編輯海宇全志池郡大夫
觀察侯者旦夕以趨宮應俾
得出入金馬給筆札核書石渠

杏花邨志

章序

五

天祿抽金匿石室之藏討大小
酉山之秘于以鋪揚

國家大一統無外之治舉凡薄
海內外梯航重譯而至者核桑
系本之墟無不以景之長短
測里之遠近將由一鄉以推之

一國由一國以推之天下皆自
杏花之志始之然則趙客之
志杏花村也志村也乎哉

同里章世德楓菴氏題於
環翠軒



杏花邨志

章序

六

跋

歲壬子

天

子詔京省督撫大臣檄州縣編次志乘以備修昭代一統志甚盛典也時余池州郡牧朴公孟珍遵奉憲檄乃謀之邑宰張公

杏花邨志

跋

紫巖公素聞吾師吳詈齋先生高隱著書畱心掌故致聘牛岡凡數請而後赴郭吾師不肯獨任更舉二三子分理之時余方弱冠亦襄事筆墨後以姓名列之校讐請削除之為嫌也時詈



齋先生賦長歌紀事有曰三十年來讀過書于池故實拾遺餘用備郡乘補缺略犯人之忌何如無如其無備徒仍襲胡容我輩事此乎讀此數語可以知當日情景矣全篇載余同聲集中

杏花邨志

跋

越乙卯余携兒輩讀書杏花邨舍先人之室廬丘隴在焉前賢之遺踪勝蹟存焉客有過余者問酒黃墟垂竿白浦致足樂也閒則稽往帙摩殘碑剪荆擗棘搜泉石之趣爰擬朔立邨志凡

名勝建置以及人物藝文一有
所得卽散錄注一篋越數載不
下千百紙始貽書牛岡深處商
確定例而後起稿稿凡數易而
後成書以前人之曠舉至今日
謏劣如余方補此缺未敢期速
成也竊憶蛟門汪舍人嘗曰往
古忠孝節烈名宦寓賢隱淪才
藝之士間世而出而今家龍比
而戶曾閔老而寡者以節書貴
而不必德者以賢祀鄙詞惡札
繁縛連篇文字至今何獨盛也

杏花邨志

跋

三

當其執筆者不過取舊集而繕
錄之安有所增益數月而集成
署其端曰某年某官鑒定要名
焉已耳以是爲志何以昭信而
垂後耶凡此載筆之難以分理
之較甚於獨任也余輯邨志人
不余爭去取惟嚴可以略抒已
意至若名勝詩篇騷人韻士不
過爲山川點綴又不必別作者
之有貞邪也論定人品自有國
史在或曰子於杏花邨志一編
筆則筆削則削則吾豈敢

杏花邨志

跋

四

西樵子郎遂題于芝草堂
之東軒



杏花邨志

跋

五